

सत्कार्योत्तेजक सभा—धुळे

श्री

ज्ञानेश्वरी

(अध्याय १—१८)

हैं सारस्वताचें गोड । तुहीं चि लाविलें जी झाड ॥
तरि अवधानामृतें वाड । सिंपौनि कीजो ॥ १९ ॥
मग हैं रसभावफूलीं फुलैल । नाना फलभारें भरैल ॥
तुमचेनि प्रसादें होइल । उपयोग जगा ॥ २० ॥

ज्ञानेश्वरी, अध्याय ११.

संपादक:—विश्वनाथ काशीनाथ राजवाडे

धुळे:—आत्माराम छापखान्यांत छापिला.

(सर्व हक राखून ठेविले आहेत.)

ज्येष्ठ शुद्ध १३ शके १८३१

लोकमान्य केसरीकारांचा

अभिप्राय



हा अपूर्व व अमूल्य ग्रंथ धुळें येथील 'सत्कार्योत्तेजक सभे' ने प्रसिद्ध केला आहे. या ग्रंथास 'अपूर्व व अमूल्य' ह्मणण्याची कारणे अनेक आहेत. सांप्रत ज्ञानेश्वरीच्या ज्या ज्या आवृत्त्या छापून निघाल्या आहेत, त्या त्या सर्व एकनाथांनीं शके १५०६ मध्ये शोधिलेल्या ज्ञानेश्वरीच्याच प्रती आहेत. प्रस्तुतची ज्ञानेश्वरी एकनाथी ज्ञानेश्वरीच्या पूर्वीची आहे. ज्ञानदेवाचा समकालीन मुकुंदराज कवी याची स्वतःची जी ज्ञानेश्वरीची प्रत होती, ती त्यानें आपला शिष्य 'विद्याधर' यांस दिली; त्याजपासून ती 'विश्वनाथ कोनेर धोळरदेवनुरकर' यास मिळाली; व या पुरुषापासून परंपरेनें ती जात जात बालेघाटीचीड शहरांत पाटांगण नांवाचे देवस्थानांत आली ! या संस्थानचे सांप्रतचे मठाधिपती मथुरानाथ गोसावी यांनीं ही प्रत प्रसिद्ध संशोधक रा. विश्वनाथ काशीनाथ राजवाडे यांस पांच वर्षांपूर्वी दिली; व सांप्रतचा ग्रंथही त्यांनींच संपादित केलेला आहे. प्रस्तुतची ज्ञानेश्वरी ह्मणजे खुद्द ज्ञानेश्वरांनीं नेवाशास भाषेच्या ज्या स्वरूपांत ती सांगितली, त्याच स्वरूपांत तंतोतंत छापलेला हा महाराष्ट्र वाङ्मयांतील बहुमोल ग्रंथ होय. आधींच एकनाथी ज्ञानेश्वरीनें ज्या महाराष्ट्रीय समाजास आज अनेक शतके आपल्या गुणांनीं मोहित करून सोडलें आहे, त्यांस खुद्द ज्ञानेश्वरांच्या तोंडची ज्ञानेश्वरी मिळणें ह्मणजे अपूर्व लाभ होय यांत शंका नाही. भगवद्गीतेवरील उत्कृष्ट मराठी टीका, वारकरी पंथाची जननी, मनोहर उपमादृष्टांतांनीं गजबजलेलें उत्तम काव्य, आणि

(२)

सहाशे वर्षांपूर्वीच्या नागर मराठीचा नमुना व मराठीत कागदावर लिहिलेला सर्वात जुना उपलब्ध लेख, या सर्व दृष्टींनी ज्ञानेश्वरांच्याच अस्सल भाषेत छापलेला हा ग्रंथ महाराष्ट्रीयानांच्या आदरास कौतुकास व आश्रयास पात्र होईल यांत संदेह नाही. ज्ञानेश्वरीच्या या प्रतीच्या एका पानाचे चित्रही या ग्रंथास जोडले असून अखेर कठीण शब्दांचा कौश दिला आहे. अशा प्रकारच्या अपूर्व ग्रंथाचा लाभ महाराष्ट्रीयानां करून दिल्याबद्दल रा. राजवाडे व सत्कार्योत्तेजक सभा यांचे आभार मानावे तितके थोडेच आहेत.

(केसरी ता. २५/८/०८)



शुद्धिपत्र.

प्रस्तावना.

पृष्ठ	पंक्ति	अशुद्ध	शुद्ध
९	२२	Linguis be	Linguistic
१०	५	प्राकृतोद्भव	प्राकृतिकोद्भव
१०	७	प्राकृतोद्भव	प्राकृतिकोद्भव
१०	११	प्राकृतोद्भव	प्राकृतिकोद्भव
१०	१८	प्राकृतोद्भव	प्राकृतिकोद्भव
१०	२२	प्राकृतोद्भव	प्राकृतिकोद्भव
१०	२४	संस्कृत	संस्कृत
१०	२५	भाषांकडे	भाषांकडे
१५	१३	Md.	Ind.
१९	७	संस्कृतापेक्षां	संस्कृतापेक्षां
१९	१५	संस्कृत	संस्कृत
२१	७	पाळी	पाळी.
२१	१२	जन्म भाषा	जन्मभाषा.
२१	१२	भाषाबौद्धांचे	भाषा. बौद्धांचे
२१	२२	इतकेंच	इतकेंच.
२२	१८।१९	मराठीवगैरे	अपभ्रंश, मराठी वगैरे
		प्राकृतिक भाषा	प्राकृतिक व प्राकृतिको- द्भव भाषा
२२	२८	संस्कृत	संस्कृत
२३	२	संस्कृत	संस्कृत
२४	९	वेद भाषेशीं	वेदभाषेशीं

२५	९	कृतिम	कृत्रिम
२९	२३	असंस्कृत	असंस्कृत
३०	५	पोटभेद	पोटभेद.
३१	कंस ३	मराठीचें	महाराष्ट्रीचें
३८	कंस	वार्णिककार	वार्तिककार
३८	१६	राजधानी	राजधानी.
३८	२८	शेष	शेषं
३९	१३	८००	८०
३९	१६	वय्याकरण	वैयाकरण
३९	२७	वारसुचे काव्यं	वारसुचं काव्यं
४०	३	अपराना	अपरान्त
४१	७	;	; व
४१	१४	अंत.	अंतः
४२	१९	एकच	एकाच
४३	कंस	जिवंत व महाराष्ट्री	जिवंत महाराष्ट्री व
		मेलेली संस्कृत	मेलेली संस्कृत भाषा
		भाषा	
४५	३	मग्निमित्र	आग्निमित्र
४८	२४	सक्तिअ	सक्तिअ
५०	२१	पोइत्रपैनि	पोइत्रपैति
५४	२२	संस्कृत	संस्कृत
५५	२५	Pischel's	Pischel's
५७	१०	५००	१५००
५७	११	५००	१५००
१०६	६	ज्ञानेश्वरीतासु	ज्ञानेश्वरी तासु

ज्ञानेश्वरी.

पृष्ठ	ओवी	अशुद्ध	शुद्ध
१	५	तिये	तियें
२	१५	दश-नु	दशनु

२	१७	ईम	ईम—
३	३१	सज्जानाचें	सज्जनाचें
३	३३	काव्या	काव्यां
४	४०	आपुल्यापरी	आपुलिया परी
४	४०	सुखाडले	सुखाडले
४	४४	घनीभूत	घनीभूत
४	४६	घरूनि	घरूनि
५	५१	शब्द ब्रह्माब्धी	शब्दब्रह्माब्धी
५	५८	आर्धी	आर्दी
६	६६	तों	तो
१५	१६०	हणोनि	हणौनि
२०	४	ता	तो
२०	७	आववे	आववे
२२	२७	ऐस	ऐसें
२७	६७	गहिवर	गहिवर
२७	६७	खाला	खालां
२७	७१	धनुषबाण	धनुषबाण
२७	७२	वैकुंठनाथ	वैकुंठनाथ
२७	७२	पार्थ	पार्थु
२७	७२	परमार्थ	परमार्थु
२९	९	आवो	आहो
२९	१६	आधिकां	आधिकां
३०	२८	ह	हैं
३०	२९	परी	परीं
३१	३६	येथ	जें येथ
३१	३६	जे याचा	जेयाचां
३२	४१	ही	हैं
३२	४८	नवनव	नव
३३	५६	तिमिरावरुद्ध	तिमिराविरुद्ध
३७	९६	एक	एकु

३७	९६	होति	होंति
३७	१००	जात	जांत
३७	१०२	विवेकिये	विवेकिये
३७	१०२	होति	होंति
३७	१०४	इये	इयें
३७	१०४	वेगली	वेगलीं
३८	१०६	कवण	कवणें
३८	१११	नेणावया	नेणावेया
३८	१११	अमैं	भूमे
३९	१२२	अव्हेरी	अव्हेरीं
४३	१६०	होति	होंति
४४	१६४	अमूतें	अमूतें
४४	१६५	नव्हति	नव्हति
४४	१७१	आचरिति	आचरति
४५	१८०	अझुइं	आझुइं
४५	१८१	भलतें	भलतें
४५	१८२	त्याजु	त्याज्यु
४५	१८६	कव्हणा	कव्हणीं
४७	२०१	होसील	होंसील
४७	२०२	जाणते न	जाणतेन
४७	२०२	सांघपां	सांघ पां
४८	२१९	ते व्हलि	तेव्हलि
६२	३६२	पावलें	पावलें
६९	५६	प्राणपानगती	प्राणापानगती
७१	७८	आचार	आचर
७२	९५	देति	दैति
७५	१२५	आजे	आजें
७६	१३९	स्वधर्मरूपु	स्वधर्मरूपु.
७६	१४२	गला	गलां

७९	१७०	जेवी	जेवी
८१	१८९	श्रद्धासं	श्रद्धासिं
८३	२०९	प्राणातें	प्राणातें
८५	२३२	तेयाते	तेयातें
८६	२४९	चिन्हारीं	जिन्हारीं
९२	३३	एकावें	एकावें
९९	१०७	आशां साकु खंडी	आशांसीं कुरवंडी
१०४	१६२	आपणां पें	आपणापें
१०५	१६८	आपणपेंन	आपणपेन
१०८	२१२	अनुभवांवी	अनुभवावी
१११	१०	खेलावया	खेलावेया
११६	१७४	परियसैं	परियसैं
१२७	२	चिये	चि ये
१२९	२६	आधवी	आधवी
१३२	६४	च	चि
१३४	८२	किडालाचां	किडालाचा
१४०	१५५	ते हीं	तेहीं
१४८	२६१	धैयाची	धैयांची
१४८	२६५	परवाली	पखाली
१५१	३०१	नांव	नावं
१५२	३०५	परत्मलिंगा	परमात्मलिंगा
१५२	३१३	ग्राखा	प्राणा
१५२	३१७	चै	जै
१६१	४०५	होथि	होंथि
१६३	४२७	दीइया	दी इया
१६४	४३२	तव	तवं
१६४	४३२	एसा	ऐसा
१६४	४३९	तसा	तैसा
१६६	४५१	नैयतां	नैयंतां
१६६	४६१	चंदनाचें	चंदनाचें

१७२	२४	नाण्यांसि	नाण्यांसि
१७४	४८	माक्ष	मोक्ष
१७६	६८	चडतकालकलांचेनि	चडत कालकलांचेनि
१८०	११२	तों	तो
१८०	११५	पलीकडिली	पैलीकडिली
१८४	१५१	उंचावते न	उंचावतेन
१८५	१६७	ससाणे	सणाणे
१८६	१७०	२७०	१७०
१९१	९	होयजे	होइजे
१९२	१८	जेतया	जे तेया
१९२	२०	ब्रह्मांडाचे	ब्रह्मांडाचे
१९२	२२	०जातेयां	०जातेयां
१९३	३६	ग्रामी	ग्रामी
१९५	५८	सांधिलें	सांधितलें
१९५	५८	तया	तेया
१९५	६५	उवातेन	उवातेन
१९६	७६	आतु	आंतु
२००	११९	अनुधाडु	अनुधाडु
२०२	१३८	तापत्रयाग्नि चि	तापत्रयाग्निचि
२०४	१५४	तै	तै
२०४	१५७	डोला	डोलां
२०५	१७५	नाशवंत	नाशवंतें
२०६	१७७	ऐसे	ऐसैं
२०६	१७७	जे	जें
२०६	१८०	जे	जें
२०६	१८१	वाहाति	वाहांति
२०६	१८६	तया	तिया
२०८	२०६	पातलेयां	पातलेयां
२०९	२१८	अग्निर्ज्योतिचा	अग्निर्ज्योतिचा

२१०	२२३	अर्चिरमार्गु	अर्चिरमार्गु
२११	२३७	जे	जे
२१२	२५१	हां गा	हांगा
२१३	२५७	भागातें	भोगातें
२१५	३	जे	जे
२१७	२७	अमप्रा७	अभिप्रा७
२२३	७५	वेढि तेयाचिया	वेढितेयाचिया
२२३	८०	भवंती	भवंती
२२४	९०	सोरसें	सौरसें
२३१	१५८	सेजे	सेजे
२३३	१८२	जे	जे
२३३	१८२	अगस्तिगौवण	अंगस्तिगौवण
२३४	१८६	आइकें	आइकें
२३६	२१४	विकारांची	विकारांचीं
२३६	२१४	बोहिली	बोहिलीं
२४१	२८०	उमेयां	उगेयां
२४८	३५७	जि	चि
२६९	५३	लांघिजैल	सांघिजैल
२७०	६५	नेदखे	नेदखे
२७१	७८	सर्पी	सर्पी
२७४	१०७	चंद्रमेयांसि	चंद्रमेयांसि
२७४	१०७	पाडें	पाडें
२७४	११२	कथितेन	कथितेन
२७४	११२	कथू	कथू
२७५	११५	ठांइंचि	ठांइंचि
२७५	११८	आपलेया	आपुलेया
२७५	११९	पोरवीतु	पोखीतु
२७५	१२०	पोरवकें	पोखकें
२६६	१२४	बोलिं या	बोलिया
२७८	१५०	आघवेनि	आघवेनि

२७८	१५४	जैव्हलि	जेव्हलि
२७९	१६२	हां गा	हांगा
२८०	१६८	(तिसरा चरण)	हैं असो मज प्रति ।
२८१	१८१	हारपोनि	हारपौनि
२८२	१९३	सांघितसों	सांघतसों
२८६	२२७	प्रह्लादु	प्रह्लादु
२८६	२३२	त्रैती	त्रैती
२८६	२३३	क्षणतयां	क्षणतेयां
२८७	२४४	पटी	पटीं
२८८	२४५	एसेया	ऐसेया
२८८	२४९	तैसैं पां	तैसेयां
२८८	२५०	समासा	समासां
२८८	२५२	एसा	ऐसा
२८८	२५२	ती	तो
२८९	२५७	एसैं	ऐसैं
२८९	२५९	आया	आगा
२९१	२८४	तैसैं	तैसैं
२९३	३०१	तव	तवं
२९३	३०४	देवं	दैव
२९४	३०७	देवांगला	दैवांगला
२९७	२४	मान्हवे	मा न्हवे
२९९	४२	धातलें	धातलें
३०१	७३	माहात्म	माहात्म्य
३०२	८५	गाति	गांति
३०३	११७	आहेसैं	आहे सैं-
३११	१७१	भोगावया	भोगावेया
३१४	२०७	विश्वरूपाची	विश्वरूपाची
३१४	२०८	मी	मीं
३१४	२१२	जेयाचेयानि	जेयांचेया

३१६	२३५	देशकु	देशकु
३१९	२६१	चित्ररचना	चित्ररचना
३२०	२७४	वयासा	वयासा
३२२	२९८	० चक्षुसि	० चक्षुसि
३२३	३०८	उमडु	उमड
३२५	३३०	पाहांता	पाहांतां
३२५	३३३	उदैले	उदैलें
३२५	३३५	एषें	ऐसें
३२९	३७१	प्रसय०	प्रलय०
३३१	३८७	कोरव०	कौरव०
३३१	३९०	पदतींचे	पदातींचे
३३२	४०२	फेडावया	फेडाबेया
३३३	४०६	जैवि	जेवि
३३५	४३४	नेण	नेणें
३३६	४३६	अंतक	अंतकु
३३८	४६२	उलयौगि	उलयौनि
३३८	४६३	हाइ	होइं
३४४	५२३	ननम	नमन
३४४	५२४	पाठिमोरयासि	पाठिमोरियासि
३४७	५५२	कैसें व	कैसेनि
३४९	५७६	घरड हुलि	घरडहुलि
३५०	५८२	८५	८२
३५०	५८५	ओलाडावें	आलोडावें
३५१	५९६	होताति	होंताति
३५३	६०८	सौरसु	सौरसु
३६१	६९६	आलो चुकरुनि	आलोचु करुनि

३६३	१२	होंदे	हों दे
३६३	१६	होंदेइं	हों देइं
३६७	६२	जूझावें	जूझावें
३६८	७५	तयांची	तेयांची
३६९	८७	जन्ममृत्युचां	जन्ममृत्युचां
३७६	१७१	पूर्ण तेजाला	पूर्णते जाला
३७७	१८३	निरंधनि	निरंधनि
३८२	२३९	शरणगतां	शरणागतां



प्रस्तावना.

१ विवक्षित लोक विवक्षित भाषा विवक्षित स्थली व विवक्षित काली कोणत्या पद्धतीने बोलतात व (लिहिणे माहित असल्यास) व्याकरणाची लिहितात, हे ज्या नियमसरणीने हणजे शास्त्राने स्पष्ट केलेले व्याख्या. असते त्यास त्या भाषेचे तत्स्थलीन, तत्कालीन व तत्लोकीय

व्याकरण हणतात. ह्या वाक्यांत व्याकरण ह्या शब्दाला स्थल, काल व लोक या उपाधींनी मुदाम विशिष्ट केले आहे. कां की, ह्या तीन उपाधींचा स्पर्श जिला नाही अशी भाषा मागे झाली नाही व पुढे होणार नाही.

प्रस्तुतकालची हणजे शक १८२९ तली मराठी भाषा घेतली, प्रांतकृत तर असे आढळून येईल की, प्रांतपरत्वे ही भाषा किंचित् भाषाभेद. किंचित् बदलत जात जात सरहद्दीवर इतर भाषांशी मिसळून जात आहे. हणजे निव्वळ प्रांतपरत्वे मराठी भाषेचे पाचपंचवीस पोटभेद होत आहेत. तसेंच, प्रांतपरत्वाप्रमाणेच जातिपरत्वाने हि भाषा बदलत असते, ह्याचा हि अनुभव सर्वत्र आहे. ब्राह्मणाची मराठी भाषा कुणव्याच्या

मराठी भाषेहून किंचित् भिन्न असते, हे स्पष्ट आहे. त्याप्र- जातिकृत जातिप्रमाणेच, पारशाची गुजराथी अमदावादी वाण्याच्या गुजराथी भाषाभेद. हून निराळी आहे, हे एखादा सामान्य मनुष्य हि ओळखू शकेल. कोकणांतील कोळ्याची मराठी कोकणांतील भंडाऱ्याच्या किंवा पाताण्या प्रभूच्या मराठीहून भिन्न असते इतकेंच नव्हे, तर बंदरी कोळ्याची मराठी भाषा डोंगरी कोळ्याच्या मराठी भाषेहून भिन्न असते. मराठीत हा भाषाभेद स्थल व जाति या दोन उपाधींनीच तेवढा अवलंब झाला आहे, असे समजू नये. स्त्रीपुरुषभेद हि मराठीत भाषाभेदाला कारण होतो.

हा भेद स्थल किंवा जाती ह्यांनी केलेल्या भेदांइतका उत्कट लिंगकृत नसतो. तथापि, असा भेद इंग्रजी, कानडी वगैरे भाषांत भाषाभेद. नाही व मराठीत आहे, ही धाव केवळ क्षुल्लकच समजता येत नाही, स्थल, जाति, लिंग ह्यांच्याप्रमाणेच कालाने हि भाषेत फेरफार

होतो. उदाहरणार्थ, १८२९ तील वर्तमान मराठी, १५२९ तील एकनाथी मराठी, १२१२ तील ज्ञानेश्वरी मराठी व ६५८ तील धनगरी मराठी, पर-
 कालकृत स्फुराहून भिन्नावस्थ आहेत, हें जुनीं वाडें वाचणारा मनुष्य
 सहज सांगू शकतो. यांत पुन्हां हें ध्यानांत ठेविले पाहिजे
 भाषाभेद. कीं, शक १२१२ त ज्ञानेश्वराच्या वेळीं, देवगिरी, नागपूर,
 मावळ, कोंकण व कारवार या ठिकाणी बोलली जाणारी मराठी भिन्न
 होती. शक १२१२ त चोखामेळ्याचें मराठी शानोबाच्या मराठीहून भिन्न
 होतें, हें हि विसरतां कामा नये. तात्पर्य, स्थल, काल व जाति ह्यांनीं
 मराठी भाषा अनेक व भिन्नावस्थ झालेली आहे. लिंगभेद विशेष उत्कट
 नसल्यामुळे जमेल न धरणें सोयस्कर पडतें इतकेंच. नाहीं तर, तो हि जमेल
 धरणें जरूर होतें, कारण, मराठी भाषा बोलणाऱ्या कित्येक जातींत स्त्रिय
 पुल्लिंगी प्रयोग करतात; आणि ह्या जाती प्रायः कानडी मुलखाच्या जवळील
 भिरज, कोल्हापूर सोलापूर वगैरे प्रांतांत आढळतात. पुल्लिंगी प्रयोग कर-
 णान्या महाराष्ट्रातील ह्या जाती पूर्वी भाषावंशानें मराठ्या नसाऱ्या, असा
 सिद्धान्त विनहरकत बांधावा.

२ कोणत्या हि भाषेचे प्रांतपरत्वे जे भेद होतात त्यांना प्रांतिक पोटा-
 भेद अथवा पोटाभाषा हाणतात. ह्या प्रांतिक पोटाभाषा त्या त्या
 प्रांतिक प्रांतांतील ब्राह्मणादि सर्व जाती बोलतात. शुद्धाशुद्ध किंवा
 भाषा भ्रष्टाभ्रष्ट हीं विशेषणें ह्या प्रांतिक पोटाभाषांना लावतां येत
 नाहींत. कारण, नमुनेवजा जी मुख्य भाषा तिच्या इतकीच थोर परंपरा ह्या
 प्रांतिक भाषांची बहुतेक असते. इतकेंच कीं, ह्या प्रांतिक भाषांना नमुनेवजा
 मुख्य भाषेचें सर्वग्राह्यमान्यत्व नसतें. उदाहरणार्थ, ज्ञानेश्वरानें खानदेशी मराठींत
 काहीं अभंग रचलेले आहेत. ते तत्कालीन देवगिरी येथील मराठी भाषेहून
 भिन्न असून विनोदार्थ रचलेले आहेत. कोणत्या हि पोटाभाषेचा विनोदार्थ
 जेथें उपयोग झाला, तेथें त्या पोटाभाषेचें गौणत्व प्रस्थापित झालें, हें उचड
 आहे. परंतु, ह्या गौणत्वावरून खानदेशी मराठी भाषेला अपभ्रष्ट किंवा
 अशुद्ध झणून चालावयाचें नाहीं. अपभ्रंश हा प्रकार निराळाच आहे; व
 तो नमुनेवजा मुख्य भाषेतल्या प्रमाणें प्रांतिक पोटाभाषां हि सांपडतो. प्रायः
 जातिपरत्वे भाषेचे जे पोटाभेद होतात त्यांना मुख्यभाषेचे अपभ्रंश हाणतात.

कोणत्या हि समाजांत भाषेचा अपभ्रंश बालांच्या ठायीं सहज संभवतो. तद-

नंतर, अशिक्षित स्त्रिया, शुद्र वर्गारे लोक अपभ्रष्ट उच्चार व
अपभ्रंश.

प्रयोग करतांना फार आढळतात. सर्वांत अत्यंत अपभ्रंश हिंदूसमाजांत येऊन राहिलेले दैत्य, असुर, शक, पल्हव, यवन, मुसलमान, यहूदी, वगैरे जातिब्राह्मण लोक ह्यांच्या हातून पराकाष्ठेचा होतो. उच्चार, प्रत्यय, प्रयोग, लिंग, वचन, ह्या सर्वांचा हे म्लेच्छ लोक दुरुपयोग करतात. पारशी, यहूदी, अरब, इंग्रज, फ्रेंच, मोगल, जपानी, वगैरे म्लेच्छ लोक संस्कृत, गुजराती मराठी वगैरे भाषांचा उच्चार व प्रयोग किती अशुद्ध व अपभ्रष्ट करतात, ते पाहिले ह्मणजे अपभ्रंशोत्पत्तीचें खरें कारण ध्यानांत येऊं लागतें. ह्या लोकांच्या उच्चार करण्याच्या नाड्या च तिरके उच्चार करण्याला लायक अशा जन्मसिद्ध असतात. 'अ' चा 'अॅ', 'ए' चा 'अॅ', 'त' चा 'ट' वगैरे उच्चार म्लेच्छ लोकांच्या बोलण्यांत फार येतात. असले तोंड वाकडें वापून झालेले उच्चार शुद्रादि वर्गांच्या अपभ्रंशांत आढळत नाहींत. जोडाक्षरांची द्वित व्यंजन व कठोर व्यंजनांची मृदु व्यंजने करण्याकडे बाल-शूद्रादींची प्रवृत्ति विशेष असते. बालशूद्रादिकृत अपभ्रंश लोकमान्य नसल्यामुळे भिन्नभाषात्वाला कारण समजला जाणें सर्वथा अयुक्त होय. हाच नियम म्लेच्छादिकृत अपभ्रंशाला लागू करणें सशक्य आहे. अपभ्रंशोत्पत्ति कशी होते, हें नीट ध्यानांत न आल्यामुळे, Linguistic survey of India, Vol VII मध्ये, मराठी भाषेसंबंधानें लिहितांना, ग्रीयरसनने अपभ्रंशाची प्रांतिक पोटभाषांशीं भेसळ केलेली आहे. गोव्याच्या किरिस्तावांची मराठी भाषा किंवा ठाण्याच्या किरिस्तांव कोळ्यांची मराठी भाषा निव्वळ कोकणांतील प्रांतिक मराठी पोटभाषेचे अपभ्रंश होत. ह्या

किरिस्तानी

अपभ्रंश.

अपभ्रष्ट भाषेंत पोर्तुगीज मिशनऱ्यांनीं वायबलपुराण लिहिलें आहे. तेवढ्यानें अपभ्रष्टत्व जाऊन, स्वतंत्र प्रांतिकभाषेच्या प्रौढ पदवीस ती येते, असें वाटत नाहीं. कोकणांतील किरिस्तावांच्या अपभ्रंशांत दहा पांच चोपडीं फार तर छापलेलीं आढळतील. परंतु, महाराष्ट्रांत मानभाव हा गून जे लोक आहेत, त्यांनीं अतिशूद्रांच्या मराठी अपभ्रंशांत पाचचारशे ग्रंथ लिहिलेले आहेत. त्यांचा ग्रीयरसनला पत्ता सुद्धा नाहीं. केवळ ग्रंथवत्तामुळे मानभावी अपभ्रंश ज्याप्र-

भाषे पोटभाषेच्या योग्यतेला येत नाही, त्याप्रमाणेच गोमांतक किंवा साष्टी येथील किरिस्तावांचा क्षुद्र अपभ्रंशहि पोटभाषेच्या पदवीला पोहोचत नाही. यद्यपि अपभ्रंश स्वतंत्र भाषाभेद उत्पन्न करित नाही, तत्रापि पोटभाषेत निरनिराळें प्रकार उत्पन्न करतो, हें उघड आहे. पोटभाषेतील ह्या उपभेदांत कोणत्याहि कारणानें जर ग्रंथसंपत्ति निर्माण झाली, तर तो उपभेद

**मानभावी
अपभ्रंश.**

स्वतंत्र पोटभाषेच्या मानाला पात्र होण्याची चिन्हें दाखवितो. गोव्यांतील किरिस्तावी भाषेचा व देशावरील मानभावी भाषेचा असाच मासला उडालेला आहे. इतर जबरदस्त कारणांच्यापुढें त्यांच्या ह्या महत्वाकांक्षेची डाळ शिजली नाही, ही बाब अलग्गहिदा. पोर्तुगीज भाषेच्या जुलमापुढें किरिस्तावी मराठी अपभ्रंश फिका पडला; आणि नागर मराठीखाली मानभावी अपभ्रंश चिरडून गेला. कालांतरानें हे दोन्ही अपभ्रंश नष्ट होऊन नागर मराठी त्या त्या प्रांतांत व जातींत प्रचलित होईल, हें सांगावयाला नकोच.

३ जातिपरत्वानें भाषेत अपभ्रंश उत्पन्न होतो आणि प्रांतपरत्वानें प्रांतिक भाषाभेद झालेले असतात. परंतु कालाचा भाषेवर जो संस्कार किंवा विकार होतो त्यानें अपभ्रंश किंवा भाषाभेद यांतून एकहि कार्य होत नाही. कालपरत्वे भाषेला वृद्धत्व, तारुण्य, बाल्य अशा भिन्न अवस्था येतात; परंतु तिचें स्वत्व कांहीं नाहींसें होत नाही. भाषा तीच; अवस्थान्तरें, मात्र,

निरनिराळीं. शक ९०५ तील चामुंडरायाची मराठी भाषा, शक १०५१ तील सोमेश्वराची मराठी भाषा, शक ११२८ तील चंगदेवाची मराठी भाषा, शक १२१२ तील ज्ञानदेवाची मराठी भाषा, शक १५०० तील एकनाथाची मराठी भाषा किंवा शक १८०० तील विष्णुशास्त्राची भाषा पाहिली असतां भाषा मराठीच आहे हें अशिक्षित मनुष्यहि ओळखूं शकतो; इतकेंच कां, कांहीं रूपें वरींच जुनीं आहेत, असें त्याच्या दृष्ट्युत्पत्तीस येतें. व्याक्ति तीच; वस्त्रें तेवढीं निराळीं. पुरुष एकच, बाल्यतारुण्यवार्द्धक्यादि अवस्थान्तरें, मात्र, अनेक. मुख्य नागर भाषेप्रमाणेच, हीं अवस्थान्तरें प्रांतिकभाषांच्या ठायीं दृश्यमान होतात; परंतु, अपभ्रंशाच्या ठायीं होत नाहींत. कारण, अपभ्रंश हा अवस्थान्तरांच्या वरचा तात्पुरता मल उर्फ विकार होय. तो भाषेच्या

कोणत्या हि अवस्थेत जातिधर्माप्रमाणें विशिष्टनिर्णयमानुसार भासमान होतो. मुख्य किंवा प्रांतिक भाषेच्या विशिष्ट अवस्थेचा कनिष्ठ जातीत अपभ्रंश होतो. त्या अपभ्रंशाची प्रगती शतकेच्या शतके प्रायः चालत नाही. चाललीच, तर, कालान्तरानें मूलभाषेहून अत्यंत विलक्षण असें रूप धारण करते. इंग्रजी, लातीन, जर्मन, रशियन, पोलिश वगैरे भाषा मूल आर्यभाषेचे परंपरित अपभ्रंश होत. ह्या अपभ्रंशाशीं सध्यां आपल्याला कतव्य नाही. कालानें भाषेची अवस्थान्तरें होतात; हा मुख्य मुद्दा आहे. हीं अवस्थान्तरें व त्यांचें ज्ञान वर्तमान नागर मराठी भाषेच्या व्युत्पत्तीला वैशद्य आणण्यास अत्यंत उपयुक्त आहेत.

४ प्रांतिक पोटभाषा, अपभ्रंश, अवस्थान्तरें, वगैरे शब्द ज्या मुख्य मराठी भाषेच्या अपेक्षेनें याजिले तिला नागर अथवा शिष्ट मराठी अशी संज्ञा आहे. अपभ्रष्ट किंवा प्रांतिक जी नव्हे ती नागर किंवा शिष्ट मराठी समजावी. नागर अथवा शिष्ट मराठी वर्तमानकालीं पुणें प्रांतांतील ब्राह्मण व उच्च मराठे बोलतात. तीनशें वर्षांपूर्वी नागर मराठी पैठणचे ब्राह्मण बोलत व लिहीत. आणि सातशें वर्षांपूर्वी नागर मराठी देवगिरीच्या भोवतालील प्रांतांत ब्राह्मणादि उच्च वर्ण वापरीत, ह्मणजे प्रायः सर्वमान्य ग्रंथकर्ते व पुढारी राज्यकर्ते जी भाषा वापरतात ती भाषा नागर ह्मणजे शिष्ट मराठी भाषा होय. मग, स्वतः ग्रंथकर्ता प्रसंगवशें पुणे प्रांतांत राहो किंवा नागपूर प्रांतांत राहो. येथें एक मोठा चमत्कार लक्षांत घेण्यासारखा आहे. ग्रंथकर्ता गोव्यांतला असो, कोल्हापूरचा असो, पुण्यांतला असो, पैठणचा असो किंवा नागपूरचा असो, त्याची लिहिण्याची भाषा एकसारखी असते. गोव्यांतला ग्रंथकर्ता घरीं गेंगाणें बोलेल परंतु ग्रंथांत एकनाथी, रामदासी किंवा चिपळोणकरांच मराठी लिहील. हीच ग्रंथाची भाषा, नियमानें दरबारची भाषा असते. इंदूरस धनगराचें राज्य आहे व तंजावरास तामिल भाषा आहे; तथापि दरबारी लिहिण्याची व बोलण्याची भाषा ग्रंथकारांची मराठीच असते. ह्मणजे अंतःसमतीनें ज्ञानेश्वर चिपळोणकरादि प्रासादिक ग्रंथकारांची मराठी भाषा महाराष्ट्रानें नागर ठरविलेली आहे. ह्या नागर अथवा प्रांतिक मराठी भाषेचें ऐतिहासिक व्याकरण देण्याचें प्रस्तुत स्थळीं योजिलें आहे. कोंकणी,

प्रांतिक
भाषांत वा
ज्ञायाभाव

कोल्हापुरी, गंगेरी, खानदेशी, वन्हाडी वगैरे प्रांतिक पोटभाषांचेंहि ऐतिहासिक व्याकरण देतां येतें तर उत्तम होतें. परंतु, त्या भाषांत ग्रंथरचना हाणण्यासारखी अथवा बहुतेक बिलकुल न झाल्यामुळे व गोमांतकी अपभ्रंशांत जी थोडीशी झाली आहे ती अलीकडील दोन अडीचशे वर्षांतील असल्यामुळे, त्या पोटभाषांचा पूर्व-तिहास अज्ञात राहिला आहे. अर्थात् त्यांचें ऐतिहासिक व्याकरण रचण्याची साधनें अस्तित्वांत नाहींत. असतीं तर, नागर मराठीच्या ऐतिहासिक व्याकरणरचनेला कांहींसै साहाय्य होण्याचा संभव होता. मानभावी अपभ्रंशांत जुना ग्रंथसंग्रह निदान पांचशें वर्षांचा तरी आहे. परंतु, त्या लोकांच्या हेकटपणामुळे त्यांचे अत्यंत जुने मराठी गद्यपद्य ग्रंथ अद्याप अप्रसिद्ध राहिले आहेत. तेव्हां त्यांचाहि नागर मराठीच्या ऐतिहासिक व्याकरणाला फारसा उपयोग होण्याचा संभव नाहीं. मानभाषांचे दहा वीस गद्यपद्य ग्रंथ यद्यपि छापलेले आहेत, तत्रापि ते सर्व अलीकडील तीनशें वर्षांतील आहेत—अर्थात्, मानभावी अपभ्रंशाचें पूर्वचरित्र कांहीं काल अज्ञात राहणार, असा रंग दिसतो.

५ नागर ऊर्फ प्रांतिक ऊर्फ संस्कृत मराठी प्रांतिक ऊर्फ लौकिक

शिष्ट व
अशिष्ट
मराठी

ऊर्फ प्राकृत मराठीहून भिन्न असते. तर्खडकर, गोडबोले व जोशी यांनी जी व्याकरणें रचिली आहेत ती नागर ऊर्फ संस्कृत ऊर्फ शिष्ट मराठीचीं आहेत; प्रांतिक, लौकिक, प्राकृत, किंवा अपभ्रष्ट मराठीचीं नाहींत. तसेंच हीं तिन्हीं व्याकरणें वर्तमान शिष्ट मराठीचीं आहेत; दोनशे, तीनशे, पांचशे, सातशे किंवा हजार वर्षांपलीकडील शिष्ट मराठीचीं नाहींत. विद्यमानकालीं शिष्ट मराठीचें रूप काय आहे, तें तर्खडकरादि वैयाकरणांच्या ग्रंथांवरून कळतें; शिष्ट मराठीच्या विद्यमान रूपाची आदिपासून आतांपर्यंतची परंपरा कळत नाहीं. ती कळण्याचा राजमार्ग झटला ह्मणजे शिष्ट मराठीचें ऐतिहासिक व्याकरण होय.

६ नागर अथवा प्रांतिक अथवा संस्कृत अथवा शिष्ट मराठी मुद्दाम

शिष्ट मरा-
ठी कृत्रिम
नाहीं, स-
हज आहे.

कोणी बनविली, अज्ञातला प्रकार नाहीं, हें सर्वांना माहीतच आहे. ती आपोआप बनत आली आहे व शिष्ट ग्रंथाका-
रांच्या ग्रंथांत व उच्च ब्राह्मणादि जातींच्या मुखांत सांप्रत तिचें वास्तव्य आहे. प्रांतिक, प्राकृत किंवा अपभ्रष्ट मराठी अशिक्षित, गांवढळ, व विद्याहीन लोक बोलत असतात, हें

आपण पहातो आणि शिष्टांचे प्रांथिक बोलणे त्यांना सहज अथवा विशेष श्रम न पडतां कळतें, ही हि रोजच्या अनुभवाची गोष्ट आहे. प्रांथिक मराठींत कोणत्याहि सकर्मक धातूचीं कर्मांत कर्मांत सुमारे १५०० रूपें होतात व तीं ग्रंथांत शुद्ध ह्मणून योजण्यास कोणतीच हरकत नाही. परंतु, ह्या १५०० रूपांपैकीं फारच थोडीं रूपें प्राकृत लोक योजतात. तेवढ्यावरून हीं १५०० रूपें व्याकरणकारांनीं कृत्रिम तऱ्हेनें बनविलीं, असें ह्मणणे वेड-गळपणाचें होईल. हीं सर्व १५०० रूपें भाषेत शिष्टमान्य आहेत. व ग्रंथांत आढळण्याचा संभव असतो. हीं कशीं बनतात, त्याचे विशिष्ट नियम व्याकरणकार शोधून काढून बसवितात. त्यामुळे, शंकाखोर व अशास्त्रज्ञ तिऱ्हाइतांना तीं कृत्रिम असावीं, असें अजलीलेनें ह्मणावेसें वाटतें. वैय्याकरणांच्या स्तुत्य व दीर्घ उद्योगाचें अवडंबर पाहून, हे शंकाखोर लोक गांगरून जातात व अवडंबरचें ठायीं कृत्रिमत्वाचा आरोप करण्याचें धाड्य करतात. हा प्रकार इतर शास्त्रांसंबंधानें असाच आढळण्यांत येतो. वनस्पति-शास्त्रांत तांदुळाच्या २००० जाति सांगितलेल्या पाहिल्या, ह्मणजे अतज्ञ इसम आश्चर्यानें गांगरून जाऊन, त्या भयंकर आंकड्यावर विश्वास ठेवीत नाही. असली गांवढळ अतज्ञता क्रि.येक युरोपियन विद्वानांच्या ठायीं आढळण्यांत आली आहे. युरोपियन लोक वनस्पतिशास्त्र जितक्या बारकाईनें रचतात, तितक्याच बारकाईनें हिंदू लोकांनीं व्याकरणशास्त्राची रचना केली आहे. त्यामुळे पृष्ठांकरणांतीं त्यांना जे अंधव्य व सूक्ष्म भेद सहज दिसतात ते युरोपियनांच्या अश्रद्धेचे विषय होतात. बाब अज्ञानोजुंभित हेकाडपणाची असल्यामुळे, लक्ष्य देण्यासारखी नसून, नितांत तिरस्करणीय आहे.

७ शिष्ट मराठीचेंच तेवढें ऐतिहासिक व्याकरण शक्य आहे. कारण असें कीं, गेल्या सातशें वर्षांत प्रौढ व ललित ग्रंथरचना जेवढी ह्मणून झाली तेवढी सर्व शिष्ट मराठींत झाली आहे. गोमांतकी अग्रंथांत कांहीं किरांस्तावी धर्मपुस्तके व पांच चार व्याकरणे झालीं आहेत. परंतु त्यांत एक विचित्रपणा आहे. व्याकरणे ह्मणून जेवढीं झालीं आहेत तेवढीं सारीं पोर्तुगीज किंवा इंग्लिश भाषेत आहेत आणि इतर पुस्तकांची लिपि भाषा रोमन आहे. त्यामुळे संभावितपणा येण्याला जी बद्धमूलतः लागते

शिष्ट मरा-
ठीची ऐ-
तिहासिक
व्याकरण-
क्षमता.

ती या अपभ्रंशाला मिळाली नाही. शिवाय, ह्या अपभ्रंशांत झालेली क्षुद्र ग्रंथरचना अगदी अलीकडली आहे. तशांत, हा अपभ्रंश बोलणारे बाट्ये दहा हजारांहून जास्त नसून, त्यांनी आक्रमिलेला प्रांत अर्ध्या पाऊण तालुक्याएवढाहि नाही. क्याथोलिक मिशनऱ्यांच्या उपद्रवापानें हा अपभ्रंश लिपिनिविष्ट आणि तोहि रोमनलिपिनिविष्ट झाला इतकेंच. ह्याहून झाला जास्त किंमत नाही. कोंकणी पोटभाषेचा हा किरिस्तावी अपभ्रंश आहे. ह्यांतील धर्मपुस्तकें कोंकणातील हिंदूंच्या वाचण्यांत येत नाहीत, हें सांगावयाला नकोच. त्यामुळें कोंकणांतील पोटभाषेवर किंवा शिष्ट मराठीवर ह्या अपभ्रंशाचा कांहींच परिणाम झालेला नाही. पोर्तुगीज राज्य हिंदुस्थानांतून नष्ट झालें तर ह्या अपभ्रंशाचा मागमूसहि रहाणार नाही.

८ शिष्ट मराठींत सातआठशें वर्षांपासूनची ग्रंथरचना असून, ती महाराष्ट्रांतील सर्व प्रांतांतल्या व बडोदे, इंदूर, ग्वालेर, बुंदेलखंड तंजावर, गुत्ती, बल्लारी वगैरे सर्व संस्थानांतल्या मराठी लोकांना आदरणीय झालेली आहे. ज्या भाषेंत मुकुंदराज, शानेश्वर सूर्यज्योतिषी, एकनाथ, रामदास, तुकाराम, मोरोपंत, चिपळोणकर वगैरे प्रासादिक ग्रंथकारांनी ग्रंथरचना केली ती शिष्ट भाषा महाराष्ट्रांतील सर्व प्रांतांतील व जातींतील लोकांस सारखीच मान्य व्हावी, ह्यांत कांहीं आश्चर्य नाही. प्रांतिक बोलणें प्रांतापुरतें व जातिक बोलणें जातीपुरतें; परंतु प्रांथिक बोलणें व लिहिणें सर्व महाराष्ट्राकरतां आहे. प्रांतिक पोटभाषांच्या लहानसहान लकवा आणि जातिक भाषणांतले बालिश अपभ्रंश प्रांथिक राजभाषेच्या शिष्ट दरबारांत छुप्त होतात व एकच एक निमेल अशी मराठ्यांची मायभाषा देशांतली सर्व लोकांच्या अभिमानाचा, कौतुकाचा व सडज प्रेमाचा विषय होते. मराठ्यांना स्वभाषेचा इतका अभिमान जो वाटतो तो उगाच फुकाचा नाही. मराठी भाषेंतल्या शब्दप्राचुर्याची बरोबरी पृथ्वीवरील इतर कोणत्याहि भाषेला करतां यावयाची नाही. तसेंच, कोणाहि गूढ किंवा सूक्ष्म अर्थ नाना तऱ्हांनी यथेष्ट व्यक्त करण्याची तिची शक्ति अप्रातिम आहे. शिवाय अनेक थोर प्रासादिक ग्रंथकारांनी तिला आपल्या उदात्त, गंभीर, ललित व रम्य विचारांचें निवेदन केलें असल्यामुळें, तिच्यावरील महाराष्ट्रीयानांची भक्ति शुद्धदुवत् उत्तरोत्तर वर्धमान स्थितांत आहे.

९ शिष्ट मराठीच्या सद्यःकालीन रूपाचें वैशद्य करणारी जी नियमस-
 वर्तमान शिष्ट म-
 राठीचें
 साधें
 व्याकरण

राणी तिला शिष्ट मराठीचें साधें व्याकरण ह्मणतात. साध्या व्याकरणाचा शुद्ध मासला हाटला ह्मणजे दादोबा पांडुरंग त-
 खंडकर यांचें मराठी व्याकरण होय. गोडबोल्यांच्या मराठी व्याकरणांत क्वचित् मराठी भाषेचा महाराष्ट्री भाषेशीं व संस्कृत भाषेशीं संबंध दाखविण्याचा स्थूल प्रयत्न केला आहे. राम-
 चंद्र भिकाजी जोशी यांचें Higher Marathi Grammar इंग्रजींत असल्यामुळें व केवळ शालोपयोगी असल्यामुळें, त्याचा नामनिर्देश न केला तरी चालण्यासारखा आहे. जोशी यांच्या व्याकरणांत व्युत्पत्तीचा पूर्ण अभाव आहे. अनेक संस्कृतोत्पन्न व महाराष्ट्रव्युत्पन्न शब्दांना ते देख्य सम-
 जतात, इतकेंच नव्हे तर, कित्येक अरबी व फारसी शब्दांना हि ते ह्याच मालिकेंत गोंवतात. इतकें अज्ञान ज्या ग्रंथांत आढळतें त्या ग्रंथाला विशेष मान देण्याचें कारण दिसत नाहीं. जोश्यांच्या व्याकरणांत मराठी भाषेच्या इतिहासासंबंधानें प्रास्ताविक जो छोटा भाग आहे त्याचें सर्व श्रेय भांडारकरांच्या बुइल्सन लेक्चरांना आहे. भांडारकरांच्या बुइल्सन लेक्चरांत जीं व्यंगें आ-
 हेत तीं जोश्यांच्या प्रास्ताविक भागांत उतरलीं आहेत, हें सांगावयाला नकोच.

१० प्रांतिक पोटभाषा व अपभ्रंश (वर्तमान व भूत) ह्यांच्या व्या-
 पोटा भा-
 षांचें अ-
 थवा बो-
 लींचें तौ-
 लनिक
 व्याकरण

करणार्थी शिष्ट मराठी भाषेच्या व्याकरणाची तुलना केली अ-
 सतां, मराठ्यांच्या पोटभाषांचें अथवा बोलींचें तौलनिक व्याकरण सिद्ध होतें. असलें औपभाषिक तौलनिक व्याक-
 रण मराठी भाषेत नाहीं. इंग्रजींत १९०५ पर्यंत नव्हतें. Linguistic survey of India, नामक ग्रंथमालेच्या सातव्या खंडांत असलें व्याकरण रचण्याचीं साधनें मिस्टर ग्रीयरसन यांनीं नॉर्वेतील डाक्टर स्टेन् कोनौ यांच्या हस्ते १९०५ त Specimens of the Marathi Language ह्या नांवाखाली सरकारच्या खर्चानें प्रसिद्ध केलीं आहेत. प्रांतिक पोटभाषा, जातिक पोटभाषा ऊर्फ बोली व अपभ्रंश, असे तीन भाग करून, मासले दिले असते, ह्मणजे ह्या ग्रंथाला जास्त वैशद्य आलें असतें. हें च ह्या ग्रंथाचें मुख्य व्यंग आहे. दर बारा कोसांवर व प्रत्येक जातींत बोली बदलते. ह्या बोलींत कित्येक रूपे व

शब्द इतके पुरातन व चमत्कारिक असण्याचा संभव असतो की त्यांच्या साहाय्याने मुख्य मराठी भाषेतील कित्येक रूपांची व शब्दांची परंपरा ओळखता येते.

११ बंगाली, हिंदी, आर्यभट्ट, पंजाबी, सिंधी, गुजराथी वगैरे आधु-
निक सगोत्र प्राकृतोद्भव शिष्ट भाषांच्या व्याकरणांशी शिष्ट
आधुनिक मराठी भाषेच्या व्याकरणाची तुलना केली असता, आधुनिक
सगोत्र स- प्राकृतोद्भव समकालीन भाषांचे तौलनिक व्याकरण सिद्ध
निको- मकालीन होतें. प्रत्येक भाषेतील गूढे इतर सगोत्र भाषांच्या तुलनेने सहज
भाषांचे उकलतात, हा तौलनिक व्याकरणापासून पहिला फायदा आहे.
● तौलनिक शिवाय, आर्यभाषा कोणत्या, अनार्य कोणत्या, हे वर्गीकरण
व्याकरण. तौलनिक व्याकरणाने सुलभ होतें. आधुनिक प्राकृतोद्भव
भाषांचे तौलनिक व्याकरण मराठी भाषेत अद्याप रचले गेले नाही. इंग्रजीत
असली दोन व्याकरणे आहेत:—(१) Beams' Comparative Gram-
mar of the Modern Aryan Languages of India (1872-
1879); आणि (२) Hoernle's Grammar of the Gaudian
Languages (1880). दोन्ही व्याकरणे व्युत्पत्तीच्या कामांत ऐतिहा-
सिक बाजूने लंगडी आहेत. कां की, इ. स. १८८० पर्यंत आधुनिक प्रा-
कृतोद्भव [मराठी वगैरे] भाषांतील जुना ग्रंथसंग्रह व्हावा तितका प्रसिद्ध
झाला नव्हता व जो झाला होता तो यथास्थित समजण्याची ऐपत दोघांची
हि नव्हती. ह्याप्रमाणेच, १८८० पुढील पंचवीस वर्षांत प्राकृत भाषांची
[महाराष्ट्री, मागधी वगैरे] जी बारीक छान व पृथक्कृति जर्मनीत झाली ती
बीम्स व होर्नल यांच्या काली झाली नसल्यामुळे आधुनिक प्राकृतोद्भव भा-
षांचे वर्गीकरण करणांत दोषे हि तोंडघशी पडलेले आहेत. शिवाय, बी-
म्सला संस्कृत व प्राकृत भाषांचे व्याकरण यथातथाच माहीत होतें, असें
दिसतें. होर्नलचा बहुतेक सगळा भर पुरभई भाषेवर असून, इतर भाषांकडे
तो ओझरतें लक्ष देतो. बीम्सच्या ग्रंथांत दूसरा एक अपूर्व व अक्षम्य अ-
थवा गांवढळ दोष आहे. तो हा की, ठाई ठाई रागद्वेषादि विकारांचे अ-
प्रस्तुत प्रदर्शन हा ग्राम्य ग्रंथकार करतो. मराठे लोक व मराठी भाषा
यांच्यावर त्याचा कटाक्ष विशेष आहे. एक मासलेवाईक उतारा ह्या ग्रंथ-

काराचें मनोगत कळण्यास पुढें आहे. आपल्या व्याकरणाच्या पहिल्या खंडाच्या ११० व्या पृष्ठावर हा ग्रंथकार येणें प्रमाणें लिहितो:—

“ Even after seventy years of British rule, the country (Orissa) still bears the traces of the rapacity and oppression of the Marathas. the Oriyas had to learn the language of their conquerors and a few Marathi words have passed into their language. The Bhosla's tanks, roads, bridges, and dykes are still in existence and are constructed on a princely scale, as they were not hampered with any scruples about paying their workpeople. This *little* point should be remembered by those who reproach the English for the inferiority of their public works. Whatever we (English) do is *paid for*.

भोसल्यांच्या वेळीं आंवढ्यातले लोक पोटे बांधून कामें करीत होते !!! ह्या दोन ग्रंथकारांखेरीज, भागवती बोलीवर वेवर, सिंधी भाषेवर टूप्, वगैरेनीं कांहीं निबंध लिहिलेले आहेत.

१२ शिष्ट मराठी भाषेतील स्वर, वर्ण, शब्द, प्रत्यय, व अव्यय ह्यांची

शिष्ट मराठी
भाषेचें ऐति-
हासिक व्या-
करण.

आदिपासून झणजे मराठी भाषेच्या उत्पत्तीपासून आतां पर्यंत रूपें कसकशीं होत आहेत, ह्याचें उद्घाटन शिष्ट मराठीच्या ऐतिहासिक व्याकरणांत केलेलें असतें. ह्या व्याकरणालाच मराठी भाषेची व्युत्पत्ति, शब्दसिद्धि, निरुक्ति वगैरे नामान्तरें आहेत. कोणत्या हि भाषेचें ऐतिहासिक व्याकरण तयार व्हावयाला, त्या भाषेतील आदिपासून आतांपर्यंत बराच, निदान कामापुरता तरी, ग्रंथसमूह किंवा लेखसोपान सांपडला पाहिजे. त्याच्या अभावीं व्युत्पत्तीचें काम केवळ कल्पनेवर चालेल. तसेंच, नुसती लेखपरंपरा सांपडून झणण्यासारखें कार्य होत नाहीं; तर, ती लेखपरंपरा त्या त्या कालची अस्सल पाहिजे. अशी लेखपरंपरा व ग्रंथतत्पत्ति ज्या भाषेची उपलब्ध होते,

तिची निरुक्ति, किंवा व्युत्पत्ति किंवा ऐतिहासिक व्याकृति सुकर व निश्चित होते. बीम्स व होर्नल ह्यांनी आधुनिक प्राकृतिकोद्भव भाषांचे तौलनिक व्याकरण लिहिल्यांना ऐतिहासिक व्याकरणाच्या प्रांतांत हि अतिक्रम करण्याचा आव ठेवला आहे. ह्याने ह्या दोघां वैय्याकरणांनी रचलेली व्याकरणे तौलनिक व ऐतिहासिक अशी मिश्र आहेत. तौलनिक व्याकरण व ऐतिहासिक व्याकरण असा दिक्कालावलिन्न द्विधा भेद त्यांच्या ध्यानांत आलेला नाही, हें खरें आहे. परंतु त्यांच्या हातून असा मिश्र प्रकार झालेला आहे, हें सहज ओळखतां येतें. बीम्स व होर्नल ह्यांचा मुख्य गुरु जो बॉप्प त्यानें हि आपल्या व्याकरणाला तौलनिक झटलें आहे. कालदृष्ट्या अर्वाचीन व प्राचीन आणि दिग्दृष्ट्या राष्ट्रीय, प्रांतिक व अपभ्रष्ट अशा सर्व भाषांचा परामर्श घेण्याचा बॉप्पचा मनोदय होता. ह्याने समकालीन व भिन्नकालीन भाषांची तुलना करण्याचा त्याचा विचार होता. मराठी, बंगाली, हिंदी, आंवढी, पंजाबी, सिंधी, गुजराथी वगैरे भाषांतील पुराण ग्रंथसंग्रह त्यांच्याकालीं अनुपलब्ध असल्यामुळे, बीम्स व होर्नल ह्यांचा व्युत्पत्तीचा भाग बराच अपुरा व काल्पनिक राहिलेला आहे. आधुनिक प्राकृतिकोद्भव भाषांचे मूळ ज्या प्राकृत भाषा त्यांची भेट मंडुक-मुत्तीने घेण्याशिवाय दुसरें गत्यंतर ह्या दोन्ही वैय्याकरणांना राहिलें नाही. मराठीतील एखाद्या आधुनिक शब्दाची किंवा प्रत्ययाची पूर्वपरंपरा पहाण्याची इच्छा झाल्यास, त्यांना एकदम प्राकृताच्या घाटावर जावें लागतें, मध्यें विसावा घेण्यास जागा सापडत नाही. ह्याने महाराष्ट्री, शौरसेनी, मागधी, अपभ्रंश वगैरे प्राकृत भाषा व मराठी, बंगाली वगैरे प्राकृतिकोद्भव भाषा ह्यांची वस्तुतः ते तुलना करित असतात. प्राकृत भाषांचा अंत व सध्यांचा काल ह्या दोहोमधील हजारवाराचें वर्षांत रूपांची कशी घडामोड झाली, हें त्यांना माहीत नसतें. त्यामुळे, संशयस्थानीं अशी व्युत्पत्ति असेल किंवा असावी, असें संशयित समाधान करून घेण्याशिवाय त्यांना दुसरी तोड राहिली नाही.

कृष्णशाली गोडबोले यांनी रचलेल्या मराठीच्या साध्या व्याकरणांत मराठीच्या रूपांचा महाराष्ट्रीच्या रूपांशीं संबंध दाखविण्याचा अल्पस्वल्प प्रयत्न केलेला आहे; आणि बीम्स व होर्नल यांच्या प्रमाणेंच त्यांचा प्रयत्न प्राचीन ग्रंथसंग्रहांच्या अभावीं लंगडा पडलेला आहे. डाक्टर भांडारकर यांनीं बूइल्सन लेखरांत आधुनिक प्राकृतिकोद्भव भाषा व प्राकृत भाषा ह्यांच्या संबंधासंबंधानें कांहीं विवेचन केले आहे. त्यांत बीम्स वगैरे सारख्यांच्या कांहीं

कृत्या नामी खोडल्या आहेत. डाक्टरांनी स्वतंत्र ऐतिहासिक व्याकरण रचण्याचा आव घातलेला नसल्यामुळे, त्यांची विद्वत्ताप्रचुर व्याख्येने प्रस्तुत स्थली टीकेचा विषय होऊ शकत नाहीत. तात्पर्य, सांगण्याचा मुद्दा एवढाच की, मराठी भाषेचे ऐतिहासिक व्याकरण अद्याप रचावयाचे आहे. कोणत्या हि युरोपियन भाषेत किंवा आधुनिक प्राकृतिकोद्भव भाषेत ते अद्याप रचलेले नाही. त्या रचनेच्या साहाय्यार्थ ज्ञानेश्वरीची प्रस्तुत आवृत्ति काढिली आहे.

१३ गेल्या पंचवीस वर्षांत आणि विशेषतः गेल्या दहा वर्षांत मराठी

मराठी
भाषेचा
इतिहास

भाषेतील पुरातन वाङ्मयाचा व सारस्वताचा संग्रह व प्रकाश इतका विलक्षण झाला, कीं शिष्ट मराठी भाषेचा इतिहास व शिष्ट मराठी सारस्वताचा इतिहास रचतां येणे सध्या बरेच सुगम झाले आहे. त्यांत विशेष महत्त्वाची बाब ही कीं शक ४०० पासून शक १८०० पर्यंतचे मराठी ताम्रपट व शिलालेख सांपडून प्रसिद्ध झालेले आहेत. ताम्रपट व शिलालेख यांच्या प्रमाणेच जुन्या अस्सल हस्तलिखित पोथ्या हि शेकडोने सांपडल्या आहेत. त्यामुळे मराठी ग्रंथकारांची कालनिर्णीति व पूर्वापरता ठरविण्याचे काम बरेच सुकर झाले असून, मराठी सारस्वताचे स्वरूप यथास्थित कळण्यास हि उत्तम मार्ग झाला आहे. मराठी भाषेचे व प्रयोगांचे गद्यपद्य रूप आदिपासून आतां पर्यंत कसकसे होतें त्याचा परंपरित प्रपंच मराठी भाषेच्या इतिहासांत केलेला असतो.

मराठी सारस्व-
ताचा इतिहास.

आणि मराठी भाषेतील आद्य ग्रंथापासून आधुनिक ग्रंथापर्यंतच्या ग्रंथसंग्रहाच्या आंतर व बाह्य स्वरूपाचे कालानुक्रमिक व विषयानुक्रमिक जें विवेचन व वर्णन त्याला मराठी सारस्वताचा इतिहास म्हणतात. मराठी भाषेच्या इतिहासाला

मराठी वाङ्मया-
चा इतिहास.

मराठी वाङ्मयाचा इतिहास झटले असतां हि अंशतः शोभण्यासारखे आहे. कारण, भाषेत जें जें म्हणून बोलले जातें किंवा लिहिले जातें तें तें सर्व वाङ्मय होय वाङ्मयांत सारस्वताचा समावेश होतो. बरी वाईट ही छान वाङ्मयांत

सारस्वतः

नसते. ती मिळड सारस्वत करते. उदार, ललित, अभिजात व नागर गद्यपद्य बंध जो निर्माण होतो त्याला सारस्वत अशी अनन्यसामान्य संज्ञा आहे. गणित, ज्योतिष, रसायन, वानस्पत्य,

शास्त्रीय व कला-
त्मक ग्रंथ समूह.

प्राणिजात, तर्क, न्याय, वेदान्त, कृषि, शिल्प वगैरे शास्त्रांवर व कलांवर जो ग्रंथसमूह निर्माण होतो, त्याला सारस्वत ही संज्ञा नाही. त्याला त्या त्या विषया-
वरील शास्त्रीय किंवा कलात्मक ग्रंथसमूह म्हणून साधेच नांव देतात. गद्य-

साहित्य

पद्य सारस्वतग्रंथ ज्यांच्या साहाय्याने तयार होतात त्या छंद, अलंकार, व्याकरण, कोश वगैरे ग्रंथांना साहित्य असे नामा-
भिधान आहे. साहित्य हे सारस्वत नव्हे; सारस्वताचे ते उपकरण आहे.

पद्धतिग्रंथ

शास्त्रग्रंथांशी तर्कादिपद्धतिग्रंथांचा जो संबंध तोच सारस्वताशी साहित्याचा आहे. साहित्य सारस्वताची पद्धति होय.

गोडबोले (१८६६), बीम्स (१८७२), होर्नल (१८८०), ग्रियर्सन (१९०५) वगैरे मराठी भाषेचे मराठी व इंग्रजी व्याकरण गेल्या दहा वर्षांत झालेल्या शोधांमुळे इतके मागे पडले आहेत की मराठी भाषेच्या उत्पत्तीसंबंधाने, ग्रंथसंग्रहासंबंधाने वृद्धिसंबंधाने व स्वभावासंबंधाने त्यांची मते तशांना फारच मागसलेली वाटण्याची निश्चिति आहे. ह्याचा तपशील पुढे त्या त्या स्थली दिला आहे.

मराठी सारस्वताच्या शोधांमुळे, मराठी सारस्वताचा इतिहास तर सुकर झालाच; परंतु त्याबरोबर मराठी भाषेचा इतिहास व मराठी भाषेचे ऐतिहासिक व्याकरण ही सहजासहजी सुकर झाली. तिन्ही प्रांत अन्योन्यव्याप्त असल्यामुळे, एकाच्या शोधाबरोबर इतरांचाहि इतिहास व स्वरूप कळणे अपरिहार्य होते.

मराठी सारस्वताचा जसा जरीने शोध झाला तसा मराठी वाङ्मयाचा अद्याप मुळीच झाला नाही. प्रांतिक, जातिक, अपभ्रष्ट अशा लोककथा, दंतकथा, गाणी, पवाडे, लावण्या, हार्णी, वगैरे वाङ्मय अस्सल रूपाने शोधून काढावयाचे अद्याप राहिलेच आहे.

१४ मराठी भाषेचे सारस्वत व विशेषतः ताम्रपटीय व शिलालेखीय शिष्ट मराठी वाङ्मय अलीकडे जसजसे सांपडू लागले तसतशी मराठीच्या ऐतिहासिक व्याकरणाची शक्यता उत्तरोत्तर संभाव्य होऊ लागली. आजपर्यंत ऐतिहासिक व्याकरणाचा उपयुक्त असे जेवढे जुने लेख उपलब्ध व प्रकाशित झाले त्याची सामग्री आहेत त्या सर्वांची याद खाली देतो:—

- (१) शक ४१० तील मंगळवेढें येथील मराठी ताम्रपट [प्रभात, धुळें.]
- (२) शक ६५८ तील चिकुडें येथील मराठी ताम्रपट [विश्ववृत्त, कोल्हापुर]
- (३) शक ६०२ पासून शक १२०० पर्यंतच्या महाराष्ट्रांतील व कों-
कणांतील ताम्रपट व शिलालेख यांतील मराठी शब्द [इंडियन,
ऑस्ट्रेलिया, एपिग्राफिया इंडिका, एपिग्राफिया कर्नाटिका, वगैरे]
- (४) शक ९०५ तील चामुंडरायाचा मराठी शिलालेख [विश्ववृत्त.]
- (५) शक १०५१ तील अभिलषितार्थचिंतामणींतील मराठी पदें
[अभिलषितार्थचिंतामणीच्या दोन पोथ्या डेक्कन कालेजांतील
संग्रहांत आहेत; व एक पोथी तंजावरातील सरस्वतीमहालांत
आहे. विश्ववृत्त.]
- (६) शक १०३७-१०४० तील लेख [Epi. Md. Vol I. pp
343 and f.]
- (७) शक ११०९ तील परल येथील मराठी शिलालेख [इंग्रज सरकारी
बंगल्यांतील]
- (८) शक ११२८ तील पाटण येथील मराठी शिलालेख [प्रभात]
- [८अ] शक ११३०-११५० चंदकृत घृथिराजरासड [ब्रज, नागरी-
प्रचारणी सभेची छापील प्रत अविश्वसनीय]
- (९) शक ११९५-९८ तील पंढरपूर येथील चौन्यायशीचा मराठी
शिलालेख [ग्रंथमाला]
- (१०) शक ११८२ तील कालिदासाच्या रघुवंशावरील हेमाद्रीच्या टी-
केत आलेले मराठी शब्द [नंदगीकरांचा रघुवंश]
- (११) शक १११२ तील ज्ञानेश्वरी [मजजवलील प्रस्तुत पोथी मुकुंद-
राजाची आहे.]
- (१२) शक १२७८ तील परशुरामोपदेशांतील मराठी उतारा [मरा-
ठ्यांच्या इतिहासाचीं साधनें, खंड ८, प्रस्तावना].

- (१३) शक १३१९ तील वेंकुर्याजवळील मठ येथील मराठी शिलालेख (म. इ. सा. खं. ८. प्र.)
- (१४) शक १२३३ तील पंढरपूर येथील चोखामेळ्याचा शिलालेख (ग्रंथमाला)
- (१५) शक १२८९ तील नागावें येथील मराठी शिलालेख (ग्रंथमाला)
- (१६) शक [सुमारे] १३०० मधील पंचतंत्र [महाराष्ट्रकवि]
- (१७) शक १३०० मधील मराठी कौकशास्त्र [प्रभात]
- (१७ अ) शक १३१६ तील मुग्धावबोधमौक्तिक [गुजराथी] ध्रुवसंपादित.
- (१८) शक १४११ तील मिरजेच्या किल्याचा मराठी मोडी ताम्रपट [ग्रंथमाला]
- (१९) शक १४५२ व शक १४६३ तील वाइ येथील दोन मराठी मोडी ताम्रपट [विश्ववृत्त]
- (२०) शक १४९४ तील मंगळवेढें येथील मराठी शिलालेख (ग्रंथमाला)
- (२१) शक १५२५ तील [सुमारे] दासोपेताचीं पदे व गीता (महाराष्ट्रसारस्वत व महाराष्ट्रकवि)
- (२२) शक १४९७ तील खानदेशांतील सोनगीरच्या किल्यावरील शिलालेख [ग्रंथमाला]
- (२३) मराठीतील अनुनासिकाची पूर्वपरंपरा [निबंध, ग्रंथमाला]
- (२४) मराठीतील ' ल ' प्रत्यय [निबंध, विश्ववृत्त]
- (२५) मराठी छंद [निबंध, सरस्वतीमंदिर द्वै मासिक पुस्तक]
- (२६) शक १३९६ तील दुर्गादेवीच्या दुष्काळाचा मराठी फर्मान [सरस्वतीमंदिर]
- (२७) मराठी शब्दांची व्युत्पत्ती [ग्रंथमाला व सरस्वतीमंदिर]

(२८) स्टेफेन्स कृत इ. स. १६४९ तील कोंकणीअपभ्रंशांत उच्चार-
लेलें व रोमनलिपींत लिहिलेलें [छापलेलें नव्हें] खिस्त पुराण
[मंगलोर येथें इ. स. १९०७ त रोमन लिपींत छापलेलें]

(२९) इ. स. १५७२ तील मराठी-फारशी (म. इ. सा. खं १ ले-
खांक १) लेख.

(३०) शक १४६३ व १४७९ तील लिंब येथील दोन मराठी पत्रें
(म. इ. सा. खं. ८, प्रस्तावना)

. गेल्या पांच वर्षांत इतके जुने मराठी लेख उदयास आलेले आहेत.
त्यांत अपभ्रष्ट मराठी, कोंकणी मराठी, खानदेशी मराठी व शिष्ट म-
राठी, ह्या चारींचें लहान मोठे मासले आलेले आहेत. शिवाय, दुर्गादेवीच्या
दुष्काळाच्या फर्मानांत मुसलमानी मराठी अपभ्रंश अथवा मराठी-पि-
शाच भाषा इचा मासला पहावयास सांपडतो. स्टेफेन्सच्या खिस्तपुराणांत
कोंकणी—पिशाची चा मासला आढळतो. स्टेफेन्सने दासोपंत व जना-
दर्शन यांचे प्रौढ शब्द गोव्याच्या कोंकणी-पिशाचींत गोविले आहेत. इ.
स. १६४९ तील स्टेफेन्स इ. स. १५०० तील किंवा त्याहून हि जुनी भा-
षा लिहितो. असें होणें साहजिक होतें. ज्ञानेश्वर, मुकुंदराज, नामदेव,
दासोपंत, गंगाधरसरस्वती, वगैरे शिष्ट ग्रंथकारांचे ग्रंथ वांचून, स्टेफेन्स
शिष्ट मराठी शिकला व तिच्यांत कोंकणी-पिशाचीची मेसळ करून त्यानें
आपलें पुराण निर्मिलें. अर्थात्, इ. स. १५०० तील ग्रांथिक शिष्ट मराठी
भाषा त्याच्या आंगवळणी पडली. परमार्थसंबंधानें असा चमत्कार होणें अप-
रिहार्य आहे. इ. स. १८८० तील कुंटे इ. स. १७४० तील पोपची
इंग्रजी भाषा ऋषिनामक काव्यांत वापरतो; आणि १७२० तील आडि-
सनचें इंग्रजी विष्णु शास्त्री चिपळूणकर १८८० त ज्ञानप्रकाशांत लिहितो.
कोणती हि शिष्ट भाषा परदेशस्थाला ग्रंथावरून शिकावी लागते; आणि ज्या
कालचें ग्रंथ त्याच्या हातांत पडतील त्या कालची शिष्ट भाषा तो सहज नक-
लण्याचा प्रयत्न करतो.

१५ वरील सर्व लेखांत अत्यंत जुना मराठी लेख शक ४१० तील आहे. अर्थात्, शक ४१० त मराठी भाषा बनून कांहीं मराठी भाषेचा मूलारंभः शक सु- मारें ४००

आहे. अर्थात्, शक ४१० त मराठी भाषा बनून कांहीं काल गेला होता. आजपर्यंत इ. स. १३००, इ. स. १०००, इ. स. ९००, इ. स. ७०० वगैरे सन मराठीच्या मूलारंभाचे युरोपियन लोक देत असत. परंतु, ते मराठीला इतकी अलीकडे ओढण्यांत मोठी भयंकर चूक करीत हैं आतां सिद्ध आहे. हिंदुस्थानांतील प्रत्येक वस्तु वस्तुतः असेल त्याहून बरीच अ-

र्वाचीन भासविण्याची खोड बहुतेक सर्व युरोपियनांना सारखी च आहे. खोडीचें कारण उघड आहे. हिंदुस्थानांतील अनेक वस्तूंचा इतिहास, पर- युरोपियनांचें मात्सर्य व करंटलक्षण.

परा, पुरातन निर्देश यांची माहिती ह्या लोकांना प्रायः तुटपुंजी व वरवर असते. शिवाय, युरोपीयन वस्तूपेक्षां एखादी प्राचीन भारतीय वस्तु अर्वाचीन आहे, असें ठर- वितां आलें तर स्वपितरांना पाहिल्याचा आनंद ह्या लो- कांना होतो. निदान, भारतीय वस्तु युरोपियन वस्तूहून फार प्राचीन नाहीं, इतकें तरी ह्मंटल्या शिवाय त्यांना समाधान वाटत नाहीं. ह्या मात्सर्याला काय ह्मणावें ? युरोपांतील तीन चारशें वर्षांतल्या उपटसुंभ राष्ट्रांना भारत- वर्षाच्या थोर, पौढ व संभावित पुरातनत्वाचा हेवा वाटतो, हें त्यांच्या लघु मनाचें द्योतक आहे. बकाल करंट्यांना गर्भश्रीमंताचा हेवा वाटावा, ह्यांत कांहीं नवल नाहीं ! शास्त्रीय शोधांत मात्सर्याचा आवेश आणणें मायावी असुरांना हि लजास्पद होय. भांडारकर, तेलंग व नाना पावगी ह्यांचें हि मत एतत्प्रकरणीं माझ्यासारखें च आहे.

बीम्सनें हिंदी गुजराथी व पंजाबी यांचा प्रारंभ इसवीच्या ११ व्या शतकांत, मराठीचा प्रारंभ १३ व्या शतकांत, आबंदीचा बीम्स प्रारंभ चौदाव्या शतकांत व बंगालीचा प्रारंभ सतराव्या किंवा अठराव्या शतकांत घातला आहे। शक १०५१ त रचलेल्या अभिलषि- तार्थचिंतामणींत, हिंदी, लाटी, बंगाली व मराठी पदे दिलेलीं विश्ववृ- त्तांत मीं छापिलीं आहेत.

१६ सुमारे शक १५० पासून शक ४०० पर्यंत महाराष्ट्रांत भयंकर अराजक माजलें [Bhandarkar's Dekkan, Section IX] ह्या अराजकाच्या अमदानींत शिष्ट महाराष्ट्री भाषा लोपत मराठी भाषेची ग- जाऊन, शक ४०० च्या सुमारास मराठी भाषा बनली गेली. भावस्था शक १५०-- शातवाहन राजांच्या तीनशें वर्षांच्या राजवटींत [शकपूर्व शक ४०० १५०-शक १५०] महाराष्ट्री भाषेंत विपुल सारस्वत झालें. पर्यंतचें शातवाहन राजांना संस्कृतापेक्षां महाराष्ट्री प्राकृत जास्त परिचित अराजक. होती. “ मोदकैः परिताडय मां ” वगैरे कोट्या शातवाहनांच्या

संबंधानें प्रसिद्ध आहेत. शातवाहनांच्या अमलांत शिलालेखांची भाषाहि प्राकृत च असे. शातवाहनांच्या राशियतीनंतर तीनशें वर्षे जें अराजक माजलें त्यांत महाराष्ट्रीचा लोप झाला; ह्मणजे महाराष्ट्री भाषेचा पुरस्कर्ता असा कोणी सम्राट् राहिला नाहीं. शक ४०० च्या सुमाराला मराठी भाषा देशांत प्रचलित होऊं लागली. परंतु, महाराष्ट्रीची मान्यता मराठीला, अर्थात् च, नावीन्यामुळें मिळाली नाहीं. त्यामुळें, शिलालेख व ताम्रलेख बहुतेक सर्व संस्कृत भाषेंत होऊं लागले. अशोकाच्या कालापासून शातवाहनांच्या अंता- पर्यंत [शकपूर्व ३००-शक १५०] महाराष्ट्री, पाली, वगैरे प्राकृतांत लेख लिहिले जात ते शक ४०० नंतर संस्कृतांत लिहिले जाऊं लागले [Bhandarkar's Dekkan, Section IX] अशी टीका डा. भांडारकरांनीं केलेली आहे. ह्या फरकाचें कारण, मात्र, त्यांनीं दिलेलें नाहीं. जुनी महाराष्ट्री बुडाली होती व नवी मराठी शिष्ट गणली जात नव्हती; सबब, संस्कृताचा उपयोग शक ४०० नंतर जास्त होऊं लागला. मराठीचा अगदींच उपयोग होत नव्हता, असें नाहीं. कांहीं उपयोग होत होता, हें शक ४१० तील मराठी ताम्रपटावरून स्पष्ट आहे. ज्यांना संस्कृत समजे त्यांच्याकरितां संस्कृत भाषा वापरीत आणि इतरांकरितां तत्कालीन लौकिक भाषा जी मराठी ती वापरीत.

१७ शक १५० पासून तत्पूर्वी १५०० व्षे प्राकृत भाषा [पाली-महाराष्ट्री-शौरसेनी-मागधी-पैशाची] आर्यावर्तांत प्रथम (B. C. 1500-700) अशिक्षित लोकांत व नंतर (B. C. 700-A. D. 200) शिष्ट लोकांत चालू होत्या असें दिसतें. कारण, शकापूर्वी एक हजार वर्षांचे प्राकृत किंवा पाली लेख जुकते च सांपडलेले आहेत. सर्वांत आपल्याला माहीत असलेली अशी अत्यंत जुनी प्राकृत भाषा झटली झणजे जीस पालि, पालि किंवा पाली, पाळी झणतात ती होय. पालि प्राकृत भाषा आहे, असें सार्वत्रिक मत आहे. उदाहरणार्थ, मोक्षे व्हिटोर Henry आनी आपल्या पाली व्याकरणांत असें च मत प्रतिपादितो. (Le Pali est une langue pre-critique Grammaire Palie, p. 2, 1904 A. D.)

पाली ह्या शब्दाची व्युत्पत्ति अनिश्चित आहे, असें व्हिटोर आनी झणतो (Grammaire Palie, p. I.) ड व ल ह्यांच्या अभेदासंबंधानें लिहितांना, आपल्या व्याकरणाच्या ५६ व्या कलमांत पट्, वाचणें, या धातूपासून पालि शब्द निघाला असल्यास, पठित=पठिअ=पठिअ=पलिअ=पालिअ=पालि अशा परंपरेनें तो निष्पन्न व्हावा, अशी सूचना आनी करतो. ह्या परंपरेत प चा पा कसा झाला व अंत्य अ चा लोप काय कारणानें झाला, तें सांगणें दुरापास्त आहे. ह्याच व्याकरणाच्या १७४ व्या पृष्ठावर, पालि झणजे लिहिण्याची ओळ, पंक्ति, पाठ असा अर्थ तो देतो व त्यावरून भाषेला पालि हें नांव पडलें असावें, असें सुचवितो. परंतु, एकंदरीत पालि या विशिष्ट भाषार्थक शब्दाची व्युत्पत्ति आपल्याला निःसंदेह माहीत नाही, असें हा वैय्याकरण प्रांजलपणें नमूद करतो. हिन् भ्राषेला वायव्य भाषा असें नांव देणें जितपत योग्य आहे तितपतच बौद्धांच्या पवित्र ग्रंथांच्या भाषेला पालि भाषा हें नांव देणें योग्य आहे, अशी हि टीका ह्या वैय्याकरणानें केली आहे. (Dire "le pali", c'est donc exactement comme si l'on disait "la Bible" pour "l'he'breu". Grammaire Palie, page I.) सारांश, पालि शब्दाची खात्रीलायक व्युत्पत्ति आपल्याला माहीत नाही, असें आनी झणतो, मोक्षे आनीचा विशेष उल्लेख करण्याचें कारण असें कीं,

ह्या फॅच वैय्याकरणानें आपलें पालि भाषेचें व्याकरण इ. स. १९०४ त लिहिलें आहे. हणजे १९०४ पर्यंत पालि या शब्दाची व्युत्पत्ति यूरोपांत माहीत नाहीं, हें उघड आहे. माझ्या मते,

पाली शब्दाची व्युत्पत्ति येणें प्रमाणें:—

प्रकट=पाअड=पाअल=पाल.

पाल शब्दाचें स्त्रीलिंग पाली अथवा पाळी प्रकट अथवा पाली भाषा हणजे ती कीं जी सामान्य लोकांत प्रचलित असते. डलयोरभेद=। आड-विकं=आलविकं, आळविकं.


पाली तीच पालि; जसें मती-मति इ. इ. इ.

एवंच, पाली, पालि, पाळी किंवा पाळि भाषा हणजे सहज येणारी किंवा प्रकट भाषा होय. प्रकट भाषा हणजे मूळ जन्म भाषाबौद्धांचें ग्रंथ ज्या मूळ भाषेंत लिहिले तिला सिंहलद्वीपांतील लोक पाली भाषा किंवा मूळ भाषा हणूं लागले. ह्याहून ह्या शब्दांत जास्त गूढ नाहीं. बुद्ध जी भाषा बोलला त्या भाषेला सिंहली लोक भक्तीनें व अभिमानानें पाली अथवा मूळ भाषा हणतात— परंतु, पाली ही मूळ भाषा नसून, ती जिच्यापासून निघाली अशी तिच्याहून हि जुनी भाषा दाखवून देतां येते. ब्राह्मणांतील जी संस्कृत भाषा ती ही भाषा होय. हिला च डा. मांडारकर Middle Sanskrit किंवा पाणिनीय संस्कृत भाषा हणतात:— Weber, Victor Henry वगैरे लोक हिलाच “ancetre inconnu” हणजे “अज्ञात पूर्वज” हणतात. डा. मांडारकर जिला Classic संस्कृत हणतात तिला Weber वगैरे यूरोपियन लोक पाणिनीय संस्कृत चुकीनें समजतात, इतकेंच पाली भाषा Classic संस्कृताची हणजे शिष्ट संस्कृताची पुत्री नसून भगिनी आहे, असें हे लोक वस्तुतः हणतात; परंतु, पाली Middle संस्कृताची हणजे पाणिनीय संस्कृताची छाया व Vedic संस्कृताची हणजे आर्ष संस्कृताची स्तुषा आहे, हें [१] आर्ष भाषा, [२] पाणिनीय भाषा, व [३] संस्कृत भाषा अशा तीन पायांच्या त्यांच्या लक्षांत आणून दिव्या हणजे, त्यांना तेव्हां च पटेल, असें वाटतें, पालीची परंपरा अशी आहे:—

अंशकार वै भाषा

छाया

व्याकरण इ. इ.



वरील वृक्षावरून डा. भांडारकरांचे ह्मणणे स्पष्ट व्हावेंसे वाटते. युरो-

पाली भाषा पाणि-
नीय भाषेची छाया
आहे; आणि महाराष्ट्री
भाषा संस्कृत भाषेची
छाया आहे.

पीयन लोक daughter, grand-daughter,
mother, sister, वगैरे शब्द योजून व्यर्थ घोटा-
ळ्यांत पडतात व अभिमानाला किंवा दुरभिमानाला
पेटतात. ते जर "छाया" हा शब्द योजतात तर
पुष्कळ गैरसमज दूर होईल. पाणिनीय भाषेची पाली
भाषा ही छाया आहे आणि संस्कृत भाषेची महाराष्ट्री
भाषा छाया आहे, असे भांडारकरांचे ह्मणणे आहे. आणि ते अगदी बरोबर

आहे. पाणिनीय भाषा शिष्ट लोक बोलत आणि पाली भाषा शिष्टतर लोक बोलत. त्याप्रमाणेच संस्कृत भाषा शिष्ट बोलत आणि महाराष्ट्री भाषा शिष्टतर लोक बोलत.

कालान्तराने पाली भाषा एका धर्माची पूज्य भाषा झाली. तो शाक्यमुनीने काढलेला बौद्धधर्म होय. बुद्धाचा धार्मिक अवतार कीकट देशांत झाला, असे भागवत पुराणांत झटले आहे (१-३-२४); आणि टीकाकाराने कीकट हणजे गयाप्रदेश असा खुलासा केला आहे. हणजे पाली भाषा बुद्धाच्या वेळीं गयाप्रदेशांत शिष्टतर लोक शेंकडों वर्षे बोलत असत. चातुर्वर्ग्याच्या व कर्ममार्गाच्या आश्रय करणारे जे ब्राह्मण त्यांची भाषा पाणिनीय संस्कृत असे; आणि एकजातीच्या व यानमार्गाच्या आश्रय करणारा जो गौतम-बुद्ध त्याची भाषा प्राकृतजनांची पाली असे.

● ततः कलौ संप्रवृत्ते संमोहाय सुरद्विषां ।

बुद्धो नामांजनसुतः कीकटेशु भविष्यति ॥

(भागवत पुराण १-३-२४)

टीका:—कीकटे मध्ये गयाप्रदेशे.

ऋग्वेदांत हि ह्या कीकट देशाचा उल्लेख आला आहे:—

किं ते क्रिण्वन्ति कीकटेषु गावो.

यास्क:— कीकटो नाम देशो अनार्य निवासः । निरुक्त, ६—३२ ॥

पालीचा ऋग्वेद कालीं कीकट देशांत अनार्य रहात असत. सध्यां आपण मूलदेश ज्यांना कैकाडी हणतो व युरोपियन लोक ज्यांना Gypsy हणतात त्यांचा हा मूलदेश असावा. ह्या प्रांतांत आर्यांनी वसाहत केल्यावर कैकाडी लोकांचे अपभ्रष्ट उच्चार आर्यांच्या कनिष्ठ जातींत व शिष्टतर लोकांत शिरले आणि प्रकटी ऊर्फ पाअडी ऊर्फ पाअली ऊर्फ पाली ऊर्फ पाळी ऊर्फ पालि ऊर्फ पालि भाषा प्रचलित झाली. भाषा अशिष्ट लोकांच्या तोंडीं जाऊन जो अपभ्रंश झाला, त्या अपभ्रंशालाच प्राकृत भाषा हणतात, असें जें डा. भांडारकर म्हणतात, तें वरील हकीकती वरून खरें आहे, असें दिसतें. डाक्टरांचें विधान प्राकृत भाषासंबंधानें आहे व वरील हकीकत पाली भाषेसंबंधानें आहे. परंतु, तेवढ्यानें डाक्टरांचा सिद्धान्त

काहीं कमजोर होत नाही; उलट शिरजोरच होतो. कारण पाली भासा ह्या शब्दांचा अर्थ प्राकृत भाषा असाच आहे.

पाणिनीचा काल डा. भांडारकर सुमारे शक पूर्व ८०० धरतात. परंतु ब्राह्मणांचा अगदी शेवटला काल शक पूर्व १५०० जर त्यांना मान्य असेल तर, पाणिनीचा हि काल त्यांनी तोच धरल्यास, त्यांच्या उपपत्तीला ज्यास्त सामर्थ्य येईल.

पाणिनीय भाषेची ह्मणजे ब्राह्मणकालीन शिष्ट भाषेची छाया ज्याअर्थी पाली भासा आहे, त्याअर्थी ती पाणिनीय भाषे-
पाणिनीय भाषा व इतकीच वेद भाषेशी संबंध आहे. इतकेंच की पाली भासा यांच्या ब्राह्मणकालीन भाषा पाणिन्यादि शिष्ट वैय्याकर-
संबंधासंबंधानें यूरोपांच्या उपदेशानें नियमबद्ध होत आहे; आणि पियन विद्वानांचा शिष्टेतर लोकांची जी पाली भासा ती होत नाही. त्यामुळे वेदभाषेतील कांहीं आर्षरूपे व लकवा गैरसमज. त्यामुळे वेदभाषेतील कांहीं आर्षरूपे व लकवा पाली भासेत सांपडल्या, हें साहजिक आहे. (१)

ळ, ॴ हे उच्चार; (२) ऱ्हस्व दीर्घाकडे दुर्लक्ष्य, जसें छंदस्सुखार्थ, रमती, चेत्या; (३) वैकल्पिक स्वरसंधित्व; (४) तृतीयेचा वैदिक प्रत्यय एभिः अथवा येभिः; (५) विशेषणविशेष्यापैकीं एखाद्यालाच विभक्ति प्रत्यय लावण्यांत धर. सोड; (६) कर्मणि प्रयोगापेक्षां कर्तरि प्रयोगाचें बाहुल्य; (७) धातुसाधिताच्या वैदिक त्वान प्रत्ययाचें आधिक्य; ह्या सात लकवांवरून यूरोपीयन लोकांनीं असें ठरविलें आहे कीं पाणिनीय भाषेहून पालि भासा जुनी आहे. पालि भासेहून पाणिनीय भाषा जास्त शिष्ट, नियमबद्ध व सुधारलेली आहे, असें जर हे लोक ह्मणतील, तर त्यांना पाली व पाणिनीय भाषा यांच्यामधील भेद उत्तम कळला असें ह्मणतां येईल. कोणत्याहि भाषेच्या बाब्यावरून कर्मणि प्रयोगापेक्षां कर्तरि प्रयोगाचा उपयोग जास्त होतो. शिष्ट व सुधारलेल्या लोकांना कर्मणि प्रयोग पेलण्याचें सामर्थ्य येतें. तें सामर्थ्य गांवठ्यांना नसतें. पाणिनीय भाषेत शब्दांच्या आंत स्वरसंधि अगदीं नियमानें होतोच. हा नियम शिष्ट लोक पाळू शकतात; शिष्टेतरांना इतकी नियमनशक्ति नसते, येभिः= एभिः= एहिः= ऐः अशा परंपरेनें शिष्टांनीं तृतीयेचें अनेकवचन ऐः प्रत्य-
यानें करण्याचा कित्येक स्थलीं प्रघात पाडला. शिष्टेतर जुना येभिः च प्रत्यय

घेऊन बसले. शिष्टेतर ऱ्हस्व दीर्घाकडे दुर्लक्ष्य करतात; असलें दुर्लक्ष्य शिष्टांना व सभ्यांना खपत नाही. करोती, रमती, चराति असलीं रूपें अशिष्ट पालींत व वैदिक भाषेंत सांपडतात; परंतु पाणिनीय शिष्ट व सम्य भाषेंत ही घरसोड अजीवात बंद केलेली आहे. पाली भाषेच्या ह्या सात हि लकवा आधुनिक अशिष्ट मराठींत आढळतात. छंदःसौकर्यार्थ ऱ्हस्व दीर्घाकडे कुक-
वीच्या मराठींत हमेश दुर्लक्ष्य होतें. शिष्टेतर मराठी वक्ते कर्मणि प्रयोगाचा कर्तरिपेक्षां कमी उपयोग करतात. ल, ल्हचा उच्चार अशिष्ट मराठींत फार आहे. सारांश, ह्या सात हि लकवा अशिष्टत्वाच्या द्योतक आहेत; श्रेष्ठत्वाच्या द्योतक नाहीत. त्यांना मिठी मारून, पाणिनीय भाषेला अर्वाचीन व कृतिम ठरविण्याच्या वृथा खटपटींत यूरोपीयन लोक पडले आहेत, ह्यांत बिलकुल संशय नाही.

अशिष्ट लोक शिष्ट भाषेचा अपभ्रंश करण्यांत जितके चपल असतात, अशिष्ट पाली तितकेच जुन्यापुराण्या आर्ष शब्दांना व प्रत्ययांना चिक-
चा दुतोंडे- दून बसण्यांत पटाईत असतात. अशिष्ट लोकांचे हे पर-
पणा. स्पर विरुद्ध चाले आजपर्यंत अनेक यूरोपीयन लोकांना फसवीत आले आहेत. त्यांच्या भाषेंत ज्या अर्थी अत्यंत

जुनेपुराणें शब्द सांपडतात, त्याअर्थी त्यांची भाषा तत्कालीन शिष्ट भाषेहून जुनी असावी, असें जों क्षणभर मानावें, तों वर्तमान शिष्ट भाषेचे अप-
भ्रंश करण्यांत हें लोक गुंतलेले पाहून, नवी भाषा बनविण्याच्या खटपटींत हे आहेत, असें दृष्ट्युत्पत्तीस येते. ' कत्त्वान ' शब्दांत वैदिक ' त्वान ' प्रत्यय पाहून पाली भाषा वैदिक भाषेच्या जोडीला नेऊन जों बसवावी, तों दत्तवत् शब्दाचा दिन्नवा अपभ्रंश पाहून पाणिनीय संस्कृतापासून ही पतित होत चालली आहे, असें ह्मणणें भाग पडतें. मराठींत हि हाच चम-
त्कार दृष्टीस पडतो. " जात्याती " हें जुनें रूप अशिष्ट लोकांच्या तोंडीं जों ऐकावें, तों " घराप " हें अपभ्रष्ट रूप त्याच वाक्यांत आढळून येतें.

याम्तः असन्ति=जाँत आहाति=जाँताहाति=जाँत्याति=जाँत्याती; अशी जात्याती व जाँत्याती ह्या जुन्या रूपांची परंपरा आहे. ' जात्याती ' बद्दल आधुनिक शिष्ट लोक " जातात " असें रूप योजतात,

जाताहाति=जाताति=जातात.

परंतु, अशिष्ट लोक जॉत्याती किंवा जात्याती हें जुनें अपभ्रष्ट रूप च धरून बसले आहेत. पण एवढ्यानें ते जुनी भाषा बोलतात, असें ह्मणण्यांत अर्थ नाहीं. कारण,

धरापासौनियां=धरापासौनि=धरापासौन=धरापास=धराप

ह्या परंपरेनें अशिष्ट लोकांनीं धराप हें अपभ्रष्ट रूप बनविलेलें पाहून, ते नवी भाषा तयार करीत आहेत, असा सिद्धान्त बसवावा लागतो. तात्पर्य, अशिष्ट लोकांच्या ठायीं जुन्याला चिकटण्याचा व नव्याला धरण्याचा परस्परविरोधी दुतोंडी गुण असतो, हा सिद्धान्त आहे. ह्या दुतोंडी गुणाच्या कोणत्या हि एकाच तोंडाला पाहून, पालीसारख्या अशिष्ट भाषांचे गुणधर्म व जातगोत ठरवूं जाणें अशक्य आहे.

गौतमबुद्ध जर न जन्मता आणि पाली भासेत न बोलता व लिहिता, तर सारस्वतामुळे पाली आज आहे असें समजतें

पाली भासेची आठवण आज न रहाती. पाली ऊर्फ प्राकृत गौतम बुद्धाच्या पूर्वी हजार वर्षे होती. परंतु, तीत सारस्वत किंवा वाङ्मय नसल्यामुळे, तिची माहिती हि कोणास नाहीं. बुद्धानंतर तीत धार्मिक सारस्वत होऊं लागलें व बौद्ध लोकांची ती धार्मिक भाषा बनली. त्यामुळे, ती आज उपलब्ध व माहीत होत आहे.

यूरोपियन लोकांना पालीची जी इतकी बेसुमार गोडी लागलेली दिसत आहे, तिला कारण आहे. पाली भाषा ज्या बौद्ध लोकांची धर्मभाषा आहे ते लोक यूरोपीयन लोकांप्रमाणेंच चातुर्वर्ण्यविहिन व आचारहीन आहेत. ह्या समानधर्मा शिवाय, पाली ग्रंथांवर यूरोपीयन विद्वानांचा इतका भर असल्याचें दुसरें असें कारण आहे की, ख्रिस्ती धर्माचा एकोनएक स्वभाव बौद्ध धर्मात सांपडतो. व ख्रिस्ती धर्म बौद्ध धर्माची नकल आहे, अशी खात्री होते. अशी ज्या अर्थी वस्तुस्थिती आहे, त्या अर्थी पाली भाषा संस्कृत भाषेहून, पाणिनीय भाषेहून व वैदिक भाषेहून ही पुरातन आहे, अतएव ब्राह्मणांच्या वेदभाषेहून श्रेष्ठ आहे, अशी सिद्धि करण्याकडे यूरोपियनांच्या मनाचा फार ओढा असतो. ब्राह्मणांपासून किंवा ब्राह्मणांच्या वडलांपासून उसनें घेतल्याची लाज ह्या लोकांना फार वाटते. इतकी की, ज्यांच्याशीं केवळ

धर्माच्या नकलेचा बादरायण संबंध, त्या बौद्ध लोकांच्या पालीला हि पाणिनीय भाषेची नकल छटलेले ह्यांना खपत नाही. इतकेंच नव्हे, तर, पाली भाषा वैदिक भाषेहून हि पुरातन आहे, असे निराधार मत प्रस्थापित्याशिवाय त्यांना समाधान वाटत नाही.

पाली भाषा वैदिक भाषेच्या बराबरची नाही, हें ठरविण्याला तोडगा आहे. पालीचे छाया रूप भाषान्तर युरोपीयन लोक पाणिनीय भाषेत देतात, वैदिक भाषेत किंवा संस्कृत भाषेत देत नाहीत. ह्याचा अर्थ इतकाच की पाली भाषेची छाया पाणिनीय भाषेत साधर्म्यामुळे देणें जितकें सोयीचें आहे, तितकें वैदिक किंवा संस्कृत भाषेत देणें सोयीचें नाही.

पाणिनीय भाषेची छाया जशी पाली ऊर्फ प्रकटी ऊर्फ प्राकृत भाषा तशी वैदिक आर्ष भाषेची छाया असलेली उपलब्ध नाही. वेदांत अ. कारण, आर्षकालीं अनार्य लोकांवर आर्षभाषा लादण्याचा प्र- पभ्रष्ट. उ. संग उद्भवण्यास ह्यणण्यासारखें कारण झालें नाही. तत्रापि, चार असुर्या देशांतील असुर लोकांशीं संबंध आला असतां, दुष्ट उच्चार आर्यांच्या कानावर येऊं लागले, असें ह्यणण्यास आधार आहे. “तेऽसुरा ‘हेऽलयो हेलय’ इति कुर्वतः पराबभूवुः । तस्मात् ब्राह्मणेन न म्लेच्छितवै नापभाषितवै । म्लेच्छो ह वा एष यदपशब्दः । तस्मान्न ब्राह्मणो म्लेच्छेत् । ” अशी शतपथश्रुति आहे. ही श्रुति ब्राह्मणकालीं रचलेली आहे, हें तिच्या भाषेवरून उघड दिसत आहे. परंतु, हीत पुरातन कालीं अपभ्रष्ट उच्चार करणाऱ्या असुरांचा परामव झाला, असें वर्णन आहे. ह्यणजे आर्ष- कालीं आर्ष. शब्दांचा असुर लोक अपोच्चार अथवा अपभ्रंश करीत. हे अ-

सुर ह्यणजे असुर्या किंवा असुर्या देशांतील लोक. असुर्या देश ह्यणच्या पश्चिमेस यूफ्रेटीस व टैग्रीस या नद्यांच्या भोंवती आहे. असुर्या देशांत असुरांनीं मोठी पातशाहत इसवीसनापूर्वी ६००० पासून २००० पर्यंत केली. अर्थात् आर्ष ‘अरयः’ शब्दाचा ‘अलयः’ असा अपभ्रंश असुरांच्या तोंडून इसवीपूर्वी ३००० वर्षांच्या सुमारास झाला असला पा-

हिजे. “ पिक, ” “ नेम, ” “ तामरस ” वगैरे शब्द असुर भाषेतून आर्षभाषेत जे आले ह्याणून शबरस्वामी ह्याणतो, ते ह्या च कालांत आले. बायबलांत Molochians ह्याणून एका लोकांचे नांव येते तेच हे म्लेच्छ असावेत आणि म्लेच्छ हे असुरांपैकी होते, हे वरील श्रुतीवरून सिद्ध होतच आहे. अव्यक्त उच्चार करणे हा असुरांचा मुख्य उच्चारदोष होता. म्लेच्छ अव्यक्ते शब्दे । धातुपाठ २०५।

ज्या अर्थी आर्ष शब्दांचा असुर लोक अपभ्रंश करीत, त्या अर्थी आर्ष भाषेचा अपभ्रंश होता, असें ह्याणवें लागतें. अपभ्रंशा-
प्रांतिक, जा- भाषेचा अपभ्रंश होता, असें ह्याणवें लागतें. अपभ्रंशा-
तिका किंवा खेरीज, आर्षभाषेच्या प्रांतिक किंवा गोत्रीय विभाषा हि
गोत्रीय आर्ष असाव्या, असें दिसतें. कारण, देवाः, देवासः, देवैः, दे-
भाषा वेभिः, त्वानं, त्वीनं, त्वाः अशीं अनेक रूपें एकाच
विभक्तीचीं व वचनाचीं ज्या भाषेत सांपडतात त्या भाषेत
प्रांतिक किंवा गोत्रीय किंवा जातिक पोटभेद असले पाहिजेत, ह्यांत संशय
नाहीं. तसेंच कृत बदल कुट, कर्त बदल काट, गृह बदल गेह वगैरे कठि-
ण व सोपे उच्चार ज्या भाषेत एका च वेळीं आढळतात त्या भाषेत पोट-
भेद असले पाहिजेत, असें मानल्यावाचून गत्यंतर नाहीं, तात्पर्य, प्रांतिक
भाषा, प्रांतिक भाषा, जातिक किंवा गोत्रिक भाषा, व अपभ्रंश, असा च-
तुर्विध भाषाभेद वैदिक काळी होता. पैकीं, म्लेच्छ व असुर लोकांनीं केलेला
अपभ्रंश वैदिक आर्यांना बिलकुल खपत नसे व तो त्यांच्या तिरस्काराचा
विषय होत असे. प्रांतिक व गोत्रिक भाषाविकार किंवा भेद प्रबल व सर्व-
मान्य झाल्यास शिष्ट व प्रांतिक भाषेत समावेशिला जाई, आणि दुर्बल
झाल्यास लुप्त होई. प्रांतिक किंवा गोत्रिक पोटभाषा बोलणारे आर्य पडल्या-
मुळें तिरस्काराचें कारण नसे.

ह्या ज्या प्रांतिक किंवा जातिक किंवा गोत्रिक वेदकालीन पोटभाषा
यूरोपियन त्यांच्यापैकीं एकीपासून किंवा सर्वांपासून पाली भाषा उद्भ-
विद्धानवि- वली, असें युरोपियनांचे ह्याणणे आहे. पाली पाणिनीय ऊर्फ
रुद्र डा. ब्राह्मण भाषेची प्राकृत छाया आहे, असें डा. भांडारकरांचे
भांडारकर मत आहे. पैकीं खरें कोणतें, ह्याचा निर्णय मागे झाला च
आहे, पालीचा अक्षरशः व रूपशः तर्जुमा किंवा विपरिणाम

जसा पाणिनीय भाषेत तंतोतंत होतो तसा वैदिक भाषेत किंवा वैदिक भाषेच्या कोणत्या हि पोटभेदांत [माहीत असल्यास] होत नाही. त्या अर्थी पाली भाषा वेदकालीन भाषेच्या कोणत्याहि पोटभेदांपासून निघाली नसून, पाणिनीय भाषेची छाया ऊर्फ प्राकृत प्रतिकृति आहे. पाणिन्यादि शिश्टांच्या भाषणांतून व ग्रथांतून छुत झालेलीं कांहीं वैदिक रूपें व शब्द अशिश्टांच्या प्राकृत, प्रकट, उर्फ पाली भाषेत सांपडतात इतकेंच. तेवढ्यानें युरोपीयनांचा सिद्धान्त स्थापित होणें अवघड आहे.

कीकटनामक गयाप्रदेशांत ब्राह्मणेतर आर्यांना अनार्य कीकटांच्या संसर्गानें अपभ्रष्ट उच्चार करण्याचा वाण लागला आणि कालान्तरानें हा वाण बळावून, पाली, ऊर्फ प्रकट ऊर्फ प्राकृत भाषा जन्मास आली. अनार्यांच्या संसर्गानें ब्राह्मणांना देखील अपोच्चार व अपभाषण करण्याची संवय लागण्याची भीति होती. एतदर्थ, ब्राह्मणानें अनार्य म्लेंच्छासा-
अनार्यांच्या नुसत्या संसर्गानें झालेला अपभ्रंश. रखे अपभ्रष्ट उच्चार करूं नये, असा इशारा त्यांकरांनीं केलेला
आंतर अपभ्रंश. उच्छृंखल ब्राह्मणांना तत्कालीन शिश्टांनीं दिला-साराश, शिश्ट भाषेचा अपभ्रंश अनार्यांच्या संसर्गानें हि होणे शक्य असतो. आर्यभाषा अनार्य उच्चारूं व थोडूं लागले असतां जो अपभ्रंश होतो, तो उच्चारपुरताच थांबत नाही. तर, लिंग, वचन, प्रत्यय, वगैरे भाषेच्या आंतर रचनेंत हि त्या त्या अनार्यांच्या भाषेच्या स्वभावानुरूप फेरफार करतो. असला आंतर अपभ्रंश होऊन, पाली भाषा बनलेली नाही. फक्त संसर्गाचा अथवा सांसर्गिक अपभ्रंश होऊन पाली भाषा पाणिनीय भाषेची छाया बनली. संसर्गानें श्यापर्ण इत्यादि कित्येक ब्राह्मणजाति अपूत झणजे असंस्कृत भाषा बोलत, असें विसृत वर्णन ऐतरेय ब्राह्मणांच्या प्रथम खंडाच्या ३५व्या अध्यायांत आले आहे. तीच ही पाली असावी. *

* वैदिक भाषा (शकपूर्व ६०००-३०००) आणि ब्राह्मणभाषा ऊर्फ पाणिनीय भाषा (शकपूर्व ३०००-१५००) ह्यांच्या वेळीं अपभ्रष्ट भाषा होती, हें बरील मुद्यावरून स्पष्ट आहे युरोपीयनांच्या एतत्संबंधानें कल्पना अद्याप फार अस्पष्ट आहेत. इ. स. १९०४त राप्सन येणेंप्रमाणें लिहितो:—These Prapūṭhā chāl.

१८ पाली भाषा गोतमबुद्धाच्या पुढें पन्नासशंभर वर्षे चालून, नंतर तिचें प्रयाण सिंहालद्वीपांत झालें. सिंहालद्वीपांत गेल्यापासून, ती बौद्ध लोकांची धार्मिक भाषा बनली व मृतभाषेची स्थिर कळा तिला आली. पाली भाषा ह्मणजे मगधांतील किंवा कोसलांतील प्राकृत भाषेचा बुद्धाच्या वेळचा पोटभेद तो पोटभेद बौद्धधर्मीयांनीं यद्यपि स्थिर व मृत बनविला, तथापि मगध देशांतील मागधी प्राकृत तत्कालीन संस्कृताची मगधदेशांतील छाया ह्मणून नांदत होतीच. मथुरादेशांत जी संस्कृताची छाया होती तिला सौरसेनी असें नांव पडलें. आणि पिशाच लोक जी छायारूप संस्कृत बोलत तिला पैशाची असें अभिधान होतें. मागधी, सौरसेनी व पैसाची हीं विशेषणें व विशेष्ये मगध, सूरसेन व पैसांच ह्या देशवाचक शब्दांवरून पडलीं आहेत. वर्तमान बहार ह्मणजे मगध; मथुरेभोंवतालील जो प्रांत तो सूरसेन; आणि प्रस्तुतच्या पिशाचर प्रांताच्या उत्तरेकडील जो प्रांत तो पिशाच. मगधदेश कोणता ह्यासंबंधानें वाद नाही. सूरसेनदेशाचा उल्लेख मनुस्मृतींत येणें प्रमाणें आला आहे.

कुरुक्षेत्रं च मत्स्याश्च पंचालाःशूरसेनकाः ॥

[मनु. अ. २, श्लो. १९]

हा शब्द भारत व हरिवंश ह्यांत येतो.

पेशावर=पिसावर=पिसाउर=पिसाचपुर, अशा परंपरेनें आधुनिक पेशावर शब्द साधला असल्यानें, पेशावरच्या उत्तरे कडील काफरिस्थान, कोहिस्तान, चित्रळ व अंशतः काश्मीर वगैरे प्रांतांतील पुराण भाषा पिशाचांची होय, ह्यांत संशय नाही. अलीकडे [इ. स. १९०४, journal R. A. S. pp. 725-731] ग्रियरसनचें हि मत असेंच झाले आहे.

मागील पृष्ठावरून पुढें चालू

krits cannot be traced back to Vedic Sanskrit, or to the period of the Brahmanas or even to the date of the earliest Sanskrit of the Epics! (In what degree was संस्कृत a spoken Language? A. D. 1904, j. R. A. S.)

रास्पन पाणिनीला शकपूर्व ३००ला आणून ठेवतो! कालाचा असा गोघळ केल्यामुळे, युरोपियनांच्या संस्कृत प्राकृतभाषाविषयक बहुतेक सर्व कल्पना हि विचित्र व असंभाव्य होतात; मग सिद्धान्त तर होतीलच!!!

पौण्ड्रकाश्चौद्रविडाः कांबोजा यवनाः शकाः ।

पारदा पल्हवाश्चीनाः किराता दरदाः खशाः ॥

[मनु, अ. १०, श्लोक ४४].

ह्या श्लोकांत उल्लेखिलेले जे दरद तेच Dard होत. त्यांची भाषा पैसाची वर्गातील होय, असें बरील भाषागणकांचें मत आहे.

अपक्रामंतु भूतानि पिशाचाः सर्वतो दिशं !

संध्येतील ह्या श्लोकाचा ह्या पिशाचांचा निर्देश आहे. तैत्तिरीय संहितेत देखील यांचें नांव येतें. पैशाच विवाहाचा उल्लेख स्मृतिकांर्णी केलेला प्रसिद्ध आहे. मुळी, हे लोक अनार्य होते व आर्यांचे शत्रू होते. ह्यांच्या संसर्गानें कित्येक आर्य क्षत्रिय क्रियालोपानें आर्यत्वापासून च्युत होऊन दरद झाले; व मूळ आर्यभाषा अपभ्रष्ट उच्चारानें बोलू लागले.

शनकै स्तु क्रियालोपादिमाः क्षत्रियजातयः ।

वृषलत्वं गतालोके ब्राह्मणादर्शनेन च ॥

(मनु, अ. १०; श्लोक ४३)

१९ सूरसेन, मगध व पिसाउर ह्या प्रांतांत पाणिनीय भाषेच्या प्रांत-
ऐतिहासिक दृष्ट्या परत्वे तीन निरनिराळ्या छाया झाल्या. त्यांतल्या
अथवा कालावच्छे- त्यांत पहिली छाया सूरसेनदेशांत झाली. कारण
दाने मराठीचें अर्वा- आर्यांचें भरतखंडातील पहिलें नागरवसतिस्थान
चीनत्व. पहिली प्रा- झटलें झणजे सरस्वती व दृषद्वती या दोन पावित्र
कृत—सौरसेनी नद्यांमधील जो ब्रह्मावर्त प्रांत तो होय.

सरस्वतीदृषद्वत्यो देवनद्यो र्यदन्तरम् ।

तं देवनिर्मितं देशं ब्रम्हावर्त्तं प्रचक्षते ॥

[मनु, अ. २, श्लोक १७]

सरस्वती व दृषद्वती या दोन नद्यांमधील प्रदेश देवांनीं प्रथम वसाहत
देव कोण? करून तयार केला आणि त्याला ब्रह्मावर्त्त असें नांव पडलें,
असा ह्या श्लोकाचा अर्थ आहे. देव झणजे आपणा हिंदुस्था-
नांतील आर्यांचे मूळ पूर्वज. देव झणजे ईश्वर gods नव्हे. असुरांशीं झणजे

इंग्रज लोक ज्या देशाला Assyria हणतात त्या देशातील पुरातन राहवा-
शांशी ज्यांचे हाडवैर असलेले वेदांत वर्णिले आहे ते हे देव होत. हे देव
कोण ते नीट न उलगड्यामुळे रा. रा. व्हीस डेव्हिस ह्या श्लोकावर अशी
अज्ञ व पोरकट टीका करतो:—

“ That, according to the ब्राह्मण, is the land created
by the gods—as if, other lands were not. (Here), the
priestly authors of that famous manual (मनुस्मृति) have
thrown off all disguise. ”

(journal R. A. Society for 1904, p. 93)

देव ह्या शब्दाचा नीट अर्थ उलगडला असता, ह्मणजे ब्राह्मण सत्य व इति-
हास सिद्ध जे होतें ते च लिहीत आहेत, असे व्हीस डेव्हिसच्या लक्षांत
आले असतें. असो, ब्रह्मावर्त्तांशेजारील जो मथुराप्रांत त्या प्रांतांत आ-
र्यांची कालान्तरानें वसाहत पसरून भाषेत प्रथम अपभ्रंश सुरू झाला. त्याला
च प्रौढदशेंत सौरसेनी असे नांव पडलें.

कुरुक्षेत्रं च मत्स्याश्च पंचालाः शूरसेनकाः ।

एष ब्रह्मर्षिदेशो वै ब्रह्मावर्त्तादनन्तरः ॥

[मनु, अध्याय २, श्लोक २०]

कुरुक्षेत्र, मत्स्यदेश, पंचाल व शूरसेन ह्या देशांत आर्यांचा प्रसार
झाल्यानंतर, त्यांच्या वसाहती पूर्वेस मगध व पश्चिमेस पिसा-
दुसऱ्या उर प्रांतांत कायम झाल्या किंवा त्या प्रांतांना स्पर्श करूं
प्राकृत लागल्या. अशा स्थितींत मागधी व पैसाची ह्या दोन प्राकृत-
मागधी भाषा तत्तद्देशस्थ मूल लोकांच्या संसर्गानें उच्चारापभ्रंश
व पैसाची होऊन अस्तित्वांत आल्या. पूर्वेस व पश्चिमेस वसाहती झाल्या
नंतर आर्यांची दृष्टि दक्षिणदिशेकडे वळली आणि दंडकारण्यांत त्यांनी प्रवेश
केला. दंडकारण्यांत वसाहत व कायमची वसती झाल्यावर, महाराष्ट्री
नावांची प्राकृत भाषा तेथें जन्मास आली. दंडकारण्यांत जे
तिसरी आर्य वसाहत करण्यास गेले त्यांनी आपल्या वसाहतीस
प्राकृत महाराष्ट्री महाराष्ट्रदेश, आपल्यास महाराष्ट्रीय लोक व आपल्या
भाषेस महाराष्ट्री भाषा अशी अभिमानाची नावे दिली.

ऋग्वेद, ब्राह्मण, रामायण, भारत, हीं ग्रंथांतील उल्लेखांवरून आर्यांच्या वसाहतींचें पूर्वापरत्व व ऐतिहासिक क्रम ठरलेले प्रसिद्ध आहेत. सधन, त्यांचा येथें तपशिल देत नाही.

२० ऐतिहासिकदृष्ट्या हाणजे कालदृष्ट्या (१) सौरसेनी—(२) मागधी व पैसाची—(३) महाराष्ट्री; असा क्रम लागतो. उच्चारदृष्ट्या हि हाच क्रम असलेला आढळून येतो. उदाहरणार्थ, एक पाणिनीय क्रियापद घेतों:—

१	पाणिनीय भाषा:—	वर्तते
२	पाली:—	वट्टति
३	{ सौरसेनी:—	वट्टदि
	{ मागधी:—	वट्टडि
	{ पैसाची:—	वट्टति
४	महाराष्ट्री:—	वट्टइ

पाणिनीय भाषेत वृत् धातूचें वर्तमानकालीं तृतीयपुरुषीं एकवचनीं आत्मनेपदीं वर्तते असें रूप होतें. प्राकृतांत प्रायः परस्मैपद सार्वत्रिक आहे.

महाराष्ट्रीचें उच्चारण ' ति ' चा इ सर्व प्राकृतांत सामान्य आहे. ' ति ' ची ' दि ' सौरसेनीत होते. पैसाचींत मृदु व्यंजन नसल्या- कारणानें ' ति ' ची ' ति ' च कायम रहाते. माग- चीनत्व धींत सौरसेनी ' दि ' ची ' डि ' होते. महाराष्ट्रांत ' ति ' ची ' इ ' होते. ' ति ' ची ' दि ' होणें जितके सजातीय व सु- लभ आहे तितकें ' इ ' होणें सजातीय व सुलभ नाही. ' ति ' ची ' दि ' पहिल्या पांयरीचा अपभ्रंश झालेला दिसतो. ' ति ' ची ' इ ' व्हावयाची म्हणजे ति, दि, डि, ढि, हि, इ अशा परंपरेनें होईल. म्हणजे इ होणें प- हिल्या पांयरीचा अपभ्रंश नसून, पहिल्या अपभ्रंशाच्या अपभ्रंशाचा अपभ्रंश आहे. अर्थात्, उच्चारदृष्ट्या पाणिनीय भाषेपासून सौरसेनीहून महाराष्ट्री दूरतर आहे.

दुसरें उदाहरण भूतकालवाचक धातुसाधित विशेषणाचें घेतों:—

१	पाणिनीय भाषा:—	कृत
२	पाली:—	कत
३	{ सौरसेनी:—	कद
	{ मागधी:—	कड
	{ पैसाची:—	कत
४	महाराष्ट्री:—	कअ

येथें पाली व पैसाची पाणिनीय भाषेच्या जवळ, नंतर सौरसेनी, नंतर मागधी व नंतर महाराष्ट्री असा उच्चारपभ्रंश दिसतो. तस्मात्, उच्चारदृष्ट्या हि महाराष्ट्री भाषा सौरसेनी, मागधी, पैसाची, व पाली ह्यांच्या अलीकडची ठरते.

२१ इतिहासदृष्ट्या व उच्चारदृष्ट्या महाराष्ट्री जर पाली, सौरसेनी, मागधी व पैसाची ह्या चार भाषांहून अर्वाचीन ठरते, तर वररुची सारख्या वैयाकरणानें “शेषं महाराष्ट्रीवत्” हें सूत्र उच्चारून सौरसेनी, मागधी व पैसाची ह्या भाषांना गौणत्व कां दिलें, असा प्रश्न उ-
व्याकरणदृष्ट्या म-
हाराष्ट्रीचें अग्र-
मान्यत्व.

होतें व ती राजभाषा या नात्यानें नांदत होती. उत्कृष्ट सारस्वत मिळाल्यानें व दरबारी प्रवेश झाल्यानें महाराष्ट्रीला नागरत्व, राजमान्यत्व व शिष्टमान्यत्व येऊन, ती विद्वानांच्या व रसिकांच्या आदराचें पात्र झाली. ह्याच बलवत्तर कारणाच्या जोरावर दंडीनें आपल्या काव्यादर्शांत महाराष्ट्रीला सर्व प्राकृत भाषांत उत्कृष्ट ठराविलें.

महाराष्ट्राश्रयां भाषां प्रकृष्टं प्राकृतं विदुः ॥

ह्याच शिष्टगुणसंपन्नत्वामुळे ती वैयाकरणांच्या निरीक्षणाचा विषय झाली व व्याकरणदृष्ट्या तिच्याहून प्राचीन परंतु सारस्वताभावामुळे तिच्या-
हून हीन अशा इतर भाषांना उपमान झाली. शिष्ट महाराष्ट्रीचें व्याकरण र-
चलें हणजे इतर प्राकृत भाषांचें व्याकरण बव्हंशानें त्यांत आलेंच, असा सिद्धान्त झाला. इतर प्राकृत भाषांच्या ठोकळ ठोकळ दहा पांच लकबा दा-
खवून दिल्या, हणजे झालें. महाराष्ट्रीच्या हवाल्यावर सर्व काम भागलें.
अशा दृष्टीनें, हणजे वैयाकरणांच्या दृष्टीनें महाराष्ट्री भाषेला अग्रमान्यत्व

आलेलें आहे. बाकी, कालदृष्ट्या, इतिहासदृष्ट्या, जन्मदृष्ट्या, व उच्चार-
दृष्ट्या महाराष्ट्री भाषा ह्या तिन्ही भाषांहून अर्वाचीन आहे.

पालीत बौद्ध लोकांचे फक्त धार्मिक वाङ्मय आहे. आख्यायिका नां-
वाच्या कहाण्या आहेत; परंतु त्यांना कादंबरीच्या तोडीला आणून बसवितां
येत नाहीं. सौरसेनीत व अर्धमागधीत जैनांचे धार्मिक वाङ्मय—स्तोत्रे वगैरे
आहे. पैसाचीत एकटी बृहत्कथा तेवढी झालेली प्रसिद्ध आहे. परंतु, ती लुप्त
होऊन, आतां त्या भाषेतील एखाद दुसरें वाक्य नाटकांतून जेवढें सांपडतें ते-
वढेंच. इतर भाषांतील सारस्वताची अशी दुर्दशा असल्यामुळें, महाराष्ट्रीतील
विविध सारस्वताचें तेज सापेक्षतेनें फारच चमकूं लागलें व तिच्या पाठीमागून
व्याकरण प्रदेशांत दास्यवृत्तीनें जाणें त्यांच्या कपाळीं आलें.

२२ मथुरा अथवा सौरसेन[नंतरचें नांव]प्रांतांत वसाहत झाली, तेव्हां
सौरसेनी प्राकृत उत्पन्न झाली; मगध देशांत वसाहत
पाली-मागधी- झाली; तेव्हां मागधी झाली; पिसाउरांत
सौरसेनी-पैसाची पैसाची निघाली; आणि महाराष्ट्रांत वसाहत झाल्यावर
यांचा जन्मकाल. महाराष्ट्री प्राकृत अवतीर्ण झाली. मागधी प्राकृताचें
पूर्व रूप जी पाली ती शकपूर्व १५०० च्या सुमारास मगधांत सुरू झाली.
त्यांच्या हि पूर्वी सौरसेनीचा प्रारंभ झाला असावा; कारण तो प्रांत ब्रह्माव-
र्ताच्या जवळ आहे. परंतु, सौरसेनीत सारस्वत नसल्यामुळें तिचा आदि व
मध्य स्पष्टपणें निर्देशितां येत नाहीत. पाली व सौरसेनी ह्यांच्यानंतर पैसाची
पिसाउरांत उदयास आली असावी. बृहत्कथेखेरीज हीत सारस्वत असल्याचें
प्रसिद्ध नसल्यामुळें व खुद्द बृहत्कथा लुप्त झाल्यामुळें, ह्या हि प्राकृताचा
आदिमध्य नक्की ठरावितां येत नाही. शहाबाजगढी ऊर्फ कपूर्वगिरी येथील
अशोकाच्या शिलालेखांत पैसाची भाषेचा एक पोटभेद दृष्टीस पडतो. तसेंच
नाटकांत कोठें एखादें दुसरें वाक्य पैसाचीत येतें. कृष्णयजुर्वेद संहितेवर
पैसाची भाषेत [आधुनिक पैसाची ?] टीका आहे; परंतु, ती हि अद्याप
प्रसिद्ध झालेली नाही. ह्या पलीकडे पैसाचीच्या ज्ञाताज्ञात. सारस्वताची जास्त
माहिती उपलब्ध नाही.

२३ महाराष्ट्रभाषेची गोष्ट ह्या दोन्ही तिन्ही भाषांहून निराळी आहे.
तिचा जन्मकाल बराच नक्की ठरावितां येण्यासारखा आहे. कारण, दक्षिणा-

रण्यांत आर्यांची वसाहत केव्हां झाली व सारस्वताचा उदय महाराष्ट्रांत कि-
तपत झाला, ह्यांची हकीकत इतर भाषांच्यापेक्षा महाराष्ट्री भाषेसंबंधानें
जास्त खुलासेवार व विश्वसनीय मिळण्याची शक्यता आहे.

२४ पाणिनी आपल्या व्याकरणांत प्राकृत भाषांचा उल्लेख बिलकुल
करीत नाहीं. त्या अर्थी प्राकृत भाषा ब्राह्मण भाषेपासून
विलग होऊन स्पष्टपणें भिन्न भासण्याच्या पूर्वी पाणिनी झाला
असला पाहिजे हें उघड आहे. मार्गे १७ व्या स्कान्यांत.
पाणिनीचा काल सुमारे शकपूर्व १५०० असावा असें
झटलें आहे. आणि, एकंदर गोळा बेरीज पहातं, हाच
काल प्रायः बरोबर असावा असें वाटतें. आतां, पाणिनि
शाल्व, पांचाल, कंबोज वगैरे देशांचीं नावें देतो. परंतु
दक्षिणेंतील पांड्य, चोल इत्यादि देशांचीं नावें देत
नाहीं. त्या अर्थी, तीं त्याला व त्याच्या समाजाला माहीत
नव्हतीं. माहीत असतीं तर तो तीं घावयाला चुकताना.

कारण तो अत्यंत आस्थेवाईक वैयाकरण होता. पाणिनि विंध्यपर्वताच्या
उत्तरबाजूचे कुमुद्वत्, नड्वत् व वेतस्वत् ह्या तीन देशांचा उल्लेख करतो;
परंतु, विंध्यपर्वताच्या दक्षिणबाजूच्या प्रांतांचें नांव सुद्धां काढीत नाहीं.
पाणिनि ज्याला वेतस्वत् ह्मणतो त्याच देशांतील मोठ्या नदीला पुढें
संस्कृत भाषेंत वेत्रवती [वेतस्=वेत्र] ह्मणूं लागले. वेत्रवतीलाच सध्यां
बेटवा ह्मणतात आणि ह्या नदीवरील मुख्य शहराला भिलसा, भेळसा, भेळसें
[वेतस्=वेडस=बेळस=बेळसें=भेळसें] असें अभिधान आहे. ह्मणजे विंध्यपर्व-
ताच्या उत्तरबाजूचे जे देश ते पाणिनीला माहीत होते, दक्षिणेकडील नव्हते,
ही सिद्ध गोष्ट आहे. विंध्यपर्वताच्या दक्षिणेस घोर अरण्य आहे, हें त्याला
माहीत होतें. परंतु, तेथें लोकवस्ति झालेली त्याला माहीत नव्हती. असती
तर, तेथील लोकांच्या व देशांच्या नावांत कांहीं वैयाकराणिक विशेष असलेला
तो आवश्यक सांगता. ज्या अर्थी सांगत नाहीं, त्या अर्थी पाणिनीच्या कालीं
ह्मणजे शकपूर्व १५०० च्या सुमारास दंडकारण्यांत विंध्याच्या दक्षिणेस आ-
र्यांची वस्ती झाली नव्हती, अथवा, होत असल्यास, ती इतक्या सुग्रावस्थेंत

होती की तिच्यावरून देश व प्रांत व तत्रस्थ लोक यांना विशिष्ट नावे पडली नव्हती.

२५ पाणिनीच्या कार्ली पश्चिमेस सध्यांच्या गुजराथेतून व पूर्वेस कलि-

आर्य पश्चिमेकडून
कोंकणांत उतरले
व तेथून घाटांनीं
दंडकारण्यांत शि-
रले. शक पूर्व
१५००-१०००

गातून दक्षिणेकडे जाण्याचा आर्यांचा उपक्रम चालला होता. एक दोन शतकांत पूर्वपश्चिम किनारा व बहुतेक सर्व द्रविडदेश त्यांनीं आक्रमण केला. ह्यणजे दंडकारण्याला चान्ही दिशांनीं गराडा घातला. नंतर, दंडकारण्यावर हल्ला करण्यास सुरवात केली. भाषेवरून जर ग्रंथांचा कालानुक्रम लाविला तर असे दिसते की भारताचा कांही भाग ब्राह्मण-

कालाच्या ह्यणजे पाणिनीय कालाच्या अगदी शेवटच्या पादांतील आहे आणि बराच भाग पाणिनीय कालाच्या नंतरचा आहे. भारतीय सभाषांची भाषा ह्या दुसऱ्या भागापैकी दिसते तेव्हां त्यांतील मजकूर पाणिनीच्या नंतरच्या कालाला अनुलक्षून असावा, हें साहजिक आहे. सहदेवानें पश्चिम किनाऱ्याचे जे देश जिंकले त्यांत शूर्पारक, दंडक आणि करहाटक ह्या तीन देशांची नावे आहेत. पैकीं शूर्पारक ह्यणजे सध्यांचे सुपारें असून, प्राचीन कार्ली उत्तर कोंकणाचा बराच भाग त्यांत समाविष्ट होत असे. दंडक ह्यणजे दंडकारण्य नव्हे; तर शूर्पारकाच्या दक्षिणेचें जे कोंकण तें. हा शब्द सध्यां डंडाराजापुरी किंवा दंडाराजापुरी ह्या शब्दांत राहिलेला आहे. दंडक या संस्कृत शब्दाचें दंड अ हें महाराष्ट्री प्राकृत असून डंड अ हें सौरसेनी प्राकृत आहे. आणि ह्या दोहोंची डंडा व दंडा अशी गुजराथी व मराठी रूपे सध्यां विद्यमान आहेत. दंडा किंवा डंडा हा शब्द कोंकणांतील व सह्यपर्वतांतील मूळच्या लोकांचा असून त्याचा अर्थ डोंगरांचा उतरता लंब फांटा असा आहे. दांड, डांड, डांग, डंग, डुंग, डोंगर, डोंगरी, वगैरे शब्द संख्याद्वीतील कोळी लोकांत अद्याप हि प्रचलित आहेत. हे कोळ उर्फ कोल लोक सह्यपर्वतांवरील मुळचे रहिवासी असावे. दंडाराजापूर प्रांतांतून घाटानें वर चढलें ह्यणजे करहाटक प्रांत लागतो. ह्यणजे दंडकारण्यावर पश्चिमेकडून हल्ला आर्यांनीं समुद्र किनाऱ्यानें कोंकणांतील घाटांनीं केला, हें स्पष्ट आहे. आणि हाच मार्ग सोपा, सुलभ व स्वल्पेष्ट वर्षणाचा होता, आर्य पश्चिमेकडून दक्षिणेंत कसे उतरले,

त्याचा हा तपाशील येथें मुद्दाम दिला आहे. कारण, कोकणांतील भाषेवर ह्या उत्तरणाचा परिणाम घडलेला आहे. कऱ्हाडाकडून कुष्णेच्याखोऱ्यांतून; नाशकाकडून गोदावरीच्या खोऱ्यांतून आणि विदर्भाकडून पाइनगंगेच्या खोऱ्यांतून, थोड्याच शतकांत आर्यांच्या दंडकारण्यांत कायमच्या व भरभराटीच्या वसाहती झाल्या आणि शकपूर्व १००० च्या सुमारास दंडकारण्याचें दंडकारण्यत्व स्थानसंज्ञाविधीत तेवढें राहिलें.

बुद्धाच्या पूर्वी कांहीं शतकें व त्याच्यावेळीं दंडकारण्य कुष्णा व गोदावरी ह्यांच्या खोऱ्यांनीं लोकांनीं अगदीं गजबजून गेलें होतें, अशीं ति वाणीककार वर्णनें बौद्ध जातकांतून आहेत. [Foulkes, in Indian antiquary Vol XVI] तीं स्थूल मानानें विश्वसनीय मानण्याला कांहीं हरकत दिसत नाहीं. महरट्ट, महाराष्ट्र १०००-६०० शकपूर्व हें नांवबुद्धां त्याकालीं सिद्ध झालेलें असावें, असा संशय येतो. शकपूर्व सहाशेंच्या सुमारास कात्यायननामक वैयाकरण झाला. त्यानें विंध्यपर्वताच्या दक्षणेकडील महिष्मत् प्रदेशाचा व नाशिक शहराचा उल्लेख केला आहे. ह्यशींची उत्पत्ति पुष्कळ ज्या देशांत होते तो देश महिष्मत्. महिष्मती ही त्या देशाची राजधानी अर्वाचीन कालीं, महु, महेश्वर, वगैरे नांवांत ह्या देशाचें नांव ओळखूं येण्याजोगें आहे. सध्यां ह्या प्राचीन महिष्मत् प्रांताला नेमाड अशी संज्ञा असून अद्याप हि ह्या प्रांताची उत्तम ह्यशींबद्दल व हल्यांबद्दल ख्याती आहे. इतकी कीं दहापांच हजार जनावर ह्या प्रांतांतून दरवर्षीं बाहेरदेशांत रवाना होतें.

बौद्ध जातकें व कात्यायन वैयाकरण ह्यांच्या नंतर दंडकारण्यांतील आर्यलोकांचा व अर्थात् त्यांच्या वसाहतींचा, प्रांतांचा, व स्थलांचा उल्लेख अशोक शक- मगध देशाचा व आर्यावर्ताचा चक्रवर्ती राजा जो अशोक पूर्व ३५० मौर्य त्याच्या शिलाशासनांत झाला आहे [शकपूर्व ३५०]. त्यानंतर थोड्याच अवधीनें [शकपूर्व ३००] वररुचिनामक प्राकृत वैयाकरण झाला. ह्यानें महाराष्ट्रीभाषेचें व्याकरण लिहून तिच्या नावांचा उल्लेख हि केला आहे [शेष महाराष्ट्रीवत्]. अर्थात्, महाराष्ट्रदेश त्याला माहीत होता हें उघड आहे [शकपूर्व ३००]. वररु-

चीचें गोत्र यद्यपि कात्यायन होतें तत्रापि तेवढ्यावरून तो व वार्तिककार कात्यायन एकच होते, असें ह्मणतां येत नाहीं. कारण, अशोकाच्या शिलालेखांत निरनिराळ्या दिशांकडील ज्या पांच चार प्रकारच्या प्राकृत भाषा येतात त्या वररुचीच्या व्याकरणांतील पैसाची वगैरे भाषांहून किंचित् जुन्या भासतात. अर्थात् वररुचीच्या व्याकरणांतील प्राकृत भाषांच्या रूपांहून ज्या अर्थी अशोकाच्या शिलालेखांतील प्राकृत भाषा पुरातन आहेत, त्या अर्थी वार्तिककार कात्यायन जर वररुचि असतां तर त्याच्या प्राकृत व्याकरणांतील भाषांचें रूप अशोकाच्या शिलालेखांतील प्राकृत भाषांच्या रूपाहून जुने निदान त्यांच्या सारखें तरी, असलें पाहिजे होतें. तसा ज्या अर्थी प्रकार नाहीं त्या अर्थी प्राकृत भाषांचा वैयाकरण जो वररुचि तो कात्यायन वार्तिककाराहून निराळा असून अशोकानंतरचा असावा, असें ह्मणणें भाग पडतें. बुद्धाच्या निर्वाणानंतर ३०० शें वर्षांनीं पालीवैयाकरण जो कच्छायनो तो झाला, असें व्हानसंग ह्मणतो. बुद्ध शकपूर्व ५६१ त ८० व्या वर्षी वारला व ६०५ त निर्वाणांत त्यानें आपल्या वयाच्या ३६ व्या वर्षी प्रवेश केला. ह्मणजे पालीवैयाकरण जो कच्छायनो तो शकपूर्व ३०५ च्या सुमारास ह्यात होता. पालीवैयाकरण व प्राकृतवैयाकरण जर एकच व्यक्ति असेल, तर महाराष्ट्रादि प्राकृत भाषांचें व्याकरण रचणारा वररुचि कात्यायन किंवा कच्छायनो शकपूर्व ३०० त होता व तो अशोकानंतर (शकपूर्व ३५०) झाला. वार्तिककार कात्यायना (शकपूर्व ६००) ला विंध्य पर्वताजवळील म-हिष्मत देशाच्या व नाशिक शहराच्या पलीकडे दक्षिणापथांतील देशांची माहिती नव्हती. वार्तिककार कात्यायन जर अशोकानंतर झाला असता

वररुची
कात्यायन
शकपूर्व
३००

तर दक्षिणेंतील पांड्य वगैरे देश त्यानें उल्लेखिले असते; कारण अशोकानें तें उल्लेखिले आहेत. तेव्हां वार्तिककार कात्यायन (शकपूर्व ६००-७००) व पाली व इतर प्राकृत भाषांचा वैयाकरण जो वररुचिकात्यायन किंवा कच्छायनो (शकपूर्व ३००) तो, हे दोन भिन्न व्यक्ति भिन्न काळीं झाले, हें उघड आहे. पतंजलि “वाररुचे काव्यं” ह्मणून जो उल्लेख करतो तो ह्या प्राकृत वैयाकरणाच्या नांवाचा करतो किंवा वार्तिककार कात्यायनाचा करतो, तें स्पष्ट करण्यास सध्यां साधन नाहीं.

बौद्धधर्माभिमानि अशोक (शक पूर्व ३५०) व प्राकृतवैयाकरण
वररुचि कात्यायन [शकपूर्व ३००], ह्यांच्यानंतर भाष्यकार
पतंजलि [शकपूर्व २२५] झाला. ह्यानें विदर्भ, अपराना,
शक पूर्व २२५. आंध्र, पांड्य, केरळ, वगैरे दक्षिणेतील अनेक प्रांतांची व
लोकांची नांवे निदेशिलीं आहेत. ह्याचा काल लक्षांत घेतां,
असा निदेश होणे अपरिहार्य होतें. परंतु, त्याच्या ग्रंथांत महाराष्ट्राचा
नामानिर्देश आलेला आढळला नाहीं. तथापि, तत्पूर्व जो वररुचि
त्यानें आपल्या प्राकृत व्याकरणांत महाराष्ट्री भाषेचा उल्लेख केला
असल्यामुळे, महाराष्ट्रदेशाचा उल्लेख त्या शब्दांत गर्भित आहे. अशोकाने
राष्ट्रिक किंवा राष्ट्रक असा उल्लेख रद्दांचा, पेटेनिक असा उल्लेख पैठणच्या लो-
कांचा, अपरान्त असा उल्लेख उत्तर कोंकणांतील लोकांचा, भोज असा उ-
ल्लेख अर्वाचीन वैदर्भीतील लोकांचा, व सतिय असा उल्लेख कृष्णातीरीय
लोकांचा केला आहे.

२६ येणेंप्रमाणें वररुचि कात्यायनाच्या वेळेपासून [शकपूर्व ३००]
महाराष्ट्री भाषेचा महाराष्ट्री भाषेचा उल्लेख नामनिर्देशानें झालेला साधार
प्रारंभ शकपूर्व सांपडतो. वररुचीनें महाराष्ट्री भाषेचें व्याकरण रचलें,
१०००-७०० ह्यणजे ती भाषा त्याच्यापूर्वी व्याकरणरचनेच्या योग्य
होण्यास दोन चार शतकांचा तरी अवधि पाहिजे.

ह्यणजे शकपूर्व ७०० च्या सुमारास, अथवा साक्यमुनि बुद्धाच्या वेळेपर्यंत
आपण येऊन ठेपलों. त्या सुमारास महाराष्ट्री भाषेचा प्रारंभ झाला असावा.
भाषेच्या नावांत देशाच्या व लोकांच्या नावांचा समावेश प्रायः होतोच होतो.
दंडकारण्यांत आर्यांनीं शकपूर्व १५०० पासून १००० पर्यंत वसाहत केली
आणि वसाहत करतांना व नंतर स्वास्थ्य मिळाल्यावर शकपूर्व ७०० च्या
सुमारास महाराष्ट्री भाषा विशिष्ट रूपानें भासूं लागली. पुढें शकपूर्व ३००
च्या सुमारास तिला वररुचि हा व्याकरणकार मिळाला. येथपासून ह्यणजे
शकपूर्व ३०० पासून शकोत्तर २०० पर्यंत ह्यणजे ५०० वर्षे महाराष्ट्रीची
अत्यंत भरभराटीचीं गेलीं. त्यांचा तपशिल खालीं देतो.

२७ चंद्रगुप्तमौर्याचा किंवा अशोकमौर्याचा वंश शकपूर्व २५० च्या
 मौर्य ४००-२५०. सुमारास समाप्त झाला. तदनंतर, शुंगांचे राज्य
 शुंग व काण्वायन मुरु झाले. त्यांना एकीकडे सारून काण्वायन ना-
 २५०-१५०. मक ब्राह्मण राजांनी साम्राज्याची पेशवाई
 केली (शकपूर्व : २००). ह्या काण्वायनांचा
 पराभव सिमुख शातवाहनाने केला [शकपूर्व १५०]; साम्राज्य चालविण्याचा
 आव घातला. ह्या सुमारास कलिगांनी कलिगांत व शकांनी पंजाबांत
 विक्रमादित्य राज्ये स्थापिली. कालान्तराने शकांनी आपल्या राज्याचा
 शकपूर्व १३५ विस्तार माळव्यांत उज्जनी पर्यंत नेऊन, सर्व आर्यावर्त
 शकमय करण्याचा प्रसंग आणिला. तेव्हां, शकपूर्व १३५
 च्या सुमारास उज्जनीस विक्रमादित्य नामेकरून एक अलौकिक वीरराजा
 उत्पन्न झाला आणि त्याने शकांचा मोठा पराभव केला. तेव्हापासून विक्र-
 मसंवत् सुरू झाला. शकांची उंचलबांगडी यद्यपि माळव्यांतून झाली, तत्रापि
 अपरान्तांत (नास्ति परः अंतः प्रांतः यस्मात्= ज्याच्यापलीकडे प्रांत नाही,
 समुद्र आहे तो देश) व अपरान्ताजवळील जुन्नर वगैरे घाटावरील प्रांतांत
 त्यांची चिकाटी कांहीं काल [सुमारे पन्नास वर्षे] होती.
 शातवाहन त्यांची चिकाटी विक्रमसंवत् १३५ त व इ. स. ७८ त एका
 उर्फ शातवाहन राजाने शकांचा पूर्ण पराभव करून कायमची
 शालिवाहन सोडविली. ह्या वेळेपासून शातवाहनसंवत् सुरू झाला.
 शक ० शकांचा प्रचंड व प्राणघेण्या पराभव करणाऱ्या ह्या
 दोन्ही पराक्रमी वीरराजांचा गाथासप्तशतीत उल्लेख आला आहे. तो
 असा:—

[महाराष्ट्री]

संवाहणसुहरसतोसिएण दैन्तेण तुह करे लक्खम् ।

चलणेण विक्रमादित्तचरिअं अणुसिम्बिखअं तिस्सा ॥ ६४ ॥

गाथा सप्तशती—शतक ५.

१ सेतुबध, उच्छ्वासक ७, श्लोक ४३, रामदासकृत टीका:—“अन्तः
 प्रान्तेऽन्तिके नाशे स्वरूपे च मनोहरे ॥”

[संस्कृत]

संवाहनसुखरसोषितेन ददता तव करे लाक्षाम् (अथवा) लक्षम् ।
चरणेन (अथवा चलनेन) विक्रमादित्यचरितं अनुशिक्षितं तस्याः ॥

(महाराष्ट्री)

आवणाई कुलाई दो विअ जाणान्ति उण्णई नेउम् ।

गोरीअ हिअअदइओ अहवा सालाहण णरिन्दो ॥ ६७ ॥

गाथासप्तशती — शतक ५.

(संस्कृत)

आपन्नानि (किंवा आपणानि) कुलानि द्वावेव जानीत उन्नतिं नेतुम् ।

गौर्या हृदयदयितोऽथवा शातवाहननरेन्द्रः ॥ ६७ ॥

गाथासप्तशती ऊर्फ ७२० गाथांचा संग्रह हालसातवाहनानें केला, असें सप्तशतीच्या पहिल्या शतकाच्या तिसऱ्या गायेंत हाल स्वतःच लिहितो. अर्थात्, हाल सातवाहनांच्या पूर्वी झालेले हे विक्रमादित्य व सातवाहननरेन्द्र असले पाहिजेत. पैकीं, शकपूर्व १३५ व्या वर्षी शकादि म्लेच्छांचा ज्यानें कोरूर येथें पराभव केला आणि ज्याच्या नांवानें विक्रमसंस्त नर्मदेच्या उत्तरेस प्रचलित झाला, तोच हा विक्रमादित्य असावा. आणि शकयवनपल्हवादि म्लेच्छांचा पराभव करून गोब्राम्हणांचा प्रतिपाल करणाऱ्या अशा कोण्या तरी शातवाहनकुलोत्पन्न राजाचा उल्लेख सातवाहननरेन्द्र या नावानें गायेंत केलेला असावा. शातवाहन आणि शातकर्णि हे दोन शब्द एकच अर्थाचे वाचक असल्यामुळे, वायुपुराणांत तिसरे ज्याचें नांव येतें तो शातकर्णि हा सातवाहननरेन्द्र असेल. नाणेघाटांत ह्याचें चित्र दिलेलें आहे. इ.स. १००० मंतर हाल झाला व त्याच्या पूर्वीच्या विक्रमादित्य व शातवाहन ह्या दोन पराक्रमी वीरपुरुषांचा उल्लेख त्यानें संग्रह केलेल्या गाथांतून येतो. हा हाल प्राकृत भाषांचा मोठा भोक्ता होता. पिटर्सननें बुंदीहून आणिलेल्या गाथासप्तशतीच्या प्रतीची समाप्ति येणें प्रमाणें दिली आहे (Peterson's 3rd Report):—

“ राएण विरइआए कुन्तलजनवअइणेण हालेण ।

सत्तसई अं समत्तं सत्तममज्झासअं एअम् ॥

इति सप्तम शतकम् । इति श्रीमत्कुन्तलजनपदेश्वर प्रतिष्ठानपत्तनाधीश शतक-
र्णोपनामक द्वीपिकर्णात्मज मलयवतीप्राणप्रिय कालापप्रवर्तकशर्ववर्मधीसल मलय-

वत्सुपदेशपाण्डितभूत त्यक्तभाषात्रयस्वीकृतपैशाचिकपण्डितराजगुणाढ्यनिर्मित-
भस्मीभवद्बृहत्कथावशिष्टसप्तमांशावलोकनप्राकृततादिवाक्यंचकप्रीत कविवत्सल
हालाद्युपनामक श्रीसातवाहननरेंद्रनिर्मिता विविधान्योक्तिमयप्राकृतगीर्णफिता
शुचिरसप्रधाना काव्योत्तमा सप्तशत्यवसानमगात् ॥ १ ॥

ह्या समाप्तीतील हकीकत पूर्वपरंपरागत (कथासरित्सागरसदृश) आ-
लेली असून विश्वसनीय दिसते. हींत महाराष्ट्री, मागधी, शौरसेनी, पैशाची
व अपभ्रंश अशा पांच भाषांवर प्रेम ठेवणारा हाल राजा होता, असें द्दटलें
आहे. कातंत्रव्याकरणाचा प्रवर्तक शर्ववर्म व बृहत्कथा पैशाचींत लिहिणारा
गुणाढ्य ह्यांच्या पदरीं हेते असें हि द्दटलें आहे. परंतु, ह्या बाहेरच्या
शिफारसी झाल्या. खुद्द गाथासप्तशतींत प्राकृत भाषांवरचें आपलें प्रेम हा-
लानें येणें प्रमाणें कटाक्षानें व्यक्त केलें आहे:—

[महाराष्ट्री]

अमिअं पाअडकव्वं पढिउं सोउं अ जे ण आणन्ति ।

कामस्स तत्ततन्ति कुणन्ति ते कह्मं ण लज्जन्ति ॥ २ ॥

गाथासप्तशती—शतक १

(संस्कृत)

अमृतं प्राकृतकाव्यं पठितुं श्रोतुं च ये न जानन्ति ।

कामस्य तत्त्वचिंतां कुर्वति ते कथं न लज्जन्ते ॥

जिवंत व महारा ह्या गार्थेंत प्राकृतकाव्याला हाल अमृत ह्मणजे जिवंत
ष्ट्री मेलेली संस्कृत ह्मणतो. अर्थात्, संस्कृतकाव्याला तो मृत किंवा मेलेलें
भाषा. समजतो हें उघड आहे.

महाराष्ट्रींत कोट्यवधि गाथा आमच्यापूर्वी झाल्या होत्या असें हि हा
राजा नमूद करतो:—

(महाराष्ट्री)

सत्त सताइं कइवच्छलेण कोडीअ मज्झआरम्मि ।

हालेण विरइआइं सालंकाराणं गाहाणम् ॥ ३ ॥

गाथासप्तशती—शतक १

(संस्कृत)

सप्तशतानि कवित्सलेन कोटे मध्ये ।

हालेन विरचितानि सालंकाराणं गाथानाम् ॥

हणजे शकपूर्व ७०० पासून शक ० पर्यंत महाराष्ट्रांत विस्तृत सारस्वत निर्माण झालें होतें, असें हाल हणतो. गाथासप्तशतींत (निर्णयसागरी) दिलेल्या कवींची यादी पाहिली हणजे हालचें विधान अतिशयोक्तीचें नसून निव्वळ यथार्थ होतें, असें दिसून येतें.

गाथासप्तशतींत हालानें स्वतःच्या बऱ्याच गाथा व विक्रमराजाची एक गाथा (२।३४) दिली आहे. हा विक्रमराजा बहुशः प्रसिद्ध. विक्रमादित्य असावा. ह्या च सुमाराला “ सेतुबंध ” नामक सर्वोत्कृष्ट प्राकृत काव्याचा कर्ता जो कालिदास तो झाला. प्रवरसेन राजानें काव्य रचलें व कालिदासानें तें सुधारलें, असें ह्या काव्याच्या पहिल्या उच्छ्वासकाव्या नवव्या गाथेंत हाटलें आहे.

(महाराष्ट्री)

अभिनवराआरद्धा चुकस्त्रलिणेषु विहडिअपरिट्टविआ ।

मेत्ति व्व पमुहरसिआ णिव्वोढुं होइ दुक्करं कव्वकहा ॥ ९ ॥

[संस्कृत]

अभिनवराजारब्धा च्युतस्त्रलितेषु विघटितपरिस्थापिता ।

मैत्रीव प्रमुखरसिका निर्वोढुं भवति दुष्करं काव्यकथा ॥

राजतरंगिणींत लिहिल्याप्रमाणें प्रवरसेन कलिवर्ष ३१५९ त राज्या-

पहिला

कालिदास

संवत् २०-

संवत् ११५

वर आला. त्यावेळीं तो अभिनवराजा हणजे गादीवर नवीन आलेला राजा असतांना, त्यानें सेतुबंधनामक प्राकृतकाव्य आरंभिलें आणि कालिदासाकडे सुधारण्यास दिलें. असलें श्रीमंतांचे काव्य सुधारून आद्यन्त सारख्या योग्यतेचें करणें जन्मापासून मरेपर्यंत मित्रत्व अबाधित ठेवण्याप्रमाणेंच अवघड आहे, अशी कालिदासानें उत्कृष्ट उपमा योजिली आहे. कलिवर्ष ३१५९ हणजे विक्रमसंवत् ११५ येतो.

१ अभिज्ञानशाकुंतल, २ विक्रमोर्वशी व ३ मालविकाग्निमित्र, हीं तीन संस्कृतप्राकृत नाटके ह्या कालिदासाचीं होत. पैकीं, तत्कृत ग्रंथ.

मेळशाचा राजा भग्निमित्र आणि मालविका ह्यांचें ऐतिहासिक वृत्त ह्या कालिदासाला समीपतर असून, तें त्याच्या नाट्यकलेचा विषय होण्याजोगें होतें. विक्रमोर्वशीतील राजा विक्रम ऐतिहासिक विक्रमादित्याचें काव्यरूपक असण्याचा संभव आहे. अभिज्ञानशाकुंतलहि ह्याच कालिदासाचें असावें, असें त्यांतील शुद्ध सौरसेनीवरून वाटतें. मेघदूत जर ह्याचेंच असेल तर एतत्समकालीन जो अश्वघोष त्यानें त्याची नकल केली असेल. मग, एवढें मात्र कबूल करावें लागेल कीं,

दिङ्नागानां पथि परिहरन् स्थूल हस्तावलेपान् ।

ह्या ओळींतील दिङ्नाग शब्द बुद्धधर्मानुयायी पांचव्या शतकांतला जो दिङ्नाग त्याचा वाचक नसून, इतर शब्दांप्रमाणें सहज तेथें पडला आहे आणि दिङ्नाग बौद्धाशी त्या शब्दाचा संबंध जोडण्यांत टीकाकारांनीं केवळ पदरची मसृलाशी केलेली आहे. परंतु, महिनाथाची माहिती इतिहाससमर्थित आहे असें मानलें तर, हें मेघदूत काव्य दिङ्नागाचा समकालीन जो दुसरा कालिदास त्याच्या पदरीं बांधावें लागेल व अश्वघोषाचा नकल्या त्याला ठरवावा लागेल. कनिष्कानें जमविलेल्या बुद्धमंडळांत असणारा हा अश्वघोष कनिष्काच्या [संवत् ० (Fleet) पासून संवत् ३४० (भांडारकर)] कोणत्याहि काळांत असला, तत्रापि ह्या पहिल्या कालिदासाच्या काळाला अवरोध होत नाही.

गाथासप्तशतींत [१-२१, १-६८ ह्या दोन गाथा कालिराज व कालिदास ह्या प्राकृत नावांवर आहेत. त्या कालिदासाच्या अगाथासप्तशतींत का- असा बळकट संशय येतो. इतकेच कीं कालिदास लिदासा- असें नांव नाही. परंतु, ' ज्ञानदेव ' बदल ' ज्ञानराज ' असा पर्याय योजण्याची चाल फार पुरातन आहे, हें लक्षांत घेतलें चा उल्लेख असतां, कालिराज ह्मणजे कालिदास असण्याचा संभव आहे.

काश्मीरचा प्रवरसेन विक्रम काळिदासाचा आश्रयदाता जो प्रवरसेन संवत् ११५-१४५ त्याच्या हि कांहीं गाथा सप्तशतींत दिल्या आहेत.

इतर अनेक कवींचा उद्गार गाथासंशतीत झालेला मागे सांगितेलाच आहे.

२८ शकपूर्व १५० पासून शकोत्तर १५० पर्यंत ३०० वर्षे राज्य करणाऱ्या ह्या शातवाहनांच्या अमदानीत महाराष्ट्री भाषेचा अत्यंत उत्कर्ष झाला. उत्कर्षाचें कारण शातवाहनांचा पराक्रम व राज्याविस्तार होय. पराक्रमाचें चिन्ह शातवाहनांनीं स्थापिलेला शाकसंवत्सर असून, राज्यविस्ताराचें स्मारक महाराष्ट्री भाषेचा उपयोग इतर भाषांना मागे सारून सर्व भारतवर्षांत ग्रथलेखनांत होऊं लागला, हें होय. शाकसंवत्सर शक नांवाच्या म्लेच्छ लोकांनीं स्थापिला, असा भांडारकरादि विद्वानांचा समज आहे. परंतु, तो निराधार आहे, असें खात्रीनें क्षणतां येण्यास प्रमाणें आहेत.

(१) प्रथम, धर्मकृत्यांत म्लेच्छांनीं स्थापिलेला काल भारतवर्षांत कधीहि मान्य झाला नाहीं व होणार नाहीं. फसली, अरबी, हिजरी, जलाली, शकसंवत् शक, यवन, इसवी वगैरे अनेक सन येथें आंगंतुकांनीं सुरू केले, परंतु, धर्मकृत्यांत त्यापैकीं एकाचाहि प्रवेश झाला नाहीं. शाकसंवत्सराचा ज्याअर्थी धर्मकृत्यांत प्रवेश झालेला आहे, त्याअर्थी हा संवत्सर म्लेच्छांनीं सुरू केलेला नसला पाहिजे, हा निश्चय. (२) शककालाचा Vonones मूलोत्पादक धरला असतां, कनिष्काला इसवी २८३-३०६ त ढकलावा लागतो. कनिष्काला इसवी ३०० त आणिला क्षणजे इसवीच्या पहिल्या शतकांतील अश्वघोषाला इसवी ३०० त ओढावा लागतो. परंतु, व्हानसंग, चिनी संयुक्तरत्नाकार, Record of Indian patriarchs, वगैरे चिनी ग्रंथांत कनिष्काचें अश्वघोषाशीं समकालीनत्व प्रस्थापिलेलें आहे (Takakusu on वसुबंधु in J. R. A. S. for 1906). तेव्हां, कनिष्काला इसवीच्या प्रारंभाच्या जवळ नेणें जरूर आहे. अर्थात्, व्होनोनिस शककालोत्पादक होऊं शकत नाहीं. (३) Maues व Gondophares हे समकालीन होते. पैकीं, Maues शक होता व Gondophares पारद (Parthian) होता. ह्या दोघांनीं कालगणना शककालानें केली, असें भांडारकरांचें क्षणें आहे. येथें असा विरोध येतो कीं, पारद शकांचा नायनाट

करणारा असून शकांचाच काल कसा चालवील? आपला काल सुरू करील. तेव्हां, Maues व Gondophares ज्या कालाने गणना करतात, तो भारतवासी तिसऱ्याच कोणातरी चक्रवर्ती व पराक्रमी राजाचा असला पाहिजे. तो बहुशः विक्रमसंवत् असावा (Fleet, J. R. A. S. for 1906) (४) शकसंवत् नर्मदेच्या दक्षिणेस प्रचलित आहे व उत्तरेस विक्रमसंवत् आहे. असे असून उत्तर हिंदुस्थानांत मथुरा, साकेत वगैरे स्थलीं राज्य करणारे म्लेच्छ शकसंवत्ताचा उपयोग करित, असें ह्मणणे वस्तुस्थितिविरोधक होतें. प्रायः म्लेच्छ लोक ज्या प्रांतांत जात त्या प्रांतांत प्रचलित असलेला काल प्रथम योजित. जसें, इंग्रज तीसचाळीस वर्षांपूर्वी फसली किंवा हिजरी सनाने हिंदुस्थानांत कालगणना करित. शक, पारद, यवन, वगैरेंचीं राज्ये हिंदुस्थानांत फार वर्षे न टिकल्यामुळे, त्यांना आपले सन (असलेच तर) इकडे प्रचलित करण्याला प्रायः अवधि व स्वास्थ्य सांपडले नाही. म्लेच्छ लोकांनी शक काल स्थापिला नसावा, असें ह्मणण्यास ही इतकी विरोधी कारणे आहेत. आतां शककाल शातवाहनराजांनी नर्मदेच्या दक्षिणेस स्थापिला, ह्या विधानाला पोषक अशीं कारणे देतोः—

(१) अत्यंत बलवत्तर कारण हें कीं, म्लेच्छांनीं सुरू केलेला शकसंवत् धर्म कोणताहि काल हिंदू लोकांच्या धर्मकृत्यांत कृत्यांत योजतात, ग्राह्य धरला जाणें केवळ अशक्य आहे. तस्मात् तो म्लेच्छ अर्थात्, शककाल ज्याअर्थी धर्मकृत्यांत ग्राह्य धरला नाही. जातो, त्या अर्थी तो कोणा तरी हिंदू राजाने स्थापिलेला काल आहे. [२] युरोपियन व आशियाटिक विद्वान लोक शक ह्या द्वयर्थी शब्दानें चकलेले आहेत. शक ह्मणजे म्लेच्छ असा एक अर्थ सर्वत्र मान्य आहे परंतु शक या शब्दाच्या दुसऱ्या अर्थीकडे बहुतेकांनीं कानाडोळा केला आहे. दुसरा अर्थ हा. शक ह्मणजे शातवाहन अथवा शालवाहन राजे, अथवा त्या राजापैकी कोणी तरी एक प्रख्यात शककर्ती किंवा कालकर्ती व्यक्ति. नाणेघांटांतील पांडवलेण्यांत जी सहा सनाम चित्रें कोरलेली आहेत त्यांत “ कुमारो हकु सिरि ” हें एका राजपुत्राचें नांव आहे. हा हकु शब्द सकु शब्दाचेंच [स चा ह होऊन] दुसरें रूप आहे. असा स

चा ह आंग्रभृत्यांच्या दुसऱ्या एका नावात झालेला आहे. वायुपुराणांतल्या यादींतील सातवें नांव "हाला" चें आहे. हें नांव 'साल' असें हि प्रसिद्ध आहे ह्या "साला"चें च संस्कृत "शाल" होऊन, "शालो हालनृपोपिच," असें त्रिकांडशेषांत रूप आलेलें आहे. देशीनाममालेंत "साला-हणम्मि हलो" असें सादि रूप येतें. तात्पर्य, स व ह या उच्चारणांची अद-लाबदल आंग्रभृत्यांच्या लेखांत होतें. हा सकु किंवा हकु राजपुत्र मोठा पराक्रमी असल्यामुळे, त्याची मूर्ति इतर पराक्रमी स्त्री पुरुषांबरोबर नाणे-घाटांत कोरलेली आहे. ह्या सातकर्णपुत्र सकु राजपुत्रावरून सकुसंवत्सर सुरू झाला. सकु हें रूप १ शक १०४९ तील शिलारांचें ताम्रपट (Jbbas for 1904), २ शक ११९५ तील पंढरपुरच्या चौऱ्याशीच्या शिलालेखांत सहासातदां [ग्रंथमाला], ३ शत १२३३ तील चोख्यामेळ्याच्या शिलालेखांत (ग्रंथमाला), ४ शक १२८९ तील नागांव येथील शिलाले-खांत [ग्रंथमाला], शक १३१९ तील मठ येथील शिलालेखांत [म. इ. सा. खंड ८, प्रस्तावना, पृष्ठ ३३], व इतर अनेक स्थलीं आलेला आहे.

सात=साक (३) अशोकाच्या वेळीं दक्षिणेंत रट्ट, सत्त, आंग्र व भोज असें पश्चिम, दक्षिण, पूर्व व उत्तर दिशेस क्षत्रिय वसाहत करून व अनार्य लोकांना जिंकून होते. त्या पैकीं, सतिय किंवा सत्त किंवा सलिय ह्यांनून जे क्षत्रिय होते त्यांचेच नांव सातवाहन या शब्दां-तील 'सात' या अवयवांत दृष्टीस पडते. ह्या सात शब्दाचीं दोन रूपें असत; एक साल व दुसरें साक. साक (किंवा सक) रूप मदरीपुत सक-सेन (संस्कृत शकसेन) ह्या नावांत गोचर होतें. नाणेघाटांतील सहा चित्रांत एका चित्राचें नांव "महारठी" आहे. ह्या रठी किंवा रट्टाची मदत घेऊन सत्त किंवा सात किंवा साल किंवा साक यांनीं ग्लेळांचा पराभव केलेला आहे. हा सत्तिअ शब्द शक्तिक, सक्तिअ अशा परंपरेनें उद्भवलेला आहे.

(१) शक्त=सत्त=सात=साल (संस्कृत शाल, संस्कृत अपभ्रंश शालि)

(२) शक्त = सक = साक { संस्कृत शाक, शाक हें विशेषण सम-
जून त्याचें मूल प्रकृति शक, अशीं अज्ञ
संस्कृतज्ञांची व्युत्पत्ति. }

मुक्त = मुक्त, मुत्त

रक्त = रत्त, रग्ग

वगैरे क्त ची त्त किंवा क्त अशा अंताचीं दुहेरीं रूपें महाराष्ट्रीत व महाराष्ट्रीच्या अपभ्रंशांत होतात.

[४] साल [वृक्षविशेष] वृक्षाला महाराष्ट्रांत साक, साग ह्मणण्याचा परिपाठ पुरातन आहे. डोंगरावरील लोक तर साक असाच उच्चार करतात ह्मणजे ल चा क महाराष्ट्रीत व मराठीत होतो. शातपर्ण किंवा सप्तपर्ण=सातवण किंवा सत्तवण=सातवाण=साअवाण=साकवाण=सागवाण.

[५] पुराणांत हि परंपरा अशीच सांगितली आहे.

शातवाहन राज्याच्या जन्मापासून शालिवाहनशककाल सुरू झाला अशी पौराणिक परंपरित माहिती आहे. ज्योतिषांची हि परंपरित माहिती अशीच आहे. मुहूर्तमार्तंडाच्या शेवटी:—

त्र्यकेंद्रपरिमिते वर्षे शालिवाहनजन्मतः ॥

असा उल्लेख आहे. अच्युतरायाच्या हरिहर येथील शक १४६० वील झिलालेखांत “ शालिवाहननिर्णितशकवर्षक्रमगते ” असे शब्द आहेत. “ शालिवाहनापासून ह्मणजे शालिवाहन राजाच्या जन्मापासून निघणाऱ्या ” असा “ शालिवाहननिर्णित ” ह्या समस्तपदाचा अर्थ आहे. मजजवळ शक ४१० तील ताम्रपटांत “ सालीवान सक ” असे शब्द आहेत. गुर्जरराजा दुसरा दंडू याच्या लेखांत ३८० ही शकसंवत्सरानेंच गणना केलेली आहे. तात्पर्य, शक हें हिंदुराजाचें नांव आहे, अशी भावना व स्पष्ट माहिती परंपरेनें ह्या देशांत आहे ज्याच्या जन्मापासून ही कालगणना सुरू झाली, तो बहुशः कुमार हकु अथवा सकु सातवाहन असावा. सातवाहनसकवरस ह्मणजे शातवाहनवंशांतील शक अथवा सक अथवा सकु अथवा हकु राजपुत्राच्या किंवा राजाच्या जन्मापासून धरलेलें वर्ष.

२९ शककाल, शाककाल, शकनृपकाल, शातवाहनशककाल, शालिवाहन शक, सकु, सके, शाके सालिवान सके अशा नाना रूपांनीं हा काल उल्लेखिलेला सांपडतो व हीं सर्व रूपें शक्त ह्या मूल शब्दाचे अपभ्रंश

आहेत. दक्षिणेकडील लोक कृष्णेंत किंवा गोदेंत खानं करतांना परम अद्भेनं “शालिवाहनशका” चा जो उच्चार करतात, तो पवित्र व अम्लेछ आहे, अशा समजुतीनें करतात. सोंवळ्यांत व धर्मकृत्यांत म्लेच्छ शब्द उच्चारण्याची किलस हिंदुलोकांना फार प्राचीन काळापासूनची आहे [तस्मात् ब्राह्मणेन न म्लेच्छितवै] ती चाल शकनामक म्लेछांच्या क्षत्रिक अमदानींत त्यांनीं सोडली असेल, हें कालत्रयी हि संभवत नाही. शककाल म्लेछस्थापित नाही, हिंदुस्थापित आहे, एवढें गृहीत धरून पुढें चालण्यास, हें एकच कारण बस आहे. परंतु, आर्यांचा व म्लेछांचा बेटी व्यवहार होत असे, आर्य धर्मकृत्यांत म्लेछकाल योजीत, वगैरे बाटेगिरीच्या कल्पना पसरविण्यांत भूषण मानणाऱ्या शोधकांना असले विपरीत अपसिद्धान्त फारच गोड वाटतात, असें दिसतें. अपसिद्धान्ताना पोषक असा दुसरा एक असाच शब्द आहे. तो शब्द

“क्षत्रप” हा होय. डा. भांडारकर हा शब्द Persian क्षत्रप शब्द फारसी नाही. [१] ‘Satrap’ शब्दापासून संस्कृतांत ‘क्षत्रप’ या रूपानें

आला, असें स्वच्छ सांगतात. [History of Dekkan, Section V]. Persian ह्मणजे Modern Persian तर नव्हेच. तेव्हां, Persian ह्मणजे Old-Persian असा डाक्टरांचा गर्भितार्थ असावा. Modern Persian इसवीच्या १० व्या शतकापासून आतांपर्यंतची समजण्याची चाल आहे; व Old Persian चवथ्या शतकापासून दहाव्या श-

क्षत्रपतिशब्द ब्राह्मणांत व संहितेंत येतो.

तकापर्यंतची फारसी भाषा, असा संकेत आहे. त्या-पूर्वी पाहवी, आवेस्ती वगैरे भाषा होत्या. त्यांत हा शब्द “पोइत्रपैनि” अशा रूपानें येतो. परंतु, हा शब्द तैत्तिरीय संहितेंत व ब्राह्मणांत [तैत्तिरीय

संहिता, प्रथमकांड, अष्टमप्रपाठक, अनुवाक १४ व तैत्तिरीय ब्राह्मण प्रथमकांड, षष्ठःप्रपाठकः] “क्षत्राणां क्षत्रपति रसि, ” “क्षत्राणां क्षत्रपतिरंसी-त्याह । क्षत्राणामेवैनं क्षत्रपतिं करोति । ” वगैरे स्थलीं आवेस्त्याच्या पूर्वीपासून येत आहे. तेव्हां हा शब्द फारशीतून किंवा आवेस्तीतून उसना येतलेला नाही; मूळ संस्कृतांतला च आहे. संस्कृतांतून आवेस्तींत उसना येतला असण्याचा संभव मात्र जास्त आहे. क्षत्रपति शब्द पंजाब व अफगाणिस्थान ह्या प्रांतांत बोलल्या जाणाऱ्या पैसाची उच्चारंत सत्रप, सत्रपति, असा होऊन

“क्षत्रप” अशा रूपानें ग्रीक, पल्हव वगैरे लोकांत प्रचलित झाला. क्षत्रप व महाक्षत्रप या शब्दांची अशी परंपरा असल्यामुळे, एखाद्या शातवाहनाची नायको एखाद्या हिंदू क्षत्रपाची किंवा महाक्षत्रपाची मुलगी असून, म्ळेच्छ नसू शकेल. क्षत्रप, महाक्षत्रप, ह्या हिंदुस्थानांत, विशेषतः पश्चिम हिंदुस्थानांत त्या काळीं प्रचलित असलेल्या पदव्या म्ळेच्छ उडाणटप्पूनीं घेतलेल्या आहेत. क्षत्रपति ह्याचा अपभ्रंश होउन छत्रपति असा शब्द पश्चिम हि-

क्षत्रपति शब्द दुस्थानांत हजारो वर्षे प्रचलित होता व तो तीनशें वर्षा-
सी-यू-कीं त मागें शिवाजीच्या विरुदावलींत प्रविष्ट होऊन, अद्याप हि
येतो. अजरामर आहे. ह्या क्षत्रपति, छत्रपति शब्दाचा उल्लेख
सी-यू-कींत (Beals' Translation) आला आहे.

नरपति, हयपति, गजपति व क्षत्रपति, असे चार प्रकारचे राजे हिंदुस्थानांत

असून, पश्चिम हिंदुस्थानांतील राजांना क्षत्रपति,

क्षत्रपति-छत्रपति ही छत्रपति, ही पदवी लावतात, अतें सी-यू-कींत
पश्चिम हिंदुस्थानचा (A. D. 600) झटलें आहे. शिवाजी पश्चिम
राजा जो शिवाजी हिंदुस्थानांत झाला, तेव्हां त्याला क्षत्रपति-छत्रपति
त्याची पदवी होते. ही पदवी इतिहासोक्त, शास्त्रोक्त व रुढियुक्त मि-

ळाली, ह्यांत विलंकुल संशय नाही. व्युत्पत्तीची
चूक झाल्यामुळे, डाक्टरांनीं म्ळेच्छांचीं आर्यांशीं लग्न लावून दिलीं आहेत !

३० विद्वज्जनचक्रोच्चंद्र अशा ह्या महाराष्ट्री प्राकृत भाषेला शिरसा
सातवाहनांच्या प्रणाम करणाऱ्या शातवाहनांची ऊर्फ शाकरा-
साम्राज्याबरोबर जांची रियासत शक १५० पर्यंत चालली. शकपूर्व
महाराष्ट्रीचें सा- १५० त सीमुख शातवाहनानें सुंग व काण्वायन
म्राज्य. वंशांचा नाश करून मगधाचें सिंद्वासन स्वतःच
बळकाविलें. तेव्हां पासून शकौत्तर १५० पर्यंत

शातवाहनांची छाप उत्तर व दक्षिण हिंदुस्थानांत चांगली बसलेली होती.
ती इतकी कीं, त्यांच्या राज्याला तीन समुद्रांचा—पूर्व, पश्चिम, दक्षिण—
स्पर्श होतो, अशी झणच पडून गेली. ह्या राजकीय छपीबरोबर त्यांच्या
भाषेची झणजे महाराष्ट्रीची हि छाप भारतवर्षांत सर्वत्र बसली. कालिदास
मालव्यांन व कादमीरांत राहत असे, परंतु त्यांच्या नाटकांतील प्राकृत भाषा

अंशतः महाराष्ट्री आहे. गाथासतशतींत दिलेली विक्रमराजाची गाथा किंवा काश्मीरच्या प्रवरसेनाची गाथा किंवा काश्मीरस्थ प्रवरसेन-विरचित सेतु-बंधाची भाषा महाराष्ट्रीच आहे. राजकीय साम्राज्याबरोबर व वजनाबरोबर भाषेचें हि साम्राज्य व वजन वाढतें. इसवीच्या १७ व्या व १८ व्या शतकांत युरोपांत सर्वत्र फ्रेंच भाषेचें जसें साम्राज्य झालें किंवा एकोणिसाव्या व विसाव्या शतकांत हिंदुस्थानांत जसें परक्या इंग्रजीचें साम्राज्य झालेलें आहे, तोच प्रकार शक पूर्व १५० पासून शकोत्तर १५० पर्यंत व पुढें हि कांहीं काल महाराष्ट्रीचा झाला. पेशव्यांच्या अमदानींत खुद्द दिल्लीचे पात-शाहा मराठी लिहूं व बोलूं लागले आणि कायथ लोक व रजपूत राजे मराठी मायने बोलूं लागले किंवा हैसूरचे कानडीअप्या मराठींत हिसाब ठेवूं लागले. हा सर्व प्रभाव राजकीय साम्राज्याचा व सामर्थ्याचा होय.

३१ शक १५० नंतर शातवाहनांचें साम्राज्य नष्ट झालें. विशिष्ट

शातवाहनांच्या साम्रा-
ज्याची धूळधाण-तत्स-
मवेत महाराष्ट्री भाषेचा
पडित काळ.

कारण काय तें माहित नाहीं. नित्याप्रमाणें अंतस्थ दौर्बल्य व बहिःस्थ अनायीचें प्राबल्य हीच कारणे असावीं. शातवाहनांच्या आपू-र्वपश्चिमसमुद्र राज्यांत लहान मोठे संस्थानिक होते. त्या पैकीं महाराष्ट्राच्या उत्तरेस व पश्चिमेस

कांहीं राष्ट्रकूट होते त्यांनीं बंड केलें. चेदिदेशांत कलचूरींनीं आपला शक सुरू केला (शक १७०). दक्षिणेंत कदंबांनीं व म्लेच्छ पल्लवांनीं आपापली स्वतंत्र संस्थाने स्थापिलीं. अभीर, पिंडार, पुलिंद, शक, वगैरेंनीं हि दंगे माजवले. अशी शातवाहनांच्या राज्याची शोचनीय वाताहत झाली. त्याबरोबर महा-राष्ट्री भाषेला हि पडितकळा लागली. शक १५० पासून शक ४५० पर्यंत सुमारे तीनशें वर्षे महाराष्ट्रांत कोणी चक्रवर्ती राजा नव्हता; लहान लहान संस्थाने व मवास होते. नर्मदेच्या उत्तरेस शक २५० च्या सुमारास गुप्तांचें साम्राज्य सुरू झालें. समुद्रगुप्ताच्या जयस्तंभांत (शक २४६—२९६) दक्षिणेतील कांहीं संस्थानिकांचीं नांवें येणेंप्रमाणें दृष्टीस पडतात (Fleets ग्रुप inscriptions).

शक १५०-४५० पर्यंचे महारा- ष्ट्रातील कित्येक संस्थानिक.	राजा	देश
	१ महेंद्र	कोसल (रायपूर-संबळपूर)
	२ व्याघ्रराज	महाकांतार (विंध्याद्रीच्या आस- पासचा डोंगराळ मुळख)
	३ मंदराज	केरल (मलबार)
	४ महेंद्र	पिष्टपुर (पिठापूर-मद्रास)
	५ स्वामिदत्त	कोडूर (नाशिक, कोटरे)
	६ दमन	एरण्डपल्ल (एरंडोल-खानदेश)
	७ विष्णुगोप	कांची (कांचीवरम्)
	८ नीलराज	अवमुक्त [अनभिज्ञात]
	९ हस्तिवर्म	वेंगी [वारंगल-मछलीपट्टम्]
	१० उग्रसेन	पालक [अनभिज्ञात]
	११ कुबेर	देवराष्ट्र [कऱ्हाड-सातारा जिल्हा, सध्याचे देवराष्ट्र, येथे जुने अवशेष फार आहेत.]

१२ धनंजय कुस्थलपुर [कोठलूर]

पैकी व्याघ्रराज, स्वामिदत्त, दमन व कुबेर हे संस्थानिक विंध्याद्री,
नाशिक, खानदेश, व कऱ्हाड या प्रांतांभोवतीं
महाराष्ट्रीचा ज्हास शक २५०-३०० च्या सुमारास राज्य करीत
व होते, आणि गुप्तांना कदाचित् करभार देत होते.
अंत.

ह्या संस्थानिकांची वजनदारी बेताचीच पडल्यामुळे,
महाराष्ट्री भाषेचा बोज रहावा तसा राहिला नाही व ती भाषा उत्तरोत्तर
मागसत चालली. शातवाहनांच्या कारकीर्दीत पैठण हें प्राकृत विद्वानांचें
व सरस्वतीभक्तांचे माहेरघर बनलें होतें. तें ह्या तीनशें वर्षांत मोडून,
शक ४५० च्या सुमारास महाराष्ट्री भाषा व सरस्वत ह्यांचा अंत झाला.

३२ शक १५० पासून शक ४५० पर्यंतच्या अवधीत महाराष्ट्री भाषा
अपभ्रंश. अपभ्रंश झाली. नागर महाराष्ट्रीचे पुरस्कर्ते जे शातवाहन राजे
आणि तदाश्रित विद्वान व प्रतिभासंपन्न ग्रंथकार त्यांचे नियमन
नाहींत झाल्याबरोबर महाराष्ट्री भाषा सर्वस्वी अनागर लोकांच्या हातांत गेली

आणि अपभ्रष्ट झाली. नागर महाराष्ट्री ऐन रंगांत असतां, अनागर अपभ्रंश केवळ खालच्या प्रतीच्या अनागर लोकांत होता. ह्या अपभ्रंशाची परंपरा फार पुरातन आहे. म्लेच्छो ह वा एष यदपशब्दः, तस्मान्नब्राह्मणो म्लेच्छेत, वगैरे इशारे शतपथश्रुतीतून सांपडतात. हणजे ब्राह्मणकाली संस्कृत उच्चाराने अपभ्रष्ट उच्चार म्लेच्छादि अनार्य लोक व त्यांच्या संसर्गाने खालच्या प्रतीचे आर्य लोक करून लागले होते, आसा अर्थ होतो. हा म्लेच्छकृत व अनागरार्यकृत अपभ्रंश स्वतंत्र भाषेच्या योग्यतेला ब्राह्मणकाली आला नव्हता. परंतु कालान्तराने त्याची व्याप्ति समाजांत अतोनात होऊन, ती प्रकट-पअड पअल-पाल-पाली [स्त्रीलिंग] भाषेच्या रूपाने प्रसिद्ध झाली. ह्याच सुमारास शौरसेनी, मागधी, पैशाची व महाराष्ट्री, ह्या हि प्रकट ऊर्फ अपभ्रष्ट भाषा निरनिराळ्या प्रांतांत सुरू झाल्या. ह्या प्रकट भाषा बहुजन मान्य झाल्यावर त्यांना अपभ्रंशाच्या वर्गातून काढून स्वतंत्र भाषांच्या मान्य वर्गांत घालणे वैय्यकरणांना इष्ट दिसले, व त्यांना प्राकृत भाषा असे अभिधान प्राप्त झाले. संस्कृत व प्राकृत असे आर्यभाषेचे दोन मान्य पोटभेद झाले; आणि ह्यांच्या खेरीज जे अपभाषण त्याला अपभ्रंश म्हणू लागले. सारांश, अपभ्रंश व्याप्तिमान् झाला हणजे त्याला स्वतंत्र भाषा हणावयाचे व त्या नव्या झालेल्या स्वतंत्र भाषेचा जो दुसरा अपभ्रंश त्याला अपभ्रंश हणावयाचे, असा वैय्यकरणी प्रघात प्रचलित झाला.

प्राकृतं संस्कृतं चैतदपभ्रंश इति त्रिधा ॥

३३ कांहीं काल संस्कृत, आणि मागधी, शौरसेनी, पैशाची व महाराष्ट्री ह्या पांच मुख्य भाषा असून, अपभ्रंश हा स्वतंत्र भाषा-भेद हणून गणला जात नव्हता. परंतु कालान्तराने संस्कृत व ह्या चारी प्राकृत मागसत जाऊन, अपभ्रंशांचे व प्राकृत पोटभाषांचे राज्य सुरू झाले. मागधी-अपभ्रंश, शौरसेनी-अपभ्रंश, पैशाची-अपभ्रंश व महाराष्ट्री-अपभ्रंश, असे चार मुख्य अपभ्रंश प्रचलित झाले. शक १५० च्या सुमारास शालिवाहनांचे महाराष्ट्रांतील साम्राज्य नष्ट झाल्यापासून शक ४५० त चालुक्यांचे साम्राज्य सुरू होईतोपर्यंत महाराष्ट्री-अपभ्रंश महाराष्ट्रांत प्रचलित होता. नर्मदेच्या उत्तरेस मौर्यांचे साम्राज्य शकसंवत्पूर्वी सुमारे दीडशे वर्षांच्या सुमारास नष्ट झाले. तेव्हांपासून शक २०० च्या सुमारास गुप्तांचे सा-

प्राज्य सूरं होईतोंपर्यंत मागधी-अपभ्रंश, शौरसेनी-अपभ्रंश व पैशाची-
 मागधी-अपभ्रंश, अपभ्रंश नर्मदेच्या उत्तरेस प्रचलित झाले. अप-
 शौरसेनी-अपभ्रंश, भ्रंशाचे हे चार भाषापरत्वे भेद झाले; प्रांतपरत्वे
 पैशाची-अपभ्रंश, व जातिपरत्वे जे भेद झाले त्यापैकी किलेकांचीं नांवें
 येणें प्रमाणें:—१ शाकारी, २ ढकी, ३ दाक्षिणात्य

महाराष्ट्री-अपभ्रंश.

४ चूलिकापैशाची, ५ चांडाली, ६ आभीरी, ७
 अवंतिजा, ८ प्राच्या, ९ पांचाली, १० मालवी,
 ११ गोडी, १२ ओडी, १४ कालिंगी, १५ कानाटकी, १६ द्राविडी, १७
 गुर्जरी, १८ अर्धमागधी. शक, यवन, किरात, दर्द, खश, पछव, वगैरे पि-
 शाच लोक शकपूर्व १५० पासून सुमारे शक ४५० पर्यंत भरतखंडांतील नि-
 रानिराळ्या भागांत राज्यकर्ते या नात्यानें पसरले होते. तत्संबंधानें पैशाची
 भाषेचे ११ भेद प्राकृत वैयाकरणानीं उल्लेखिलेले आहेत.

कांचीदेशीयपांडचे च पांचालगौडमगधम् ।

त्राचडं दाक्षिणात्यं च शौरसेनं च कैकयम् ।

शावरं द्राविडं चैव एकादश पिशाचकाः ।

सारांश सुमारे शक ४५० पर्यंत पांचपंचवीस अपभ्रंश भरतखंडांत उत्पन्न
 झाले. पैकीं, अवंतिज अपभ्रंशासंबंधानें एक बाब येथें नमूद करतो. प्रो-
 परशुरामपंत पाटणकर, बनारस, यांनीं गेल्या वर्षीं उज्जनी प्रांतांतील रांगडी
 बोलीच्या व्युत्पत्तीवर एक लहानसा निबंध लिहून, त्यांत असें दाखविण्याचा
 प्रयत्न केला आहे कीं, मराठी व रांगडी ह्यांचा कांहीं तरी संबंध आहे.
 कोणता विशिष्टसंबंध आहे तें, मात्र, त्यांनीं नीट उलगडून दाखविलें नाहीं.
 अवंतिजा भाषेची नात सध्याची रांगडी भाषा आहे. त्या अवंतिजा भाषेची
 उत्पत्ति येणेंप्रमाणें:—

आवंती स्यान्महाराष्ट्री-शौरसेन्यास्तु संकरात् ॥

(मर्कडेय in pischel's Grammatik)

तेव्हां, महाराष्ट्रीचे कांहीं गुण रांगडींत दिसावे, हें रास्तच आहे.

३४ ह्या पाचपंचवीस अपभ्रंशांतून महाराष्ट्री-अपभ्रंशांशीं प्रस्तुत
 स्थळीं विशेष कर्तव्य आहे. हा अपभ्रंश शातवाहनसाम्राज्याच्या अंतापासून
 ह्यणजे सुमारे शक १५० पासून चालुक्यांच्या साम्राज्याच्या प्रारंभापर्यंतच्या
 ह्यणजे शक ४५० च्या पर्यंतच्या कालामध्ये उदयास आला, ह्याचें स्वरूप

कसें होतें, तें मुख्यतः हेमचंद्राच्या सिद्धहेमचंद्रम् नांवाच्या व्याकरणाच्या ३२९ पासून ४४६ पर्यंतच्या सूत्रांवरून कळतें. हेमचंद्राची हयात शक १०१० पासून शक १०९४ पर्यंत होती. ह्या वेळीं महाराष्ट्री-अपभ्रंश महाराष्ट्रीतील लोक बोलत असत कीं काय ? ह्या प्रश्नाला, नाही, असें स्वच्छ उत्तर देतां येण्याला साधनें आहेत. तीं हीं:—शक १०५१ तील अभिलषितार्थचिंतामणीतील पदे जिला मराठी भाषा ह्मणतात व जी ज्ञानेश्वर बोलत व लिहित असे तींत आहेत. शक ९०५ तील चामुंडरायाचा शिलालेख हि मराठी भाषेतच आहे. शक ६५८ तील चि-कुडें येथील लेखाची भाषा हि मराठी आहे. इतकेंच नव्हे तर, शक ४१० तील मंगळवेढें येथील ताम्रपट हि मराठी भाषेतला आहे. ह्मणजे मराठी भाषा ह्मणून ज्या भाषेला आपण ह्मणतो, तिच्यातील अत्यंत जुना लेख

शक ४१० पर्यंत गेलेला आहे. आतां, इतकें उ-
महाराष्ट्री-अप- घड आहे कीं, शक १०५१ तल्या मराठी भा-
भ्रंश शक ४०० च्या षेच्या रूपाहून तत्तत्पूर्वीच्या लेखांची भाषा उत्तरो-
सुमारास मृत झाला. तर जास्त जास्त जुनाट आहे. परंतु ह्या सर्व ले-

खांतील भाषा मराठी आहे, अपभ्रंश नाही. ह्याचा अर्थ काय होतो ? ह्याचा अर्थ असा होतो कीं, महाराष्ट्री-अपभ्रंश शक ४०० च्या सुमारास संपून, मराठी भाषेला प्रारंभ झाला व हेमचंद्रानें ज्या अपभ्रंशाचें व्याकरण राचिलें तो अपभ्रंश त्याच्या कालीं मृत होता. मराठी भाषा शक ६०२ पासून शक ११२८ पर्यंत महाराष्ट्रांत चालू होती, ह्या बाबीला दुसरा हि अवांतर पुरावा आहे. ह्या अवधीतील चाळुक्य, राष्ट्रकूट, शिलार, यादव वगैरे महाराष्ट्रांतील राजांचे जे संस्कृत ताम्रपट आहेत त्यांतून स्थळोस्थळीं अस्सल मराठी शब्द सांपडतात. शक ६०२ तील विक्रमादित्य सत्याश्रयाच्या ताम्रपटांत “पन्नास” हा शब्द आलेला आहे. हा शब्द महाराष्ट्रीप्राकृतांतील किंवा महाराष्ट्री-अपभ्रंशांतील नाही. महाराष्ट्रीत व अपभ्रंशांत पण्णासं, पण्णासा, पन्ना, अशीं रूपें येतात. शक ६०२ पासून शक ११२८ पर्यंत ताम्रपटांतून आलेल्या अस्सल मराठी शब्दांची यादी प्रभात-मासिकांतील पाटण येथील शक ११२८ तील शिलालेखांत दिली आहे. तात्पर्य, मराठी शक ४०० च्या सुमारास सुरू झाली, हें अस्सल पुराव्यानें

सिद्ध आहे व हेमचंद्राने ज्या अपभ्रंशांचे व्याकरण रचले तो अपभ्रंश शके ४०० च्या सुमारास मृत झाला होता, असें ह्यट्यावांचून गत्यन्तर नाही.

३५ मराठी भाषा शके ४०० च्या सुमारास सुरू होईतावत्कालपर्यंत भाषांची परंपरा माझ्या मते येथेप्रमाणें दिसते:—

संस्कृत.	ऋषि:—वैदिक भाषा:—शकपूर्व १०,००० पासून शकपूर्व ३०००.
	पाणिनि:—ब्राह्मण भाषा:—शकपूर्व ३००० पासून शकपूर्व १५००.
	पतंजलि:—संस्कृत भाषा:—शकपूर्व १५०० पासून शकपूर्व २००.
प्राकृत.	पाली भाषा:—शकपूर्व १५०० पासून शकपूर्व ४००
	सौरसेनी भाषा:—शकपूर्व १५०० पासून शकोत्तर १५०
	मागधी भाषा:—शकपूर्व ५०० पासून शकोत्तर १५०
	पैशाची भाषा:—शकपूर्व ५०० पासून शकोत्तर १५०
	महाराष्ट्री भाषा:—शकपूर्व १००० पासून शकोत्तर १५०

प्राकृतिक.	सौरसेनी—अपभ्रंश मागधी—अपभ्रंश पैशाची— महाराष्ट्री—	बगैरे	शके ० पासून शकोत्तर ४५० पर्यंत
प्राकृतिकोद्भव.	ब्रज मैथिल बंगाली ओढी काश्मिरी नेपाली पंजाबी सिंधी गुजराथी रांगडी मराठी	बगैरे	शके ४०० पासून आतांपर्यंत ह्यणजे शके १८३० पर्यंत.

कालाचे आंकडे कित्येक स्थलीं शंभर दोनशें वर्षे अलीकडे पलीकडे होऊं शकतील, हें सांगायचास नको. एक बाब, पूर्व भाषा असतांनाच उत्तर भाषा अपभ्रंश हाणून सुरू होते. एक गोष्ट लक्षांत घेतली पाहिजे. पूर्वभाषा प्रचलित असतांनाच उत्तरभाषा अपभ्रंश ह्या नात्याने सुरू झाल्या होत्या. हाणजे ब्राह्मण-संस्कृत प्रचलित असतांना पाली भाषा अपभ्रंश हाणून सुरू झाली व ब्राह्मण-संस्कृत प्रचारांतून गेल्यावर तत्स्थानीं अधिष्ठापित झाली. पालीभाषा प्रचलित असतांना, मागधीभाषा अपभ्रंशरूपानें सुरू झाली व पालीभाषा आढोपल्यावर तत्स्थानापन्न झाली. तसेंच, महाराष्ट्री भाषा चालू असतांच महाराष्ट्री-अपभ्रंश सुरू झाला व महाराष्ट्री नष्ट झाल्यावर तिची जागा त्यानें पटकाविली महाराष्ट्री-अपभ्रंश चालू असतांच मराठी सुरू झाली व तो मेल्यावर त्याची जागा मराठीनें व्यापिली.

एका भाषेच्या स्थलीं दुसरी भाषा येत असतांना, आणीक एक चमत्कार दृष्ट्युत्पत्तीस येतो. नवी अपभ्रंश भाषा आस्ते आस्ते लोकमान्य होत असतांना, जुनी सुमूर्ध भाषा कांहीं काल प्रतिष्ठित ग्रंथकार व लोक लिहित व बोलत असतात. पाली, शौरसेनी, महाराष्ट्री वगैरे प्राकृत भाषा लोकमान्य होत असतांना, ब्राह्मण-संस्कृत व पातंजल-संस्कृत प्रतिष्ठित लोकांत प्राचलित होतेंच. अपभ्रंश सुरू होत असतां, महाराष्ट्री-प्राकृत प्रातिष्ठित ग्रंथकार लिहीतच असत. आणि मराठी उदयास येत असतांना शतक-दोन शतक अपभ्रंशाला प्रतिष्ठित ग्रंथकार विसरले नव्हते. संस्कृत, प्राकृत व अपभ्रंश, ह्यांचा लोप झाला असतां हि, शक ४०० च्या नंतरचे नाटककार ह्या तिन्ही भाषा प्रतिष्ठित हाणून आपल्या नाटकांत योजित असत, व अप्रतिष्ठित ज्या मराठी वगैरे भाषा त्यांचें नांव ही काढीत नसत. प्रतिष्ठित ग्रंथकार जुन्या मेलेल्या भाषांना चिकटून राहतात, ह्या विधानाला पोषक अशीं दोन प्रमाणें देतो. प्रथमः पातंजलीचें जें संस्कृत तेंच भवभूति, हर्ष,

हेमाद्रि, वगैरेंचें संस्कृत आहे. तेंच कालीदासाचें जें प्राकृत तेंच हेम-
चंद्राचें प्राकृत आहे. ह्मणजे हे प्रतिष्ठित उत्तरकालीन ग्रंथकार मेलेल्या भाषा
योजीत आहेत, हें स्पष्ट आहे. द्वितीयः शूद्रक, विशाखदत्त, बाण, श्रीहर्ष,
नारायणभट्ट, जयदेव, भवभूति, इत्यादि नाटककार, महाराष्ट्र, माळवा, काश्मीर,
ओढिया, प्रयाग, इत्यादि निरनिराळ्या प्रांतांत रहाणारे असून, सर्वच महाराष्ट्री,
शौरसेनी, अपभ्रंश, वगैरे भाषा योजतात. शिवाय; प्राकृतांत काव्य रचतांनां
महाराष्ट्रीचा उपयोग करावा व गद्य बोलतांनां शौरसेनी वापरावी, वगैरे नि-
यम साहित्यग्रंथकार देतात; मग नाटककार कोणत्या हि प्रांतांतला असो व
श्रोतृवर्ग वाटेल त्या प्रदेशांतला असो. ह्याचा अर्थ काय? उदाहरणार्थ, म-
थुराप्रांतांतील लोक श्रीहर्षाच्या वेळीं काय दोन भाषा बोलत होते, काव्या-
करितां महाराष्ट्री व गद्याकरितां शौरसेनी? तसेंच, नाटकांवरून असें दिसतें
कीं, नायक संस्कृत बोलतो, नायिका महाराष्ट्रीत गाते व शौरसेनीत बोलते,
सेवक मागधीत विनंती करतो, मेव्हणा शाकारीत बकतो, चोर ढकी बोलतात
व चांडाल चांडाली वापरतात, आणि ह्या सर्व भाषा एकाच घरांत चालतात.
तेव्हां, हा प्रकार काय आहे? शकसंवत्ताच्या प्रारंभी होऊन गेलेला कालीदास
एकाच पात्राच्या तोंडून महाराष्ट्री व शौरसेनी अशा दोन भाषा वदवतो, हें
देखील जरा चमत्कारिकच आहे. परंतु, त्या काली महाराष्ट्री भाषा उन्नत व
नागर स्थितीप्रत पावून शातवाहनराजांच्या पाठिव्यामुळे भरतखंडांत सर्वत्र
मान्य व ग्राह्य झालेली होती. तेव्हां, महाराष्ट्रग्राह्य प्रांतांत हि तिचा प्रचार
स्त्रीपुरुषांत अव्याहत होता, असें समजून चालतां येईल. परंतु शकाच्या
पांचव्या शतकाच्या पुढें झालेले जे बाण, श्रीहर्ष, इत्यादि नाटककार ते हि
महाराष्ट्री, शौरसेनी वगैरे एकाहून जास्त भाषा एकाच पात्राच्या तोंडीं घाल-
तात, हा चमत्कार कोठला? शकाच्या पांचव्या शतकाच्या सुमारास महा-
राष्ट्री भाषा मरून दोनतीनशें वर्षे झाली होती व अपभ्रंश सुमूर्धुदशेंत होता,
हें तर शक ४१० तील मराठी शिलालेखावरून स्पष्ट आहे. तेव्हां बाण,
श्रीहर्ष वगैरे कवी गतानुगतिकन्यायानें मृतसंस्कृताप्रमाणेंच, मृत महाराष्ट्री,
मृत शौरसेनी व सुमूर्ध अपभ्रंश योजीत होते, यांत संशय नाहीं. जयदेवाच्या
काली महाराष्ट्री मेली होती, अपभ्रंश मेली होता व मराठी भाषा चांगली
नावारूपाला येत चालली होती; तसेंच, शौरसेनी मरून तिच्या जागीं जुनी
व्रज भाषा आलेली होती. तंत्राधि, प्रसन्नराघवांत महाराष्ट्री व शौरसेनी—

कालिदासाची व वररुचीची महाराष्ट्री व शौरसेनी जयदेव योजतो. त्यांत दुसरी एक नकलेची गोष्ट अशी कीं जयदेव रहाणारा ओढिया प्रांतांतला. जुन्या ओढियेचा मागधीकडे संबंध. असें असून, ओढिया, किंवा तत्पूर्व-कालीन मागधी भाषा न योजतां, जयदेव ज्याअर्थी महाराष्ट्री व शौरसेनी भाषा योजतो, त्या अर्थी तो साहित्यशास्त्रकारांच्या उपदेशाला अनुसरून गतानुगतिक न्यायानें मृत व मुमूर्षु भाषांत लिहीत आहे, हें उघड आहे. हा अचरटपणा कृष्णाजीपंत शेषे वगैरे नुकत्या तीनशें वर्षांपलीकडील नाटक-कारांनीं हि केलेला आहे. असे, गतानुगतिकास्तर व पुष्पाप्रियतेस्तव मृत व मुमूर्षु भाषांत नाटके लिहिण्याच्या ह्या लकबीनें कित्येक युरोपियन टीका-कारांना चकविलें आहे. कालदृष्ट्या पहावें तर लोकांत एक भाषा प्रचलित आहे असें दिसतें व नाटककारांच्या ग्रंथांत पहावें तर मृत व मुमूर्षु भाषा योजलेल्या दृष्टीस पडतात. त्यावरून ह्या टीकाकारांना अशी शंका आली कीं, संस्कृत, प्राकृत व प्राकृतिक अपभ्रंश, ह्या कृत्रिम भाषा तर नसल्या? कित्येक उतावले व दुष्टबुद्धि टीकाकार, तर, इतक्या हि थराला गेले कीं, ही सर्व ब्राह्मणांची फसवेगिरी असावी! ह्या दुसऱ्या बालिश टीकाकारांकडे लक्ष देण्यांत हांशील नाहीं. कृत्रिमभाषावाद्यांची शंका, मात्र, सकारण होती. तिचा परिहार वर झालाच आहे. जैनमहाराष्ट्री, जैनशौरसेनी वगैरे भाषांचा हि प्रकार वरच्याप्रमाणेंच आहे. जुनी मृत महाराष्ट्री भाषा आपली धर्मग्रंथभाषा ह्याणून जैन ग्रंथकार समजत. आपले धर्मशास्त्रग्रंथ जसे मृत संस्कृतांत अद्याप हि रचले जातात, तोच प्रकार जैनधर्मग्रंथांचा आहे. तात्पर्य, भरतखंडांतील ग्रंथकारांचा मृतभाषांत लिहिण्याचा ओढा विशेष असतो, हें उघड आहे.

“A Peep into the early history of India ” (J. B. B. R. A. S. 1901 vol XX) ह्या चटकदार निबंधांत डाक्टर भांडारकर यांनीं खालील विधानें केलीं आहेत. (1) Another peculiarity of this period (from about the beginning of the second century before Christ to about the end of the fourth century after) was the use of the Pali or the current Prakrit language in Inscriptions. (2) But now (from about the end of the fourth century after Christ) we

find that sanskrit rose in importance and the vernaculars were driven out of the field. ख्रिस्तपूर्व २०० पासून ख्रिस्तनंतर ४०० पर्यंत प्राकृतांचें साम्राज्य होतें; परंतु ४०० नंतर प्राकृतांना गचांडी मिलून संस्कृत तत्स्थानापन्न कां झाली, ह्याचें कारण, डाक्टरांनीं असें दिलें आहे कीं, Brahmanism चा उदय झाला, त्यामुळें प्राकृत मागें पडल्या व संस्कृत पुनः उदयास आली. ह्या चमत्काराचें खरें कारण मी जें वर दिलें आहे तें आहे. महाराष्ट्री वगैरे प्राकृत भाषा शक २०० च्या सुमारास मेळ्या. पुढें दोनअडीचशें वर्षें अपभ्रंश प्रचलित होता. तो हि शक ४०० च्या सुमारास मरून, आधुनिक मराठी वगैरे प्राकृतिकोद्भव भाषा जन्मास आल्या. परंतु, त्यांना विद्वन्मान्यता नसल्यामुळें, त्यांचा उपयोग झणावा तसा होत नसे. डाक्टर भांडारकरांनीं वृत्तनिरूपण बराबर केलेलें आहे; परंतु वृत्ताचें कारण, मात्र, जें द्यावें तें दिलें नाहीं. संस्कृत भाषेचा पुनरुदय व Brahmanism चा पुनरुदय हीं एकाच कारणाचीं कार्यें आहेत. बौद्धधर्म व प्राकृत भाषा मेळ्यामुळें संस्कृत भाषा व Brahmanism उदयास आलीं. बौद्धधर्माचा अस्त व प्राकृत भाषांचा मृत्यु हीं कारणें असून, Brahmanism व संस्कृत भाषा यांचा उदय हीं सोदर कार्यें आहेत. संस्कृत भाषेच्या पुनरुदयाचें Brahmanism हें कारण नाहीं, प्राकृत भाषांचा मृत्यु हें कारण आहे.

३६ शक ४०० च्या सुमारास मराठी भाषा सुरू झाली, तेव्हां, अपभ्रंश नष्ट होत चालला होता व महाराष्ट्रीभाषा मृत झाली, होती, ह्याला दुसरें एक प्रमाण आहे. शक ४५० च्या सुमारास महाराष्ट्रांत चालुक्यांचें राज्य सुरू झालें. चालुक्यांच्या अमदानींत जे ताम्रपट व शिलालेख खोदले गेले ते प्रायः सर्व संस्कृत भाषेंत आहेत, शातवाहनांच्या कारकीर्दीतल्या प्रमाणें प्राकृतांत किंवा अपभ्रंशात नाहींत. ह्याचा अर्थ असा होतो कीं, महाराष्ट्री व अपभ्रंश मृत व मुमूर्ष स्थितींत चालुक्यांच्या वेळीं होते. तेव्हां, सहजच त्यांनीं त्या मृत व मुमूर्ष भाषांचा उपयोग केला नाहीं. मराठीचा उपयोग करावा ह्याटलें तर ती भाषा राजमान्य झाली नव्हती, नुकतीच उदयास येत चालली होती. तथापि, शक ४१० तील मंगळवेढ्या ताम्रपटावरून व शक ६५८ तील चिकुड्यांच्या ताम्रपटावरून असें दिसतें कीं,

सामान्य लोकांचें सर्व लिखाण मराठी भाषेंतच चाललें होतें. शिवाय हा हि एक प्रश्न उभा रहातो कीं, चालुक्यराजांचें दफ्तर, राज्याचे हिशोब वगैरे, कोणत्या भाषेंत लिहिलें जात असे ? संस्कृत भाषा दफ्तरांतोळ कारकुनांस येत असेल हें संभवत नाहीं. तसेंच, सामान्य लोकांस ह्मणजे पाटीलकुळकर्ण्यास उद्देशून जीं सरकारी आज्ञापत्रें जात असतील तीं संस्कृतांत लिहिलीं जात असत, हें हि विधान मराठी उर्फ देशी. असंभाव्य च दिसतें. तेव्हां, असें ह्मणणें प्राप्त होतें कीं, चालुक्यराजे राज्यांतील सामान्य व्यवहार तत्का-

लीन देशभाषेंत च करीत असले पाहिजेत. असामान्य व्यवहारह्मणजे विशिष्ट देणग्या वगैरे संबंधींचें आज्ञालेख किंवा दानलेख विद्वान व शिष्ट ब्राह्मणांना उद्देशून लिहिल्यामुळे, ते तेवढे संस्कृतभाषेंत करले जात. इतर सर्व व्यवहार त्या त्या देशभाषेंत च होत होते. चालुक्यांच्या साम्राज्यांत मुख्यतः दोन भाषा सामान्य लोकांत प्रचलित असतः— १ मराठी व २ कानडी. ह्या दोन भाषांत सामान्य लिखाण होत असे. पैकीं मराठी भाषेला देश्य, देशी अशी संज्ञा असे. ज्ञानेश्वर मराठीला देशी ह्मणतो. हेमचंद्राच्या देशीनाममालेंतील देशी शब्द प्रायः तत्कालीन मराठीच आहेत. इतकेंच कीं, वृत्तसुखार्थ व संस्कृतभाषारूपार्थ बहुतेक देशी शब्दांना त्यानें संस्कृत पेहराव थोडा बहुत दिला आहे.

३७ आतांपर्यंत जे जुने मराठी लेख उपलब्ध झाले आहेत त्यांत अत्यंत जुना लेख झटला ह्मणजे शक ४१० शक ९०० पर्यंत मराठींत तील मंगळवेढें येथील ताम्रपट होय. हा सारस्वताभाव. लेख व ह्याच्यानंतरचे जुने मराठी लेख ह्यांची समग्र यादी मागें चवदाव्या शका- न्यांत दिली आहे. त्यावरून पहातां, असें दिसतें कीं, शक ४०० पासून शक ९०० पर्यंत मराठी भाषा केवळ बोलण्यांत येत होती, तिच्यांत सारस्वत उत्पन्न झालें नव्हतें. अभंग, पदे, भूषाळ्या, कहाण्या, वगैरे वाङ्मय ह्या हि काळीं उत्पन्न झालें असण्याचा पूर्ण संभव आहे. परंतु शक ९०० पर्यंतचे हें वाङ्मय अद्याप उपलब्ध नाहीं. तेव्हां, सध्यांपुढें तरी असेंच ह्मणणें भाग आहे कीं, शक ९०० पर्यंत मराठींत सारस्वत नव्हतें.

३८ शक ९०० पासून पुढें मराठी सारस्वताला प्रारंभ झाला. सार-
स्वताचें अगदीं पहिलें उदाहरण छटलें ह्यणजे
शक ९०० नंतर अभिलषितार्थचिंतामणींतिल पदांचें होय. तदनंतर
नागर मराठी. निवृत्ति, ज्ञानेश्वर, वगैरे नागर ग्रंथकार उदयास
आले व त्यांनीं मराठीला नागर केली. हेमाडपं-
ताच्या वेळीं दरबारचें सर्व लिखाण मोडी मराठींत होत असे.

३९ ज्ञानेश्वरानंतर मुसलमानांचें राज्य महाराष्ट्रांत झालें. त्यामुळें मरा-
ठीला फारसी व अरबी भाषांचा संसर्ग घ-
डला. ह्या संबंधीं विवेचन मराठ्यांच्या
शक १२००-१५००. इतिहासाच्या साधनांच्या आठव्या
खंडाच्या प्रस्तावनेंत साद्यन्त केलेलें आहे.
सद्य, त्या तपशिलांत येथें पडत नाहीं. मुसलमानी रियासतींत जनार्दन, दा-
सोपंत, एकनाथ वगैरे नामांकित ग्रंथकार मराठींत झाले.

४० नंतर, स्वराज्याचा काळ आला.
स्वराज्य शक १५०० पासून त्यांत रामदास-मोरोपंतादि ग्रंथकार व
शक १७३९ पर्यंत. सभासदादि बखरकार झाले.

इंग्रजांचा संसर्ग ४१ शक १७३९ नंतर मराठीला इंग्रजीचा
शक १७३९-१८३०. संसर्ग झाला. तो सध्यां आपण पहातच आहों.

४२ मराठी भाषेच्या स्थित्यंतरांचें स्थूल टिपण हें असें आहे. आज-
पर्यंत मिळालेल्या लेखांवरून १ मराठी भाषेचा इतिहास, २ मराठी भाषेचें
ऐतिहासिक व्याकरण, ३ मराठी भाषेचें निरुक्त व, ४ मराठी भाषेतील-
सारस्वताचा इतिहास, अशीं चार प्रकरणें नामी रीतीनें सजवतां येण्यासारखीं
आहेत. ह्या एकेक विषयाला एकएक स्वतंत्र ग्रंथ च अर्पण केला पाहिजे.

४३ शक १८१८ त मराठी भाषेतील जुने लेख व ग्रंथ शोधण्यास
मी प्रारंभ केला. तेव्हांपासूनच्या बारा वर्षांत जी महत्वाची लेखप्राप्ति झाली
तिच्यावरून ही त्रोटक हकीकत येथपर्यंत दिली. आतां, प्रस्तुत छापलेल्या
ज्ञानेश्वरी-संबंधानें तपशील देऊन, ही प्रस्तावना संपवितां.

४४ बालेघाटी बीडशहरी पाटांगण नांवाचें एक देवस्थान आहे. तेथें शके १८२५ त ही ज्ञानेश्वरीची प्रत सांपडली. पोथीचें मूलस्थान. इतर दहावीस ज्ञानेश्वर्या तेथें पडल्या होत्या त्यांत ही प्रत एका कोनाड्यांत पोथ्यांच्या ढिगांत लोळत पडली होती. मठाधिपति जे मथुरानाथगोसावी त्यांनी मला ही प्रत नजर केली व हिचा योग्य उपयोग करण्यास कळकळीने सांगितलें.

४५ ही प्रत संबंध शाबूत आहे. पानें ३२२ असून, पाठपोट मिळून पोथीचें रूप. पृष्ठें, अर्थात्, ६४४ आहेत. पानाची लांबी ९ इंच व रुंदी ४ $\frac{३}{४}$ इंच आहे. दर पृष्ठास बारापासून चौदापर्यंत ओळी आहेत. अक्षर उत्कृष्ट वळणदार असून, येथूनतेथून एकहातचें आहे. प्रायः प्रत्येक पान कागदाची दुहेरी घडी गोंदानें चिकटवून एकजीव केलेलें आहे. ह्मणजे गोंद काढून पान उघडलें असतां, आंत पोट कोरें आहे आणि पाठीवरील क्षेत्रफळाची दोन पृष्ठें करून वर लिहिलेलें आहे. तात्पर्य कागद आंतून गोंदानें चिकटवून दुहेरी जाड केलेला आहे. शाई लाखी असून, अद्याप अक्षरें पूर्ण शाबूत आहेत. अक्षराचें वळण तत्कालीन मराठी आहे. सोबत जोडलेल्या फोटोवरून पानाचें व अक्षराचें स्वरूप ध्यानांत येईल. प्रत्येक पानाचे चारी कोपरे मुद्दाम वाटोळे केलेले आहेत. कागद तुरटीच्या पाण्याने धुतला असल्यामुळें, तो जलनिर्भय झाला आहे. विरामाच्या उभ्या रेखा व ओव्यांचे अंक तांबड्या शाईने लिहिले आहेत; आणि संस्कृत श्लोकावर तांबडी काव फासली आहे. लांकडाच्या फळीवर सुतळी बांधून, ती आंखणी कागदावर दाबून रेधी पाडलेल्या आहेत. अक्षर वेळूच्या लेखणीने लिहिलें आहे. पहिल्यापासून अखेरच्या पानापर्यंत अक्षरांची लांबीरुंदी एकसारखी आहे. ह्मणजे एकाच टोकाच्या पांच पन्नास लेखण्या लेखकानें जवळ तयार करून ठेविल्या असल्या पाहिजेत. लेखक लिहण्याचा धंदा जन्मसर करणारा असून स्वकर्मकुशल होता, असें दिसतें.

४६ लेखनशुद्धीकडे पहातां, ती प्रायः केवळ निर्दोष आहे. कचित् एखादें अक्षर गळालेलें आढळतें. परंतु अशी स्थलें सबंद लेखनशुद्धि. पोथीत फारच थोडी सांपडतात. गळलेलीं अक्षरें, गळल्या ठिकाणीं काकपद ✓ देऊन, समासांत दाखविलीं आहेत. ह्मणजे पोथी संपल्यावर मूलाशीं कसोशीनें ताडून वधितलेली आहे.

४७ पोथी वाचनाच्या मालक विद्वानां कोठें कोठें समासावर शोध घातलेले आढळतात; मालकाचें अक्षर लेखकाच्या विद्वच्छुद्धि. अक्षराहून भिन्न आहे.

४८ व्याकरणदृष्ट्या पोथीतील रूपें अत्यन्त शुद्ध लिहिलेलीं आहेत. हाणजे ज्ञानेश्वराच्या वेळीं नागर मराठी भाषेचें जें रूप भाषाशुद्धि. होतें तें अक्षरद्वारा जसेचेंतसें ह्या पोथीत दाखविलेलें आहे. म्हस्व, दीर्घ, अनुस्वार, अनुनासिक, कान्हा, माना, उकार, इकार, येथूनतेथून सन्नंद पोथीत, प्रायः, तत्कालीनव्याकरणदृष्ट्या शुद्ध लिहिलेले आहेत. ज्या शब्दाचा व रूपाचा जो उच्चार तो तशाचा तसाच अक्षरांनीं वठवलेला आहे. अगदीं एक सुद्धा अपवाद नाही. इतकी शुद्ध पोथी संस्कृतांत हि सांपडणें कठिण. प्राकृतांत, तर, ती केवळ अनुपमेय आहे. ह्या पोथीचें मराठी भाषाशास्त्राला व निरुक्ताला फारच साहाय्य होईल.

४९ ही पोथी कोण्या विद्वन्मन्यानें पुनः एकदां शुद्ध केलेली आहे. ज्ञानेश्वरकालीन रूपें एकनाथाच्या किंचित् पूर्वी बदलून आधुनिक होत होती. अशा काळीं, ही पोथी कोणा गृहस्थाच्या हातीं पडून, त्यानें हजारों स्थलीं गंधाचा व गेरूचा उपयोग करून मूळपाठ बुजवून टाकिले आहेत. गंध व गेरू हलक्या हातानें खरडून काढून मूळपाठ मी प्रस्तुत छापील प्रतीत दिले आहेत. गंध व गेरू ह्यांच्या लेपाखालील मूळपाठ ज्ञानेश्वरकालीन व्याकरणदृष्ट्या शुद्ध होते, ते ह्या गृहस्थाला अशुद्ध वाटून, त्यानें ही मखलाशी केली आहे. परंतु, ती मखलाशी हि फारच काळजीनें व सफाईनें केली आहे. सारांश, ही पोथी, लेखक, मालक, व मखलाशीकार, ह्या तिन्ही उत्कृष्ट लोकांच्या हातून जातजात मथुरानाथ गोसाव्यांच्या द्वारा माझ्या हातांत आली. ती जशीची तशी महाराष्ट्रांतील विद्वानांच्या सेवेस छापून सादर केली आहे.

५० श्रीमहागणपतयेनमः ॥, असा पोथीचा प्रारंभ आहे. पोथीची समाप्ति येणें प्रमाणें:-

पोथीचे
आद्यन्त्र.

ऐसें युगीं वरि कली । आणि महाराष्ट्रमंडलीं ।
श्री गोदावरिचां कुलीं । दक्षिणिनीं ॥ ८४ ॥
तेथ भुवनैकपवित्र । अनादिपंचक्रोशक्षेत्र ।
जगाचें जीवनसूत्र । जेथ श्रीमहालसा ॥ ८५ ॥
तेथ इंदुवंशविलासु । जो सकलकलां निवासु ।
न्यायातें पोखीत क्षितीशु । श्रीरामचंद्र ॥ ८६ ॥
तें माहेशान्वयसंभूतें । श्रीनिवृत्तिनाथसुतें ।
केलें ज्ञानदेवें गीते । देशीकार लेणें ॥ ८७ ॥
ऐवं भारताचां गावीं । भीष्मनामीं प्रसिद्धपर्वीं ।
श्रीकृष्णांजुनीं बरवी । जे गोष्टि केली ॥ ८८ ॥
जें उपनिषदाचें सार । सर्वशास्त्राचें माहिणर ।
परमहंसीं सरोवर । सेविजे जें ॥ ८९ ॥
तिये गीतेचा कलशु । संपूर्ण हा अष्टादशु ।
हाणे निवृत्तिदासु । ज्ञानदेवो ॥ ९० ॥
पुढुतीं पुढुतीं पुढुतीं । ह्या ग्रंथा पुण्यसंपत्ती ।
सर्वसुखीं सर्वभूतीं । संपूर्ण होइजो ॥ ९१ ॥

३० तत्सदिति श्रीमद्भगवद्गीतासूपनिषत्सु ब्रह्मविद्यायां योगशास्त्रे श्रीकृष्णार्जुनसंवादे मोक्षयोगो नाम अष्टादशोऽध्यायः ॥ हिरण्य । श्रीकृष्णार्पणमस्तु ॥ १८ ॥ लेखनं श्रीकृष्णार्पणमस्तु । श्री +++++ साम्राज्यलक्ष्मीस्वरूपीश्वरा गुरुकृपाळु नारायण पातु मां ॥

येथें ज्ञानेश्वरीचा अखेर झाला. ९० व्या ओवीच्या “दासु ॥ ज्ञानदेवो” पासून “पातु मां” पर्यंतच्या सर्व ओळी आळित्याच्या तांबड्या शाईनें मूळलेखकानें लिहिल्या होत्या. त्यापैकीं ९१ वा अभंग संपेतांपर्यंतचीं तांबडीं अक्षरें एका गृहस्थानें काळ्या शाईनें गिरविलीं आहेत. आंतून तांबडी शाई दिसते व वरून काळ्या शाईचीं ओवडधोबड गिरवणी डोळ्यांत सळते. ह्या गृहस्थानें ८४ व्या ओवीपासून ९१ व्या ओवीपर्यंतचीं काळी व तांबडी अशीं सर्वच अक्षरें काळ्या शाईनें गिरविलीं आहेत. कारण, ह्या गृहस्थान्या हातांत ही पोथी आली, तेव्हां पोथीच्या ह्या शेवटल्या पृष्ठावरचीं अक्षरें घासटून अगदीं पुसटून गेलीं होती. तेव्हां स्पष्टतेकरतां तीं काळ्या शाईनें

गिरवणें त्याला भाग पडलें. परंतु, गिरवणाऱ्याला मूळलेखका इतकें सुंदर लिहितां येत नसल्यामुळे वळवलेलें प्रत्येक अक्षर वेदब बनलें आहे. मूळ अक्षरांची सफाई, ह्या गिरवणाऱ्याच्या धसाड्या हातानें, अगदीं निघून गेली आहे. आतां इतकें खरें आहे कीं गिरविणाऱ्यानें जर वासटून पुसटव जात चाललेलीं अक्षरें गिरवून घ्यावून राखिलीं नसतीं, तर ह्या पोथीच्या समाप्तीचीं हीं अक्षरें व ओव्या आपणांस पहावयास न सांपडल्या. ह्या दृष्टीनें पाहिलें ह्मणजे, ह्या ग्रहस्थानें अक्षरें गिरवून बचावण्यांत जगावर मोठा उपकार केला आहे, ज्यांत संशय नाही. ह्या शेवटच्या पानाचे दोन्ही बाजूचे समास व समासांच्या मधील बोट अर्धबोट जागा फाटून गेली होती ती हि ह्या मनुष्यानें स्वकालीन कागदाच्या तुकड्यांनीं डागडूज केली आहे. मूळलेखकानें लिहिलेल्या ज्ञानेश्वरीच्या पोथीच्या समाप्तीच्या ओव्यांचा व अक्षरांचा हा तपशील झाला. समाप्तीच्या शेवटच्या ओळीवरून असें दिसतें कीं, लेखकाला संस्कृत भाषा येत नव्हती.

“ पातुमां ” नंतर दुसऱ्या एका मनुष्यानें लिहिलेली व निराळेंच वळण असलेली एक ओवी येणेंप्रमाणें आहे:—

(१) शके वारा शतें बारोत्तरें । तें टीका केली ज्ञानेश्वरें ।
सच्चिदानंद बाबा आदरें । लेखक जाला ॥ ९२ ॥

ह्या ओवीच्या अक्षरांचें वळण उपरिनिर्दिष्ट ग्रहस्थाच्या वळणासारखें नाही. शिवाय अक्षरांची शाई उपरिनिर्दिष्ट ग्रहस्थाच्या शाईहून जुनी आहे. ह्मणजे ही ओवी उपरिनिर्दिष्ट ग्रहस्थाच्या आधीं कोणी तरी लिहिलेली आहे, व तिच्यावर ९२ चा आंकडा टाकिला आहे.

ह्या ९२ व्या ओवीच्या खालीं एक संस्कृत श्लोक ९२ व्या ओवीच्या वळणाहून निराळ्या वळणांत लिहिलेला आहे. त्याची शाई ९२ व्या ओवीच्या शाईहून निराळी व जुनी दिसते. हा श्लोक येणेंप्रमाणें:—

(३) श्रीसद्गुरुमुकुंदेन दत्ता ज्ञानेश्वरी शुभा ॥

विद्याधराय शिष्याय स्वीए स्वत्वं न शोभते ॥ १ ॥ ५ ॥

९२ वी ओवी व हा श्लोक ह्यांच्या मध्यें खालील खरडेलेली ह्मणजे प्रथम लिहून नंतर लेखणीनें खरडून व पुसून टाकिलेली एक ओळ आहे.

हैं अक्षर वरल्या तिन्ही अक्षरांहून अगदीं निराळें व किरटें आहे. ओळ येणेंप्रमाणें:—

(२) हैं पुस्तक विश्वनाथु कोनेर धोलर देवनुरकर

ह्या तीन लेखांपैकी तिसरा लेख कालदृष्ट्या सर्वांच्या आधींचा, पहिला लेख तदनंतरचा आणि दुसरा लेख शेवटचा आहे.

५१ समाप्तीच्या ह्या तीन लेखांवरून खालील निगमनें प्राप्त होतात.

[१] मूळलेखकारनें ज्या प्रतीवरून आपली प्रत उतरून घेतली त्या प्रतीत व अर्थात् उताऱ्यांत “ शके बारां शते ” इत्यादि ओवी नव्हती. [२] ती ओवी ज्ञानदेवानंतर कोणी तरी रचिलेली आहे. ती ओवी सच्चिदानंदबाबांनं हि रचिलेली नाही. कारण, ज्ञानदेव व सच्चिदानंदबाबा यांच्या काली बाबा असें रूप प्रचलित नसून बाबा असें रूप प्रचलित होतें.

पोथीचा काळ वसा=वप्पा=वापा=बाबा=बाबा, अशी उच्चारपरंपरा आहे. निर्णय. सच्चिदानंदबाबांनं ही ओवी लिहिली असती, तर बाबा

असा पाठ आला असता. मजजवळ ज्ञानेश्वरीच्या इतर मुमारे पन्नास पोथ्या आहेत. त्यापैकीं एकीत हि बाबा असा पाठ नाही, बाबा असाच पाठ आहे. हाणजे सच्चिदानंदबाबा वारल्यावर त्याच्या कोण्या चाहत्यानें तत्स्मरणार्थ ही ओवी रचिलेली आहे. अर्थात्, प्रस्तुत छापिली गेलेली प्रत ज्या मूळ प्रतीवरून केली, ती मूळ प्रत सच्चिदानंदबाबाच्या मृत्यूच्या आधीं लिहिलेली होती. [३] ही मूळ प्रत सद्गुरु मुकुंदानें विद्याधर नामक शिष्याला दिली. सच्चिदानंदबाबांच्या मृत्यूच्या अगोदर असणारा हा मुकुंद मुकुंदराज ज्याला हाणतात तोच होय. दुसरा कोणी मुकुंद शक १२१२ पासून शक १२४० पर्यंत हयात नव्हता. मुकुंदराजाची हयात शक ११५८ पासून शक १२५८ पर्यंत होती, (ग्रंथमाला, मुकुंदराज). तात्पर्य मुकुंदराजानें आपला शिष्य जो विद्याधर त्याला आपल्याजवळील ज्ञानेश्वरीची प्रत बक्षीस दिली. तीच ही मजजवळ असलेली प्रत होय. ही प्रत सच्चिदानंदबाबांच्या मृत्यूच्या अगोदर हाणजे शक १२४० च्या अगोदर व शक १२१२ च्या नंतर केव्हां तरी लिहिलेली आहे. ह्या प्रतीचा उत्तम मजबूत, तलम व क्रमावलेला कागद; उत्तमोत्तम शाई; कसलेल्या लेखन-कुशल लेखकाचें येथूनतेथून एकवळणी अक्षर, पाहिलें हाणजे असें कबूल

करणे भाग पडतें कीं, ही प्रत तयार करण्यास पुष्कळ द्रव्य लागलें असावें व ज्या धन्याकरितां ही प्रत तयार केली तो धनी श्रीमान असावा. मुकुंदराज होयसळवंशीय जयंतपाळाचा गुरु होता, व त्याला अर्थात् उत्तम द्रव्य व उत्तम राजदरबारी लेखक मिळण्यासारखे होते. दरित्राच्या हातून अशी प्रत तयार होणें अशक्य आहे. ही प्रत लिहून काढण्यास, इतक्या काळजीनें, मुचकपणानें व सफाईनें उतरून घेण्यास व मुळावरहुकूम तपासण्यास वर्ष दोन वर्षे लागलीं असावीं. ह्मणजे सुमारे हजारपांचशें रुपयांच्या खर्चा ह्या प्रतीला खर्च पडला नसावा. तेव्हां, असली ही द्रव्यसाध्य प्रत तयार करविणारा राजगुरु मुकुंदराज च असला पाहिजे. सारांश, ही प्रत मुकुंदराजाची आहे व ही शक १२१२ पासून शक १२४० पर्यंतच्या काळांत केव्हां तरी लिहिलेली आहे. एकाच शब्दानें सांगावयाचें झटलें, तर असें ह्मणणें प्राप्त होतें कीं, महाराष्ट्रग्रंथसंग्रहांत ही ज्ञानेश्वरीची प्रत केवळ “अमूल्य” आहे

५२. मुकुंदराजाचा शिष्य जो विद्याधर—आपल्याला ही देणगी पोथीचें शोभत नाही, आपण हिचे मालक होण्यास योग्य नाही, असें उद्गार काढणारा जो विद्याधर—त्याच्या हातून ही पोथी स्थलान्तर. विश्वनाथ कोनेर धोलर देवनुरकर याच्या ताब्यांत गेली. व त्याच्या द्वारा परंपरेनें बीड येथील पाटांगणांत येऊन दाखल झाली.

५३. तलम कागदाची मजबुती, बारीक पण घोसदार अक्षराची एकवळणी सफाई, मालकाची द्रव्यसंपन्नता, वगैरे पोथीच्या गुणांचें अनुवादन केलें. परंतु, ह्या सामान्य गुणांहून दुसरा एक असामान्य गुण ह्या पोथीत आहे. तो हा. ह्या पोथीतील भाषा—जी ज्ञानेश्वर बोलला, जी ज्ञानेश्वरानें नेवाशांतील शिलेवर लिहिली, व जी शक १२१२ त नागर मराठे बोलत—ती च साक्षात् तली निर्भळ आहे. कागद भिक्कर असतां, अक्षर गिचेंमीड असतें, व नागर मराठी —मालक शतदरिद्री असता, आणि भाषा जर ह्या पोथीत-भाषा. त्याप्रमाणें साक्षात् शक १२१२ तील नागर मराठी असती, तरी देखील, ह्या एकाच असामान्य गुणाच्या बळावर, अशा पोथीचा सकौतुक आदर करणें भाग पडलें असतें. ज्ञानेश्वरांच्या पुण्याईनें व मुकुंदराजांच्या श्रीमंतीनें उत्तम कागद व उत्तम अक्षर ह्यांच्या

जोडीला शक १२१२ तील निर्मेल नागर मराठी भाषा आपल्याला उपलब्ध झाली आहे. तेव्हां, ह्या प्रतीच कौतुक करावें तेवढें थोडेंच आहे, पंढर-पूर येथील शक ११९५ तील शिलालेखांतल्यासारखी किंवा पाटण येथील शक ११२८ तील शिलालेखांतल्यासारखी भाषा ह्या पोथीची आहे. तेव्हां, मुकुंदराजाच्या उल्लेख ज्यांत केला आहे असा श्लोक यद्यपि ह्या पोथीच्या समाप्तीस नसतां, तथापि देखील निव्वळ भाषेच्या स्वरूपावरून ही पोथी थेट ज्ञानेश्वराच्या वेळची आहे, असें तज्ञांना सहज ताडतां आलें असतें. प्रथम मी जेव्हां ही पोथी पाटांगणांत अधूनमधून वाचून पाहिली, तेव्हां भाषेवरून प्रथमदर्शनीच लक्षांत आलें कीं, ही प्रत एखाद्या ज्ञानेश्वरकालीन प्रतीची नकल आहे. पुढें अक्षरांच्या वळणाचा जेव्हां विचार करूं लागलों, तेव्हां असें हि दृष्ट्युत्पत्तीस आलें कीं, ह्या पोथीतील अक्षरें पंढरपूर येथील शक ११९५ तील शिलालेखांतल्या अक्षरांसारखी आहेत. आणि समाप्तीतील मुकुंदराजाच्या श्लोकाचें जेव्हां मनन केलें, तेव्हां तर अशी पक्की खात्री झाली कीं, ही पोथी खुद्द मुकुंदराजाची आहे. व ती त्यानें आपला नम्र व श्रद्धालू शिष्य जो विद्याधर त्याला बक्षीस दिली होती. शेवटीं, सच्चिदानंदबाबा संबंधीची ओवी मूलप्रतीत नाहीं, हें जेव्हां पाहिलें, तेव्हां शक १२४० च्या पूर्वीची ह्मणजे सच्चिदानंदबाबाच्या मृत्यूच्या पूर्वीची ही पोथी आहे, असें ठाम मत झालें, आणि मराठी भाषेच्या व्युत्पत्तीला व व्याकृतीला व इतिहासाला ही प्रत अत्यंत उपयोगी पडेल असा भरंवसा वाटला. पंढरपूर येथें पोलीस चावडींत व पंढरपूर जिल्ह्यांत जेवढें ह्मणून यादवकालीन शिलालेख आहेत तेवढ्यांतील अक्षरांचें वळण या पोथीतील अक्षरांच्या वळणासारखें आहे. ही पोथी ह्मणजे मराठी भाषेतील कागदावर लिहिलेला अत्यंत जुना असा पहिला लेख होय. सुदैव कीं हा लेख पाठपोट ६४४ पृष्ठें आहे व सर्वंध शाबूत आहे. कागदावर लिहिलेला इतका जुना लेख किंवा इतकी जुनी पोथी डेक्कन कालेजांतील संग्रहांत किंवा आनंदाश्रमांतील संग्रहांत नाहीं. अर्थात्, ह्या पोथीवरून हें हि सिद्ध होतें कीं ज्ञानेश्वरकालीं कागद हा पदार्थ प्रचारांत होता. डेक्कन कालेजांत एक कागदाची पोथी शक १२०० च्या पूर्वीची आहे, ह्मणून तेथील संग्रहालयाच्या लायब्ररी-यनच्या सांगण्यांत आलें. परंतु, ती पोथी साक्षात् पाहिल्याशिवाय व तिला

कसास लावल्याशिवाय तिच्यासंबंधाने निश्चयाने कोणतेच विधान ग्राह्य करता येत नाही.

५४ एकनाथाने शुद्ध केलेल्या प्रतीत तद्विषयक उल्लेखाच्या काही एकनाथी ओव्या येत असतात. ज्ञानेश्वरीच्या शोधाची लेखनकामाठी एकनाथाने शक १५०६ तारणसंवत्सरी संपूर्ण केली. त्या ओव्या अर्थातच प्रस्तुत छापल्या गेलेल्या मुकुंदराजाच्या प्रतीत नाहीत. शक १५१५.

सणजे, ह्या पोथीवर शुद्धाशुद्धाची जी मखलाशी केली आहे ती हि एकनाथाच्या पूर्वीची आहे; नंतरची असती तर एकनाथी ओव्यांचा समावेश मखलाशीकाराने अवश्यमेव केला असता. कारण, शुद्धाशुद्ध करणारा मखलाशीकार मोठा साक्षेपी गृहस्थ दिसतो. एकनाथाने आपली शुद्ध प्रत शक १५०६ तारणांत तयार केली. त्याच्या पुढे ९ वर्षांनी शक १५१५ तील एक पोथी तंजावरांतील ग्रंथसंग्रहांत माझ्या पहाण्यांत आली. हिची समाप्ति अशी:—

“ शके पंधरा शतें सावोत्तरि । तारणनाम संवत्सरि ।
एका जनार्दन अत्यादरि । गीता-ज्ञानेश्वरी-प्रती शुद्ध केली ॥ १ ॥
ग्रंथ पूर्वी च अतिशुद्ध । परि पाठांतरे शुद्धाबद्ध ।
ते शोधुनियां येवंविध । प्रति शुद्ध सिद्धज्ञानेश्वरी ॥ २ ॥
नमो ज्ञानेश्वरा निष्कळंका । ज्याचे गीतेची वाचितां टीका ।
ज्ञान होय लोकां । अतिभाविका ग्रंथार्थियां ॥ ३ ॥

श्रीशके पंधरा शतें पंधरा, विजयसंवत्सर, उत्तरायणें, फाल्गुनमासे, शुक्लपक्षे, सप्तमी, रविवासरे, गीता संपूर्ण । श्रीकृष्णार्पणमस्तु । गोदादक्षिण भागे राजधानि अहमदानगरस्थाने फरशरामात्मज-वृसिंह-भारद्वाजगोत्रोत्पन्नेन । ग्रंथो लिखितः संपूर्णमस्तु ॥ ”

शके १५१५ च्या फाल्गुन शुक्ल सप्तमीला रविवार येतो, तेव्हां, ही प्रत शक १५१५ तील आहे, ह्यांत संशय नाही. एकनाथाने शुद्ध केलेल्या प्रतीवरून ही प्रत उतरून घेतलेली आहे. अर्थात् एकनाथी प्रत कशी असेल तें हिच्यावरून ताडतां येतें. पैठणापासून जवळ असलेल्या अहमदनगर

शहरी फरशरामात्मज नृसिंह भारद्वाज यानें ही प्रत उत्तरली. भारद्वाज ह्मणजे भारदे. नगर येथील ज्या भारद्यांनीं ऊर्फ भारद्वाजांनं कांहीं वर्षांपूर्वी एकाचे दोनचार ज्ञानेश्वर केले होते त्यांचाच कोणी पूर्वज हा नृसिंह भारद्वाज असावा. यावरून असें दिसतें कीं, ज्ञानेश्वरीचें पठण ह्या भारद्यांच्या कुळांत वंशपरंपरेनें आहे. ह्या प्रतीत (१) भाद्रपदमास कपिला-पष्ठी, इत्यादि व (२) या ज्ञानेश्वरी पाठी, इत्यादि, दोन ओंव्या नाहींत. तंजावर येथील प्रतीतील अध्यायवार ओंवी संख्या येणेंप्रमाणें आहे.

अध्याय	ओंव्या	अध्याय	ओंव्या
१ २७५	२ ३७२
३ २७६	४ २२५
५ १८०	६ ५०८
७ २१०	८ २७१
९ ५३६	१० ३३६
११ ७१२	१२ २४७
१३ १२६९	१४ ४१५
१५ ५९९	१६ ४७३
१७ ४३३	१८ १८१०

९०४७

कुंटे आपल्या प्रतीला एकनाथी प्रत ह्मणतात. कुंट्यांच्या प्रतीत ९०३७ कुंट्यांची प्रत. ओंव्या आहेत. त्यापेक्षां ह्या तंजावरी प्रतीत १० ओंव्या जास्त आहेत.

५५ तंजावरांतील भारद्वाजी प्रत व कुंट्यांची एकनाथी ह्मणून हाट.

मुकुंदराजाच्या प्रतीतील ओंवी संख्या.

लेली प्रत ह्यांत प्रत्येकीं ९०४७ व ९०३७ ओंव्या आहेत. प्रस्तुत छापलेल्या मुकुंदराजाच्या प्रतीत अध्यायवार ओंवीसंख्या अशी आहे:—

अध्याय	ओंव्या	अध्याय	ओंव्या
१ २७३	२ ३७४

(७३)

३ २७१	४ २२२
५ १७८	६ ४९४
७ २०५	८ २६९
९ ५३०	१० ३१०
११ ६९८	१२ २४४
१३ ११६३	१४ ३७१
१५ ५९६	१६ ४७२
१७ ४३१	१८ १७९१

८८९२

५६. वाईस एका सोनाराच्या येथें सांपडलेली ज्ञानेश्वरीची एक प्रत सोनारी प्रतीतील ओवी- आहे तीत ओव्या अध्यायवार येणेप्रमाणें संख्या. आहेत:—

अध्याय	ओंव्या	अध्याय	ओंव्या
१ २९९	२ ४३६		
३ ३५१	४ २५४		
५ २२०	६ ५३९		
७ २३६	८ २९३		
९ ६१७	१० ४७१		
११ ७५९	१२ २७२		
१३ ११८६	१४ ४६४		
१५ ६१४	१६ ५२९		
१७ ४६८	१८ १८६३		

९८५१

५७ अकळूज येथील एका भराड्यापाशीं एक ज्ञानेश्वरीची पोथी होती भराड्याच्या प्रतीतील तीत ओवीसंख्या येणेप्रमाणें होती:— ओवीसंख्या.

अध्याय	ओंव्या	अध्याय	ओंव्या
१	३२२	२	४८८
३	३१८	४	२६७
५	२०९	६	५४४
७	२३९	८	२९८
९	५६९	१०	३७९
११	७६२	१२	२६६
१३ ...	१२०५	१४ ...	४१३
१५ ...	६२०	१६ ...	४९७
१७ ...	४६१	१८ ...	१८८७

९७३४

५७ वाई येथें उद्धोघनाथसंप्रदायी खेडकर हरिदास आहेत त्यांच्या-
उद्धोघनाथी प्रतींतील जवळील प्रतीकांच्या पोथीत ज्ञानेश्वरीच्या ओंव्यांची
ओंवीसंख्या. संख्या ९०३४ आहे. ही प्रत संप्रदायपरंपरेनें
आलेली आहे, असें हरिदास झणतात.

५८ रा. रा. माडगांवकर यांनीं एक पाठान्तरें देऊन ज्ञानेश्वरी छा-
पिली आहे; परंतु जशीं प्रसिद्ध करावी तशी जाहीर.
माडगांवकरी छापील रीतीनें प्रसिद्ध केली नाही. तिची एक प्रत कै.
प्रतींतील ओंवी- काशिनाथपंत परब यांनीं मला दिली. ही प्रत
संख्या तयार करतांना माडगांवकर यांनीं क, ख, ग, घ,
च, छ, ज, झ, ट, ठ, ड, अशा एकदर ११ नि-
रनिराळ्या प्रती पाठान्तरांकरितां जमविल्या होत्या. पैकीं नव्याजुन्या किती,
वगैरेचा तपशील त्यांनीं दिला नाही. त्यांनीं आपल्या प्रतीला उपोद्धात वगैरे
कांहींच माहिती दिली नाही. त्यामुळे अकरा हि प्रतींत सारख्याच ओंव्या
होत्या किंवा प्रत्येक प्रतींतील ओंवीसंख्या निरनिराळी होती, या संबंधानें
कांहींच सांगतां येत नाही. प्रायः ओंवीसंख्या निरनिराळ्या पोथ्यांत भिन्न-
भिन्न असलीच पाहिजे, असें मजजवळील पन्नास पोथ्यांवरून मी खात्रीनें
सांगू शकतो. माडगांवकरांनीं हा प्रपंच केला नसल्यामुळे त्यांनीं छापिलेल्या
प्रतींतील च तेवढ्या ओंव्यांची संख्या येथें देतो.

अध्याय	ओंव्या	अध्याय	ओंव्या
१ २७५	२ ३७५
३ २७६	४ २२५
५ १८०	६ ४९७
७ २१०	८ २७१
९ ५३५	१० ३३५
११ ७०८	१२ २४७
१३ ११७०	१४ ४१५
१५ ५९८	१६ ४७३
१७ ४३३	१८ १८११

९०३४

५९ निळोबाच्या गाथेतील ज्ञानेश्वरीच्या ओंव्यांची संख्या दहा हजार आहे.

निळोबाच्या मते
ओंवीसंख्या.

तया स्थळीं केला भगद्रीताअर्थ ।

दहासहस्र ग्रंथ पूर्ण झाला ॥ ९७ ॥

ज्ञानेश्वरचरित्र, निळोबाकृत ॥

६० चिध्दनस्वामी भक्तकथामृतसारांत

करी नवसहस्र पन्नास (९०५०) ।

चिध्दनमते ओंवी गीतार्थ ज्ञानेश्वरी ॥ १४६,
ओंवीसंख्या. अध्याय ९ (भिगारकर).

भारद्यांच्या प्रतींतील
ओंवीसंख्या.

६१ भारद्यांच्या पोथीतील ओंवीसंख्या
९००९ आहे.

६२ येणेंप्रमाणें निळोवाच्या १०.००० पासून मुकुंदराजाच्या ८८९२ पर्यंत निरनिराळ्या पोथ्यांत ओंवीसंख्या आहे. पैकीं, मुकुंद-
 क्षेपक. राजाच्या पोथीतील ८८९२ चा आंकडा मूळ घरणें काल-
 दृष्ट्या व भाषादृष्ट्या प्रशस्तच नव्हे, तर अवश्यक आहे. ह्या
 ८८९२ हून जेवढ्या ओंव्या जास्त सांपडतील तेवढ्या सर्व क्षेपक होत.
 परीक्षेकरितां प्रस्तुत प्रतींतील पहिला अध्याय घेतों व सोनारी प्रतींतील पहिला
 अध्याय घेतों, आणि, सोनारी प्रतींतील क्षेपक ओंव्या संस्कृत श्लोकांच्या व
 मराठी ओंव्यांच्या अनुक्रमानें देतों. निळोवाची दहाहजार ओंव्यांची प्रत
 मला उपलब्ध झाली नाही. सबब, तिच्या खालोखाल ओंव्यांची संख्या
 मजजवळील सोनारी प्रतींत असल्याकारणानें तुलनेकरितां सोनारी प्रतच
 घेतली आहे.

मुकुंदराजाच्या प्रतींतील
 कोणत्या ओंवी नंतर

सोनारी प्रतींतील क्षेपक ओंवी
 किंवा ओंव्या आंकड्यासह.

क्षेपकः—

२८ व्या ओंवी नंतर

(१) कीं ज्ञानामृताची सरीता ।

मुमुक्षुसाधकां तृषितां ।

अज्ञानदारिद्र्ये पीडितां ।

कामधेनु हे ॥ २९ ॥

१०० " "

(२) जो विक्रमं महामेरु ।

तेजस्वी प्रतापे भास्कर ।

जयाचीया बळा नेणवे पार ।

ऐसा वीर ॥ १०२ ॥

१४८ " "

(३) आधीं च बळाचा महामेरु ।

वरि अवलंबीला अवसर ।

येणें काळासीं ही हीमज्जव ।

प्रगटों पाहे ॥ १५० ॥

- १५० " " (४) जैसे सागर हेलवती ।
तैसे नादावीर नाद उठती ।
दोही दळी आंदोळती ।
सीहनाद ॥ १५३ ॥
- १५५ " " (५) ऐसा घोषु अचाट प्रगटला ।
आकाशी पाताळी व्यापला ।
तेणें महाभूतांचा राहीला ।
व्यापारु आववा ॥ १५९ ॥
- १५६ " " (६) पवन प्राणें कोंडला ।
तोय सर्वत्र शोखीनला ।
तेज तरी लोपला ।
सैन्यरजें ॥ १६१ ॥
- १७० " " (७) योध्ये सगळ भारी टणक ।
शस्त्राळी पूर्ण साधक ।
युध्य करुं आले सकळीक ।
भूपती जे जे ॥ १७५ ॥
- १७४ " " (८) कैसा कृष्णार्जुन रथ मिरवत ।
ध्वजास्तंभी तो हनुमंत ।
मूर्तित्रय अत्यद्भुत ।
देखती डोळां ॥ १७९ ॥
- १७५ " " (९) तंव कृष्ण ह्मणे पार्थाप्रती ।
येथें समस्त राये आले असती ।
कौरवांतें ही निगुती ।
पाहे पां बरवें ॥ १८० ॥
- १८४ " " (१०) परस्परे कोण्हा न गणिति ।
दोही दळी वीर हाकारिति ।
आजी फावलि रे आहां ह्मणति ।
मंग्रामगंगा ॥ १९० ॥

१८८ " "

[११] झणोनी येथें स्वजनु देखील ।

कूपेनें अत्यंत मोहीनल ।

तथे वीरवृत्तीसी केला ।

अनादर ॥ १९४ ॥

२०६ " "

[१२] नीमीलें वीपरीत दीसती ।

न चोजवे श्रेयसंपत्ति ।

वृथाची दुराग्रहो श्रीपती ।

संग्रामी यथे ॥ १९३ ॥

" " "

[१३] कैसा संग्राम हा दुर्धर ।

बोडवला पापाचा सागर ।

येथें निस्तरावया धीर ।

कवण आथी ॥ १९४ ॥

२२१ " "

[१४] कैसें हें नसावरत चि आलें ।

अदृष्ट दुःख कोसळलें ।

नेणों काय आर्जविलें ।

प्राकृत पूर्वी ॥ २२९ ॥

२२४ " "

[१५] जयांचें करूं पूजन ।

हृदयीं भावें भजन ।

नीरंतर दरुषण ।

बाहों पोटी ॥ २३२ ॥

" " "

[१६] यांचिया कूपेचें मज जीवन ।

तेणें मी जालों अर्जुन ।

तो आतां काय जुझोन ।

मारूं मांसी ॥ २३३ ॥

२३१ " "

[१७] कां पंचमु सभेमाजी एतां ।

न थरे श्रोत्रीयु सर्वथा ।

नां तरि खळाची प्रसन्नता ।

साधु न वांछी ॥ २४० ॥

- २३१ " " [१८] जरि अनंत जन्मीचे सुकृत ।
तेणें तुं जोडलासि अच्युत ।
ऐसें देखोनि विपत्तिंत ।
राहे कोण्हीं ॥ २४१ ॥
- २४० " " [१९] तैसा हा दोषाचा महापूर ।
कुळघात मी च संव्हार ।
येथें वाहवल्यां पार ।
न सांपडे चि ॥ २५० ॥
- २४१ " " [२०] ऐसें पार्युं तीये अवसरी ।
झणे देवा अवधारी ।
ययां कल्मषांची थोरी ।
जाणसी तुं ॥ २५२ ॥
- २५० " " [२१] ऐसा वर्णसंकरां तयां ।
अशेखां कुळघातीयां ।
नरकभोगा वांचुनीयां ।
नाहीं आन ॥ २६२ ॥
- २५८ " " [२२] मग तयांचे धर्म नासती ।
कुळ जाये अधोगती ।
ऐसी करिजेल ख्याति ।
पापीं यीहीं ॥ २७० ॥
- २६५ " " [२३] ऐसें वीचारुनी सकळ ।
अवलोकुनीयां कुळ ।
मग झणे राज्य तें केवळ ।
नीरयभोगु ॥ २७८ ॥
- २७३ " " [२४] जेणें अर्जुनाचा मोहो नाशे ।
सम्यक्-ज्ञान हृदयीं प्रकाशे ।
ऐसीं प्रबोध उत्तरें विश्वेशे ।
बोलिजति ॥ २८६ ॥

		(२५) जे उत्तरमीमांसा उपनिषदें । तीर्थें मथुनीयां मुकुंदें ।
२७३	" "	निरुपिजैल आनंदें । पार्थु जेणें उमजे ॥ २८७ ॥
		(२६) वेदीं त्रिकांडनिरोपण । कर्म उपासना ज्ञान ।
" "	" "	तें स्वयें ची कृष्ण आपण । बोधिति पार्थासी ॥ २८८ ॥
		मांडगांवकरांच्या प्रतींत खालील दोन ओंव्या क्षेपक आहेत.
		ऐसें पार्थ तिये अवसरीं । हणें देवा अवधारीं ।
२४१	" "	या कल्मषाची थोरी । सांगैत तुज ॥ २४२ ॥
		ऐसें देखेनि सकळ । अर्जुनें आपुलें कुल ।
२६५	" "	मग हणें राज्य तें केवळ । निरयभोग ॥ २६७ ॥

सोनारी प्रतींतल्या शेवटल्या तीन ओंव्या कुट्यांनीं पहिल्या अध्यायांत क्षेपक हणून नमूद केल्या आहेत.

मांडगांवकरांच्या प्रतीच्या पहिल्या अध्यायांतल्या दोन्ही क्षेपक ओंव्या सोनारी प्रतींत पाठभेदानें आल्या आहेत.

मजजवळील इतर सर्व पोथ्यांच्या पहिल्या अध्यायांतील क्षेपक सोनारी प्रतींतील क्षेपकांत आले आहेत. ज्याअर्थी सोनारी प्रतींत ओवीसंख्या ९८५१ आहे व निळोबाच्या प्रतींत १०००० ओंव्या होत्या, त्याअर्थी निळोबाच्या प्रतींत सोनारी प्रतींतल्याहून १४९ क्षेपक जास्त होते, हें उघड आहे. तंजावरी प्रतींत ओंव्या ९०४७ आहेत, तेव्हां तींत १५५ क्षेपक मुकुंदराजाच्या प्रतीहून जास्त आहेत. तंजावरची

एकनाथाला ज्ञानेश्वरीची अस्सल प्रत मिळाली नव्हती.

प्रत एकनाथाच्या प्रतीनंतर ९ वर्षांनीं ह्यणजे शक १५१५ त तयार केली असल्यामुळे, एकनाथाच्या प्रतीत सुमारे ९०४७ ओंव्या असाव्या, असें ह्यणव्यास हरकत नाही. भारथांच्या प्रतीप्रमाणें एकनाथी प्रतीत ९००९ ओंव्या होत्या असें जरि धरलें, तरी हि एकनाथाच्या प्रतीत ११७ क्षेपक राहिले च होते, असें ह्यणावें लागतें. ह्यणजे एकनाथाला ज्ञानेश्वरीची अस्सल प्रत मिळाली नव्हती, ह्यांत बिलकुल संशय नाही. क्षेपक असलेल्या पोथ्या एकनाथाच्या हातांत पडल्या, व भाषा, औचित्य, पुनरुक्ति, असंभव, वगैरे प्रमाणांनीं त्यानें आपली प्रत आपल्या समजुतीप्रमाणें शुद्ध करून घेतली. परंतु, इतकें हि करून आपल्या शुद्ध केलेल्या प्रतीत क्षेपक राहिले नसतील च, अशी खात्री त्याची त्याला च पटली नाही. सबब, उद्विग्न होऊन त्यानें खालील शापोक्ति प्रकट केलीः—

या ज्ञानेश्वरीपाठीं । जो टीका करील मन्हाटी ।

तेणें रत्नखचिताच्या ताटीं । जाण नरोटी ठेविली ! ॥ १ ॥

पाठीं ह्यणजे नंतर, असा अर्थ कित्येक अप्रबुद्ध करतात ! पाठीं ह्यणजे पाठांत, ओंव्यांत. ज्ञानेश्वरीच्या मूळ ओंव्यांत जो कोणी आपल्या टीकारूप ओंव्या करून समासावर लिहून ठेवील, त्यानें रत्नखचित ताटाच्या भोंवतीं नरोट्या ठेविल्यासारखें होईल, असा एकनाथाचा शाप आहे. आणि हा शाप अक्षरशः खरा होता. ज्ञानेश्वरीनंतर कोणी ओंव्या करूं नये, असा नाथांचा आशय नाही. तर, ज्ञानेश्वरीच्या पोथीच्या पानांच्या समासावर ज्ञानेश्वरी वांचतांना तल्लीन होऊन कित्येक लोक ज्यास्त विशदीकरणार्थ स्फूर्तीनें टीकारूप ओंव्या भाविकपणानें व प्रेमानें लिहून ठेवीत. ह्या ओंव्या नकल करणारे लेखकलोक मूळांत अज्ञानानें घुसडून देत. त्यामुळे, मूळ कोणतें व प्रक्षिप्त कोणतें, तें हि कळण्याची मारामारी क्वचित् प्रसंगी पडे. ह्या घोंटाळ्याला अनुलक्षून नाथांनीं ही शापोक्ति प्रगट केली आहे. मजजवळील ज्ञानेश्वरीच्या पोथ्यांवरून प्रक्षेपांचा समावेश निसनिराळ्या प्रतीत कसा झाला, तें उत्तम कळतें. एका पोथीच्या समासावर टीका ह्यणून जी ओंवी लिहिली असते, तीच दुसऱ्या एखाद्या तत्पश्चात्क पोथींत मूळांत प्रविष्ट केलेली आढळते. तशांत, हुबेहुब ज्ञानेश्वराच्या धर्तीवर जर ओंवी बनली गेली असेल, तर ती मूळ ओंव्यांतून निवडून काढण्यास पंचाईत पडते. सुसिद्धतरूपे,

शब्द, औचित्य, वगैरे साधनांनीं प्रक्षेप निवडून काढितां येतील. परंतु, हीं साधनें शोधक संपादकाच्या हातीं समग्र असलीं पाहिजेत. अशीं साधनें एकनाथाच्या काळीं उपलब्ध नव्हती, हें तर काय, परंतु, तीं सध्यां हिं असावीं तशीं उपलब्ध नाहींत. आतां इतकें खरें आहे कीं, ज्ञानेश्वराच्या पूर्वीचे व वेळचे मराठी शिलालेख व ताम्रपत्रें सध्यां उपलब्ध झालीं आहेत. त्यांवरून ज्ञानेश्वरीची भाषा कशी असली पाहिजे, हें सूक्ष्म रीतीनें सांगता येईल. परंतु, ज्ञानेश्वरकालीन शब्दकोश अद्याप मराठीत तयार व्हावयाचा आहे. त्यामुळे, अमूक शब्द ज्ञानेश्वरीत येऊं शकेल किंवा शकणार नाहीं, हें सांगण्यास साधन नाहीं. तसेंच, धर्मकोश, दृष्टान्तकोश, इतिहासकोश, वगैरे कोशांचा आपल्याकडे अभाव असल्यामुळे, ज्ञानेश्वरोत्तरकालीन पोथ्यांतील प्रक्षेप निवडून काढणें सध्यां देखील प्रायः दुर्घट आहे. एकनाथाच्या वेळीं, तर, सर्वस्वींच दुर्घट होतें. तशांत, फक्त १००।१५० च क्षेपक त्यानें आपल्या प्रतींत येऊं दिलें ही कांहीं लहानसहान गोष्ट नाहीं. साक्षात्, मुकुंदराजाची पोथी मला न मिळती, तर भाषा, शब्द, औचित्य, पुनश्चि वगैरेच्या जोरावर एकनाथाच्या इतकी हि शुद्ध प्रत मला तयार करतां आली नसती. आली असती किं नसती, ह्या शंकेची केवळ कल्पना च करावयाला नको.

केवळ विनअस्सल ह्यणजे
नकल पोथ्या ताडून ग्रंथां-
चें मूळ निर्भेळ स्वरूप
सिद्ध होत नाहीं.

मूळ अस्सल प्रत उपलब्ध नसतां, अकरा पोथ्यांची तुलना करून, माडगांवकरांनीं जी ओवीसंख्या दिली आहे, तींत १४२ क्षेपक राहिलेच आहेत. मूळ अस्सल प्रत किंवा प्रतीची प्रत उपलब्ध नसतां, कोणत्या हि ग्रंथाचा मूळ मजकूर नकी अमुक होता,

हें अगदीं विनचुक ठरवितां येणें केवळ, अशक्य आहे. जुन्या ग्रंथकारांच्या Variorum Editions यूरोपियन विद्वान लोक काढतात; त्यांच्या शुद्धा-शुद्धतेची परीक्षा ह्या न्यायानेंच केली पाहिजे. भारतासारख्या ग्रंथांना हि हाच दंडक लागू आहे. अस्सल प्रतीच्या अभावीं, वाटेल त्यानें वाटेल तो भाग प्रक्षिप्त समजावा व त्याच्या मरतुकड्या बलावर वाटतील तीं अनुमानें काढावीं. शास्त्रदृष्ट्या दोहोंची हि किंमत शून्य आहे. स्यात्पक्ष सदा डळमळितच असतो.

६३ संचिदानन्दबावानें लिहिलेल्या ज्ञानेश्वरीच्या मूळ प्रतींत क्षेपकां-
नकलकारांनीं मूळज्ञानेश्वरी-ची उत्तरोत्तर जास्त भरती झाली; परंतु
ची छाटाछाट केलेली नाही; मूळ ओव्या काढून टाकून कमती मात्र
प्रक्षेपानीं भरती केली आहे. कोणत्या हि पोर्थांत झालेली दिसत नाही.

चुकून एखाददुसरी मूळ ओवी लेखकानें
गाळलेली पोथ्यांतून आढळते. पण, जाणूनबुजून ज्ञानेश्वरी ओवी मूळ ग्रंथा-
तून काढून टाकण्याचें धाष्टर्य कोण्याहि लेखकानें केलेलें आढळत नाही. का-
रण, भक्तिमार्गी लोक ज्ञानेश्वराच्या शब्दाला केवळ ईश्वरीवचन समजत आणि
विद्वान जे असत त्यांना मुळाची सहृदयता असे. त्यामुळें, मूळ ज्ञानेश्वरीच्या
ओव्यांत कटाई झालेली नाही. झालें काय? तर, टीकाकारांच्या समासावर
लिहिण्याच्या खोडीनें, मूळग्रंथांत क्षेपकांची खोगीरभरती मात्र जास्त झाली.
ओव्यांचा अनुक्रम एखाद्या पोर्थांत बदलेला आढळतो. ह्मणजे मागची पुढें
व पुढची मागें, असा व्युत्क्रम दृष्टीस पडतो. परंतु, संबंद ओवी किंवा ओव्या
गाळलेल्या कोणत्या हि संबंद पोर्थांत आढळत नाहीत.

ज्ञानेश्वरीच्या पाठांत क्षेपक ओव्या कोणी नवीन करून घालूं नये,
असा निर्बंध ज्यानें केला त्या एकनाथानें स्वतःक्षेपक ओव्या रचून ज्ञानेश्वरींत
घातल्या नाहीत, हें उघडच आहे. परंतु, कित्येकांचें असें ह्मणणें आहे
कीं, “ एकनाथानें ज्ञानेश्वरीच्या बऱ्याच ओव्यांतील चरणांची फिरवाफिरव
केली आहे ” (भिंगारकर, ज्ञानेश्वरमहाराज यांचा कालनिर्णय, पृष्ठ ७२-
७३). भिंगारकरांनीं अशा चरणांची फिरवाफिरव केलेल्या ह्मणून चार
ओव्या दिलेल्या आहेत. त्या चाऱ्ही मुकुंदराजी प्रतींत नाहीत व त्यांची त्या
त्या स्थलीं अवश्यकता हि नाही. पांचव्या अध्यायांतील “ बुद्धिनिश्चयें आत्म-
ज्ञान ” इत्यादिक ओवी संबंधानें भिंगारकर असा प्रश्न करतात कीं, ही
ओवी प्रक्षिप्त समजली तर श्लोकाच्या टीकेची ज्ञानेश्वरकृत मूळ ओवी को-
णती ती दाखवून दिल्याशिवाय ही ओवी नवी किंवा जुनी याचा नीटसा
खुलासा होणार नाही (भिंगारकर, पृष्ठ ७२।७३). परंतु, मुकुंदराजी प्रती-
वरून पहातां, प्रत्येक श्लोकांतील प्रत्येक पदांची टीका ज्ञानेश्वर हटकून कर-
तो च, असें ह्मणतां येत नाही. उदाहरणार्थ, दुसऱ्या अध्यायांतील १८ व २०
या श्लोकांवरील ज्ञानेश्वरी टीका पहा. १८ व्या श्लोकांतील अनाशिन; व

अप्रमेयस्य ह्या दोन पदांचें भाषान्तर ज्ञानेश्वरानें दिलें नाहीं. २० व्या श्लोकांतील एका हि पदाचें भाषान्तर ज्ञानेश्वरी टीकेंत नाहीं. २१ व्या श्लोकाची हि होच दशा आहे. ह्यणजे, जेथें विशेष कांहीं भानगड नाहीं, प्रायः पुनरुक्ति व गौरव आहे तेथें ज्ञानेश्वर पुति करतो. तोच प्रकार पांचव्या अध्यायातील तद्बुद्धयः इत्यादि श्लोकाचा झाला आहे. मूळ श्लोकांतील प्रत्येक पदाचा अर्थ ज्ञानेश्वरानें दिला नाहीं. सर्व टीका दृष्टान्तांनीं च भरून काढिली आहे. प्रत्येक श्लोकांतील प्रत्येक पदाचें भाषान्तर ज्ञानेश्वर नियमानें देतोच, अशी जर गोष्ट असती, तर भिंगारकरांचें ह्यणें सयुक्तिक दिसलें असतें. तशी गोष्ट नाहीं, त्याअर्थी ही “बुद्धिनिश्चये आत्मज्ञान” इत्यादिक ओवी प्रक्षिप्त आहे व ती एकनाथांनीं केली आहे, असें हि ह्यणवत नाहीं. मजजवळ कोंकणांतील मालवण शहरां सांपडलेली एक पोथी आहे, तींत ह्या प्रक्षिप्त ओवीचा पाठ असा आहे:—

बुद्धिनिश्चये आत्मज्ञान । ब्रह्मरूप भावि आपणाआपण ।

ब्रह्मनिष्ठा राखे पुर्ण । अहिर्णिशि ॥ ८८ ॥

तत्परायण हें पद ह्या पाठांत नाहीं. तेव्हां, ह्या अशा पाठाच्या ओवीवर एकनाथित्व हि आरोपितां येत नाहीं.

माहित असलेले सर्व श्लोक मूळांत घालण्याचा सोनारी प्रतीचा तर बाणाच आहे. त्या प्रतींत ही ओवी नाहीं. हिच्या ऐवजीं,

अनुभवे बुद्धि भरुनी । भोगवीती मना करुनी ।

मग तें चि इंद्रियभुवनी । वर्षाव करीती ॥ ११६ ॥

अशी ओवी आहे. सोनारी प्रत एकनाथाच्या नंतरची आहे. तिच्यांत ज्या अर्थी “बुद्धिनिश्चये” ही ओवी नाहीं त्याअर्थी ही ओवी एकनाथाची तर नव्हेच, परंतु, एकनाथकालीन हि नाहीं. कोणी नंतर रचिलेली आहे. ह्या ओवीचा पाठ दोन तऱ्हांचा सांपडतो. एकनाथी चार चरणांचा व चार यमकांचा एक पाठ; आणि साडेतीन चरणांचा दुसरा पाठ. तस्मात्, एकनाथानें हा प्रक्षेप घातलेला नाहीं, ह्याविषयीं शंका नको. इतकेंच नव्हे, तर एकनाथानें ज्ञानेश्वरींत एक हि प्रक्षेप घातलेला नाहीं, हा नियम समजावा.

६४ अस्सल प्रतीच्या अभावीं, निव्वळ दहा पांच पोथ्या घेऊन प्रक्षिप्ताप्रक्षिप्त निवडण्यांत जसें फारसें ह्यणण्याजें यश येत नाहीं, तसेंच ह्या

पद्धतीने मूळप्रतीची मूळ अस्सल भाषा हि नकी ठरविणें दूरापास्त होतें. माडगांवकरांनीं अकरा निरनिराळ्या प्रती घेऊन जे पाठ ठरविले आहेत, ते मुकुंदराजाच्या प्रतीतील मूळपाठांशीं ताडून पाहिले असतां, वरील विधानाची सत्यता प्रतीत होईल. सवय, कांहीं पाठ होन्ही प्रतीतील घेऊन तुलना करतो.

अध्याय पहिला मुकुंदराज	माडगांवकर	माडगांवकरांच्या टिपां- तील पाठान्तरें
१ ओवी		
४ रेखा	देखा	देखां [१]
४ टेव	ठेव	० [२]
५ तिये	तें	तियें-तीं [३]
६ पद्यबंध	पदबंध	० [४]
७ तिया	त्या	० [५]
९ व्यासादिकांचिया	व्यासादिकांची	व्यासादिकांचिया [६]
९ तिया	ते	० [७]
१० विसंवादें	विसंवाद	विसंवादें [८]
१३ सत्कर्कवाडु	सत्कारवाडु	० [८अ]
२४ जालेयां	जालियां	जालेयां [९]
२५ कृतकार्यां	कृतकार्यां	कृतकार्य [१०]
२८ कलकौतुकां	सकळां कौतुकां	सकळ कौतुकां [११]
३० वसैठ	वसौठ	विशिष्ट [१२]
३२ आविष्करोनि	आविष्करोनि	आदिकरुनि [१३]
३३ महाकाव्या रा७० हा काव्यां रावो		शास्त्रां [१४]
३५ सिहाणें	शाहणें	० [१५]
३५ प्रेम	प्रमेय	० [१६]
४० सुखाडलें	सुरवाडलें	० [१७]
४१ नागरां	नागरा	नागरां [१८]
४२ आगली	आगळी	० [१९]
६२ देआवें	द्यावें	परिसणेया [२०]
१०९ काज	कां जें	० [२१]

११३	जुझती	जुझती	०	(२१)
११५	तेया	तया	०	(२३)
११९	उन्हीचिलें	वरचिलेनि	०	(२४)
१२५	रायाचेयाबोला	राजयाचिया बोला	राजाचेया	(२५)
१५६	रासौभा	सडा	०	(२६)
१६६	बाणवारि	बाणवरि	०	(२७)
१७०	सकलै	सकळ	०	(२८)
१७१	आपणपेयां	आपणयां	आपणयांतें	(२९)
२६४	आतां इया वेन्हि जें जिआवें ।			आतां यावरी जें ज्यावें । जिआवें
	तेयापासौनि हें बरवें ।			तयापासौनि हें बरवें ।
	जें शस्त्रें संडौनु साहावे ।			जें शस्त्रें सांडूनि साहावे । (३०)
	बाण एयांचे ॥ २६४ ॥			बाण यांचे ॥ २६५ ॥

स्पष्टीकरण:—

(१) माडगांवकर, कुंटे, साखरे, वगैरेंच्या प्रतीत देखा, देखां असा पाठ आहे. ह्या पाठानें बराबर अर्थ लागत नाहीं. अंगिकभाव हें नाम आहे. तें अवयव किंवा स्मृति या शब्दांशीं जोडतां येत नाहीं. व्याकरण आढ येतें. साखन्यांच्या प्रतीत कांहीं तरी गडबडगुंडा केला आहे. २ न्या ओवी पासून १९ व्या ओवीपर्यंत रूपक आहे. त्यांत,

१ देव = गणेश	१२ पदें = रत्नें
२ शब्दब्रह्म = गणेशमूर्ति	१३ मती = पल्लवसडका
३ वर्ण = वपु	१४ षड्दर्शने = साहाभुजा
४ स्मृति = अवयव	१५ तर्क = परशु (१ भुजा)
५ रेखा = अंगिकभाव	१६ न्याय = अंकुश (२ भुजा)
६ अर्थशोभा = लावण्याची टेव	१७ वेदान्त = मोदक (३ ")
७ पुराणें = मणिभूषणें	१८ भग्नदंत = बौद्धमतसंकेत (४ ")
८ पदपद्धति = खेवणें	१९ वरदहस्त = सत्तर्कवाद (५ ")
९ पद्यबंध = अंबर	२० अभयहस्त = धर्मप्रतिष्ठा (६ ")
१० साहित्य = वाणें	२१ शृंगादंड = विवेक
११ काव्यनाटके = क्षुद्रघंटिका	२२ समग्रदंत = संवाद

- २३ सूक्ष्मेक्षण = उन्मेष २७ उपनिषदें = कुसुमें
 २४ दोन्ही-मिमांसा = दोनी कान २८ अकार = चरणयुगुल
 २५ मुनि = अलि २९ उकार = उदर
 २६ द्वैताद्वैत = दोनी गंडस्थलें ३० मकार = मस्तक

असें हें गणेशदेवाचें रूपक आहे. त्यांत इतर उपमानांना जशीं उपमेयें आहेत, तसें, देखा हा पाठ ३ व्या ओवींत घेतला असतां, अंगिकभाव ह्या-उपमानाला उपमेय उपलब्ध होत नाहीं. तेव्हां, रेखा हाच मुकुंदराजाच्या प्रतींतील पाठ प्रशस्त आहे. रेखा ह्मणजे काव्यरचना. अंगिक ह्मणजे इंद्रियां-संबंधी, अवयवांसंबंधी. भाव ह्मणजे अवयवांच्या द्वारा विकारांचें प्रदर्शन. हा रेखा शब्द चवथ्या अध्यायाच्या २१५ व्या ओवींत व सहाव्या अध्यायाच्या १८ व्या ओवींत आला आहे.

जें साहित्य आणि शांती । हे रेखा दिसे बोलती ॥ अव्याय ५, ओवी २१५ ॥
 नवल बोलतिये रेखेची वाहाणी । अध्याय ६, ओवी १८ ॥
 ह्या दोन्ही स्थलीं रेखा ह्या शब्दाचा अर्थ काव्यरचना असा आहे. रेखा हा पाठ घेऊन, पहिल्या अध्यायांतील ह्या चौथ्या ओवीच्या प्रथमार्धाचा अर्थ असा:—

गणेशा! स्मृती ह्या तुझे अवयव आहेत व काव्यरचना ही तुझ्या मनांतील विकारांची व विचारांची अवयवद्वारा प्रदर्शक आहे.

माडगांवकरांच्या टीपांत हि हा पाठ नाहीं. मजबवळील सेनारी प्रतींत रेखा असाच पाठ आहे.

(२) माडगांवकरादि प्रतींत टेव असा पाठ आहे. तो पाठ घेऊन अर्थ असा होतो. तेथ ह्मणजे अवयवरूप ज्या स्मृती त्यांच्या ठायीं, अर्थशोभा ही लावण्याचा साठा आहे. स्मृतींचा जो अर्थ तो लावण्याचा साठा कसा सम जावयाचा ? आतां मुकुंदराजाच्या प्रतींतील टेव पाठ घेऊन काय अर्थ होतो तो पहा. टेव ह्मणजे नखरा. तेथ ह्मणजे आंगिकभावरूप जी काव्यरचना तिच्या ठायीं, अर्थशोभा ही सौंदर्याच्या नखव्याप्रमाणें आहे. काव्य ह्मणजे प्रतिभोत्पदित ग्रंथरचना.

(३) माडगांवकरांच्या तें हा पाठ व्याकरणदृष्ट्या दुष्ट आहे. 'त' ह्या सर्वनामाचें नपुंसकलिङ्गीं प्रथमेचें एकवचन तें. 'तें' हें 'मणिभूषणें' ह्या नपुं-

सकलिंगी प्रथमेच्या अनेकवचनाचें विशेष होऊं शकणार नाहीं. 'त' ह्या सर्वनामाचें नपुंसकलिंगी प्रथमेचें अनेकवचन ज्ञानेश्वरकालीं 'तियें' असें होत असे. तेव्हां 'तियें' हा पाठ शुद्ध आहे व तो च मुकुंदराजाच्या प्रतीत आहे. माडगांवकरांनीं टीपेंत पाठभेदांत 'तियें' हा शुद्ध पाठ दिला आहे व 'तें' हा अशुद्ध पाठ मूळांत स्वीकारला आहे.

(४) पद्यबंध व गद्यबंध असे दोन प्रकारचे बंध साहित्यशास्त्रांत सांगितले आहेत. पैकीं पद्यबंधांना रंगीत छताची उपमा ज्ञानेश्वरांनीं दिली आहे. पदबंध ह्या सामासिक शब्दाला कांहीं अर्थच नाहीं. पदबंध हा जर एकप्रकारचा बंध ह्मणजे प्रबंध समजला, तर दुसऱ्या प्रकारचा बंध कोणता? प्रत्ययबंधाचा ! तात्पर्य, पदबंध हा अपपाठ आहे. माडगांवकरांच्या टिपांत हि हा किंवा इतर कोणता हि पाठभेद दिलेला नाहीं.

(५) 'त' ह्या सर्वनामाचें स्त्रिलिंगी प्रथमेच्या अनेकवचनाचें रूप 'तिया' असें ज्ञानेश्वरकालीं होत असे. सबब, 'त्या' हा अपपाठ आहे, कारण व्याकरण दुष्ट आहे.

(६) व्यासादिकांच ह्या विशेषणाचीं प्रथमेचीं रूपें अशीं होतः—

पु. प्र. ए. व्यासादिकांचा

न. प्र. ए. व्यासादिकांचें

स्त्री. प्र. ए. व्यासादिकांची

पु. प्र. अ. व्यासादिकांचे

न. प्र. अ. व्यासादिकांचीं

स्त्री. प्र. अ. व्यासादिकांचिया

मती ह्या अनेकवचनी रूपाचें विशेषण व्यासादिकांचिया हें अनेकवचनी रूप आहे. "व्यासादिकांची" हें एकवचनी रूप व्याकरणदुष्ट आहे. माडगांवकरांच्या प्रतीत ही सबंद ओंवी वाकडी तिकडी व अशुद्ध छापिली आहे.

[७] 'तिया' हें पल्लवसडका या अनेकवचनी स्त्रिलिंगी शब्दाचें विशेषण आहे. सबब ते हें रूप दुष्ट.

[८] तृतीया एकवचन हवें. हात विसंवाद धरीत नाहींत, तर विसंवादानें शस्त्रें धरतात. विसंवादे ह्मणजे एकमेकांच्या विरुद्ध. षडृशनांपैकीं

प्रत्येक दर्शन इतर दर्शनाच्या विसंवादी हाणजे विरुद्ध आहे, असा ज्ञानेश्वरांचा आशय.

(८अ) सत्कारवाद कोणता? विसंवादी तर्क वर उल्लेखिलाच आहे. येथे सत्कर्तांचे मंडण आहे.

(९) जालियां हें रूप व्याकरणदुष्ट आहे. जालेयां हें रूप येथे शुद्ध आहे.

(१०) कृतकार्यवान्=कृतकार्या. कृतकार्या हें रूप व्याकरणदुष्टवान् प्रत्ययान्त सर्व संस्कृतरूपे ज्ञानेश्वरीत प्रथमेच्या एकवचनी पुल्लिङ्गी आकारान्त होतात.

(११) मुकुंदराजी पाठ स्पष्ट व चांगला आहे, हें दिसते च आहे.

(१२) वसति+स्थ=वसइ+ठ=वसैठ (विशेषण), वसैठा-ठी-ठें--वसैठा असे पुल्लिङ्गी रूप ह्याच अध्यायाच्या २२८ व्या ओर्वीत आले आहे. वसैठ हें रूप व्युत्पत्तिदुष्ट आहे.

(१३) करउन-नि-नियां-नु अशीं अपभ्रंशांतील रूपे. त्याचीं करुन-नि-नियां-नु, अथवा करौन-नि-नियां-नु अशीं रूपे ज्ञानेश्वरकालीं होत. करोन-नि-नियां- ही ओयुक्त रूपे ज्ञानेश्वरकालीं अस्थानक होत. ओयुक्त रूपे पुढे तीनशे वर्षांनीं प्रचारांत आलीं.

(१४) मुकुंदराजी पाठ प्रशस्त आहे, हें उघड आहे.

(१५) जीव्=जीवाण (वर्तमानकालवाचक धातुसाधित) शिक्ष=शिखाण=सिहाण, णा-णी-णें.

शहाणे हें रूप ज्ञानेश्वरोत्तरकालीन आहे, ज्ञानेश्वरकालीन नाही.

(१६) मुकुंदराजी पाठ प्रशस्त दिसतो च आहे.

(१७) सुखाडलें हा पाठ मुकुंदराजी असून, मजजवळील ज्ञानेश्वरीच्या प्राचीन कोशांत आहे. ख मधील र आणि व हीं दोन अक्षरे निराळीं करून सुरवाडलें असा अपपाठ बनला आहे. सुख पासून क्रियापद सुखाडणें.

(१८) नगरवान्=नागरवां=नागरां.

(१९) अग्र=अग्न=आग्न+ल (स्वार्थक), ला, ली, लें लचा ल हा उच्चार ज्ञानेश्वरोत्तरकालीन आहे. मुकुंदराजाच्या सबंद पोथीत ल हा उच्चार बिलकुल नाही.

(२०) द्यावें हें रूप व्युत्पत्तिदुष्ट आहे.

घेयावें, देआवें, नेआवें, अशीं रूपें ज्ञानेश्वरकालीं होत.

२१ काज हे प्रभार्थकसर्वनाम ज्ञानेश्वरकालीं होतें. त्याच्या दोन्ही अक्षरांचा विभाग करून कां जें असा अपपाठ बनला. अर्थात्, अर्थ हि अनर्थावह झाला.

२२ युद्ध = जुद्ध = जूझ. जू वर अनुनासिक किंवा अनुस्वार ज्ञानेश्वरकालीं नव्हता.

२३ तथा हें रूप ज्ञानेश्वरकालीन व्याकरणाच्या दृष्टीनें दुष्ट आहे. तेहाचा, तेआचा, तेयाचा, हीं रूपें ज्ञानेश्वरकालीं व चांगदेवकालीं प्रचलित होतीं.

(२४) अव+ईषत्=ओइच ओइच+इल्ल=ओइचिल्ल=ओइचिल,
ला-ली-लें. ओइचिल्लें झणजे अत्यंत थोडें.

ओइचिल्लें ह्या शब्दाचा अर्थ न कळल्यामुळें वरिचिल्लें हा पाठ ज्ञानेश्वरोत्तरकालीं आला.

(२५) रायांचा (पु.) = रायाचेया (पु. च. ए.) बोला (पु. च. ए.)
रायाची (स्त्री) = रायाचिया (स्त्री. सप्तमी एकवचन)

तेव्हां बोला ह्या पुल्लिङ्गी चतुर्थीच्या एकवचनी रूपा पाठीमागें स्त्रीलिङ्गी रायाचिया हें विशेषणरूप येणें व्याकरणदृष्ट्या दुष्ट आहे.

(२६) राशि-उद्भ्रम = रासि-उद्भवं = रास+उद्भां = रासौभां =
रासौभा. रास मोडून वाच्यानें पखलण जी होते तिला रासौभा झणतात.
रासौभा हा शब्द कळतनासा होऊन समासावर सडा असा जो त्या शब्दाचा
अर्थ दिला होता, तो च मूळांत लेखकांनीं प्रविष्ट केला.

(२७) बाणरूप पाण्याचा पाऊस पाडूं लागले, तेव्हां, बाणवारि हा
पाठ योग्य आहे. बाणवरि हा पाठ सर्वथा अशुद्ध आहे.

(२८) सवें, सकलें, दाचें, अशीं रूपें ज्ञानेश्वरकालीं होतीं.

(२९) आपण ह्याचें भाववाचक नाम आपणपें, त्याचें चतुर्थीचें ए-
कवचन आपणपेंयां.

आपण ह्याचें चतुर्थीचें नपुंसकलिङ्गी एकवचन आपणआं, आपणयां
पैकीं मुकुंदराजी पाठ आपणपेंयां हा अर्थाला उचित आहे.

[३०] माडगांवकरांची ही सबंद ओंवी व्याकरणदुष्ट आहे व अशा व्याकरणदुष्ट ओंव्या त्यांच्या प्रतीत शेकडों आहेत.

येणेंप्रमाणें माडगांवकरांच्या तौलनिक प्रतीत हजारों अपपाठ आहेत.

**तौलनिक पद्धतीनें
मूळाचा थांग नक्की
लागतोच असें नाहीं.**

इतकेंच नव्हे, तर व्याकरणदुष्ट्या घेथून तेथून सर्व प्रत दुष्ट आहे. कुंटे, साखरे, वगैरेंच्या प्रतीसंबंधानें, तर बोलावयाला च नको. जसा एखादा पारशी किंवा युरोपीयन मराठी भाषा लिंग, वचन, विभक्ति वगैरेंचा चुथडा करून बोलतो, त्याच धर्तीवर, कुंटे, साखरे, माडगांवकर वगैरेंच्या आधुनिक प्रतीत अपभ्रष्ट मराठी भाषा योजिलेली आहे. हें ज्ञानेश्वरकालीन व्याकरण, ज्याला समजलें त्याच्या प्रतीतीस सहज येईल. ती प्रतीती यावी व ज्ञानेश्वरकालीन शुद्ध मराठी भाषा कशी होती, हें कळावें, एतदर्थ ही मुकुंदराजी प्रत छापिली आहे.

मूळ प्रत उपलब्ध नसतां, इतर किती हि प्रतीची तुलना करून मूळ पाठ ठराविण्याचा प्रयत्न केला, तत्रापि मूळपाठ अमुकच असेल, हें निश्चयानें सांगतां येत नाहीं, हें वरील यादीवरून स्पष्ट आहे. प्रायः असें हि होऊं शकतें कीं, मूळपाठ टिपांत रहातो व अपपाठ मुख्य ग्रंथांत विराजमान होतो. Varorium Edition काढण्यांत ही चमत्कार अपरिहार्य असतो. कालिदासादि संस्कृतप्राकृत नाटककारांच्या नाटकांच्या अनिश्चितकालीन दहा पांच पोथ्या घेऊन तौलनिक प्रती बनविल्या असतां, मूलग्रंथकाराच्या मूलप्रतीपासून त्या किती अपभ्रष्ट असूं शकतील तें माडगांवकरांच्या ज्ञानेश्वरीच्या प्रतीवरून चांगलें ध्यानांत येतें.

६५ सारांश, आजपर्यंत जेवढ्या क्षणून ज्ञानेश्वरीच्या प्रती छापिल्या गेल्या आहेत, त्या सर्व अशुद्ध व अविश्वसनीय आहेत. तत्रापि, त्या लोकांत प्रचलित आहेत. सध्यां भक्तिमार्गी लोक इतके गचाळ झाले आहेत कीं व्याकरण, व्युत्पत्ति इतिहास, शास्त्र यांची त्यांना बिलकुल पर्वा राहिलेली नाही. वाटेल तें चिताड त्यांच्या हातीं दिलें व तें ज्ञानेश्वराचें, नामदेवाचें किंवा वृकारामाचें आहे असें सांगितलें क्षणजे तें त्यांना शिरसामान्य

होतें. खरें, खोटें विश्वास्य अविश्वास्य, हा भेदभाव तें करीत नाहीत त्यामुळें झालें आहे काय कीं, त्यांना ज्ञानेश्वरीचा खरा अर्थ हि कळतनासा झाला आहे. कोल्हापूरचे भावे, पनवेलचे आठल्ये, व पुण्याचे भिडे ह्यांनीं ज्ञानेश्वरीचा अर्थ करण्याचा प्रयत्न केला आहे. परंतु स्पष्टपणें सांगावयास कांहीं हरकत दिसत नाही कीं, हे सर्व व्याख्याते अथ पासून इतिपर्यंत अपव्याख्यान करीत गेलेले आहेत. पैकीं आठल्यांचें भाषान्तर अगदीं कुचकामाचें व कवडीमोल आहे. त्यापेक्षां भावे यांचें भाषान्तर किंचित् बरें झणतां येईल. आणि साखरेबावांच्या तोंडचें झणून ज्यास रा. भिडे नामाभिधान देतात. तें ह्या दोहींपेक्षां शुद्ध आहे. परंतु, तिन्ही भाषान्तरासंबंधानें असें झणावें लागतें कीं, ह्या तिन्ही ग्रंथस्थांना घेतलेली कामगिरी विनशुक बजावण्याचा अधिकार आलेला नव्हता. ह्या विधानाची सत्यता भासमान होण्याकरितां, ज्ञानेश्वरीची अगदी पहिली ओवी घेतो, तिचा ह्यांनीं काय अर्थ केला आहे तो देतो व ह्यांच्या चुका कोठें झालेल्या आहेत तें दाखवितो. भावे यांचें भाषान्तर आतां मागसलें असल्यामुळें, त्याची परीक्षा येथें करीत नाहीं.

आठल्यांचें भाषान्तरः—हे मूळ, अनादि, वेदप्रतिपादित, ओंकार-
रूप परमेश्वरा! तुला नमस्कार असो. हे आ-
पल्या आपण जाणणाऱ्या आत्मस्वरूपा! तुझा
जयजयकार असो.

भिड्यांचें भाषान्तरः—हे निर्गुणब्रह्मा आत्मरूपा, तूं सर्वांचा आ-
दिअसून तुझें वेदांनीं वर्णन केलेलें आहे व
तुझ्या स्वरूपास जाणणारा तूं स्वतःच आहेस.
तुला माझा नमस्कार असो; आणि तुझा जय-
जयकार होवो.

पैकीं, आठल्ये यांच्या भाषान्तरांतील प्रत्येक शब्द चुकलेला आहे.
आठल्यांचें भाषान्तर (१) प्रथम, तें नामरूपरहित जें परब्रह्म त्याला
परमेश्वर ह्या नांवानें संबोधतात. (२) दुसरें, पर-
ब्रह्माला ते अनादि झणतात. (३) तिसरें, तें वेदांनीं प्रतिपादित आहे, असा
भ्रम त्यांनीं करून घेतला आहे. आणि (४) चौथें, परब्रह्म आपल्याआपण
जाणणारें आहे, असा दुर्ग्रह त्यांच्या ठायीं झालेला आहे. आतां, ह्या, चारी

विधानांपैकी एक हि विधान सशास्त्र नाही. (१) परमेश्वर ही कोटी परब्रह्माहून निराळी, खालच्या दर्जाची व तत्पश्चात्क आहे, हें सर्वश्रुतच आहे. ह्या ओवीत परमेश्वराचें नांव नाही, इतकेंच नव्हे, तर परब्रह्माचें हि नांव नाही. कारण, परब्रह्माचें जर नांव घ्यावें तर तें सगुण म्हणजे नामरूपसहित होतें. सबब, ज्ञानेश्वरांनीं ह्या संबंद ओवीत त्याचा नामनिर्देश केला नाही. एवढेंच नव्हे, तर तत् ह्या सर्वनामानें हि त्याचा उल्लेख केला नाही. ज्ञानेश्वरांचीं हीं सर्व धोरणें आठल्यांनीं झुगारून दिलीं आहेत व आपलें गाढ अज्ञान प्रकट केलेलें आहे. (२) प्रपंच, माया, परमेश्वर, ह्या कोटींना अनादि हें विशेषण लावतात. कारण प्रपंच हा अनादि व अनंत असून, केवळ व्यक्तमध्य आहे. तत् ही वस्तु सर्वत्र व सर्वदा आद्य च असणार. तिला अनादि हें विशेषण लावणें अयुक्त आहे. (३) ही निर्गुण वस्तु आजपर्यंत कोणाला हि संपूर्ण कळलेली नाही. कळण्याचा प्रयत्न पुष्कळांनीं केलेला आहे. त्यां प्रयत्न करणाऱ्यां पैकींच वेद होत. त्यांना हि ती आकळलेली नाही. सबब, ज्ञानेश्वरांनीं वेदप्रतिपाद्य असा शब्द योजलेला आहे. वेदप्रतिपादित असा शब्द मुद्दाम योजला नाही. परब्रह्म जर वेदांनीं प्रतिपादित केलें असेल, तर तें वेदाहून गौण ठरूं लागेल. वेदांनीं एवढेंच केलें आहे कीं, परब्रह्माचें प्रतिपादन करण्याचा प्रयत्न केलेला आहे. ह्या पलीकडे त्यांनीं कांहीं केलेलें नाही. एवढ्याच करितां, ज्ञानेश्वरांनीं प्रतिपादित हा शब्द टाळलेला आहे. तो दुष्ट शब्द आठल्यांनीं अंधदृष्टीनें मुद्दाम कवटाळला आहे. सद्ब्रह्मचें आकलन करतां करतां वेद टेंकीस आले, असे उद्गार ज्ञानेश्वरीत व अमृतानुभवांत अनेक स्थली आहेत. (४) स्वसंवेद्या या पदाचा तर शब्दार्थ हि आठव्यांस झाला नाही. स्वसंवेद्या ह्मणजे आपल्याआपण जाणणाऱ्या, असा अनर्थ आठव्ये च करूं जाणोत. सत् चित् च आहे. त्याला आपलें संवेदन आपण च करण्याची कोणती अपेक्षा आहे? काय त्याचें संवेदन कधीं लोप पावलें होतें कीं तें पुनरपि करून घेण्याचें त्याला कारण पडावें? काय साखर कधीं कडू झाली होती कीं तिनें आपली गोडी आपणच चाखून पहाण्याचें मनांत आणावें? तर, असें विपरीत कदापि होणें नाही. संवेद्य कोणाला? इतरांना, स्वतःला नव्हे. स्व ह्मणजे जीवात्मा, त्याला संवेदन होण्याचा विषय. तें संवेदन हि संपूर्ण होईलच असा भाग नाही, ज्याचें संवेदन, ज्या सद्ब्रह्मचें संवेदन करून

घेण्याचा प्रयत्न जीवात्म्यानें करणें संभाव्य आहे, अशा तद्दस्तूला. अता स्वसंवेद्या, ह्या पदाचा अर्थ आहे. चित् संबंधानें नाना कोट्या ज्ञानेश्वरांनीं अमृतानुभवांत केलेल्या आहेत. त्यांचा जर परिचय आठल्यांनीं करून घेतला असता, तर ते असे वरळते ना. स्व आणि पर असे दोन प्रकारचे आत्मे कल्पिलेले आहेत. ह्यांना च जीवात्मा व परमात्मा अशा संज्ञा आहेत. संवित् ही दोघांना सामान्य आहे. ह्या संविद्वारा जीवात्म्याला परमात्म्याशीं ऐक्य होण्याचा संभव असतो. संवित्प्रतीति न झाली, तर ऐक्य होण्याच्या झणजे परमात्मसंवेदन होण्याचा मार्ग खुंटतो. हें सर्व लक्षांत घेऊन ज्ञानेश्वरांनीं स्वसंवेद्य हें पद योजिलेलें आहे; आणि त्याला पोषक झणून आत्मरूपा असें पद घातलें आहे. जीवात्म्यानें संवेद्य कां, तर जीवात्मा व परमात्मा हे दोन्ही हि आत्मरूप झणजे आत्मा च आहेत. आत्मा एव आत्मरूपः । जीवात्मा व परमात्मा हा भेद भ्रांतिमूलक आहे. ती भ्रांति उद्भूत गेली झणजे दोन्ही एक च आहेत, अशी प्रतीति होते. सारांश, ह्या ओ. र्वीत एक कारणपरंपरा गोविली आहे. सद्गस्तु आद्य आहे; कारण, अनादि जे वेद त्यांनीं तिची प्रतिपत्ति करण्याचा प्रयत्न केला आहे; परंतु, तो प्रयत्न सफल झालेला नाही. कां की ही सद्गस्तु जीवात्म्यालाच संवेद्य आहे, इतरांना नाही. कां तर, जीवात्मा व परमात्मा आत्मरूप आहेत.

आठल्यांच्या इतका घोटाला भिड्यांनीं केलेला नाही. त्याला कारण

**भिड्यांचें
भाषान्तर**

सद्गुरुमुख. नानाबोवा साखरे यांच्यासारख्यांच्या व्याख्या-
नाच्या श्रवणानें भिडे किंचित् ताल्यावर राहिलेले दिस-
तात मात्र. परंतु, अनधिकारित्वास्तव ते हि ह्या ओवीचा
अर्थ करतांना भ्रांत झालेले आहेत. “तुझें वेदानीं वर्णन केलेलें आहे,”
असें संपूर्ण—क्रिया—द्योतक वाक्य भिड्यांनीं योजिलें असून, “तुझ्या
स्वरूपास जाणणारा तूं स्वतःच आहेस” असें हि वाक्य योजून स्वमुख-
दर्शनदोष ते आठल्यांच्या प्रमाणेंच करतात. आठल्यांच्याप्रमाणें अनादि,
परमेश्वर, वगैरे बाष्कल शब्द मात्र ते योजीत नाहीत. हा सद्गुरुसंगतीच्या
सातत्याचा परिणाम. ह्या ओवीत कारणपरंपरा आहे, ह्याची प्रतीति भिड्यां-
ना हि झालेली दिसत नाही.

वेदान्तशास्त्रानभिज्ञतेन्या मुळें ओवीचा अर्थ भाषान्तरकारांना कसा
लागला नाही, त्याचा हा तपशिल झाला.
व्याकरणदृष्ट्या भाषा- आतां व्याकरणानभिज्ञतेस्तव त्यांच्या चुक्या
न्तरांची दुष्टता. कशा झाल्या आहेत ते दाखवितों.

ॐ नमो आद्या । वेदप्रतिपाद्या ।

जय स्वसंवेद्या । आत्मरूपा ॥ १ ॥

अशी ओवी आहे. अन्वयः—आद्या वेदप्रति पाद्या नमो; स्वसंवेद्या
आत्मरूपा जय. येथें नमो व जय हीं रूपें आज्ञार्थी द्वितीयपुरुषाचीं अनेक-
वचनाचीं आहेत.

संस्कृत	प्राकृत	अपभ्रंश	मराठी.
नमत	नमह	नमहु	नमूँ, नमो
जयत	जयह	जयहु	जयूँ, जयो, जय

नमू व जी ह्या धातूंचीं रूपें ग्रंथारंभी नांदीत आणण्याचा परिपाठ
प्राकृत व संस्कृत ग्रंथांत अनेक स्थलीं आढळतो. गाथासप्तशतींत, सेतु-
बंशांत व कर्पूरमंजरींत नांदीत नमह व जअइ हीं रूपें आलीं आहेत.
नमह—नमहु—नमो ह्मणजे तुझीं नमस्कार करा. जय ह्या धातूचा अर्थ मरा-
ठींत “कोणासाठी तरी जयशब्द उच्चारणें” असा झाला आहे. उदा-
हरणार्थ, जय शंकरा (शंकराचा जयकार करा). तेव्हां, पहिल्या ओवीचा
व्याकरणदृष्ट्या अर्थ असाः—

आद्या वेदप्रतिपाद्या नमस्कार करा; स्वसंवेद्या आत्मरूपाचा जयकार
करा; ज्ञानेश्वर श्रोत्यांना स्वहितार्थ आद्याला नमस्कार व प्रमाण करावयाला
सांगतात व त्याचा जयकार करावयास सांगतात. नांदीत श्रोत्यांना इष्टदेवतेला
नमस्कार करण्यास सांगण्याची चाल संस्कृत व प्राकृत नाटकांत व काव्यांत
आहे. तीच परंपरागत चाल ज्ञानेश्वरांनीं उचललेली आहे. ज्ञानेश्वरांनीं
ज्ञानेश्वरी श्रोत्यांना उद्देशून मुद्दाम लिहिलेली आहे; स्वतःला उद्देशून लिहि-
लेली नाही. एतद्विषयक उल्लेख ज्ञानेश्वरींत अनेक आहेत; बहुतेक प्रत्येक
अध्यायांत आहेत. तेव्हां, ह्या ओवीतील क्रियापदे द्वितीयपुरुषां अनेकवचनां
आज्ञार्थी आहेत, हें ठीकच आहे.

आठव्ये व भिडे परब्रह्माला सांगतात कीं, तुझा जयजयकार असो ! परब्रह्माचा जयजयकार नव्हता कधी, कीं तुझा जयजयकार असो, असा आशीर्वाद कवीने त्यास देण्याचें धाष्टर्य व औद्धत्य करावें. “तुला नमस्कार असो (आठव्ये), “तुला माझा नमस्कार असो ” (भिडे), ह्या हि भाषान्तराला हाच दोष लागतो. शिवाय ग्रंथकर्त्याने आपण एकट्यानेच नमस्कार करण्यापेक्षा, श्रोत्यांसह नमस्कार करणें जास्त सौजन्याचें आहे. ज्ञानेश्वर, तर, सौजन्याचें केवळ पुतळेंच होते. तेव्हां, त्यांच्या तोंडून, तुला माझा नमस्कार असो, अशी उद्धत वाणी कदापि हि निघावयाची नाही.

६६ वेदान्तशास्त्रदृष्ट्या व व्याकरणदृष्ट्या आठव्ये, भिडे, कुंटे व माडगांवकर ह्यांच्या प्रतीत असे हजारो दोष आहेत. मासल्याकरितां, एकाच ओंवीतील दोष दाखविले. जास्त दाखविण्यास प्रकृत स्थली अवकाश नाही. शिवाय, हे दोष दाखविण्याचें काम हरिभक्तिपरायण भिंगारकरबुवा याणीं केसरतीत अनेकवेळां केलेलें आहे. भारदे उर्फ भारद्वाज ह्यांच्या चर्पटपंजरीचा, तर, त्यांनीं “ज्ञानेश्वरमहाराज यांचा कालनिर्णय व संक्षिप्त चरित्र ” या टीकाप्रबंधांत चांगला च धुव्वा उडविला आहे. आठव्यांच्या चुक्या हि त्यांनीं अन्यत्र चांगल्या दाखविलेल्या आहेत. ह्या ग्रहस्थानीं जर ज्ञानेश्वरीच्या अर्थाचें पुस्तक छापलें, तर, ज्ञानेश्वरीच्या नावावर चिताड व गच्चाळ बाडें भक्तिमार्गी लोकांत जो खोट्या वेदान्ताचा व भोळेपणाचा प्रसार करतात त्याला काहीं तरी आळा पडून ऐतिहासिक व प्रागतिक मार्गाला भक्तिमार्गी लोक लागतील.

६६ प्रस्तुत मुकुंदराजी प्रतीत प्रत्येक श्लोक त्या श्लोकावरील ओंव्यांच्या मध्ये कोठें तरी लिहिला आहे. आधुनिक प्रतीत मूळ संस्कृत श्लोक प्रथम देऊन, नंतर त्याच्यावरील टीकाओव्या देण्याचा जो प्रघात दिसतो, तो मूळचा ज्ञानेश्वराचा नाही. ज्ञानेश्वरांनीं ओर्वबंधांत ज्ञानेश्वरी अशी रचिली कीं मूळ संस्कृत श्लोक मुळीच न दिला, तत्रापि व्याख्यानान्या ओघाला तुटकपणा येऊं नये अलीकडील कित्येक पोथ्यांत दर प्रतीकाच्या व पदाच्या नंतर ज्ञानेश्वरी टीका ओव्यांचे तुकडे पाडून सुद्धा दिलेली असते. हा हि प्रकार मूळ ज्ञानेश्वराचा नव्हे. हे सर्व चोचले आधुनिक आहेत.

६७ प्रस्तुत प्रतीत मूल संस्कृत श्लोकांचे पाठ प्रचलित गीतेच्या पाठांहुन कोठें कोठें भिन्न सांपडतात. त्यांची याद खाली देतो:—

अध्याय	श्लोक	प्रचलित पाठ	मुकुंदराजी किंवा ज्ञानेश्वरी पाठ
* १	५	काशीराजः	काशिराजः
१	१९	धार्तराष्ट्राणां	धार्तराष्ट्राणां
१	२०	धार्तराष्ट्रान्	धार्तराष्ट्रान्
१	२३	धार्तराष्ट्रस्य	धार्तराष्ट्रस्य
* १	३०	गांजीवं	गांजीवं
१	३२	किं नो	किं नो
१	३५	किं नु	किं नु
१	३६	धार्तराष्ट्रान्	धार्तराष्ट्रान्
१	३७	”	”
१	३९	जनार्दन	जनार्दन
२	१	अश्रुपूर्णा	अश्रुपूर्णा
२	२	अकीर्तिकरं	अकीर्तिकरं
२	६	धार्तराष्ट्राः	धार्तराष्ट्राः
२	८	यच्छोकमुच्छोषणं	यच्छोकमुच्छोषणं
* २	९	गुडाकेशः	गुडाकेशः
२	१३	धीरः	धीरः
२	१८	युध्यस्व	युध्यस्व
* २	२८	परिवेदना	परिवेदना
२	३१	युद्धाच्छ्रेयः	युद्धाच्छ्रेयः
२	३२	यदृच्छया	यदृच्छया
* २	३३	अथ चेत्त्वमिमं धर्म्यं	अथचेत्त्वंधर्म्यामिमं
२	३४	अकीर्ति	अकीर्ति
२	३४	अकीर्तिः	अकीर्तिः
* २	३५	एषां	एषां
२	४४	भोगैश्वर्य	भोगैश्वर्य
२	४९	योगाद्धनंजय	योगाद्धनंजय
२	४९	अन्विच्छ	अन्विच्छ
२	५०	दुष्कृते	दुःकृते

२	६२	पुंसः	पुंसः
२	६९	जागर्ति	जागर्ति
२	७१	गच्छति	गच्छति
२	७२	ऋच्छति	ऋच्छति
* २	७२	स्थितिः	स्थिती
३	१	जनार्दन	जनार्दन
३	४	अधिगच्छति	अधिगच्छति
३	५	अकर्मकृत्	अकर्मकृत्
३	१२	तैर्दत्तान्	तैर्दत्तान्
३	१३	किल्बिषैः	किल्बिषैः
३	२०	कर्तुं	कर्तुं
३	२१	अनुवर्तते	अनुवर्तते
३	२२	वर्ते	वर्ते
३	२३	वर्तेयं	वर्तेयं
३	२३	अनुवर्तते	अनुवर्तते
३	२४	कर्ता	कर्ता
३	२७	कर्ता	कर्ता
३	२८	वर्तते	वर्तते
३	३०	युद्धयस्व	युध्यस्व
३	३४	आगच्छेत्	आगच्छेत्
३	३६	अनिच्छन्	अनिच्छन्
३	३९	दुष्पूरेण	दुःपूरेण
३	४३	बुद्ध्वा	बुध्वा
४	७	सृजामि	शृजामि
४	८	धर्म	धर्म
४	११	अनुवर्तते	अनुवर्तते
४	१३	सृष्टं	शृष्टं
४	१३	विद्ध्य	विध्य
४	१३	कर्तारं	कर्तारं
* ४	१३	ज्ञात्वामोक्षयसेशुभात्	ज्ञात्वामृतमश्नुते
४	१८	कर्मकृत्	कर्मकृत्
४	२२	यदृच्छा	यदृच्छा

* ४	२३	० चेतसः	० चेतसा
४	२९	रुद्ध्वा	रुद्ध्वा
४	३४	तत्त्व	तत्त्व
४	३९	अधिगच्छति	अधिगच्छति
५	१	यच्छेय	यच्छेय
५	६	अधिगच्छति	अधिगच्छति
५	८	तत्त्ववित्	तत्त्ववित्
५	८	पश्यन्	पश्यन्
५	८	स्पृशन्	स्पृशन्
५	८	गच्छन्	गच्छन्
५	८	स्वपन्	स्वपन्
५	९	वर्तते	वर्तते
५	११	बुद्ध्या	बुद्ध्या
५	१२	निबध्यते	निबध्यते
५	१४	प्रवर्तते	प्रवर्तते
५	१७	गच्छति	गच्छति
* ५	१९	येषां	एषां
५	२४	अधिगच्छति	अधिगच्छति
५	२६	वर्तते	वर्तते
५	२८	विगतेच्छा	विगतेच्छा
* ५	२८	युक्त	युक्त
५	२९	ऋच्छति	ऋच्छति
६	६	वर्तते	वर्तते
६	६	शत्रुवत्	शत्रुवत्
६	१३	धारयन्नचलं	धारयन्नचलं
६	१५	अधिगच्छति	अधिगच्छति
* ६	२० (द्वितीयार्ध)	यत्र	तत्र
६	२१	वैति	वैति
६	२१	तत्त्वतः	तत्त्वतः
६	२२	यस्मिंस्थितो	यस्मिन्स्थितो
६	२२	गुरुणा	गुरुणा
६	३१	वर्तमानो	वर्तमानो

६	३१	वर्तते	वर्त्तते
६	३७	गच्छति	गच्छति
६	३८	विभ्रष्टः	विभ्रष्टः
६	३९	च्छेत्तुं	छेत्तुं
६	३९	च्छेत्ता	छेत्ता
६	४०	कृताँलोकान्	कृताँलोकान्
६	४४	अतिवर्तते	अतिवर्त्तते
७	१	तच्छृणु	तच्छृणु
७	३	तत्त्वतः	तत्त्वतः
७	७	इव	इव
७	१३	एभिःसर्व	एभिसर्व
७	२१	भक्तःश्रद्धया	भक्तश्रद्धया
७	२१	इच्छति	इच्छति
७	२६	वर्तमानानि	वर्त्तमानानि
७	२७	इच्छा	इच्छा
* ७	२८	अंतगतं	अंतर्गतं
७	२९	कर्म	कर्म
८	७	युद्धय	युध्य
८	११	इच्छंतो	इच्छंतो
८	१२	निरुध्य	निरुध्य
* ८	१६	ब्रह्मभुवनात्	ब्रह्मभुवनात्
८	२१	निवर्तते	निवर्त्तते
८	२४	गच्छंति	गच्छंति
८	२५	निवर्तते	निवर्त्तते
८	२६	आवर्तते	आवर्त्तते
९	२	कर्तुं	कर्तुं
९	३	निवर्तते	निवर्त्तते
९	४	मूर्तिना	मूर्तिना
९	१०	विपरिवर्तते	विपरिवर्त्तते
* ९	१३	आश्रिताः	आस्थिताः
९	१४	कीर्तयंतो	कीर्त्तयंतो
९	१८	भर्ता	भर्ता

* ९	२४	च्यवन्ति	चवन्ति
९	२६	प्रयच्छति	प्रयच्छति
९	३१	शश्वच्छांतिं	शश्वच्छांतिं
९	३१	निगच्छति	निगच्छति
१०	२	प्रभवन् न	प्रभवन्
१०	७	तत्त्वतः	तत्त्वतः
१०	८	प्रवर्त्तते	प्रवर्त्तते
१०	१८	जनार्दन	जनार्दन
१०	२१	०र्मरतां	०र्मरतां
* १०	००	२३ वा श्लोक	२२ वा आहे.
* १०	००	२२ वा श्लोक	२३ वा आहे.
"	२७	उच्चैःश्रवसं	उच्चैःश्रवसं
"	२९	यमःसंयमतां	यमसंयमतां
"	३४	कीर्तिः	कीर्तिः
"	३४	० र्मेधा	० र्मेधा
"	३६	सत्त्ववतां	सत्त्ववतां
"	४१	सत्त्वं	सत्त्वं
"	४१	अवगच्छ	अवगच्छ
११	२	श्रुतौ	श्रुतौ
"	३	इच्छामि	इच्छामि
"	४	तच्छब्दं	तच्छब्दं
"	१७	नलार्क	नलार्क
* "	२०	रूपमिदं तवोग्रं	रूपमुग्रं तवेदं
* "	२२	त्वा	त्वां
"	३१	इच्छामि	इच्छामि
"	३२	समाहर्तुं	समाहर्तुं
"	"	ऋते	ऋते
"	"	प्रत्यनीकेषु	प्रत्यनीकेषु
"	३४	युध्यस्व	युध्यस्व
"	३५	एतच्छ्रुत्वा	एतच्छ्रुत्वा
* "	४२	यच्चावहासार्थं	यच्चापिहासार्थं
* "	४३	पूज्यश्च	पूज्यस्य

* ११	४३	अप्रतिमप्रभाव	अप्रतिमप्रभावः
"	४६	इच्छामि	इच्छामि
"	"	विश्वमूर्ते	विश्वमूर्ते
* ११	५०	सौम्यवपुः	सौम्यवपुः
"	५२	जनार्दन	जनार्दन
"	५४	तत्त्वेन	तत्त्वेन
"	५५	कर्मकृत्	कर्मकृत्
१२	२	अनिर्देश्य	अनिर्देश्य
"	"	ध्रुवं	ध्रुवं
"	७	समुद्धर्ता	समुद्धर्ता
"	९	इच्छ	इच्छ
"	१०	कर्माणि	कर्माणि
"	"	कुर्वन्सिद्धि	कुर्वन्सिद्धि
* ११	११	अशक्तोसि	अशक्तोसि
"	१२	त्यागाच्छांतिः	त्यागाच्छांतिः
* ११	१३	समदुःखसुखः क्षमी	समदुःखसुखक्षमी
"	१५	मे	मैं

ज्यांच्या पाठीमागे नक्षत्राचें चिन्ह काढलें आहे त्यांखेरीज बाकीचे सर्व पाठभेद उच्चाराने आहेत. सनक्षत्र पाठभेदांपैकी हि बरे च पाठभेद उच्चाराने च पाठभेद असावे, असें झणतां येईल. उदाहरणार्थ, शी ब-हल शि, ये बहल ए, व्य बहल च. काशिराजः, एषां, चवंति, हे पाठभेद उच्चाराने पाठभेद न समजले, तर ते स्वतंत्र पाठभेदांत गणले जातील. लेखकाला उच्चार करण्याची जी स्वभावसिद्ध व देशसिद्ध संवय होती तिच्या अनुरोधाने त्याने हे उच्चारपाठ दिले आहेत. ह्या उच्चारपाठांचे वर्गीकरण येणेंप्रमाणें करतां येतें.

- [१] ऋ बहल रु. जसें, ऋते बहल रुते
- [२] ए बहल ऐ. जसें, वेत्ति बहल वैत्ति
- [३] निरनुनासिकाबहल सानुनासिक. जसें, इव बहल हवें आणि मे बहल मैं
- [४] स, श व क्ष ह्यांच्या पूर्वी विसर्गलोप. जसें, एभि-सर्वे, भक्त श्रद्धया, उच्चैश्रवस.

- [५] रेफानंतर द्वित्. जसे, कीर्त्ति, धर्म, कर्म, तैर्दत्तान् .
 [६] च्य बदल च. जसे, चवंति
 [७] च्छ बदल छ जसे, गलति
 [८] द्ध बदल त्थ. जसे, योगात्धनंजय
 [९] द्धय बदल ध्य. जसे, युध्य
 [१०] ध्य बदल द्धय. जसे, युद्धयस्व
 [११] व बदल व. जसे, कित्विषं
 [१२] श बदल ष. जसे, गुडाकेशः
 [१३] श बदल स. जसे, अशक्तः बदल असक्तः
 [१४] रु बदल ऋ. जसे, अशृ
 [१५] ष बदल ः. जसे दुःपूर
 [१६] स बदल श. जसे, सृष्टं बदल शृष्टं
 [१७] त्व बदल त्व. जसे, तत्त्व बदल तत्त्व
 [१८] श्व बदल स्य. जसे, पूज्यश्च बदल पूज्यस्य

हे पाठभेद किंवा उच्चारभेद लेखकानें चुकून केले आहेत, असें नाहीं. त्याच्या वेळची व प्रांतातली सामान्य मंडळी जे उच्चार करीत, ते ह्या लेखकानें नमूद केले आहेत. मुकुंदराजी ज्ञानेश्वरीतील संस्कृत श्लोकांतल्या अक्षरांचे जे उच्चार वर नमूद केले आहेत, त्यावरून संस्कृत उच्चारांचा अपभ्रंश गोदावरीतीरीं शक १२०० च्या सुमारास कसा होत असे, तें कळण्याचें एक उत्कृष्ट साधन उपलब्ध झालें आहे.

६८ मुकुंदराजी ज्ञानेश्वरीत ह्मणजे कोणत्या हि ज्ञानेश्वरीच्या विश्वसनीय व अप्रक्षिप्त प्रतीति फारसी शब्द आढळत नाहींत. ज्ञानेश्वरी शक १२१२ त रचली गेली व त्यानंतर मुसलमानांचा महाराष्ट्राला स्पर्श झाला. तत्पूर्वी यद्यपि शंभर वर्षे ह्मणजे शक ११०० पासून नर्मदेपलीकडे मुसलमानांचें राज्य सुरू झालें होतें, तत्रापि महाराष्ट्राला व मराठी भाषेला मुसलमानी व फारसी शब्दांचा स्पर्श झाला नाहीं. तो शक १२०० नंतर पांच पन्नास वर्षांनीं मुसलमानी अंमल जारी झाल्यावर

झाला. अर्थात्, ज्ञानेश्वरीत फारसी शब्द साहजिक च आढळत नाहीत. इंग्रजी भाषेच्या स्पर्शसंबंधाने असा च प्रकार झालेला आढळतो. बंगाल, मद्रास वगैरे देशांत यद्यपि इंग्रजांचा अंमल बसून पन्नास शंभर वर्षे लोटली, तथापि इंग्रजी शब्द मराठीत शक १७३९ नंतर येऊं लागले. तत्पूर्वी गोलंदाज, कडाबीन, पलटण, वगैरे कांहीं डच, फ्रेंच, पोर्तुगीज वगैरे लष्करी शब्द मराठीत आले, परंतु इंग्रजी शब्द आले नाहीत. कारण उघड आहे. मराठ्यांच्या लष्करांत ज्या खालच्या प्रतीच्या युरोपियन शिपायांचा संबंध आला ते प्रथम प्रथम प्रायः पोर्तुगीज, डच, फ्रेंच वगैरे असत, इंग्रज नसत. शक १२०० पूर्वी मुसुलमानी शिपायांचा प्रवेश कल्याणी येथील चालुक्यांच्या व देवगिरीच्या यादवांच्या सैन्यांत झाला असावा, असें ह्मणण्यास पुरावा आहे. शक १०५१ त लिहिलेल्या अभिलषितार्थचिंतामर्णीत आठ प्रकारचे सैन्य वर्णिलेले आहे; त्यांत म्लेच्छ सैन्याचा उल्लेख आहे. म्लेच्छ ह्मणजे मुसुलमान. अर्थात्, कदाचित् कांहीं लष्करी शब्द मराठी भाषेत शक १०५१ च्या सुमारास आले असण्याचा संभव आहे. खुद्द अभिलषितार्थचिंतामर्णीत च तेजी (घोडा) हा फारसी शब्द आला आहे. हिंगु, पोतास वगैरे यावनी शब्द ह्याच्या हि पूर्वी हिंदुस्थानांतील प्राकृत व अर्थात् संस्कृत भाषांत व्यापारसंबंधाने प्रचलित झाले होते. हा पोतास शब्द यावनी आहे, फारसी नाही; व हा फार प्राचीन कालापासून संस्कृत भाषेत प्रविष्ट झाला आहे. तेव्हां हा पोतास शब्द ज्ञानेश्वरीत सांपडला असतां, तो फारसी ह्मणून गणण्यांत हाशील नाही. निशाण, दादर, वखार, मोहरें, हेवा वगैरे शब्द भिंगारकर यावनी ह्मणजे फारसी समजतात. परंतु, ते अस्सल मराठी आहेत. संस्कृत निःसाण ह्मणजे नगारा. ह्याचा मराठी अपभ्रंश निसाण, निशाण. हा पटहार्थक निशाण शब्द फारसी निशान (ध्वजपताका) शब्दासारखाच उच्चारांत आहे, परंतु, ह्या दोहोंत अर्थभेद आहे. मराठी निशाण ह्मणजे नगारा व फारसी निशान [ण] ह्मणजे ध्वजपताका. संस्कृत दरदर=प्राकृत दादर. दर=विवर. संस्कृत वर्षागृह=प्राकृत वर्खाअर=मराठी वखार. संस्कृत मुखहर=प्राकृत मुहअर=मराठी मोहर (रा, री, रें). संस्कृत हृन्नन्=हिअवा=मराठी हेवा. हेवा=मर्नीची उत्कट ओढ. सारांश, ज्ञानेश्वरीत फारसी किंवा अरबी शब्द नाहीत.

६९ ज्याअर्थी मुकुंदराजी ज्ञानेश्वरींत फारसी शब्द नाहीत त्याअर्थी ज्ञानेश्वरकालीन हणून नांवाजलेल्या कोणत्या हि अस्सल लेखांत प्रायः फारसी शब्द येणे दुर्मीळ आहे. तशांत, फारसी उभयान्वयी अव्यय ज्या ज्ञानेश्वरकालीन हणविणाऱ्या लेखांत येतील तो लेख अर्वाचीन हणजे मुसुलमानी रियासतीतला विनधोक समजावा. उदाहरणार्थ, भिंगारकरकृत “श्रीज्ञानेश्वरमहाराज यांचा कालनिर्णय व चरित्र” ह्या निबंधाच्या ६० व ६१ यां पृष्ठांवर दिलेलीं शक ११२९ व शक ११३५ सालचीं दोन्ही पत्ते अस्सल नसून बनावट आहेत. कारण त्या दोन्ही लेखांत फारसी की हे उभयान्वयी अव्यय आले आहे. फारसीत के असें उभयान्वयी अव्यय आहे त्याचे मराठी की, कीं हे कीं अव्यय रामदास व शिवाजी यांच्यानंतर मराठीत रूढ झाले. ज्ञानेश्वरकालीन व ज्ञानेश्वराच्या पूर्वी फारसी की किंवा इंग्रजी that या उभयान्वयी अव्ययाच्या बदला जे, जे असें उभयान्वयी अव्यय नियमानें योजीत. ह्या कीं खेरीज, भिंगारकरांच्या ह्या दोन्ही पत्रांत इतर आणीक अशीं शेकडों रूपे आहेत कीं त्यांच्यावरून ह्या पत्रांचा बनावटपणा स्पष्ट करून दाखवितां येईल. भिंगारकरांच्या पत्रांतील हीं शेकडों रूपे आधुनिक व बनावट कां, हें नीट लक्षांत येण्यास, मराठी भाषेचें ऐतिहासिक व्याकरण अथवा नुसतें ज्ञानेश्वरीचें व्याकरण चिकित्सक वाचकांपुढें मांडलें पाहिजे. मराठी भाषेचें हें ऐतिहासिक व्याकरण येथें च द्यावयाचें. परंतु, मराठी भाषेच्या स्थित्यंतरांची त्रोटक हकीकत व मुकुंदराजी पोथीचा तपशील देतां देतां च फार विस्तार झाला. सबब, ऐतिहासिक व्याकरण पुढील भागावर टाकणें अपरिहार्य आहे. तोंपर्यंत सरस्वतीमंदिरादिमासिकपुस्तकांतील मराठीच्या ऐतिहासिक व्याकरणावरील माझे निबंध जिज्ञासूनां एतत्प्रकरणीं बरेच उपयोगाचे होतील असें वाटतें.

७० ज्ञानेश्वरींत एकंदर जी ओवीसंख्या आहे तिचा सरासरीने निम्मा भाग पहिल्या बारा अध्यायांत येतो; आणि बाकीचा निम्मा भाग राहिलेल्या सहा अध्यायांत येतो. प्रस्तुत पहिला खंड ह्या पहिल्या बारा अध्यायांचा आहे. ह्या खंडाला दुर्बोध शब्दांच्या अर्थीची याद दिली आहे.

७१ ज्ञानेश्वरांचें चरित्र, नाथपंथाची हकीकत, ज्ञानेश्वरांचा वेदान्त, भक्तिमार्गाच्या अनादिसिद्ध व ऐतिहासिक परंपरेचें वर्णन, वगैरे अनेक विषयांवर बहुत विवेचन करण्यासारखें आहे. तें, ज्ञानेश्वरांचे इतर अस्सल जुने ग्रंथ मिळून छापण्याचा योग आल्यास, यथावकाश करतां येईल.

॥ नटकृततांडवविकटाः पंडितटीकाः स्फुरंति गीतायां ॥

॥ रंभालास्यविलासा जयति ज्ञानेश्वरीतासु ॥



[illegible]

ज्ञानेश्वरी

श्रीमहागणपतये नमः ॥ ॐ नमो आद्या । वेदप्रतिपाद्या ।

जय स्वसंवेद्या । आत्मरूपा ॥ १ ॥

देवा तूं चि गणेशु । सकलार्थप्रकाशु ।

हाणे निवृत्तिदासु । अवधारिजो ॥ २ ॥ जे

हें शब्दब्रह्म अशेष । ते चि मूर्ति सुरेख ।

जेथें वर्णवपु निर्दोष । मिरवत असे ॥ ३ ॥

स्मृति ते चि अवयव । रेखा अंगिकभाव ।

तेथ लावण्याची टेव । अर्थशोभा ॥ ४ ॥

अष्टादश पुराणें । तिये चि मणिभूषणें ।

पदपद्मति खेवणें । प्रमेयरत्नार्ची ॥ ५ ॥

२ पद्यबंध नागर । तें चि । रंगाधिलें अंबर ।

जेथ साहित्य वाणें सपुर । उजलाचें ॥ ६ ॥

देखां काव्यनाटका । जि निर्द्धारितां सकौतुका ।

तिया चि रुणुशुणिति क्षुद्रघटिका । अर्थध्वनि ॥ ७ ॥

नाना प्रमेयाची परि । निपुणपणें पांतां कुसरि ।

दीसति उचित पदे माझारि । रत्नें मली ॥ ८ ॥

तेथ व्यासादिकांचिया मती । चोखडेपणें झलकती ।

३ तिया मेखले मिरवती । पल्लवसडका ॥ ९ ॥

देखां षड्दर्शनें हाणिपति । ते चि मुजांची आकृति ।

हाणूनि विसंवादे धरिति । आयुधातें ॥ १० ॥

तारि तर्कु तो चि परशु । नीति भेदुअंकुशु ।

वेदांत महारसु । मोदकु मिरवे ॥ ११ ॥

का एकी हातीं दंतु । जो स्वभावता खंडितु ।

तो बौधमतसंकेतु । वार्त्तिकान्चा ॥ १२ ॥

स। मग साहाजें सत्तर्कवादु । तो पद्मकर वरदु ।

धर्मप्रतिष्ठा तो सिद्धु । अभयहस्तु ॥ १३ ॥

देखां विवेकवंतु विमलु । तो चि शुंडादंडु सरलु ।

जेथ परमानंदु केवलु । महासुखाचा ॥ १४ ॥

तारि संवादु तो चि दश-तु । समताशुभ्रवर्णु ।

देउ उन्मेखुसूक्ष्मेक्षणु । विघ्नराजु ॥ १५ ॥

मज अवगमलिया दोन्हीं । मीमांसा श्रवणस्थानी ।

बोधमदामृत मुनी । अलि सेविति ॥ १६ ॥

प्रमेयप्रवालसुप्रभ । द्वैताद्वैतनिकुंभ ।

सरिसे एकवेटति ईभ । मस्तकावरि ॥ १७ ॥

उपरि दशोपनिषदें । जियें उदारें ज्ञानमकरंदें ।

तियें मुकुटी कुसुमें सुगंधें । शोभते भलीं ॥ १८ ॥

अकार चरणयुगल । उकार उदर विशाल ।

मकार महामंडल । मस्तकाकारें ॥ १९ ॥

हे तिन्ही एकवटले । तेथ शब्दब्रह्म कवललें ।

तें मियां गुरुकृपा नमिलें । आदिबीज ॥ २० ॥

आतां, अभिनववाग्विलासिनी । जि चातुर्यकलाकामिनी ।

ते शारदा विश्वमाहिनी । नमिली मियां ॥ २१ ॥

मज हृदइं सद्गुरु । तेणें तारिलों संसारपुरु ।

ह्यणौनि विशेषें मती आदरु । विवेकावरि ॥ २२ ॥

जैसें डोलेंयां अंजन भेटे । तेन्हलि दृष्टीसि पाठा फुटे ।

मग बास पाहिजे तेथ प्रकटे । महानिधि ॥ २३ ॥

कां चिंतामणि जालेयां हातीं । सदा विजयेपण मनोरथीं । २४ ॥
 तैसा पूर्णकाम निवृत्ती । ज्ञानदेउ हणें ॥ २४ ॥
 जाणतेन गुरू भजिजे । जेणें कृतकार्यो होईजे । २५ ॥
 जैसैं मूलसिंचनि साहाजें । निगति शाखापल्लव ॥ २५ ॥
 कां तीर्थें जियें त्रिमुवनीं । तियें घडति समुद्रावगाहनीं ।
 ना तारि अमृतरसास्वादनीं । रस सकल ॥ २६ ॥
 तैसा पुडुतीं पुडुतीं तो चि । मिया बंदिला श्रीगुरु चि ।
 जो अभिलाखित मनोरथु चि । पुरविता ॥ २७ ॥
 आतां अवधारा कथा गहन । जें कलाकौतुकां जन्मस्थान ।
 किं अभिनव उद्यानवन । विवेकतरुचें ॥ २८ ॥
 ना तारि सर्वसुखाची आदि । जे प्रमेयमहानिधि ।
 नाना नवरससुधाव्ही । परिपूर्ण हा ॥ २९ ॥
 किं परमधाम प्रकट । हें विद्यांचें मूलपीठ ।
 शास्त्रजातां वसैठ । अशेषांचा ॥ ३० ॥
 ना तारि सकल धर्मांचें माहेर । सज्जनांचें जिह्वार ।
 लावण्यरत्नभांडार । शारदेचें ॥ ३१ ॥
 नाना कथारूपें भारती । प्रकटली असे त्रिजगती ।
 आविष्करोनि महामती । व्यासाचिये ॥ ३२ ॥
 हणौनि महाकाव्याराउ । ग्रंथगुरुवृत्तिचा ठाउ ।
 एथौनि रसां जाला आहो । रसालपणांचा ॥ ३३ ॥
 तेथि चि आइकां आणिक ही एक । एथौनि शब्दश्री भली शास्त्रिक ।
 आणिक महाबोधी कोवलिक । दुष्मावली ॥ ३४ ॥
 एथ चातुर्य सिहाणें जालें । प्रेम रुचीसि आलें ।
 आणि सौभाग्य पोखलें । सुखाचें एथ ॥ ३५ ॥
 माधुर्या मधुरता । श्रिगारि सुखता ।
 रुद्रपण उचिता । दीसे भलें ॥ ३६ ॥

- एथ कलाविदपण कलां । पुण्यासि प्रतापु आगला ।
 झणौनि जन्मेजयाचे अवलीला । दोष गेले ॥ ३७ ॥
 आणि पांतां नावेक । रंगीं सुरंगतेची आगलिक ।
 गुणा संगुणपणाचें बीक । बहुवस एथें ॥ ३८ ॥
 मानुचेंनि तेजें ढवललें । जैसें त्रैलोक्य दांसे उजललें ।
 १) तैसें व्यासमती कवललें । सकल मिरवे ॥ ३९ ॥
 कां सुक्षेत्रीं बीज घातलें । तें आपुल्यापरी विस्तारलें ।
 तैसें भारतीं सुरवाडलें । अर्थजात ॥ ४० ॥
 ना तरि नगरांतरीं वसिजे । तरि नागरां चि होईजे ।
 तैसें व्यासोक्तितेजें । ढवललें सकल ॥ ४१ ॥
 किं प्रथमवयसाकालीं । लावण्याची नव्हाली ।
 प्रकटे जैसी आगली । अंगनाअंगीं ॥ ४२ ॥
 ना तरि उद्यानीं माधवी घडे । तें वनशोभेची खाणि उघडे ।
 आदिलापासौनि अपाडें । जिया परीं ॥ ४३ ॥
 भूत नाना घनीभूत सुवर्ण । जैसें निहाळितां साधारण ।
 मग अलंकारीं बरवेपण । निवाडु दावी ॥ ४४ ॥
 तैसें व्यासोक्ति अलंकरलें । आवडतें बरवेपण पातलें ।
 २) तें जाणौनि चि कांइ आश्रिल्लें । इतिहासीं ॥ ४५ ॥
 नाना पुरतिये प्रतिष्ठेलागि । सानीव घरूनि आंगीं ।
 पुराणें आख्यानरूपें जगीं । भारता आलीं ॥ ४६ ॥
 ३) झणौनि भारतीं नाही । तें न्हवे चि लोकीं तिहीं ।
 एणें कारणें खाणिपे पाहीं । व्यासोच्छिष्ट जगत्रय ॥ ४७ ॥
 ऐसी सुरस जगीं कथा । जे जन्मभूमि परमार्था ।
 मुनि सांघे नृपनाथा । जन्मेजया ॥ ४८ ॥
 जे अद्वितीय उत्तम । पवित्रैक निरूपम ॥
 परममंगल धाम । अवधारिजो ॥ ४९ ॥

आतां भारतकमलपरागु । गीताख्यु प्रसंगु ।
 जो संवादला श्रीरंगु । अर्जुनेसीं ॥ ५० ॥
 ना तरी शब्द ब्रह्माब्धी । मथिलें व्यासबुद्धी ।
 निवडलें निरवधी । नवनीत हें ॥ ५१ ॥ नव
 मग ज्ञानाग्निसंपर्के । कडसिलें विवेके ।
 पदा आलें परिपाके । आमोदासीं ॥ ५२ ॥
 जें अपेक्षिजे विरक्ती । अनुभविजे संती ।
 सोहंभावे पारंगती । रमिजे जेथ ॥ ५३ ॥
 जें आकर्णिजे भक्ति । आदिवंध त्रिजगती ।
 ते भीष्मपर्वी संगति । सांघिजेल ॥ ५४ ॥
 जे भगवद्गीता ह्यणिजे । जे ब्रह्मेशानीं प्रसंसिजे ।
 जे सनकादिकीं सेविजे । आदरेंसीं ॥ ५५ ॥
 जैसें शारदियेचिये चंद्रकले । माझि अमृतकण कोवले ।
 ते वेंचिति मनें मौआलें । चकोरतलगे ॥ ५६ ॥
 तेयापरीं श्रोतां । अनुभवानी हे कथा ।
 अति हलुवारपण चित्ता । आणूनियां ॥ ५७ ॥
 हें शब्देविण संवादिजे । इंद्रियां नेणतां भोगिजे ।
 बोला आधीं झोंविजे । प्रमेयासि ॥ ५८ ॥
 जैसें भ्रमर परागु नेति । परि कमलदलें नेला नेणति । ७
 तैसी परि आहे सेविती । ग्रंथीं इये ॥ ५९ ॥
 कां आपुला ठाऊ न संडितां । आलंगिजे चंद्र प्रकटतां ।
 हा अनुरागु भोगितां । कुमुदिनी जाणें ॥ ६० ॥
 ऐसेनि गंभीरपणें । थिरावलेनि अंतष्करणें ।
 आधिला तो जाणे । मातु इये ॥ ६१ ॥
 आहो अर्जुनाचिया पांती । जे परिसणेयां योग्य होंति ।
 तिहिं कृपा करुनि संती । अवधान देयावें ॥ ६२ ॥

- हैं सलगी मियां हाणितलें । चरणा लागौनि विनविलें ।
 प्रभू सखोल हृदय आपुलें । हाणौनियां ॥ ६३ ॥
- जैसा स्वभावो मायेबापांचा । अपल बोले जन्हीं बोबडिया वाचा ।
 तन्हीं अधिकाधिक तेयांचा । संतोखु चि आथि ॥ ६४ ॥
- तैसा तुह्मी मी अंगिकारिलां । सजनीं आपुला हाणितलां ।
 उणे तारि उणावो साहाजें उपसाहला । प्रार्थु काइ ॥ ६५ ॥
- परि अपराधु तों आणिकु आहे । जें मीं गीतार्थु कळें पाहें ।
 तें अवधारां विनलं लाहें । हाणौनियां ॥ ६६ ॥
- न हैं अनावरतु विचारितां । वायां चि धिंवसा उपनला चित्ता ।
 यन्हवि काइ भानुतेजीं खयोता । शोभा आथि ॥ ६७ ॥
- कां टिटिमुं चांचुवेन्हीं । माप सुये सागरीं ।
 मीं नेणतु तिया परीं । प्रवर्ते एथ ॥ ६८ ॥
- तथापि योर्वर्णे आइकां आकाश गवंसावें । तारि आणिक तैसें चि होआवें ।
 हाणौनि अपाडु हैं आघवें । निर्धारितां ॥ ६९ ॥
- एया गीताशास्त्राची थोरी । स्वयं शुंभु विवरी ।
 जेथ भवानी प्रणु करी । चमत्कारौनि ॥ ७० ॥
- तेथ हरु हाणे जेवि नेणिजे । देवी जैसैं कां स्वरूप तूझें ।
 तेसैं हैं नित्यनूतन देखिजे । गीतातत्त्व ॥ ७१ ॥
- हा वेदार्थसागर । जेया निद्रिताचा घोर ।
 तो स्वयें सर्वेश्वर । अनुवादला ॥ ७२ ॥ प्रहस
- ऐसैं जें अगाध । जेथ वेढावति वेद ।
 तेथ अल्प मीं अतिमंद । काइ होयें ॥ ७३ ॥
- हैं अपार कैसें कवलवें । महतेज कवणें ढवलवें ।
 गगन मुठी सुआवें । मशकें केवि ॥ ७४ ॥
- परि एथ असे एकु आधार । तेणें चि वोळें मीं सधर ।
 न जें सानुकूल श्रीगुरू । ज्ञानदेव अणे ॥ ७५ ॥

- यन्हविं तन्हि मीं मूर्खु । जन्हें जाला असे अविवेकु ।
तन्हि संतकृपादीपकु । सोज्जलु असे ॥ ७६ ॥
लोहाचें कनक होये । हें परिसिं सामर्थ्य आहे ।
कां मृत ही जीवित लाहे । अमृतसिद्धी ॥ ७७ ॥
जरि प्रकटे सिद्धसरस्वती । तरि मुंकेयां आधि भारती ।
एथ वस्तुसामर्थ्यशक्ती । नवल काइ ॥ ७८ ॥
- १) जेयातें कामधेनु ऐसी माये । तेयासि अप्राप्य काहीं आहे ।
हणौनि मीं प्रवर्तों लाहें । ग्रंथीं ह्ये ॥ ७९ ॥
तन्हि न्यून तें पुरतें । अधिक ही सरतें ।
करुनि घेयावें हें तुमतें । विनविलें मियां ॥ ८० ॥
आतां देइजे अवधान । तुहीं बोलविलां मीं बोलैन ।
- २) जैसैं चेष्टे सूत्राधीन । दारुयंत्र ॥ ८१ ॥
तैसा मी अनुगृहीतु । साधूचा निरोपितु ।
तो आपुला अलंकारितु । भलेतैसा ॥ ८२ ॥ *मंदानेअपरि*
तव गुरु हणति राहीं । हें तुज बोलावें न लगे काहीं ।
- ३) आतां ग्रंथा चित्त देइ । झडकरि गा ॥ ८३ ॥ *५*
एया बोला निवृत्तिदासु । पावौनि परम उल्हासु ।
- ४) हणें परियसां मना अवकाशु । देउनियां ॥ ८४ ॥

॥ धृतराष्ट्र उवाच ॥

धर्मक्षेत्रे कुरुक्षेत्रे समवेता युयुत्सवः ।

भामकाः पाण्डवाश्चैव किमकुर्वत संजय ॥ १ ॥

- १) पुत्रस्नेहें मोहितु । धृतराष्ट्रु असे पूसतु ।
सावैं संजया मातु । कुरुक्षेत्रिची ॥ ८५ ॥
जें धर्मालय हणिजे । तेथ पांडव आणि माझे ।
गेले असति व्याजें । जैजाचेनि ॥ ८६ ॥ *५*

तरि ते चि येतुलां अवसरीं । काय कीजतसे येरएरीं ।
हैं झडकारि कथन करीं । मजप्रति ॥ ८७ ॥

॥ सञ्जय उवाच ॥

दृष्ट्वा तु पाण्डवानीकं व्यूढं दुर्योधनस्तदा ।
आचार्यमुपसंगम्य राजा वचनमब्रवीत् ॥ २ ॥

तेहलि संजयो बोले । हगें पांडवसैन्य उचललें ।
जैसें महाप्रलयीं पसरलें । कृतांतमुख ॥ ८८ ॥
तैसें तें घनदाट । उठावलें एकावट । ॥ कनाट ॥
जैसें उलंडलें कालकूट । धरी कवण ॥ ८९ ॥
ना तरि बडवानलु सांदुकला । प्रलयवातें पोखला ।
सागरु शोषूनि उधवला । अंबरासि ॥ ९० ॥
तैसें दल दुर्धर । नाना व्यूहीं परिकर ।
अन्यापद आवरलें भयासुर । तिये कालीं ॥ ९१ ॥
तें देखिलेयां दुर्योधनें । अन्हेरिलें कवणे मानें ।
जैसें न गणिजें पंचाननें । गजघ्ठीठांतें ॥ ९२ ॥ १

पश्यैतां पाण्डुपुत्राणामाचार्य महतीं चमूम् ।
व्यूढां द्रुपदपुत्रेण तव शिष्येण धीमता ॥ ३ ॥

अन्यापद मग द्रोणापासीं आला । तेयातें हगें हा देखिला ।
कैसा दलभारु उचलला । पांडवांचा ॥ ९३ ॥
गिरिदुर्ग जैसें चालतें । तैसे विविध व्यूह भवते ।
हे रचिले आहाति बुद्धिमते । द्रुपदकुमारे ॥ ९४ ॥
जो कां तुम्हीं मिश्यापिला । विद्येभिन्नमैठा केला । कुरुग
तेणें हा सैन्यांतें धु पावरीया । दल दूरव ॥ ९५ ॥

अत्र शूरा महेष्वासा भीमार्जुनसमा युधि ।
युयुधानो विराटश्च द्रुपदश्च महारथः ॥ ४ ॥

आणिक ही एथ असाधारण । जे शस्त्रास्त्रीं भले प्रवीण- ३
जे ते क्षात्रधर्मी निपुण । वीर आहाति ॥ ९६ ॥
बलें प्रौढी पौरुषें । जे भीमार्जुनासारिखे ।
ते साधेन कवतिकें । प्रसंगें चि ॥ ९७ ॥
एथ युयुधानु सुभट्ट । आला असे विराट्ट ।
९ महारथी श्रेष्ठ । द्रुपट्ट वीर ॥ ९८ ॥

धृष्टकेतुश्चेकितानः काशिराजश्च वीर्यवान् ।
पुरुजित्कुन्तिभोजश्च शैब्यश्च नरपुङ्गवः ॥ ५ ॥

चेकितानु धृष्टकेतु । काशीश्वरु विक्रांतु ।
उत्तमौजा नृपनाथु । शैब्यु देख ॥ ९९ ॥
हा कुंतिभोजु पाहे । एथ युधामन्यु आला आहे ।
आणि पुरुजितादि राये । सकलै जाणें ॥ १०० ॥

१०० युधामन्युश्चविक्रान्त उत्तमौजाश्च वीर्यवान् ।
सौभद्रो द्रौपदेयाश्च सर्व एव महारथाः ॥ ६ ॥

हा सुभद्राहृदयनंदनु । जो अपरु नवा अर्जुनु ।
तो अभिमन्यु ह्मणे दुर्योधनु । देखें द्रोणां ॥ १ ॥
१०१ आणिकही द्रौपदिकुमर । जे सकलही महारथी वीर ।
परि मीति नेणिजे अपार । मीनले असति ॥ २ ॥

अस्माकं तु विशिष्टा ये तान्निबोध द्विजोत्तम ॥
नायका मम सैन्यस्य संज्ञार्थं तान्ब्रवीमि ते ॥ ७ ॥

आतां आमचां दळीं नायक । जे रूढ वीर सैनिक ।

ते प्रसंगें आइक । सांचैन मी ॥ ३ ॥ साध्वीजती
 उद्देशे एक दोनि । जाइजति बोलेनि ।
 तुह्मीं आदिकरुनि । मुख्य जे जे ॥ ४ ॥

* भवान्भीष्मश्च कर्णश्च कृपश्च समितिजयः ।

अश्वत्थामा विकर्णश्च सौमदत्तिस्तथैव च ॥ ८ ॥

हा भीष्म गंगानंदनु । जो प्रतापतेजस्वीं भानु ।
 रिपुगजपंचाननु । कर्ण वीरु ॥ ५ ॥
 एकैकाचेनि मनोव्यापारें । हें विश्व होये संहरे ।
 हा कृपाचार्यु न पुरे । एकलाचि ॥ ६ ॥
 अथ विकर्ण वीरु आहे । हा अश्वत्थामा पैलु पाहे ।
 जेयाचा आडदरु सदा वाहे । कृतंतु मनीं ॥ ७ ॥
 समितिजयो सौमदत्ति । ऐसे आणिकही बहुत असति ।
 जेयांचेया बलाची मीती । धाता नेणें ॥ ८ ॥

अन्ये च बहवः शूरा मदर्थे त्यक्तजीविताः ।

नानाशस्त्रप्रहरणाः सर्वे युद्धविशारदाः ॥ ९ ॥

जे शस्त्रविद्यापारंगत । मंत्रावतार मूर्त ।
 हो काज अस्त्रजात । एथौनि रूढि ॥ ९ ॥
 हे अप्रतिमलु जगीं । पुरता प्रतापु आंगीं ।
 परि सर्वप्राणें मज चि लागि । आराइले ॥ ११० ॥ असती
 पतिव्रतेचें हृदय जैसें । पतीवांचौनि न स्पर्शें ।
 मी सर्वस्व ययां तैसें । सूभटांसि ॥ ११ ॥ सु ।
 आसचेया काजाचेनि पाडें । देखति आपुलें जीवित थोडें । लोकडे
 ऐसे निरवधि चोखडे । स्वामिभक्ती ॥ १२ ॥ भक्त
 जूझती कुलकेणी जाणति । कले कीर्तिसिं जीति । कणी वर (काणी)

हैं बहू असो क्षात्रवृत्ती । एथोनियां ॥ १३ ॥
ऐसे सर्वे परीं पुरते । वीर दलिं आमतें ।
आतां काइ गणूं ययातें । अपार हे ॥ १४ ॥

अपर्याप्तं तदस्माकं बलं भीष्माभिरक्षितम् ।

पर्याप्तं त्विदमेतेषां बलं भीष्माभिरक्षितम् ॥ १० ॥

वारि क्षेत्रियांमाजि श्रेष्ठ । जो जगजेठी जगों सूभट । ॐ
तेया दलवैपणाचा पाटु । भीष्मासि पै ॥ १५ ॥
आतां ययाचेनि बलें गवसलें । हैं दुर्ग जैसे पंचासिलें ।
नहें एणें मानें थेंकुलें । लोकत्रय ॥ १६ ॥
? आदि चि समुद्र काइ । तेथ दुवाडपण कवणा नाही । वासी
मग बडवानलु तैसेयाही । विरजा जैसा ॥ १७ ॥
ना तारि प्रलयवन्दि महावातु । एयां दोघां जैसा सांघातु ।
तैसा हा गंगासूतु । सेनापति ॥ १८ ॥
आतां येणेंसीं कवण भीडे । हैं पांडवसैन्य कीरु थोकडें ।
उच्चिलें अपाडें । दीसतसे ॥ १९ ॥ वासीयेने पाडे
वारि भीमसेनु बेंथु । तो जालसे सेनानाथु ।
ऐसें बोलौनि मातु । सांडिली तेणें ॥ २० ॥

अयनेषु च सर्वेषु यथाभागमवस्थिताः ।

भीष्ममेवाभिरक्षन्तु भवन्तः सर्व एव हि ॥ ११ ॥

मग पुनरपि काई बोले । सकलां सैनिकांतें क्षणितलें ।
आतां दलभार आपुलाले । सारिसे करा ॥ २१ ॥
जेयां जिया अक्षौहिणी । तेणें तिया आरणी ।
वरगण कवणा कवणी । महारथीयां ॥ २२ ॥
तेणें तें आवरिजे । भीष्मातलिं राहिजे ।

हणें द्रोणातें परिसिजे । तुझीं सकळीं ॥ २३ ॥
 हा चि येकु रक्षावा । मी तैसा देखावा । हा
 एणें दलभार आघवा । साचु आमचा ॥ २४ ॥

तस्य संजनयन्हर्षं कुरुवृद्धः पितामहः ।

सिंहनादं विनद्योच्चैः शंखं दध्मौ प्रतापवान् ॥ १२ ॥

एया रायाचेया बोला । सेनापति संतोखला ।

मग तेणें केला । सिंहनादु ॥ २५ ॥

तो गाजतसे अद्भुत । तिहि लोकां आतु । दान्दभेमा

प्रतिध्वनि न समातु । उपजतसे ॥ २६ ॥ दान्दभेमा

तेया चि तुलिगासवें । वीरवृत्तिचेनि थावें ।

दिव्य शंखु भीष्मदेवें । आस्फुरिला ॥ २७ ॥

ते दोन्ही नाद मोनले । तेथ त्रैलोक्य बाधिर जालें । वाधिरादित

जैसे आकाश कां पडिलें । तूटोनियां ॥ २८ ॥

घडघडीत अंबर । उचंबलत सागर ।

क्षोभलें चराचर । कांपत असे ॥ २९ ॥

तेणें महाघोषगजरें । दुमुदुमिति गिरिदरें । कं

तव दलामाशि रणतुरें । आस्फुरिलीं ॥ ३० ॥ दान्दभेमा

ततः शंखाश्च भेर्यश्च पणवानकगोमुखाः ।

सहसैवाभ्यहन्यन्त स शत्रुस्तुमुलोऽभवत् ॥ १३ ॥

उड्डें सैघ वाजते । भयानकें खांखातें ।

महाप्रलयो जेथें । धाकडांसि ॥ ३१ ॥

तेथ भेडांची कवणि मातु । काचेयां केर फाटतु ।

जेणें दचकला कृतांतु । आंग नेघे ॥ ३२ ॥

* भेरी निशाण मादल । शंख टोविला भोंगल । कशा

आणि भासुर रणकोल्हाल । सूभटांचे ॥ ३३ ॥

आवेसें भुजा आत्राटिति । विसणैले हाका देति । ~~नरिनादेनी~~

जेथ महामद भद्रजाति । धरति ना ॥ ३४ ॥

एका उभेयां चि प्राण गेले । चांगाचे दांत बैसले । ~~पौ~~

बिरिदांचे दादुले जाले । हीवां ऐसे ॥ ३५ ॥

ऐसा अद्भुत तुरबंबाल । आइकौनि ब्रह्मा व्याकुल ।

देव हगति प्रलयकाल । होईल हा ॥ ३६ ॥ ~~आडवला आनी~~

~~येथे ११-१५~~ * ऐसी स्वर्गी मातु । देखौनि तो आकांतु ।

तवं पांडवदला आंतु । काइ जालें ॥ ३७ ॥ ~~वर्तले काइ~~

ततः श्वेतैर्हयैर्युक्ते महति स्यन्दने स्थितौ ।

माधवः पाण्डवश्चैव दिव्यौ शंखौ प्रदध्मतुः ॥ १४ ॥

~~जेथ~~ हों काज सार विजयाचें । किं तें भांडार महातेजाचें ।

जेथ गरुडाचिये जावलिचे । कांतले च्यान्ही ॥ ३८ ॥

किं पाखांचा मेरु जैसा । रहवरु मिरवत तैसा ।

तेजें कोंधाटलिया दिशा । जेयाचेनि ॥ ३९ ॥

जेथ अश्ववाहकु आपण । वैकुंठाचा राणा जाण ।

~~या~~ तेया रथाचे गुण । काइ वर्णू ॥ १४० ॥

~~अथ जेवारी~~ श्वजेवारी वानर । तो मूर्तिमंतु शंकर ।

सारथ्यी शार्ङ्गधर । अर्जुनेसी ॥ ४१ ॥

देखां नवल तेया प्रभूचें । अद्भुत प्रेम भक्ताचें ।

जे सारथ्य पार्थाचें । करितु असे ॥ ४२ ॥

पाञ्चजन्यं हृषीकेशो देवदत्तं धनंजयः ।

पौण्ड्रं दध्मो महाशंखं भोमकर्मा वृकोदरः ॥ १५ ॥

पांशुकु पाठिसि घातला । आपण पुढां राहिला ।

तेणें पांचजन्य आस्फुरिला । अवलीला चि ॥ ४३ ॥
 परि तो महाघोषु थोरु । गाजतसे गहीरु ।
 जैसा उदैला दिनकरु । लोपी नक्षत्रांतें ॥ ४४ ॥
 तैसे तुरवंबाल भवते ! जे कौरवदलि गाजत होते ।
 ते हारपौनि नेणों केउते । गेले तेथ ॥ ४५ ॥
 तैसा चि देखें एरें । निनादें अति गहिरे ।
 देवदत्तु धनुर्धरें । आस्फुरिला ॥ ४६ ॥

अनन्तविजयं राजा कुन्तीपुत्रो युधिष्ठिरः ।

नकुलः सहदेवश्च सुघोषमणिपुष्पकौ ॥ १६ ॥

ते दोन्हीं शब्द अचाट । मीनले एकावट ।
 तेथ ब्रह्मकटाहो शतकूट । हो पांत असे ॥ ४७ ॥
 तव भीमसेनु विसाणैला । जैसा महाकालु खवलला ।
 तेणें पोंडु आत्राटिला । महाशंखु ॥ ४८ ॥
 तो महाप्रलङ्ग जलधरु । तैसा घडवडिला गहिरु ।
 तव अनन्तविजयो युधिष्ठिरु । आपूरिता जाला ॥ ४९ ॥
 नकुलें सुघोषु । सहदेवें मणिपुष्पकु ।
 तेणें नादें अंतकु । गजबजला ॥ १५० ॥

काश्यश्च परमेष्वासः शिखण्डी च महारथः ।

धृष्टद्युम्नो विराटश्च सात्यकेश्वरराजितः ॥ १७ ॥

* येथें आपत्ती पुत्रोत्पत्तीस्येति

तेथ भूपति होते आणिक । द्रुपदद्रौपदादिक ।

हा काशीपति देख । महाबाहु ॥ ५१ ॥

द्रुपदो द्रौपदेयाश्च सवेशः पृथिवीपते ।

सामैत्रश्च महाबाहुः शंखान्धुः पृथक्पृथक् ॥ १८ ॥

एथ अर्जुनाचा सतु । सालकी अपराजितु ।
 धृष्टद्युम्नु नृपनाथु । शिखंडी हान ॥ ५२ ॥
 वैतराण्यविराटादिक नृपवर । जे सैनीक मुख्य वीर ।
 तिहीं नाना शंख निरंतर । आस्फुरिले ॥ ५३ ॥

स घोषो धार्तराष्ट्राणां हृदयानि व्यदारयत् ।
 नभश्च पृथिवीं चैव तुमुलो व्यनुनादयन् ॥ १९ ॥

तेणें महाघोषनिघातें । शेषकूर्म अवचिते ।
 गजबजौनि भारातें । सांडूं पांति ॥ ५४ ॥ १५
 तेथ तीन्ही लोक डंडलित । मेरुमंदार आंदोलत ।
 समुद्रजल उसलत । आकाशवेन्ही ॥ ५५ ॥
 पृथिवीतल उलंडों पांत । आकाश असे अडदरत । आसुडत
 तेथ रासौभा होंत । नक्षत्रांचा ॥ ५६ ॥
 गेली रे सृष्टि गेली । देवां मोकळवांदि जाली । वाडी
 ऐसी एकताली पीटली । सत्यलोकिं ॥ ५७ ॥
 दिहा चि दीनु थोंकला । जैसा प्रलयदीपु माल्हवला । मोकळ पांउला
 तेंथ हाहाकार उठिला । तिहीं लोकिं ॥ ५८ ॥
 तवं आदिपुरुषु विस्मितु । हाणे झनें होये अंतु ।
 मग लोपिला अद्भुतु । संभ्रमु तो ॥ ५९ ॥
 हाणोनि विश्व संवरलें । यन्हविं युगांत होतें उडवलें ।
 १५ जेथ महाशंख आपूरिले । कृष्णादिकीं ॥ १६० ॥
 तो घोषु तरि उपसंहरला । पारि पडिसाद होउनि राहिला । १६
 तेणें दलभार विध्वंसिला । कौरवांचा ॥ ६१ ॥
 १६ जैसा सोंहुं गजघंटा आंतु । संचरे लीला विदारतु । १६
 तैसा हृदयातें भेदितु । वीरांचेयां ॥ ६२ ॥ १६
 १६ तो गाजत जवं आइकति । तवं उभेयां चि हियें बालिति

एक एकातें हणति । सावध रे ॥ ६३ ॥ ^{सावध}
 * तेथ बलें प्रौढी पुरते । जे महारथी वीर होते
 तिहिं पुनरपि दलाते । आवरिलें ॥ ६४ ॥
 मग सरिसेपणें उठावले । दुणावटौनि उचलले ।
 तेया दंडी क्षोभलें । लोकत्रय ॥ ६५ ॥
 तेथ बाणवारि धनुर्धर । वरिषताति निरंतर ।
 जैसे प्रलयांतीं जलधर । अनिवार कां ॥ ६६ ॥

५४८ * अथ व्यवस्थितान्दृष्ट्वा धार्तराष्ट्रान्कपि ध्वजः ।
 प्रवृत्ते शस्त्रसंपाते धनुस्सम्य पाण्डवः ॥ २० ॥

तें देखिलेयां अर्जुनें । संतोखु घेउनि मनें ।
 दि० मग संभ्रमैं सैन्यें । अवलोकित असे ॥ ६७ ॥ ^{धारीत}
 तव संग्रामीं सज्ज जाले । सकल कौरव देखिले ।
 मग लीला धनुष उचलिलें । पांडुकुमरें ॥ ६८ ॥

हृषीकेशं तदा वाक्यमिदमाह महीपते ।
 सेनयोरुभयोर्मध्ये रथं स्थापय मेऽच्युत ॥ २१ ॥

हे तेव्हलिं हणतसे देवा । आतां झडकारि रथु पेलवा । ^{वो}
 मेउनि मध्ये घालवा । दोहीं दलां ॥ ६९ ॥

यावदेतान्निरीक्ष्येऽहं योद्धुकामानवस्थितान् ।
 कैर्मया सह योद्धव्यमस्मिन्नणसमुद्यमे ॥ २२ ॥

जव मीं नाव येक । हे सकलै वीर सैनिक ।
 १ निहालीन अशेख । जुझते जे ॥ १७० ॥
 एथ आले असति आघवे । परि मियां कवणेंसीं जुझावें ॥ १
 हें रणीं लागे पहावें । हणौनियां ॥ ७१ ॥

योत्स्यमानानवेक्ष्येऽहं य एतेऽत्र समागताः ।

धार्तराष्ट्रस्य दुर्बुद्धेर्युद्धे प्रियाचिकीर्षवः ॥ २३ ॥

बहुत करुनि कौरव । हे आतुर दुःस्वभाव ।

१ बांठिबांठि हांव । बांधति जुझीं ॥ ७२ ॥

जुझाची आवडि धरति । परि संग्रामी थीर न्हवति ।

हैं सांवौनि रायाप्रति । काइ संजयो हणें ॥ ७३ ॥

संजय उवाच

एवमुक्तो हृषीकेशो गुडाकेशेन भारत ।

सेनयोरुभयोर्मध्ये स्थापयित्वा रथोत्तमम् ॥ २४ ॥

आइका अर्जुनु इतुकें बोलिला । तव कृष्णें रथु पेलिला ।

दोहों सैन्यामाझि केला । उभा तेणें ॥ ७४ ॥

भीष्मद्रोणप्रमुखतः सर्वेषां च महीक्षिताम् ।

उवाच पार्थ पश्यैतान्समवेतान्कुरुनिति ॥ २५ ॥

जेथ भीष्मद्रोणादिक । जवलिकेचि संमुख ।

पृथिवीपति आणिक । बहुत आहाति ॥ ७५ ॥

तेथ थीर करुनि रथु । अर्जुनु असे पांतु ।

तो दलभारु समस्तु । संभ्रमेंसीं ॥ ७६ ॥

मग हणें देख देख । हे गोत्रगुरु अशेष ।

तव कृष्णा मनीं नावेक । विस्मो जाला ॥ ७७ ॥

तो आपणपेंयां आपण हणें । एथ काइ कंवण जाणें ।

हैं मनीं धारिलें एणें । परि कांहीं असे ॥ ७८ ॥

ऐसी पुढील से घेतु । तो साहाजें जाणें हृदयस्थु ।

परि उगाचि असे निवातु । तिये वेळे ॥ ७९ ॥

तत्रापश्यत्स्थितान्पार्थः पितृन्थ पितामहान् ।

आचार्यान्मातुलान्भ्रातृन्पुत्रान्पौत्रान्सखींस्तथा ॥ २६ ॥

तवं तेथ पार्थ सकल । पितृ पितामह केवल ।

गुरु बंधु मातुल । देखता जाला ॥ १८० ॥

इष्ट मित्र आपुले । कुमर हान देखिले ।

शालूक असति आले । तेयामाशि ॥ ८१ ॥

श्वशुरान्सुहृदश्चैत्र सेनयोरुभयोरपि ।

तान्समीक्ष्य स कौन्तेयः सर्वान्बन्धून्वस्थितान् ॥ २७ ॥

सुहृद हान ससुरे । आणिक ही सखे सोयरे ।

कुमर पौत्र धनुर्धरे । देखिले तेथ ॥ ८२ ॥

१ जेयीं उपकार होते केले । जे आपदीं होते रक्षिले ।

हैं असौ वडिल धाकुले । आदि करुनि ॥ ८३ ॥

ऐसें गोत्र चि दोहीं दलीं । उद्यत जालें असे कलीं ।

तैं अर्जुन तिये कालीं । अवलोकिलें ॥ ८४ ॥

कृपया पर्याविष्टो विषीदन्निदमब्रवीत् ।

अर्जुन उवाच ॥

दृष्ट्वेमं स्वजनं कृष्ण युयुत्सुं समुपस्थितम् ॥ २८ ॥

एथ मनीं गजबज जाली । आपैसी कृपा आली ।

तेणें अपमानें निगाली । वीरवृत्ति ॥ ८५ ॥

जिये उत्तमे कुलिचिया होती । आणि गुणलावण्ये आथि ।

तिया आशिकीतें न साहाति । सुतेजपणें ॥ ८६ ॥

नविये आनडिचेनि भरें । कामिकु निज वनिता विसरे ।

मग पाडेंविण अनुसरे । भ्रमला जैसा ॥ ८७ ॥

कां तपोबले सिद्धि । पातलेयां भ्रशु बुद्धी ।
मग विरगतां सिद्धि । आठवेना ॥ ८८ ॥
तैसें अर्जुना तेथ जालें । जें असते पौरुष धाडिलें ।
जें अंतष्करण दीन्हलें । कारुण्यासि ॥ ८९ ॥
देखां मंत्रज्ञ बरल जाये । तेथ कां जैसा संचार होये ।
८ तैसा तो धनुर्धर महामोहें । आकलिला ॥ ९० ॥
हणौनि असता धीर गेला । हृदयासि द्राउं आला ।
जैसा चंद्रकला सीतला । सामकातु ॥ ९१ ॥
तिया परीं पार्थु । अति स्नेहें मोहितु ।
मग सखेदु असे बोलतु । अच्युतेंसी ॥ ९२ ॥
तो हणें अवधारीं देवा । मियां प्राहिला हा मलावा ।
तव गोत्रवरु आघवा । देखिला एथ ॥ ९३ ॥
हे संग्रामीं अति उदित । जाले असति कोरु समस्त । असति/
परि आपण्यां उचित । केवि होये ॥ ९४ ॥
येणें नावें चि नेणों काइ । मज आपणपें सर्वथा नाही ।
मनो बुद्धि ठाई । थीर न्हेवे ॥ ९५ ॥

सीदन्ति मम गात्राणि मुखं च परिशुष्यति ।
वैपथ्यं शरीरे मे रोमहर्षश्च जायते ॥ ९६ ॥

देखैं देह कांपत । तोंड असे कोरडें होत ।
विकलता उपजत । गात्रांसि ॥ ९६ ॥
सर्वांगा कांटाळा आला । अति संतापु उपनला ।
तेणें विव्हल हातु गेला । गांढवाचा ॥ ९७ ॥

गाण्डीवं स्रसते हस्तास्त्वक्चैव पादद्वयम् ।
न च शक्नोम्यवस्थातुं भ्रमतां च मे मनः ॥ ९८ ॥

ते न धरत निसुटलें । परि नेणे चि हातौनि पडिलें ।
 ऐसें हृदय असें व्यापलें । मोहें तेणें ॥ ९८ ॥
 जें वज्रापासौनि कठिन । दुर्द्धर अति दारुण ।
 तेयाहीहूनि असाधारण । हे स्नेहनवल ॥ ९९ ॥
 जेणें शंकर रणीं जीतिला । कृतांतु आंकणा घातला ।
 तो अर्जुनु मोहें कवलिला । क्षणमाशि ॥ २०० ॥
 जैसें भ्रमर तरि भेदी कोडें । भलेतैसें काष्ट कोरडें ।
 परि कलिकेमाशि सांपडे । कोवलिये ॥ १ ॥
 तेंथ उत्तीर्ण होये प्राणें । परि तें कमलदल चीरु नेणें ।
 ऐसें कठिन कोवलेपणें । स्नेह देखां ॥ २ ॥
 हे आदिपुरुषाची माया । ब्रह्मेयाहीं नैये चि आया ।
 ह्यणौनि भुलविला आइकैं राया । संजयो ह्यणे ॥ ३ ॥
 तो । अवधारीं मग ना अर्जुनु । देखौनि सकल स्वजनु ।
 विसरला अभिमानु । संग्रामिचा ॥ ४ ॥
 कैसी नेणों सदयता । उपनली असे चित्ता ।
 मग ह्यणे कृष्णा आतां । नसिजे एथ ॥ ५ ॥
 माझे अतिशये मन व्याकुल । होतसे वाचा बरल ।
 जें वधावे हे सकल । एणें नावें ॥ ६ ॥

निमित्तानि च पश्यामि विपरीतानि केशव ।

न च श्रेयोलुपश्यामि हत्वा स्वजनमाहवे ॥ ३१ ॥

एयां कौरवां वरिवावें । तरि युधिष्ठिरादिक कां नेघावे ।
 हे येरयेर आववे । गोत्र आमुचें ॥ ७ ॥
 ह्यणौनि जलो हें जूझ । प्रत्यया नैये मज ।
 एणें काइ काज । महापापें ॥ ८ ॥
 देवा बहुतीं परीं पांतां । एथ उखटें होईल जूझतां ।
 सर काहीं एक लुकवितां । लाभ आधि ॥ ९ ॥

न काङ्क्षे विजयं कृष्ण न च राज्यं सुखानि च ।
किं नो राज्येन गोविन्द किं भोगैर्जीवितेन वा ॥ ३२ ॥

तिया विजयवृत्ती काहीं । मज सर्वथा काज नाही ।
एथ राज्य तरि काइ । हें पाउनियां ॥ २१० ॥

येषामर्थे काङ्क्षितं नो राज्यं भोगाः सुखानि च ।
त इमेऽवस्थिता युद्धे प्राणांस्त्यक्त्वा धनानि च ॥ ३३ ॥

एयां सकलांतें वधावें । मग जे भोग भोगावे ।
जलतु ते आघवे । पार्थु हाणे ॥ ११ ॥
तेणें सुखेंविण जें होइल । तें भलेंतें वर साहिजेल ।
वरि जीवित ही शेंबी जाइल । एथ देवा ॥ १२ ॥
परि यांसि घातु कीजे । मग आपण राज्य भोगिजे ।
हें स्वर्ग ही मन माझे । करूं न शके ॥ १३ ॥
तरि आहीं कां जन्मावें । कवणालागि जियावें ।
जें वडिलां येयां चितावें । विरुं मनीं ॥ १४ ॥
पुत्रातें इच्छी कुल । तेयाचें काइ हें चिं फल ।
जें निर्दलिजे केवल । गोत्र आपुलें ॥ १५ ॥
हें मनीं चि केवि धरिजे । आपण वज्राचेंयां बोलिजे ।
वर घडे तरि कीजे । भलें एयां ॥ १६ ॥
आहीं जें जें जोडावें । तें समस्तीं इहीं भोगावें ।
हें जिवित ही उपकरावें । काजीं यांचां ॥ १७ ॥
आहीं दिगंतिचे भूपाल । विभांडूनि सकल ।
संतोषविजे कुल । आपुलें जें ॥ १८ ॥
ते चि हे समस्त । परि कैसें कर्म विपरीत ।
जें जाले असती उद्यत । जूझावेया ॥ १९ ॥
आंतौरिया घुमरें । सांडूनियां भांडारें ।

शस्त्रासीं जिन्हारे । आरोपुनि ॥ २२० ॥

ऐसेयाते कैसेनि मारू । कवणावरि शस्त्र धरु ।
निज हृदया करु । मेदु केवि ॥ २१ ॥

आचार्याः पितरः पुत्रास्तथैव च पितामहाः ।

मातुलाः श्वशुराः पौत्राः शालाः संबन्धिनस्तथा ॥ ३४ ॥

हे नेणसि तू कवण । तारि पैल पै भीष्मद्रोण ।

जेयांचे उपकार असाधारण । आह्वां बहुत ॥ २२ ॥

एथ शालक ससुरे मातुल । आणि बंधु किर हे सकल ।

पुत्र नातू केवल । इष्ट असति ॥ २३ ॥

अवधारीं अति जवलिकेचे । हे सकल ही सोइरे आमचे ।

हाणौनि दोषु आथि वाचे । एणे नावे ॥ २४ ॥

एतान् हन्तुमिच्छामि एतौपि मधुसूदन ।

अपि त्रैलोक्यराज्यस्य हेतोः किं नु महीकृतं ॥ ३५ ॥

हे वर भलेंतें करितु । आतां चि एथ मारितु ।

परि आपण मनें घातु । न चितावां ॥ २५ ॥

त्रैलोकिकें अनकलित । जणै राज्य जोडेल एथ ।

तणै हें अनुचित । नाचरें मीं ॥ २६ ॥

निहत्य धार्तराष्ट्राश्च का प्रीतिः स्याज्जनार्दन ।

पापमेवाश्रयेदस्मान्हत्वैतानाततायिनः ॥ ३६ ॥

जरि आजि एथ ऐसं कीजे । तरि कवणाचां मनीं उरिजे ।

सांचें मुख केवि पाहिजे । तूजें कृष्णा ॥ २७ ॥

जरि वधु करुनु गोत्राचा । तरि वसेठा होइन दोखांचा ।

मग जोडलासि तूं हातिचा । दूरि होसो ॥ २८ ॥

कुलहरणी, पातके । तिये आंगी जडति अशेषे ।
 तेन्हलि तूं कवणे के । देखावासि ॥ २९ ॥
 जैसा उद्यानामाशि अतळ । संचरला देखौनि प्रबळ ।
 क्षणु एकु कोकिल । स्थिर चढे ॥ ३० ॥
 कां सकईसु सरोवर । अवलोकुनिया चकोर ।
 न सेवितु अन्हेर । करुनि निगे ॥ ३१ ॥
 तिया परीं तूं देवा । मग झांकुं नयेसि मावा ।
 जरि पुण्याचा ओलावा । नाशिजेल ॥ ३२ ॥

तस्मान्नाहं वयं हंतुं धार्तराष्ट्रान्सबांधवान् ।

स्वजनं हि कथं हत्वा सुखिनः स्याम माधव ॥ ३७ ॥

हणौनि मीं हें न करीं । इये संग्रामीं शस्त्र न धरीं ।
 हे कीडाल बहुती परीं । दीसतसे ॥ ३३ ॥
 तुजसि अंतराळ होइल । मग सांघें आमचें काइ उरैल ।
 तेणें दुःखें चि हियें फूटेल । तुआंविण ॥ ३४ ॥
 हणौनि कौरव हे बधिजति । मग आहीं भोग भोगिजति ।
 हे असो मातु अघडती । अर्जुनु हणे ॥ ३५ ॥

यद्यप्येते न पश्यति लोभोपहतचेतसः ।

कुलक्षयकृतं दोषं मित्रद्रोहेच पातकम् ॥ ३८ ॥

हे अभिमानमदें भूलले । जन्हीं पा संग्रामा आले ।
 तन्हीं आहीं हित आपुलें । जाणावें लागे ॥ ३६ ॥
 मार्गे चि चालतां । पुढां सिंह दीसे अबचिता ।
 तो चूके तवारी चुकवितां । वांचिजे कीं ॥ ३७ ॥

कथं न श्रेयसस्माभिः पापादस्मान्निवर्तितुं ।

कुलक्षयकृतं दोषं प्रपश्यद्भिर्जनार्दन ॥ ३९ ॥

हैं ऐसों कैसों करावें । जें आपुले आपण मारावें ।
 जाणतां केवि सेवावें । कालकूट ॥ ३८ ॥
 आतां असता प्रकाशु सांडावा । मग अंधकूप आश्रावा ।
 तारि तेथें कवणु देवा । लामु सांघें ॥ ३९ ॥
 कां समोर आगि देखौनि । जरि न वचिजे चि उंसंडुनि ।
 तारि क्षणा येका कवलुनि । जालूं शके ॥ ४० ॥
 तैसे दोख हे मूर्त । आंगिं वाजों असति पांत ।
 हैं जाणतां केवि एथ । प्रवर्त्तावें ॥ ४१ ॥

कुलक्षये प्रणश्यंति कुलधर्माः सनातनाः ।

धर्म नष्टे कुलं कुत्सनमधर्मोऽभिभवत्युत ॥ ४० ॥

तथे पापुं तेथे अनसरी । तेथे देवा अन्धकारे
 यथा कुलधर्मा-ने थोर । सांघें नुज
 जैसे काष्ट काष्ट मथिजे । तेथ वन्हि एकु उपजे ।

तेणें काष्टजात जालिजे । प्रज्वललेनि ॥ ४२ ॥

तैसें गोत्रिं चि परस्परें । जरि वधु घडे मत्सरें ।

तारि तेणें दोषें महाघोरें । कुल चि नशे ॥ ४३ ॥

हणौनु एणें पापें । वंशजधर्म लोपे ।

मग अधर्म चि आरोपे । कुलामाजि ॥ ४४ ॥

अधर्माभिभवात्कृष्ण प्रदुष्यंति कुलस्त्रियः ।

स्त्रीषु दुष्टास्तु वार्ष्णेय जायते वर्णसंकरः ॥ ४१ ॥

तेथ सारासार न विचारावें । कन्हणें काइ आचारावें ।

जेणें विधिनिषेध आघवे । पारुखति ॥ ४५ ॥

असता दीपु धवडिजे । मग अंधकारिं राहाटिजे ।

तारि उजूचि आडलिजे । जेया परी ॥ ४६ ॥

* तैसा कुली क्षयो होये । तेन्हालें आदिधर्म जाए ।

मग आन काहीं आहे । पापावांचौनि ॥ ४७ ॥

* तेन्हाचे ऐसे कुली होये तेन्हाचे आदिधर्म जाए

जै यमनियम टुकति । तै इन्द्रिये सैरा विचरति । ज० ५। ३। १५/४ ।
 हणौनि व्यभिचार घडति । कुलस्त्रियां ॥ २४८ ॥
 उत्तम अधर्मी संचरति । वर्णावर्ण मिसलति ।
 तेथ समूल उपडति । जातिधर्म ॥ ४९ ॥
 जैसे चोहटांचेया बली । पांवति सैरा काउली । १५५ ।
 तैसी महापापे कुलि । प्रविशति ॥ २५० ॥

संकरो नरकायैव कुलघ्नानां कुलस्यच ।
 पतंति पितरो ह्येषां लुप्तपिंडोदकक्रियाः ॥ ४२ ॥

मग कुला तेया अशेखा । आणिक कुलघातकां । कुलीचेया
 एरएरां नरका । जाणें आथि ॥ ५१ ॥ १०१४५५
 देखें वंशवृद्धि समस्त । इया परी होए पतित ।
 मग उण्वंडति स्वर्गस्थ । पूर्वपुरुष ॥ ५२ ॥ अ० १५। १५।
 जेथ नित्यादि क्रिया टुके । नैमित्तिक कर्म पारुखे । ३। १५। १५
 तेथ कव्हणा तिलोदके । कवण अपी ॥ ५३ ॥
 तारि पितर काइ कारति । कैसेनि स्वर्ग वसति । १५
 हणौनि ते हीं येति । कुलपासि ॥ ५४ ॥
 जैसा नखाग्रि व्यालु लागे । तो शिखांत पावे वेगें । व्या० १५
 तेथि आग्रह कुल आवे । आपूविजे ॥ ५५ ॥

दोषैरेतैः कुलघ्नानां वर्णसंकरकारकैः ।
 उत्साद्यते जातिधर्माः कुलधर्माश्च शाश्वताः ॥ ४३ ॥
 उत्सन्नकुलधर्माणां मनुष्याणां जनार्दन ।
 नरके नियतं वासो भवतीत्यनुशुभ्रम् ॥ ४४ ॥
 अहो बत महत्पापं कर्तुं व्यवसिता वयं ।
 यद्राज्यसुखलोभेन हंतुं स्वजनमुद्यताः ॥ ४५ ॥

देवा अवधारीं आणिक एक । एथ वडे महापातक ।

जें संगदोषें हें लौकिक । अंश पावे ॥ ५६ ॥
 जैसा घरि आपुलां । वानिवसें वहि लागला । ॥ ५७ ॥
 तो आणिकां हीं पाजलला । जालौनि घली ॥ ५७ ॥
 तैसिया तिया कुलसंगती । जे जे लोक प्रवर्त्तति । ॥ ५८ ॥
 ते हिं बाधा पावति । निमित्तें एणें ॥ ५८ ॥
 तैसें नाना दोषीं संकुल । अर्जुनु ह्मणे तें कुल ।
 महाघोर केवल । निरय भोगी ॥ ५९ ॥
 पडलेयां तिये छंद । कल्पांतीं हीं उगंडु नाहिं ।
 एसणें पतन कुलक्षयि । अर्जुनु ह्मणे ॥ ६० ॥
 देवा हें विविध आइकिजे । परि अद्भुतं वरि त्रास नुपजे ।
 हिये वज्राचे हें काइ कीजे । अवधारीं पां ॥ ६१ ॥
 अपेक्षिजे राज्यसुख । जेयालागिं तें त्वं क्षणिक ।
 ऐसें जाणतां हीं दोख । अन्हेरुं ना ॥ ६२ ॥
 जें हे वडिल सकल आपुले । वधावेयां दीठि सूदले ।
 सांचें पां काइ थेकुलें । घडलें आह्मां ॥ ६३ ॥

यदिमामप्रतोकारमशस्त्रं शस्त्रपाणयः ।

धातृराष्ट्रा रणे हन्यु स्तन्मे क्षेमतरं भवेत् ॥ ४६ ॥

आतां इयावेहि जें जिआवें । तेयापासौनि हें बरवें ।
 जें शस्त्रें संडौनु साहावे । बाण एयांचे ॥ ६४ ॥
 इयावेहि होए जेतुकें । तें मरण हीं वर नीकें ।
 परि एणें कल्मषें । चाड नाही ॥ ६५ ॥

सञ्जय उवाच ॥

एवमुक्त्वाजुनः संख्ये रथोपस्थ उपाविशत् ।

विसृज्य सशरं चापं शोकसंविग्नमानसः ॥ ४७ ॥

ऐसैं तिये अवसरीं । अर्जुनु बोलिला समरीं ।
 संजयो हणो अवधारीं । धृतराष्ट्रते ॥ ६६ ॥
 मग अत्यंत उद्वेगला । नधरे गहिवर आला । मग
 तेथ उडी घातली खाला । रथौनियां ॥ ६७ ॥
 जैसा राजकुमर पदच्युत । सर्वथा होये उपहत ।
 कां रवि राहुग्रस्तु । प्रभार्हीनु ॥ ६८ ॥
 ना तरि महासिद्धिसंभ्रमें । जीतला तापसु भ्रमें ।
 मग आकलनि कामें । दीनु कीजे ॥ ६९ ॥
 तैसा तो धनुर्द्धर । अत्यंत दुःखें जर्जर ।
 दीसे तेथ राहुवर । त्यजिला तेणें ॥ ७० ॥ २४
 मग धनुष्यबाण सांडिले । नधरत अश्रुपात आले । ति।
 ऐसैं आइकैं तेथ वर्तिलें । संजयो हणो ॥ ७१ ॥
 आतां यावरि वैकुंठनाथ । देखौनि सखेदु पार्थ ।
 कवणी परी परमार्थ । निरोपील ॥ ७२ ॥
 ते सविस्तर पुढां कथा । अति सकौतुक आइकतां ।
 जें ज्ञानदेउ हणैल आतां । निवृत्तिदासु ॥ ७३ ॥

उत्सदिति श्रीमद्भगवद्गीतासूपनिषत्सु ब्रह्मविद्यायां योगशास्त्रे
 श्रीकृष्णार्जुनसंवादे अर्जुनविषादो नाम प्रथमोऽध्यायः ॥

॥ श्रीकृष्णार्पणमस्तु ॥

॥ व्याख्यानमिदं ॥



ज्ञानेश्वरी

अध्याय दुसरा ५

सञ्जय उवाच ॥

तं तथा कृपयाविष्टमश्रुपूर्णाकुलेक्षणं ।

विषीदंतमिदं वाक्यमुवाच मधुसूदनः ॥ १ ॥

मग संजयो ह्मणे रायातें । आइकें तो पार्थु तेथें ।

शोकाकुलित रुदनातें । करीतु असे ॥ १ ॥

तें कुल देखौनि समस्त । स्नेह उपनलें अद्भुत ।

तेणें द्रवले असे चित्त । कवणी परी ॥ २ ॥

जैसें लवण जलें झलंवलें । ना तरि अभ्र वातें हालें ।

धर्मी तैसें सधिर पारि विरालें । हृदय तेयाचें ॥ ३ ॥

ह्मणुनि कृपा आकलिला । दीसतसे अति कोमाइला ।

जैसा कईमीं रूतला । राजहंसु ॥ ४ ॥

तिया परी तो पांडुकुमर । महामोहें निर्भर ।

तें देखौनि सारंगधर । काये बोले ॥ ५ ॥

श्रीभगवानुवाच ॥

कुतस्त्वा कश्मलमिदं विषमे समुपस्थितं ।

अनार्यजुष्टमस्वर्ग्यमकोर्तिकरमर्जुन ॥ २ ॥

क्षणे अर्जुना आदि पाहिं । तुज उचित काये इथें ठांई ।
 तूं कवणु हें काइ । करीतु आहासि ॥ ६ ॥
 तुज साधें काय जालें । कवण उणें आलें ।
 करितां काइ ठेलें । खेदु काइसा ॥ ७ ॥
 तूं अनुचिता चित्त नेंदिसी । धीरु कहिं न संडिसि ।
 तूझेनि नावें आपेसि । दिशा लंघी ॥ ८ ॥
 तूं शूरवृत्तिचा ठाऊ । क्षत्रियांमाझि राऊ ।
 तूझेया लाठेपणाचा आत्रो । तिहिं लोकें ॥ ९ ॥
 तुवां संग्रामीं हरु जीतला । निवातकवचाचा ठावो फेडिला ।
 पवाडा तुवां केला । गंधर्वासिं ॥ १० ॥
 १ हें पातां तूझेनि पाडें । दीसे त्रैलोक्य ही थोकडें ।
 ऐसें पौरुष चोखडें । पार्था तूझे ॥ ११ ॥
 तो तूं किं आजि येथें । सांडूनियां वीरवृत्ति ।
 अधोमुख रुदनातें । करीतु आहासि ॥ १२ ॥
 विचारीं तूं अर्जुनु । किं कारुण्यें कीजतासि दीनु ।
 सांघ पां अंधकारें भानु । ग्रसिला आथि ॥ १३ ॥
 नातरि पवनु मेघासि बिहे । किं अमृतासि मरण आहे ।
 पाहे पां इन्धन चि गीळनि जाये । पावकातें ॥ १४ ॥
 किं लवणें चि जल विरे । संसर्गें कालकूट मरे ।
 साधें महाफणि दर्दुरें । गीळिजे कायि ॥ १५ ॥
 सिंहांसि झोंबे कोल्हा । ऐसा अपाडु आधिकां जाला । १६
 परि तुवां साचु केला । आजि येथें ॥ १६ ॥
 हाणुनि आझुं अर्जुना । झनं चित्त देंसि यया हीना । १७
 वेगीं धीरु करुनि मना । सावधु होइ ॥ १७ ॥
 सांडीं हें मूर्खपण । उठिं घेइं धनुषबाण ।
 संग्रामिं हें कवण । कारुण्य तूझे ॥ १८ ॥

हां गा तूं जाणता । तारि न विचारीसि कां आतां ।
 सांघें जूझावेले सदयता । उचित काई ॥ १९ ॥
 हें असतिये कीर्ती नाशु । आणि पारत्रिकासि भ्रंशु ।
 ह्मणे जगन्निवासु । अर्जुनातें ॥ २० ॥

क्लैव्यं मा स्म गमः पार्थ नैतत्त्वय्युपपद्यते ।

भुद्रं हृदयदौर्बल्यं त्यक्तवोत्तिष्ठ परंतप ॥ ३ ॥

ह्मणुनि शोक न करीं । हा पुरुता धीरु धरीं ।
 हे शोच्यता अन्हेरीं । पांडुकुमरा ॥ २१ ॥
 तुज नव्हे हें उचित । येणें नाशेल जोडलें बहुत ।
 तूं अशुद्ध हित । विचारि पां ॥ २२ ॥
 येणें संग्रामाचेनि अवसरें । येथ कृपालुपण नुपकरे ।
 हे आतां चि काइ सोडरे । जाले तुज ॥ २३ ॥
 तूं आदीं चि काइ नेणसि । किं हें गोत्र नोलखसि ।
 वायां चि काइ करिसी । अतिशो एथ ॥ २४ ॥
 आजिचें हें जूझ । काये जन्मा नवल तूज ।
 हें परस्परें तुह्या व्याज । सदा चि आथि ॥ २५ ॥
 तारि आतां चि काइ जालें । काइसें खेह उपनलें ।
 हें नेणिजे परि कुडें केलें । अर्जुना तुवां ॥ २६ ॥
 मोहो धरिल्यां ऐसें होइल । जें असती प्रतिष्ठा जाइल ।
 आणि परलोक अंतरैल । इहिकेसीं ॥ २७ ॥
 हृदयाचें ढीलेपण । येथ नीकेयासि नव्हे कारण ।
 हे संग्रामि पतन जाण । क्षत्रियांसि ॥ २८ ॥
 ऐसेनि तो कृपावंतु । नानापरी असे सिकवितु ।
 तें आइकौनि पांडुसुतु । काये बोले ॥ २९ ॥

अर्जुन उवाच ॥

कथं भीष्ममहं संख्ये द्रोणं च मधुसूदन ।

इषुभिः प्रतियोत्स्यामि पूजार्हावरिसूदन ॥ ४ ॥

देवा हैं इतुलेवेन्हीं । बोलावें नलगे अवधारीं ।

आदीं तूं चि चित्ति विचारीं । संग्रामु हा ॥ ३० ॥

हैं जूझ नन्हे प्रमादु । येथ प्रवर्तलेयां दीसतसे बाधु ।

हा उघड लिंगमेदु । बोडवला आह्वा ॥ ३१ ॥

देखैं मातापितरें अर्चिजति । तियें सर्वस्वें तोषु पावविजति ।

तियें पाठीं केवि वधिजति । आपुलां हातीं ॥ ३२ ॥

देवा संतवृंद नमस्कारिजे । कां घडे तारि पूजिजे ।

हैं वांचूनि केवि निदिजे । स्वयें वाचा ॥ ३३ ॥

तैसे गोत्रगुरु आमचे । हे पूज्य आह्वां नियमाचे ।

मज बहूत भीष्मद्रोणाचें । वर्ततसे ॥ ३४ ॥

जेयांलागि मनें वीरुं । आह्मी स्त्रुप्रीं हिं न धरुं ।

तेयां प्रत्यक्ष केवि करुं । घातु देवा ॥ ३५ ॥

वर जलो हैं जियालें । येथ आवघेयांसि हैं चि जालें ।

जे याचा वधिं अभ्यासिलें । मिरविजे आह्मीं ॥ ३६ ॥

मी पार्थु द्रोणाचा केला । येणें धनुर्वेदु मज दीन्हला ।

तेणें उपकारें काइ आभारैलां । वधिं ययातें ॥ ३७ ॥

जेथिंचिया कृपा लाभे वरु । तेथ चि मनें व्यभिचारु ।

तारि काइ मी भस्मासुरु । अर्जुनु क्षणें ॥ ३८ ॥

देवा समुद्र हा भरितु आइकिजे । वर तो ही आहाचु देखिजे

परि क्षोमु मनीं नेणिजे । द्रोणाचिये ॥ ३९ ॥

हैं अपार जें गगन । वरि तेया ही होईल मान ।

परि अगाध भलें गहन । हृदय ययाचें ॥ ४० ॥

वरि अमृत ही वीटे । कां कालवसें वज्र फूटे ।
 परि मनोधर्मु न लोटे । विकरविला हा ॥ ४१ ॥
 स्नेहालागि माये । ह्मणिपे तें कीर होये ।
 परि कृपा ते मूर्त आहे । इथे द्रोणीं ॥ ४२ ॥
 हा कारुण्याची आदि । सकल गुणाचा निधि ।
 विद्यासिंधु निरवधी । अर्जुनु ह्मणे ॥ ४३ ॥
 हा येणें मानें महंतु । वरि आहालागि कृपावंतु ।
 आतां सांघ पां काइ घातु । येथ चिंतुं येइल ॥ ४४ ॥

गुरुनहत्वा हि महानुभावान्श्रेयो भोक्तुं भैक्ष्यमपीह लोके ।
 हत्वार्थकामांस्तु गुरुनिहैव भुञ्जीय भोगान्हरिप्रदिग्धान् ॥५॥

हे ऐसे रणिं वधावे । मग आपण राज्यसुख भोगावें ।
 हें मना नये आघवें । जीवितेंसि ॥ ४५ ॥
 हे येणें मानें दुर्भर । जें यया ही होनि भोग सपुर ।
 ते असतु एथ भिक्षा वर । मागतां मली ॥ ४६ ॥
 नातारि देशत्यागें जाइजे । कां गिरिकंदर सेविजे ।
 परि शस्त्र आतां न धरिजे । ययांवरि ॥ ४७ ॥
 देवा नव नवनिसिर्तिं सरिं । वावरुनि येयांचां जिन्हारीं ।
 भोग गिंवसावे रुधिरिं । बुडाले जे ॥ ४८ ॥
 ते काढुनि काये कीजति । विलिप्त केवि सेविजति ।
 मज नये हें उपपत्ती । इया चि लागि ॥ ४९ ॥

न चैतद्विद्वाः कतरन्नो गरीयो यद्वा जयेम यदि वा नो जयेयुः ।
 यानेव हत्वा न जिजीविषामस्तेऽवस्थिताः प्रमुखे धार्तराष्ट्राः ॥ ६ ॥

ऐसें अर्जुनु तियें अवसरीं । ह्मणे कृष्णा अवधारीं ।
 परि तें मना नये चि मुरारी । आइकौनियां ॥ ५० ॥

हैं जाणौनि पार्थु भियाला । मग पुनरपि बोलों लागला ।
 देउ चित्त कां या बोला । देति चि ना ॥ ५१ ॥
 यन्हविं माझां चित्ति जें होतें । मीं विचारुनि बोलिलां येथें ।
 परि नीकें काय यया परोतें । तें तुहीं चि जाणा ॥ ५२ ॥
 पै वीरुं जेयांसि आइकिजे । आणि इ बोलिं चि प्राणु सांडिजे ।
 ते हे येथ संग्रामुन्याजें । उभे आहाति ॥ ५३ ॥
 आतां ऐसेयांतें हों परि वधावें । किं अब्हेरुनि वेगिं निगावें ।
 एया दोहिं माजि काय करावें । तें नेणों आहीं ॥ ५४ ॥

कार्पण्यदोषोपहतस्वभावः ।

पृच्छामि त्वां धर्मसंमूढचेताः ।

यच्छ्रेयः स्यान्निश्चितं ब्रूहि तन्मे ।

शिष्यस्तेऽहं शाधि मां त्वां प्रपन्नं ॥ ७ ॥

आहां काय उचित । तें पढातां न स्फुरे येथ ।
 जें मोहें येणें चित्त । व्याकुल माझें ॥ ५५ ॥
 तिमिरावरुद्ध जैसें । दृष्टिचें तेज भ्रंशे ।
 मग पासिं असत न दिसे । वस्तुजात ॥ ५६ ॥
 देवा तैसें मज जालें । जें मन हें भ्रांती ग्रसिलें ।
 आतां हित काये आपुलें । तें हिं नेणें ॥ ५७ ॥
 तारि कृष्णा तुवां जाणावें । नीकें तें आहां सांघावें ।
 जें सखा सर्वस्व आघवें । आह्मासि तूं ॥ ५८ ॥
 तूं गुरु बंधु पिता । तूं आमची इष्टदेवता ।
 तूं चि सदा रक्षिता । आपदीं आमतें ॥ ५९ ॥
 जैसें शिष्यातें गुरु । सर्वथा नैये अब्हेरु ।
 कां सरितातें सागरु । लज्जी केवि ॥ ६० ॥
 नातारि अपत्यातें माथे । उंसंडूनि जरि जाये ।

तारि तें कैसेनि जिये । आइकै कृष्णा ॥ ६१ ॥
 तैसा सर्वी परीं आह्वासि । देवा तूं चि येकु आहासि ।
 आणि बोलिलें जारि न मनिसि । मागील माझें ॥ ६२ ॥

न हि प्रपश्यामि ममापनुद्याद्यच्छोकमुच्छोषणमिन्द्रियाणां ।
 अवाप्य भूमावसपत्नमृद्धं राज्यं सुराणामपि चाधिपत्यं ॥ ८ ॥

तारि उचित काइ आहां । जें व्यभिचरे ना धर्मा ।
 तें झडकारि पुरुषोत्तमा । सांघें आतां ॥ ६३ ॥
 हें सकल कुल देखौनि । जो शोकु उपनला असे मनीं ।
 तो तूझें वाक्य वांचूनि । न जीपें आणिकें ॥ ६४ ॥
 एथ पृथ्वीतल आपुलें होइल । महेंद्रपद ही पाविजैल ।
 परि दुःख हें न जिपैल । मानसिचें ॥ ६५ ॥
 जैसीं सर्वथा बीजें आहललीं । सुक्षेत्रि जन्हीं पेरिलें ।
 तन्हीं न विरुढती चि सिंचिलें । भलेतैसीं ॥ ६६ ॥
 नातरि आयुष्य पुरलें आहे । तरि उखदि हिं काहिं नव्हे ।
 तेथ येक चि उपेगा जाये । परमामृत ॥ ६७ ॥
 तैसें राज्यभोगसमृद्धी । उज्जीवन नव्हे इये बुद्धी ।
 येथ जीवाला कृपानिधी । कारुण्य तूझें ॥ ६८ ॥
 ऐसें अर्जुनु तेथ बोलिला । जवं क्षणु येकु भ्रांती सांडिला ।
 पुनरपि व्यापिला । तेणें ॥ ६९ ॥
 मज पांतां ऊर्मि नोह । गमत आहे ।
 तो प्रसिला महामोहें । कालसपें ॥ ७० ॥
 सुवर्महृदयकल्हारीं । कारुण्यवेलेचां भरीं ।
 लागला ह्यणौनि लहरी । भांजे चि ना ॥ ७१ ॥
 हें जाणौनि जैसा प्रौढी । जो दृष्टीसर्वे चि विष फेडी ।
 तो धावेया हरिगारुडी । पातला कां ॥ ७२ ॥

तैसिया पांडुकुमरा व्याकुला । मिरवत असे कृष्ण जवला ।
 जो कृपावसें अवलीला । रक्षैल आतां ॥ ७३ ॥
 ह्यणौनि तो पार्थु । मोहफणिग्रसितु ।
 मियां ह्यणितला हा हेतु । जाणौनियां ॥ ७४ ॥
 मग देखां तेथ फाल्गुनु । घेतला असे भ्रांती कवल्लुनु ।
 जैसा घनपटलीं भानु । आक्षादिजे ॥ ७५ ॥
 तिया परीं धनुर्द्धर । जाला असे दुःखें जर्जर ।
 जैसा ग्रीष्मकालीं गिरिवर । वणवला कां ॥ ७६ ॥
 ह्यणौनि साहाजें सुनील । येर कृपामृते सजल ।
 तो बोलला असे गोपाल । महामेधु ॥ ७७ ॥
 तेथ सुदर्शनाची दीप्ति । ते चि विद्युत् जैसी झल्लुक्ती । ७८
 गंभीर वाचा ते आइती । गर्जनेची ॥ ७८ ॥
 आतां तो उदार कैसा वरिषैल । जेणें अर्जुनाचल निवैल ।
 मग नवी विरुढि फूटैल । उन्मेषाची ॥ ७९ ॥
 ते चि कथा आइकां । मनाचिया आराणुका ।
 ज्ञानदेउ ह्यणे देखां । निवृत्तिदासु ॥ ८० ॥

संजय उवाच ॥

एवमुक्त्वा हृषीकेशं गुडाकेशः परंतप ।

न योत्स्य इति गोविंदमुक्त्वा तूष्णीं बभूव ह ॥ ९ ॥

ऐसें संजयो असे सांवतु । ह्यणे राया तो पार्थु ।
 पुनरपि शोकाकुलितु । काये बोले ॥ ८१ ॥
 आइकें सखेदु ह्यणे कृष्णाते । आतां नालवावें तुझीं मातें ।
 मीं सर्वथा न जुझें एथें । भरवसेनि ॥ ८२ ॥
 ऐसें एकी हेला बोलिला । मग मौन करुन राहिला ।
 तेथ कृष्ण विस्मो पातला । देखौनि तेयातें ॥ ८३ ॥

तमुवाच हृषीकेशः प्रहसन्निव भारत ।

सेनयोरुभयोर्मध्ये विधीदंतमिदं वचः ॥ १० ॥

मग आपुलां चित्तिं हणे । एथ हें आदारिलें काय येणें ।

अर्जुनु सर्वथा काहि नेणें । काय कीजे ॥ ८४ ॥

हा उमजे आतां कवणी परी । कैसेनि धीरु स्वीकरी ।

जैसें ग्राहातें पांचाखरी । अनुमानी कां ॥ ८५ ॥

नातारि असाध्य देखौनि व्याधि । वैद्य सूची निरवधी ।

अमृतासारिखी अवधी । निर्वाणिची ॥ ८६ ॥

तैसें विवरीतु असे अनंतु । तेयां दोन्हीं सैन्यां आंतु ।

जेया परीं पार्थु । भ्रांति सांडी ॥ ८७ ॥

तें कारण मनीं धरिलें । मग सरोख बोलों आदारिलें ।

जैसें मातेचां कोपीं थोकलें । स्नेह आधि ॥ ८८ ॥

कां ओषधाचां कडवटपणीं । जैसी अमृताची पुरवणी ।

ते आहाच न दिसे परगुणीं । प्रकट होये ॥ ८९ ॥

तैसीं वरि पांतां उदासें । आंतु तारि अति मुरसें ।

तियें वाक्यें हृषीकेशें । बोलों आदारिलि ॥ ९० ॥

श्रीभगवानुवाच ॥

अशोच्यानन्वशोचस्त्वं प्रज्ञावादांश्च भाषसे ।

गतासूनगतासूंश्च नानुशोचन्ति पण्डिताः ॥ ११ ॥

मग अर्जुनातें हणितलें । आक्षीं आजि हें नवल देखिलें ।

जें तुआं एथ आदारिलें । माझारि चि ॥ ९१ ॥

तूं जाणता जरि हणिपसी । तारि नेणिवेतें न संडिसी ।

आणि सिखौं हणों तारि बोलसी । तूं चि बहुत ॥ ९२ ॥

जालंधा लागें पिसें । मग ते सैरा धावें जैसें ।

तूजें सिहाणेपण तैसें । दीसतसे ॥ ९३ ॥

तूं आपणपें तरि नेणसि । परि यां कौरवांतें शोचुं पाहासि । ७
 हा बहुत विस्मयो आहासि । पुढुतीं पुढुतीं ॥ ९४ ॥
 तरि सांघ पां अर्जुना । तुजपासौनि स्थिति त्रिभुवना ।
 हे आदि विश्वरचना । तें लटिकें काइ ॥ ९५ ॥
 एथ समर्थु एक आथि । तेयापासौनि भूतें होति ।
 तरि हें वायां चि काइ बोलति । जगामाझि ॥ ९६ ॥
 हो काज सांप्रतें जालें । जें हें जन्मे तुआं श्रुजिलें । ॥
 आणि नाशु यावें नाशिलें । विचारि पां ॥ ९७ ॥
 तूं भ्रमलेपणें अहंकुंती । ययां घातु न धरिसि चित्ति । ॥
 तारि सांघै काइ हे होती । चिरंतन ॥ ९८ ॥
 किं तूं एकु वधिता । आणि सकल लोकु हा मरता ।
 ऐसी भ्रांति ज्ञानें चित्ता । येयों देसी ॥ ९९ ॥
 हें अनादिसिद्ध आघवें । होत जात स्वभावें ।
 तरि तुवां कां शोचावें । सांघै मज ॥ १०० ॥
 परि मूर्खपणें नेणसि । न चित्तावें तें चितिसि ।
 आणि तूं चि नीति सांघसि । आह्माप्रति ॥ १ ॥
 देखैं विवेकियें जे होति । ते दोहांतें हीं न शोचिति ।
 जें होये जाये हे भ्रांति । हणौनिया ॥ २ ॥

न त्वेवाहं जातु नासं न त्वं नेमे जनाधिपाः ।

न चैव न भविष्यामः सर्वे वयमतः परम् ॥ १२ ॥

अर्जुना सांघैन आइक । एथ आह्मीं तुह्मीं देख ।
 आणि हे भूपति अशेष । आदिकरुनि ॥ ३ ॥
 निलता ऐसे चि असौनि । कां निश्चित क्षया जाउनि ।
 इये भ्रांती वेगली करुनि । दोन्ही नाही ॥ ४ ॥
 हें उपजे आणि नाशे । तें मायामय दोसें ।

यन्हविः तत्त्वता वस्तु असे । अविनाश चि ॥ ५ ॥
 जैसे पवनें तोय हालवेलें । आणि तरंगाकार जालें ।
 कर्णकर्ण तरि कवण के जन्मलें । हणों तेथ ॥ ६ ॥
 तें चि वायुचें स्फुरण ठेलें । आणि उदक साहाजें सपाटलें ।
 तरि काइ आतां निमालें । विचारि पां ॥ ७ ॥

देहिनोऽस्मिन्यथा देहे कौमारं यौवनं जरा ।
 तथा देहान्तरप्राप्तिर्धोस्तत्र न मुह्यति ॥ १३ ॥

आइकै शरीर तरि एक । परि वयसा भेद अनेक ।
 हें प्रत्यक्ष चि देख । प्रमाण तूं ॥ ८ ॥
 एथ कौमारत्व दीसे । मग तारुण्यें तें भ्रंशे ।
 परि देह चि न नशे । एकासवें ॥ ९ ॥
 तैसिं चैतन्याचां ठाई । इयें शरीरांतरे पाई ।
 ऐसें जाणे तेया नाही । व्यामोहदुःख ॥ ११० ॥

मात्रास्पर्शास्तु कौंतेय शीतोष्णसुखदुःखदाः ।
 आगमापायिनोऽनित्यास्तांस्तितिक्षस्व भारत ॥ १४ ॥

येथ नेणावया हें चि कारण । जें इंद्रियां अधीनपण ।
 तिहिं आकलिजे अंतष्करण । हणौनि भ्रमें ॥ ११ ॥
 इंद्रियें विषय सेविति । तेथ हर्ष शोक हे उपजति ।
 ते आंतर आप्णविति । संगें एणें ॥ १२ ॥
 जें ययां विषयांचां ठाई । एकनिष्ठता नाही ।
 एथ दुःख आणि काहीं । सुख ही दीसे ॥ १३ ॥
 देखें हे शब्दाची व्याप्ति । जें निंदा आणि स्तुति ।
 तेथ द्वेषाद्वेष उपजति । श्रवणद्वारे ॥ १४ ॥
 मृदु आणि कठिन । हे स्पर्शाचे दोन्ही गुण ।
 जे वपुचेनि संगें कारण । संतोखखेदो ॥ १५ ॥ १

भयासुर आणि सुखेख । हें रूपाचें स्वरूप देख । २
 जें उपजवी सुखदुःख । नेत्रद्वारे ॥ १६ ॥
 सुगंधु आणि दुर्गंधु । हा परिमलाचा भेदु ।
 जो घ्राणसंगें विषादु । तोषु देता ॥ १७ ॥
 तैसाचि द्विविधु रसु । उपजवी प्रीति त्रासु ।
 ह्यणौनि हा अपभ्रंशु । विषयसंगु ॥ १८ ॥
 देखैं इंद्रियां आधीन होइजे । तरि शीतोष्णार्ते पाविजे । दर्शनां
 आणि सुखदुःखीं आकलिजे । आपणपें ॥ १९ ॥
 एयां विषयांवांचूनि काहीं । आणिक सर्वथा रम्य नाहीं ।
 ऐसा स्वभाऊ चि पाहीं । इंद्रियांचा ॥ २० ॥
 हे विषय तरि कैसे । रोहिणीचें जल जैसे ।
 कां स्वप्निचा आभासे । भद्रजाति ॥ २१ ॥
 देखैं अनित्य तिया परीं । ह्यणौनि तूं अव्हेरी ।
 हा सर्वथा संगु न करीं । धनुर्वरा ॥ २२ ॥

यं हि न व्यथयंत्येते पुरुषं पुरुषर्षभ ।

समदुःखसुखं धीरं सोऽमृतत्वाय कल्पते ॥ १५ ॥

हे विषय जेया नाकलीति । तेया सुखदुःखें न पवति ।
 आणि गर्भवाससंगति । नाहिं तेया ॥ २३ ॥
 तो नित्यरूप पार्था । उल्लाखावा सर्वथा ।
 जो यां इंद्रियार्था । नाकले चि ॥ २४ ॥

नास्ततो विद्यते भावो नाभावो विद्यते सतः ।

उभयोरपि दृष्टोऽतस्त्वनयोस्तत्त्वदर्शिभिः ॥ १६ ॥

आतां अर्जुना आणिक एक । सांग्घेन मी आइक ।
 जें विचारपर लोक । उल्लखति ॥ २५ ॥

एया उपाधिमाक्षि गुप्त । चैतन्य असे सर्वगत ।
 तें तत्वज्ञ संत । स्वीकरीति ॥ २६ ॥

सलीलीं पय जैसैं । एक होउनि मिनलें असे ।
 परि निवडूनि राजहंसें । वेगलें कीजे ॥ २७ ॥

कां अग्निमुखें कीडाल । तोडूनियां चोखाल ।
 निवडीति केवल । बुद्धिमंत ॥ २८ ॥

ॐ ना तारि जाणिवेचिया आत्रणीं । करितां दधिकडसणी ।
 मग नवनीत निर्वाणीं । दीसे जैसैं ॥ २९ ॥

कां भूस बीज एकावट । उपणितां राहे घणवट ।
 तेथ उडे तें फलकट । जाणों आलें ॥ ३० ॥
 तैसैं विचारिती निरसलें । तें प्रपंचूनि साहजें सांडलें ।
 मग तत्वता तत्व उरलें । ज्ञानियासि ॥ ३१ ॥

हणौनि अनित्याचां ठांड । तेया आस्तिकिबुद्धि नाही ।
 जें निष्कर्षु दोहीं । देखिला असे ॥ ३२ ॥

अविनाशि तु तद्विद्धि येन सर्वमिदं ततम् ।

विनाशमव्ययस्यास्य न कश्चित्कर्तुमर्हति ॥ १७ ॥

देखैं सारासार विचारितां । आंति ते नाही असारता ।
 तारि सार तें स्वभावता । नित्य जाणें ॥ ३३ ॥

हा लोकत्रयाकार । तो जेयाचा विस्तार ।
 जेथ नामवर्णुआकार । चिन्ह नाहि ॥ ३४ ॥

जो सर्वदां सर्वगत । जन्मक्षयां अतीतु ।
 तेया केलेयां हीं घातु । कदा न्हवे ॥ ३५ ॥

अंतर्बत इमे देहा नित्यस्योक्ताः शरीरिणः ।

अनाशिनोऽप्रमेयस्य तस्माद्युद्धवस्य भारत ॥ १८ ॥

आणि शरीरजात आघर्वे । नाशवंत स्वभावें ।
हणौनि तुवां जूझावें । पांडुकुमरा ॥ ३६ ॥

य एनं वेत्ति हंतारं यश्चैनं मन्यते हतम् ।

उभौ तौ न विजानीतो नायं हन्ति न हन्यते ॥ १९ ॥

तूं धरूनि देहाभिमानातें । आणि दीठि सूनि एया शरीरातें ।

मी वधिता हे मरते । हणतु आहासि ॥ ३७ ॥

अर्जुना हें नेणसि । जरि तत्वता विचारिसि ।

तारि वधिता तूं न्हवसि । हे वध्य न्हवति ॥ ३८ ॥

जैसें स्वप्नामाशि देखिजे । तें स्वप्नी चि साच आपजे ।

मग चेउनियां पाहिजे । तवं काहीं च नाहि ॥ ३९ ॥

न जायते प्रियते वा कदाचिन्

नायं भूत्वा भविता वा न भूयः ।

अजो नित्यः शाश्वतोऽयं पुराणो

न हन्यते हन्यमाने शरीरे ॥ २० ॥

तैसी हे माया । तूं भ्रमतु आहासि वायां ।

शखें हाणितलेयां छाया । आंगीं न रुपे ॥ १४० ॥

कां पूर्ण कुंभु उलंडला । तेथ विवाकारु चि भ्रंशला ।

पारि भानु नाही नाशला । तेयासर्वे ॥ ४१ ॥

ना तरि मठीं आकाश जैसें । मठाकृती आवरलें असे ।

तो चि भंगलेयां आपैसें । स्वरूप चि ॥ ४२ ॥

वेदाविनाशिनं नित्यं य एनमजमव्ययम् ।

कथं स पुरुषः पार्थ कं घातयति हन्ति कम् ॥ २१ ॥

तैसें शरीराचां लोपीं । सर्वथा नाशु नाही स्वरूपीं ।

हणौनि तुं हें नारोपीं । भ्रांति बापा ॥ ४३ ॥

बासांसि जीर्णानि यथा विहाय नवानि गृह्णाति नरोऽपराणि ।

तथा शरीराणि विहाय जीर्णान्यन्यानि संयाति नवानि देही ॥ २२ ॥

४२
 १५५ श्रुति
 १५६ श्रुति
 १५७ श्रुति
 १५८ श्रुति
 १५९ श्रुति
 १६० श्रुति
 १६१ श्रुति
 १६२ श्रुति
 १६३ श्रुति
 १६४ श्रुति
 १६५ श्रुति
 १६६ श्रुति
 १६७ श्रुति
 १६८ श्रुति
 १६९ श्रुति
 १७० श्रुति
 १७१ श्रुति
 १७२ श्रुति
 १७३ श्रुति
 १७४ श्रुति
 १७५ श्रुति
 १७६ श्रुति
 १७७ श्रुति
 १७८ श्रुति
 १७९ श्रुति
 १८० श्रुति
 १८१ श्रुति
 १८२ श्रुति
 १८३ श्रुति
 १८४ श्रुति
 १८५ श्रुति
 १८६ श्रुति
 १८७ श्रुति
 १८८ श्रुति
 १८९ श्रुति
 १९० श्रुति
 १९१ श्रुति
 १९२ श्रुति
 १९३ श्रुति
 १९४ श्रुति
 १९५ श्रुति
 १९६ श्रुति
 १९७ श्रुति
 १९८ श्रुति
 १९९ श्रुति
 २०० श्रुति

भावार्थदीपिका. १५२

जैसी जीणें वस्त्रें सांढिजे । मग नूतनें आणिकें वेढिजे ।

तैसें देहांतरातें स्वीकारिजे । चैतन्यनार्थें ॥ ४४ ॥

नैनं छिंदन्ति शस्त्राणि नैनं दहति पावकः ।

न चैनं क्लेदयन्त्यापो न शोषयति मारुतः ॥ २३ ॥

हा अनादि नित्य सिद्ध । निरुपाधि विशुद्ध ।

हणौनि शस्त्रादिकिं छेदु । न घडे एया ॥ ४५ ॥

हा प्रलयोदकें नापुवे । अग्निदाहो न संभवे ।

एय महाशोषु न प्रभवे । मारुताचा ॥ ४६ ॥

हा तर्काचिये दृष्टी । गोचरु नव्हे किरीटी ।

ध्यान येयाचिये भेटी । उत्कंठा वाहे ॥ ४७ ॥

हा सदा दुर्लभु मना । आपु नव्हे साधना ।

निःसीमु हा अर्जुना । पुरुषोत्तमु ॥ ४८ ॥

अच्छेद्योऽयमदाहोऽयमक्लेद्योऽशोष्य एव च ।

नित्यः सर्वगतः स्थाणुरचलोऽयं सनातनः ॥ २४ ॥

हा गुणत्रयरहित । व्यक्तीसि अतीतु ।

अनादि अविद्धतु । सर्वरूप ॥ ४९ ॥

अर्जुना हा नित्यु । अचल हा शाश्वतु ।

सर्वत्र सदोदितु । परिपूर्ण हा ॥ १५० ॥

अव्यक्तोऽयमचित्योऽयमविकार्योऽयमुच्यते ।

तस्मादेवं विदित्वैनं नानुशोचितुमर्हसि ॥ २५ ॥

अर्जुना ऐसा जाणावा । हा सकलात्मकु देखावा ।

मग साहाजें शोक आघवा । हरैला तूझा ॥ ५१ ॥

अथ चैनं नित्यजातं नित्यं वा मन्यसे मृतम् ।

तथापि त्वं महाबाहो नैनं शोचितुमर्हसि ॥ २६ ॥

अथवा ऐसा नेणसी । तूं अंतवंत चि हें मानिसि ।

तज्ही शोचूं न पवसि । पांडुकुमरा ॥ ५२ ॥

जें आदि स्थिति अंतु । हा निरंतर असे नित्य ।

जैसा प्रवाहो अनस्यूतु । गंगाजलाचा ॥ ५३ ॥

तें आदि नाही खंडलें । समुद्रिं तरि असे मीनलें ।

आणि जात चि मध्ये उरलें । दीसे जैसें ॥ ५४ ॥

इयें तीन्हीं तियापरीं । सरिसिं चि सदा अवधारीं ।

भूतांसि कव्हणी अवसरीं । ठाकति ना ॥ ५५ ॥

ह्मणौनि हें आघवें । एथ नलगे तुज शोचावें ।

जे स्थिति चि हे स्वभावें । अनादि ऐसी ॥ ५६ ॥

ना तरि हें अर्जुना । नैये चि तूजेया मना ।

जें देखौनि लोंकु अधिना । जन्मक्षयां ॥ ५७ ॥

तज्हे एथ काहीं । तुज शोकासि कारण नाही ।

जें जन्म मृत्यु हे पाहीं । अपरिहर ॥ ५८ ॥

जातस्य हि ध्रुवो मृत्युः ध्रुवं जन्म मृतस्य च ।

तस्मादपरिहार्येऽर्थे न त्वं शोचितुमर्हसि ॥ २७ ॥

उपजे तें नाशे । नाशलें पुनरपि दीसें ।

हें घटिकायंत्र तैसें । परिश्रमे ॥ ५९ ॥

ना तरि उदो अस्तु आपसे । अखंडित होति जैसे ।

हें जन्ममरण तैसें । अनिवार जर्गी ॥ ६० ॥

महाप्रलयअवसरें । हें त्रैकोक्य ही संहरे ।

ह्मणौनि हा न परिहरे । आदिअंतु ॥ ६१ ॥

तूं जरि हें ऐसें मानिसि । तरि खेदु कां करिसि ।

काइ जाणतू चि नेणसि । धनुर्धरा ॥ ६२ ॥

अव्यक्तादीनि भूतानि व्यक्तमध्यानि भारत ।

अव्यक्तानि ध्रुवान्येव तत्र का परिदेवना ॥ २८ ॥

एथ आणिक ही एक पार्था । तुज बहुतीं परी पलेहीतीं ।

दुःख करानेया सर्वथा । विषो नाही ॥ ६३ ॥

जें समस्तें इयें भूतें । जन्मा आदीं अमूर्तें ।
 मग पातलीं व्यक्तितें । जन्मलेयां ॥ ६४ ॥
 तिर्ये क्षया जेथ जांति । तेथ निभ्रांत आनें नव्हति ।
 देखैं पूर्वस्थिति चि एंति । आपुलिये ॥ ६५ ॥
 परि मध्ये जें प्रतिभासे । तें निद्रिता स्वप्न जैसें ।
 तैसा आकार हा मायावशें । स्वस्वरूपीं ॥ ६६ ॥
 ना तारि पवनें स्पर्शिलें नीर । पडिहासे तरंगाकार ।
 कां परापेक्षा अलंकार । व्यक्तिकनर्कि ॥ ६७ ॥
 तैसैं सकल हें मूर्त्त । जाण पां मायाकारित ।
 जैसैं आकाशीं बिंबत । अभ्रपटल ॥ ६८ ॥
 ऐसैं आदी चि जें नाहीं । तेयालागि रुदसी काइ ।
 तू अवीट हें पाहीं । चैतन्य येक ॥ ६९ ॥

आश्चर्यवत् पश्यति कश्चिदेनमाश्चर्यवद्ब्रूदति तथैव चान्यः ।

आश्चर्यवच्चैनमन्यः शृणोति श्रुत्वाप्येनं वेद न चैव कश्चित् ॥२९॥

जेयाची आर्त्ती चि भोगित । विषईं लजिले संत ।
 जेयालागि विरक्त । वनवासिये ॥ १७० ॥
 दृष्टि सूनि जेयातें । ब्रह्मचर्यादि व्रतें ।
 मुनीश्वर तपातें । आचरिति ॥ ७१ ॥
 एकां गुणानुवादु करितां । उपरति होउनि चित्ता ।
 निरवधी तल्लीनता । निरंतर ॥ ७२ ॥
 एक आंतरीं निश्चल । जे निहालीति केवल ।
 विसरले सकल । संसारजात ॥ ७३ ॥
 एक आइकतां चि निवाले । ते देहभावीं सांडिले ।
 एक अनुभवे पातले । तद्रूपता ॥ ७४ ॥
 जैसे सरिता ओष समस्त । समुद्रामाक्षि मिलत ।
 परि माघौतें न समात । परतले नाहीं ॥ ७५ ॥

तैसिया योगीश्वरांचिया मती । मिलणीसमें दुणावटती ।
परि जें विचारुनि पुनरावृत्ती । भजती चि ना ॥ ७६ ॥

देही नित्यमबध्योऽयं देहे सर्वस्य भारत ।

तस्मात्सर्वाणि भूतानि न त्वं शोचितुमर्हसि ॥ ३० ॥

तें सर्वत्र सर्वदेहीं । जेया करितां हीं घातु नाहीं ।

तें विश्वात्मकु तूं पाहीं । चैतन्य एक ॥ ७७ ॥

ययांचेनि चि स्वभावें । हें होत जांत आववें ।

तारि सांघें काइ शोचावें । एथ तुवां ॥ ७८ ॥

यन्हर्चि तन्हीं पार्था । तुज कां नेणों न गमे चित्ता ।

परि कोडाल हें शोचितां । बहुतीं परीं ॥ ७९ ॥

स्वधर्ममपि चावेक्ष्य न विकंपितुमर्हसि ।

धर्म्याद्धि युद्धाच्छ्रेयोऽन्यत्क्षत्रियस्य न विद्यते ॥ ३१ ॥

तूं अशुद्ध कां न विचारेसि । काइ हें चितितु आहासि ।

स्वधर्मु तो विसरलासि । तरावें जेणें ॥ १८० ॥

एयां कौरवां भलतें जालें । अथवा तुज चि काहीं पातलें । मते ते

कां युग चि हें बुडालें । जन्हें एथ ॥ ८१ ॥

तन्हीं स्वधर्मु एकु आहे । तो सर्वथा त्याजु नव्हे ।

मग तरिजैल काइ पाहें । कृपालुषणें ॥ ८२ ॥

अर्जुना तूझें चित्त । जन्हीं जालें द्रविभूत ।

तन्हीं हें अनुचित । संग्रामसमई ॥ ८३ ॥

गोक्षीर जन्हीं जालें । तन्हीं पथ्यासि नाहीं बोलिलें ।

ऐसेनि हि विष नोहे सूदलें । देइजे ज्वरि ॥ ८४ ॥

तैसें आनी आन करितां । नाशु होईल हिता ।

हणौनि तूं आतां । सावधु होइ ॥ ८५ ॥

वाया चि व्याकुल काइ । आपुला निजधर्मु तूं पाहीं ।

जो आचरितां बाधु नाहीं । कव्हणों काली ॥ ८६ ॥

जैसें मार्गे चि चालतां । अपावो न पवे सर्वथा ।
 कां दीपाधारे वर्त्ततां । नाडलिजे ॥ ८७ ॥ जेधे !
 तिया परी पार्था । स्वधर्मे राहटतां ।
 सकल कामपूर्णता । साहाजे होये ॥ ८८ ॥
 हणौनि तुं पाहीं । क्षत्रियां आणिक काहीं ।
 संग्रामु बांचूनि नाहीं । उचित जाणें ॥ ८९ ॥
 निष्कपटां होआवें । उशिना घाई जूझावें ।
 हें असो काइ सांघावें । प्रत्यक्षावरि ॥ १९० ॥

यदृच्छया चोपपन्नं स्वर्गद्वारमवावृतम् ।

सुखिनः क्षत्रियाः पार्थ लभन्ते युद्धमीदृशम् ॥ ३२ ॥
 अर्जुना देखें जूझ आतांचें । हें हों काज दैव तुमचें ।
 किं निधान सकल धर्माचें । प्रकटलें असे ॥ ९१ ॥
 हा संग्रामु काइ हणिपे । कीं स्वर्गु चि येणें रूपें ।
 मूर्तु कां प्रतापें । उदो केला ॥ ९२ ॥ उस्थे
 ना तारि गुणाचेनि परिकरें । आर्तिचेनि पडिभरें ।
 हे कीर्ति चि स्वयंवरे । आली तुज ॥ ९३ ॥
 क्षत्रि बहुत पुण्य कोजे । तैं जूझ ऐसें लाहिजे ।
 जैसें मार्गे जातां आडलिजे । चितामणी ॥ ९४ ॥
 ना तारि जांभैया पसरे मुख । तेंथ अवचटें पडें पीयूष ।
 तैसा हा संग्रामु देख । पातला असे ॥ ९५ ॥

अथ चैत्रवर्मिणं धर्म्यं संग्रामं न करिष्यसि ।

ततः स्वधर्मं कीर्तय हित्वा पापमवाप्स्यसि ॥ ३३ ॥
 आतां ऐसां अन्हेरिजे । मग नाथिलें शोचूं वैसिजे ।
 तारि आपण आहाणां नोहिजे । आपणपेयां ॥ ९६ ॥
 पूर्वजांचें जोडिलें । आपण चि होये घाडिलें ।
 जारि आजि शास्त्रे सांडिलें । रणीं इये ॥ ९७ ॥

असति कीर्ति जाइल । जग चि अभिशाप देइल ।
 आणि गिवसीत पावतील । महादोष ॥ ९८ ॥
 जैसी भातारेंहीन वनिता । उपहति पावे सर्वथा ।
 मग तैसी दशा जीविता । स्वधर्मविण ॥ ९९ ॥
 ना तरि अरण्यां शव सांडिजे । तें चौहोरि गार्धि विदारिजे ।
 तैसें स्वधर्महीन अभिभविजे । महादोषी ॥ २०० ॥
 हाणौनि हा सांडिसील । तरि पापा वरपडा होतील ।
 आणि अपयश तें न वचेल । कल्पान्तुवेहीं ॥ १ ॥

अकीर्ति चापि भूतानि कथयिष्यन्ति तेऽव्ययाम् ।

संभावितस्य चाकीर्तिर्मरणादतिरिच्यते ॥ ३४ ॥

जाणते न तत्र चि जियावें । जवें अपकीर्ति आंग न पवे ।
 आणि सांघपां केवि निवावें । ऐथौनियां ॥ २ ॥
 तूं निर्मळरु सदयता । एथ निघसी किर माघौता ।
 परि तें गती समस्तां । नैए येया ॥ ३ ॥
 हे चहूंकहूनि कवळितील । बाण वरि घेतील ।
 एथ पार्थी न सुटिजेल । कृपालुपणें ॥ ४ ॥
 ऐसेन हीं प्राणसंकटें । जरि विपायें निगणें घटे ।
 तरि तें जियालें हीं उखटें । मरणाहूनि ॥ ५ ॥

भयाद्गणादुपरतं मंस्थते त्वां महारथाः ।

येषां च त्वं बहुमतो भूत्वा यास्यसि लाघवम् ॥ ३५ ॥

तूं आणिक एक न विचारिसि । एथ संघमें जूझों आलासि ।
 आणि सकणवपणें निघालासि । माघौता जरि ॥ ६ ॥
 तरि तूझें तें अर्जुना । एयां वैरियां दुर्जनां ।
 कां प्रत्यया येईल मना । सांघें मज ॥ ७ ॥
 हे हणती गेला रे गेला । अर्जुनु आह्वांसि भियाळा ।
 हा सांघे वोळ उरला । तीका काइ ॥ ८ ॥

लोक सायासैं करुनि बहुतैं । कां वेचीति आपुलिं जीवितैं ।
 परि वाढचीति कीर्तितैं । धनुर्धरा ॥ ९ ॥
 ते तुज अनायासैं । अनकलीत जोडली असे ।
 हें अद्वितीय जैसैं । गगन होये ॥ २१० ॥
 तैसी कीर्ति निःसीम । तूझां ठांडं निरूपम ।
 तूझे गुण उत्तम । तिहिं लोकिं ॥ ११ ॥
 दिगंतीचे भूपति । भाट होउनि वाखाणिति ।
 जे आयकिलेया दचकति । कृतांतादिक ॥ १२ ॥
 ऐसी महिमा घणवट । गंगा तैसी चोखट ।
 जिया देखी जगीं सुभट । जाणते जाले ॥ १३ ॥
 तें पौरुष तूझें अद्भुत । आइकौनिया हे समस्त ।
 जाले आथि विरक्त । जीवितेंसीं ॥ १४ ॥
 जैसे सिंहाचिया हाका । युगांत होये मदमुखा ।
 तैसा कौरवां एयां अशेषां । धाकु तूझा ॥ १५ ॥
 जैसे पर्वत बज्रातें । ना तरि सर्प गरुडातें ।
 तैसे अर्जुना हे तूतें । मानिति सदा ॥ १६ ॥
 तें अगाधपण जाइल । मग हीणाउं आंगा येईल ।
 जरि माघौता निघसील । न जुझतू चि ॥ १७ ॥

अवाच्यवादांश्च बहुन्वदिष्यन्ति तवाहिताः ।

निंदंतस्तव सामर्थ्यं ततो दुःखतरं नु किम् ॥ ३६ ॥

आणि हे पलतां पलों नेंदिति । धरुनि अवकला करीति ।
 न गणीत कूटि बोलति । आइकतां तुज ॥ १८ ॥
 मग ते व्हालि हियें फूटावें । तें आतां लठेपणें का न जुझावें ।
 हे जीतले तरि भोगावें । पृथ्वीतल ॥ १९ ॥

हतो वा प्राप्स्यसि स्वर्गं जित्वा वा भोक्ष्यसे महीम् ।

तस्मादुत्तिष्ठ कौंतेय युद्धाय कृतनिश्चयः ॥ ३७ ॥

ना तरि रणीं एथ । जूझतां वेचलें जीवीत ।

तरि स्वर्गसुख अनकलित । पावसील ॥ २२० ॥

हणौनि इथे गोठी । विचारु न कीजे किरीटी ।

आतां धनुष घेउनि उठीं । जूझैं वेगां ॥ २१ ॥

सुखदुःखे समे कृत्वा लाभालाभौ जयाजयौ ।

ततो युद्धाय युज्यस्व नैवं पापमवाप्स्यसि ॥ ३८ ॥

देखैं स्वधर्मु आचरतां । दोषु नाशे असता ।

तुज हे भ्रांति कवणि चित्ता । एथ पातकाची ॥ २२ ॥

सावैं पुरवें चि काइ बुडिजे । किं मार्गे जातां आडलिजे ।

परि विपायें चालों नेणिजे । तरि तें हीं घडे ॥ २३ ॥

अमृते चि मरिजे । जरि विषेसि सेविजे ।

तैसा स्वधर्मे दोषु पाविजे । हेतुकपणें ॥ २४ ॥

हणौनि तुज पार्था । हेतु सांड्गनि सर्वथा ।

क्षात्रवृत्ती जूझतां । पाप नाहीं ॥ २५ ॥

सुखि संतोषा नैयावें । दुःखि विषादा न भजावें ।

आणि लाभालाभ न धरावें । मनामाझि ॥ २६ ॥

एथ विजयपण होईल । कां सर्वथा देह जाईल ।

हें आदिं चि काहिं पुढेंल । चितावें ना ॥ २७ ॥

आपण येया उचिता । स्वधर्मातें चि राहटतां ।

जें पावे तें निवांता । साउनि जावें ॥ २८ ॥

ऐसेया मनें होआवें । तरि दोषु न घडे स्वभावें ।

हणौनि आतां जूझावें । निभ्रांत तुवां ॥ २९ ॥

एषा तेऽभिहिता सांख्ये बुद्धिर्योगे त्विमां शृणु ।

बुद्ध्या युक्तो यथा पार्थ कर्मबंधं ग्रहास्यसि ॥ ३९ ॥

हे सांख्यस्थिति मुकुलित । सांघितली तुज येथ ।

आतां बुद्धि योगि विस्तृत । अवधारि पां ॥ २३० ॥

जिया बुद्धि युक्तां । जालेयां पार्था ।
कर्मबंधु सर्वथा । बाधुं न पवे ॥ ३१ ॥

नेहाभिक्रमनाशोऽस्ति प्रत्यवायो न विद्यते ।

स्वल्पमप्यस्य धर्मस्य त्रायते महतो भयात् ॥ ४० ॥

जैसें वज्रकवच लेइजे । मग शस्त्राचा वरिणाऊ साहिजे ।
परि जैतोंसे उरिजे । अचुंबितां ॥ ३२ ॥
तैसें इहिक तरि न नशे । आणि मोक्षु तो उरला असे ।
जेथ पूर्वानुक्रम दीसे । चोखालत ॥ ३३ ॥
कर्माधारें तरि राहाटिजे । परि कर्मफल न भोगिजे ।
जैसा मांत्रछु न बाधिजे । भूतबाधा ॥ ३४ ॥
तिया परीं जे बुद्धि । आपु जालेयां निरवधी ।
हा असता चि उपाधि । कट्टं न शके ॥ ३५ ॥
जेथ न संचरे पाप । जें सूक्ष्म अति निष्कंप ।
गुणत्रयादि लेप । जेथ नाही ॥ ३६ ॥
अर्जुना जें पुण्यवशें । जरि अल्प चि हृदइं प्रकाशे ।
तारि अशेष हें नाशे । संसारभय ॥ ३७ ॥

व्यवसायात्मिका बुद्धिरेकेह कुरुनंदन ।

बहुशाखा ह्यनंताश्च बुद्ध्योऽव्यवसायिनाम् ॥ ४१ ॥

जैसी दीपकलिका धाकुटी । परि बहुता तेजातें प्रकटी ।
तैसी सद्बुद्धि हे थेंकुटी । हणों नये ॥ ३८ ॥
पार्था बहुतीं परीं । अपेक्षिजे सदा सुरीं ।
जे दुर्लभ चराचरीं । सद्वासना ॥ ३९ ॥
जैसा न जोडे परिसु । आणिकासारिखा बहुवसु ।
कां अमृताचा लेसु । दैवें पाविजे ॥ ४० ॥
तैसी दुर्लभ हे बुद्धि । जिये परमात्मा चि अवधि ।
जैसा गंगेसि कां उदधि । निरंतर ॥ ४१ ॥

तैसा ईश्वर वांचूनि काहीं । जिये आणि कि लाणि नाहि ।
तेथ एकी चि बुद्धि पाहीं । अर्जुना जगों ॥ ४२ ॥

यामिमां पुष्पितां वाचं प्रवदन्त्यविपश्चितः ।

वेदवादरताः पार्थ नान्यदस्तीति वादिनः ॥ ४२ ॥

एरि ते दुर्मति । जे बहुधा असे विकरति ।
जेथ निरंतर रमति । अविवेकिये ॥ ४३ ॥
हाणौनि तेयां पार्था । स्वर्गसंसारिं आस्था ।
आत्मसुख सर्वथा । दृष्ट नाही ॥ ४४ ॥
वेदाधारे बोलति । केवल कर्म प्रतिष्ठिति ।
पारे कर्मफलीं आसक्ति । दाउनियां ॥ ४५ ॥

कामात्मानः स्वर्गपरा जन्मकर्मफलप्रदाम् ।

क्रियाविशेषबहुलां भोगैश्वर्यगतिं प्रति ॥ ४३ ॥

हाणति संसारिं जन्मिजे । यज्ञादि यजन कीजे ।
मग स्वर्गसुख भोगिजे । मनोहर ॥ ४६ ॥
एथ हें वांचूनि काहीं । आणिक सर्वथा सुलभ नाही ।
ऐसें अर्जुना बोलति पाहीं । दुर्बुद्धि ते ॥ ४७ ॥
देखें मना अभिभूत । होउनि कर्म आचरत ।
केवल भोगीं चित्त । देउनियां ॥ ४८ ॥
क्रियाविशेषें बहुते । न छोपीति विधितें ।
निपुण होउनि धर्मातें । अनुष्ठिति ॥ ४९ ॥
परि एक चि कूड करीति । जे स्वर्गकामु मनीं धरिति ।
यज्ञपुरुष चूकति । भोक्ता जो ॥ ५० ॥
जैसा कापुराचा राशि कीजे । मग अग्नि लाउनि जालिजे ।
कां मिष्टान्नीं संचरिजे । कालकूट ॥ ५१ ॥
देखें अमृतकुंभु जोडला । तो पायें हाणौनि उलंडिला ।
तैसा नष्टीति धर्म निफनला । हेतुकपर्णे ॥ ५२ ॥

भोगैश्वर्यप्रसक्तानां तथापहतचेतसाम् ।

व्यवसायात्मिका बुद्धिः समाधौ न विधीयते ॥ ४४ ॥

सायासैं पुण्य आर्जिजे । मग संसार का अपेक्षिजे ।

परि नेणति ते काइ कीजे । अप्राप्त देखैं ॥ ५३ ॥

जैसी रांघवणि रसोय नीकी । करुनियां मोले वीकी ।

तैसा भोगासाठीं अविचैकी । घाडिति धर्म ॥ ५४ ॥

हणौनि हे पार्था । दुर्बुद्धि देख सर्वथा ।

तेयां वेदवादरतां । मनी वसे ॥ ५५ ॥

त्रैगुण्यविषया वेदा निस्त्रैगुण्यो भवार्जुन ।

निर्द्वन्द्वो नित्यसत्त्वस्थो निर्योगक्षेम आत्मवान् ॥ ४५ ॥

तिहिं गुणी आवृत । हे वेद जाणैं निभ्रांत ।

हणौनि उपनिषदादि समस्त । सात्त्विक ते ॥ ५६ ॥

एर रजतमात्मक । जेथ निरूपिजे कर्मादिक ।

जें केवल स्वर्गसूचक । धनुर्धरा ॥ ५७ ॥

हणौनि तूं हें जाण । हें मुखदुःखासी चि कारण ।

एथ ज्ञने अंतष्करण । रिगों देंसि ॥ ५८ ॥

तूं गुणत्रयातें अन्हेरीं । मां मांशें हें न करीं ।

एक आत्मसुख आंतरीं । विसंभ ना ॥ ५९ ॥

यावानर्थ उदपाने सर्वतः संप्लुतोदके ।

तावान् सर्वेषु वेदेषु ब्राह्मणस्य विजानतः ॥ ४६ ॥

जन्हें वेदें बहुत बोलिलें । विविध भेद सूचिले ।

तन्हीं आपण हित आपुलें । तें चि वेपे ॥ ६० ॥

जैसें प्रकटलेयां गभस्ती । अशेष ही मार्ग दीसति ।

तरि तेतुके ही काइ चालिजति । सांघें मज ॥ ६१ ॥

कां उदकमय सकल । जन्हीं जालें असे महीतल ।

तन्हीं आपण वेपे केवल । आर्त्ति चि जोगें ॥ ६२ ॥

तैसें ज्ञानिये जे होंति । ते वेदार्थते विचारिति ।
मग अपेक्षीत स्वीकरीति । ससार जे ॥ ६३ ॥

कर्मण्येवाधिकारस्ते मा फलेषु कदाचन ।

मा कर्मफलहेतुर्भूर्मा ते संगोऽस्त्वकर्मणि ॥ ४७ ॥

हणौनि आईकै पार्था । इया चि परी पढ़ातां ।
तुज उचित होये आतां । स्वकर्म हे ॥ ६४ ॥
आह्मीं समस्त ही विचारिले । तव ऐसें चि हे मनां आले ।
जे न संडिजे तुआं आपुले । विहित कर्म ॥ ६५ ॥
परि कर्मफलीं आश न करावी । आणि कुकर्मों संगति न व्हावी ।
हे सत्क्रियां चि आचरावी । हेतूविण ॥ ६६ ॥

योगस्थः कुरु कर्माणि संगं त्यक्त्वा धनंजय ।

सिद्ध्यसिद्ध्योः समो भूत्वा समत्वं योग उच्यते ॥ ४८ ॥

तूं योगयुक्त होउनि । फलाचा संगु सांडुनि ।
मग अर्जुना चित्त देउनि । करि कर्म ॥ ६७ ॥
परि आदरिले कर्म दैवें । जन्हीं समासितें न पवे ।
तन्हीं विशेषें तेथ न तोषावें । हे इ नको ॥ ६८ ॥
कां निमित्तें कारणें पकें । ते सिद्धी न वचत ठाकें ।
तन्हीं तेथिचेनि अपरितोषें । क्षोभावें ना ॥ ६९ ॥
आचरतां सिद्धी गेलें । तरि काजा चि कीर आलें ।
परि ठेलेया हीं सगुण जालें । ऐसें चि मानों ॥ ७० ॥
देखें जेतुलालें कर्म निफजे । तेतुलालें आदिपुरुषीं जरि अर्पिजे ।
तरि परिपूर्ण ते साहाजें । जालें जाणें ॥ ७१ ॥
आगा संतासंतीं कर्मी । जे सरिसेपण मनोधर्मी ।
हे चि योगस्थिति उत्तमी । प्रसंसिजे ॥ ७२ ॥

दूरेण ह्यवरं कर्म बुद्धियोगाद्धनंजय ।

बुद्धौ शरणमन्विच्छ कृपणाः फलहेतवः ॥ ४९ ॥

अर्जुना समत्व चित्तार्थे । तें चि सार जाण योगार्थे ।
जेथ मना आणि बुद्धिचें । ऐक्य आथि ॥ ७३ ॥

बुद्धियुक्तो जहातीह उभे सुकृतदुष्कृते ।

तस्माद्योगाय युज्यस्व योगः कर्मसु कौशलं ॥ ५० ॥

तो बुद्धियोग विवरितां । बहुवें पाडें पार्था ।

दीसे हा आरौता । कर्मभाग ॥ ७४ ॥

परि तें चि कर्म आचरिजे । तरी चि हा योग पात्रिजे ।

जें कर्मशेष साहाजें । योगस्थिति ॥ ७५ ॥

हणौनि बुद्धियोग सधर । तेथ अर्जुना होई थार ।

मनें करीं अन्हेर । फलें हेतुचा ॥ ७६ ॥

कर्मजं बुद्धियुक्ता हि फलं त्यक्त्वा मनीषिणः ।

जन्मबन्धविनिर्मुक्ताः पदं गच्छन्त्यनामयं ॥ ५१ ॥

हणौनि जे बुद्धियोगें ओजले । ते चि पारंगत जाले ।

एहीं उभयबंधीं सांडिलें । पापपुण्यां ॥ ७७ ॥

ते कर्मीं तरि वर्तति । परि कर्मबंधा नाकलति ।

आणि यातायात लोपति । अर्जुना तेयां ॥ ७८ ॥

मग निरामयभरित । पावति पद अच्युत ।

ते बुद्धियोगयुक्त । धनुर्दरा ॥ ७९ ॥

यदा ते मोहकलिलं बुद्धिर्व्यतितरिष्यति ।

तदा गन्तासि निर्वेदं श्रोतव्यस्य श्रुतस्यच ॥ ५२ ॥

तू ऐसा तें होंसी । जें मोहाते येया सांडिसी ।

आणि वैराग्य मानसीं । संचरैल ॥ ८० ॥

मग निष्कलंक गहन । उपजैल देखें ज्ञान ।

तेणें निचाड होईल मन । आपसैं तूझें ॥ ८१ ॥

तेथ आणिक काहीं जाणवें । कां मागिलतें स्मरावें ।

हें अर्जुना आववें । पारखैल ॥ ८२ ॥

श्रुतिविप्रतिपन्ना ते यदा स्थास्यति निश्चला ।

समाधावचला बुद्धिस्तदा योगमवाप्स्यसि ॥ ५३ ॥

इन्द्रियांचिया संगती । जो प्रसर होंतुसे मती ।

ते स्थिर होईल माघौती । आत्मरूपी ॥ ८३ ॥

समाधिसुखी केवल । जें बुद्धि होईल निश्चल ।

तैं पावसी तूं सकल । योगस्थिति ॥ ८४ ॥

अर्जुन उवाच ॥

स्थितप्रज्ञस्य का भाषा समाधिस्थस्य केशव ।

स्थितधीः किम्प्रभाषेत किमासीत ब्रजेत किम् ॥ ५४ ॥

तेथ अर्जुनु ह्मणे देवा । हा चि अभिप्राउ आघवा ।

मी पूसैन आतां सांघावा । कृपानिधि ॥ ८५ ॥

मग अच्युतु ह्मणे मुखें । जें किरीटी तुज नीकें ।

तें पूस पां उन्मेखें । मनाचेनि ॥ ८६ ॥

एयां बोला पार्थ । ह्मणितलें सांघा कृष्णातें ।

काइ ह्मणिजे स्थितप्रज्ञातें । उल्लखों केवि ॥ ८७ ॥

आणि स्थिरबुद्धि ह्मणिजे । तो कैसां चिन्ह जाणिजे ।

जो समाधिसुख भुंजे । अखंडितु ॥ ८८ ॥

तो कवणी स्थिती असे । कैसेनि रूपीं विलसे ।

देवा सांघावें हें ऐसें । लक्ष्मीपती ॥ ८९ ॥

श्रीभगवानुवाच ॥

प्रजहाति यदा कामान्सर्वान्पार्थ मनोगतान् ।

आत्मन्येवात्माना तुष्टः स्थितप्रज्ञस्तदोच्यते ॥ ५५ ॥

तथं परब्रह्मअवतरणु । पडुणाधिकरणु ।

तो काइ तेथ नारायणु । बोलत असे ॥ २९० ॥

ह्मणे अर्जुना तरि परियसैं । हा अभिलाषु प्रौढ मानसीं ।

जो अंतराउ स्वमुखेंसीं । करीत असे ॥ ९१ ॥

सर्वदा नित्यतृप्त । ते तरि अंतष्करण भरित ।
 परि विषयांमाक्षि पतीत । जेणें संगें कीजे ॥ ९२ ॥
 तो कामु सर्वथा जाये । आत्मतोषी ननें राहे ।
 तो चि स्थितप्रबुद्ध होये । पुरुषु जाणें ॥ ९३ ॥

दुःखेष्वनुद्विग्नमनाः सुखेषु विगतस्पृहः ।

वीतरागभयक्रोधःस्थितधीर्मुनिरुच्यते ॥ ५६ ॥

नाना दुःखीं प्राप्तीं । जेया उद्वेगु नाहिं चित्ति ।
 आणि सुखाचिया आत्तीं । अडचिजेना ॥ ९४ ॥
 हे अर्जुनां तेयांचां ठांड । कामक्रोध साहाजे नाहिं ।
 आणि भयातें नेणें कहीं । परिपूर्ण तो ॥ ९५ ॥
 ऐसा जो निरवधी । तो जाण पां स्थिरबुद्धि ।
 तो मुनि उपाधि— । भेदहीनु ॥ ९६ ॥

यः सर्वज्ञानभिस्नेहस्तत्तत्प्राप्य शुभाशुभम् ।

नाभिनन्दति न द्वेष्टि तस्य प्रज्ञा प्रतिष्ठिता ॥ ५७ ॥

जो सर्वत्र सदा सरिसा । परिपूर्ण कां चंद्रु जैसा ।
 अधमोत्तमप्रकाशा । माक्षि न ह्मणे ॥ ९७ ॥
 ऐसी अविच्छिन्न समता । भूतमात्रीं सदयता ।
 आणि पालटु नाहीं चित्ता । कव्हणी कालीं ॥ ९८ ॥
 गोमटें काहिं पावे । तरि संतोषें तेणें नाभिभवे ।
 जो अखटेनि नांगवे । विषादासि ॥ ९९ ॥
 ऐसा हर्षशोकरहितु । जो आत्मबोधें भरितु ।
 तो जाण पां प्रज्ञायुक्त । धनुर्द्धरा ॥ १०० ॥

यदा संहरते चायं कूर्मो गानीव सर्वशः ।

इन्द्रियाणीन्द्रियार्थेभ्यस्तस्य प्रज्ञा प्रतिष्ठिता ॥ ५८ ॥

आतां अर्जुना आणिक हि एक । सांघेन आइकें कवतीक ।
 जें विषयांतें साधक । लेजीति नियमें ॥ १ ॥

देखैं कूर्माचिया परी । उवाइला अवयव पसरी ।

ना तरि इछावसैं आवरी । आपणपां चि ॥ २ ॥

तैसिं इंद्रियें आपैतीं होंति । जेयाचें हाणियें करिति ।
तेयाची प्रज्ञा जाणें स्थिति । पातली असे ॥ ३ ॥

विषया विनिवर्त्तते निराहारस्य देहिनः ।

रसवर्जं रसोप्यस्य परं दृष्ट्वा निवर्त्तते ॥ ५९ ॥

श्रोत्रादि इंद्रियें धरिति । परि रसनेसि नियमु न करिति ।

तेथ सहस्रधा कबलिजति । विषइं इहीं ॥ ४ ॥

जैसी वरिवरि पालवी खुडिजे । आणि मूर्ली उदक घालिजे ।

तारि कैसेनि नाशु निफजें । वृक्षा तेया ॥ ५ ॥

तो उदकाचेन बलें अधिकें । जैसा आडवेन आंगें फाकें ।

तैसा मानसीं विषो पोखे । रसद्वारे ॥ ६ ॥

एरा इंद्रियां विखो तूटे । तैसा नियमूं नैये रसु हटे ।

जें जीवित हें न घटे । एणेंविण ॥ ७ ॥

मग अर्जुना स्वभावें । हा ही नियमातें पावे ।

जें परब्रह्म अनुभवें । होउनि जाइजे ॥ ८ ॥

तैं शरीरभाव नाशति । इंद्रियें विषय विसरती ।

जें सोहंभावप्रतीती । प्रकट होये ॥ ९ ॥

यन्हवि तन्हैं अर्जुना । हें आया नैये साधना ।

जे राहटताति जतना । निरंतर ॥ ३१० ॥

यततोह्यपि कौंतेय पुरुषस्य विपश्चितः ।

इंद्रियाणि प्रमार्थानि हरंति प्रसभं मनः ॥ ६० ॥

जे हातें अभ्यासाची घरटी । यमनियमाची ताटी ।

जे मनातें यया मूठी । धरुनि असति ॥ ११ ॥

तेही कीजति कासाविसी । एया इंद्रियांची प्रौढि ऐसी ।

जैसी मंत्रज्ञानें विव्रंमी । भूलवी कां ॥ १२ ॥

देखै विषय हे तैसे । पावति ऋद्धिचेनि मीसे ।
मग आकलिति स्पर्शे । इंद्रियांचेन ॥ १३ ॥
तिंये संधी मन जाये । मग अभ्यासीं ठोंठावला ठाये ।
ऐसें बलिकटपण आहे । इंद्रियांचें ॥ १४ ॥

तानि सर्वाणि संयम्य युक्त आसीत मत्परः ।

वशे हि यस्येन्द्रियाणि तस्य प्रज्ञा प्रतिष्ठिता ॥ ६१ ॥

हणौनि आइकै पार्था । एयातें निर्दली जो सर्वथा ।
सर्व विषय आस्था । सांझूनियां ॥ १५ ॥
तो चि तूं जाण । योगनिष्ठेसि कारण ।
जेयाचें विषयें मुखें अंतष्करण । झांकवे चि ना ॥ १६ ॥
तो आत्मबोधयुक्त । होउनि असे संततु ।
जो मार्ते हृदया आंतु । विसंभे ना ॥ १७ ॥
यन्हवि बाहें विषय तरि नाही । परि मानसीं होईल जरि काहीं ।
तरि साद्यंतू चि हा पाहीं । संसारु असे ॥ १८ ॥
जैसा कां विषाचा लेसु । घेतलेया होये बहुवसु ।
मग निभ्रांतु करी नाशु । जीवितासि ॥ १९ ॥
तैसी एयां विषयांची शंका । मनीं वाहाती देखां ।
घातु करी अशेषां । विवेकजातां ॥ २० ॥

ध्यायतो विषयान्पुंसः संगस्तेषूपजायते ।

संगात्संजायते कामः कामात्क्रोधोभिजायते ॥ ६२ ॥

जरि हृदयं विषयस्मृति । तरि निःसंगा ही आपजे संगति ।
संगीं प्रकटे मूर्ति । अभिलाषाची ॥ २१ ॥

जथ कामु उपनूला । तेथ क्रोधु आदिं चि आला ।
क्रोधीं असे ठेवला । संमोहो जाणें ॥ २२ ॥

क्रोधाद्भवति संमोहः संमोहात्स्मृतिविभ्रमः ।

स्मृतिभ्रंशाद्बुद्धिनाशो बुद्धिनाशात्प्रणश्यति ॥ ६३ ॥

संमोहा जाली व्यक्ति । तरि नाशु पावे स्मृती ।
चंड वातें ज्योति । आहत जैसी ॥ २३ ॥
मग अज्ञानांध केवल । तेणें आप्तविजे सकल ।
तेथ बुद्धि होये व्याकुल । हृदयामाझि ॥ २४ ॥
कां अस्तमानां निशि । जैसी सूर्यतेजातें ग्रसी ।
तैसी दशा स्मृतिभ्रंशीं । प्राण्यांसि ॥ २५ ॥
जैसी जालंधा पलणि पावे । मग तें काकुलती सैरा धावे ।
तैसे बुद्धीसि होति भवे । धनुर्दरा ॥ २६ ॥
ऐसा स्मृतिभ्रंशु घडे । मग सर्वथा बुद्धि अवघडे ।
तेथ समूल हें उपडे । ज्ञानजात ॥ २७ ॥
चैतन्याचां भ्रंशीं । शरीरा दशा जैसी ।
क्षि तैसें पुरुषा बुद्धिनाशीं । होये देखें ॥ २८ ॥
हाणौनि आइकें अर्जुना । जैसा विस्फुलिंगु लागे इंधना ।
मग तो प्रोढु जाला त्रिभुवना । पुरों शके ॥ २९ ॥
तैसें विषयांचें ध्यान । जरि विपायें वाहे मन ।
तरि एसणें हें पतन । गिरसीत पावें ॥ ३० ॥

रागद्वेषवियुक्तैस्तु विषयानिन्द्रियैश्चरन् ।

आत्मवश्यैर्विधेयात्मा प्रसादमधिगच्छति ॥ ६४ ॥

हाणौनि विषय आववे । सर्वथा मनौनि सांडावे ।
मग रागद्वेष स्वभावे । नाशतील ॥ ३१ ॥
पार्था आणिक ही एक । जरि नाशले हे रागद्वेष ।
तरि इंद्रियां विषय बाधक । रमतां नाहीं ॥ ३२ ॥
जैसा सूर्य आकाशगतु । रश्मिकरीं जगातें स्पर्शतु ।
तरि संगदोषें काइ लिपतु । तेथिचेनि ॥ ३३ ॥
तैसा इंद्रियार्थी उदासीनु । आत्मरसें चि निर्भिन्नु ।
जो कामक्रोधविहीनु । होउनि असे ॥ ३४ ॥

तेया विश्वि आणिक काहीं । एक आपणपें वांचूनि नाही ।
 तरि विषय कवण काइ । बाधिति तेया ॥ ३५ ॥
 जरि उदकें उदकीं बुडीजे । कां अग्नी आगि पोलिजे ।
 तरि विषयसंगीं आकलिजे । परिपूर्ण तो ॥ ३६ ॥
 ऐसा आपण चि केवल । होउनि असे निश्चल ।
 तेयाची प्रज्ञा अचल । निभ्रांत मानीं ॥ ३७ ॥

प्रसादे सर्वदुःखानां हानिरस्योपजायते ।

प्रसन्नचेतसो ह्याशु बुद्धिः पर्यवतिष्ठते ॥ ६४ ॥

देखैं अखंडित प्रसन्नता । आथि जेथ चित्ता ।
 तेथ रिगणें नाहीं समस्तां । संसारदुःखां ॥ ३८ ॥
 जैसा अमृताचा निर्झर । प्रसवे जेयाचा जठर ।
 तेया क्षुधेतृषेचा अडदर । कहिं चि नाहिं ॥ ३९ ॥
 तैसें हृदय प्रसन्न होये । तरि दुःख कैचें कें आहे ।
 तेथ आपैसी बुद्धि राहे । परमात्मरूपीं ॥ ४० ॥
 जैसा निर्वातिचा दीपु । सर्वथा नेणे कंपु ।
 तैसा स्थिरबुद्धि स्वस्वरूपु । योगयुक्ती ॥ ४१ ॥

नास्ति बुद्धिरयुक्तस्य न चायुक्तस्य भावना ।

न चाभावयतः शान्तिरशान्तस्य कुतः सुखम् ॥ ६६ ॥

इथे युक्तीची कडसणी । नाहिं जेयाचां अंतःकरणीं ।
 तो आकलिला जाण गुणी । विषयादिकिं ॥ ४२ ॥
 तेया स्थिर बुद्धि पार्या । कहिं चि नाहिं सर्वथा ।
 आणि स्थैर्याची आस्था । ते ही नुपजे ॥ ४३ ॥
 निश्चलत्वाची भावना । जरि नव्हे चि देखैं मना ॥
 तरि शांति केवि अर्जुना । आपु होये ॥ ४४ ॥
 आणि जेथ शांतिचा जीवाला नाही । तेथ मुख विसरौनि न रिगे कहीं ।
 जैसा पापियांचां ठांड । मोक्षु न वसे ॥ ४५ ॥

देखैं अग्नोमाक्षि घापति । तियें बीजें जारि विरुढति ।
तारि अशांता सुखप्राप्ति । घडों शके ॥ ४६ ॥

इंद्रियाणां हि चरतां यन्मनोनुविधीयते ।

तदस्य हरति प्रज्ञां वायुर्नावमिवांभसि ॥ ४७ ॥

हणौनि अयुक्तपण मनाचें । तें चि सर्वस्व दुःखाचें ।
एया कारणें इंद्रियांचें । दमन नीकें ॥ ४७ ॥
इयें इंद्रियें जें जें हणति । तें तें चि जे पुरुष करिति ।
ते तरले चि न तरति । विषयसिंधु ॥ ४८ ॥
जैसी नाव थडी पावतां । वारिपडो होये दुर्वाता ।
तारि चूकला ही माघौता । अगाउ पावे ॥ ४९ ॥
तैसीं प्राप्तें हीं पुरुषें । इंद्रियें लालिलें जारि कवातेकें ।
तारि आक्रमिला देहदुःखें । संसारिकें ॥ ५० ॥

तस्माद्यस्य महाबाहो निगृहीतानि सर्वशः ।

इंद्रियाणीन्द्रियार्थेभ्यस्तस्य ब्रह्मा प्रतिष्ठिता ॥ ५१ ॥

हणौनि आपुलीं आपणपेया । जारि इंद्रियें येति आया ।
तारि आणिक ही काहीं धनंजया । सार्थक असे ॥ ५१ ॥
ऐसीं इंद्रियें आपैतीं होंति । जेयाचें हणितलें हणियें करिति ।
तेयाची प्रज्ञा जाणें स्थिती । पातली असे ॥ ५२ ॥

या निशा सर्वभूतानां तस्यां जागर्ति संयमी ।

यस्यां जाग्रति भूतानि सा निशा पश्यतो मुनेः ॥ ५३ ॥

आतां आणिक ही एक गहन । पूर्णाचें चिन्ह ।
अज्जुना तुज सांचेन । परियस पां ॥ ५३ ॥
देखैं भूतजात निदेलें । जेथ तें चि जेया पाहालें ।
आणि जीव जेथ चेडले । तेथ निद्रितु जो ॥ ५४ ॥
तो चि तो निरुपाधि । अज्जुना स्थिरबुद्धि ।
तो चि जाणें निरवधि । मुनीश्वर ॥ ५५ ॥

आपूर्यमाणमचलप्रतिष्ठं समुद्रमापः प्रविशंति यद्वत् ।
तद्वत्कामा यं प्रविशंति सर्वे स शान्तिमाप्नोति न कामकामी ॥७०॥

पार्था आणिकि ही परीं । तो जाणों येईल अवधारीं
जैसी अक्षोभता सागरीं । अखंडीत ॥ ५६ ॥
जन्हीं सारिता उभ्व समस्त । परिपूर्ण होउनि मिलत ।
तन्हीं अधिकु नव्हे इषत् । मर्यादा न संडी ॥ ५७ ॥
ना तारि ग्रीष्मकालीं सारिता । शोषौनि जांति सर्वथा ।
पर्यथा पारि न्यून नव्हे पार्था । समुद्र जैसा ॥ ५८ ॥
तैसा प्राप्ति ऋद्धिसिद्धिं । तेयासि क्षोभु नाही बुद्धी ।
आणि न पवतां न बाधी । अधृति तेयातें ॥ ५९ ॥
साधें सूर्याचां घरीं । काइ प्रकाशु वातिवेन्हीं ।
किं न लविजे चि तरि आंधारीं । कोंडैल तो ॥ ६० ॥
देखें रिद्धी चि तिया परीं । आली गेली से न करी ।
तो विगुंतला असे आंतरां । महासुखें ॥ ६१ ॥
जो आपुलेनि नागरपणें । इंद्रभवना पावलें ह्मणे । ६१ पुरातें पावले
तो रंजे केवि पालिवणें । मिलांचेनि ॥ ६२ ॥
जो अमृतासि ठी ठेवी । तो कांजी जैसा न सेवी ।
तैसा स्वसुखानुभवीं । न भोगी रुद्धी ॥ ६३ ॥
पार्था हें नवल पाहीं । जेथ स्वर्गसुख लेखणिये नाहीं ।
तेथ रिद्धिसिद्धी इथा काइ । प्राकृता होंति ॥ ६४ ॥

विहाय कामान्यः सर्वान्पुमांश्चरति निस्पृहः ।

निर्ममो निरहंकारः स शान्तिमधिगच्छति ॥७१॥

ऐसा आत्मबोधें तोषला । जो परमानंदें पोखला ।
तो चि स्थिरप्रभु भला । बोलख तूं ॥ ६५ ॥
तो अहंकारातें जिणौनि । सकल कामना सांडूनि ।
विचरे विश्व होउनि । विश्वामाप्ति ॥ ६६ ॥

एषा ब्राह्मी स्थितिः पार्थ नैनां प्राप्य विमुह्यति ।

स्थित्वास्यामन्तकालेपि ब्रह्मनिर्वाणमृच्छति ॥ ७२ ॥

हे ब्रह्मस्थिति निःसीम । जे अनुभवितां निष्काम ।

पातले परब्रह्म । अनायासे ॥ ६७ ॥

चिद्रूपि मिलतां । देहांतिची व्याकुलता ।

आड ठाकों न शके चित्ता । आज्ञां जिया ॥ ६८ ॥

ते चि हे स्थिति । स्वमुखें श्रीपति ।

सांघतसे अर्जुनाप्रति । संजयो ह्मणे ॥ ६९ ॥

ऐसें कृष्णवाक्य आइकिलें । तेथ अर्जुन मनीं ह्मणितलें ।

आतां आमचेया चि काना आलें । उपपत्ती इया ॥ ३७० ॥

जें कर्मजात आघवें । एथ निराकारिलें देवें ।

तरि पाउखलें मियां जूझावें । ह्मणौनियां ॥ ७१ ॥

ऐसा अच्युताचेया बोल । चित्ति धनुर्द्धर उवाइला ।

आतां प्रभु करील भला । शंकुनियां ॥ ७२ ॥

तो प्रसंगु असे नागर । जो सकल धर्मासि आगर ।

किं विवेकामृतसागर । प्रांतहीनु ॥ ७३ ॥

जो आपण सर्वज्ञ नाथु । निरूपिता होइल अनंतु ।

ते ज्ञानदेउ सांघैल मातु । निवृत्तिदासु ॥ ३७४ ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां योगशास्त्रे
श्रीकृष्णार्जुनसंवादे सांख्ययोगो नाम द्वितीयोऽध्यायः ॥

॥ श्रीकृष्णार्पणमस्तु ॥



ज्ञानेश्वरी

अध्याय तिसरा ⁱⁿ

अर्जुन उवाच ॥

ज्यायसी चेत्कर्मणस्ते मता बुद्धिर्जनार्दन ।

तत्किं कर्मणि घोरे मां नियोजयसि केशव ॥ १ ॥

मग, अर्जुन हणितलें । देवा तुहीं जें वाक्य बोलिलें ।

तें मियां परिसिलें । कमलापती ॥ १ ॥

तेथ कर्म आणि कर्ता । नुरे चि पल्हातां ।

ऐसें मत्त तूझे अनंता । निश्चित जरि ॥ २ ॥

तरि मातें केवि हरी । हणसि पार्था संग्रामु करीं ।

इये लाजसि ना घोरीं । कमीं सूतां ॥ ३ ॥

हां गा तूं चि कर्म अशेष । निराकरिसि निःशेष ।

आणि मजकरविं हिंसक । करवीसि कां ॥ ४ ॥

तारि हें विचारीं हृषीकेशा । तूं मानु नेंदसि कर्मलेशा ।

आणि एसणी हे हिंसा । करवीतासि ॥ ५ ॥

ब्यामिश्रेणैव वाक्येन बुद्धिं मोहयसीव मे ।

तदेकं वद निश्चित्य येन श्रेयोऽहमाप्नुयाम् ॥ २ ॥

देवा तुवां चि ऐसें बोलावें । तरि नेणतां आहीं काड करावें ।

आतां सरलें हणों आव्रवें । विवेकाचें ॥ ६ ॥

हां गा उपदेशु जरि ऐसा । तरि अपभ्रंशु तो कैसा ।
 आतां पुरला पां धिवंसा । आत्मबोधाचा ॥ ७ ॥
 वैशु पथ्य वारुनि जाये । मग विष आपण चि सुये ।
 तरि रोगिया कैसेनि जिये । सांघें मज ॥ ८ ॥
 जैसें आंधलेया अन्हांटा । कां माजवणदान मर्कटा ।
 तैसा उपदेशु हा गोमटा । उडवला आत्मां ॥ ९ ॥
 मीं आदीं चि काहीं नेणें । वरि कवलिलां मोहें एणें ।
 कृष्णा विवेकु एया कारणें । प्रसिला तूतें ॥ १० ॥
 तव तूझी एकएकि नवाई । एथ उपदेशामाक्षि गावाई ।
 तरि अनुसरलेया काई । वोर्जे सांघें ॥ ११ ॥
 आक्षि तनुमनुजीवें । तूझेया बोला उठंगवें ।
 आणि तुवां चि ऐसें बोलवें । तरि सरलें हणें ॥ १२ ॥
 आतां ऐसिया परी बोधिसी । तरि नीकें आत्मां करिसी ।
 एथ ज्ञानाची आश काइसी । अर्जुनु हणें ॥ १३ ॥
 तिये जाणित्रेचें कीरु सरलें । परि आणिक एक असे जालें ।
 जें थीतें हें डहुललें । हृदय माझें ॥ १४ ॥
 तेवि चि कृष्णा तूझें । हें चरित्र काहीं नेणिजे ।
 जरि चित्त पाहांसि माझें । एणें मीसें ॥ १५ ॥
 ना तरि झांकत्रीतु आहासि मातें । किं तत्व चि कथिलें ध्वनितें ।
 हें अवगमितां निरुतें । जाणवे ना ॥ १६ ॥
 हागौनि आइकें देवा । हा भावार्थु आतां न बोलावा ।
 मज विवेकु तो सांघावा । मन्हाटा जी ॥ १७ ॥
 मीं अलंनु जडु असें । परि ऐसा ही नीकें परिहसें ।
 कृष्णा बोलवें तुवां तैसें । एकनिष्ठ ॥ १८ ॥
 देखैं रोगातें जीणावें । अवध तरि घेयावें ।
 परि तें रुचिकर होआवें । मधुर जैसें ॥ १९ ॥

तैसें सकलार्थभरित । तत्व सांघावें उचित ।
 परि बोधे माझे चित्त । जिया परीं ॥ २० ॥
 देवा तुज ऐसा निजगुरु । आजि आर्तिची धणि कां न करूं ।
 एथ भीड कवणाची धरूं । तूं माये आमची ॥ २१ ॥
 हां गा कामधेनूचें दुभतें । आणि दैवें जालें आपैंतें ।
 तरि कामनेची कां तेथें । वाणि कीजे ॥ २२ ॥
 जरि चिंतामणि हाता चडे । तरि बांसनेचें कवण सांकडें ।
 कां आपुलेनि सुरवाडें । इछावें ना ॥ २३ ॥
 देखैं अमृतसिंधुतें टाकावें । मग ताहाना जरि फूटावें ।
 तरि सायास कां करावे । मागील ते ॥ २४ ॥
 तैसां जन्मांतरीं बहुतीं । उपासितां लक्ष्मीपती ।
 तूं दैवें आजि हातीं । जालासि जरि ॥ २५ ॥
 तरि आपुलाळिया सावेसा । कां न मगावासि परेशा ।
 देवा सुकाल हा मानसा । पाह्ल्या असे ॥ २६ ॥ हाता
 देखैं सकलार्तिचें जियालें । आणि पुण्य यशासि आलें ।
 हे मनोरथ जाले । विजई माझे ॥ २७ ॥
 जि परममंगलधामा । देवदेवोत्तमा ।
 तूं स्वाधीनु जी आह्मां । हणौनियां ॥ २८ ॥
 देखैं मातेचां ठाई । अपला अनवसरु नाहीं ।
 स्तन्यासि लागौनि पाई । जिया परीं ॥ २९ ॥
 तैसें देवा तूतें । प्रसिजत असे आवडतें ।
 आपुलेनि आर्तें । कृपानिधी ॥ ३० ॥
 तरि पारत्रिकीं हित । आणि आचरतां उचित ।
 तें सांघें एक निश्चिंत । पार्थ हणो ॥ ३१ ॥

श्रीभगवानुवाच ॥

लोकेऽस्मिन्द्विविधा निष्ठा पुरा प्रोक्ता मयानघ ।

ज्ञानयोगेन सांख्यानां कर्मयोगेन योगिनाम् ॥ ३ ॥

तत्र येया बोला अच्युत । सांघेन हणे विस्मितु ।

अर्जुना परिसैं हा ध्वनितु । अभिप्राउ ॥ ३२ ॥

जें बुद्धियोगु सांगतां । सांख्यमतसंस्था ।

प्रकटिली स्वभावता । प्रसंगें आहीं ॥ ३३ ॥

तो उद्देशु तूं नेणसी चि । हणौनि क्षोभलासि वायां चि ।

तरि जाणैं आतां मियां चि । उक्ता दोन्हीं ॥ ३४ ॥

अवधारीं वीरश्रेष्ठा । इये लोकां इया दोन्हीं निष्ठा ।

मज चि पासौनि प्रकटा । अनादिसिद्धा ॥ ३५ ॥

एक ज्ञानयोगु हणिजे । तो सांख्य अनुष्ठिजे ।

जेथ बोलखीसर्वे पाविजे । तद्रूपता ॥ ३६ ॥

एक कर्मयोगु जाण । जेथ साधकजन निपुण ।

होउनियां निर्वाण । पावति वेले ॥ ३७ ॥

हे मार्ग तरि दोन्हीं । परि एकव्रिष्टति निदानी । ७

जैसी सिद्धसाध्यभोजनीं । तृप्ति एकि ॥ ३८ ॥

कां पूर्वापर सरिता । भिन्ना दीसति पल्हातां ।

मग सिंधुमिलणीं ऐक्यता । पावति शेषीं ॥ ३९ ॥

तैसीं दोन्हीं इयें मते । सूचीति एका चि कारणार्ते ।

परि उपास्ति ते योग्यते । अधीन असे ॥ ४० ॥

देखैं उत्पवनासारिसा । पक्षिया फलासि झोंवे जैसा ।

सांघें नरु केवि तैसा । पावे वेगें ॥ ४१ ॥

तो हळहळ ढालें । केतुकेनि एके वेले ।

मार्गाचेनि बलें । निश्चित टाकी ॥ ४२ ॥

देखना तैसैं विहंगममते । अधिष्टूनि ज्ञानाते ।
 सांख्य सद्य मोक्षाते । आकलित ॥ ४३ ॥
 एर योगिये कर्माधारे । विहिते चि निजाचारे ।
 पूणता अवसरें । पावते होति ॥ ४४ ॥

* न कर्मणामनारंभाच्चैकर्म्यं पुरुषोऽश्नते ।

न च संन्यासनादेव सिद्धिं समाधेयच्छति ॥ ४ ॥

वांचूनि कर्मरंभ उचित । न करितां सिद्धवत ।
 कर्महीना निश्चित । होइजे ना ॥ ४५ ॥
 कां प्राप्त कर्म सांडिजे । एतुलेनि नैष्कर्म्या होइजे ।
 हें अर्जुना वायां चि बोलिजे । मूर्खपणें ॥ ४६ ॥
 सांधें पैल तीरा जावें । ऐसैं व्यसन जेय पावे ।
 तेथ नावेतें त्यजावें । घडे केवि ॥ ४७ ॥
 ना तरि तृप्ति इछिजे । तरि कैसेनि पाकु न कीजे ।
 कां सिद्ध ही न सेविजे । केवि सांधें ॥ ४८ ॥

न हि कश्चित्क्षणमपि जातु तिष्ठत्यकर्मकृत् ।

* कार्यते ह्यवशः कर्म सर्वः प्रकृतिजैर्गुणैः ॥ ५ ॥

जवं निरार्त्तता नाही । तवं व्यापारु असे पाइ ।
 मग संतुष्टिचां ठां । कुटे साहाजें ॥ ४९ ॥
 ह्यणौनि आइकें पार्था । जेया नैष्कर्म्यपदी आस्था ।
 तेया उचित कर्म सर्वथा । त्याज्य नोहे ॥ ५० ॥
 आणिक आपुलिये चाडे । गा आपादिलें हें मांडे ।
 किं त्यजिलें कर्म सांडे । ऐसैं आहे ॥ ५१ ॥
 हें वायां चि सैरा बोलिजे । उकलु तरि देखों पाहिजे ।
 परि त्यजितां कर्म न त्यजे । निभ्रान्त मानी ॥ ५२ ॥
 जवं प्रकृतिचें अधिष्ठान । तवं सांडि मांडि हें अज्ञान ।
 जे चेष्टा ते गुणाधीन । आपैसी असे ॥ ५३ ॥

देखैं विहित कर्म जेतुलें । तें सकल जन्हैं उभसंडिलें ।
 तारि स्वभाव काइ निमाले । इंद्रियांचे ॥ ५४ ॥
 साधैं श्रवणें आइकों ठेलें । किं नेत्रांचें तेज गेलें ।
 हें नासारंध्र बुजालें । परिमलु नेघे ॥ ५५ ॥
 कां प्राणपानगती । खलन जालें इयें मती ।
 किं क्षुधातृषादि आर्त्ता । खुंटलिया ॥ ५६ ॥
 हे स्वभावबोध ठेले । किं चरण चालों विसरले ।
 हें असो काइ निमाले । जन्ममृत्यू ॥ ५७ ॥
 हें न टके चि जरि पाई । तारि सांडिलें एथ काई ।
 लणौनि कर्मासि त्यागु नाहीं । प्रकृतिर्मतां ॥ ५८ ॥ १
 कर्म परार्थीनपणें । निफजतसे प्रकृतिगुणें ।
 एरि धरी मेकली अंतःकरणें । वाहिजे वायां ॥ ५९ ॥
 देखैं रथीं आरुढां होइजे । मग जन्हें निश्चलां बैसिजे ।
 तन्हें चलां होउनि हींडिजे । परतंत्रता ॥ ६० ॥
 कां उचललें वायुवसें । शुक्लें पत्र जैसें । शुक्लें
 निश्चेष्ट आकाशें । परिभ्रमें ॥ ६१ ॥
 तैसें प्रकृति आधारें । कर्मेद्रियें विकारें ।
 नैष्कर्म्य हीं व्यापारे । निरंतर ॥ ६२ ॥
 लणौनि संगु जवं प्रकृतिचा । तवं त्यागु न घडे कर्माचा ।
 एथ करूं लणति तेयांचा । आग्रहो चि उरे ॥ ६३ ॥
 कर्मेद्रियाणि संयम्य य आस्ते मनसा स्मरन् ।
 इंद्रियार्थान्निमूढात्मा मिथ्याचारः स उच्यते ॥ ६४ ॥
 जे उचित कर्म सांडिति । मग नैष्कर्म्य हों पाहांति ।
 पारि कर्मेद्रियप्रवृत्ति । निरुधुनि ॥ ६४ ॥
 तेयां कर्मत्यागु न घडे । जें कर्तव्य मनीं सांपडे ।
 वारि नटति ते कुडें । दारिद्र जाण ॥ ६५ ॥

ऐसे ते पार्था । विषयासक्त सर्वथा ।

उल्लाखावे अन्यथा । भ्रांति नाहीं ॥ ६६ ॥

यस्त्विन्द्रियाणे मनसा नियम्यारभतेऽर्जुन ।

कर्मेन्द्रियैः कर्मयोगमसक्तः स विशिष्यते ॥ ७ ॥

आतां देइ अवधान । प्रसंगें तुज सांघेन ।

एया निराशाचें चिन्ह । धनुर्द्वरा ॥ ६७ ॥

जो आंतरीं दृढ । परमात्मरूपीं गूढ ।

बाह्ये तारि रूढ । लौकिकु जैसा ॥ ६८ ॥

जो इंद्रियां आज्ञा करी । विषयांचें भय न धरी ।

प्राप्त कर्म नव्हेरी । उचित जें जें ॥ ६९ ॥

कर्मेन्द्रियें कर्मी । राहटतां तारि नियमी ।

परि तेथिचिया उर्मी । झांकोले ना ॥ ७० ॥

जो कामनामात्रें न घेपे । मोहमलें न लिपे ।

जैसें जलीं जलें न सिंपे । पद्मपत्र ॥ ७१ ॥

तैसा संसर्गमाजि असे । सकलांसारिखा दीसे ।

जैसें तोयसंगें आभासे । भानुबिंब ॥ ७२ ॥

तैसा सामान्यत्वे पाहिजे । तारि साधारणू चि देखिजे ।

यन्हवि निर्द्धारितां नेणिजे । सोय जेयाची ॥ ७३ ॥

ऐसा चिन्हि चिन्हतु । देखसी तो चि मुगुतु ॥

आशापाशरहितु । उल्लख पां ॥ ७४ ॥

अर्जुना तो चि गा योगी । विशेषिजे जर्गी ।

हणौनि ऐसा होथे ययालागि । हणिपें तूतें ॥ ७५ ॥

नियतं कुरु कर्म त्वं कर्म ज्यायो ह्यकर्मणः ।

शरीरयात्रापि च ते न प्रसिद्ध्येदकर्मणः ॥ ८ ॥

तूं मानसासि नियमु करीं । निश्चल होउनि आंतरीं ।

मग कर्मेन्द्रियें व्यापारीं । वर्ततु सुखें ॥ ७६ ॥

ह्यणसि निष्कर्मा जरि होवावें । तरि येथ तें न संभवे ।
आणि निषिद्ध केविं राहाटावें । विचारि पां ॥ ७७ ॥
ह्यणौनि जें जें उचित । आणि अवसरें करुनि प्राप्त ।
तें कर्म हेतुरहित । आचार तूं ॥ ७८ ॥

पार्था आणिक ही एक । नेणसि तूं कवतिक ।
जैसें कर्म चि मोचक । आपैसें असे ॥ ७९ ॥
देखैं अनुक्रमाधारें । धर्म जो आचरे ।
तो मोक्षु तेणें व्यापारें । निश्चित पावे ॥ ८० ॥

यज्ञार्थात्कर्मणोऽन्यत्र लोकोऽयं कर्मबंधनः ।

तदर्थं कर्म कौन्तेय मुक्तसंगः समाचर ॥ ९ ॥

स्वधर्म जो बापा । तो नित्ययज्ञ जाण पां ।
ह्यणौनि वर्ततां तेथ पापा । संचारु नाही ॥ ८१ ॥
हा निजधर्म जें सांडे । कुकर्मी रति वडे ।
तैं चि बंधु पडे । संसारिकु ॥ ८२ ॥
ह्यणौनि स्वधर्मानुष्ठान । तें अखंड तुज यजन ।
जो करी तेया बंधन । कहीं नाही ॥ ८३ ॥
हा लोकु कर्म बांधला । जो परतंत्र असे भूतला ।
तो नित्ययज्ञातें असे चूकला । ह्यणौनियां ॥ ८४ ॥

सहायज्ञाः प्रजाः सृष्ट्वा पुरोवाच प्रजापतिः ।

अनेन प्रसवित्व्यध्वमेष वोऽस्त्विष्टकामधुक् ॥ १० ॥

आतां इये चि विखैं पार्था । तुज मी सांघेन एकि कथा ।
जें श्रिष्टि आदि संस्था । ब्रह्मेनि केली ॥ ८५ ॥
तैं नित्ययागसहितें । सृजिलीं भूतें समस्तें ।
परि नेणति चि तियें यज्ञातें । सूक्ष्मु ह्यणौनि ॥ ८६ ॥
तेव्हलि प्रजां विनविला ब्रह्मा । देवा आश्रो काइ एथ आह्वां ।
तवें तो ह्यणे कमलजन्मा । भूतां प्रति ॥ ८७ ॥

तुझां वर्णविशेषवसें । आर्ह्यां यजु स्वधर्मु विहिला असे ।
 एयातें उपासा मग आणैसें । काम पुरती ॥ ८८ ॥
 तुझीं व्रतनियम न करावे । शरीरातें न पीडावें ।
 दुरिकें हीं न वचावें । तीर्थासि गा ॥ ८९ ॥
 योगादिकें साधनें । साक्षाक्षें आराधनें ।
 मंत्रयंत्रविधानें । झनें करा ॥ ९० ॥
 देवतांतरा भजावें । हें सर्वथा न करावें ।
 स्वधर्मयज्ञ यजावें । अनायासें ॥ ९१ ॥
 अहेतुकेनि चित्तें । अनुश्रु पां एयातें ।
 पतिव्रता पतितें । जेया परीं ॥ ९२ ॥
 तैसा स्वधर्मरुपु मखु । हा चि सेव्यु तुझां येकु ।
 ऐसें सत्यलोकनाथकु । बोउता जाला ॥ ९३ ॥
 देखां स्वधर्मातें भजाल । तारि कामधेनु हा होईल ।
 ४१. यन्हविं प्रजा हा चि नाडील । तुमतें सदा ॥ ९४ ॥
 देवान्भावयतानेन ते देवा भावयंतु वः ।
 परस्परं भावयंतः श्रेयः परमवाप्स्यथ ॥ ११ ॥
 ऐणेंकरुनि समस्तां । परितोखु होईल देवतां ।
 मग ते तुझां इछितां । अर्थातें देति ॥ ९५ ॥
 एया स्वधर्मपूज्य पूजितां । देवगणां समस्तां ।
 योगक्षेमु निश्चिता । करिति तुमचा ॥ ९६ ॥
 तुझीं देवां जेया भजाल । ते देव तुझां तुष्टील ।
 ऐसी परस्परें घडेल । प्रीति जेथ ॥ ९७ ॥
 तेथ तुझीं जें करूं क्षणाल । तें आपैसें सिद्धी जाईल ।
 वांछित ही पुरैल । मानासिचें ॥ ९८ ॥
 वाचासिद्धि पावाल । आज्ञापक होआल ।
 क्षणियें तुमतें मागतील । महासिद्धि ॥ ९९ ॥

जैसें रितुपतिचें द्वार । वनश्री निरंतर ।

उल्लगे फलभार । लावण्येसीं ॥ १०० ॥

इष्टान्भोगान्हि वो देवा दास्यन्ते यज्ञभाविताः ।

तैर्दत्तानप्रदायैभ्यो यो भुङ्क्ते स्तेन एव सः ॥ १२ ॥

तैसें सर्वसुखें सहित । दैव चि मूर्तिमंत ।

एईल देखां काढत । तुझां पाठीं ॥ १ ॥

ऐसे समस्तभोगभरित । होआल तुझीं अनार्त ।

जरि स्वधर्मैकनिरत । वर्ताल बापा ॥ २ ॥

कां जालिया सकल संपदा । जो अनुसरैल इंद्रियमदा ।

लुब्ध होउनि आस्वादा । विषयांचेया ॥ ३ ॥

तिहीं यज्ञभावित्तीं सुरीं । जे हे संपत्ति दिधली पुरी ।

तिया स्वमार्गे सर्वेश्वरीं । न भजैल जो ॥ ४ ॥

अग्निमुखीं हावन । न करील देवतापूजन ।

प्राप्ते वेले भजन । ब्राह्मणाचें ॥ ५ ॥

विमुख होईल गुरुभक्ती । आदरु न करिल आतिथि ।

संतोषु नेंदील ज्ञाती । आपुल्लिए ॥ ६ ॥

ऐसा स्वधर्मक्रियारहितु । आधिलेपणें माजतु ।

केवल भोगासक्तु । होईल जो ॥ ७ ॥

तेयातें मग अपाउं थोरु होए । जेणें तें हातिचें सकल जाए ।

देखां प्राप्त ही न लाहे । भोग भोगुं ॥ ८ ॥

जैसें गतायुषे शरीरीं । चैतन्य वासु न करी ।

कां निदैवांचां मंदिरीं । न न्हाय लक्ष्मी ॥ ९ ॥

तैसा स्वधर्मु जरि लोपला । तरि सर्व सुखाचा थारां मोडला ।

जैसा दीपासवें हारतला । प्रकाशु जाए ॥ ११० ॥

तैसी निजवृत्ति जेथ सांडे । तेथ स्वतंत्रते वस्ति न घडे ।

आइकां प्रजा हो हें फुडे । विरिंची हणें ॥ ११ ॥

हणौनि स्वधर्मु जो सांडील । तेयातें काळ दंडील ।
 चोरु हणौनु हरिल । सर्वस्व तेयाचें ॥ १२ ॥
 मग सकल दोष भवेंते । गिंवसूनि घेंति तेयातें ।
 रात्रीसमैं स्मशानातें । भूतें जैसीं ॥ १३ ॥
 तैसीं त्रिभुवनिचीं दुःखें । आणिक नानाविधें पातकें ।
 दैन्यजात तेतुकें । तेथ चि वसे ॥ १४ ॥
 ऐसें होए तेया उन्मत्ता । मग न सुटे बापा रुदतां ।
 परि कल्पांति हिं सर्वथा । प्राणिगण हो ॥ १५ ॥
 हणौनि निजवृत्ति हे न संडावीं । इंदियें बरलों नेंदावीं ।
 ऐसें प्रजातें सिकवी । चतुराननु ॥ १६ ॥
 जैसैं जलचरां जल सांडे । आणि ततक्षणीं मरण घडे ।
 हा स्वधर्मु हीं तेणें पाडे । विसंभों नए ॥ १७ ॥
 हणौनि तुहीं समस्तीं । आपुलां कर्मी उचितीं ।
 निरतां होआवें हें पुढुतीं पुढुतीं । हणिपत असे ॥ १८ ॥

यज्ञाशिष्टाशिनः संतो मुच्यन्ते सर्वं किल्बिषैः ।

भुंजते ते त्वघं पापा ये पचंत्यात्मकारणात् ॥ १३ ॥

देखैं विहितक्रियाविधी । निहंतुका बुद्धी ।
 जो असतिथे समृद्धी । विनियोगु करी ॥ १९ ॥
 गुरु-गो अग्नि पूजी । अवसरें भजे द्विजीं ।
 निमित्तादिकीं यजी । पितरोद्देशें ॥ २० ॥
 इया यज्ञक्रिया उचिता । यज्ञेंसीं हवन करितां ।
 हुतशेष स्वभावता । उरे जें जें ॥ २१ ॥
 तें सुखें आपुलां घरीं । कुटुंबेंसीं भोजन करी ।
 किं भोग्य चि ते निवारी । कल्मषातें ॥ २२ ॥
 तें यज्ञावशिष्ट भोगी । हणौनि सांडिजे गा तो अर्घी ।
 जिया परीं महारोगी । अमृतसिद्धि ॥ २३ ॥ ॥ ॥

कां तत्त्वनिष्ठ जैसा । ना गवे भ्रातिलेशा ।
 तो शेष भोगी तैसा । ना कले दोषां ॥ २४ ॥
 ह्यणौनि स्वधर्मे जें जें आजें । तें स्वधर्मे चि विनियोगिजे ।
 मग उरे तें भोगिजे । संतोषेंसीं ॥ २५ ॥
 हें वांचूनि पार्था । राहाटों न ये अन्यथा ।
 ऐसी आद्य हे कथा । मुरारि सांघे ॥ २६ ॥
 जे देह चि आपणपें मानिति । आणि विषयातें भोग्य ह्यणति ।
 यथा परौते न स्मरति । आणिक कांहीं ॥ २७ ॥
 हें यज्ञोपकरण सकल । नेणत सांते बरल ।
 अहंबुद्धी केवल । भोगूं पाहांति ॥ २८ ॥
 इंद्रियरुची सारिखे । करवीति पाक नीके ।
 ते पापिये पातकें । सेविति जाणें ॥ २९ ॥
 जें संपत्तिजात आघवें । हें हवनद्रव्य मानावें ।
 मग स्वधर्मयज्ञें अर्पावें । आदिपुरुषीं ॥ ३० ॥
 हें सांडूनियां मूर्ख । आपणपेया लागि देख ।
 निफजवीति पाक । नानाविध ॥ ३१ ॥
 जिहिं यज्ञ सिद्धी जांये । परेशा संतोषु होये ।
 तें हें सामान्य अन्न नोहे । ह्यणौनियां ॥ ३२ ॥

अन्नाद्भवन्ति भूतानि पर्जन्यादन्नसंभवः ।

यज्ञान्भवति पर्जन्यो यज्ञः कर्मसमुद्भवः ॥ ३३ ॥

हें न ह्यणावें साधारण । अन्न ब्रह्मरूप जाण ।
 तें जीवनहेतू जाण । विश्वा एया ॥ ३३ ॥
 अन्नां तव भूतें । प्ररोहो पावति समस्तें ।
 मग वर्षु एया अन्नातें । सर्वत्र प्रसवें ॥ ३४ ॥
 तेया पर्जन्या यज्ञीं जन्म । यज्ञातें प्रकटी कर्म ।
 ह्यणौनि कर्मासि आदि ब्रह्म । वेदरूप ॥ ३५ ॥

कर्म ब्रह्मोद्भवं विद्धि ब्रह्माक्षरसमुद्भवं ।

तस्मात्सर्वगतं ब्रह्म नित्यं यज्ञे प्रतिष्ठितम् ॥ १५ ॥

मग वेदातें परापर । प्रसवतसे अक्षर ।

हणौनि हें चराचर । ब्रह्मबंध ॥ ३६ ॥

परि कर्माचिया मूर्ती । यज्ञीं अधिवासु श्रुती ।

आइकें सुभद्रापती । अखंड गा ॥ ३७ ॥

एवं प्रवर्तितं चक्रं नानुवर्त्तयतोह यः ।

अघायुरिन्द्रियारामो मोघं पार्थ स जीवति ॥ १६ ॥

हे ऐसी आदिपरंपरा । संक्षेपें तुज धनुर्दरा ।

सांघितली एयां अध्वरा । लागौनियां ॥ ३८ ॥

हणौनि समूळ हा उचितु । स्वधर्मरूपु क्रतु ।

ननुष्ठी जो मत्तु । लोकीं इये ॥ ३९ ॥

तो पातकांचा रासि । जाण भार भूमीसि ।

जो कुकर्म इंद्रियांसि । उपेगा गेला ॥ १४० ॥

तें जन्मकर्म सकल । अर्जुना अतिनिष्फल ।

जैसे कां अभ्रपटल । अकालिचें ॥ ४१ ॥

कां गला स्तन अजेचे । तैसें जियालें देख तेयाचें ।

जेया अनुष्ठान स्वधर्माचें । घडे चि ना ॥ ४२ ॥

हणौनि आइकें पांडवा । स्वधर्मु कन्हणीं न संडावा ।

सर्वभावे भजावा । हा चि येकु ॥ ४३ ॥

हां गा शरीर जरि जालें । तारि कर्तव्य हें ओघें आलें ।

मग उचित कां आपुलें । उन्सडावें ॥ १४४ ॥

यस्त्वात्मरतिरेवस्यादात्मतृप्तश्च मानवः ।

आत्मन्येव च संतुष्टः तस्य कार्यं न विद्यते ॥ १७ ॥

देखैं असतेनि देहधर्मे । एथ तो एकु न सिंघे कर्मे ।

जो अखंडित रमे । आपणपां ॥ ४५ ॥

जें तो आत्मबोधें तोषला । तारि कृतकार्य देखैं जाला ।
हणौनि सहजें सांडला । कर्मसंगु ॥ ४६ ॥
तृप्ति जालेयां जैसीं । साधनें सरति आपैसीं ।
देखैं आत्मतुष्टी तैसीं । कर्म नाहीं ॥ ४७ ॥

नैव तस्य कृतेनार्थो नाकृतेनेह कश्चन ।

न चास्य सर्वभूतेषु कश्चिदर्थव्यपाश्रयः ॥ १८ ॥

जवं वेरि अर्जुना । तो बोधु न भेटे मना ।
तवं चि येया साधना । भजवें लागे ॥ ४८ ॥

तस्मादसक्तः सततं कार्यं कर्म समाचर ।

असक्तो ह्याचरन्कर्म परमाप्नोति पूरुषः ॥ १९ ॥

हणौनि तूं नियतु । सकल कामरहितु ।

होउनियां उचितु । धर्म राहाट ॥ ४९ ॥

जे स्वकर्मा निष्कामता । अनुसरले गा पार्था ।

ते कैवल्य परम तत्वता । पातले जर्गी ॥ १५० ॥

कर्मणैव हि संसिद्धिमास्थिता जनकादयः ।

लोकसंग्रहमेवापि संपश्यन्कर्तुमर्हसि ॥ २० ॥

देख पां जनकादिक । कर्मजात अशेष ।

न संडितां चि मोक्षमुख । पावते जाले ॥ ५१ ॥

एया कारणें पार्था । होआवी कर्मी आस्था ।

हें आणिका ही एका अर्था । उपकरील ॥ ५२ ॥

यद्यदाचरतिश्रेष्ठस्तत्तदेवेतरो जनः ।

स यत्प्रमाणं कुरुते लोकस्तदनुवर्तते ॥ २१ ॥

जें आचरतां आपणपेया । देखि लागेल लोका येया ।

तारि चूकैल हा अपाया । प्रसंगें चि ॥ ५३ ॥

देखैं प्राप्तार्थ जाले । जे निष्कामता पातले ।

तेयां हीं कर्तृत्व असें उरलें । लोकांलागि ॥ ५४ ॥

मार्गि-अंधासरिसा । पुढां देखणा हीं चाले जैसा ।
 अज्ञा प्रकटावा धर्मु तैसा । जाणतेन ॥ ५५ ॥
 हां गा जरि ऐसें न कीजे । तरि अज्ञाना काइ वौजे ।
 तेहि कवणी परीं जाणिजे । मार्गति ॥ ५६ ॥
 एथ वडिल जें जें करिति । तेया नाव धर्मु ठेविति ।
 तो चि एर अनुष्ठिति । सामान्य सकल ॥ ५७ ॥
 हें ऐसें असे स्वभावें । ह्यणौनि कर्म न संडावें ।
 विशेषें आचरावें । लागे संतीं ॥ ५८ ॥

न मे पार्थास्ति कर्तव्यं त्रिषु लोकेषु किंचन ।
 नानवाप्तमवाप्तव्यं वर्त्त एव च कर्मणि ॥ २२ ॥
 आतां आणिकाचिया गोठी । तुज सांघों काइ किरीटी ।
 देखैं मीं चि कीं इथे राहाटी । वर्त्तत असे ॥ ५९ ॥
 काइ सांकडें काहीं मातें । किं कव्हणें येकें आतें ।
 अनुचरें मीं कर्मातें । ह्यणसि जरि ॥ ६० ॥
 तरि पुरतेपणालागि । आणिकु दुसरा नाहिं जगि ।
 ऐसी सामग्री माझां आंगीं । जाणसी तूं ॥ ६१ ॥
 पारि स्वधर्मिं वर्त्तें कैसा । साकांक्षु कां होये जैसा ।
 तेया चि एका उद्देशा । लागौनियां ॥ ६२ ॥

यदि ह्यहं न वर्त्तेयं जातु कर्मण्यतन्द्रितः ।
 मम वर्त्मानुवर्त्तते मनुष्याः पार्थ सर्वशः ॥ २३ ॥
 जें भूतजात सकल । असे आह्वां चि अधीन केवल ।
 तरि न व्हावें हे बरल । ह्यणौनियां ॥ ६३ ॥
 आर्क्षि पूर्णकाम होउनि । जरि आत्मस्थिती राहुनि ।
 तारि प्रजा हे कैसेनि । निस्तैरल ॥ ६४ ॥

उत्सीदेयुरिमे लोका न कुर्यो कर्म चेदहम् ।

संकरस्यच कर्त्ता स्यामुपहन्यामिमाः प्रजाः ॥ २४ ॥

इया आमची वास पावी । मग वर्तती परी जाणावी ।
ते लौकिकस्थिति आघवी । नाशली होईल ॥ ६५ ॥

सक्ताः कर्मण्यविद्वांसो यथा कुर्वन्ति भारत ।

कुर्याद्विद्वांस्तथासक्तश्चिकीर्षुर्लोकसंग्रहम् ॥ २५ ॥

हाणौनि समर्थु जों एथें । आणि लाणि सर्वज्ञते ।

तेणें सविशेष कर्मातें । लज्जावें ना ॥ ६६ ॥

देखें फलाचिया आशा । आचरे कां मूर्खु जैसा ।

कर्मि भरु होआवा तैसा । निराशा ही ॥ ६७ ॥

जें पुढुतीं पुढुतीं पार्था । हे सकललोकसंस्था ।

रक्षणीय गा सर्वथा । हाणौनियां ॥ ६८ ॥

मार्गाधारे वर्तावें । विश्व हें मोहरे लावावें ।

अलौकिकां नोहावें । लोकाप्रति ॥ ६९ ॥

जें सायासें स्तन्य सेवी । तें पकानें केवि जेवी ।

हाणौनि बालका जैसों नेंदावी । धनुर्द्धरा ॥ १७० ॥

न बुद्धिभेदं जनयेदज्ञानां कर्मसंगिनाम् ।

जोषयेत्सर्वकर्माणि विद्वान्युक्तः समाचरन् ॥ २६ ॥

तैसी कर्मि जेया योग्यता । तेया प्रति नैष्कर्म्यता ।

न प्रकटावी खेलतां । आदिकरुनि ॥ ७१ ॥

तेथ सत्क्रिया चि लावावी । ते चि एकि प्रशंसावी ।

नैष्कर्मि हीं दावावी । आचरौनि ॥ ७२ ॥

तेया लोकसंग्रहालागि । वर्त्ततां कर्मसंगीं ।

तौ कर्मबंधु आगीं । वाजेल ना ॥ ७३ ॥

प्रकृतेः कियमाणानि गुणैः कर्माणि सर्वशः ।

अहंकारविमूढात्मा कर्त्ताहमिति मन्यते ॥ २७ ॥

देखें पुढिलचें ओझे । जरी आपुलां माथां घेइजे ।

तरी सांवें कां न दटिजे । धनुर्द्धरा ॥ ७४ ॥

तैसीं शुभाशुभ कर्म । निफजती प्रकृतिधर्म ।
 तियें मूर्ख मतिभ्रम । मी कर्त्ता ह्यणे ॥ ७५ ॥
 ऐसा अहंकारारूढ । एकदेशी मूढ ।
 तेया परमार्थ गूढ । प्रकटावा ना ॥ ७६ ॥
 जें तत्वज्ञाचां ठांड । तो प्रकृतिभावो नाहि ।
 जेथ कर्मजात पाई । निफजत असे ॥ ७७ ॥
 तो देहाभिमानु सांडूनि । गुणकर्म उल्लखौनि ।
 साक्षिभूत होउनि । वर्त्ते देहीं ॥ ७८ ॥

तत्त्वचित्तु महाबाहो गुणकर्मविभागयोः ।

गुणागुणेषु वर्त्तते इति मत्वा न सज्जते ॥ २८ ॥

हणौनि शरीरिं जन्हे होंति । तन्हीं कर्मबंध बाधति ।
 जैसा भूतचेष्टा गभस्ती । घेपवे ना ॥ ७९ ॥
 एथ कर्म तो चि लिपे । जो गुणसंभ्रम घेपे ।
 प्रकृतिचेनि आढोपे । वर्त्तु असे ॥ १८० ॥ २८
 इन्द्रियें गुणाधारें । राहाटति निजव्यापारें ।
 तें परकर्म बलाकारें । आपादि जो ॥ ८१ ॥ जें

प्रकृतेर्गुणसंमूढाः सज्जते गुणकर्मसु ।

तानकृत्स्नविदो मंदान्कृत्स्नविन्न विचालयेत् ॥ २९ ॥

मयि सर्वाणि कर्माणि संन्यस्याभ्यात्मचेतसा ।

निराशीर्निर्ममो भूत्वा युध्यस्व विगतज्वरः ॥ ३० ॥

हे असो आतां प्रस्तुत । सांधिजैल तुज हित ।

तें अर्जुना देउमि चित्त । अवधारि पां ॥ ८२ ॥

तारि उचितें कर्म आघवीं । तुवां आचरौनि मज अपावीं ।

पत्रि चित्तवृत्ति हे न्यसावी । आत्मरूपीं ॥ ८३ ॥

हे कर्म मी कर्त्ता । आचरैन मी येया अर्था ।

ऐसा अभिमान ज्ञनें चित्ता । रिगों देसी ॥ ८४ ॥

तुवां शरीरपरां नोहावे । कामनाजात सांडावे ।
 मग अवसरोचित भोगावे । भोग सकल ॥ ८५ ॥
 आतां कोदंड घेउनि हातीं । आरूढ पां इए रथीं ।
 देइं आलिंगन वीरवृत्ती । समाधानें ॥ ८६ ॥
 जगीं कीर्तितें रूढवीं । स्वधर्माचा मानु वाढवीं ।
 येया भारापासौनि सोडवीं । मेदिनी हे ॥ ८७ ॥
 आतां पार्था निःशंकु होइं । एया संग्रामा चित्त देइं ।
 एथ हें वांचूनि काहीं । करूं नैए ॥ ८८ ॥

ये मे मदमिदं नित्यमनुतिष्ठन्ति मानवाः ।

श्रद्धावंतो न सूर्यंते मुच्यन्ते तेऽपि कर्मभिः ॥ ३१ ॥

ऐसें अनुपरोध मत माझें । जिहिं परमादरें स्वीकारजे ।
 श्रद्धासू अनुष्ठिजे । धनुर्दरा ॥ ८९ ॥
 ते हीं सकल कर्मी वर्तत । जाण पां कर्मरहित ।
 हाणौनि हें निश्चित । करणीय गा ॥ १९० ॥

ये त्वेतदभ्यसूर्यंतो नानुतिष्ठन्ति मे मतम् ।

सर्वज्ञानविमूढान्स्तान्विद्धि नष्टानचेतसः ॥ ३२ ॥

नां तारे प्रकृतिमंत होउनि । इंद्रियां लला देउनि ।
 जे हें मत माझें अवेहेरुनि । असंजिती ॥ ९१ ॥
 जे सामान्यत्वे विशेषिति । अवज्ञा करूनि देखति ।
 कां हा अर्थवादु हाणति । वाचालपणें ॥ ९२ ॥
 ते मोहमदिरा भ्रमले । विषयविखें धारले ।
 अज्ञानपंकीं बुडाले । निभ्रांत जाणें ॥ ९३ ॥
 देखैं शवाचां हाति दीधलें । जैसें रत्न कां वायां गेलें ।
 नातारि जालंधा पाहालें । प्रमाण नोहे ॥ ९४ ॥
 कां चंद्राचा उदयो जैसा । उपेगा न वचे चि वायसां ।
 मूर्खी विवेकु हा तैसा । रुचेल ना ॥ ९५ ॥

हणौनि ते न मनिति । आणिक निंदा ही करूं लाहाती ।
 साधैं पतंग काइ साहांति । प्रकाशातें ॥ ९६ ॥
 तैसे ते पार्था । जे विमुख एया अर्था ।
 तिहिंसि संभाषण सर्वथा । करावें ना ॥ ९७ ॥

सदृशं चेष्टते स्वस्याः प्रकृतेर्ज्ञानवानपि ।

प्रकृतिं यांति भूतानि निग्रहः किं करिष्यति ॥ ३३ ॥

हणौनि इंद्रियें इयें एकें । जाणतेन हीं पुरुषें ।
 लालावीं ना कवतिकें । आदिकरुनि ॥ ९८ ॥
 हां गा सपेंसीं खेलें एईल । किं व्याघ्रसंगु सिद्धी जाईल ।
 साधैं हलाहल जिरैल । सेविलें काइ ॥ ९९ ॥
 देखैं खेलतां अग्नि लाविला । मग तो न संवरे जैसा उधलला ।
 तैसा प्रकृती मानु दीधला । भला नोहे ॥ २०० ॥

इन्द्रियस्येन्द्रियस्यार्थे रागद्वेषौ व्यवस्थितौ ।

तयोर्न वशमागच्छेत्तौ ह्यस्य परिपंथिनौ ॥ ३४ ॥

यन्हविं तन्हि अर्जुना । एया शरीरा पराधीना ।
 कां नाना भोगरचना । मेलवावी ॥ १ ॥
 आपण सायासें करुनि बहुतें । सकलें समृद्धिजातें ।
 मग उदो अस्तु येयातें । प्रतिपालावें ॥ २ ॥
 मग हें तवं पांच मेलावा । शेबीं अनुसरैल निजस्वभावा ।
 तेव्हलि लोके गिविसावा । सीणु आपुला ॥ ३ ॥
 हणौनि केवल देहभरण । ते उघड जाणें नागवण ।
 एयालागि एथें अंतष्करण । देयावें ना ॥ ४ ॥
 यन्हविं इंद्रियांचिया आर्ता— । सरिसा विखो वोपितां ।
 संतोखु किर चित्ता । आपजेल ॥ ५ ॥
 परि तो सबचोराचा सांघातु । जैसा नावं चि येक स्वस्थु ।
 जवं नगराचा प्रांतु । सांडिजैना ॥ ६ ॥

बापा विखाचिया मधुरता । झनें आवडि उपजे चित्ता ।
 तो परिणामु न विचारितां । सेवार्थे ना ॥ ७ ॥
 देखें इंद्रियां कामु असे । तो लावीं सुख दुरासे । यां/४
 जैसा जळीं मीनु आर्विसें । भूलविजे ॥ ८ ॥
 परि तेया माझारि गळु आहे । तो म्राणातें घेउनि जाये ।
 तो जैसा ताउवा नोहे । झांकवलेपणें ॥ ९ ॥ कां हाउवा/१
 तैसें अभिलाषें एणें कीजेल । जरि विषयांची आश धरिजेल ।
 तारि वरपडेयां होइजेल । क्रोधानला ॥ २१० ॥
 जैसा कवळनियां पारधी । घातेचिये संधी ।

- ८) आणि मृगातें बुद्धी । साधावेया ॥ ११ ॥
 एथ तैसी चि पारि आहे । हणौनि तुज हा संसर्गु नोहे ।
 पार्था दोन्हीं कामक्रोध हे । घातक जाणें ॥ १२ ॥
 हणौनि आश्रो हा न करावा । मनीं हीं अमठौ न धरावा । अत्र्यो/३
 एकु निजवृत्तिचा उल्लावा । नाशों नेंदीं ॥ १३ ॥

श्रेयान्स्वधर्मो विगुणः परधर्मात्स्वनुष्ठितात् ।

स्वधर्मे निधनं श्रेयः परधर्मो भयावहः ॥ ३५ ॥

आगा स्वधर्मु हा आपुला । जन्हें कां कठिणु जाला ।
 तन्हें हा चि अनुष्ठिला । भला देखें ॥ १४ ॥
 एरु आचारु जो परावा । तो देखतां किर बरवा ।
 पारि आचरतेनि आचरावा । आपुला चि ॥ १५ ॥
 साधें शूद्रगृही आघवीं । जन्हें पक्कानें आथि बरवीं ।
 तियें द्विजें केवि सेवावीं । दुबला जन्हें ॥ १६ ॥
 हें अनुचित कैसेनि कीजे । अप्राप्य केवि इछिजे ।
 अथवा इछिलें हीं पाविजे । विचारि पां ॥ १७ ॥
 तरि लोकाचीं धवलारें । देखौनियां मनोहरें ।
 असतीं तण्हारें । सांडावीं केवि ॥ १८ ॥ ना, का/

हैं असो वनिता आपुली । कुरूप जन्हें जाली ।
 तन्हें भोगितां ते चि भली । जिया परीं ॥ १९ ॥
 तेवि आवडेतैसा सांकडु । आचरतां जन्हों दुवाडु ।
 तन्हों स्वधर्में चि सुरवाडु । पारत्रिकि ॥ २२० ॥
 हा गा शर्करा आणि दूध । हैं गौत्य किर होये प्रसिद्ध ।
 परि कृमिदोषीं विरुद्ध । घेये केवि ॥ २१ ॥
 ऐसेनि हिं जरि सेविजैल । तरि ते अलुकी चि आगा उरैल ।
 जें तें परिणामीं पथ्य नव्हैल । धनुर्दरा ॥ २२ ॥
 हगौनि आणिकांसि जें विहित । आणिक आपणेया अनुचित ।
 तें नाचरावें जरि हित । विचारिजे ॥ २३ ॥
 एया स्वधर्मते अनुष्ठितां । जरि वेचु होईल जीविता ।
 तो ही नीका वर उभयता । दीसतसे ॥ २४ ॥

अर्जुन उवाच ॥

अथ केन प्रयुक्तोऽयं पापं चरति पूरुषः ।

अनिच्छन्नपि वाष्ण्येय बलादिच नियोजितः ॥ ३६ ॥

ऐसें समस्तसुरशिरोमणी । बोलिले जेथ शारंगपाणी ।
 तेथ अर्जुनु हणें विनवणी । आथि देवा ॥ २५ ॥
 हैं जें जें तुहीं सांधितलें । तें सकल किर मियां परिसिलें ।
 परि आतां प्रसैन काहीं आपुलें । अपेक्षित ॥ २६ ॥
 तरि देवा हैं कैसें । जें ज्ञानियां हीं स्थिति भ्रंशे ।
 मार्गु सांड्गुनि अनारिसें । चालत देखों ॥ २७ ॥
 सर्वज्ञ जे हीं होति । हेय उपादेय जाणति ।
 ते हीं परधर्मीं व्यभिचरति । कवणें गुणें ॥ २८ ॥
 बीजा आणिक भूसा । अंधु निवाडु नेणे कां जैसा ।
 नाव येक देखणा हीं तैसा । बरले कां पां ॥ २९ ॥

जे असता संगु सांडिति । ते चि संसर्गु करितां न धांति ।
 वनवासी ही सेविति । जनपदातें ॥ २३० ॥
 आपण तारि पळति । सर्वस्वें पाप चुकविति ।
 परि बलिवडें सूडजति । तेया चि माझि ॥ ३१ ॥
 जेयाची घेंति विवसी । तें जडौनि ठाके जीवेंसी ।
 चुकविति ते गिंघसी । तेयाते चि ॥ ३२ ॥
 ऐसा बलाकारु एकु दीसे । तो कोणाचा एथ असे ।
 हें बोलावें हृषीकेशें । पार्थु ह्मणे ॥ ३३ ॥

श्रीभगवानुवाच ॥

काम एष क्रोध एष रजोगुणसमुद्भवः ।

महाशनो महापाप्मा विद्ध्येनमिह वैरिणम् ॥ ३७ ॥

तयं हृदयकमलरामु । जो योगियांचा कामु ।
 तो ह्मणतु असे पुरुषोत्तमु । सांघौनि आइकें ॥ ३४ ॥
 तारि हे कामक्रोध पाई । जेयातें कृपेचा सांठोवा नाही ।
 हे कृतांताचा ठांड । मानिजति ॥ ३५ ॥
 हे ज्ञाननिधीचे भूवंग । हे विषयरानिचे वाघ ।
 भजनमार्गिचे मातंग । मारक हे ॥ ३६ ॥
 हे देहदुर्गिचे डोंड । इंद्रियग्रामिचे कोंड ।
 एयांचे व्यामोहादिक धवड । जगावरि ॥ ३७ ॥
 हे रजोगुणा मानेयाचे । समूल ऐसे आग्वलिचे ।
 धायेपण येयांचें । अविद्या केलें ॥ ३८ ॥
 हे रजाचे किर जाले । परि तमांसि पढियेंते भले ।
 तेणें निजपद एयांसि दीधले । प्रमादजात ॥ ३९ ॥
 हे मृत्युचा हान घरी । मानिजति निकिया परी ।
 जें जीविताचे वैरी । ह्मणौनियां ॥ २४० ॥

जियां भूकलियां आविसा । हें विश्व न पुरे चि घांसा ।
 तिया कुलवाडि एया चि आशा । चालिजत असे ॥ ४१ ॥
 कवतिकें कवलितां मुष्टि । जिये चौदा ही मुवनें थेंकुटी ।
 ते भ्रांति तियेची धाकुटी । हणौनि सरे ॥ ४२ ॥
 जे लोकत्रयाचें भातुकें । फार करीति खाये कवतिकें ।
 ते दासिपणाचेनि बिकें । तृष्णा जिण ॥ ४३ ॥
 हें असो मोहें मानिजे । एयांतें अहंकारें घेपेदीजे ।
 जेणें जग आपुलिं भोजें । नाचविजत असे ॥ ४४ ॥
 नेणसि सत्याचा भोकसा काढिला । मग अकृत्य तणकुटा भरिला ।
 तो दंभु नव्हे रूढविला । लोकां इहीं ॥ ४५ ॥
 साध्वी शांति नागविली । माया मांगि शिंदारिली ।
 तियेकरवि विटालविली । इहीं साधुवृंदें ॥ ४६ ॥
 एहीं धिवेकाची त्राये फेडिली । बैराग्याची खाल काढिली ।
 जीतेया मान मोडिली । उपशमाची ॥ ४७ ॥
 इहीं संतोखवन खांडिलें । धैर्यदुर्ग पाडिलें ।
 आनंदरोप सांडिलें । उपडूनियां ॥ ४८ ॥
 इहीं बोधाची चोपि लूसिली । मुखाची लीपि पूसिली ।
 चिन्हारीं आगि सूदली । तापत्रयां ॥ ४९ ॥
 हे आंगा तरि घडलें । जीवां चि आधि जडले ।
 परि नांतुडति गिविसिले । ब्रह्मादिकां ॥ ५० ॥
 हे चैतन्याचां सेजारीं । वसति ज्ञानाचां एकहारीं ।
 हणौनि प्रवर्तले मारीं । संवरति ना ॥ ५१ ॥
 हे जलेंविण बुडलिति । आगीविण जालिति ।
 न बोलत कवलिति । प्राण्यांतें ॥ ५२ ॥
 हे शस्त्रेंविण साधिति । दोरेंविण बांधिती ।
 ज्ञानियां तरि वधीति । पैज घेउनि ॥ ५३ ॥

हे चिखलेंविण रोविति । पासिकेंविण गोविति ।

हे कोण्हा हीं जोगे नव्हती । आंतुवटपणें ॥ ५४ ॥

धूमेनाव्रियते वन्हिर्यथादर्शो मलेन च ।

यथोल्लेनावृतो गर्भस्तथा तेनेदमावृत्तम् ॥ ३८ ॥

जैसी चंदनाची मूली । गिंवसूनि घेपे व्यालीं ।

ना तारि उल्हाची खोली । गर्भस्थासी ॥ ५५ ॥

कां प्रभाविण भानु । धूर्मेविण हुताशनु ।

जैसा दर्पणु मलहीनु । कहीं चि नसे ॥ ५६ ॥

तैसें एहींविण एकलें । आहीं ज्ञान नाहीं देखिलें ।

जैसें कोंडेनियां गुंतलें । बीज निफजे ॥ ५७ ॥

आवृतं ज्ञानमेतेन ज्ञानिनो नित्यवैरिणा ।

कामरूपेण कौंतेय दुःपूरेणानलेन च ॥ ३९ ॥

तैसें ज्ञान तरि विशुद्ध । परि एहिं दीसे प्रबद्ध ।

हणौनि तें अगाध । हांउनि ठेलें ॥ ५८ ॥

आदिं एयातें जीणावें । मग तें ज्ञान पावावें ।

तवं एयां काहीं न प्रभवे । रागद्वेषां ॥ ५९ ॥

एयातें साधावेया लागि । जें बल बाणिजे आंगीं ।

तें इंधन जैसें आगी । सावाउं होये ॥ २६० ॥

इन्द्रियाणि मनो बुद्धिरस्याधिष्ठानमुच्यते ।

एतैर्विमोहयत्येष ज्ञानमावृत्य देहिनम् ॥ ४० ॥

तैसे उपाये कीजति जे जे । ते येयांसी चि होंति विरजे ।

हणौनि हटियातें जीणिजे । इहीं चि जगीं ॥ ६१ ॥

ऐसेया ही सांकडा बोलां । एकु उपाउं असे भला ।

तो करि पां जरि आंगवला । सांघेन तुज ॥ ६२ ॥

तस्मात्त्वमिन्द्रियाण्यादौ नियम्य भरतर्षभ ।

पाप्मानं प्रजहि ह्येनं ज्ञानविज्ञाननाशनम् ॥ ४१ ॥

तरि एयांचा पहिला कुरुठा इंद्रियें । जेथौनि प्रवृत्ति कर्मातें विये ।
 आदीं निर्दल्लनि घालीं तियें । सर्वथैव ॥ ६३ ॥
 मग मनाची धावं पारुखेल । आणिक बुद्धी सोडवण होईल ।
 एतुलेनि तागा एयां मोडेल । पापियांचा ॥ ६४ ॥
 हे आंतरौनि जरि फीटले । तरि निभ्रांत जाण निवटले ।
 जैसें रश्मीविण उरलें । मृगजल नाही ॥ ६५ ॥
 तैसे रागद्वेष जरि निमाले । तरि ब्रह्मिचें स्वाराज्य आलें ।
 मग भोगी सुख आपुलें । आपण चि ॥ ६६ ॥

इंद्रियाणि पराण्याहुरिंद्रियेण परं मनः ।

मनसस्तु परा बुद्धिर्यो बुद्धेः परतस्तु सः ॥ ४२ ॥

एवं बुद्धेः परं बुद्ध्वा संस्तभ्यात्मानमात्मना ।

जहि शत्रुं महाबाहो कामरूपं दुरासदम् ॥ ४३ ॥

जे गुरुशिष्याची गोठी । पदपिंडाची गाठी ।

तेथ स्थिर होउनि नुठी । कव्हणी काली ॥ ६७ ॥

ऐसें सकल सिद्धांचा राउ । देवी लक्ष्मीयेचा नाहो ।

राया आइकै देवदेउ । बोलता जाला ॥ ६८ ॥

आतां पुनरपि तो अनंतुं । आद्य एकि मातु ।

सांचेल तेथ पांडुसुतु । प्रभु करिल ॥ ६९ ॥

तेया बोलाचा हान पाडु । कां रसवृत्तिचा निवाडु ।

जेणें श्रोतेयां होईल सुरवाडु । श्रवणसुखाचा ॥ २७० ॥

ज्ञानदेउ हणें निवृत्तिचा । चांगु उवाउ धरुनु उन्मेषाचा ।

मग हा संवाडु हरिपार्थाचा । भोगां बापा ॥ २७१ ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां

योगशास्त्रे श्रीकृष्णार्जुनसंवादे कर्मयोगो

नाम तृतीयोऽध्यायः ॥

॥ श्रीकृष्णार्पणमस्तु ॥

ज्ञानेश्वरी

अध्याय चौथा.

आजि श्रवणेंद्रिया पीकलें । जेणें हे गीतानिधान देखिलें ।
आतां स्वप्न चि हें तूकलें । साचा सरिसें ॥ १ ॥
आदी चि विवेकाची गोठी । वारि प्रतिपदी कृष्ण जगजेठी ।
आणि भक्तराजु किरीटी । परिसतसे ॥ २ ॥
जैसा पंचमालापु सुगंधु । किं परिमलु आणि सुस्वादु ।
भला जाला विनोदु । कथेचा इये ॥ ३ ॥
कैसी आगलीक दैवांची । जें गंगा जोडली अमृताची ।
हो काज तपें श्रोतेयांचीं । फला आलीं ॥ ४ ॥
आतां इंद्रियजात आघवें । तेणें श्रवणाचें घर रिगावें ।
मग संवादसुख भोगावें । गीताख्य हें ॥ ५ ॥
हा अतिशयो अतिप्रसंगें । सांडुनि कथा चि ते सांगें ।
जें कृष्णार्जुन दोघे । बोलत होते ॥ ६ ॥
तेन्हलि संजयो रायातें हणें । अर्जुनु अधिष्ठिला दैवगुणें ।
जें अतिप्रीती नारायणें । बोलिजत असे ॥ ७ ॥
देवी लक्ष्मी येतुली जबलिक । परि तेही यया प्रेमाचें नेदखे चि मुख ।
आजि कृष्णस्नेहाचें पीक । ययातें चि आथि ॥ ८ ॥
सनकादिकांचेया दुरासा । वाढिनलेया किर बहुवसा ।
परि तियाही येणें मानें एषा । येती चि ना ॥ ९ ॥

यथा जगदीश्वराचें प्रेम । येथ दीसतसे निरूपम ।
 कैसें पार्थे येणें सर्वोत्तम । पुण्य केलें ॥ १० ॥
 हो काज येयाचेया प्रीती । हा अमूर्तु आला व्यक्ती ।
 मज येकवकिंचिया स्थिती । आवडतसे ॥ ११ ॥
 यन्हविं योगिचां नाडले । वेदार्थासि नाकले ।
 जेथ ध्यानाचे डोले । पावतिना ॥ १२ ॥
 तें हा स्वरूप । जें अनादि निष्कंप ।
 पारि कवणें मानें सकृप । जालां असे ॥ १३ ॥
 हा त्रैलोक्यपटाचो घडी । आकाराची पैल थडी ।
 आइकैं कैसा ययाचिया आवडी । आवरला असे ॥ १४ ॥

श्रीभगवानुवाच ॥

इमं विवस्वते योगं प्रोक्तवानहमव्ययम् ।
 विवस्वान् मनवे प्राह मनुर्िक्ष्वाकवेऽब्रवीत् ॥ १ ॥
 मग ह्मणे पांडुसुता । हा चि योगु आह्मीं विवस्वता ।
 कथिला परि ते वार्त्ता । बहुतां दिसांची ॥ १५ ॥
 मग तेणें विवस्वतें रवी । हे चि योगस्थिति आवची ।
 निरोपिली बरवी । मनुप्रति ॥ १६ ॥
 मनु आपण अनुष्ठिली । मग इक्ष्वाकूसि उपदेशिली ।
 ऐसी परंपरा विस्तारली । आद्य हे ॥ १७ ॥
 एवं परंपराप्राप्तमिमं राजर्षयो विदुः ।
 सकालेनेह महता योगो नष्टः परंतप ॥ २ ॥
 मग आणिक ही या योगातें । राजर्षीं जाले जाणते ।
 परि तेथौनि आतां सांप्रतें । नेणिजे हा ॥ १८ ॥
 जें प्राणियां कामीं भरु । देहा चि वरि आदरु ।
 बहुत करुनि विसरु । आत्महिताचा ॥ १९ ॥
 अविट नाथिली आस्थाबुद्धि । विषयसुख चि परमावधी ।

जीउ तैसा उपाधि । आवडे लोकां ॥ २० ॥
 यन्हवि तन्ही खणेयाचां गावीं । पाटाउवें काइ करावीं ।
 सांघें जात्यंघा रवि । काजा आधि ॥ २१ ॥
 कां बहिरांचिये आस्थानीं । कव्हणीं गीतांते हानमानी ।
 कीं कोल्हेयां चंदनीं । आवडि उपजे ॥ २२ ॥
 पै चंद्रोदया आरौते । जेयांचे डोले फूटति असते ।
 ते काउले केवि चंद्राते । उलखति ॥ २३ ॥
 तैसी वैराग्याची सीधं नेदखति । जे विवेकाची भाष नेणति ।
 ते मूर्ख केवि पावती । ईश्वराते ॥ २४ ॥
 कैसा नेणों मोहो वाढीनला । तेणें बहुते येकु वेलु गेला ।
 हणौनि योगु हा लोपला । लोकीं इये ॥ २५ ॥

स एवार्थ मया तेऽद्य योगः प्रोक्तः पुरातनः ।

भक्तोऽसि मे सखा चेति रहस्यं होतदुत्तमम् ॥ ३ ॥

तो चि हा आजि आतां । तुजप्रती कुंतीसुता ।
 सांघितला आहीं तत्वता । आंति न करों ॥ २६ ॥
 हें जीविचें गा गुज । परि न न्हाइजे चि तूज ।
 जें प्रढियंसि तूं मज । हणौनियां ॥ २७ ॥
 तूं प्रेमाचा पूतला । भक्तिचा जीवाला ।
 मैत्रियेची कला । धनुर्दरा ॥ २८ ॥
 तूं अनुसंगाचा ठाउ । आतां तुज काइ राहों ।
 जन्हीं संग्रामारूढ आहों । जालों आहीं ॥ २९ ॥
 तन्हीं नावेक हें साहावें । गाजाबज्य ही धरावें ।
 परि तूजें अज्ञानतत्व हरावें । लागे आदीं ॥ ३० ॥

अर्जुन उवाच ॥

अपरं भवतो जन्म परं जन्म विचिन्वतः ।

कथमेतद्विजानीयां त्वमादौ प्रोक्तवानिति ॥ ४ ॥

तव अर्जुनु हणे हरो । माये आपुलेयाचा स्नेहो करी ।
 एथ विस्मयो काइ अववारी । कृपानिधी ॥ ३१ ॥
 तूं संवसारश्रंताचो साउली । अनाथांचो माउली ।
 आमते किर प्रसवली । तूझी चि कृपा ॥ ३२ ॥
 देवा पांगूळ एकाधें वीजे । तरि जन्मौनि जोजारु साहिजे ।
 हें बोलो काइ तूझे । तुज चि पुढां ॥ ३३ ॥
 आतां पूसैन जें मीं काहीं । तेथ नोंकें चित्त देई ।
 तेविं चि देवें कोपावें नाहीं । बोला एका ॥ ३४ ॥
 तारि मागीलकी जे वार्त्ता । तुवां साधितली होती अनंता ।
 ते नावेक मज चित्ता । येचिना ॥ ३५ ॥
 जें तो विवस्वतु हणिजे काइ । ऐसें हें वडिलो हीं ठाउवें नाहीं ।
 तरि तुवां चि केवि पाई । उपदेशिला ॥ ३६ ॥
 तो आइकिजे बहुतां कालांचा । आणि तूं तव कृपा सांगेचा ।
 हांगौनि गा इये मातूचा । विसंवादु ॥ ३७ ॥
 तेविं चि चरित्र देवा तूझे । आपण काहीं नेणिजे ।
 हें लटिकें केवि हणिजे । येकी हेलां ॥ ३८ ॥
 परि हे चि मातु आघवी । मो परिसें तैसी सांघावी ।
 जें तुवां चि तेया रवी । उपदेशु केला ॥ ३९ ॥

श्रीभगवानुवाच ॥

बहूनि मे व्यतीतानि जन्मानि तव चार्जुन ।
 तान्यहं वेद सर्वाणि न त्वं वेत्थ परंतप ॥ ५ ॥
 तव कृप्यु हणे पांडुमुता । तो वैवस्वतु जें होता ।
 ते आह्मी नसों ऐसी चिता । प्रतीति तुज ॥ ४० ॥
 तरि तूं गा हें नेगसी । पै जन्में आह्मां तुझांसि ।
 बहुते गेलीं परि न स्मरसी । आपुलीं तूं ॥ ४१ ॥

मी जेणें जेणें अवसरें । जें जें होउनि अवतरें ।

तें समस्त हीं स्मरें । धनुर्द्धरा ॥ ४२ ॥

हणौनि हें आववें । मागील मज आठवे ।

मी अजुही परि संभवें । प्रकृतियोगें ॥ ४३ ॥

अजोऽपि सन्नव्ययात्मा भूतानामोश्वरोऽपि सन् ।

प्रकृतिं स्वामधिष्ठाय संभवाम्यात्ममायया ॥ ६ ॥

माझें अव्यक्तत्व न नशे । परि होणें जाणें एक दीसे ।

तें प्रतिबिंबे मायावशें । स्वस्वरूपीं ॥ ४४ ॥

माझी स्वतंत्रता न मोडे । परि कर्माधीनु ऐसा आवडें ।

तें हीं भ्रांतिबुद्धी तरि घडे । यन्हविं नाहिं ॥ ४५ ॥

जें येक चि दीसे दुसरें । तें दर्पणाचेनि आवरें ।

यन्हविं काइ वस्तुविचारें । दूजें आहे ॥ ४६ ॥

तैसा अमूर्तु चि मीं किरोटी । परि प्रकृतितें जें अधिष्ठीं ।

तें साकारपण नटीं । काजा येया ॥ ४७ ॥

यदा यदा हि धर्मस्य ग्लानिर्भवति भारत ।

अभ्युत्थानमधर्मस्य तदात्मानं सृजाम्यहम् ॥ ७ ॥

जें धर्मजात आववें । युगीं युगीं मियां चि रक्षावें ।

ऐसा ओघु हा स्वभावें । आवु असे ॥ ४८ ॥

हणौनि अजत्व परोतें ठेवीं । मीं अव्यक्तपण हीं नाठवि ।

जेव्हलि धर्मातें अभिभवीं । अधर्मु हा ॥ ४९ ॥

तेव्हलि आपुलेयाचेनि कैवारें । मी साकार होउनि अवतरें ।

मग अज्ञानाचें आवरें । गोल्लनि घाली ॥ ५० ॥

परित्राणाय साधूनां विनाशाय च दुष्कृताम् ।

धर्मसंस्थापनार्थाय संभवामि युगेयुगे ॥ ८ ॥

अधर्माची अवधि तोडीं । दोषांचें लिहिलें फेडीं ।

सज्जनाकरवि गुढी । उभवीं मीं ॥ ५१ ॥

दैत्यांचीं कुलें नाहीं । साधूचा मानु गिवसीं ।

धर्मासि नीतीसीं । सेस मरीं ॥ ५२ ॥

मी अविवेकाची काजली । फेडूनि विवेकुदीपु उजलीं ।

तैं योगियां पाहे दिवाली । निरंतर ॥ ५३ ॥

स्वसुखें विश्व कोंदे । धर्माचें जर्गों नांदे ।

भक्तांसि होंति दोंदे । सात्विकाचीं ॥ ५४ ॥

ॐ तैं पापाचा अचलु फीटे । पुण्याची पाहाट फूटे ।

जैं मूर्ति माझी प्रकटे । पांडुकुमरा ॥ ५५ ॥

येयां ऐसेयां काजालागि । अवतरिजें गा युगीं युगीं ।

परि हें चि बोलखे जो जर्गों । तो विवेकिया ॥ ५६ ॥

जन्मकर्मच मे दिव्यमेव यो वेत्ति तत्त्वतः ।

त्यक्त्वा देहं पुनर्जन्म नैति मामेति सोऽर्जुन ॥ ९ ॥

माझें अजत्व जन्मणें । अक्रियता चि करणें ।

अविकार जो जाणे । तो मुक्तु मानी ॥ ५७ ॥

तो चालिला संगें न चले । देहिचा देहा नाकले ।

मग पंचत्वीं तवं मिले । माझां चि रूपीं ॥ ५८ ॥

वीतरागभयक्रोधाः मन्मथा मामुपाश्रिताः ।

बहवो ज्ञानतपसा पूता मद्भावमागताः ॥ १० ॥

मन्हविं तन्हीं परापर न शोचिति । जे कामनाशून्य-होंती ।

वाटा केव्हलि न वचति । क्रोधाचिये ॥ ५९ ॥

जे मियां सदा आधिले । माझियाचि सेवा जियाले ।

कां आत्मबोधें तोखले । वीतराग ॥ ६० ॥

जे तपोतेजाचे राशी । कां येकायतन ज्ञानासी ।

जे पवित्रता तीर्थासि । तीर्थरूपी ॥ ६१ ॥

ते मद्भाषा साहाजें आले । मी ते चि होउनि ठेले ।

जें मज तेयां उरले । पदर नाहीं ॥ ६२ ॥

साधें पितलेची गंधिकालिक । फीटली होये निःशेष ।
तैं सुवर्णघाई आणिक । जोहूं जाइजे ॥ ६३ ॥
तैसे यमनियमी कडसले । जे तपोज्ञानी चोखालले ।
ते मी ते चि जाले । एथ संशयो काइसा ॥ ६४ ॥

ये यथा मां प्रपद्यंते तांस्तथैव भजाम्यहं ।
मम वर्त्मानुवर्त्तते मनुष्याः पार्थ सर्वशः ॥ ११ ॥
यन्हविं तन्हीं पाहीं । जे जैसे माझां ठाई ।
भजति तेयां मीं हीं । तैसाचि भजें ॥ ६५ ॥
देखैं मनुष्यजात सकल । हें स्वभावता चि भजनशील ।
जालें असे केवल । माझां ठाई ॥ ६६ ॥

कांक्षंतः कर्मणां सिद्धिं यजंत इह देवताः ।
क्षिप्रं हि मानुषे लोके सिद्धिर्भवति कर्मजा ॥ १२ ॥
परि ज्ञानेविण नाशलें । जें बुद्धिभेदासि आलें ।
तेणें एकीं कल्पलें । अनेकत्व ॥ ६७ ॥
हणौनि अभेदा भेदु देखति । अनामा नामें ठेविति ।
देवो देवी हणती । अवाच्यातें ॥ ६८ ॥
जें सर्वत्र सदा सम । तेथ विभाग अधमोत्तम ।
मतिवसें संभ्रम । विवंचिती ॥ ६९ ॥
मग नाना हेतूपकारें । यथोचितें उपचारें ।
मानलीं देवतांतरे । उपासिति ॥ ७० ॥
तेथ जें जें काहीं अपेक्षित । तें तैसेचि पावती समस्त ।
परि तें कर्मसिद्ध निश्चित । उल्लख तूं ॥ ७१ ॥
धांचूनि देतें घेतें आणिक । निर्भात नाहीं सम्यक ।
येथ कर्म चि फलसूचक । मनुष्यलोकीं ॥ ७२ ॥
जैसे क्षेत्रीं जें पेरिजे । तें वाचौनि आन न निफजे ।
कां पाहिजे तें चि देखिजे । दर्पणाधारे ॥ ७३ ॥

ना तरि कडेयासि तलवटीं । जैसा आपुला चि बोलु किरीटी ।

पडिसादा होउनि उठी । निमित्तयोगें ॥ ७४ ॥

तैसा समस्तां यां मजनां । मी साक्षिभूतु अर्जुना ।

येथ प्रतिफलें ते भावना । आपुलाली ॥ ७५ ॥

चातुर्वर्ण्यं मया सृष्टं गुणकर्मविभागशः ।

तस्य कर्तारमपि मां विद्ध्यकर्तारमव्ययम् ॥ १३ ॥

आतां यया चि परीं जाण । हे च्यान्ही वर्ण ।

सृजिले मियां गुण- । कर्मविभागें ॥ ७६ ॥

न मां कर्माणि लिपंति न मे कर्मफले स्पृहा ।

इति मां योऽभिजानाति कर्मभिर्न स बध्यते ॥ १४ ॥

मजनां हें मज चि तव जालें । परि मियां नाहीं केले ।

ऐसें साच जेणें देखिलें । तो सृष्टला गा ॥ ७७ ॥

एवं ज्ञात्वा कृतं कर्म पूर्वैरपि मुमुक्षुभिः ।

कुरु कर्मैव तस्मात्त्वं पूर्वैः पूर्वतरं कृतम् ॥ १५ ॥

जें प्रकृतिचेनि आधारें । गुणाचेनि व्यभिचारें ।

कर्में तदनुसारें । विवंचलिं ॥ ७८ ॥

येथ येक चि हें धनुषपाणी । परि जालें गा चडूवणीं ।

ऐसी गुणकर्मि कडसणी । केली साहाजें ॥ ७९ ॥

क्षणौनि आइकें पार्थी । हे वर्णभेद संस्था ।

मी करिता नोहें सर्वथा । तें यया चि हेतू ॥ ८० ॥

मागील मुमुक्ष जे होते । तिहीं ऐसें चि जाणोनियां मातें ।

कर्में केलीं समस्तें । धनुर्दरा ॥ ८१ ॥

परि तियें बीजें जैसीं दग्धलीं । कां नुगवती चि पेरिलीं ।

तैसिं कर्में चि तेयां जालीं । मोक्षहेतू ॥ ८२ ॥

किं कर्म किमकर्मेति कवयोऽप्यत्र मोहिताः ।

तत्ते कर्म प्रवक्ष्यामि यज्ज्ञात्वा मोक्षयसेऽशुभात् ॥ १६ ॥

येथ आणिक ही एक अर्जुना । हे कर्माकर्मविवंचना ।
 आपुलिये चाडे सज्जाना । योग्य नव्हे ॥ ८३ ॥
 कर्म ह्याणिजे तें कवण । अथवा अकर्मा काय लक्षण ।
 ऐसें विचारितां विचक्षण । गुंपौनि ठेले ॥ ८४ ॥
 जैसें कां(कुडे) नाणें । खरेयाचेनि सारखेपणें ।
 डोलेयांचें हीं पाहाणें । संशङ् घाली ॥ ८५ ॥
 तेसैं नैष्कर्म्यतेचेन भ्रमें । गिंवसिजत आहाति कर्में ।
 जिहीं दूजी श्रृष्टी मनोधर्में । करूं शकती ॥ ८६ ॥
 वांचूनि मूर्खांची गोठि काइसी । एथ मोहलले गा क्रांतदर्शी ।
 ह्याणौनि तेंचि आतां परिहसैं । सांग्धैन तुज ॥ ८७ ॥

कर्मणो ह्यपि बोद्धव्यं बोद्धव्यं च विकर्मणः ।
 अकर्मणश्च बोद्धव्यं गहना कर्मणो गतिः ॥ १७ ॥
 तारि हें कर्म ह्याणिजे स्वभावे । जेणें हा विश्वाकारु संभवे ।
 तें सावेव आदीं जाणावें । लागे एथ ॥ ८८ ॥
 मग वर्णाश्रमासि उचित । जें विशेष कर्म विहित ।
 तें ही ओलखावें निश्चित । उपेगेंसीं ॥ ८९ ॥
 पाठिं जें निषिद्ध ह्याणिपे । तें ही बुझावें स्वरूपें ।
 येतुलेनि येथ काहीं न गूंपे । आपैसैं चि ॥ ९० ॥
 यन्हविं जग हें कर्माधीन । ऐसी व्याप्ति याची गहन ।
 पारि तें असो आइकैं चिन्ह । प्राप्ताचें ॥ ९१ ॥

कर्मण्यकर्म यः पश्येदकर्मणि च कर्म यः ।

स बुद्धिमान् मनुष्येषु स युक्तः कृत्स्नकर्मकृत् ॥ १८ ॥

जो सकल कर्मिं वर्त्तता । देखे निष्कर्मता ।
 कर्मसंगें निरासता । फलाचिया ॥ ९२ ॥
 आणि कर्तव्यते लागि । जेया दूसरें नाहिं जगिं ।
 ऐसी नैष्कर्म्यता तारि चांगी । बोधला असे ॥ ९३ ॥

यस्य सर्वे समारंभाः कामसंकल्पवर्जिताः ।

ज्ञानाग्निदग्धकर्माणं तमाहुः पंडितं बुद्धाः ॥ १९ ॥

परि क्रियाकलापु आधवा । आचरतु दीसे बरवा ।

तारि तो इहीं चिन्हीं जाणावा । ज्ञानियां गा ॥ १४ ॥

जैसा जो जलापासिं उभा ठके । तो जन्हें आपणपें जलामाजि देखे ।

तन्हीं निभ्रांत उल्लखे । हाणे मीं वेगला आहे ॥ १५ ॥

अथवा नावे हान रिगे । तो थडियेचे रुखजात देखे वेमें ।

साचोकारें पाहों लागे । तवं रुख हाणे अचल ॥ १६ ॥

तैसें सकल कर्मी असणें । तें फुडें मानूनिया बायाणें ।

मग आपणपां जो जाणे । नैष्कर्म्यता ॥ १७ ॥

आणि उदोअस्तूचेनि प्रमाणें । जैसें न चलतां सूर्या चालणें ।

तैसें नैष्कर्म्यत्वीं जाणे । कर्म जो गा ॥ १८ ॥

परि तो मनुष्यासारखा आवडे । परि मनुष्यत्व तेयासि न धडे ।

जैसें जलाधारें न बुडे । भानुबिंब ॥ १९ ॥

तेणें न पांतां विश्व देखिलें । न करितां सर्व केलें ।

न भोगितां भोगिलें । भोग्यजात ॥ १०० ॥

येके ठाई बैसला । परि सर्वत्र तो चि गेला ।

हें असो विश्व जाला । देहें चि तो ॥ १ ॥

जेथा पुरुषाचां ठाई । कर्माचा तरि खेदु नाही ।

परि फलापेक्षा काहीं । संचरेना ॥ २ ॥

आणि हें कर्म मी करीन । अथवा आदारिलें सिद्धी नेईन ।

येणें संकल्पें हीं जेयाचें मन । बिठाले ना ॥ ३ ॥

ज्ञानाग्नीचेनि मुखें । जेणें जालिलीं कर्में अशेषें ।

तो ब्रह्मचि मनुष्यवेखें । उल्लख तूं ॥ ४ ॥

त्यक्त्वा कर्मफलासंगं नित्यतृप्तो निराश्रयः ।

कर्मण्यभिप्रवृत्तोऽपि नैव किञ्चित् करोति सः ॥ २० ॥

जो शरीर उदासु । फलभोगों निरासु ।

नित्यता उल्हासु । होउनि असे ॥ ५ ॥

जो संतोषाचा गाभारा । आत्मबोधाचेया उगारा ।

पुरे न ह्याने चि धनुर्दरा । आरोगितां ॥ ६ ॥

कैसा अधिकाधीक आवडी । घेत महासुखाची गोडी ।

सांडौनि आशां सीकु खंडी । अहंभावाची ॥ ७ ॥

निराशीर्यताचित्तात्मा त्यक्तसर्वपरिग्रहः ।

शारीरं केवलं कर्म कुर्वन्नाप्नोति किल्बिषम् ॥ २१ ॥

ह्याणौनि अवसरें जें जें पावे । तेणें चि तो सुखावे ।

जेया आपुलें आणि परावें । दोन्ही नाही ॥ ८ ॥

तो दीठी जें पाहे । तें आपण चि होउनि जाये ।

आइके तें आहे । तो चि जाला ॥ ९ ॥

चरणीं हान चाले । कां मुखें जें जें बोले ।

ऐसें चेष्टाजात तेतुलें । आपण चि जो ॥ ११० ॥

यदृच्छा लाभसंतुष्टो द्वंद्वार्तातो धिमत्सरः ।

समः सिद्धावसिद्धौ च कृत्वापि न निबद्धयते ॥ २२ ॥

हें असो विश्वें पाई । जेया आपणपें वांचूनि नाही ।

तेया कर्म तें कवण काइ । बाधी तेयातें ॥ ११ ॥

आणि हा मत्सर जेथ उपजे । तें नुरे चि तेया दूजें ।

तो निर्मत्सर काइ ह्याणिजे । बोलवरी ॥ १२ ॥

गतसंगस्य मुक्तस्य ज्ञानावस्थितचेतसा ।

यज्ञायाचरतः कर्म समग्रं प्राविर्लीयते ॥ २३ ॥

ह्याणौनि सर्व्हीं परीं जो मुक्त । तो सकर्मु चि कर्मरहितु ।

सगुणु परि गुणातीतु । येथ आंति नाही ॥ १३ ॥

तो देहसंगें तारे असे । पारि चैतन्या सारिखा दासे ।

पाहांतां परब्रह्माचेनि कसें । चोखालु भला ॥ १४ ॥

ऐसा ही तो कवतिकें । जर कमें करी यज्ञादिकें ।
 तार तियें लया जांति अशेषें । तेयाचां चि ठांइ ॥ १५ ॥
 अकालिचीं अभें जैसीं । ऊर्मीवीण आकाशीं ।
 हारपति आपैसीं । उदैलीं सांतीं ॥ १६ ॥
 तैसिं विधिविधानरहितें । जन्हीं आचरला तो समस्तें ।
 तन्हीं तियें ऐक्यभावे ऐक्यातें । पावर्ताल ॥ १७ ॥
 जें हें हवन मी होता । कां इये यज्ञीं हा भोक्ता ।
 ऐसी बुद्धीसि नाहीं भिन्नता । हणौनियां ॥ १८ ॥
 जें यष्टा यज्ञ यजावें । ते हविमंत्रादीक आघवें ।
 तो देखे अविनाभावें । आत्मबुद्धी ॥ १९ ॥ श

ब्रह्मार्पणं ब्रह्म हविर्ब्रह्माग्नौ ब्रह्मणा हुतं ।

ब्रह्मैव तेन गन्तव्यं ब्रह्मकर्मसमाधिना ॥ २४ ॥

हणौनि ब्रह्म तें चि कर्म । ऐसें बोधा आलें जेया सम ।
 तेया कर्तव्य तें नैष्कर्म्य । धनुर्द्धरा ॥ २० ॥
 आतां अविवेककुमारत्वा मूकलें । जेयां विरक्तीचें पाणिग्रहण जालें ।
 मग उपासन जिहिं आणिलें । योगाग्नीचें ॥ २१ ॥
 जे यजनशील अहर्निशीं । जिहीं अविद्या हवीली मनैसीं ।
 गुरुवाक्य हुताशीं । हवन केलें ॥ २२ ॥

तिहीं योगाग्नीकिं यजिजे । तो दैवयज्ञ वीजे ।

तेथ आत्मसुख कामिजे । पांडुकुमरा ॥ २३ ॥

दैवमेवापरे यज्ञं योगिनः पर्युपासते ।

ब्रह्माग्नावपरे यज्ञं यज्ञेनैवोपजुहति ॥ २५ ॥

आतां अवधारीं साधेन आणिक । जे ब्रह्माग्नि कें साग्निक ।

तेयातें यज्ञ चि यज्ञु देख । उपासिजे ॥ २४ ॥

एक संयमाग्नी होत्री । ते युक्तित्रयाचां मंत्री ।

यजन करिति पवित्री । इंद्रियद्रव्यां ॥ २५ ॥

भोत्रादोनोंद्रियाण्यन्ये संयमाग्निषु जुहति ।

शब्दादीन् विषयानन्ये इंद्रियाग्निषु जुहति ॥ २६ ॥

एकां वैराग्यरवी विचललें । तवं संयती विहार केलें ।

तेथ अपावृत जालें । इंद्रियानल ॥ २६ ॥

तिहि विरक्तिची ज्वाला घेतली । तवं विकारांचीं इंधनें पलिपली ।

तेथ आशाधूमें सांडिलीं । पांचे कुंडें ॥ २७ ॥

मग वाक्यविधीचिया निरिविडी । विषयाहुती उदंडीं ।

हवन केलें कुंडीं । इंद्रियाग्नीचां ॥ २८ ॥

सर्वाणींद्रियकर्माणि प्राणकर्माणि चापरे ।

आत्मसंयमयोगाग्नौ जुहति ज्ञानदीपिते ॥ २७ ॥

येकिं यियाचि परीं पार्था । दोष क्षपिले सर्वथा ।

आणिकीं हृदयारणीं मंथा । विवेकु केला ॥ २९ ॥

तो उपशमीं निहिटिला । धैर्ये बरी दाटिला ।

गुरुवाक्यें काढिला । बलिकटपणें ॥ ३० ॥

ऐसें समरसें मथन केलें । तेथ झडकरी काजा आलें ।

जें उज्जीवन जालें । ज्ञानाग्नीचें ॥ ३१ ॥

पहिला रिद्धीसिद्धीचा संभ्रमु । तो निवर्तौनि गेला धूम ।

मग प्रकटला सूक्ष्मु । विस्फुर्लिगु ॥ ३२ ॥

तेया मनाचें मोकलें । पेटवण घातलें ।

जें यमनियमीं हलुवारलें । आइतें हांतें ॥ ३३ ॥

तेणें सांधुक्षणें ज्वाला समृद्धा । तेथ वासनांतराचिया समिधा ।

खेहेसिं विविधा । जालीलीया ॥ ३४ ॥

मग सोहंमंत्रीं दाक्षितिं । इंद्रियकर्माचिया आहुती ।

तिये ज्ञानानलीं प्रदीप्तीं । दीधलिया ॥ ३५ ॥

पाठि प्राणक्रियेचें सृवेनसीं । पूर्णाहुति पडिली हुताशीं ।

तेथ अवभृथ समरसीं । साहाजें जालें ॥ ३६ ॥

मग आत्मवोधिचें सुख । तें जैसें संयमाग्नीचें शेष ।
 तो चि पुरोडाशु देख । घेतला तिहि ॥ ३७ ॥
 येक ऐसां यजनीं । मुक्त जाले गा त्रिभुवनीं ।
 इया यज्ञक्रिया तारि आनानीं । परि प्राप्य तें एक ॥ ३८ ॥

द्रव्ययज्ञास्तपोयज्ञा योगयज्ञास्तथापरे ।

स्थाध्यायज्ञानयज्ञाश्च यतयः संशितव्रताः ॥ २८ ॥

येक द्रव्ययज्ञ हाणपती । एक तपसामग्निया निरुजति ।
 येक योगयाग ही आहाती । जे सांघीतले ॥ ३९ ॥
 येकि शद्धीं शद्ध चि यजिजे । तो वाग्यब्रु हाणिजे ।
 ज्ञानें ज्ञेय गमिजे । तो ज्ञानयब्रु ॥ ४० ॥
 हें अर्जुना सकल कुवाडें । जें अनुष्ठितां अति सांकडें ।
 पारे जितेंद्रियांसी चि वडे । योग्यतावसें ॥ ४१ ॥
 ते प्रवोण येथ भले । योगसमृद्धी आधिजे ।
 हाणौनि आपणपां तिहीं केलें । आत्महवन ॥ ४२ ॥

अपाने जुहति प्राणं प्राणेऽपानं तथापरे ।

प्राणापानगतौ रुद्धा प्राणायामपरायणाः ॥ २९ ॥

एक अपानाग्नीचां मुखीं । प्राणद्रव्यें देखें ।
 हवन केलें एकीं । अभ्यासयोग ॥ ४३ ॥
 एक अपानु प्राणीं अर्पिती । एक दोहोंतें हीं निरुधिती ।
 ते प्राणायामीं हाणिपती । पांडुकुमरां ॥ ४४ ॥

अपरे नियताहाराः प्राणान्प्राणेषु जुहति ।

सर्वेऽप्येते यज्ञविदो यज्ञक्षपितकल्मषाः ॥ ३० ॥

येक वज्रयोगक्रमें । सर्वाहारसंयमें ।
 प्राणीं प्राणु संभ्रमें । हवन करिती ॥ ४५ ॥
 ऐसें भोक्षकाम सकल । समस्त हे यजनशील ।
 जिहीं यज्ञद्वारीं मल । क्षालन केलें ॥ ४६ ॥

यज्ञशिष्टामृतभुजो यान्ति ब्रह्मसनातनम् ।
नायं लोकोऽस्त्ययज्ञस्य कुतोऽन्यः कुरुसत्तम ॥ ३१ ॥

३१ जेयां अविद्याजात आकलितां । जें उरलें निज स्वभावता ।
तेथ अग्नि आणि होता । उरोचिना ॥ ४७ ॥
जेथ यजितेयाचा कामु पुरे । यज्ञीचें विधान सरे ।
माघौतें जेथौनि असरे । क्रियाजात ॥ ४८ ॥
विचार जेथ न रिगे । हेतु जेथ नेघे ।
जें द्वैतदोषसंगें । सिंपै चि ना ॥ ४९ ॥
ऐसे अनादिसिद्ध चोखट । जें ज्ञानयज्ञांविशिष्ट ।
तें ते सेविति ब्रह्मनिष्ठ । ब्रह्माहंमत्तें ॥ १५० ॥
ऐसे सेखामृतें धाले । कीं अमृतभावासि आले ।
हाणौनि ब्रह्म ते जाले । अनायासे ॥ ५१ ॥
एरां विरक्ती माल न घली चि । जेयां संयमाग्नीची सेवा न घडेचि ।
जे योगयागु ही न कार्ती चि । जन्मले सांते ॥ ५२ ॥
एयां ऐहिक ही एक धड नाही । मग परत्रीक सांघिजैल काइ ।
हाणौनि असो हे गोठि पाइ । पांडुकुमरा ॥ ५३ ॥

एवं बहुविधा यज्ञा वितता ब्रह्मणो मुखे ।

कर्मजान्बिद्धि तान्सर्वानेयं ज्ञात्वा विमोक्ष्यसे ॥ ३२ ॥

३२ ऐसे बहुतीं परीं अनेग । जे सांघितले कां याग ।
ते विस्तारुनि वेदें चांग । हाणितले आहाति ॥ ५४ ॥
परि तेणें विस्तारें काइ करावें । हे कर्मसिद्ध जाणावे ।
एतुलेनि कर्मबंधु स्वभावें । पावेल ना ॥ ५५ ॥
अर्जुना वेदु जेहाचें मूल । जें क्रियाविशेषें स्थूल ।
जेयां नव्हालियेचें फल । स्वर्गसुख ॥ ५६ ॥

श्रेयान्द्रव्यमयाद्यज्ञाज्ज्ञानयज्ञः परंतप ।

सर्वं कर्माखिलं पार्थ ज्ञाने परिसमाप्यते ॥ ३३ ॥

ते द्रव्ययाग किर होती । परि ज्ञानयज्ञाची सरी न पवती ।
 जेवि तारातेज संपती । दिनकरेंसीं ॥ ५७ ॥
 देखैं परमात्मसुखनिधान । साधावेया योगीजन ।
 जें न विसंभति अंजन । उन्मेखनेत्रीं ॥ ५८ ॥
 जें धावंतेया कर्माची लाणि । नैष्कर्म्य बोधाची खाणि ।
 जें भूकैलेयां धणि । साधनाची ॥ ५९ ॥
 जेथ प्रवृत्ति पांगुल जाली । तर्काचि दृष्टि गेली ।
 जेणें इंद्रियें विसरलीं । विषयसंगू ॥ ६० ॥
 मनाचें मनपण गेलें । जेथ बोलांचें बोलणें ठेलें ।
 जेयामाजि सांपडलें । ज्ञेय दीसे ॥ ६१ ॥
 जेथ वैराग्याचा पांगु फांटे । विवेकाचा ही सोसु तूटे ।
 जें न पांतां साहाजें भेटे । आपणां पें ॥ ६२ ॥

तद्विद्धि प्रणिपातेन परिप्रश्नेन सेवया ।

उपदेश्यंति ते ज्ञानं ज्ञानिनस्तत्त्वदर्शिनः ॥ ३४ ॥

तें ज्ञान पै गा वरवें । जें मनीं आधि जाणावें ।
 तें संतां ययां भजावें । सर्वस्वेंसीं ॥ ६३ ॥
 जेयांचा ज्ञानकुरुठा । तेथ साधुसेवा हो दारवठा । हा
 तो स्वाधीनु करीं सूभटा । उल्लगौनि ॥ ६४ ॥
 जारि तनुमनुजीवें । विचारासि लागावें ।
 आणि अगर्वता करावें । दास्य सकल ॥ ६५ ॥

यज्ज्ञात्वा न पुनर्मोहमेवं यास्यसि पांडव ।

येन भूतान्यशेषेण द्रक्ष्यस्यात्मन्यथो मयि ॥ ३५ ॥

मग अपेक्षित जें आपुलें । तें ही सांगतील पूसिलें ।
 जेणें अंतःकरण बोधलें । संकल्पा नैये ॥ ६६ ॥
 जेहाचेनि उजीवडें । जालें चित्त निधडें ।
 ब्रह्माचेनि पाडें । निशंक होईल ॥ ६७ ॥

तेव्हलि आपणपेन सहितें । ये अशेषे हीं भूतें ।
माझां स्वरूपीं अखंडितें । देखसी तूं ॥ ६८ ॥
ऐसें ज्ञानप्रकाशें पाहिलें । तें मोहांधकार जाइल ।
जें गुरुकृपा होइल । पार्था गा ॥ ६९ ॥

अपि चेदसि पापेभ्यः सर्वेभ्यः पापकृत्तमः ।

सर्वं ज्ञानप्लवेनैव वृजिनं संतरिष्यसि ॥ ३६ ॥

जन्हीं कल्मषांचा आगर । तूं भ्रांतिचा सागर ।
व्यामोहाचा डोंगर । होउनि आहासि ॥ १७० ॥
तन्हीं ज्ञानशक्तीचें पाडें । हें आघवेंचि गा थोकडें ।
ऐसें सामर्थ्य जेयाचें चोखडें । ज्ञानीं इये ॥ ७१ ॥
देखैं विश्वसंभ्रमा ऐसा । जो अमूर्तीचा कडवसा । ^{मूर्त}
तो जेयाचेया प्रकाशा । पुरं चि ना ॥ ७२ ॥
तेया काइसे मनोमल । हें वोलतां चि अति कौडाल ।
नाहिं येणें पाडें ढिसाल । दूजें जगीं ॥ ७३ ॥

यथैधांसि समिद्धोऽग्निर्भस्मसात्कुरुतेऽर्जुन ।

ज्ञानाग्निः सर्वकर्माणि भस्मसात्कुरुते तथा ॥ ३७ ॥

सांघें भूतत्रयाची काजली । जे गगनामाजि उधली ।
तिये प्रलइचिये वाहुंटली । काइ अभ्र पूरे ॥ ७४ ॥
किं पवनाचेनि कोपें । पाणियें चि जो पलिपे ।
तो प्रलयानलु काइ दडपे । तूणें नावें ॥ ७५ ॥

नहि ज्ञानेन सदृशं पवित्रमिह विद्यते ।

तत्स्वयं योगसंसिद्धः कालेनात्मनि विंदति ॥ ३८ ॥

ज्ञाणौनि असो हें न घडे । जें विचारितां चि असंघडे ।
पुडुतीं ज्ञानाचेनि पाडें । पवित्र न दिसे ॥ ७६ ॥
एक ज्ञान ही उत्तम होये । आणिक ही येथ तैसें चि आहे ।
तारि सांघें चैतन्य कां नोहे । दूसरें गा ॥ ७७ ॥

ना तरि महातेजाचेनि कसें । चोखाल प्रतिबिंब दीसे ।
 कां गवसलें गवसे । आकाश हें ॥ ७८ ॥
 ना तरि पृथ्वीचेनि पाडें । कांटालें जारि जोडे ।
 तरि ज्ञानासि उपमा घडे । पांडुकुमरा ॥ ७९ ॥
 ह्मणौनि बहुतीं परी पाहातां । पुढुतीं पुढुतीं निर्द्धारितां ।
 हे ज्ञानिची पवित्रता । ज्ञानीचि आधि ॥ १८० ॥
 जैसी अमृताची चवि निवडिजे । तरि अमृता चि सारिखी ह्मणिजे ।
 तैसें ज्ञान हें उपमिजे । ज्ञानेसीं चि ॥ ८१ ॥
 आतां ययावारिं बोलणें । वायां चि वेलु फेडणें ।
 तव साच जी हें पार्थु ह्मणे । बोलिजत असां ॥ ८२ ॥
 परि तेंचि ज्ञान केवि जाणावें । ऐसें जव अर्जुन पूसावें । १
 तव तें मनोगत देवें । जाणीतलें ॥ ८३ ॥

श्रद्धावांलुभते ज्ञानं तत्परः संयतेन्द्रियः ।

ज्ञानं लब्ध्वा परां शान्तिमचिरेणाधिगच्छति ॥ ३९ ॥

मग ह्मणतसे किरीटी । आतां चित्त देइ इये गोठी ।
 सांचेन ज्ञानाचिये भेटी । उपावो तुज ॥ ८४ ॥
 तरि आत्मसुखाचिया गोडिया । बिटला जो विषयां ।
 जेयाचां ठाई इंद्रियां । मानु नाही ॥ ८५ ॥
 जो मनासि चाड न संघे । जेयां प्रकृतिचें केढें ने वे ।
 जो श्रद्धेचेनि संभोगें । सुखिया जाला ॥ ८६ ॥
 तेयातें चि गिबसित । हें ज्ञान पावे निश्चित ।
 जेयामाजि अचुंबित । शान्ति असे ॥ ८७ ॥
 तें ज्ञान हृदयीं प्रतिष्ठे । आणि शान्तिचा अंकुर फूट ।
 मग विस्तारु बहुत प्रकटे । ततक्षणीं ॥ ८८ ॥ आत्मवांछाया
 तेव्हां जेउति वास पाहिजे । तेउती शान्ती चि एकि देखिजे ।
 तेथ पारावार नेणिजे । निर्द्धारितां ॥ ८९ ॥

जेथारुडे

ऐसा हा उत्तरोत्तर । ज्ञानग्रांजाचा विस्तार ।

हा सांगतां असे अपार । परि असो आतां ॥ १९० ॥

अज्ञश्चाश्रद्धानश्च संशयात्मा विनश्यति ।

नायं लोकोऽस्ति न परो न सुखं संशयात्मनः ॥ ४० ॥

आइकै जेया प्राण्यांचां ठांड । यया ज्ञानाचें पाहिलें नाहि ।

तेयाचें जियालें हणों काड । वरि मेलें चांग ॥ ९१ ॥

भून्य जैसैं गृह । कां चैतन्येवोण देह ।

१ तैसैं जीवीत तें सैमाह । ज्ञानहीन ॥ ९२ ॥

अथवा ज्ञान कीर आपु नेहे । परि तें चाड शेकि जन्हीं वाहे ।

तेथ जीवाला काहीं आहे । प्राप्तिचा ॥ ९३ ॥

वांचूनि ज्ञानाची गोठि काडसी । परि ते आस्था ही न धरो जो मानसी ।

तो संशयरूप हुताशी । पडिला जाण ॥ ९४ ॥

जें अमृत ही परि नावडे । ऐसैं संवियां चि अरोचक जें पडे ।

तैं मरण आलें असैं फुडें । हें जाणों ये कां ॥ ९५ ॥

१ तैसा त्रिषयसुखरंजें । जो ज्ञानेसीं चि माजे ।

तो संशई अंगिकरिजे । एथ भ्रांति नाहीं ॥ ९६ ॥

मग संशई जरि पडिला । तरि निभ्रांत जाणें नाशला ।

तो अहिकाही परि मूकला । सुखासि गा ॥ ९७ ॥

जेया कालज्वर आंगों बाणे । तो शीतोष्णें जैसीं नेणे ।

आणि आणि चांदिणें । सारसैं चि मानीं ॥ ९८ ॥

तैसैं साच आणि लाटिकें । वीरू अथवा नीकें ।

संशई तो नोलखे । हिताहितें ॥ ९९ ॥

हा रातिदिवसु पाहिं । जैसा जाथंधा ठाड्या नाहि ।

तैसैं संशैया सत्य काहीं । मना नै ये ॥ २०० ॥

हणौनि संशयाहूनि थोर । आधिक पाप नाहि घोर ।

हा विनाशाचो वागुर । प्राण्यांसि ॥ १ ॥

योगसंन्यस्तकर्माणं ज्ञानसंछिन्नसंशयम् ।

आत्मवतं न कर्माणि निबध्नन्ति धनंजय ॥ ४१ ॥

हणौनि हा लजावा । हाचि येकु जीणावा ।

जो ज्ञानाचिया अभावा- । माजि असे ॥ २ ॥

जे अज्ञानाचे गडदे पडे । ते हा बहुवसु मनीं बाडे ।

हणौनि सर्वथा मार्गु मोडे । विश्वासाचा ॥ ३ ॥

तस्मादज्ञानसंभूतं हृत्स्थं ज्ञानासिनात्मनः ।

छित्त्वेन संशयं योगमातिष्ठोत्तिष्ठ भारत ॥ ४२ ॥

हृदई हाचि न समाए । आणि बुद्धितें गवसूनि ठाए ।

तेथ संशयात्मक होए । लोकत्रय ॥ ४ ॥

ऐसा ही जन्हीं थोरावे । तन्हीं उपायें येकें आंगवे ।

जार हातां होय बरवें । ज्ञानखड्ग ॥ ५ ॥

तारि तेणें ज्ञानशस्त्रें तोखटें । निखलु हा निवटे ।

मग निःशेष स्वता फिटे । मानसिचा ॥ ६ ॥

या कारणें पार्था । उठीं वेगीं वरोता ।

नाशु करूनि हृदयस्था । संशयासि ॥ ७ ॥

पुढील श्लोका-
नारते.

ऐसें सर्वज्ञाचा बापु । जो कृष्णु ज्ञानदीपु ।

तो हणतसे सकृपु । आइकें राया ॥ ८ ॥

तव एया पूर्वापर बोलाचा । विचारूनि कुमरु पांडुचा ।

कैसा प्रभु हान अवसरिचा । करिता होईल ॥ ९ ॥

जेयाचां बरेवेपणीं । कीजे आठां रसांची ओलावणी ।

जो सज्जनाचिये आणी । विसावां जगीं ॥ २१० ॥

तो शांतू चि अभिनवल । ते परियसां मन्हाटे बोल ।

जे समुद्रा ही हूनि खोल । अर्धभरित ॥ ११ ॥

जैसें बिंब तारि बचकेयेवडे । परि प्रकाशा त्रैलोक्य थोकडें ।

शब्दाचा व्याप्ति तेणें पाडें । अनुभवांची ॥ १२ ॥

ते कर्मांनीं संशयें । आवांचीं निरासे

ना तरि कामितेयाचिया इच्छा । फले कल्पवृक्षु जैसा । १
 बोलु व्यापकु होये तैसा । तरि अवधान देयावें ॥ १३ ॥
 हें असो काये लग्गावें । सर्वज्ञ जाणती स्वभावें ।
 तन्हीं नोकेनि चित्त देयावें । हे विनती माझी ॥ १४ ॥
 जें साहित्य आणि शांतो । हे रेखा दिसे बोलती ।
 जैसी लावण्यगुणयुवती । आणि पतिव्रता ॥ १५ ॥
 आदिं चि साखर आवडे । आणि ते चि जरि ओखधा जोडे ।
 तरि न सेवावी कां कोडें । नावां नावां ॥ २१६ ॥
 म साहाजें मलयानीलु सुंदु । तेया ही होये अमृताचा स्वादु ।
 आणि तेथ चि जोडे नादु । दैवंगत्या ॥ १७ ॥
 तरि स्पर्शें सर्वांग जीवची । स्वादे जीभेतें नाचची ।
 तेचि चि कानाकरवि लग्गची । बापु माझा ॥ १८ ॥
 तैसें कथेचें इये आइकणें । एक श्रवणासि होये पारणें ।
 आणि संसारदुःखा मोकळवणें । विष्णुतीविण ॥ १९ ॥
 जरि मैत्रें चि वैरी मरे । तरि बायां कां बांधावे कटारे ।
 १० रोगु जाये दूधें ओंगरें । तरि नोबु कां पियावा ॥ २२० ॥
 तैसा मनाचा मारु न करितां । इंद्रियां दुःख नेंदितां ।
 एथ मोक्षु असे आइकतां । श्रवणांमाझि ॥ २१ ॥
 हाणौनि आधिलिया आराणुका । गीतार्थु हा नीका ।
 ज्ञानदेउ० हाणे आइकां । निवृत्तिदासु ॥ २२२ ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे ज्ञानयोगो
 नाम चतुर्थोऽध्यायः ॥

॥ श्रीमद्वात्मकरामकृष्णार्पणमस्तु ॥

ज्ञानेश्वरी

अध्याय पांचवा.

अर्जुन उवाच ॥

संन्यासं कर्मणां कृष्ण पुनर्योगं च शंससि ।

यच्छ्रेय एतयोरेकं तन्मे ब्रूहि सुनिश्चितम् ॥ १ ॥

मग पार्थ कृष्णार्ते ह्यणे । हां हो हें कैसें तुमचें बोलणें ।

एक होये तरि अंतष्करणें । विचारुं ए ॥ १ ॥

मागां सकल कर्मांचा संन्यासु । तुझीं चि निरोपिला होंता बहुयसु ।

तरि कर्मयोगीं केवि अतिरसु । पोखित असा ॥ २ ॥

हें ऐसें द्वैतार्थ बोलतां । आह्मां नेगतेयांचेया चित्ता ।

आपुलिये चाडे अनंता । उमजु नोहे ॥ ३ ॥

आइकें एकसरां तें बोधिजे । तरि एकनिष्ठ चि बोलिजे ।

हें आणिकें काये सांघिजे । तुझाप्रति ॥ ४ ॥

तन्हीं येया चि लागौनि तुमते । मियां माहोरासि एक विनविलें होंतें ।

जें हा परमार्थ ध्वनितें । न बोलावा ॥ ५ ॥

परि तें मागील असो देवा । आतां प्रस्तुतीं उकळु देखावा ।

सांगें दोहोंमाझि बरवा । मांगुं कवणु ॥ ६ ॥

जो परिणामीचा निर्वाला । अचुंघित ये फला ।

आणि अनुष्ठितां प्रांजला । सवियां चि ॥ ७ ॥

जैसें निद्रेचें सुख न मोडे । आणि मार्गु तरि बहूं सांडे ।
तैसें सोखासना सांघडें । सोहपें होये ॥ ८ ॥

श्रीभगवानुवाच ॥

संन्यासः कर्मयोगश्च निःश्रेयसकरावुभौ ।

तयोस्तु कर्मसंन्यासात्कर्मयोगो विशिष्यते ॥ २ ॥

एणें अर्जुनाचेनि बोलें । देवो मनीं रिझले ।

मग होईल आइकें ह्मणितलें । संतोखौनियां ॥ ९ ॥

देखां कामधेनु ऐसी माये । सदैवां जेया होये ।

तो चंद्रु चि परि लाहे । खेलावया ॥ १० ॥

पाहा पां शंभूची प्रसन्नता । तेया उपमन्युचिया आर्त्ता ।

काये क्षीराब्धि दूधभाता । देई चि ना ॥ ११ ॥

तैसा औदार्याचा कुरुठा । कृष्णु आपु जालेयां सुमटा ।

कां सर्व सुखाचा वसैठा । तो चि नोहावा ॥ १२ ॥

एथ चमत्कार काइसा । गोसांविं लक्ष्मीकांता ऐसा ।

आतां आपुलालिया सावेसा । मागाचा किं ॥ १३ ॥

ह्मणौनि अर्जुन ह्मणितलें । तें हांसौनि येरें दीधलें ।

तें चि सांघेन बोलिलें । काइ कृष्णें ॥ १४ ॥

तो ह्मणे गा कुंतीसुता । हे संन्यासयोग विचारितां ।

मोक्षकर तत्त्वता । दोन्हीं होंति ॥ १५ ॥

जणार्थ तन्हीं जाणां नेणां सकलं । हा कर्मयोग किर पांजळा ।

जैसी नाव स्त्रियां बालां । तोयतरणी ॥ १६ ॥

तैसें सारासार पाहिजे । तारि सोहोपा हा चि देखिजे ।

एणें संन्यासफल लाहिजे । अनायासें ॥ १७ ॥

ज्ञेयः स नित्यसंन्यासी यो न द्वेष्टि न कांक्षति ।

निर्व्विद्भो हि महाबाहो सुखं बंधात्प्रमुच्यते ॥ ३ ॥

आतां येया चि लागि सांघैन । तुज संन्यासियाचें चिन्ह ।
 मग साहाजें हें अभिन्न । जाणसी तूं ॥ १८ ॥
 तारि गेल्याची से न करी । न पवतां चाड न धरी ।
 जो सुनिश्चल आंतरीं । मेरु तैसा ॥ १९ ॥
 आणि मी माझें हे आठवण । विसरलें जेयाचें अंतःकरण ।
 तो पार्था संन्यासी जाण । निरंतर ॥ २० ॥
 जो मनें ऐसा जाला । संगि तो चि सांडिला ।
 ह्मणौनि सुखें सुख पातला । अखंडीत ॥ २१ ॥
 आतां गृहादीक आववें । तें काहीं च नलगे त्यजावें ।
 जें घेतें जालें स्वभावें । निःसंगु ह्मणुनि ॥ २२ ॥
 देखें अग्नि विज्ञौनि जाये । मग जें राखोंडी केवल होयें ।
 तें ते कापुसें हीं गवसूं ये । जिया परीं ॥ २३ ॥
 तैसा असतेन उपाधी । नाकळिजे तो कर्मबंधीं ।
 जेयाचिये बुद्धी । संकल्प नाही ॥ २४ ॥
 ह्मणुनि कल्पना जें सांडे । तें चि गा संन्यासु घडे ।
 येया कारणें दोन्हीं सांघडे । संन्यासयोग ॥ २५ ॥

सांख्ययोगौ पृथग्बालाः प्रवदंति न पंडिताः ।

एकमप्यास्थितः सम्यग्भयोर्विदते फलम् ॥ ४ ॥

यन्हविं तन्हीं पार्था । जे मूर्ख होंति सर्वथा ।
 ते सांख्यकर्मसंस्था । जाणति केवि ॥ २६ ॥
 साहाजें ते अज्ञान । ह्मणौनि ह्मणति हें भिन्न ।
 यन्हविं दीप प्रति काइ आनान । प्रकाश आहाति ॥ २७ ॥
 पै सम्यक् एकानुभवे । जेहिं देखिलें तत्त्व आववें ।
 दोहोंतें हीं एकभावें । मानिति गा ॥ २८ ॥

यत्सांख्यैः प्राप्यते स्थानं तद्योगैरपि गम्यते ।

एकं सांख्यं च योगं च यः पश्यति स पश्यति ॥ ५ ॥

आणि सांख्यीं जें पाविजे । तें चि योगीं गमिजे ।
 ह्यगौनि ऐक्य दोहों साहाजें । इया ही परी ॥ २९ ॥
 देखें आकाशा आणि अवकाशा । भेदु कां नाहिं जैसा ।
 तैसें ऐक्य योगसंन्यासा । बोलखे जो ॥ ३० ॥
 तेया चि जर्गी पाहलें । आपणपें तेणें चि देखिलें ।
 जेया सांख्ययोग जाणवले । भेदेविण ॥ ३१ ॥

संन्यासस्तु महाबाहो दुःखमाप्नुमयोगतः ।
 योगयुक्तो मुनिर्ब्रह्म न चिरेणाधिगच्छति ॥ ६ ॥

जो युक्तिपर्यें पार्था । चडे मोक्षपर्वता ।
 तो महासुखाचा निमथा । वहिला पावे ॥ ३२ ॥
 ऐसी योगस्थिति जेया सांडे । तो बायां चि हव्यासीं पडे ।
 परि प्राप्ति कहीं न घडे । संन्यासाची ॥ ३३ ॥

योगयुक्तो विशुद्धात्मा विजितात्मा जितेंद्रियः ।
 सर्वभूतात्मभूतात्मा कुर्वन्नपि न लिप्यते ॥ ७ ॥
 जेणें भ्रांतीपासौनि हीतलें । गुरुवाक्यें मन धूतलें ।
 मग आत्मस्वरूपीं घातलें । हरौनियां ॥ ३४ ॥
 जैसें समुद्रीं लवण न पडे । तवें वेगलें अल्प आवडे ।
 मग होये सिंधू चि एवडें । मिले तेव्हां ॥ ३५ ॥
 तैसें संकल्पौनि काढलें । जेयाचें मन चैतन्य जाले ।
 तेणें एकदेशिये परि व्यापिलें । लोकत्रय ॥ ३६ ॥
 आतां कर्त्ता कर्म करावें । हें कुठलें तेया आववें ।
 आणि करी तन्हीं स्वभावे । अकर्त्ता तो ॥ ३७ ॥

नैव किंचित्करोमीति युक्तो मन्येत तत्त्ववित् ।
 पश्यन्शृण्वन्स्पृशन्निग्नन्नश्रमगच्छन्स्वपन्सर्वसन् ॥ ८ ॥

जें पार्था तेया देहीं । मीं ऐसा आठौ नाही ।
 तारि कर्तृत्व कैचें काड । उरे सावें ॥ ३८ ॥

ऐसे तनुत्यागेविण । अमूर्तिचे गुण ।
 दीसति संपूर्ण । योगयुक्ता ॥ ३९ ॥
 यन्महिं आणिकाचिया परी । तो ही येकु शरीरी ।
 अशेषीं ही व्यापारीं । वर्ततु असे ॥ ४० ॥
 तो ही नेत्रीं पाहे । श्रवणीं आइकतु आहे ।
 परि तेथिचा सर्वथा नोहे । हें नवल देखें ॥ ४१ ॥
 स्पर्शासि तरि जाणे । परिमलु सेवा घ्राणें ।
 अंसरोचित बोलणें । तेया ही आथि ॥ ४२ ॥
 आहारातें स्वीकरी । त्याज्य तें परिहरी ।
 निद्रेचा अवसरीं । निदिजे सुखें ॥ ४३ ॥
 आपुलेनि इलावसें । तो ही गा चालतु दीसे ।
 पै सकल कर्म ऐसें । राहाटे किर ॥ ४४ ॥

प्रलपन्विस्सृजन्गृणहन्नुन्मिषन्निमिषन्नपि ।

इन्द्रियाणीन्द्रियार्थेषु वर्तत इति धारयन् ॥ ९ ॥

हें सांघों काइ एकैक । देखें श्वासोश्वासादिक ।
 आणि निमेषानिमेष । आदिकरुनि ॥ ४५ ॥
 पार्था तेयाचां ठांइ । हें आवर्ते चि आथि पाइ ।
 परि तो करिता नोहे काहीं । प्रतीतिबलें ॥ ४६ ॥
 जें भ्रांतिसेजे सूतला । तें स्वप्नसुखें भूतला ।
 मग तो ज्ञानोदयीं चेइला । ह्यगौनियां ॥ ४७ ॥
 आतां अधिष्ठानसंगति । अशेषा ही इन्द्रियवृत्ती ।
 आपुलालां अर्थी । वर्तत आथी ॥ ४८ ॥

ब्रह्मण्याधाय कर्माणि संगं त्यक्त्वा करोति यः ।

लिप्यते न स पापेन पद्मपत्रमिवांभसा ॥ १० ॥

दीपाचेनि प्रकाशे । गृहिचे व्यापार जैसे ।
 देहीं कर्मजात तैसें । योगयुक्त ॥ ४९ ॥

तो कर्म करी सकलें । परि कर्मबंधा नाकले ।

जैसे न सिंघे जलि जलें । पद्मपत्र ॥ ५० ॥

कायेन मनसा बुद्ध्या केवलैरिन्द्रियैरपि ।

योगिनः कर्म कुर्वति संगं त्यक्त्वात्मशुद्धये ॥ ११ ॥

देखें बुद्धीची भाष नेणिजे । मनाचा अंकर नुदैजे ।

ऐसा व्यापार तो बोलिजे । शरीर गा ॥ ५१ ॥

हैं चि मन्हाटें परिहसैं । तारे बालकाची चेष्टा जैसी ।

योगिये करिति कर्म तैसीं । केवला तनू ॥ ५२ ॥

मग पांचभूतिक सांचलें । जेव्हां शरीर असे निदलें ।

तेथ मन चि राहाटें एकलें । स्वप्नीं जेवि ॥ ५३ ॥

नवल आइकैं धनुर्द्धरा । कैसा वासनेचा सर्वसास ।

देहा हों नेंदी उजगरा । परि सुखदुःखें भोगी ॥ ५४ ॥

दाहिं इंद्रियांचां गाधि नेणिजे । ऐसा व्यापार जो निकजे ।

तो केवलु गा हाणिजे । मानसाचा ॥ ५५ ॥

योगिये तो ही करिति । परि अकर्म तैसैं बुझति ।

जे सांडिली आहे संगती । अहंभावाची ॥ ५६ ॥

आतां जालेयां भ्रमहत । जैसे पिशाचाचें चित ।

मग इंद्रियांचें चेष्टित । विकड दीसे ॥ ५७ ॥

स्वरूप तारि देखे । आलविलें आइके ।

शब्दु बोले मुखें । परि ज्ञान नाही ॥ ५८ ॥

हैं असो काजेंविण । जें जें काहीं करण ।

तें केवल कर्म जाण । इंद्रियांचें ॥ ५९ ॥

मग सर्वत्र जें जाणतें । तें बुद्धीचें कर्म निहर्ते ।

बोलख अर्जुनातें । ह्मणे हरी ॥ ६० ॥

ते बुद्धि धूर करुनि । कर्म करी चित देउनि ।

परि नैष्कर्म्यपासौनि । मुक्त दीसति ॥ ६१ ॥

जे बुद्धिचिये ठाउनि देहीं । तेयां अहंकाराची शंका नाही ।

हणौनि कर्म चि करित पाहीं । चोखालले ॥ ६२ ॥

आगा करितेन विण कर्म । तें चि तें नैष्कर्म्य ।

हें जाणति गुरुगम्य । सुवर्म जे ॥ ६३ ॥

आतां शांतरसाचें भरितें । सांडित आहे पातातें ।

जे बोलणें बोल परातें । बोलवळें ॥ ६४ ॥

एथ इंद्रियांचा पांगु । जेया फोटला आहे चांगु ।

तेयांसी चि आधि लागु । परिसावेया ॥ ६५ ॥

हा असो अतिप्रसंगु । न संडि पां कयालागु ।

होईल श्लोकसंगती भंगु । हणौनियां ॥ ६६ ॥

जे मना कलितां कुवाडें । वाघवसितां बुद्धी नातुडे ।

तें दैवाचेन सुरवाडें । सांघवळें तुज ॥ ६७ ॥ सांघव

जे शद्धातीत स्वभावे । तें बोलीं चि जरि फावे ।

तरि आणिकें काइ करावें । सांघें कथा ॥ ६८ ॥

हा आर्त्तिविशेषु श्रोतेयांचा । जाणौनि दासु निवृत्तिचा ।

हणे संवादु तेयां दोघांचा । परियसां तरि ॥ ६९ ॥

मग कृष्ण हणे पार्थातें । आतां प्राप्ताचें चिन्ह पुरतें ।

सांघेन तुज निरुतें । चित्त देई ॥ ७० ॥

युक्तः कर्मफलं त्यक्त्वा शान्तिमाप्नोति नैष्ठिकीम् ।

अयुक्तः कामकारेण फले सक्तो निबध्यते ॥ १२ ॥

तरि आत्मयोगें आधिला । जो कर्मफलासि वीठला ।

तो घर रिगौनि वरिला । शांती जर्गी ॥ ७१ ॥

एरु कर्मबंवे किरीटी । अभिलाखाचिया गांठी ।

कालासला खुंटी । फलभोगाचां ॥ ७२ ॥

फलाचिये आधवे । ऐसें कर्म करो आधवे ।

मग न कीजे येणें भावें । उपोक्षि जो ॥ ७३ ॥

सर्वकर्माणि मनसा संन्यस्याऽऽस्ते सुखं वशी ।

नवद्वारे पुरे देही नैव कुर्वन्नकारयन् ॥ १३ ॥

तो जियाकडे वास पाहे । तेउती सुखाची सृष्टि होये ।

तो ह्यागे तेय राहे । महाबोधु ॥ ७४ ॥

नवद्वारें देहीं । तो असे परि नाही ।

कारितू चि न करी काहीं । फलत्यागी ॥ ७५ ॥

न कर्तृत्वं न कर्माणि लोकस्य सृजति प्रभुः ।

न कर्मफलसंयोगं स्वभावस्तु प्रवर्त्तते ॥ १४ ॥

जैसा कां सर्वेश्वर । पाहिजे तवं निर्व्यापार ।

परि तो चि रची विस्तार । त्रिभुवनाचा ॥ ७६ ॥

आणि करिता ऐसें ह्याणिपे । तारि कर्मि कव्हणि न सिंपे ।

जें हातुपाअ न लिंपे । उदासवृत्तिचा ॥ ७७ ॥

योगनिद्रा तारि न मोडे । अकर्त्तेपणा सांचळु न पडे ।

परि महाभूतांचें दलवाडें । उभारी भलें ॥ ७८ ॥

जगाचां जिविं आहे । परि कव्हणांचा कहिं नोहे ।

जग चि होये जाये । तो शुद्धि ही नेणे ॥ ७९ ॥

नादत्ते कस्यचित्पापं न चैव सुकृतं विभुः ।

अज्ञानेनावृतं ज्ञानं तेन मुह्यंति जंतवः ॥ १५ ॥

पापपुण्यें अशेबें । तो पासि चि असतु न देखे ।

आणि साक्षि ही दोहों न ठके । परि गोठि काइसी ॥ ८० ॥

पै मूर्त्तिचेनि मेलें । तो मूर्त्तु चि होउनि खेले ।

परि अमूर्त्तपण नं मैले । दादुलेयाचें ॥ ८१ ॥

तो सृजी पाळी संहारी । ऐसें बोलति जे चराचरी ।

ते अज्ञान गा अवधारी । पांडुकुमरा ॥ ८२ ॥

ज्ञानेन तु तदज्ञानं येषां नाशितमात्मनः ।

तेषामादित्यवज्ज्ञानं प्रकाशयति तत्परम् ॥ १६ ॥

तैं चि अज्ञान जैं समूल तूटे । तैं भ्रांतिचें मसैरें फीटे ।
 मग अकर्तृत्व हें प्रकटे । ईश्वराचें ॥ ८३ ॥
 एथ ईश्वर एकु अकर्ता । ऐसें मानलें जरि चित्ता ।
 तो चि मी हें स्वभावता । आदि चि आहे ॥ ८४ ॥
 ऐसेनि विवेकें उदो चित्ति । तेयांसि भेदु कैचा व्रीजगती ।
 देखैं आपुलिया प्रतीती । जग चि मुक्त ॥ ८५ ॥
 जैसी पूर्व दिशेचां राउलीं । उदयाची सूर्ये होये दिवाली ।
 किं एन्हीं हीं दिशां तिये चि कार्लीं । कालिमा नाहिं ॥ ८६ ॥
 ऐसें व्यापक ज्ञान भलें । जेयांचेया हृदया गिवसत आले ।
 तेयांची समतादृष्टि बोले । विशेषू काई ॥ ८७ ॥

तद्बुद्धयस्तदात्मानस्तानिष्ठास्तत्परायणाः ।

गच्छन्त्यपुनरावृत्तिं ज्ञाननिर्धूतकल्मषाः ॥ १७ ॥

एक आपण्यां चि जैसें । ते देखति विश्व तैसें ।
 हें बोलणें काइ ऐसें । नवल एथ ॥ ८८ ॥
 परि दैव जैसें कवतिकें । कहिं चि सरौनि दैन्य न देखे ।
 कां विवेकु हा नोलखे । भ्रांतितें ॥ ८९ ॥
 ना तरि अंधकाराची वानी । जैसा सूर्य नेणें स्वप्नीं ।
 अमृत नाइके आपुले कार्नीं । मृत्युकथा ॥ ९० ॥
 हें असो संतापु कैसा । हाणौनि चंद्रु कां न स्मरे जैसा ।
 भूति भेदु नेणति तैसा । ज्ञानिये ते ॥ ९१ ॥

विद्याविनयसंपन्ने ब्राह्मणे गवि हस्तिनि ।

शुनि चैव श्वपाके च पांडिताः समदर्शिनः ॥ १८ ॥

मग मशकु हा गजु । कां श्वपचु हा द्विजु ।
 पैल इतरु हा आत्मजु । हें उरैल कें ॥ ९२ ॥
 ना तरि धेनु हे श्वान । एक उरुयें एक हीन ।
 हें असो कैचें स्वप्न । जागतेया ॥ ९३ ॥

एथ भेदु तारि देखावा । जरि अहंभाओ उरला होआवा ।
तो आदीं चि नाहिं आघवा । आतां विषम काइ ॥ ९४ ॥
ह्यणौनि सर्वत्र सदा सम । तें आपण चि अद्वय ब्रह्म ।
हें संपूर्णता जाणें वर्म । समदृष्ट्यांचें ॥ ९५ ॥

इहैव तैर्जितः सर्गो येषां साम्ये स्थितं मनः ।
निर्दोषं हि समं ब्रह्म तस्माद्ब्रह्मणि ते स्थिताः ॥ १९ ॥

जिहिं विषयसंगु न संडितां । इंद्रियांतें न दंडितां ।
भोगिली निःसंगता । कामेविण ॥ ९६ ॥
जिहिं लोकाचेन आधारें । लौकिकें चि व्यापारें ।
सांडिलें निदसुरें । लौकीक हें ॥ ९७ ॥
जैसा जनामाजि खेचर । असतू चि जना नव्हे गोचर ।
तैसे शरीरीं ते परि संसार । नोलखे तेयां ॥ ९८ ॥
हें असो पवनाचेनि मेलें । जैसें जलिल जल चि लोले ।
आणिकें ह्यणति वेगले । कळोल हे ॥ ९९ ॥
तैसें नामरूप तेयाचें । यन्हाविं ब्रह्म चि ब्रक्षिचें ।
मन साम्या आलें जेयाचें । सर्वत्र गा ॥ १०० ॥

न ब्रह्मैवेति प्रयं प्राप्य नोद्विजेत्प्राप्य चाप्रियम् ।
स्थिरबुद्धिरसंमूढो ब्रह्मविद्ब्रह्मणि स्थितः ॥ २० ॥

ऐसेन समदृष्टी जो होथे । तेया पुरुषा लक्षण हीं आहे ।
अर्जुना संक्षेपें सांघेन पाहे । अच्युतु ह्यणे ॥ १ ॥
तरि मृगजलाचेनि पूर्वे । जैसें न लोटिजे कां गिरिवरें ।
तैसा शुभाशुभीं न विकरे । पातलां जो ॥ २ ॥
तो चि तो निरुता । समदृष्टी तत्वंता ।
हरि ह्यणे पांडुसुता । तो चि ब्रह्म ॥ ३ ॥

बाह्यस्पर्शेष्वसक्तात्मा विदित्यात्मनियत्सुखम् ।
स ब्रह्मयोगयुक्तात्मा सुखमक्षय्यमश्नुते ॥ २१ ॥

जेंया आपणपें सांडूनि कहीं । इंद्रियग्रामुवैरि एणें नाही ।
 तो विषय न सेवी हें काइ । चित्र एथ ॥ ४ ॥
 साहाजें स्वसुखिचेन अपारें । सुरवाडें आंतरें ।
 रचला हणौनि बाहिरें । पाउल न वली ॥ ५ ॥
 सांघें कुमुददलाचेनि ताटें । जेविला चंद्रकिरणें चोखटें ।
 तो चकोरु बालुवटें । चुंबितु आहे ॥ ६ ॥
 तैसें आत्मसुख उपाडलें । जेयासि आपणपां चि फावलें ।
 तेयां विषय साहाजें सांडले । सांवों काइ ॥ ७ ॥

ये हि संस्पर्शजा भोगा दुःखयोनय एव ते ।

आद्यंतवतः कौतेय न तेषु रमते बुधः ॥ २२ ॥

यन्हविं तन्हीं कवतिकें । विचारूनि पाहे पां नीकें ।
 एयां विषयांचेन सुखें । झांकवति कवण ॥ ८ ॥
 जिहि आपणपें नाहि देखिलें । ते चि हीं इंद्रियार्थी रंजले ।
 जैसें कां आलुकैलें । तुषान्न सेवी ॥ ९ ॥
 ना तारि मृगें तृषापीडितें । संभ्रमें विसरौनि जलातें ।
 मग तोयबुद्धि बरडीतें । टाकूनि पुंति ॥ १० ॥ रंजि
 तैसें आपणपें नाहि दीठें । जेहांतें स्वसुखाचे सदा खराटे ।
 तेयांसी चि विषय हे गोमटे । आवडति ॥ ११ ॥
 यन्हविं विधें काइ सुख आहे । हें बोलणें चि सारिखें नोहे ।
 तारि विद्युत्स्फुरणें कां न पाहे । जगामाक्षि ॥ १२ ॥
 सांघें वार्तातापु हा धरे । ऐसें अभ्रछाया चि सरे ।
 तारि त्रिमाळिकें धवलारें । करावीं कां ॥ १३ ॥
 हणौनि विषयसुख जें बोलिजे । तें नेणतां गा वायां जल्पिजे ।
 जैसें महुर् हान कां हणिजे । विषकंदातें ॥ १४ ॥
 ना तारि भौमा नावं मंगल । रोहिणीतें हणिजे जलु ।
 तैसा सुखप्रवादु बरलु । विषइकु हा ॥ १५ ॥

आत्मसुख आत्म

असौ आघवी बोली । सांघ पां सर्पफणिची सांउली ।
 ते शीतल होईल केतुली । मूखकांसि ॥ १६ ॥ ५
 जैसा आमीषकवल्ल पांडवा । मीनु न सेवी तवं चि बरवा ।
 तैसा विषयसंगु आघवा । निभ्रांत जाणें ॥ १७ ॥
 हे चि विरक्तिचिया दृष्टी । जें निहालिजे किरीटी ।
 तें पांडुरोगाचिये पुष्टी । सारिखें दीसे ॥ १८ ॥
 ह्यणौनि विषयभोगीं जें सुख । तें साद्यंत चि जाण दुःख ।
 पारि काइ करीतु मूर्ख । तें न सेवितां न सरे ॥ १९ ॥
 ते आंतर नेणती चि बापुडे । ह्यणौनि अगत्या सेवणें घडे ।
 सांघें पूयपंकिचे कीडे । काइ चिलिसि घेंती ॥ २० ॥
 तेयां दुःख्यां दुःख चि जिन्हार । ते विषयकर्मिचे दर्दूर ।
 तें चि जलातें जलचर । सांडितु केवि ॥ २१ ॥
 आणि दुःखयोनी जिया आहाति । तिया निरर्थका तारि नव्हति ।
 जरि विषयांवरि विरक्ति । धरीति जीव ॥ २२ ॥

शक्नोतीहैव यः सोढुं प्राक्शरीरविमोक्षणात् ।

कामक्रोधोद्भवं वेगं स युक्तः स सुखी नरः ॥ २३ ॥

ना तारि गर्भवासादि संकट । कां जन्ममरणींचे कष्ट ।
 हे विसावेनिविण वाट । वाहवी कवण ॥ २३ ॥
 जरि विषई विषयो सांडिजेल । तरि महादोषिं के वसिजेल ।
 आणि हा संसारशब्दु नव्हैल । लटका जगीं ॥ २४ ॥
 ह्यणौनि अविद्याजात नाथिलें । तें तिहिं चि साच दाविलें ।
 जिहिं सुखबुद्धी घेतलें । विषयदुःख ॥ २५ ॥
 एया कारणें गा सूभटा । हा विचारितां विखो ओखटा ।
 तूं झनं कहीं इया वाटा । विसरौनि जासी ॥ २६ ॥
 पै ययातें विरक्त पुरुष । त्यजीति कां जैसैं विष ।
 निराशां तेयां दुःख । दाविलां नावडे ॥ २७ ॥

ज्ञानियांचां ठांड । एयाची मातु ही किर नाहि ।
 देहीं देहभाव जिहीं । स्ववश केले ॥ २८ ॥
 जेयातें बाह्याची भाष । नेणिजे चि निःशेष ।
 आंतर चि सुख । एक आथि ॥ २९ ॥
 परि ते वेगलेपणें कां भोगिजे । जैसें पक्षियें फल चुंबिजे ।
 जैसें नव्हे तेथ विसरिजे । भोगितेपण ॥ ३० ॥
 भोगि अवस्था एकि उठि । ते अहंकाराचलु लोटी ।
 मग सुखेंसीं घे आंटी । गाढेपणें ॥ ३१ ॥
 तिये आलिंगनमेलीं । होये आपेंआपु कवली ।
 तेथ जल जैसें जलीं । वेगलें न दिसे ॥ ३२ ॥
 कां आकाशीं वायु हारपे । तेथ दोनि हा भाऊ लोपे ।
 तैसें सुख चि उरे स्वरूपें । सुरति तिये ॥ ३३ ॥
 ऐसी द्वैताची भाष जाये । मग ह्मणों जरि येक चि होये ।
 तारि तेथ साक्षि कवण आहे । जाणतें जें ॥ ३४ ॥
 ह्मणौनि असो हें आघवें । एथ न बोलणें काइ बोलावें ।
 ते खुण चि पावैल स्वभावें । आत्मारामीं ॥ ३५ ॥
 जे ऐसेन सुखें मातले । आपणपां चि आपण गुंतले ।
 ते मी जाण निखल ओतले । समरसाचे ॥ ३६ ॥
 ते आनंदाचे अनुकार । सुखाचे अंकुर ।
 किं महाबोधें विकार । केले जैसे ॥ ३७ ॥
 ते विवेकाचे गावं । किं परब्रह्मिचे स्वभाव ।
 ना तारि अलंकरले अवयव । ब्रह्मविद्येचे ॥ ३८ ॥
 ते सत्वाचे सात्विक । किं चैतन्याचे आंगिक ।
 हें बहु असो एकैक । वानिसि काइ ॥ ३९ ॥
 तूं संतस्तवनीं रचसी । तारि कथेची से न करिसि ।
 किर निरालीं बोल देखसी । सनागर ॥ ४० ॥

परै तो रसातिशयो मुकुलीं । मग ग्रंथार्थदीप उजालें ।
 करीं साधुहृदयराउलीं । मंगलउखा ॥ ४१ ॥
 ऐसां गुलुंचा उवाइला । निवृत्तिदासणसि पातला ।
 मग तो हणणे कृष्ण काइ बोलिला । तें चि आइका ॥ ४२ ॥
 योंऽतःसुखोंऽतरारामस्तथांतज्योतिरेव यः ।
 स योगी ब्रह्म निर्वाणं ब्रह्मभूतोऽधिगच्छति ॥ २४ ॥
 अर्जुना अंतःसुखाचां डोहीं । येकसरा तलु घेतला जिहीं ।
 मग थिरावौनि ते ही । ते चि जाले ॥ ४३ ॥
 अथवा आत्मप्रकाशें चोखें । जो आपणपां चि विश्व देखे ।
 तो देहें चि ब्रह्मसुखें । मानूं येइल ॥ ४४ ॥

लभंते ब्रह्म निर्वाणमृषयः क्षीणकल्मषाः ।
 छिन्नद्वैधा यतात्मानः सर्वभूतहिते रताः ॥ २५ ॥

जें साचोकारें परम । नातःपर निःसीम ।
 जिये गाविचे निष्काम । अधिकारिये ॥ ४५ ॥
 जें महर्षी वांटलें । विरक्तां भागा फीटलें ।
 जें निःसंशैयां पीकलें । निरंतर ॥ ४६ ॥

कामक्रोधवियुक्तानां यतीनां यतचेतसाम् ।
 अभितो ब्रह्म निर्वाणं वर्तते विदितात्मनाम् ॥ २६ ॥

जिहिं विषयांपासौनि हीतलें । चित्त आपुलें आपण जीतलें
 ते निश्चित जेथ सूतले । चेंति चि ना ॥ ४७ ॥
 तें परब्रह्मनिर्वाण । जें आत्मविदांचें कारण ।
 तें चि ते पुरुष जाण । पांडुकुमरा ॥ ४८ ॥
 ते ऐसे कैसेन जाले । जें देहें चि ब्रह्मत्वा आले ।
 हें हीं वृससि तारि भलें । संक्षेपें सांगों ॥ ४९ ॥

स्पर्शान्कृत्वा बहिर्बाह्यांश्चक्षुश्चैवांतरे भुवोः ।
 प्राणापानौ समौ कृत्वा नासाभ्यंतरचारिणौ ॥ २७ ॥

तारि वैराग्याचेन आधारें । तिहि विषय दवड्ढनि बाहिरे ।
 शरीरीं एकंदरें । केलें मना ॥ १५० ॥
 साहार्जे तिहि संधिसिं भेटी । जेथ भूपल्लवां पडे गांठि ।
 तेथ पाठिमोरी दीठी । पाउखौनियां ॥ ५१ ॥
 सांड्ढनि दक्षिण वाम । प्राणापानसम ।
 चित्तेसिं व्योम- । गामिये कारिति ॥ ५२ ॥

यतैर्द्रियमनोबुद्धिर्मुनिर्मोक्षपरायणः ।

विगतच्छाभयक्रोधो यः सदा मुक्त एव सः ॥ २८ ॥

तेथ जैसीं रथ्योदकें सकलें । घेउनि गंगा समुद्रीं मिले ।
 मग एकैक वेगलें । काढूं नैये ॥ ५३ ॥
 तैसी वासनांतरांची विवंचना । मग आपैसी पाउखे अर्जुना ।
 जेव्हलि गगनीं लो मना । पवनें कीजे ॥ ५४ ॥
 जेथ हें संसारचित्र उमटे । तो मनोरूप पट फाटे ।
 जैसा सरोवर आटे । मग प्रतिभा नाही ॥ ५५ ॥
 तैसें मनपण मुदल जाये । मग अहंभावादिक कें आहे ।
 हणौनि शरीरें चि गगन होये । अनुभवी तो ॥ ५६ ॥
 आहिं मागा मत सांगितलें । जें देहीं चि ब्रह्मत्व पातले ।
 ते एणें मार्गे आले । हणौनियां ॥ ५७ ॥
 यमनियमाचे डोंगर । अभ्यासांचे सागर ।
 क्रमूनि हें पार । पातले ते ॥ ५८ ॥
 तिहि आपणपें करुनि निर्लेप । प्रपंचा घेतलें माप ।
 मग साचाचें चि रूप । होउनि ठेले ॥ ५९ ॥
 ऐसा योगयुक्तिचा उद्देशु । जेथ बोलिला हृषीकेशु ।
 तेथ अर्जुनु सुडंसु । चमत्कारला ॥ १६० ॥
 तें देखिलेयां कृष्णें जाणितलें । मग हांसौनि पार्था हणितलें ।
 हें काइ पां चित्त उवाडलें । इयें बोलीं तूजें ॥ ६१ ॥

तवं अर्जुनु ह्यणे देउम् । परचित्तलक्षणाचा राउम् ।
 भला जाणितला जी भाउम् । मानसु माझग ॥ ६२ ॥
 मियां जें विवरुनि काहीं पूसावें । तें आदिं च कलिलें देवें ।
 तारि बोलिलें तें चि सांघावें । विवळ करुनि ॥ ६३ ॥
 यन्हविं तन्है अवधारां । जो दाखविला तुह्मीं अनुसारा ।
 तो पन्हणेयांहूनि पायेउतारा । सोहोपा जैसा ॥ ६४ ॥
 तैसा सांख्याहूनि पाहा प्रांजला । परि आह्मांसारिखेयां जी अभोला ।
 एथ आथि काहिं प्रकाला । तो साहों ए वर ॥ ६५ ॥
 ह्यणौनि एकु वेल देवा । तो चि पडिताला घेयावा ।
 विस्तरैल तन्है सांघावा । सायंतु चि ॥ ६६ ॥
 तवं कृष्ण ह्यणति हो कां । तुज हा मार्गु गमला नीका ।
 तारि काइ जालें ऐकिजो कां । सुखें बोलों ॥ ६७ ॥
 अर्जुना तूं परियससी । परियसौनियां अनुष्ठिसि ।
 तारि आह्मासि वाणि काइसी । सांघें बांपां ॥ ६८ ॥
 आदिं चि चित्त मायेचें । वरि मीस जालें पढियंतेयाचें ।
 आतां तें अद्भुतपण स्नेहाचें । कवण जाणे ॥ ६९ ॥
 ते ह्यणो कारुण्यरसाची वृष्टि । किं नवेया स्नेहाची सृष्टी ।
 हें असो नेणिजे दिठी । हरिची वानुं ॥ १७० ॥
 जे अमृताची जाणों ओतली । किं प्रेम चि पेंउनि मातली ।
 ह्यणौनि कां अर्जुनमोहें गुंतली । निगों नेणे ॥ ७१ ॥
 हें बहू जें जें जल्पिजेल । तेणें कथेसी चि फांकु होईल ।
 परि तें स्नेहरूपा नै येइल । बोलवरि ॥ ७२ ॥

भोक्तारं यज्ञतपसां सर्वलोकमहेश्वरम् ।

सुहृदं सर्वभूतानां ज्ञात्वा मां शान्तिमृच्छति ॥ २९ ॥

ह्यणौनि विसुरा काइ येणें । तो ईश्वर कवलावा कोणें ।
 जो आपलें मान नेणे । आपण चि ॥ ७३ ॥

तन्हीं मागिला ध्वनी आंतु । मज गमला साविया चि मोहितु ।
 जें बलात्कारें असे ह्मणतु । पारयसें परिस ॥ ७४ ॥
 अर्जुना जेणें जेणें भेदें । तूझें कां चित्त बोधे ।
 तैसें तैसें विनोदें । निरूपिजैल ॥ ७५ ॥
 तो काइसेया नांव योगु । तेयाचा कवण उपयोगु ।
 अथवा अधिकारप्रसंगु । कवणां एथ ॥ ७६ ॥
 ऐसें जें जें काहीं । उक्त असे इये ठांड ।
 तें आघवे चि पाहीं । सांघैन आतां ॥ ७७ ॥
 तूं चित्त देउनि अवधारीं । ऐसें ह्मणौनियां हरी ।
 बोलिजैल ते पुढारी । कथा आहे ॥ १७८ ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे संन्यासयोगो नाम
 पंचमोऽध्यायः ॥

॥ श्रीकृष्णार्पणमस्तु ॥



ज्ञानेश्वरी

अध्याय साहावा

श्रीगणेशायनमः

रायातें हणें संजयो । तो चि अभिप्राउ अवधारिजे ।
कृष्ण सांघति आतां जो । योगरूप ॥ १ ॥
साहाजें ब्रह्मसाचें परगुणें । केलें अर्जुनालागि नारायणें ।
किं तिया चि अवसरी पाहुणे । पातलें आहीं ॥ २ ॥
कैसी दैवाची थोरी नेणिजे । जैसें तान्हेलेयां तोय सेविजे ।
किं तें चिये विकरुनु पाहिजे । तव अमृत आहे ॥ ३ ॥
तैसें आह्मांतुह्मां जालें । जें आठमुठी तत्व फावलें ।
तव धृतराष्ट्र हणितलें । हें न पुसों तूतें ॥ ४ ॥
तेया संजया येणें बोलें । रायाचें हृदय चोजवलें ।
जें अवसरी आहे घेतलें । कुमारांचिया ॥ ५ ॥
हें जाणौनि मनीं हांसिला । हणें ह्यातारा मोहें नासिला ।
यन्हविं बोलु तारि भला जाला । अवसरिचा ॥ ६ ॥
परि तें तैसें कैसेन होईल । जात्यंधा कैचें पाहील ।
तेविं च एरु सें घेईल । हणौनि भिए ॥ ७ ॥
परि आपण चित्ति आपुलां । निकिया परीं संतोषला ।
जें तो संवादु कां फावला । कृष्णार्जुनाचा ॥ ८ ॥

तेणें आनंदाचेनि घालेपणें । साभिप्रायें अंतष्करणें ।
 आतां आदरेंसीं बोलणें । घडेल तेया ॥ ९ ॥
 तो गीतेमाजि षष्टिचा । प्रसंगु असे आणिचा । ॥ १० ॥
 जैसा क्षीरार्णविं अमृताचा । निवाडु जाला ॥ १० ॥
 तैसें गीतार्थाचें सार । जें विवेकसिंधुचें पार ।
 नाना योगविभवभांडार । उघडलें कां ॥ ११ ॥
 जें आदिप्रकृतिकें विसंवरणें । जें शब्दब्रह्मासि न बोलणें ।
 जेथौनि गीतावल्लिचें ठाणें । प्ररोहो पावे ॥ १२ ॥
 तो अध्या३० हा साहाया । वरि साहित्याचिया बरवा ।
 सांघिजैल ह्मणौनि परियसावा । चित्त देउनि ॥ १३ ॥
 माझा मन्हाटा चि बोलु कवतिकें । परि अमृतातें हीं पैजेंसीं जीके ।
 ऐसीं अक्षरें चि रसिकें । मेलवीन ॥ १४ ॥
 जिये कोवलिकेचेनि पाडे । दीसति नादिचे तरंग थोंकडे ।
 बेधें परिमलाचें बीक मोडे । जेयाचेनि ॥ १५ ॥
 अङ्गकां रसालपणाचेया लोभा । किं श्रवणिं चि होथि जीभा ।
 बोलें इंद्रियां लागे कलभा । येकमेकां ॥ १६ ॥
 साहजें शब्दु तरि विषो श्रवणाचा ।
 पारि रसना ह्मणे कां रसु चि हा आमचा ।
 घ्राणासि भावो जाये परिमलाचा ।
 हा तो चि कां होईल ॥ १७ ॥
 नवल बोलतिये रेखेची वाहाणी । दावितां डोलेयां हीं पुरें लागे आणि ।
 ते ह्मणति उघडिली कां खाणि । रूपांची हे ॥ १८ ॥
 जेथ संपूर्ण पद उभारे । तेथ मन चि धांवें बाहिरें ।
 ३१०२५२० बोलुभुजांहीं आशे भरे । आलिंगावेया ॥ १९ ॥
 ऐसां इंद्रियें आपुलालां भाविं । झोंबतां परि तो सरिसेपणें चि बुझावी ।
 जैसा एकला जग चेववी । सहस्रकर ॥ २० ॥

तैसें शब्दाचे व्यापकपण । देखिजे असाधारण ।
 पाठेयां भावज्ञां फावति गुण । चिंतामणिचे ॥ २१ ॥
 हें असो तेयां बोलाचीं तांटे मलीं । वरि कैवल्यरसें ओगरलीं ।
 हे प्रतिपत्ति मियां केली । निष्कामासि ॥ २२ ॥
 आतां आत्मप्रभा नीचनवी । ते चि करुनि ठाणा दिवी ।
 जो इंद्रियांतें चोरुनु जेवी । तेयासी च फावे ॥ २३ ॥
 एथ श्रवणाचेनि पांगें । विण श्रोतेयां होआवें लागे ।
 हें मनाचेनी चि आंगें । भोगिजे गा ॥ २४ ॥
 आहाच बोलाची वालीप फेडिजे । आणि ब्रह्माचेया चि आंगा घडिजे ।
 मग सुखेसीं सुरवाडिजे । तेयामाझि ॥ २५ ॥
 ऐसें हलुवारपण जरि येईल । तरि चि हें उपेगा जाईल ।
 यन्हविं आधवी गोठि होईल । मूकां बोलेतेयाची ॥ २६ ॥
 परि तें असो आतां आधवें । न लगे श्रोतेयां कडसावें ।
 जें एथ अधिकारिये स्वभावें । पूर्णकाम ॥ २७ ॥
 जेहीं आत्मबोधाचिया आवडी । केली स्वर्गसंसाराची कुरवडी ।
 ते वांचौनु एथिची गोडी । नेणति आणिक ॥ २८ ॥ *गीत*
 जैसा वायसीं चंद्रु नोलखिजे । तैसा प्राकृतीं ग्रंथु हा नेणिजे ।
 आणि तो हिमांशु जेविं खाजें । चकोरांचें ॥ २९ ॥
 तैसा सज्ञानांसि तरि हा ठाऊ । आणि अज्ञानांसि आन गाऊ ।
 हणौनि बोलावेया विषो पाहा हो । विशेषें नाहिं ॥ ३० ॥
 परि अनुवादलों मी प्रसंगें । तें सज्जनीं उपसाहावें लागे ।
 आतां सांघेन काइ श्रीरंगें । निरूपिलें जें ॥ ३१ ॥
 अ४ तें बुद्धी हीं कवलितां सांकडें । हणौनि बोलीं विपायीं सांपडे ।
 परि निवृत्तिकृपाउजियेडें । देखैन मी ॥ ३२ ॥
 जें दिठी हीं न पविजे । तें दिठीविण देखिजे ।
 जन्हे अतींद्रिय लाहिजे । ज्ञानबलें ॥ ३३ ॥
 १७

ना तरि जें धातुवादिया हीं न जोडे । तें लोहीं चि पन्हें सांपडे ।
 जरि दैवयोगें चडे । परिसु हाता ॥ ३४ ॥
 तैसी सद्गुरुकृपा होए । तरि करितां काइ आपु नोहे ।
 ह्मणौनि अपार मातें आहे । ज्ञानदेउ ह्मणे ॥ ३५ ॥
 तेणें कारणें मीं बोलैन । बोली अरूपाचें रूप दावीन ।
 अतींद्रिय परि भोगवीन । इंद्रियांकरवि ॥ ३६ ॥

श्रीभगवानुवाच ॥

अनाश्रितः कर्मफलं कार्यं कर्म करोति यः ॥

स संन्यासी च योगी च न निरर्गिनं चाक्रियः ॥ १ ॥

आइकां यशश्रीऔदार्य । ज्ञानवैराग्यऐश्वर्य ।
 हे साही गुणवर्य । वसति जेथ ॥ ३७ ॥
 तेथ तो भगवंतु । जो निःसंगाचा सांगातु ।
 ह्मणे, पार्था दत्तचित्तु । होई आतां ॥ ३८ ॥
 आइकें योगी आणि संन्यासी जनीं । हे एक चि सिनाने झन मानीं ।
 यज्ज्वि विचारिजति जवं दोन्ही । तवं एकु चि ते ॥ ३९ ॥
 सांडिजे दुजेया नामाचा आभासु । तरि योगु तो चि संन्यासु ।
 पांतां ब्रह्मी नाहिं अवकाशु । दोहीमाझि ॥ ४० ॥
 जैसैं नावांचेनि अनारिसेपणें । एका पुरुषातें आलवणें ।
 कां दोही मार्गी जाणें । एका चि ठाया ॥ ४१ ॥
 ना तरि एक चि उदक साहाजें । पारि सिनानां घटीं भरिजे ।
 तैसैं भिन्नत्व हें जाणिजे । योगसंन्यासांचें ॥ ४२ ॥
 आइकें सकलसंमतें जगिं । पांहे तो चि योगी ।
 जो कर्म करौनि रागी । नव्हे चि फालिं ॥ ४३ ॥
 जैसी मही हे उद्विजें । जनी अहंबुद्धिविण साहाजें ।
 तेथिचीं तिथें बीजें । अपेक्षी ना ॥ ४४ ॥

एहं प्राणायामाचेनि आडकंठें । वरौता गा ॥ ५५ ॥

भग प्रत्याहाराचा आधाडा । जो बुद्धिचेयां हीं पायां निसरडा ।
 जेथ हटिये सांडित होडा । कडेलग ॥ ५६ ॥
 तर्हि अभ्यासाचेनि बलें । तिये प्रत्याहारीं निराले ।
 नाखि लागेल घेइं डालें । वैराग्याचीं ॥ ५७ ॥
 ऐसा पवनाचेनि पाठारें । एतां धारणेचें पैयारें ।
 क्रमिध्या नावं चवरे । सांडे तवं ॥ ५८ ॥
 भग तेया मार्गाची धावं । पुरैल प्रवृत्तिची हावं ।
 जेथ साध्यसाधना खेवं । समरसें होइल ॥ ५९ ॥
 जेथ पुढैल पैसु पारुखे । मागील स्मरावें तें ठाके ।
 ऐसिये सरिसिये भूमिके । समाधि राहे ॥ ६० ॥
 येणें उपायें योगारूढ । जो निरवधी जाला प्रौढ ।
 तेयाचेया चिन्हामाजि निवाडु । तें साधेन आइक ॥ ६१ ॥

यदा हि नन्द्रियार्थेषु न कर्मस्वनुषज्जते ॥

सर्वसंकल्पसंन्यासी योगारूढस्तदोच्यते ॥ ४ ॥

तरि जेयाचेया इंद्रियांचेया घरा । नाहिं विषयांचिया एरझारा ।
 जो आत्मबोधाचेया उभरां । पवढला असे ॥ ६२ ॥
 जेयाचें सुखदुःखाचेनि आंगें । झगटलें मानस चेउ नेचे ।
 विखो पासीं हीं आलेयां आशे न रिगे । हें काइ हणौनि ॥ ६३ ॥
 इंद्रियें कर्माचां च ठाई । वाढिनलीं परि कहीं ।
 फलहेतुची राल नाही । अंतष्करणीं ॥ ६४ ॥
 असतेनि देहें येतुला । जो चेतू चि देखसी निदेल ।
 तो चि योगारूढ भला । बोलख तूं ॥ ६५ ॥
 तेथ अर्जुनु हणें अनंता । हें मज विस्मो बहू आइकतां ।
 साधें तेया ऐसी योग्यता । कवणें दीजे ॥ ६६ ॥

उद्धरेदात्मनात्मानं नात्मानमवसादयेत् ।

आत्मैव ह्यात्मनो बंधुरात्मैव रिपुरात्मनः ॥ ५ ॥

तवं हासौनि कृष्ण ह्मणे । तूझें नवल ना हें बोलणें ।
 कवणासि काइ दीजेल कवणें । एथ अद्वैतीं इये ॥ ६७ ॥
 पै न्यामोहाचिये सेजे । बलियां अविद्या निद्रितां रिगिजे ।
 तेव्हलि हा दुःस्वप्न भोगिजे । जन्ममृत्युचा ॥ ६८ ॥
 पाठि अवसांत ये चेउ ॥ तें ते आघवें चि होये वावो ।
 ऐसा उपजे निल सद्भावो । तो ही आपणपां चि ॥ ६९ ॥
 हाणौनि आपण चि आपणपेया । घातु कीजतसे धनंजया ।
 चित्त देउनि येया नाथिलेया । देहाभिमाना ॥ ७० ॥

बंधुरात्मात्मनस्तस्य येनात्मैवात्मना जितः ॥

अनात्मनस्तु शत्रुत्वे वर्तेतात्मैव शत्रुवत् ॥ ६ ॥

हा विचारुनि सांडिजे । मग असती चि वस्तु होइजे ।
 तारि आपुली शास्ति साहाजें । आपण केली ॥ ७१ ॥
 यन्हविं कोसेकीटकिएचिया परी । तो आपणपेया आपण वैरी ।
 जो आत्मबुद्धि शरीरी । चारुस्थला ॥ ७२ ॥
 कैसा प्राप्तिचिये वेले । निदैवां आंधलेपणाचे डौले ।
 किं असते आपुले डोले । आपण बांधे ॥ ७३ ॥
 कां कव्हणी येकु भ्रमलेपणें । मी तो नोहें गा चोरलां ह्मणे ।
 ऐसा नाथिला संदु अंतष्करणें । घेउनि ठाके ॥ ७४ ॥
 यन्हविं होइ तें चि तो आहे । परि काइ कीजे बुद्धि तैसी नोहे ।
 देखां स्वप्निचेनि घायें । किं मरे साचे ॥ ७५ ॥
 जैसी तेया शुकाचेनि आंगभारें । नलिका भविनली एरी मोहरे ।
 तारि तेणें नुडावें कां परि न पुरे । मनाशंके ॥ ७६ ॥
 वायां चि मान पीली । आंठूइ हियें आवली ।
 टिटियांतु नली । धरुनि ठाके ॥ ७७ ॥
 ह्मणे बांधला मी फुडा । ऐसिये भावनेचिये पडे खोडां ।
 किं मोकलेयां पांयांचा चवडा । गुंफी अधिकें ॥ ७८ ॥

ऐसा काजविण आंतुडला । तो सांघें पां काइ आणिकें बांधला ।
 मग नोंसंडी जन्हें नेला । तोडौनु आधा ॥ ७९ ॥
 हणौनि आपणपेयां आपण चि रिपु । जेणें वाढविला हा संकल्प ।
 एरु स्वयें हणां बन्धुबापु । जो नाथिलें नेघे ॥ ८० ॥

जितात्मनः प्रशान्तस्य परमात्मा समाहितः ॥

शीतोष्णसुखदुःखेषु तथा मानापमानयोः ॥ ७ ॥

तेया स्वांतष्करणजिता । सकलकामोपशान्ता ।

परमात्मा परोत्ता । दूरिं नाहीं ॥ ८१ ॥

जैसा किडालाचां दोखु जाये । तरि पन्हें तें चि होये ।

तैसें जीवा ब्रह्मत्व आहे । संकल्पलोपीं ॥ ८२ ॥

धटाकाशु हा जैसा । निमालेयां तेया अवकाशा ।

न लगे मिलें जाणें आकाशा । आना ठाया ॥ ८३ ॥

हैसा देहीं अहंकार नाथिला । समूल जेयाचा नासला ।

तो चि परमात्मा सांचला । आदिं चि आथि ॥ ८४ ॥

आतां शीतोष्णांचिया वाहणी । तेथ कें सुखदुःखाची कडसणी ।

इयें न समांति गा बोलणीं । मानापमानांचिया ॥ ८५ ॥

जिया जिया वाटा सूर्यु जाये । तेउतें तेजाचें चि विश्व होये ।

तैसें तेया पावें तें आहे । तो चि हणौनि ॥ ८६ ॥

देखें मेघौनि सूटति धारा । तिया न रूपति जैसिया अंबरा ॥ सागरा

तैसीं शुभाशुभें योगेश्वरा । नव्हंति आनें ॥ ८७ ॥

ज्ञानविज्ञानतृप्तात्मा कूटस्थो विजितेंद्रियः ॥

युक्त इत्युच्यते योगी समलोष्टाश्मकांचनः ॥ ८ ॥

जो हा विज्ञानात्मकु भावो । तेया विवरितां जाला वावो ।

मग लागला जवं पाहों । तवं ज्ञान तें तो चि ॥ ८८ ॥

आतां व्यापकु किं एकदेशी । हे उहाँपुही जे ऐसी ।

ते करावे ठेली आपैसी । दृजेन विण ॥ ८९ ॥

ऐसा शरीरं च परि कवतिकें । ब्रह्माचेनि पाडें तुकें ।
 जेणें जितिलीं इयें एकें । इंद्रियें गा ॥ ९० ॥
 तो जितेंद्रियु साहाजें । योगयुक्तु चि ह्यणिजे ।
 जेयातें सानें थोर नेणिजे । कन्हणिये कालि ॥ ९१ ॥
 देखें सोनेयाचें निखल । मेरु एसणें ठिसाल ।
 आणि मातियेचें डिखल । सरिसें चि मानी ॥ ९२ ॥
 पातां पृथ्वियेचे मोल थोकडें । ऐसें अनर्थ्य रत्न चोखडें ।
 देखे दगडाचेनि पाडे । निचाड ऐसा ॥ ९३ ॥

सुहृन्मित्रार्युदासीनमध्यस्थद्वेष्यबंधुषु ॥

साधुष्वपि च पापेषु समबुद्धिर्विशिष्यते ॥ ९ ॥

आतां सुहृदु आणि शत्रु । कां उदासु आणि मित्रु ।
 हा भावभेदु विचित्रु । संकल्पु कैचा ॥ ९४ ॥
 तेया बंधु काइ कासेयाचा । द्वेषिया कन्हणु कैहाचा ।
 मीं च विश्व ऐसा जेयाचा । बोवु जाला ॥ ९५ ॥
 मग तेयाचिये दृष्टी । अधमोत्तम किरीटी ।
 काइ परिसाचिये कसवटी । वानिया जाणें ॥ ९६ ॥
 तो जेविं निर्वाणवर्णु चि करी । तैसी तेयाची बुद्धि चराचरीं ।
 होए साम्याची उजरी । निरंतर ॥ ९७ ॥
 ते विश्वालंकाराचेनि विसुरें । जन्हि आहाति आनान आकारें ।
 तन्हि घडलें एकें चि भांगारें । परब्रह्म ॥ ९८ ॥
 ऐसें जाणणें जें बरवें । तेया फावलें तें आववें ।
 ह्यणौनु आहाचवाहाच न झकवे । एणें आकारचित्रें ॥ ९९ ॥
 घापे पटामाजि दीठी । दीसे तंतुची सैध सिठी ।
 परि तो एका वांचौनि गोठी । करूं चि नैये ॥ १०० ॥
 ऐसी प्रतीति हे जेथे गवसे । अनुभव हिं जेया असे ।
 तो चि समबुद्धि अनारिसें । नव्हे जाणें ॥ १ ॥

योगी युंजीत सततमात्मानं रहसि स्थितः ॥

एकाकी यतचित्तात्मा निराशीरपरिग्रहः ॥ १० ॥

जे जेयाचें नांव गा तीर्थराउ ॥ दर्शनं प्राप्तिचा चि ठाउ ॥ १ ॥
 जेयाचेनि संगे ब्रह्माउ ॥ भ्रांतांसी गा ॥ २ ॥
 जेयाचेनि बोले धर्म जिण ॥ दीठि महासिद्धितें विये ।
 देखें स्वर्गसुखादि इणें ॥ खेल जेयाचा ॥ ३ ॥
 विपायें जारि आठवला चित्ता ॥ तारि दे आपुली योग्यता ।
 हें असो तेहातें प्रसंसितां ॥ लाभु आधि ॥ ४ ॥
 पुढुतीं अस्तवेना ऐसें ॥ जेया पाहलें अद्वैतदिवसें ।
 मग आपणपां चि आपण असे ॥ अखंडीत ॥ ५ ॥
 ऐसिया दिष्टि जो विवेकी ॥ पार्था तो एकाकी ।
 साहाजें अपरिग्रही जें तिहिं लोकीं ॥ तो चि हणौनि ॥ ६ ॥
 ऐसिं इयें असाधारणें ॥ निष्पन्नाचीं लक्षणें ।
 आपुलेन बौहसपणें ॥ बोले कृष्ण ॥ ७ ॥
 जो ज्ञानियांचा बापु ॥ देखणेयांचिये दीठी दीपु ।
 जेया दादुलेयाचा संकल्पु ॥ विश्व रची ॥ ८ ॥
 प्रणवाचिये पेंठे ॥ जालें शब्दब्रह्म मांजिठें ।
 तें जेयाचेया यशा धाकुटें ॥ वेदं न पुरे ॥ ९ ॥
 जेहाचेनि अंगिकें तेजें ॥ आउ रविशशिचिये वणिजे ।
 हणौनि जग हें वेसजें ॥ पोसे तेयां ॥ ११० ॥
 हां गा नांव चि येक जेहाचें ॥ पातां गगन हीं दीसे ठांचें ।
 गुण येकैक काइ तेहाचे ॥ कलिसील तूं ॥ ११ ॥
 हणौनि असो हें वानणें ॥ सावें नेणों कवणाचीं लक्षणें ।
 दावावीं मीसें एणें ॥ बोलिलां तों ॥ १२ ॥
 आइकां द्वैताचा ठाउ चि फेडी ॥ ते ब्रह्मविद्या कीजेल उघडी ।
 तरि अर्जुनु पाहिये हे गोडी ॥ नासैल हान ॥ १३ ॥

हणौनि तें तैसें बोलणें । नव्हे सत्तल आड लावणें । १४ ॥
 केलें मेल चि वेगलेपणें । भोगाविया ॥ १४ ॥
 जै सोहंभाओ हा ठंकु । मोक्षसुखा लागौनि रंकु ।
 तेयाचिये दीठिचा झनें कलंकु । लागे प्रेमा ॥ १५ ॥
 विपायें अहंभाओ येयाचा जाइल । मिं तें चि जरि हा होईल ।
 तरि काइ कीजेल । एकलेयां ॥ १६ ॥
 दीठी चि पाहातां निविजे । कां तोंड भरुनु बोलिजे ।
 दाटुनु खेवं देइजे । ऐसें कवण आहे ॥ १७ ॥
 आपुलेया मना बरवी । जे असमाई गोठि जीवी ।
 ते कवणोंसिं मग चावलावी । जरि ऐक्य जालें ॥ १८ ॥
 श्या काकुलती जनार्दन । अन्योपदेशाचेनि हातासनें ।
 बोलासाक्षें मन मनें । आलिंगु सरलें ॥ १९ ॥
 हें परिसतां जरि कानडें । तरि जाण पां पार्थु उघडें ।
 श्रीकृष्णसूषाचें चि रूपडें । ओतलें आहे ॥ २० ॥
 हें असो वयसेचिये सेवटीं । जैसें येक चि विये वांझौटी ।
 मग ते मोहाची तुगुटी । नाचों लागे ॥ २१ ॥
 तैसें जालें अनंता । ऐसें तरि मीं न हणतां ।
 जरि तेथ न देखतां । अतिशयो एथ ॥ २२ ॥
 पाहा पां नवल कैसें चोज । कें उपदेशु कें जूझ ।
 पारि पुढें वालभाचें चि भोज । नाचतसे ॥ २३ ॥
 आवडि हणौनि न लजवी । व्यसन जैसें न सीणवी ।
 पीसें आणि न मुलवी । तरि तें चि काइसें ॥ २४ ॥
 हणौनि भांवार्थु हा ऐसा । अर्जुनु मैत्रिएचा कुवांसा ।
 किं सुखें शृंगारलेया मानसा । दर्पणु तो ॥ २५ ॥
 बापु पुण्य पवित्र । जगीं भक्तिबीजासि क्षेत्र ।
 तो कृष्णकृपे पात्र । एया चि लागि ॥ २६ ॥

हो काज आत्मनिवेदनातलिची । जे पीठिका आहे सख्याची ।
 पार्थु अधिष्ठात्री तेथिची । मातृका गा ॥ २७ ॥
 पासि चि गोसांवि वर न वनिजे । मग पाइकाचा गुणु घेइजे ।
 ऐसा अर्जुनु तो साहाजे । पढिए हरी ॥ २८ ॥
 पाहे पां अनुरागे भजे । जे प्रियोत्तमें मानिजे ।
 ते पती ही हुनु काइ न वनिजे । पतिव्रता ॥ २९ ॥
 तैसा अर्जुनु विशेषें स्तवावा । ऐसें आवडलें मज जीवा ।
 जें तो त्रिभुवनीचेया दैवां । आयतन जाला ॥ ३० ॥ एकाग्रतेने
 जेयाचिये आवडीचेन पांगें । अमुर्तु ही मूर्ति आंवगे ।
 पूर्णा परि लागे । अवस्था जेयाची ॥ ३१ ॥
 तव श्रोते ह्मणति दैव । कैसी बोलाची ह्वाव ।
 काइ नादातें हान वरिवं । जीणौनि आले ॥ ३२ ॥
 हां हो नवल नोहे देशी । मन्हाटी बोलिजे तरि ऐसी ।
 वाणें उमटत आहे मा आकाशीं । साहित्या रंगाचें ॥ ३३ ॥
 कैसें उन्मेखचांदिणें तार । आणि भावार्था पडतसे गार ।
 हें चि श्लोकार्थ कुमुदि तरि फार । सेवितां होतें ॥ ३४ ॥
 चाड चि निचाडां करी । ऐसी मनोरथी इए थोरी ।
 तेणें विवललें जेथ आंतरीं । तेथ डोलु आला ॥ ३५ ॥
 तें निवृत्तिदासें जाणीतलें । मग अवधान देआं ह्मणितलें ।
 नवल पांडवकुलीं पाहलें । कृष्णदिवसें ॥ ३६ ॥
 देवकिया उदरीं वाहिला । यशोदा सायासें पाहिला ।
 किं शेषीं आइता उपेगा गेला । पांडवांसी ॥ ३७ ॥
 ह्मणौनि बहुत दीवसु ओलगावा । कां अवसरं पाहोनि विनवावा ।
 हा ही सोसु तेया सदैवां । पडे चि ना ॥ ३८ ॥
 हें असोनु कथा सांचें वेगीं । मग अर्जुनु ह्मणे सलगी ।
 देवा इये संतचिन्हें हान आंगीं । न ठांति माझां ॥ ३९ ॥

यन्हविं ययां लक्षणाचेया सारा । मी अपाडें किर अपुरा ।
 परि तुमचेनि बोलें अवघारां । थोरावें जरि ॥ १४० ॥
 जी तुहीं चित्त देआल । तारि ब्रह्म माझें होइल ।
 काइ जाले अभ्यासिजैल । सांघाल तें ॥ १४१ ॥
 हां हो नेणों कोणाची काहाणो । श्लाघिजत असे अंतष्करणीं ।
 ऐसी जालेपणाची स्त्रियाणी । काइसी तन्हें ॥ १४२ ॥
 तें आंगें चि मियां होइजो कां । एतुलें गोसांविपणें आपुलें कीजो कां ।
 तव हंसौनि कृष्ण हो कां । करुं हणथी ॥ १४३ ॥
 देखां संतोखु एकु न जोडे । तव सुखाचें सैव सांकडें ।
 मग जोडलेयां काहीं कवणीकडें । अपुरें असे ॥ १४४ ॥
 तैसा सर्वेश्वरु चि बलिया सोंके । हणौनि ब्रह्म होये कवतुकें ।
 १) परि कैसा भोरें आतला पां पीके । दैवांचेनि ॥ १४५ ॥
 जो जन्मसहस्रांचिया साटीं । इंद्रादिकां महागु भेटी ।
 तो आधीनु कैतुला किरीटी । जें बोलु ही न साहे ॥ १४६ ॥
 मग आइकां जें पांडवें । हणितलें ब्रह्म मियां चि होआवें ।
 तें अशेष ही देवें । निर्द्वारिलें ॥ १४७ ॥
 तेथ ऐसें चि एक विचारिलें । जें यया ब्रह्मत्वाचे डोहोले ।
 परि उदरा वैराग्य आहे आलें । बुद्धिचेया ॥ १४८ ॥
 यन्हविं दिवस तरी येया अपुरे । परि तें वैराग्यवसंताचेनि भारें ।
 जें सोहंभावमहुरें । मोडौनि आलें ॥ १४९ ॥
 हणौनि प्राप्तिफलीं फलतां । एयासि बेलु न लगैल आतां ।
 होये विरगतु ऐसा अनंता । भरवसा जाला ॥ १५० ॥
 हणे जें जें हा अधिष्ठील । तें आतां आरंभीं चि एआ फावैल ।
 हणौनि सांघितला न वचैल । अभ्यासु वायां ॥ ५१ ॥
 ऐसें विवरौनियां श्रीहरी । हणितलें तेया अवस्वरीं ।
 अर्जुना हा अवघारीं । पंथराजु ॥ ५२ ॥

जेथ प्रवृत्तितरूचां बुडिं । दीसती निवृत्तिफलांचिया कोडी ।
 जिये मार्गिचा कापडी । महेशु आबुंइ ॥ ५३ ॥ नी-
 पै योगिवृंदें वहिलीं । आड चि आकाशें निगाली ।
 किं तेथ अनुभवाचां पाउलीं । घोरणु पडिल्ल ॥ ५४ ॥
 ते हीं आत्मबोधाचेनि उजुकारें । धांवें वेतली एकसरें ।
 एर सकल मार्ग निदुसुरे । सांडूनियां ॥ ५५ ॥
 पाठिं महर्षी एणें आले । सावकांचे सिद्ध जाले ।
 आत्मविद थोरावले । एणें चि पंथें ॥ ५६ ॥
 हा मार्गु जें देखिजे । तें ताहन भूक विसरिजे ।
 रात्रि दिवसु नेणिजे । वाटे इये ॥ ५७ ॥
 चालतां पाउल जेथ पडे । तेथ अपवर्गाची खाणि उघडे ।
 अन्हांटलेयां जोडे । स्वर्गसुख ॥ ५८ ॥
 निगिजे पूर्विली मोहोरा । किं येइजे पश्चिमाचेया घरा ।
 निश्चलपण धनुर्द्धरा । चालणें एथिचें ॥ ५९ ॥
 एणें मार्गें जेया जाइजे । तो गाऊं आपण होइजे ।
 हें साधों काइ साहाजें । जाणसी तूं ॥ ६० ॥
 तेथ पार्थें ह्मणितले देवा । तारि तें चि मग केव्हां ।
 कां आर्तिसमुद्रौनि न कडावा । बुडुतु जी मी ॥ ६१ ॥
 शुचौ देशे प्रतिष्ठाप्य स्थिरमासनमात्मनः ॥
 नात्युच्छ्रितं नातिनोचं चैलाजिनकुशोत्तरम् ॥ ६२ ॥
 तवं कृष्ण ह्मणति ऐसें । उत्सुक बोलणें काइसें ।
 आह्मि सांघत असों आपैसें । वरि प्रसिलें तुवां ॥ ६२ ॥
 तारि विशेषें आतां चि बोलिजेल । परि तें अनुभवं उपेगा जाइल ।
 ह्मणौनि तैसें एक लागेल । स्थान पाहावें ॥ ६३ ॥
 जेथ आराणुकेचेनि कोडें । बैठलेयां उठूं नावडे ।
 वैराग्यासि दूण चडे । देखिलेयां जें ॥ ६४ ॥

जो वसावेला ठाऊं । संतोषासि सान्हाऊं ।
 मना होये सान्हाऊं । धैर्याचा ॥ ६५ ॥
 अभ्यासू चि आपणेयांतें करी । हृदयातें अनुभउ वि विवरी ।
 ऐसी रम्यपणाची थोरी । अखंड जेथें ॥ ६६ ॥
 जेया आड जातां पार्था । तपश्चर्येचेयां मनोरथां ।
 पाखांडियाची हा आस्था । मूल होये ॥ ६७ ॥
 सभावे वाटा येतां । जरि वरिपडा जाला अवचिता ।
 तरि सकासु हीं परि माघौता । निगों विसरे ॥ ६८ ॥
 ऐसें न न्हातेआतें राहावी । भ्रमातुकातें बैसवी ।
 थापटूनि चेववी । विरगतिते ॥ ६९ ॥
 हें राज्य वर सांडिजे । मग निजातां एथ चि असिजे ।
 ऐसें श्रिंगारिआंहीं उपजे । देखत खेऊ ॥ १७० ॥
 जें एणें मानें बरवंट । तैसें चि अति चोखट ।
 जेथ अविष्टान प्रकट । डोलां दीसे ॥ ७१ ॥
 आणिक येक पावें । जें साधर्कि वसतें होआवें ।
 आणि जनाचेनि पाएवे । मैले चि ना ॥ ७२ ॥
 जेथ अमृताचेनि पाडें । मुलां हीं सकट गोडें ।
 जोडति दाटें झाडें । सदा फलति ॥ ७३ ॥
 पाउलां पाउलां उदकें । परि वरिषाकालि हिं चोखें ।
 निर्झरे कां अशेथें । सुलभें जेथ ॥ ७४ ॥
 हो अतपु ही आलुमालु । जाणिजे तन्हीं सीतलु ।
 पवनु अति निर्बलु । मंदु झुलुका ॥ ७५ ॥
 बहुतकरुनि निःशब्द । दाट न रिगे स्वापद ।
 शुक्र हान षट्पद । तेयांचे नाही ॥ ७६ ॥
 पाणिलगें हंसें । दोनि च्यारि सारसें ।
 कव्हाणी एकीं वेळीं बैमे । तरि कोकिलु ही होए ॥ ७७ ॥

निरंतर नाही । तन्हीं आलां गेलो कहीं ।
 होतु कां मयूरें हीं । तें आम्हीं न म्हणों ॥ ७८ ॥
 परि आवसिक पांडवा । ऐसा ठाओ जोडावा ।
 तेथ निर्गुडु महु होआवा । कां शिवाल्या ॥ ७९ ॥
 दोहोंमाजि आवडतें । जें मानलें होये चित्तें ।
 बहुतकरुनि एकांतें । बैसिजे गा ॥ १८० ॥
 क्षणौनि तैसें तें जाणावें । मन राहांतें पावें ।
 राहील तेथ रचावें । आसन हें ॥ ८१ ॥
 वारि चोखट मृगसेवडी । माझि वस्त्राची घडी ।
 तलवटीं अमोडी । कुशांकुर ॥ ८२ ॥
 सकोमल सरिसे । सुबद्ध राहांति आपैसे ।
 एकें पाडें तैसें । ओजा घालीं ॥ ८३ ॥
 परि सांविह्यां चि उंच होईल । तरि आंग हान डोलैल ।
 नीचा तरि पावैल । भूमिदोखु ॥ ८४ ॥
 म्हणौनि तैसें न करावें । सामधेनिआ एं घरावें ।
 हें बहू असो होआवें । आसन ऐसें ॥ ८५ ॥

तत्रैकाग्रं मनःकृत्वा यतचित्तैन्द्रियक्रियः ॥

उपविश्यासने युञ्ज्यायोगमात्मात्रे शुद्धये ॥ १२ ॥

मग तेथ आपण । एकाग्र अंतष्करण ।
 करुनि गुरुस्मरण । अनुभविजे ॥ ८६ ॥
 जैसेनि स्मरतेनि आदरें । सबाह्य सात्विकें भरे ।
 जवं कठिनपण कां विरे । अहंभावाचें ॥ ८७ ॥
 विषयांचा विसरू पडे । इंद्रियांची कसमस मोडे ।
 मनाची घडी घडे । हृदयामाझि ॥ ८८ ॥
 ऐसें ऐक्य हें साहाजें । फात्रे तवं राहिजे ।
 मग तेणें चि बोधें बैसिजे । आसनावारि ॥ ८९ ॥

आतां आंगातें आंग करी । पवनातें पवनु चि धरी ।
 २१३/११३ ऐसी अनुभवाची उजिरी । हों चि लागे ॥ १९० ॥
 प्रवृत्ति मागौति मोहरे । समाधि ऐलाडि उत्तरे ।
 आधवें अभ्यासु सरे । बैसत खेवो ॥ ९१ ॥

५ समं कायशिरोग्रीवं धारयन्नचलं स्थिरम् ॥

संप्रेक्ष्य नासिकाग्रं स्वं दिशश्चानवलोकयन् ॥ १३ ॥

मुद्रेची प्रौढि ऐसी । ते चि सांधिजेल आतां परिहसैं ।
 तारि ऊरू इया जघनेंसी । जडूनि घाली ॥ ९२ ॥
 चरणतलें देव्हडीं । आधारदुमाचां बुडीं ।
 सुघटितें गाढीं । संचरि पां ॥ ९३ ॥
 सन्य तें तलीं ठेविजे । तेणें सीवणिमध्यु पीडिजे ।
 वरि बैसे तो साहाजें । वामचरणु ॥ ९४ ॥
 गुदमेट्टा आंतौतीं । च्यारि चि आंगुलें निरुतीं ।
 तेथ सार्द सार्द प्रांतीं । सांडूनियां ॥ ९५ ॥
 माक्षि अंगुल एक नीगे । तेथ टांकेचेन उत्तरभागे ।
 निहटिजे वरि आंगें । पेललेनि ॥ ९६ ॥
 उचललें कां नेणिजे । तैसें पृष्ठांत उचलिजे ।
 गुल्फद्वय धरिजे । तेणें चि मानें ॥ ९७ ॥
 मग शरीरुसंचु पार्था । हा अशेषु ही सर्वथा ।
 पार्णिचा माथां । स्वयंभु होये ॥ ९८ ॥
 अर्जुना हें जाण । मूलबंधाचें लक्षण ।
 बजासन गौण । नाम एयासि ॥ ९९ ॥
 ऐसी आधारी मुद्रा पडे । आणि अधिचा मार्गु मोडे ।
 तेथ अपानु आंतुलीकडे । उव्हटों लागे ॥ २०० ॥
 तव करपुट आपैसैं । वाम चरणीं बैसे ।
 बाहुमूलीं दीसे । थोरी आली ॥ १ ॥

माक्षि उभारलेनि दंडें । शिरकमल होये गाढें ।
 नेत्रद्वारिचीं कवाडें । लागों पांति ॥ २ ॥
 वरिचिलें पाति न ढलति । तालिचें तळि पुंजालति ।
 ते अर्द्धोन्मीलनस्थिति । उपजे तेयां ॥ ३ ॥
 दीठि राहुनु आंतुलीकडे । बाहिरे पाउल घाली कोडें ।
 तें ठायें ठाउ पडे । नासाग्रपीठीं ॥ ४ ॥
 ऐसें अढचें आंतु चि रचे । बाहिरील माघौते न वचे ।
 हणौनि राहाणें आधि ए दीठिचें । तेथ चि होये ॥ ५ ॥
 आतां दिशांची भेटि घेयावी । कां रुपाची वाट पाहावी ।
 हे चाड सरे आघवी । आपैसैया ॥ ६ ॥
 मग कंठनाल आटे । हणौटी हडौती दाटे ।
 ते गाढी होउनि निहटे । वक्षस्थलीं ॥ ७ ॥
 माक्षि घंटिका लोपे । वरि बंधु जो आरोपे ।
 तो जालंधर हणपे । पांडुकुमरा ॥ ८ ॥
 नाभी वरि पोखे । उदर हें थोंके ।
 आंतरीं फांके । हृदयकोश ॥ ९ ॥
 स्वाधिष्ठानावरिली कांठी । नाभिस्थानातलवटीं ।
 बंधु पडे किरीटी । उडियाणु तो ॥ १० ॥

प्रशांतात्मा विगतभीर्ब्रह्मचारिव्रते स्थितः ॥

मनः संयम्य मच्चित्तो युक्त आसीत मत्परः ॥ १४ ॥

ऐसी शरीराबाहिरिलीकडे । अभ्यासाची पाखर पडे ।
 तव आंतु त्राये मोडे । मनोधर्माची ॥ ११ ॥
 कल्पना निमे । प्रवृत्ति समे ।
 आंगें मन विरमे । साव्हिआं चि ॥ १२ ॥
 क्षुधा काइ जाली । निद्रा केउती गेली ।
 हे आठवण हीं हीरतली । न दिसे वेगां ॥ १३ ॥

जों मूलबंधे अडला । अपानु माघौता मुरडला ।
 तो सर्वे चि वरि सांकडला । फांकु धरी ॥ १४ ॥
 क्षोभलेपणें माजे । उवाइला ठाई गाजे ।
 (५) मणिफुलेंसीं जई । राहूनियां ॥ १५ ॥
 मग थावली ते वाहुंटली । सैग घेउनि घर डहुली ।
 बालपाणिचिं कोठली । बाहिरि घाली ॥ १६ ॥
 भीतरि बलि'न धरे । कोठेआं माझि संचरे ।
 कफपित्ताचे थारे । उरों नेंदी ॥ १७ ॥
 धातुचे समुद्र उलंडी । मेदाचे पर्वत फेडी ।
 आटली मज्जा काढी । अस्तिगत ॥ १८ ॥
 नाडितें सोडवी । गात्रातें विघडवी ।
 साधकांतें भेडसवी । परि बिहावें नां ॥ १९ ॥
 व्याधितें दावी । सर्वे चि हारवी ।
 आप पृथ्वी कालवी । एकावट ॥ २० ॥
 तव एरीकडे धनुर्द्धरा । आसनाचा उबारा ।
 शक्ति करी उजगरा । कुंडलिणि ॥ २१ ॥
 नागाचें पिलें । कुंकुमें न्हालें ।
 वलण देउनि आलें । सेंजे जैसें ॥ २२ ॥
 तैसी ते कुंडलिणी । मोटकां ओठे वलणीं ।
 अधोमुख सर्पिणी । निदेली असे ॥ २३ ॥
 विद्युलतेची विडी । बन्हिज्वालांची घडी ।
 पन्हेंरयाची चोखडी । खोटि जैसी ॥ २४ ॥
 तैसी सुबद्ध आडली । पुट्टी होती दाटली ।
 ते वज्रासनें चिमूटली । सावध होये ॥ २५ ॥
 तेथ नक्षत्र जैसें उलंडलें । कां सूर्याचें आसन मांडलें ।
 तेजाचें बीज धिरुढलें । अंकुरेंसीं ॥ २६ ॥

तैसी वेढेयांतें सोडिती । कवतिके आंग मोडिती ।
 कंदावार शक्ति । उठिली दीसे ॥ २७ ॥
 साहजें बहुवां दिआंची भूक । वरि चेवविली तें होये मीख ।
 मग आवेसैं पसरी मुख । ऊर्ध्वाउजू ॥ २८ ॥
 तेथ हृदयाकाशातलवटी । जो पवन भरे किरीटी ।
 तेया संगलेयाची मीठी । देउनि घाली ॥ २९ ॥
 मुखिचां जालीं । तलीं वरि कवली ।
 मांसाचिया वडवालीं । आरोगुं लागे ॥ ३० ॥
 जे जे ठाये समांस । तेथ आहाच जोडे घाउस ।
 पाठीं एकदोन घांस । ते ही भरी ॥ ३१ ॥
 मग तलवे तलहाथ शोधी । ऊर्ध्विचें खंड भेदी ।
 झाडा घे संधी । प्रत्यंगीचां ॥ ३२ ॥
 आधार तरि न संडी । परि नखिचें हीं सत्व काढी ।
 त्वचा धूनि जडी । पांजरेंसीं ॥ ३३ ॥
 अस्थिचे नळे निरपे । शिरांचे हीर उरपे ।
 तबं बाहिरि विरुढि करपे । रोमबीजाची ॥ ३४ ॥
 मग सप्तधातुचां सागरीं । तान्हैली वोंटु भरी ।
 आणि सवें चि उन्हाळा करी । खडखडितु ॥ ३५ ॥
 नासापुटौनि बारा । जो जांतु असें अंगुलें बारा ।
 तो गचि धरुनि माघारा । आंतु घाली ॥ ३६ ॥
 तेथ अध वरौतें आकुंचे । ऊर्ध्व तलहौतें खांचे ।
 तेआ खेवांमाक्षि चक्रांचें । पदर उरे ॥ ३७ ॥
 एन्हविं तेव्हां चि दांन्हीं मीलतीं । परि कुंडलिणी नांवक दुचिती ।
 जे तेयांतें ह्मणे पन्हौतीं । तुहीं काइसीं ॥ ३८ ॥
 आइकैं पार्थिव धातु आघवी । आरोगितां काहीं नुरवी ।
 आणि आपातें तबं ठेवी । गृह्णियां ॥ ३९ ॥

ऐसी दोन्ही भूते खाये । तेव्हालि संपूर्ण धाये ।
 मग सौम्य होउनि राहे । सुषुप्तेपासीं ॥ २४० ॥
 तेथ तृप्तिचेनि संतोषें । गरल जे वमी मुखें ।
 तेणें त्रिप्तिचेनि विषें । प्राणु जिये ॥ ४१ ॥
 तो आगी आंतौनि निगे । परि सबाह्य निववूं चि लागे ।
 तेथ कसु बांधति आंगें । सांडिला पुढुतीं ॥ ४२ ॥
 मार्ग मोडथि नाडींचे । नवविधपण वायुचें ।
 जाये ह्यगौनि शरीरिचे । धर्म नाही ॥ ४३ ॥
 इडा पिंगला एकवटथि । गांठी तीन्हीं सूटति ।
 साही पदर फूटथि । चक्रांचे हे ॥ ४४ ॥
 मग शशि आणि भानु । ऐसा कल्पी जो अनुमानु ।
 तो वातिवरी मनु । गिवसितां न दिसे ॥ ४५ ॥ पवन
 बुद्धिची पुलिक विरे । परिमल्लु घ्राणीं उरे ।
 तो ही सकतीसर्वें संचरे । मध्यमेमाशि ॥ ४६ ॥
 तवं वरिलीकडौनि ढालें । चंद्रामृताचें तलें ।
 कानवडौनि भिले । शक्तिमुखीं ॥ ४७ ॥
 तेणें नातुकें रसु भरे । तो सर्वांगामाशि धरे ।
 जेथिचा तेथ मुरे । प्राणपवनें ॥ ४८ ॥
 तातलिये मूसे । मेण निगौनि जायें जैसैं ।
 मग कोदली ठाये रसैं । अस्तलेनि ॥ ४९ ॥
 तैसी पिंडाचेनि आकारें । ते कला चि का अवतरे ।
 वरिस्वचेचेनि पदरें । पांगुतलीसे ॥ २५० ॥
 जैसी अमालिची बूथ । करूनि राहे गमस्ति ।
 मग फीटलेयां दीति । धरुं नैए ॥ ५१ ॥
 तैसा आहाचुवरि कोरडा । त्वचेचा असे पातवडा ।
 तो झडौनि जाये कोंडा । जैसा होये ॥ ५२ ॥

मग काशिमराचें स्वयंभ । कां रत्नबीजा निगाले कोंभ ।
 अवेवकांतिची भांभ । तैसी दीसे ॥ ५३ ॥
 ना तरि संध्यारागिचे रंग । काढूनि वलिलें तें आंग ।
 किं अंतर्ज्योतिचें लिंग । निर्वालिलें ॥ ५४ ॥
 कुंकुआचें भरिवं । सिद्ध रसाचें उ०तिव ।
 मज पाहांतां सावेव । शांती चि तें ॥ ५५ ॥
 तें आनंदचित्तिचें लेप । ना तरि महासुखाचें रूप ।
 किं संतोषतरुचें रोप । थावलें जैसें ॥ ५६ ॥
 तो कनकचंपकाचा कला । किं अमृताचा पूतला ।
 नाना सांसिनला मला । कोवलिकेचा ॥ ५७ ॥
 हों काज शारदिथेचेनि उ०लें । चंद्रबिंब पाल्हेलें ।
 कां तेज चि मूर्त बैठलें । आसनावरि ॥ ५८ ॥
 तैसैं शरीर होये । जेव्हालि कुंडलिणी चांद्र पिए ।
 मग देहाकृती निहे । कृदांतु गा ॥ ५९ ॥
 वृद्धाप्य तन्हीं बाहुडे । तारुण्याची गांठि विघडे ।
 लोपली उघडे । बालदशा ॥ ६० ॥
 धयसा तरि येतुली वेन्हीं । जें बलाचा बालार्थु करी ।
 धैर्याची धोरी । निरूपम ॥ ६१ ॥
 कनकद्रुमाचां पालवीं । रत्नकलिकांची नवी ।
 वानी तैसी बरवीं । नाखें निगति ॥ ६२ ॥
 दांत ही आन होती । परि अपाडे सानेजांती ।
 जैसी दोवाहीं बैसे पांती । हीरेयांची ॥ ६३ ॥
 माणिकुलेयांचिया कणियां । सावियां चि अणुमाणियां ।
 तैसिया सर्वांगीं उघवति अणियां । रोमेचिया ॥ ६४ ॥
 करचरणतलें । जैसीं कां रातोत्पलें ।
 परनाभी परवाली होथि डोले । काइ सांघों ॥ ६५ ॥

निडाराचेनि कोंघाटे । मोतियें नावरति संपुटे ।
 मम सिवाणि जैसी उतटे । शुक्तिपल्लवांची ॥ ६६ ॥
 तैसी पातेचिये कवलिये न समाए । दीठि जाकळनि निगों पाए ।
 आघिली चि परि होये । गगनखलिचें ॥ ६७ ॥
 आइकें देह होये सोनेयाचें । परि लाभव ये वायुचें ।
 जें आपा आणि पृथ्विचे । अंश नाही ॥ ६८ ॥
 मग समुद्रा पैलाडी देखे । स्वर्गिचा आलोचु आइके ।
 मनोगत ओलखे । मुंगियेचें ॥ ६९ ॥
 पवनाचां वारिकां वलखे । चालें तरि उदकीं पाउ न लगे ।
 एणें बहु काइ प्रसंगें । होति सिद्धि ॥ ७० ॥
 आइकें प्राणाचा हातु धरुनि । गगनाची पाउटी करुनि ।
 मध्यमेमाशिचेनि दादरेहुनि । हृदया आली ॥ ७१ ॥
 जे कुंडलिणी जगदंबा । जे चैतन्यचक्रवर्तिची शोभा ।
 जिया विश्वबीजाचेया कौभा । साउली केली ॥ ७२ ॥
 जे सून्यालिंगाची पिंडी । जे परमात्मशिवाची करंडी ।
 जे प्राणाची उघडी । जन्मभूमी ॥ ७३ ॥
 हें असो ते कुंडली । हृदया आंतु आली ।
 तत्र अनाहताचां बोलीं । चावले ते ॥ ७४ ॥
 शक्तिचेया आंगा लागलें । बुद्धिचें चैतन्य होतें जालें ।
 तेणें तें आइकिलें । आलुमालु ॥ ७५ ॥
 घोषाचां कुंडीं । नादचिंतांचीं रूपडीं ।
 प्रणवाचिया मोडीं । रेखिली जैसी ॥ ७६ ॥
 हें चि कल्पवे तरि जाणिजे । परि आतां कल्पितें कैचें जाणिजे ।
 तन्है नेणों काइ वाजे । तिये ठांड ॥ ७७ ॥
 विसरौनि गेलों अर्जुना । जवं नाशु नाही पवनां ।
 तत्र वाचा आधि गगना । हणौनि बोलें ॥ ७८ ॥

तेया अनाहताचेनि मेघें । मग आकाश दुमुदुमूं लागे ।
 तव ब्रह्मस्थानिचें बेगें । फाटे साहाजें ॥ ७९ ॥
 आइकें कमलगर्भाकारें । जें महदाकाश दूसरें ।
 जेथ चैतन्य आथुधुरे । करुनि असिजे ॥ २८० ॥
 तेया हृदयाचां परिवरीं । कुंडलिया परमेश्वरी ।
 तेजाचीं सिधौरी । विनियोगिली ॥ ८१ ॥
 बुद्धिचेनि शाकें । हातबोने नीकें ।
 द्वैत जेथ नेदखे । तेथ केलें ॥ ८२ ॥
 ऐसी निजकांति हारविली । मग प्राणाची केवल जाली ।
 तेव्हलि कैसी गमली । झणावी पां ॥ ८३ ॥
 हो कां जे पवनाची पूतली । पांगुतली होंती सोनेसली ।
 तियें काढूनियां वेगली । ठेविलीं तिआ ॥ ८४ ॥
 ना तारि वारेआचेनि आंगें झगटली । दीपाची दीठि निमुटली ।
 कां लखुलखुनि हारतली । विजु गगनीं ॥ ८५ ॥
 तैसी हृदयकमलवेन्हीं । दीसे सोनेयांची जैसी सरी ।
 ना तारि प्रकाशजलाची झरी । वाहांति आली ॥ ८६ ॥
 मग तिये हृदयभूमी पोकले । जिराली कां येकें वेलें ।
 ऐसें शक्तीचें रूप मावले । शक्तीमाझि ॥ ८७ ॥
 तेव्हां तन्हीं शक्ती चि मग झणिजे । एन्हविं तो प्राणु केवल जाणिजे ।
 आतां नादबिंदु नेणिजे । कलाज्योति ॥ ८८ ॥
 मनाचा हान मारु । कां पवनाचा धरु ।
 ध्यानाचा आदरु । नाना परीं ॥ ८९ ॥
 हे कल्पना घे सांडी । तें नाहिं इये परिवडी ।
 हे महाभूतांची फुडी । आटणी देखां ॥ २९० ॥
 पिडें पिडाचा ग्रासु । तो हा नाथसंकेतिचा डंसु ।
 परि दाउनु गेला उद्देशु । माहाविष्णु ॥ ९१ ॥

तेया ध्वनिताचें केणें सोडुनि । यथार्थाची घडी झाडुनि ।
 उपलविली मियां जाणौनि । ग्राहिक श्रोते ॥ ९२ ॥
 आइकां शक्तिचें तेज लोपे । तेथ देहिचें रूप हारपे ।
 मग तें ढोलेयां चि माझि लपे । जगाचेयां ॥ ९३ ॥
 यन्हविं आदिला चि ऐसें । सावयव तरि असे ।
 परि वायुचें जैसें । वलिलें आहो ॥ ९४ ॥
 ना तरि कदलिचा गाभा । बूथि सांडूनु उभा ।
 कां अवेवु चि नभा । निवडला तो ॥ ९५ ॥
 तैसें होये शरीर । तैं तें हाणिजे खेचर ।
 हें पद होतां चमत्कार । पिंडुजनीं ॥ ९६ ॥
 देखैं साधकु निगौनि जाये । मागां पाउलाची उल्लि राहे ।
 तेथ ठांडं चि होए । अणिमादिक ॥ ९७ ॥
 परि तेणें काइ आपणपेया । अवधारीं ऐसा धनंजया ।
 लोपु आथि भूतत्रया । देहिचा देहीं ॥ ९८ ॥
 पृथ्वीतें आप विरवी । आपातें तेज जिरवी ।
 तेजातें पवनु हारवी । न्हुदयामाझि ॥ ९९ ॥
 पाठि येकला आपण उरे । परि शरीराचेनि अनुकारें ।
 मग तो ही निगे आंतरें । गगना मिलें ॥ १०० ॥
 तेव्हलि कुंडलिणी हे भाक जाये । मग मारती ऐसें नांव लाहे ।
 परि शक्तिपण तें आहे । जवें मिलैल शिवि ॥ १ ॥
 मग जालांधर सांडी । ककारांत फोडी ।
 गगनाचिये पाडी । पैठी होए ॥ २ ॥
 तेथ अंकाराचिये पाठी । पाये देंत उठाउठी ।
 पश्यंतियेची पाउठी । मागां वाली ॥ ३ ॥
 पुढां तन्मात्रावेन्हीं । आकाशाचां आंतरीं ।
 भरति गमे सागरीं । सरिता जैसी ॥ ४ ॥

मग ब्रह्मरंध्रीं थिरावौनि । अहंभावाचिया बाह्या पसरुनि ।
 मा परमलिंगा धावौनि । आंगा घडे ॥ ५ ॥
 तव महं भूतांचौ जवनीक फीटे । मग दोहोंसीं ही होय झटे ।
 तेथ गगनासकट आटे । समरसिं तिए ॥ ६ ॥
 पै मेघाचेनि मुखें निवडला । समुद्र कां उर्धि पाडिला ।
 तो माघौता जैसा आला । आपणपेआ ॥ ७ ॥
 पिंडाचेनि मीसें । पदीं पद प्रवेशे ।
 तें येकत्व होये तेंसें । पांडुकुमरा ॥ ८ ॥
 आतां दुजें हान होंतें । किं एक चि हें आइतें ।
 ऐसिये विवंचनेपुरतें । उरे चि ना ॥ ९ ॥
 गगनीं गगन लया जाये । ऐसां जे काहीं आहें । ते
 तें अनुभवें जो होये । तो होउनि ठाके ॥ १० ॥
 ह्यणौनि तेथ चि मातु । न चडे चि बोलाचा हातु ।
 जेणें संवादाचेआ गांवां आंतु । पैठी कीजे ॥ ११ ॥
 अर्जुना यन्हविं तन्हें । एआ अभिप्रायाचा जे गर्भ धरी ।
 ते पाये पां वैखरी । दूरि ठेली ॥ १२ ॥
 भ्रूलतां मागिलीकडे । तेथ मकाराचें चि आंग नडे ।
 प्राणा सडेआ ग्राखा सांकडे । गगना एतां ॥ १३ ॥
 पाठीं तेथ चि तो भांसलला । तव शब्दाचा दिउम मावलला ।
 मग तेया ही वारि आटु भविनला । आकाशाचा ॥ १४ ॥
 आतां महाशून्याचां डोही । गगनासी चि थाउं नाही ।
 तेथ तागा लागेल काइ । बोलाचा एआ ॥ १५ ॥
 ह्यणौनि आखरांमाक्षि सांपडे । कां कानवरि जोडे ।
 कु हें तैसें न्हवे फुडें । त्रिशुद्धी मा ॥ १६ ॥
 जै चें कहीं दैवें । अनुभविलें फाकवें । का नावे
 तें आपण चि हें ठाकावें । होउनिआं ॥ १७ ॥

पुढुतीं जाणणें तें नाहीं चि । हणौनि असो केती हें चि ।
 बोलावें आतां वायां चि । धनुर्दरा ॥ १८ ॥
 ऐसें शब्दजात माघौतें फिरे । तेथ संकल्पांचें आयुष्य पुरे । स
 न वारा ही जेथ सिरें । विचाराचा ॥ १९ ॥
 जें उन्मनियेचें लावण्य । जें तुरियेचें तारुण्य ।
 अनादि जें अगण्य । परमतत्त्व ॥ २० ॥
 जें आकाराचा प्रांतु । जें मोक्षाचा एकांतु ।
 जेथ आदि आणि अंतु । विरौनि गेलीं ॥ २१ ॥
 जें विश्वाचें येया मूल । जें योगद्रुमाचें फल ।
 जें आनंदाचें केवल । चैतन्य गा ॥ २२ ॥
 जें महाभूताचें बीज । जें महातेजाचें तेज ।
 पार्था जें निज । स्वरूप माझे ॥ २३ ॥
 हे चतुर्भुज कोंभैली । जेयाची शोभा चि रूपा आली ।
 देखौनि नास्तिकीं नोंकिलीं । भक्तवृंदें ॥ २४ ॥
 तें अनिर्वाच्य महासुख । पै आपण चि जाले पुरुष ।
 जेहांचें कां निष्कर्ष । प्राप्तिवेन्हीं ॥ २५ ॥

युञ्जन्नेवं सदात्मानं योगी नियतमानसः ॥

शान्तिं निर्वाणपरमां मत्संस्थामधिगच्छति ॥ १५ ॥

आर्क्षिं साधन जें हें सांघितलें । तें चि शरीरीं जेहीं केलें ।
 ते अमचेन चि पाडें आले । निर्वालेयां ॥ २६ ॥
 परब्रह्माचेनि रसें । देहाकृतिचिये मूसे ।
 उत्तिवं जाले तैसे । दीसथि आंगें ॥ २७ ॥
 ना तारि प्रतीति हान आंतरिं फांके । तारि विश्व चि हे आघर्षें झांके ।
 तव अर्जुनु हणें नीकें । साच जी हें ॥ २८ ॥
 कां जें आपण आतां देऊ । हा बोलिजे जो उपाऊ ।
 तो प्राप्तिचा चि ठाऊ । हणौनि घडे ॥ २९ ॥

इये अभ्यासीं दृढ जे होंथि । ते भरवसेनि ब्रह्मत्वा एंथि ।
 हे सांघतियां चि रीती । कललें मज ॥ ३३० ॥
 देवा गोठि चि हे आइकतां । बोधु उपजत असे चित्ता ।
 मां अनुभवे तल्लीनता । नव्हैल केवि ॥ ३३१ ॥
 ह्यणौनि एथ काहीं । अनारिसें नाही ।
 पारि नांभरि चित्त देई । बोला एका ॥ ३३२ ॥
 आतां कृष्णा सांघितला योगु । तो मना तारि आला चांगु ।
 पारि न सके करूं प्रांगु । योग्यतेचा ॥ ३३३ ॥
 साहाजे आंगिक जेतुलें आहे । तेतुलिया चि जरि सिद्धी जाये ।
 तारि हा चि मार्गु सुखोपायें । अभ्यासीन ॥ ३३४ ॥
 नातारि देउ जैसी सांघतील । तैसी आपणपां जरि निदिसैल ।
 तारि योग्यताविण होइल । तें चि पूसों ॥ ३३५ ॥
 जीविची ऐसी धारण । ह्यणौनि पूसावेया जालें कारण ।
 मग ह्यणे तारि आपण । चित्त देइजो ॥ ३३६ ॥
 हां हो जी अवधारिलें । जें हें साधन तुम्हीं निरूपिलें ।
 तें आवडतेया ही अभ्यासिलें । फांवों सके ॥ ३३७ ॥
 किं योग्यतेविण नाही । ऐसें हान असें काहीं ।
 तेथ कृष्ण म्हणथि तारि काई । धनुर्द्धरा ॥ ३३८ ॥
 हें काज किर निर्वाण । पारि अनिक ही काहीं जें साधारण ।
 तें अधिकाराचेनि उडवलेन विण । कायि सिद्धी जाये ॥ ३३९ ॥
 पै योग्यता जे म्हणजे । ते प्राप्ती चि आधीन जाणजे ।
 कां जें योग्यां होनि कीजे । तें आरंभीं चि फले ॥ ३४० ॥
 तेंह तैसी एथ काहीं । साव्हियां चि कोणि नाही ।
 आणि योग्यांची काई । खाणि आहे ॥ ४१ ॥
 नाव एक विरक्तु । जाला देहधर्मि जरि नियतु ।
 तारि तो चि नव्हे व्यवस्थितु । अधिकारिया ॥ ४२ ॥

एतुलाले आणिसाक्षिवडे । योग्यपण तूतें हीं जोंडे । न/
 ऐसें प्रसंगें सांकडें । फेडिलें तेयाचें ॥ ४३ ॥
 मग म्हणे पार्था । हे ते ऐसी चि व्यवस्था ।
 अनियतासि सर्वथा । योग्यता नाही ॥ ४४ ॥

नात्यश्रतस्तु योगोस्ति न चैकान्तमनश्रतः ।

न चातिस्वप्नशीलस्य जाग्रतो नैव चार्जुन ॥ १६ ॥

* जो रसनेंद्रियांचा आंकला । कां निद्रेसि जीवें वीकला ।
 तो नाही एथ म्हणितला । अधिकारिया ॥ ४५ ॥
 अथवा आप्रयाचिये बांधौडी । क्षुधातृषा इये कोंडी ।
 आहारार्ते तोडी । मारुनियां ॥ ४६ ॥
 निद्रेचिया वाटा न वचे । ऐसा दंडीचेनि अवतरणें नाचें ।
 तें शरीर चि नव्हे तेयाचें । मग योगु कवणां ॥ ४७ ॥

युक्ताहारविहारस्य युक्तचेष्टस्य कर्मसु ।

युक्तस्वप्नावबोधस्य योगो भवति दुःखहा ॥ १७ ॥

म्हणौनि अतिशयें विषयसेवा । तैसा बोलु न न्हावा ।
 कां सर्वनिरोधु करावा । तें हीं नको ॥ ४८ ॥
 आहार तरि सेविजे । परि युगुतिचेनि मापें मविजे ।
 क्रियाजात आचरिजे । तिया चि स्थिती ॥ ४९ ॥
 मितलां बोलीं बोलिजे । मवलां पाडलिं चालिजे ।
 निद्रे ही मानु दीजे । अवसरें येकें ॥ ५० ॥
 जागणें जन्हें जालें । तन्हें तें ही होआवें मितलें ।
 एतुलेनि धातुसाम्य सांचलें । असैल सुखें ॥ ५१ ॥
 ऐसें युगुतिचेनि हाथें । जै इंद्रियां उप्पे भातें ।
 तैं संतोषासि वाढतें । मनु चि करी ॥ ५२ ॥
 बाहिरि युगुतीची मुद्रा पडे । तवें आंतु सुख वाढें ।
 येथ साहाज चि योगु घडे । नाभ्यासितां ॥ ५३ ॥

आ. ४. १८

भाग्याचिये भडसे । उद्यमाचेनि मीसैं ।

समृद्धिजात जैसैं । घर रिंगों ये ॥ ५४ ॥

तैसा युगुतिमंत कवतिकें । अभ्यासाचिये मोहरे ठाके ।

आणि आत्मसिद्धि चि पीके । अनुभौ तेयाचा ॥ ५५ ॥

यदा विनियतं चित्तमात्मन्येवावतिष्ठते ।

निस्पृहः सर्वकामेभ्यो युक्त इत्युच्यते तदा ॥ १८ ॥

म्हणौनि युक्ति हे पांडवा । घडे जेया सदैवां ।

तो अपवर्गिचिया राणिवा । अलंकरेजे ॥ ५६ ॥

युक्तियोगाचें आंग पावे । ऐसैं प्रयाग होये बरवें ।

तेथ क्षेत्रसंन्यासैं थिरावे । मानस जेहाचें ॥ ५७ ॥

यथा दीपो निवातस्थो नैगते सोपमा स्मृता ।

योगिनो यताचित्तस्य युंजतो योगमात्मनः ॥ १९ ॥

तेयांतें योगयुगुतु ह्मण । प्रसंगें हें हीं जाण ।

तेया दीपाचें उपलक्षण । निर्वृत्तिचेया ॥ ५८ ॥

आतां तूझे मनोगत जाणौनि । कांहिं येक आम्हि म्हणौनि ।

तें नीकें चित्त देउनि । परियसावें ॥ ५९ ॥

तूं प्राप्तिची चाड वाहांसी । परि अभ्यासिं दक्षु नोहोंसि ।

तें सांघ पां काइ बिहसी । दुवाडपणां ॥ ६० ॥

तरि पार्था हें ज्ञनें । सायास घोंसि हो मनें ।

वायां बागुलु इयें दुर्जनें । इंद्रियें करिति ॥ ६१ ॥

पाये पां आयुष्याचा आडलु करीं । जें सरतें परिणामु वेन्हीं ।

तेया औषधातें काइ वैरी । जिव्हा न ह्मणे ॥ ६२ ॥

ऐसैं हितासि जें जें नीकें । तें सदा चि एआं दुःखें ।

यन्हावि सोहोपें योगासारिखें । कांहिं आहे ॥ ६३ ॥

हणौनि अवसानाचिया गाढिका ।

जो आह्मीं अभ्यासु सांघितळा नीका ।

तेणें होईल तरि हो कां ।

निरोधु एआं ॥ ६४ ॥

यत्रोपरमते चित्तं निरुद्धं योगसेवया ।

तत्र चैवात्मनात्मानं पश्यन्नात्मनि तुष्यति ॥ २० ॥

यन्हर्षिं तन्हैं योगें । जें इंद्रियां विंदाण लागे ।

तैं चि चित्त भेटों निगे । आपणपेया ॥ ६५ ॥

परतौनि पाठिमेरें ठाके । आणि आपणपेयांतें आपण देखे ।

देखतंखेओ ओलखे । हणें तत्व हें मीं ॥ ६६ ॥

तियें ओलखी चि सरिसें । सुखाचां साम्राज्यां बैसे ।

एथ चित्तपण समरसें । विरौनि जाये ॥ ६७ ॥

सुखमात्यंतिकं यत्तद्वृद्धिर्माह्यमर्तोद्वियं ।

वेत्ति यत्र न चैवायं स्थितश्चलति तत्त्वतः ॥ २१ ॥

मग मेरूपासौनि थोरें । देहदुःखाचेनि डोंगरें ।

दाटिजो पां परिभारें । चित्त न दटे ॥ ६८ ॥

कां शस्त्रवारें तोडिलेआं । देह आगीमाझि पडिलेआं ।

चित्त महासुखीं पवढलेआं । चेउ नैए ॥ ६९ ॥

ऐसें आपणपां रिगौनि ठाये । मग देहाची वास न पाये ।

आणि तें सुख चि होउनि जाए । हणौनि विसरे ॥ ७० ॥

यं लब्ध्वा चापरं लाभं मन्यते नाधिकं ततः ।

यस्मिन्स्थितो न दुःखेन गुरुणापि विचाल्यते ॥ २२ ॥

जेआ सुखाचिआ जोडी । मन आर्त्तिची से चि सांडी ।

सारासाराचें तोडी । गुंतलें जें ॥ ७१ ॥

जें योगाचो बरव । संतोषाची प्राणिव ।

ज्ञानाची जाणिव । जेयालासी ॥ ७२ ॥

तं अभ्यासिलेनि योगे । सावेव देखावें लागे ।
देखिलें तरि आंगें । होइजेल गा ॥ ७३ ॥

तं विद्यादुःखसंयोगवियोगं योगसंज्ञितम् ।

स निश्चयेन योक्तव्यो योगोऽनिर्विण्णचेतसा ॥ २३ ॥

पारि तो चि योग बापा । एकी परी आहे सोहोपा ।
जरि पुत्रशोक संकल्पा । दाखविजे ॥ ७४ ॥
हा विषयांतें निमालेयां आइके । इंद्रियें नियमाचां धारणीं देखे ।
तरि हिंये घाळनि मूके । जीवितासि ॥ ७५ ॥

संकल्पप्रभावाभ्यामांस्त्यक्त्वा सर्वानशेषतः ।

मनसैर्वेन्द्रियग्रामं विनियम्य समंततः ॥ २४ ॥

ऐसें वैराग्य हें करी । तरि संकल्पाची सरे वारी ।
सुखें धृतिचां धवलारीं । बुद्धि नांदे ॥ ७६ ॥
बुद्धी धैर्या होये वसैठा । तरि मनातें अनुभवाचिया वाटा ।
आणूनि करी प्रतिष्ठा । आत्मभुवनीं ॥ ७७ ॥
इया हि एकी परी । प्राप्ति आहे विचारी ।
न टके तरि सोपारी । आणिकि ही आइक ॥ ७८ ॥

शनैःशनैरुपरमेद्बुद्ध्या धृतिगृहीतया ।

आत्मसंस्थं मनः कृत्वा न किञ्चिदपि चिंतयेत् ॥ २५ ॥

आतां नियमू चि हा येकला । जोवें करावा आपुला ।
जैसा कृतनिश्चयाचेया बोला । बाहिरा नोहे ॥ ७९ ॥
जरि एतुलेन चि चित्त धिरावे । तरि काजा आलें स्वभावें ।
न ऱ्हाये तरि घालावें । मोकलुनि ॥ ८० ॥
मग मोकलें जेथजेथ जाइल । तेथौनि नियमू चि घेउनि येईल ।
ऐसें चि स्थैर्याची होईल । सेवे एआ ॥ ८१ ॥

यतो यतो निश्चलरति मनश्चंचलमस्थिरम् ।

ततस्ततो नियम्यैतदात्मन्येव वशं नयेत् ॥ २६ ॥

पाठिं केतुलेनि एके वेलें । तेआ स्थैर्याचेनि मेले ।
 आत्मरूपा जवळें । एईल साहाजें ॥ ८२ ॥
 तेहातें देखौनि आंगा घडेल । तेथ अद्वैतीं द्वैत बुडेल ।
 आणि ऐक्यतेजें उजिवडेल । त्रैलोक्य हें ॥ ८३ ॥
 आकाशीं दीसे दुसरें । तें अघ जें विरे ।
 तें गगनें चि कां भरे । विश्व जैसें ॥ ८४ ॥
 तैसें चित्त लया जाये । आणि चैतन्य चि आघवें होये ।
 ऐसी प्राप्ति सुखोपायें । आहे एणें ॥ ८५ ॥
 इया सोहोपियात्रिया योगस्थिती । उकळु देखिला गा बहुति ।
 संकल्पाचिये संपत्ती । रूसौनियां ॥ ८६ ॥

प्रशांतमनसं ह्येनं योगिनं सुखमुत्तमम् ।

उपैति शान्तरजसं ब्रह्मभूतमकलमषम् ॥ २७ ॥

तेया सुखाचेनि सांघातें । आले परब्रह्मा आंतौतें ।
 तेथ लवण जैसें जलातें । सांझुं नेणें ॥ ८७ ॥
 तैसें होये तिये मेलीं । मग सामरस्याचां राउलीं ।
 माहासुखाची दिवाली । जगासिं दीसे ॥ ८८ ॥
 ऐसें आपुले पाएवरी । चालिजे आपुलिण पाठीवरी ।
 हें पार्था नांगवे तारें । आन कीजे ॥ ८९ ॥

युञ्जेत्रवमं सदात्मानं योगी विगतकलमषः ।

सुखेन ब्रह्मसंस्पर्शमत्यंतं सुखमश्नुते ॥ २८ ॥

मीं तवं सकल देहीं । असें एथ विघडु नाही ।
 आणि तैसें चि माझां ठांइ । सकल असे ॥ ९० ॥
 हें ऐसें चि सांचळें । परस्परें मिसललें ।
 बुद्धि घेपे एतुलें । होआवें गा ॥ ९१ ॥

सर्वभूतस्थमात्मानं सर्वभूतानि चात्मनि ।

इक्षते योगयुक्तात्मा सर्वत्र समदर्शनः ॥ २९ ॥

एन्हविं तन्हीं अर्जुना । जो एकावटलिआ भावना ।

सर्व भूतीं अभिन्ना । मातें भजे ॥ ९२ ॥

भूतांचेनि अनेकपणें । अनेकु नोहे अंतष्करणें ।

केवल एकत्व चि माझे जाणे । सर्वत्र जो ॥ ९३ ॥

यो मां पश्यति सर्वत्र सर्वं च मयि पश्यति ।

तस्याहं न प्रणश्यामि स च मे न प्रणश्यति ॥ ३० ॥

मग तो एकु हे माया । बोलतां दीसतसे वायां ।

यन्हवीं न बोलिजे तारि धनंजया । तो मीं आहे ॥ ९४ ॥

तन्हे दीपा आणि प्रकाशा । एकवकैयेचा पाडु जैसा ।

तो माझां ठांड तैसा । मीं तेयामाझि ॥ ९५ ॥

जैसा उदकाचेनि आयुष्यें रसु । कां गगनाचेनि मानें अवकाशु ।

तैसा माझेनि रूपें रूपसु । पुरुषु गा तो ॥ ९६ ॥

सर्वभूतस्थितं यो मां भजत्येकत्वमास्थितः ।

सर्वथा वर्तमानोऽपि स योगी मयि वर्तते ॥ ३१ ॥

जेणें ऐक्याचिया दीठी । सर्वत्र मातें चि किरीटी ।

देखिलें जैसा पटीं । तंतु एकु ॥ ९७ ॥

कां सरूपें तारि बहुतें आधि । परि तैसिं सोनिं बहुतें नोहोति ।

एसी ऐक्याचलाची बुंधी । केली जेणें ॥ ९८ ॥

ना तारि वृक्षाचिं पानें जेतुलीं । तेतुलीं रोपें नाहिं लाविलीं ।

ऐसी अद्वैतदिवसें पाहाली । रात्रि जेआं ॥ ९९ ॥

तो पंचात्मिकीं सांकडे । मग सांघ पां कैसेनि अडे ।

जो प्रतीतिचेनि पाडें । मासिं तूके ॥ १०० ॥

माझे व्यापकपण आघवें । गवसलें तेयाचेनि अनुभवें ।

तारि न हणतां स्वभावें । व्यापकु जाला ॥ १०१ ॥

आत्मौपम्येन सर्वत्र समं पश्यति योऽर्जुन ।

सुखं वा यदि वा दुःखं स योगी परमो मतः ॥ ३२ ॥

आतां शरीर तरि आहे । परि शरीरिचा तो नोहे ।
 ऐसें बोलवारि होये । करुं काये ॥ २ ॥
 ह्मणौनि असो तें विशेषें । अथवा आपणपेया सारिखें ।
 चराचर जो देखे । अखंडित ॥ ३ ॥
 सुखदुःखादि वर्में । कां शुभाशुभें कर्में ।
 दोनि ऐसीं मनोधर्में । नेणे चि जो ॥ ४ ॥
 हे समविषम भाव । अनिक ही वैचित्र्य जें सर्व ।
 तें मानी जैसे अवेव । आपुले होथि ॥ ५ ॥
 हें एकैक काइ सांघावें । जेआ त्रैलोक्य चि आघवें ।
 मीं ऐसें सभावें । बोधा आलें ॥ ६ ॥
 तेआ ही देह एक किर आथि । अणिकै लौकिकु ही तेहातें ह्मणथि ।
 परि आह्मां ऐसी चि प्रतिति । जें परब्रह्म हा ॥ ७ ॥
 ह्मणौनि आपण पां विश्व देखिजे । आणि विश्वां आपण होइजे ।
 ऐसें साम्य चि एक उपासिजे । पांडवा गा ॥ ८ ॥
 हे तुह्मते बहुतीं प्रसंगीं । आहिं ह्मणों तें येया चि लागी ।
 जे साम्या परोति जगीं । प्राप्ति नाही ॥ ९ ॥

अर्जुन उवाच ॥

योयं योगस्त्वया प्रोक्तः साम्येन मधुसूदन ।
 एतस्याहं न पश्यामि चंचलत्वात्स्थितिं स्थिरां ॥ ३३ ॥
 तव अर्जुनु ह्मणे देवा । तुहीं सांघा किर आमचिआ कणवा ।
 परि न पुरीं जी स्वभावा । मनाचेआ ॥ ४१० ॥
 हें मन कैसें केवडें । ऐसें ह्मणो पाउं तरि न संपडे ।
 अहविं राहाटावया तोकडे । त्रैलोक्य येया ॥ ११ ॥
 चंचलं हि मनः कृष्ण प्रमाथि बलवद्दृढं ।
 तस्याहं निग्रहं मन्ये वायोरिव सुदुष्करं ॥ ३४ ॥

हणौनि ऐसैं कै घडैल । जें मर्कटा समाधि एईल ।
 कां राहे हणितला राहिल । महाबातु ॥ १२ ॥
 जी बुद्धितें सली । निश्चयातें ढाली ।
 ऐसिसि स्यैयेंसी हाता फली । मेलौनि जाये ॥ १३ ॥
 जें विवकातें भूलवी । संतोषासि चाड लावी ।
 बैसिजे तन्हीं हींडवी । चहूं दिशीं ॥ १४ ॥
 जें निरुंधिलें घे वाउ । जेआ संयमू चि होये सावाओ ।
 तें मन आपुला स्वभाउ । सांडील काइ ॥ १५ ॥
 हणौनि मन येक निश्चल राहील । मग आहासि साम्य येईल ।
 विसवारीविशे हें विस ही विशे न घडैल । तें एआ लागि ॥ १६ ॥

श्रीभगवानुवाच ॥

असंशयं महाबाहो मनो दुर्निग्रहं चलं ।
 अभ्यासेन तु कौंतेय वैराग्येण च गृह्यते ॥ ३५ ॥
 तव कृष्ण हणधि साच चि । बोलतु आहासि तें तैसें चि ।
 एआ मना किर चपळ चि । स्वभाओ मा ॥ १७ ॥
 परि वैराग्याचेनि आधारे । लाविलें अभ्यासाचिण मोहरे ।
 तरि केतुलेनि एके अवसरें । थिरावैल ॥ १८ ॥
 कां यया मनाचें एक नीकें । जें हें देखिलेंआ ठाया सोंके ।
 अनुभवसुखे हणौनि स्वानुभवसुखा चि कवतिकें । दाखवितां जाइजे ॥ १९ ॥

असंयतात्मना योगो दुष्प्राप इति मे मतिः ॥
 वदयात्मना तु यतता शक्योऽवाप्तुमुपायतः ॥ ३६ ॥
 यन्हांविं विरक्ति जेयां नाहिं । जे अभ्यासि निरिगती चि कहीं ।
 तेयां नाकळे हें आहीं हीं । नं मनू काइ ॥ ४२० ॥
 परि यमनियमाचिया वाटा न वचिजे ।
 साविंया वैराग्याची सै न करिजे ।

केवल विषयजलीं ठाकिजे ।

बुढी देउनि ॥ २१ ॥

एआ जालेआ मानसा कहीं । युगुतिची कांवि लागली नाहीं ।

तारि निश्चल होईल काई । कैसेन सांघें ॥ २२ ॥

हणौनि मनाचा निग्रहो होए । ऐसा उपाओ जो आहे ।

तो आरंभी मग नोहे । कैसा पाऊं ॥ २३ ॥

तारि योगसाधन जेतुकें । तें आघवें चि काइ लटिकें ।

परि आपणपेयां अभ्यासु न टके । हें चि हणौं ॥ २४ ॥

आजि योगाचें होये बल । तारि मन केतुलें चपल ।

काइ महदादि हें सकल । आपुलें नो होए ॥ २५ ॥

अर्जुन उवाच ॥

अयतिः श्रद्धयोपेतो योगाच्चलितमानसः ।

अप्राप्य योगसंसिद्धिं कां गतिं कृष्ण गच्छति ॥ ३७ ॥

तेथ अर्जुनु हणो नीकें । देओ बोलताति तें न चुके ।

साच योगबलेंसीं न तुके । मनोबल ॥ २६ ॥

परि तो चि योगु कैसा केवि जाणों ।

आह्मी येतुले दीइया मातु ही नेणों ।

हणौनि मनातें जी हणों ।

अनावर हें ॥ २७ ॥

हा आतां आघवेआ जन्मां । तूझेनि प्रसादें पुरुषोत्तमा ।

योगपरिचयो आहां । जाला आजि ॥ २८ ॥

परि आणिक येकु गोसाविआं । मज संशयो आहे साविआं ।

तो तुज वांचूनि फेडावया । समर्थु नाहीं ॥ २९ ॥

हणौनि सांघें गोविंदा । कव्हणी येकु मोक्षपदा ।

झोवतु होता श्रद्धा । उपायें विण ॥ ३० ॥

इंद्रियग्रामौनि निगाला । आस्थेचिये वाटे लागला ।
आत्मसिद्धिचेआ पुढेला । नगरा एखावेआ ॥ ३१ ॥

काचिन्नोभयविभ्रष्टश्छिन्नाभ्रमिव नश्यति ।

अप्रतिष्ठो महाबाहो विमूढो ब्रह्मणः पथि ॥ ३८ ॥

तवं आत्मसिद्धि न ठके चि । आणि माघौतेआं ही नैयवे चि ।

एसां अस्तु गेला माझारि चि । आयुष्यमानु ॥ ३२ ॥

जैसे अवकाली आभाल । अलुमालु संपतल ।

विपाये आले केवल । वसे ना वरिषे ॥ ३३ ॥

तैसीं दोन्ही इये दुरावली । जे प्राप्ति तवं अलग ठेली ।

आणि अप्राप्ति ही सांडविली । श्रद्धा तिआ ॥ ३४ ॥

यतन्मे संशयं कृष्ण छेत्तुमर्हस्यशेषतः ।

त्वदन्यः संशयस्यास्य छेत्ता न ह्युपपद्यते ॥ ३९ ॥

दोहीला संशय एसा ओलांतरला कार्जी । जो श्रद्धेचां चि समाजी ।

बुडाला तेआ हो जी । कवण गति ॥ ३५ ॥

श्रीभगवानुवाच ॥

पार्थ नैवेह नामुत्र विनाशस्तस्य विद्यते ॥

नहि कल्याणकृत्कश्चिद्गुर्गतिं तात गच्छति ॥ ४० ॥

तवं कृष्ण ह्यणथि पार्था । जेया नैष्कर्म्यसुखी आस्था ।

तेया मोक्ष वांचूनि अन्यथा । गति आहे गा ॥ ३६ ॥

परि येतुले चि येक घडे । जें माझारि विसावे पडे ।

जे ते हीं ऐसेनि सुरवाडे । जो देवां नाही ॥ ३७ ॥

यन्हवि अभ्यासाचा उचलता । पाई जरि चालता ।

तारि दिवसा आधि टाकिता । सोहेसिद्धितें ॥ ३८ ॥

परि तेतुला वेगु तो नोहे चि । ह्यणौनि विसावा तन्हे नौका चि ।

पारि मोक्षु तवं तसा चि । ठेवला आहे ॥ ३९ ॥

प्राप्य पुण्यकृतलोकानुषित्वा शाश्वतीः समाः ।

शुचीनां श्रीमतां गेहे योगभ्रष्टोऽभिजायते ॥ ४१ ॥

भाइकें कवतिक होये कैसें । जें शतमखां लोक सायासें ।

ते तो पावे अनायासें । कैवल्यकामु ॥ ४४० ॥

मग तेथिचे जे अमोघ । अलौकिक भोग ।

ते भोगी जवें चांग । कवतिक पुरे ॥ ४१ ॥

पाठिं जन्मे संसारीं । परि सकल धर्माचां माहेरीं ।

लांबा उगवे आगरीं । विभवश्रियेचां ॥ ४२ ॥

जेहांतें नीतिपथें चालिजे । सत्यसंधूतें बोलिजे ।

देखावें तें देखिजे । शास्त्रदीठी ॥ ४३ ॥

बेदु तो जागेश्वर । जेआ वेवसाओ निजु आचार ।

सारासारविचार । मंत्रु जेहांतें ॥ ४४ ॥

जेहाचा कुलीं चिंता । जाली ईश्वराची कांता ।

जेहांतें गृहदेवता । आदिरिद्धि ॥ ४५ ॥

ऐसी निजपुण्याचिया जोडी । वाढिनली सर्व सुखांची कुलवाडी ।

तिए जन्मे तो सुरवाडीं । योगच्युतु ॥ ४६ ॥

अथवा योगिनामेव कुले भवति धीमताम् ।

एतद्धि दुर्लभतरं लोके जन्म यदीदृशम् ॥ ४७ ॥

अथवा ज्ञानाग्निहोत्री । जे परब्रह्मण्य श्रोत्री ।

महासुखक्षेत्री । आदिवंत ॥ ४७ ॥

जे सिद्धाचां सिंहासनीं । राज्य करिताति त्रिभुवनीं ।

जे कूजते कोकिल बनीं । संतोषाचां ॥ ४८ ॥

जे विवेकग्राभिचे मुली । जे बैठले आहाति फलीं ।

तेभां योगियांचां चि कुलीं । जन्म पावे ॥ ४९ ॥

तत्र तं बुद्धिसंयोगं लभते पौर्वदेहिकम् ।

यतते च ततो भूयः संसिद्धौ कुरुनंदन ॥ ५० ॥

मोटकी देहाकृति उमटे । आणि उन्मेखा पाहाट फूटे ।
 सूर्या पुढां प्रकटे । प्रकाशु जैसा ॥ ४५० ॥
 तैसी दशेची वाट न पांतां । वयसेचिया गावां नैयतां ।
 बालपणीं चि सर्वज्ञता । वरी तेघातें ॥ ५१ ॥
 तिए सिद्धप्रज्ञेचेनि लाभें । मन चि सारस्वतें दुभें ।
 मग सकल शास्त्रें स्वयंभें । निगति वाचें ॥ ५२ ॥ ॥ ॥
 ऐसें जें जन्म । जेयालागि देव सकाम ।
 स्वर्गी ठेले जगहोम । करिथि सदा ॥ ५३ ॥
 अमरीं भाटां होइजे । मग मृत्युलोकातें वानिजे ।
 ऐसें जन्म मा पार्था जें । तें तो पावे ॥ ५४ ॥

पूर्वाभ्यासेन तेनैव स्थित्यते ह्यवशोऽपि सः ।

जिज्ञासुरपि योगस्य शब्दब्रह्मातिवर्तते ॥ ४४ ॥

ॐ आदि मागील जे सद्बुद्धि । जेथ जीविता नेली होती अवधी ।
 मग ते चि पुढुतीं निरवधी । नवी लाहे ॥ ५५ ॥
 तेथ सदैवां आणि पायला । वरि दिव्यांजन हीं होये डोलां ।
 मग देखे जैसीं अवलीला । पातालधनें ॥ ५६ ॥
 तैसे दुर्भेद्य जे जे अभिप्राये । कां गुरुगम्य हानं ठाये ।

तेथ सौरसें धिण जाये । बुद्धि तेहाची ॥ ५७ ॥

ॐ बलियें इंद्रियें एंथि मनां । मन एकवटे पवनां ।

पवनु साहाजें गगना । मीलों चि लागे ॥ ५८ ॥

ऐसें नेणें चि काइ आपसें । तेहातें चि कीजे अभ्यासें ।

समाधि घर घुसे । मानसाचें ॥ ५९ ॥

जाणिजे योगपीठिचा भैरव । काइ हा आरंभरंभेचा गौरव ।

कीं वैराग्यसिद्धिचा अनुभव । रुपा आला ॥ ६० ॥

हा संसार उमाणितें माप । किं अष्टांगसाधप्रियेचें दीप ।

जैसें परिमलें चि धरिलें रूप । चंदनाचें ॥ ६१ ॥

तैसा संतोषाचा काइ घडिला । कां सिद्धभांडारौनि हान काढिला ।
 दीसे तेणें मार्नें रूढला । साधकदशे ॥ ६२ ॥
 जे वरिखशताचां कोडीं । जन्मसहस्रांचिआ आडी ।
 लंघितां पातला थडी । आत्मसिद्धिची ॥ ६३ ॥
 ह्मणौनि साधनजात आवर्षे । अनुसरे तेआ स्वभावें ।
 मग आइतिये बसे राणिवे । विवेकाचिये ॥ ६४ ॥
 पाठिं विचारितेया वेगा । तो विवेक ही ठाके मागां ।
 मग अविचार ये आंगा । घडौनि जाए ॥ ६५ ॥
 तेथें मनाचें मेघौडें विरे । पवनाचें पवनपण सरे ।
 आपणपां आपण मुरे । आकाश ही ॥ ६६ ॥
 प्रणवाचा माथा बुडे । एतुलेंनि अनिर्वाच्य सुख जौडे ।
 ह्मणौनि आदिचि बोलु बाहुडे । तो येया चि लागि ॥ ६७ ॥
 ऐसी परब्रह्मिची स्थिती । जे सकलां गतींसि गति ।
 तेया अमूर्ताची मूर्ति । होउनि ठाके ॥ ६८ ॥

प्रयत्नाद्यतमानस्तु योगी संशुद्धकिल्बिषः ॥

अनेकजन्मसंसिद्धस्ततो याति परां गतिम् ॥ ४५ ॥

तेणें बहुतीं जन्मीं मागिलीं । विक्षेपाचीं पाणिवलें झाडिलीं ।
 ह्मणौनि उपजतखेवो बुडाली । लगिनघटिका ॥ ६९ ॥
 आणि तद्रूपतासीं चि लग्न । लागौनि ठेलें अभिन्न ।
 जैसें लोपलें अभ्र गगन । होउनि ठाके ॥ ७० ॥
 तैसें विश्व जेथें होये । माघ्रौतें लया जाये ।
 तें विद्यमानें चि देहें । जाला तो गा ॥ ७१ ॥
 जेया लाभाचिआ आशा । करुनि धैर्यबाहूंचा भरवसा ।
 घालित षट्कर्माचां धारसां । कर्मनिष्ठ ॥ ७२ ॥
 कां जिये येकी वस्तूलागि । बाणूनि ज्ञानाची वज्रांगी ।
 जूझत प्रपंचेसीं समरंगी । ज्ञानिये गा ॥ ७३ ॥

अथवा निर्लागे निसरडां । तपोदुर्गाचां आडकडां ।

झोंबति तपिये चाडा । जेयाचिया ॥ ७४ ॥

जें भजतेयांसि भज्य । याज्ञिकांचें याज्य ।

येवं जें पूज्य । सकलां सदा ॥ ७५ ॥

तें चि तो आपण । स्वयं जाला निर्वाण ।

जें साधकांचें कारण । सिद्ध तत्व गा ॥ ७६ ॥

तपस्विभ्योऽधिको योगी ज्ञानिभ्योऽपि मतोऽधिकः ।

कर्मिभ्यश्चाधिको योगी तस्माद्योगी भवार्जुन ॥ ४६ ॥

हणौनि कर्मनिष्ठां वंदु । तो ज्ञानियांसि वेद्यु ।

तापसांचा आयु । तपोनाथु ॥ ७७ ॥

पैं जीवपरमात्मसंगमां । जेयाचेया एणेंजाणें मनोधर्मा ।

तो शरीरिं चि परि महिमा ।-ऐसी पावे ॥ ७८ ॥

हणौनि एआ कारणें । तूतें मीं सदा हणे ।

योगी होयें अंतष्करणें । पांडुकुमरा ॥ ७९ ॥

योगिनामपि सर्वेषां मद्भक्तेनांतरात्मना ।

श्रद्धावान्भजते यो मां स मे युक्ततमो मतः ॥ ४७ ॥

आगा योगी जो हणिजे । तो देवांचा देओ जाणिजे ।

आणि सुखसर्वस्व माझे । चैतन्य तो ॥ ४८० ॥

जेया भजता भजन भजावें । हें भगतिसाधन जें आवें ।

तें मी चि जालों अनुभवें । अखंडीत ॥ ८१ ॥

तेया एकवटलेया प्रेमा । जरि पांडें पाइजे उपमा ।

तरि मी देह तो आत्मा । हें चि होये ॥ ८२ ॥

ऐसें भक्तचकोरचंद्रें । जेथ त्रिभुवनैकनरेंद्रें ।

बोलिलें गुणसमुद्रें । संजयो हणो ॥ ८३ ॥

तैथ आदिलापासौनि पार्था । आइकिजे ऐसी चि आस्था ।

दुणावली हे यदुनाथा । पावों सरलें ॥ ८४ ॥

किं सावियां चि मनीं तोषला । जें बोलां आरिसा जोडला ।
तेणें हरिषें आतां उपलवला । निरूपील ॥ ८५ ॥
जो प्रसंगु असे पुढां । जेथ शांतु दीसैल उघडा ।
तो पाळविला मुडा । प्रमेयबीजाचा ॥ ८६ ॥
जें सात्विकाचेनि वडपें । गेलें अध्यात्मिक खरपें ।
साहाजें निरोलले वापे । चतुर चित्ताचे ॥ ८७ ॥
वरि अवधानाचा वापसा । लाघला सोनेआं ऐसा ।
हणौनि पेटावेआ धिवंसा । निवृत्तिसी ॥ ८८ ॥
ज्ञानदेओ हणो मी चाडें । सद्गुरु केलां कोडें ।
माथां हातु ठेविला तें फुडें । बिं चि वाडलें ॥ ८९ ॥
हणौनि येणें मुखें जें निगे । तें संतांचां हृदइं लागे ।
हें असो सांघें श्रीरंगें । बोलिलें जें ॥ ९० ॥
परि तें मनांचां कानीं आइकावें । बोलु बुद्धिचां डोलां देखावें ।
हें साटोवाटीं घेआवें । चित्ताचिआ ॥ ९१ ॥
अवधानाचेनि हातें । नेया पां हृदया आंतौतें ।
हें रिझवितील आणितें । जाणांचिए ॥ ९२ ॥
हे हितातें निवविती । परिणामातें जिवविति ।
सुखाची लाविती । लाखौली जीवा ॥ ९३ ॥
जें अर्जुनेसीं मुकुंदें । नागर बोलिलें विनोदें ।
तें वोविथेचेनि बंधें । सांघैन मीं ॥ ९४ ॥

३७ तत्सदिति श्रीमद्भगवद्गीतासूपनिषत्सु ब्रह्मविद्यायां

योगशास्त्रे श्रीकृष्णार्जुनसंवादे अभ्यासयोगो नाम

षष्ठोऽध्यायः ॥

॥ श्रीकृष्णार्पणमस्तु ॥

ज्ञानेश्वरी

अध्याय सातवा

श्रीकृष्णाय नमः ॥

तरि आइकां मग तो अनंतु । पार्थीतें असे हणतु ।
पैं गा तूं योगयुक्तु । जाला सांता ॥ १ ॥
मज समप्रातें जाणसी ऐसैं । आपुलिये तळहातिचें रख जैसैं ।
तुज ज्ञान सांगेन तैसैं । विज्ञानेंसी ॥ २ ॥

श्रीभगवानुवाच ॥

मय्यासक्तमनाः पार्थ योगं युजन्मदाश्रयः ।
असंशयं समग्रं मां यथा ज्ञास्यसि तच्छृणु ॥ १ ॥
ज्ञानं तेऽहं सविज्ञानमिदं वक्ष्याम्यशेषतः ।
यज्ज्ञात्वा नेह भूयोऽन्यज्ज्ञातव्यमवशिष्यते ॥ २ ॥

* येथ विज्ञानें काइ करावें । ऐसैं घेंसि जारि मनोभावें ।
तरि पैं आदि जाणावें । तें चि लागे ॥ ३ ॥
मग ज्ञानाचिये वेले । ज्ञांकति जाणिवेचे ढोले ।
जैसी तीरीं नाव न ढले । टेंकली सांती ॥ ४ ॥
तैसी जाणीव जेथ न रिगें । विचार माघौता वाउलीं निगे ।
तर्कु आणि ने घे । आंगीं जेयाचां ॥ ५ ॥

या
उत्तर

अर्जुना तैया नावं ज्ञान । येरु प्रपंचु हें विज्ञान ।
 येथ सत्त्वबुद्धि तें अज्ञान । तीन्ही जाण ॥ ६ ॥
 आतां अज्ञान आघवें हारपे । विज्ञान निःशेष करपे ।
 आणि ज्ञान तें स्वरूपें । होउनि जाइजे ॥ ७ ॥
 ऐसें वर्म जें गूढ । तें कीजेल वाक्यारूढ ।
 जेणें थोडेनि पुरे कोड । बहुत मनिचें ॥ ८ ॥
 जेणें सांघतेया बोलवें कुंठे । आइकतेयाचें वेसन तूटे ।
 हें जाणणें सानें मोठें । नव्हे आइकें ॥ ९ ॥

मनुष्याणां सहस्रेषु कश्चिद्यतति सिद्धये ।

यततामपि सिद्धानां कश्चिन्मां वेत्ति तत्त्वतः ॥ ३ ॥

पै गा मनुष्यांचेयां सहस्रां । माझि विपाडलेयां चि एथ धिवंसा ।
 तैसेयां धिवंसेकरां बहुवसां । माझि विरला जाणें ॥ १० ॥
 जैसें भरलेया त्रिभुवना । आंतु येकु येकु चांगु अर्जुना ।
 निवडूनि कीजे सेना । लक्षवारि ॥ ११ ॥
 किं तेयां ही माझि सेवटी । जेव्हलिं लोहमासातें घाटी ।
 तेव्हलिं विजेश्रियेचां पाटी । एकु चि बैसे ॥ १२ ॥
 तैसे आस्थेचां महापुरी । रिगताति कोडिवेन्हीं ।
 परि प्राप्तिचां पैली तीरी । विरला निगे ॥ १३ ॥
 ह्मणौनि सामान्य गां नोहे । हे सांवतां वडिलि गोठि आहे ।
 परि ते बोलों येईल पाहें । आतां प्रस्तुत आइक ॥ १४ ॥
 तारि अवधारि धनंजया । हे महदादिक माझी माया ।
 जैसी प्रतिबिंबे छाया । निजांगाची ॥ १५ ॥

भूमिरपोऽनलो वायुः खं मनो बुद्धिरेव च ।

अहंकार इतीयं मे भिन्ना प्रकृतिरष्टधा ॥ ४ ॥

आणि इयेतें प्रकृति ह्मणजे । हे अष्टधा भिन्न जाणजे ।
 लोकत्रय निफजे । इयेतेंव ॥ १६ ॥

हे अष्टधा भिन्न कैसी । ऐसा ध्वनि धरिती जरि मानसी ।
तरि ते चि आतां परिसैं । विवंचना ॥ १७ ॥

अपरेयमितस्त्वन्यां प्रकृतिं विद्धि मे परां ।

जीवभूतां महाबाहो ययेदं धार्यते जगत् ॥ ५ ॥

आप तेज गगन । महीं मारुतु मन ।

बुद्धि अहंकार हे भिन्न । आठै भाग ॥ १८ ॥

आणि एयां आठांची जे साम्यावस्था । ते माझी परम प्रकृति पार्थ ॥

तिये नावं व्यवस्था । जीउ ऐसी ॥ १९ ॥

जे जडातें जीववी । चेतनेतें चैववी ।

मनातें मानवी । शोक मोह ॥ २० ॥

पै बुद्धिचां आंगीं जाणणें । तें जियेचिये जवलिकेचें करणें ।

जिया अहंकाराचेनि विंदाणें । जग चि धरिजे ॥ २१ ॥

एतद्योनीनि भूतानि सर्वाणीत्युपधास्य ।

अहं कृत्स्नस्य जगतः प्रभवः प्रलयस्तथा ॥ ६ ॥

ते सूक्ष्म प्रकृति कोडें । जें स्थूलेचेया आंगा घडे ।

तें भूतसृष्टिची पडे । टांकसाल ॥ २२ ॥

चतुर्विधु ठसा । उमटों लागे आपैसा ।

मोला तरि सरिसा । परि थर चि आनान ॥ २३ ॥

होंति चौरासी लक्ष थरा । एरा मीति नेणिजे मांडारा ।

भरे आदिशून्याचा गामारा । नाणेंयांसि ॥ २४ ॥

ऐसे एकतूकें पांचभौतिक । पडति बौहस टांक ।

मग तिये समृद्धिचें लेख । प्रकृती चि धरी ॥ २५ ॥

जे आंकूनि नाणें विस्तारी । पाठिं तेयाची चि आठणी करी ।

माक्षि कर्माकर्माचां व्यवहारी । प्रवर्तु दावी ॥ २६ ॥

हें रूपक परि असो । सांघां उघड जैसे परियसों ।

तरि गा नामरूपाचा अतिसो । हा प्रकृती चि कीजे ॥ २७ ॥

आणि प्रकृति तवं माझां ठाई । बिबे एथ आन नाही ।
हणौनि आदिनिधन पाई । जगासि मी ॥ २८ ॥

मत्तः परतरं नान्यत्किंचिदस्ति धनंजय ।

मयि सर्वमिदं प्रोक्तं सूत्रे मणिगणा इव ॥ ७ ॥

हें रोहिणीचें जल । तेयाचें पांतां जें मूल ।

तें रश्मि हीं नव्हति केवल । होये तें भानु ॥ २९ ॥

तिया चि परीं किरीटी । इये प्रकृती जालिये सृष्टी ।

जें उपसंहारौनि कीजेल गोठि । तें मी चि आहें ॥ ३० ॥

रसोऽहमप्सु कौंतेय प्रभास्मि शशिसूर्ययोः ।

प्रणवः सर्ववेदेषु शब्दः खे पौरुषं नृषु ॥ ८ ॥

ऐसें होये दीसे न दिसे । हें मज चि माझिवडें असे ।

मियां चि विश्व धरिजे । जैसें सूत्रें मणि ॥ ३१ ॥

हणौनि उदकीं हान रसु । कां पवनीं जो स्पर्शु ।

शशिसूर्यो जो प्रकाशु । तो मी चि जाण ॥ ३२ ॥

तैसा चि नैसर्गिकु शुद्धु । पृथ्वीचां ठाई गंधु ।

गगनीं मीं शब्दु । वेदीं प्रणवु ॥ ३३ ॥

नराचां ठाई नरत्व । जें अहंभावियें सत्व ।

तें पौरुष मी हें तत्व । बोलिजत असे ॥ ३४ ॥

पुण्यो गंधः पृथिव्यां च तेजश्चास्मि विभावसौ ।

जीवनं सर्वभूतेषु तपश्चास्मि तपस्विषु ॥ ९ ॥

अग्नी ऐसें आहाच । तेजीं नावांचें आहे कवच ।

तें परतें केलेयां साच । तेज तें मीं ॥ ३५ ॥

आणि नानाविधिं योनि । जन्मौनि भूतें त्रिमुवनीं ।

वर्ततें आहाति जीवनीं । आपुलालां ॥ ३६ ॥

पैं एके पवनू चि पीथि । एके तृणेंतत्र जीथि ।

एके अन्नाधारे आहाति । जळें एके ॥ ३७ ॥

ऐसें भूतप्रति आनन । जें प्रकृतिवशें दीसे जीवन ।
तें आधवां ठाई अभिन । मी चि एक ॥ ३८ ॥

बीजं मां सर्वभूतानां विद्धि पार्थ सनातनम् ।

बुद्धिर्बुद्धिमतामस्मि तेजस्तेजस्विनामहम् ॥ १० ॥

पैं आदिचेनि अवसरें । विरुढे गगनाचेनि अंकुरें ।

जें अंतीं गीली आखरें । प्रणवा पटिचीं ॥ ३९ ॥

जवं हा विश्वाकारु असे । तवं जें विश्वा चि सारिखें दीसे ।

मग महाप्रलयदशे । कैसें हीं नव्हे ॥ ४० ॥

ऐसें अनादि जें सहज । तें गा मीं विश्वबीज ।

हें हाता तलीं तुज । देइजतसे ॥ ४१ ॥

मग उघड करुनि पांडवा । जें हें आणिसी सांख्याचेया गावां ।

तें येयाचा उपेगु बरवा । देखसील ॥ ४२ ॥

परि हें अप्रसंगालाप । आतां असतु न बोलें साक्षेप ।

जाणें तपियांचां ठाई तप । तें रूप माझे ॥ ४३ ॥

बलियां माझि बल । तें मीं जाण अढल ।

बुद्धिमतीं केवल । बुद्धि ते मीं ॥ ४४ ॥

बलं बलवतां चाहं कामरागद्विर्वर्जितम् ।

धर्माविरुद्धो भूतेषु कामोऽस्मि भरतर्षभ ॥ ११ ॥

भूतांचां ठाई कामु । तो मीं ह्मणे रामु ।

जेणें अर्थातव धर्मु । थोरु दीसे ॥ ४५ ॥

एव्हविं विकाराचेनि पैसें । करी किर इंद्रियांचेया चि ऐसें ।

परि धर्मासि वेखासें । जाओं नेंदी ॥ ४६ ॥

जे अप्रवृत्तिचा अव्हांटा । सांझुनि विधिचिया चि नीगे वाटा ।

तेवीं चि नियमाचा दीवटा । सर्वे चाले ॥ ४७ ॥

कामु ऐसिया ओजा प्रवर्ते । ह्मणौनि धर्मासि होये पुरतें ।

मग मोक्षतीर्थिचें भगुतें । संसार भोगीं ॥ ४८ ॥

जो श्रुतिगौरवाचा मांडवी । कामुसृष्टिचा वेलु वाढवी ।
 जव कर्मफलेंसीं पालवी । अपवर्गीं टेंके ॥ ४९ ॥
 ऐसां नियतु कां कंदर्पु । जो भूतां एयां बीजरूपु ।
 तो मी ह्मणे बापु । योगियांचा ॥ ५० ॥
 हें येकेक केती सांघावें । आतां वस्तुजात चि आघवें ।
 मज पासौनि जाणावें । विकरलें असे ॥ ५१ ॥

ये चैव सात्विका भावा राजसास्तामसाश्च ये ॥

मत्त एवेति तान्विद्धि न त्वहं तेषु ते मयि ॥ १२ ॥

जे सात्विक हान भाव । कां रजतमादि सर्व ।
 ते ममरूपसंभव । ओलख तूं ॥ ५२ ॥
 हे जाले तरि माझां ठांड । परि येया माझि मी नाही ।
 जैसी स्वप्निचां डोही । जाग्रति न बुडे ॥ ५३ ॥
 ना तरि रसाची चि सुवट । जैसी बीजकणिका तरि घनवट ।
 परि त्रियेतव होये जें काष्ठ । अंकुरद्वारे ॥ ५४ ॥
 मग तेया काष्टाचां ठांड । सांघ पां बीजपण आहे काही ।
 ह्मणौनि विज्ञानीं मीं नाही । जन्हीं हें माझे ॥ ५५ ॥
 पै गां गगनीं उपजे आभाल । परि तेथ गगन नाहिं केवल ।
 अथवा आभालीं होये सलील । तेथ अन्न नाहिं ॥ ५६ ॥
 मग तेया उदकाचेनि चि आवेसें । जालें तेज जें लखलखीत दीसे ।
 तेयां विजू माझि काइ असे । सलील तें ॥ ५७ ॥
 सांघें अग्नीतव धूम होये । तिण धूमीं काये अग्नि आहे ।
 तैसा विकार हा मी नोहें । जन्हीं विकरलां असें ॥ ५८ ॥

त्रिभिर्गुणमयैर्भवैरेभिः सर्वमिदं जगत् ।

मोहितं नाभिजानाति मामेभ्यः परमव्ययम् ॥ १३ ॥

परि उदकीं जाली बाबुली । उदकातें चि जैसी झांकोली ।
 कां घायांचिया आभालीं । आकाश लोपे ॥ ५९ ॥

हो गा स्वप्न हें लटकें नोहे । परि निद्रावशें जें बाणलें होये ।
 तें आठउ काइ देत आहे । आपणपें ॥ ६० ॥
 डोळ्यांचे । हें असो नेणों कैचें । जें डोळां चि पटल रचे ।
 तेणें देखणेपण डोळेयांचें । न गीलिजे काइ ॥ ६१ ॥
 तैसी माझी चि हे बिबली । गुणात्मक साउली ।
 किं मज चि आड ठेली । जवनीक जैसी ॥ ६२ ॥
 हाणौनि भूतें मातें नेणती । माझीं चि परि मीं नव्हति ।
 जैसीं जला जलें न विरति । मुक्ताफलें ॥ ६३ ॥
 पै पृथ्वीचा घटु कीजे । सर्वें चि पृथ्वीसि मिले जरि मेलविजे ।
 तो चि अग्निसंगें सिंविजे । तारि मांगलु होये ॥ ६४ ॥ प्राणी
 तैसैं भूतजात सर्व । हे माझे चि कीर अवयव ।
 परि मायायोगें जीव— । दशे आले ॥ ६५ ॥

दैवी ह्येषा गुणमयी मम माया दुरत्यया ॥

मामेव ये प्रपद्यन्ते मायामेतां तरन्ति ते ॥ १३ ॥

आतां महानदी हे माया । उतरौनियां धनंजया ।
 मी होइजे हें आया । कैसेनि ये ॥ ६६ ॥
 जिये ब्रह्माचलाचां आधाडां । पहिलेया संकल्पजलाचेवा उभवा ।
 सर्वें चि महाभूतांचा बुडडा । साना आला ॥ ६७ ॥ जा
 २४१८ । जे शृष्टिसंचाराचेनि ओघें । चढतकालकलांचेनि वेधें । ओघें
 प्रवृत्तिनिवृत्तिचीं तुंगें । तटें सांडीं ॥ ६८ ॥
 जे गुणघनाचेनि वृष्टिभरे । भरली मोहाचेनि महापूरें ।
 घेउनि जांत नगरें । यमनियमांचीं ॥ ६९ ॥
 जे द्वेषाचां आवर्ती दाटत । तेथ मत्सराचे हकरे पडत । अंतर
 १४५१ । माझि प्रमादादि तलपु अंत । माहामीन ॥ ७० ॥
 जेथ प्रपंचाचीं वळणें । कर्मा अकर्माचीं ओमाणें ।
 वारि तराति ओसाणें । सुखदुःखांचीं ॥ ७१ ॥

रतिचेया बेटा । आदलति कामाचिया लाटा ।
 तेथ जीवफेन संघाटां । सीघ दीसे ॥ ७२ ॥
 अहंकाराचिया चलियां । वरि मदत्रयाचिया उकलिया ।
 जेथ विषयोमीचे कलिया । उल्लाल घेति ॥ ७३ ॥
 उदोअस्तूंचे लोंढे । पाडित जन्ममृत्युचे चोंढे ।
 जेथ पांचभौतिक बुडडे । होत जांत ॥ ७४ ॥
 संमोह—भ्रम—मासे । गीलित धैर्याचीं आविसें ।
 जेथ देवढे भवंत वलसे । अज्ञानाचे ॥ ७५ ॥
 भ्रांतिचेनि खडुलें । रेवले आस्थेचे अवगाले ।
 रजोगुणाचेनि खलालें । स्वर्ग गाजे ॥ ७६ ॥
 तमाचे धारसे काढ । सत्वाचे थीरपणें जाड ।
 किंबहुना हे दुवाड । मायानदी ॥ ७७ ॥
 पै पुनरावृत्तिचेनि उभडे । झलंबताति सत्यलोकिचे हुडे ।
 घाये गडबडीत ढोंढे । ब्रह्मगोलकांचे ॥ ७८ ॥
 ते पाण्यांचेन वहिलेपणें । आझू न धरिती चि ओभाणें ।
 ऐसा मायापुरु हा कवणें । तारिजेल गा ॥ ७९ ॥
 एक स्वयंबुद्धिचा बाहीं । रिगाले तेयांची शुद्धि नाही ।
 एक जाणिवेचा ढोहीं । गर्वे गीलिले ॥ ८० ॥
 एकिं विद्येचिया सांगडी । घेतलिया अहंभावाचिया डोंडी ।
 ते मदमीनाचां तोंडीं । सगले चि गेले ॥ ८१ ॥
 एकिं वयसेचें जाड बांधलें । मग मन्मथाचिये कासे लागले ।
 ते विषयमगरीं सांडिले । चवळनियां ॥ ८२ ॥
 आतां वृद्धाण्याचेया तरंगा । माझि मतिभ्रमाचा जरंगा ।
 तेणें कवलजताति पै गा । चहूंकडे ॥ ८३ ॥
 आणि शोकाचां कडां उपटत । रोगाचां आवर्ती दाटत ।
 आपदागिधिं चुंबिजत । उधवलां ठाई ॥ ८४ ॥

मग दुःखाचेनि बरटेनि बोंबले । पाठि मरणाचिया रेवा रेवले ।

ऐसे कामाचिये कासे लागले । गेले वायां ॥ ८५ ॥

एकें यजनक्रियेचीं पेटां । घातलीं बांधौनि पोटां ।

ते स्वर्गसुखाचां कपाटीं । भरौनि ठेले ॥ ८६ ॥

एकें मोक्षिं लागावेयाचिया आशा । केला कर्मब्रह्माचा भवसा ।

परि ते पडिले गा करुनि वळसां । विधिबोधाचा ॥ ८७ ॥

जेथ वैराग्याची नाव न रिगे । विवेकाचा तागा न लगे ।

घरि काहिं काहिं तरों ये योगें । परि विपायें तो ॥ ८८ ॥

ऐसें जीवाचिये आंगवणे । इये मायानदीचें उतरणें ।

हें काइसेयासारखें बोलणें । ह्मणावें पां ॥ ८९ ॥

जरि अपथ्याशीला व्याधी । कले साधू दुर्जनाची बुद्धि ।

कां रागी सांडी रिद्धि । आली सांती ॥ ९० ॥

जरि चोरा सभा दाटे । अथवा मीना गळु घोंटे ।

ना तरि भेडा उल्हाटे । विवसी जरि ॥ ९१ ॥

पाडसा वागूर करांडी । जरि मुंगी मेरु उग्रांडी ।

तारि मोहाचि पैली थडी । देखति जीव ॥ ९२ ॥

ह्मणौनि गा पांडुमुता । जैसी सकामा न जिणवे चि वनिता ।

तैसी मायामय हे सारिता । न टुके जीवां ॥ ९३ ॥

एथ एक चि लीला तरले । जिहिं भजौनि मातें वरिलें ।

तेया ऐली चि थडिये सरलें । मायाजळ ॥ ९४ ॥

जे अहंभावाचें ओझें सांडुनि । विकारांचिया झुलुआ चूकौनि ।

अनुरागाचा नीरुताउनि । पाणिढाळु ॥ ९५ ॥

जेया ऐक्याचिये उतारां । बोधाचा जोडला तारा ।

मग निवृत्तिचेया पैलातीरा । झेंपावले जे ॥ ९६ ॥

जेयां सद्गुरू तारु पुढें । जे अनुभवाचिये कासे गाढे ।

जेयां आत्मनिवेदन तराडें । आकलळे ॥ ९७ ॥

ते उपरतिचां वारिं सेलत । सोहंभावाचेनि थांवे पेलत ।

मग निगाले अनकलित । निवृत्तितटीं ॥ ९८ ॥

एणें उपायें मज भजले । ते हे माझी माया तरले ।

परि ऐसे भक्त विपाडले । बहुवस नाहिं ॥ ९९ ॥

न मां दुष्कृतिनो मूढाः प्रपद्यन्ते नराधमाः ॥

माययापहतज्ञाना आसुरं भावमाश्रिताः ॥ १५ ॥

जे बहुतां एकां आवांतर । अहंकाराचा भूतसंचार ।

जाला ह्यणैनि विसर । आपणपां तेयां ॥ १०० ॥ आश्रयाच्या

तेह्नां सियमाचें वळ नाठवे । पुढेली अधोगतिची लाज नेणवे ।

आणि करिताति जें न करावें । वेदु ह्यणे ॥ १ ॥

पाहे पां शरीराचेया गावां । जेयालागि आले पांडवा ।

तो कार्यार्थु आघवा । सांडूनियां ॥ २ ॥

इंद्रियांचां राजबीदीं । अहंमतिचां जल्पवादिं ।

विकारांतराची मांदी । मेलविताति ॥ ३ ॥

आणि दुःखशोकाचां घांइ । मारिलेयाची सें चि नाहिं ।

हें सांघावेया कारण काइ । ग्रसिले माया ॥ ४ ॥

चतुर्विधा भजन्ते मां जनाः सुकृतिनोऽर्जुन ।

आर्तो जिज्ञासुरर्थार्थी ज्ञानो च भरतर्षभ ॥ १६ ॥

ह्यणौनि मातें चूकले । ऐसां चतुर्विध मज भजले ।

जिहिं आत्महिता केलें । वाढतें गा ॥ ५ ॥

तो पहिला आर्तु ह्यणिजे । दुसरा जिज्ञासु बोळिजे ।

तीजा अर्थार्थी जाणिजे । ज्ञानियां चौथा ॥ ६ ॥

तेथ आर्तु तो आर्तिचेन व्याजें ।

जिज्ञासु तो जाणावेया चि लागि भजे ।

तीजेनि तेणें अर्थिजे ।

अर्थसिद्धी ॥ ७ ॥

तेषां ज्ञानी नित्ययुक्त एकमक्तिर्विशिष्यते ।

त्रियो हि ज्ञानिनोऽत्यर्थमहं स च मम त्रियः ॥ १७ ॥

भग चौथ्याचां ठाई । काहिं चि करणें नाहीं ।

क्षणौनि भक्तु येकु पाई । ज्ञानियां जो ॥ ८ ॥

जे तेया ज्ञानाचेनि प्रकाशें । फीटलें भेदाचें कडवसें ।

मग मी चि जाला समरसें । आणि भक्तु तेविं चि ॥ ९ ॥

पारि आणिकाचिये दीठी नावेक । जैसा फटिकु चि आवडे उदक ।

तैसा ज्ञानी नव्हे कवतीक । सांघतां तें ॥ ११० ॥

जैसा बारा कां गगनीं वीरे । मग वारेपण वेगलें नुरे ।

तारि तेविं भक्तु हे पैज न सरे । जरि ऐक्या आला ॥ ११ ॥

पारि पवनु हालौनि पाहिजे । तारि गगना हिं वेगला देखिजे ।

एव्हिं गगन तों हें साहाजे । असे जैसें ॥ १२ ॥

तैसें शरीरें हान कर्म । तो भजतसे ऐसा गमे ।

पारि आंतरें प्रतीतिधर्म । मी चि जालां ॥ १३ ॥

आणि ज्ञानाचेनि उजियडलेपणें । मी आत्मा ऐसें तो जाणे ।

क्षणौनि मी हीं तैसें चि क्षणें । उचंबलला सांता ॥ १४ ॥

हां गा जीवापलीकडिली घुणे । जो पावौनि वावरों हीं जाणे ।

तो देहाचेनि वेगलेपणें । काइ वेगला होये ॥ १५ ॥

उदाराः सर्व एवैते ज्ञानीत्वात्मैव मे मतम् ।

आस्थितः स हि युक्तात्मा मामेवानुत्तमां गतिम् ॥ १८ ॥

क्षणौनि आपुलालेया हिताचेनि लोभें ।

मज आवडे तो ही भगतु क्षोबे ।

पारि मीं चि करीं बालभें ।

ऐसा ज्ञानियां येकु ॥ १६ ॥

पाहे पां दुभतेयाचिया आशा । खग चि धेनु/कारित आहे फांसा ।

पारि दोरेंविज कंसा । बत्साचा बली ॥ १७ ॥

कां जै तनुमनुप्राणें । तें आणिक कांहीं चि नेणे ।
देखे तेयातें ह्मणे । हे माये चि कीं ॥ १८ ॥

तें एणें मानें अनन्यगति । ह्मणौनि धेनू हीं तैसी चि प्रीति ।

एयाळामि लक्ष्मीपति । बोलिले साच ॥ १९ ॥

हे असो मग ह्मणितलें । जे कां गा तुज सांधितले ।

तेही भक्त भले । पढियंति आह्मां ॥ २० ॥

परि जाणौनियां मातें । जो पाहों विसरला माघौतें ।

जैसें सागरा एरनि सरिते । मुरुडावें ठेलें ॥ २१ ॥

तैसी अंतर्करणकुहरीं उपनली । जेयाची प्रतीतिगंगा मज मीनली ।

तो मीं हे काइ बोली । फार करूं ॥ २२ ॥

तारि ज्ञानियां जो ह्मणिजे । तो चैतन्य नि केवल माझे ।

हें न ह्मणावें परि काइ कीजे । न बोलों नैये ॥ २३ ॥

जें तो विषयांचिये मांड झाडी । माझि कामक्रोधाची पाझडी । ^{सांढडी}

चूकौनि आला पाडी । सद्वासनेचिये ॥ २४ ॥

मग साधुसंगें सूभटा । उजू सत्क्रियेचिया वाटा ।

अप्रवृत्तिचा अन्हांटा । डावा केजे ॥ २५ ॥

बहुनां जन्मनामन्ते ह्मणवान्मां प्रयच्छते ॥

वासुदेवः सर्वमिति स महात्मा सुदुर्लभः ॥ २६ ॥

आणि जन्मशताचां वाहातवणां ।

तेविं चि आशेचिया न लैं चि वाहाणां ।

तेथ फलहेतुचा उगाणां ।

कवण चाली ॥ २६ ॥

ऐसा शरीरसंयोगाचिये राती । माझि धवत सडिया आइती ।

तव कर्मक्षयाची पाहांती । सोये जाली ॥ २७ ॥

तैसी चि गुरुकृपा उखा उजळी । मग ज्ञानाची ओत गली पडिली ।

तेथ साम्याची रिद्धि उपनली । तेयाचिये दृष्टी ॥ २८ ॥

तेव्हलि जियाकडे वांस पाहे । नेउता मीं चि येकु तेया आहे ।
 अथवा निवांतु जन्हीं राहे । तन्हीं मीं चि आधि ॥ २९ ॥
 हें असो आणिक काहीं । तेया सर्वत्र मीवांचूनि नाहीं ।
 जैसैं सबाह्य जल डोहीं । बुडालेया घटा ॥ ३० ॥
 तैसा तो मज भीतरि । मी तेया आंतु बाहिरि ।
 हें सांधिजे बोलवारि । तैसैं नोहे ॥ ३१ ॥
 हणौनि असो हें इयापरीं । तो देखे ज्ञानाची वाखारी ।
 तेणें सबंतारेनि करी । आपु विश्व ॥ ३२ ॥
 हें समस्त ही श्रीवासुदेव । ऐसेया प्रतीतिरसाचा उते भाव ।
 हणौनि भक्तांमाक्षि राओ । ज्ञानियां तो ॥ ३३ ॥
 जेयाचिये प्रतीतीचां वाखोरां । पवाडु होये चराचरां ।
 तो महात्मा धनुर्धरा । दुर्लभ अति ॥ ३४ ॥
 कामैस्तैस्तैर्हृतज्ञानाः प्रपद्यंतेऽन्यदेवताः ।
 तं तं नियममास्थाय प्रकृत्या नियता स्वयां ॥ २० ॥
 येर बहू जोडति किरीटी । जेयांचीं भजनें भोगासाठीं ।
 जे आशातिमिरे दीठी । मंद झाले ॥ ३५ ॥
 आणि फलाचिया हांवां । हृदयीं कामा जाला रिगावां ।
 कीं तेयाचिया घसणी दीवा । ज्ञानाचा गेला ॥ ३६ ॥
 ऐसैं उभयथा आंधोरें पडिलें । हणौनि पार्सिं चि मातें चूकले ।
 मग सर्वभावे अनुसरले । देवतांतरां ॥ ३७ ॥
 आदिंचे प्रकृतिचे पाइक । वारि भोगालागौनि तवं रंक ।
 मग तेणें लौल्यें कवतीक । कैसैं भजतें ॥ ३८ ॥
 कवणी तिया नियमबुद्धी । कैसिया हान उपचारसमृद्धी ।
 कां अर्पण यथाविधी । विहित करणें ॥ ३९ ॥

यो यो यां यां तनुं भक्तः श्रद्धयार्चतुमिच्छति ।

तस्य तस्याचलां श्रद्धां तामेव विदधाम्यहम् ॥ २१ ॥

पैं जो जो जिये जिये देवतांतरीं । भजावेया चाड धरी ।

तेयाते ते चाड धरी । पुरविता मीं ॥ १४० ॥

मग तिया श्रद्धायुक्त । तेथिचें आराधन जें उचित ।

तें सिद्धिवेन्हीं समस्त । वत्तों लागे ॥ ४१ ॥

सं तथा श्रद्धया युक्तस्तस्याराधनमीहते ॥

लभते च ततः कामाभ्यैव विहितान्हितान् ॥ २२ ॥

ऐसें जेणें जें माविजे । तें फल तेणें पाविजे ।

परि तें हीं सकल निफजे । मज चि तव ॥ ४२ ॥

परि ते भक्त मातें नेणति । जे कल्पने बाहिरे न निगति ।

म्हणौनि कल्पित फल पावति । अंतवंत ॥ ४३ ॥

अंतवत्तु फलं तेषां तद्भवत्यल्पमेधसाम् ।

देवान्देवयजो यांति मद्भक्ता यांति मामपि ॥ २३ ॥

किंबहुना ऐसें भजन । तें संसाराचें चि साधन ।

येरु फलभोगु तें स्वप्न । नावंभरि दीसे ॥ ४४ ॥

हैं असो पन्हौतें । पाठि हो कां आवडतें ।

परि यजी जो देवतांतें । तो देवत्वासि ये ॥ ४५ ॥

येर तनुमनुप्राणी । जे निरंतर माक्षिया चि वाहाणी ।

ते देहाचां निर्वाणी । मी चि होंति ॥ ४६ ॥

परि तैसें न करीति प्राणिये । बायां आपुलां चि सुखि वाणिये ।

पन्हंताति पाणियें । तल्हातिचेनि ॥ ४७ ॥

नाना अमृताचां सागरीं बुडिजे । मग तांडाभि काइ वज्र पाडिजे ।

आणि मनीं तरि आठविजे । थीलरातें ॥ ४८ ॥

हैं ऐसें काइसेया करावें । जें अमृति हिं रिगौनि मरावें ।

सुखें अमृत होउनि कां नसावें । अमृतामाक्षि ॥ ४९ ॥

तैसा फलहेतुचा पांजरा । सांडूनियां धनुर्दरा ।

कां प्रतीतिपांखि अंबरा । गोसावियां नोहावें ॥ १५० ॥

अव्यक्तं व्यक्तिमापन्नं मन्यन्ते मामबुद्धयः ।

परं भावमजानन्तो ममाव्ययमनुत्तमम् ॥ २४ ॥

जेथ उंचावते न पवाडें । सुखाचा पैसार जोडे ।

आपुलेनि, मुरवाडें । उडों ये ऐसा ॥ ५१ ॥

तेया उमपा माप कां सुआवें । मज अव्यक्तातें व्यक्ता कां मानावें ।

सिद्ध असतां कां निमावें । साधनवरि ॥ ५२ ॥

नाहं प्रकाशः सर्वस्य योगमायासमावृतः ।

मूढोऽयं नाभिजानाति लोको मामजमव्ययम् ॥ २५ ॥

परि हा बोलु आववा । जरि विचारिजत असे पांडवा ।

तरि विशेष एयां जीवां । नलगे किर ॥ ५३ ॥

कां जें योगमायापटलें । हे जाले आथि आंधले ।

हणौनि प्रकाशाचेन हीं दिहवळें । न देखती चि मातें ॥ ५४ ॥

यन्हविं मीं नव्हे ऐसें । कांहि वस्तुजात असे ।

पाहे पां कवण जल रसें । रहित आहे ॥ ५५ ॥

पवनु कवणातें न. सिवै चि । आकाश के न समाये चि ।

हे असो येकु मीं चि । विश्वि असें ॥ ५६ ॥

वेदाहं समतीतानि घतेमागतानि चार्जुन ।

भविष्याणि च भूतानि मां तु वेद न कश्चन ॥ २६ ॥

एथ भूतें जियें अत्यंतलिं । तियें मीं चि होउनि ठेलीं ।

आणि वर्ततें आथि जालीं । तें हीं मीं चि ॥ ५७ ॥

कां भविष्यमाणें ज्ये हीं । तें हिं मज वेगलीं नाहीं ।

हा बोलु चि यन्हविं कांहीं । होये ना जाए ॥ ५८ ॥

ऐसा मीं पांडुमुता । अनस्यूतु सदा असता ।

एयां संसार जो भूतां । तो आनें बोलों ॥ ५९ ॥

इच्छाद्वेषसंश्रुत्येन द्वंद्वमोहेन भारत ।

सर्वभूतानि संभोहं सर्वं यांति परंतप ॥ २७ ॥

एक मज
न आहे.

तरि तेही आतां थोडी ऐसी । गोठि सांघिजैल परियसैं ।
 जैं अहंकारा तनूसीं । बालभ पडिलें ॥ १६० ॥
 तैं इच्छा हे कुमारी जाली । मग ते कामाचेया तारुण्या आली ।
 तेथ द्वेषेसीं मांडिली । कुलवाडि तिथे ॥ ६१ ॥
 तेयां दोषां तव जन्मला । ऐसा द्वंदमोहो पडिला ।
 मग तो आजेंन वाढविला । अहंकारें ॥ ६२ ॥
 तो धृतिसीं सदा प्रतिकूल । नियमा हीं नीं गेवे मूल ।
 आशारसैं दोंदिलु । जाला सांता ॥ ६३ ॥
 असंतुष्टिचिया मदिरा । मत्तु होउनि धनुर्द्धरा ।
 विषयाचां वोवरा । विकृतिसिं असे ॥ ६४ ॥
 तेणें भावशुद्धिचिये वाटे । विखुरिले विकल्पाचे कांटे ।
 मग चीरिले अन्हांटे । अप्रवृत्तिचे ॥ ६५ ॥
 तिहिं भूतें भांभावलिं । हणौनि संसाराचेया अडवींमाझि पडिलीं ।
 मग जेथ महादुःखाचे घेतलीं । दांडेवरि ॥ ६६ ॥

येषां त्वंतर्गतं पापं जनानां पुण्यकर्मणाम् ।

ते द्वंद्वमोहविनिर्मुक्ता भजंते मां दृढव्रताः ॥ २८ ॥

ऐसां विकल्पांचें बायाणें । कांटे देखौनि ससाणें ।
 जे मतिभ्रमाचे पासवणें । घेंति चि ना ॥ ६७ ॥
 उजू एकनिष्ठतेचां पाडलीं । रगडूनि विकल्पाचिया भाली ।
 पातकांची सांडिलीं । अटवी जीहीं ॥ ६८ ॥
 मग पुण्याचें धांव घेतलें । आणि माझी जवलीक पातले ।
 किंवाहुना ते चूकले । वाटवघेया ॥ ६९ ॥

जरामरणमोक्षाय मामाश्रित्य यतंति ये ।

ते ब्रह्म तद्विदुः कृत्स्नमध्यात्मं कर्म चाखिलम् ॥ २९ ॥

यन्हविं तर्हि पार्था । जरामरणाची नीमे कथा ।
 ऐसेया प्रयत्नातें आस्था । विये जेयांची ॥ १७० ॥ १५०
 तेयां तो प्रयत्नू चि येकें वेलें । मग समग्रें परब्रह्म फलें ।
 जेया पीकलेया रसु गले । पूर्णतेचा ॥ ७१ ॥
 तेव्हलि कृतकृत्यें जग भरे । तेथ अध्यात्माचें नवलपण पूरे ।
 कर्माचें काम सरे । बीरे मन ॥ ७२ ॥
 ऐसा आत्मलाभु तेयां । होये गा घनंजया ।
 मांडवल जेया । उद्यमीं मी ॥ ७३ ॥
 च तेयांतें साम्याचिया वाढी । मग ऐक्याची चि सांघे कुलवाडि ।
 तेथ भेदाचीं सांकडीं । नेणिजांति ॥ ७४ ॥

साधिभूताधिदैवं मां साधियज्ञं च ये विदुः ॥

प्रयाणकालेऽपि च मां ते विदुर्युक्तचेतसः ॥ ३० ॥

जिहिं साधिभूतां मातें । प्रतीतीचेनि हातें ।
 घरुनि अधिदैवातें । सीतले गा ॥ ७५ ॥
 जेयां जाणिवेचिये उभे । मीं अधियज्ञु रिगे । दृष्टि
 ते तनुचेनि हिं वियोगें । विरहिये नव्हंति ॥ ७६ ॥
 एन्हविं आयुष्याचें सूत्र विघडतां । भूतांचीं उमेठें बडाडितां ।
 काइ न मरतेया ही चित्ता । युगांत नोहे ॥ ७७ ॥
 परि नेणें कैसें पै गा । जे दडउनि गेले माझेया आंगा । ज
 ते प्रयाणिचिया ही लगबगा । न संडीति मातें ॥ ७८ ॥
 यन्हविं तन्हीं जाण । ऐसे जे निषण्ण ।
 ते चि अंतष्करण— । युक्त योगी ॥ ७९ ॥
 तव इये शब्दकूपिकेतलिं । नोडवे चि अवधानांची आंजुली ।
 ते जें अर्जुनु नावेक तेव्हली । मागां चि आहे ॥ १८० ॥

जेथ तद्ब्रह्मादिवाक्यफलें । जियें नानार्थसरसालें ।
 बाहाकातें आहाति परिमलें । भावांचेनि ॥ ८१ ॥
 सहजकृपासंदानीलें । कृष्णद्रुमु डोलति तिये वेले ।
 अर्जुनु श्रवणाचिये खोले । अवसात पडिलीं ॥ ८२ ॥
 तिये प्रमेयाचीं चि हों काज बलिलीं ।
 किं रसाचां सागरीं चुबुकुलिलीं ।
 मग तैसां चि कां बोलिलीं । ॥ ८३ ॥
 परमानंदें ॥ ८३ ॥
 तेणें बरवेषणें निर्मलें । अर्जुनोन्मेषाचे डोले ।
 घेंताति गलाले । विस्मयामृताचे ॥ ८४ ॥
 तिया सुखसंपत्ती जोडलिया । मन स्वर्गा वांत वाकुलिया ।
 हृदयाचां जीवीं गुतकुलिया । होंती आथि ॥ ८५ ॥
 ऐसें वरचिलि चि बरवा । सुख जात्रों लागे फावा ।
 तवें रसास्वादाचिया हावां । लाहा केला ॥ ८६ ॥
 झाकारि अनुमानाचेनि करतलें । घेउनि तियें वाक्यफलें ।
 प्रतीतिमुखि एकें वेलें । धाढूं पाहिलीं ॥ ८७ ॥
 तवें विचाराचिया रसना न दटति ।
 परि हेतुचां दशनी ही न फुटति ।
 ऐसें जाणौनि सुभद्रापति ।
 चुंबी चि ना ॥ ८८ ॥
 मग चमत्करला ह्मणे । इयें जलित्ति मा तारागणें ।
 कैसा झांभकलें आसलगणें । अक्षरांचेनि ॥ ८९ ॥
 इयें पदें नव्हति फुडिया । गगनाचिया चि मां बडिया ।
 एथ आमचिये मती बुडिया । थाउं न निगे ॥ ९० ॥

वांचूनि जाणावेयाचिया कें गोठी । ऐसैं जीवीं चि कळूनि किरीटी ।
 तियें पुनरपि केलीं दीठी । यादवेद्रा ॥ ९१ ॥
 मग विनविलें सूभटें । हां हो जी इयें एकावटें ।
 सात ही पदें अणुसुटे । नवलें असति ॥ ९२ ॥
 एन्हविं अवधानाचेनि वहिलेपणें । नाना प्रमेयांचे उगाणे ।
 काइ श्रवणाचेनि आंगणें । बोलों लाहांति ॥ ९३ ॥
 परि तैसें नव्हे हें देवा । देखिला अखरांचा चि मेलाना ।
 आणि विस्मयाचेया ही जीवा । विस्मयो जाला ॥ ९४ ॥
 कानाचेनि गवाक्षद्वारें । बोलाचें रश्मि आधुंतरे । ॥ ९५ ॥
 पडेना तव चमत्कारें । अवधान ठकलें ॥ ९६ ॥
 तेविं चि मज आर्त्ता अर्थाची चाड आहे । तेया सांगतां हीं वेळु न साहे ।
 ह्यणौनि निरूपण लवलाहें । कीजो देवा ॥ ९७ ॥
 ऐसा मार्गाल्लु पडिताला घेउनि । पुढां अभिप्राया दीठि सूनि ।
 तेविं चि माझी सूनि । आर्त्ति आपुली ॥ ९८ ॥
 कैसी पूसती पांहे जाणिव । भीडेची तरि लंघो नेंदी सीब ।
 यन्हविं कृष्णहृदयासि खेव । देऊं सरलें ॥ ९९ ॥
 आगा गुरुतें जै पूसावें । तें एणें मानें सावधान होआवें ।
 हें एकु जाणें आघवें । सव्यसाची ॥ १०० ॥
 आतां तेयाचें तें प्रभु करणें । वरि सर्वज्ञा श्रीहरिचें बोलणें ।
 हें संजयो आवडलेपणें । सांगैल कैसें ॥ १०१ ॥
 तिये गा अवधान देयां गोठी । बोलिजैल नीट मन्हाटी ।
 जैसी काना आदिं दोठि । उपेगा जाये ॥ १०२ ॥
 बुद्धिचिया जीभा । बोलाचा न चखतां गाभा ।
 आखरांचिया चि भांभा । इंद्रियें जीति ॥ १०३ ॥
 पाहा पां मालतींचे कले । घ्राणासि वांटले कीर परिमलें ।
 परि वरिचिली बरवा काड डोले । श्रावली नोहोंति ॥ १०४ ॥

तैसैं देशिचिया हवावा । इंद्रियें करिति राणिवा ।
मग प्रमेयांचिया गावां । लेसां जाइजो ॥ ४ ॥
ऐसेनि नागरपणें । बोलु निमे तें बोलणें ।
आइका ज्ञानदेओ हणें । निवृत्तिचा ॥ ५ ॥

अंतत्सदिति श्रीमद्भगवद्गीतासूपनिषत्सु ब्रह्मविद्यायां
योगशास्त्रे श्रीकृष्णार्जुनसंवादे परमहंसयोगो नाम
सप्तमोऽध्यायः ॥

॥ श्रीकृष्णार्जुनसंवादे ॥



ज्ञानेश्वरी

अध्याय आठवा ५

श्रीकृष्णाय नमः ॥

अर्जुन उवाच ।

किं तद्ब्रह्म किमध्यात्मं किं कर्म पुरुषोत्तम ।

अधिभूतं च किं प्रोक्तमधिदैवं किमुच्यते ॥ १ ॥

मग अर्जुनें ह्यणितलें । अहो जी अवधारिलें ।

जें मियां पूसिलें । तें निरोपिजो ॥ १ ॥

सांघां कवण तें ब्रह्म । काइसेया नावं कर्म ।

अथवा अध्यात्म । काइ ह्यणिपे ॥ २ ॥

अधिभूत तें कैसें । एथ अधिदैव कवण असे ।

हें उघड मीं परियसें । तैसें बोलां ॥ ३ ॥

आधेयज्ञः कथं कोऽन देहेऽस्मिन्मधुसूदन ।

प्रयाणकाले च कथं ज्ञेयोऽसि नियतात्मभिः ॥ ४ ॥

देवा अधियज्ञ तो काइ । कवणु पां इये देहीं ।

हें अनुमानासि काहीं । दीठि न भरे ॥ ४ ॥

आणि जी नियता अंतःकरणीं । तूं जाणिजसि प्रयाणीं ।

तें कैसें शार्ङ्गपाणी । परिसवां मातें ॥ ५ ॥

देखां धवळारीं चिंतामणिचां । जारि पवडला होये देंवांचा ।
 ओसणतां हीं बोलु तेयाचा । परि सोपु न वचे ॥ ६ ॥
 तैसें अर्जुनाचेया शब्दा चि सवें । आलें तें चि हाणितलें देवें ।
 पार्था परियसैं गा बरवें । पूसिलें तुवां ॥ ७ ॥
 किरीटीकामधेनूचा पाडा । वारि कल्पतरूचा आहे मांदोडा ।
 हाणौनि मनोसिद्धिचेया षडा । तो नवल नोहे ॥ ८ ॥
 जें कृष्णाचेया होयजे आपण । कृष्णु होये आपुलें अंतष्करण ।
 तें संकल्पाचें आंगण । उल्लासति सिद्धी ॥ ९ ॥
 तरि ऐसें जें प्रेम । तें अर्जुनीं चि आधि निःसीम ।
 हाणौनि तेयाचें काम । सदाफल ॥ १० ॥
 एया कारणें अनंतें । मनोगत तेयाचें पूसतें ।
 होईल जाणौनि आइतें । ओगळुनि ठेविलें ॥ ११ ॥
 जें अपत्य धाणौनि निगे । तेयाची भूक ते मायेसी चि लागे ।
 वांचूनि शब्दे काइ सांघे । मग स्तन्य दे एरि ॥ १२ ॥
 हाणौनि कृपालुवा गुरुचां ठाई । हें नवल नोहे काहीं ।
 परि तें असो आइकां काई । बोलता जाला ॥ १३ ॥

श्रीभगवानुवाच ॥

अक्षरं ब्रह्म परमं स्वभावोऽव्यात्ममुच्यते ।
 भूतभावोद्भवकरो विसर्गः कर्मसंश्रितः ॥ ३ ॥
 मग हाणितलें सर्वेश्वरें । जें आकारिं इये खोंकरे ।
 कोंदलें असति न सिरे । कव्हणी कालीं ॥ १४ ॥
 एन्हविं संपूरपण तेयाचें पावें । तरि शून्य-चि नव्हे तें स्वभावं ।
 वारि गगनाचेनि पालवें । गाल्लनि घेतलें ॥ १५ ॥
 जें ऐसें हीं परि विरुलें । इये विज्ञानाचिये खोले ।
 हालवलें हीं न गलें । तें परब्रह्म ॥ १६ ॥

आणि आकाराचेनि जालेपणें । जन्मकर्मातें नेणें ।
 आकारलोपीं नीमणें । नाहीं काहीं ॥ १७ ॥
 १) ऐसी आपुलियाचि सहजस्थिती । जेजूया ब्रह्माची नित्यता असती ।
 तेया नावं सुभद्रापती । अध्यात्म गा ॥ १८ ॥
 मग गगनीं जेवि निर्मले । नेणों कैचीं येकें वेळें ।
 उठीति वनपटलें । नानावर्णें ॥ १९ ॥
 तैसिं अमूर्तीं तियें विशुद्धें । महदादिभूतभेदें ।
 ब्रह्मांडाचे बांधे । हों चि लागति ॥ २० ॥
 पै निर्विकल्पाचिये बरडी । किं फूटे आदिसंकल्पाची विरुढि ।
 आणि ते सर्वे चि मोडौनि ये ढोंढी । ब्रह्मगोलकांचां ॥ २१ ॥
 तेयां एकेकाचा भीतर पाहिजे । तवं बीजां चि भरला देखिजे ।
 माझि होंतेयांजातेयां नेणिजे । लेख जीवां ॥ २२ ॥
 मग तेयां गोलकांचे अंशांश । प्रसवति आदिसंकल्प असम साहास ।
 हें असो ऐसी बहुवस । श्रृष्टि वाढे ॥ २३ ॥
 परि दूजेन विण एकलां । परब्रह्मीं चि सांचलां ।
 अनेकत्वाचा आला । पूरु जैसा ॥ २४ ॥
 तैसैं समविषमत्वे नेणों कैचें । वायां चि चराचरपण एक रचे ।
 ५) पातां प्रसवति यां योनीचे । लक्ष ही दीसति ॥ २५ ॥
 एरी जीवभावांचिये पालविये । काहिं मर्यादा चि करु नये ।
 पाहिजे कवण हें आघवें चि विये । तरि मूल तें शून्य ॥ २६ ॥
 ह्यणौनि करिता मुदल न दिसे । आणि शेषीं कारण हीं काहीं नसे ।
 माझि कार्ये चि आपैसैं । वाढों लागे ॥ २७ ॥
 ऐसा करितेन विण अगोचर । अव्यक्तीं हा आकार ।
 ६) निफजवी जो व्यापार । तेया नावं कर्म ॥ २८ ॥
 अधिभूतं क्षरो भावः पुरुषश्चाधिदैवतम् ।
 अध्वियज्ञोऽहमेवात्र देहे देहभूतां वर ॥ ४ ॥

आतां अधिभूत जें हाणिपे । तें हीं सांघों संक्षेपें ।
 तरि होय आणि हारपे । अभ्र जैसे ॥ २९ ॥
 तैसें असतेपण आहाच । जेया नाहिं होइजे हे साच ।
 जेयातें रूपा आणीति पांच पांच । मिलौनियां ॥ ३० ॥
 भूतातें अधिकरूनि असे । आणि भूतसंयोगें तरि दीसे ।
 जें वियोगावेगलें भ्रंशें । नामरूपादिक ॥ ३१ ॥
 तेयातें अधिभूत हाणिजे । मग अधिदैव पुरुष जाणिजे ।
 जेणें प्रकृतिचें भोगिजे । उपार्जलें ॥ ३२ ॥
 जो चेतनाचा चक्षु । इंद्रियदेशिचा अध्यक्षु ।
 जो देहास्तमानी वृक्षु । संकल्पविहंगा ॥ ३३ ॥
 जो परमात्मा चि परि दूसरा । जो अहंकारनिद्रा निदसुरा ।
 हाणौनि स्वप्निचिया अखरा । संतोर्षे, सीणे ॥ ३४ ॥
 जीउ येणें नावें । जेयातें आलविजे स्वभावें ।
 तें अधिदैव जाणावें । पंचायतनिचें ॥ ३५ ॥
 आतां इये शरीरग्राभी । जो शरीरभावातें उपशमी ।
 तो अधियज्ञु गा मी । पांडुकुमरा ॥ ३६ ॥
 एर अधिदैवाधिभूत । तें हीं मीं चि कीर समस्त ।
 परि पन्हरे कीडासि मिलत । काइ सेंकें नव्हे ॥ ३७ ॥
 तन्हीं तें पन्हरेपण न मैले । आणि कीडाचिया अंशा हीं मिळे ।
 परि असे जव तेयाचेनि मेलें । तव साकें चि हाणिजे ॥ ३८ ॥
 तैसें अधिभूतादि आघवें । हें अविद्येचेनि पालवें ।
 झांकलें तव मानवें । वेगलें ऐसें ॥ ३९ ॥
 ते चि अविद्येची जवनीक फीटे ।
 आणि भेदभावाची अवधि तूटे ।
 मग हाणों जारि येक होउनि आटे ।
 तरि दोनि काय होंति ॥ ४० ॥

पै केशाचां गुंडालां । वरि ठेविली स्फटिकाची शीला ।
 ते वरि पाहिली डोलां । तव भेदली गर्मली ॥ ४१ ॥ १
 पाठि केश परोते नेले । आणि भेदलेपण काय नेणों जालें ।
 तारि डांक देउनि सांधिलें । शिलेतें कांइ ॥ ४२ ॥
 ना ते एकखंड चि आइती । परि संगें भिन्न गमली होती ।
 तो चि नेलेया माघौती । जैसी का तैसी ॥ ४३ ॥
 तेविं चि अहंभाओ हा जाये । तारि ऐक्य तें आदिं चि आहे ।
 हें चि सार्चें जेथ होये । तें अधियज्ञु मीं ॥ ४४ ॥
 पै गा आह्मी तुज । सकल यज्ञ कर्मज ।
 सांधितलें कां जें काज । मनीं धरुनि ॥ ४५ ॥
 तो हा क्रियाजाताचा विसावां । नैष्कर्म्यसुखाचा ठेवा ।
 परि उघड करुनि पांडवा । दाविजतसे ॥ ४६ ॥
 पहिलें वैराग्यइंधनपरिपूर्ती । इंद्रियानलीं प्रदीतीं ।
 विषयद्रव्याचिया आहुती । देउनियां ॥ ४७ ॥
 मग वज्रासन ते उर्वी । शोधूनि आधारीं मुद्रा बरवी ।
 वेदी रचे मांडवीं । शरीराचां ॥ ४८ ॥
 तेथ संयमाग्नीचीं कुंडें । इंद्रियद्रव्याचेनि पवाडें ।
 पूजिजति उदंडें । युक्तिवोषें ॥ ४९ ॥
 मग मनप्राण आणि संयमु । हा चि हवनसंपदेचा संभ्रमु ।
 तेणें तोषाविजे निर्दूमू । ज्ञानानल ॥ ५० ॥
 ऐसेनि सकल हें ज्ञानिं अर्पें । मग ज्ञान तें ज्ञेयीं हारपे ।
 पाठि ज्ञेयाचीं स्वरूपें । निखल उरे ॥ ५१ ॥
 तिया नावं गा अधियज्ञु । ऐसें बोलिला जवं सर्वज्ञु ।
 तव अर्जुनु अतिप्राज्ञु । तेया पातलें तें ॥ ५२ ॥
 हें जाणौनि ह्यणितलें देवें । परिहसतु आहासि बरवें ।
 एया कृष्णाचेया संतोषासवें । एरु सुखाचा जाला ॥ ५३ ॥

देखां बोलाचिया घणी धाडजे । कां शिष्याचेनि जालेपणें होइजे ।
 हें सद्गुरू चि एकलेनि जाणिजे । कां प्रसवतिया ॥ ५४ ॥
 ह्मणौनि सात्विकां भावांची मांदी । कृष्णा-आंगिची अर्जुना आदि ।
 न समातसे परि बुद्धी । संवरुनि देवें ॥ ५५ ॥ सां
 मग पीकलेया सुखाचा परिमल । कां निवालेया अमृताचा कळोल ।
 तैसा कोवला आणि रसाल । बोल बोलिला ॥ ५६ ॥

अंतकाले च मामेव स्मरन्मुक्त्वा कलेवरम् ।

यः प्रयाति स मद्भावं याति नास्त्यत्र संशयः ॥ ५७ ॥

ह्मणितलें परिसणेयांचेया राया । आइकें बा घनंजया ।
 ऐसी जलें सरलेयां माया । जालितें हीं जलें ॥ ५७ ॥
 त जें आतां चि सांघिलें होतें । अगा अधियबु ह्मणितलें जयातें ।
 जे आदि चि तया मातें । जाणौनि अंती ॥ ५८ ॥
 तें देह झोलु ऐसें मानूनि । ठेलें आपणपें होउनि । आपणाचे
 जैसा मठु गगना भरौनि । गगनीं चि आधि ॥ ५९ ॥
 ह्ये प्रतीतीचां माझि घरीं । तेयां निश्चयाची ओहिरी ।
 आली ह्मणौनि बाहिरी । नव्हे चि से ॥ ६० ॥
 ऐसें सबाह्य ऐक्यें सांचले । मीं चि होउनि असतां रचले ।
 न बाहिर भूतांचीं पांचै ही खवळें । नेणाति चि पडिलीं ॥ ६१ ॥
 उभेयां उभेपण नाहिं जेयाचें । पडिलेयां गहव कळण तेयाचें ।
 ह्मणौनि प्रतीतिचिये पोटिचें । पाणी ना हाले ॥ ६२ ॥
 ते ऐक्याची आहे उतली । कां नित्यतेचां हृदयीं घातली ।
 जैसी समरससमुद्रीं घूतली । तैसी रुलै चि ना ॥ ६३ ॥
 पै अथर्वि घडा बुडाला । तो आंतु बाहिर उदका भरला ।
 पाठिं दैवंगत्या जरि फूटला । तरि उदक काय फूटे ॥ ६४ ॥
 नां तरि सपें कवच सांडिलें । कां उबातेनि वस्त्र फेडिलें ।
 तरि सांघ पां काय मोडलें । अवयवां माझि ॥ ६५ ॥

तेसा अकार हा आहाचु भंशे । वांचूनु वस्तु ते सांनलीचि असे ।

ते चि बुद्धि जालेयां विसकुसे । कैसेनि आतां ॥ ६६ ॥

हणौनि इया परीं मातें । अंतकाळीं जाणत सांते ।

जे मेकलीति देहातें । ते मी चि होंति ॥ ६७ ॥

अथ वापि स्मरन्भावं त्यजत्यंते कलेवरम् ।

तं तमेवैति कौंतेय सदा तद्भावभावितः ॥ ६८ ॥

यन्हविं तन्हीं साधारण । ऊरीं आदललेयां मरण ।

जो आठउ धरी अंतष्करण । तें चि होइजे ॥ ६८ ॥

जैसैं कव्हणां येका काकुलती । पलतां पवनगती ।

दुपाउली अवचित्ती । कुहां पडिली ॥ ६९ ॥

आतां तेया पडणेयां अरौतें । पडण चूकवावेया पुरतें ।

नाहिं हणौनि तेथें । पडावें चि पडे ॥ ७० ॥

तेविं मृत्युचेनि अवसरें येकें । जें एउनिं जीवा सामोर अके ।

तें होणें मग न चुके । भलेतिया परीं ॥ ७१ ॥

आणि जागतां जवं असिजे । तवं जेणें व्यानें भावनां भीजे ।

डोला लागत खेओ देखिजे । तें चि जेविं ॥ ७२ ॥

तारि जीवेन अवसरें । जें आवडौनि जीविं उरे ।

तें चि मरणाचिये मेरे । फार हों लागे ॥ ७३ ॥

तस्मात्सर्वेषु कालेषु मामनुस्मर युध्य च ।

मय्यर्पितमनोबुद्धिर्भामैवैष्यस्यसंशयम् ॥ ७४ ॥

आणि मरणीं जेया जें आठवे । तो तिये चि गतिर्ते तवं पावे ।

हणौनि सदा स्मरावें । मातें तुवां ॥ ७४ ॥

डोलां जें पाहावें । कानीं हान आइकावें ।

मनीं जें भावावें । बोलवें जें ॥ ७५ ॥

ते आंतु बाहिरि आववें । मी चि करुनि घालावें ।

मग सर्वां कालीं स्वभावे । मी चि आहें ॥ ७६ ॥

आगा ऐसियां जरि जालेयां । तरि न मरिजे देह गेलेयां ।
 हणौनि उठि वरौता आलेया । संग्रामु करीं ॥ ७७ ॥
 तूं मत्त बुद्धि सावेंसी । जरि माझां स्वरूपीं अर्पिंसी ।
 तरि मातें चि या पावसी । हे साख साडी ॥ ७८ ॥

अभ्यासयोगयुक्तेन चेतसा नान्यगतामिना ।

परमं पुरुषं दिव्यं याति पार्थानुचितयन् ॥ ८ ॥

हे चि काइसें वरि होये । ऐसा संदेहो जरि वर्ततु आहे ।
 तरि अभ्यासूनि आदीं पाहे । मग नव्हे तरि कोप ॥ ७९ ॥
 येणें चि अभ्यासेसि योगु । चित्तासि करि पां चांगु ।
 पं५ आगा उपायबलें पांगु । पाडि टाकी ॥ ८० ॥ पराजी
 तेवि साभ्यास निरंतर । चित्तासि परमपुरुषाची मोहोर ।
 लावि मग शरीर । असो आडें जाऊ ॥ ८१ ॥
 जें नाना गती पावतें । तें चित्त वरील आत्मेयातें ।
 मग कवण आठवी देहातें । तें गेलें किं आहे ॥ ८२ ॥
 पें सरिताचेनि बोधे । सिंधु जलाचे मीनले बोधे ।
 ते काइ वर्तत आहे मार्गे । हणौनि पाहों एथि ॥ ८३ ॥
 ना ते समुद्र चि होउनि ठेले । तेवि चित्ताचें चैतन्य जालें ।
 जेथ यातायात निमाले । घनानंद जे ॥ ८४ ॥ मीनले
 कर्षि पुरणमनुशासितारमणोरणीयांसमनुस्मरेणः ।
 सर्वस्य धातारमर्चित्यरूपमादित्यवर्णं तमसः परस्तात् ॥ ५ ॥
 जें गगनहूनि जूनें । जें परमाणूहूनि सानें ।
 जेयाचेनि सन्निधानें । विश्व चले ॥ ८५ ॥
 जेयाजें आकारेविण असणें । जेथ जन्म ना नीमणें ।
 जें आधवें चि आधवेंपणें । देखत असे ॥ ८६ ॥
 जें सर्वातें येया विये । सर्व जेणें जिये ।
 हेतु जेमासि मिये । अचित्य जें ॥ ८७ ॥

देखै बोलिबा इंगल न चरे । तेजि तिमिर जेवि न सिरे ।
जें दिहा चि आंधारें । चर्मचक्षुसी ॥ ८८ ॥

सुसडा सूर्यकणाचा राशि । जो निलोदयो ज्ञानियांसि ।
अस्तमानाचें जेयासि । अडिनावं हीं नाहीं ॥ ८९ ॥

तेया आवेंगवाणेया ब्रह्मातें । प्रयाणकालें प्राप्ते ।
जो थिरावलेनि चित्तें । जाणौनि स्मरे ॥ ९० ॥

प्रयाणकाले मनसाचलेन भक्त्या युक्तो योगबलेन चैव ।

भ्रुवोर्मध्ये प्राणमावेश्य सम्यक्स तं परं पुरुषमुपैति दिव्यम् ॥१०॥

बाहिर पद्मासन रचूनि । उत्तराभिमुख बैसौनि ।

जीवीं सुख सूनि । कर्मयोगाचा ॥ ९१ ॥

आंतु मीनलेनि मनोधर्मे । सूर्यप्राप्तिचेनि प्रेमें ।

आपीं आपु संभ्रमे । मिलावेया ॥ ९२ ॥

आकललेनि योगें । मध्यमा मध्यमार्गे ।

अग्निस्थानौनि निगे । ब्रह्मरंध्रा ॥ ९३ ॥

तेथ अचेतन चित्ताचा सांघातु । आहांचवाणा दीसे मांडतु ।

जेथ प्राणु गगना आंतु । सज्जु होउनि ॥ ९४ ॥

तो जडाजडातें विरिचितु । भूलतां माझि संचरतु ।

जैसा घंटानादु लयस्थु । घंटे चि होयें ॥ ९५ ॥

झांकलिये घटिचा दीवा । नेणिजे काइ जाला केव्हा ।

यया रीती पांडवा । । जो देह ठेवी ॥ ९६ ॥

तो केवल परब्रह्म । जेया परमपुरुषु ऐसे नाम ।

तें माझें निजधाम । होउनि ठाकें ॥ ९७ ॥

यदक्षरं वेदविदो वदन्ति विशन्ति यद्यतयो वीतरागाः ।

यदिच्छन्तो ब्रह्मचर्यं चरन्ति तत्ते पदं संग्रहेण प्रवक्ष्ये ॥११॥

सकला जाणणेयांसि लाणि । तिये जाणिवेची जे खाणि ।

तेयां ज्ञानियांची आणि । जेयातें अक्षर ह्याणिवे ॥ ९८ ॥

चंडवार्ते हीं न मोडे । तें गगन चि किं फुडें ।
 वांचूनि होईल जारि मेहुडें । तरि उरैल कैचें ॥ ९९ ॥
 तेवि जाणणेयां जें आकललें । तें जाणवलेपण चि उमाणलें ।
 मग नेणवे चि तेयातें ह्मणितलें । अक्षर सहाजें ॥ १०० ॥
 ह्मणौनि वेदविद नर । जेयातें ह्मणति अक्षर ।
 जें प्रकृतीस पर । परमात्मस्वरूप ॥ १ ॥
 आणि विषयांचें विष उलंडुनि । जे सर्वेद्रियां प्रायश्चित्त देउनि ।
 आहाति देहाचेया बैसौनि । झाडातलीं ॥ २ ॥
 ते इया परीं विरक्त । जेयाची निरंतर वाट पाहांत ।
 निष्कामासि अभिप्रेत । सर्वदा जें ॥ ३ ॥
 जेयाचिया आवडी । नगणित ब्रह्मचर्याची सांकडीं ।
 निष्ठुर होउनि बापुडीं । इंद्रियें करिति ॥ ४ ॥
 ऐसें जें पद । दुर्लभ आणि अगाध ।
 जेयाचिये थडिये चि वेद । बुचुकलले ॥ ५ ॥
 तें ते पुरुष होंति । जे इया परीं लया जांति ।
 तारि पार्था हे चि स्थिति । येकोल सांगों ॥ ६ ॥
 तेथ अर्जुने ह्मणितलें स्वामीं । हें चि ह्मणावेया होंतां पां.मी ।
 तव साहाजें कृपा केली तुहीं । तरि बोलिजो कां जी ॥ ७ ॥
 पारि बोलावें तें अति सोहपें । येथ ह्मणितलें त्रिभुवनदीपें ।
 तुज काइ तेणें संक्षेपें । सांगौनि आइक ॥ ८ ॥

सर्वद्वाराणि संयम्य मनो हृदि निरुध्य च ।

मूर्ध्याध्यात्मनः प्राणमास्थितो योगधारणाम् ॥ १२ ॥

तरि मना येया बाहिरिली कडे ।
 येयावेयाचि सवे चि साविद्यां मोडे ।
 हें हृदयाचां डोहीं बुडे ।
 तैसें कीजे ॥ ९ ॥

पारि हें तरी चि घडे । जरि संयमांचीं अखंडें ।
 सर्व द्वारीं कवाडें । कलासति ॥ ११० ॥
 तारीं साहाजें मन कोंडलें । हृदयीं चि असैल उगुलें ।
 जैसें करचरण मोडलें । परिवरु न संडी ॥ १११ ॥
 तैसें चित्त राहलेयां पांडवा । प्राणाचा प्रणवु चि करावा ।
 मग तो अनुवृत्तिपथें आणावा । मूर्धिवेन्हीं ॥ ११२ ॥
 तेथ आकाशीं मीले न मीले । तैसा धरावा साधनबलें ।
 जवें मैत्रियाचें मावले । अर्धाबिंब ॥ ११३ ॥

ओमित्येकाक्षरं ब्रह्म व्याहरन्मामनुस्मरन् ।
 यः प्रयाति त्यजन्देहं स याति परमां गतिम् ॥ ११३ ॥
 तव वोर तो समिरु । निरालीं कीजे स्थिरु ।
 मग लग्नीं जेवि उंकाह । बिंबि विलसे ॥ ११४ ॥
 तैसें उं हें स्मरों सरे । आणि तेथ चि प्राणु पूरे ।
 मग प्रणवातीत उरे । पूर्ण घन जें ॥ ११५ ॥
 झणौनि प्रणवैकनाम । हें एकाक्षर ब्रह्म ।
 जो माझे स्वरूप परम । स्मरतु सांता ॥ ११६ ॥
 ज्या परीं त्यजी देहातें । तो त्रिशुद्धी पावे मातें ।
 जेया पावणेयां परीतें । आणिक नाही ॥ ११७ ॥

अनन्यचेताः सततं यो मां स्मरति नित्यशः ।
 तस्याहं सुलभः पार्थ नित्ययुक्तस्य योनिनः ॥ ११४ ॥
 येथ अर्जुना जरि विपायें । तूझां जीवीं ऐसें हान जाये ।
 ना हें स्मरण मग होये । काइसेया वरि अंती ॥ ११८ ॥
 इन्द्रियां अनुधाडु पडिलेयां । जीविताचें सुख बुडालेयां ।
 आतु बाहिरि उघडलेयां । मृत्युचिन्हें ॥ ११९ ॥
 तेव्हळि वैसावें चि कवणें । मग कवण निरुधी करणें ।
 तेथ काहाचेनि अंतःकरणें । प्रणवु स्मरावा ॥ १२० ॥

तरि आगा येया ध्वनी । झने थारा देसि हो मनी ।
 पै सेविला मीं चि निदानी । सेवकु होयें ॥ २१ ॥
 जे विषयांसि तिलांजुली देउनि । प्रवृत्ति वरि निगदु वाउनि ।
 मातें हृदयीं सूनि । भोगिताति ॥ २२ ॥
 परि भोगितिया नाराणुका । भेटणें नाहीं क्षुधादिकां ।
 तेथे चक्षुरादि रुकां— । चा कवणु पाडु ॥ २३ ॥
 ऐसे निरंतर येकावटले । अंतष्करणें मज लिंगटले ।
 मी चि होउनि आटले । उपासिति ॥ २४ ॥
 तेया देहावसान जें पावे । तें तिहिं मातें स्मरावें ।
 मग मियां जरि पावावें । तरि उपास्ति ते काइसी ॥ २५ ॥
 पै रंक येक अडलेपणें । काकुलती धावां गा धावां हणें ।
 तरि तेयाचि ग्लानीं धावणें । न घडे काइ ॥ २६ ॥
 आणि भक्तां ही तैसी चि दशा । तरि भक्तिचा ही सोसु काइसा ।
 हणौनि हा ध्वनि ऐसा । वाखाणावा ॥ २७ ॥
 तिहिं जेव्हलिं मीं स्मरावा । तेव्हलिं स्मरला किं ना पांडवा ।
 तो आभाह जीवा । साहाये ना ॥ २८ ॥
 तें रिणियेपण देखौनि आंगीं । मी आपुलेया उत्तीर्णत्वा लागि ।
 भक्तांची तनुत्यार्गीं । परिचर्या करीं ॥ २९ ॥
 येया देहवैकल्याचा वारा । झणें लागेल येया सकुमारां ।
 हणौनि आत्मभावांचां पांजरां । सुयें तेयातें ॥ ३० ॥
 वरि आपुलेया स्मरणाची उपाइली । हींय ऐसी करीं साउली ।
 ऐसेन नित्य बुद्धि सांचली । मि त्यासि आणी ॥ ३१ ॥
 हणौनि देहांतिचें जें सांकडें । तें माझेयां एक ही न पडे ।
 मीं आपुलेयातें आपुलिये कडे । सुखें चि आणीं ॥ ३२ ॥

वरिचील देहाची गवसणी फेडूनि ।

आहाच अहंकाराचें रज झाडूनि ।

शुद्ध वासना चि निवडूनि ।

आपणपां मेलवीं ॥ ३३ ॥

आणि तेयांतें तन्हें देहीं । विशेष येकवंकैयेचा ठाओ नाही ।

ह्यापौनु अण्हेरुनु करितां काहीं । वियोगु ऐसें नावडे ॥ ३४ ॥

ना तरि देहांतीं चि मियां यावें । मग आपणपें तेयां नेयावें ।

हें इ नाही जे स्वभावे । ते आदीं चि मीनेले ॥ ३५ ॥

येरि शरीराचां सलीलीं । असतेपण ते साउली ।

वांचूनि चंद्रिका ते ठेली । चंद्रां चि आहे ॥ ३६ ॥

ऐसेनि जे निलयुक्त । तेयांसि सूलभू मी सतंत ।

हणौनि विदेह निश्चित । मी चि होंति ॥ ३७ ॥

मामुपेत्य पुनर्जन्म दुःखालयमशाश्वतं ॥

नान्पुवंति महात्मानः संसिद्धिं परमां गताः ॥ १५ ॥

मग क्लेशतरुची वाडी । तापत्रयाग्नि चि सेगडी ।

जें हें मृत्युकागासि कुरौडी । सांडिली आहे ॥ ३८ ॥

जें दैन्याचें दूभतें । जें महाभयाचें वाढतें ।

जें सकल दुःखाचें पुरतें । भांडवल गा ॥ ३९ ॥

जें दुर्मतिचें मूल । जें कुकर्माचें फल ।

जें व्यामोहाचें केवल । स्वरूप चि ॥ ४० ॥

जें संसाराचें बैसणें । जें विकाराचें उदाणें ।

जें सकल रोगांसि भाणें । वाढलें आहे ॥ ४१ ॥

जें कालाचें खीचु उसिटा । जें आसेचा आंगवटा ।

जन्ममरणाचा अलिवटा । स्वभावे जें ॥ ४२ ॥

जें भूलिचें भरिव । जें विकल्पाचें अतिव ।

किंवहुना जें पेव । विंचुवांचें ॥ ४३ ॥

जें व्याघ्राचें छत्र । जें पण्यांगनेचें मैत्र ।
 जें विषयविज्ञानयंत्र । संपूजित ॥ ४४ ॥
 जें लावेचा कलवला । निवालेया विषोदकाचा गलाला ।
 जे विश्वासु आंगवला । सवंचोराचा ॥ ४५ ॥
 जें कोटियाचें खेवं । जें कालसर्पाचें मार्दवं ।
 गोरिचें स्वभाव । गायन जें ॥ ४६ ॥
 जें वैरियांचा पाहुणरु । जें दुर्जनाचा आदरु ।
 हें असो जें सागरु । अनर्थाचा ॥ ४७ ॥
 जें स्वप्ने देखिलें स्वप्न । जें मृगजळें सांसिनलें वन ।
 जें धूम्रजाचें गगन । ओललें आहे ॥ ४८ ॥
 ऐसें जें हें शरीर । तें ते पुढुतीं न पवती चि नर ।
 जे होउनि ठेले अपार । स्वरूप माझें ॥ ४९ ॥

आब्रह्मभुवनालोकाः पुनरावर्त्तिनोऽर्जुन ।

मामुपेत्य तु कौंतेय पुनर्जन्म न विद्यते ॥ १६ ॥

आब्रह्म यन्हर्वि ब्रह्मपणाचिये ही भडसे । न चुकती चि पुनरावृत्तिचे वलसे ।
 परि निवटिलेयाचें जैसें । पोट न दूखे ॥ ५० ॥
 ना तरि चेइलेया नंतरें । न बुडिजे स्वप्निचेनि मग पुरें ।
 तेवि मातें पातले संसारें । सिपती चि ना ॥ ५१ ॥

सहस्रयुगपर्यंतमहर्षद्रह्मणोविदुः ।

रात्रिं युगसहस्रांतां तेऽहोरात्रविदो जनाः १७ ॥

यन्हर्वि जगदक्षराचें सिरें । जें चिरस्थाइयांचिये धूरें ।
 ब्रह्मभुवन गा चवरें । लोकाचलाचें ॥ ५२ ॥
 जिये गाविंचा पाहारु दियां वेन्हीं ।
 येका अमरेंद्राचें आयुष्य न धरी ।
 विलौनि पांति उठी येकसरी ।
 चौदा जणाची ॥ ५३ ॥

जें चौकडिया सहस्र जाये । तै ठाये ठाऊ वोलु होये ।
 आणि तैसेनि सहस्रें भरिये पाहे । राति जेथ ॥ ५४ ॥
 येवढें अहोरात्र जेथिचें । ते न लोटती चिःजे भाग्याचे ।
 देखति ते स्वर्गिचे । चिरंजीवी ॥ ५५ ॥
 येरां सुरगणांची नवाई । विशेष सांघावी एथ काई ।
 मुदलां इंद्राची चि दशा पाइ । जें देहाचे चौदा ॥ ५६ ॥

अव्यक्ताद्व्यक्तयः सर्वाः प्रभवन्त्यहरागमे ।

रात्र्यागमे प्रलीयन्ते तत्रैवाव्यक्तसंज्ञके ॥ १८ ॥

पारि ब्रह्मियाचिया ही पाहारातें । आपुलां डोला देखते ।
 आहाति गा तेयातें । अहोरात्रविद ह्यणिपे ॥ ५७ ॥
 तिये ब्रह्मभवनीं जेव्हलें पाहे । तेव्हलें गणना केहि न माये ।
 ऐसें अव्यक्ताचें होये । व्यक्त विश्व ॥ ५८ ॥
 पुडुतीं देहाची चौपाहारी फीटे । आणि हा आकारसमुद्र आटे ।
 पाठि तैसा चि मग पाहाटे । भरो लागे ॥ ५९ ॥

भूतग्रामः स एवायं भूत्वा भूत्वा प्रलीयते ।

रात्र्यागमेऽवशः पार्थ प्रभवत्यहरागमे ॥ १९ ॥

शरदियेचां प्रवेशीं । अर्धे जिरति आकाशीं ।
 मग ग्रीष्मांतीं जैसीं । निगति पुडुतीं ॥ १६० ॥
 तैसी ब्रह्मदिनांचिये आदिं । इये भूतसृष्टिची मांदी ।
 मिले जवं सहस्रावधी । निमति युगें ॥ ६१ ॥
 पाठि रात्रिचा अवसर होये । आणि विश्व हें अव्यक्तीं लया जाये ।
 तो ही युगसहस्र मोटका पाहे । आणि तैसें चि रचे ॥ ६२ ॥

परस्तस्मात्तु भावोऽन्योऽव्यक्तो व्यक्तात्सनातनः ।

यः स सर्वेषु भूतेषु नश्यत्सु न विनश्यति ॥ २० ॥

हें सांघावेया काये उपपत्ती । जें जगाचा प्रलयो संभूति ।
 इवें ब्रह्मभुवनिचिया होति । अहोरात्रां माझि ॥ ६३ ॥

- ८) कैसें थोरियेचें मान पाहे पां । तें सृष्टिवीजांचा होये किं सांढपा ।
 परि पुनरावृत्तिचेया मापा । सीग जाले ॥ ६४ ॥
 येह्वि त्रैलोक्य हें धनुर्द्धरा । तिये गाविंचा गा पसार ।
 नव्हे दीनोदयीं एकसरा । मांडतसे ॥ ६५ ॥
- ९) पाठिं रात्रिचा समो पावे । आणि आपैसेया चि सांढवे ।
 ह्याणिपे जेथिचें तेथ स्वभावे । साम्यासि ये ॥ ६६ ॥
 जैसें वृक्षपण बीजासि आलें । कां मेघ हे गगनीं जाले ।
 तैसें अनेकत्व जेथ सामावलें । तें साम्य ह्याणिपे ॥ ६७ ॥
 तेथें समविषम न दिसे काहीं । ह्याणि भूतें हे भाष नाहिं ।
 जेवि दूध चि जालेयां दहीं । नामरूप जाये ॥ ६८ ॥
 तेवि आकारलोपा सरिसें । जगाचें जगपण अंशे ।
 परि जेथ जालें तें जैसें । तैसें चि उरे ॥ ६९ ॥
- १०) तेथे तेथे नावे सहजें अव्यक्त । आणि आकारवेले तें चि होये व्यक्त ।
 हें येकातव एक सूचत । येह्वि तारि नाही ॥ ७० ॥
 जैसीं आटलेयां स्वरूपें । आटलेपणातें खोटी ह्याणिपे ।
 पुडुतीं तो घनाकार हारपे । जेव्हालिं अलंकार होति ॥ ७१ ॥
 इयें दोन्ही जैसीं होणीं । एकी साक्षिभूतें सुवर्णी ।
 तैसी व्यक्ताव्यक्ताची कडसणी । वस्तु चि ठाई ॥ ७२ ॥
 तें तारि व्यक्त ना अव्यक्त । नित्य ना नाशवंत ।
 येयां दोही भावां अतीत । अनादिसिद्ध ॥ ७३ ॥
 जें हें विश्व चि होउनि असे । परि विश्वपणें नाशलेनि नशे ।
 आखरें प्रसिलेयां न पूसे । अर्थु जैसा ॥ ७४ ॥
 पाहे पां तरंग तारि होत जाते । परि तेथें उदक तें अखंड असतें ।
 तेवि भूतभावीं नाशवंत । अविनाश जें ॥ ७५ ॥
 ना तारि आटतिये अलंकारी । नाटतें कनक आहे जिया परी ।
 तेवि मरतिये जीवाकारी । अमर जें आहे ॥ ७६ ॥

अन्यकोऽक्षर इत्युक्तस्तमाहुः परमां गतिम् ।

अं प्राप्य न निवर्तते तद्धाम परं मम ॥ २१ ॥

जेयातें अन्यक्त हणों ये कोडें । हणतां स्तुति हें ऐसे नावडे ।

जे मना बुद्धी न संपडे । हणौनियां ॥ ७७ ॥

आणि आकारा आलेयां जेयाचें । निराकारपण न वचे ।

आकारलोपीं न विसंचे । निलयता गा ॥ ७८ ॥

हणौनि अक्षर जें हणिजे । तेविं चि हणतां बोधु ही उपजे ।

तेया परौता पैसु न देखिजे । येया लागि परमगति जें ॥ ७९ ॥

पुरुषः स परः पार्थ भक्त्या लभ्यस्त्वनन्यया ।

यस्यांतःस्थानि भूतानि येन सर्वमिदं ततम् ॥ २२ ॥

पैं आघवां इहीं देहपूरीं । आहे निदेंलेयाचिया परीं ।

जे व्यापार करवी ना करी । हणौनियां ॥ ८० ॥

यन्हविं शरीरीं चेष्टां । माझि येकि ही न ठके गा सूपटा ।

दाहीं इंद्रियांचिया वाटा । वाहाति चि आधि ॥ ८१ ॥

उकलु विषयांचिया पेंठा । होंत मनाचां चौहटां ।

तो सुखदुःखाचा राजवंटा । भितरा ही पावे ॥ ८२ ॥

पारि तें राउं पौढलेयां सुखें । जैसा देशिचा व्यापार न ठके ।

प्रजा आपुलेनि अभिलाखें । करित चि असे ॥ ८३ ॥

तैसें बुद्धिचें हान जाणणें । कां मनाचें घेणें देणें ।

इंद्रियांचें करणें । स्फुरण वायुचें ॥ ८४ ॥

हे देहक्रिया आघवी । न करवितां होये बरवी ।

जैसा नचलतेनि रवी । लोकु चले ॥ ८५ ॥

अर्जुना तया परीं । सूतला आहे शरीरीं ।

हणौनि पुरुष गा अवधारीं । हणिपे जेयातें ॥ ८६ ॥

आणि प्रकृती पतिव्रते । पडिला येकपत्तिव्रतें ।

येणें हीं कारणें जेयातें । पुरुष हणों ये ॥ ८७ ॥

पै येया वेदांचे बौहसपण । देखे चि ना जेयाचें आंगण ।
हें गगनाचें पांगुरण । होये देखों ॥ ८८ ॥

ऐसें जाणौनि योगीश्वर । जयातें ह्यणति परात्पर ।
जें अनन्य गतिचें घर । गिबसित ये ॥ ८९ ॥

जें तनुवाचाचितें । नाइकति दूजेयाचिये गोठितें ।
तेयां येकनिष्ठांचें पीक तें । सुक्षेत्र जें ॥ ९० ॥

हें त्रैलोक्य चि पुरुषोत्तमु । ऐसा साचु जेयांचा मनोधर्मु ।
तेयां आस्तिकां जें आश्रमु । पांडवा गा ॥ ९१ ॥

जें निगर्वाचें गोरव । निर्गुणाची जाणिव । गो
सुखाची शणिव । निराशांसि ॥ ९२ ॥

जें संतोषियां वाढलें ताट । जें अचितें अनाथांचें पोट । आश्रित
भक्ति उजू वाट । जेया गावां ॥ ९३ ॥

हें येकैक सांघौनि वायां । काइ फार करुं धनंजया ।

तः पै गेलेयां जेया ठाया । ठाउ चि होइजे ॥ ९४ ॥ (हय)

हिंवांचिया झुलुका । जैसें हिंवें चि पडे उष्णोदका ।
कां समोर जालेयां अर्का । तम प्रकाशु होये ॥ ९५ ॥

तैसा संसार जेया गावां । गेला सांता पांडवा ।

होउनि ठाके आघवा । मोक्षाचा चि ॥ ९६ ॥

मग अग्नी माक्षि आलें । जैसें इंधन चि अग्नि जालें ।

पाठिं न निवडे चि काहीं केलें काष्टापण ॥ ९७ ॥

ना तारि साखरेचा माघौता । बुद्धिमंतपणें हीं करितां ।

पारि ऊंसु नव्हे चि पांडुसुता । जिया परीं ॥ ९८ ॥

लोहाचें कनक जालें । हें येकें चि परिसें केलें । एक

आतां आणिकु कैचा जो गेलें । लोहत्व आणी ॥ ९९ ॥

ह्यणौनि तूप होउनि मावौतें । जेवि दूधपणां नैये चि निरुतें ।

तेवि पावौनियां जेयातें । पुनरावृत्ति नाहीं ॥ १०० ॥

तै मा माझे परम । साचोकारें निजधाम ।

हे आंतुवट तुज वर्म । दाविजत असे ॥ १ ॥

यत्र काले त्वनावृत्तिमावृत्ति चैव योगिनः ।

प्रयाता-यांति तं कालं वक्ष्यामि भरतर्षभ ॥ २३ ॥

तेवि चि आणिकें प्रकारें । हे जाणतां आहे सोपारें ।

तारि देह सांडितेनि अवसरें । जेथ मिलति योगी ॥ २ ॥

अथवा अवचटें ऐसे ही घडे । अनवसरें देह सांडे ।

तै माघोतें येणें पडे । देहासि चि ॥ ३ ॥

देह हाणौनि कालशुद्धी जरि ठेविति । तरि ठेवित खेळ ब्रह्मचि होंति ।

यन्हावि अकालें तरि येति । संसारा पुढुती ॥ ४ ॥

ऐसे सायुज्य आणि पुनरावृत्ति । इयें दोन्हीं अवसरा अधीने आहाति ।

तो चि अवसरु तुज प्रति । प्रसंगें सांगों ॥ ५ ॥

अग्निज्योतिरहः शुक्लः षणमासा उत्तरायणम् ।

तत्र प्रयाता गच्छन्ति ब्रह्म ब्रह्मविदो जनाः ॥ २४ ॥

तारि आइकें गा सुभटा । पातलेंयां मरणार्चा माजिवटा ।

पांच ही आपुलालिया वाटा । निगति आंती ॥ ६ ॥

ऐसां वरिपडिलां प्रयाणकालीं । बुद्धितें कां भ्रमुनि गीळी ।

स्मृति नोहे आंधली । न मरे मन ॥ ७ ॥

हा चेतनावर्गु चि आघवा । सरणीं असे टवटवा ।

पारि अनुभवलेया ब्रह्मभावा । गवसणी होउनि ॥ ८ ॥

ऐसां सावधु हा समवाउ । आणि निर्वाणवेही तिर्बाहो ।

हे जरी चि घडे जरि सावाउ । अग्निचा आधि ॥ ९ ॥

प्राहे पां वारेनि कां उदकें । जें दीधेयाचें दीवेपण झांके ।

॥ तै असती चि काइ देखे । दीठि आपुली ॥ २१० ॥

॥ तैसें देहांतिचेनि विषमवाते । देह आंतुबाहिरि श्लेष्मु आते ।

तेणें विज्ञौनि जाये उदितें । अग्निचें जेव्हां ॥ ११ ॥

तेन्हलि प्राणासि प्राणु नाही । तेथ बुद्धि असौनि करील काइ ।
 हाणौनि अग्नि विण देहीं । चेतना न थरे ॥ १२ ॥
 आगा देहिचा अग्नि जारि गेला । तरितें देह नोहे तो चि खल्लु बोला ।
 वायां आयुष्य वेळ आपुला । आंधारां गिवसी ॥ १३ ॥
 आणि मागील स्मरण आघवें ।
 तें तेणें अवसरें सरिसें सांभालवें ।
 मग देह तेज्जुनि मिलावें ।
 स्वरूपीं किं ॥ १४ ॥
 तव तेया श्लेष्माचां चिखलीं । चेतना चि बुडौनि गेली ।
 येथ मागिल पुढेलि ठेली । आठवण सहाजें ॥ १५ ॥
 हाणौनि आदिं चि जो अभ्यासु केला ।
 तो मरण नैयंतां निमौनि गेला ।
 जैसें ठेवणें नेदखतां माहवला ।
 दीपु हातिचां ॥ १६ ॥
 आतां असो हें सकल । जाण पां ज्ञानासि अग्नि मूल ।
 तेया अग्निचें प्रयाणीं बल । संपूर्ण आधि ॥ १७ ॥
 आंतु अग्निर्ज्योतिचा प्रकाशु । बाहिरि शुक्लपक्षु परि दिवसु ।
 आणि सां मासां माक्षि मासु । उत्तरायणां ॥ १८ ॥
 ऐसेया समा योगाची निरुती । लाहुनि जे देह ठेविति ।
 ते ब्रह्मविद होति । परब्रह्म ॥ १९ ॥
 अवधारिं गा धनुर्द्धरा । येथ थोर सामर्थ्य येया अवसरा ।
 तेविं चि हा उजू मार्गु स्वपुरा । येयावेया ॥ २० ॥
 येथ अग्नि हें पहिलें पैयारें । ज्योतिर्मय हें दुसरें ।
 दिवसा जाणें तिसरें । चौथा शुक्लपक्षु ॥ २१ ॥
 आणि सामास उत्तरायण । तें वरिचिल गा सोपान ।
 येणें सायुज्यसिद्धिसदन । पावति योगी ॥ २२ ॥

हा उत्तमुं कालु जाणिजे । येयातें चि अर्चिरमार्गु हाणिजे ।
आतां अकालु तो ही साहाजें । सांघौनि आइकें ॥ २३ ॥

धूमो सान्निस्तथा कृष्णः षण्मासा दक्षिणायनम् ।
तत्र चांद्रमसं ज्योतिर्योगी प्राप्य निवर्तते ॥ २५ ॥

तारि प्रयाणाचेनि अवसरें । वात श्लेष्मु सुभरें ।
तेणें अंतष्करणें आंधरें । कोंदौनि ठाके ॥ २४ ॥

सर्वेद्रियां लांकुड पडे । स्मृति भ्रमा माशि बुडे ।
मन होये वेडें । कोंडे प्राणु ॥ २५ ॥

अग्निचें अग्निपण जाये । मग तो धूमिचा आघवा होये ।
तेणें चेतना गवली ठाये । शरीरिची ॥ २६ ॥

जैसें चंद्रा आड आभाल । सदट दाटे सजल ।
मग गडद नां उजल । ऐसें झावळें होये ॥ २७ ॥

कां मरे ना सावध । ऐसें जीविता पडे स्तब्ध ।

रा आयुष्यमरणाची मर्याद— । मेलें टाकी ॥ २८ ॥
ऐसीं मनीं बुद्धि करणीं । सुभति धूमाकुलाचीं कोंडणीं ।
जेथ जन्में जोडिलिये वाहाणीं । युग चि बुडे ॥ २९ ॥

हां गा हातिचें जेव्हालें जाये ।

तेव्हालि आणिका लाभाची गोठि कें आहे ।

हणौनि प्रयाणीं तवं होये ।

येतुली दशा ॥ २३० ॥

आणि देहांतु ऐसी स्थिति । बाहिर कृष्णपक्षु वरि राति ।

आणि सा मास ते ही वोडवति । दक्षिणायन ॥ ३१ ॥

इयें पुनरावृत्तिचीं घराणीं । आघवीं येकावटति जेयाचां प्रयाणीं ।

तो स्वरूपसिद्धिची काहाणी । कैसेनि आइके ॥ ३२ ॥

ऐसां जेयाचें देह पडे । योगी हणौनि चंद्रुं वेव्हीं जाणें घडे ।

मग तेथौनु माघौता वडुडे । संसारा ये ॥ ३३ ॥

तेन्हलिं हाणितलें हें नव्हे । वायां अवचटें काइ पावे ।
 देह जाउनु वस्तु होआवें । मार्गे किं ॥ ४५ ॥
 तारि आतां देह असो अथवा जाओ । आह्मीं तंव वस्तूचि केवल आहों ।
 कां दोरी सर्पत्व वाओ । दोराचिया कडौनि ॥ ४६ ॥
 मज तरंगपण असे कां नसे । ऐसैं उदकासि काहीं प्रतिभासे ।
 तें भले तेन्हां जैसैं तैसैं । उदक चि किं ॥ ४७ ॥
 तरंगाकारें न जन्मे चि । ना तरंगलोपे नाशे चि ।
 तेवि विदेह जे देहें चि । वस्तु जाले ॥ ४८ ॥
 आतां शरीराचें जेयाचां ठांड । अडिनावं हीं उरलें नाहीं ।
 तारि कोणें कालें काइ । निमे तें पाहे पां ॥ ४९ ॥
 मग मार्ग ते काइसेया शोधावे । कवणें कोठूनि कें जावें ।
 जरि देशकालादि आघवें । आपणपां चि असिजे ॥ ५० ॥
 आणिक हां गा घट्टु जेन्हलिं छूटे ।
 तेन्हां तेथिचें आकाश लागे काइ येकी वाटे ।
 मग वाटा लागे तारि गगना भेटे ।
 येन्हविं चूके ॥ ५१ ॥
 पाहे पां ऐसैं हान आहे । किं तो आकार चि ह्मणें जाये ।
 येर गगन तें गगनीं चि आहे । घटत्वा हीं आदीं ॥ ५२ ॥
 ऐसेया बोधाचेनि सुरवाडें । मार्गमार्गिचें सांकडें ।
 तेयां सोहंसिद्धां न पडे । योगियांसि ॥ ५३ ॥
 येया कारणें पांडुसुता । तुवां होआवें गा योगयुक्तां ।
 येतुलेनि सर्वकालीं साम्यता । आपणपां येईल ॥ ५४ ॥
 मग भले तेथ भले तेधवां । देहबंधु असो अथवा जात्रा ।
 पारि अबंधा नित्यभावा । विघडु नाहीं ॥ ५५ ॥
 तो कल्पादि जन्मां नांगवे । आणि कल्पांतीं मरणा नाहवे ।
 माझि स्वर्गसंसाराचेनि लाघवें । झांकवेना ॥ ५६ ॥

येणें बोधें जो योगिया होये । तेयासि यया बोधाचें नीटपण आहे ।
 ५७ ॥ कां जें भागातें पेलुनि पाएं । निजरूपा ये ॥ ५७ ॥
 पै. गा इंद्रादिकां देवां । जियां सर्वस्वें गाजति राणिवा ।
 तें सांडणें मानुनि पांडवा । डाबली जो ॥ ५८ ॥

वेदेषु यज्ञेषु तपस्सु चैव दानेषु यत्पुण्यफलं प्रदिष्टम् ।
 अत्येति तत्सर्वमिदं विदित्वा योगी परं स्थानमुपैति चाद्यम् ॥२८॥

जन्हीं वेदाध्ययनाचें जालें । अथवा यज्ञाचें सेत चि पीकलें ।

कां तपोदानाचें जोडलें । सर्वस्व हान जें ॥ ५९ ॥

तेयां आघवेयां चि पुण्यांचा मेल ।

भार आतौनि जेया ये फला ।

जें परब्रह्म निर्मला ।

साठिं सरे ॥ २६० ॥

जें वीटे ना सरे । भोगितेयाचेनि पवाडें पूरे ।

पुडुतीं महासुखाचें सोड्रें । भाऊंड चि पां ॥ २६१ ॥

जें नित्यानंदाचेनि मानें । उपमेचा काटाळां न दिसे सानें ।

पाहे पां वेदयज्ञादिसाधनें जेया सुखा ॥ ६२ ॥

ऐसें दृष्ट चि सुखपणें । जेयासि अदृष्टाचे बैसणें ।

जें शतमखीं हीं आवगणें । नव्हे चि येकां ॥ ६३ ॥

तेयातें योगीश्वर अलौकिकें । दीठिचेनि हाततुके ।

अनुमानिति कवतिकें । तवं हलुवट आवडे ॥ ६४ ॥

मग तेया चि सुखाची किरीटी । करूनियां गा पाउटी ।

परब्रह्माचिये पाटीं आरूढति ॥ ६५ ॥

ऐसें चराचरैक्यभाग्य । जें ब्रह्मेशां आराधनायोग्य ।

जें योगियांचें भोग्य । भोगधन जो ॥ ६६ ॥

जो सकलकलांची कला । जो परमानंदाचा पूतला ।

जो जीवांचा जीवाला । विश्वाचेया ॥ ६७ ॥

जो सर्वज्ञतेचा ओलावा । जो यादवकुलिचा कुलैवा । कुरुदेवा
 तो कृष्ण जी पांडवा । प्रतिबोलिला ॥ ६८ ॥
 ऐसा कुरुक्षेत्राचा वृत्तांत । संजयो रायासि असे सांगतु ।
 ते परियसां पुढां मातु । हणने ज्ञानदेव निवृत्तिचा ॥ २६९ ॥

अंतस्तदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे परब्रह्मयोगो नाम
 अष्टमोऽध्यायः ॥

॥ श्रीसर्वात्मकहरिगुरुशिवार्पणमस्तु ॥



ज्ञानेश्वरी

अध्याय नववा /

श्रीगणेशायनमः ॥

तारि अवधान एकलें देइजे । मग सर्वसुखांसि पत्र धेइजे । मग शिष्टे
हें प्रतिज्ञोत्तर माहें । उघड आइकां ॥ १ ॥
परि प्रौढि न बोलें हो जी । तुह्मां सर्वज्ञाचां समार्जी ।
देयां अवधान ह्मणे हे माझी । विनवणी सलगी ॥ २ ॥
कां जे ललेयाचे लले सरति । मनोरथाचे मनौरे पुरति ।
जरि माहोरें श्रीमंतें होति । तुह्मा ऐसीं ॥ ३ ॥
तुमचेया दीठिवेयाचिये खोले । सांसिनले प्रसन्नतेचे मले ।
ते साउली देखौनि लोले । श्रांतु जी मी ॥ ४ ॥
तुहीं सुखामृताचे डोहो । ह्मणौनि आपुलिया सर्वे बोल्हावों लाहों ।
आणि एथ ही सलगी करुं जरि बीहों । तारि निवों कै पां ॥ ५ ॥
आणि बालक बोवडां बोलें । कां वांकुडां विचुकीं पाउलीं ।
चोज करुनि माउली । रिझवी एजेवि ॥ ६ ॥
तेवि तुह्मां संतांचा पढियो । कैसेनि तन्हीं आस्वावारि हो ।
इया बहुवा अलुकी जी आहों । सलगी करित ॥ ७ ॥
वांचूनि माझिये बोलतिथे योग्यते । सर्वज्ञ भवादश श्रोते ।
काइ धडेयावारि सारस्वतें । पढों सिकिजे ॥ ८ ॥

अवधारां आवडे तेसणा धुंधुर । परि महातेजीं न मिरवे काइ करं ।

अमृताचां ताटीं वोगरं । ऐसिं रसोयें कैचीं ॥ ९ ॥

हां हो हिमकरा वीजणे । किं नादापुढां आइकवणें ।

लेणेयांसि हें लेणें । केहीं आहे ॥ १० ॥

सांघां परिमलें काइ तुरंबावें । सागरें कवणी ठांड नाहावें ।

हें गगन चि अडे आघवें । ऐसा पवाडु कैचा ॥ ११ ॥

तुम्हीं तैसैं तुमचें अवधान घाए । आणि ह्मणो हें देखों हेथे ।

ऐसैं वक्तृत्व कवणातें आहे । विचारिजो ॥ १२ ॥

तन्हीं विश्व प्रकटितेया गभस्ती । हाथिवेनि किजे काइ आरति ।

कीं चूलोदकें अपांपती । अर्घ्यु न दीजे ॥ १३ ॥

प्रभू तुम्हीं महेशाचिया मूर्ती । आणि मीं दुबला अर्चितसैं भक्ति ।

ह्मणौनि बोलु जन्हीं गंगावती । तन्हीं स्वीकराल ॥ १४ ॥

बाल बापाचां ताटीं रिगे ।

रिघौनि बापातें चि जेवडं लागे ।

किं तो संतोषाचेनि वेगें ।

मुख ओडवी ॥ १५ ॥

तैसां मीं जन्हीं तुम्हाप्रति । चावटै करितसैं बालमती ।

तन्हीं तुम्हीं संतोषिजे ऐसी चि जाति । खेहाचि एया ॥ १६ ॥

आणि तेणें आपुलेपणाचेनि मोहें ।

तुम्हीं संत घेतले आहा बौहें ।

ह्मणौनि केलिये सलगिचा नोहे ।

भारु तुम्हां ॥ १७ ॥

आहो तान्हेयांची लागे झटे ।

तरि तेणें अधिकें चि पान्हा फूटे ।

रोसैं प्रेम दूणावटे ।

षड्विंशतेयाचेनि ॥ १८ ॥

हाणौनि मज लेकुरुवाचेनि बोलें । तुमचें कृपालुपण निदैलें ।
 चेइलें हें जी जाणावलें । एया लागि बोलिलां ॥ १९ ॥
 यन्हविं चांदिणें पिकविजत आहे काइ चेंपणीं ।
 किं वारेया घापत आहाति वाणीं ।
 हां हो गगना गवसणी ।
 गुंफिजतसे ॥ २० ॥
 आइकां पाणीं बोधिजवावें न लगे ।
 नवनीतीं माथुला न लगे ।
 लाजिलो वाखाणुं न निगे ।
 देखौनि जेयातें ॥ २१ ॥
 हें असो शब्दब्रह्म जिये बाजे । शब्दु मावळलेयां निवांत निदिजे ।
 तो गीतार्थु मन्हटिया बोलिजे । हा पाडु काइ ॥ २२ ॥
 पारि ऐसा ही मज धिवंसा । तो पुढुतीं एया चि एकी आशा ।
 जें धीटीवं करूनि भवादशां । पढियंतेयां होआवें ॥ २३ ॥
 तारि आतां चंद्रापासौनि निववितें । जें अमृता ही हूनि जिववितें ।
 तेणें अवधानें कीजो वाढतें । मनोरथां माझेया ॥ २४ ॥
 कां जें दीठिवा तुमचा वर्षे । तें सकलार्थसिद्धी मति पीके ।
 एन्हविं कोंभैला उन्मेखु सुके । जरि उदास तुझीं ॥ २५ ॥
 साहाजें तन्हीं अवधारा । वक्तृत्वा अवधानाचा होये चारा ।
 तें दोंदें पेलति अक्षरां । प्रमेयाचिं ॥ २६ ॥
 अर्थु बोलाची वाट न पाहे । तेथ अभप्राउं चि अभिप्रायातें विये ।
 भावांचा फुल्लौरा होतु जाये । मती वारि ॥ २७ ॥
 हाणौनि संवादाचा सुवाउं ढले । तारि हृदयाकाश सारस्वतें उल्ले ।
 श्रोता दुचित्ता तारि वितुले । मांडला रसु ॥ २८ ॥
 आहो चंद्रकांतु द्रवता किरु होये । पारि ते हातवटी चंद्रिं किं आहे ।
 हाणौनि वक्ता चि वक्ता न्हवे । श्रोतेनि विण ॥ २९ ॥

परि आतां आमुतें गोडां करावें ।
 ऐसें तांदुळिं काइसेयां विनवावें ।
 साईखेडेनि कां प्रार्थवें ।
 सूत्रधारातें ॥ ३० ॥
 तो काइ बाउलेयांचां काजा नाचवी ।
 किं आपुलिये जाणिवेची कला वाढवी ।
 हणौनि आहां येया ठेवाठेवी ।
 काइ काज ॥ ३१ ॥
 तव गुरु हणति काइ जालें । हें समस्त ही आहां पातलें ।
 परि आतां साधें जें बोलिलें । नारायणें ॥ ३२ ॥

श्रीभगवानुवाच ॥

इदं तु ते गुह्यतमं प्रवक्ष्याम्यनसूयवे ।
 ज्ञानं विज्ञानसहितं यज्ज्ञात्वा मोक्ष्यसेऽशुभात् ॥ १ ॥
 एथ संतोखेंसीं निवृत्तिदासें । जी हणौनि उल्हासें
 अवधारां कृष्णु ऐसें । बोलते जाले ॥ ३३ ॥
 अर्जुना हें चि बीज । पुढुतीं सांघिजेल तूज ।
 जें अतष्करणिचें गुज । जिवाचिये ॥ ३४ ॥
 एणें मानें जिवाचें हियें फोडावें ।
 मग गुज कां पां मज सांघावें ।
 ऐसें काहीं स्वभावें ।
 कल्पिसि जारि ॥ ३५ ॥
 तरि परियसैं प्राज्ञा । तूं आस्थेची संज्ञा ।
 बोलिलिये गोठी अवज्ञा । नेणसि करं ॥ ३६ ॥
 डे।डे। हणौमि गूढपण आपुलें मोडो । वरि बोलणें हीं बोलावें घडो ।
 परि आमचिये जीविचें पडो । तूझां जीविं ॥ ३७ ॥ डे।

आगा थानीं कीरु दूध गूढ ।
 परि थानासी चि न्हवे किं गोड ।
 हणौनि सरो कां सेवितेयाची चाड ।
 जरि अनन्यु मिले ॥ ३८ ॥
 मूडांहूनि बिं काढिलें । मग निरोलिलिये भुइं पाखरिलें ।
 तारि तें सांडीविखुरी गेलें । हणों ये काइ ॥ ३९ ॥
 एया लागि सुमनु आणि शुद्धमति ।
 जो अर्निदकु आणि अनन्यगति ।
 पै गोप्य परि तेया प्रति ।
 चावलिजे ॥ ४० ॥
 तारि प्रस्तुत आतां गुणीं इहीं । तुज वांचूनि आनु नाहीं ।
 हणौनि गुज तर्हीं तुझां ठांइ । लपों नैए ॥ ४१ ॥
 आतां केती नावां नावां गूज ।
 हणतां कानडें हान आवडेल तुज ।
 तारि सांघौनि ज्ञान सहज ।
 विज्ञानेंसीं ॥ ४२ ॥
 परि तें चि ऐसेनि निवाडें । जैसैं भांसललें खरें कुडें ।
 मग काढिजति फाडे । वरि पारिखौनियां ॥ ४३ ॥
 कां चांचोडाचेनि सांडसैं । खांडिजे पयपाणी राजहसैं ।
 तुज ज्ञानविज्ञान तैसैं । वांटूनि देउं ॥ ४४ ॥
 मग वारेयाचां धारसां । पडिला कोंडा नुरे चि जैसा ।
 अनन्य आणि अवकणाचा आपैसा । राशि जोडे ॥ ४५ ॥
 तैसी जे विवंचना जाणितलेया चि साठि ।
 संसारू चि संसाराचिया गांठी ।
 लाडनि बैसवी पाटि ।
 मोक्षश्रियेचां ॥ ४६ ॥

त जेयां जाणणेया विद्यांचां गावीं । गुरूवाची आचार्यपदवी ।
 जें सकलं गुह्यां गोसांविं । पवित्रां राउं ॥ ४७ ॥
 आणि धर्माचें निजधाम । तेविं चि उत्तमाचें उत्तम ।
 जेंया येतां नाहीं काम । जन्मांतराचें ॥ ४८ ॥
 मोठकें गुरुमुखि उदैजत दीसे ।
 आणि हृदयीं स्वयंभ चि असे जैसे ।
 प्रत्यक्ष फावों लागे तैसे ।
 आपैसेया ॥ ४९ ॥
 तेविं चि पै गा सुखाचां पाउटीं । चडतां येइजे एया भेटी ।
 भग भेटलेयां कीर मीठी । भोगणेयां हों पडे ॥ ५० ॥
 परि भोगाचिये अइली कडे भेरे ।
 चित्त उमें ठेलें चि सुखा भरे ।
 ऐसें सुलभ आणि सोपारें ।
 वरि परब्रह्म ॥ ५१ ॥

राजविद्या राजगुह्यं पवित्रमिदमुत्तमम् ।

प्रत्यक्षावगमं धर्म्यं सुसुखं कर्तुमव्ययम् ॥ २ ॥

तेविं चि पै गा आणिक ही एक येयाचें ।
 जें हातां आलें तारि न वचे ।
 आणि अनुभवितां कहीं न वेचे ।
 वरि वीटे ही नां ॥ ५२ ॥
 एथ जरि तार्किका । ऐसी हान घेंसी शंका ।
 नां येवढी वस्तु हे लोका । उरली केवि पां ॥ ५३ ॥
 तारि पवित्र होये आणि रम्य ।
 तेविं चि सुखोपायें चि अवगम्य ।
 आणि स्वयं सुख परि धर्म्य ।
 वरि आपणपां जोडे ॥ ५४ ॥

ऐसा आघवा चि सुखाडु आहे । तरि जना केवि पां उरो लाहे ।
हा शंकेचा ठाऊ किर होये । परि ते न करावी आइकैं ॥ ५५ ॥

अश्रद्धाघाताः पुरुषा धर्मस्यास्य परंतप ।

अप्राप्य मां निवर्तते मृत्युसंसारवर्त्मनि ॥ ३ ॥

पाहे पां दूध पवित्र आणि गोड ।

पासिं चिं त्वचेचिया पदरासि आड ।

परि ते अन्हेरुनि ते मूड ।

अशुद्ध काइ नेघति ॥ ५६ ॥

कां कमलकंदा आणि दर्दुरी । नांदणुक तरि येका चि घरीं ।

परि पराग सेविजे भ्रमरीं । एरीं चिखलू चि उरे ॥ ५७ ॥ रां

ना तरि निदेवांचां परिवरीं । लोही रुतलिया आहाति सहस्रवेरी ।

परि ते तेथें असौनि उपवास चि करी अथवा दरिद्रें जिये ॥ ५८ ॥

तैसा हृदयीं आंतु मीं धर्मु । असतां सर्व सुखांचा आरामु ।

किं भ्रांतांसि कामु । विषयां वरि ॥ ५९ ॥

बहू मृगजल देखौनि डोलां । थुंकिला अमृताचा गीलितं गलाला ।

तोडिला परिसु बांधला गलां । शुक्तिलामें ॥ ६० ॥

तैसीं अहंमतेचिया लंहिदवडी । मातें न पवति चि बापुडीं ।

ह्मणौनि जन्ममरणाची दूधडी । डडुलतें ठेलीं ॥ ६१ ॥

मया ततमिदं सर्वं जगदव्यक्तमूर्तिना ।

मत्स्थानि सर्वभूतानि न चाऽहं तेष्ववस्थितः ॥ ४ ॥

यन्हविं मी तरि कैसा । मुख प्रति भानु कां जैसा ।

केहिं न दिसें नसें ऐसा । वाणिचा नोहे ॥ ६२ ॥ दि

माझेया विस्तारपणें नावें । हें जग चि नव्हे आघवें ।

जैसें दूध मुरालें स्वभावें । तरि तें चि दधि ॥ ६३ ॥

कां बीज चि जालें तरु । अथवा भांगार तें अलंकार ।

तैसा मज एकाचा विस्तार । तें हें जग ॥ ६४ ॥

हैं असो अव्यक्तपण थिनलें । ज ।

मग तें चि विश्वाकारें उथिजलें ।

तैसें अमूर्त्त मूर्त्त मियां विस्तारलें ।

त्रैलोक्य जाणें ॥ ६५ ॥

महदादि देहांतें । इयें अशेषें हीं भूतें ।

पैं माझां ठांडें बिंबतें । जैसे जलें फेन ॥ ६६ ॥

परि तेया फेना आंतु पांतां । जेवि जळ न दिसे पांडुसुता ।

ना तारि स्वप्निची अनेकता । चेइलैयां नोहिजे ॥ ६७ ॥

तैसीं जियें भूतें माझां ठांडें । बिंब तें तेया माझि मीं नाहिं ।

इया चि उपपत्ती तुज पाई । सांगितलिया मागां ॥ ६८ ॥ ५

न च मत्स्थानि भूतानि पश्य मे योगमैश्वरम् ।

भूतभृन्न च भूतस्थो ममात्मा भूतभावनः ॥ ५ ॥

हणौनि बोलिलिया बोलाचा अतिशो ।

न कीजे येया लागि हें असो ।

तन्हीं मज आंतु पैसो ।

दीठि तूझी ॥ ६९ ॥

आमचा प्रकृती पैलीकडाळु भाऊ ।

जरि कल्पना विण लागसी पाऊ ।

तारि मज माझि भूतें हें ही वाऊ ।

जें सर्व मी हणौनि ॥ ७० ॥

यन्हवि तन्हीं संकल्पाचिये सांजवेले ।

नावेक तिमिरैजति बुद्धिचे डोले ।

हणौनि अखंडित चि परि झांवले ।

भूत भिन्न ऐसें देखे ॥ ७१ ॥

ते चि संकल्पाची सांज जै वीपे ।
 तैं अखंडित चि आहे स्वरूपें ।
 जैसी शंका जात खेओ लोपे ।
 सर्पपण मालेचें ॥ ७२ ॥
 यन्हविं तन्हीं मुइं आंतौनि स्वयंभ ।
 काइ घडेगाडुआंचे निगताति कौंभ ।
 पुडुतीं ते कुल्लालमतिचे गर्भ ।
 उमटले किं ॥ ७३ ॥
 ना तरि सागराचां पाणीं ।
 काइ तरंगाचिया आहाति खाणी ।
 ते अवांतर करणी ।
 वारेयाची नव्हे ॥ ७४ ॥
 पाहे पां कापुसाचां पोटीं । कापडाची होंति काये पेटी ।
 तो वेढि तेयाचिया दीठी । कापड जाला किं ॥ ७५ ॥
 जरि सोनें लेणें होउनि घडे । तन्हीं तेयाचें सोनेपण न मोडे ।
 एरु अलंकारु तो वरिंचिली कडे । लेतेयाचेनि भावें ॥ ७६ ॥
 सावें पडिसादेयाचीं प्रत्युत्तरें ।
 कां आरिसां हान जें आविष्करे ।
 तें आपुलें कीं साचोकारें ।
 तेथिचें होंतें ॥ ७७ ॥
 तैसिये निर्मले माझां स्वरूपीं । जो भूतभावना आरोपी ।
 तेयासि तेयाचां चि संकल्पीं । भूताभासु आहे ॥ ७८ ॥
 ते चि कल्पति प्रवृत्ति पुरे । आणि भूताभासु आदिं च सरे । कृ
 मग स्वरूप उरे एकसरें । निखल माझे ॥ ७९ ॥ ५
 हें असो आंगीं भरलियां भवंडी । जैसियां भवंती दीसति आर्दि । डि
 तैसिया आपुलिया कल्पना अखंडीं । गमति भूतें ॥ ८० ॥

ते चि कल्पना सांझनि पाइ । तरि मीं भूतीं भूतें माझां ठाई ।
 हें स्वप्नि हिं परि नाहिं । कल्पावेया जोगें ॥ ८१ ॥
 आतां मी एकु भूतांतें धरिता । अथवा भूतां माझि असता ।
 इया संकल्पसन्निपाता । आंतुली बोलिया ॥ ८२ ॥
 ह्मणौनि परियसैं गा प्रियोत्तमा । मीं विश्वेसीं विश्वात्मा ।
 जो एया लटकेया भूतप्रांमां । भान्यु सदा ॥ ८३ ॥
 रश्मिचेनि आधारें जैसैं । नाहिं तें चि मृगजल असें ।
 माझां ठाईं भूतजात तैसैं । आणि मातें भावी ॥ ८४ ॥
 मी इये परिचा भूतभावनु । परि सर्व भूतेंसीं अभिन्नु ।
 जैसैं प्रभा आणि भानु । एक चि तें ॥ ८५ ॥
 हा ऐश्वर्यु आमचा योगु । तुवां देखिला किं चांगु ।
 आतां सांगैं एथ काहीं लागु । भूतभेदाचा असे ॥ ८६ ॥
 एयां लागि मजपासौनि भूतें । आनैं न्हवति हें निरुतें ।
 आणि भूतां वेगलेयां मातें । कहीं चि न मनीं हो ॥ ८७ ॥

यथाकाशस्थितो नित्यं वायुः सर्वत्रगो महान् ।

तथा सर्वाणि भूतानि मत्स्थानीत्युपधारय ॥ ६ ॥

पैं गगन जेव्हडें जैसैं । पवनु हि तेवडा चि असे ।
 हा साहाजें हालवलेयां वेगला दीसे । यन्हविं गगन तें तो ॥ ८८ ॥ १
 तैसैं भूतजात माझां ठाईं । कल्पिजे तारि आभासे काहीं ।
 निर्विकल्पीं मग नाहिं । तेथ मीं आघवें ॥ ८९ ॥
 ह्मणौनि नाहिं आणि असे । हें कल्पनेचेनि सोरसैं ।
 जें कल्पनालोपीं भ्रंशे । आणि कल्पने सर्वे होये ॥ ९० ॥
 तें चि कल्पितें मुदल जाये । तें कें असे नाहिं हें आहे ।
 ह्मणौनि पुढुतीं तूं पाहे । हा ऐश्वर्ययोगु ॥ ९१ ॥
 ऐसिया प्रतीतिबोधसागरीं । तूं आपणपेयांतें कळोलु एकु करीं ।
 मग एन्हविं पाहंसि तव चराचरीं । तूं चि असासि ॥ ९२ ॥

एया जाणजेयांचा चेउ ॥ तूज आला नां हणति देओ ।
 तारि आतां द्वैतस्वप्न वाओ । जालें किं ना ॥ ९३ ॥
 तन्हीं पुढुतीं जारि विपायें । बुद्धी कल्पनेची झोंप ही नैये । *हान ये*
 तारि अभेदबोधु जाए । जें स्वप्नीं पाडिजे ॥ ९४ ॥
 हणौनि इये नीदेची वाट मोडे ।
 निखल उद्धोधाचें चि आप्णपें घडे ।
 ऐसें सुवर्म जें आहे फुडे ।
 तें दाउनि पाइ ॥ ९५ ॥ *दाऊं आतां*

सर्वभूतानि कौंतेय प्रकृतिं यांति मामिकाम् ।
 कल्पक्षये पुनस्तानि कल्पादौ विसृजाम्यहम् ॥ ७ ॥

तारि धनुर्द्धरा धौरेया । नीकें अवधान देयीं धनंजया ।
 पैं सर्वभूतांतें माया । करी हरी ॥ ९६ ॥
 जियें नावं कां प्रकृति ।
 जे द्विविधा सांघितली तुजप्रति । *अ*
 येकि अष्टभेदव्यक्ति ।
 आणि जीवरूपा ॥ ९७ ॥
 हा प्रकृतिविषीं आघवा ।
 तुवां मागां परिसिला असे पांडवा ।
 हणौनि असो काये सांघावा ।
 तन्हीं प्रकृति ते हे ॥ ९८ ॥ *पुढत पुढतीं*
 तारि इये माझिये प्रकृती । महाकल्पांचां अंतीं ।
 सर्वभूतव्यक्ती । ऐक्यासि येति ॥ ९९ ॥
 ग्रीष्मांचां अतिरसीं । सबीजें तृणें जैसीं ।
 माघौतीं भूमीसी । सुर्लांन हेंति ॥ १०० ॥

कां वार्षिये ढेंढें फीटे ।

जेव्हां शारदियेचा अनुघाडु फुटे । १५८

तें घनजात आटे ।

गगनिचां गगनीं ॥ १ ॥

ना तरि आकाशाचिये खोंपे । वायु निवांतू चि लोपे ।

आणि तरंगता हारपे । जळिं जेवि ॥ २ ॥

अथवा जागिनलेये वेले । स्वप्न मनिचें मनीं चि मावले ।

तैसें प्राकृत प्रकृती मिले । कल्पक्षयीं ॥ ३ ॥

मग कल्पादि पुडुतीं । मीं चि सृजीं ऐसी वदंती ।

तरि तिये विषिं निरुती । उपपत्ति आइकें ॥ ४ ॥

प्रकृतिं स्वामवष्टभ्य विसृजामि पुनः पुनः ।

भूतग्राममिमं कृत्स्नमवशं प्रकृतेर्वशात् ॥ ८ ॥

तरि हे चि प्रकृति किरीटी । मीं स्वकीय साहजें अधिष्ठीं ।

तेथ तंतुसमवार्ये पटीं । जेवि विणावणि दीसे ॥ ५ ॥

मग तिथे विणावणिचेनि आधारे ।

लाहाना चौकडियां पटत्व भरे ।

तैसीं पंचात्मकें आकारें ।

प्रकृति चि होए ॥ ६ ॥

जैसें विरजेयाचेनि संगें । दूध आटलिजों लागे । दूधभरिताकरी

तैसी प्रकृति आंगा रिगे । सृष्टिपणाचिया ॥ ७ ॥

बीज जलाची जवलीक लाहे ।

आणि तें चि शाखोपशाखा होये ।

तैसें मज करणें आहे ।

भूतांचें हेंट ॥ ८ ॥

आगा हे नगर रायें केलें ।
 एया हणणेया किर सांचपण आले ।
 पारि निरुते पांतां काइ सिणले ।
 रायाचे हात ॥ ९ ॥
 आणि मीं प्रकृति अधिष्ठीं तें कैसें । जैसा स्वप्नीं जो असे ।
 मग तो चि प्रवेशे । जाग्रदवस्थें ॥ ११० ॥
 तरि स्वप्नौनि जाग्रति येतां । काये पाये दूखति पांडुसुता ।
 कीं जाग्रते माक्षि असतां । प्रवासु होए ॥ १११ ॥
 एया आघवेयाचा अभिप्राऊ काइ ।
 जें हें भूतसृष्टिचें कांहीं ।
 मज एक ही करणें नाहीं ।
 ऐसा अर्थु ॥ १२ ॥
 जैसी रायें अधिष्ठिली प्रजा । व्यापारें आपुलालेया काजा ।
 तैसा प्रकृतिसंगु माझा । एर करणें तें इयेचें ॥ १३ ॥
 पाहे पां पूर्णचंद्राचिया भेटी । समुद्रिं भरतें अपार दाटी ।
 तैथ चंद्रासि काइ किरीटी । उपखा पडिला ॥ १४ ॥
 जडपण जबलिका । लोह चाले तरि चालो कां ।
 कोणु सीणु भ्रामका । सन्निधानाचा ॥ १५ ॥
 किंवहुना इया परीं । मीं निजप्रकृतितें अंगिकरीं ।
 आणि भूतसृष्टि एकसरी । प्रसरों चि लागे ॥ १६ ॥
 जें हा भूतग्रामु आघवा । असे प्रकृती अधीनु पांडवा ।
 जैसी बीजाचेया वेला पालवा । समर्थ भूमि ॥ १७ ॥
 नां तरि बाल्यादिकां वयसां । गोसांविं देहसंयोगु जैसा ।
 अथवा घनावली आकाशा । वार्षियें जेवि ॥ १८ ॥
 का स्वप्नासि कारण निद्रा । तैसी प्रकृति हे नरेंद्रा ।
 एया अशेषा ही भूतसमुद्रा । गोसांविणि गा ॥ १९ ॥

स्थावरां जंगमां । स्थूलां अथवा सूक्ष्मां ।
हैं बहू असो भूतप्राणां । प्रकृती चि मूल ॥ १२० ॥

न च मां तानि कर्माणि निबध्नन्ति धनंजय ।

उदासीनवदासीनमसक्तं तेषु कर्मसु ॥ ९ ॥

स्रगौनि भूतें हान सृजार्वी । कां सृजिलीं प्रतिपालार्वी ।

इयें करणी नैयति आघर्वी । आमचेया आंगा ॥ २१ ॥

जलीं चंद्रिकेचिया पसरति वेली । नां

ते वाळि चंद्रें नाहिं जेवि केली ।

तेवि मातें पाउनि ठेलीं ।

दूरि कर्म ॥ २२ ॥

आणि सूटलेयां सिंधुजलाचा लोटु ।

न शके धरं सैधवाचा घोटु ।

तेवि सकल कर्मा मी चि सेवटु ।

काइ बांधीति मातें ॥ २३ ॥

भूमरजाची पिंजरी । वाजतेया वायुतें होकरी जरि ।

कां सूर्यबिंबा माझारि । आंधारें रिगे ॥ २४ ॥

हैं असो पर्वतांचिये हृदइचें । पर्जन्यधारीं ने विखोंचे ।

तेवि कर्मजात प्रकृतिचें । न लगे मज ॥ २५ ॥

बन्हविं इये प्रकृतिविकारीं । येकु मीं चि असे अवधारीं ।

उदासीनाचिया परीं । करी ना करवीं ॥ २६ ॥

दीपु ठेविला परि वरीं । कवणार्तें नियमी ना निवारी ।

आणि कवण कवणी परी । राहाटे तें असे नेगे ॥ २७ ॥

तो जैसा कां साक्षिभूतु । गृहव्यापारप्रवृत्तिरहितु । हेतु

तैसा भूतकर्म अनासक्तु । मां भूतीं असें ॥ २८ ॥

मयाऽभ्यक्षेण प्रकृतिः सूयते सचराचरम् ।

हेतुनाऽनेन कौंतेय जगद्विपरिवर्तते ॥ १० ॥

एथ एक चि अभिप्राउ पुडुती । काइ सांघों यया उपपत्ती ।
 तारि एकी हेला सुभद्रापती । एतुलें जाण ॥ २९ ॥
 जैसा लोकचेष्टां समस्तां । हा निमित्तमात्र कां सविता ।
 तैसा जगप्रभवीं मी पांडुसुता । हेतु होइ ॥ ३० ॥ जाण
 कां जें मियां अधिष्ठिलेयां प्रकृती ।
 होताति चराचराचिया संभूती ।
 ह्यणौनि मीं हे उपपत्ती । हेतु
 घडे इया ॥ ३१ ॥
 आतां येणें चि उजियडें निरुतें । निहालिं पां एया योगातें । ऐक्य
 जें माझां ठांइ भूतें । परि मीं भूतीं नसें ॥ ३२ ॥
 अथवा भूतें माझां ठांइ । आणि मीं भूतां माझि नाहीं ।
 इया खुणा आंतु काहीं । चूकें ना किं ॥ ३३ ॥
 हें सर्व आमचें गूढ । दाविलें मियां तुज उघड ।
 तारि इंद्रियां देउनि कवाड । हृदयीं भोगीं ॥ ३४ ॥
 हा डंसु जवं नये हाता । तवं माझे साचोकारण पार्था । पथ
 न संपडे गा सर्वथा । जेवि भुवि कणु ॥ ३५ ॥
 यन्हुवि अनुमानाचेनि पैसें । आवडे किर कललें ऐसें ।
 परि मृगजलाचेनि उल्हासें । काइ मूमि तीमे ॥ ३६ ॥
 जें जाल जलीं पांगिलें । तेथ प्रतिबिंब दीसे कीर आंतुडलें ।
 मग थडिये काढूनि झाडिलें । तेव्हलिं बिंब कें सांघें ॥ ३७ ॥
 तैसें बोलवारि वाचावलें ।
 वायां चि झांकवीति प्रतीतीचे डोले ।
 मग साचोकारे यया बोधा वेले ।
 आथि ना होइजे ॥ ३८ ॥

अवजानन्ति मां मूढा मानुषीं तनुमाश्रितम् ।

परं भावमजानन्तो मम भूतमहेश्वरम् ॥ ११ ॥

भाव : किंवहुना भूवा भिया । आणि साचें चाड जरि भियां ।

तरि तुह्मी गा उपपत्ती इयां । जतन करां ॥ ३९ ॥

यन्हविं वेधली दीठि कवले । ते चांदिणेंयातें हणो पीवळें ।

हायीं तेवि माझां स्वरूपीं निर्मलें । देखति दोषु ॥ ४० ॥

ना तरि जरे विटाललें मुख । मग दूधातें हणति विख ।

तेवि अमानुषा मानुष । मानीति मातें ॥ ४१ ॥

हणौनि पुढुतीं धनंजया । झनें विसरसीं यया अभिप्राया ।

जें एरी स्थूलदृष्टी वायां । जाईल गा ॥ ४२ ॥

पैं स्थूलदृष्टी देखिजे मातें । तें नेदखणें जाणति निरुतें ।

जैसें स्वप्निचेनि अमृतें । अमरां न्हविजे ॥ ४३ ॥

यन्हविं स्थूलदृष्टी मूढ । मातें जाणति कौर दृढ ।

पारि तें जाणणें चि जाणणेयां आड । रिगौनि ठाके ॥ ४४ ॥

जैसें नक्षत्रांचेया आभासा । साठिं घातु जाला तेया हंसा ।

माझि रत्नबुद्धिचिया आशा । हणौनियां ॥ ४५ ॥

साधें गा मृगजलटाकूनि गेलेयाचें कवण फल ।

काइ सुरतर हणौनि बाबुल । सेविलें करी ॥ ४६ ॥

र हा निलेयाचा दुसरा । एया बुद्धी हातु घालिजे विखारा । १

कां रत्नें हणौनि गारा । वेंचिजति पैं ॥ ४७ ॥

अथवा निधान हें प्रकटलें । हणौनि खदिरांगार खोले भरिले ।

कां सांउली न पांतां घातलें । कुहां सिहें ॥ ४८ ॥

तेवि मीं हणौनि प्रपंची ।

जिहीं बुडी दिधली कृतनिश्चयाची ।

तिहीं चंद्रासाठिं जलिची ।

प्रतिमा धरिली ॥ ४९ ॥

तैसा कृतनिश्चयो वायां गेला । जैसा कोण्हिं येकु कांजी पियाला ।

मग परिणामु पाहों लागला । अमृताचा ॥ ५० ॥

तैसैं स्थूलाकारीं नाशवन्ते । भरवसा बांधौनि चित्तें ।
 पाहांति मज अविनाशातें । तरि कैसेनि दीसैं ॥ ५१ ॥
 आगा पश्चिमसमुद्रिचिया तटा । निगिजत आहे पूर्वेची वाटा । पूर्वेंची
 किं कोंडा कांडितां सूभटा । कणु आंतुडे ॥ ५२ ॥
 तैसैं विकरलें हें स्थूल । जाणितलेयां मीं जाणावें केवल ।
 काये फेणु पीतां जल । सेविलें होये ॥ ५३ ॥
 ह्मणौनि मोहबलें मनोधर्में । हें चि मानूनि संभ्रमें । मीं
 येथिचीं जियें जन्मकर्में । तियें मज चि ह्मणाति ॥ ५४ ॥
 एतुलेनि अनामा नाम । मज अक्रियासि कर्म ।
 विदेहा देहधर्म । आरोपिति ॥ ५५ ॥
 मज आकारशून्या आकार । निरुपाधिका उपचार ।
 विधिविर्जिता व्यवहार । आचारादिकु ॥ ५६ ॥
 मज वर्णहीना वर्ण । गुणातीतासि गुण ।
 मज अचरणा चरण । अपाणी पाणि ॥ ५७ ॥
 मज अमेया मान । सर्वगतासि स्थान ।
 जैसैं सेजें चि माझि वन । निदौला देखे ॥ ५८ ॥
 तैसैं अश्रवणा श्रोत्र । मज अचक्षुका नेत्र ।
 अगोत्रा गोत्र । अरूपा रूप ॥ ५९ ॥
 मज अव्यक्ता व्यक्ति । अनार्त्तासि आर्त्त ।
 स्वयंतुता तुंति । भाविति गा ॥ ६० ॥
 मज अनावरणा आवरण । अभूषणा भूषण ।
 मज सकलकारणासि कारण । मानीति ते ॥ ६१ ॥
 मज सहजातें कार्शति । स्वयंभातें प्रतिष्ठिति ।
 निरंतरातें आवांहांति । विसर्जिति पै ॥ ६२ ॥ अन्तर्भाति
 मीं सर्वदा स्वतःसिद्धु । मीं बालु तरुण वृद्धु ।
 मज एकरूपा समंशु । जाणति ऐसैं ॥ ६३ ॥

मज अद्वैतासि दूजें । मज अक्रियासि काजें ।
 मीं अभोक्ता किं मुजें । ऐसें हणति ॥ ६४ ॥
 मज अकुलाचें कुल वानिति । मज नित्याचेनि निघनें सीणति ।
 मज सर्वत्रातें कल्पिति अरिमित्र गा ॥ ६५ ॥
 मीं स्वानंदाभिरामु । तेया मज आणि सुखाचा कामु ।
 मीं आघवा चि असें समु । किं हणति एकदेशी ॥ ६६ ॥
 मीं आत्मा एकु चराचरीं । किं हणति एकाचा आडलु करी ।
 आणि कापौनि एकां मारीं । हें चि रूढवीति ॥ ६७ ॥
 किंबहुना ऐसे समस्त । जे हे मनुष्यधर्म प्राकृत ।
 तेया चि नावं ऐसें विपरीत । ज्ञान तेयांचें ॥ ६८ ॥
 जवं आकारु येकु देखति । तवं हा देवो ऐसें हणति ।
 मग तो चि विघडलेयां ठाकति । नाहिं हणौनियां ॥ ६९ ॥
 मातें एणें एणें प्रकारें । जाणति मनुष्य ऐसेनि आकारें ।
 हणौनि ज्ञान तें चि आंधारें । ज्ञानासि करिति ॥ ७० ॥

मोघाशा मोघकर्माणो मोघज्ञाना विचेतसः ।

राक्षसीमासुरीं चैव प्रकृतिं मोहिनीं श्रिताः ॥ १२ ॥

एया लागि जन्मले ते मोघ । जैसे वार्षी विण मेघ ।
 ना तारि मृगजलिचे तरंग । दुरौनि पाहावे ॥ ७१ ॥
 अथवा कोल्हूरिचे असिवार । ना तारि बोंडबारीचे अलंकार ॥
 किं गंधर्वनगरिचे आवार । आमासति ॥ ७२ ॥
 सावेरी वाढिनलेया सरला । वरि फल नाहिं आंतुं पोकला ।
 कां स्तन जाले गलां । सेलिये जैसे ॥ ७३ ॥
 तैसें मूर्खांचें तेयां जियालें ।
 आणि धिगे कर्म हीं तेयांचें निफनलें ।
 जैसें सोवेरी फल आलें ।
 धेपे ना दीजे ॥ ७४ ॥

मग जें काहिं ते पढिनले । तें माकडें नारियल तोडिलें ।
 कां आंधलेया हातीं पडिलें । मोतीं जैसें ॥ ७५ ॥
 किंबहुना तेयां शास्त्रें । जौसिं कुमारीहातीं बांधलीं शस्त्रें । चर / ६१
 कां अशौची मंत्रें । बीजें कथिलीं ॥ ७६ ॥
 तैसें ज्ञानजात तेयां । आणि काहिं आचरले गा धनंजया ।
 तें आघवें चि गेलें वायां । जे चित्तहीन ॥ ७७ ॥
 पै तमोगुणिची राक्षसी । जे सद्बुद्धितें प्रसी ।
 मनाचा ठाउ चि प्रसी । निशाचरि जे ॥ ७८ ॥
 तिये प्रकृती वरिपडे जाले । हणौनि चित्ताचेनि कपोलें गेले ।
 वरि तामसियेचां पडिले । मुखा माजि ॥ ७९ ॥
 जेथ आशेचिये लाले । आंतु हिंसा जीभ लोले ।
 तेबिं चि संतोखाचे चाकले । अखंड चवली ॥ ८० ॥
 जेथ अनार्त्ताचे कानवेऱ्हीं । अनार्त्ताचे
 आवाळुएं चाटिति निगे बाहिरि ।
 जे प्रमादपर्वतिची दरी ।
 सदा चि मातली ॥ ८१ ॥
 जेथ द्वेषाचिया दाढा । कसासां ज्ञानाचा करिती रगडा । सि / त
 जे अगस्तिगौवण मूढां । स्थूलबुद्धि ॥ ८२ ॥ आस्थित्यगवराणी
 ऐसे आसुरिये प्रकृतिचां तोंडीं । ते जाले गा भूतौंडी ।
 जे बुडौनि गेले कुंडीं । व्यामोहाचां ॥ ८३ ॥
 एवं तमाचिये पडिले गर्ते ।
 न पवती चि विचाराचेनि हातें ।
 हें असो ते गेले जेथें । तेथे
 ते शुद्धि ही नाहिं ॥ ८४ ॥
 हणौनि असतु इयें वायाणीं । काइसीं तेयां मूर्खांचीं बोलणीं ।
 वायां वाढवितां काहाणी । सिणैल हान ॥ ८५ ॥ वाणी

ऐसें बोलिलें देवें । तेथ जी ह्मणितलें पांडवें ।
आइकें वाचा जेथ विसंवे । ते साधुकथा ॥ ८६ ॥

महात्मानस्तु मां पार्थ दैर्घीं प्रकृतिमाश्रिताः ।

भजन्त्यनन्यमनसो ज्ञात्वा भूतादिमव्ययम् ॥ १३ ॥

तारि जेयांचिये चोखटे मानसीं । मीं होउनि असे क्षेत्रसंन्यासी ।

जेयां निदलेयातें उपासी । वैराग्य गा ॥ ८७ ॥

जेयांचिया आस्थेचिया सद्भाव । आंतु धर्मु करी राणिवा ।

जेयांचिये मती ओलावा । विवेकाचा ॥ ८८ ॥

जे ज्ञानगंगे न्हाले । जे पूर्णता जेउनि धाले ।

जे शांतीसि जाले । पालवं नवे ॥ ८९ ॥

जे परिणामा निघाले कोंभ । जे धैर्यमंडपाचे खांभ ।

जे आनंदसमुद्रीं कुंभ । चुभल्लनि भरिले ॥ १९० ॥

प्राप्ति

जेयां भक्तिची येतुली प्रीति । जे कैवल्यातें पन्हां सर ह्मणति ।

जियांचिये लीले माझी नीति । जियाली दीसे ॥ ९१ ॥

जे आघवां चि करणीं । लेइले संयतिचीं लेणीं ।

जेयांचें चित्त गवसणी । व्यापका मज ॥ ९२ ॥

ऐसे जे महानुभाव । जे दैविये प्रकृतिचे देव ।

जे जाणौनियां सर्व । स्वरूप माझें ॥ ९३ ॥

मग वाढतेनि प्रेमें । मातें भजताति जे महात्मे ।

परि दूजेपण मनोधर्मे । सीतले नाहिं ॥ ९४ ॥

ऐसे मीं चि होउनि पांडवा । करीत माझी सेवा ।

परि नवलाओ तो सांघावा । असे आइकें ॥ ९५ ॥

सततं कीर्तयंतो मां यतंतश्च दृढव्रताः ।

भक्त्यनन्यमनसो भक्त्या नित्ययुक्ता उपासते ॥ १४ ॥

७

तारि कीर्तनाचेनि नडनाचें । नाशिले व्यवसाय प्रायश्चितांचे ।

जे नावें चि नाहिं पापाचें । ऐसें केलें ॥ ९६ ॥

यमदमा अवकला आणिली । तीर्थे ठायावरौनि उठविली ।
 यमलोकिची ठाकविली । राहाटि आघवी ॥ ९७ ॥
 यमु ह्मणे काइ यमावें । दमु ह्मणे कोणातें शोषावें ।
 तीर्थे ह्मणाति काइ खावें । दोखु उष्मधा नाहिं ॥ ९८ ॥
 ऐसेनि माझेनि नामघोषें । नाहिं करित विश्वाचीं दुःखें ।
 आघवें जग चि महासुखें । दुमुदुमीत भरलें ॥ ९९ ॥
 ते पाहाटेविण पांहाटवित । अमृतेविण जिववित ।
 योगेविण दावित । कैवल्य डोलां ॥ २०० ॥
 पारि राया रंका पाडु धरं । नेणाति सानेया थोरा कडसणी करं ।
 एकरसें आनंदाचें आवारं । होत जगा ॥ १ ॥
 काहिं येकाधेन वैकुंठा जावें । तेंतिहिं वैकुंठ चि केलें हे आघवें ।
 ऐसें नामघोषगौरवें । धवलें विश्व ॥ २ ॥
 तेजें सूर्य तैसे उजल । पारि तो अस्तवे हें कीडाल ।
 चंद्र संपूर्ण एकाधी वेल । ते सदा पुरते ॥ ३ ॥
 मेघु उदारु पारि ओसरे । ह्मणौनि उपमोसि नुपकरे ।
 ते निःशंकपणें सपांखरे । पंचानन ॥ ४ ॥
 तेयांचिये वाचेपुढां भोजें । नाम नाचे माझें ।
 जें जन्मशतीं उल्लगिजे । एकोल यावेया ॥ ५ ॥
 पै वैकुंठी मीं गा नसें । वेलु एकु ही भानुबिंबि हिं न दिसें ।
 वर योगियांची हीं मानसें । सांडूनि जायें ॥ ६ ॥
 पारि तेयांपासि पांडवा । मीं हारतला गिवसावां ।
 जेथ नामघोषु बरवा । करिति ते माझा ॥ ७ ॥
 कैसे माझां गुणी भरले । देशकालातें विसरले ।
 कीर्तनसुख जाले । आपणपां चि ॥ ८ ॥
 कृष्णविष्णुगोविंद । एयां नामाचे निखिल प्रबंध ।
 माझि आत्मचर्चा विशद । उदंड गांति ॥ ९ ॥

हें बहू असो इया परी । कीर्तित माते अवघारी । ॥
 एक विचरति चराचरी । पांडुकुमरा ॥ २१० ॥
 मग आणिक ते अर्जुना । सावियां चि बहुवा जतना ।
 पंचप्राणमना । पाढाळ घेति ॥ ११ ॥
 बाहिरि यमनियमाची कांढि लाविली ।
 आंतु वज्रासनाची पौलि पानासिली ।
 वारि प्राणायामाची मांडिली ।
 वांहांती यंत्रे ॥ १२ ॥
 स्तेय उह्हाटशक्तिचेनि उजियेडें । मनपवनाचेनि सुरवाडें ।
 सतरावियेचेनि पानियेडें । बलियावीले ॥ १३ ॥
 तेव्हां प्रत्याहारें ख्याति केली । विकारांची सपिलें बोहिली ।
 इंद्रिये बांधौनि आणिली । हृदया आंतु ॥ १४ ॥
 तव धारणावारू दाटिले । महाभूतांतें येकि आटिले ।
 मग चतुरंग निवाटिले । संकल्पाचें ॥ १५ ॥
 तेयावारि जैत रे जैत । ह्मणौनि ध्यानाचें निसाण वाजत ।
 दीसे तन्मयतेचें झलकत । एकलत्र ॥ १६ ॥
 पाठि समाधिश्रियेचेया अशेषा । आत्मानुभव—राज्यसुखा ।
 पट्टाभिषेकु देखां । समरसें जाला ॥ १७ ॥
 ऐसें हें गहन । अर्जुना माझे भजन ।
 आतां आइक सांघों आन । जें करिति येक ॥ १८ ॥
 तरि दोन्ही पालववेन्हीं । जैसा एकु तंतु अंबरी ।
 तैसा मी वांचूनि चराचरी । जाणति नां ॥ १९ ॥
 आदिब्रह्मा करुनि । सेवटीं मशकु धरुनि ।
 माझि समस्त हें जाणौनि । स्वरूप माझे ॥ २२० ॥
 मग वाड धाकुटें न ह्मणति । साजीव निर्जीव नेणति ।
 देखिलिये वस्तू लुंठति । मी चि ह्मणौनि ॥ २१ ॥

आपुलें उत्तमत्वं नाठवे । पुढैल योग्यायोग्य ही नेणवे ।
 एकसरें व्यक्तिमात्रेचेनि नार्वे । नमूं चि आवडे ॥ २२ ॥
 जैसें ऊंची उदक पडिलें । तारि तलवटुवारि ये उगेले ।
 तैसें नमिजे भूत देखिलें । ऐसा स्वभाओ तेयांचा ॥ २३ ॥
 कां फललेया तरुची शाखा । साहाजें भूमीसि उतरली देखां ।
 तैसें जीवमात्रा अशेषा । खालतिले ॥ २४ ॥ स्वाभावतः
 अखंड अगर्वता होउनि असति । तेयांते विनयोहेचि संपत्ति ।
 ते जयजपमंत्रें अर्पिति । माझां ठाई ॥ २५ ॥
 नमितां मानाभिमान गलले । ह्मणौनि अवचिते मीं चि जाले ।
 ऐसे निरंतर मिसलले । उपासिति ॥ २६ ॥

ज्ञानयज्ञेन चाप्यन्ये यजंतो मामुपासते ।

एकत्वेन पृथक्त्वेन बहुधा विश्वतोमुखम् ॥ २५ ॥

अर्जुना हे गरुड भक्ति । सांधितली तुज प्रति । ॥ २६ ॥
 आतां ज्ञानयज्ञें यजिति । ते भक्त आइकें ॥ २७ ॥
 परि भजन करिती हातवटी । तूं जाणतु आहासि किरीटी ।
 जें मागां इया गोठी । केलिया आह्मी ॥ २८ ॥
 तव आधि जी अर्जुनु ह्मणे । तें दैविकिया प्रसादाचें किं करणें ।
 तन्हीं अमृताचिये आरोगणे । काइ पुरे ह्मणवे ॥ २९ ॥
 एया बोला आंतु अनंतें । लागणेयां देखिलें तेयातें ।
 किं सुखावलेनि चित्तें । डोलतसे ॥ ३० ॥
 ह्मणे भलें केलें पार्था । यन्हविं हा अनवसरु सर्वथा ।
 परि बोलवीतसे आस्था । तूझी आमते ॥ ३१ ॥
 तव अर्जुनु ह्मणे हें काइ । चकोरें विण चांदणें चि नाहिं ।
 जग निवदिजे हा तेयाचां ठाई । स्वभाओ चि कीं जी ॥ ३२ ॥
 एरें चकोरें तियें आपुलिये चाडे । चांचू करिति चंद्राचिये कडे ।
 तेवि आह्मी विनउं तें थोडें । देओ कृपासिंधु ॥ ३३ ॥

जें मेघु आपुलिया प्रौढी । जगाची आर्त्ति किं दवडी ।
 वांचूनि चातकाची तान्ह केवढी । तो वर्षाओ पाहुनि ॥ ३४ ॥
 परि चूला हीं येकाचिये चाडे । जेवि गंगेतें चि टाकावें पडे ।
 तेवि आर्त्त बहू कां थोडें । तन्हीं सांघावें देवा ॥ ३५ ॥
 तेथ देवें ह्मणितलें राहे । जो संतोषु आह्वा जाला आहे ।
 तेयावारि स्तुति साहे । ऐसें उरलें नाहिं ॥ ३६ ॥
 पै परियसु तुं आहासिं निक्कियापरी ।
 ते चिं वक्तृत्वा वन्हाडिक करीं ।
 ऐसें पोखुनु तेयातें हरी ।
 आदरिलें बोलों ॥ ३७ ॥
 तारि ज्ञानयज्ञु तो एवरूप । तेथ आदिसंकल्प हा यूप ।
 महाभूतें तो मंडपु । भेदु तो पशु ॥ ३८ ॥
 मग पांचांचे जे विशेष गुण । अथवा इंद्रिये आणि प्राण ।
 हें चि यज्ञोपचारभरण । अज्ञानघृत ॥ ३९ ॥
 तेथ मनबुद्धि एयां कुडां । आंतु ज्ञान हा अग्नि फुडा ।
 साम्य ते सुहाडा । वेदी जाणें ॥ ४० ॥
 सविवेकमतिपाटव । तें चि विद्यागौरव ।
 संयति चि सूक्तसूत्र । जीउ यज्वा ॥ ४१ ॥
 तो प्रतीतीचेनि पात्रें । विवेकें महामंत्रें ।
 ज्ञानाग्निहोत्रें । भेदु नाशी ॥ ४२ ॥
 तेथ अज्ञान सरोनि जाये । आणि यजिता यजन हे ठाये ।
 आत्मसमरसें न्हाये । अवभृत जेव्हां ॥ ४३ ॥
 तेव्हां भूतें विषय करणें । हें वेगलालें काहीं न ह्मणे ।
 आघवें एक चि ऐसें जाणे । आत्मबुद्धी ॥ ४४ ॥
 जैसा चेइला तो अर्जुना । ह्मणे स्वामिची हे सेना ।
 मी चि जाला होतां ना । निद्रावशें ॥ ४५ ॥

आतां सेना ते सेना नोहे । हें मीं चि एकु आघवें ।
 ऐसें एकत्वे मानवे । विश्व तेया ॥ ४६ ॥
 मग तो जीउ हे भाष सरे । आब्रह्म परमात्मबोधें भरे ।
 ऐसे भजति ज्ञानाध्वरें । एकत्वे एणें ॥ ४७ ॥
 अथवा अनादि हें अनेक । जें असारिखें येकायेक ।
 आणि नामरूपादिक । तें हीं विषम ॥ ४८ ॥
 हें ह्यणौनि विश्व भिन्न । परि न भेदे तेयाचें ज्ञान ।
 जैसे अवयव तरि आनान । परि एके चि देहिंचे ॥ ४९ ॥
 कां शाखा सानिया थोरा । परि आहाति येका चि तरुवरा ।
 बहू रश्मि परि दिनकरा । एकाचे जेवि ॥ ५० ॥
 तेवि नाना विधा व्यक्ती । आनानें नावें आनानी वृत्ती ।
 ऐसें जाणति भेदलां भूतीं । अभेदा मातें ॥ ५१ ॥
 एणें वेगलालेपणें पांडवा । करिति ज्ञानयन्त्रु बरवा ।
 जें न भेदति या जाणिवा । जाणति ह्यणौनि ॥ ५२ ॥
 ना तरि जेधवां जिये ठांड । देखति जें काहीं ।
 तें मीं बांचूनि नाहीं । ऐसा चि बोधु ॥ ५३ ॥
 पाहे पां बुडडा जेउता जाये । तेउतें जल एक तेया आहे ।
 मग वीरे अथवा राहे । तन्हीं जला चि माझि ॥ ५४ ॥
 कां पवनें परमाणु उचलले । ते पृथ्वीचे हें नाहीं गेलें ।
 आणि मावौते जन्हीं पडिले । तन्हीं पृथ्वी चि वरि ॥ ५५ ॥
 तैसें भले तेथ भलेतेणें भावें । भले तें हीं हो अथवा नोहावें ।
 ऐसे परि तें मीं चि आघवें । होउनि ठेलें ॥ ५६ ॥
 आगा हे जेवढी माझी व्याप्ति । तेव्हढी चि तेयांची प्रतीती ।
 ऐसे बहुधाकारीं वर्तति । बहू चि होउनि ॥ ५७ ॥
 हें भानुबिंब आवडें तेयां । सदमुख जैसें धनंजया ।
 तैसे ते विश्वा येया । समोर सदा ॥ ५८ ॥

आगां तेयांचेया ज्ञाना । पाठि नाहिं पै अर्जुना ।
 वायु जैसा गगना । सर्वांगीं असे ॥ ५९ ॥
 तैसा मी जेतुला आघवा । तें चि तूक तेयांचेया सद्भावा ।
 तारि न करितां पांडवा । भजन जालें ॥ ६० ॥
 यन्हाविं तन्हीं सकल मीं चि आहे । तारि कोणें कै उपासिलां नोहें ।
 एथ एके जाणणेनि विण किं ठायें । अप्राप्तां ॥ ६१ ॥
 परि तें असो एणें उचितें । ज्ञानयज्ञें यजित सांते ।
 १) जे उपासित मातें । ते सांगितले ॥ ६२ ॥

अहं ऋतुरहं यज्ञः स्वधाहमहमौषधम् ।

मंत्रोऽहमहमेवाज्यमहमग्निरहं हुतम् ॥ १६ ॥

अखंड सकल हें सकलीं मुखीं । साहाजें अर्पतसे मज एकीं ।
 किं नेणणेया साठीं मूखीं । न पविजे चि मातें ॥ ६३ ॥
 तो चि जाणिवेचा उदो जरि होये । तारि मुदल वेदु तो मीं चि आहे ।
 आणि तो विधानातें जिया विथे । तो ऋतु ही मीं ॥ ६४ ॥
 मग तेया कर्मापासौनि बरवा । जो सांगोपांगु आघवा ।
 यन्नु प्रकटे पांडवा । तो ही मीं गा ॥ ६५ ॥
 स्वाहा मीं स्वधा । सोमादि ओषधी विविधा ।
 आज्य मीं समिधा । मंदू मीं हवि ॥ ६६ ॥
 होता मीं हवन कीजे । जेथ तो अग्निरूप माझें ।
 आणि हुत वस्तु कां जे जे । ते ही मीं चि ॥ ६७ ॥

पितामहस्य जगतो माता धाता पितामहः ।

वेद्यं पवित्रमोङ्कार ऋक् साम यजुरेव च ॥ १७ ॥

पै जेयाचेनि अंगसंगें । इथे प्रकृतीतव अष्टांगें ।
 जन्म पाविजतसे जगें । तो पिता मीं गा ॥ ६८ ॥
 अर्धनारीनटेश्वरीं । जो पुरुष तो चि नारी ।
 तेवि मीं चराचरीं । माता ही होयें ॥ ६९ ॥

आणि जालें जग जेथ राहे । जेणें जीत वाढत आहे ।
 तें मिं वांचूनि नोहें । आना निरुतें ॥ ७० ॥
 इयें प्रकृतिपुरुष दोन्हीं । उपनलीं जेयाचां मनीं । अदर
 तो पितामहो त्रिभुवनीं । विश्वाचा मीं ॥ ७१ ॥
 आणि आघवेया जाणणेयांचिया वाटा । जेया गावां यंति सूभटा ।
 जें वेदांचा चौहटा । वेद्य ह्यणिजे ॥ ७२ ॥ जे
 जेथ नाना मतां बुद्धावणी जाली ।
 येकमेका शास्त्रांची अनोलखि फीटली ।
 चूकलीं ज्ञानें जेथ मिलें आलीं ।
 जें पवित्र ह्यणिजे ॥ ७३ ॥
 पै ब्रह्मजीजाचा जाला अंकुर । घोषध्वनि नादाकार ।
 तेयाचे गा भवन जें अंकार । तें हीं मीं चि गा ॥ ७४ ॥
 जेया अकाराचिये कुंसी । आखरें होंति अकारां ऐसीं । अक्षरकारा
 जियें उपजत वेदेसीं । उठिलीं तीन्हीं ॥ ७५ ॥
 ह्यणौनि ऋग्यजुसामु । हे तीन्हीं ह्यणे मी रामु ।
 एवं मीं चि कुलाक्रमु । शब्दब्रह्माचा ॥ ७६ ॥
 गतिर्भर्ता प्रभुः साक्षी निवासः शरणं सुहृत् ।
 प्रभवः प्रलयः स्थानं निधानं बीजमव्ययम् ॥ १८ ॥
 हें चराचर आघवें । जिये प्रकृती आंतु सांटवे ।
 ते सिणली जेथ विसवे । ते परम गति मीं ॥ ७७ ॥
 आणि जेयाचेनि प्रकृति जिये । जेणे अधिष्ठिली विश्व विये ।
 जो एकनि प्रकृती इये । गुणार्तें भोगी ॥ ७८ ॥
 तो विश्वश्रियेचा भर्ता । मीं चि गा पांडुसुता ।
 मीं गोसांविं समस्ता । त्रैलोक्याचा ॥ ७९ ॥
 आकाशें सर्वत्र वसावें । वायू नांभारि उमेयां नसावें ।
 पावकें दाहावें । वर्षावें जलें ॥ ८० ॥

पर्वती बैसक न संडावी । समुद्रीं रेघ नोलंडावी ।
 पृथ्विया भूतें वाहारीं । हे आज्ञा माझी ॥ ८१ ॥
 मियां बोलविला वेदु बोले । मियां चालविला सूर्य चाले ।
 मियां हालविला प्राणु हाले । जो जगा चालिता ॥ ८२ ॥
 मियां चि नियमिला सांता । काळु ग्रासु करितसे भूतां ।
 इथें ह्याण्यागतें पांडुसुता । सकलें जेयाचीं ॥ ८३ ॥
 ऐसा जो समर्थु । तो मीं जगाचा नाथु ।
 आणि गगन ऐसा साक्षिभूतु । तो ही मीं चि ॥ ८४ ॥
 इहीं नामरूपीं आघवां । जो भरला असे पांडवा ।
 आणि नामरूपां ही उल्लावा । आपण चि जो ॥ ८५ ॥
 जैसे जलाचे कल्लोल । आणि कल्लोलीं आधि जळ ।
 ऐसेनि वसवीतु असे सकल । तो निवासु मीं ॥ ८६ ॥
 मीं एकु अनेकपणें । वेगलालेनि प्रकृतिगुणें ।
 जीतु जगाचेनि प्राणें । वर्ततु असें ॥ ८७ ॥
 जैसा समुद्रु थिळ्ळर न ह्याणतां । भले तेथ बिंबे सविता ।
 तैसा ब्रह्मादि सर्वा हीं भूतां । सुद्धु तो मीं ॥ ८८ ॥
 मीं चि गा पांडवा । एया त्रिभुवनासि उल्लावा ।
 सृष्टिक्षयप्रभवा । मूल तें मीं ॥ ८९ ॥
 बीज शाखांतें प्रसवे । मग तें रूखपण बीजीं चि सामावे ।
 तैसें संकल्पें होथे आघवें । पाठि संकल्पीं मिले ॥ ९० ॥
 ऐसा जगाचें बीज संकल्पु । अव्यक्तु वासनारूपु ।
 तेयासि कल्पांतीं जेथ निक्षेपु । होथे तें मीं ॥ ९१ ॥
 इथें नामरूपें लोटती । वर्णव्यक्ती आटती ।
 जातींचे भेद फोटती । जें आकाश नाही ॥ ९२ ॥
 तें सकलवासनासंस्कार । माघौते रचावेया आकार ॥
 जेथ राहूनि असति अमर । तें निधान मीं ॥ ९३ ॥

तपाम्यहंमहं वर्षं निगृणहाम्युत्सृजामि च ।
अमृतं चैव मृत्युश्च सदसच्चाहमर्जुन ॥ १९ ॥

मीं सूर्याचेनि वेखें । तपें तैं हें शोषे ।
पाठिं इंद्रु होउनि वर्षें । तैं पुढुतीं भरे ॥ १४ ॥
* आगा मृत्युचां भागीं जें जें । तें हिं पै रूप माझें ।
आणि न मरतें तत्रं साहाजें । अविनाश मीं ॥ १५ ॥
आतां बहू बोलैनि सांघावें । तें एक हेला घे पां आघवें ।
तारि संतासंत ही जाणावें । मीं चि हें गा ॥ १६ ॥
ह्मणौनि अर्जुना मी नसें । ऐसा कोणहीं ठाऊ असे ।
पारि प्राणियांचें दैवं कैसें । जें नेदखति मातें ॥ १७ ॥
हें आंतु बाहिरि मियां कोंदलें ।
जग निखिळ माझें चि ओतलें ।
किं कैसें कर्म तेयां आलें ।
जें मीं चि नाहिं ॥ १८ ॥
तरंग पाणियें विण सूकति । रश्मि वाती उणें नेदखति ।
तैसे मीं चि ते मीं न्हवति । विस्मयो देखें ॥ १९ ॥
पारि अमृतीं कुहा पाहिजे । कां आपणेयांतें चि गिवसूं जाइजे ।
ऐसें आथि हें काइ कीजे । अप्राप्तां ॥ २०० ॥
ग्रासा येका अन्नासाठि । अंधु धांवतां पायें किरीटी ।
आडलला चिंतामणि लोटी । आंधलेपणें ॥ १ ॥
तैसें ज्ञान जें सांडुनि जाए । तैं ऐसी हे दशा आहे ।
ह्मणौनि काजे तें केलें नोहे । ज्ञानें विण ॥ २ ॥
आंधलेया गरुडाचे पांख आहाति । ते कोणहा हिं उपेगा जाति ।
तैसे सत्कर्माचे उपखे ठांति । अज्ञानां तेवी ॥ ३ ॥
त्रैविद्या मां सोमपाः पूतपापा यज्ञैरिष्टा स्वर्गंति पार्थयंते ।
ते पुण्यमासाद्य सुरेंद्रलोकमश्नंति दिव्यान् दिवि देवभोगान् ॥ २० ॥

देख पां किरीटी । आश्रमधर्माचिया राहाटी ।
 विधिमार्गा कसवटी । जे आपण चि होंत ॥ ४ ॥
 यजन करितां कवातिकें । तिहिं वेदांचा माथा तूके ।
 क्रिया फलेंसां उभी ठाके । पुढां जेयां ॥ ५ ॥
 ऐसे दीक्षित जे सोमप । जे आपण चि यज्ञाचें रूप ।
 तिहिं तेया पुण्याचेनि नावें पाप । जोडिलें देखें ॥ ६ ॥
 जे श्रुतिव्यतीर्ण जाणौनि । शतवेऱ्हां यज्ञां करुनि ।
 यजिलेया हीं मातें चुकउनि । स्वर्गु वशांति ॥ ७ ॥ ~~वशि~~ वशिती
 जैसैं कल्पतरू तळवटीं । बैसौनि झोलिये पाडी गांठी ।
 मग निर्देउ निगे किरीटी । दैन्य करुं ॥ ८ ॥
 तैसैं शतक्रतू यजिलें मातें । किं इछिताति स्वर्गादिसुखातें ।
 आतां हें पुण्य किं निरुतें । पाप नोहे ॥ ९ ॥
 ह्यणौनि मज वीण पाविजे स्वर्गु । तो अज्ञानांचा गा पुण्यमार्गु ।
 ज्ञानिये तेयातें उपसर्गु । हाणि ह्यणति ॥ १० ॥
 एन्हविं तन्हीं नरकिचें दुःख । पाहूनि स्वर्गा नावें किं सुख ।
 वांचूनि नित्यानंद निर्दोष । तें स्वरूप माझें ॥ ११ ॥
 मज येंतां पैं सूमटा । हा द्विविधु गा अन्हांटा ।
 स्वर्ग नरक इया वाटा । चोरांचिया ॥ १२ ॥
 स्वर्गा पुण्यात्मकें येइजे । पापें चि पापात्मकें नरका जाइजे ।
 मग मातें चि जेणें पाविजे । तें शुद्ध पुण्य ॥ १३ ॥
 आणि मज चि माझि असतां ।
 जेणें मीं दूर होये पांडुसुता ।
 तें पुण्य ऐसैं ह्यणतां ।
 जीम न झडे ॥ १४ ॥ ५६
 पारि हें असो आतां प्रस्तुत । आइकैं यया पारि ते दीक्षित ।
 यज्ञूनि मातें याचित । स्वर्गभोग ॥ १५ ॥

मग मीं न पविजे ऐसें । जें पापरूप पुण्य असे ।
 तेणें लाधलेनि सौरसें । स्वर्गा येती ॥ १६ ॥
 जेथ अमरत्व हें चि सीहांसन । ऐरावता सारिखें वाहन ।
 राजधानीभवन । अमरावती ॥ १७ ॥
 जेथ महासिद्धिचीं भांडारें । अमृताचीं कोठारें ।
 जिये गावीं क्षीरारें । कामधेनुचीं ॥ १८ ॥ स्नि/
 जेथ उल्लिगे देवां पाइकां । सैध चिंतामणिचेया भूमिका ।
 विनोदवनवाटिका । सुरतरुचिया ॥ १९ ॥
 गंधर्व—गान—गाणी । जेथ रंभे ऐसिया नाचणी ।
 उर्वशी मुख्य विलासिनी । आंतौरिया ॥ २० ॥
 मदनु ओलगे सेजारें । जेथ चंद्रु सिंघे साबरे ।
 पवना ऐसे ह्याणियारे । धावणे जेथ ॥ २१ ॥
 पै बृहस्पति मुख्य आपण । स्वस्तिश्रियेचे ब्राह्मण ।
 भाटियेचे सुरगण । विकर जेथें ॥ २२ ॥
 लोकपाल रागेचे । राउत जिये पदिचे ।
 उच्चैश्रवा खांचे । मागिलीकडे ॥ २३ ॥
 हें ब्रह्म असो जे ऐसे । भोग ब्रह्मसुखा सारिसे । ६६
 ते भोगीत जवं असे । पुण्यलेशु ॥ २४ ॥

ते तं भुक्त्वा स्वर्गलोकं विशालं क्षीणे पुण्ये मर्त्यलोकं विशन्ति ।
 एवं त्रयीधर्ममनुग्रपन्ना गतागतं कामकामा लभन्ते ॥ २१ ॥

मग तेया पुण्याची पाहूती सरे ।
 सवें चि इंद्रपणाची ऊठि उतरे ।
 आणि येजों लागति माघारे ।
 मृत्यु लोका ॥ २५ ॥

जैसा भाडिचा कवडा वेचे । २२५ भाडि

मग दार ही चेंपू नैये तेयाचें ।

ऐसें लाजिरवाणें दीक्षिताचें ।

काइ सांघों ॥ २६ ॥

एवं तिथेया मातें चूकले । जिहिं पुण्यें स्वर्ग कामिले ।

तेयां अमरपण तें वाउ जाळें । आतां मृत्युलोक ॥ २७ ॥

दरपे माये

आगा स्वर्गी निधान पावे । परि ते चेइलेयां राहांत पावें ।

तैसें स्वर्गसुख जाणावें । वेदज्ञाचें ॥ २८ ॥

अर्जुना वेदु जन्हीं जाला । तन्हीं मीं नेणतां वायां गेला ।

कणु सांडौनि उपणिला । कोंडा जैसा ॥ २९ ॥

हणौनि मज एकें विण । हें त्रयीधर्म अकारण ।

मातें जाणौनि काहीं चि नेण । तूं सुखिया होंसी ॥ ३३० ॥

अनन्याश्चितयंतो मां ये जनाः पर्युपासते ।

तेषां नित्याभियुक्तानां योगक्षेमं वहाम्यहम् ॥ २२ ॥

पैं सर्वभाविंसि उखितें । जे उप्पले माक्षिये चित्तें ।

जैसा गर्भगोल उद्यमातें । कोणहा हीं नेणे ॥ ३१ ॥

तैसें मीं वांचूनि काहीं । आणिक गोमटें चि नाही ।

मज चि नावें पाइ । जीणें ठेविलें ॥ ३२ ॥

ऐसे अनन्यगतिकें चित्तें । चिंतीत सांते मातें ।

जे उपासीति तेयांतें । मी चि सेवि ॥ ३३ ॥

ते एकवटूनि जिये क्षणीं । अनुसरले गा माक्षिया वाहाणीं ।

प्रजापे पाडे

तेव्हां चि तेयां चितवणी । फोटली आपुली ॥ ३४ ॥

मग तिहिं जें जें करावें । तें मज चि पडिलें आवें ।

जैसें अजातपक्षाचेनि जीवें । पक्षिणी जिये ॥ ३५ ॥

मायेभी

कां आपुली तान्हभूक नेणे । तेयां नीकें तें तांयेसी चि करणें ।

तैसें अनुसरले मज प्राणें । तेयांचें मिं काइसेनि न लजें ॥ ३६ ॥

तेयां माझेयां सायुज्याची चाड । तारि तें चि पुरविं कोड ।
 कां सेवा हणति आड । प्रेम सुएं ॥ ३७ ॥
 ऐसा मनीं धरिति जो भाओ । तो पुढपुढां लागें तेयां देऊं ।
 आणि दिधलेयाचा निर्वाहो । तो ही मीं चि करीं ॥ ३८ ॥
 हा योगक्षेमु आघवा । तेयांचा मज चि गा पांडवा ।
 जेयांचेया सर्वभावां । आश्रयो मीं ॥ ३९ ॥

येऽप्यन्यदेवताभक्ता यजंते श्रद्धयान्विताः ।

तेऽपि मामेव कौंतेय यजंत्यविधिपूर्वकम् ॥ २३ ॥

४) आतां आणीक संप्रदायें । परि मातें नेणति समवाए ।
 जे अग्नये इंद्राय अर्यमणे सोमाय । हणौनि भजिति ॥ ३४० ॥
 तें हिं किर मातें चि होये । कां जें हें आघवें मीं चि आहे ।
 परि ते भजती उजिरी नोहे । विखम पडे ॥ ४१ ॥
 पाहे पां शाखापल्लव वृक्षाचे । हें न्हवति येका चि बीजाचे ।
 परि पाणी घेणें मुलांचें । तें मुलीं चि घापे ॥ ४२ ॥
 कां दाही इंद्रियें आथि । इयें जन्हीं एकी चि देहिचिं होंति ।
 आणि इहीं सेविले विखय जांति । एका चि ठाया ॥ ४३ ॥
 तन्हीं करुनि रसोये बरवी । कानिं केवि भरावी ।
 फुलें आणुनु बांधावीं । डोलां केवि ॥ ४४ ॥
 तेथ रसु तो मुखें चि सेवावा । परिमळ तो घ्राणें चि घेयावा ।
 तैसा मीं तो यजावा । मी चि हणौनि ॥ ४५ ॥
 धेर मातें नेणौनि भजन । तें वायां चि गा आनीआन ।
 हणौनि कर्माचे डोले ज्ञान । तें निर्दोष होआवें ॥ ४६ ॥

अहं हि सर्वयज्ञानां भोक्ता च प्रभुरेव च ।

न तु मामभिजानंति तत्त्वेनातश्च्यवंति ते ॥ २४ ॥

एन्हविं पाहे पां पांडुसुता । एयां यज्ञोपचारां समस्तां ।
 मीं वांचूनि भोक्ता । कवणु आहे ॥ ४७ ॥

मी सकल यज्ञाची आदि । आणि यजना या मीं चि अवधि ।
 किं मातें चूकौनि दुर्बुद्धी । देवां भजले ॥ ४८ ॥
 गंगेचे उदक गंगे जैसैं । अर्पिजे देवपितरोदेशें ।
 माझें मज दैति तैसैं । परी आनानी भावीं ॥ ४९ ॥
 ह्यणौनि ते पार्था । मातें न पवती चि सर्वथा ।
 मग मनीं जे खाहिली आस्था । तेथ आले ॥ ५० ॥

यांति देवव्रता देवान् पितृन्यांति पितृव्रताः ।

भूतानि यांति भूतेज्या यांति मद्याजिनोऽपि माम् ॥२५॥

मनें वाचां करणीं । जेयांचीं भजनें देवांचिया वाहाणी ।
 ते शरीर जांत क्षणीं । देव चि जाले ॥ ५१ ॥
 अथवा पितरांचीं हान व्रतें । वाहांति जेयांचीं चित्तें ।
 जीवित सरतां तेयांतें । पितृत्व चि वरि ॥ ५२ ॥
 १ कां क्षुद्र देवतादि भूतें । तिर्ये चि जेयांचीं परमदेवतें ।
 जिहिं अभिचारुकिं तेयांतें । उपासिलें ॥ ५३ ॥
 तेया देहाची जवनीक फीटली । आणि भूतत्वाची प्राप्ति जाली ।
 एवं संकल्पवशें फललीं । कर्म तेयां ॥ ५४ ॥
 मग मीं चि डोळां देखिलां । जिहिं कानिं मीं चि आइकिलां ।
 मनीं मीं भाविलां । वानिलां वाचा ॥ ५५ ॥
 सर्वांगें सर्वे ठाई । नमस्कारिलां मी चि जिहीं ।
 दानपुण्यादि जें काहीं । तें माझिया मोहरा ॥ ५६ ॥
 जिहिं मातें अध्ययन केलें । जे आंतु वाहिरि मियां जि धाले ।
 जेयांतें जीवित जोडलें । मज चि लागि ॥ ५७ ॥
 जे अहंकार वाहांत आंगीं । आक्षिं हरिचे हें भूषावेया लागि ।
 जे लोभिण्ये एक चि जगीं । माझेनि लोभें ॥ ५८ ॥
 जे माझेनि कामें सकाम । जे माझेनि प्रेमें सप्रेम ।
 जे माझिये भूली सभ्रम । नेणति लोक ॥ ५९ ॥

जेयांचीं मातें चि जाणति शास्त्रें । मी जोडें जेयाचेनि मंत्रें ।
 ऐसेनि चेष्टामात्रें । भजले मज ॥ ६० ॥
 ते मरणा ऐलीकडे । मज मीलौनि गेले फुडे ।
 मग मरणीं आनीकडे । जांतील केवि ॥ ६१ ॥
 ह्मणौनि मद्याजी जाले । ते सायुज्या माझेया आले ।
 जिहीं उपचारामिसें दीधलें । आपणपें मज ॥ ६२ ॥
 पै अर्जुना माझां ठांड । आपणपेंनि विण सौरसु नाही ।
 मी उपचारीं कव्हणी हीं । ना कलें गा ॥ ६३ ॥
 एथ जाणीव करी तें चि नेणे । आधिलेपण मिरवी तें चि उणें ।
 आह्मीं जालों ऐसें ह्मणे । तें कहीं चि नोहे ॥ ६४ ॥
 अथवा यज्ञदानादि किरीटी । कां तपें हान जें हुटहुटी ।
 तें तृणा एका साठीं । न सरे एथ ॥ ६५ ॥
 पाहे पां जाणिवेचेनि बलें । कोण्हीं वेदापासूनि असे आगलें ।
 किं शेषाहूनि तोंडागलें । बोलिकें आधि ६६ ॥
 तो ही आंधुरणा खालि दडे । येरु नेति ह्मणौनि बाहुडे ।
 एथ सनकादिक वेडे । पिसे जाले ॥ ६७ ॥
 करितां तापसांसि कडसणीं । कवणु जवला ठेविजैल शूलपाणी ।
 तो ही अभिमानु सांड्नि पायेवणी । माथां वाहे ॥ ६८ ॥
 नां तारि आधिलेपणें सरिसी । कोण्हीं आहे लक्ष्मियां ऐसी ।
 श्रिये सांरिखिया दासी । घरीं जियेतें ॥ ६९ ॥
 तिया खेलतां करिति घरकुलीं ।
 तेया नावें अमरपुरें जारि ठेविलीं ।
 सारि नव्हों नेयंति बाउलीं ।
 इंद्र तियांचें ॥ ७० ॥
 जे नावडौनि जेव्हां मोडिति । तंव्हां महेंद्राचे ही रंक होंति ।
 तियां झाडा एउतें जेयां पाहांति । ते कल्पवृक्ष ॥ ७१ ॥

श्री

ऐसीं जियेचिया जवळिका । सदर्थें घरिचेयां पाइकां ।
 ते लक्ष्मी मुख्य नायका । नमने चि एथ ॥ ७२ ॥
 मग सर्वस्वें करी सेवा । मानु सांडूनि पांडवा ।
 ते पाये घुआवेयाचेया दैवां । पात्र जाली ॥ ७३ ॥
 ह्मणौनि थोरपण पन्हां सांडिजे ।
 एथ वित्पत्ति अवघी चि विसरिजे ।
 जें जगा धाकुटेयां होइजे ।
 तें जवळीक माझी ॥ ७४ ॥
 अगा सहस्रकराचिये दीठी । पुढां चंद्र ही लोपे किरीटी ।
 तेथ खद्योतु कां हुटहुटी । आपुलेनि तेजें ॥ ७५ ॥
 तैसें लक्ष्मीचे थोरपण सरे । जेथ शंभूचें हीं तप नुपकरे ।
 तेथ येर प्राकृत हेंदरें । जाऊं काइ लाहे ॥ ७६ ॥
 एया लागि शरीर-सांडोवा कीजे ।
 सकल गुणांचे लोण उतारिजे ।
 संपत्तिमदु सांडिजे ।
 कुरौंडी करुनि ॥ ७७ ॥

पत्रं पुष्पं फलं तोयं यो मे भक्त्या प्रयच्छति ।

तदहं भक्त्युपहृतमश्नामि प्रयतात्मनः ॥ २६ ॥

श्री

मग निःसीमु भाऊ उत्हासें । मज अर्पावेयाचेनि मीसें ।
 फल एक आवडे तैसें । मळे तेयाचें ॥ ७८ ॥
 मग भक्तु माझेयाकडे अलुमालु दाखवी ।
 आणि मीं दोन्हीं हात उडवीं ।
 मग देंदु न संडितां सेवीं ।
 आदरेसीं ॥ ७९ ॥
 पै गा भक्तीचेनि नावें । फूल मज येक देयावें ।
 तें लेखें तरि मियां तुरुवावें । पारि मुखीं चि घालीं ॥ ८० ॥

हैं असो काइसीं फुलें । पान चि एक आवडतें जालें ।
 तें साजुक ही न्हेवे सूकलें । भले तैसें ॥ ८१ ॥
 परि सर्व भावें भरलें देखें । आणि भूकैला ऐसा अमृतें तोखे ।
 तें पत्र चि परि तेणें सुखें । आरोगुं लागें ॥ ८२ ॥
 अथवा ऐसें हीं एक घडे । जें पाला ही पारि न जोडे ।
 तारि उदकाचें सांकडें । नव्हैल कीं ॥ ८३ ॥
 तें भले तेथ निमोलें । न जोडितां असे जोडलें ।
 तें चि सर्वस्व करुनि अर्पिलें । जेणें मज ॥ ८४ ॥
 तेणें वैकुंठापासौनि विशालें । मज लागि केलीं राउलें ।
 कौस्तुभाहूनि निर्मलें । लेणीं दीधलीं ॥ ८५ ॥
 दूधाचीं सेजारें । क्षीराब्धी ऐसीं मनोहरें ।
 मज लागि अपारें । सजिलीं तेणें । ८६ ॥
 कर्पूरु चंदनु अगरु । ऐसेया सुगंधांचा मनोहरु ।
 मज हातीं लाविला दिनकरु । दीपमाले ॥ ८७ ॥
 गरुडा सारिखीं वाहनें । सुरतरुचीं उद्यानें ।
 कामधेनूचीं गोधनें । अर्पिलीं तेणें ॥ ८८ ॥
 मज अमृताहूनि सुरसें । बोनीं वोगारिलीं बहुवसें ।
 ऐसा भक्ताचेनि उदकलेशें । परितोषें गा ॥ ८९ ॥
 हें सांघावें काइ किरीटी । तुह्मीं देखिलें आपुलिया दीठी ।
 मीं मुदामेयांचिया सोडीं गांठी । पड्डवेयां लागि ॥ ९० ॥
 पै गा भक्ति एकि मीं जाणें । तेथ सानें धोर न हणें ।
 आह्मीं भावांचे पाहुणे । भलेतेया ॥ ९१ ॥
 एर पत्र पुष्प फल । तें भजावेया मीस केवल ।
 आमचा लागु निखल । भक्तितत्त्व ॥ ९२ ॥

यत्करोषि यदश्नासि यज्जुहोषि ददासि यत् ।

यत्तपस्यसि कौंतेय तत्कुरुष्व मदर्पणम् ॥ २७ ॥

हणौनि अर्जुना अवधारीं । तूं बुद्धि एकि सोपारी ।
 तारि साहाजें आपुलां मंदिरीं । अवसरोचित ॥ ९३ ॥
 जे जे काहीं व्यापार करिसी । कां भोग हान जे भोगिसि ।
 अथवा यज्ञीं यजिसी । नाना विधीं ॥ ९४ ॥
 ना तारि पात्रविशेषें दानें । कां सेवकांसि जीवणें ।
 तपादि साधनें । व्रतें करिसी ॥ ९५ ॥
 तें क्रियाजात आधवें । जें जैसें निफजेल स्वभावें ।
 तें भावना करुनि करावें । माझेया मोहरा ॥ ९६ ॥
 पारि सर्वथा आपुलां जिधीं । केलेयाची से काहीं नुरावी ।
 ऐसीं धूनि कर्म देयावीं । माझां हातीं ॥ ९७ ॥

शुभाशुभफलैरेवं मोक्षयसे कर्मबन्धनैः ।

संन्यासयोगमुक्तात्मा विमुक्तो मामुपैष्यसि ॥ २८ ॥

मग अग्निकुंडीं बीजें घातलीं । तियें अंकुरदशे जेवि मूकलीं ।
 तेवि न फलती चि मज अर्पिलीं । शुभाशुभे ॥ ९८ ॥
 आगा कर्म जें उरावें । तें तिहीं सुखदुःखीं फलावें ।
 आणि तेयातें भोगावेया यावें । देहा एका ॥ ९९ ॥
 तें उगणिलें मज कर्म । तेव्हां चि पूसलें जन्म ।
 जन्मासवें श्रम । वरिचिल ही गेलें ॥ १०० ॥
 हणौनि अर्जुना एया परीं । पाहिच्चा वेळ नव्हैल भारी ।
 हे संन्यासयुक्ति सोपारी । दीधली तुज ॥ १ ॥
 ऐया देहाचिये बांधवडी न पडिजे ।
 सुखदुःखाचां सागरीं न बुडिजे ।
 सुखें सुखरूपां घडिजे ।
 माझेया चि आंगा ॥ २ ॥

समोऽहं सर्वभूतेषु न मे द्वेष्योऽस्ति न प्रियः ।

ये भजन्ति तु मां भक्त्या मयि ते तेषु चाप्यहम् ॥ २९ ॥

पाहि आनंदा
 २५

तो मीं प्रससी कैसा । तरि जो सर्वभूतीं कां सरिसा ।
 जेथ आप परु ऐसा । विभागु नाहीं ॥ ३ ॥
 ते जे एया मातें जाणौनि । अहंकाराचा कुरुठा मोडूनि ।
 जीवें कर्म करुनि । भजत मातें ॥ ४ ॥
 ते वर्त्तत ही असति देहीं । परि देहीं ना ते माझां ठांड ।
 आणि मीं तेयांचां हृदयीं । समग्रु असें ॥ ५ ॥
 सविस्तर वटव जैसें । बीज कणिके माझि असे ।
 आणि बीजकणु वसे । वटीं जेवि ॥ ६ ॥
 तेवि आह्मा तेयां परस्परें । बाहीरि नावांची चि अंतरें ।
 वांचूनि आंतुवटे वस्तुविचारें । मीं ते चि ते ॥ ७ ॥
 आतां जाइयांचें जैसें लेणें । आंगावरि आहाच वाणें ।
 तैसें देहधरणें । उदास तेयांचें ॥ ८ ॥
 परिमलु निगालेयां पवनापाठीं । मागां अस फूल देठीं ।
 तैसें आयुष्याचिये मुठी । केवल देह ॥ ९ ॥
 तेथेच आपण अवष्टंभु जो आघवा । तो आरूढौनि मद्भावा ।
 मज चि आंतु पांडवा । पैठा जाला ॥ १० ॥
 अपि चेत्सुदुराचारो भजते मामनन्यभाक् ।
 साधुरेव स मंतव्यः सम्यग्व्यवसितो हि सः ॥ ३० ॥
 ऐसेनि भजतेनि प्रेमभावे । जेया शरीर ही पाठि न पवे ।
 तेणें भलेतिये होआवें । जातिचेयां ॥ ११ ॥
 आणि आचरण पांतां सूभटा । तो दुष्कृतांचा चि कीरु.सेलवांटा ।
 परि जीवित वेचिलें चौहटां । भक्तिचां किं ॥ १२ ॥
 आगा अंतिचीया मती । साचपण पुढिली गती ।
 ह्मणौनि जीवित जेणें भक्ती । दीन्हलें शेषी १३ ॥
 तो आदीं जन्हीं अनाचारी । तन्हीं सर्वोत्तमू चि अवधारीं ।
 जैसा बुडाला महापुरीं । नमरतु निगाला ॥ १४ ॥

तेयांचें जीवित ऐली थडिये आलें । १५१

हणौनि बुडालेंपण वायां जेवि गेलें ।

तेवि नुरे चि पाप केलें ।

सेवटिचिये भक्ती ॥ १५ ॥

एया लागि दुष्कृती जन्हीं जाला । तन्हीं अनुतापतीर्थी न्हाला ।

न्हाउनियां मज आंतु आला । सर्वभावं ॥ १६ ॥

तारि आतां पवित्र तेयांचें कुल । अभिजात्य तें चि निर्मल ।

जन्मलेयांचें फल । तेयाचेया चि जालें ॥ १७ ॥

तो चि सकल पढिनला । तपें तो चि तपिनला ।

अष्टांगु अभ्यासिला । योगु तेणें ॥ १८ ॥

हें बहुत असो पार्था । तो उतरला कर्मै सर्वथा ।

जेयाची अखंड आस्था । मज चि लागि ॥ १९ ॥

अवघेया चि मनोबुद्धिचिया राहाटी ।

भरौनि एकनिष्ठतेची पेटी ।

मज माझि किरीटी ।

निक्षेपिली जेणें ॥ ४२० ॥

क्षिप्रं भवति धर्मात्मा शश्वच्छांतिं निगच्छति ।

कौंतेय प्रतिजानीहि न मे भक्तः प्रणश्यति ॥ ३१ ॥

तो आतां अवसरें मजसारिखा होईल ।

ऐसा हान माउ तूज जाईल ।

हां गा अमृतांतु राहिल ।

मरण केवि ॥ २१ ॥

पैं सूर्यु जो वेळु नुदैजे ।

तेया वेळा चि नावं रात्रि किं लगिजे ।

तेवि माझेये भक्तीविण कीजे ।

तें महापाप न्हवे ॥ २२ ॥

ह्यगौनि तेयाचेया चित्ता । माझी जवलीक जाली पांडुसुता ।
 तेन्हां चि तो तत्वता । माझे रूप ॥ २३ ॥
 जैसा दीपें दीपु लाविजे । तेथ चि आदिलु कोणु हें नेणिजे ।
 तैसा सर्वस्वें मज भजे । तो मीं चि होउनि ठाके ॥ २४ ॥
 मग माझी नित्य शांति । तेया ते दशा ते चि कांति ।
 किंबहुना माझे जीति । माझेनि जीवें ॥ २५ ॥
 एथ पार्था पुढुतीं पुढुतीं । तें चि तें सांघों केती ।
 तन्हीं मियां चाड तारि भक्ती । नविसंभिजे ॥ २६ ॥
 आगा कुलाचेया चोखटपणा नलगा ।
 आभिजात्यें शनै श्लाघा ।
 व्युत्पत्तीचा ही वाउगा ।
 सोसु कां वाहा ॥ २७ ॥
 कां रूपें वयसा माजा । आथिलेपणें काह्या गाजा ।
 एकु भाऊ नाहिं माझा । तारि पालाल तें ॥ २८ ॥
 कणें विण सोपटें । कणिसें लागलीं आधि एक दाटें ।
 काइ कराल गोमटें । वोस नगर ॥ २९ ॥
 नां तारि सरोवर आटलें । रानीं दुःखिया दुःखियें भेटलें ।
 कां वांझां फूलीं फूललें । झाड जैसें ॥ ३० ॥
 तैसें सकल तें विभव । अथवा कुलज्ञानगौरव ।
 जैसें शरीर आहे सावयव । परि सीस चि नाहिं ॥ ३१ ॥
 तैसें माझेया भक्तीविण । जळो तें जियलेपण ।
 आगा पृथ्वीवारि पाखाण । नसति काइ ॥ ३२ ॥
 पै हीं वरांची दाट साउली । सज्जनीं जैसी वालिली ।
 तैसिं पुण्यें डावळनि गेलीं । अभक्तांतें ॥ ३३ ॥
 नींबु नींबोलीं मोडौनि आला । तारि काउलेयांसि सुकाळु जाला ।
 तैसा भक्तीहीनु वाढिनला । दोषां चि लागि ॥ ३४ ॥

कां खंडरसीं खापरीं वाढिलें । वाढूनि राति चौहटां सांडिलें ।
 तेथ सुणेयांचां ऐसें जालें । जेया परीं ॥ ३५ ॥
 तैसें भक्तिहीनाचें जीणें । कां संपत्ति ही न सुकृत जाणणें ।
 तें संवसारदुःखासि अवंतणें । उग्यारिलें गा ॥ ३६ ॥
 हणौनि कुल उत्तम नोहावें । जाती अंत्यां हीं होआवें ।
 वारि देहाचेनि नावें । पशु हीं लाभो ॥ ३७ ॥

मां हि पार्थ व्यप्राश्रित्य येऽपि स्युः पापयोनयः ।

स्त्रियो वैश्यास्तथा शूद्रास्तेऽपि यांति परां गतिम् ॥३८॥

पाहें पां सावजें हातिरुं धरिलें ।
 तेणें तिया काकुलती मातें स्मरिलें ।
 किं तियाचें पशुत्व वावो जालें ।
 पातलें मातें ॥ ३८ ॥
 आगा नावं घेतां ओखटी । जे आघविया अधमाचां सेवटीं ।
 तिये पापयोनीं हीं किरीटी । जन्मले जे ॥ ३९ ॥
 ते पापयोनि मूढ । मूर्ख जैसे दगड ।
 परि माझां ठाईं दड । सर्वभावें ॥ ४० ॥
 जेयांचिये वाचे माझे आलाप । दीटि भोगी माझें चि रूप ।
 जेयांचें मनसंकल्प । माझे चि वाहे ॥ ४१ ॥
 माझेया कीर्तीविण । जेयांचे रीते नाहीं श्रवण ।
 जेयां सर्वांगा भूषण । माझी सेवा ॥ ४२ ॥
 जेयांचें ज्ञान विषो नेणे । जाणिव्रा मज चि एकातें जाणे ।
 जेयांसि ऐसें लाभें तरि जीणें । यन्हविं मरण ॥ ४३ ॥
 ऐसां आघवां चि परीं पांडवा । जिहिं आपुलेयां सर्वभावां ।
 जियावेया लागि ओलावा । मीं चि केला ॥ ४४ ॥
 ते पापयोनी हीं होंतु कां । ते श्रुताधीत न्हवतु कां ।
 परि मासि तूंकितां तूंका । तूटि नाहिं ॥ ४५ ॥

पाहे पां भक्तिचेनि आधिलेपणें । दैत्यें देवां आणिलें उणें ।
 माझे नृसिंहत्व लेणें । जेयाचिये महिमे ॥ ४६ ॥
 तो प्रन्हादु गा मजसाठीं । घेंतां बौहें संदा किरीटी ।
 कां जें मियां देयावें तें गोठी । तेयाचिया जोडे ॥ ४७ ॥
 येन्हुवि दैत्यकुल साचोकारें । परि इंद्रु ही सरि न लाहे उपरें ।
 हणौनि भक्ति गा एथ सरे । जाति अप्रमाण ॥ ४८ ॥
 राजाज्ञेचीं अक्षरें आथि । तियें चर्मा एका जेया पडति ।
 तेया चर्मा साठीं जोडति । सकला ही वस्तू ॥ ४९ ॥
 वांचूनि सोनें रूपें प्रमाण नोहे । एथ राजाज्ञा समर्थ आहे ।
 तें चर्म चि एक जें लाहे । तेणें वीकेति आघवीं ॥ ४५० ॥
 तैसें उत्तमत्व तें तरे । तें चि सर्वज्ञता सरे ।
 जें मनोबुद्धि भरे । माझेनि प्रेमें ॥ ५१ ॥
 हणौनि कुलें जाती वर्ण । हें आघवें चि गा अकारण ।
 एथ अर्जुना माझेपण । समर्थक एक ॥ ५२ ॥
 तें चि भलेतेणें भावें । मना मज आंतु एणें होआवें ।
 आलें तारि आघवें । मागील तें वाओ ॥ ५३ ॥
 तैसें तव चि वाहला वोहल । जव न पवति गंगाजल ।
 मग होउनि ठाकति केवल । गंगारूप ॥ ५४ ॥
 कां खैरचंदन काष्ठें । हे विवंचना तव चि घटे ।
 जव नेघपति येकावटें । अग्नी माशि ॥ ५५ ॥
 तैसें क्षत्री वैश्य स्त्रिया । कां शूद्र अंत्यादि इया ।
 जाती तव चि वेगलालिया । जव न भजति मातें ५६ ॥
 मग जाती व्यक्ती पडे बिंदुलें । जेव्हां भाव होंति मज मीनले ।
 जैसे लवणकण घातलें । सागरावरि ॥ ५७ ॥
 तव चि नदानदीचीं नावें । तव चि पूर्वपश्चिमें तेया धावे ।
 जव नैयंति आघवे । समुद्रापासि ॥ ५८ ॥

हैं चि कन्हणें येकें मिसैं । चित्त माझां ठांड प्रवेशे ।
एतुलें हो मग आपैसैं । मी होणें असें ॥ ५९ ॥

आगा वर फोडावेया चि लागि ।

लोह मीलो कां परिसाचां आंगीं ।

कां जें मिलैल इये प्रसंगीं ।

सोनें होईल ॥ ४६० ॥

जगा पाहे पां वालभाचेनि व्याजें । तियां वज्रांगनाचि नीजें ।

मज मीनलेयां काइ माझें । स्वरूप नो होंती चि ॥ ६१ ॥

ना तारि भियाचेनि मीसैं । मातें न पविजे चि काइ कंसैं ।

किं अखंडें वैरावेशें । चैद्यादिकिं ॥ ६२ ॥

आगा सोइरेपणें चि पांडवा । माझें सायुज्य एयां यादवां ।

पैं ममत्वे वसुदेवा— । दिकां सकलां ॥ ६३ ॥

नारदा ध्रुवा अक्रूरा । शुका हान सनत्कुमारा ।

ऐयां भक्ती मी धनुर्दरा । प्राप्यु जैसा ॥ ६४ ॥

तैसा चि गोपीसीं सकामें । तेया कंसा भयसंभ्रमैं ।

एरां घातकें मन्त्रोधर्मैं । शिशुपालां ॥ ६५ ॥

आगा मी एकु लाणिचें खागें । मज एउ० ये भलेतेणें मार्गें ।

भक्ती कां विषयवैरागें । अथवा वैरें ॥ ६६ ॥

जगलौनि पाइ । प्रवेशावेया माझां ठांड ।

उपायांची नाहिं । केणि एथें ॥ ६७ ॥

आणि भलेतिये जाती जन्मावें । मग भजिजो अथवा विरोधावें । जे

परि भक्तां कां वैरियां होआवें । माझेयां चि ॥ ६८ ॥

आगा कन्हणें येकें बोलें । माझेपण जरि जालें ।

तारि मीं होणें आलें । हाता निरुतें ॥ ६९ ॥

एया लागि पापयोनी अर्जुना । कां वैश्य शुद्र अंगना ।

येणें मातें भजतां सदना । माझेयां येति ॥ ४७० ॥

किं पुनर्ब्राह्मणाः पुण्या भक्ता राजर्षयस्तथा ।

अनित्यममुखं लोकमिमं प्राप्य भजस्व माम् ॥ ३३ ॥

मग वर्णां माझि छत्रचामर । स्वर्गु जेयाचें अग्रहार ।

मंत्रविवेसि माहेर । ब्राह्मण जे ॥ ७१ ॥

जे पृथ्वीतलिचे देव । जे तपावतार सावयव ।

सकल तीर्थासि दैव । उदैलें जे ॥ ७२ ॥

जेथ अखंड वसिजे यागि । वेदांची जे वज्रांगी ।

जेयांचिये दीठिचां उत्सर्गी । मंगल वाढे ॥ ७३ ॥

जेयांचिये आस्थेचेनि बोलें । सत्कर्म पाहार्लि गेलें ।

संकल्पें सत्य जियालें । जेयांचेनि ॥ ७४ ॥

जेयांचेनि गा बोलें । आगिसि आयुष्य जालें । आशेसि

हणौनि समुद्रें पाणी आपुलें । दीधलें प्रीती ॥ ७५ ॥

मियां लक्ष्मी हीं केली परौति ।

फेड्ढनि कौस्तुभ घेतला हातीं ।

मग बोटवली वक्षस्थलाची वाखती ।

चरणरजा जेयाचेया ॥ ७६ ॥

आझू पाउलांची मुद्रा । मीं उरीं वाहें जे सुभद्रा ।

ते आपुलेया दैव समुद्रा । जतने लागि ॥ ७७ ॥

जेयांचा कोपु सूभटा । कालाग्निरुद्राचा वसैठा ।

जेयांचां प्रसादीं फूकटा । जोडति सिद्धी ॥ ७८ ॥

ऐसे पुण्यपुंज ब्राह्मण । आणि माझां ठांडें अतिनिषण्ण ।

आतां मातें पावति कवण । समर्थणें ॥ ७९ ॥

पाहे पां चंदनाचेनि अंगानीलें । सीतलें निव्र होंते जे जवळे ।

तिहिं निजीवीं हीं देवांचिं निडलें । बैसणीं केलीं ॥ ८० ॥

मग तो चंदनु तेथ न पवे । ऐसं मनीं चि कैसेनि धरावें ।

अथवा पातला हें समर्थवें । तेव्हां काइ साच ॥ ८१ ॥

तेथ निववील ऐसिया आशा । हरे चंद्रमा आधा ऐसा ।
बाहिजत असे शिरसा । निरंतर ॥ ८२ ॥

तेथ निवविता आणि सगला । परिमलें चंद्राहूनि आगला ।
तो चंदनु काइ स्वलीला । सर्वांगि न वैसे ॥ ८३ ॥

कां रथ्योदके जिये जिये कासे ।

लागलेयां समुद्रु जालीं अनायासे ।

तिये गंगेसि काहीं अनारिसे ।

गल्यंतर असे ॥ ८४ ॥

झणौनि राजर्षी हान ब्राह्मण । जेयां गती मती मीं चि शरण ।

तेयां त्रिशुद्धी मीं चि निर्वाण । स्थिति ही मीं ॥ ८५ ॥

एया लागि शतजर्जरे नावे । रिगौनि निश्चंता होआवे ।

कैसेनि उघडलेयां असावे । शस्त्रवर्षि ॥ ८६ ॥

आगा वरिपडतां पाषाण । न सुवावे केवि ओडण ।

रोगिं दाटिला आणि उदासपण । उषधेसीं ॥ ८७ ॥

जेथ चहूंकडे जलतसे वणवा ।

तेथौनि कैसेनि न निगिजे पांडवा ।

तेवि लोका एउनि एया सोपद्रवा ।

केवि न भजिजे माते ॥ ८८ ॥

आगा माते न भजावेया लागि । कवण बल पां आपुले आंगि ।

काइ घरि किं भोगि । निश्चंत केलें ॥ ८९ ॥

ना तरि विद्या किं वयसा । एया प्राणियांसि हा ऐसा ।

मज न भजतां भवसा । सुखाचा जाला ॥ ९० ॥

तरि भोग्यजात जितुलें । तें एका चि देहाचेया नीके लागलें ।

आणि एथ देह तव असे पडिलें । कालाचां तोंडीं ॥ ९१ ॥

वापा दुःखाचें केणें सूटलें । जेथ मरणांचें भरें लोटलें ।

तिये मृत्युलोकिचिये असे घडलें । हाटवेले एणें ॥ ९२ ॥

आतां सुखेंसि जीविता । कैसी ग्राहकै कीजैल पांडुसुता ।
 काइ राखोंडिया फूंकितां । दीपु लागे ॥ ९३ ॥
 आगा विषाचे कांदे वाटूनि । गोरसु घेइजे पीळनि ।
 तेया नांव अमृत ठेउनि । जैसें अमरां होणें ॥ ९४ ॥
 कां सीस खांडूनि आपुलें । पायांचां खतीं बांधलें ।
 तैसें मृत्युलोकिचें भलें । आहे आघवें ॥ ९५ ॥
 हणौनि मृत्युलोकि सुखाची काहाणी ।
 आइकैजैल कवणाचां श्रवणीं ।
 कैची सुखनिद्रा आंथुरणीं ।
 इंगलांचां ॥ ९६ ॥
 जिये लोकिंचा चंद्र क्षयरोगी ।
 जेथ उदो होये अस्तवावेया चि लागि ।
 दुःख लेउनि सुखाची आंगी ।
 सलित जगातें ॥ ९७ ॥
 जेथ मंगलाचां अंकुरीं । सर्वे चि अमंगलांची आहे पोहोरी ।
 मृत्यु उदयाचां परिबरीं । गर्भ गिवसी ॥ ९८ ॥
 जीतें नाहिं तेयाचें चिंतवी । तव तें चि नेइजे गंधर्वी ।
 गेलेयाची कन्हणी गावीं । शुद्धि न लभे ॥ ९९ ॥
 आगा गिवसितां आघवां वाटीं ।
 परतलें पाउल चि नाहिं किरीटी ।
 सैव निमालेयांचिया गोठी ।
 तियें पुराणें जेथिचीं ॥ ५०० ॥
 जेथिचिये अनित्यतेची थोरी । करितेया ब्रह्मेयाचें आयुष्यवेन्हीं ।
 कैसें होणें नाहिं अवधारीं । निपटूनियां ॥ १ ॥
 ऐसी लोकिची इये नांदणुक । तेथ जन्मले आहाति जे लोक ।
 तेयांचिये निश्चंतैयेचे कें कवतिक । दीसतसे ॥ २ ॥

पैँ दृष्टादृष्टिचिये जोडी । भांडवला न सुटे कवडी ।
 जेथ सर्वस्वें हाणि तेथ कोडी । वेचितील ॥ ३ ॥
 जो बहू इयें विषयविलासीं गूंपे ।
 तो ह्याणे उवाई पडिलां सांपें ।
 जो अभिलाषाभारें दडपे ।
 तेयातें सज्ञानु ह्याणति ॥ ४ ॥
 जेयाचें आयुष्य धाकुटें होए । बल प्रज्ञा जिरौनि जाए ।
 तेयाचे नमस्कारजति पाए । वडील ह्याणौनि ॥ ५ ॥
 जवं जवं श्वान बलिया वाढे । तवं तवं भोजें नाचति कोडें ।
 आयुष्य निमालें आंतुलीकडे । ते ग्लानि नाहिं ॥ ६ ॥
 जन्मलेया दिहें दिवसें । हों लागे कालाचेया ऐसें ।
 किं वाढतीं कारिति उल्लासें । उभिति गुढिया ॥ ७ ॥
 अगा मर हा बोलु न सांहांति । आणि मेलेयां तारि रडति ।
 परि असतें जीत न गणिति । गैसासै पैँ ॥ ८ ॥
 दर्दुरु सापें गीलजितु उभा । तो मासिया वेंटाली जीभा ।
 तैसे प्राणिये कवणा लोभा । वाढविति तृष्णा ॥ ९ ॥
 आहा कटा उल्लटें । हें मृत्युलोकिचें उपराटें ।
 एथ अर्जुना जन्हें अवचटें । जन्मलासि ॥ ५१० ॥
 तन्हें झडझडौनि वहिला निग । इये भक्तीचिये वाटे लाग ।
 जीया पावसी अव्यंग । निजद्राम माझे ॥ ११ ॥

मन्मना भव मद्भक्तो मद्याजी मां नमस्कुरु ।

मामेवैष्यासि युक्तवैवमात्मानं मत्परायणः ॥ ३४ ॥

तूं मनु हें मीं चि करीं । माझां भजनीं प्रेम धरीं ।
 सर्वत्र नमस्कारीं । मज एकातें ॥ १२ ॥
 माझेनि अनुसंधानें देख । संकल्प जालणें अशेख ।
 मद्याजी ह्याणिपे चोख । तें यया नावं ॥ १३ ॥

ऐसा मियां आधिला होंसी । तेथ माझिया चि स्वरूपा येसी ।
 हें अंतष्करणिचें तुसीं । बोलिजत असे ॥ १४ ॥
 आगा आघवेया चोरिया आपुलें ।
 जें सर्वस्व आहि असे ठेविलें ।
 तें पावौनि मुख सांचलें ।
 होउनि ठांसी ॥ १५ ॥
 ऐसेनि सावलेनि परब्रह्म । तेणें भक्तकामकल्पद्रुम ।
 बोलिलें आत्मारामें । संजयो ह्मणे ॥ १६ ॥
 अहो आइकत असा अवधारा ।
 तवें एया बोला निवातु हांतारा ।
 जैसी ह्यैसी नुठी कां पुरा ।
 तैसा उगला चि असे ॥ १७ ॥
 तेथें संजयें माथा तूकिला । आहा अमृताचा पाउसु वरिषला ।
 हा एथ चि असतु गेला । सेजेया गावां ॥ १८ ॥
 तन्हें दातारु हा आमचा । ह्मणौनि ऐसें बोलतां मेलैल वाचा ।
 काइ जालें एयाचा । भोगू चि ऐसा ॥ १९ ॥
 पारि बापु भाग्य माझें । जें वृत्त सांघवेयाचेनि व्याजें ।
 कैसा रक्षिला मुनिराजें । व्यासदेवें ॥ ५२० ॥
 एतुलें हें वाढें सायासें । जवें बोलतसे दडें मानसें ।
 तवें न भरे चि आपुलेया ऐसें । सात्विकि केलें ॥ २१ ॥
 चित्त वावठेलें आठौ घेंत । वाचा पांगुलैली जेथिची तेथ ।
 आपादकंचुकित । रोमांचीं जालें ॥ २२ ॥
 अधोन्मीलित डोले । वरिषताति आनंदजलें ।
 आंतुला सुखोर्माचेनि बलें । बाहिरि कांपे ॥ २३ ॥
 पै आघवां चि रोममूर्ली । आलां स्वेदकर्णीं निर्मलीं ।
 लेइला मोतियांची कडियाली । आवडे तैसा ॥ २४ ॥

ऐसा महासुखाचेनि अतिरसें । जेथ आटणी होईल जीवदशे ।
 तेथ निरोविलें व्यासें । तें नेदी चि हों ॥ २५ ॥
 आणि कृष्णार्जुनांचें बोलणें । घोकारि आलें श्रवणें ।
 किं देहस्मृतिचा तेणें । वापसा केला ॥ २६ ॥
 तेव्हां नेतिचें जल विसर्जी । मग सर्वांगिचा स्वेदु परिमार्जी ।
 तेवि च ह्मणे अवधारा हो जी । धृतराष्ट्रातें ॥ २७ ॥
 आतां कृष्णवाक्यबीजा निवाडु । आणि संजयो सात्विकाचा बिंबडु ।
 ह्मणौनि सवयां चि होइल सुरवाडु । प्रमेयपिकाचा ॥ २८ ॥
 अहो अलुमालु अवधान देआवें । इतुलेनि आनंदरासिवारि बैसावें ।
 बापु श्रवणेंद्रियांचेनि दैवें । घातली माल ॥ २९ ॥
 ह्मणौनि विभूर्तिचा ठाओ । अर्जुना दावील सिद्धांचा राओ ।
 तो आइकां ह्मणे ज्ञानदेउ ॥ निवृत्तिचा ॥ ३० ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां

योगशास्त्रे श्रीकृष्णार्जुनसंवादे राजविद्यावर्णनं

नाम नवमोऽध्यायः ॥

॥ श्रीकृष्णार्पणमस्तु ॥



ज्ञानेश्वरी

अध्याय दहावा

ॐ नमो भगवते गणेशाय ॥

ॐ नमो विशदबोधविदग्धा । विद्यारविंदप्रबोध- ।

परापरमप्रमदा । विलासिया ॥ १ ॥

नमो संसारतमसूर्या । अप्रमिता परमवीर्या ।

तरुणतमतूर्या । ललनलीला ॥ २ ॥

नमो जगदखीलपालणा । मंगलमणीनिधाना ।

सज्जनवनचंदना । आराध्यलिंगा ॥ ३ ॥

नमो चतुरचकोरचंद्रा । स्वानुभावनरेन्द्रा ।

श्रुतिसागरसमुद्रा । मन्मथमन्मथा ॥ ४ ॥

नमो सुभावभजनभाजना । भवेभकुंभभंजना ।

विश्वोद्भवभुवना । गुरुराया ॥ ५ ॥

तुमचा अनुग्रहो गणेशु । जैसा आपुला दे सौरसु ।

तै सारस्वतीं प्रवेशु । बालका आथि ॥ ६ ॥

जी दैविकी उदारा वाचा । जै राजादेशु दे नाभिकाराचा ।

तरि नवरसदीपिचा । पाउडु लाभे ॥ ७ ॥

आपुलें स्नेह ते चि वागीश्वरी । जेया मुकेयातें अंगिकरी ।

तो वाचस्पतिसीं करी । प्रबंधहोडा ॥ ८ ॥

हे असो दीठि जेयावारि झलके । हा पद्मकर जिये माथां पारुखे ।
 तो जीउ चि पारि तूके । महेशेंसीं ॥ ९ ॥
 एवढें जिये महिमेचें करणें । तें वाचाबलें वानावें कवणें ।
 काइ सूर्याचेया आंगा उटणें । लागतसे ॥ १० ॥
 केउता कल्पतरूवारि फुल्लौरा । काइसेनि पाहुणोरु क्षीरसागरा ।
 कवणें इछावें कापुरा । वासु देउं ॥ ११ ॥
 चंदनातें काइसेनि चर्चवें । अमृत केउतें रांधावें ।
 गगनावारि उभावें । घडे केवि ॥ १२ ॥
 तैसें श्रीगुरूचें महिमान । अकलतें कें असे साधन ।
 हें जाणौनियां नमन । निवांतां चि केलें ॥ १३ ॥
 तन्हें प्रज्ञेचेनि आधिलेपणें । गुरुसामर्थ्या रूप करुं हणें ।
 तरि मोतियां भिंग देणें । तैसें होइल ॥ १४ ॥
 आतां असतु इयें बोलणीं । साडपंधरेया आणि कसवटणी ।
 उगेयां चि माथा ठेविजे चरणीं । हें चि भले ॥ १५ ॥
 मग हाणितलें स्वामीं । भलेनि ममत्वे देखिलां तुहीं ।
 हाणौनि कृष्णार्जुनसंगमीं । प्रयागवटु जालां ॥ १६ ॥
 दूध मागितलेया साटीं । उपमन्यूपुढां धूर्जटी ।
 क्षीरसागराची चि वाटी । करुनि ठेविली ॥ १७ ॥
 ना तरि वैकुण्ठपीठनायकें । रुसला ध्रुवु कवतिकें ।
 बुझाविला देउनि भातुकें । ध्रुवपदाचें ॥ १८ ॥
 तैसी जो ब्रह्मविद्यां राउं । जो सकलशास्त्रां विसंवता ठाओ ।
 ते भगवद्गीता वोविं गाउं । ऐसें केलें ॥ १९ ॥
 जें बोलणेयांचां रानीं हीडतां । नाइकिजे फललेया अक्षराची वार्ता ।
 ते वाचा केली कल्पलता । विवेकावारि ॥ २० ॥
 होंती देहबुद्धि एकसरी । आनंदभांडारा केली वोवरी ।
 मन गीतार्थसागरीं । जलशयनु जालें ॥ २१ ॥

आतां आपुलेन प्रसादे । भगवद्गीता बोवीप्रबंधे ।
 पूर्वकांड विनोदे । बाखाणिलें ॥ २२ ॥
 प्रथमि अर्जुनाचा विषादु । दूजा ह्यणितल योग विशदु ।
 जें सांख्यबुद्धि भेदु । दाउनियां ॥ २३ ॥
 तीजां केवल कर्म प्रतिष्ठिलें । तें चि चौथां ज्ञानेसीं प्रकटिलें ।
 मग पंचमी गंधुरिलें योगतत्व ॥ २४ ॥
 तें चि षष्ठमामाक्षि स्पष्ट । आसना लागौनि प्रकट ।
 जीवपरमात्माभाव एकवट । होंति जेयापरीं ॥ २५ ॥
 तैसी जे योगस्थिति । आणि योगभ्रष्टासि जे गति ।
 ते आघवी चि उपपत्ती । दाखविली ॥ २६ ॥
 मग यावारि सप्तमी । प्रकृतिपरिहार उपक्रमीं ।
 करुनि भजति जे पुरुषोत्तमीं । ते ह्यणितले च्यान्ही ॥ २७ ॥
 पार्थि सप्तप्रश्नसिद्धि । बोलौनि प्रयाणसमयबुद्धि ।
 एवं सकलवाक्यअवधि । अष्टमाध्याई ॥ २८ ॥
 मग शद्वग्रही असंख्याकें । जेतुला काहीं अभिप्रा३ पीके ।
 तेतुला महाभारतीं एकें । लक्षें जोडे ॥ २९ ॥
 तिये आघविये चि महाभारतीं । तें लाभे कृष्णवचोत्तीं ।
 आणि गीतार्थु सातेंसतीं । तें येकलां नवमीं ॥ ३० ॥
 ह्यणौनि नवमीचेया अभिप्राया । सहसा मुद्रा लाववेया ।
 भियाला मां वायां । गरुवती बोलों ॥ ३१ ॥
 हां हो गूल साखरे मालेयाचे । बांधे एका चि रसाचे ।
 परि पाहतां गोडियेचे । विशेष नाहिं ॥ ३२ ॥
 एक जाणौनि बोलति । एक ठायें ठा३ जाणति ।
 एक जाणौनियां हारपति । सिहाणेपणें पै ॥ ३३ ॥
 तैसे अध्याय हे गीतेचे । परि अनिर्वाच्य नवमांचें ।
 तन्हीं बाखाणिलें एतुलें तुमचें । सामर्थ्य प्रभू ॥ ३४ ॥

हां हो एकांची षाठी चि तपनली । एकिं शृष्टिंवरिं शृष्टि केली ।
 एकिं पाखाणि वाउनि उहरविलिं । समुद्रीं कटकें ॥ ३५ ॥
 एकिं आकाशीं सूर्यातें धरिलें । एकिं चूलीं चि समुद्रा शोखिलें ।
 तैसें तुह्मीं मजकरविं बोलविलें । अवधारि जो ॥ ३६ ॥
 परि असो हें एथ ऐसें । रामु रावणु जूझिनेले कैसे ।
 ना रामु रावणु जैसे । मीनले समरीं ॥ ३७ ॥
 तैसें नवमींचें श्रीकृष्णाचें बोलणें ।
 आणि नवमींचेया चि ऐसें मी ना ह्मणे ।
 यथा निवाडु तत्वज्ञ जाणे ।
 जेया गीतार्थु आथि ॥ ३८ ॥
 एवं नवै अध्याय पहिले । मियां मतींसारिखे बोलिले ।
 आतां उत्तरखंड आदरिलें । ग्रंथिचें आइकां ॥ ३९ ॥
 तेथ विभूति प्रतिविभूति । प्रस्तुत अर्जुनां सांघिजंती ।
 ते विदग्धा रसवृत्ती । ह्मणिले कथा ॥ ४० ॥
 देशियेचेनि नागरपणें । शांतु शृंगारातें जीणे ।
 वोविया कीं होंति लेणें । साहिल्यासि ॥ ४१ ॥
 मूलग्रंथिचेया संस्कृता । सर्वे नीट मन्हाटी पढतां ।
 अभिप्रायें मानलेया उचिता । कवणि भूमिका ते नेणवे ॥ ४२ ॥
 जैसें आंगिचेनि सौंदर्यपणें । लेणेयांसि आंग चि होये लेणें ।
 तेथ अलंकरलें कवण कवणें । हें निवर्चेना ॥ ४३ ॥
 ऐसी देशी आणि संस्कृत वाणी । एकां भावाचां सुखासनीं ।
 शोभती ते आणि । चोखटा आइकां ॥ ४४ ॥
 उदैलेयां भावा रूप । करितां लागे रसवृत्तिचें वडप ।
 चातुर्य ह्मणे हें पडप । जोडलें आह्मां ॥ ४५ ॥
 तैसें देशियेचें लावण्य । हरौनि रसां आणिजैल तारुण्य ।
 मग ह्मणिले अगण्य । गीतातत्व ॥ ४६ ॥

श्रीभगवानुवाच ॥

भूय एव महाबाहो शृणु मे परमं वचः ।

यत्तेऽहं प्रीयमाणाय वक्ष्यामि हितकाम्यया ॥ १ ॥

तैं चि चराचरपरमगुरु । चतुराचित्तचमत्कार ।

तों आइकां यादवेश्वर । काइ बोलता जाला ॥ ४७ ॥

ज्ञानदेउ निवृत्तिचा ह्मणे । ऐसें बोलिलें हरी तेणें ।

आइकैं अर्जुना अंतष्करणें । नीकेया परीं ॥ ४८ ॥

आहिं मागां जें निरूपण केलें । अवधान चि गा तूझें तूकलें ।

परि टांचें न्हवे भले । पुरतें आहे ॥ ४९ ॥

घटिं थोडें ऐसें द्रव घालीजे । न गळिजे तरि मागुता भरिजे ।

तैसा पाहिलासि तव परिसविजे । ऐसें होंतसे ॥ ५० ॥

पाहिलें अवाचितेयावारि सर्वस्व सांडिजे ।

मग चोखु तरि भांडारी कीजे ।

तैसा आतां किरीटी माझें ।

निजधाम पै गा ॥ ५१ ॥

ऐसें अर्जुना एउतें सर्वेश्वरें । पाहूनि बोलिलें आदरें ।

गिरि देखौनि सुभरें । मेघु जैसा ॥ ५२ ॥

तैसा कृपालुवांचा राओ । ह्मणे आइकैं गा महाबाहो ।

सांधितला चि अभिप्राउ । लांधिजैल पुढुतीं ॥ ५३ ॥

प्रतिवारिषि क्षेत्र पेरिजे । जवं जवं पीकाची वाढि देखिजे ।

यालागि नुभगिजे । वाहो कारितां ॥ ५४ ॥

पुढुतीं पुढुतीं पुटें । मांगारा देतां उटे ।

तरि तें उखटें । ह्मणों नैये किं ॥ ५५ ॥

तैसा एथ पार्था । तुज आभार नाहिं सर्वथा ।

आहिं आपुलेया चि स्वार्था । बोलौनु पुढुतीं ॥ ५६ ॥

आंगि बालक लेवविजे लेणें । तें श्रिंगारातें काइ जाणे ।

ते सुखाचे सोहले करणें । आपुलिये दीठी ॥ ५७ ॥
 ऐसें तूझें हीं सांगावें । जवं जवं तुज फावे ।
 तवं तवं आमचें दुणावे । प्रेम देखें ॥ ५८ ॥
 आतां अर्जुना असो हे विकडी । मज तूझी चि आवडि ।
 हणौनि तृप्तिची सेवडी । बोलतां न पवे ॥ ५९ ॥
 आहां येतुलेया कारणें । तें चि तें बोलणें ।
 हें असो अंतष्करणें । अवधारिजो ॥ ६० ॥
 आइकैं सुवर्म । माझें वाक्य परम ।
 जियें अक्षरें लेउनि परब्रह्म । तुज खेवां एतसे ॥ ६१ ॥

न मे विदुःसुरगणाः प्रभवं न महर्षयः ।

अहमादिर्हि देवानां महर्षीणां च सर्वशः ॥ २ ॥

परि किरीटी मातें । तूं नेणाझि ना निरुतें ।
 तारि तो चि मीं जेथें । विश्व हें स्वप्न ॥ ६२ ॥
 जेथ वेद मूकें जाले । मन पवन पांगुलैले ।
 रात्रीवीण मावळले । रविशाशि जेथें ॥ ६३ ॥
 उदरिचा गर्भु जैसा । न देखे आपुलिये मातेची वयसा ।
 मी आघवेयां देवां तैसा । नेणवें चि गा ॥ ६४ ॥
 आणि जलचरां उदधीचें मान । मशका नोलांडावे चि गगन ।
 तेवि महारिखीचें ज्ञान । ने देखे चि मातें ॥ ६५ ॥
 मी कवणु केतुला । कवणाचा कैं जन्मला ।
 हे निरुति करितां बोला । कल्प गेले ॥ ६६ ॥
 कां रिखि आणि देवां । येरां भूतजातां सर्वा ।
 मीं चि आदि गा पांडवा । हणौनि जाणतां अवघडु ॥ ६७ ॥
 उतरलें उदक पर्वतुं वलघे । तरि झाड सेंडाहूनि मुलासि लागे ।
 तरि मियां जालेनि जगें । जाणिजे मातें ॥ ६८ ॥
 गांभे वनें बडु झांकवे । नां तरि तरंगी सागरु सांभावे ।

कां परमाणूमाक्षि सांटवे । भूगोल हा ॥ ६९ ॥
 तरि मियां जालेया जीवां । रिखीं अथवा देवां ।
 मातें जाणावेया होआवा । अवकाशु गा ॥ ७० ॥
 ऐसेनि जरि विपाएं । सांडूनि पुढील पाये ।
 सर्वइंद्रियेंसिं होये । पाठिमोरा जो ॥ ७१ ॥
 प्रवर्त्तलाही वेगीं बहुडे । झडकारि देह घाल्नि मागिलीकडे ।
 महाभूतांचेया चढे । माथेयावरि ॥ ७२ ॥

यो मामजमनार्दि च वेत्ति लोकमहेश्वरम् ।

असंमूढः स मर्त्येषु सर्वपापैः प्रमुच्यते ॥ ३ ॥

जेथ राहौनि ठाके विवेकें । स्वयंप्रकाशें चोखें ।
 अजत्व माझें देखे । आपुला डोलां ॥ ७३ ॥
 तो पाखाणामाक्षि परिसु । जैसा रसाआंतु सिद्धरसु ।
 मनुष्याआंतु अंशु । माझा जाणें ॥ ७४ ॥
 तें चालतें ज्ञानाचें बिंब । तेयाचे अवेव ते सुखाचे कोंभ ।
 परि माणूसपणाची भांभ । लौकिका भागु ॥ ७५ ॥
 अवचटें कापुरा । माक्षि सांपडे हीरा ।
 तन्हीं उदकीं पडलेयां नीरा । नांगवे तो ॥ ७६ ॥
 तैसा मनुष्य लौकिकाआंतु । जन्हीं जाला प्राकृतु ।
 तन्हीं प्रकृतिदोखांची मातु । नेणिजे तेथ ॥ ७७ ॥
 तो आपभयें चि सांडिजे पापी । जैसा चंदनु जलतां सर्पी ।
 तेवि मातें जाणै तो संकल्पी । वर्जुनि घाली ॥ ७८ ॥
 तें चि कैसें मातें जाणिजे । ऐसें कल्पी जरि चित्त तूझे ।
 तरि सी ऐसा जें माझे । भाव आइक ॥ ७९ ॥
 जें वेगलालां भूतीं । सारिखें होउनि प्रकृती ।
 विकरलें असे त्रिजगती । आघविये पै ॥ ८० ॥

बुद्धिर्ज्ञानमसंमोहः क्षमा सत्यं दमः शमः ।

सुखं दुःखं भवो भावो भयं चाभयमेव च ॥ ४ ॥

प्रथमं ज्ञाणं बुद्धिः । मगं ज्ञानं जें निरवधी ।

असंमोहो सहनसिद्धी । क्षमा सत्य ॥ ८१ ॥

मगं शमं दमं दोन्हीं । सुखदुःखं वर्ते जें जनीं ।

जन्मविनाशु मानीं । भावांमाक्षि ॥ ८२ ॥

अहिंसा समता तुष्टिस्तपो दानं यशोऽयशः ।

भवन्ति भावा भूतानां मत्त एव पृथग्विधाः ॥ ५ ॥

पैं भयं आणि निर्भयता । अहिंसा हानं समता ।

तुष्टिं तपं पांडुसुता । दानं जें गा ॥ ८३ ॥

आगा येश कां अपकीर्ति । हे भाव जे वर्त्तति ।

ते मज चि पासाव होंति । भूतांचां ठई ॥ ८४ ॥

जैसीं भूतें आहाति सिनानीं । तैसैं हें वेगळालें मानीं ।

एकं उपजतं माक्षां ज्ञानीं एकं नेणति मातें ॥ ८५ ॥

प्रकाशु आणि कडवसें । हें सूर्या चि पासौनि जैसैं ।

प्रकाशु उदयीं दीसे । तमं अस्तुसर्वे ॥ ८६ ॥

आणि मातें जाणणें नेणणें । तें भूतांचेया दैवांचें करणें ।

हणौनि भूतें भावांचें होणें । विषम पडे ॥ ८७ ॥

इयापरीं माक्षां भाविं । हे जीवसृष्टि आघवी ।

गुंतली असे जाणावी पांडुकुमरा ॥ ८८ ॥

आणि इये सृष्टिचे पालक । जेयां आधीन वर्त्तति लोक ।

ते अकंरा भाव आणिक । साधेन आइक ॥ ८९ ॥

महर्षयः सप्त पूर्वे चत्वारो मनवस्तथा ।

मद्भावा मानसा जाता येषां लोक इमाः प्रजाः ॥ ६ ॥

तीर आघवेयांसि वृद्ध । महर्षीमाक्षि प्रबुद्ध ।

कश्यपादि प्रसिद्ध । सत्तारिषि ॥ ९० ॥

आणिक ही सांगिजतील । चौदाआंतु मुदल ।
 स्वयंभु मुख्य वडिल । च्यारि मनु ॥ ९१ ॥
 ऐसे हे अकरा । माझां मनीं झाले धनुर्धरा ।
 सृष्टिचेया व्यापारा । लागौनियां ॥ ९२ ॥
 जें लोकाचें व्यवस्थे न पडे । अहंभावाचा पैकु न मोडे ।
 जें महाभूताचें दलवाडें । अचुंबित आहे ॥ ९३ ॥
 तें चि हे आले । मग इहीं लोक केले ।
 तेथ अक्षय होउनि ठेले । तेयांचे जन ॥ ९४ ॥
 ह्यणौनि अकरा हीं राजां । पुर जग यांचिया प्रजा । प
 एवं विश्वविस्तार माझा । ऐसा जाण ॥ ९५ ॥
 पाहें पां आरंभीं बीज एकलें । तें चि विरुढलेयां बूढ जालें ।
 बुढीं कौंभ फूटले । खांदियांचे ॥ ९६ ॥
 खांदियांपासौनि देखां । फूटलिया शाखा ।
 शाखातव देखां । पळव पानें ॥ ९७ ॥
 पालवीं फूल फल । ऐसा वृक्षु होये सकल ।
 तें निर्द्वारिजे जवं केवल । तवं बीज चि आघर्वें ॥ ९८ ॥

तेसांचे तैसैं मी पहिलें । मग माझें मन तें वियालें ।
 तेथ सत्तारखी जाले । आणि च्यान्ही मनू ॥ ९९ ॥
 तिहिं विविध लोक सृजिले । लोकीं लोकपाल वेगलाले ।
 लोकपालिं उपजविलें । प्रजाजात ॥ १०० ॥
 ऐसेनि विश्व हें एथें । मीं विस्तारलां हें निरुतें ।
 भावांचेनि हातें । मानसाचेया ॥ १ ॥

एतां विभूतिं योगं च मम यो वेत्ति तत्त्वतः ।

सोऽविकपेन योगेन युज्यते नात्र संशयः ॥ ७ ॥

यालागि पै सुभद्रापती । हे भाव माझिया विभूती ।

आणि येया व्याप्ती । व्यापलें जग ॥ २ ॥

हणौनि गा यापरीं । मज लागौनि पिपीलिकावेन्ही ।
मीवांचूनि दूसरी । गोठि नाहिं ॥ ३ ॥
ऐसें जाणे जो साचे । तेया चेइरें जालें ज्ञानाचे ।
हणौनि उत्तमाधमभेदाचे । स्वप्न हिं न देखे ॥ ४ ॥
मी माझिया विभूती । आणि विभूती अधिष्ठिलिया व्यक्ती ।
हें आघवें योगप्रतीती । इयेची मानी ॥ ५ ॥
हणौनि निःशकें योगें । मज मीनला मनाचेनि आंगें ।
तेथ संशयो करणें न लगे । त्रिशुद्धी जाण ॥ ६ ॥

अहं सर्वस्य प्रभवो मत्तः सर्वं प्रवर्तते ।

इति मत्वा भजंते मां बुधा भावसमन्विताः ॥ ८ ॥

जैसें सूर्ये सूर्यातें वोवालिलें । कां चंद्रें चंद्रें मियांसि खेवं दीधलें ।
ना तरि सरिसेन पाडें मीनले । दोन्ही वोघ ॥ ७ ॥
तैसें प्रयाग होत सामरस्याचें । वरि उभाण तरंगत आहे सात्विकाचें ।
ते संवादचतुःपथिचे । गणेश जाले ॥ ८ ॥

मच्चिता मद्गतप्राणा बोधयंतः परस्परम् ।

कथयंतश्च मां नित्यं तुष्यन्ति च रयन्ति च ॥ ९ ॥

तेव्हां तेया महासुखाचेनि भरे । धाडनि निगति बोधें बाहिरे ।
मिया धाले तेणें उद्गारें । लागति गर्जो ॥ ९ ॥
पै गुरुशिष्यसंबंधु येकांती । जेया अक्षरा एकाची वदंती ।
ते मेघाचेयापरी त्रीजगती । गर्जत असे ॥ ११० ॥
जैसी कमलकलिका जालेपणें । हृदयीचेया मकरंदातें राहों नेणें ।
ते राया रंका करी पारणें । आमोदाचें ॥ ११ ॥
तैसें मातें विश्वि कथित । कथितेनें तोखें कथू विसरत ।
मग तेया विसरलेयामाझि विरत । आंगें जीवें ॥ १२ ॥
ऐसें प्रेमाचेनि बौहवसणें । नाहिं रात्रि दियो जाणणें ।
केळें माझें चि सुख आवडणें । आपणपेंयांसि जिहिं ॥ १३ ॥

तेषां सततयुक्तानां भजतां प्रीतिपूर्वकम् ।

ददामि बुद्धियोगं तं येन मामुपयांति ते ॥ १० ॥

तेयां मग आह्मीं काहीं । अर्जुना देयावें पाइं ।

तें ठांईचि चि तिहिं । सेल घेतली ॥ १४ ॥

कां ते जिया वाटा । निगाले गा सूमटा ।

ते सोये पां येउनि अन्हांटा । स्वर्गापवर्ग ॥ १५ ॥

हणौनि तिहिं प्रेम धरिलें । तें चि देणें येयां उपाइलें ।

परि यां देआवें तें इहीं चि केलें । आपणपें चि पै ॥ १६ ॥

एयावरि एतुलें घडे । जें तें चि प्रेम आगलें वाढे ।

आणि कालाची दीठि न पडे । हें साम्य करणें ॥ १७ ॥

ललेयाचिया बालका किरीटी ।

गवसणी घाल्लु आपलेया स्नेहाची दीठी ।

जैसी खेलतां पाठोवाटी ।

माता निहाली ॥ १८ ॥

तें जो जो खेल दावी । तो तो सोनेयाचा करुनि ठेवी ।

तैसी उपास्तीची पदवी । मी पोरवीतु जायें ॥ १९ ॥

जिये पदवियेचेनि पोरवकें । ते मातें पावति सुखें ।

हे पालति मज विशेषें । करुं आवडे ॥ २० ॥

आगा या विश्वासि मी माझें कोड ।

मज तेयां अनन्यगतीची चाड ।

कां जें प्रेमलांचें सांकड ।

आमचां घरीं ॥ २१ ॥

पाहें पां स्वर्ग मोक्ष उपांइले ।

दोन्हीं मार्ग तेयाचिया चि वाहाणी आहाति ठेविले ।

आह्मीं आंग शेषा वेचिलें ।

लक्ष्मीयोसिं ॥ २२ ॥

परि आपणपें जें एक । तें सवियां बरवें साजूक ।
 प्रेमलांलागि देख । ठेविलें जतनें ॥ २३ ॥
 हा ठावो वेन्हीं किरिटी । आह्मिं प्रेमल घेओ आपणपेयांसाठीं ।
 इया बोलिं या बोलिजति गोठी । तैसिया न्हवति ॥ २४ ॥

तेषामेवानुकुपार्थमहमज्ञानजं तमः ।

नाशयाम्यात्मभावस्थो ज्ञानदीपेन भास्वता ॥ ११ ॥

हणौनि मज आत्मेयांचा भाऊ । जिहिजियाविया केला ठाऊ ।
 एकु मीवांचूनि एरु वाऊ । केलें जिहीं ॥ २५ ॥
 तेया तत्वज्ञाना चोखटा । दिवी पोतासाची सूभटा ।
 मग मी चि होउनि दीवटा । पुढां चालें ॥ २६ ॥
 अज्ञानाचिये राती । माजि तमाची मेहुडीं दाटती ।
 तियें नाशौनि घालीं परोती । ऐसा उदो करीं ॥ २७ ॥
 ऐसें प्रेमलांचेनि प्रियोत्तमें । बोलिलें पुरुषोत्तमें ।
 तेथ अर्जुनु मनोधर्में । निवालां हणें ॥ २८ ॥
 अर्जुन उवाच ।

परं ब्रह्म परं धाम पवित्र परमं भवान् ।

पुरुषं शाश्वतं दिव्यमादिदेवमजं विभुम् ॥ १२ ॥

अहो जी अवधारां । मला केरु फीटला सवंसारा ।
 जालां जननीजठरा । वेगला मी ॥ २९ ॥
 जी जन्मलेपण आपुलें । आजि मिया डोलां देखिलें ।
 आतां जी जीवित हातु चढलें । आवडे तैसें ॥ ३० ॥
 आजि सुविद्ये सुवण जाली । माझेया दैवांसि दशा उदैली ।
 जें वाक्यकृपा लाधली । दैविकेनि मुखें ॥ ३१ ॥
 ऐणें वचनतेजकरें । फिटलें आंतु बाहीरील आंधारें ।
 हणौनि देखतसें साचोकारें । स्वरूप तूजें ॥ ३२ ॥
 तरि होंसि गा तूं परब्रह्म । जेयां महाभूतांसि विश्राम ।

तैं निजद्वाम पवित्र परम । जगन्नाथा ॥ ३३ ॥
 तूं परमदैवत तीहीं देवां । तूं पुरुष जी पंचविंसांवां ।
 दिव्य तूं प्रकृतिभावां । पैलीकडीलु ॥ ३४ ॥
 अनादि सिद्ध तूं स्वामी । नाकलिजसि जन्मकर्मी ।
 तो तूं हें अजि आर्ह्यीं । जाणीतलासी ॥ ३५ ॥
 तूं कालयंत्रा सूत्री । तूं इये जीवकले अधिष्ठात्री ।
 तूं ब्रह्मकटाहधात्री । हें कललें फुडें ॥ ३६ ॥

आहुस्त्वामृषयः सर्वे देवर्षिर्नारदस्तथा ।

असितो देवलो व्यासः स्वयं चैव ब्रवीषि मे ॥ ३७ ॥

पैं आणिकि ही एकीपरी । इयाची प्रतीति एतसे थोरी ।
 जें मागां ऐसें चि रिषीश्वरीं । सांघितलें तूतें ॥ ३७ ॥
 तें सांघितलेयाचें सांचपण । हें देखत असे अंतष्करण ।
 जें कृपा केली आपण । ह्मणौनियां ॥ ३८ ॥
 यन्हविं नारदु अखंड जवला आहे ।
 तो ऐसीं चि वचनें गाये ।
 परि अर्थु न बुझों ठाये ।
 गीत चि आइकों ॥ ३९ ॥
 जी आंधलेयाचां गावीं । जन्हीं आपणपें प्रकटलें रवी ।
 तर्हि वीतपली चि तेयां होआवी । वांचूनि प्रकाशु नाहीं ॥ ४० ॥
 यन्हीं देवरिषि अध्यात्म गांतां । आहाच रागेंसि उमटतां ।
 तें चि परिसवे येर चित्ता । नैये काहीं ॥ ४१ ॥
 पैं असिता देवलाचेनि मुखें । मीं येवविधु तूतें आइकों ।
 परि तें बुद्धि विषयविषें । धारली होंती ॥ ४२ ॥
 आतां आणिकाचें नाव काइ घेयावें । आपण एउनि व्यासदेवें ।
 तूजें स्वरूप आघवें । सर्वत्र सांघिजे ॥ ४३ ॥
 देवा आंधारीं चिंतामणि देखिला । जेवि न्हवे ह्मणौनि उपेक्षिला ।

पाठिं दीनउदो मोटका जाला । मग होये ह्मणे ॥ ४४ ॥
 तैसिं व्यासादिकांचीं बोलणीं । तिथा मजपासीं रत्नाचिया खाणीं ।
 परि उपेखया जांति वायाणी । तुजवीण देवा ॥ ४५ ॥
 ते आतां वाक्यसूर्यकर फांकलें । आणि रिखिं मार्ग होंति जे कथिले ।
 तेयां आघवेयांचें फीटलें अनोलखपण ॥ ४६ ॥
 जीवनरूपतयां जे जीवनाचें बीं जेयांचे बोल । परि माझियेठांइं पडिले खोल ।
 तें इये कृपेची जाली बोल । ह्मणौनि संवादफलोंसिं उठिलें ॥ ४७ ॥
 कृष्णसंवादें । फूलीं आलें मकरंदें ।
 तें फूल विनोदें । दीन्हलें मज ॥ ४८ ॥
 जाति आहो नारदादिकां संतां । तेयांचिया जुतीस्वरूप सारिता ।
 मीं महोदधि जालां अनंता । संवादसुखाचा ॥ ४९ ॥
 प्रभू आघवेनिं जन्में । जियें पुण्यें केलीं मियां उत्तमें ।
 तेयां न टकती चि कामें । सद्गुरू तुवां ॥ १५० ॥
 एन्हविं वडिलांचेनि मुखें ।
 एंवविधु तूतें आइकें ।
 परि कृपा न कीजे चि तुवां एकें ।
 तव नेणिजे चि काहीं ॥ ५१ ॥
 ह्मणौनि भाग्य जैसें सानुकुल । जालेयां जैसे उदम सफल ।
 तैसें श्रुतादि सकल । गुरुकृपा साच ॥ ५२ ॥
 जी बनकरु झाडांसाठीं । पाहूनि जन्में काढी आटी ।
 परि फलेंसीं तैं भेटी । जैं वसंतु पावे ॥ ५३ ॥
 आहो जैं विषयां वोहटु पडे । जैं माधुर्य आवडे ।
 रसायनें तेव्हलि होंति गोडें । जैंव्हलि आरोग्यता होये ॥ ५४ ॥
 कां इन्द्रियें वाचा प्राण । यांचें जालेयां सार्थकपण ।
 जैं चैतन्य एउनि आपण । संचरे माझि ॥ ५५ ॥
 ऐसें शद्धजात आलोडिलें । अथवा योगादिक अभ्यासिलें ।

तैं तैं चि हणों ये आपुलें । जैं आज्ञा देंति गुरु ॥ ५६ ॥

सर्वमेतद्वत्तं मन्ये यन्मां वदसि केशव ।

नहि ते भगवन्व्यक्तिं विदुर्देवा न दानवाः ॥ १४ ॥

ऐसिये जालिये प्रतीतीचेनि मार्जे । अर्जुनु निश्चयाचि नाचतु भोजें ।

तेविं चि हणणे देवा तूझें । वाक्य मज मानलें ॥ ५७ ॥

तारि साच चि गा कैवल्यपती । मज त्रिशुद्धी आलें प्रतीती ।

जें तूं देवादानवांचिया युक्ती । जो गा न्हवसि ॥ ५८ ॥

तूझीं वाक्यें न लगति देवा । जैसैं आपुलेया जाणिजसि जाणिवा ।

तैं काहिं नाहिं हें सद्भावा । भवसेनि आलें ॥ ५९ ॥

स्वयमेवात्मनात्मानं वेत्थ त्वं पुरुषोत्तम ।

भूतभावन भूतेश देवदेव जगत्पते ॥ १५ ॥

एथ आपुलें वाडपण जैसैं । आपण चि जाणिजे आकाशें ।

मीं येतुली घनवट ऐसैं । पृथ्वी नेणे ॥ ६० ॥

तैसा आपुलियां सर्वशक्ती । तूं जाणसि लक्ष्मीपती ।

एर वेदादिक मती । मिरवती । प्रज्ञा वायां ॥ ६१ ॥

हां गा मनातें मार्गे सांडावें । पवनातें वावीं मवावें ।

आदिशून्य तें उतरौनि जावें । केउतें बाहीं ॥ ६२ ॥

तैसैं तुझें जाणणें आहे । हणौनि कोण्हा हीं टाकतें नोहे ।

आतां तूझें ज्ञान होये । तुज चि जोगें ॥ ६३ ॥

जी आपणेयातें तूं चि जाणसि । आणि सांघावेया समर्थु होंसि ।

तरि एकु वेळ घामु पूसीं । आर्त निडलिचा ॥ ६४ ॥

हें आइकिलेया किं भूतभावना । त्रिभुवनपंचानना ।

सकलदेवदेवताचर्चना । जगन्नाथा ॥ ६५ ॥

जरी थोरी तूझी पांत आहे । तरि पासि उभे ठाकावेया योग्यु नोहें ।

इया शोच्यता जरी भियें । तरि उपाऊ नाहीं आनु ॥ ६६ ॥

वक्तुमर्हस्यशेषेण दिव्या ह्यात्मविभूतयः ।

याभिर्विभूतिभिर्लोकानिमांस्त्वं व्याप्य तिष्ठसि ॥ १६ ॥

भरले सरिता समुद्र चहूंकडे । पारि बापैयांसि गा कोरडे ।

जै मेघौनि थेंबटा पडे । तै पारणें तेया ॥ ६७ ॥

तैसे गुरु सर्वत्र असति । पारि कृष्णा तूं चि आह्वासि गति ।

असति ३५ विभूती सांघै ॥ ६८ ॥ हे असो मनप्रति

जी तूझिया चि विभूती । तिया चि परिव्यक्ती ।

असति ३५ दिव्या जिया आहाति । तिया दाविं मातें ॥ ६९ ॥

जिहिं विभूतिं समस्तां । लोकांतें व्यापूनि अससि अनंता ।

तिया ब्रह्मनामांकिता । प्रकटा करीं ॥ १७० ॥

कथं विद्यामहं योगिस्त्वां सदा परिचिंतयन् ।

केषु केषु च भावेषु चिन्त्योऽसि भगवन्मया ॥ १६ ॥

जी मियां कैसें तूतें जाणावें । काइ हणौनि सदा चिंतावें ।

परि ५१ जरि चितूं हणों आघवें । तरि चिंतणें न घडे ॥ ७१ ॥

तरि मागां भाव जैसे । सांघितले तुवां उदेशें ।

आतां विस्तारुनि तैसें । येकु वेळु सांघै ॥ ७२ ॥

जेयां भावांचां ठांइ । तूतें चिंतितां मज सायास नाहिं ।

तो विवंचूनि देई । योगु आपुला ॥ ७३ ॥

विस्तरेणात्मनो योगं विभूतिं च जनार्दन ।

भूयः कथय तृप्तिर्हि शृण्वतो नास्ति मेऽसुखम् ॥ १८ ॥

आणिक आपुलिया जिया विभूती ।

तिया ही बोलाविया भूतप्रती ।

एथ हणसी पुढुतीं पुढुतीं ।

काइ सांघों ॥ ७४ ॥

तारि हा भावो मना । ज्ञनें हों देसि जनार्दना ।

जैसें करितां अमृतपाना । न ह्मणवे पुरे ॥ ७५ ॥
 जें कालकुटाचें सहोदर । मरणाभेण पियाले अमर ।
 तन्हीं देहाचे पुरंदर । चौदा जांति ॥ ७६ ॥
 ऐसा एक क्षीराब्धिचा वासु । जेयासि अमृतपणांचा आन्हासु ।
 तेयाचा हा ठावोवेर विश्वासु । जें पुरे ह्मणों नेंदी ॥ ७७ ॥
 जें मंदराचल न ढालितां । क्षीरसागर न डडुलित्तां ।
 अनादि स्वभावता । आइतें चि आहे ॥ ७८ ॥
 जें द्रवित नां बद्ध । जेथ नेणिजति रसभेद ।
 भलेतेया ही सिद्ध । आठवलें चि फावे ॥ ७९ ॥
 जेयाची गोडी आवडत खेओ । आघवाचि संसार होये वाओ ।
 बलियां नित्यता लागे एओ । आपणपेयां ॥ १८० ॥
 जन्ममृत्यूची भाष । हारपोनि जाये निःशेष ।
 आंतु बाहिरि महासुख । वाढों चि लागे ॥ ८१ ॥
 मग दैवंगत्या जरि सेविजे ।
 तरि तें आपण चि घेउनि ठाकिजे ।
 तुज ही देतां चित्त माझें ।
 पुरे ह्मणों न शके ॥ ८२ ॥
 तारि तूझें नावं चि जी आहां आवडे ।
 वरि भेटि होये आणि जवलीक जोडे ।
 पाठिं गोठि सांघसी सुरवाडें ।
 सुखाचेनि ॥ ८३ ॥
 आतां हें सुख काइसेया सारिखें । काहिं निर्वचेनां परितोखें ।
 परि येतुलें होये जें येणें सुखें । पुनरावृत्ति नाहीं ॥ ८४ ॥
 आगा सूर्य कीं सीला । चंद्रु ह्मणों पांतां आंकुचला ।
 नीच वाहांतां गंगाजला । काइ पारिसेपण आहे ॥ ८५ ॥

ययावारि तुहीं बोलिलें । हें आहीं नादासि किं रूप देखिलें ।
आजि चंदनतरुचीं फूलें । तुरंबिलीं आहीं ॥ ८६ ॥

श्रीभगवानुवाच ।

हंत ते कथयिष्यामि दिव्या ह्यात्मविभूतयः ।

प्राधान्यतः कुरुश्रेष्ठ नास्त्यतो विस्तरस्य मे ॥ १९ ॥

एया पार्थाचेया बोला । सर्वांगिं कुण्ण डोलला ।

हण्णे भक्तिज्ञानासि जाला । आधार हा ॥ ८७ ॥

ऐसेया प्रीतिकराचेया तोषा आंतु । प्रेमाचा वेगु उपजतु ।

तो सायासैं सावरितु अनंतु । काइ बोले ॥ ८८ ॥

जिया जाणितलेया चि साठीं । आघवें जाणितलें होये किरिटी ।

जें बीज आलेयां मुठी । तंरुं आला चि आहे ॥ ८९ ॥

कां उदाणें हातिं पडिलें । तरि आपैसेया चि सांपडलीं फुलें ।

तेवि देखिलेयां जें देखवलें । विश्व सकल ॥ १९० ॥

ये २० श्लोकां
५८८ श्लोकां

मी पितामहाचा पिता । आठवितां नाठवें चित्ता ।

किं हणतसैं पांडुसुता । भलें केलें ॥ ९१ ॥

अर्जुनातें हण्णे येथ काहीं । आह्मा विस्मो करावेया कारण नाहिं ।

तो आंगें लेंकुरं काइ । न्हवे चि नंदाचें ॥ ९२ ॥

पारि प्रस्तुत हें असो । ऐसैं करवी आवडिचा अतिसो ।

मग हण्णे आइकें गा सांघितसों । धनुधरा ॥ ९३ ॥

तरि तुवां प्रसिलिया जिया विभूति । तेयांचें अपारपण सुभद्रापती ।

जें माक्षिया चि माक्षिये मती । आकलति ना ॥ ९४ ॥

हणौनि कैसा आहे मीं केवढा ।

पाहातां आपणपेया न्हवे चि फुडा ।

एयालागि प्रधान जिया रूढा ।

तिया विभूति आइकें ॥ ९५ ॥

यन्हविं साच चि गा धनुर्दस । नाहें अंतु माझेया विस्तारा ।
पैं गगना ऐसिया अपारा । मज चि माझि असणें ॥ ९६ ॥

अहमात्मा गुडाकेश सर्वभूताशयस्थितः ।

अहमादिश्च मध्यं च भूतानामंत एव च ॥ २० ॥

*आइकें कुटिलालकमस्तका । धनुर्वेद व्यंबका । पाठें व पुत्रदीपिका

मी आत्मा असें एकैका । भूतमात्राचां ठांइ ॥ ९७ ॥

आंतुलीकडे मी चि आहे अंतष्कर्णी ।

बाहीरि माझी चि गवसणी ।

आदि मीं निर्वाणी ।

मध्ये हीं मीं ॥ ९८ ॥

जैसें मेघांसि तळिवारि । एक आकाश चि आंतु बाहिरि ।

आणि आकाश चि जालें अवघारिं । असणेंयासि ॥ ९९ ॥

पाठिं लया जेव्हलि जांति । तेव्हलि आकाश चि होउनि ठांति ।

तेवि आदिस्थितिगति । भूतांसि मीं ॥ २०० ॥

ऐसें बहुवस व्यापकपण । माझे विभूतियोगें जाण ।

तारि जीवाचे करुनि श्रवण । सर्व हीं आइक ॥ १ ॥

हें बोलौनि तो कृपावंतु । ह्याने विष्णु मी आदिया आंतु ।

रवि मियां राखिवंतु । सुप्रभा जो ॥ २ ॥

आदित्यानामहं विष्णुर्ज्योतिषां रविरंशुमान् ।

मरीचिर्मरुतामास्मि नक्षत्राणामहं शशी ॥ २१ ॥

मरुद्रणांचां भार्गि । मरीचि ह्याने मी शार्ङ्गि ।

चंद्रु मी गगन रंगीं । तारांमाझि ॥ ३ ॥

रुद्राणां शंकरश्चास्मि वित्तेशो यक्षरक्षसाम् ।

वसुनां पावकश्चास्मि मेरुः शिखरिणामहम् ॥ २२ ॥

अशेषां हिं रुद्रगणांमाझारि । शंकर जो मी मदनारि ।

तो मीं गा एथ न करीं । आंति काहीं ॥ ४ ॥

यक्षरक्षणं आतु । शंभूचा जो धनवंतु ।
तो कुबेर मी अनंतु । ह्मणता जाला ॥ ९ ॥
आठां वसूमाझारि । पावकु तो मीं अवधारीं ।
शिखराथिलेयां सर्वां उपरि । मेरु तो मीं ॥ ६ ॥

वेदानां सामवेदोऽस्मि देवानामस्मि वासवः ।

इंद्रियाणां मनश्चास्मि भूतानामस्मि चेतना ॥ २३ ॥

वेदांमाशि सामवेदु । तो मी ह्मणे गोविंदु ।
देवांमाशि प्रसिद्धु । महेंदु तो मीं । ॥ ७ ॥
इंद्रियांमाशि अकरावें । मन तें मीं जाणावें ।
भूतांमाशि स्वभावें । चेतना ते मीं ॥ ८ ॥

पुरोधसां च मुख्यं मां विद्धि पार्थ बृहस्पतिम् ।

सेनानीनामहं स्कंदः सरसामस्मि सागरः ॥ २४ ॥

जो स्वर्गसिंहासना साहो । सर्वज्ञते आदिचा ठाओ ।
पुरोहितांमाशि राओ । बृहस्पति मीं ॥ ९ ॥
त्रिभुवनिचेया सेनापती । आंतु स्कंदु तो मी महामती ।
जो हरवीर्ये अग्निसंगति । कृत्तिकां आंतु जाला ॥ २१० ॥
सकलां सरोवरां माझारि जाणसि । समुद्रु तो मीं जलराशि ।
महारिखीं माशि तपोराशि । भृगु तो मीं ॥ ११ ॥

महर्षीणां भृगुरहं गिरामस्येकमक्षरम् ।

यज्ञानां जपयज्ञोऽस्मि स्थावराणां हिमालयः ॥ २५ ॥

अशेषां हीं वाचां । आंतु नडनाचु जेथ सत्याचा ।
तें अक्षर मी वैकुंठिचा । वेल्हालु ह्मणे ॥ १२ ॥
समस्तां हिं यज्ञाचां पैकिं । जपयज्ञु तो मीं इये लोकिं ।
जो कर्मत्यागी कर्मादिकीं । निफजविजे ॥ १३ ॥
स्थावरां गिरिं आंतु । पुण्यपूज्यु जो हिमवंतु ।
तो मीं ह्मणे कांतु । लक्ष्मीयेचा ॥ १४ ॥

अश्वत्थः सर्ववृक्षाणां देवर्षीणां च नारदः ।

गंधर्वाणां चित्ररथः सिद्धानां कपिलो मुनिः ॥ २६ ॥

कल्पद्रुमु हान पारिजातु । गुणै चंदनु पै विख्यातु ।

तन्है वृक्षजातां आंतु । अश्वत्थु तो मीं ॥ १५ ॥

देवर्षीं आंतु पांडवा । नारदु तो मीं जाणावां ।

चित्ररथु तो मीं गंधर्वीं । सकलां माशि ॥ १६ ॥

अशेषां हीं सिद्धां । माशि कपिलाचार्यु प्रबुद्धा ।

तुरंगमां प्रसिद्धां । माशि उच्चैश्रवा तो मीं ॥ १७ ॥

उच्चैःश्रवसमश्वानां विद्धि माममृतोद्भवम् ।

ऐरावतं गर्जेंद्राणां नराणां च नराधिपम् ॥ २७ ॥

राज्यभूषणगजा आंतु । अर्जुना मीं गा ऐरावतु ।

पयोराशि सुमथितु । वियाला जेयातें ॥ १८ ॥

येयां नरा माशि राजा । तो विभूतिविशेषु माझा ।

जेयातें सकललोक प्रजा । होउनि सेविति ॥ १९ ॥

आयुधानामहं वज्र धेनूनामास्मि कामधुक् ।

प्रजनश्चास्मि कंदर्पः सर्पाणामस्मि वासुकिः ॥ २८ ॥

पै अशेषां हिं हातियरां । माशि वज्र तें मीं धनुर्द्धरा ।

जें शतमखोत्तीर्णकरा । हातीं असे ॥ २२० ॥

धेनू मध्ये कामधेनु । ते मीं ह्मणे विश्वेशानु ।

जन्मवितेयां आंतु मदनु । तो मीं चि जाण ॥ २१ ॥

सर्पकुला आंतु अधिष्ठाता । वासुकी तो मीं कुंतीसुता ।

नागां माशि समस्तां । अनंतु तो मीं ॥ २२ ॥

अनंतश्चास्मि नागानां वरुणो यादसामहम् ।

पितृणामर्यमा चास्मि यमः संयमतामहम् ॥ २९ ॥

आगा यादसां आंतु । जो पश्चिमदिशेचा कांतु ।

तो मीं ह्मणे अनंतु । वरुणु तो मीं ॥ २३ ॥

आगा पितृगणां समस्तां । अर्यमा जो पितृदेवता ।
 तो मीं हें तत्वता । पांडुकुमरा ॥ २४ ॥
 आगा जगाचीं शुभाशुभें लिहिति । प्राणांचा उगणां घेंति ।
 मग केल्या अनुरूप देंती । स्वर्गमोक्षु जे ॥ २५ ॥
 तेयां नियमितेयांतु यमु । जो कर्मसाक्षि धर्मु ।
 तो मीं ह्याने रामु । अर्जुनातें ॥ २६ ॥

प्रन्हादश्चास्मि दैत्यानां कालः कलयतामहम् ।

मृगाणां च मृगेंद्रोऽहं वैनतेयश्च पक्षिणाम् ॥ ३० ॥

आगा दैत्यांचां कुली । प्रह्लादु तो मी निहाली ।
 ह्यणौनि द्वेष्यभावादिमली । लीपे चि ना ॥ २७ ॥
 पै कलितेयां माक्षि महाकालु । तो मीं ह्याने गोपालु ।
 स्वापदां आंतु शार्दूलु । तो माझें चि रूप ॥ २८ ॥
 आगा पक्षजातीं माझारि । गरुडु तो मीं अवधारि ।
 ह्यणौनि निभियाचिये पाठीवरी । वाहवें मीं ॥ २९ ॥

पवनः पवतामस्मि रामः शस्त्रभृतामहम् ।

क्षषाणां मकरश्चास्मि स्रोतसामास्मि जान्हवी ॥ ३१ ॥

पृथ्वीचेया पैसारा । माक्षि टाकितेया धनुंदरा ।
 येकें चि उडाणें स्वर्गांतरा । करिति जें कां ॥ २३० ॥
 तेयां वहिलेयां आणि गतिमंतां ।
 आंतु पवनु तो मीं पांडुसुता ।
 शस्त्रधरां समस्तां ।
 माक्षि रामु तो मी ॥ ३१ ॥
 सांकडलेया धर्माचेनि कैवारें । आपणपेयां धनुष करुनि दुसरें ।
 विजयलक्ष्मी एक मोहरें । केलें त्रेंती ॥ ३२ ॥
 पृष्टिं उमें ठाकौनि सुवेलीं । प्रतापें लंकेश्वराचां सिसालीं ।
 गगनीं उदो ह्यणतयां बलि । दीधलीं भूतां ॥ ३३ ॥

पार्थ

जेणें देवांचा मानु साधिला । धर्मासि जीर्णोद्धार केला ।

सूर्यवंशीं उदैला । सूर्यो जो कां ॥ ३४ ॥

तो हातियेरप्रजितेयां आंतु । रामचंद्रु जानकीयेचा कांतु ।

५ आणि मकर मीं + त्रिवंतु । जलचरां माझि ॥ ३५ ॥ मू

पैं समस्तां वोघां । आंतु भागीरथीं गंगा ।

ते जेव्हां गीलिली मग जांघा । फाडूनि दीन्हली ॥ ३६ ॥

जे त्रिभुवनैकसरिता । जान्हवी मीं पांडुसुता ।

जलप्रवाहां समस्तां । माझि जाण ॥ ३७ ॥

सर्गाणामादिरंतश्च मध्यं चैवाहमर्जुन ।

अध्यात्मविद्या विद्यानां वादः प्रवदतामहम् ॥ ३२ ॥

ऐसां वेगलालां सृष्टि पैकिं । विभूति नाम स्तुतिं एकैकिं ।

सगलेनि जन्मसहस्रीं अवलोकीं । परि आर्धिया न्हवति गा ॥ ३८ ॥ ६

आगा आघवीं चिं नक्षत्रें वेंचावीं ।

ऐसी चाड उपजे जीवीं ।

तैं गगनाची बांधावी ।

लोथ जेवि ॥ ३९ ॥

कां पृथ्वीचैयां परमाणू उगाणा घेयावा । भूगोल काखे सुआवा ।

५८३४ तैसां हा विस्तार माझा । तारि जाणावें मातें ॥ ४० ॥

जें शाखा फूल फल । घेऊं पाहिजे सकल ।

तैं उपडूनु मूल । हाति घेये ॥ ४१ ॥

५८४२ तेवि माझे विभूतिविशेष । जाणों पाइजेति अशेष ।

तारि स्वरूप हें निर्दोष । जाणावें माझें ॥ ४२ ॥

यन्हविं वेगलालां विभूतीं । काइएक परियससी केती ।

हणौनि एकीहलां महामती । सर्व मीं जाण ॥ ४३ ॥

मी आघविया सृष्टी । आदिमध्यअंतीं किरीटी ।

उत्तप्रोत पटी । तंतु जैसा ॥ ४४ ॥

एसेया व्यापकां भातें जाणवें । तरि विभूतिभेदां काइ करावें ।

पारि हें तुज योग्य न्हवे । ह्मणौनि असो ॥ ४५ ॥

कां जें तूं माझेया विभूती । ह्मणौनि तिया आइकें सुंभद्रापती ।

तरि विद्यां माझि प्रस्तुतीं । अध्यात्मविद्या मीं ॥ ४६ ॥

आगा बोलतेयाचां ठांडें । वादु तो मीं पाहीं ।

१) सकलें शास्त्रसमेत काहीं । सरेचिना ॥ ४७ ॥

जो निर्वचु करितां वाढे । आइकिलेयां उत्पेक्षे सल चढे ।

जेयावारि बोलतेयांचीं गोढें । बोलणीं होति ॥ ४८ ॥

आ) तैसें पां प्रतिपादितेयां माझि वादु । तो मीं ह्मणे मुकुंदु ।

अक्षरां माझि विशदु । अकारु तो मीं ॥ ४९ ॥

अक्षराणामकारोऽस्मि द्रष्टुः सामासिकस्य च ।

अहमेवाक्षयः कालो धाताहं विश्वतोमुखः ॥ ३३ ॥

समासा माझारि । द्रष्टु तो मीं अवधारीं ।

जो मशका लागौनि ब्रह्मावेन्हीं । प्राप्ती तो मीं ॥ २५० ॥

निराकारि | जो प्रलयतेजा देतां मीठी । सगलेया पवनातें गीलीं किरीटी ।

आकाश जेयाचां पोटीं । सामावलें ॥ ५१ ॥ जेधारा

एसा अपारु जो कां काळु । ती मी ह्मणे लक्ष्मीलीलु ।

एया वारि सृष्टिचा भेलु । सर्जी तो मीं ॥ ५२ ॥

मृत्युः सर्वहरश्चाहमुद्भवश्च भाविष्यताम् ।

कीर्तिः श्रीर्वाक्च नारीणां स्मृतिर्मेधा धृति क्षमा ॥ ३४ ॥

आणि सजिलेयां भूतातें मीं चि धरीं ।

सकलां ही जीवन मी चि अवधारीं ।

शेषिं सकलातें संहारीं ।

तेव्हाळि मृत्यु ही मीं चि ॥ ६१ ॥ ५३१

आतां स्त्रीगणाचां पैकीं । माझिया विभूति सात येकी ।

तरि तेती आइक कवतिकीं । सांघिजति ॥ ५४ ॥

तारि सदा नवी जे कीर्त्ति । ते अर्जुना माझी मूर्त्ति ।
आणि औदार्याची संपत्ति । ते ही मी चि जाण ॥ ५५ ॥
पै स्थैर्यताअनुजिनी । मेघा ते मीं ये जनीं । ॥ ५६ ॥
धृति मी त्रिभुवनीं । क्षमा ते मीं ॥ ५६ ॥
एवं नारीं माझारि । इया सात शक्ती मीं अवधारीं । ॥ ५७ ॥
एसें संसारगजकेसरी । हणता जाला ॥ ५७ ॥

बृहत्साम तथा साम्नां गायत्री छंदसामहम् ।

मासानां मार्गशीर्षोहसृत्नां कुसुमाकरः ॥ ३५ ॥

वेदराशिचेया सामां । आंतु बृहत्साम प्रियोत्तमा ।
तो मीं हणने रमा— । प्राणेश्वर ॥ ५८ ॥
आया गायत्रीछंद जें हणजे । सकल छंदांमाझि जें ।
तें स्वरूप माझें । जाण निभ्रांत ॥ ५९ ॥
मासां आंतु मार्गशिर । तो मीं हणने सारंगधर ।
आंतु कुसुमाकर । वसंतु तो मीं ॥ २६० ॥

धूतं छलयतामस्मि तेजतेजस्विनामहम् ।

जयोऽस्मि व्यवसायोऽस्मि सत्त्वं सत्त्ववतामहम् ॥ ३६ ॥

यां खेलतेयां विंदाणां । माझि धूत मीं विचक्षणा ।
हणौनि चोहटां चोबारा कवणां । वारुं नैये ॥ ६१ ॥
आगा सकलां हिं तेजसां । माझि तेज तें मीं भवसा ।
मीं कार्य उद्देशां । सकलां माझि ॥ ६२ ॥
जेणें चोखालुतीं सन्याउ । तो व्यवसाया आंतु व्यवसाउ । ॥ ६३ ॥
माझें रूप हें हणने राउ । सुरवरांचा ॥ ६३ ॥
सत्वाधिलेयां आंतु । सत्व तें मीं हणने अनंतु ।
यां यादवां आंतु श्रीमंतु । तो मीं जाण पै ॥ ६४ ॥

वृष्णीनां वासुदेवोऽस्मि पांडवानां धनंजयः ।

मुनीनामप्यहं व्यासः कवीनामुशना कविः ॥ ३७ ॥

जो देवकिये वसुदेवातं जाला । कुमारीसाठि गोकुला नेला ।
 प्राण सकटुनि आटिला । पूतनेचा ॥ ६९ ॥
 नुमटतां बालपणाचीं फूली । जेणें मियां अदानवीं सृष्टि केली ।
 करिं गिरिवर धरुनि उमाणिली । महेंद्रमहिमा ॥ ६६ ॥
 कार्लिदियेचें हृदयशत्यु फेडिलें ।
 जेणें मियां जलतें गोकुल राखिलें ।
 वांसुरुवां साठि लाविलें ।
 विरिंची पिसें ॥ ६७ ॥
 प्रथमदशेचिये अटाटे । माझि कंसा ऐसीं अचाटें ।
 महा ढेंढीं अवचटें । लीला चि नाशिलीं ॥ ६८ ॥
 हें काइ एक केती सांघावें । तुवां हिं देखिलें आइकिलें आघवें ।
 तरि यादवां माझि जाणावें । हें चि रूप माझें ॥ ६९ ॥
 आणि सोमवंसिचेयां पांडवां । माझि अर्जुनु तो मीं जाणावा ।
 ह्यणौनि येकमेकाचेयां प्रेमभावां । सल चडतसे ॥ ७० ॥
 मुनी आंतु व्यासु देऊ । तो ह्यणे मीं यादवराऊ ॥ ७१ ॥
 कवि आंतु धैर्या ठाऊ । उशना कवि तो मीं ॥ ७२ ॥

दंडो दमयतामस्मि नीतिरस्मि जिगीषताम् ।

मौनं चैवास्मि गुह्यानां ज्ञानं ज्ञानवतामहम् ॥ ३८ ॥

आगा नियमितेयां माझारि । दंडु मीं अवधारिं ।
 जो मुंगिये लागौनि ब्रह्मावेन्हीं । नीयमीतु असे ॥ ७२ ॥
 पै सारासार निर्द्धारितेयां । धर्मज्ञतेचा पक्षु धरीतेयां ।
 सकलां शास्त्रां माझि येयां । नीतिशास्त्र तें मीं ॥ ७३ ॥
 आघवेयां गूढां । माझि मौन मीं सुहाडा ।
 ह्यणौनि बोलतेया पुढां । स्रष्टा ही नेणु होये ॥ ७४ ॥
 आगा ज्ञानियांचां ठाई । ज्ञान तें मीं पाहीं ।
 आतां असो हें काहीं । पार नेदखों ॥ ७५ ॥

यच्चापि सर्वभूतानां बीजं तदहमर्जुन ।

न तदस्ति विना यत्स्यान्मया भूतं चराचरम् ॥ ३९ ॥

प्राहि पर्जन्याचिया धारां । लेख होईल धनुर्दरा ।

कां पृथ्वीचेया तृणांकुरां । होईल ठी ॥ ७६ ॥

नां तारि महोदधिचेयां तरंगां । व्यवस्था जेविकरुं नैये पै गा ।

तेवि माझेयां वेखां गा । लेख नाहिं ॥ ७७ ॥

ऐसिया पांचसात प्रधाना । विभूती सांघितलिया अर्जुना ।

तो उद्देशु गा मना । आहाचु गमला ॥ ७८ ॥

नांतोऽस्ति मम दिव्यानां विभूतीनां परंतप ।

एष तद्देशतः प्रोक्तो विभूतेर्विस्तरो मया ॥ ४० ॥

एन्हविं विभूति-विस्तारा काहिं । एथ सर्वथा लेख नाहिं ।

हणौनि तूं परियससी काई । आह्मीं सांघों केती ॥ ७९ ॥

एया लागि येकी हेला तुज । दाऊं आतां बर्म निज ।

तारि सर्व भूतांकुरें बीज । विरूढतसे तें मीं ॥ २८० ॥

हणौनि सानें थोर न हणारें । उंच नीच भार सांडारें ।

एकु मी चि ऐसें जाणारें । वस्तुजात तें ॥ ८१ ॥

यद्यद्विभूतिमत्सत्त्वं श्रीमदूर्जितमेव वा ।

तत्तदेवावगच्छ त्वं मम तेजोऽशसंभवम् ॥ ४१ ॥

आतां एया ही वारि साधारण ।

आइक पां आणिकि ही एक खूण ।

तारि अर्जुना तें जाण ।

विभूति माझी ॥ ८२ ॥

जेथ संपत्ति आणि दया । दोन्हीं आलिं असति एका चि ठाया ।

ते ते जाण धनंजया । अंश माझे ॥ ८३ ॥

अथवा एकलें बिंब गगनीं । परि प्रभा फांके जेवि त्रिभुवनीं ।

तैमिं मज येकाची सकल जनीं । आज्ञा पालिजे ॥ ८४ ॥

तेयातें एकलें हें झनं हण्णा । तो निर्द्वनु या भाषा नेणां ।
 काइ कामधेनू सवें उगाणा । चालतसे ॥ ८९ ॥
 तियेतें जेधवां जें जो मागे । तें ते एकसरें प्रसवों लागे ।
 तेवि विभव तेया आंगें । होउनि आलें ॥ ९० ॥
 तेयातें ओलखावेयाची संज्ञा । जे नमस्कारिजेति आज्ञा ।
 ऐसे ते आहाति प्राज्ञा । अवतार आमचे ॥ ९१ ॥
 आणि एक सामान्य विशेष । हें जें जाणणें सदोष ।
 जें मीं चि येकु अशेष । विश्व हें हणौनि ॥ ९२ ॥
 तारि आतां साधारणु आणि चांगु ।
 ऐसा कैसा कल्पावा पां विभागु ।
 बायां चि आपुलिये दीठी वंगु ।
 भेदाचा लावावा ॥ ९३ ॥
 एन्हविं तन्हीं तूप काइसेया गुसलावें ।
 अमृत कां गालुनु आर्धें करावें ।
 हां गा पाउसीं काइ डावे ।
 जेवणें आंग होये ॥ ९४ ॥
 पै सूर्यबिंबासि पोटपाठि । देखतां नाशे आपुली दृष्टि ।
 तेवि माझां स्वरूपिं गोठि । सामान्यविशेष चि ॥ ९५ ॥

अथवा बहुनैतेन किं ज्ञातेन तवार्जुन ।

विष्टभ्याहमिदं कृत्स्नमेकांशेन स्थितो जगत् ॥ ९६ ॥

आणि सिनानां विभूतीं । मज अपारातें मविसी केती ।
 हणौनि सुभद्रापती । असो हें जाणणें ॥ ९७ ॥
 आतां पै माझेनि येकें अंशें । जें हें जग चि व्यापलें असे ।
 एया लागि भेदु सांडी सरिसें । साम्यें भज ॥ ९८ ॥
 ऐसें बुध्वनवसतें । तेणें विरक्तांचेन कातें ।
 बोलिलें श्रीमते । कृष्णदेवें ॥ ९९ ॥

तेथ अर्जुनु ह्मणे स्वामी । येतुलें रहस्यें बोलिलें तुहीं । १
 जें भेदु येकु आणिकु आक्षि । सांडावा तारि ॥ ९५ ॥
 आहो सूर्यु ह्मणे जगातें । हें आंधारें दवडा कां परौतें ।
 तेवि धसालु ह्मणे देवातें । तारि अधिकु जी बोलु ॥ ९६ ॥
 तूजें नाम चि कोणही वेले । जेयांचेया मुखाकानासि मिले ।
 तेयांचेया हृदयातें सांडुनि पवले । भेदु जी हा ॥ ९७ ॥ पळे
 चंद्रबिंबाचां गाभारां । रिगालेयां जरि उबारा ।
 तैसें राभस्यें सारंगधरा । बोला तुहीं ॥ ९८ ॥
 तेथ सवियां चि परि तोखौनि देवें ।
 अर्जुनातें आलिंगिलें जीवें ।
 मग ह्मणे तुवां न कोपावें ।
 आमचेया बोला ॥ ९९ ॥
 आह्मीं तुज भेदाचिया वाहाणीं ।
 सांघीतली जे विभूतीची काहाणी ।
 ते अभेदें अंतष्करणीं ।
 मानली कीं न मने ॥ ३०० ॥
 हें चि पाहावेया लागि । बोलिलों बाहिर सवडिया भंगीं ।
 तव विभूति तुज चांगी । आली बोधा ॥ १ ॥
 तेथ अर्जुनु ह्मणे देवें । हें आपुलें आपण जाणावें ।
 परि देखतसे आघवें । तुवां आरंभलें ॥ २ ॥
 पै राया तो पांडुसुतु । ऐसिये प्रतीतीचा जाला वरैतु ।
 एया संजयाचेया बोला निवातु । धृतराष्ट्र राहे ॥ ३ ॥
 किं संजयो दुखवलेनि अंतष्करणें । ह्मणे नवल नाहें देवें दवडणें ।
 हा आंतु मीं धडसा ह्मणे । तव आंतु ही आंधला ॥ ४ ॥
 परि हें असो आतां तो अर्जुनु । अद्वैताचा वाढवीतसे मानु ।
 किं तेया वरि आनु । धिवंसा मांडला ॥ ५ ॥

हणो हे चि हृदया आंतुली प्रतीती ।
 बाहिरि अवतरो कां डोलेया प्रति ।
 यया चित्ताचां पाउलीं मतीं ।
 उठिती जाली ॥ ६ ॥
 मियां इहीं चि दोहीं डोलां । झोंबावें विश्वरूपा सकला ।
 २१ येवढी हावं देवांगला । हणौनि करी ॥ ७ ॥
 आजि तो कल्पतरूची शाखा । हणौनि वांझौलें न लागति देखां ।
 जें जें येईल तेयाचेया मुखा । तें साच करितसे एरु ॥ ८ ॥
 जो प्रन्हादाचेया बोला । विषयो ही सकल आपण जाला ।
 तो सद्गुरु असे जोडला । किरीटी तेया ॥ ९ ॥
 हणौनि विश्वरूप पूसावेया लागि ।
 पार्थु रिगता होईल कवणी भंगीं ।
 तें सांघिजैल पुढिलिये कथाप्रसंगीं ।
 हणो ज्ञानदेउ निवृत्तिचा दासु ॥ ३१० ॥

ॐ ॥ तत्सदिति श्रीमद्भगवद्गीतासूपनिषत्सु ब्रह्मविद्यायां

योगशास्त्रे श्रीकृष्णार्जुनसंवादे विभूतियोगो

नाम दशमोऽध्यायः ॥

॥ श्रीकृष्णार्पणमस्तु ॥



ज्ञानेश्वरी

अध्याय अकरावा

श्रीगणेशायनमः ॥

आतां एयावारि एकादशीं । कथा आहे दोहों रसि ।
जेथ पार्था विश्वरूपेंसीं । भेटि होइल ॥ १ ॥
जेथ शांताचेया घरा । अद्भुत आला आहे पाहुणोरा ।
आणि येरां हिं रसां पांतिकरां । जाला मानु ॥ २ ॥
बधुघरांचिये मीलणीं । जैसिं बन्हडियां हिं लुगडीं लेणीं ।
तैसें देशिचिये सुखासनीं । मिरवले रस ॥ ३ ॥
पारि शांताद्भुत बरवें । जेथ डोलेयांचा अंजुलि घेयावें ।
जैसे हरिहर प्रेमभावें । आले खेवां ॥ ४ ॥
नातरि अवसेचां दिसीं । भेटलीं दोन्ही भिबें जैसीं ।
तेवि येकवला रसीं । केला जेथ ॥ ५ ॥
मीनले गंगेयमुनेचे उभ । तैसें यां रसांचें जालें प्रयाग ।
हणौनि सुस्नात होत जग । आघवें एथ ॥ ६ ॥
मध्ये गीतासरस्वती गुपित । आणि दोन्ही रस वोघ मूर्त ।
या लागि त्रिवेणी होये उचित । फावलीं बांपां ॥ ७ ॥
एथ श्रवणाचेनि द्वारें । तीर्थ रिगतां सोपारें ।
ज्ञानदेउ हणो दातारें । माझेनि केलें ॥ ८ ॥

तीरें संस्कृताचीं गहनें । तोडूनि मन्हाटिया केलीं शब्दसोपानें ।
रचिलीं धर्मनिधानें । निवृत्तिदेवें ॥ ९ ॥

हणौनि भलेतेणें एथ न्हावें । प्रयागीं साधवीं विश्वरूपातें पाहावें ।
एतुलेनि संसारा देयावें । तिलोदक ॥ १० ॥

हें असो ऐसें सावेव । जेथ सांसिनले आथि रसभाव ।
जेथ श्रवणसुखाची राणिव । जोडली जगा ॥ ११ ॥

जेथ शांताद्भुत रोकडे । आणि एरां रसां पडप जोडे ।
हें अल्प चिं परि उघडें । कैवल्य जेथ ॥ १२ ॥

तो हा अकरावां अध्या३० । देवांचें आपणपें ठेविता ठा३० ।
परि कैसा सदैवांचा रा३० । जें एथ हि पातला ॥ १३ ॥

आदिं अर्जुनु चि काइ हणों पातला ।

आजि हा आवडतेया हि सुकालु जाला ।

जें गीतार्थु हा आला ।

मन्हाटिया ॥ १४ ॥

एया चि लागि आतां माझे । विनविलें तें आइकिजे ।

तरि अवधान आतां दीजे । सज्जनीं तुहीं ॥ १५ ॥

आहो तेविं चि तुह्मां संतांचिये सभे ।

ऐसी सलगि करुं न लभें ।

परि मानावें जी लोभें ।

अपत्या मातें ॥ १६ ॥

आहो पूसा आपण चि पढविजे ।

मग बोले तवं तवं माथा तूकिजे ।

कां करविलेनि चोजें न रिझे ।

बालका माए ॥ १७ ॥

तेवि मी जें जें बोलें । तें प्रभू तुमचें चि केलें ।

हणौनि अवधारिजो आपुलें । आपण देवा ॥ १८ ॥

है सारस्वताचें गोड । तुहीं चि लाविलें जी झाड । क१५
 तारि अवधानामृतें वाड । सिंपौनि कीजो ॥ १९ ॥
 मग हैं रसभावफूलीं फुलैल । नाना फलभारें भरैल ।
 तुमचेनि प्रसादें होइल । उपयोगु जगा ॥ २० ॥
 येया बोला संत रिझले । हणति तोखलों गा भलें केलें ।
 आतां साधैं जें बोलिलें । अर्जुन तेथ ॥ २१ ॥
 तव निवृत्तिदासु हणो । कृष्णा अर्जुनाचें बोलणें ।
 मीं प्राकृतु काइ सांघों जाणें । परि बोलवाल तुहीं ॥ २२ ॥
 आहो रानिचेयां पालेखाइरां । नेवाणें करविलें लंकेश्वरा ।
 एकला अर्जुनु परि अकरा । न जीणे क्षौणी ॥ २३ ॥
 हणौनि समर्थु होये साहाकारी । मान्हवे कैसें सचराचारी ।
 तुहीं संत तियापरीं । बोलवां मातें ॥ २४ ॥
 तारि आतां बोलतसें आइकां । हा गीताअभिप्राउ नीका ।
 जो वैकुण्ठनायका । मुखौनि निगाला ॥ २५ ॥
 बापु ग्रंथु गीता । जो वेदीं प्रतिपाद्य देवता ।
 तो श्रीकृष्णु वक्ता । जिये ग्रंथीं ॥ २६ ॥
 तेथिचें गौरव कैसें वानावें । जें शंभूचिये मतीसि नांगवे ।
 तें आतां नमस्कारिजे जीवें । हैं चि भलें ॥ २७ ॥

अर्जुन उवाच ।

मदनुग्रहाय परमं गुह्यमध्यात्मसंज्ञितम् ।

यत्त्वयोक्तं वचस्तेन मोहोयं विगतो मम ॥ १ ॥

मग आइकां तो किरीटी । घाल्नि विश्वरूपीं दीठि ।

पहिली कैसी गोठि । करिता जाला ॥ २८ ॥

हैं सर्व ही सर्वेश्वर । ऐसा प्रतीतिगतु जो पतिकर ।

तो बाहिरि होआवा गोचर । लोचनांसि ॥ २९ ॥

हे जीवाआंतुली चाड । परि देवा सांगतां सांकड ।
 जें विश्वरूप गूढ । कैसेनि पूसावें ॥ ३० ॥
 हाणे मागां कव्हणें काहीं । जें पढियंतेन पूसिलें नाहीं ।
 तें सहसा कैसें पाहिं । सांघा हाणों ॥ ३१ ॥
 मीं जंन्हीं सलगीचा चांगु । तन्हीं काइ आयिसांहुनि अंतरंगु ।
 परि तियें हीं हा प्रसंगु । पूसों भियालीं ॥ ३२ ॥
 मजासिं स्नेहें कारिति बोली । परि नाहिं गरुडाचेंया येतुली ।
 तो ही सकट हे बोली । करं न शके ॥ ३३ ॥
 मी काये सनकादिकांहुनि आगला ।
 परि ते ही न करिती चि हा चाला ।
 आणि आवडैन काइ प्रेमला ।
 गोकुलिचेयांहुनि ॥ ३४ ॥
 तेयातें लेंकुरपणें झांकविलें । एकांचे गर्भवास साहिले ।
 परि विश्वरूप हें राहविळें । दावि चि ना ॥ ३५ ॥
 हा ठावेवेन्हीं गुज । याचिये अंतरिचें निज ।
 केवि उराउरी मज । पूसों येईल ॥ ३६ ॥
 आणि न पुसों जरि हाणें । तरि सुख न्हवैल अंतष्करणें ।
 मग काइ करावें जीणें । जीउनि आक्षीं ॥ ३७ ॥
 हाणौनि पूसों आतां अलुमालु ऐसें । मग करं देवां ठाके तैसें ।
 एणें प्रवृत्तला साध्वसें । पार्थु बोलों ॥ ३८ ॥
 परि तें चि ऐसेनि भावें । जें येकां दो उत्तरांसवें ।
 दावी विश्वरूप आवबें । झाडा देउनि ॥ ३९ ॥
 जैसें वांसरं देखिलेयां दीठी । धेनु खडपडौनि मोहें उठी ।
 मग स्तनामुखाचिये भेटी । काइ पान्हा धरे ॥ ४० ॥
 तैसा पांडवाचेनि नावें । जो कृष्णु रानी येका धावें ।
 तेयातें जवं अर्जुनें पूसावें । तवं साहील काई ॥ ४१ ॥

तो साहाजें स्नेहाचें अवतरण । आणि येरु स्नेहा घातलें माजवण ।
 ऐसिये मिलणी वेगलेपण । उरें हें चि बहु ॥ ४२ ॥
 हणौनि अर्जुनाचेया बोला सरिसा ।
 देउ विश्वरूप होईल आपैसा ।
 तो चि पहिला प्रसंगु कैसा ।
 आइकिजो तरि ॥ ४३ ॥
 मग पार्थु देवातें हणो । जें तुहीं मजकारणें ।
 वाच्य केलें बोलणें । कृपानिधी ॥ ४४ ॥
 जें महाभूतें ब्रह्मी आटति । जीव महदादिचे ठाये फीटति ।
 तें देउ होउनि जें ठांति । तें विसंवणें शेषिचें ॥ ४५ ॥
 होंतें हृदयाचां परीवरीं । रोविलें कृपणाचिया परीं ।
 शब्दब्रह्मासीं चोरी । जेयाची केली ॥ ४६ ॥
 तें तुहीं जी आपुलें । मज पुढां हियें फोडिलें ।
 जें अध्यात्म बोवाळिलें । ऐश्वर्य हरें ॥ ४७ ॥
 ते वस्तु मज स्वामी । एकोहेला दीधली तुहीं ।
 हें बोलें हणतों तरि आहीं । तूं पाहूनि कैचें ॥ ४८ ॥
 परि साच चि मोहाचां महापुरीं । बुडालेयां देखौनि सीसवेन्हीं ।
 तूं आपणपें घातलें हरी । मग काढिलें मातें ॥ ४९ ॥
 एकु तूंवांचूनि काहिं । विश्वि दूजेयाची भाष नाहिं ।
 किं आमचें कर्म पाहीं । जें आक्षिं आधि हणों ॥ ५० ॥
 मीं जगीं येकु अर्जुनु । ऐसा देहिं बांधें अभिमानु ।
 आणि कौरवांतें यां स्वजनु । आपुला हणें ॥ ५१ ॥
 या ही वरि यातें मीं मारीन । तेणें पापें कांड करीन ।
 ऐसें देखतु होंतां दुस्वप्न । तो चेवविलां तुहीं ॥ ५२ ॥
 देवा गंधर्वनगरां वसती । टाकुनु गेलेयां लक्ष्मीपती ।
 होंतां उदकाचिया आर्त्ती । रोहिणी पीतु ॥ ५३ ॥

जी कीडरं तरि कापडाचें । पारि लाहरी येत होती साचें ।
 ऐसेनि बायां मरतेया जीविताचें । श्रेय तुवां घेतलें ॥ ५४ ॥
 आपुलें बिंब नेदखतां । सिंधु कुहां घालील देखों आतां ।
 ऐसा धरिजे तेवि अनंता । राखिलें मातें ॥ ५५ ॥
 यन्हविं तरि माझा एतुले वेन्हीं । येथ निश्चयो होता अवधारीं ।
 जें आतां चि सातें सागरीं । एकवाट मिलिजो ॥ ५६ ॥
 हें युग चि आघवें बुडावें । वारि आकाश ही तूटौनि पडावें ।
 पारि जूझणें मज नोहावें । गोत्रेंसि पै ॥ ५७ ॥
 एसिया अहंकाराचिया वाढी । मियां आग्रहजलिं दिधली बुडी ।
 चांग चि जवला तूं यन्हविं काढी । कोण मातें ॥ ५८ ॥
 नाथिलें आपणपें येक मानिलें ।
 आणि न्हवतेया नावं गोत्र ठेविलें ।
 थोर पिसें होतें लागलें ।
 पारि राक्षसां तुझीं ॥ ५९ ॥
 मागां जलत काढिलों जौहरीं ।
 तैं तें देहासी चिं भय अवधारीं ।
 आतां हे जौहरवाहर दुसरी ।
 चैतन्या सकट ॥ ६० ॥
 दुराग्रहें हिरण्याक्षें । माझि बुद्धि सूदली कक्षे ।
 मग मोहार्णवगवाक्षें । रिगौनि ठेला ॥ ६१ ॥
 एथ तूझेनि गोसांविपणें । येकोल बुद्धीचेया ठाया येणें ।
 हें दुसरें वराहो होणें । पडिलें तुज ॥ ६२ ॥
 ऐसें ऐसें अपार तूजें केलें । एकी वाचा मीं काडि बोलें ।
 पारि जें पांचै पालव मोकलिले । मजप्रति ॥ ६३ ॥
 तें काहीं न वचे चि बायां । भलें यश फावलें देवराया ।
 जें साद्यंतां माया । निरसिली आजी ॥ ६४ ॥

जी आनंदसरोवरिचीं कमलें । तैसे हे तूझे डोले ।
आपुलेया प्रसादाचीं राउलें । जेया लागि करिति ॥ ६५ ॥

हां हो तेंया ही आणि मोहाची भेटी ।
हे काइसी जी पाबली गोठी । १ आपुली
केउति मृगजलें वृष्टि ।

वडवानलेंसीं ॥ ६६ ॥

आणि मी तवं दातारा । इये कृपेचां रिघौनि गाभारां ।
घेतसैं चारा । ब्रह्मरसाचा ॥ ६७ ॥

तेणें माझा जी मोहो जाए । एथ विस्मो काइ आहे ।
परि उद्धरलां तूझे पाए । सितले आथि ॥ ६८ ॥

भवान्ययौ हि भूतानां श्रुतौ विस्तरशो मया ।

त्वत्तः कमलपत्राक्ष माहात्म्यपि चाव्ययम् ॥ २ ॥

पैं कमलायतन डोलसा । सूर्यकोटितेजसा ।
मियां तुज पासौनि महेशा । परिसिलें आजि ॥ ६९ ॥ हत
इयें भूतें जेया परीं होंति । अथवा लया हान जांति ।
ते मज पुढें प्रकृति । विवंचिली देवें ॥ ७० ॥
आणि प्रकृती कीर उगाणा दीन्हला । १
परि पुरुषाचा ही ठाऊ फेडिला ।
जेयाचा महिमा पांगुरौनि जाळा ।
धडौता वेदु ॥ ७१ ॥

कां शब्दराशि वाढे जिये । कां धर्मी ऐसेयां रत्नातें विये ।
तें तेथिचिये प्रभेचे पाए । उलगे हणौनि ॥ ७२ ॥
ऐसें अगाध माहात्म । जें सकल मार्गा एकगम्य ।
जें स्वयं आत्मानुभवरम्य । तें इयापरीं दाविलें ॥ ७३ ॥
जैसा केरु फीटलेयां अभालीं । दीठि रिगे सूर्यमंडलीं ।
कां हातें सारुनि बाबुली । जल देखिजे ॥ ७४ ॥ ८

चे नां तरि उकलतेयां सापांचा वेढे । जैसैं चंदना खेवं देणें घडे ।
 अथवा विवसी पळे मग चडे । निधान हाता ॥ ७५ ॥
 १०५॥१०५॥ तैसी प्रकृति हे आड होंती । ते देवें चि सारुनि केली परौती ।
 मग परतत्व माझिये मती । सेजार केलें ॥ ७६ ॥
 ह्मणौनि इयें विखिंचा मज देवा । प्रत्यो घडला माझेया जीवा ।
 परि आणिकु येकु हेवा । उपजतु असे ॥ ७७ ॥
 तो भिडा जरि ह्मणों राहों । तरि आणिक कवणा सांघों जाऊं ।
 काइ तुज बांचूनि ठाऊं । आणिकु असे ॥ ७८ ॥
 जलचर जलाचा आभार धरी ।
 बालक स्तनपानीं उपरोधी करी ।
 तरि तेयासि जियावेया हरी ।
 उपाऊं आणिकु असे ॥ ७९ ॥
 ह्मणौनि भिड सांकडि न धरवे । आवडे ते तुज पुढां बोलावें ।
 तव राहे ह्मणितलें देवें । चाड सांघें ॥ ८० ॥

एवमेतद्यथा त्वमात्मानं परमेश्वर ।

द्रष्टुमिच्छामि ते रूपमैश्वरं पुरुषोत्तम ॥ ३ ॥

मग बोलिला तो किरीटी । ह्मणे तुझीं जे केली गोठि ।
 तिचे प्रतीति दिठी । निवाली माझी ॥ ८१ ॥
 आतां जेयाचेनि संकल्पें । हे लोकपरंपरा आरोपे ।
 जेया ठायतें आपणपें । मीं गा ह्मणसी ॥ ८२ ॥
 जें मूलस्वरूप तूजें । जेथौनि इयें द्विभुजें चतुर्भुजें ।
 सोआंगें सुरकार्याचेनि व्याजें । घेऊं घेऊं येसि ॥ ८३ ॥
 जलसेनाचिया गवसणियां । मछ कूर्मु इया मिरवणियां ।
 खेळ सरलेयां तुं गुणियां । सांटविसि जेथें ॥ ८४ ॥
 उपनिषदें जें गाति । योगिये हृदयं रिगौनि पांति ।
 जेयातें सनकादिक आहाति । पोढळनियां ॥ ८५ ॥

ऐसे अगाध जें तूझें । विश्वरूप कानीं आइकिजे ।
 तें देखावेया चित्त माझें । उताविल देवा ॥ ८६ ॥
 देवें फेडूनियां सांकड । लोभें घूसिली जरि चाड ।
 तरि हें चि एक वाड । आर्त जी मज ॥ ८७ ॥
 तूझें विश्वरूप आघवें । माझिये दीठीसि गोचर होआवें ।
 ऐसी थोर आश जीवें । घेतली असे ॥ ८८ ॥

मन्यसे यदि तच्छक्यं मया द्रष्टुमिति प्रभो ।
 योगेश्वर ततो मे त्वं दर्शयात्मानमन्ययम् ॥ ४ ॥

पण एथ आणिक एक शारंगी ।
 तुज विश्वरूपातें देखावेया लागि ।
 योग्यता माझां आंगीं ।
 असे किं नाहिं ॥ ८९ ॥
 हें आपुलें आपण मीं नेणें । तें कां नेणासि जरि देऊ ह्याणे ।
 तरि सरोगु काड जाणे । निदान रोगाचें ॥ ९० ॥
 आणि आर्तिचेंनि पडिभरें । आर्तु आपुली टाकि पां विसरे ।
 जैसा तान्हैला ह्याणे न पुरे । समुद्र हा मज ॥ ९१ ॥
 ऐसी सचाडपणाचिया भूली ।
 न संभाली सवियां समस्या आपुली । समेक्षा
 यया लागि योग्यता माउली ।
 बालाची जाणे ॥ ९२ ॥
 तेया परि जनार्दना । विचारिजो माझी संभावना ।
 मग विश्वरूपदर्शना । उपक्रमु किजो ॥ ९३ ॥ जाणा
 तरि तैसी ते कृपा करा । एन्हविं न्हवे ह्याणां अवधारां ।
 बायां चि पंचमालापें बधिरां । सुख केउतें देणें ॥ ९४ ॥

एन्हविं एकलेया बापैयाचिये तूषे ।

मेघु जगा पुरते काइ न वरिखे ।

परि ते ही वृष्टि उपखे ।

जोरि खडकां वारि होए ॥ ९५ ॥

चकोरां चंद्रामृत फावले । एरां आणवाउनि काइ वारिले ।

परि डोळां विण पाहाले । वायां चि जाए ॥ ९६ ॥

हणौनु विश्वरूप तूं सहसा । दाविसी किरु भरवसां ।

२ जें कां कडाडां आणि गहिंसासा । नीच नवा तूं किं ॥ ९७ ॥

तूझे औदार्य जाणों स्वतंत्र । देतां न हणसि पात्रापात्र ।

न्हवे कैवल्य ऐसें पवित्र । बैरियां दीन्हले ॥ ९८ ॥

मोक्ष दुराराध्यु किरु होये । परि तो ही आराधी तूझे पाये ।

हणौनि धाडिसी तेथ जाये । पाइकु जैसा ॥ ९९ ॥

तुवां सनकादिकांचेनि मानें । सायुजीं सौरसु केला पूतने ।

जें विषाचेनि स्तनपानें । रुसली तुज ॥ १०० ॥

हां गा राजसूयाचां सभासदीं । देखतां त्रिभुवनिची मांदी ।

कैसा शतधा दुर्वादीं । निस्तेजिलासि ॥ १ ॥

किं तुवां तेया शिशुपाला । आपणपां ठाऊ दीधला गोपाला ।

आणि उत्तानचरणाचेया बाला । काइ ध्रुवपदे चाड ॥ २ ॥

तो वना आला या चि लागी । जें बैसावे पितेयाचां उत्सर्गी ।

१६ किं सूर्यादिकां लागीं । परि लिंगु जाला ॥ ३ ॥

ऐसा वनवासियां वश्यु जाला । देतां कवतिकिं तूं चि वेल्हाला ।

४ = पुत्र पाहातां अजमीला । परत्वानेसी मां ॥ ४ ॥

जेणें उरीं हालासि पांपरा । तेयाचे विनठ बाहासि दातारा ।

अशुनि बैरियाचियां कलेवरा । विसंबसि ना ॥ ५ ॥

ऐसा अपकारियां तूझा उपकार । तूं अपात्रीं हीं उदार ।

दे दान हणौनि दारवठेकार । जालासि बलिचा ॥ ६ ॥

तूतें आराधितां नाइकें । होंतीं राउवें बोलाविति कवतिकें ।
 तिये वैकुंठीं तुवां गणिके । सुरवाडु केला ॥ ७ ॥
 ऐसी पाहों पाहों वायाणीं मीसें ।
 लागसि आपणपें देउं वानिवसें ।
 तो तूं कां अनारिसें ।
 मज लागीं करिसी ॥ ८ ॥
 हां गा दुभतेयाचेनि पवाडें । जे जगाचे फेडी सांकडें ।
 तिये कामधेनूचे पाडे । भूखेले ठांति ॥ ९ ॥
 ह्यणौनि विनविलें मियां काहीं ।
 तें देउं न दखविति हें किर नाहिं ।
 पारि देखावेया पाहीं ।
 पात्रता मज ॥ ११० ॥
 तूझे विश्वरूप आकले । ऐसें करावें गोपालें ।
 तरी चि आर्त्तिचे डोहोले । पुरती देवा ॥ ११ ॥
 ऐसी ठायेंठाउं विनती । जवं करूं सरैली सुभद्रापती ।
 तव तेया षड्गुणचक्रवर्ती । साहवे चि ना ॥ १२ ॥

श्रीभगवानुवाच ।

पश्य मे पार्थ रूपाणि शतशोऽथ सहस्रशः ।
 नानाविधानि दिव्यानि नानावर्णाकृतीनि च ॥ ५ ॥
 तो कृपापीयूष सजल । आणि येरु जवला आला वरिषाकाल ।
 नाना कृष्णु तो कोकिल । अर्जुनु वसंतु होए ॥ १३ ॥
 ह्यणौनि चंद्रबिंब वाटुलें । देखौनि क्षीरसागर उचुंबले ।
 तैसा दुणे ही वारि प्रेमबलें । उल्हासितु जाला ॥ १४ ॥
 मग तिये प्रसन्नतेचेनि आटोपें । गाजौनि ह्यणितलें सकृपें ।
 पार्था देख उमपें । रूपें माझीं ॥ १५ ॥

एक चि विश्वरूप देखावें । ऐसा मनोरथु केला पांडवें ।
 किं विश्वरूपमय आघवें । करुनि घातलें ॥ १६ ॥
 बापु उदारु देऊ अपरिमितु । याचक सवे सदोदितु ।
 आहेंसें सहस्र वरि देतु । सर्वस्व आपुलें ॥ १७ ॥
 आहो शेषाचे डोले चोरिले । वेद जेया लागिं झांकविले ।
 लक्ष्मीये ही पारि राहिलें । जिन्हार जें ॥ १८ ॥
 तें आतां प्रकटूनियां अनेकधा । करीत विश्वरूपदर्शनाचा धोंधा ।
 बापु भाग्या अगाधा । पार्थाचेया ॥ १९ ॥
 जो जागतां स्वप्नावस्थे जाए । तो जेवि स्वप्निचें आघवें चि होए ।
 तें चि अनंत ब्रह्मकटाहो आहे । जें आपण जाला ॥ १२० ॥
 ते चि सहसा मुद्रा सोडिली । जा
 आणि हे स्थूल दृष्टिची जवनीक फेडिली ।
 किंबहुना उघडिली ।
 योगनिधि ॥ २१ ॥
 पारि हा देखेल किं नाहिं । ऐसी से चि न करी काहिं ।
 एकसरा ह्मणतसे पाही । ज्ञेहातुरु ॥ २२ ॥
 अर्जुना तुवां एक दावा ह्मणितलें ।
 आणि तें चि दाउं तरि काइ दाविलें ।
 आतां देखें आघवें भरलें ।
 माझां चि रूपीं ॥ २३ ॥
 एके कृशें एके स्थूलें । एके ह्रस्वें एके विशालें ।
 एके खुर्जी एके सरलें । अप्रातें एके ॥ २४ ॥
 एके अनावरें प्रांजलें । सव्यापारें येके निश्चलें ।
 उदासिनें स्नेहालें । तीव्रें एके ॥ २५ ॥
 एके घूर्णितें सावधें । आसलें एके अगाधें ।
 उदारें अतिबद्धें । क्रुद्धें येके ॥ २६ ॥

एकें शांतें सदमदें । स्तब्धें एकें सानदें ।
 गर्जतें एकें निःशब्दें । सौम्यें एकें ॥ २७ ॥
 एकें साभिलाषें विरक्तें । उन्निद्रें एकें निद्रितें ।
 पारि तुष्टें आत्तें । प्रसन्नें एकें ॥ २८ ॥
 एकें सुप्रजितें सशस्त्रें । संगायिलीं स्वतंत्रें ।
 रौद्रें अति मैत्रें । लयस्थें एकें ॥ २९ ॥
 एकें जनलीलाविलासें । एकें पालनशीलें लालसें ।
 एकें संहारकें सावेशें । साक्षिभूतें ॥ ३० ॥
 एवं नानाविधें पारि बहुवर्से । आणि दिव्यतेजप्रकाशें ।
 तेविं चिं येक येका ऐसें । वर्णिं हिं नव्हे ॥ ३१ ॥
 एकें तातलें साडपन्हरे । तैसिं कपिलवर्णें अपारें ।
 एकें सरागें जैसिं सेंदुरें । डवरलें नभ ॥ ३२ ॥
 एकें सवियां चि चुलकिं ।
 जैसें ब्रह्मकटाह खेवणिलें माणिकिं ।
 एकें अरुणोदया सारखीं ।
 कुंकुमवर्णें ॥ ३३ ॥
 एकें शुद्ध स्फटिकें सहोजलें । एकें इंद्रनीलसुनीलें ।
 एकें अंजनवर्ण सकालें । कृष्णवर्णें एकें ॥ ३४ ॥
 लहासत कांचन पीवलें । एकें नवजलदश्यामलें ।
 एकें चापेगोरिं केवलें । हरितें एकें ॥ ३५ ॥
 एकें तप्तताम्रतांबडीं । एकें श्वेतचंद्रचोखडीं ।
 ऐसीं नाना वर्णें रूपडीं । देख माक्षि ॥ ३६ ॥
 हे जैसे कां नाना वर्ण । तैसैं प्रकृतीं अनारिसेपण ।
 लोकां कंदर्प रिगाला शरण । तैसिं सुंदरें रूपें ॥ ३७ ॥
 एकें आयें लावण्यसाकारें । एकें देख अति मनोहरें ।
 श्रिंगारश्रियेचीं भांडारें । उघडिलीं जैसीं ॥ ३८ ॥

एकें पीनावयव मांसले । एकें सुघोरें अति कराळें ।
 एके दीर्घें कांतिविमलें । विकटें एकें ॥ ३९ ॥
 एवं नाना विधा आकृती । या पांहातां पार नाहिं सुभद्रापती ।
 यांचां एकीं आंगप्रांतीं । देख पां जग ॥ १४० ॥

पश्यादित्यान्वसून्द्रानश्विनौ मरुतस्तथा ।

बहून्यदृष्टपूर्वाणि पश्याश्चर्याणि भारत ॥ ६ ॥

जेथ उन्मीलन होतसे दीठी । तेथ पसरत आदित्यांचिया भृष्टी ।
 पुडुतीं निमिलिणी मीठी । देंट आहाति ॥ ४१ ॥
 वृदनाचिये वाफे सर्वे । होत ज्वालाभय आवर्वे ।
 तेथ पावकादिक पावे । समूह वस्तूचें ॥ ४२ ॥
 आणि भ्रूलतांचे सेवट । कोपें मीळें पांत येकवट ।
 तेथ रुद्रगणाचे संघाट । अवतरत देखां ॥ ४३ ॥
 पै सौम्यतेचा बोलावा । मीति नेणिजे अश्विनौ देवां ।
 श्रोत्रिं होत पांडवा । अनेक वायु ॥ ४४ ॥
 या परीं एकैकाचिये लीले । जन्मतें मुरसिद्धांचिं कुलें ।
 ऐसिं अपारें आणि विशालें । रूपें ये पाहे ॥ ४५ ॥
 जेयातें सांघावेया बिंदु बोवडे । पाहावेया कालाचें आयुष्य तोकडें ।
 धात्रेया ही परि न संपडे । ठायो जेयांचा ॥ ४६ ॥
 जेयातें देवत्रयी कहिं नाइके । तिये इयें देख अनेकें ।
 भोगिं आश्चर्याची कवतिकें । महासिद्धी ॥ ४७ ॥

इहैकस्थं जगत्कृत्स्नं पश्याद्य सचराचरम् ।

मम देहे गुडाकेश अच्चान्यदृष्टुमिच्छसि ॥ ७ ॥

इयां मूर्तिचां किरीटी । रोममूलीं देख पां श्रृष्टि ।
 पर्वति तरुतलवटी । तृणांकुर जैसे ॥ ४८ ॥
 आणि वातायनीं आकाशें । उडत परमाणु दीसति जैसे ।
 भ्रमत ब्रह्मकटाह तैसे । अवैवसंधी ॥ ४९ ॥

एथ एकी चि प्रदेशीं । विश्व देख पां विस्तरौसिं ।
 आणि विश्वा परौतें मानसिं । देखावें वर्ते ॥ १५० ॥
 पारि ते ही विषिचें काहिं । एथ सर्वथा सांकडें नाहिं ।
 सुखें आवडे तें माझां देहीं । देखसील तूं ॥ ५१ ॥
 ऐसें विश्वमूर्ती तेणें । बोलिलें कारुण्यपूर्णें ।
 तव देखतु आहे कां न ह्मणे । निवांतू चि एरु ॥ ५२ ॥
 एथ तें काड पां हा उगला । ऐसा कृष्णें येवि पाहिला ।
 तव आर्त्तिचें लेणें लेइला । तैसा चि आहे ॥ ५३ ॥

न तु मां शक्यसे द्रष्टुमनेनैव स्वचक्षुषा ।
 दिव्यं ददामि ते चक्षुः पश्य मे योगमैश्वरम् ॥ ८ ॥

मग ह्मणे उत्कंठें उ० हट्टु न पडे ।
 आझूडं सुखाचि सोय न संपडे ।
 १) पारि दाविलें तें फुडें ।
 नाकले चि येया ॥ ५४ ॥
 ऐसें बोलौनि दे० हांसिले । कां गा देखणेयां ह्मणितलें ।
 आझीं विश्वरूप तारि दाखविलें । पारि नेदखसि तूं ॥ ५५ ॥
 यया बोला एरें विचक्षणें । ह्मणितलें हां जी तें कवणासि उणें ।
 तुझीं बकाकरवि चांदिणें । चरौ पाहा ॥ ५६ ॥
 हां हो उट्टूनिया आरिसा । आंधलेया पुढें दाखउं बैसा ।
 २) ना बहिरीसि ह्मणीकेशा । गाणें केउतें ॥ ५७ ॥
 मकरंदकणाचा चारा । घालुं जांतां दर्दूरा ।
 वायां धाडा मग सारंगधरा । कोपा कवणां ॥ ५८ ॥
 जें अतींद्रिय ह्मणौनि व्यवस्थलें । केवल ज्ञानें दिष्टिचेया भागा फीटलें ।
 ते तुझीं चर्मचक्षू पुढां सुदलें । मग कैसेनि देखों ॥ ५९ ॥
 पारि तें तुमचें उणें न बोलवें । मीं चि साहें तें बरवें ।
 एथ आथि ह्मणितलें देवें । मानू बापा ॥ १६० ॥

साच चि विश्वरूप आहीं दावावें ।
 तरि आधि देखावेया सामर्थ्य देयावें ।
 परि तुज बोवांतां हिं प्रेमभावे ।
 घसाल गेलों ॥ ६१ ॥
 काइ जालें न व्हातां भूमि पेरिजे ।
 तरि तो वेलु किर सिक्किलेयां जाइजे ।
 आतां माझें निज देखिजें ।
 ते दृष्टि देऊं ॥ ६२ ॥
 मग तेया दृष्टी पांडवा । आमचा ऐश्वर्ययोग आघवा ।
 देखौनियां अनुभवा । माझिवडा करीं ॥ ६३ ॥
 ऐसें वेदांतवेद्यें । सकललोकआद्यें ।
 बोलिलें आराध्यें । जगाचेनि ॥ ६४ ॥

संजय उवाच ॥

एवमुक्त्वा ततो राजन् महायोगेश्वरो हारिः ।
 दर्शयामास पार्थाय परमं रूपमैश्वरम् ॥ ९ ॥
 पै कौरवकुलचक्रवर्ती । मज हा चि विस्मो पुडुतीं पुडुतीं ।
 जें श्रियेहूनि त्रिजगतीं । सदैवं असे कवण ॥ ६५ ॥
 ना तरि खुणेचें वानावेया लागि ।
 श्रुती वांचूनि दावा पां जगीं ।
 ना तरि सेवकपण आंगीं ।
 शेषाचां असे ॥ ६६ ॥
 हां हो याचेनि हिं सोसें । सीणति आठै पांहार योगिये जैसें ।
 अनुसरलें गरुडा ऐसें । कोणहीं आहे ॥ ६७ ॥
 परि तें आघवें चि एकीकडे ठेलें । सांपें कृष्णसुखा एकदरें जालें ।
 जियें देउनि कां जन्मले । पांडव हे ॥ ६८ ॥

पारि पांचां हिं आंतुं अर्जुनां । कृष्णु सविद्यां चि जाला अधीना ।
 कामिकु जैसा अंगना । आपैता कांजे ॥ ६९ ॥
 पढविलें पांखिरं ऐसें न वोलें ।
 या परीं क्रीडाभृगु हि संदे न चले ।
 कैसें दैवं एथ सुरवाडलें ।
 तें जाणवेना ॥ १७० ॥
 आजि परब्रह्म हें सावलें । भोगावया सदैवाचे डोले ।
 कां वाचेचे हान लले । पालित कैसें ॥ ७१ ॥
 हा कोपे तरि निवांतु साहे । हा रुसे तरि बुझावितु जाये ।
 नवल पीसें लागलें आहे । पार्थाचें कृष्णां ॥ ७२ ॥
 या येन्हांविं विषो जीणौनि जन्मले । जे शुक्रदेवादिक दादुले ।
 ते विषो चि वाणिते जाले । भाट येयाचे ॥ ७३ ॥
 हा योगियांचें समाधिधन । किं होउनि ठेला पार्थाधीन ।
 यया लागि विस्मो माझे मन । करितसे राया ॥ ७४ ॥
 तोविं चि संजयो ह्मणे काइसा । विस्मो एथ कौरवेशा ।
 कृष्णें स्वीकरिजे तेया आपैसा । भाग्यउदो होए ॥ ७५ ॥
 मग ह्मणे देवांचा राउ । आतां पार्था तुज ते दृष्टि देउ ।
 जिया विश्वरूपाचा ठाउ । देखसी तूं ॥ ७६ ॥
 ऐसिं श्रीमुखौनि अक्षरें । निगति ना जवं एकसरें ।
 तवं अविद्येचें आंधारें । निगौनि गेलें ॥ ७७ ॥
 मग दिव्य चक्षु प्रकटला । तें ज्ञानदृष्टी पाटा फूटला ।
 या परीं दाखविता जाला । ऐश्वर्य आपुलें ॥ ७८ ॥
 हे अवतार जे सकल । ते जिये समुद्रिचे कां कळोले ।
 विश्व हें मृगजल । जेयां रंभीतिव दीसे ॥ ७९ ॥ स्त
 जिये अनादि भूमिके नीटे । चराचर हें चित्र उमटे ।
 ते तें आपणपें वैकुण्ठें । दाविलें तेया ॥ १८० ॥

मागां बालपणें एणें श्रीपती । जे वेलु एकु खादली माती ।
 तें कोपौनियां हातीं । यशोदा धारिला ॥ ८१ ॥
 मग भेण भेण जैसें । मुखींचा झाडा देयावेयाचेनि मीसें ।
 चौदा ही भुवनें अवकाशें । दाविलीं तियें ॥ ८२ ॥
 नां तारि मधुवनीं धृवासि केलें । जैसें कपोल शंकें सितलें ।
 आणि वेदांचियें ही मती ठेलें । तें लागला बोलें ॥ ८३ ॥
 तैसा अनुग्रहो पै राया । श्रीहरी केला धनंजया ।
 आतां कवणी कडे माया । ऐसी भाष नेणे तो ॥ ८४ ॥
 एकसरें ऐश्वर्यतेजें पाहलें । तेया चमत्कारातव एकार्णव जालें ।
 चित्त समर्जी बुडालें । विस्मयाचां ॥ ८५ ॥
 जैसा आग्रहपूर्णोदकिं । पन्हे मार्कंडेयो एकाएकी ।
 तैसा विश्वरूपीं कवतिकीं । पार्थु लोले ॥ ८६ ॥
 ह्मणे केवढें गगन एथें होतें । तें कवणें नेलें पां परातें ।
 तियें चराचरें महाभूतें । काइ पां जालीं ॥ ८७ ॥
 दिशांचे ठाये हारपले । अधोर्ध्व काइ नेणों जालें ।
 चेडलेयां स्वप्न गेलें । लोकाकार ॥ ८८ ॥
 नाना सूर्यतेजप्रतापें । चंद्रु तारांगण जैसिं लोपे ।
 तैसिं गीलिलीं विश्वरूपें । प्रपंचौनि ॥ ८९ ॥
 तेंहलि मनासि मनपण न स्फुरे । बुद्धिसि आपणपें न संवरे ।
 इंद्रियांचे रश्मि माघारे । हृदय वेन्हीं भरले ॥ ९० ॥
 तेथ तटस्था तटस्थ पडिलें । ठकासि ठक मांडलें ।
 जैसें मोहनाख्र घातलें । विचारजातां ॥ ९१ ॥
 तैसां विस्मितु पाहे कोडे । तव पुढां चतुर्भुज होतें रूपडें ।
 तें चि नानारूप चौहीं कडे । मांडौनि ठेलें ॥ ९२ ॥

अनेकवक्त्रनयनमनेकाद्भुतदर्शनम् ।

अनेकदिव्याभरणं दिव्यानेकोद्यतायुधम् ॥ १० ॥

जैसे वरिखाकालिचें मेहुडें । कां महाप्रलङ्घचें तेज जेव्हडें ।
 तैसें आपणेनि विण कव्हणी कडे । नेदी चि उरों ॥ ९३ ॥
 मग देखे तेथ सैध वदनें । जैसिं रमणिकाचीं राजभुवनें ।
 नाना प्रकटलीं निधानें । लावण्यांचीं ॥ ९४ ॥
 किं आनंदाचिं वनें सांसिनलीं । जैसी सौंदर्या राणीव जोडली ।
 तैसिं मनोहरें देखिळीं । हरिवक्त्रें तेणें ॥ ९५ ॥
 तेया हि माजि एकैकें । सवियां चि भयानकें ।
 कालरात्रीचीं कटकें । उठावलीं जैसीं ॥ ९६ ॥
 किं तियें मरणासी चि मुखें जालीं ।
 नां तरि भयाचिं दुर्गे पानासिलीं ।
 महाकुंडें उघडिलीं ।
 प्रलयानलाचीं ॥ ९७ ॥
 तैसिं अद्भुतें भयासुरें । तेथ वदनें देखिलीं बीरें ।
 आणिकें हीं साधारणें साकारें । सौम्यें हिं बहुते ॥ ९८ ॥
 पै ज्ञानदृष्टीचेनि अवलोकें । परि वदनाचा सेवटु न टके ।
 मग लोचन ते कवतिकें । लागला पाहों ॥ ९९ ॥
 तव नानावर्णें कमलवनें । विकाशालिं तैसिं अर्जुनें ।
 डोलां देखिलीं पालिंगणें । आदित्यांचिं जैसिं ॥ २०० ॥
 तेथ कृष्णमेघांचिया झांटी । माझि कल्पांतविजुंचिया फूटी ।
 तैसिया वन्हीं पिंगला दीठी । भुवां तलीं ॥ १ ॥
 एकैक आश्चर्य पाहतां । तिये येकी चि रूपि पांडुसुता ।
 दर्शनाची अनेकता । प्रतिस्फालिली ॥ २ ॥
 मग ह्मणे चरण ते कवणी कडे । केउते मुकुट दोईडें ।
 ऐसिं वाढविताहे कोडें । चाडा देखावेया ॥ ३ ॥
 तेथ भाग्यनिधी पार्था । कां विफल होईल मनोरथा ।
 काइ पिनाकपाणिचां भातां । वायकाडें आधि ॥ ४ ॥

ना तरि चतुराननाचिये वाचे । आहाति लटकेयां अक्षरांचे सांचे ।
 ह्यणौनि साद्यंतपण अपाराचें । देखिलें तेणें ॥ ५ ॥
 जेयाची सोये वेदां न कले । तेयाचे अवयव एके वेलें ।
 अर्जुनाचे दोन्ही डोले । भोगिते जाले ॥ ६ ॥
 चरणौनि मुगुटु वेन्हीं । देखतु विश्वरूपाची थोरी ।
 जे नाना रत्न अलंकारी । मिरवतसे ॥ ७ ॥
 परब्रह्म आपुलेंनि आंगें ।
 लेयाविया आपण चि जाला जियें अनेगें ।
 तियें लेणीं मी सांचें ।
 काइसेया सारिखिं ॥ ८ ॥
 जिये प्रभेचिया झाला । उजालु चंद्रा आदित्यमंडला ।
 जें महातेजाचा जिवाला । जेणें विश्व प्रकटे ॥ ९ ॥
 तें दिव्य तेज श्रिंगार । तो कवणाचिये मती होईल गोचर ।
 देउ आपणपें लेइला तें वीर । देखतसे ॥ २१० ॥
 मग तो चि विज्ञानाचां डोलां । घाली करपल्लावां जवं सरलां ।
 तवं तोडिति कल्पांतचिया ज्वाला । तैसिं शस्त्रें देखिलीं ॥ ११ ॥
 जेयाचेयानि किरणाचेनि खरेपणें । नक्षत्रांचे होंति फुटाणे ।
 तेजें खिरडला वन्हि ह्मणे । समुद्रिं रिगों ॥ १२ ॥
 कालकूटकल्लोलीं कवलिलें । नाना महा अविद्यांचें दांग उमटलें ।
 तैसे अपार कर देखिले । उद्यतायुधीं ॥ १३ ॥ ५८

दिव्यामालयांबरधरं दिव्यगंधानुलेपनम् ।

सर्वाश्चर्यमयं देवमनंतं विश्वतोमुखम् ॥ ११ ॥

किं भेणें तेथौनि काढिली दीठी । मग कंठमुगुट पातसे किरीटी ।
 तवं सुरतरुचिया शृष्टी । जेया पासौनि जालिया ॥ १४ ॥
 जियें महासिद्धिचीं मूलपीठें । सीणली कमला जेथ वावटे ।
 तियें कुमुमें अति चोखटें । तुरंबिलीं देखिलीं ॥ १५ ॥

मुकुटां वरि स्तंबक । ठांइं ठांइं पूजाबंध अनेक ।
 कंठिं रूळताति अलौलिक । मालादंड ॥ १६ ॥
 स्वर्गे सूर्यतेज वेढिलें । जैसें पन्हरेनि मेरुतें मढिलें ।
 तैसें तें वरि गाढिलें । पीतांबर झळके ॥ १७ ॥
 श्रीमहादेउ कर्पुर् उटिला । कां कैलासु पारजें डवरिला ।
 नाना क्षीराब्धि पांगुरविला । क्षीरोदकें ॥ १८ ॥
 नां तरि चंद्र-मेघाची घडी उकळली । न या
 मग गगना करवि बूंथि घेवविली ।
 तैसी चंदनपिंजरी देखिली ।
 सर्वांगीं तेणें ॥ १९ ॥
 जेणें प्रकाशा कांति चढे । ब्रह्मानंदाचा दाघु मोढे ।
 जें ब्रह्माचेनि जीवन सौरभ्यें जोडे । वेधवतिये ॥ २२० ॥
 जेयांचें निर्लेपु अनुलेपन करी । जे निर्लेपु ही सर्वांगीं धरी ।
 तेया सुगंधाची थोरी । कवण पां वानीं ॥ २१ ॥
 ऐसी एकैक श्रिंगारशोभा । पाहातां अर्जुनु जांतसे क्षोभा ।
 तेविं चि देउ बैसला कीं उभा । शयानु हें नेणे ॥ २२ ॥
 बाहिरि दीठि उघड्ढनि पाहे ।
 तवं आघवें मूर्तिमय देखतु आहे ।
 आणि न पाहों हणौनि उगा चि राहे ।
 तरि आंतु ही तैसें चि ॥ २३ ॥
 विशाल रूपें समोर देखे । तेया भेण पाठिमोरा जवं ठाकें ।
 तवं तिकडें हीं श्रीमुखें । कर चरण तैसें चि ॥ २४ ॥
 आहो पांतां किर प्रतिभासे । येथ नवल सांगो पां कांइ असे ।
 परि न पांतां हिं दीसे । चोज आइका ॥ २५ ॥
 कैसें अनुग्रहाचें करणें । पार्थाचें पाहणें आणि न पाहणें ।
 तेया ही सकद नारायणें । व्याघ्रनि घातलें ॥ २६ ॥

झणौनि आश्चर्याचां पुरीं एकीं । पडिलां ठायें ठाऊं थडीं टाकी ।
 तबं चमत्काराचां आणिकीं । महार्णविं पडे ॥ २७ ॥
 ऐसा अर्जुनु असाधारणें । आपुलेया दर्शनाचेनि विंदाणें ।
 कवलौनि घेतला तेणें । अनंत रूपें ॥ २८ ॥
 तो विश्वतोमुख स्वभावे । आणि तें चि दाखवावेया पांडवें ।
 प्रार्थिला आतां आघवें । होउनि ठेला ॥ २९ ॥
 आणि दीपें कां सूर्यें प्रकटे । अथवा निमुटिलेयां देखावें कुंठे ।
 तैसी दीठि नव्हे जे वैकुंठें । दीधली आहे ॥ ३० ॥
 झणौनि किरीटीसि दोहिं परीं । देखावें पडतसे अवधारीं ।
 हें संजयो हस्तिनापुरीं । सांघतसे राया ॥ ३१ ॥
 झणे किंबहुना अवधारिलें । पार्थें विश्वरूप देखिलें ।
 नाना आभरणीं भरलें । विश्वतोमुख ॥ ३२ ॥

दिवि सूर्यसहस्रस्य भवेद्युगपदुत्थिता ।

यदि भाः सदाशे सा स्याद्भासस्तस्य महात्मनः ॥ ३३ ॥

तिये अंगप्रभेचा हेवा । नवलाऊं काइसेया सारिखा सांधावा ।

कल्पांतिं येकु चि मेलावा । द्वादशादित्यांचा ॥ ३३ ॥

तैसे ते दिवि सूर्य सहस्र वेऱ्हीं ।

जरि उदैजते कां येकिं अवसारिं ।

तारि तेया तेजाची थोरी ।

उपमूं येती ॥ ३४ ॥

आघवेयां विजुंचा मेलावा कीजे ।

आणि प्रलयाम्नीची सर्व सांधणी सांधिजे ।

तेविं चि हेंशकु ही मेलविजे ।

महातेजाचा ॥ ३५ ॥

तऱ्हीं तिये अंगप्रभेचेनि पाडें । हें तेजादि पै थोडें ।

आणिक तेया ऐसें चोखडें । आन नाहिं ॥ ३६ ॥

ऐसें माहात्मेयां हरिचें साहाज । फांकत असे सर्वांगिचें तेज ।
तें मुनिकृपा जी मज । दृष्ट जालें ॥ ३७ ॥

तत्रैकस्थं जगत्कृत्स्नं प्रविभक्तमनेकधा ।

अपश्यदेवदेवस्य शरीरे पांडवस्तदा ॥ १३ ॥

आणि तिये विश्वरूपिं येक कडे । जग आघवें आपुलेनि पवाडें ।

जैसे समुद्रा माझि बुडडे । साने दीसति ॥ ३८ ॥

कां आकाशीं गंधर्वनगर । भूतलिं पिपीलिका बांधलें घर ।

नातारि मेरुवरि सपूर । परमाणु बैसले ॥ ३९ ॥

विश्व आघवें चि तिया परीं । तेया देवचक्रवर्तिचां शरीरीं ।

अर्जुनु तिये अवसरीं । देखता जाला ॥ ४० ॥

ततः स विस्मया विष्टो हृष्टरोमा धनंजयः ।

प्रणम्य शिरसा देवं कृतांजलिरभावत ॥ १४ ॥

तेथ विश्वा एक आपण । ऐसें अलुमालु होतें दूजेपण ।

तें आटौनि गेलें अंतष्करण । विरालें सहसां ॥ ४१ ॥

आंतु महानंदा चेइरें जालें ।

बाहीरि गात्रांचें बल हारपौनि गेलें ।

आपाद पां गुंतलें ।

पुलकांचलें ॥ ४२ ॥

वारिषियेचिये प्रथम दशे । वोहललेया शैलाचें सर्वांग जैसें ।

विरुद्धे कोवलां अंकुरीं तैसे । रोमांच आले ॥ ४३ ॥

सितला चंद्रकरीं । जैसा सोमेकांतु पाव्हालु धरी ।

तैसिया स्वेदकणिका शरीरीं । दाटती असति ॥ ४४ ॥

माझि सांपडलेनि अलिउलें । जला वरि कलिका जेवि आंदोले ।

ते विश्वासोर्मीचेनि बलें । कांपतसे ॥ ४५ ॥

कर्पूरकदलिचीं गर्भपूटें । उकलति कर्पूराचेनि कोंधाटें ।

पुलिका गलति तेवि धेंवटें । नेत्रौनि पडति ॥ ४६ ॥

ऐसा सात्विका आठां हिं भावां । परस्परें वर्त्ततसे देवा ।
 तेथ ब्रह्मानंदाची जीवा । राणीव फावली ॥ ४७ ॥
 उदैलेनि सुधाकरें । जैसा भरला चि समुद्रु भरे ।
 तैसा वेलवेलं उमीभारें । उचंबलतसे ॥ ४८ ॥
 तैसा तेया सुखानुभवा पाठिं । केला द्वैताचा सांभालु दीठी ।
 मग उससौनि किरीटी । वास पाहिली ॥ ४९ ॥
 तेथ बैसला होता जेया सवा ।
 तेया चि कडें मस्तक खालविलें देवा ।
 जोडुनु करसंपुटु बरवां ।
 उत्तरीं बोलें ॥ २५० ॥

अर्जुन उवाच ।

पश्यामि देवांस्तव देव देहे सर्वोस्तथा भूतविशेषसंघान् ।
 ब्रह्माणमीशं कमलासनस्थं ऋषींश्चसर्वानुरगांश्च दिव्यान् ॥१५॥

मग हणो जय जय स्वामी । नवल कृपा केली तुहीं ।
 जें विश्वरूप आहीं । प्राकृते देखों ॥ ५१ ॥
 परे साच भलें केलें स्वामियां । मज परितोखु जाला गा सांवियां ।
 जो देखिलासि मियां । इये शृष्टीसि आश्रो ॥ ५२ ॥
 देवा मंदराचलाचेनि आंगलगें । ठांइं ठांइं स्वापदाचे थोगे ।
 तैसिं तूझां देहीं अनेगें । देखतसें भुवनें ॥ ५३ ॥
 आहो आकाशाचिये खोले । दीसति ग्रहगणांचि कुलें ।
 कां महावृक्षांवारि आंविसालें । पक्षजातींचीं ॥ ५४ ॥
 तिया परीं श्रीहरी । तूझां विश्वात्मके इये शरीरीं ।
 स्वर्ग देखतसे अवधारीं । सुरगणेंसि ॥ ५५ ॥
 प्रभूतांचें पंचक । एथ देखतसें मीं अनेक ।
 वात असे भूतग्रामक । भूतशृष्टीचें ॥ ५६ ॥ भूतग्राम अनेक

भूतशृष्टीचें

५

जी सत्यलोक तुज माजि आहे । देखिला चतुराननु हा नोहे ।
 आणि एक जवं पाहे । तवं कविलासु एथ आहे ॥ ५७ ॥
 श्रीमहादेउ भवानि ऐसीं । तूझां देखत असे एकीं अंशीं ।
 आणि तूतें गा रिखीकेशी । तुज माजि देखें ॥ ५८ ॥
 पै कश्यपादि ऋषिकुलें । ये तूझां स्वरूपीं सकलें ।
 देखत असें पातालें । पनर्गोसिं ॥ ५९ ॥
 किंबहुना कैवल्यपती । तूझेया अवयवा एकाचिये भीती ।
 इयें चतुर्दश भुवनें तिये असती । आश्राइलीं जाणें ॥ ६० ॥
 आणि तेथिचे जे जे लोक । ते चिखिना अनेक ।
 ऐसें देखतसें अलौकिक । गांभीर्य तूझे ॥ ६१ ॥

अनेकबाहूदरवक्त्रनेत्रं पश्यामि त्वां सर्वतोऽनंतरूपम् ।
 नांतं न मध्यं न पुनस्तवादिं पश्यामि विश्वेश्वर विश्वरूपम् ॥ १६ ॥

यां दिव्यचक्षूंचेनि पैसें । चौहींकडे जवं पाहांत असे ।
 तवं दोर्दडीं जैसें । आकाश कोंमैलें ॥ ६२ ॥
 तैसें एक निरंतर । देखतसें तूझे कर ।
 करीति आववे चि व्यापार । येकी कालीं ॥ ६३ ॥
 मग महामुखाचेनि पैसारें । उतरलीं ब्रह्मकटाहाचि भांडारें ।
 तैसिं देखतसें अपारें । उदरें तूझीं ॥ ६४ ॥
 जी सहस्र शीर्ष याचे डाखले । कोडिवरि होंताति येकें वेळें ।
 कां परब्रह्म चि वदनफलें । मोडौनि आलें ॥ ६५ ॥
 तैसिं वक्त्रें ज्येहुतीं तेउतीं । तूझीं देखतसें विश्वमूर्ती ।
 आणि तेया चि परी नेत्रपंक्ती । अनेका सैघ ॥ ६६ ॥
 हें असो स्वर्गपाताल । कां भूमि दिशा अंतराल ।
 हे विवक्षा ठेली सकल । मूर्त्तिमय देखतसें ॥ ६७ ॥
 तुवां विण कोणहीं कडे । परमाणु हिं एतुला कोडें ।
 अवकाश पाहांत असे पारि न संपडे । व्यापिलें ऐसें तुवां ॥ ६८ ॥

इयें नाना अपरिमितें । सांटविलीं होंतीं महाभूतें ।
 तेतुला ही पवाडु तुवां अनंतें । कौदला देखें ॥ ६९ ॥
 ऐसा कवणी ठाउनि तूं आलासि ।
 येथ बेठा कां उभा आहासि ।
 आणि तूं कवणाचां पोटीं होंतासि ।
 तूझें ठाण केवढें ॥ ७० ॥
 तूझें रूप अवयव कैसे । तुज पैलीकडे काइ असे ।
 तूं काइसेयावरि आहासि ऐसें । जवं पाहिलें मियां ॥ ७१ ॥
 तवं देवा तूं चि । जाला अससि आघवें चि ।
 तूं कोणहाचा ही न्हवसि ! अनादिसिद्ध ॥ ७२ ॥
 तूं उभा ना बैठा । दीर्घ ना खुजटा ।
 तुज तलींवरि वैकुंठा । तूं चि आहासि ॥ ७३ ॥
 तूं रूपें आपणपेयां आपणेयां चि ऐसा ।
 देवा तूं चि तूझी वर्यासा । ७
 पाठि पोट परेशा ।
 तूझें चि तूं ॥ ७४ ॥
 किं बहुना आतां । तुज तूं चि अनंता ।
 हें पुढुतीं पुढुतीं पाहांतां । देखिलें मियां ॥ ७५ ॥
 पारि तूझेया रूपा आंतु । जी उणीव एकि असें देखतु ।
 जें आदि मध्य अंतु । यें तीन्हों नाहिं ॥ ७६ ॥
 येन्हाविं गिवसलेयां आघवां चि ठांइ ।
 पारि सोय नेदखें चि केहीं ।
 ह्यणौनि त्रिशुद्धी हें नाहिं ।
 तीन्हों एथ ॥ ७७ ॥
 एवं आदिमध्यांतरहिता । विश्वेश्वर अपरिमिता ।
 तूं देखिलासि जी तत्वता । विश्वरूपा ॥ ७८ ॥

तुज महामूर्तिचा आंगी । उमटलिया मूर्ती अनेगी ।
 लेइलासि वाणे परिची आंगी । ऐसा आवडतु आहासि ॥७९॥
 हों काज महोदधी तूं देवा । जालासि तरंगमूर्ती हेलावा ।
 किं तूं वृक्षु येकु बरवा । मूर्तिफलीं फललासि ॥ ८० ॥
 जी भूतल भूरुहि मांडलें । जैसे नक्षत्रीं गगन गूढलें ।
 तैसें मूर्तिमय भरलें । तूजें देखतसें रूप ॥ ८१ ॥
 जी येकैकाचा आंगप्रांती । हों जाउं पुरतसे त्रिजगती ।
 एवढिया तूझा आंगी मूर्ती । रोमा जालिया ॥ ८२ ॥
 ऐसा पवाडु मोडौनि विश्वाचा । तूं कोणु पां एथ कैचा ।
 ऐसें पाहे तवं आमचा । सारथी तो तूं ॥ ८३ ॥
 तरि मज पांतां मुकुंदा । तूं ऐसा चि व्यापकु सर्वदा । ~~पारिता~~
 मग भक्तानुग्रहे तेयां मुग्धां । रूपांतें धरीसि ॥ ८४ ॥
 केसें चौं भुजांचें सावलें । पाहातां वोल्हावति मनडोले ।
 खेउं देउं जाइजे तरि आकले । दों चि भुजीं ॥ ८५ ॥
 ऐसा कोडिसवाणा तूं बापा । होंसि पै विश्वरूपा ।
 किं आमचेया दीठी स्वल्पा । जें तुतेंयां धाकुटें देखों ॥ ८६ ॥
 तरि आतां दीठिचा विटालु गेला ।
 तुवां साहाजें दिव्य ज्ञानीं सौरसु केला ।
 हाणौनि महिमा देखता जालां ।
 रूपांचा तूझा ॥ ८७ ॥
 परि मकरतोडा मागिलीकडे । होंतासि तो तूं चि येवडें ।
 रूप जालासि हें फुडें । उलखिलें मियां ॥ ८८ ॥

किरीटिनं गदिनं चक्रिणं च तेजोराशिं सर्वतो दीप्तिमंतम् ।

पश्यामि त्वां दुर्निरीक्ष्यं समंताद्दीप्तानलार्कद्युतिमप्रमेयम् ॥ १७ ॥

नोहे तो चि हा शिरीं । मुकुटु लेइलासि हरी ।

४ पुणु आतां चि तेज आणि धोरी । नवल किरु बहुवेंसु ॥ ८९ ॥ ४

तें चि हें वरिलीं हातीं । चक्र परिजितेया आइती ।
 संवरितासि विश्वमूर्ती । ते न मोडे खुण ॥ २९० ॥
 एरीकडे ते चि हे न्हवे गदा ।
 आणि तळिली दोन्हीं मुजा निरायुधा ।
 वागारे संसारावेया गोविंदा ।
 संवसारिलिया ॥ ९१ ॥
 आणि तेणें चि वेगें सहसा । माझेया मनोरथा सरिसा ।
 जालासि विश्वरूप विश्वेश । ह्यणौनि जाणें ॥ ९२ ॥
 परि काइसें बापा हें चोज । विस्मो करावेया मज ।
 चित्त होउनि जात निर्बुज । आश्रयपणें ॥ ९३ ॥
 एथ आथि कां नाहिं । ऐसें विवरू नैये पाहिं ।
 नवल अंगप्रभेची नवलाई । कोंदली सैव ॥ ९४ ॥
 एथ अग्निची दीठि करपत । सूर्य कोडि एक हारपत ।
 एसणें तीव्रपण अद्भुत । तेजाचें येया ॥ ९५ ॥
 हों काज प्रकाशाचां महार्णवीं । बुडौनि गेली सृष्टि आववी ।
 किं युगांतविद्यूचां पालवीं । झाकोललें गगन ॥ ९६ ॥
 नाना संहारतेजाचिया ज्वाला । तोड्ढनि मांचु बांधला अंतराल ।
 आतां दिव्य ज्ञानाचां हिं डोलां । पाहावे ना ॥ ९७ ॥
 उजालु अधिका अधिकु बहुवसु । धडाडितुं असे अतिदासु ।
 पडतु दिव्य चक्षूसि त्रासु । निहालितं ॥ ९८ ॥
 नातरि महातेजाचा भडाडु । होता कालाग्निरुद्राचां ठां गूड ।
 तो तृतीय नेत्राचा महु । फूटला जैसा ॥ ९९ ॥
 तैसें पसरलेनि प्रकाशें । पांचवनेया ज्वालांचे वलसे ।
 पडतां ब्रह्मकटाह कोलिसे । होत दीसति ॥ ३०० ॥
 ऐसा अद्भुत तेजोराशि । जन्मा नवलु मियां देखिलासि ।
 नेणवे व्याप्ति जी कैसी । पार तूझें ॥ १ ॥

त्वमक्षरं परमं वेदितव्यं त्वमस्य विश्वस्य परं निधानम् ।

त्वमव्ययः शाश्वतधर्मगोप्ता सनातनस्त्वं पुरुषो मतो मे ॥ १८ ॥

देवा तूं अक्षर । आउठाविये मात्रेसि पर ।

श्रुती जेयाचे घर । गिवसिती आहाति ॥ २ ॥

जें आकाराचें आयतन । जें विश्वनिक्षेपैकनिधान ।

तें अव्यक्त तूं गहन । अविनाश जी ॥ ३ ॥

तूं धर्माचा धोलावा । अनादिसिद्ध तूं नीच नवा ।

मीं जाणें सततीसावां । पुरुषविशेषु पुढा ॥ ४ ॥

अनादिमध्यांतमनंतवोर्यमनंतबाहुं शशिसूर्यनेत्रम् ।

पश्यामि त्वां दीप्तहुताशवत्क्रं स्वतेजसा विश्वमिदं तपंतम् ॥ १९ ॥

तूं आदिमध्यरहितु । स्वसामर्थ्ये तूं अनंतु ।

विश्वबाहु अपरिमितु । विश्वचरणु ॥ ५ ॥

पै चंद्रचंडाशु डोलां । दावितासि कोपप्रसादलीला ।

एका रुससि गोपाला । एकें पालीसि तूकें ॥ ६ ॥

जी एवंविधु तूर्ते । मीं देखतसे हें निरुते ।

पेटलें प्रलयाग्निचें उजितें । तैसें वक्त हें तूजें ॥ ७ ॥

४ निहेटले पर्वत । कवल्लनि ज्वालाचे उभडु ऊठित ।

तैसे चाटित दाढ दांत । जीभ लले ॥ ८ ॥

इथे वदनिचिया उबा । आणि सर्वा आंगकांतिचिया प्रभा ।

विश्व तातलें अतिक्षोभा । जांत असे ॥ ९ ॥

द्यावापृथिव्योरिदमंतरं हि व्याप्तं त्वयैकेन दिशश्च सर्वाः ।

दृष्ट्वाद्भुतं रूपमुग्रं तवेदं लोकत्रयं प्रव्यथितं महात्मन् ॥ २० ॥

जें कां चौलोकपाताळ । पृथिवी हान अंतराल ।

अथवा दिशा विदिशा समाकुल । दिशाचक्र ॥ ३१० ॥

हें आघवें चि तुवां एकें । भरलें देखतुसैं कवतुकें ।

परि गगन हीं सकट भयानकें । आप्लविजे जेवि ॥ ११ ॥

नातरि अद्भुतरसाचां कळोलीं । जाली चौदा भुवनासि कडियाली ।

तैसें आश्चर्य हें कळीं । कैसेनि मीं ॥ १२ ॥

जी नावरे व्याप्ति असाधारण । न साहे तेजाचें उग्रपण ।

सुख दूरि गेलें पारि प्राण । विपायें घरी जग ॥ १३ ॥

अमी हि त्वा सुरसंघा विशंति

केचिद्भीताः प्राञ्जलयो गृणन्ति ।

स्वस्तीत्युक्त्वा महार्षिसिद्धसंघाः

स्तुवंति त्वां स्तुतिभिः पुष्कलाभिः ॥ २१ ॥

देवा देखौनिया तूतें । नेणों कैसें भयासि आलें भारितें ।

आतां दुःखकळोलीं झलंबतें । तीन्हीं भुवनें ॥ १४ ॥

यन्हविं तुज महात्मेयांचें देखणें ।

तारि भयदुःखा होआवें मेल्हावणें ।

पारि हें नव्हैल जेणें गुणें ।

तें जाणवलें मज ॥ १५ ॥

जवं तूझें रूप नोहे दीठें ।

तवं जगा संसारिक गोमटें ।

मग आतां देखिलासि तारि विषय—विटें ।

उपनला त्रासु ॥ १६ ॥

तेविं चि तूतें देखिलेयां साठीं । काइ सहसा देऊं येईल मीठी ।

आणि नेंदीं तारि संकटीं । राहों केवि ॥ १७ ॥

ह्यणौनि मागां तवं संवसार । काढत येतसे अनिवार ।

आणि पुढां तवं अपार । नैयेसि घेऊं ॥ १८ ॥

ऐसा माझारिली सांकडां । सांपडलेयां त्रैलोक्याचा होंतु डुरडा ।

हा वन्हि जी फुडा । चोजवला मज ॥ १९ ॥

जैसा आरंबलला आगी । समुद्रासि ये निवावेया लागि ।

तवं पाण्यांचां तरंगीं । अधिका भिये ॥ २० ॥

तैसें जगासि जी जालें । तूतें देखौनि तलमलीत ठेलें ।
 यां माझि पैल भलें । हे ज्ञानियांचे मेलवे ॥ २१ ॥
 हे तूझेनि चि अंगिकें तेजें । जाल्लु सकल कर्माचीं बीजें ।
 मिलति तुज आंतु नीजें । सद्भावेंसि ॥ २२ ॥
 आणि हें सवियां चि भयभीर । सर्वस्वें धरुनि तूझी मोहर ।
 नृ पार्थिताति कर । जोडूनियां ॥ २३ ॥
 देवा थोरी मोहार्णवीं पडिलें । विषयवागुरें आंतुडलें ।
 स्वर्गसंसाराचां सांपडलें । दोहिं आंगिं ॥ २४ ॥
 ऐसें आमचें सोडवणें । तुज वांचौनि कीजेल कवणें ।
 तुज शरण आलों सर्वप्राणें । ह्मणत देवा ॥ २५ ॥
 आणि महारिखी अथवा सिद्ध । कां विद्याधरसमूह विविध ।
 हे तुज बोलस्वस्तिवाद । करिताति स्तुती ॥ २६ ॥

रुद्रादित्या वसवो ये च साध्या विश्वेऽश्विनौ मरुतश्चोष्मपाश्च ।
 गंधर्वयक्षासुरसिद्धसंघा वोक्षंते त्वां विस्मिताश्चैव सर्वे ॥ २७ ॥

हे रुद्रादित्यांचे मेलवे । वसु हान साध्ये विश्वे ।
 अश्विनौ देव आघवे । वायु हे जी ॥ २७ ॥
 अवधारां अग्नि हान गंधर्व । पैल रक्षोगण सर्व ।
 जी महेंद्र—मुख्य देव । कां सिद्धादिक ॥ २८ ॥
 हे आघवे चि आपुल्लां लोकीं । सौम्यांगि अवलोकीं ।
 महामूर्ति दैविकी । पाहांत असति ॥ २९ ॥
 ऐसें पाहांत पाहांता तूतें प्रतिक्षणीं ।
 विस्मित होंत अंतष्करणीं ।
 करिति निज मुगुटीं बोवाळणीं ।
 प्रभू तुज ॥ ३० ॥
 तेथ जयजयघोषकलरवें । स्वर्ग गाजताति आघवे ।
 ठेवित ललाटांवरि बरवे । करसंपुट ॥ ३१ ॥

तिये विनयद्रुमांचिये आरवीं । सुरवाडली सात्विकां माधवीं ।
 ह्यगौनि करसंपुष्टपालवी । तूं होंतासि फल ॥ ३२ ॥
 जी लोचनभाग्य उदैले । जीवीं सुखाचें सुयाण पाहलें ।
 जें अगाध तूझें देखिलें । विश्वरूप इहीं ॥ ३३ ॥
 हें लोकव्यापक रूपडें । पाहांतां देवां हिं चवक पडे ।
 एयाचें सदमुखपण जोडे । भलेतेया कडौनि ॥ ३४ ॥

रूपं महत्ते बहुवक्त्रनेत्रं महाबाहो बहुबाहुरूपादम् ।
 बहुदरं बहुदंष्ट्राकरालं दृष्ट्वा लोकाः प्रव्यथितास्तथाहम् ॥२३॥
 एसें एक चि परि विचित्रे । आणि भयानकें तें चि बहुवक्त्रें ।
 बहुलोचन तियें शस्त्रें । अनंतमुजा ॥ ३५ ॥
 हे अनंत चरण । बहुदरें आणि नाना वर्ण ।
 कैसें प्रतिवदनीं मातलेपण । आवेशाचें ॥ ३६ ॥
 हों काज महाकल्पांचां अंतीं ।
 मुखें पसरलीं आहाति जेउततेउतीं ।
 आगियलावरि उजितीं ।
 आबुथिलीं जैसीं ॥ ३७ ॥
 नातारि संहारत्रिपुरेचि यंत्रें । किं प्रलयभैरवांचि क्षेत्रें ।
 नाना युगांतचक्रिं पात्रें । भूतषिचां वोडविलीं ॥ ३८ ॥
 तैसीं जीउतीतिउतीं कडे । तूझीं वक्त्रें जी प्रचंडें ।
 उफाडति दरिये माझि सिंहाडे । तैसे दांत दीसति रागीठ ॥ ३९ ॥
 जैसें कालरात्रिचें आंधारें । उसपतां निगति संहारखेचरें ।
 तैसिया वदनीं प्रलयरुधिरें । काटलिया दाढा ॥ ४० ॥
 हें असो कालें आवंतिलें रण । कां सर्वसंहारें मातलें मरण ।
 तैसें अति भिंगुलवाणेपण । वदनाचें तूझें ॥ ४१ ॥
 हे बापुडी भूतशृङ्गी । मोटके येवि करीं पाहिले दीठी ।
 आणि दुःखकालिंदीचां तटीं । झाड होउनि ठेली ॥ ४२ ॥

तुज महामृत्युचां सागरीं । आतां हें त्रैलोक्य अवधारिं ।
 शोकदुःखलहरीं । आंदोलत असे ॥ ४३ ॥
 एथ कोपौनि जारि वैकुंठें । ऐसें हान ह्मणिल अवचटें ।
 जें तुज काड लोकाचें वाटे । तूं ध्यानीं चि भोगीं ॥ ४४ ॥
 तारि लोकांचे किर साधारण । वायां आपण करितसें वोडण ।
 केवि सहसा ह्मणों प्राण । माझे चि कांपताति ॥ ४५ ॥
 आणि रुद्र जेया वासिणे । मज भेण मृत्यु लपे ।
 तो मीं एथ थरथरां कांपें । ऐसें केहिं नाहिं ॥ ४६ ॥

नमःस्पृशं दीप्तमनेकवर्णं

व्यात्ताननं दीप्तविशालनेत्रं ।

दृष्ट्वा हि त्वां प्रव्यथितांतरात्मा

धृतिं न विंदामि शमं च विष्णो ॥ २४ ॥

परि नवल हे महामारि । एया विश्वरूपाची पारि ।
 जें भयासुरपण हरी । आणितसे ॥ ४७ ॥
 करुनि महाकालेंसि तुठें । तैसिं तोंडें जालीं रागिठें । दृष्टतडे
 तीं वाढौनियां धाकुटें । स्वर्ग केलें ॥ ४८ ॥
 हें गगनाचेनि वाडपणें नाकले ।
 त्रिभुवनिचेया ही वारेया न वेंटाले ।
 ययाचिये वाफेचिया आगी जले ।
 सचराचर हें ॥ ४९ ॥
 तेविं चि येकसारिखें नेहे । एथ वर्णाचा वानिभेदु आहे ।
 ? | हों काज सवा३० प्रलयीं लाहे । बन्दि याचा ॥ ५० ॥
 दंष्ट्राकरालानि च ते मुखानि दृष्ट्वैव कालानलसन्निभानि ।
 दिशो न जाने न लभे च शर्म प्रसीद देवेश जगन्निवास ॥ २५ ॥
 ३१ | जेयाचिये आगिची दीप्ति एवढी । हें त्रैलोक्य करी राखौंडी ।
 किं तेया ही तोंडें पारि तोंडीं । आणि दांतदाढा ॥ ५१ ॥

कैसे वारेयासि वायु चलला । समुद्रासि किं महापूर आला ।
 नातारि विखात्रीसि प्रवर्त्तला । वडवानल ॥ ५२ ॥
 हलाहल आगी पियाळें । किं मरणासि मरण पेटळें ।
 तैसें संहारतेज जालें । वदनीं देखां ॥ ५३ ॥
 पारि कोणें मानें विशाल । जैसें तुटलें होये अंतराल ।
 नांतारि आकाशासि कव्हाल । पडौनि ठेलें ॥ ५४ ॥
 कां काखे सूनि वसुंधरी । जै हिरण्याक्षु रिगाला विवरीं ।
 तें उघडलें हटकेश्वर वेन्हीं । जेवि पातालकुहर ॥ ५५ ॥
 तैसा वत्काचा या विकाशु । माझि जीभे वेगला चि आवेशु ।
 विश्व न पुरे ह्मणौनि घांसु । न भरी आवडे ॥ ५६ ॥
 आणि पातालव्यालाचां फुत्कारीं । गरलजाला लागति अंबरीं ।
 तैसी पसरलिये वदनदरी । माझि जिह्वा दीसे ॥ ५७ ॥
 काढूनि प्रलयविजूर्ची जुंबाडें । मग पानासिले गगनाचे डुडे ।
 तैसे आवाळुवां वरि आंकुडे । दीसति दाढांचे ॥ ५८ ॥
 आणि ललाटपटाचिये खोले । कैसे भयातें भेडविति डोले ।
 नातारि महामृत्युंचे उमाले । कडवसां राहिले ॥ ५९ ॥
 ऐसें दाउनियां महाभयाभोज । एथ काइ निफजउं पांतासि काज ।
 तें नेणों पारि भद्र मज । रोकडें आलें ॥ ६० ॥
 देवा विश्वरूप पाहावेयाचे डोहले ।
 केले तियें पातळें गा प्रतिफलें ।
 जी देखिलासि आतां डोले ।
 निवाले योगे ॥ ६१ ॥ ओर
 आहो देह पार्थिव किर जाए ।
 आणि याची काकुलति कोण्हां आहे ।
 पारि आतां चैतन्य माझे विपायें ।
 वांचे एथ ॥ ६२ ॥

यन्हविं भयातव आंग कांपे । नावेक आगलें तारि मन तापे ।
 अथवा बुद्धि वासिपे । अभिमानु विसरिजे ॥ ६३ ॥
 पारि येतुलेया वेगला । जो केवल आनंदैककला ।
 तेया अंतरात्मेयां निश्चला । सेयारी आली ॥ ६४ ॥
 बापु साक्षात्कारें वेधु । कैसा देशधडी केला बोधु ।
 हा गुरुशिष्यसंबंधु । विपायें नांदे ॥ ६५ ॥
 देवा तूझां इये दर्शनीं । जें वैकल्य उपनलें आहे अंतष्करणीं ।
 तें संवरावेया गिवसणी । करीतसें धैर्याची ॥ ६६ ॥
 तव माझेनि नावें धैर्य चि हारपलें ।
 किं तेया विश्वरूपदर्शन तेणें जालें ।
 हें असो पारि भलें ।
 आंतुडलें उपदेशा ॥ ६७ ॥

जीउ विसंवावेयाचिया चाडा । सैध धांवांधांविं कारितसे बापुडा ।
 पारि सोये किं कन्हणी कडां । आथि हो कां ॥ ६८ ॥
 ऐसें विश्वरूपाचिया महामारी । तरासिं गेलें आहे चराचरीं ।
 जी न बोलें तारि काये करीं । महाविष्णू ॥ ६९ ॥

पै अखंड डोलेयां पुढें । फूटलें जैसें महाभयाचें भाडें ।

तैसिं तूझिं मुखें वितंडें । पसरलिं देखें ॥ ७० ॥

असो दाढादातांचिया दाटी । न पांगुरवे दोही वोंठि ।

सैध प्रमंयशस्त्रांची कांटी । लागली जैसी ॥ ७१ ॥

जैसें तक्षका विष भरलें । कां कालरात्री मुख पसरलें ।

किं अग्न्यस्त्र परजिलें । वज्राग्री जेवि ॥ ७२ ॥

तैसिं तूझीं वक्त्रें प्रचंडें । वारि आवेशु बाहि बोसंडे ।

आले मरणरसाचे लोंढे । आह्मावरि ॥ ७३ ॥

संहारसमैचा चंडानीलु । आणि महाकल्पांतीं प्रलयानलु ।

यां दोहिं होये जें भेलु । तें काय एक न जले ॥ ७४ ॥

तैसिं संहारें तूझीं मुखें । देग्वौनि धीरु कें आह्मां पारुखे ।
 आतां मुल्लां दिशा मीं नेदखें । आपणपें जी ॥ ७५ ॥
 मोटकें विश्वरूप डोलां देखिलें । आणि मुख तें हातौनि पडिलें ।
 आतां जांपाणिजांपाणीं आपुलें । अस्तोव्यस्त हें ॥ ७६ ॥
 एथ ऐसें करिसीं ह्मणौनि जारि जाणें ।
 तरि हो गोठी चि कां करणें ।
 आतां येकोल बांचिजे प्राणें ।
 ऐसें जालें ॥ ७७ ॥
 तें जारि गोसांविं माझा अनंता ।
 तरि सुइं बोडण माझेया जीविता ।
 सांटविं पसारा भागौता ।
 महामारिचा ये ॥ ७८ ॥
 आइकें सकल देवांचिये देवते । तूझेनि चैतन्यें गा विश्व वसतें ।
 तें विसरलासि हें उपरतें । मांडिलें एथ ॥ ७९ ॥
 ह्मणौनि प्रसन्न होइं वेगीं राया । संहारीं आपुली माया ।
 काढीं मातें महाभया । पासौनियां ॥ ८० ॥
 हा ठावोवेन्हीं पुडुतीपुडुती । तूतें ह्मणिजे बहुवा काकुलती ।
 ऐसा मी विश्वमूर्ती । भेडु कां जी ॥ ८१ ॥
 जें अमरावतिये आला धाडा । तें मिया येकलेनि केला उवेढा ।
 जो मीं कालाचेया ही तोंडा । वासिपु न धरि ॥ ८२ ॥

अमीच त्वां धृतराष्ट्रस्य पुत्राः

सर्वे सहैवावनिपालसंघैः ।

भीष्मो द्रोणः सुतपुत्रस्तथासौ

सहास्मदीयैरपि योधमुख्यैः ॥ २६ ॥

परि तेया आंतुल हे न्हवे देवा । एथ मृत्यु ही करुनि चढावा ।
 तुवां आतां चि घोंटु भरावा । ऐसी सूचना ॥ ८३ ॥

कैसा न्हवता प्रलयाचा वेल । गोखां तूं चि मांडला काळ ।
 बापुडा हा त्रिभुवनगोल । अल्पायु जाला ॥ ८४ ॥
 आहा भाग्या विपरीता । विघ्न उठिले शांति करितां ।
 कटा विश्व गेलें आतां । तूं लागलासि ग्रासूं ॥ ८५ ॥
 हें नव्हे मां रोकडें । सैध पसरूनियां तोंडें ।
 कवलितासि चौहींकडे । सैन्ये इथे ॥ ८६ ॥
 नव्हे कोरवकुलीचे अंकुर । आंधलेया धृतराष्ट्राचे कुमर ।
 हे गीलिले सपरिवार । वदनीं इहीं ॥ ८७ ॥
 आणि जे जे यांचेनि सावाये ।
 आले असति देशोदेशिचे राये ।
 तेयांचे सांघवेया जावो न ल्हाये ।
 ऐसें सरकटितु आहासि ॥ ८८ ॥
 मदमुखांचिया घटा । घेतु आहासि घटघटां ।
 आरणीं हान धाटां । देतासि मिठि गा ॥ ८९ ॥
 जंत्रांवारि चि मार । पदतींचे भोगर ।
 मुखा आंतु भार । हारपति मां ॥ ९० ॥
 क्रिदांताचे जावलीं । जें एकैक विश्वातें गीली ।
 तिये कोडिवारि सगलीं । घेताति शस्त्रें ॥ ९१ ॥
 चातुरंगपरिवारा । सजोडियां राहंवरां ।
 दांत न लवीसि परमेश्वरा । कैसा तुष्टलासि ॥ ९२ ॥
 हां गा भीष्मा ऐसा ब्राह्मणु । सल्ये शौर्ये आहे निपुणु ।
 तो ही गीलिला आणि द्रोणु । ग्रासिला सकटां ॥ ९३ ॥
 आगा सहस्रकराचा कुमरु । एथ गेला गेला कर्णवीरु ।
 आणि आमचेयां आघवेयांचा केरु । फेडिला देखों ॥ ९४ ॥
 कटाकटा धात्रेया । कैसें जालें अनुग्रहा या ।
 मियां मागौनि जगा बापुडेया । आणिलें कर्म ॥ ९५ ॥

मागें थोडिया बहवा उपपत्ती ।
 येणें सांघितलेया निकेयानि विभूती ।
 तैसा नसें चि मा पुडुतीं पुडुतीं ।
 बैसलां मरों ॥ ९६ ॥
 ह्मणौनि भोग्य तें त्रिशुद्धी न चुंके ।
 आणि बुद्धि होणियेरा सारिखी ठाके ।
 माझां कपालिं पीटावें लोके ।
 तें लोपैल काइसेया ॥ ९७ ॥
 पूर्वीं अमृत ही हाता आलें । परि देव नसती चि उगले ।
 मग कालकूट उठिलें । जिया परीं ॥ ९८ ॥
 परि तें येक बग थोडें । केलेयां प्रतिकारा भाशिवडें ।
 आणि तिये अवसरिचें सांकडें । निस्तरला शंभु ॥ ९९ ॥
 आतां हा जलतु वारा वेंढाले । कवणां विखा भरलें गगन गिले ।
 महाकालेंसि फलें । कवण करी ॥ १०० ॥
 ऐसा दुःखें अर्जुनु सीणतु । शोचीतु असे जीवा आंतु ।
 परि नेदखे तो प्रस्तुतु । अभिप्राउ देवाचा ॥ १ ॥
 जें मीं मारिता कौरव मरते । ऐसेनि वेंढालिला असे भातें ।
 तें फेडावया चि लागि अनंतें । दाविलें निज ॥ २ ॥
 अरे कोणही कव्हणातें न मरी । एथ मीं चि हो सर्वसंहारीं ।
 तें विश्वरूप व्याजें श्रीहरी । प्रकटितसे ॥ ३ ॥
 ऐसेया देवाचेया मनोगता । तें न चोजवे चि पांडुसुता ।
 मग आहा कंपु नव्हता । वाढवितसे ॥ ४ ॥

वक्राणि ते त्वरमाणा विशन्ति दंष्ट्राकरालानि भयानकानि ।
 केचिद्विलग्ना दशनांतरेषु संदृश्यन्ते चूर्णितैरुत्तमानैः ॥ २७ ॥
 तेथ हाणे हा एकें वेलें । असकी गवसीं दोन्हीं दलें ।
 नदनिं अभाळें । मगनीं जैसिं ॥ ५ ॥

कां महाकल्पाचां सेवटीं । जै कृदांतु कोपला होये शृष्टी ।
 तैं एकविसां स्वर्गां ही मीठी । पातालासे दे जैवि ॥ ६ ॥ चर / १
 नातारि उदासीनें दैवें । संचकाचीं विभवें ।
 जेथिचा तेथ स्वभावे । वायां जांति ॥ ७ ॥
 तैसि सांचलीं सैन्यें एकावटे । इये मुखि जालिं प्रविष्टें ।
 परि एक ही तोंडा न सुटे । कैसें कर्म देखां ॥ ८ ॥
 अशोकाचे आगसे । चघलिले कन्हेनि जैसे ।
 लोकवक्त्रा माझि तैसे । वायां चि गेले ॥ ९ ॥
 परि सिसालें मुगुटेंसि । पाडिलें दाढाचां सांडसि ।
 पीठ होंतां कैसीं । दीसताति ॥ १० ॥
 तियें रत्नें दांतांचा व्याडि । कूट लागलें जीमे वूडी ।
 काहिं काहिं आगरडीं । दंष्ट्राचीं माखलीं ॥ ११ ॥ चर
 हों काज विश्वरूपें कालें । ग्रासिलें लोकाचि बालें ।
 परि गिवसीत देहिचि सिसालें । पैसैं इयें राखिलीं ॥ १२ ॥
 तैसीं शरीरा माझि चोखडीं । होंतां उत्तमांगिं रोकडीं ।
 ह्मणौनि महाकालांचां तोंडीं । परि उरलें शेर्षीं ॥ १३ ॥
 मग ह्मणे जी हें काइ । जन्मलेयानि मोहर नाहिं ।
 जग आपैसैं चि वदनडोहीं । संचरतसे मां ॥ १४ ॥
 इया आघविया चि शृष्टी ।
 लागलिया आहाति वदनाचां वाटि ।
 आणि हा जेथिचा तेथ मीठी ।
 दैत असे उगा ॥ १५ ॥
 ब्रह्मादिक समस्त । ऊंचा मुखा माजि धावंत ।
 येर सामान्य हे भरत । ऐली वदनीं ॥ १६ ॥
 आणिक ही भूतजात । तें उपनलां चि ठाई ग्रासित ।
 परि याचेया मुखा निभ्रांत । न सुटे चि काहिं ॥ १७ ॥

यथा नदीनां बहवोबुवेगाः

समुद्रमेवाभिमुखा द्रवन्ति ॥

तथा तवामी नरलोकवीरा

विशन्ति वक्राण्यभिविज्वलन्ति ॥ २८ ॥

जैसे महानदीचे ओघ । वैल्हे टाकीति समुद्राचें आंग ।

तैसें आघवां चि कडौनि जग । प्रवेशे एथ ॥ १८ ॥

आयुष्यपथें प्राणिगणीं । करुनि अहोरात्रांची सुअणीं ।

वेगें वक्त्रमिलणीं । साधिजत आहाति ॥ १९ ॥

यथा प्रदीप्तज्वलनं पतंगा

विशन्ति नाशाय समृद्धवेगाः ॥

तथैव नाशाय विशन्ति लोका

स्तथापि वक्राणि समृद्धवेगाः ॥ २९ ॥

जलतेया गिरिचेया आंगवखां ।

माक्षि घालिति पतंगाचिया झांका ।

तैसे लोक देखां ।

इये वदनीं पडत ॥ ४२० ॥

परि जेतुलें एथ प्रवेशलें । तें जाणां लोहें पाणिं गीलिलें ।

आणि वहिवटीं घुसलें । नावं तेयाचें ॥ २१ ॥

लेलिह्यसे ग्रसमानाः संमता

लोकान्समग्रान्वदनैर्ज्वलद्भिः ॥

तेजोभिरापर्यजगत्समग्र

भासस्तवोग्राः प्रतपन्ति विष्णो ॥ ३० ॥

आणि येतुली हें आरोगण । करितां भूखे नाहिं उणेपण ।

कैसे दीपन असाधारण । उदैलें एथ ॥ २२ ॥

जैसा रोगिया ज्वराहूनि उठिला । कां भणगा दुकाल पाहला ।

तैसा जीमेचा नवला३० देखिला । आवाळुवें चाटितां ॥ २३ ॥

जैसे आहाराचेनि नावे काहीं ।
 तोंडाच्या वाटा न वचे चि नाहिं ।
 कैसी शमशमिते पाहा नवाई ।
 भूखेलेपणांची ॥ २४ ॥
 काइ सागराचा घोटु भरावा । किं पर्वताचा घांसु करावा ।
 ब्रह्मकटाहो घालावा । असका दाढे ॥ २५ ॥
 दिशा सगलिया गिलाविया । चांदण्यां चाट्टु घेयाविया ।
 ऐसें वर्ततसे नां सवियां । लोलुपता बा.तुज ॥ २६ ॥
 जैसा भोगें कामु वाढे । इधनें आगीसि बल चढे ।
 तैसि खांतखांतां तोंडें । खांखांतें ठेलीं ॥ २७ ॥
 कैसें एक चि केवढें पसरलें । त्रिभुवन जिह्वाघ्रीं टेंकलें ।
 जैसें कविठ घातलें । वडवानलीं ॥ २८ ॥
 तैसि अपारें वदनें । आतां एतुलीं कैचि त्रिभुवनें ।
 कां आहार न मेलवितां एणें मानें । वाढविलिं असतिं ॥ २९ ॥
 आगा लोक हा बापुडा । जाला वदनज्वालां वरिपडा ।
 जैसि वणवेयाचां वेढां । सांपडलीं मृगें ॥ ३० ॥
 आहा तैसें यां विश्वा जालें । देउ न्हवे हें कर्म आलें ।
 किं जग जलचरीं पांगिलें । जालकालें पै ॥ ३१ ॥
 आतां इये अंगप्रभेचिये वागुरे ।
 कोणीकडौनि निगिजेल चराचरें ।
 वक्त्रें न्हवति जैसीं जौहरें ।
 वोडवलिं अंगी ॥ ३२ ॥
 आगि आपुलेनि दाहकपणें । न पोले चि ह्मणौनि तो नेणे ।
 परि जेया लागे तेयां प्राणें । सूटिका नाहिं ॥ ३३ ॥
 माझेनि तिखटपणें । कैसें निवटे हें शस्त्र काइ जाणें ।
 कां आपुलेया मारातें नेणे । विख जैसें ॥ ३४ ॥

आख्याहि मे को भवानुग्ररूपो
नमोऽस्तु ते देववर प्रसीद ।

विज्ञातुमिच्छामि भवंतमाद्यं

न हि प्रजानामि तव प्रवृत्तिम् ॥ ३१ ॥

तैसी तुज काहिं । आपुलेया उग्रपणाची सें चि नाहिं ।

परि अइलीकडे खाई । सरली जगाची ॥ ३१ ॥

आगा आत्मा तूं चि एकु । सकलविश्वव्यापकु ।

तक्र तरि आह्मांसि कां अंतुक । वोडवलासि ॥ ३२ ॥

तरि मिया सांडिली जीविताची चाड । जी

आणि तुवां हिं न धरावी भीड ।

मनीं आहे तें उघड ।

बोल पां सुखें ॥ ३३ ॥

केती त्राय करिंसी या उग्ररूपा ।

आंगिचें भगवंतपण आठविं बापा ।

नाहिं तन्हि कृपा ।

मज पुरती पाहीं ॥ ३४ ॥

तरि एकु वेलु वेदवेद्या । त्रिभुवनाचेया आंघा ।

विनवणी विश्ववंद्या । आइक माझी ॥ ३५ ॥

ऐसें बोलौनियां वीरें । चरण नमस्कारिलें शिरें ।

मग ह्मणे जी सर्वेश्वरें । अवधारिजो ॥ ४४० ॥

मज मिया होआवेया समाधान । प्रसिलें विश्वरूप ध्यान ।

तवं येकें चि वेलें त्रिभुवन । गीलितू चि उठिलासि ॥ ४१ ॥

तरि तूं कोणु काये येतुलीं । इयें भयानकें मेलविलीं ।

आघवां चि करिं घेतलीं । शत्रें काह्या ॥ ४२ ॥

तुवां देखैं रागिठपणें । बाढौनि गगन केलें ठेंगणें ।

डोले करुनि भिगुलवाणे । भेडवितु आहासि ॥ ४३ ॥

एथ कृदांतैसिं देवा । काइसेया कीजतसे हेवा ।
हा आपुला तुवां सांघावा । अभिप्राउं मज ॥ ४४ ॥

श्रीभगवानुवाच ।

कालाऽस्मि लोकक्षयकृत्प्रवृद्धो
लोकान्समाहर्तुमिह प्रवृत्तः ।
ऋतेऽपि त्वां न भविष्यंति सर्वे
येऽवस्थिताः प्रत्यनीकेषु योधाः ॥ ३२ ॥

या बोला हणतसे अनंतु । मीं कोणु हें अससि पूसतु ।
आणि काइसेया लागि असें वाढतु । हे चलबल काइसी ॥ ४५ ॥
तारे मीं कालु गा हें फुडें । लोकु संहारावेया वाढें ।
सैध पसरिलीं असति तोंडें । तारि ग्रासूं आघवां ॥ ४६ ॥ आसवेया
ये तेथ अर्जुनु हणने कटा । उभगलों मागिलां संकटां ।
हणने आलविला तवं बोखटा । उधाइला हा ॥ ४७ ॥
तेविं चि कठिनें बोलें आशतूटि । अर्जुनु होईल हिंपुटी । जातये
हणौनि सर्वे चि हणने किरिटी । पारि आन एक असे ॥ ४८ ॥
जें आतां चि इये संहारवाहारे । तुह्मीं पांडव बाहिरे । असा या
तेथ जांत जांत धनुद्धरे । संवरिले प्राण ॥ ४९ ॥ सां
होंता मरणमहामारी गेला । तो माघौता सावदु जाला ।
मग चित्त देऊं लागला । बोला तेया ॥ ४५० ॥
तवं ऐसें हणितले देवे । तुह्मीं माझे जाणावे । अर्जुना
एर मज आघवे । सरलें ग्रासुं ॥ ५१ ॥
वडवानलीं प्रचंडी । जैसी टाकूनि घापे कुरौंडी ।
तैसें जग माझां तोंडीं । तुवां देखिलें जें जें ॥ ५२ ॥
पारि तेया माझारि काहीं । भरवसेनि उणें नाहिं ।
इये वायां चि सैन्यें पाहिं । बरवतें आहाति ॥ ५३ ॥

जे हे मेळौनियां मेले । फ़ूगत वीरवृत्तीचेनि बले ।
 जमावारी जगदलें । वाखाणिताति ॥ ५४ ॥
 ह्मणति श्रृष्टिवार श्रृष्टि करं । आण वाउनि मृत्युतें धरूं । मरूं
 जगाचा भरं । घोटु आतां ॥ ५५ ॥
 पृथिवी सगली चि गीळं । पारि हें आकाश वरिचा वरि जाळुं ।
 काइ बाणवारि खीळं । वारेयातें ॥ ५६ ॥
 चतुरंगाचिया संपदा । करिति महाकालेंसि स्पर्धा ।
 वांठिवेचिया मदा । बलघले जे ॥ ५७ ॥
 बोळ हातीयेरांडुनि तीखट । दीसति आगीपासौनि दासट । मरट
 मारकपणें कालकूट । मडुर ह्मणति ॥ ५८ ॥
 ते हे लेपाचे गमले । जाण पोकलिचे उमाले ।
 आगा चांदांचीं फलें । वीर हे देखें ॥ ५९ ॥ नारि
 जैसा मृगजलाचा पूरु आला । दल नव्हे कापडाचा सांपु केला ।
 इया श्रिंगारुनि खाला । मांडिलिया पै ॥ ६० ॥
 येर चेष्टवितें जें बल । तें भियां मागां चि प्रासिलें सकल ।
 आतां कोल्हैरिचे वेताळ । तैसे निर्जीव हे ॥ ६१ ॥
 हालविती दोरी तूटली । तारि तियें खांबावरिलें बाउलीं ।
 आवडेतें लोटिलीं । उलयौगि पडति ॥ ६२ ॥

तस्मात्त्वमुत्तिष्ठ यशो लभस्व ।

जित्वा शत्रूंश्च राज्यं समृद्धम् ।

मयैवैते निहताः पूर्वमेव ।

निमित्तमात्रं भव सैन्यसाधिन ॥ ३३ ॥

तैसा सैन्याचा एया बगा । मोडता वेळु न लगे पै गा ।
 ह्मणौनि उठिं उठिं वेगां । सिहाणा होइ ॥ ६३ ॥
 तुवां चि गोप्रहणींचेनि अवसरें । घातलें मोहनास्त्र एकसरें ।
 मग वीराचेनि बापें उत्तरें । आसुडुनि वस्त्रें नेलें ॥ ६४ ॥

आतां हे तेयां निपेटारे जाले । निवटि वहिला रणि सांपडलें ।
 घेइं यश रिपु जीतले । एकलेनि पै ॥ ६९ ॥
 आणि कोरडें यश गा नोहे । समग्र राज्य हाता येत आहे ।
 तूं निमित्तमात्र होए । सव्यसाची ॥ ६६ ॥

द्रोणं च भीष्मं च जयद्रथं च ।
 कर्णं तथान्यानपि योधवीरान् ।
 मया हतांस्त्वं जहि मा व्यथिष्ठा ।
 युद्धव्यस्र जेतासि रणे सपत्नान् ॥ ३४ ॥

द्रोणाचा पाहु न करीं । भीष्माचें भय न धरीं ।
 कैसेनि कर्णावरि । परजूं हें न हण ॥ ६७ ॥
 कवणु उपाउ जयद्रथा कीजे । हें तुवां चित्ति न धरिजे ।
 आणिक ही आधि जेजे । नावणिगे ॥ ६८ ॥
 ते हे येकें येकु आघवे । चित्रिचे सिंहाडे मानावे ।
 वोलेंनि हातें घेयावे । प्रसूनियां ॥ ६९ ॥
 एयां वरि पांडवां । काइसा जूझाचा मेलावा ।
 हा आभासु गा आघवा । येर आकर्षिलें मियां ॥ ७० ॥
 जेव्हलि तुवां देखिले । माझां वदनीं पडिले ।
 तेव्हां चि एयांचें सरलें । आतां रिति सोपें ॥ ७१ ॥
 हणौनि वहिला उठीं । मिशं आहाले तूं निवटीं । मारिले
 न रिग शोकसंकटीं । नाथिलिये ॥ ७२ ॥
 आपण चि आडखला कीजे । कवतिकें जैसा विधिजे । तो
 तैसें देखैं तूझें । निमित्त आहे ॥ ७३ ॥
 आगा उखटें जें उदैलें । तें तवं परतें गेलें ।
 आतां राज्येंसि संचळें । यश तूं भोगिं ॥ ७४ ॥
 जेव्हलि उतत हेंतें दायद । आणि बलिये जर्गि दुर्मद ।
 ते वधिले रिपु विशद । शौर्य यांचें ॥ ७५ ॥

ऐसिया इया गोठी । विश्वाचां वाक्पटिं ।
लिहुनि घालीं किरीटी । विजया होइं ॥ ७६ ॥

संजय उवाच ॥

एतच्छ्रुत्वा वचनं केशवस्य

कृताञ्जलिर्वैपमानः किरीटी ।

नमस्कृत्वा भूय एवाह कृष्णं

सगद्गदं भीतभीतः प्रणम्य ॥ ३५ ॥

ऐसी अधवी चि हे कथा । तेया पूर्ण मनोरथा ।

संजयो सांघे कौरवनाथा । ज्ञानदेउ हणें ॥ ७७ ॥

मग स्वर्गलोकोनि गंगाजल । सूटलेयां वाजति खलाल ।

तैसी वाचा विशाल । बोलतां तेया ॥ ७८ ॥

नातारि महामेघांचे उमाले । घडघडीत एके वेलें ।

कां घुमघुमी मंदराचलें । क्षीराब्धि जैसा ॥ ७९ ॥

तैसें गंभीरें महानादें । हें वाक्य विश्वकंदें ।

बोलिलें अगाधें । अनंतरूपें ॥ ८० ॥

तें अर्जुनें मोटकें आइकिलें । आणि सुख किं भय चि दुणावलें ।

हें नेणां परि कांपिल्लें । सर्वांग तेयाचें ॥ ८१ ॥

सकरुणपणें वलला मोट । मग जोडिले करसंपुट ।

वेलवेलां ललाट । चरणीं ठेवी ॥ ८२ ॥

तेविं चि काहिं बोलें जाए । तारि गला बुजाला ठाए ।

सुख किं भय होये । तें विचारा तुझीं ॥ ८३ ॥

पारि तेव्हलि देवाचेनि बोलें । अर्जुना ऐसें हें जालें ।

भियां पदांवारि देखिलें । श्लोकिंचेयां ॥ ८४ ॥

मग तैसा चि भेणभेण । पुडुतीं जुहारी चरण ।

हणें जी आपण । ऐसें बोलिलें ॥ ८५ ॥

अर्जुन उवाच ।

स्थाने हृषीकेश तव प्रकीर्त्या
जगत्प्रहृष्यत्यनुरज्यते च ॥
रक्षांसि भीतानि दिशो द्रवन्ति
सर्वे नमस्यन्ति च सिद्धसंघाः ॥ ३६ ॥

नां अर्जुनां मीं काल । आगि विश्व ग्रासिं तो माझा खेळ ।
हा बोलु किरु अढल । मानुं आह्मी ॥ ८६ ॥
पारि जी तुवां कालें । आजि स्थितिचिये वेले । ^{कैत}
ग्रासिजे हें न मिले । विचारासि ॥ ८७ ॥
कैसेनि आंगिचें तारुण्य मोडावें । कैचें वृद्धाप्य काढावें । ^{नरता}
ह्मणौनि कसं ह्मणसि तें न्हवे । बहुत करुनि ॥ ८८ ॥
आगा चौपाहारी न भरतां । कहिं चि देखैं अनंता ।
मध्यान्हीं चि सविता । मालवत नाहीं ॥ ८९ ॥
पैं तुज अखंडिता काला । तीनि आहाति वेला ।
या तीन्ही पारि सबला । आपुलालां समै ॥ ९० ॥
जेव्हलि हों लागे उत्पत्ति । तेव्हलि स्थितिप्रलयो हारपति ।
स्थितिकालीं न मिरवति । उत्पत्तिप्रलयो ॥ ९१ ॥
पाठि प्रलयाचिये वेले । उत्पत्तिस्थिति मावले ।
हें काइसेनि हिं न ढले । अनादि ऐसें ॥ ९२ ॥
^{तव} ह्मणौनि आजि भरें भोगें । स्थिती वर्त्तिजत आदे जगें ।
येथ ग्रासिसि हें न लगे । माझां जीवीं ॥ ९३ ॥
तव संकेतें देऊं बोले । आगा या सैन्या भरण पूरलें । ^{शरी}
तें प्रत्यक्ष तुज दाविलें । येरां यथाकालें जाण ॥ ९४ ॥
हा संकेतु जवें अनंता । वेळु लागला बोलतां ।
तव अर्जुनें लोकु मागौता । स्थिती देखिला ॥ ९५ ॥

मग अर्जुनु हाणे देवा । तूं सूत्री विश्वलाघवा ।
जगु आला जी आघवा । स्थिती पुढुतीं ॥ ९६ ॥
परि पडिलेयां दुःखसागरीं । तूं काढिसि कां जिया परीं ।
ते कीर्ति तूझी हरी । आठवीतसें ॥ ९७ ॥
आठवितां वेलोवेलां । भोगिजत महासुखाचा सोहळा ।
तेथ हर्षामृतकल्लोलां । वारि लोलत असें ॥ ९८ ॥
देवा जियालेपणें जगु । धारिती तूझां ठांडं अनुरागु ।
आणि दृष्टांतियां भंगु । अधिका अधिकु ॥ ९९ ॥
पैं त्रिभुवनिचेयां राक्षसां । महाभय तूं रुषीकेशा ।
पलताति यां दिशां । पैलीकडे ॥ १०० ॥
येर सुरसिद्धकिन्नर । किंबहुना चराचर ।
तूतें हर्षनिर्भर । नमित असे ॥ १ ॥

दुष्टांतें या

कस्माच्च ते न नमेरन्महात्मन् ।
गरीयसे ब्रह्मणोऽप्यादिकर्त्रे ।
अनंत देवेश जगन्निवास ।
त्वमक्षरं सदसत्तत्परं यत् ॥ ३७ ॥

एथ हां गा कवणा कारणां । राक्षस होंत नारायणां । हे
न लगती चि चरणा । पलते जाले ॥ २ ॥
आणि तूतें हें काइ प्रसार्वे । एतुलें आह्वासि पैं जाणवें ।
हां गा सूर्योदयीं राहावें । कैसेनि तमें ॥ ३ ॥
तूं स्वयंप्रकाशाचा आगर । आजि जाला अससि गोचर ।
ह्मणौनि येयां केरु । फीटला सहजें ॥ ४ ॥
हें एतुले दिवस आह्मां । काहिं नेणवे चिं श्रीरामां ।
आतां देखतसे महिमा । गुंभीर तूझी ॥ ५ ॥
जेथौनि नाना सृष्टीचिया वाळीं । पसरति भूतग्रामांचिया वेळी ।
तेया ब्रह्मातें व्याली । दैविकी इळा ॥ ६ ॥

शेरा

ची/१

मरत

दे३० निःसीमगुण अनंतु । दे३० निःसीमतत्त्व सदोदितु ।
 दे३० निःसीमसाम्य सतंतु । चौ हि वांचा ॥ ७ ॥ नरे देवांना
 जी तूं त्रिजगती उल्लावा । अक्षर तूं सदाशिवा ।
 तूं संतासंत देवा । तेयां ही अतीत तें तूं ॥ ८ ॥

त्वमादिदेवः पुरुषः पुराण

स्त्वमस्य विश्वस्य परं निधानम् ।

वेत्तासि वेद्यं च परं च धाम

त्वया तत् विश्वमनंतरूपम् ॥ ३८ ॥

तूं प्रकृतिपुरुषांची आदि । जी महातत्वांची अवधी ।
 स्वयें तूं अनादि । पुरातनु ॥ ९ ॥
 सकल विश्वासि जीवन । जीवांसि तूं निधान ।
 भूतभव्याचें ज्ञान । तूझां चि हार्ति ॥ ५१० ॥
 जी श्रुतीचेया लोचना । स्वरूपसुख तूं अभिन्ना ।
 तूं त्रिभुवनिचिया आयतना । आयतन तूं ॥ ११ ॥
 क्षणौनि जी परम । तूते क्षणिजे महाधाम ।
 कल्पांती महद्ब्रह्म । तूझां अंकीं रिगे ॥ १२ ॥
 किंबहुना देवें । विश्व विस्तारलें आघवें ।
 आतां अनंतरूप वानावें । कवणें तूझें ॥ १३ ॥
 जी काई एक तूं न्हवसि । तूं कवणी ठाई गा नससि ।
 हें असो जैसा आहासि । तैसेया नमो ॥ १४ ॥

धार्थुर्यमोऽग्निर्वरुणः शशांकः

प्रजापतिस्त्वं प्रपितामहश्च ।

नमो नमस्तेऽस्तु सहस्रकृत्वा

पुनश्च भूयोऽपि नमो नमस्ते ॥ ३९ ॥

वायु तूं अनंता । यमू तूं नियमिता ।

प्राणिगंणीं वसता । अग्नि जी तूं ॥ १५ ॥

३४४
 पुरातन पुरातन कर्त्तव्ये ।
 नमो भगवते वासुदेवाय ।
 वरुण तू सोम । सद्य तू ब्रह्म ।
 भावार्थदीपिका १२५५

पितामहाचा परम । आदिजनकु तू ॥ १६ ॥
 आणिक ही जें जें काहिं । रूप अथवा नाहिं ।
 तेया नमो तुज पाहीं । जगन्नाथा ॥ १७ ॥
 ऐसें सानुरागें चितें । स्तवन केलें पांडुसुतें ।
 मग पुढुतीं ह्याने नमस्ते । नमो प्रभू ॥ १८ ॥
 पाठिं तिये साधते । निहालीं मूर्तिंतें ।
 पुढुतीं ह्याने नमस्ते । नमो प्रभू ॥ १९ ॥
 इयें चराचरीं समस्तें । अखंडित देखें तेयांतें ।
 आणि पुढुतीं ह्याने नमस्ते । नमो प्रभू ॥ २० ॥
 ऐसिं देखौनि अद्भुतें । आश्चर्य होतसे मातें ।
 तव तव ह्याने नमस्ते । नमो प्रभू ॥ २१ ॥

नमः पुरस्तादथ पृष्ठतस्ते
 नमोस्तु ते सर्वत एव सर्व ॥
 अनंतवीर्यामितविक्रमस्त्वं
 सर्वं समाप्नोषि ततोसि सर्वः ॥ ४० ॥

आणिकि स्तुति नाठवे । आणि निवांत हिं न न्हावे ।
 नेणों कैसा प्रेमभावें । गाजों चि लागे ॥ २२ ॥
 किंबहुना इया परीं । ननस केलें सहस्र बेन्ही ।
 पुढुतीं ह्याने श्रीहरी । तुज सन्मुखा नमो ॥ २३ ॥
 पोटा देवासि पाठि आधि कां नाहिं । येणें आह्मां उपेगु काइ ।
 तरि तुज पाठिमोरयासि ही । नमो स्वामी ॥ २४ ॥
 आतां वेगलालेयां हिं अवेवां । नेणें रूप करूं देवा ।
 ह्याणौनि नमो तुज सर्वा । सर्वव्यापका ॥ २५ ॥
 नमो जी अनंतबलसंभ्रमा । तुज नमो अनंतविक्रमा ।
 सकलकाळें समा । सर्वदेशा ॥ २६ ॥

आघवां अवकाशि जैसे । अवकाशु होउनि आकाश असे ।
 तूं सर्वपणें तैसें ॥ पातलासि सर्व ॥ २७ ॥
 किंबहुना केवल । सर्व हें तूं चि निखल ।
 आगा क्षीरार्णवीं कल्लोल । पयाचे जैसे ॥ २८ ॥
 ह्यगौनियां देवा । तूं वेगला न्हवसि सर्वा ।
 हें आलें मज सद्भावा । आतां तूं चि सर्व ॥ २९ ॥

संखेति मत्वा प्रसभं यदुक्तं

हे कृष्ण हे यादव हे संखेति ।

अज्ञानता महिमानं तवेदं

मया प्रमादात्प्रणयेन चापि ॥ ४१ ॥

पारि ऐसेया तूतें स्वामी । काहीं नेणों चि जी आहीं ।
 ह्यगौनि संबंधधर्मी । राहाटलें तुसीं ॥ ३० ॥
 आहां थोर वाउर जालें । अमृतें संमार्जन केलें ।
 वृषभु घेउनि दीधलें । कामधेनूतें ॥ ३१ ॥
 परिसु हाता आला । तो नेणौनि गा डौरां घातला ।
 कल्पतरूचा केला । कूपु सेता ॥ ३२ ॥
 चिंतामणिची खाणि देखिली ।
 पारि नोलखे चि ह्यगौनि अन्हेरिली ।
 तैसी तूझी जवलीक धाडिली ।
 सांघातीपणें ॥ ३३ ॥
 हें आजिचें चि पाहे पां रोकडें । कवण जूझ हें केवडें ।
 एध परमह्म तूं उघडें । सारथी केलासि ॥ ३४ ॥
 एयां कौरवांचेया घरा । शिष्टाड्ये धाडिलासि दातारा ।
 ऐसा बणेसाठिं जागेश्वरा । वीकिलासि जी ॥ ३५ ॥
 तूं योगियांचें समाधिसुख । कैसें जाणों चि ना मूर्ख ।
 उरोधु तुसीं सदमुख । करूं देवा ॥ ३६ ॥

यच्चापि हासार्थमसत्कृतोऽसि
विहारशय्यासनभोजनेषु ॥
एकोऽथवाप्यच्युत तत्समक्षं
तत्क्षामये त्वामहमप्रमेयम् ॥ ४२ ॥

तूया निश्चाची तुज ऐसेयाचां आदिं । बैसिजे उभयबंधीं । बैसासीजे ये सगामादि
आदि सोयारकी करुनि आधीं । रलीं बोलें ॥ ३७ ॥

विपायें राउला एउं । तारें तूझेनि आंगें मानु पाहों ।
न मनीसि तारें जाउं । रुसौनियां ॥ ३८ ॥
पायां लागौनि बुझावणी । तूझां ठाईं सारंगपाणी ।
आणिकें हों करणीं । बहुतें असति ॥ ३९ ॥

स्वजनपणाचिया बाटा । पाहों लागलों उपराठा ।
ऐसेया परीं वैकुंठा । चूकलों आह्मीं ॥ ५४० ॥
देवा तुजसिं आहिं कोलु धरं । अखंड लेंबीझोंबी करं ।
ऐसा सरिपाडु धरं असकरं । निकरें तंडों ॥ ४१ ॥
चांग तें उराउरीं मार्गों । आणि तुज चि किं बुद्धि सांगों ।
तेविं चि ह्मणों काइ लागों । तूझें आह्मीं ॥ ४२ ॥
ऐसा अपराधु एतुला आहे । जो त्रिभुवनीं परि न समाए ।
जी नेणों चि आह्मीं पाए । स्वीकरिले तूझे ॥ ४३ ॥
देउं भोजनाचां अंसरीं । लोभें किर आठवण करी ।
पैं माझी निसुगै अवधारीं । किं उगा चि बैसें ॥ ४४ ॥
देवाचां भोगायतनीं । खेलतां शंका न धरीं मनीं ।
आणि रिगौनियां शयनीं । सरिसा पडुडें ॥ ४५ ॥
कृष्णा ह्मणौनि हाकारिजे । यादवपणें तूतें लेखिजे ।
आपुली आण वाइजे । जातां तुज ॥ ४६ ॥
मज एकासनीं बैसणें । कां तूझा बोलु न मनणें ।
हैं प्रीतिचेनि दाटणें । बहुत घडलें ॥ ४७ ॥

हाणौनि काइ एक आतां । केती निवेदिजैल अनंता ।
 मी राशि आहे समस्ता । अपराधांचा ॥ ४८ ॥
 एया लागि पुढां अथवा पाठि । जियें राहटलां विरुद्धें गोमटीं ।
 तियें मायेचिया परी पोटीं । सामावी प्रभू ॥ ४९ ॥
 जी कन्हणी एके वेले । सरिता घेउनि येति खडुलें ।
 तियें सामाविजति समुद्रें जलें । किं बोसंडिजे सांघें ॥ ५० ॥
 तैसें प्रीती कां प्रमादें । देवेंसिं बोलिलां विरुद्धें ।
 तियें मज मुकुंदें । उपसहावीं ॥ ५१ ॥
 आणि देवाचेनि क्षमत्वे क्षमा । आधार जाली आहे भूतग्रामां ।
 हाणौनि ते पुरुषोत्तमा । कैसें व हाणों ॥ ५२ ॥ नि । ५०
 परि तन्हीं अप्रमेया । मज शरणागता आपुल्लेया ।
 क्षमा कीजो यया । अपराधांसि ॥ ५३ ॥

पितासि लोकस्य चराचरस्य ।

त्वमस्य पूज्यस्य गुरुर्गरीयान् ॥

न त्वत्समोऽस्त्यभ्याधिकः कुतोऽन्यो

लोकत्रयेऽन्यप्रतिमप्रभावः ॥ ४३ ॥

जी जाणितलें मियां साचें । महिमान आतां देवाचें ।
 देवो होये चराचराचें । जन्मस्थान ॥ ५४ ॥
 हरिहरादि समस्तां । देवा तूं परदेवता ।
 वेदातें हिं पढाविता । आदिगुरु तूं ॥ ५५ ॥
 गंभीर तूं श्रीरामा । नानाभूतैकधामा ।
 सकलगुणीं प्रतिमा । अद्वितीया ॥ ५६ ॥
 तुजसिं नाहिं सरिसें । हें प्रातिपादन काइसें ।
 तुवां जालेनि आकाशें । आण वाइली ॥ ५७ ॥ सामोविते जगे
 तेया तूझेनि पाडें दूजें । ऐसें बोलतां चि जी लाजिजे ।
 तेथ अधिकाची कीजे । गोठि केवि ॥ ५८ ॥

हणौनि त्रिभुवनीं तूं एकु । तुज सारिसा ना अधिकु ।
तूझा महिमा अलोलिकु । नेणिजे वानुं ॥ ५९ ॥

तस्मात्प्रणस्य प्रणिधाय कायं

प्रसादये त्वामहमीशमीड्यम् ।

पितेव पुत्रस्य सखेव सख्युः

२१ प्रियः प्रियायार्हसि हेव सोढुम् ॥ ४४ ॥

ऐसे अर्जुने हणितलें । मग पुढुतीं दंडवत घातलें ।
तेथ सात्विकाचें आलें । भारतें तेया ॥ ५६० ॥
हणतां प्रसीद प्रसीद । वाचा होतसे सद्गद ।
काढीं जी अपराध— । समुद्रौनियां ॥ ६१ ॥
तुज विश्वसुद्धातें कहीं । सोइरेपणें न मनूं चि पाहीं ।
तुज ईश्वरेश्वराचां ठांड । ऐश्वर्य केलें ॥ ६२ ॥
तूं वर्णनीयु पारि लोभें । मातें वानितां सभे ।
तें मियां साहिजे खोबे । निवातां चि ॥ ६३ ॥
आतां ऐसेसेयां अपराधां । मर्यादा नाहिं मुकुंदा ।
हणौनि रक्ष प्रमादा । पसा३० हणवीं ॥ ६४ ॥
जी हें चि विनवावेया लागि । कैची योग्यता माझां आंगीं ।
पारि अपत्य जैसें सलगी । बापेंसि बोले ॥ ६५ ॥
नातारि प्राणाचें सोयरें भेटे । मग जिवें जिये भूतळि संकटें ।
तियें निवेदितां न वटे । संकोचु कांहीं ॥ ६६ ॥
कां उखितें आंगें जीवें । आपणपें दीधलें जिया आघवें ।
तिये कांतु मीनलेयां न न्हावें । हृदय जेवि ॥ ६७ ॥
तिया परीं जी मियां । तुमतें विनविलें गोसावियां ।
परि आणिक ही एक हणवेया । कारण असे ॥ ६८ ॥

अदृष्टपूर्वं दृषितोऽस्मि दृष्ट्वा

भयेन च प्रव्यथितं मनो मे ।

तदेव मे दर्शय देव रूपं

प्रसीद देवेश जगन्निवास ॥ ४५ ॥

तारि देवेंसिं सलगि केली । जे विश्वरूपाची आलि घेतली ।

ते मायेबापें पुरविली । स्नेहालपणें ॥ ६९ ॥

सुरतरूचिं झाडें । आंगाणें लाविसि कोडें ।

देसि कामधेनूचे पाडे । खेलावेया ॥ ५७० ॥

भियां नक्षत्रां डाउ पाडावा ।

मग चंद्रु चेंडुवा लागि मागावा ।

हा संदु सिद्धी नेला आघवा ।

माउलिया तुवां ॥ ७१ ॥

जेया अमृतलेसा लागि सायास ।

तेयाचा पाउसाला केला च्यान्ही मास ।

पृथिविये लेउनियां तास ।

चिंतामणि घेरिले ॥ ७२ ॥

ऐसा कृतकृत्य कलां स्वामी । बहू ललां लालिलां तुह्यां ।

दाविलें जें हरब्रह्मी । नाइकिजे कार्नी ॥ ७३ ॥

मज देखावेयाची केउती गोठि ।

जेयाची उपनिषदां नाहिं भेटि ।

ते जिन्हारिची गांठि ।

मज लागिं सोडिली ॥ ७४ ॥

जी कल्पादि लागौनि । आजिची घडी धरुनि ।

माझिं जेतुलीं होउनि । गेलीं जन्में ॥ ७५ ॥

तेया आघवेया आंतु । घरड हुलि घेउनि असें पांतु ।

परि देखिजे आइकिजे हे मातु । आंतुडे चिं ना ॥ ७६ ॥

बुद्धिचें जाणणें । कहिं चि न वचे जेयाचेनि आंगणें ।
ते साद हि अंतष्करणें । करवे चि ना ॥ ७७ ॥

तेथ डोलेयां देखि होआवी । हे गोठि काइसेया करावी ।
किंबहुना पूर्वी । दृष्ट ना श्रुत ॥ ७८ ॥

तें हें विश्वरूप आपुलें । तुम्हीं मज जी दाविलें ।

तरि माझें मन जालें । दृष्ट देवा ॥ ७९ ॥

पारि आतां ऐसी चाड जीवि । जे तुजसिं गोठि करावी ।

जवलिक हे भोगावी । आलिंगुनि तूतें ॥ ८० ॥

तिथ तें इये चि रूपिं करूं म्हणिजे ।

तरि कवणें एकें मुखेंसि चावलिजे । नाचविज

आणि कोणा खेवं देइजे ।

तुज लेख नाहिं ॥ ८१ ॥

म्हणौनि वारेया सर्वे धावणें । न घडे गगना खेवं देणें ।

जळकेलि खेलणें । समुद्रीं केउती ॥ ८२ ॥

एया लागि देवा । येथ भय उपजतसे जीवा ।

म्हणौनि येतुला लला पाळावा । तरि पुरे हें आतां ॥ ८३ ॥

पै चराचर विनोदें पाहिजे । मग तेणें सुखें घरीं राहिजे ।

तैसें चतुर्भुजरूप तूझें । तो विसावां आक्षां ॥ ८४ ॥

आक्षीं योगजात अभ्यासावें । तेणें युया चि अनुभवा यावें ।

शास्त्रातें ओलाडावें । पारि सिद्धांतु तो हा चि ॥ ८५ ॥

आक्षिं यजनें कीजतु सकलें । पारि तियें फलाविं येणें चि फलें ।

तीर्थें होतु केवलें । यया चि लागि ॥ ८६ ॥

आणिक ही काहिं जे जे । दानपुण्य आक्षीं कीजे ।

तेया फलरूप तूझें । चतुर्भुजां चि होआवें ॥ ८७ ॥

ऐसी तेथिची जी आवडी । तें देखावेया वावडी । लवड मवडी

ते वर्तत असे सांकडी । फेडीं वेगां ॥ ८८ ॥

आगा जीविचें जाणतेया । सकल विश्व वसवितेया ।
प्रसन्न होई पूजितेया । देवांचिया देवा ॥ ८९ ॥

किरीटिनं गादिनं चक्रहस्त

मिच्छामि त्वां द्रष्टुमहं तथैव ।

तेनैव रूपेण चतुर्भुजेन

सहस्रबाहो मय विश्वमूर्ते ॥ ४६ ॥

कैसीं नीलोत्पलार्ते रावित । आकाशा रंगु लावित ।

तेजाची वोज दावित । इंद्रनील ॥ ५९० ॥

जैसा परिमलु जाला मरगजा ।

कां आनंदासि निगालिया दोनि भुजा ।

एणें आघवेनि मकरध्वजा ।

जोडली बरव ॥ ९१ ॥

मस्तार्कि मुकुटा ठेविलें । किं मस्तक मुगुटु जालें ।

श्रिंगारें लेणें लाधलें । आंगाचें जेया ॥ ९२ ॥

इंद्रधनुखाचिये आडणी । माझि मेघ गगनरंगणी ।

तैसें आवरलें सारंगपाणी । वैजयंतिया ॥ ९३ ॥

कवणि ते उदार गदा । करी असुरां कैवल्य्याचां धोंदा ।

कैसें चक्र हान गोविंदा । सौम्य तें ॥ ९४ ॥

किंबहुना स्वामी । तें देखोवेया उत्कंठ मी ।

हणौनि झडकरुनि तुहीं । तैसें चि होआवें ॥ ९५ ॥

हे विश्वरूपाचे सोहले । भोगूनियां निवाले डोले ।

आतां होताति आंधले । कृष्णालागि ॥ ९६ ॥

तें साकार कृष्णरूपडें । वांचूनि पाहों आन नांवडें ।

तें नेदखतां थोडें । मानिताति हे ॥ ९७ ॥

आह्मां भोग मोक्षाचां ठाई । ते श्रीमूर्ति वांचूनि नाहिं ।

हणौनि तैसा चि साकारु होई । हें संहारी आतां ॥ ९८ ॥

श्रीभगवानुवाच ।

मया प्रसन्नेन तवार्जुनेदं

रूपं परं दर्शितमात्मयोगात् ।

तेजोमयं विश्वमनंतमाद्यं

यन्मे त्वदन्येन न दृष्टपूर्वम् ॥ ४७ ॥

एया अर्जुनाचेया बोला । विश्वरूपा विस्मो जाला ।

हाणे ऐसा नाहिं देखिला । घसाल कोणही ॥ ९९ ॥

कोणि हे वस्तु लाधलासि ।

तेया लाभाचा तोषु नेघसि ।

मां भेणें काड बोलसि ।

हेकाडु ऐसा ॥ ६०० ॥

आह्मीं सवियां चि जें प्रसन्न होणें ।

तैं आंग चि वरि हाणे देणें ।

वांचूनि जीउ असे वेचणें ।

कव्हणा लागि ॥ १ ॥

तें हें तूक्षिणे चाडे । आजि जीवाचें चि दलवाडें ।

कालौनियां एवडें । रचिलें ध्यान ॥ २ ॥

ऐसी पै तूक्षिया आवडी । जाली प्रसन्नता आमची एवडी ।

हाणौनि गौप्याची ही गुढी । उभिली जर्गी ॥ ३ ॥

तें हें देख अपार । स्वरूप माझें पर ।

एथौनि ते अवतार । कृष्णादिकांचे ॥ ४ ॥

हें ज्ञानतेजाचें निखल । विश्वात्मक केवल ।

अनंत हें अढल । आद्य हें ॥ ५ ॥

आणि हें तुज वांचूनि अर्जुनां । पूर्वीं दृढ नाहिं आना ।

जें न्हवे जीगें साधना । हाणौनियां ॥ ६ ॥

न वेदयज्ञाध्ययनैर्न दानै
न च क्रियाभिर्न तपोमिरुग्रैः ।
एवंरूपः शक्य अहं नृलोके ।

द्रष्टुं त्वदन्येन कूरुप्रवीर ॥ ४८ ॥

एयाची सोय पातले । आणि वेदीं मौन चि घेतलें ।
यज्ञ किर माघौते आलें । स्वर्गौनि चि ॥ ७ ॥
साधर्कि देखिला आयासु । म्हणौनि निर्वाळिला योगाभ्यासु ।
आणि अध्ययनासि सोरसु । नाहिं एथ ॥ ८ ॥
सिधेचि सत्कर्मे । धाविनलीं संभ्रमे ।
तिहिं बहुते एके श्रमे । सत्यलोकु टाकिला ॥ ९ ॥
तिहिं स्वर्ग देखिलें । आणि उग्रपर्णे उगेयां चि सांडिलें ।
एवं साधना जें ठेलें । अपटांतरिं ॥ ६१० ॥
हें तुवां अनायासें । विश्वरूप देखिलें जैसें ।
इथे मनुष्यलोकिं तैसें । न फवे चि कोण्हां ॥ ११ ॥
आजि ध्यानसंपत्ती लागि । तूं चि एकु आथि जर्गी ।
हें भाग्य देखें आंगीं । विरिंची ही नाहिं ॥ १२ ॥

मा ते व्यथा मा च विरूढभावो
दृष्ट्वा रूपं घोरमीदृजमेदम् ।

व्यपेतभीः प्रीतमनाः पुनस्त्वं ।

तदेव मे रूपमिदं प्रपश्य ॥ ४९ ॥

म्हणौनि विश्वरूपिं श्लाघ । एथिचें भय नेघ ।
दे वांचूनि चांग । न मनी काहिं ॥ १३ ॥
समुद्र अमृता भरला । आणि अवसांत वरिपडा जाला ।
मग कव्हणीं आथि वोसंडिला । बुडिजेल म्हणौनि ॥ १४ ॥
नातरि सोनेयाचा डोंगर । काड करावा हा थोर ।
ऐसें म्हणौनि अब्हेर । करी कोण्हीं ॥ १५ ॥

दैवें चिंतामणि लेइजे । किं तेयातें वोझें हणौनि उभंडिजे ।

ना तारि कामधेनु दवडिजे । न पोसवे हणौनि ॥ १६ ॥

हां गा चंद्रमा आलेयां घरा ।

तेयातें हणिजे निगें न करि उबारा ।

पडिसाई पाडितासि दिनकरा ।

परता सरै ॥ १७ ॥

तैसें ऐश्वर्य हें महातेज । दृष्ट जालें गा तुज ।

परि बायां चि गजबज । करितासि कां ॥ १८ ॥

परि नेणसि गा धनंजया । काइ कोपों गावढेया ।

आंग सांडूनि छाया । आलंगिसी कां ॥ १९ ॥

हें नव्हे जो मी साचें । ऐसें मन करिसी हो काचें ।

प्रेम धरूनि आवगणिचें । निहालिसी कां ॥ २० ॥

तारि आझू वेन्हीं पार्था । सांडिं थाया हो आतां ।

इये विधिं आस्था । चोरिसि झनें ॥ २१ ॥

हें रूप जन्हीं घोर । विकृत आणि थोर ।

तन्हीं कृतनिश्चयासि घर । हें चि करीं ॥ २२ ॥

कृपणाची चित्तवृत्ति जैसी । राउनि घातली ठेवेया पासि ।

मग नसुधेनि देहेसि । आपणपां असे ॥ २३ ॥

कां अजातपक्षा जवला । जीउ बैसौनि तिथा आविसालां ।

पक्षिणी अंतराला । उडौनि जाये ॥ २४ ॥

ना गाय चेर डोंगरीं । परि चित्त बांधलें वत्सें घरीं ।

तैसें प्रेम येथ करीं । पार्था तूं ॥ २५ ॥

एरे उवाइलेनि चित्तें । बाह्य सख्य यया सुखा पुरतें ।

भोगि जो कां तिये श्रीमूर्तिर्तें । चतुर्भुजे इये ॥ २६ ॥

परि पुढुतीं पुढुतीं पांडवा । हा येकु बोलु न विसरावा ।

जें इये रूपौनि सद्भावा । नेंदावें निगों ॥ २७ ॥

हैं काहिं चि नन्हें देखिलें । हाणौनि तुज भय उपनलें ।
 तें सांडिं एथ संचलें । असों दे प्रेम ॥ ६२८ ॥
 आतां करूं तूझेया सारिखें । हाणितलें विश्वतोमुखें ।
 तारि मागील रूप सुखें । दाउं तुज ॥ २९ ॥
 ऐसे वाक्य बोलत खेउ । मागुता मनुष्य जाला देउ ।
 ऐसा देखां नवलाउ । आवडिचा तिये ॥ ६३० ॥
 कृष्ण कैवल्य उघडें । वारि सर्वस्व विश्वरूपा येवडें ।
 हाति दीधलें किं नावडे । अर्जुनासि ॥ ३१ ॥
 वारुकां वारुण वारिजे । जैसे रत्नासि दूषण ठेविजे ।
 ना तारि कन्या पाहुनु हाणिजे । मना नये ॥ ३२ ॥
 तेया विश्वरूपा येवडी दशा । कारितां प्रीतिचा वाडु कैसा ।
 सेल दीधली असे उपदेशा । किरीटीसि देवें ॥ ३३ ॥
 मोडूनि भांगाराचा रवा । लेणीं घडिजति आपुलेया सवा ।
 मना नावडे जरि जीवा । तारि आटिजे पुढुतीं ॥ ३४ ॥
 तैसें शिष्याचिये प्रतीती जालें । कृष्णत्व होतें तें विश्वरूप केलें ।
 तें मना नये चि तेन्हलें आणिलें । कृष्णपण मागुतें ॥ ३५ ॥

संजय उवाच ॥

इत्यर्जुनं वासुदेवस्तथोक्त्वा
 स्वकं रूपं दर्शयामास भूयः ।
 आश्वासयामास च भीतमेनं
 भूत्वा पुनः सौम्यवपुर्महात्मा ॥ ५० ॥

हा ठावो वेन्हीं शिष्याची निर्सि ।
 साहाते गुरु काइ आहाति देशी ।
 परि नेणिजे आवडि कैसी ।
 संजयो हाणे ॥ ३६ ॥

मग विश्व व्यापूनि भवतें । जें योगतेज प्रकटलें होतें ।
 तें हारतलें आइतें । रूपिं तिये ॥ ३७ ॥
 जैसें त्वंपद हें आघवें । तत्पदार्थी सामावें ।
 अथवा दृमाकारु सांठवें । बीजकणिके ॥ ३८ ॥
 ना तरि स्वप्नसंभ्रमु जैसा । गिली चेइली जीवदशा ।
 श्रीकृष्णें योगु तैसा । संहारिला तो ॥ ३९ ॥
 जैसी हारतली प्रभा बिंबि । कां जळदसंपति नभीं ।
 भरितें सिंधुगर्भी । रिगलें राया ॥ ४० ॥
 हों काज कृष्णाकृतिचिया मोडी । होती विश्वरूपाची घडी ।
 ते अर्जुनाचिया आवडी । उपलविली देवें ॥ ४१ ॥
 तव प्रमाण आणि रंगु । देखिला सवियां चांगु ।
 तेथ ग्राहकैये जाला लागु । म्हणौनि केली पुढुतीं ॥ ४२ ॥
 तैसें वाढिचेनि बहुवसपणें । रूपें विश्व जितलें जेणें ।
 तें सौम्य कोडिसवाणें । साकार जालें ॥ ४३ ॥
 किंबहुना अनंतें । धाकुटेपण धरलें मावौतें ।
 परि आश्वासिलें पार्थीतें । भियालेयातें ॥ ४४ ॥
 तेथ स्वर्गी स्वर्गा गेला । तो अवसांत जैसा चेइला ।
 तैसा विस्मयो जाला । किरीटीसी ॥ ४५ ॥
 नातरि गुरुकृपे सवें । उगसरलें प्रपंचजात आघवें ।
 स्फुरे तत्व तेवि पांडवें । मूर्ति देखिली ॥ ४६ ॥
 तेया पांडवा ऐसें चिर्ती । आड विश्वरूपाची जवनीक होती ।
 ते फिटौनि गेली परौती । हें भलें जालें ॥ ४७ ॥
 काइ कालातें जीणौनि आलां ।
 किं मियां महावातु मागां सांडिला ।
 नातरि आपुलां बाहिं उतरलां ।
 सिंधु सातै ॥ ४८ ॥

ऐसा संतोषु बहू चित्तें । घेइजत असे पांडुसुतें ।
 विश्वरूपा पाठिं कृष्णातें । देखौनियां ॥ ४९ ॥
 मग सूर्याचां अस्तमानीं । माधुतिया तारा उघडती गगनीं ।
 तैसा देखों लागला व्यनीं । दोन्हीं सैन्यें ॥ ५० ॥
 पाहे तवं तें चि कुरुक्षेत्र । आणि दों भागीं जालें असे गोत्र ।
 घारे वरिषताति शस्त्र । संघाट वेन्हीं ॥ ५१ ॥
 तेया बाणाचेया मांडवा आंतु । तैसा चि रथु आहे निवांतु ।
 धूरे बैसला लक्ष्मीकांतु । आपणपें तलीं ॥ ५२ ॥
 तवं मागील जैसें तैसें । तेणें देखिले वीर विलासे ।
 मग हाणे जी आतां मानसें । साच घेतलें ॥ ५३ ॥
 बुद्धितें सांडूनि ज्ञान । भेण वलवले रान ।
 अहंकारेंसि मन । कां देशीक जालें ॥ ५४ ॥
 इंद्रियें प्रकृति भूललीं । वाचा प्राणासि चूकली ।
 ऐसी अपांपारि होती जाली । शरीरग्रामि ॥ ५५ ॥
 तियें आघवीं चि माघौतीं । जीवें भेटलीं प्रकृती ।
 आतां जीताणें श्रीमूर्ती । जालें इया ॥ ५६ ॥

अर्जुन उवाच ।

दृष्ट्वेदं मानुषं रूपं तव सौम्यं जनार्दन ।

इदानीमस्मि संवृत्तः सचेताः प्रकृतिं गतः ॥ ५१ ॥

तेसं ऐसें सुख जीवीं घेतलें । मग कृष्णातें जी हाणितलें ।
 मियां तुमचें रूप देखिलें । मानुष हें ॥ ५७ ॥
 हें रूप दाखवणें राया । किं अपत्या मज चूकलेया ।
 बुझाउनि तुवां माया । स्तन्य दीधलें ॥ ५८ ॥
 जी विश्वरूपाचां सागरीं । होतां तरंग मवीतु वांव वेन्हीं ।
 तो इये मूर्तीचां तीरीं । निगाला आतां ॥ ५९ ॥

आइकै द्वारकापुरसुहडा । मज सुकतेया जी झाडा ।
 हे भेटि नव्हे हुडा । मेघांचा जाला ॥ ६० ॥
 सावियां तृषा फूटला । तेया मज अमृतसिंधु भेटला ।
 आतां भरवंसा जाला । जाणयांचा ॥ ६१ ॥ जेणे
 माझां हृदयरंगणी । होतसे हरिषलतांची लावणी ।
 सुखेसि बुझावणी । जाली मज ॥ ६२ ॥

श्रीभगवानुवाच ।

सुदुर्दर्शमिदं रूपं दृष्टवानसि यन्मम ।
 देवा अप्यस्य रूपस्य नित्यं दर्शनकांक्षिणः ॥ ५२ ॥
 या पार्थाचेया बोला सर्वे । हे काइ गा हाणितलें देवें ।
 तुवां प्रेम ठेउनि यावें । विश्वरूपी किं ॥ ६३ ॥
 मग इये श्रीमूर्ती । भेटावे सडिया आइती ।
 हें सिखवणें सुभद्रापती । विसरलासि पै ॥ ६४ ॥
 पै लाघलेयां अर्जुना । मेरु ही आवडे साना ।
 ऐसा आधि मना । दुःस्वप्नभावो ॥ ६५ ॥
 तें हें विश्वात्मक रूपडें । जें दाविलें गा तुजपुढें ।
 तें शंभू ही न जोडे । तप करितां ॥ ६६ ॥
 अष्टांगादि संकटी । योगी सीणताति किरीटी ।
 पारि अवसर नाहिं भेटी । जेयाचिये ॥ ६७ ॥
 तें विश्वरूप एकधा वेलु । देखौनि काये अलुमालु ।
 ऐसें करितां कालु । जातसे देवां ॥ ६८ ॥
 आशोचिया आंजुली । ठेउनि हृदयाचां निडलीं ।
 चातक निरालीं । लागलें जैसें ॥ ६९ ॥
 तैसे उत्कंठानिर्भर । होउनियां सुरवर ।
 घोकित आठै पाहार । भेटि जेयाची ॥ ७० ॥

पैं विश्वरूपा सारिखें । स्वप्नीं हिं कव्हणीं नेदखे ।
जें प्रत्यक्ष तुवां सुखें । देखिलें हें ॥ ७१ ॥

नाहं वेदैर्न तपसा न दानेन न चेज्यया ।

शक्य एवंविधो द्रष्टुं दृष्टवानसि मां यथा ॥ ५३ ॥

पैं उपायांसि वाटा । नव्हति एथ सूभटा ।

सावाइं वोहटा । वाहिला वेदें ॥ ७२ ॥

मज विश्वरूपाचिया मोहरा । चालवेया धनुर्दरा ।

तपांचिया ही सर्वभारा । न्हवे चि लाडु ॥ ७३ ॥

आणि दान किरु हें कानडें । मीं यज्ञीं हीं तैसा न संपडे ।

जैसेनि कां सुरवाडें । देखिलें तुवां ॥ ७४ ॥

भक्त्या त्वनन्यया शक्य अहमेवंविधोऽर्जुन ।

ज्ञातुं द्रष्टुं च तत्त्वेन प्रवेष्टुं च परंतप ॥ ५४ ॥

तैसा मी एकी चि परी । आंतुडें गा अवधारिं ।

जरि भक्ति एउनु वरी । चित्त माझें ॥ ७५ ॥

ते चि भक्ति ऐसी । पर्जन्याची सूटिका जैसी ।

धारा वांचूनि अनारिसी । गोठि नेणे ॥ ७६ ॥

कां सकल जलसंपत्ती । घेउनि समुद्रातें गिवसिती ।

गंगा जैसी अनन्यगती । मीनली चि मिले ॥ ७७ ॥

तैसें गा सर्वभावभारें । न धरत प्रेम एकसरें ।

मज माझि संचरे । मी चि होउनि ॥ ७८ ॥

आणि तेविं चि मीं ऐसा । थडिये माझारी सारिसा ।

क्षीराब्धि कां जैसा । क्षीराचा चि ॥ ७९ ॥

तैसें मज लागूनि मुंगी वेन्हीं । किंबहुना चराचरीं ।

भजनासि गा दुसरी । आंति पैं नाहिं ॥ ८० ॥

तैं तेया चि क्षणा सवें । येवविधु मीं जाणवें ।

जाणितलां तरि स्वभावे । द्रिष्टु होये ॥ ८१ ॥

मग इंधनि आगि उदिपे । आगि इंधन हें भाष हारपे ।
 तै अग्नी चि होउनि आरोपे । मूर्त जेवि ॥ ८२ ॥
 कां उदो न करिजे तेजकरें ।
 तवं गगन चि होउनि असे आंधारें ।
 मग उदैलेयां एकसरें ।
 प्रकाशु होए ॥ ८३ ॥
 तैसें माझां साक्षात्कारी । सरे अहंकाराची वारी ।
 अहंकारलोपीं अवधारीं । द्वैत जाए ॥ ८४ ॥
 मग मीं तो हें आघवें । एकु मीं चि आधि स्वभावें ।
 किंबहुना सामावे । समरसें तो ॥ ८५ ॥

मत्कर्मकृन्मत्परमो मङ्गलः संगर्जितः ।

निर्वैरः सर्वभूतेषु यः स मामेति पांडव ॥ ५५ ॥

जो मज चि एका लागि । कर्म वाहांतसे आंगीं ।
 जेया मज वांचूनि जर्गी । गोमटे नाहिं ॥ ८६ ॥
 दृष्टादृष्ट सकल । जेयासि मीं चि केवल ।
 जेणें जियावेयाचें फल । मज चि नावें ठेविलें ॥ ८७ ॥
 भूतें हें भाष विसरला । जें दीठी मी चि आहें बांधला ।
 ह्यणौनि निर्वैर जाला । सर्वत्र भजे ॥ ८८ ॥
 ऐसा जो भक्तु होये । तेयाचें त्रैधातुक जें आहे ।
 तें मीं चि होउनि ठायें । पांडवा गा ॥ ८९ ॥
 ऐसें जगदुदरदोंदिलें । तेणें करुणारसकळोलें ।
 संजयो ह्यणे बोलिलें । कृष्णदेवें ॥ ९० ॥
 आतां यावारे तो पांडुकुमर । जाला असे आनंदसंपदा थोर ।
 आणि कृष्णचरणचतुर् । एकु चि तो जर्गी ॥ ९१ ॥
 तेणें देवाचिया दोन्ही मूर्ती । नीकिया निहालिलिया चित्तीं ।
 तवं विश्वरूपा पाहूनि कृष्णमूर्ती । देखिला लाभ ॥ ९२ ॥

परि तेयाचिये जाणिवे । मानु न करिजे चि देवें ।
 जें व्यापक पाहूनि न्हेवे । एकदेशिय ॥ ९३ ॥
 आणि हें चि सामर्थ्याबेया लागि । येकि दोनि चांगी ।
 उपपत्ती शारंगी । दाविता जाला ॥ ९४ ॥
 तिया आइकौनि सुभद्राकांतु । चित्ति असे ह्मणतु ।
 परि होये जे दोन्ही आंतु । तें पुढुतीं पुसों ॥ ९५ ॥
 ऐसा आलों चुकरुनि जीवीं । आतां पूसती वोज बरवी ।
 आदरील ते परिसात्री । पुढील कथा ॥ ९६ ॥
 प्रांजल बोवीप्रबंधें । गोठि सांघिजैल विनोदें ।
 निवृत्तिपादप्रसादें । ज्ञानदेऊ ह्मणे ॥ ९७ ॥
 भरुनि सद्भावाचिया आंजुली । मियां बोवीफुलें मोकलीं ।
 अर्पिलीं अंग्रियुगुलीं । विश्वरूपाचां ॥ ९८ ॥

ॐ ॥ तत्सदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे विश्वरूपदर्शन-
 योगो नाम एकादशोऽध्यायः ॥११॥

॥ श्रीकृष्णार्पणमस्तु ॥



ज्ञानेश्वरी

अध्याय बारावा ५

॥ श्रीगणेशायनमः ॥

जय जय सिद्धे । उदारे प्रसिद्धे ।
अनव्रत आनंदे । वर्त्तितिये ॥ १ ॥
विषयव्यालें मीठी । दीधलेयां उठणें नाहिं ताठि । १ सा
तूझेनि वो गुरुद्रिष्टी । होये माए ॥ २ ॥
तारि ताप कोणातें पोली । कैसेनि सोसु जाली ।
जरि प्रसादरसकल्लोली । पूरें येसि तूं ॥ ३ ॥
योगसुखाचे सोहले । सेवकां दावीसि स्नेहाले ।
सोहंसिद्धीचे लले । पालीसि तूं ॥ ४ ॥
आधारशक्तीचां अंकिं । वाढविसि तूं कौतुकिं । ४
हृदयकोशपालकीं । हालवीसि पै ॥ ५ ॥
प्रत्यग्ज्योतीची बोवाळणी । करिसि मनपवनाचिं खेलणिं ।
रिद्धीसिद्धीचिं बाललेणीं । लेववीसि माये ॥ ६ ॥
सतरावियेचें स्तन्य देसी । अनाहताचा हंलुरु गासी ।
समाधिबोधें निजविसी । बुझाउनि ॥ ७ ॥
म्हणौनि साधकां तूं माउली । । पीके सारस्वत तूझां पाउलीं ।
या कारणें साउलीं । न संडीं तूझी ॥ ८ ॥
आवो सद्गुरुचिये दीठी । तूझें कारुण्य जेयातें आविष्टी ।
तो सकलविद्याचिये शृष्टी । धात्रा होए ॥ ९ ॥

म्हणौनि अंबे श्रीमंते । निजजनकल्पले ।
 आज्ञा दे पां मातें । निरूपणीं ॥ १० ॥
 नवरसां भरविं सागर । करविं उचितरत्नाचे आगर ।
 भाषार्थाचे गिरिवर । निफजविं माये ॥ ११ ॥
 साहित्यसोनेयांचिया खाणी । उघडविं देशीचिया अक्षोणी ।
 विवेका वेळीची लावणी । होंदे सैध ॥ १२ ॥
 संवादफलनिधानें । प्रमेयाचि उद्यान ।
 लावीं म्हणे गहनें । निरंतर ॥ १३ ॥
 पाखांडाचे दरकुटे । मोडीं वागवाद अन्हांटे ।
 कुतर्काचि दुष्टें । सावजें दवडीं ॥ १४ ॥
 श्रीकृष्णचरणें मातें । सर्वत्र करिं वसतें ।
 राणिवे बैसवीं श्रोते । श्रवणाचिये ॥ १५ ॥
 मन्हाटियेचां नगरीं । ब्रह्मविद्येचा सुकालु करीं ।
 घेणें देणें सुखचि वेन्हीं । जगा होंदेइ ॥ १६ ॥
 तूं आपुलेनि स्नेहपल्लवें । मातें पांगुरवीसि सदैवें ।
 तरिं आतां चि हें आघवें । निर्मीन मीं ॥ १७ ॥
 इये विनवणिये साठिं । अवलोकिलें गुरुद्रिष्टी ।
 हाणे गीतार्थेंसि उठीं । न बोल बहू ॥ १८ ॥
 येथ जी जी महाप्रसादु । हाणौनि सवियां जाला आनंदु ।
 आतां निरोपिजैल प्रबधु । अवधान दीजो ॥ १९ ॥

अर्जुन उवाच ।

एवं सततयुक्ता ये भक्तास्त्वां पर्युपासते ।
 ये चाप्यक्षरमव्यक्तं तेषां के योगवित्तमाः ॥ १ ॥
 तरि सकलवीराधिराजु । तो सोमवंशु विजयध्वजु ।
 बोलता जाला आत्मजु । पांडुनृपाचा ॥ २० ॥

कृष्णातें हणगे अवंधारिलें । आपण विश्वरूप मज दाविलें ।
 तव नवल हणौनि भ्यालें । चित्त माझें ॥ २१ ॥
 आणि ये कृष्णमूर्तीची सवे । हणौनि सोये धरिली जीवें ।
 तव नको हणौनि देवें । वारिलें मातें ॥ २२ ॥
 तारि व्यक्त आणि अव्यक्त । तूंचि येक निभ्रांत ।
 भक्ती पाविजे व्यक्त । अव्यक्त योगें ॥ २३ ॥
 या दोनी चि जी वाटा । तूतें ठाकावेया वैकुंठा ।
 व्यक्तअव्यक्ताचां दारवठां । रिगिजे येथ ॥ २४ ॥
 पै जे वानी श्येया तूकां । ते चि वेगली वाला येका ।
 हणौनि येकदेशी व्यापका । पाडु नेदखें ॥ २५ ॥
 अमृताचां सागरिं । जे लाभे सामर्थ्याची थोरी ।
 ते चि दे अमृतलहरी । चुलिं घेतलेयां ॥ २६ ॥
 हे किर माझां चितीं । प्रतीति आथि जी निरुती ।
 परी पूसणें योगपती । याचिलामि ॥ २७ ॥
 जें देवा तूहीं नावेक । अंगिकारिलें व्यापक ।
 तें साच किं कवतिक । हें जाणावेया ॥ २८ ॥
 तारि तुजलागि सवर्म । तूं जेयांचें परम ।
 भक्तीसि मनोधर्म । विकूनि घातले ॥ २९ ॥
 इत्यादि सवें परीं । जे भक्त तूतें हरी ।
 बांधौनियां जिन्हारीं । उपासिती ॥ ३० ॥
 आणि प्रणवापैलीकडे । वैखरीसि जें कांनडें ।
 काइसेया ही सांघडें । नव्हे जे वस्तु ॥ ३१ ॥
 तें अक्षर जी अव्यक्त । निर्देशदेशरहित ।
 सोहंभावे उपासित । योगिये जे ॥ ३२ ॥ अथे
 तेयां आणि जी भक्तां । येयां येरयेरां अनंता ।
 कवणें योगें तत्त्वता । जाणीतला सांघें ॥ ३३ ॥

श्रीभगवानुवाच ।

मय्यावेदय मनो ये मां नित्ययुक्ता उपासते ।

श्रद्धया परयोपेतास्ते मे युक्ततमा मताः ॥ २ ॥

या किरीटिचिया बोला । तो विश्वव्यापकु संतोखला ।

म्हणे प्रभु पै भला । केला तुवां ॥ ३४ ॥

तारि अस्तगिरिचां उपकंठी । रिगालेया रविबिंबापाठी ।

रश्मि जैसे किरीटी । संचरति गा ॥ ३५ ॥

तैसे सर्व इंद्रियें सहित । मजमाक्षि सूनि चित्त ।

रातिदीनु न म्हणत । उपासिति जे ॥ ३६ ॥

परि टाकिल्यांहि सागर । जैसा मागील यावा अनिवार ।

तिये गंगेचिया ऐसा पडिभर । प्रेमभावां ॥ ३७ ॥

वरुणाकालिं सरिता । जैसी चढों लागे पांडुसुता ।

तैसी दूणे वारि भजतां । श्रद्धा दीसे ॥ ३८ ॥

येयापरि जे भक्त । आपणपें मज देंत ।

ते मी योगयुक्त । परम मानीं ॥ ३९ ॥

ये त्वक्षरमनिर्देश्यमव्यक्तं पर्युपासते ।

सर्वगमचिन्त्यं च कूटस्थमचलं ध्रुवम् ॥ ३॥

आणि येर ते पांडवा । जे आरुढौनि सोहंभावा ।

व झोंबति निरयवां । अक्षरासि ॥ ४० ॥

जेथ मनाची नाखि न लगे । तेथ बुद्धीची ही दीठि न रिगे ।

इंद्रियां किर जोगें । होईल कायि ॥ ४१ ॥

परि ध्याना हि कुवाडें । हणौनि येके ठाई न संपडे ।

व्यक्तीसि माक्षिवडें । होईल कायि ॥ ४२ ॥

जेया सर्वत्र सर्वपणें । सर्विहिं कालिं असणें ।

जें पाहूनि चितणें । हिंपुटी जालें ॥ ४३ ॥

जें होये ना नव्हे । जें नाहिं ना आहे ।
 जें पाहुनु उपाये । उपजति ना ॥ ४४ ॥
 जें चले ना ढले । सरे ना मैले ।
 तें आपुलेनि बलें । आंगविलें ॥ ४५ ॥

सन्नियम्येन्द्रियग्रामं सर्वत्र समबुद्धयः ।

ते प्राप्नुवन्ति मामेव सर्वभूतहिते रताः ॥ ४ ॥

धैर्याग्यमहापावकें । जाल्लनि विषयांचि कटकें ।
 आधपलिपिं तवकें । इन्द्रियें धरिलीं ॥ ४६ ॥
 मग संयमाची धाटी । सूनू मुरुडिलिं यालवटीं ।
 फोंडियलीं कपाटीं । हृदयाचां ॥ ४७ ॥
 अपानाचिया कवाडा । लाउनि आसनमुद्रा सुहाडा ।
 मूलबंधाचा हुडा । पानासिला ॥ ४८ ॥
 आसेंचे लाग तोडिले । धैर्याचे कडे झाडिले ।
 निद्रेचें शोधिलें । कालवखें पै ॥ ४९ ॥
 वज्राग्नीचां ज्वालीं । करुन अपारां धातूंची होली ।
 व्याधिचां सीसालीं । पूजिलीं यंत्रें ॥ ५० ॥
 मग कुंडलगियेचा टेंभा । आंधारीं करुनि उभा ।
 तिया चोजविलिया प्रभा । निमग्नवेज्हीं ॥ ५१ ॥ अभा
 नवद्वाराचां चौकीं । बाणूनि संयतेचां आडवंकीं । नाकीं
 उघडिलीं खिडकी । ककारांतीची ॥ ५२ ॥
 प्राणशक्ती चामुडे । प्रहारुनि संकल्पमेंढे ।
 मनोहौषाचेनि मुंडें । बलि दीन्हली ॥ ५३ ॥
 मग चंद्रसूर्या बुझावणी । करुनि अनाहताची सुडावणी ।
 सत्रावियेचें पाणीं । जितलें वेगां ॥ ५४ ॥ गी
 मग मध्यमामध्यविवरें । तेणें कोरिवें दादरें ।
 टाकिलें चवरें । ब्रह्मरंध्रिचें ॥ ५५ ॥

वारै मकारांत सोपान । तें सांडूनियां गहन ।
 कांखे सूनि गगन । भरले ब्रह्मी ॥ ५६ ॥
 ऐसेनि जे समबुद्धी । गिलावेया सोहंसिद्धी ।
 आंगिवीति निखधी । योगदुर्गे ॥ ५७ ॥
 आपुलिया साटोवाटी । घेंति शून्य उठाउठी ।
 तेही मातें किरीटी । पावति गा ॥ ५८ ॥

क्लेशोधिकतरस्तेषामव्यक्तसक्तचेतसाम् ।

अव्यक्ता हि गतिर्दुःखं देहवद्भिरवाप्यते ॥ ५ ॥

वांचूनि योगाचेनि बलें । अधिक काहिं मिले ।
 ऐसें नाहिं आगले । कष्टचि तेयां ॥ ५९ ॥
 जिहिं सकलभूताचां हिति । निरालंब अव्यक्ती ।
 पसरिलिया मती । भक्तीवीण ॥ ६० ॥
 तेया महेंद्रादिपदें । करीति वाटबंधें ।
 रिद्धीसिद्धीसिं द्वंद्वें । पाडौनि ठाति ॥ ६१ ॥
 कामक्रोधांचे विलग । उठावती अनेग ।
 आणि शून्येसिं आंग । जूझावें किं ॥ ६२ ॥
 ताहाना ताहान चि पियावी । भूकैलेयां भूक चि खावी ।
 अहोरात्रि वारिं । मवावा वारा ॥ ६३ ॥
 उनीदेयाचें पड्डणें । निरोधाचें वेल्हावणें ।
 झाडेंसिं साजणें । चालावें गा ॥ ६४ ॥
 सीत वेढावें । उष्ण पांघुरावें ।
 वृष्टीचेया असावें । घरा आंतु ॥ ६५ ॥
 किंबहुना पांडवा । हा अग्निप्रवेशु नीच नवा ।
 भातारेंविण करावा । तो हा योगु ॥ ६६ ॥
 स्वामिचें काज । ना बापिकें व्याज । नाना प्रकारे
 पारि यमैसिं जूझ । नीच नवें ॥ ६७ ॥

ऐसैं मृत्यूहूनि तिख । कां घोंटे जलतें विख ।
 डोंगर गीलितां मुख । न फटे काई ॥ ६८ ॥
 हणौनि योगाचिया वाटा । जे निगाले गा सूभटा ।
 त्यांसि दुःखाचा वाटा । भागासि आला ॥ ६९ ॥
 पाहे पां लोहाचे चणे । बोचरां पडतीं खाणें ।
 तें पोट भरणें किं प्राणें । शुद्धि हणों ॥ ७० ॥
 हणौनि समुद्र बाहीं । तरणें आधि केहीं ।
 गगनामाजि पाई । खोलिजत असे ॥ ७१ ॥
 वलघलेयां थाटी । आंगिं न भरतां काठी ।
 सूर्याची पाउटी । होववे काइ गा ॥ ७२ ॥
 यालागि पांगुलां हेवा । नव्हे वायूसि पांडवा ।
 तेवि देहवंतां जीवां । अव्यक्ति गति ॥ ७३ ॥
 ऐसा ही जन्हीं धिवंसा । बांधौनियां आकाशा ।
 झोंबति तरि क्लेशा । पात्र होती ॥ ७४ ॥

ये तु सर्वाणि कर्माणि भयि संन्यस्य मत्पराः ।

अनन्येनैव योगेन मां ध्यायंत उपासते ॥ ६ ॥

हणौनि येर तयांची वार्ता । परिसैं गा पार्था ।
 जे कां भक्तिपंथा । वोढंगले ॥ ७५ ॥
 कर्में इंद्रियें सुखें । करीति कर्में अशेषें ।
 जियें कां वर्णविशेषें । भोगासि आलीं ॥ ७६ ॥
 विधितें पालीत । निषेधातें गालीत ।
 मज देउनि जालीत । कर्मफलें ॥ ७७ ॥
 ऐसिया परि पाहिं । अर्जुना माझां ठांइ ।
 संन्यासूनि नाहिं । करिति कर्में ॥ ७८ ॥
 आणिक जें जें सर्व । काहिं एक मानसीक भाव ।
 तेयां मीं बांचूनि धावं । आनौती नाहिं ॥ ७९ ॥

ऐसे जे मत्पर । उपासिति निरंतर ।
 ध्यानमीसे घर । माझेचि जाले ॥ ८० ॥
 जेयाचिया आवडी । केली मासि कुलवाडी ।
 भोग मोक्ष बापुडी । त्यजिलि कुलें ॥ ८१ ॥
 ऐसे अनन्ययोगें । विकले जिवें आंगें ।
 तेयां काइयेक सांगें । जें मीं करिं ॥ ८२ ॥
 किंबहुना धनुर्धरा । जो मातेचेया ये उदरा ।
 तिये मातेचा सवंसारा । केतुला पां ॥ ८३ ॥
 तेवि मिं तेयां । जैसे असति तैसेयां ।
 कृत तें धनंजया । घेतला पाटा ॥ ८४ ॥
 माझेया आणि भक्तां । सवंसारिची चिंता ।
 काइ समर्थाची कांता । भूकेतें शोची ॥ ८५ ॥
 तैसे ते माझे । कलत्र ऐसें जाणिजे ।
 काइसेनि हिं न लजें । तेयाचेनि मीं ॥ ८६ ॥
 तेयां जन्मृत्युचां लाटीं । झळंबली हे सृष्टी ।
 देखौनियां पोटीं । ऐसें जालें ॥ ८७ ॥
 तारि या सिंधूचेनि मार्जे । कवणासि धाकु नुपजे ।
 येथ झनं माझे । भितिल हान ॥ ८८ ॥
 म्हणौनि गा पांडवा । मूर्तिचा मेलावा ।
 करूनियां गावां । धांवतु आलों ॥ ८९ ॥
 सडे जे देखिले । ते ध्यानाचिये कासे लाविले ।
 घुही घातले । क्रियांतारिं ॥ ९० ॥
 नामाचां सहस्रवेन्हीं । नावा इया अवधारि ।
 सज्जुनि सवंसारिं । तारूं जालां ॥ ९१ ॥
 प्रेमाचि पेटि । बांधलिं येकाचां पोटीं ।
 मग नीणिले तटीं । सायुज्याचां ॥ ९२ ॥

परि भक्तांचेनि नावें । चतुष्पदादीक आघवे ।
वैकुण्ठिचिये राणिवे । योग्य केले ॥ ९३ ॥

तेषामहं समुद्धर्ता मृत्युसंसारसागरात् ।

भवामि न चिरात्पार्थ मय्यावेशितचेतसां ॥ ७ ॥

म्हणौनि गा भक्तां । नाहिं येकिही चिंता ।

यो मी भक्तार्थ तेयांतें समुद्धर्ता । मीं सदा आथि ॥ ९४ ॥ १)

आणि जेधवां चि भक्तीं । दीधलिया मज मती ।

तेव्हां चि मज सूती । तेयाचां हितिं ॥ ९५ ॥

मय्येव मन आधत्स्व मयि बुद्धि निवेशय ।

निवसिष्यसि मय्येव अत ऊर्ध्व न संशयः ॥ ८ ॥

एया कारणें तुवां । हा मंत्र धनंजया ।

कीजे जें येया । मार्गा भजिजे ॥ ९६ ॥

तारि मन हें येक । माझां स्वरूपीं वृत्तिक ।

करुनि घालीं आणिक । बुद्धी ही हे ॥ ९७ ॥

इयें दोन्ही सारिसिं । मजमाजि प्रेमेंसिं ।

रिगालीं तारि पावसी । मातें चि तूं गा ॥ ९८ ॥

जारि मनें बुद्धि इहिं । घर केलें माझां ठाई ।

तारि सधैं मग काइ । तूंपण ऊरे ॥ ९९ ॥

म्हणौनि दिवा पालवे । सर्वे चि तेज मालवे ।

कां रविर्बिबासवें । प्रकाशु जाये ॥ १०० ॥

उचललेया प्राणासरिसिं । इंद्रियें निगति जैसीं ।

तैसा मनबुद्धीपासिं । अहंकार ये ॥ १ ॥

हणौनि माझां स्वरूपीं । मनबुद्धि हे निक्षेपी ।

एतुलेनि सर्वव्यापीं । मी चि होंसि ॥ २ ॥

येया बोला काहिं । अनारिसें नाहिं ।

आपुली आण पाहिं । वांतु असें ॥ ३ ॥

अथ चित्तं समाधातुं न शक्नोषि मयि स्थिरम् ।
अभ्यासयोगेन ततो मामिच्छाप्तुं धनंजय ॥ ९ ॥

अथवा हे चित्त । मनबुद्धीसहित ।
माझां हातिं अचुंबित । न शकसि देवों ॥ ४ ॥
तारि गा येतुके करीं । यां आठां पाहारां भीतरी ।
एक निमिषभरी देतु । जाये ॥ ५ ॥
मग जें जें निमिष । देखेल माझें सुख ।
तेतुलालें आरोचक । विषइं येईल ॥ ६ ॥
जैसा शरत्काल निगे । आणि सरिता वोहटों लागे ।
तैसें काढेल वेगें । प्रपंचौनि ॥ ७ ॥
मग पुनिवेहोनि जैसें । शशिबिंबां दिहें दीसें ।
हारपत अवसे । नाहिं चि होए ॥ ८ ॥
सा तैसें भोगाआंतूनि निगतां । चित्त मजमाझि रिगतां ।
हळहळ पांडुसुता । मी चि होंसि ॥ ९ ॥
आगा अभ्यासयोगु हाणिजे । तो हा येकु जाणिजे ।
येणें कांइयेक न निफजे । ऐसें नाहिं ॥ ११० ॥
येयाचेनि बलें । येकां गती अंतरालें ।
व्याघ्रसर्प प्रांजलें । केले एकीं ॥ ११ ॥
विष किं आहारिं पडे । समुद्रीं मध्ये वाट जोडे ।
एकिं वांग्रह थोडें । अभ्यासें केडें ॥ १२ ॥
हाणौनि अभ्यासासि काहिं । सर्वथा दुष्कर नाहिं ।
यालागि माझां ठांड । अभ्यासें मील ॥ १३ ॥

अभ्यासेऽप्यसमर्थोऽसि मत्कर्मपरमो भव ।

मदर्थमपि कर्माणि कुर्वन् सिद्धिमवाप्स्यसि ॥ १० ॥

कां अभ्यासाहीलागि । नाहिं कसु तूझां आंगि ।
तारि आहासि जिया भंगीं । तियाचि अस ॥ १४ ॥

इन्द्रिये न कोडि । भोग न तोंडि ।
 अभिमानु न संडी । स्वजातीचा ॥ १५ ॥
 कुलधर्मु चालि । विधिनिषेधु पालि ।
 सुखें तुज सरली । दीन्हली असे ॥ १६ ॥
 पण मने वाचा देहें । जैसा जो व्यापारु होए ।
 तो मी कारितु आहे । ऐसें न ह्मण ॥ १७ ॥
 करणें कां न करणें । आघवें तो चि जाणे ।
 विश्व चलिजत असे जेणें । ऐसें जाण ॥ १८ ॥
 उणेया पुरेयाचें काहिं । उरों नेंदीं आपुलां ठां ।
 संजात चि करुनि घेइ । जीवित हें ॥ १९ ॥
 मालियें जेउतें नेलें । तेउतें निवांत चि गेलें ।
 तेया पाणियां ऐसें जालें । नाठवे हें ॥ २० ॥
 तें यन्हविं तन्हीं सूभटा । हें उजू कां अन्हाटा ।
 या व्यर्थ खटपटा । करित आहे ॥ २१ ॥
 तरि प्रवृत्ति आणि निवृत्ति । यियें बोझि नेंघों मती ।
 अखंड चित्तवृत्ति । आठवों मी ॥ २२ ॥
 आणि जें जें कर्म निफजे । तें थोडें बहूत न ह्मणिजे ।
 निवांत चि अर्पिजे । माझां ठां ॥ २३ ॥
 ऐसिया मद्भावना । तनूल्याणिं अर्जुना ।
 तूं सायुज्यसिद्धसदना । त्रिशुद्धी एंसी ॥ २४ ॥

अथैतदप्यशक्तोऽसि कर्तुं मद्योगमाश्रितः ।

सर्वकर्मफलत्यागं ततः कुरु यतात्मवान् ॥ ११ ॥

नातरि हें इ तुज । नेंदवे कर्म सहज ।
 तन्हीं गा तूं मज भज । पांडुसुता ॥ २५ ॥
 बुद्धीचिये पाठि पोठि । कर्मा आदिसेवटीं ।
 मातें बांधलें किरीटी । दुआड जरि ॥ २६ ॥

तारि हेंहि असो । सांडी माझा अतिसो ।
 पारि संयतिसीं वसो । बुद्धि भागीं ॥ २७ ॥
 आगा वृक्षा कां वळी । लोटति फलें पीकलीं ।
 तैसिं सांडिं निफनलिं । कर्म सिद्धें ॥ २८ ॥
 पारि मातें मनिं धरावें । कां मजउदेशें करावें ।
 हें काहीं चि नोको आघवें । जावों दे शून्य ॥ २९ ॥
 खडकिं जैसें वरिषलें । कां अग्नीमाजि पेरिळें ।
 कर्म मानीं देखिलें । स्वप्न जैसें ॥ ३० ॥
 आगा आत्मजेचां विखिं । जैसा जीउ निराभिलाषी ।
 तैसा कर्मि अशेषि । निष्कामु होये ॥ ३१ ॥
 वान्हिची ज्वाला जैसी । बायां जाये आकासिं ।
 क्रिया जिरो दे तैसी । शून्यामाजि ॥ ३२ ॥
 अर्जुना हा फलत्यागु । आवडे कीर आसलगु ।
 पारि योगामाजि योगु । धूरेचा हा ॥ ३३ ॥
 येणें फलत्यागें सांडे । तें तें कर्म न विरुडे ।
 येके चि वेले झाडें । वाडें जैसिं ॥ ३४ ॥
 तैसें येणें शरीरें । शरीरा येणें सरे ।
 किंबहुना यरिझारे । चीरा पडे ॥ ३५ ॥

श्रेयो हि ज्ञानमभ्यासाज्ज्ञानादध्यानं विशिष्यते ।

ध्यानात्कर्मफलत्यागस्त्यागाच्छान्तिरनन्तरम् ॥ १२ ॥

पै अभ्यासाची पाउटी । करुनि ठाकिजे किरीटी ।
 ज्ञानें येइजे भेटी । ध्यानाचिये ॥ ३६ ॥
 मग ध्यानेसिं खेवं । देंति आववे चि भाव ।
 तेधवां कर्मजात सर्व । दूरि ठाके ॥ ३७ ॥
 कर्म जेथ दुरावे । तेथ फलत्यागु संभवे ।
 त्यागात्तुव आंगवे । शांति सकल ॥ ३८ ॥

ज्ञानौनि यावेया शांती । हा चि क्रमु गा सुभद्रापती ।
 अभ्यासू चि प्रस्तुति । कारण येथ ॥ ३९ ॥
 अभ्यासाहूनु गहन । पार्था मग ज्ञान ।
 ज्ञानापासूनि ध्यान । विशेषिजे ॥ १४० ॥
 मग कर्मफलयागु । तो ध्यानापासौनि चांगु ।
 त्यागातव भोगु । शांतिसुखाचा ॥ ४१ ॥
 ऐसिया एया वाढा । इहिं चि पेणा सूभटा ।
 शांतिचा माजिबटा । टाकिला जेणे ॥ ४२ ॥

अद्वेष्टा सर्वभूतानां मैत्रः करुण एव च ।
 निर्ममो निरहंकारः समदुःखसुखः क्षमी ॥ १३ ॥

जो सर्व भूताचां ठांड । द्वेषातें नेणे काहि ।
 आप पर नाहि । चैतन्या जैसा ॥ ४३ ॥
 उत्तमातें धरिजे । अधमातें अन्हेरिजे ।
 हें काहिं चि नेणिजे । वसुधा जेवि ॥ ४४ ॥
 रायाचें देह चाळ । रंकातें परउतें गाळ ।
 हें नेणे चि कृपाळ । प्राणु पै गा ॥ ४५ ॥
 गाइची तृषा हरं । व्याघ्रा विष होउनि मारं ।
 हें नेणे चि करं । तोय जैसैं ॥ ४६ ॥

घरिचिया उजियेड करावा । पारखेया आंधार होआवा ।
 हें न म्हणे चि पांडवा । दीपु जैसा ॥ ४७ ॥
 ऐसी सर्व भूतमात्रि । येकपणाची मैत्री ।
 कृपेची धात्री । आपण जो ॥ ४८ ॥
 आणि मी हे भाष नेणे । माझे काहिं चि न म्हणे ।
 सुख दुःख जाणणें । नाहिं जेंया ॥ ४९ ॥

संतुष्टः सततं योगी यतात्मा दृढनिश्चयः ।
 मय्यर्पितमनोबुद्धिर्योमङ्गलः स मे प्रियः ॥ १४ ॥

तेविं चि क्षमे लागि । पृथ्वीचा पवाडु आंगिं ।
 संतोषा उत्संगिं । घर दीन्हले ॥ १५० ॥
 वरिषायें वीण सागर । जलें जैसा निर्भर ।
 तैसा निरउपचार । संतोषिया जो ॥ ५१ ॥
 वाउनि आपुली आण । घरी अंतष्करण ।
 निश्चया साचपण । जेयाचेनि ॥ ५२ ॥
 जीउ परमात्मा दोन्हीं । बैसौनि एका आसनि ।
 जेयाचां हृदयभुवनीं । विराजति ॥ ५३ ॥
 ऐसा योगसमृद्धी । होउनि जो निरवधीं ।
 अर्पिति मनोबुद्धि । माझां ठांडें ॥ ५४ ॥
 आंतु बाहिरि योगु । निर्वाळल चांगु ।
 माझा अनुरागु । सप्रेमु जेया ॥ ५५ ॥
 अर्जुना तो चि भक्तु । तो चि योगी मुक्तु ।
 तो बहुभा मी कांतु । ऐसा पढियें ॥ ५६ ॥
 हें नां तो आवडे । जीवाचेनि पाडें ।
 हें इं येथ थोडें । रूप करणें ॥ ५७ ॥
 पढियंतेयाची काहाणी । हें भूलिची भारणी ।
 येथौनि बोलणीं । बोलवती ॥ ५८ ॥
 हणौनि गा आह्मां । वेगिं आली उपमां ।
 यन्हविं काइ प्रेमा । उपमा असे ॥ ५९ ॥
 आतां असो हें किरीटि । प्रियाचिया गोठी ।
 दूणा थाउं ऊठी । आवडि गा ॥ १६० ॥
 तेया ही वरि विपायें । प्रेमळ संवादियें होये ।
 तरि तिये गोडिये काय आहे । कांटाळें गा ॥ ६१ ॥
 हणौनि गा पार्था । तूं चि प्रियु आणि श्रोता ।
 वरि प्रियाची वार्ता । प्रसंगें आली ॥ ६२ ॥

तरि आतां बोलों । भलेया सुखा मीनलों ।
ऐसें हणौनि डोलों । लागले देउ ॥ ६३ ॥

यस्मान्नोद्विजते लोको लोकाच्चोद्विजते च यः ।

हर्षामर्षभयोद्वेगैर्मुक्तो यः स च मे प्रियः ॥ १५ ॥

मग हणो जाण । तेयाचें लक्षण ।

जेया मीं अंतष्करण । बैसों घाली ॥ ६४ ॥

तरि सिंधूचेनि माजें । जलचरां भय नुपजे ।

आणि जलचारिं नु बुजे । समुद्रु जैसां ॥ ६५ ॥

तेवि उन्मत्तें जगें । जेयासि खंति न लगे ।

आणि जेयाचेनि आंगें । न सिणें लोकु ॥ ६६ ॥

किंबहुना पांडवा । शरीर जैसें अवयवां ।

तैसा नुभगे जीवा । जिवपणें जो ॥ ६७ ॥

हें जग चि देह जालें । म्हणौनि प्रियाप्रीय गेलें ।

हर्षामर्ष ठेले । दूरि जेया ॥ ६८ ॥

ऐसा जो द्वंद्वमुक्त । भयोद्वेगरहित ।

एया ही वरि भक्तु । माझां ठांड ॥ ६९ ॥

तरि तेयाचा गा मज मोहो । काय सांघों तो पढियो ।

हें असो जिवें जीवो । माझेंनि तो ॥ १७० ॥

जो निजानंदें धाला । परिणामां आयुष्य आला ।

पूर्ण तेजाला । बल्लमु तो ॥ ७१ ॥

जेयाचां ठांड पांडवा । अपेक्षे नाहिं रिगावां ।

सुखासि चढावा । जेयाचें असणें ॥ ७२ ॥

गंगा शुचि होये । पाप ताप जाये ।

परि तेथ आहे । बुडणें येक ॥ ७३ ॥

अनपेक्षः शुचिर्दक्ष उदासीनो गतव्यथः ।

सर्वारंभपरित्यागी यो मङ्गलः स मे प्रियः ॥ १६ ॥

मोक्ष देउनि उदार । कासी होये किर सधर ।
 परि वेचावें लागे शरीर । तिये गाविं ॥ ७४ ॥
 हिमवन्ति दोष जाये । परि तेथ जीविताची हाणि होए ।
 तैसें सुचित नव्हे । सज्जनाचें ॥ ७५ ॥
 खोलिये पारु नेणिजे । तन्हीं संतीं न बुडिजे ।
 रोकडेया आणि लाहिजे । मोक्षु फुका ॥ ७६ ॥
 संतांचेनि आंगलर्गे । पापातें जिणणें गंगे ।
 तेयांचें मिं सांगें । सुचित्व कैसें ॥ ७७ ॥
 हाणुनु असों जो ऐसा । शुचित्वें तीर्था कुवांसा ।
 जेणें लंघविलें दिशा । मनोमल ॥ ७८ ॥
 आंतु बाहिरि चोखालु । सूर्यु जैसा निर्मलु ।
 आणि तत्त्वार्थीचा पायल्लु । देखणा जो ॥ ७९ ॥
 व्यापक आणि उदास । जैसें हें आकाश ।
 तैसें जेयाचें मानस । सर्वगत ॥ ८० ॥
 जो सर्वसारव्यथा फीटला । निरास्यें निवडला ।
 फांसाहूनि सूटला । विहंगु जैसा ॥ ८१ ॥
 तैसा संततु स्वसुखें । कव्हणी चटवंच ने दखे ।
 नेणिजे गतायुष्यें । लज्जा जैसी ॥ ८२ ॥
 आणि कर्मरंभा लागि । जेया अहंकाति नाहि आंगि ।
 जैसा निरंधनि विण आगी । विज्ञणें चि उरे ॥ ८३ ॥
 तैसा उपशमू चि भागा । जेयासि आला पै गा ।
 जो मोक्षाचिया आंगा । लिहिला जैसा ॥ ८४ ॥
 अर्जुना हा ठावो वेन्हीं । सोहंभावसरोवरी ।
 अ द्वैताचा पहली तीरी । उतरों सरला ॥ ८५ ॥
 किं भक्तिसुखा लागि । आपण चि जाला दों भागी ।
 वांटूनिया आंगी । सेवकै बाणी ॥ ८६ ॥

येरा नावं मीं ठेंवी । मज भजतेया वोज बरवी ।
 न भजतेया दावी । योगियां जो ॥ ८७ ॥
 तेया आम्हां वेसन । आमचें तो निधान ।
 किंबहुना समाधान । तो मिले तैं ॥ ८८ ॥
 तेया लागि रूपा येणें । तेयाचेनि एथ असणें ।
 तेया लोण कीजे प्राणें । ऐसा पढियें ॥ ८९ ॥
 जो आत्मलाभा सारिखें । गोमटें काहिं चि ने दखे ।
 आणि भोगविशेषें । हरिपैजेना ॥ ९० ॥
 आपण चि विश्व जाला । तारि भेदभाउ गेला ।
 हाणौनि द्वेष दूर ठेला । जेया पुरुषा ॥ ९१ ॥

यो न हृष्यति न द्वेष्टि न शोचति न काङ्क्षति ।

शुभाशुभपरित्यागी भक्तिमान्यः स मे प्रियः ॥ १७ ॥

पैं आपुलें जें साचें । तें कल्पांति हिं न वचे ।
 हें जाणूनि गतांचें । न शोची जो ॥ ९२ ॥
 जेया परीतें नाहिं । तें जाला आपुलां ठांड ।
 या लागि काहिं । आकांक्षी ना ॥ ९३ ॥
 वोखटें ना गोमटें । या काइसेया ही न भेटे ।
 राति देऊ न घटे । सूर्यु जैसा ॥ ९४ ॥
 ऐसा बोधू चि केवळ । होउनियां निश्चळ ।
 यावरि भजनशील । माझां ठांड ॥ ९५ ॥
 तरि तेया ऐसें दुसरें । आम्हां पढियेंतें सोयरें ।
 नाहिं गा साचोकारें । तूझी आण ॥ ९६ ॥

समः शत्रौ च मित्रे च तथा मानापमानयोः

शीतोष्णसुखदुःखेषु समः संगविवर्जितः ॥ १८ ॥

पार्थी जेयाचां ठांड । वैषम्याची परि नाहिं ।
 रिपुमित्रां दोन्हीं । सरिसा पाडु ॥ ९७ ॥

जो खांडावेया घाउ घाली । कां लावणी जेणें केली ।
 या दोघां येकि चि साउली । वृक्ष जैसा ॥ ९८ ॥ वृक्षाते जैसी
 नातरि इक्षुदंडु । पालितेया गोडु ।
 गालितेया ही तो चि पाडु । येकु चि गा ॥ ९९ ॥
 अरिभिन्नासिं तैसा । अर्जुना जेया भाव ऐसा ।
 मानापमानीं सरिसा । होतु जाए ॥ १०० ॥
 साइं रितुं समान । जैसैं कां हें गगन ।
 तैसैं येक जि मान । शीतोष्णीं जेया ॥ १ ॥
 दक्षिणोत्तर मारुता । मेरु जैसा पांडुसुता ।
 तैसा सुखदुःखां प्राप्ता । मध्यस्तु जो ॥ २ ॥
 माधुर्ये चंद्रिका । सरिसी चि राया रंका ।
 तैसा जो सकलिकां । भूतां समु ॥ ३ ॥
 आघवेयां येक । सेव्य जैसैं उदक ।
 तैसैं जेयातें लोक । आसंसीति ॥ ४ ॥

तुल्यनिंदास्तुतिमौनी संतुष्टो येनकेनचित् ।

अनिकेतः स्थिरमतिर्भक्तिमान्मे प्रियो नरः ॥ १९ ॥

जो सबाहें संगु । सांझनियां लागु ।
 येकाकी असंगु । आंगिं सूनि ॥ ५ ॥
 जो निंदेतें नेघे । स्तुतितें न श्लाघे ।
 आकाशा न लगे । लेपु जैसा ॥ ६ ॥
 तैसा निंदे आणि स्तुती । मानु करुनु येका पांती ।
 विचारें प्राणप्रवृत्ती । जनिं मौनीं ॥ ७ ॥
 साच छटिकें दोन्हीं । न बोलैल मौनिं ।
 भोगितां उन्मनीं । आराय ना ॥ ८ ॥
 जो यथालाभें तोखे । अलाभें हिं न पारुखे ।
 पाउसैं विण न सुके । समुद्र जैसा ॥ ९ ॥

आणि वायुसि येके ठांड । बिठार जैसें नाहिं ।
 तैसा न धरी चि केहीं । आश्रयो जो ॥ २१० ॥
 हैं विश्व चि माझें घर । ऐसी मति जेयाची स्थिर ।
 किंबहुना चराचर । आपण जाला ॥ ११ ॥
 एया वरि पार्थ । माझां भजनीं आस्था ।
 तारि तेयातें मीं माथां । मुगुटु करीं ॥ १२ ॥
 उत्तमासि मस्तक । खालविजे हैं काये कवतिक ।
 हा मानु करिति लोक । पायवणियां ॥ १३ ॥
 तारि श्रद्धावस्तूसि आदर । करितां जाणिजे प्रकार ।
 जारि होये श्रीगुरु । सदाशिव ॥ १४ ॥ ^{ज्यस्वनीकु}
 तारि हैं असो आतां । महेशातें वानितां ।
 आत्मस्तुति करितां । संचारु असे ॥ १५ ॥
 येयालागि हैं । म्हणितलें रमानाहें ।
 अर्जुना मी वाहें । सिरिं जेयातें ॥ १६ ॥
 जो पुरुषार्थसिद्धि चौथी । घेउनि आपुलां हाति ।
 रिगाला भक्तिपंथी । जगा दैत ॥ १७ ॥
 कैवल्याचा अधिकारी । सोडि बांधि मोक्षाची करी ।
 किं जलाचिया परीं । तलवट घे ॥ १८ ॥
 हणौनि तो नमस्कारं । तेयातें मुगुट करूं ।
 तेयाचे टांक धरूं । कंठिं आक्षिं ॥ १९ ॥
 तेयाचेया गुणाची लेणीं । लेवउं आपुलां वाणीं ।
 तेयाची कीर्ति श्रवणीं । आइकों आक्षीं ॥ २२० ॥
 तो पाहावा हे डोहले । हणूनि अचक्षू मज डोले ।
 हातिचेनि करेकमलें । पूजीं जेयातें ॥ २१ ॥
 दो वरि दोनि । भुजा आलों घेउनि ।
 आळिंगावेया लागौनि । तेयाचें आंग ॥ २२ ॥

तेया संगेचेनि सुरवाडे । आह्वां देहधरणें घडे ।
 किंजुना आवडे । निरोपसु ॥ २३ ॥
 तेया आह्वां मैत्र । येथ काइसें पां चित्र ।
 परि तेयाचें हिं चरित्र । आयिकति जे ॥ २४ ॥
 ते ही प्राणा पसैते । आवडति हें निरुते ।
 जे भक्तिचरित्रातें । आसंसीति २५ ॥

ये तु धर्म्यामृतमिदं यथोक्तं पर्युपासते ।

श्रद्धधाना मत्परमा भक्तास्ते तीव्र मे प्रियाः ॥ २० ॥

जें हें साधंत । सांधितलें तुज प्रस्तुत । ~~सुखसुख साधंत~~
 भक्तियोगसंमत । योगरूप ॥ २६ ॥
 मी प्रीतीतें करीं । कां मनीं सिरसा धरीं ।
 येवढी थोरी । जेया स्थिती ॥ २७ ॥
 ते हे गोठि रम्य । अमृताधारधर्म्य ।
 प्रेरीति प्रतीतिगम्य । आइकौनि जे ॥ २८ ॥
 परि निरोपिली जैसी । तिया स्थिति रमत मानसिं ।
 मग सुक्षेविं जैसी । पेरणी जाली ॥ २९ ॥
 तारि श्रद्धा करुनि आदरें । जेयांचा ठांड विस्तारे ।
 जीविं जेयां थारे । अनुष्ठिती ॥ ३० ॥
 पार्था गा जगीं । भक्तु तो चि योगी ।
 उत्कंठा तेयां लागि । सदा मज ॥ ३१ ॥
 तो तीर्थ तो क्षेत्र । जगीं तो चि पवित्र ।
 भक्तिकथेसि मैत्र । जेयां पुरुषां ॥ ३२ ॥
 जो सुरसाहें सील । लोकललनलील ।
 प्रणतिप्रतिपाल । खेळ जेयाचा ॥ ३३ ॥
 जो भक्तवत्सल । प्रेमलप्रांजल ।
 सत्यसेतुसकल । कलनिधी ॥ ३४ ॥

आर्हिं करुं तेयाचें ध्यान । तो आमचें देवतार्चन ।
 तें बांचूनि आन । गोमटें न मनूं ॥ ३५ ॥
 तेया आह्वा वेसन । आमचें तो निधान ।
 किंबहुना समाधान । तो मिलें तो ॥ ३६ ॥
 प्रेमलाचेया वार्त्ता । जे अनुमोदिती पांडुसुता ।
 ते देखों परदेवता । आपुली जैसी ॥ ३७ ॥
 ऐसें निजजनानंदें । तेणें जगदादिकंदें ।
 बोलिलें मुकुंदें । संजयो ह्मणे ॥ ३८ ॥
 राया जो निजनिर्मल । निष्कलु लोककृपाल ।
 शरणगतां स्नेहालु । शरण्य जो ॥ ३९ ॥
 जो धर्मकीर्तिढवल । अगाध दातृत्वे सरल ।
 अतिबलु प्रबलु । बलिबंधनु ॥ ४० ॥
 तो कृष्णजी वैकुंठीचा । चक्रवर्त्ती निजाचा ।
 सांचे एरु दैवांचा । आइकतु असे ॥ ४१ ॥
 आतां एयां वरी । निरोपिती परी ।
 संजयो ह्मणे अवधारी । धृतराष्ट्रातें ॥ ४२ ॥
 ते चि रसालकथा । मन्हाटिया प्रतीतीपंथा ।
 आणिलेल आस्था । अवधारिजो ॥ ४३ ॥
 ज्ञानदेव ह्मणे तुह्मी । संत बोलगावेति हें मी ।
 पढविलां स्वामी । निवृत्तिनार्थें ॥ ४४ ॥

ॐ ॥ तत्सदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे भक्ति-
 योगो नाम द्वादशोऽध्यायः ॥१२॥

॥ श्रीकृष्णार्पणमस्तु ॥

ज्ञानेश्वरी

अध्याय तेरावा

श्रीगणेशायनमः ॥

केलेयां स्मरण । सकल विद्यांचें अधिकरण ।
ते बंदू चरण । श्रीगुरुचे ॥ १ ॥
जेयांचेनि आठवे । शब्दसृष्टि आंगवे ।
सारस्वत आघवें । जीभेसि ये ॥ २ ॥
वक्तृत्व गोडपणें । अमृतातें पारु हणें ।
रस होंति उल्लगणे । अक्षरांचे ॥ ३ ॥
भावांचें अवतरण । अवतरवीति खुण ।
हाता चढे संपूर्ण । तत्वभेदु ॥ ४ ॥
श्रीगुरुचे पाए । हृदय गवसूनि ठाए ।
तैं एवढें भाग्य होए । उन्मेवासि ॥ ५ ॥

अर्जुन उवाच ॥

प्रकृतिं पुरुषं चैव क्षेत्रं क्षेत्रज्ञमेव च
एतद्वेदितुमिच्छामि ज्ञानं ज्ञेयं च केशव ॥ १ ॥
तेथ अर्जुनु हणें प्रकृतिपुरुष । क्षेत्रज्ञ आणि क्षेत्रविशेष ।
हें तुज पासाव अशेष । इच्छितु असें जाणों ॥ ६ ॥

श्रीभगवानुवाच ॥

इदं शरीरं कौंतेय क्षेत्रमित्यभिधीयते ॥

एतद्यो वेत्ति तं प्राहुः क्षेत्रज्ञमिति तद्विदः ॥ २ ॥

तो नमस्कारं आतां । पितामहाचा पिता ।

लक्ष्मीयेचा भर्ता । ऐसें हाणे ॥ ७ ॥

पार्था परिसिजे । देह हें क्षेत्र हाणिजे ।

हें जाणें तो बोलिजे । क्षेत्रज्ञ गा ॥ ८ ॥

क्षेत्रज्ञं चापि मां विद्धि सर्वक्षेत्रेषु भारत ॥

क्षेत्रक्षेत्रज्ञयो ज्ञानं यत्तज्ज्ञानं मतं मम ॥ ३ ॥

तरि क्षेत्रज्ञ येथें । तो मी चि निरुतें ।

जो सर्व क्षेत्रातें । संगोपुन असे ॥ ९ ॥

आणि क्षेत्रक्षेत्रज्ञातें । जाणणें जें निरुतें ।

ज्ञान ऐसें तेयातें । मानूं आहीं ॥ १० ॥

तत्क्षेत्रं यच्च यादृक्च यद्विकारि यतश्च यत् ॥

स च यो यत्प्रभावश्च तत्समासेन मे शृणु ॥ ४ ॥

तरि क्षेत्र एणें नावें । शरीर जेणें भावें ।

हाणितलें तें आघवें । सांघों आतां ॥ ११ ॥

हें क्षेत्र कां हाणिजे । कैसें हें कें उपजे ।

कवण कवणीं वाहिजे । विकारीं एथ ॥ १२ ॥

हें आंघुठ हात मोटकें । किं केवडें पां केतुकें ।

बरड किं पीकें । कवणाचें हें ॥ १३ ॥

इत्यादि सर्व । जे एयाचे प्रभाव ।

ते बोलिजति साजीव । अवधान दीजो ॥ १४ ॥

ऋषिभि बंधुधा गीतं छंदोभि विविधैः पृथक् ॥

ब्रह्मसूत्रपदैश्चैव हेतुमद्भिर्विनिश्चितैः ॥ ४ ॥

पै या चि स्थला कारणें । श्रुती सदा बोबाणें ।
 तर्कु एणें चि ठीकरणें । तोंडौता केला ॥ १५ ॥
 चालितां हे चि बोली । दर्शनें सेवटा आलि ।
 तें चि नाहिं बुझावलिं । अझुइं द्वंद्वें ॥ १६ ॥
 शास्त्रांचिये सोडरि के । विचारिलीं एणें चि एकें ।
 एयाचेनि एकवंकें । जगासि वादू ॥ १७ ॥
 तोंडेंसि तोंडा न पडे । बोलेंसि बोला न घडे ।
 एया गुंती बडबडे । त्राये जाली ॥ १८ ॥
 नेणों कोणाचें हें स्थल । परि कैसें अभिलाखाचें बल ।
 जें घरोघरीं कपाल । पीटवीतसे ॥ १९ ॥
 नास्तिकां देयावेया तोंड । वेदांचें गाढें बंड ।
 तें देखौनि पाखंड । आन चि वाजे ॥ २० ॥
 ह्मणे तूं निर्मूल । लटकें वागजाल ।
 ना ह्मणसी तरि पोफळ । घातलें असे ॥ २१ ॥
 पाखंडाचेया कडे । नागिर्वि. लुंचिति मुंडें ।
 नियोजिलीं वितंडें । ताला येति ॥ २२ ॥
 मृत्युबलाचेनि माजें । हें जाइल विण काजें ।
 तें देखौनि व्याजें । निगाले योगी ॥ २३ ॥
 मृत्यूसि आधाइलें । तिहि निरंजन सेविलें ।
 यमदमाचे केले । मेले पुरे ॥ २४ ॥
 येणें चि क्षेत्राभिमानें । राज्य त्यजिलें ईशानें ।
 गूति जीणौनि स्मशानें । वसों आदरिलीं ॥ २५ ॥
 ऐसिया पैजा महेशा । पांगुरणें दाही दिशा ।
 लांचकरु ह्मणौनि कोलिसा । कामु केला ॥ २६ ॥
 पै सत्यलोकनाथा । वदनें आलीं बलार्था ।
 त-हीं तो सर्वथा । जाणे चि ना ॥ २७ ॥

एक ह्मणति हें स्थल । जीवाचें चि समूल ।
 मग प्राणु हें कुल । तेयाचें एथें ॥ २८ ॥
 जें प्राणाचां घारें । आंगें रावते भाऊ च्यारी ।
 आणि मना ऐसा आवरी । कुलवाडिकारु ॥ २९ ॥
 तेयातें इंद्रियबैलांची पेटी । न ह्मणे अवसिपाहाटि ।
 विषयक्षेत्रीं आटि । काढी भली ॥ ३० ॥
 मग विधिची वाप चुकवी । अन्याइं विं वाहवी ।
 कुकर्माचा करवी । राबु जरि ॥ ३१ ॥
 तरि तेया चि सारिखें । असंभड पाप पीके ।
 जन्मकोडी दुःखें । भोगवी जीउ ॥ ३२ ॥
 नातारि विधिचेये वापे । सत्क्रिया विं आरोपे ।
 जन्मशतमार्पे । सुख चि मविजे ॥ ३३ ॥
 तव एक ह्मणति हें न्हने । हें जीवाचें न ह्मणावें ।
 आमते पूसावें । क्षेत्राचें इया ॥ ३४ ॥
 जीव एथ उखिता । वास्तिकरु वांटे जाता ।
 आणि प्राणु हा बलौता । ह्मणौनि जागे ॥ ३५ ॥
 अनादि जे प्रकृति । सांख्य जीतें गांति ।
 क्षेत्र हे वृत्ति । तियेची जाण ॥ ३६ ॥
 आणि तियेतें चि आघवा । आथि घरमेलावा ।
 ह्मणौनि वाहिवां । घरीं वाहे ॥ ३७ ॥
 बाह्यांचिये राहाटी । मुदल तीव शृष्टी ।
 ते तियेचां पोटी । जाले गुण ॥ ३८ ॥
 रजोगुणु पेरी । तेतुलें सत्व सोंकरी ।
 एकलें तम करी । सावगणी ॥ ३९ ॥
 रचूनु महत्तत्वाचें खलें । मली एकें चि कालुगेनि पोलें ।
 तेथ अव्यक्ताची मिले । सांजे भली ॥ ४० ॥

तवं एकिं मतिवंती । या बोलाचिया खंती ।
 ह्मणितलें एया चांथी । अर्वाचीना ॥ ४१ ॥
 हां हो परतस्वा आंतु । केउती प्रकृतीची मातु ।
 हा क्षेत्रवृत्तांतु । उगेयां आइकां ॥ ४२ ॥
 शून्यसेजसालिये । सुलीनतेचिये तूलिये ।
 नीद केली होती बलिये । संकल्पे येणे ॥ ४३ ॥
 तो अवसांत चेइला । उद्यमीं सदैउं भला ।
 ह्मणौनि ठेवा जोडला । इछे सवे ॥ ४४ ॥
 निरालंबिची वाडी । त्रिभुवना एवडी ।
 हे तिथेचिया जोडी । रूपा आली ॥ ४५ ॥
 महाभूतांचे एकावट । सैरा वेंटालु उमाट ।
 भूतग्रामाचे आवाट । चिरिले च्यान्ही ॥ ४६ ॥ राधे
 यावरि आदि । पंचवटिकांची बांधी ।
 बांधली होती प्रभेदि । पांचभूतिकिं ॥ ४७ ॥
 कर्मा अकर्माचे गुढे । घातले दोहिं कडे । ४
 नपुंसके बरडे । राने केलिं ॥ ४८ ॥
 तेथ येरिझारि लागि । जन्ममृत्यूंची सुरंगी ।
 सुवालली चांगी । संकल्पे एणे ॥ ४९ ॥
 मग अहंकारेसि एकावदी । करुनि जीविता अवधी ।
 वाहिलें बुद्धी । चराचर ॥ ५० ॥
 इया परि निरालीं । वाढे संकल्पाची डाली ।
 ह्मणौनि तो मूली । प्रपंचा इया ॥ ५१ ॥
 ये मतमुगुतकिं । पढिगाइलें आणिकिं ।
 ह्मणति हां हो त्रिवेकी । तन्हीं तुळि ॥ ५२ ॥
 परतस्वाचां गाविं । संकल्पाची सेज देखावी ।
 तारि कां पां न मनावी । प्रकृति तेयाची ॥ ५३ ॥ १

परि असो हें नव्हे । तुझी येया न लगावें ।
 आडकां आववें । सांविजेल ॥ ५४ ॥
 तरि आकाश कवणें । कोलें मेघांचि भरणें ।
 अंतरिक्ष तारागणें । घरी कोण ॥ ५५ ॥
 गगनाचा तडवा । उभिला कोणें हणारा ।
 वारा हिंडतु असावा । हें कोणाचें मत ॥ ५६ ॥
 रुंख कवण पेरी । कोण समुद्र भरी ।
 पर्जन्याचिया करी । धारा कवण ॥ ५७ ॥
 तैसें क्षेत्र हें स्वभावे । अवांतीक कव्हणाचें न्हे ।
 एथ वाहे तेया फावे । येरा तूटि ॥ ५८ ॥
 तव आणिकें एकें । खोदें हणितलें नीकें ।
 तरि भोगिजे एकें । कालें जेवि ॥ ५९ ॥
 हें जाणों मृत्यु रागिठा । सिंहाडेयाचा दरकुठा ।
 परि काइ वाजटां । पूरिजतसे ॥ ६० ॥
 जन्हीं एयाचा मारु । देखताति अनिवारु ।
 परि स्वमर्ति भरु । अभिमानीयां ॥ ६१ ॥
 महाकल्पा परौंती । कव घाल्नि अवचिती ।
 सत्यलोकभद्रजाती । आंगीं वाजे ॥ ६२ ॥
 लोकपाल नीचनवे । दिग्गजमेलावे ।
 स्वर्गिचिये अडवे । रिगौनि मोडी ॥ ६३ ॥
 येरें एयाचेन आंगवातें । जन्ममृत्यूचिये गर्ते ।
 निर्जीवें होउनि भ्रमितें । जीवमृगें ॥ ६४ ॥
 निहाला पां केवडा । पसरूनियां चवडा ।
 करितसे माजिवडा । आकारगजु ॥ ६५ ॥
 हणौनि कालाची सत्ता । हा बोलु निरुता ।
 ऐसेसे वाहु मांडुसुता । क्षेत्रा लागि ॥ ६६ ॥

हे बहू उखीविखी । रिखीं केली नैमिषि ।
 पुराणें इये विखीं । मतपत्रिका ॥ ६७ ॥
 अनुष्ठुभादि छंदें । प्रबंधिं जियें विविधें ।
 तें पत्रालंबनमदें । करीत आझुई ॥ ६८ ॥
 वेदिचें ब्रह्मसूत्र । देखणेपणें पवित्र ।
 परि तेया ही हें क्षेत्र । नेणवे चि ॥ ६९ ॥
 आणिकिं आणिकिं बहुति । महाकवी हेतुमंती ।
 एया लागि मती । वेचिलिया ॥ ७० ॥
 परि ऐसें हें एवढें । कां अमुकेयाचें चि फुडें ।
 हें कोणहा हिं वरिपडें । होये चि ना ॥ ७१ ॥
 आतां एयावरि जैसें । क्षेत्र हें असे ।
 तुज सांगों तैसें । साद्यंत गा ॥ ७२ ॥

महाभूतान्यहंकारो बुद्धिरव्यक्तमेव च ॥

इंद्रियाणि दशैकं च पंच चैन्द्रियगोचराः ॥ ५ ॥

तरि महाभूतपंचकु । आणि अहंकार एकु ।
 बुद्धि अव्यक्त दशकु । इंद्रियांचा ॥ ७३ ॥
 आणि मन हिं एकु । विषयांचा दशकु । इंद्रियांचा
 सुखदुःखद्वेषु । संघातु इच्छा ॥ ७४ ॥
 आणि चेतना धृति । एवं क्षेत्रव्यक्ति ।
 सांघितली तुज प्रति । आघवी चि हे ॥ ७५ ॥
 आतां महाभूतें कवणें । कवण विषय कैसिं करणें ।
 हे वेगलालेपणें । एकैक सांघों ॥ ७६ ॥
 तरि पृथ्वी-आप तेज । वायु व्योम-गा बुझ ।
 सांघितलें बा तुज । महातत्त्वे ॥ ७७ ॥
 आणि जागतिये दशे । स्वप्न लपालें असे ।
 नातरि अवसे । चंद्र गूढ ॥ ७८ ॥

नातरि अप्रौढें बालकिं । तारुण्य राहे थोकिं ।
 कां न फुलतां कलिकिं । आमोदु जैसा ॥ ७९ ॥
 किंबहुना काष्टि । बन्दि जेवि किरीटी ।
 तेवि प्रकृतिचां पोटीं । गोप्यु जो असे ॥ ८० ॥
 जैसा ज्वर धातुगत । कुपथ्याचें मीस पांतु ।
 मग जालेयां आंतु । बाहिरि व्यापी ॥ ८१ ॥
 तैसी पांचां हिं गांठि पडे । जें देहाकार घडे ।
 ते नाचवी चहूंकडे । तो अहंकार गा ॥ ८२ ॥
 आतां बुद्धि जे हाणिजे । ते ऐसां चिन्ह जाणिजे ।
 बोलिलें यदुराजें । आइकें सांघों ॥ ८३ ॥
 तरि कंदर्पाचेनि बलें । इंद्रियवृत्तिचेनि मेलें ।
 विभांडुनि येति पाले । विषयांचे ॥ ८४ ॥
 तो सुखदुःखाचा नागोवा । जेथ उगाणों लागे जीवा ।
 तेथ दोहीसि बरवा । पाडु जे धरो ॥ ८५ ॥
 हें सुख हें दुःख । हें पुण्य हें दोख ।
 हें मैल हें चोख । ऐसें जें निवाडी ॥ ८६ ॥
 जिये अधमोत्तम सूजे । सानें थोर बूझे ।
 जिया दीठी पारखिजे । विखो जीवें ॥ ८७ ॥
 जे तेजतत्वाची वृद्धि । जे सत्वगुणाची निधि ।
 जे आत्मेयां जीवाची संधि । वसवीतसे ॥ ८८ ॥
 अर्जुना ते जाण । बुद्धि गा संपूर्ण ।
 आतां आइक तूं उल्लखण । अव्यक्ताचें ॥ ८९ ॥
 पै सांख्याचां सिद्धांति । प्रकृति जे महामती ।
 ते चि येथ प्रस्तुति । अव्यक्त गा ॥ ९० ॥
 आणि सांख्ययोगमते । प्रकृति परिसविली तूतें ।
 दोहों परि ची जेथें । विवचिली ॥ ९१ ॥

तेथ दूजी जे जीवदशा । तिये नावं वीरेशा ।
 येथ अव्यक्त ऐसा । पर्याउ हा ॥ ९२ ॥
 तन्हीं पाहालेयां रजनी । तारा लोपति गगनी ।
 कां हारपति अस्तमानी । भूतक्रिया ॥ ९३ ॥
 कां देह गेलेयां पाठि । देहादिक किरीटी ।
 उपाधि लोपे पोटी । कृतकर्माचां ॥ ९४ ॥
 कां बीजमुद्रे आंतु । थोंके तरु समस्तु ।
 कां वस्त्रपणें तंतु । दशे राहे ॥ ९५ ॥
 तैसं सांडनु स्थूलधर्म । महाभूतें भूतग्राम ।
 लया जांति सूक्ष्म । होउनि जेथ ॥ ९६ ॥
 अर्जुना तेया नावें । अव्यक्त हें जाणावें ।
 आतां आइक आघवें । इंद्रियभेद ॥ ९७ ॥
 तारि श्रवण नयन । त्वचा घ्राण रसन ।
 इयें जाणें ज्ञान । करणें पांचै ॥ ९८ ॥
 इये तत्वमेलापकिं । सुखदुःखाची उखीविखी ।
 बुद्धि करितसे मुखि । पांचै इहिं ॥ ९९ ॥
 मग वाचा आणि कर । चरण अधोद्वार ।
 अपायु हे प्रकार । पांचै आणिक ॥ १०० ॥
 कर्मेन्द्रिय हाणिपति । तियें इयें जाणिजति ।
 आइकें कैवल्यपति । सांघत असे ॥ १ ॥
 पै प्राणाची आंतोरी । क्रियाशक्ति जे शरीरी ।
 तिथेची रिगिनिगि द्वारी । पांचै इहीं ॥ २ ॥
 एवं दाही करणें । सांघितलीं देउ हाणे ।
 आतां परियस फुडेपणें । मन तें हें ॥ ३ ॥
 जें इंद्रियां आणि बुद्धी । माझारिलिये संधी ।
 रजोगुणाचां खांदीं । तरलत असे ॥ ४ ॥

नीलिमा अंबरी । कां मृगतृष्णालहरी ।
 तैसा वायां चि फाउरी । वावो जालें ॥ ५ ॥
 आणि शुक्लशोणिताचा सांवा । मिलतां पांचाचा बांधा ।
 वायुतत्व दशधा । एक चि जालें ॥ ६ ॥
 मग तें हों दाहें भृगीं । देहधर्माचां खैवगीं ।
 अधिष्ठिलें आंगीं । आपुलाळं ॥ ७ ॥
 तेथ चांचल्य निखिल । एकलें ठेलें निढाल ।
 ह्यणौनि रजाचें बल । धरिलें तेणें ॥ ८ ॥
 तेथ बुद्धीसि बाहिरि । अहंकारावरि ।
 ऐसां ठांइ माझारि । बलियाविलें ॥ ९ ॥
 वायां हें नावं । यन्हविं कल्पना हे चि सावेव ।
 जेयाचेनि संगें जीव । दशा वस्तू ॥ ११० ॥
 जें प्रवृत्तीसि मूळ । कामा जेयाचें बळ ।
 जें अखंड सुए सल । अहंकारासि ॥ ११ ॥
 जें इछेतें वाढवी । आशेतें चडावी ।
 जें पाठि पुरवी । जगासि येया ॥ १२ ॥
 द्वैत जेणें उठी । अविद्या जेणें लाठी ।
 जें इंद्रियांतें लोटी । विषयां माझि ॥ १३ ॥
 संकल्पित श्रृष्टि घडी । सर्वें चि विकल्पूनि मोडी ।
 मनोरथाचिया उतरडी । उतरी रची ॥ १४ ॥
 जें भूलिचें कुल्हार । वायुतत्वाचें अंतर ।
 बुद्धिचें द्वार । ज्ञांकललें जेणें ॥ १५ ॥
 तें गा किरीटी मन । एया बोला नाहिं आन ।
 आतां विषयाभिधान । भेदु आइक ॥ १६ ॥
 तरि स्परिसु आणि शब्दु । रूप रसु गंधु ।
 हा विवेकु पंचविधु । ज्ञानेंद्रियाचा ॥ १७ ॥

इहीं चि पांचैं दारि । ज्ञानासि धावं बाहिरि ।
जैसें कां हिरव चारि । मांभावे पशु ॥ १८ ॥
मग स्वर वर्ण विसर्गु । अथवा स्वीकारु त्यागु ।
चक्रमण उत्सर्गु । मलमूत्रांचा ॥ १९ ॥
हे कर्मेन्द्रियांचे पाच । विषय गा साच ।
जें बांधौनि मांच । क्रिया जे उठी ॥ २० ॥

इच्छा द्वेषः सुखं दुःखं संघातश्चेतना धृतिः ॥

एतत्क्षेत्रं समासेन सविकारमुदाहृतं ॥ ६ ॥

ऐसे हे दाही । विषय इये देहीं ।
आतां इछा ते ही । सांघिजेल ॥ २१ ॥
तारि भूतललें आठवे । कां बोलें कानु झांकवे ।
ऐसिया वरि चेतवे । जे वृत्ति गा ॥ २२ ॥
इंद्रियां विषयांचिये भेटी । सरिसी चि वेगें उठी ।
कामाचिया बाहुटी । धरूनियां ॥ २३ ॥
जियेचेनि उठिलेपणें । मना सैष धावणें ।
ना रिगावें तेथ करणें । तोंडें सूति ॥ २४ ॥
जियें वृत्तिचिया वाढी । बुद्धि होये वेढी ।
विषई जेया गोढी । ते हे इछा ॥ २५ ॥
आणि इछिलेया सांगडे । इंद्रियां आमिष न जोडे ।
ऐसेयां डाऊं जो पडे । तो चि द्वेष ॥ २६ ॥
आतां या वरि सुख । तें एवविध देख ।
जणें एके चि अशेख । विसरे जीउ ॥ २७ ॥
मनें वाचा कायें । जें आपुली आण वार्ये ।
देहस्मृतिची त्राये । मोडित जाये ॥ २८ ॥
जेयाचेनि जालेपणें । पांगुला होणें प्राणे ।
सात्विकां दुणे । वरि हि लासु ॥ २९ ॥

आघवियाचि इंद्रियवृत्ती । हृदयाचां एकांति ।
 थापटूनि सुषुप्ती । आणि जें गा ॥ १३० ॥
 किंबहुना सोए । जीउ-आत्मेयांची लाहे ।
 तेथ जें होये । तेया नावं सुख ॥ ३१ ॥
 आणि ऐसी हे अवस्था । न जोडतां पार्था ।
 जीजे तेया नावं सर्वथा । दुःख जाणें ॥ ३२ ॥
 तें मनोरथभंगें होये । येर सिद्धी गेलें जाए ।
 हें दोनी चि उपाये । सुखदुःखासि गा ॥ ३३ ॥
 आतां असंगा साक्षिभूता । देहिं चैतन्याची सत्ता ।
 तिये नावं पांडुसुता । चेतना एथ ॥ ३४ ॥
 जे नखौनि केंसेवेन्हीं । उभी लागे शरीरी ।
 जे तिहिं अवस्थांतरि । पालटे ना ॥ ३५ ॥
 मनबुध्यादि आघवी । जियेचेनि टवटवी ।
 प्रकृतिवनमाधवी । सदा चि जे ॥ ३६ ॥
 जडाजडीं अंशी । जे राहाटि सरिसी ।
 ते चेतना गा तुजसी । लटकें नाहिं ॥ ३७ ॥
 पै राउ परिवाण नेणे । आज्ञा चि परचक्र जीणे ।
 कां चंद्राचेनि परिपूर्णें । सिंधु भरति ॥ ३८ ॥
 नाना भ्रमकाचेनि सन्निधानें । लोह करी सचेतनें ।
 कां सूर्यसंगु जनें । चेष्टविजे ॥ ३९ ॥
 आगा मुखमेलेविण । पीलेयाचें पोखण ।
 करी जेवि निरीक्षण । कूर्मिचें ॥ ४० ॥
 पार्था तिया परि । आत्मसंगति इये शरीरी
 सजीवत्वाचा करी । उपेगु जडा ॥ ४१ ॥
 मग तियेतें चेतना । हाणिपे अर्जुना ।
 धृतिची विवंचना । आतां आइक ॥ ४२ ॥

तत्त्वां परस्परे । उघड जातिवैरे ।
 नव्हे पृथिवीयेते नीरे । निनासिजे ॥ ४३ ॥
 नीराते आटी तेज । तेजा वायुसि जूझ ।
 गगन तवं साहाज । वायु भक्षी ॥ ४४ ॥
 तेथि चि कव्हणी वेले । आपण काइसेया ही न मिले ।
 आंतु रिगौनु वेगलें । आकाश हें ॥ ४५ ॥
 ऐसि पांचै भूतें । न साहांति एकमेकातें ।
 किं ल्यें हि ऐक्यातें । देहां यति ॥ ४६ ॥
 द्वंद्वाची उखीविखी । सांडूनि वस्ती एकी ।
 एकातें पोखी । निजगुणें ॥ ४७ ॥
 ऐसें मिलतेयां साजणें । चले धैर्यें जेणें ।
 तेया नावं ह्मणे । धृति पै गा ॥ ४८ ॥
 आणि जीवोंसि पांडवा । यां सतिसां सतिसांचा मेलावा ।
 तो पै येथ जाणावा । सांघातु गा ॥ ४९ ॥
 एवं सतीस भेद । सांघितले तुज विशद ।
 एयां एतुलेयातें प्रसिद्ध । क्षेत्र ह्मणिजे ॥ १५० ॥
 रथांगाचा मेलावा । रथु ह्मणिजे पांडवा ।
 कां अधोर्ध्व अवयवां । नावं देह ॥ ५१ ॥
 करी-चातुरंग-समाजें । सेना नावं निफजे ।
 वाक्यें ह्मणिपति पुंजे । अक्षरांचे ॥ ५२ ॥
 जलधरांचा मेला । वाच्य होये अभाळा ।
 नाना लोक सकला । नावं जगु ॥ ५३ ॥
 कां स्नेह-सूत्र-बन्दि । मेलु एकी स्थानीं ।
 धरिजे तो जनीं । दीपु होये ॥ ५४ ॥
 तैसि सतीस हीं तत्वे । मिलति एकत्वे ।
 तेणें समूहपरत्वे । क्षेत्र ह्मणिजे ॥ ५५ ॥

आणि वाहंतेनि भौतिकें । पापपुण्य एथ पीके ।
 ह्यणौनि आक्षि कवतिकें । क्षेत्र ह्यणों ॥ ५६ ॥
 एकाचेनि मते । देह ह्यणति एयाते ।
 परि असो हें अनंतें । नावें एयासि ॥ ५७ ॥
 सुरनरउरगीं । घडत आहे योनिविभागि ।
 ते गुणकर्मसंगीं । पडिलें सांतें ॥ ५८ ॥
 पै परतत्वा आरौतें । आणि स्थावरांता आंतौतें ।
 जें काहिं होतें जातें । क्षेत्र चि हें ॥ ५९ ॥
 हे चि गुणविवचना । पुढां ह्यणिपैल अर्जुना ।
 प्रस्तुत आतां ज्ञाना । रूप दाउं ॥ १६० ॥
 क्षेत्र तव सविस्तर । सांघितलें सविकार ।
 ह्यणौनि आतां उदार । ज्ञान आइक ॥ ६१ ॥

अमानित्वमदंभित्वमहिंसा क्षांतिराजेंवं ॥

आचार्योपासनं शौचं स्थैर्यमात्मविनिग्रहः ॥ ७ ॥

जेया ज्ञाना लागि । गगन गीलितति योगी ।
 स्वर्गिची आडवंगी । उमरुड्ढनि ॥ ६२ ॥
 न करीति सिद्धिचे पाड । न धरीति रिद्धीची भीड ।
 योगा ऐसें दुवाड । हेलासति ॥ ६३ ॥
 तपोदुर्गे वोलांडिति । क्रतुकोडी वोवांडिति ।
 उलथौनि सांडिति । कर्मवेली ॥ ६४ ॥
 नाना भजनमार्गि । धावतु उघडां आंगीं ।
 एक रिगति सुरंगीं । सूक्ष्मतेचिये ॥ ६५ ॥
 ऐसी जिये ज्ञानीं । मुनीश्वरां उतान्ही ।
 वेदतरुचां पानोवानीं । हींडताति ॥ ६६ ॥
 देईल गुरुसेवा । इया बुद्धी पांडवा ।
 जन्माचा सांडोवा । टाकिति जे ॥ ६७ ॥

जेयाची रिगवणी । अविद्ये उणें आणी । अन्यवेद्या
 जीवात्मेयां बुझावणी । मांडूनि दे ॥ ६८ ॥
 जें इंद्रियांचीं दारें अडी । प्रवृत्तिचे पाये मोडी ।
 जें दैन्य चि फेडी । मानसाचें ॥ ६९ ॥
 द्वैताचा दुकळ पाहे । साम्याचें सुवाण होये ।
 जेया ज्ञानाची सोये । ऐसें करी ॥ १७० ॥
 मदाचा ठाऊ पूसी । जें महामोहातें गिवसी ।
 नेंदी आपपरु ऐसी । भाख उरों ॥ ७१ ॥
 जें संसारातें उन्मूली । संकल्पपंकु पाखाळी ।
 अनावरातें वेंटाली । ज्ञानतेजें ॥ ७२ ॥
 जेयाचेनि उजालें । उघडति बुद्धिचे डोले ।
 जीउ दोंदावरि लेले । आनंदाचेया ॥ ७३ ॥
 ऐसें जें ज्ञान । पवित्रैकनिधान ।
 जेथ विटाललें मन । चोख कीजे ॥ ७४ ॥
 आत्मेयां जीवबुद्धि । जे हे लागली क्षयव्याधि ।
 ते जेयाचेया सानिधी । बलि कीजे ॥ ७५ ॥

निरूपण तें अनिरूप्य किं निरूपिजे । आइकतां बुद्धी आणिजे ।

वांचौनि डोलां देखिजे । ऐसें नाहिं ॥ ७६ ॥
 मग एकीं शरीरीं । आपुली प्राची करी ।
 तें इंद्रियां व्यापारीं । दीठी ही दीसे ॥ ७७ ॥
 पै वसंताचें रिगवणें । झाडांचेनि साजेपणें ।
 जाणिजे तेवि करणें । सांघति ज्ञान ॥ ७८ ॥
 आगा वृक्षासि पातालीं । जलं सांपडे मुल्लि ।
 तें शाखांचिया बाहाली । दीसे वरि ॥ ७९ ॥
 कां भूमिचें मार्दव । सांवे कोंभाची लवलव ।
 माना आचार गौरव । सुकुलीचें ॥ १८० ॥

अथवा संभ्रमाचिया आयती । स्नेहो जैसा ए व्यक्ती ।
 ये कां दर्शनाचिया प्रशस्ती । पुण्यपुरुष ॥ ८१ ॥
 नातरि केलि कापुरु जाला । तो परिमलें जाणों आला ।
 कां भिंगारां दीपु ठेविला । बाहिरि फांके ॥ ८२ ॥
 तैसिं हृदइंचेनि ज्ञानें । जियें उमटति देहिं चिन्हें ।
 तियें सांघों अवधानें । चांगें आइक ॥ ८३ ॥
 तरि कव्हणी विखिचे । जीवा साम्य होणें न रुचे ।
 संभावितपणाचें । उद्धे जेया ॥ ८४ ॥
 आथिले चि गुण वानितां । कां मान्यपणें मानितां ।
 योग्यतेचें येतां । रूप आंगा ॥ ८५ ॥
 गजबजों लागे कैसा । व्याघ्रें रंधला मृगु जैसा ।
 कां बाहिं उतरलां वलसां । दाटला जेवि ॥ ८६ ॥
 पार्था तेणें पाडें । सन्मानें जो सांकडे ।
 गरिमेतें आंगा कडे । येउं नेंदी ॥ ८७ ॥
 पूज्यता डोलां नेदखावी । स्वकीर्त्ति कानिं नाइकावी ।
 हा अमुका ऐसी न व्हावी । से चि लोका ॥ ८८ ॥
 तेथ सत्काराची कें गोठी । कें आदरा होईल भेटि ।
 मरणेंसिं साठि । नमस्कारितां ॥ ८९ ॥
 वाचस्पतिचेनि पाडें । सर्वज्ञता तरि जोडे ।
 परि वेडिवे माजि दडे । महिमे भेण ॥ ९० ॥
 चातुर्य लपवी । महत्त्व हारवी ।
 पीसेपण मिरवी । आवडौनि ॥ ९१ ॥
 लौकिकाचा उद्वेगु । शास्त्रांवारि उभगु ।
 उगेपणिं चांगु । आधि भरु ॥ ९२ ॥
 जगें अवज्ञा चि करावी । संबंधिं सोये न धरावी ।
 ऐसी ऐसी जीविं । चाड व्हूं ॥ ९३ ॥

तलोटेपण बाणे । आंगीं हीणाउ खेवणें ।
 तें तें चि करणें । बहुतकरुनु ॥ ९४ ॥
 हा जीतु ना नव्हे । लोक कल्पी येणें भावें ।
 तैसें जीणें होआवें । ऐसी आश ॥ ९५ ॥
 पैल चालत कां आहे । किं वारेनि जांत नोहे ।
 जना ऐसा भ्रमु जाए । ऐसेयां होइजे ॥ ९६ ॥
 माझें असतेपण लोपो । नामरूप हारणो । ^{दे' दे'}
 मज झनें वासिपो । भूतजात ॥ ९७ ॥ ^{पे'}
 ऐसिं जेयाचि नवसियें । एकांता जात जाए ।
 नावें चि जो जिये । रानाचेनि ॥ ९८ ॥
 वायू आणि जेया पडे । गगनेसिं बोलों आवडे ।
 जीउ प्राणु झाडें । पढियंति गा ॥ ९९ ॥
 किंवहुना ऐसिं ऐसिं । चिन्हें जेया देखसी ।
 जाण तेया झानेंसिं । सेस जालें ॥ २०० ॥
 पै अमानित्व पुरुषीं । जाणावें इहिं मिखि ।
 आतां अदंभित्वाचिये उलखी । सौरसु करूं ॥ १ ॥
 तारि अदंभित्व तें ऐसें । लोभियाचें मन जैसें ।
 जीउ जाउ परि नुमसे । ठेविला ठाउ ॥ २ ॥
 तेया परी किरीटी । पडिला ही प्राणसंकटी ।
 परि सुकृत न प्रकटी । आंगें बोलों ॥ ३ ॥
^{रमडये} खडाणे आला पान्हा । पलवी जेवि अर्जुना ।
 कां राहे पण्यांगना । वडीलपणें ॥ ४ ॥
 आढ्यु आंतुडे अडविं । मग आढ्यता जेवि हारवी ।
 कां कुलवधू लपवी । अवेवांतें ॥ ५ ॥
 नाना कृषिवलु आपुलें । पांगुरवी पेरिलें ।
 तैसें झांकी निफनलें । दानुण्य ॥ ६ ॥
 ५१

वरि देह न पूजी । लोकार्ते न रंजी ।
 स्वधर्म वाग्बीजि । बांधो नेणे ॥ ७ ॥
 परोपकार नोबोले । न मिरवी अभ्यासिले ।
 न शके विकू जोडिले । स्फीतीसाठी ॥ ८ ॥
 आंगभोगा कडे । पाहांतां कृपण आवडे ।
 यन्हवि धर्मविखी थोडे । बहू न ह्याणे ॥ ९ ॥
 धरि दीसैल सांकड । देहिची ही आइति रोड ।
 पारि दानि जेया होड । सुरतरूसि ॥ २१० ॥
 किंबहुना धर्म थोर । अवसरि उदार ।
 आत्मचर्चे चतुर । यन्हवि वेडा ॥ ११ ॥
 केलिचे दलवाडे । हल्ल पोदल आवडे ।
 पारि फलैनियां गाढे । रसाल जैसे ॥ १२ ॥
 कां मेघाचे आंगझील । दीसे वारेनि जैसे जाइल ।
 पारि वरिखती नवल । घनवटीतें ॥ २१३ ॥
 तैसा जो पुण्यी । पातां धांति आणी ।
 यन्हवि तरि वाणी । तो चि ठाऊ ॥ १४ ॥
 हे असो एया चिन्हांचा । नडनाचु ठां जेयाचा ।
 जाण ज्ञान तेयाचा । हातु चढले ॥ १५ ॥
 पै गा अदंभपण । हाणितले ते हे जाण ।
 आतां आइक खूण । अहिसेची ॥ १६ ॥
 तरि अहिंसा बहुवे परी । बोलिली असे अवधारी ।
 आपुलाळं मतांतरि । निरोपितां ॥ १७ ॥
 पारि ते ऐसी देखां । जैसिया खांडूनियां शाखा ।
 मग तेया चि बुडुखा । कूपु कीजे ॥ १८ ॥
 बाहे तोडुनि विकिजे । मग भूखेची पीडा राखिजे ।
 नाना देउलें मोडुनि कीजे । पौलि देवा ॥ १९ ॥

तैसी चि हिंसा करुनि अहिंसा । कर्मकांडिं हा ऐसा ।
 पूर्वमीमांसा । निर्णो केल ॥ २२० ॥
 जै अदृष्टिचेनि उपद्रवें । गादेल विश्व चि आघवें ।
 ह्यणौनि पर्जन्ययष्टि करावे । नाना याग ॥ २१ ॥
 तिये इष्टिचां बुडो । पशुहिंसा तव रोकडी ।
 मम अहिंसेची थडी । लेसां दीसे ॥ २२ ॥
 पेरिजे नुसदी हिंसा । तेथ आवेल काय अहिंसा ।
 परि नवलु बा धिवंसा । यात्रिकांचा ॥ २३ ॥
 आणि आयुर्वेदु ही आघवा । एयां चि मोहरा पांडवा ।
 जें जीवां कारणें करावा । जीवां घातु ॥ २४ ॥
 नव्हे रोगीं आहाललीं । लोलतीं भूतें देखिलीं ।
 ते हिंसा निवारावेया केली । चिकित्सिका ॥ २५ ॥
 तथं चिकित्सा पहिलें । एकांचे कंद खणविले ।
 एकां उपडविलें । समूलांतें ॥ २६ ॥
 एके आडमोडीं केलीं । अजंगमाची खाल काढविली ।
 गाभिणीं उकढलीं । पुटां माझि ॥ २७ ॥
 अजातशत्रुतक्रुरां । सर्वांगिं देवविलिया सिरा ।
 ऐसे जीव घेउनि वीरा । कोरडे केले ॥ २८ ॥
 आणि जंगमा हिं हात । लाउनि काढिलें पित्त ।
 मग राविले सीणत । आणिक जीव ॥ २९ ॥
 आहावसुवारें । मोडुनि केले देव्हारे ।
 नागवूनु वेव्हारे । गवांदि घातली ॥ ३० ॥
 मस्तक पांगुराविलें । तव तलवटीं उघडें ठेलें ।
 मागां मोडुनु केलें । पुढें धड ॥ ३१ ॥
 नाना पांगुरणें । जाळुनि जैसैं तापणें ।
 नातरि जालें आंगधुणें । कुंजराचें ॥ ३२ ॥

बैलु वीकूनि कोठा । पूंस लाउनि गांठा ।
 इये करणी कीं चेष्टा । कायि हांसों ॥ ३३ ॥
 एकिं धर्माचिया वाहाणी । गाळूं आदरिलें पाणी ।
 तेथ गालितेयाचिया आहळणी । जीव मेले ॥ ३४ ॥
 एक न पचिति चि कण । इये हिंसे चि भेण ।
 तेथ कदर्थले प्राण । ते चि हिंसा ॥ ३५ ॥
 एवं हिंसा चि अहिंसा । कर्मकांडिं हा ऐसा ।
 सिद्धांतु सुमनसा । उल्लख तूं ॥ ३६ ॥
 पहिलें अहिंसेचें नावं । केलें आर्हिं जवं ।
 तवं स्फूर्ति बांधली हावं । इये मर्ती ॥ ३७ ॥
 तरि कैसेनि इयेतें गालावें । हाणौनि पडिलें बोलावें ।
 तेविं चि तुवां जाणावें । ऐसा भाऊ ॥ ३८ ॥
 बहूकरनि किरीटी । हा चि विषो इये गोठी ।
 यन्हाविं कां आडवाटीं । धांविजैल ॥ ३९ ॥
 आणि स्वमताचिया निर्द्धारा । लागौनियां धनुर्द्धरा ।
 प्राप्ता मतांतरा । निर्वचु कीजे ॥ ४० ॥
 ऐसी हे अवधारीं । निरोपिती परी ।
 आतां यावरी । मुख्य जें गा ॥ ४१ ॥
 तें स्वमत बोलिजैल । अहिंसे रूप कीजैल ।
 जेया उठविलेयां आंतुल । ज्ञान दीसे ॥ ४२ ॥
 परि तें चि अधिष्ठिलेनि आंगें । जाणिजे आचरतेनि बागें ।
 जैसी कसवटी सांघे । वानियेतें ॥ ४३ ॥
 ४ तैसें ज्ञानमनाचिये भेटी । अहिंसेचें बिंब उठी
 तें चि ऐसें किरीटी । परिस आतां ॥ ४४ ॥
 तरि तरंग नोलांडितु । लहरी पायें न फेडितु ।
 संचलु न मोडितु । पाणिबांका ॥ ४५ ॥

वेगें आणि लेसां । दीठि घाल्नि आर्विसा ।
जलिं बकु जैसा । सोए ॥ ४६ ॥ पाठ
कां कमलावारि भवर । पाये ठेविति हलुवार ।
कुचुंबैल केसर । इया शंका ॥ ४७ ॥
तैसे परिमाणु पांगुतले । जाणौनि जीउ सानुले ।
कारुण्या माझि पाउलें । लपौनि चाले ॥ ४८ ॥
ते वाट कृपेची कारितु । ते दिशा चि स्नेहें भारितु ।
जीवा तलिं आंथुरितु । आपुला जीउ ॥ ४९ ॥
ऐसिया जतना । चालणें जेया अर्जुना ।
हें अनिर्वाच्य पारि मना । पूरिजे ना ॥ ५० ॥
पैं मोहाचेनि सांगडें । लांसि पीलें धरी तोंडें ।
तेथ दातांचें आगरडें । जैसें लागे ॥ ५१ ॥
कां स्नेहाल माए । तान्हेयांची वास पाहे ।
तिये दीठी आहे । हलुवार जें ॥ ५२ ॥ जं२५

जो२५ नाना कमलदलें । डोलवीजिजति ढालें ।
तो जेणें पाडें बुबुलें । वारा घेपे ॥ ५३ ॥
तैसेनि माईवें पाए । भूमी ठेवीतु जाये ।
लागति तेथ होये । जना सुख ॥ ५४ ॥
ऐसिया लघिमा चालता । क्रिमिकीटक पांडुसुता ।
देखे तारि माघौता । हलू चि निगे ॥ ५५ ॥
हाणे पाउं दडफडील । निद्रा स्वामिची मोडैल ।
रचलेपणा पडैल । झोति हान ॥ ५६ ॥
इया काकुलती । वाहाणि घे माघौति ।
कोण्ही हिं व्यक्ती । न वचवे वारि ॥ ५७ ॥
जीवाचेनि नावें । तृण हिं नोलांढावें ।
मग नळेखितां जावें । हें कें गोठि ॥ ५८ ॥

नागवे

मुंगिये मेरु नोलांडवे । मशकां सिंधु नुतरवे ।
 तैसें भेटलें न करवे । अतिक्रमूं ॥ ५९ ॥
 ऐसी जेयाची चुचालि । क्रियाफलासि आली ।
 देखसी जियाली । दया वाचे ॥ २६० ॥
 स्वसर्णे चि तें सकुमार । मुख मोहाचें माहियेर ।
 माधुर्या जाले अंकुर । दशन तैसे ॥ ६१ ॥
 पुढां स्नेह पांझरे । मागां चालति अक्षरें ।
 शब्दु पाठि अवतरे । कृपा आधीं ॥ ६२ ॥
 तव बोलणें चि नाहीं । भिये ह्मणे जरी काहिं ।
 बोलु कोणहा हिं । खुपैल कां ॥ ६३ ॥
 बोलतां अधिकु ही निगे । तारि कोणहां वर्मी हान लागे ।
 कोणहासि रिगे । शंका मनीं ॥ ६४ ॥
 मांडली गोठि हान मोडैल । वासिपैल कन्हणी उडैल ।
 आइकों चि वोवांडिल । कोणहीं जरी ॥ ६५ ॥
 तारि दुवालि कोणहा न व्हावी । कोणहाची भंवै नुचलावी ।
 ऐसा भाऊ जीवि । ह्मणौनि उगा ॥ ६६ ॥
 मग प्रार्थिला विपाएं । जरि लोभें बोलों जाए ।
 तारि परियस तेयां होए । मायबापु ॥ ६७ ॥
 नादब्रह्म मूर्छलें । गंगापथ आसललें ।
 पतिव्रते आलें । वृद्धाप्य कां ॥ ६८ ॥
 तैसी साच आणि मौवाल । सीतली आणि रसाल ।
 बोल जैसे कल्लोल । अमृताचे ॥ ६९ ॥
 उरोधु वाडुवल । प्राणुपापता ढाल ।
 उपहासु चाल । वर्मस्पर्शु ॥ २७० ॥
 आंवु वेगु विंदाण । आश शंका प्रतारण ।
 हे संन्यासिले अवगुण । जेया वाचा ॥ ७१ ॥

आणि तेया चि परी किरीटी । थाउं जियाचिया दीठी ।
 सांडिलिया भृकुटी । मोकलिया ॥ ७२ ॥
 भूर्ति वस्तु आहे । तिये रूपों सके विपायें ।
 ह्यणौनि वास ना पाहे । बहुत करुनि ॥ ७३ ॥
 ऐसा ही कोण्ही एकी वेले । आंतुली कृपेचेनि बलें ।
 उचल्लनियां डोले । दीठी घाली ॥ ७४ ॥
 तारि चंद्रबिंबौनि धारा । सूटति नव्हंति गोचरा ।
 परि एकसरि चकोरां । निगति दोंदें ॥ ७५ ॥
 तैसें प्राणियांसि होए । जरि तो वास पाहे ।
 तेया अवलोकनाची सोए । कूर्मी हीं नोहे ॥ ७६ ॥
 किंबहुना ऐसी । दीठि जेया भूतांसि ।
 कर ही देखसी । तैसे चि गा ॥ ७७ ॥
 होउनियां कृतार्थ । राहिले सिद्धांचे मनोरथ ।
 तैसे जेयाचे हात । निर्व्यापार ॥ ७८ ॥
 अक्षम आणि सन्यासिलें । निरंधन आणि विज्ञालें ।
 मूकेनि वेतलें । मौन जैसें ॥ ७९ ॥
 तिया परि काहिं । जियां करां करणें नाहिं ।
 जें अकतेयाचां ठाई । बैसउं एंती ॥ ८० ॥
 आसुडेल हान वारा । नख लागेल अंबरा ।
 इया बुद्धी करां । चलें नेंदी ॥ ८१ ॥
 तेथ आंगावरिलें उडाविं । कां डोलां रिगते झाडाविं ।
 पशुपक्षां दावावी । त्रासमुद्रा ॥ ८२ ॥
 इया केउतिया गोठी । नावडे दंडुकाठी ।
 मग शस्त्रांचे किरीटी । बोलणें के ॥ ८३ ॥
 लीलाकमलें खेलणें । पुष्पमाला झेलणें ।
 न करी ह्यणे गोफणें । ऐसें होइल ॥ ८४ ॥

हालवती रोमावली । या लागि आंग न कुरुवाली ।
 नखांची गुंडालि । बोटां वरि ॥ ८५ ॥
 तवं करणेयांचा चि विपाउ । जरि ऐसा ही पडे ठाउ ।
 तरि हातां हा चि स्वभाउ । जें जोडिजति ॥ ८६ ॥
 कां नामिकारा उभिजे । हातु पडिलेयां दीजे ।
 आर्तातें परिसिजे । अलुमालु ॥ ८७ ॥
 हें इ उपरोधें करणें । आर्ति भय हरणें ।
 नेणति चंद्रकिरणें । जीवाला तो ॥ ८८ ॥
 पाहूनि तो स्पर्श । मलयानीलु खरपुसु ।
 एणें मानें पशु । कुरुवालणें ॥ ८९ ॥
 तो जियें सदा रीतिं पोकलें । जैसिं चंदनांगें शीतलें ।
 न फलतां हिं निष्कलें । होंति चि ना ॥ ९० ॥
 असो हें वागजाल । जाणिजे करतल ।
 सज्जनाचें सीतल । स्वभावें जैसें ॥ ९१ ॥
 आतां मन तेयाचें । सांगों ह्याने साचें ।
 तरि सांगितलें कोणाचे । विलास हे ॥ ९२ ॥
 काइ शाखा नव्हे तर । जलें विण असे सागर ।
 तेज आणि तेजकर । सिनानी आधि ॥ ९३ ॥
 अवेव आणि शरीर । हें वेगलालें जर ।
 किं रसु आणि नीर । सिनानी आधि ॥ ९४ ॥
 ह्याणौनि जे हे सर्व । सांगितले बाह्य भाव ।
 तें मन चि गा सावेव । ऐसें जाण ॥ ९५ ॥
 जें विं भुइं खोविलें । तें चि वरि रुख जाले ।
 तैसें इंद्रियद्वारीं फांकलें । अंतरिचें ॥ ९६ ॥
 पै मानसिं जरि । अहिसेची अवसरी ।
 तरि कैची बाहिरि । बोसंडेल ॥ ९७ ॥

आवडे ते वृत्ति किरीटी । आधि मनौनि उठी ।
 मग वाचे दीठी । करांसि ये ॥ ९८ ॥
 वांचूनि मनीं नाहिं । तें आंगिं उमटैल काइ ।
 बीजें विण मुइं । अंकुरु असे ॥ ९९ ॥
 उगाविं चि वालौनि जाए । तें अधि कैचें वाहे ।
 जीउ गेलेयां आहे । चेष्टा देहिं ॥ १०० ॥
 तैसें मनपण जें मोडे । तें इंद्रियां आधीं चि उबडे । उचडे
 सूत्रें विण साईखडें । वाउ जैसें ॥ १ ॥
 ह्मणौनि मन पांडवा । मूल एयां इंद्रियभावां ।
 हें चि राहाटे आघवां । द्वारिं इहिं ॥ २ ॥
 परि जिये वेले जैसें । जें होउनि आतुं असे ।
 बाहिरि ये तैसें । व्यापाररूपें ॥ ३ ॥
 यालागि साचोकारें । मनीं अहिंसा थावे थोरें ।
 पै कलि जैसी द्वारें । बोबांत निगे ॥ ४ ॥
 ह्मणौनि इंद्रियें ते संपदा । वेंचितां हिं उदावादा ।
 अहिंसेचा बांधा । करितें आहाति ॥ ५ ॥
 समुद्र दाटी भरितें । तें समुद्रू चि करी खारियांतें ।
 तैसें स्वसंपत्ति चित्तें । इंद्रियां केलें ॥ ६ ॥
 हें बहु असो पंडितु । धरुनु बालकाचा हातु ।
 वोलि लेहे वेगवतु । आपण चि ॥ ७ ॥
 तैसें दयालुत्व आपुलें । मनें हातां पायां आणिलें ।
 मग तेथ उपजविलें । अहिंसेतें ॥ ८ ॥
 याकारणें किरीटी । इंद्रियांचिया गोठी ।
 मनाचिये चि राहाटी । रूप केलें ॥ ९ ॥
 ऐसा मनें देहें वाचा । सर्व संन्यासु दंडाचा ।
 जाला ठाई जेयाचां । देखसील ॥ ११० ॥

तो जाण वेल्हाल । ज्ञानाचें वेलाउल ।
 हें असो निखल । ज्ञान चि तो ॥ ११ ॥
 जे अहिंसा कानि आइकिजे । ग्रंथाधार निरोपिजे ।
 ते पाहावी हें उपजे । तें तो चि पाहावा ॥ १२ ॥
 ऐसें हाणितलें देवें । तें बोलें एके सांघावें ।
 परि फांकला हें उपसाहावें । तुह्मीं मज ॥ १३ ॥
 हाणाल हिरव चारिवें गोरं । विसरे मोहर घरं ।
 कां वारेलगें पाखिरं । गगनीं भरे ॥ १४ ॥
 तैसा प्रमेयाचिया स्फूर्ती । फावल्या रसवृत्ती ।
 वाहविलां मती । अलुमालु ॥ १५ ॥
 तरि तैसें नव्हे अवधारां । कारण असे विस्तारा ।
 एन्हविं पद तरि अक्षरां । तिहिंचें चि ॥ १६ ॥ नि
 अहिंसा हाणतां थोडी । पारि तें चि होये उघडी ।
 जें आलोडिजति कोडी । मतांचिया ॥ १७ ॥
 यन्हविं प्राप्ते मतांतरे । थायंबूनि आंगभरें ।
 बोलिजैल तें न सरे । तुह्मा पासि ॥ १८ ॥
 जाई काडी रत्नपारिख्याचां गाविं । जाईल गंडी तरि सोडावी ।
 काश्मिरीं न करावीं । मढंगणें ॥ १९ ॥
 इछा वासु कापुरा । मंद जेथ अवधारां ।
 पिठाचा विकिरा । तिये सांते ॥ २० ॥
 हाणौनि इथे सभे । बोलिकेपणाचेनि क्षोभें ।
 लागसर न लभें । बोलों प्रभू ॥ २१ ॥
 सामान्य आणि विशेषा । सकलव कीजैल देखां ।
 तरि कानाचेया हीं मुखा । कडे नेनां तुह्मीं ॥ २२ ॥
 शंकेचेनि गदलपणें । जें शुद्ध प्रमेय मैलणें ।
 पे मागुत वाउलीं पुलवणें । अवधान येतें ॥ २३ ॥

करुनि बाबुलियेची वृंथि । जलें जियें ठाति ।
 तेयांची-वांस पाहाती । हंस काई ॥ २४ ॥
 कां अंभ्रा पैलीकडे । येत चांदिणें कोंडे ।
 तें चकोर चांचुवडे । पसरीति ना ॥ २५ ॥
 तैसें तुहिं वास न पाहाल । ग्रंथु नेघा-वरि कोपाल ।
 जरि निर्वेवादां नव्हेल । निरोपण ॥ २६ ॥
 न बुझावति मते । न फोटे आक्षेपाचें लागतें ।
 तें वाखाणें जी तुमते । जोडुनु नेंदीं ॥ २७ ॥
 आणि माझें तव आघवें । ग्रंथायंत एणें विभावें ।
 जें तुहिं संति होआवें । सन्मुखां सदा ॥ २८ ॥
 यन्हविं तन्हीं साचोकारें । तुहिं गीतार्थाचे सोयरे ।
 जाणौनि गीता जीवसरें । धरिली मियां ॥ २९ ॥
 जें आपुलें सर्वस्व देयाल । मग इयेतें सोडवूनु नेयाल ।
 ह्मणौनि ग्रंथु नव्हे वोल । साच चि हे ॥ ३० ॥
 कां सर्वस्वाचा लोभु धरा । बोलेचा अन्हेरु करा ।
 तरि गीते मज अवधारां । एकी चि गति ॥ ३१ ॥
 किंबहुना मज । तुमचिया कृपा काज ।
 तिये लागौनि व्याज । ग्रंथाचें केलें ॥ ३२ ॥
 तरि तुझां रसिकां जोगें । वाखाण शोधावें लागे ।
 ह्मणौनि मतांगें । बोलें ठेलां ॥ ३३ ॥
 तव कथे पसर जाला । श्लोकार्थु दूरि ठेला ।
 कीजो क्षमा या बोला । अपत्या मज ॥ ३४ ॥
 आणि घांसांतूडु हरलु । फेडितां लागे वेळु ।
 तें दूषण नव्हे आडलु । सांडावा किं ॥ ३५ ॥
 सर्वचोर चूकवितां । दीस लागलेयां माता ।
 कोपावें किं जीविता । जीताणें कीजे ॥ ३६ ॥

परि या वरिल हें नव्हे । तुझिं उपसाहिलें तें बरवें ।
 आतां अवधारां जी देवें । बोलिलें ऐसें ॥ ३७ ॥
 ह्मणे उन्मेषसुलोचना । सावधु होइं अर्जुना ।
 करूं तुज ज्ञाना । बोलखि पाहूं ॥ ३८ ॥
 परि ज्ञान गा तेथें । बोलख तूं निरुतें ।
 आक्रोशें विण जेथें । क्षमा आधि ॥ ३९ ॥
 अगाधें सरोवरिं । कमलिनी जेया परीं ।
 कां सदैवांचां घरीं । संपती जैसी ॥ ४० ॥
 पार्था तेणें पाडें । क्षमा जेयातें वाढे ।
 तें हिं लक्ष फुडें । लक्षण सांगों ॥ ४१ ॥
 तरि पढियतें लेणें । आंगिं भावे जेणें ।
 धरिजे तेवि साहाणें । सर्व चि जेया ॥ ४२ ॥
 त्रिविध मुख्य आघवे । उपद्रवांचे मेलावे ।
 वरिपाडिलेयां न्हेवे । वांकुडा जो ॥ ४३ ॥
 अपेक्षित पावे । तो जेणें तोखें मानवे ।
 अनपेक्षिता ही करावें । तो चि मानु ॥ ४४ ॥
 जो मानापमानातें साहे । सुखदुःख जेथ माये ।
 निंदास्तुती नोहे । दुखंडु जो ॥ ४५ ॥
 उन्हालेनि जो न तपे । हेमवंतीं न कंपे ।
 काइसेया ही न वासिपे । पातलेयां ॥ ४६ ॥
 स्वशरीराचा भार । नेणे जैसा मेरु ।
 कां धरा इया सूकरू । बोझें न ह्मणे ॥ ४७ ॥
 नाना चराचरीं भूतीं । दाटणी नव्हे इये क्षिती ।
 तैसा नाना द्रव्यप्राप्ती । घामेजे ना ॥ ४८ ॥
 घेउनु जलाचे संघाट । आलेयां नदीचे लोट ।
 करी वाट पोटा । सिंधु जेवि ॥ ४९ ॥

तैसें जेयाचां ठांडं । न साहणें काहीं चि नाहिं ।
 सात आणि सात असे ऐसें हिं । स्मरे ना जो ॥ ३५० ॥
 आंगा जें पातलें । तें करुनि घाली आपुलें ।
 तेथ साहंतेनि नवलें । घेपिजे ना ॥ ५१ ॥
 हे अनाक्रोश क्षमा । जेयातें आथि प्रियोत्तमा ।
 जाण तेणें महिमा । ज्ञानासि गा ॥ ५२ ॥
 तो पुरुष पांडवा । ज्ञानाचा उल्लावा ।
 आतां परियस आर्जवा । रूप करुं ॥ ५३ ॥
 तरि आर्जव तें ऐसें । प्राणाचें सौजन्य जैसें ।
 आवडतेया हीं दोसें । एक चि गा ॥ ५४ ॥
 कां तोंड पाहूनि प्रकाशु । न करी जेवि चंडांशु ।
 जगा एकू चि अवकाशु । आकाशातें ॥ ५५ ॥
 तैसें जेयाचें मन । मानुषप्रति आनान ।
 नाहिं आणि वर्त्तन । ऐसें पै तें ॥ ५६ ॥
 जें जग चि सनोलख । जर्गेसि चि सोयेरिक ।
 आपपरु हे भाष । जाणणें चि नाहिं ॥ ५७ ॥
 भलेतेणेंसि मेलु । पाणियां ऐसा ढालु ।
 कोणही हि विखीं आडलु । नेघे चित्त ॥ ५८ ॥
 वारेयाची धावं । तैसे सरल भाव ।
 शंका आणि हावं । नाहिं जेया ॥ ५९ ॥
 माये पुढां बालका । रिगतां न पडे चि आवांका ।
 तैसें मन देतां लोका । नालोची जो ॥ ३६० ॥
 प्रकटलेया इंदीवरा । परिवरु नाहिं धनुर्द्वरा ।
 तैसा कोनकोंपरा । नेणे जीउ ॥ ६१ ॥
 चोखालपण रत्नाचें । रत्नावरि नाचे ।
 तैसें पुढां मन जेयाचें । करणें पाठि ॥ ६२ ॥

आंळेंचु जो नेणे । अनभिज्ञ जोगावणें ।
 धरी मेलीसि करणें । नाहिं जेया ॥ ६३ ॥
 दीठि नोहे मिणधी । देखणा नाहिं संधी ।
 कोणहासि ही बुद्धी । राहाटों नेणे ॥ ६४ ॥
 दाही इंद्रिये प्रांजलें । निःप्रपंचें उवलें ।
 पांचै पालव मोकले । आठै पाहार ॥ ६५ ॥
 अमृताची धार । तैसें उजू अंतर ।
 किंबहुना माहेर । यां चिन्हांचें ॥ ६६ ॥
 तो पुरुषु सूभटा । आर्जवाचा आंगवटा ।
 जाण तेथ चि घरटा । ज्ञानें केला ॥ ६७ ॥
 आतां या वरि । गुरुभक्तीची परी ।
 सांघों अवधारीं । चतुरनाथा ॥ ६८ ॥
 आघवेया चि दैवां । जन्मभूमि जे सेवा ।
 जे ब्रह्म करी जीवा । शोच्यते ही ॥ ६९ ॥
 ते आचार्यउपासित । सांघिजैल तुज प्रति ।
 बैसो सहस्रा एका ची पांती । अवधानाची ॥ ७० ॥
 तरि सकलजलसमृद्धी । गंगा रिगाली उदधी ।
 कां श्रुति हे महापदी । पैठी जाली ॥ ७१ ॥
 नाना वेंटाळनु जीवितें । गुणावगुण उखिते ।
 प्राणनाथा उचितें । दीन्हलें प्रिया ॥ ७२ ॥
 तैसें सबाह्य आपुलें । जेणें गुरुभक्ती दीधलें ।
 आपणपें केलें । भक्तिचें घर ॥ ७३ ॥
 गुरुगृह जिये देशीं । तो देशु चि आहे मानसिं ।
 विरहिणी जैसी । वल्लभातें ॥ ७४ ॥
 तिये कडौनु येंतु वारा । देखौनु धांवे सामोरा ।
 आडपडे ह्मणे घरा । बीजें कीजे ॥ ७५ ॥

साच प्रेमाचिया भूली । तिया दिशा चि वोवाली ।
 जीउ थानापति करुनु घाली । गुरुगृहिं जो ॥ ७६ ॥
 गुरुआज्ञा धरलें । देह गार्वि असे एकलें ।
 वांसुरुवां लाविलें । दावें जैसैं ॥ ७७ ॥
 हाणे कै हें बिरडें फीटैल । कै तो स्वामि भेटैल ।
 युगा ही होन वडिल । निमिष मानी ॥ ७८ ॥
 ऐसैं गुरुग्रामिचें आलें । कां स्वयं गुरु चि घाडिलें ।
 तरि गतायुषा जोडलें । आयुष्य जैसैं ॥ ७९ ॥
 कां सुकतेया अंकुरा । वरि पडिलेयां पीयूखधारा ।
 कां निर्जलिचा सागरा । आला मळु ॥ ८० ॥
 नातरि रकें निधान देखिलें । आंधलेया डोले उघडले ।
 भणगाचेया आंगा आलें । इंद्रपद ॥ ८१ ॥
 तैसैं गुरुकुलिचेनि नावें । महासुखें थोरावे ।
 जें कोडिं हिं न पोटलवे । आकाशाचां ॥ ८२ ॥
 पै गुरुकुलिं ऐसी । भक्ति जेया देखसी ।
 जाण ज्ञान तेया पासिं । पाइकया असे ॥ ८३ ॥
 आणि अभ्यंतरिली कडे । प्रेमाचेनि पवाडें ।
 श्रीगुरुचें रूपडें । उपासी ध्यानीं ॥ ८४ ॥
 हृदयशुद्धिचां आवारीं । आराध्य तें धूर करी ।
 मग सर्वभावेंसिं परिवारीं । आपण होए ॥ ८५ ॥
 कां चैतन्याचिया पवली । माझि आनंदाचां राउलिं ।
 गुरुलिंगा ढाली । ध्यानामृत ॥ ८६ ॥
 उदैजतां बोधार्का । बुद्धिची ढाल सात्विका ।
 भरौनि दे त्र्यंबका । लाखौली तेया ॥ ८७ ॥
 शुद्धि त्रिकालिं । जीवदशा धूप जाली ।
 ज्ञेयदीपें उज्वाली । निरंतर ॥ ८८ ॥

समरस्याची रससोय । अखंड अर्पीतु जाए ।
 आपण भराडा होए । गुरुतें लिंगा ॥ ८९ ॥
 नातरि जिवाचिये सेजे । गुरु कांतु करुनु मुंजे ।
 ऐसिं प्रेमाचिं भोजें । बुद्धि वाहे ॥ ९० ॥
 कोणही एकीं अवसरि । अनुरागु भरें अंतरीं ।
 किं तेया नावें करी । क्षीराब्धि ॥ ९१ ॥
 तेथ ध्यान बहुमुख । ते शेष तुलई निर्दोष ।
 वरि जलसेनु देख । भावी गुरु ॥ ९२ ॥
 बोलगती पाए । लक्ष्मी आपण होए ।
 गरुड होउनु राहे । आपण चि ॥ ९३ ॥
 नाभी आपण जन्मे । ऐसी गुरुमूर्ति प्रेमें ।
 अनुभवी मनोधर्म । ध्यानसुखें ॥ ९४ ॥
 ९ एकीधिये वेळे । गुरु माये करी भावबलें ।
 मग स्तन्य उत्सांगिं लोले । अंका वरि ॥ ९५ ॥
 नातरि गा किरीटी । चैतन्यतरुतलवटीं ।
 गुरुघेनु आपण पाठिं । वत्स होए ॥ ९६ ॥
 गुरुस्नेहसलीलीं । आपण होये मासली ।
 कोणही एकी वेळीं । हें चि भावी ॥ ९७ ॥
 गुरु आमृताचें वडप । आपण होये लाहालाहात रोप ।
 ऐसेसे संकल्प । विये मन ॥ ९८ ॥
 चक्षुपक्षि विण । पीलु होये आपण ।
 ऐसें पै अपारपण । आवडिचें ॥ ९९ ॥
 गुरुतें पक्षिणी करी । चाराचारी चांचु वेन्हीं ।
 गुरु तारु कास धरी । आपण जलीं ॥ १०० ॥
 ऐसें प्रेमाचेनि थावें । ध्यान चि ध्यानातें प्रसवे ।
 पूर्ण सिंधू हेलावे । सूटति जैसे ॥ १ ॥

किंबहुना इया परी । गुरुमूर्ति अंतरी ।
 भोगी आतां अवधारीं । बाह्य सेवा ॥ २ ॥
 तरि जीवीं ऐसे आवांके । हणने दास्य करी न नीके ।
 जवं गुरु कवतिके । माग हणति ॥ ३ ॥
 तैसिया साचा उपास्ती । गोसांविं प्रसन्न होंति ।
 तेथ मी विनती । ऐसी करीन ॥ ४ ॥
 हणौनु तुमचा देवा । परिवार आघवा ।
 तेतुलीं रूपें होआवा । मीं चि एकु ॥ ५ ॥
 आणि देव्हाराचि आपुलीं । उपकरणें जेतुलीं ।
 माझिं रूपें तेतुलीं । होआवीं जी ॥ ६ ॥
 ऐसा मागैन बरु । तेथ हो हणति श्रीगुरु ।
 मग तो परिवार । मीं चि होइन ॥ ७ ॥
 उपकरणजात सकलैक । तें हिं होईन एकैक ।
 मग उपास्तिचें कवतिक । देखिजैल ॥ ८ ॥
 श्रीगुरु बहुतांचीं माए । परि एकलौती होउनि ठाए ।
 तैसें करुनु आण वाए । कृपे तिथे ॥ ९ ॥
 तेया अनुरागा वेधु लावी । एकपत्नीव्रत घेववी ।
 क्षेत्रसन्यासु करवी । लोभा करवि ॥ १० ॥
 चतुर्दिक्षु वारा । न रहाये निगों बाहिरा ।
 तैसा गुरुकृपे पांजरा । आपण चि होईन ॥ ११ ॥
 आपुलेया गुणाचीं लेणीं । करीन गुरुसेवे स्वामिणी ।
 हे असो होईन गवसणी । गुरुभगतीसि ॥ १२ ॥
 गुरुस्नेहाची वृद्धि । मी पृथ्वी होईन तलवटीं ।
 ऐसिया मनोरथांचिया शृष्टी । रची अनंता ॥ १३ ॥
 हणने श्रीगुरुचें भवन । मी आपण होईन ।
 आणि दासु होउनु करीन । दास्य तेथिचें ॥ १४ ॥

रिगतां निगतां दातारें । ॐलांडिजति उंवरें ।
 ते मी होईन आणि द्वारें । द्वारपाल ॥ १५ ॥
 मी पाउवा होईन । तेया मीं चि मेलवीन ।
 छत्री मी होईन । बारी मी चि ॥ १६ ॥
 मी तल्लु उपरु क्षणता । चवरधरु हातुदेता ।
 स्वामी पुढां बोलता । होईन मी ॥ १७ ॥
 हडपु मीं बोलगैन । उगाल्लु मी चि घेईन ।
 उल्लिग मी करीन । आंघोलिचें ॥ १८ ॥
 होईन गुरुचें आसन । अलंकार परिधान ।
 चंदनादि होईन । उपचार मीं ॥ १९ ॥
 मी चि होईन सुआरु । बोगरीन उपहारु ।
 आपणपें श्रीगुरु । वोवालिन ॥ ४२० ॥
 मग देॐ आरोगिति । तेधवां पांतिकरु पांती ।
 मीं चि होईन पुडुती । देईन बीडा ॥ २१ ॥
 मग मी ताट काढीन । सेज मी झाडीन ।
 चरणसेवा करीन । मी चि देखें ॥ २२ ॥
 सिंहासन होईन आपण । वरि श्रीगुरु करिति आरोहण ।
 करीन खरेपण । ॐलगेचें ॥ २३ ॥
 श्रीगुरुचें मन । जेया देईल अवधान ।
 तो मी पुढां होईन । चमत्कार ॥ २४ ॥
 तेया श्रवणाचां आंगणीं । होईन शब्दाचिया क्षोणी ।
 स्पर्श होईन घसणी । आंगिचिये ॥ २५ ॥
 श्रीगुरुचे डोले । अवलोकन स्नेहालें ।
 पाहांती तियें सकलें । रूपें होईन ॥ २६ ॥
 तिये रसने जो रसु रुचैल । तो आप । चि होईजैल ।
 गंधरूपें कीजैल । प्राणसेवा ॥ २७ ॥

एवं बाह्यमनोगत । गुरुसेवा समस्त ।
 वेंटाळनु वस्तुजात । होउनियां ॥ २८ ॥
 जवं देह असैल । तवं ऐसी सेवा कीजैल ।
 मग देहांति नवल । बुद्धि असे ॥ २९ ॥
 इये शरीरिची माती । मेलवीन तिये क्षिती ।
 जेथ श्रीचरण ठांति । श्रीगुरुचे ॥ ३० ॥
 माझा स्वामी कवतिकें । स्पर्शैल जियें उदकें ।
 तेथ लया नीकें । नेईन आप ॥ ३१ ॥
 श्रीगुरु बोवालिजति । कां भवनीं जिये उजलिजति ।
 तेयां दीपाचेया दीप्ती । ठेवीन तेज ॥ ३२ ॥
 चवरीं हान बीजणा । तेथ लयो करीन प्राणा ।
 मग आंगाचा बीजणा । करीन तेथ ॥ ३३ ॥
 जिये जिये अवकाशीं । श्रीगुरु असति परिवारेंसिं ।
 आकाश लयाकाशीं । नेईन तिये ॥ ३४ ॥
 परि जीतु मेला न संडीं । निमिषु वायां न धडीं ।
 ऐसेन गणाविया कोडीं । कल्पांचिया ॥ ३५ ॥
 एतुळे वेन्हीं धिवंसा । जेयाचेया मानसा ।
 आणि करूनि हीं तैसा । अपारु चि ॥ ३६ ॥
 राति दियो नेणे । थोडें बहू न हाणे ।
 हाणियांचेनि दासपणें । साजा होए ॥ ३७ ॥
 तो व्यापारु एणें नावें । गगना होउनु थोरावे ।
 एकला करी आघवें । एकी चि काळि ॥ ३८ ॥
 हृदयवृत्ती पुढां । आंग चि घे दवडा ।
 काज करी होडा । मानसेंसीं ॥ ३९ ॥
 एकाधेया वेला । श्रीगुरुचेया खेला ।
 लोण करी सकला । जीविताचें ॥ ४० ॥

गुरुदास्यें कृशु । जो गुरुत्रेमें सपोसु ।
 गुरुआज्ञे आवासु । आपण जो ॥ ४१ ॥
 जो गुरुकुलें सकुलीनु । जो गुरुबंधुसौजन्यें सौजनु ।
 जो गुरुदास्यें सव्यसनु । निरंतर ॥ ४२ ॥
 गुरुसंप्रदायधर्म । ते जेया वर्णाश्रम ।
 श्री गुरुचर्चा नित्यकर्म । जेयासि गा ॥ ४३ ॥
 गुरु क्षेत्र गुरु देवता । गुरु माये गुरु पिता ।
 जो गुरु परौता । मार्गु नेणे ॥ ४४ ॥
 श्रीगुरुचें द्वार । तें जेया सर्वस्व सार ।
 गुरुसेवकां सहोदर । प्रेमें भजे ॥ ४५ ॥
 जेयाचें वक्त्र । वाहे गुरुनामाचे मंत्र ।
 गुरुवचना वांचूनि शास्त्र । हार्ति न शिवे ॥ ४६ ॥
 सीतले गुरुचरणीं । भलेतें जें पाणीं ।
 तेया तीर्थे यात्रे आणीं । त्रैलोकिचीं ॥ ४७ ॥
 श्रीगुरुचें उसिटें । लाहे जें अवचटें ।
 तें तेणें लाभें वीटें । समाधीसि ॥ ४८ ॥
 कैवल्यसुखा साठि । परमाणु घे किरीटी ।
 उधळति पायां पाठि । चालतां जे ॥ ४९ ॥
 हें असो सांघों केती । नाहिं पार गुरुभक्ती ।
 तन्हीं गा क्रांतमती । कारण हें ॥ ४५० ॥
 जेयां इये भक्ती.चाड । जेयां इये चि विखिचें कोड ।
 जो सेवे वांचूनु गोड । न मनी काहिं ॥ ५१ ॥
 तो तत्वज्ञानासि ठाऊ । ज्ञान तेणें चि आवो । १
 हें असो तो देऊ । ज्ञानभक्तु ॥ ५२ ॥
 हें जाण पां साचोकारें । तेथ ज्ञान उघडेनि द्वारें ।
 नांदतसे जगां पुरे । या रीती ॥ ५३ ॥

जिये गुरुसेवा विषीं । माझा जीउ अभिलाखी ।
 हणौनि सोये चूकी । बोली केली ॥ ५४ ॥
 एन्हविं असतां हातिं खुआ । मजनअवधानीं आंधला ।
 आणि चर्ये लागि पांगुला । पासौनि मंदु ॥ ५५ ॥
 गुरुवर्णनिं मूका । आलसी पोसिजे फूका ।
 परि आथि नीका । सानुरागु ॥ ५६ ॥
 तेणें चि कारणें । हें स्थूल पोखणें ।
 पडिलें मज हणें । ज्ञानदेउ ॥ ५७ ॥
 तारि तो बोलु उपसाहावा । बोलगे अवसरु देयावा ।
 आतां हणैन बरवा । ग्रंथार्थु चि ॥ ५८ ॥
 तारि परियसां (श्री) कृष्णु । जो भूतभारसहिणु ।
 तो बोलतसे वितृष्णु । पार्थु आइके ॥ ५९ ॥
 हणें शुचित्व गा ऐसें । जेया पासि दीसे ।
 आंग मन जैसें । कापुराचें ॥ ६० ॥
 कां रत्नाचें दलवाडें । तैसें सबाह्य चोखडें ।
 आंतु बाहिरि एके पाडें । सूर्यु जैसा ॥ ६१ ॥
 बाहिरि कमें क्षालला । भीतरि ज्ञानें उजलला ।
 इहिं दोहिं परिं आला । शुचित्वासि ॥ ६२ ॥
 मातिया आणि जलें । बाह्य एणें मेलें ।
 निर्मलां होइजे बलें । वेदांचेनि ॥ ६३ ॥
 भले तेथ बुद्धि बलीं । पै रज आरिसा उजली ।
 सौंदणि फेडी थिगलीं । वस्त्राचि गा ॥ ६४ ॥
 किंबहुना इया परीं । बाह्य चोख अवधारीं ।
 ज्ञानदीपु अंतरीं । हणौनि शुद्ध ॥ ६५ ॥
 यन्हविं तन्हीं पांडुसुता । आंतु शुद्ध नव्हतां ।
 बाह्य कर्म तत्त्वता । विटंबु गा ॥ ६६ ॥

मृत्यु जैसा श्रिंगारिला । गर्दमु तीर्थ न्हाणिला ।
 कइ दूधिया माखिला । गुलें जैसा ॥ ६७ ॥
 वोसिं तोरण बांधलें । उपवासियें अन्नें माखिलें ।
 कुंकुसंदुर केलें । कांतहीन ॥ ६८ ॥
 कलस दिवांचे पोकल । जलो वरिचील झलाल ।
 काइ करिसी चित्रफल । आंतु सेण ॥ ६९ ॥
 तैसैं कर्म वरिचिली कडां । न सरे थोर मोला कूडा ।
 नव्हे मदिरेचा घडा । पवित् गंगा ॥ ७० ॥
 हाणौनि अंतरिं ज्ञान होआवें । मग बाह्य लाभैल स्वभावें ।
 वारि ज्ञान कर्में संभवें । ऐसैं कै जोडे ॥ ७१ ॥
 या लागि बाह्यविभागु । कर्में धूतला चांगु ।
 ज्ञानें फेडिला वंगु । अंतरिचा ॥ ७२ ॥
 तेथ अंतरबाह्य मेलें । निर्मलत्व एक जालें ।
 किंबहुना निर्वाललें । शुचित्व चि ॥ ७३ ॥
 हाणौनि सद्भाव जीवगत । बाहिरि दीसताति फांकत ।
 स्फटिकगृहिचे डोलत । दीप जैसे ॥ ७४ ॥
 विकल्पु जेणें जेणें उपजे । नाथिली विकृति निफजे ।
 अन्यायवृत्तिचीं बीजें । अंकुर घेंति ॥ ७५ ॥
 तें आयिके अथवा भेटे । पारि मनीं काहिं नुमटे ।
 मेघरंगें न घटे । व्योम जैसे ॥ ७६ ॥
 यन्हविं इंद्रियांचेनि मेलें । विषयां वरि लोले ।
 पारि विकाराचेनि विटालें । सिंपिजे ना ॥ ७७ ॥
 भेटलिया नारी । चोखी अथवा माहारी ।
 तेथ नातलती परी । राहाटों जाणे ॥ ७८ ॥
 कां पति-पुत्रातें आलंगी । एके चित्तें तन्वंगी ।
 तेथ पुत्रभावाचां आंगीं । न लगे चि कामु ॥ ७९ ॥

तैसें हृदय चौख । संकल्पविकल्पीं सनोलख ।
 कृत्याकृत्य विशेष । फुडें जेया ॥ ४८० ॥
 पाणियें हीं रान भीजे । आधाणिं हरलु न सिजे ।
 तैसी विकल्पजातीं न सिंपिजे । मनोवृत्ती ॥ ८१ ॥
 तेया नावं शुचिम्पण । पार्था गा संपूर्ण ।
 हें देखसी तेथ जाण । ज्ञान असे ॥ ८२ ॥
 आणि स्थिरता साचे । घर रिगाली जेयाचें ।
 तो पुरुष ज्ञानाचें । आयुष्य गा ॥ ८३ ॥
 देह तारि वरिचिली कडे । आपुलेया पारि हांडे ।
 पारि वैसिक न मोडे । मानसाची ॥ ८४ ॥
 वत्सा वरौनि धेनुचें । स्नेह राना न वचे ।
 न येति भोगुं सतियांचें । प्रेमभोग ॥ ८५ ॥
 कां लोभिया दूरि जाये । पारि जीउ ठेवां चि आहे ।
 तैसा देह चालितां नोहे । चलु चित्ता ॥ ८६ ॥
 धावंतेया अभ्रा सवें । आकाश जैसें न धवे ।
 भ्रमण—चक्रीं न भंवे । जैसा ध्रुव ॥ ८७ ॥
 पथिकांचिया एरिझारा । सवें एणेंजाणें धनुर्दरा ।
 नाहिं जेवि तरुवरां । पथीचेयां ॥ ८८ ॥
 तैसा चलनवलनात्मकिं । असौनि इये पंचभौतिकिं ।
 भूतउर्मी एकी । चालिजे ना ॥ ८९ ॥
 वांढुंटलिचेनि बलें । पृथ्वी जैसी न ढले ।
 तैसा उपद्रवधुमालें । न लोटे जो ॥ ९० ॥
 दैन्यदुःखें न तपे । भयशोकें न कपे ।
 देहमृत्यू न वासिपे । पातलेयां ॥ ९१ ॥
 उगार्तिआशपडिभरें । विविधव्याधिगजरें ।
 उजू असतां पाणिमोरें । नव्हे चित्त ॥ ९२ ॥

निंदा निस्तेज दंडी । कामलोभ वरिपडी ।
 लोभ नव्हे वांकुडी । मानसाची ॥ ९३ ॥
 आकाश हें ओसरो । पृथिवी वर वीरो ।
 परि नेणे मोहरो । चित्तवृत्ती ॥ ९४ ॥
 हाथि हाल फुलि । पासिवणें जेवि न घळी ।
 तैसा नोहोटे दुर्वाक्यसेलीं । सेलिला सांता ॥ ९५ ॥
 क्षीरार्णवाचां कळोळिं । नाहिं कंपु मंदराचलिं ।
 आकाश न जले जालिं । वणवेयाचां ॥ ९६ ॥
 तैसा आला गेला उभी । नाहिं गजबज मनोघर्षि ।
 किंबहुना धीर क्षर्षि । कल्पांति हिं ॥ ९७ ॥
 पै स्थैर्य ऐसी भाष । बोलिजे सविशेष ।
 ते हे दशा देख । देखणेयां ॥ ९८ ॥
 हें स्थैर्य निजगडें । जेथ आंगें जीवें जोडे ।
 तो ज्ञानाचें उघडें । निधान जाण ॥ ९९ ॥
 आणि इसाळु जैसा घरा । कां दंदिया हातियरा ।
 न विसंवे भांडारा । बद्धकु गा ॥ ५०० ॥ स्त
 एकलौतेया बालका । वरिपडौनि असे अंबिका ।
 कां मधुविषि मधुमक्षिका । लोभिणि जैसी ॥ १ ॥
 अर्जुना तिया परि । अंतष्करणा जतन करिं ।
 नैदि उभें ठाकों द्वारीं । इंद्रियाचां ॥ २ ॥
 हाणे कामु हा आइकैल । हे आशसेयाचि देखैल ।
 तरि जीवा कडे दूकैल । ह्यणुनि भेदु ॥ ३ ॥
 बाहिरि धिटे जैसी । दाटुगा पति कलासी ।
 करी टेहणी तैसी । प्रवृत्तीसि ॥ ४ ॥
 सतेचेनि वाणिपणें । देहा सकट आटणें ।
 संयमा वरि करणें । बुजुनु घाली ॥ ५ ॥

मनाचां महाद्वारिं । प्रत्याहाराचे ठाणांतारिं ।

यमदम शरीरीं । जागवी उभे ॥ ६ ॥

आधारिं नाभिकर्ठां । बंधत्रयाची घरटी । आधारिं नाभीं देई

चंद्रसूर्यसंपुटीं । सुये चित्त ॥ ७ ॥

समाधिचिये सेजेपासिं । बांधौनि घाली ध्यानैसिं ।

फा समरासिं करणासिं । अंतरातें ॥ ८ ॥

आगा अंतष्करणनिग्रहो जो । तो हा पै जाणिजो ।

हा आधि तेथ उदोजो । ज्ञानाचा पै ॥ ९ ॥

जेयाची आज्ञा आपण । सिरिं वाहे अंतष्करण ।

मनुष्याकारें जाण । ज्ञान चि तो ॥ ५१० ॥ ते

इंद्रियार्थेषु वैराग्यमनहंकार एव च ।

जन्ममृत्युजराव्याधिदुःखदोषानुदर्शनं ॥ ८ ॥

आणि विषयविखिं । वैराग्याची नीकी ।

पुरवणी मानसिकिं । जेयातें आधि ॥ ११ ॥

वमिलेया अन्ना । लाल न घोंटी रसना ।

आंग न सुवे आळिंगना । प्रेताचिया ॥ १२ ॥

विष खाणें नांगवे । जलतां वारिं न रिगवे ।

व्याघ्रविवरा न वचवे । वस्ती जेवि ॥ १३ ॥

घडाडिते लोहरासिं । उडी न घलवे जैसी ।

न करवे उसिसी । अजगराची ॥ १४ ॥

अर्जुना तेणें पाडें । विषया वार्ता नांवडे । १

नेंदी इंद्रियांचेनि तोंडें । काहिं चि जाउ ॥ १५ ॥

जेयाचां मनिं आलस्य । देहिं अतिकारिष्य ।

यमदमैसिं समरस्य । जेयासि ॥ १६ ॥

तपोव्रतांचा मेलवा । जेयाचां ठांड पांडवा ।

युगांतु जेया गावां । आंतु एतां ॥ १७ ॥

बहु योगाभ्यासिं हवन् । राना कडे धाव ।
 न साहे जो नाव । सांघाताचें ॥ १८ ॥
 नाराजाचिं आंथुरणें । प्रयपंकि लोलणें ।
 तैसी लेखी भोगणें । इहिकिचें ॥ १९ ॥ ६
 स्वर्गातें मानसें । आइकौनि मानी ऐसें । ७
 कुहिलें पिशित जैसें । श्वानाचें ॥ ५२० ॥
 हे तें विषयवैराग्य । जें आत्मलाभाचें भाग्य ।
 ९ येणें ब्रह्मानंद योग्य । होति जीव ॥ २१ ॥
 ऐसा उभयभोगुत्रासु । देखसी जेथ बहुवसु ।
 तेथ जाण रहिवांसु । ज्ञानाचा असे ॥ २२ ॥
 आणि सचाडाचिया परी । इष्टापूर्त करी ।
 परि केलेपण शरीरी । उरों नेंदी ॥ २३ ॥
 वर्णाश्रमपोषकें । कर्में नित्यनैमित्यकें ।
 तेयां माक्षि काहिं न ठके । आचरतां ॥ २४ ॥
 परि हें मियां केलें । कां हें माझेनि जालें ।
 ऐसें नाहिं ठेविलें । वासने माक्षि ॥ २५ ॥
 जैसें अवचितेपणें । वायूसि विचरणें ।
 निराभिमानांनीं उदैजणें । सूर्याचें ॥ २६ ॥
 कां श्रुति सदा बोले । गंगा काजें विण चाले ।
 तैसें अवष्टंभहीन भलें । वर्त्तन जेयाचें ॥ २७ ॥
 रुतुकाळिं तारे फलति । परि फललों हें नेणति ।
 तेया वृक्षांचिया ऐसी वृत्ती । कर्मि सदा ॥ २८ ॥
 एवं मनिं कर्में बोलिलिं । जेथ अहंकारा उखी जाली ।
 एकावलिएची काढिली । दोरी जैसी ॥ २९ ॥
 संबंधें विण आकाशीं । अभ्रें असति आपैसि ।
 देहिं कर्में तैसीं । जेयासि गा ॥ ५३० ॥

मद्यपा आंगिचें वस्त्र । कां लेपा हातिचें शस्त्र ।
 नातारि बैला वारि शास्त्र । बांधलें असे ॥ ३१ ॥
 तेणें पाडें देहीं । आहें हे से चि नाहिं ।
 निरहंकारता पाहिं । तेया नावं ॥ ३२ ॥
 हें संपूर्ण जेथ दीसे । तेथ गा ज्ञान असे ।
 इये विखिं अनारिसें । बोलों न ये ॥ ३३ ॥
 आणि जन्म मृत्यु दुःखें । व्याधि वार्धक्य कलुषें ।
 यें आंगा न यंतां देखे । दुरौनि जो ॥ ३४ ॥
 साधकु विवंसिया । कां उपसर्गे योगिया ।
 पावे उणेया पुरेयां । बोथंबा जेवि ॥ ३५ ॥
 वैर जन्मांतरिचें । सापा मनौनि न वचे ।
 तेवि अतीतां जन्मांचें । उणें वाहे ॥ ३६ ॥
 डोलां हरल्लु न थरे । घाई शास्त्र न जिरे । ७
 तैसें कालिचें न विसरे । जन्मदुःख ॥ ३७ ॥
 ह्मणे पूयगर्ते रिगालां । मूत्ररंघ्रौनि निगालां ।
 कटारे मियां चाटिला । कुचस्वेदु ॥ ३८ ॥
 ऐसिया ऐसिया परीं । जन्माचा कांटाळा धरी ।
 आतां तें करीं । जेणें नोहे ॥ ३९ ॥
 हारि उमचावेया । जुंवार ये ढाया ।
 कां वैरा बापिकेया । पुतृ जचे ॥ ४० ॥
 मारिलेयाचेनि रागें । पाठिचा सूड मागे ।
 तेणें आक्षेपें लागे । जन्मा पाठिं ॥ ४१ ॥
 परि जन्मांति जे लाज । न संडी तेयाचें निज ।
 संभाविता निस्तेज । न साहे जैसें ॥ ४२ ॥
 आणि मृत्यु पुढां आहे । तो चि कल्पांति कां पाहे ।
 परि आजिचि होये । सावधु जो ॥ ४३ ॥

माझि अथाउं हणतां । थडिये चि पांडुसुता ।
 पन्हणारु आइता । कार्शि जेवि ॥ ४४ ॥
 कां न पवतां रणाचा ठाउ । सांमाळिजे जैसा आवो ।
 वोडण सूयिजे जैसा घावो । न लगतां चि ॥ ४५ ॥
 पाहेचा पेणा वाटवंधां । तवं आजि चि होइजे सावधां ।
 जीउ न निगतां ओखदा । धांविजे जेवि ॥ ४६ ॥
 यन्हविं ऐसें केवि घडे । जो जलतां घरि सांपडे ।
 तो न पवाडे । कुहां खणों ॥ ४७ ॥
 चोंढिये पाथरु गेला । तैसेनि जो बुडाला ।
 तो बोंबे सकट मूकला । कोण सांघे ॥ ४८ ॥
 हणुनु समर्थेसि वैर । जेया पडे हाडकाइर ।
 तो जैसा आठे पाहार । परजुनु चि असे ॥ ४९ ॥
 नातरि केलवली नोवरी । संन्यासी कां जेया परि ।
 तैसी न मरतां करी । मृत्युसूचना ॥ ५० ॥
 पै गा जो इया परि । जन्में चि जन्म निवारी ।
 मरणें चि मृत्यु मारी । आपण उरे ॥ ५१ ॥
 तेयातें घरि ज्ञानाचें । सांकडें नाहिं साचें ।
 जेया जन्ममृत्युचें । ह्दइं शत्य ॥ ५२ ॥
 आणि तेया चि परीं जरा । न टेंकतां शरीरा ।
 तारुण्याचिया भरा । माझि देखे ॥ ५३ ॥
 हणे आजिचां अवसरि । पुष्टि जे हे शरीरि ।
 ते पाहे होईल काचरी । सिजली जैसी ॥ ५४ ॥
 निदैवांचे व्यवसाये । तैसे ठाकति हातपाए ।
 अमंत्रिया राज्याची परि होये । बलासिया ॥ ५५ ॥
 फुलाचेया भोगा । लागि प्रेम दांगा ।
 तें कन्हैयाचा गुडगा । तैसें होइल ॥ ५६ ॥

बोढालाचां खुरिं । आखरु आते बुरी । ५७ ॥
 तैसी दशा माथें श्रवण वरि । सव लेहें ॥ ५७ ॥
 पद्मदलेंसि इसालें । भांडताति हे डोले ।
 ते होतील पडवलें । पीकलीं तैसीं ॥ ५८ ॥
 भवैचि पडलें । वोमथती सिनसालें ।
 उरु कुहिजैल जलें । आंसुवांचेनि ॥ ५९ ॥
 जैसैं बाबुलेंचें खोड । गिरबडूनि जाति सरड ।
 तैसैं पिचडिं तोंड । सरांडैल ॥ ५६० ॥
 रांधवण बोलि पुढें । पन्हिवे वाहाति खाताडें ।
 तैसिं होति नाकाडें । बिडिबिडितील ॥ ६१ ॥
 तांबोलें बोंठ राउं । हांसतां दांत दाउं ।
 सनागर मिरउं । बोली जेणें ॥ ६२ ॥
 तेयाचिया तोंडा । येर जलंबाचा लोंढा ।
 हरडी उमलैल दाढा । दांतेंसि जाण ॥ ६३ ॥
 कुलवाडि जैसी खेटली । कां वाकडिया ढोरें बैठलि ।
 तैसी नूठील काहिं केली । जीभ हें ॥ ६४ ॥
 कुसलें कोरडिं । वारेनि जाति बरडी ।
 तैसी आपल्य तोडी । दाडियेसि ॥ ६५ ॥
 आशाढिचेनि जलें । जैसिं क्षिरपांति मौलें ।
 तैसैं खांडेहूनि लाले । पेटति पुर ॥ ६६ ॥
 वाचेसि अपवाडु । कानासि अनुवाडु ।
 पिंडु गरुवा मांकडु । होईल हा ॥ ६७ ॥
 तणाचें बुजवणें । आंदोले वारे गुणें ।
 तैसैं येईल कांपणें । सर्वांगासि ॥ ६८ ॥
 पायां पडति वेंगडीं । हात होंति मुरुकुंडी ।
 बरवेपण बागडीं । नाचवील हे ॥ ६९ ॥

मलमूत्रद्वारें । होउनि ठांति खोंकरें ।
 नवसियें सूंति थेरें । माझां निधर्नि ॥ ५७० ॥
 देखौनि थूकील जगु । मरणाचा पडेल पांगु ।
 सोइरियां उभगु । होईल माझा ॥ ७१ ॥
 स्त्रिया ह्मणति विंवसी । बालें जाति मुर्शि ।
 किंबहुना चिलसी । पात्र होइन ॥ ७२ ॥
 उभलिचा उजगरा । सेजियां साइलेयां घरा ।
 सिंगवी ह्मांतारा । बहुतांतें हा ॥ ७३ ॥
 ऐसी वृद्धाप्याची खोंचणी । आपणेया तरुणपर्णि ।
 देखों देखों आणि । मग जो वीटे ॥ ७४ ॥
 ह्मणे पाहे हें होइल । आतांचि भोगितां जाइल ।
 मग काइ उरैल । हितालांगि ॥ ७५ ॥
 ह्मणुनि नाइकर्णें पावे । तव आइकौनि घाली आघवें ।
 पंगु नव्हतां जावें । नीकेया स्थाना ७६ ॥
 दीठि जवं जाये । तवं पाहावें तेतुलें पाहे ।
 मूकत्वा आधिं धाये । सुभाषिति ॥ ७७ ॥
 हात होतील खुलें । हें पुढैल मोटकें कले ।
 तवं करुनि घाली सकलें । दयादिकें ॥ ७८ ॥
 मन होइल वेडें । ऐसिये दशे पुढें ।
 चिंतौनि ठेवी चोखडें । अदृष्ट जो ॥ ७९ ॥
 जैसैं चोर पाहे झोंबती । तवं आजी चि रुसिजे संपत्ती ।
 झांकाझांकि कीजे वाति । न वचतांचि ॥ ५८० ॥
 तैसैं वृद्धाप्यें थावें । मग जें वायां जावें ।
 तें आपणेयां आघवें । सोवतें करी ॥ ८१ ॥
 आतां मोडुनु वसविलें दुर्गें । कां वलित धरिलें खंगें ।
 तेथ उफकेन जो रिगे । तो नांगवला ॥ ८२ ॥

तैसैं वृद्धाप्य होये । आलेपणें वायां जाये ।
 जें तो शतवृद्ध आहे । नेणों कैचा ॥ ८३ ॥
 झाडिलिं कोलें झाडी । तेया न फले चि जेवि बोंडि ।
 जाला आणि तरि राखौडी । जालील काइ ॥ ८४ ॥
 ह्यणुनि वृद्धाप्याचेंनि आठवें । वृद्धाप्यें जो न नगवे ।
 तेयाचां ठांडं जाणावें । ज्ञान आहे ॥ ८५ ॥
 तैसेचि नाना रोग । पडिघांति पुढां आंग ।
 तव अरोग्यतेचे उपेग । करुनि घाली ॥ ८६ ॥
 सांपाचां तोंडि । जे पडिलें सकूडी ।
 ते लाउनियां सांडी । बुद्धिवंत ॥ ८७ ॥
 तैसा वियोगु जेणें दुःखें । विपत्ति शोकु पोखे ।
 तें स्नेह सांडौनि सुखें । उदासु जो होए ॥ ८८ ॥
 आणि जेणें जेणें कडें । दोष सूतील तोंडें ।
 तिये कर्मरंघ्रीं गुंडे । नियमाचे दाटी ॥ ८९ ॥
 ऐसीऐसीया आइती । जेयाची परि असती ।
 तो ज्ञानसंपत्ती । गोसांविं गा ॥ ५९० ॥

असक्तिरनभिष्वंगःपुत्रदारगृहादिषु ।

नित्यं च समचित्तत्वमिष्टानिष्टोपपत्तिषु ॥ ९ ॥

आतां आणिक ही एक । लक्षण अलौलिक ।
 सांघैन आइक । धनंजया ॥ ९१ ॥
 तरि गृहपरिग्रहावरि । उदासु इया परि ।
 उखिता जैसा बिढारी । बैसविला असे ॥ ९२ ॥
 कां झाडांची साउली । वाटे जांतां मिनली ।
 वरावरि तेतुली । आस्था जेया ॥ ९३ ॥
 साउली सरिसी चि असे । परि असो हें नेणिजे जैसैं ।
 व्रियेचें तैसैं । लागतें जेया ॥ ९४ ॥

आणि प्रजा जे जाली । ते वसती चि कीर आली ।
 कां गोरुवें बैसलीं । रुंखातलिं ॥ ९५ ॥
 जो संपती माजि असतां । ऐसा गमे पांडुसुता ।
 जैसा कां वाटे जाता । साक्षी ठेविला ॥ ९६ ॥
 किंबहुना पूंसा । पांजरेया माझि जैसा ।
 वेदाज्ञेसि तैसा । भीउनु असे ॥ ९७ ॥
 यन्हर्वि दारां गृहपुत्रीं । नाहिं जेयाची मैत्री ।
 तो जाण धात्री । ज्ञानाची गा ॥ ९८ ॥
 आणि माहासिंधु जैसा । ग्रीष्मवर्षा सरिसा ।
 इष्टानिष्टां तैसां । जेयाचां ठांड ॥ ९९ ॥
 कां तीन्ही काल होतां । त्रिधा न्हवे चि सविता ।
 तैसा सुखदुःखि चित्ता । भेदु नाहिं ॥ ६०० ॥
 जेथ नभाचेनि पाडे । समत्वा उणें न पडे ।
 तेथ गा ज्ञान जोडें । जातसेउं ॥ १ ॥

मयि चानन्ययोगेन भक्तिरव्यभिचारिणी ।

विविक्तदेशसेवित्वमरतिर्जनसंसदि ॥ १० ॥

आणि मी वांचुनु काहिं । गोमटें जेया नाहिं ।
 ऐसा संमो तिहिं । निश्चयाचा केला ॥ २ ॥
 शरीर वाचा मानस । पियालीं कृतनिश्चयाचे कोश ।
 एक मी वांचूनि वास । न पाहवेया ॥ ३ ॥
 किंबहुना निज । जेयाचें जालें मज ।
 जेणें आपणेयां आह्मां सेज । येकि केलि ॥ ४ ॥
 रिगतां वल्लभापुढें । नाहिं जीविं सांकडें ।
 तिये कांतेचेनि पाडे । एकसरे जो ॥ ५ ॥
 मित्रौनि मिळत चि दासे । सर्द्वि गंगापय जैसें ।
 मी होउनि मातें तैसें । सर्वस्व दे ॥ ६ ॥

सूर्याचां होणां होइजे । सूर्यासवें जाइजे ।
 हें विकलेपण साजे । प्रभे जेवि ॥ ७ ॥
 पै पाण्यांचिये भूमिके । पाणी चि तलपे कवतिकें ।
 ते लहरी ह्मणाति लौकिकें । यन्हवि पाणी चि तें ॥ ८ ॥
 जो अनन्यु तियापरी । मी जालां हिं मातें वरी ।
 तो ते मूर्ति धरीं । ज्ञानाची येथ ॥ ९ ॥
 आणि तीर्थे तटें । तपोवनें चोखटें ।
 आवडति कपाटें । वसों जिया ॥ १० ॥
 शैलकक्षाचीं कंदरें । जलाशय परिकरें ।
 अधिष्ठी जो आदरें । नगरा न ए ॥ ११ ॥
 बहू ऐकांतावरि प्रीति । जेया जनपदाची खंती ।
 जाण मानुषी मूर्ति । ज्ञान चि तो ॥ १२ ॥
 आणिक ही पुढुतीं । चिन्ह गा सुमती ।
 ज्ञानाचिये निरुती । लागी सांघों ॥ १३ ॥
 अध्यात्मज्ञाननित्यत्वं तत्त्वज्ञानार्थदर्शनं ।
 एतज्ज्ञानमिति प्रोक्तमज्ञानं यदतोन्यथा ॥ १४ ॥
 तरि परमात्मा ऐसें । जें एक वस्तु असे ।
 तें जेया असे । ज्ञानातव ॥ १५ ॥
 तें एक वांचूनि आनें । जियें भवस्वर्गादि ज्ञानें ।
 तें अज्ञान ऐसें मनें । निश्चयो करी ॥ १६ ॥
 स्वर्ग जीणावा हें सांडी । भवविषि काम अडी ।
 दे अध्यात्मज्ञानिं बुडी । सद्भावेंसि ॥ १७ ॥
 भंगलिये वाटे । शोधूनियां अव्हाटे ।
 निगिजे जेवि नीटें । राजपंथें ॥ १८ ॥
 तैसें अज्ञानजात करी । पण आघवेंचि एकीकडे सारी ।
 मग मन बुद्धि मोहरी । अध्यात्मज्ञानिं ॥ १९ ॥

हाणे हें चि एक आधि । एर जाणणें ते भ्रांति ।
 ऐसा निष्कर्षी मति । मेरु होये ॥ १९ ॥
 येवं निश्चयो जेयाचा । द्वारिं अभ्यात्मज्ञानाचा ।
 भ्रुवो देवो गगनिचा । तैसा राहला ॥ ६२० ॥
 तेयाचां ठांडें ज्ञान । या बोला हाणसी व्यवधान ।
 जें ज्ञानिं बैसलें मन । तेव्हां चि तो तें ॥ २१ ॥
 तरि बैसलेपणें जें होये । तें बैसतां चि वेळि नोहे ।
 तन्हीं ज्ञाना तेया आहे । सरिसा पाडु ॥ २२ ॥
 आणि तत्वज्ञान निर्मल । विये जें एक फल ।
 ते ज्ञेय हिं वरि सरल । दीठि जेयाची ॥ २३ ॥
 यन्हांविं बोधा आलेनि ज्ञानें । जरि ज्ञेय न दिसे चि मनें ।
 तरि ज्ञानलासु ही न मने । जाला सांता ॥ २४ ॥
 आंधलेनि हातिं दिवा । घेउनि काये करावा ।
 तैसा ज्ञाननिश्चयो आघवा । वायां जाए ॥ २५ ॥
 परि ज्ञानाचेनि प्रकारों । परतत्वि दीठि जें बैसे ।
 ते स्फूर्तिं असे । अंध होउनि ॥ २६ ॥
 हाणुनि ज्ञान जेतुलें दावी । तेतुली वस्तु अघवी ।
 देखे ऐसी होआवी । बुद्धि चोख ॥ २७ ॥
 या लागि ज्ञानें निर्दोषें । दाविलें ज्ञेय देखे ।
 तैसेनि उन्मेखें । आधिला जो ॥ २८ ॥
 जेवढी ज्ञानाची उधि । तेव्हाडी चि तेयाची बुद्धि ।
 तो ज्ञान हे शाद्धि । करणें न लगे ॥ २९ ॥
 पै ज्ञानाचिये प्रभे सर्वे । जेयाची मति पावे ।
 हातधराण्यां सीवे । परतत्वातें ॥ ६३० ॥
 तो चि ज्ञान हे बोलतां । विस्मो कोणु पांडु सुता ।
 कां सवितेयातें सविता । हाणावें असें ॥ ३१ ॥

तव श्रोतां ह्यणितलें असो । न संधै देवाचा अतिसो ।
 ग्रंथउत्कंठे आडसो । घालिसी कां ॥ ३२ ॥
 तूझा हा चि आह्मां थोरु । वगटूवाचा उपकार ।
 जे ज्ञानविषो फारु । उपदेशिला ॥ ३३ ॥
 रसु न व्हावा अतिमात्रु । हा घेतासि केवि मंत्रु ।
 तारि अवंतुनु शत्रु । करितासि गा ॥ ३४ ॥
 ठाई बैसतिये वेले । जे रससोये घेउनि पले ।
 तियेचा येर बोडौ मिले । कोणा अर्था ॥ ३५ ॥
 आघवा चि विषिं भादि । पारि सांजवणी टेंको नेंदी ।
 ते खुरथोडी नसुधी । पोसी कवण ॥ ३६ ॥
 तैसी ज्ञानिं माति न फांके । येरें जल्पति नेणों केतुकें ।
 पारि तें असो नीके । केलें तुवां ॥ ३७ ॥
 जेया ज्ञानलेसादोसैं । कीजति योगातिसायासैं ।
 तें घणिचें आणि तूझेया ऐसैं । केलें निरोपण ॥ ३८ ॥
 अमृताची सातवाकडी । लागो कां अनुघाडी ।
 सुखाचे दीस कोडी । गणिजतु कां ॥ ३९ ॥
 पूर्णचंद्रोंसिं राति । युग एक असौनि पांति ।
 तारि काय पाहातांति । चकोर ते ॥ ४० ॥
 तैसैं ज्ञानाचें बालणें । आणि येणें रसालपणें ।
 आतां पुरे कोण ह्याने । आकर्णितां ॥ ४१ ॥
 आणि सभाग्यु पाहुणा ये । सुभगाची वाढती होये ।
 तैं सरो न ये रससोए । ऐसैं आधि ॥ ४२ ॥
 तैसा घडला प्रसंगु । ज्ञानिं आह्मां लागु ।
 आणि तुज ही अनुरागु । आधि येथ ॥ ४३ ॥
 ह्यणौनि यया वाखाणा । पाठि सेइली चौगुणा ।
 ना ह्यणों न येसि देखणा । होंसि ज्ञानी ॥ ४४ ॥

तरि आतां या वारि । प्रज्ञेचा माजु धरिं ।
 पद साहसिं करी । निरोपण ॥ ४५ ॥
 या संतवाक्या सरिसें । जी ह्याणितलें निवृत्तिदासैं ।
 माझें हीं जी ऐसैं । मनोगत ॥ ४६ ॥
 या वारि आतां तुह्मीं । आज्ञापिलां स्वामी ।
 तरि वायां चि वाग्मी । वाढों नेंदी ॥ ४७ ॥
 एवं ये अवधारा । ज्ञानलक्षणें अठरा ।
 श्रीकृष्णें धनुर्दरा । निरोपिलिं ॥ ४८ ॥
 भग ह्मणे या नार्वे । ज्ञान येथ जाणावें ।
 हें स्वमतें आघवे । ज्ञानिये ह्मणति ॥ ४९ ॥
 करतला वारि वाटुला । डोलत देखिजे जेवि आवला ।
 तैसें ज्ञानें डोलां । आर्हें दाविलें तुज ॥ ६५० ॥
 आतां जें महामती । अज्ञान ऐसी वदंती ।
 ते ही सांघों व्यक्ती । लक्षणीं गा ॥ ५१ ॥
 यन्हाविं ज्ञान फुडें जालेयां । अज्ञान जाणवें धनंजया ।
 जें ज्ञान नव्हे तें आपैसेया । अज्ञान चि ॥ ५२ ॥
 पाहे पां देउं आघवा चि भरे । भग रात्री चि बोवि उरे ।
 वांचूनु काहिं तिसरें । नाहिं जेवि ॥ ५३ ॥
 तैसें ज्ञान जेथ नाहिं । तें चि अज्ञान पाहिं ।
 तरि सांघों काहिं काहिं । चिन्हें तियें ॥ ५४ ॥
 तरि संभावने जिये । जो मानाची वाट पाहे ।
 सत्कारें होये । तोषु जेया ॥ ५५ ॥
 गर्वें पर्वताचिं सिंखरें । तैसा महत्वा वरौनि नुतरे ।
 तेयाचां ठांडं पुरें । अज्ञान असे ॥ ५६ ॥
 ना आणि स्वधर्माची मागवेलि । बांवे वाचेचा पिंपलिं ।
 उभिला जैसा देउलिं । जाणौनि कुंचा ॥ ५७ ॥

घाली विद्येचा पसारा । सुये सुकृताचा डांगोरा ।
 करी तेतुलें मोहरा । स्फीतीचेया ॥ ५८ ॥
 आंग वरि चर्ची । जनांतें वंची ।
 तो जाण अज्ञानाची । खाणी येथ ॥ ५९ ॥
 आणि वन्हि वनिं विचरे । तेथ जलति जैसिं स्थावरें ।
 तैसें जेयाचेनि आचरें । जगा दुःख ॥ ६० ॥
 कवतिकें जें जल्पे । तें साबलाहुनु रूपे ।
 विषाहुनु संकल्पें । मारकु जो ॥ ६१ ॥
 तेयातें बहू अज्ञान । अज्ञानाचें चि निधान ।
 हिंसेसि आयतन । जेयाचें जीणें ॥ ६२ ॥
 आणि फूंकें भाति फुगे । रेचिली सवें चि उफगे ।
 तैसा संयोगविधोगें । चढे वोहटे ॥ ६३ ॥
 पडिली वारेयाचा वलसां । धूलि चढे आकाशा ।
 हरिषा वलघे तैसा । स्तुतिवेले ॥ ६४ ॥
 निंदा मोटकी आइके । आणि कपाल धरुनि ठाके ।
 धेंबें विरे वारेनि शोके । चिखलु जैसा ॥ ६५ ॥
 तैसा मानापमानिं होये । जो कोणही उर्भी न साहे ।
 तेयाचां ठांडं आहे । अज्ञान पुरें ॥ ६६ ॥
 आणि जेयाचां मनिं गांठि । वरि मोकली वाचा दीठि ।
 आंगें मीतलें जीवें पाठि । भलेतेया दे ॥ ६७ ॥
 व्याधाचें चारा घालणें । तैसें प्रांजल जोगावणें ।
 चांगाचें अंतष्करणें । वीरु करी ॥ ६८ ॥
 गार सेवालें गुंडालली । कां निंबोली जैसी पीकली ।
 तैसी जेयाची भली । बाह्य क्रिया ॥ ६९ ॥
 अज्ञान तेयाचां ठांडं । ठेविलें असे पाहिं ।
 या बोला आन नाहिं । सत्य माझें ॥ ७० ॥

आणि गुरुकुलें जो लाजे । गुरुभक्ती उभजे ।
 विद्या घेउनु माजे । गुरुसी चि ॥ ७१ ॥
 तेयाचें नांव घेणें । तें वाचेसि शूद्रान होणें ।
 परि घडलें लक्षणें । बोलतां इयें ॥ ७२ ॥
 आतां गुरुभक्ताचें नांव घेउं । तें चि वाचेसि प्रायश्चित्त देउं ।
 गुरुसेवकु पाहों । सूर्य हा ॥ ७३ ॥
 एतुलेनि लागु पापाचा । निस्तरेल हे वाचा ।
 जो गुरुलोपकाचा । पापिं घडला ॥ ७४ ॥
 हा ठाउं वरि । तेया नावाचें भय हरी ।
 मग ह्मणे अवधारीं । आणिकें चिन्हें ॥ ७५ ॥
 आंगें कर्मा ढीला । जो मनें विकल्पें भरला ।
 अडविचा अवगलला । कुहा जैसा ॥ ७६ ॥
 तेया तोंडिं कांटियडें । आंतु नसुदिं हाडें ।
 अशुचि तेणें पाडें । सबाहु जो ॥ ७७ ॥
 जैसें पोट पोसी सुणें । उघडें झांकलें न ह्मणे ।
 तैसें आपुलें परावें नेणे । द्रव्या लागि ॥ ७८ ॥
 या ग्रामकोलाचां ठाडें । जैसा मिलणी ठाउं नाहिं ।
 तैसा स्त्रीविषडें कांहिं । विचारीना ॥ ७९ ॥
 कर्माचा वेलु चूके । कां नित्यनैमित्तिक ठाके ।
 तें जेया न दूखे । जीवा माझि ॥ ८० ॥
 पापिं जो निसुगु । पुण्यि अति निलागु ।
 जेयाचा मनिं वेगु । विकल्पाचा ॥ ८१ ॥
 तो जाण निखला । अज्ञानाचा पूतला ।
 जो बांधौनि असे डोलां । विन्यासातें ॥ ८२ ॥
 आणि स्वार्थें अलुमालें । जो धीरापासौनि चले ।
 जैसें तृणबीज बलें । मुंगियेचेनि ॥ ८३ ॥

पावो सूदलेया सवें । थिल्लुर जैसैं कालवे ।
 तैसैं भयाचेनि नावें । गजबजे जो ८४ ॥
 वायुचेनि अनुवार्यें । धूं दिगंत वेन्हीं जाये ।
 दुःखवार्ता होये । तैसैं जेया ॥ ८५ ॥
 मनोरथांचा धारसां । वाहवणें जेयाचेया मानसा ।
 पुरीं पडला जैसा । दूधिया कां ॥ ८६ ॥
 वाउघणाचिया परी । जो आश्रयो केहीं न धरी ।
 क्षेत्रिं तीर्थीं पुरीं । थारों नेणे ॥ ८७ ॥

मातलेया सरडा । पुडुर्ति बूढ पुडुर्ती सेंडा ।
 हिंडणवारा कोरडा । तैसा जेया ॥ ८८ ॥ री । शीथ
 जैसा रोविलेयां उणें । रांजणु बैसों नेणे ।
 तैसा पडे तरि राहाणें । यन्हविं हींडे ॥ ८९ ॥
 तेयाचां ठांइ उदंड । अज्ञान असे उघड ।
 जो चांचल्यें भावंड । मर्कटाचें ॥ ९० ॥

आणि पै धनुर्द्धरा । जेयाचेया अंतरा ।
 नाहिं वोढा वारा । संयमाचा ॥ ९१ ॥
 लेंडिये आला लोंढा । न मनी वालुवेचा वरंडा ।
 तैसा निषेधाचेया तोंडा । मिये ना जो ॥ ९२ ॥
 व्रतातें आडमोडी । धर्माचे पाये उपडी ।
 नियमाची आश तोडी । जेयाची क्रिया ॥ ९३ ॥

नाहिं पापाचा कांटाळा । नैदी पुण्यासि जीवाला ।
 छाजेचा पेंडवला । खणौनि घाली ॥ ९४ ॥
 कुलेंसि पाठिमोरा । वेदाज्ञेसि दुन्हा ।
 कृत्साकृत्यव्यापारा । निवाडु नेणे ॥ ९५ ॥
 वघो जैसा मोकटु । वारा जैसा अफांटु ।
 फुटला जैसा पाटु । निरंजनीं ॥ ९६ ॥

आंधलें हातिरं मातलें । कां डोंगरिं जैसैं पेटलें ।
 तैसैं विषइं लागलें । चित्त जेयाचें ॥ ९७ ॥
 ३१ पै उघडा काय न पडे । मोकाटु कोणां नांतुडे ।
 गावंदारिचें आडें । नोलांडी कवण ॥ ९८ ॥
 जैसैं सत्रीं अन्न जालें । कां सामान्या बीक आलें ।
 वाणसिये उभलें । कोण न रिगे ॥ ९९ ॥
 तैसैं जेयाचें अंतःकरण । तेयाचां ठांडं संपूर्ण ।
 अज्ञानाची जाण । रिद्धि असे ॥ १०० ॥
 आणी विषयांची गोडी । जो जीत मेला न संडी ।
 स्वर्गिं हिं खावेया जोडि । येथौनि चि ॥ १ ॥
 जो अखंड भोगा जचे । जेया व्यसन कामक्रियेचें ।
 मुख देखौनि बिरक्ताचें । सचैल करी ॥ २ ॥
 विषो शीणौनि जाए । पारि न सिणे सावधु नोहे ।
 जेणें कुहिला हातें चि खाये । कोढी जैसा ॥ ३ ॥
 खरी टेंकों नेंदी उडे । लातौनि फोडी नाकाडें ।
 तन्हीं जैसा न कडे । माघौता खर ॥ ४ ॥
 तैसा जो विषयां लागि । घाली जलतिये आगी ।
 व्यसनाचिं आंगिं । लेणिं मिरवी ॥ ५ ॥
 फूटौनि पडे तवं । मृगु वाढवी हांव ।
 पारि न हणने माव । रोहिणीची ॥ ६ ॥
 तैसा जन्मौनि मृत्यु वेन्हीं । विषइं त्रासितां बहु इं परीं ।
 पारि त्रासु नेघे धरी । अधिक प्रेम ॥ ७ ॥
 पहिलिये बालदशे । आई बा हें चि पिसें ।
 तै सरे मग स्त्रीमांसें । मुलौनि ठाके ॥ ८ ॥
 मग स्त्री भोगितां थावे । वृद्धाणें लागे नेऊं ।
 मग तो चि प्रेमभाऊं । बालकां आणी ॥ ९ ॥

आंधलें वियालें जैसें । तैसिं बालकें परिवसे ।
 परीं जिये तवं न त्रासे । विषयांसि जो ॥ ७१० ॥
 जाण तेयाचां ठांड । अज्ञानासि पारु नाहिं ।
 आतां आणिकें हिं । चिन्हें सांघों ॥ ११ ॥
 तारि देह हें आत्मा । ऐसेया जो मनोधर्मा ।
 वलघौनियां कर्मा-रंभ करी ॥ १२ ॥ -
 आणि उणें कां पुरें । जें जें काहिं आचरे ।
 तेयाचेनि आविष्कारें । कुंथों लागे ॥ १३ ॥
 ✓ डोइये ठेविलेनि भोजें । देवलविसें फुंजे ।
 ✓ तैसा विद्यावयमार्जे । उताणा चाले ॥ १४ ॥
 ✓ ह्मणे मीं चि येकु आधि । माझां चि वरिं संपत्ति ।
 माझी आचरती रीती । कोणहासि नाहि ॥ १५ ॥
 ✓ नाहिं माझेनि पाडें वाडु । मीं चि सर्वहुं एकु रूडु ।
 ऐसा शिवमुष्टिगंडु । घेउनु ठाके ॥ १६ ॥
 व्याधिलेया माणसा । न ये भोगु दाखउं जैसा ।
 नीके न साहे तैसा । पुढिलाचें ॥ १७ ॥
 पै गुण तेतुला खाए । स्नेहें किं जलतु जाए ।
 जेथ ठेविजे तेथ होए । मसी ऐसा ॥ १८ ॥
 जीवनें तिडिपिडि । बीजिला प्राणु फेडी ।
 लागला तारि काडी । उरों नेंदी ॥ १९ ॥
 अलुमालु प्रकाशु करी । तेतुलेनि उबारा धरी ।
 तेया दीपाचेया परी । सुविशु जो ॥ ७२० ॥
 वोखदाचेनि नावें अमृतें । जैसा नवज्वर आबुथे ।
 कां विख चि होउनि परते । सापा दूध ॥ २१ ॥
 ✓ तैसा सद्गुणिं मत्सर । विपत्तिअहंकार ।
 तपें ज्ञानें अपारु । ताठा चढे ॥ २२ ॥

अंत्यु राणिवे बैसला । कां आरें ^{रधापु} धारणु गीलिला ।
 तैसा गर्वे फूगला । देखसी जो ॥ २३ ॥
 जो लाठी ऐसा न लवे । पाथरु तैसा न द्रवे ।
 गुणियांसि नांगवे । फोडसैं जेवि ॥ २४ ॥
 किंबहुना तेया पारिं । अज्ञान आहे वाढिसिं ।
 हें निकरें गा तुजसिं । बोलत असों ॥ २५ ॥
 आणि पै धनंजया । जो देहगेहसामग्रिया ।
 नेदखे चि कालिचेया । जन्मातें गा ॥ २६ ॥
 कृतघ्ना उपेगु केला । चोरा वेढारु दीधला ।
 निसुगु अस्ताविला । विसरें जेवि ॥ २७ ॥
 वोढालिवां लाइलें । तैसैं कान पूंस बोले ।
 पुढुति वोढाळ् आलें । सुणें जेवि ॥ २८ ॥
 बेडुकु सापाचां तोंडिं । जातसे सबडबुडी ।
 तो मशकाचिया जोडी । स्मरे चि ना ॥ २९ ॥ कांती
 तैसीं नवे द्वारें श्रवति । देहाची छति जीति ।
 जेणें जाली तें चित्तीं । सले ना जेया ॥ ३० ॥
 मातृकोदरकुहरिं । सूनि विष्टिचां दारिं ।
 जठरिं नव मास वेन्हीं । उकढला जें ॥ ३१ ॥
 ते गर्भिची व्यथा । कां जे जाली उपजतां ।
 तें काहिं चि सर्वथा । नाठवी जो ॥ ३२ ॥
 मलमूत्रपांकिं । लोलतें बालकें अंकिं ।
 देखौनि जो न थूकी । त्रासु नेवे ॥ ३३ ॥
 कले चि ना जन्म गेलें । पाहे चि ना पुढुति आलें ।
 ऐसेसैं वाटलें । नाहिं जेया ॥ ३४ ॥
 आणि पै तिया चि परी । जीविताची फरारी ।
 देखौनि जो न करी । मृत्युचिंता ॥ ३५ ॥

जीणेयाचेनि विश्वासे । मृत्यु येकु असे ।
 हे जेयाचेनि मानसे । मानिजे ना ॥ ३६ ॥
 अल्पोदकिचा मासा । नाटे ऐसिया आशा ।
 न बचे चि कां जैसा । अगाधा डोहा ॥ ३७ ॥
 कां गोरिचिया भूली । मृग व्याधा दीठि न घली ।
 गळु न पाहतां गीली । उंडी मीनु ॥ ३८ ॥
 दीपाचेया झगमगा । जालील हें पतंगा ।
 नेणवे चि पै गा । जिया परी ॥ ३९ ॥
 कां गांधारु निद्रासुखें । घर जलत नेदखे ।
 नेणतां जेवि विषें । रांधिलें अन्न ॥ ७४० ॥
 तैसा जीविताचेनि मीसें । हा मृत्यु चि ना आला असे ।
 हें नेदखे चि राजसें । सुखें जाणा ॥ ४१ ॥
 शरीरिची वाढि । अहोरात्रिची जोढि ।
 विषयसुखें प्रौढि । साच चि मानी ॥ ४२ ॥
 परि बापुडा ऐसा नेणे । जें वेद्येसि सर्वस्व देणें ।
 तें चि नांगवणें । रूप पथ ॥ ४३ ॥
 सवंचोराचें साजणें । तें चि तें प्राणु घेणें ।
 लेपासि स्नपन करणें । तो चि नाशु ॥ ४४ ॥
 पांडू आंग सूटलें । तेया चि नावं खुंटलें ।
 तैसें नेणे जें भूललें । आहारनिद्रा ॥ ४५ ॥
 सन्मुखा सूल । धावतेया पायला ।
 प्रतिपदि जचला । मृत्यु जेवि ॥ ४६ ॥
 तेवि देहा जवं जवं वाडु । जवं दीसांचा पवाडु ।
 जवं जवं सुरवाडु । भोगाचा हा ॥ ४७ ॥
 तवं तवं अधिकें । मरण आयुष्यातें जीके ।
 मीठ जैसें उदकें । ग्रासिजतसें ॥ ४८ ॥

तैसें जीवित जाये । तेया अस्तवे काला पाहे ।
 हें हातोहातीं नोहे । ठाउवें जेया ॥ ४९ ॥
 किंबहुना पांडवा । हा आंगिचा मृत्यु नीच नवा ।
 नेदखे चि जो मावा । जीवितासाया ॥ ७५० ॥ या
 तो अज्ञानदेशिचा राउ ॥ या बोला महाबाहो ।
 न पडे गा वंठाउ ॥ आणिचा हा ॥ ५१ ॥
 पै जीविताचेनि सुखें । जैसा कां मृत्युतें नेदखे ।
 तैसा चि तारुण्याचेनि तोष । जरेतें न गणी ॥ ५२ ॥
 कडाडिं छोटिला गाडा । शिखरौनि सूटला ढोंडा ।
 तैसें नेदखे पुढां । वृद्धाप्य आहे ॥ ५३ ॥
 कां आडवोहला पाणी आलें । हैसेयाचें जूझ मातलें ।
 तैसें तारुण्याचें चढलें । मुररें जेया ॥ ५४ ॥
 पुष्टि लागे विघरों । कांति पाहे निसरों ।
 माथा आदरी सिरों । बागीबल ॥ ५५ ॥
 दाढी साउल धरी । मान हालउनि बारी ।
 तन्हीं जो करी । प्रायेचा आवेशु ॥ ५६ ॥
 पुढील उरीं आदले । नेदखे जैसें आंधलें ।
 कां डोलेया वरिलें निगलें । आलसी तोखे ॥ ५७ ॥
 तैसें तरुणेपण आजिचें । भोगितां वृद्धाप्य पाहिचें ।
 नेदखे चि तो साचें । अज्ञानु गा ॥ ५८ ॥
 देखे अक्षमें कुबुजें । किं विपलावों लागे फुंजे ।
 पारि नेणे पाहे माझे । हे चि भावे ॥ ५९ ॥
 आंगिं वृद्धाप्याची । संज्ञा एउनि मरावें चि ।
 पारि जेया तारुण्याची । भूलि न फिटें ॥ ७६० ॥
 तो अज्ञानाचें घर । हें साच चि वे उत्तर ।
 तेवि चि परियसैं थोर । चिन्ह आणिक ॥ ६१ ॥

तारि वाघाचिये अडये । येकोल चरौनि आला दैवें ।
 तेणें विश्वासें पुडुति धांवे । वसो जैसा ॥ ६२ ॥
 कां सर्प घरा आंतु । अवचटें देवो गेला स्वस्थु ।
 येतुलिया साठि निश्चंतु । नास्तिकु होए ॥ ६३ ॥
 तैसेनि टवच दिये । येक दोनि चि वेल लाहे ।
 येथ लागु एकु आहे । हें मानी ना जो ॥ ६४ ॥
 वैरियां नीद आली । आणि दंदें माझि सरलि ।
 हें मानी तो सपीली । मूकला जेवि ॥ ६५ ॥
 तैसी आहारनिद्रेची उजिरी । रोग निवांत जवं वेन्हीं ।
 तवं जो न करी । व्याधिचिंता ॥ ६६ ॥
 आणि स्त्रीपुत्रादिमेलें । संपति जवं फले ।
 तेणें रजें डोले । जाति जेयाचे ॥ ६७ ॥
 सवले चि वियोगु पडेल । विलौनि विपत्ति होइल ।
 हें दुःख पुढेल । नेदखे जो ॥ ६८ ॥
 तो अज्ञानु गा पांडवा । तो ही तो चि जाणावा ।
 जो इंद्रिये अव्हासव्हा । चारी एथ ॥ ६९ ॥
 वयसेचेनि उवार्ये । संपत्तिचेनि सावार्ये ।
 सेव्यासव्य जाये । सरकटीतु ॥ ७० ॥
 न करावें तें करी । असंभाव्य मनी घरी ।
 चिंतू नये तें विवरी । जेयाची मति ॥ ७१ ॥
 रिगे तेथ न रिगावें । मागे जें नेघावें ।
 स्परिसें जेथ न लगावें । आंग मन ॥ ७२ ॥
 न वचावें तेथ जाये । न पाहावें तें पाहे ।
 न खावें तें खाये । तेविं चि तोखे ॥ ७३ ॥
 न धरावा तो संगु । न लगावा तेथ लागु ।
 न चरावा जो मार्गु । आचरे जो ॥ ७४ ॥

नाइकावें तें आइके । न बोलावें तें भाखे ।
 परि दोष्ट होईल हें नेदखे । प्रवर्ततां ॥ ७५ ॥
 आंगा मना रुची येयावें । येतुलें कृत्याकृत्य नाठवे ।
 जो करणेंयांचेनि नावें । भलेतें करी ॥ ७६ ॥
 परि पाप मज होईल । कां नरकयातना येईल ।
 हें काहिं चि पुढील । देखे ना जो ॥ ७७ ॥
 तेयाचेनि आंगलगे । अज्ञान जगिं दाटुगे ।
 जें सज्ञानासि हि संगें । झोंबों शके ॥ ७८ ॥
 परि असो हें आइक । अज्ञानाचिन्ह आणिक ।
 कां तुज सम्यक । जाणवें जें ॥ ७९ ॥
 तरि जेयाची प्रीति पुरी । गुंतली देखसी घरिं ।
 नवगंधकैसरी । भ्रमरी जैसी ॥ ८० ॥
 साकरेचिये रासी । बैसली नुडे मासी ।
 तैसें निषण्ण आवासिं । जेयाचें मन ॥ ८१ ॥
 वेलाभेड बेडकु अडिं । मशकु गुंपला सेंबुडीं ।
 ढोर सबडबुडी । पंकिं गेला ॥ ८२ ॥
 तैसें घरौनि निगणें । नाहिं जीतेनि मरणें ।
 जेया सापां होउनि असणें । भाटिं तिये ॥ ८३ ॥
 प्रियोत्तमाचां कंठिं । प्रमदा घे आंटी ।
 तैसा जीवेंसि कोंपटी । धरुनि जो ठाके ॥ ८४ ॥
 मधुरसादोषें । मधुकारि जचें जैसें ।
 गृहसंगोपन तैसें । करी जो गा ॥ ८५ ॥
 हांतारपणिं जालें । माणिक एक उपाइलें ।
 तेयाचें कां जेतुलें । मातापितरां ॥ ८६ ॥
 तेतुलेनि पाडें पार्था । घरिं जेयाची आस्था ।
 आणि लो वांचौनि सर्वथा । जाणे ना जो ॥ ८७ ॥

महापुरुषाचें चित्त । जालेयां वस्तुगत ।
 ठाके व्यवहारजात । जेया परीं ॥ ८८ ॥
 याई तैसा स्त्रीदेहीं जो जीवें । पडौनियां सर्वभावें ।
 कोणु मी काय करावें । हें काहिं नेणे ॥ ८९ ॥
 हाणि लामु नदेखे । लोकापवादु नाइके ।
 जेयाचि इंद्रियें एकमुखें । स्त्रिया केलीं ॥ ९० ॥
 चित्त आराधी स्त्रियेचें । स्त्रियेचेनि संदे नाचे ।
 मर्कट गारुडियाचें । जैसें होए ॥ ९१ ॥
 आपण चि पासि दावी । इष्टा मैत्रा दुरावी ।
 मग कवडा चि वाढवी । लोभी जैसा ॥ ९२ ॥
 तैसें दानपुण्य खांची । गोत्रकुटुंबा वंची ।
 परि बायणी स्त्रियेची । उणी हो न ये ॥ ९३ ॥
 पूजितें दैवतें जोगावी । गुरुतें बोलें झांकवी ।
 मायेबापा दावी । निदारपण ॥ ९४ ॥
 स्त्रियेचा तरि विखि । भोगसंपत्ति अनेकी ।
 आणिकि वस्तु नीकी । जे जे देखे ॥ ९५ ॥
 प्रेमाथिलेनि भगते । भजिजे कुलदेवतेतें ।
 तैसा एकाग्रचित्तें । स्त्रि जो उपासी ॥ ९६ ॥
 ह्येतें कोणही देखेल । ह्येसि वेग्वारें जाइल ।
 तरि युग चि बुडेल । ऐसें जेया ॥ ९७ ॥
 साच आणि चोख । तें स्त्रियेसी चि अशेष ।
 एरी विषि जोगावणुक । ते ही नाहिं ॥ ९८ ॥
 नाइटेयां भेण । न मोडी नागाची आण ।
 तैसी पाली उणखुण । स्त्रियेची जो ॥ ९९ ॥
 किंबहुना धनंजया । स्त्री चि सर्वस्व जेया ।
 आणि तियेचेया जालेया । लागि प्रेम ॥ १०० ॥

आणिक ही जें समस्त । तेथिचें संपत्तिजात ।
 तें जीवाहूनु आस । मानी जो गा ॥ १ ॥
 तो अज्ञानासि मूल । अज्ञाना तेणें बल ।
 हें असो केवल । तें चि तो रूप ॥ २ ॥
 मातलिये सागरि । फोकिलियां तरि ।
 लाटाचां येरझारि । आंदोळे जेवि ॥ ३ ॥
 तैसी प्रिय वस्तु पावे । आणि सुखें जो उंचावे ।
 तैसा अप्रिया सवें । तलु खाए ॥ ४ ॥
 ऐसी जेयाचां चिंति । वैषम्यसाम्याची बोखती ।
 वाहे तो महामती । अज्ञानु गा ॥ ५ ॥
 आणि माझां ठाई भगति । फला लागि जेया आथि ।
 धना दोसें विरगति । नटणें जेवि ॥ ६ ॥
 कां कांताचां मानसि । रिगौनु स्वैरिणी जैसी ।
 राहाटे आणिकोंसि । जावेया लागि ॥ ७ ॥
 तैसैं मातें किरीटी । भजती गा पाउटी ।
 करुनि जो दीठी । विषो सुये ॥ ८ ॥
 आणि भजिनलेया वरि । तो विषयो न पवे जरि ।
 सांडि ह्मणे तरि । आघवें टवाल हें ॥ ९ ॥
 कुणबटु कुलवाडी । तैसा आनु देअ मांडी । नातु
 आदिलाची पिडी । करी तेयातें ॥ ८१० ॥
 तेया गुरुमार्गा टेंके । जेयाचा सुगुरुवां देखे ।
 तरि तेयाचा मंत्रु सीखे । एर नेघे ॥ ११ ॥
 प्राणिजातेंसि निष्ठुर । स्थावरिं बहुत भर ।
 तेवि चि नाहिं एकसरु । निर्वाहो जेया ॥ १२ ॥
 माझी मूर्ति आपजवी । ते घराचां कोनि बैसवी ।
 आणि देवादेवी । यात्रे जाए ॥ १३ ॥

नीच आराधन माझें । काजीं कुलदेवतिं भजे ।
 पर्वविशेषें भोजें । पूजा आन ॥ १४ ॥
 माझें अधिष्ठान घरीं । आणि वौसे आनाचे करी ।
 पितरकार्यअवसरीं । पितरांचा होए ॥ १५ ॥
 एकादशिचां दिशिं । जेतुला पाहु आमसिं ।
 तेतुला चि नागांसि । पंचमीसि ॥ १६ ॥
 चौथि मोटकी पाहे । आणि गणेशाचा चि होए ।
 चाउदासिं ह्मणे माए । तूझा चि वो दुर्गे ॥ १७ ॥
 नवमीतें मांडी । आणि बैसे नवचंडी ।
 आदित्यवारिं वाढी । भैरवां भरीं ॥ १८ ॥
 पाठिं सोमवार पावे । आणि बुध्नेसिं लिंगा धावे ।
 ऐसें एकला चि आघवें । जोगावी जो ॥ १९ ॥
 अखंड भजन करी । उगा न राहे क्षणभरी ।
 आघवेनि गांवदारी । ऐहेव जैसी ॥ २० ॥
 तैसेनि जो गा भगतु । वेखासिं सैरा धावतु ।
 जाण अज्ञानाचा मूर्तु । अवतार तो ॥ २१ ॥
 आणि एकांतें चोखटें । तपोवनें तीर्थें तटें ।
 देखौनि जो वीटें । तो ही तो चि ॥ २२ ॥
 आणि आत्मा गोचरु होए । ऐसी जे विद्या आहे ।
 तें आइकौनु डौर वाहे । विद्वांसु जो ॥ २३ ॥
 उपनिषदांकडे न वचे । योगशास्त्र न रुचे ।
 अध्यात्मज्ञानाचे । मनीं चि नाहिं ॥ २४ ॥
 आत्मचर्चा एकि आथि । ऐसिये बुद्धीची भीति ।
 पाडूनि जेयाची मति । बोढाल जाली ॥ २५ ॥
 कर्मकांड तरि जाणे । मुखोद्गतें पुराणें ।
 ज्योतिषिं तो ह्मणे । तैसे चि होए ॥ २६ ॥

शिल्पि अतिनिपुण । सूपशास्त्रि प्रवीण । अति ...
 विधि अथर्वणु । हार्ति जेया ॥ २७ ॥
 वि कोर्कि नाहिं ठेलें । भरतु करी ह्यणितलें ।
 आगम उपासिले । मूर्त्त होंति ॥ २८ ॥
 नीति सुज्ञे । वैदिक बुझे ।
 काव्यनाटकिं दूर्जे । चतुर नाहिं ॥ २९ ॥
 स्मृतिची चर्चा । डंगु जाणे गारुडाचा ।
 निघंटु प्रज्ञेचा । पाइकु करी ॥ ८३० ॥
 व्याकरणिं चोखडा । तर्की अतिगाढा ।
 एकिं अध्यात्मी चि फुडा । जात्यंधु ॥ ३१ ॥
 तें वांचूनु आघवां शास्त्रि । सिद्धान्तनिर्वाणसूत्री ।
 पारि जलो तें नक्षत्री । न पाहे गा ॥ ३२ ॥
 मोराचां आंगिं असोसें । पिसें आहाति डोलसें ।
 आणि एकली दीठि नसे । तैसें तें गा ॥ ३३ ॥
 जरि परमाणू एवडें । संजीवनीमूल जोडे ।
 तारि बहू गाडे । भरणें केवि ॥ ३४ ॥
 तैसें शास्त्रजात जाण । आघवें चि अप्रमाण ।
 अध्यात्मज्ञानें विण । एकलेनि ॥ ३५ ॥
 या लागि अर्जुना पाहिं । अध्यात्मज्ञानाचां ठांड ।
 जेया निश्चयबुद्धि नाहिं । शास्त्रमूढां ॥ ३६ ॥
 तेया शरीर जें जालें । तें अज्ञानाचें वि विरुढलें ।
 जेयाचिये विपत्ती गेलें । अज्ञानवेलीं ॥ ३७ ॥
 तो जें जें बोले । तें अज्ञान चि फूललें ।
 तेयाचें पुण्य तें फललें । अज्ञान चि ॥ ३८ ॥
 अध्यात्मज्ञान कहिं । जेणें मानिलें चि नाहिं ।
 तो ज्ञानार्थु न देखे काहीं । हें बोलावें असे ॥ ३९ ॥ काय

ऐली चि थडी न पवतां । पले जो माघौता ।
 तेया पैली तीरिची वार्ता । केवि जाणवे ॥ ८४० ॥
 कां दाखठां चि जेयाचें । पाये बांधले साचे । दाखठां
 तो, केवि परिवरिचें । ठेविलें जाणे ॥ ४१ ॥
 तेवि अध्यात्मज्ञान जेया । अनोलख धनंजया ।
 तेया ज्ञानार्थु देखावेया । काइ काज ॥ ४२ ॥
 ह्यगौनि आतां विशेषें । तो ज्ञानाचें सार न देखे ।
 हें सांगावें आंखें लेखें । न लगे तुज ॥ ४३ ॥
 जेधवां सगर्भें वाढिलें । तेधवां चि पोटीचें धालें ।
 तैसें मागिलें पदें बोलिलें । तें चि होए ॥ ४४ ॥
 वांचूनु या वेगलें । रूप करणें हें न मिले ।
 घेइ आवंतिलें आंधलें । तैसें जालें ॥ ४५ ॥
 एवं इये उपरती । ज्ञानचिन्हें माघौती ।
 अमानित्वादिप्रभृती । वाखाणिलीं ॥ ४६ ॥
 जियें ज्ञानपदें अठरा । केलियां एरी मोहरा ।
 अज्ञान ऐसें आकारा । येथ आहे ॥ ४७ ॥
 मागां श्लोकाचेनि अर्द्धाद्वै । ऐसें सांगितलें मुकुंदें ।
 ना उपराठिं ज्ञानपदें । तें चि अज्ञान ॥ ४८ ॥
 ह्यगौनि इया वाहाणी । मियां केली उपलवणी ।
 वांचौनि दूधा मेलउनि पाणी । फार कीजे ॥ ४९ ॥
 तैसें जी न बडबडीं । पदाची कोर न संडी ।
 मूळध्वनिचिये वाढी । निमित्त जालां ॥ ८५० ॥
 तबं श्रोते ह्यणति राहे । कें परिहारा ठाऊ आहे ।
 भीसि कां वायां हें । कविपोषका ॥ ५१ ॥
 तूतें श्रीमुरारी । ह्यणितलें प्रकटें करीं ।
 जे अभिप्राय गन्हरीं । झांकिले आह्मी ॥ ५२ ॥

तें देवाचें मनोगत । दावितु आहासि मूर्त ।
 हें इ हणतां चित्त । दाटैल तूजें ॥ ५३ ॥
 हणौनि असो हें न बोलें । परि सवियां चि गा तोखलें ।
 जें लोकत्रया मेलविलें । श्रवणसुखा ॥ ५४ ॥
 आतां या वारि । जें तो श्रीहारि ।
 बोलिला तें करी । कथन वेगा ॥ ५५ ॥
 या संतवाक्या सरिसें । हणितलें निवृत्तिदासें ।
 जी अवधारां ऐसें । बोलिले देउ ॥ ५६ ॥
 हणो तुवां पांडवा । हा चिन्हसमुच्चयो आववा ।
 आइकिला तो जाणावा । अज्ञानभागु ॥ ५७ ॥
 येया अज्ञानविभागा । पाठि देउनियां पै गा ।
 मग ज्ञानविधि चांगा । दृढां होइजे ॥ ५८ ॥
 मग निर्वाललेनि ज्ञानें । ज्ञेय भेटेल मनें ।
 तें जाणावेया अर्जुन । आश केली ॥ ५९ ॥

ज्ञेयं यत्तत्प्रवक्ष्यामि यज्ज्ञात्वामृतमश्नुते ॥

अनादि मत्परं ब्रह्म न सत्तं नासदुच्यते ॥ १२ ॥

तवं सर्वज्ञांचा राउ ॥ हणो जाणौनि तेयाचा भाउ ॥
 परिसैं गा ज्ञेयअभिप्राउ ॥ सांघों आतां ॥ ८६ ॥
 तरि ज्ञेय ऐसें हणणें । वस्तूतें येणें चि कारणें ।
 जें ज्ञानें वांचूनि कन्हणें । उपाया न ये ॥ ६१ ॥
 आणि जाणितलेया वरौतें । जाणणें नाहिं जेथें ।
 जें जाणणें चि तन्मयते । आणी जेयाचें ॥ ६२ ॥
 जें जाणितलेया साठि । संसारा काढूनि कांठी ।
 जिरौनि जाइजे पोटी । नित्यानंदाचा ॥ ६३ ॥
 तें ज्ञेय गा ऐसें । आदि चि जेया नसे ।
 परब्रह्म आपैसें । नावं जेया ॥ ६४ ॥

नाहिं हणों जाइजे । तवं विश्वाकारें देखिजे ।
 विश्व ऐसें हणिजे । तरि हे माया ॥ ६५ ॥
 रूप वर्ण व्यक्ति । नाहिं दृश्यदृष्टस्थिति ।
 तरि कोणें कैसें आथि । हणारें पां ॥ ६६ ॥
 आणि साच चि जरि नाहिं । तरि महदादि कवणी ठाई ।
 स्फुरत कैचें काइ । तेणें विण ॥ ६७ ॥
 हणौनि आथि नाहिं हे बोली । जें देखौनि मूर्ति जालिं ।
 विचाराची मोडली । वाट जेथ ॥ ६८ ॥
 भांडवटशराविं । जैसी तदाकार असे पृथ्वी ।
 तैसें सर्व होउनि सर्वा । असे जें वस्तु ॥ ६९ ॥
 आघवां चि देशिं कालि । नोहे चि देशकाला वेगली ।
 जे क्रिया स्थूलास्थूलीं । ते चि हात जेया ॥ ८७० ॥

सर्वतः पाणिपादं तत्सर्वतोऽक्षिशिरोमुखं ।

सर्वतः श्रुतिमल्लोके सर्वमावृत्य तिष्ठति ॥ १३ ॥

तेयातें एया कारणें । विश्वबाहु हें हणणें ।
 जें सर्व चि सर्वपणें । सदा करी ॥ ७१ ॥
 आणि समस्ता ही ठाया । एकी चि कालिं धनंजया ।
 आलें असे हणौनियां । विश्वांनि नावं ॥ ७२ ॥ नि
 पै सवितेया आंग डोले । हें नाहिं वेगलवेगलें ।
 तैसें सर्वदृष्टें सकलें । स्वरूपें जें ॥ ७३ ॥
 हणौनि विश्वतश्चक्षु । हा अचक्षुचा ठाई पक्षु ।
 बोलवेया दक्षु । जाला वेदु ॥ ७४ ॥
 पै गा मूर्ति तें चि मुख । हुताशना देख ।
 तैसें सर्वत्र अशेष । भोक्तें जें ॥ ७५ ॥
 एया लागि तेथ पार्था । विश्वतोमुख हे व्यवस्था ।
 आली वाक्पथा । श्रुतीचेया ॥ ७६ ॥

आणि वस्तुमार्ति गगन । जैसें असे संलग्न ।
 तैसें शब्दजाति कान । सर्वत्र जेया ॥ ७७ ॥
 ह्यणौनि आक्षीं तेयातें । ह्यणों सर्वत्र आइकतें ।
 एवं जें सर्वातें । आवरुनि असे ॥ ७८ ॥
 यन्हाविं तन्हीं महामती । विश्वतश्चक्षु या श्रुती ।
 तेयाचिये व्याप्ती । रूप केलें ॥ ७९ ॥
 वांचूनि हस्तनेत्रपाए । हे भाक काय तेथ आहे ।
 सर्व शून्याचा साहे । निष्कर्ष जें ॥ ८० ॥
 पै कळोलातें कळोलें । ग्रसितसें ऐसें केलें ।
 परि ग्रसितें ग्रासा वेगलें । असे काइ ॥ ८१ ॥
 तैसें सर्वादि जें एक । तेथ कें व्याप्यव्यापक ।
 परि बोलावेया नांव एक । करावें लागे ॥ ८२ ॥
 पै शून्य जें दावावें जालें । तें बिंदुलें एक केलें ।
 तैसें अद्वैत दावावें बोलें । द्वैत चि कीजे ॥ ८३ ॥
 ह्यणौनि गा पार्था । गुरुशिष्यसत्पथा ।
 आडळ पडे सर्वथा । बोलु खुंटे ॥ ८४ ॥
 ह्यणौनि गा श्रुती । द्वैतभावे अद्वैती ।
 निरोपणा वाहाती । वाट केली ॥ ८५ ॥
 तें चि आतां अवधारीं । ये नेत्रगोचरे आकारिं ।
 तें ज्ञेय जेया परीं । व्यापूनि असे ॥ ८६ ॥
 तरि तें गा ऐसें । अवकाशि आकाश जैसें ।
 पटीं पटु होउनि असे । तंतु जेवि ॥ ८७ ॥
 उदक होउनि उदकिं । रसु जैसा अवलोकीं ।
 दीपपणें दीपकीं । तेज जैसें ॥ ८८ ॥
 कपूरत्वे कापुरीं । सौरभ्य असे जिया परीं ।
 शरीर होउनि शरीरीं । कर्म जेवि ॥ ८९ ॥

किंबहुना ऐसैं पांडवा । सोनें सोनयांचा रवा । जे
 तैसें जे या सर्वा । सर्वांगीं असे ॥ ८९० ॥
 पारि रवेपणा माझिबडे । तव रवा ऐसैं आवडे ।
 बांचूनि सोनें सोनेयां सांगडे । सोनें चि जेवि ९१ ॥
 पै गा वोधू चि बांकुडा । पारि पाणी उजू सुहाडा ।
 वन्हि आला लोखंडा । लोह नव्हे ॥ ९२ ॥ नाहि
 घटाकारें वेंढाल्लें । तैं नभ गमे वाटुलें ।
 मळिं सारि चौफळें । आयें दीसे ॥ ९३ ॥
 पारि ते आकार जैसे । नोहिजती चि आकाशें ।
 तेवि विकारु होउनि तैसें । विकारी नोहे ॥ ९४ ॥

सर्वेन्द्रियगुणाभासं सर्वेन्द्रियविवर्जितं ।

असक्तं सर्वभुक्चैव निर्गुणं गुणभोक्तृ च ॥ १४ ॥

मन मुख्य इंद्रियां । सत्वादि गुणा येया ।
 सारिखें ऐसैं धनंजया । आवडे कीर ॥ ९५ ॥
 पै गुलाची गोडी । नव्हे बांधेया सांगडी ।
 तैसीं गुणेंद्रियें फुडी । नाहिं तेथ ॥ ९६ ॥
 आगा क्षीराचिये दशे । घृत चि क्षीराकारें असे ।
 पारि क्षीर चि नव्हे जैसें । कपिध्वजा ॥ ९७ ॥
 तैसें जे इये विकारिं । विकारु नव्हे अवधारिं ।
 पारि आकारु नांव भवरी । सोनें तें सोनें ॥ ९८ ॥
 या उघड मन्हाटिया । तें वेगळेपणें धनंजया ।
 जाण गुणेंद्रियां । पासौनियां ॥ ९९ ॥ ते
 नामरूपसंबंधु । जातिक्रियाभेदु ।
 हा आकारासि चि प्रवादु । वस्तुसि नाहिं ॥ १०० ॥
 जे गुण नोहे क्हां । गुणा तेया पाडु नाहिं । का
 पारि तेयाचां चि ठांड । आभासति ॥ १ ॥

एतुल्या साठि । सभ्रांताचां पोटी ।
 ना ऐसैं गमे किराटी । जें हें धरी ॥ २ ॥
 तारि तें गा धरणें ऐसैं । अभ्रातें जेवि आकाशें ।
 कां प्रतिवदन जैसैं । आरिसेनि ॥ ३ ॥
 नातारि सूर्यप्रतिमंडल । जैसैं धरी सलील ।
 राश्मिकरें मृगजल । धरिजे जेवि ॥ ४ ॥
 तैसैं गा संबधें विण । यां सर्वातें निर्गुण ।
 पारि तें वायां जाण । मिथ्या दृष्टी ॥ ५ ॥
 आणि इयांपरी निर्गुणें । गुणातें भोगणें ।
 रंका राज्य करणें । स्वप्नि जेवि ॥ ६ ॥
 ह्यौनि गुणाचा संगु । अथवा गुणभोगु ।
 हा निर्गुणिं लागु । बोलों चि न ये ॥ ७ ॥
 बहिरन्तश्च भूतानामचरं चरमेव च ।
 सूक्ष्मत्वात्तद्विज्ञेयं दूरस्थं चांतिके च तत् ॥ १५ ॥
 जें चराचर भूतां । माझि असे पांडुसुता ।
 नामा वन्हि उष्णता । अभेद जेवि ॥ ८ ॥
 तैसेनि अविनाभावें । सूक्ष्मदशे आवधें ।
 व्यापूनि असे तें जाणावें । ज्ञेय एथ ॥ ९ ॥
 जें एक आंतु बाहिरि । जें एक जवळें दूरी ।
 जें एक वांचूनि पारि । दुसरी नाहिं ॥ १० ॥
 अविभक्तं च भूतेषु विभक्तमिव च स्थितं ।
 भूतभर्तृ च तज्ज्ञेयं असिष्णु प्रभविष्णु च ॥ १६ ॥
 क्षीरसागरिची गोडी । माजि बहुत धडिये थोडी ।
 हें नाहिं तेया परवडी । पूर्ण जें गा ॥ ११ ॥
 स्वेदजादिप्रभृती । वेगलालां भूति ।
 जेयाचिये अनस्यूती । खोमणें नाहिं ॥ १२ ॥

पै श्रोतेमुखटिलका । घटसहस्रां अनेकां ।
 बिंबौनियां चंद्रिका । न भेदे जेवि ॥ १३ ॥
 नानां लक्षणकणाचिया रासी । क्षारता एकि जैसी ।
 कां कोडी एके उंसीं । एकु चि रसु ॥ १४ ॥
 तैसी अनेकिं भूतजाति । असे एक चि व्याप्ति ।
 विश्वकार्या सुमती । कारण जें ॥ १५ ॥
 हाणौनि हा भूताकार । जेथौनि तें चि आधार ।
 कल्लोलि सागर । जेया परीं ॥ १६ ॥
 पै बालादि तिहिं वयसिं । काया एकी चि जैसी ।
 तैसें आदिस्थितिप्राप्ति । अखंड जें ॥ १७ ॥
 सायंप्रातमध्याह्नीं । होंत जांत दिनिदिनीं ।
 जैसें कां गगनीं । पालटु नाहिं ॥ १८ ॥
 आगा भृष्टिवेले प्रियोत्तमा । जेया नावं ब्रह्मा ।
 व्याप्ति जें नामा । पात्र जालें ॥ १९ ॥
 मग आकार हा हारपे । तेधवां रुद्र जें ह्यणिपे ।
 तें हिं गुणत्रयलोपे । तै जें शून्य ॥ २० ॥

ज्योतिषामपि तज्ज्योतिस्तमसःपरमुच्यते ।
 ज्ञानं ज्ञेयं ज्ञानगम्यं हृदि सर्वस्य तिष्ठति ॥ १७ ॥

जें अग्निचें दीपन । जें चंद्राचें जीवन ।
 सूर्याचे नयन । देखति जेणें ॥ २१ ॥
 आदीसि जे आदि । जे वृद्धीसि वृद्धि ।
 बुद्धिसि बुद्धि । जीवाचा जीव ॥ २२ ॥
 जेयाचेनि उजियेडें । तारागण उघडे ।
 महातेज सुरवाडें । जेणें राहाटे ॥ २३ ॥
 मनाचें मन । जें नेत्राचे नयन ।
 जें घ्राणाचे घ्राण । वाचेची वाचा ॥ २४ ॥

जें प्राणाचे प्राण । जें गतिचे चरण ।
 क्रियोसि कर्तेपण । जेयाचेनि ॥ २५ ॥
 आकार जेणें आकारे । विस्तार जेणें विस्तारे ।
 संहार जेणें संहारे । पांडुकुमरा ॥ २६ ॥
 जें मेदिनियेची मेदिनी । जें पाणी पीउनि असे पाणी ।
 तेजा दिवेलावणी । जेणें तेजें ॥ २७ ॥
 जें वायुचा श्वासोश्वासु । जें गगनाचा अवकाशु ।
 आघवा चि आभासु । आभासे जेणें ॥ २८ ॥
 किंबहुना पांडवा । जें आघवें चि इये आघवां ।
 जेथ नाहिं रिगावां । द्वैतभावां ॥ २९ ॥
 जें देखिलेया चि सर्वे । दृष्टादृश्य आघवें ।
 एकवाट कालवे । सामरस्यें ॥ ९३० ॥
 मग तें चि होये ज्ञान । ज्ञाता ज्ञेय हान ।
 ज्ञानें गमिजे स्थान । तें हि तें चि ॥ ३१ ॥
 सरलेयां लेख । जैसैं आंख होंति एक ।
 तैसैं साध्यसाधनादिक । ऐक्यते ये ॥ ३२ ॥
 अर्जुना जिये ठाई । सरे द्वैताची लिही ।
 हें असो हृदयी । सर्वांचा असे ॥ ३३ ॥
 इति क्षेत्र तथा ज्ञानं ज्ञेयं चोक्तं समासतः ।
 मद्भक्त एतद्विज्ञाय मद्भावाद्योपपद्यते ॥ ३८ ॥
 एवं तुज पुढां । आदि क्षेत्र सुहाडा ।
 दाविलें फाडोवाडां । विवंचूनि ॥ ३४ ॥
 तेसैं चि क्षेत्रपाठिं । जैसैं देखिलें दीठी ।
 तैसैं चि ज्ञान किरीटी । सांगितलें ॥ ३५ ॥
 अज्ञाना हिं कवातिकें । रूप केलें नीकें ।
 जवं आणि टेंके । पुरे हणसी ॥ ३६ ॥

आणि

क्षणि

आणि आतां हें रोकडें । उपपत्तिचेनि सुरवाडें ।
 निरोपिलें उघडें । ज्ञेय पै गा ॥ ३७ ॥
 हे आघवी चि विवंचना । बुद्धी भरुनि अर्जुना ।
 मग सिद्धिमुवना । माझि येति ॥ ३८ ॥
 देहादि परिग्रहीं । सन्यासु घेउनि जिहि ।
 जीउ माझां ठांड । वृत्तिकु केला ॥ ३९ ॥
 ते गा माझे किरीटी । हें जाणौनि सेवटी ।
 आपणपेया साठी । मी चि होंति ॥ ४० ॥
 तारि मी होती परी । हे मुख्य अवधारि ।
 सोहपी सर्वा परी । रचिली आहि ॥ ४१ ॥
 कडां पायेरी कीजे । निरालि मांचु बांधिजे ।
 अथावि सूयिजे । तारितें जेवि ॥ ४२ ॥
 यन्हावि आघवें चि आत्मां । हें सांगौनु वीरोत्तमा ।
 तें तूक्षेया मनोधर्मा । मीलैल ना ॥ ४३ ॥
 ह्मणौनि एक चि संधलें । आहि चतुर्धा केलें ।
 जें अदलपण देखिलें । तूक्षिये प्रज्ञे ॥ ४४ ॥
 पै बालक जें जेवविजे । तें घांसु विसें ठांड कीजे ।
 तैसें एक चतुर्व्याजें । कथिलें आहि ॥ ४५ ॥ एकचि तुज जाणें
 एक क्षेत्र एक ज्ञान । एक ज्ञेय एक अज्ञान ।
 हे भाग केले अवधान । जाणौनि तूजें ॥ ४६ ॥
 आणि ऐसेन हिं पार्था । जरि हा अभिप्रा३० तुज हाता ।
 न ये चि तारि हे वेवस्था । पुढुति सांगों ॥ ४७ ॥
 आतां चौं ठांड न करुं । एक चि ह्मणौनि न सरुं ।
 आत्मेयां अनात्मेयां धरुं । सरिसा पाडु ॥ ४८ ॥
 परि तुवां एतुलें करावें । मागौनि तें आह्मां देयावें ।
 जें काना चि नांव ठेवावें । आपणयातें ॥ ४९ ॥

एया श्रीकृष्णाचेया बोला । पार्थु रोमांचितु जाला ।
तेथ देउ हणति उगला । उचंबल ना ॥ ९५० ॥

प्रकृति पुरुष चैव विध्यनादी उभावपि ।
विकारांश्च गुणांश्चैव विद्धि प्रकृतिसंभवान् ॥ १९ ॥

ऐसेनि तो एता वेगु । धरुनि हणने श्रीरंगु ।
प्रकृतिपुरुषां विभागु । परियस सांघों ॥ ५१ ॥
जेया मार्गते जगी । सांख्य हणति योगी ।
जेयाचिये भाटिवे लागि । मी कपिलु जालां ॥ ५२ ॥
तो आइक निर्दोषु । प्रकृतिपुरुषविवेकु ।
हणतसे आदिपुरुषु । अर्जुनाते ॥ ५३ ॥
तारि पुरुषु अनादि आथि । आणि तैं चि लागौनि प्रकृति ।
समरसिं जैसीं दिवोराति । दोन्हीं असति ॥ ५४ ॥
का रूप नव्हे वायां । रूपा लागली छाया ।

ज-कटे निकण वाढे धनंजया । कर्णेंसि कोंडा ॥ ५५ ॥
तैसिं जाण लवलटें । दोन्ही जियें एकवटें ।
प्रकृतिपुरुषु प्रकटें । अनादिसिद्धें ॥ ५६ ॥
पैं क्षेत्र एणें नावें । जें सांघितलें आघवें ।
तें चि येथ जाणावें । प्रकृति पैं गा ॥ ५७ ॥
क्षेत्रब्रह्म ऐसें । जेयातें हणितलें असे ।
तो पुरुषु अनारिसें । न बोलों घेइ ॥ ५८ ॥
इयें अनानें नावें । पारि निल्य आन नव्हे ।
हें लक्ष्य न चुकावें । पुढुति पुढुति ॥ ५९ ॥
तारि केवल जे सत्ता । तो पुरुषु पांडुसुता ।
प्रकृति ते समस्ता । क्रिये नावें ॥ ६० ॥
बुद्धि इंद्रियें अंतःकरण । इत्यादि विकारभरण ।
आणि तीन्ही गुण । सत्वादिक ॥ ६१ ॥

हा आधवा चि मेलावा । प्रकृती जाला जाणावा ।

हे चि हेतु संभवा । कर्मचेया ॥ ६२ ॥

तेथ इछा आणि बुद्धि । घडवी अहंकारोंसि आदी ।

मग लिया लावीति वेधी । कारणाचा ॥ ६३ ॥

तें चि कारण टाकावेया । जें सूत्र धरणें उपाया ।

तेया नावं धनंजया । कार्यकारण ॥ ६४ ॥

कार्यकारणकर्तृत्वे हेतुः प्रकृतिरुच्यते ।

पुरुषः सुखदुःखानां भोक्तृत्वे हेतुरुच्यते ॥ २० ॥

आणि इछामदाचां थार्वि । लागली मनातें उठवी ।

जें इंद्रिय राहाटवी । तें कर्तृत्व गा ॥ ६५ ॥

हाणौनि तीन्ही इयें जाणा । कार्यकर्तृत्वकारणा ।

प्रकृति मूल हें राणा । सिद्धांचा हणें ॥ ६६ ॥

एवं तिहिंचेनि समवायें । प्रकृति कर्मरूप होये ।

परि जेया गुणां तराये । तेयां चि सारिखें ॥ ६७ ॥

जें सत्त्वां अधिष्ठिजे । तें सत्कर्म ह्मणिजे ।

रजोगुणें निफजे । मध्यम तें ॥ ६८ ॥

केवल जरि तमें । जियें निफजति कर्म ।

निषिद्धें अधमें । जाणावि तियें ॥ ६९ ॥

ऐसि संतासतें । कर्म प्रकृति होतें ।

तेया त्व निफजतें । सुखदुःखें गा ॥ ७० ॥

असति दुःख निफजे । सत्कर्म सुख उपजे ।

तेयां दोहिंचा बोलिजे । भोगु पुरुषा ॥ ७१ ॥

पुरुषः प्रकृतिस्थो हि भुङ्क्ते प्रकृतिजान्गुणान् ।

कारणं गुणसंगोऽस्य सदस्योऽविजन्मसु ॥ २१ ॥

प्रकृतिपुरुषांची कुलवाडी । सांघतां देखें असंघडी ।

जे आबुली जोडी । आमुला खाये ॥ ७२ ॥

सुखदुःखें जवं वेन्हीं । निफजति साचोकारिं । जी
 तवं प्रकृति उद्यमु करी । मग पुरुष भोगी ॥ ७३ ॥
 आमुलेया आबुलिये । संगति ना सोये ।
 कां आबुलि जग विये । चोज आइकां ॥ ७४ ॥
 अनंगु हा पेंधा । निकवडा नमुधा ।
 जीर्णु अतिवृद्धा । पासौनि वृद्ध ॥ ७५ ॥
 तेया अडिनावं पुरुष । एन्हविं स्त्री ना नपुंसकु ।
 हें एक ही न्हवे लोक । प्रकृती तव ॥ ७६ ॥
 अचक्षु अश्रवणु । अहस्तु अचरणु ।
 रूप ना वर्णु । नावं आधि ॥ ७७ ॥
 आगा जेथ काहिं चि नाहिं । प्रकृतिचा भर्ता पाहिं । ते
 किं भोगणें ऐसेया ही । सुखदुःखाचें ॥ ७८ ॥
 तो तारि अकर्ता । उदास्तु अभोक्ता ।
 पारि इया चि पतिव्रता । भोगविजे ॥ ७९ ॥ ओरि
 जियेतें अलुमालु । रूपागुणाचा ढालु । ना
 ते भलेतैसा खेळु । लेखा आणी ॥ ८० ॥
 मा इयें प्रकृती तव । गुणमई हें चि नावं ।
 किंबहुना सावेव । गुण ते चि हे ॥ ८१ ॥
 हे प्रकृति क्षणीं नवी । रूपागुणाची आववी ।
 जडातें ही माजवी । इयेचा माजु ॥ ८२ ॥
 नावें इया प्रसिद्धें । सजेहें इया सखिगवें ।
 इंद्रियें प्रबुद्धें । इयेचेनि ॥ ८३ ॥
 काइ मन नपुंसक । किं ते भोगी तीन्ही लोक ।
 ऐसेसैं अलौलिक । करणें इयेचें ॥ ८४ ॥
 हे भ्रमाचें महादोष । हे व्यासिचें चि रूप ।
 विकार उमप । इया केले ॥ ८५ ॥

हे कामाची मांडवी । मोहवनिची माधवी ।
 जे प्रसिद्ध दैवी । माया ऐसी ॥ ८६ ॥
 हे वाङ्मयाची वाढि । हे साकारपणा जोडि ।
 प्रपंचाची घाडि । अभंग हे ॥ ८७ ॥
 कला येथौनि जालिया । विद्या इया चि केलिया ।
 इछा ज्ञान क्रिया । वियाली हे ॥ ८८ ॥
 हे नादाची टांकसाल । हे चमत्काराचें वेलाउल ।
 किंबहुना सकल । खेळ इयेचा ॥ ८९ ॥
 हे उत्पत्ति प्रलयो होत । ते इयेचे सायं प्रात ।
 हें असो आतां बहुत । मोहन हे ॥ ९० ॥
 हे अद्वयाचे दूसरें । हे निःसंगाचें सोयरें ।
 हे निराळेसि घरें । नांदति असे ॥ ९१ ॥
 इयेतें एतुले वेज्हीं । सौभाग्याची व्याप्ति थोरी ।
 ह्मणौनि तेया आवरी । अनावरातें ॥ ९२ ॥
 तेयाचां तवं ठांडें । निपटौनि काहिं चि नाहिं ।
 किं तेया आघवें हिं । आपण होये ॥ ९३ ॥
 तेया स्वयंभाची संभूति । तेया अमूर्त्ताची मूर्त्ति ।
 आपण होये स्थिति । ठाऊं तेया ॥ ९४ ॥
 तेया अनर्त्ताची आर्त्ति । तेया पूर्णाची तृप्ति ।
 तेया अकुलाची जाति । आपण होये ॥ ९५ ॥
 तेया अचर्चाचिन्ह । तेया अपाराचें मान ।
 तेया अमनस्थाचें मन । बुद्धि होये ॥ ९६ ॥
 तेया निराकाराचा आकार । तेया निर्व्यापाराचा व्यापार ।
 निरहंकाराचा हुंकार । होउनि ठाके ॥ ९७ ॥ आ ।
 तेया अनामाचें नाम । तेया अजन्माचें जन्म ।
 आपण होये कर्म । अक्रिया तेया ॥ ९८ ॥

तेया निर्गुणाचे गुण । तेया अचरणाचे चरण ।
 तेया अश्रवणाचे श्रवण । चक्षु ही होये ॥ ९९ ॥
 तेया भावातीताचे भाव । तेया निरवयवाचे अवैव ।
 किंबहुना होये सर्व । पुरुषाचें हे ॥ १००० ॥
 ऐसें इया प्रकृती । आपुलिया सर्वव्याप्ती ।
 तेया अविकृतातें विकृती । माजि कीजे ॥ १ ॥
 तेथ पुरुषत्व जें असे । तें ये इये प्रकृतिदशे ।
 चंद्रमा अवसे । पडिला जैसा ॥ २ ॥
 विदल बहू चोखा । मीनलेया वाला एका ।
 कसु होये पांचिका । जिया परीं ॥ ३ ॥
 कां साधुतें गोंदलिं । संचरौनि सुये मेलिं ।
 नाना सुदिनाचां आभालिं । दुर्दिनु कीजे ॥ ४ ॥
 तेथ पय पशुचां पोटीं । कां वन्हि जैसा काष्टीं ।
 गूडूनि घेतला पुटीं । रत्नदीपु ॥ ५ ॥
 राजा पराधीनु जाला । सिंहुं रोगें रुंधला ।
 तैसा पुरुष प्रकृती आला । स्वतेजा मुके ॥ ६ ॥
 जागता नरु सहसा । निद्रा पाडौनि जैसा ।
 स्वप्निचिया ही सोसा । वश्यु कीजे ॥ ७ ॥
 तैसें प्रकृति जालेपणें । पुरुषा गुण भोगणें ।
 अंतराणें उदासु अंतौरिगुणें । आंतुडविजे ॥ ८ ॥
 तैसें अजा नित्या होए । आंगिं जन्ममृत्युचे वाए ।
 वाजति जै लाहे । गुणसंगु हा ॥ ९ ॥
 परि तें ऐसें पांडुसुता । तातलें लोह पीटितां ।
 जेवि वन्हीसी चि घाता । बोलिजति ॥ १०१० ॥
 कां आंदोललेया उदक । प्रतिभा होये अनेक ।
 तें नानात्व ह्मणति लोक । चंद्रिं जेवि ॥ ११ ॥

दर्पणाचिया जवलिका । दूजेपण जैसें मुखा ।
 कुंकुमें स्फाटिका । लोहित्व होए ॥ १२ ॥
 तैसा गुणसंगमें । हा अजन्मा जन्में ।
 पावतु ऐसा गमे । यज्जहिं नाहिं ॥ १३ ॥
 अधमोत्तमा योनी । या ऐसिया मानी ।
 जैसा संन्यासी स्वप्नी । अंत्यु होये ॥ १४ ॥
 ह्यणौनि केवल पुरुषां । नाहिं होणें भोगणें देखां ।
 एथ गुणसंगू चि अशेषा । लागां मूल ॥ १५ ॥

उपद्रष्टानुमंता च भर्ता भोक्ता महेश्वरः ।

परमात्मेति चाण्युक्तो देहेस्मिन्पुरुषः परः ॥ २२ ॥

हा प्रकृती माझि उभा । परि जुई जैसा बोधना ।
 प्रकृति पृथ्वी नभा । तेतुला पाहू ॥ १६ ॥
 प्रकृतिचां तटी । मेरु हा किरीटी ।
 मांजि बिंबे परि लोटी । लोटीं नेणे ॥ १७ ॥
 आणि प्रकृति होये जाये । हा तों असतू चि आहे ।
 हाणौनि आब्रह्मार्चें होए । शासन हा ॥ १८ ॥
 प्रकृति येणें जिये । या सत्ता जग विये ।
 या लागि इये । वरैतु हा ॥ १९ ॥
 अनंत काल किरीटी । जिया मिलति इया श्रृष्टि ।
 तिया रिगति एयाचां पोटी । कल्पांतसमई ॥ १०२० ॥ ताटी
 हा महद्ब्रह्म गोसांवि । हा ब्रह्मगोल लाघवी ।
 अपारपणें मवी । प्रपंचार्ते ॥ २१ ॥
 पै या देहा माझारि । परमात्मा ऐसी ले परि ।
 बोलिजे ते अवधारि । एयातें चि ॥ २२ ॥
 अगा प्रकृती परौता । एकु आथि पांडुसुता ।
 ऐसा प्रवादु तो तत्वता । पुरुष हा पै ॥ २३ ॥

यएवं वेत्ति पुरुषं प्रकृतिं च गुणैः सह ।

सर्वथा वर्तमानोपि न स भूयोमिजायते ॥ २३ ॥

जो निखलपणें येणें । पुरुषा तेया जाणे ।

आणि गुणाचें करणें । प्रकृतिचें जें ॥ २४ ॥

हें रूप हे छाया । पैल जल हे माया ।

ऐसें जो धनंजया । निवाडु करी ॥ २५ ॥

तेणें पाडें अर्जुना । प्रकृतिपुरुषविवंचना ।

जेयाचआ मना । गोचर जाली ॥ २६ ॥

तो शरीराचेनि मेलें । करू कां कर्में सकलें ।

परि आकाश धूमें न मैले । तैसा असे ॥ २७ ॥

आधिलेनि देहें । नेघेपे देहमोहें ।

देहं गेलेयां नोहे । पुनरपि तो ॥ २८ ॥

ऐसा तेया एकु । उपकार अलौलिकु ।

प्रकृतिपुरुषविवेकु । करी पै गा ॥ २९ ॥

ध्यानेनात्मनि पश्यति केचिदात्मानमात्मना ।

अन्ये सांख्येन योगेन कर्मयोगेन चापरे ॥ ३० ॥

परि हा चि अंतरिं । विवेकु भानुचिया परी ।

उदैजे ते अवधारीं । उपाये बहुत ॥ १०३० ॥

कोण्ही एक सूभटा । विचाराचां आगिठां ।

आत्मानात्मकीटा । पुट देउनि ॥ ३१ ॥

सतीस ही वानी भेद । तोडूनियां निर्विवाद ।

निवडीति शुद्ध । आत्मतत्व ॥ ३२ ॥

तेया आपणपेयाचां पोटीं । आत्मध्यानचेया दीठी ।

देखति गा किरीटी । आपणें ॥ ३३ ॥

आणिक पै दैववर्गें । देखति सांख्ययोगें ।

एक ते आंगळगें । कर्माचेनि ॥ ३४ ॥

अन्ये त्वेवमजानंतः श्रुत्वान्येभ्य उपासते ।

ते पि चातितरंत्येव मृत्युं श्रुतिपरायणाः ॥ २५ ॥

येणें येणें प्रकारें । निस्तरति साचोकारें ।

हैं भय भाउरें । आघवें चि ॥ ३५ ॥

परि ते करिति ऐसैं । अभिमानु दवडूनि देसैं ।

एकांचेया विश्वासैं । टेंकति बोला ॥ ३६ ॥

जे हिताहित देखति । हाणि कणवा घेपति ।

पूसौनि सीणु हरिति । देंति सुख ॥ ३७ ॥

तेयांचेनि मुखें निगे । तेतुलें आदरें चांगें ।

आइकौनियां आंगें । मनें होति ॥ ३८ ॥

तेयां आयिकणेयां चि नावें । ठेविति गा आघवें ।

तेयां आखरांसि जीवें । करिति लोण ॥ ३९ ॥

तेया परीं कपिध्वजा । या मरणार्णवा समजा ।

पासौनि निगति वोजा । गोमटिया ॥ १०४० ॥

ऐसे हे उपाये । बहुवस एथ पाहे ।

जाणावेया होये । एकि वस्तु ॥ ४१ ॥

आतां असो हैं बहुत । पैं सर्वार्थांचें मथित ।

सिद्धांतनवनीत । देऊं तुज ॥ ४२ ॥

ऐतुलेनि पांडुसुता । अनुभवु लाहणा आइता ।

येर तव तुज होतां । सायास नाहिं ॥ ४३ ॥

यावत्संजायते किंचित्सत्त्वं स्थावरजंगमं ।

क्षेत्रक्षेत्रज्ञसंयोगात्तद्विद्धि भरतर्षभ ॥ २६ ॥

हाणौनि ते बुद्धि रचूं । मतवाद हे खांचूं ।

सोलीवं निर्वचूं । फलितार्थु चि ॥ ४४ ॥

परि क्षेत्रज्ञ एणें बोळें । तुज आपणपें जें दाखविलें ।

आणि क्षेत्र सांधितलें । आववें चि ॥ ४५ ॥

तैयां येरयेरांचां मेलीं । होइजे भूतीं सकलिं ।
 अनिलसंगें सलीलीं । कळोल जैसे ॥ ४६ ॥
 कां तेजा आणि उखरा । भेटि जालेयां वीरा ।
 मृगजलाचेया पूरा । रूप होये ॥ ४७ ॥
 नाना धाराधरधारीं । झलंबली वसुंधरी ।
 उठी जेवि अंकुरीं । नाना विधीं ॥ ४८ ॥
 तैसें चलाचल आघवें । जें काहिं जीउ नावें ।
 गु तें तो उभययोगें संभवें । ऐसें जाण ॥ ४९ ॥
 एया लागि अर्जुना । क्षेत्रज्ञा प्रधाना ।
 पासौनि न्हवति मित्रा । भूतव्यक्ती ॥ १०५० ॥
 समं सर्वेषु भूतेषु तिष्ठंतं परमेश्वरं ।
 विनश्यत्स्वविनश्यंत यः पश्यति स पश्यति ॥२७॥
 पै पटुत्व तंतु नोहे । तन्हीं तंतुवें चि तें आहे ।
 जो ऐसा खोलिं डोलां पाहे । ऐक्य हें गा ॥ ५१ ॥
 भूतें आघविं चि होंति । एकाचि एकिं आहाति ।
 प्र ये भूतपतीति । वेगलीक असे ॥ ५२ ॥
 याचिं नावें आनानें । अनारिसिं वर्तनें ।
 वेख ही सिनाने । आघवेयांचे ॥ ५३ ॥
 ऐसें देखौनि किरीटी । मेदु हान सूंसि पोटी ।
 तरि जन्माचिये आटी । न लाहासि निगों ॥ ५४ ॥
 पै नानाप्रयोजनशीलें । दीर्घे वक्त्रे वर्तुलें ।
 होंति येकिचियें फलें । तुंबिणिये ॥ ५५ ॥
 होतु कां उजू वांकुडे । परि वेलिचें हें न मोडे ।
 तैसिं भूतें अवघडें । वस्तू उजू ॥ ५६ ॥
 अंगारकणीं बहुवसिं । उष्णता समान जैसी ।
 तैसा जीवराशी । परेशु असे ॥ ५७ ॥

गगनभीरं धारा । परि पाणी एक वीरा ।
 तैसा या भूताकारा । सर्वांगी तो ॥ ५८ ॥
 हे भूतग्राम विषम । वस्तु येथ सम ।
 घटमठी व्योम । जिया परीं ॥ ५९ ॥
 हा नासतां भूताभासु । एथ आत्मा अविनाशु ।
 जैसा केयूरादिकें कसु । सोनेयांचा ॥ १०६० ॥
 एवं जीवधर्महीनु । जीवांसि अभिन्नु ।
 जो देखे सुनयनु । ज्ञानियां माझि ॥ ६१ ॥
 ज्ञानाचां डोलां डोलसां । माझि डोलसु तो वीरेशा ।
 हे स्तुति नोहे बहुवसा । भाग्याचा तो ॥ ६२ ॥

समं पश्यन् हि सर्वत्र समवस्थितमीश्वरं ।

न हिनस्त्यात्मनात्मानं ततो याति परां गतिं ॥ २८ ॥

जें इंद्रियबोकौटी । देहधातुची त्रिकुटी ।
 पांचमेलवेयाची वोखटी । दारुण हे ॥ ६३ ॥
 हे उघडी पांचवेउली । हे पंचधा आंगि लागली ।
 जीवपंचानना सांपडली । हरणिकुटी ॥ ६४ ॥
 ऐसां असौनि इये शरीरी । कोणु अनन्यबुद्धीची सूरी ।
 अनित्यभावाचां उदरी । दाटी चि ना ॥ ६५ ॥
 परि इये देहीं असतां । तो नैये चि आपणपेयां घाता ।
 आणि शोषि पांडुसुता । तेथ मिले ॥ ६६ ॥
 जेथ योगज्ञानाचिया प्रौढी । वोलांडुनि जन्मकौडी ।
 न निगों या भाषा बुडी । देति योगी ॥ ६७ ॥
 जें आकाराचें पैल तीर । तुर्येचें माजिघर ।
 जे नादाची पैल मेर । परब्रह्म जें ॥ ६८ ॥
 मोक्षा सगट गती । जेथें एंति विश्रांती ।
 गंगादि अपांपती । सरिता जेवि ॥ ६९ ॥

तैं सुख येणें चि देहें । पाये पाखाळणियां लाहे ।
 जो भूतवैषम्य नोहे । विषमबुद्धी ॥ १०७० ॥
 दीपाचेया कोडी जैसैं । एक चि तेज प्रकाशे ।
 तैसा जो असतू चि असे । सर्वत्र ईशु ॥ ७१ ॥
 तेया समतें पांडुमुता । जीवें जो देखे समता ।
 तो मरणा आणि जीविता । नांगवे फुडा ॥ ७२ ॥
 देवाभ्रं ह्यणौनि तो दैवांगला । वानित असो वेलेवेलां ।
 साम्यसेजे डोला । लागला जेया ॥ ७३ ॥

प्रकृत्यैव च कर्माणि क्रियमाणानि सर्वशः ।

यः पश्यति तथात्मानमकर्तारं स पश्यति ॥ २९ ॥

आणि मनोबुद्धिप्रमुखें । कर्म जियें अशेखें ।
 करी प्रकृति चि जो देखे । साचें जो गा ॥ ७४ ॥
 घरिचीं चि राहाटति घरीं । घर काहिं न करी ।
 अभ्र घांवे अंबरीं । अंबर उगे ॥ ७५ ॥
 तैसी प्रकृति आत्मप्रभा । खेले गुणविधा शोभा ।
 येथ आत्मा तो बोथंबा । नेणों कोणु ॥ ७६ ॥
 ऐसेनि एणें निवाडें । जेयांचां जीविं उजिवडे ।
 अकर्तेयातें फुडें । देखिलें तेणें ॥ ७७ ॥

यदा भूतपृथग्भावमेकस्थमनुपश्यति ।

तत एव च विस्तारं ब्रह्म संपद्यते तदा ॥ ३० ॥

यन्हविं तैं चि अर्जुना । होइजे ब्रह्मसंपन्ना ।
 जें इया भूताकृती भिन्ना । दीसति एकिं ॥ ७८ ॥
 लहरिया जैसिया जालें । परमाणु-कणिका स्थलीं ।
 रश्मिकर मंडलिं । सूर्याचां ॥ ७९ ॥
 नातारि देहिं अवयव । मनिं आघवे भाव ।
 विस्फूर्लिंगिं सर्व । वन्हि एकि ॥ १०८० ॥

तैसे भूताकार एकाचे । एथ दृष्टि रिगे जै सांचें ।
 तैं चि ब्रह्मसंपत्तिचें । तारुं लागे ॥ ८१ ॥
 मग जिये तिये कडे । ब्रह्माची दृष्टि उघडे ।
 किंबहुना जोडे । अपार सुख ॥ ८२ ॥
 एतुलेनि तुज पार्था । प्रकृतिपुरुषवेवस्था ।
 ठायें ठाऊं प्रतीतिपंथा । माजि जाली ॥ ८३ ॥
 अमृत जैसें ये चूला । निधान जैसें देखिजे डोलां ।
 तेतुला जीवाला । मानावा हा ॥ ८४ ॥
 बांचूनि जालिये प्रतीति । घर बांधणें चित्ति ।
 तें आतां ना सुभद्रापति । या वरि ॥ ८५ ॥
 तरि एक दोनि ते बोल । बोलिजति सखोल ।
 देइं मनाची बोल । मग तें घेइं ॥ ८६ ॥
 ऐसें देवें हणितलें । मग बोलों आदरिलें ।
 तेथ अवधानाचें केलें । सर्वांग एरें ॥ ८७ ॥

अनादित्वाग्निर्गुणत्वात्परमात्मायमव्ययः ।

शरीरस्थोऽपि कौंतेय न करोति न लिप्यते ॥ ३१ ॥

ह्याने परमात्मा ह्याणिपे । तो ऐसा जाण सरूपें ।
 जळिं जळें न सिंपे । सूर्यु जैसा ॥ ८८ ॥
 कां जला आधि पाठि । सूर्यु असतू चि किरीटी ।
 माजि बिंबे ते दीठी । आणिकाचिये ॥ ८९ ॥
 तैसा आत्मा देहिं । आधि ह्याणिपे हें काहिं ।
 साचें तरि नाहिं । तो जेथिचा तेथ ॥ १०९० ॥
 आरिसां मुख जैसें । बिंबलेया नाव असे ।
 देहिं वसणें तैसें । आत्मतत्व ॥ ९१ ॥
 तेया देहा ह्याणति भेटि । हे सपाइ नीजीव गोठि ।
 वारेयानि बालुवे गाठि । केहिं आहे ॥ ९२ ॥

आगि आणि पाँसा । दोरा सुयी जैसा ।
 केउता सांदा आकाशा । पाखार्णेसि ॥ ९३ ॥
 एक निगे पूर्वा कडे । एक तें पश्चिमें पडे ।
 तिये भेटिचेनि पाडें । संबंघु हा ॥ ९४ ॥
 उजियडा आंधारेया । जो पाडु मृता उभेया ।
 तो चि गा आत्मेयां । देहा जाण ॥ ९५ ॥
 रात्रि आणि दिवसा । कनका आणि कापुसा ।
 पाडु कां जैसा । तैसा चि हा ॥ ९६ ॥
 १६ हें तवं पांचाचें जालें । कर्माचां गुणिं गुंतलें ।
 भवंतसे चार्किं सुंदलें । जन्ममृत्युचां ॥ ९७ ॥
 हे कालानलाचां कुंडीं । घातलीं लोणियांची उंडी ।
 मासी पांख पाखडी । तवं हे सरे ॥ ९८ ॥
 हें विपाएं आगी पडे । तरि भस्म होनि उडे ।
 जालें श्वाना वरिपडें । तरि ते चि विष्टा ॥ ९९ ॥
 यां चूके दोन्ही काजां । तरि होये क्रिमिचा पुंजा ।
 ऐसा परिणामु कपिध्वजा । कश्मलु गा ॥ १०० ॥
 या देहाची हे दशा । आणि आत्मा तो ऐसा ।
 पै सिद्धु नित्यु आपैसा । अनादिपणें ॥ १ ॥
 सकलु ना निष्कलु । अक्रियु ना क्रियाशीलु ।
 कृशु ना स्थूलु । निर्गुणपणें ॥ २ ॥
 आभासु ना निराभासु । प्रकाशु ना अप्रकाशु ।
 अल्पु ना बहुवसु । अरूपपणें ॥ ३ ॥
 रीता ना भरितु । रहितु ना सहितु ।
 मूर्तु ना अमूर्तु । शून्यपणें ॥ ४ ॥
 आनंदु ना निरानंदु । एकु ना विविधु ।
 मोकला ना बद्धु । अत्मेपणें ॥ ५ ॥

एतुला ना तेतुला । आयिता ना रचला ।
 बोलता ना उगला । अलक्षपणें ॥ ६ ॥
 सृष्टिचां होणां न रचे । सर्वसंहारें न वेचे ।
 आधिनाथि यां दोहीचें । पंचत्व तो ॥ ७ ॥
 मवे ना चर्चे । वाढे ना खांचे ।
 वीढे ना वेचे । अव्ययपणें ॥ ८ ॥
 एवरूप पै आत्मा । देहिं जे ह्मणति प्रियोत्तमा ।
 तें मठाकारिं व्योमा । नाथं जैसें ॥ ९ ॥
 तैसें तियाचिये आनाभूती । होती जाती देहाकृती । अनस्यूति
 तो घे ना सांडी सुमती । जैसा तैसा ॥ १११० ॥
 अहोरात्रें जैसीं । होति जाति आकाशीं ।
 आत्मसत्ते तैसीं । देहें जाण ॥ ११ ॥
 ह्मणौनि इये शरीरीं । काहिं करवी नां करी ।
 आयितां हिं व्यापारिं । सज्जु नोहे ॥ १२ ॥
 या लागि स्वरूपें । उणा पुरा नेघेपे ।
 हें असो तो न लिपे । देहीं देहें ॥ १३ ॥
 यथा सर्वगतं सौक्ष्म्यादाकाशं नोपलिप्यते ।
 सर्वत्रावस्थितो देहे तथात्मा नोपलिप्यते ॥ ३२ ॥
 आगा आकाश कें नाहिं । हें न रिगे चि कव्हणिये ठाई ।
 परि काइसेनि हिं काहिं । गादे चि ना ॥ १४ ॥
 तैसा सर्वत्र सर्वदेहीं । आत्मा असतू चि असे पाहीं ।
 परि संगदोषें एके हिं । लिप्तु नोहे ॥ १५ ॥
 पुढुति पुढुति एथें । हें चि लक्षण निरुतें ।
 जें जाणावें क्षेत्रज्ञातें । क्षेत्रविहीना ॥ १६ ॥
 संसर्गें चेतविजे लोहें । परि लोह चि आभक नोहे ।
 क्षेत्रज्ञा आहे । तैसा पाडु ॥ १७ ॥

दीपकाचां अर्ची । राहाटि वाहे घरींची ।
 तन्हीं वेगलीक कोडीची । दीपा घरा ॥ १८ ॥
 असें काष्टाचां पोटीं । वन्हि जैसा किरीटी ।
 काष्ट नोहे या दीठी । पाहिजे जेवि ॥ १९ ॥
 अपाडु नभा आभाला । रवी आणि मृगजला ।
 तैसा चि हा ई डोला । देखावा पै ॥ ११२० ॥

यथा प्रकाशयत्येकः कृत्स्नं लोकमिमं रविः ॥

क्षेत्रं क्षेत्री तथा कृत्स्नं प्रकाशयति भारत ॥ ३३ ॥

हें आषवें चि असो एकु । गगनौनि जैसा अर्कु ।
 प्रकटवी लोकु । नावें नावें ॥ २१ ॥
 एथ क्षेत्रबु तैसा । प्रकाशकु क्षेत्राभासा ।
 या वरौतें हें न पुसा । शंका नेघां ॥ २२ ॥
 शब्दतत्त्वसारज्ञा । पै ते चि देखणी प्रज्ञा ।
 जे क्षेत्रा क्षेत्रज्ञा । अपाडु देखे ॥ २३ ॥
 एयां दोहिचें अंतर । देखावेया चतुर ।
 ज्ञानियांचें दार । आराधिति ॥ २४ ॥
 या चि लागि सुमती । जोडीति तपसंपत्ती ।
 शास्त्रांचीं दुभतीं । पोसिति घरीं ॥ २५ ॥
 योगाचेया आकाशा । बलधिजे येवढा धिवंसा ।
 याचिया चि आशा । पुरुषासि गा ॥ २६ ॥
 शरीरादि समस्त । मानिताति अंतवंत ।
 जीव संतांचे करित । वाहाणधर ॥ २७ ॥
 ऐसिया ऐसिया परी । ज्ञानाचिया भरोवरी ।
 करूनियां अंतरीं । निरुते होंति ॥ २८ ॥
 मग क्षेत्रक्षेत्रज्ञाचें । ते अंतर देखति साचें ।
 ज्ञानें उन्मेष तेयांचे । वोवाळूं आह्मी ॥ २९ ॥

आणि महाभूतादिकिं । प्रभेदवेलिं अनेकिं ।
 पसरली असे लटकी । प्रकृति जे हे ॥ ११३० ॥
 ते शुक्नलिकान्यायें । न लगती लागली आहे ।
 हे जैसी तैसी होए । ठाउवें जेया ॥ ३१ ॥
 जैसी माला ते माला । ऐसैं चि देखिजे डोलां ।
 सर्पबुद्धि तवें टवाला । उखी होउनि ॥ ३२ ॥
 कां शुक्तिते शुक्ति । हें साच हे प्रतीति ।
 रूपेयाची भ्रांति । जाउनियां ॥ ३३ ॥
 तैसी वेगली वेगलेपणें । प्रकृति जै अंतष्करणें ।
 देखति ते मी हणें । ब्रह्म होंति ॥ ३४ ॥
 जें आकाश होउनि वाड । जें अव्यक्ताची पैली कड ।
 जें भेटलेयां आहाडबाहाड । पडों नेंदी ॥ ३५ ॥

क्षेत्रक्षेत्रज्ञयोरेवमंतरं ज्ञानचक्षुषा ।

भूतप्रकृतिमोक्षं च ये चिदु र्याति ते परं ॥ ३४ ॥

आकार जेथ सरे । जीवत्व जेथ वीरे ।
 द्वैत जेथ नुरे । अद्वय जें ॥ ३६ ॥
 तें परत्व पार्था । होंति ते सर्वथा ।
 जें आत्मानात्मवेवस्था- । राजहंस ॥ ३७ ॥
 ऐसा जी हा आधवा । श्रीकृष्णें तेया पांडवा ।
 उगाणा दीधला जीवा । जीवाचेया ॥ ३८ ॥
 एरी कलशिचें एरी । रिचविलें जेया परी ।
 आपणपें तेया हरी । दीधलें तैसैं ॥ ३९ ॥
 आणि कोणा देता कोणु । तो नरु तैसा नारायणु ।
 वारि अर्जुनातें कृष्णु । हा मी हणें ॥ ११४० ॥
 परि असो हें नाथिलें । न पुसतां कां बोलें ।
 किंबहुना दीधलें । सर्वस्व देवें ॥ ४१ ॥

किं तो पार्थु मनीं । आञ्जुई धणि न मनी ।
 अधिकाधिक उतान्ही । वाढवितु असे ॥ ४२ ॥
 स्नेहाचिया भरोवरी । आबुथिला दीपु घे थोरी ।
 चाड अर्जुनाचां अंतरिं । परिसतां तैसी ॥ ४३ ॥
 येथ सुगरणि उदारें । रसज्ञें जेवण्हारें ।
 मिलति मग अवतरे । हातु जैसा ॥ ४४ ॥
 तैसें जी होंतसे देवा । तेया अवधानाचेया लवलवा ।
 वाखाण चढलें थावां । चौगुणे वेन्हीं ॥ ४५ ॥
 सुवायें मेघु सांवेरे । जैसा चंद्रें सिंधु भरे ।
 तैसा मातला रसु आदरें । श्रोतेयाचेनि ॥ ४६ ॥
 आतां आनंदमय आघवें । विश्व चि कीजेल देवें ।
 तें रायें परिसावें । संजयो ह्मणे ॥ ४७ ॥
 एवं जें महाभारतीं । व्यासें अप्रांतमती ।
 भीष्मपर्वि शांतिं । ह्मणितली कथा ॥ ४८ ॥
 तो कृष्णार्जुनसंवादु । नागारिं बोलिं विशदु ।
 सांघों दाउं बंधु । वोवियेचा ॥ ४९ ॥
 नसुदी चि शांतीकथा । आणिलेल किर वाक्यपथा ।
 परि श्रिंगाराचां माथां । पावो ठेविति ॥ ११९० ॥
 दाउं वेल्हाळ देशी नवी । जैसी साहित्यातें वोजावी ।
 अमृता ही चूकि ठेवी । गोडिसेपणें ॥ ५१ ॥
 बोलु वेल्हावितेनि गुणें । चंद्रासि घे उमाणें ।
 रसुभंगु मुलवणें । नादु लोपी ॥ ५२ ॥
 खेचरांचेया ही मना । आणि सात्विकाचा पान्हा ।
 श्रवणा सवें सुमना । समाधि जोडे ॥ ५३ ॥
 तैसा वाग्विलासु विस्तारं । गीतार्था विश्व भरं ।
 आनंदाचें आवारं । मांडू जगा ॥ ५४ ॥

फीटो विवेकाची वाणि । हो काना मना जीणि । १
 देखो आवडे ते खाणि । ब्रह्मविवेची ॥ ५५ ॥
 दीसो परतत्व डोलां । पाहो सुखाचा सोहळा ।
 रिगो महाबोधु सुकाला । माजि विश्व ॥ ५६ ॥
 हें निफजे आतां आघवें । ऐसें बोलिजेल बरवें ।
 जें अधिष्ठली असें परदेवें । निवृत्ती मीं ॥ ५७ ॥
 हणौनि आखरीं सुमेदिं । उपमाश्लेषकोंदाकोंदी ।
 झाडा देईन प्रतिपदीं । ग्रंथार्थासि ॥ ५८ ॥
 हा ठाऊं वेरि मातें । पुरतेयां आहे सारस्वतें ।
 केलें असे श्रीमते । गुरुरायें ॥ ५९ ॥
 तेणें जी कृपासावायें । मी बोलें तेतुलें सामाये ।
 आणि तुमचिये सभे लाहें । गीतार्थ हणों ॥ ११६० ॥
 वरि तुहां संतांचे पाये । आजि मी पातलां आहे ।
 हणौनि जी नोहे । अटक काहिं ॥ ६१ ॥
 प्रभू काश्मिरिं मूकें । नुपजे जी कवतुकें ।
 नाहिं गुणिं सामुद्रिकें । लक्ष्मीयेसि ॥ ६२ ॥
 तैसी तुहां संतां पासिं । अज्ञानाची गोठि काइसी ।
 या लागि नवरसिं । वरिखैन मीं ॥ ६३ ॥
 किंबहुना आघवां । मज अवसर देयावा ।
 ज्ञानदेऊं हणो बरवा । सांघैन ग्रंथु ॥ ६४ ॥
 ॐ तत्सदितिश्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे क्षेत्रक्षेत्रज्ञयोगो
 नाम त्रयोदशोऽध्यायः ॥

॥ सर्वात्मकश्रीकृष्णार्पणमस्तु ॥



ज्ञानेश्वरी

अध्याय चौदावा

श्रीगणेशायनमः ॥

जय जय आचार्या । समस्तसुरवर्या ।
प्रज्ञाप्रभातसूर्या । सुखोदया ॥ १ ॥
जय जय सर्वविषांवेया । सोहंभावसुहावेया ।
नानालोकहेलावेया । समुद्रा तूं ॥ २ ॥
आइकैं गा आर्त्तबंधू । निरंतरकरुणासिंधू ।
विशदविद्यावधू-। वल्लभा जी ॥ ३ ॥
तूं जेया प्रतिलपसि । तेया जग हें दाविसि ।
प्रकट तैं करिसी । आघवें तूं ॥ ४ ॥
पुढैलां तरि चोरिजे । हा दृष्टिवंधु निफजे ।
जे अत्यंतनेचरि नवल लाघव तूझें । घरिचां घरीं ॥ ५ ॥
जें तूं चि तूं सर्वां एया । कवणा बोधु कवणा माया ।
ऐसें आपें आपु लाघविया । नमो तूज ॥ ६ ॥
जाणों जगीं आप बोले । हें रस जी तुवां केलें । ते तुझिया बोला
तूझेनि क्षेमत्व आलें । पृथ्वियेसि ॥ ७ ॥ तुला जाणे
रविचंद्रादिशूक्ति । उदो करितां त्रीजगती ।
तें तूझिया दीप्ती । तेज तेजां ॥ ८ ॥

चलबलिजे अनिलें । तें देविकेनि जी बलें ।
 नम तुज माजि खेले । लपीं थपीं ॥ ९ ॥
 किंबहुना माया असोस । ज्ञान तूझेनि डोलस ।
 असो वानणें सायास । श्रुतिसि हे ॥ १० ॥
 वेद जें वानूनि चांग । जवें न दिसे तूझें आंग ।
 मग आह्मा तेया मूग । एकी पांती ॥ ११ ॥
 जी एकार्णवाचां ठां । बुडडेयांचा पाडु नाही । ^{परात्ता थंवांचो}
 मग महानदी काई । जाणिजती ॥ १२ ॥
 कां उदैलेयां भास्वतु । चंद्र जैसा खद्योतु ।
 आह्मा श्रुती तुज आंतु । तेतुला पाडु ॥ १३ ॥
 आणि दूजेया थाल मोडे । जेथ परेसि वैखरी बुडे ।
 १ तो तूं मां कवणें तोंडें । वानावासि ॥ १४ ॥
 येया लागि आतां । स्तुति सांडुनि निवांतां ।
 चरणीं ठेविजे माथा । हें चि भलें ॥ १५ ॥
 तरि तूं जो होसि तेया । नमो श्रीगुरुराया । ^{तुज नेसेया}
 मज ग्रंथउद्यमु फलवेया । वेन्हारा होई ॥ १६ ॥
 आतां कृपाभांडवल सोडी । भारिं मति माझी पोतडी ।
 करीं ज्ञानपदजोडी । थोर मार्तें ॥ १७ ॥
 २ मी सवसरेनि तेणें । संतांसि करीं कर्णभूषणें । ^{स्त}
 लेववीन सुलक्षणें । विवेकाचीं ॥ १८ ॥
 जी गीतार्थनिधान । काढू माझें मन ।
 सुई स्नेहांजन । आपुलें तूं ॥ १९ ॥
 हे वागश्रुष्टि येकें वेळें । देखति बुद्धीचे डोले ।
 तैसा उदैजो निर्मलें । कारुण्यविबें ॥ २० ॥
 माझी प्रज्ञावेलिवें वेल्हाल । काव्यें होति सुफल ।
 तो वसंतु होई स्नेहाल । शिरोमणी ॥ २१ ॥

प्रमेयमहापुरे । हे मतिगंगा भरे ।
 तैसा वरिष उदारें । दीठिवेनि ॥ २२ ॥
 आगा विश्वैकधामा । तूझा प्रसादु चंद्रमा ।
 करू मज पूर्णिमा । स्फूर्तिची जी ॥ २३ ॥
 जिया पाहिलें मातें । उन्मेखसागरिचें भरितें ।
 वोसंडैल तें । रस-वृत्तिचें ॥ २४ ॥
 तव तोखौनि गुरुराजें । हाणितलें विनतिव्याजें ।
 मांडिलें देखों दुजें । स्तवुं तुवां ॥ २५ ॥ स्तवनाभिरसे
 हें असो आतां वाजटा । तो ज्ञानकर्पूर गोमटा ।
 ग्रंथु दाविं उत्कंठा । भंगों नेंदीं ॥ २६ ॥ कथा
 हो कां जी जी स्वामी । हें चि पाहांतु असें मीं ।
 जें श्रीमुखें हणां तुझीं । ग्रंथु सांघें ॥ २७ ॥
 ४६ जी दूर्वेचा हीरु । आंगें चि तव अमरु ।
 वरि आला महापूरु । पीयुषाचा ॥ २८ ॥
 तरि आतां एणें प्रसादें । विन्यासें विदग्धें ।
 मूलशास्त्रपदें । वाखाणीन ॥ २९ ॥
 परि जीवा आंतुली कडे । जैसी संदेहडोणी बुडे ।
 मग श्रवणचाडे । आवाडि दीसे ॥ ३० ॥
 तैसां बोलीं साचारीं । अवतरो माझी माधुरी ।
 मालें मागैन घरीं । गुरुकृपेचां ॥ ३१ ॥
 तरि मागां त्रयोदशीं । अध्याइ गोठि ऐसी
 जें श्रीकृष्णु अर्जुनेसीं । संवादले ॥ ३२ ॥
 जें क्षेत्रक्षेत्रज्ञयोगें । होइजे येणें जगें ।
 आत्मा गुणसंगें । संसारिया ॥ ३३ ॥
 आणि हा चि प्रकृतिगतु । सुखदुःखभोगीं हेतु ।
 अथवा गुणातीतु । केवल हा ॥ ३४ ॥

तरि कैसा यां असंगा संगु । कोणु तो क्षेत्रक्षेत्रज्ञयोग ।
 सुखदुःखादि भोगु । केवि तेया ॥ ३५ ॥
 गुण ते कैसे केती । बाधति कवणां रीती ।
 नातरि गुणातीती । चिन्हु काई ॥ ३६ ॥
 एवं येया आधवेया । अर्था रूप करावेया ।
 विषो एथ चौदावेया । अध्यायासि ॥ ३७ ॥
 तरि तो चि आतां ऐसा । प्रस्तुतु परियसां ।
 अभिप्राउ विधेशा । वैकुंठाचा ॥ ३८ ॥

श्रीभगवानुवाच ॥

परं भूयः प्रवक्ष्यामि ज्ञानानां ज्ञानमुत्तमं ॥
 यज्ज्ञात्वा मुनयः सर्वे परां सिद्धिमितो गताः ॥ १ ॥
 तो हणो गा अर्जुना । अवधानांची सर्व सेना ।
 मेलउनियां ज्ञाना । ज्ञोबावें हो ॥ ३९ ॥
 आर्हि मागां बहुति । दाविलें तुज उपपत्ती ।
 आझुई प्रतीती । कुंसि न निगे ॥ ४० ॥
 हणौनि गा पुढुती । सांघिजैल प्रतिपत्ती ।
 परि हणहणों श्रुती । डाहारिजे जें ॥ ४१ ॥
 एन्हारि ज्ञान हें आपुलें । परि पर हें ऐसें जालें ।
 जें अवर घेतलें । स्वर्गादि एणें ॥ ४२ ॥
 एणें चि गा कारणें । हें सर्वा उपरि मीं हणें ।
 तें बन्दि ये तृणें । एरें ज्ञानें ॥ ४३ ॥
 जियें स्वर्गादि तें जाणति । याग चि चांग हणति ।
 पारखि फुडी आधि । भेदीं जेयां ॥ ४४ ॥
 तियें आधवीं चि ज्ञानें । केलीं एणें स्वप्नें ।
 जैसे वातोर्मि गगनें । गीलिले आधि ॥ ४५ ॥

कां उदितें रश्मिराजें । लोपतीं चंद्रादि तेजें । ४६ ॥
 नाना प्रलयांबुमाजें । नदीनद ॥ ४६ ॥
 तैसें हें पाहालेयां । अज्ञानजात जाये लया ।
 ह्यणौनि धनंजया । उत्तम हें ॥ ४७ ॥
 अनादि जे मुक्तता । आपुली जे पांडुसुता ।
 तो मोक्ष हाताइता । होये जेणें ॥ ४८ ॥
 येयाचिया प्रतीती । विचारविर्णि समस्ती । जे
 नेंदिजे चि संश्रुती । माथा उघों ॥ ४९ ॥
 मग मनें मन घाल्नियां मार्गे । विश्रांति जालेयां आंगें ।
 देहीं देहा जोगे । होती चि ना ॥ ५० ॥
 मग देहाचें बेलें । उल्लांढुनि येकें बेलें ।
 समतूकीं काटालें । मसीं जाले ॥ ५१ ॥
 इदं ज्ञानमुपाश्रित्य मम साधर्म्यमागताः ॥
 सर्गेपि नोपजायंते प्रलये न व्यथंति च ॥ २ ॥
 जे माक्षिया नित्यता । नित्य ते पांडुसुता ।
 परिपूर्ण पूर्णता । माक्षिया चि ॥ ५२ ॥
 मी जैसा अनंतानंदु । जैसा चि सत्वसिद्धु ।
 तैसा चि तेया भेदु । उरे चि ना ॥ ५३ ॥
 जें मीं जेवडें जैसें । तें चि ते जाले तैसें ।
 बटभंगीं घटाभासें । आकाश जेवि ॥ ५४ ॥
 नातरि दिवा मुकुलिकीं । दीपशिखा अनेकीं ।
 मीनलेयां अवलोकीं । जैसें होये ॥ ५५ ॥
 अर्जुना तिया परीं । सरली द्वैताची वारी ।
 नांदो नामार्थ एकाहारी । आहीं ते ही ॥ ५६ ॥
 एणें चि पै कारणें । जें पहिलें शृष्टिजुंणें ।
 तें तेयां होणें । पडे चि ना ॥ ५७ ॥

सृष्टिचिये सर्वादी । जेयां देहाची नाहिं बाधी ।
 ते कैचे प्रलयाधी । निमतील पां ॥ ५८ ॥
 ह्यणौनि जन्मक्षयां । अतीत ते धनंजया ।
 मी जालां ज्ञाना येया । अनुसरौनि ॥ ५९ ॥
 ऐसी ज्ञानाची गोडी । वानिली देवें आवडी ।
 तेविं चि पार्था सिचडी । लावावेया ॥ ६० ॥
 तव तेया जालें आन । सर्वांगिं निगाले कान ।
 सपाई अवधान । पातला तो ॥ ६१ ॥
 आतां देवाचेया ऐसें । जाकलिजत वोरसें ।
 निरूपण आकाशें । वेंटाले ना ॥ ६२ ॥

मम योनिर्महद्ब्रह्म तस्मिन्गर्भं दधाम्यहं ॥

संभवः सर्वभूतानां ततो भवति भारत ॥ ३ ॥

तो ह्यणे गा प्रज्ञाकांता । आजि उजळली वागृतता । ॐ
 जें बोला एवडा श्रोता । जोडलासि ॥ ६३ ॥
 तारि एकु मीं अनेकीं । गोविजे देहपाशकीं ।
 त्रिगुणलुब्धकीं । कवणी परीं ॥ ६४ ॥
 कैसा क्षेत्रयोगें । विये येणें जगें ।
 तें परियस सांघों वेगें । कोण आतां ॥ ६५ ॥
 पै क्षेत्र येणें व्याजें । हें या चि लागि बोलिजे ।
 जें मत्संगबीजें । भूतीं पिके ॥ ६६ ॥
 आणि महद्ब्रह्म । हें इये ऐसें नाम ।
 जें महदादिविश्राम— शालिका हे ॥ ६७ ॥
 विकारां बहुसै थोरी । अर्जुना हे चि करी ।
 ह्यणौनि अवधारीं । हें महद्ब्रह्म ॥ ६८ ॥
 अव्यक्तवादमती । अव्यक्त ऐसी वदंती ।
 सांख्याचिया प्रतीती । प्रकृति हे चि ॥ ६९ ॥

वेदांतीं यातें माया । हाणिजे प्रज्ञाराया ।
 केती बोलें वायां । अज्ञान हें गा ॥ ७० ॥
 आपुला आपणेंयां । विसरु जो धनंजया ।
 तें गा रूप येया । अज्ञानांसि ॥ ७१ ॥
 आणिक ही येक असे । जें विचारा वेगलें न दिसे ।
 वाती पाहातां जैसें । आंधारें कां ॥ ७२ ॥
 हालविल्यां जाये । निश्चल तरि राहे ।
 दूर्धीं जैसी साये । दूधा चि तव ॥ ७३ ॥
 पै जागरु ना स्वप्न । स्वरूप ना अवस्थान ।
 ते सुषुप्ति घन । जैसी होये ॥ ७४ ॥
 कां न वियतां वायुतें । वांझें आकाश रीतें ।
 तेया ऐसें निरुतें । अज्ञान गा ॥ ७५ ॥
 पैलु खांबु कां पुरुष । ऐसा निश्चयो नाहिं येकु ।
 काइ नेणों अवलोकु । देखतसे ॥ ७६ ॥
 तेवि वस्तु जैसें असे । तैसें किर न दिसे ।
 परि काहिं अनारिसें । देखिजे ना ॥ ७७ ॥
 नां राति ना तेज । तिये संधी जैसी सांज ।
 तेवि विरुद्ध ना नीज । ज्ञाना आधि ॥ ७८ ॥
 ऐसी कोण्ही येकि दशा । तिये वादु अज्ञान ऐसा ।
 तिया गुंडाललिया प्रकाशा । क्षेत्रबु नावं ॥ ७९ ॥
 अज्ञान थोरिये आणिजे । आपणपें तरि नेणिजे ।
 तें रूप जाणिजे । क्षेत्रज्ञाचें ॥ ८० ॥
 हा चि उभययोगु । बुझैं बाण चांगु ।
 सत्तेचा नैसरु । स्वभाउ हा ॥ ८१ ॥
 आतां अज्ञानां सारिखें । वस्तु आपणपेयातें देखे ।
 परि रूपें अनेकें । नेणों कोणें ॥ ८२ ॥

जैसा रंकु भ्रमला । हणने जा रे मी राउं आलां ।
 कां मूर्छीतु गेला । स्वर्गलोका ॥ ८३ ॥
 तेवि लचकलिया दीठी । देखणें जें जें उठी ।
 तेयां नावं श्रृष्टी । मी वियें गा ॥ ८४ ॥
 हे चि आनी भ्रांती । प्रमेय उपलउं पुढुतीं ।
 तरि तूं प्रतीती । इयाचि घेइं ॥ ८५ ॥

सर्वयोनिषु कौंतेय मूर्त्तयः संभवन्ति याः ॥
 तासां ब्रह्म महद्योनि र्हं बीजप्रदः पिता ॥ ४ ॥

तरि माझी घरणी । अनादि तरुणी ।
 अर्वाच्य गुणीं । अविद्या पै ॥ ८६ ॥
 माझेनि चि आंगें । पड्डड्यां हे जागे ।
 आणि सत्तासंभोगें । गुर्विणी होये ॥ ८७ ॥
 महद्ब्रह्मउदरीं । प्राकृते आठें विकारीं ।
 गर्भाची करी । पेलोवेली ॥ ८८ ॥
 इये नाहिं हें चि रूप । ठाणें हें उमप ।
 निद्रितां समीप । चेंतां दूर ॥ ८९ ॥
 पै उभयसंगु पहिलें । बुद्धित्वें उमले ।
 बुद्धित्वें भारेलें । होये मन ॥ ९० ॥
 तारुण्यता मनाची । अहंकारत्व रची ।
 तेणें महाभूतांची । अभिव्यक्ति होये ॥ ९१ ॥
 आणि विषयइंद्रियां गोसी । स्वभावें तरि भूतांसि ।
 हणौनि येति सरिसीं । त्यें हीं रूपा ॥ ९२ ॥
 जालेनि विकारक्षोभें । पाठि गुणाचेनि उभे ।
 येवं संपूर्ण जे गर्भें । वायें ठाउं ॥ ९३ ॥
 रुखाचा ये वांका । जैसी कां बीजकणिका ।
 जीर्णि बांधे उदका । भेटतखेउं ॥ ९४ ॥

तैसी माझेनि संगें । अविद्या नाना जगें ।
 आरवों लागे । आपणपां चि ॥ ९५ ॥
 मग गर्भगोला तेया । कैसी रूपसै ये आया ।
 परियसैं राया । सजनाचेया ॥ ९६ ॥
 पै अंडज स्वेदज । जारज उद्धीज ।
 उमटति सहज । अवेव हे ॥ ९७ ॥
 व्योमवायुवसें । बांटलेनि गर्भरसें ।
 मणिजु उससे । अवेवु तो ॥ ९८ ॥
 पोटीं सूनि तमरजें । आगलिका तोय तेजें ।
 उठितां निफजे । स्वेदज गा ॥ ९९ ॥
 आपपृथ्वीउत्कटें । आणि तमोमात्रें निकुटें ।
 स्थावर उमटे । उद्धीजु हा ॥ १०० ॥
 पांचां पांच विरजीं । होति मनबुध्यादि सहजीं ।
 आणि इये चि जारजीं । ऐसैं जाणैं ॥ १ ॥ जेणे । ने
 ऐसे हे सरल । करचरणतल ।
 महाप्रकृति स्थूल । तें चि शिर ॥ २ ॥
 प्रवृत्ती पेललें पोटा । निवृत्ति ते पाठि नीट ।
 सुरयोनि आंगें आठ । ऊर्वाचीं ॥ ३ ॥
 कंठु उल्हासता स्वर्गु । मृत्युलोकु मध्यभागु ।
 अधोदेशु चांगु । नितंबु तो ॥ ४ ॥
 ऐसैं लेंकरं एक । प्रसवली हे देख ।
 जेयाचे तीन्ही लोक । बालसैं गा ॥ ५ ॥
 चौरासी लक्ष योनी । तिर्ये कांडीं पेरी संधानी ।
 वाढे प्रतिदीनी । बालक हें ॥ ६ ॥
 नाना देह अवेवीं । नामाचीं लेणीं लेववी ।
 मोहो स्तनें वाढवी । नीचनवेनि ॥ ७ ॥

सृष्टी वेगलवेगलिया । त्या चि करां आंगुलिया ।
 भिन्ना अभिमाना सूदलिया । मुदिया तेथ ॥ ८ ॥
 हें एकलौतें चराचर । अविचारतें सुंदर ।
 प्रसवौनि थोर । थोरावली ॥ ९ ॥
 पै ब्रह्मा प्रातःकाल । विष्णु तो मध्यान्हवेळ ।
 सदाशिव उर्वीळ । बालका येया ॥ ११० ॥
 महाप्रलयसेजें । खेलौनि आलें नीजे ।
 य विषमज्ञानें उमजे । कल्पोदई ॥ ११ ॥
 अर्जुना इया परी । मिथ्यादृष्टिचां घरीं ।
 युगावृत्तिचीं करी । चोजवाउलें ॥ १२ ॥
 संकल्पु याचा इष्ट । अहंकारु तो नीकटु ।
 जें होये तें सेवटु । ज्ञानें येया ॥ १३ ॥
 आतां असो बहू बोली । ऐसें विश्व माया व्याली ।
 तेथ चांग जाली । माझी सत्ता ॥ १४ ॥
 येया कारणें मी पिता । महद्ब्रह्म माता ।
 अपत्य हा पांडुसुता । जगडंबर ॥ १५ ॥
 आतां शरीरे बहुतें । देखौनि न भेदें हो चित्तें ।
 जें मनबुद्धिभूतें । एके ययां ॥ १६ ॥
 हांगा एकी चि देहीं । काइ आनारिसे अवेव नाहिं ।
 तेवि विचित्र विश्व पाहीं । एक चि हें ॥ १७ ॥
 पै उंचा नीचा डाहालिया । विषमा वेगळालिया ।
 एका चि जेवि जालिया । बीजाचिया ॥ १८ ॥
 आणि संबंधु तो ही ऐसा । मृन्मयो घटु कां जैसा ।
 कां पटत्व कापुसा । आंतु होये ॥ १९ ॥
 नाना कल्लोलपरंपरा । संतति जैसी सागरा ।
 आह्वा आणि चराचरां । तैसा पाडु ॥ १२० ॥

हाणौनि वन्हि ज्वाल । दोन्ही वन्ही चि कैवल ।
 तेवि मी गा हें सकल । समंघु वाउ ॥ २१ ॥
 जालेनि जगें मी झाकें । तरि जगत्वे कोणु फांके ।
 कीलेवारि माणिकें । लोपिजे काइ ॥ २२ ॥
 कां अलंकारत्व आलें । आणि सोनेपण काइ गेलें ।
 किं कमलत्व फांकले— । पणें जाये ॥ २३ ॥
 सांघ पां धनंजया । अवेवी अवेवीया ।
 आछादिजे किं तेया । तें चि रूप ॥ २४ ॥
 विरूढलेयां जोन्हला । कणिसांचां निर्वाला ।
 वेचला कीं आगला । दीसतसे ॥ २५ ॥
 हाणौनि जग परौतें । सारूनि पाहिजे मातें ।
 तैसा न्हवे उखितें । आघवें चि मीं ॥ २६ ॥
 हा तूं साचोकारा । निश्चयाचा खरा ।
 गांठि बांध पां वीरा । जीवाचिये ॥ २७ ॥
 आतां मियां मज दाविलां । शरीरीं वेगलालां ।
 गुणीं मीं चि बांधलां । ऐसा आवडें ॥ २८ ॥
 जैसें स्वमी आपण । उठौनि आत्ममरण ।
 भोगिजे गा जाण । कपिध्वजा ॥ २९ ॥
 कां कबलातें डोले । प्रकाशूनि पीवलें ।
 देखति तें हीं कले । तेयांसी चि ॥ ३० ॥
 नाना सूर्य प्रकाशें । प्रकटी तें अभ्र भासे ।
 तो लोपला हें इ दीसे । सूर्ये चि ॥ ३१ ॥
 पै आपणपेनि जालियां । छाया गा आपुलिया ।
 भीउनि भियालियां । आवडिजे ॥ ३२ ॥
 तैसीं इयें नाना देहें । दाउनि मीं नाना होयें ।
 एथ ऐसा बंध आहे । तें हीं देखें ॥ ३३ ॥

बद्ध कां न बंधिजे । जाणणें मज माझें ।
हैं नेणणेनिउपजे । आपुलेनि ॥ १३४ ॥

सत्त्वं रजस्तम इति गुणाः प्रकृतिसंभवाः ॥
निबध्नन्ति महाबाहो देहे देहिनमव्ययं ॥ ५ ॥

तरि कोणें गुणें कैसा । मज चि मीं बद्ध ऐसा ।
आवडे तें परियसां । अर्जुनदेवा ॥ ३५ ॥
गुण ते किंघर्म । काइ येया नाम ।
कें जाले हैं वर्म । अवधारिजो ॥ ३६ ॥
तरि सत्वरजतम । तीघांसि हैं चि नाम ।
आणि प्रकृति जन्म- । भूमि येयां ॥ ३७ ॥

तत्र सत्त्वं निर्मलत्वात्प्रकाशकमनामयं ॥
सुखसंगेन बध्नाति ज्ञानसंगेन चानघ ॥ ६ ॥

तेथ सत्त्व तें उत्तम । रज तें मध्यम ।
तिहिं माझि तम । सवियां धारें ॥ ३८ ॥
हैं एकी चि वृत्तिचां ठाई । त्रिगुणत्व आलें पाहीं ।
वयसात्रय देहीं । एकिं जेवि ॥ ३९ ॥
कां मीनलेनि कीडें । जवं जवं तूंक वाढे ।
तवं तवं सोनें पडे । पांचिकां कसीं ॥ १४० ॥
पैं सावघपणें जैसैं । वाहविलें आलसैं ।
सुषुप्ति बैसे । घणावौनि ॥ ४१ ॥
तैसी अज्ञानांगिकारें । निगाली वृत्ति विस्तारे ।
तें सत्वरजद्वारें । तम हीं होए ॥ ४२ ॥
अर्जुना गा जाण । येया नावं गुण ।
आतां दाउं खुण । बांधती ते ॥ ४३ ॥
तरि क्षेत्रज्ञदशे । आत्मा मोटका प्रवेशे ।
हैं देह मीं ऐसैं । मुहूर्त करी ॥ ४४ ॥

आजन्ममरणांती । देहधर्मसमस्ती ।
 ममत्वाची सूती । घे ना जवं ॥ ४५ ॥
 जैसैं मीनाचां तोंडीं । पडे ना जवं उंडी ।
 तवं गळु आसुडी । जळवारधी ॥ ४६ ॥
 तेवि सत्वे लुब्धकें । सुखज्ञानाचीं पाशिकें ।
 ती वोढिजतां खुडुके । जैसा मृग ॥ ४७ ॥
 मग ज्ञानें चडफडी । सुख वरि खुरखोडी ।
 स्वयंसुख हें धाडी । हातिचें गा ॥ ४८ ॥
 तेव्हलि विद्यामानें तोखे । लाभमात्रें हरिखे ।
 मी संतुष्ट हें इ देखे । श्लाघों लागे ॥ ४९ ॥
 हाणे भाग्य ना माझें । आजि सुखियें नाहिं दूजें ।
 विकारें फुंजे । सात्विकाचेनि ॥ १५० ॥
 आणि येणें हिं न सरे । लांकण लागे दुसरें ।
 जें विद्वत्तेचें भरे । भूत आंगीं ॥ ५१ ॥
 आपण चि ज्ञान आहे । तें गेलें हें दुःख नोहे ।
 किं विषयज्ञानें होये । गगना एवडा ॥ ५२ ॥
 राउं जैसा स्वप्नी । रंकपर्णें रिगाला धानी ।
 तो गोमटेनि एके मानी । इंद्र ना मीं ॥ ५३ ॥
 तैसैं गा देहातीता । जालेयां देहवंतां ।
 हों लागे पांडुसुता । बाह्यज्ञानें ॥ ५४ ॥
 प्रवृत्तिशास्त्रें बुझे । यज्ञविद्या उमजे ।
 किंबहुना सुजे । स्वर्गु वेरीं ॥ ५५ ॥
 आणि हाणे आजि आन । मी वांचूनि नाहिं सज्ञान ।
 चातुर्यचंद्रगगन । माझें चित्त ॥ ५६ ॥
 ऐसैं सत्व सुखज्ञानीं । जीवासि लाउनि कान्ही ।
 बैलाची करी वानी । पांगुलाचेया ॥ ५७ ॥

रजो रागात्मकं चिद्धि तृष्णासंगसमुद्भवं ॥

तन्निबध्नाति कौंतेय कर्मसंगेन देहिने ॥ ७ ॥

आतां हा चि शरीरीं । रजे जिया परीं ।
 बांधिजे तें अवधारीं । सांधिजेल ॥ ५८ ॥
 हें जीवीं मोटकें रिगे । आणि कामाचां मार्गीं लागे ।
 मग वारेया वलवे । तृष्णेचिया ॥ ५९ ॥ नेथे
 हें रज यया चि कारणें । जें जीवातें रंजौं जाणे ।
 अभिलाखाचें तरुणें । सबाह्य गा ॥ १६० ॥
 आबुथुनि आगियालें । वज्राग्नीतें सांदुकिलें ।
 आतां बहू थेकुलें । आहे तेथ ॥ ६१ ॥
 तैसी खवलली भाड । होये दुःखा सकट गोड ।
 इंद्राग्नी ही सांकड । गर्मों लागे ॥ ६२ ॥
 तिया तृष्णा बाढिनलिया । मेरु ही हाता आलेयां ।
 ह्मणे वलवों एकादेया । दारुणा हीं ॥ ६३ ॥
 आजि असतें वेचिजेल । तरि पाहे काइ कीजेल ।
 ऐसा पांगीं वडील । व्यवसाय गा ॥ ६४ ॥
 जीविताची कुरवंडी । वोवाळुं लागे कवंडी ।
 मानी तृष्णाचिया जोडी । कृतकृत्यता ॥ ६५ ॥
 ह्मणे स्वर्गा हान जावें । तरि काइ तेथ खावें ।
 यया लागि धांवे । याग करूं ॥ ६६ ॥
 व्रता पाठिं व्रतें । आचरे इष्टापूर्तें ।
 काम्यें वांचूनि हातें । सीवे चि ना ॥ ६७ ॥
 ग्रीष्मांतिचा वारा । विसवों नेणे वीरा ।
 तैसा न ह्मणे व्यापारां । राति दिऊ ॥ ६८ ॥
 काइ चंचल मासा । कामिनीकटाक्षु काइसा ।
 वलला होये तैसा । बीजु नाहिं ॥ ६९ ॥

तेतुलेनि गा वेगें । स्वर्गसंसारुपांगें ।
 आगी माजि रिंगे । क्रियेचिया ॥ १७० ॥
 ऐसा देहीं देहा वेगला । ले तृष्णेचिया सांखला ।
 टोपु वाहे गलां । व्यापाराचा ॥ ७१ ॥
 हें रजोगुणाचें दारुण । देहिं देहियासि धारण ।
 परियसां विंदाण । तमाचें तें ॥ ७२ ॥

तमस्त्वज्ञानजं विद्धि मोहनं सर्वदेहिनां ॥
 प्रमादालस्यनिद्राभिस्तन्निवध्नाति भारत ॥ ८ ॥

व्यवहाराचे ही डोले । मंद जेणें पडलें ।
 मायारात्रिचें कालें । मेहुडें जें ॥ ७३ ॥
 अज्ञानाचें जियालें । जेया येका लागलें ।
 जेणें विश्व भुललें । नाचत असे ॥ ७४ ॥
 अविवेकमहामंत्र । जें मौढ्यमद्याचें पात्र ।
 हें असो मोहनास्त्र । जीवासि जें ॥ ७५ ॥
 पार्था तें गा तम । रचूनि ऐसें वर्म ।
 चौखुरी देहात्म । मानीयातें ॥ ७६ ॥
 हें ये बिकारि शरीरीं । मार्जो लागे चराचरीं ।
 आणि तेथ दुसरी । गोठी नाहिं ॥ ७७ ॥
 सर्वेद्रियां जाड्य । मना माझि मौढ्य ।
 माल्हांत दार्व्य । आलस्याचें ॥ ७८ ॥
 आंगमोडामोडी । कार्यजातां अनावडी ।
 नुसंते परिवडी । जांभैयांची ॥ ७९ ॥
 उघडिया चि दीठी । देखणें नाहि किरीटी ।
 नालवितां उठी । ओह्या ह्मणौनि ॥ १८० ॥
 पडिलिये ढोंडी । कोण कानी मुरडी ।
 तिया चि परिवडी । टलों नेणें ॥ ८१ ॥

पृथ्वी पाताला जाउ० । कां आकाश वारि एउ० ।
 परि उठावें ऐसा भाउ० । मनी नाहिं ॥ ८२ ॥
 उचितानुचित आघवें । झासुरतां हिं जीवें ।
 तोधिचा तेथ लोलावें । ऐसी मेघा ॥ ८३ ॥
 उभूनि करतलें । पडिघाये कपोलें ।
 पायांचें सिरालें । मांडूं लागे ॥ ८४ ॥
 आणि निद्राविधिं चांगु । जीवीं आथि लागु ।
 झोंपिं जांतां स्वर्गु । वाउ० ह्मणे ॥ ८५ ॥
 ब्रह्मायुषां होइजे । मग निजैलेयां चि असिजे ।
 हें वांचूनि दूजें । व्यसन नाही ॥ ८६ ॥
 वाटे जातां बुगें । कल्हातां हीं डोलें लागे । १/११/१
 अमृत ही परि नेघे । जरि नीद ए ॥ ८७ ॥
 तेविं चि आक्रोशबलें । व्यापारें कोण्हीं वेले ।
 तरि निगालें आंधलें । रोसैं जैसैं ॥ ८८ ॥
 केधवां कैसैं राहाटावें । कोणेंसिं काइ बोलावें ।
 हें टाकतें किं नांगवे । काहिं चि नेणे ॥ ८९ ॥
 वणवा मियां आघवा । पाखें चि पूसूनु नेयावा ।
 पतंगु इया हावां । घाली जेवि ॥ ९० ॥
 तैसा वळवे सहसा । अकारणीं धिक्सा ।
 किंबहुना ऐसा । प्रमादु रुचे ॥ ९१ ॥
 एवं निद्राआलस्यप्रमादीं । तम इहिं त्रिविधिं ।
 देहिं बांधे निरुपाधी । चोखटातें ॥ ९२ ॥

सत्त्वं सुखे संजयति रजः कर्मणि भारत ॥

ज्ञानमावृत्य तु तमः प्रमादे संजयत्युत ॥ ९ ॥

जैसा वन्हि काष्टीं भरे । तैदीसे काष्टाकारें । सा
 न्योम घटें आवरे । तें घटाकाश ॥ ९३ ॥

नाना सरोवर भरलें । तेथ चंद्रत्व बिंबलें ।
 गुणामासि बांधलें । ऐसे गमे ॥ ९४ ॥
 परिहरौनि कफवात । जें देहीं आटोपे पित्त ।
 तें करी संतप्त । देह जेवि ॥ ९५ ॥
 कां वर्षाति जैसे । जीणौनि शीत चि दीसे ।
 तेव्हलि होये हींवा ऐसे । आकाश हें ॥ ९६ ॥
 नाना स्वप्न जाग्रती । लोपूनि ये सुषुप्ती ।
 तै क्षणु येकु धृती । तें चि होये ॥ ९७ ॥
 तैसीं रजतमें हारवी । जें सत्व माजु मिरवी ।
 तैं जीवा करवि ह्मणवी । सुखिया नामीं ॥ ९८ ॥
 तैसें चि सत्व रज । लोपूनि तमा भोज ।
 वलघे तैं सहज । प्रमादिए होए ॥ ९९ ॥

रजस्तमश्चाभिभूय सत्त्वं भवति भारत ॥

रजस्सत्त्वंतमश्चैव तमः सत्त्वं रजस्तथा ॥ १० ॥

तिया चि गा परिपाटी । सत्वतमातें पोटी ।
 घालूनि जेव्हां उठी । रजोगुण ॥ २०० ॥
 तेव्हलां कमें वांचूनि काहीं । आन सौंदर चि नाही ।
 ऐसें मानी देहीं । देहराजु ॥ १ ॥
 पै रजतमविजैये । सत्व गा देहीं ह्ये ।
 वाढतां चिन्ह तिथे । ऐसीं होति ॥ २ ॥

सर्वद्वारेषु देहेस्मिन्प्रकाश उपजायते ॥

ज्ञानं यदा तदा विद्याद्विवृद्धं सत्वमित्युत ॥ ११ ॥

जें प्रज्ञा आंतुलीकडे । न समांत बाहिरि बोंसडे ।
 वसंति पद्मखंडें । द्रुति जेवि ॥ ३ ॥
 सर्वेद्रियां आंगणीं । विवेकु करी रावणी ।
 साच चि करचरणीं । होति डोले ॥ ४ ॥

राजहंसा पुढें । चांचु वेंची आगरडे ।
 तोडी जेवि झगडे । क्षीरानिराचे ॥ ५ ॥
 तेवि दोषादोषविवेकीं । इंद्रियें चि होंति पारखीं ।
 नियमु बा रे पाइकी । उल्लगे तैं ॥ ६ ॥
 नाइकर्णे तैं कानू चि वाली । न पाहार्णे तैं दीमी चि गाली ।
 अवाच्य तैं तें टाली । जीभ चि गा ॥ ७ ॥ जा
 वाती पुढां जैसे । पलों लागे कालवखें ।
 निषिद्ध इंद्रियां तैसें । समोर नोहे ॥ ८ ॥
 धाराधरकालें । महानदी उचंबले ।
 तैसी बुद्धि पघले । शास्त्रजातीं ॥ ९ ॥
 आगा पूर्णमेचां दिसिं । चंद्रप्रभा आकाशिं ।
 ज्ञानवृत्ति तैसी । फांके सैध ॥ १० ॥
 वासना एकावटे । प्रवृत्ति वोहटे ।
 मन वावटे । सुखा वारि ॥ ११ ॥
 एवं सत्व वाढे । तैं हें चिन्ह फुडें ।
 आणि निधन हीं घडे । तेन्हालां जरि ॥ १२ ॥
 तरि जैं चि धरि संपत्ति । तैं चि उदार मनोवृत्ति ।
 मां परत्र आणि कीर्त्ति । होये पै गा ॥ १३ ॥
 कां पाहालेनि सुयार्णे । जालेयां परगुणें ।
 पढियेंतें ये पाहुणे । स्वर्गौनियां ॥ १४ ॥
 मग गोमटेया तेया । जालि आशीं धनंजया । १५
 तेवि सत्वीं जाणें देहियां । कें आधि गा ॥ १५ ॥
 जें परगुणीं उद्धट । घेउनि सत्व चोखट ।
 नीगे सांझनि कोपट । भोगक्षाम हें ॥ १६ ॥
 अवचटें ऐसा जो जाये । तो सत्वाचा चि न्वा होये । मग
 किंबहुना जन्म लाहे । ज्ञानियां माक्षि ॥ १७ ॥

सांघ पां धनुर्द्धरा । रा३० रायेपणें डोंगरा ।
 गेलैया अपुरा । होये काइ ॥ १८ ॥
 नातारि एथिचा दीवा । नेला सेजेया गावां ।
 तो तेथ तरि पांडवा । दीपू चि किं ॥ १९ ॥
 तैसी तेथ सत्वशुद्धी । आगलें ज्ञानासि उधी ।
 तरंगा३० लागे बुद्धी । विवेका वारि ॥ २२० ॥
 पै महदादिपरिपाटी । विचारुनु सेवटीं ।
 विचारा सकट पोटीं । जिरें जेया ॥ २१ ॥
 सत्तिसां सत्ततिसांवे । चोविस पंचविसांवे ।
 तिहिं पुरौनि स्वभावे । चतुर्थ जें ॥ २२ ॥
 ऐसें सर्व जें सर्वोत्तम । जालें असे सुगम ।
 तेया सर्वे निरूपम । लाहे देह ॥ २३ ॥

लोभः प्रवृत्तिरारंभः कर्मणामशमस्पृहा ॥

रजस्येतानि जायंते विवृद्धे भरतर्षभ ॥ १२ ॥

मग इया चि परी देख । तमसत्वा अधोमुख ।
 बैसौनि जें आगलीक । धरी रज ॥ २४ ॥
 आपुलेया कार्याचा । धुमाडु गाविं देहाचा ।
 माजवी तें चिन्हाचा । उदो ऐसा ॥ २५ ॥
 पांजरली कां वाहुटली । करी वेगळ वेटाली ।
 तैसी विषई सरळी । इंद्रियां होये ॥ २६ ॥
 परदारादि करावें पडे । परि विरुद्ध ऐसें नावडे ।
 मन सेलियेचेनि तोंडें । सैघ चारी ॥ २७ ॥
 हा ठावो वेन्हीं लोभ । करी स्वैरत्वाचा राबु ।
 वेटालितां अलाभ । तें तें उरे ॥ २८ ॥
 आणि आड पडिलेयां । उद्यमजातां भलेंतेया ।
 प्रवृत्ति धनंजया । हातु न कढी ॥ २९ ॥

तेविं चि एकाधा प्रसादु । कां करावा अश्वमेधु । २२० ॥
 ऐसा अचाटू चि संदू । घेउनि उठी ॥ २२० ॥
 नगरें चि रचावीं । महावनें चि लालावीं । २१ ॥
 जलाशयें निर्मावीं । नानाविधें ॥ २१ ॥
 ऐसैसां अफांटीं कर्मी । समारंभ-उपक्रमी ।
 आणि दृष्टदृष्टकर्मी । पुरें नाही ॥ २२ ॥
 सागरु ही सांडी पडे । आंगि न लाहे तीनि कवडे । २३ ॥
 ऐसैं अभिलाषीं जोडे । दुर्भरत्व ॥ २३ ॥
 स्पृहा मनां पुढपुढां । आशेचा घे दवडा ।
 विश्व घापे चाडा । पायां तलीं ॥ २४ ॥
 इत्यादि वाढतां रजीं । इयें चिन्हें होंति सहजीं ।
 आणि ऐसेया माझी । वेचे जरि ॥ २५ ॥
 तारि आघवां इहीं । परिवारला देहीं ।
 रिगे परिं योनी हीं । मानुषे चि ॥ २६ ॥
 सुरुवाडेंसि भिखारी । वसो पां राजपुरीं ।
 तज्हीं तो काडू अवधारीं । राऊ होईल ॥ २७ ॥
 बैलासि कडबाडें । हें न चुके गा फुडें ।
 नेइजो पां वज्हाडें । मले तैसां ॥ २८ ॥
 हणौनि व्यापारा हातीं । उकळु दिहा ना राती ।
 तैसेयांचिये पांती । जुंपिजे तो ॥ २९ ॥
 कर्मजडांचां ठाई । किंबहुना होये देहीं ।
 जो रजोवृद्धिचां डोही । बुडौनि निमे ॥ २४० ॥

अप्रकाशो प्रवृत्तिश्च प्रमादो मोह एव च ॥

तमस्येतानि जायंते विवृद्धे कुरुनंदन ॥ १३ ॥

मग तैसा चि पुडुती । रजा सत्ववृत्ती ।

गीद्वनि जै ये उलती । तमोगुण ॥ ४१ ॥

तैं जियें लिंगें । देहाचें सबाह्य सांघे ।
 तें परियस चांगें । श्रोत्रबलें ॥ ४२ ॥
 तरि ऐसें होये मन । जैसें रविचंद्रें हीन ।
 रातिचें गा गगन । अवसेचिये ॥ ४३ ॥
 तैसें अंतर असोस । होये स्फूर्तिहीन उद्वस । आश
 विचाराची भास । हारपे तैं ॥ ४४ ॥
 बुद्धि मेचुवे ना ढोंडी । हा ठाऊ मौवाले सांडी ।
 आठळ देशघडी । जाला दीसे ॥ ४५ ॥
 अविवेकाचेनि मार्जे । सपाई शरीर गाजे ।
 एकलेनि घेपे दीजे । मौढ्यें तेथ ॥ ४६ ॥
 आचारभंगाचीं हाडें । रूपति इंद्रियां पुढें ।
 मरे जरि तेणें कडें । क्रिया जाये ॥ ४७ ॥
 पै आणिक ही एक दीसे । जे दुष्कृतीं चित्त उसासे ।
 आंधारीं देखणें जैसें । डुडुलांचें ॥ ४८ ॥
 निषिद्धाचेनि नावें । भलेतें हीं भरें हावे ।
 तिये विधिं धावे । घेंति करणें ॥ ४९ ॥
 मदिरा नेघतां दूले । सन्निपातें विण बोले ।
 निःप्रेमें चि भूले । पीसें जैसें ॥ २५० ॥
 चित्त तरि गेलें आहे । परि उन्मनी ते नोहे ।
 ऐसें माव्हांथिलें मोहें । माजिरेनि ॥ ५१ ॥ नी
 किंबहुना ऐसींऐसीं । चिन्हें गा तमा पासीं ।
 जें वाढे आइतिसिं । आपुलिया ॥ ५२ ॥
 आणि हें चि वायप्रसंगें । मरणाचें जरि खार्गे ।
 तरि तेतुलेन हीं निगे । तमेंसिं तो ॥ ५३ ॥
 राई रायिपण बीजीं । सांठौनि आंग ल्यजी ।
 मग विरूढे तैं दूजी । गोठि आहे ॥ ५४ ॥

पैं होउनि दीपकलिका । एरु आगि विज्ञो कां ।
 ते लागैल तेथ असिका । तो चि आहे ॥ ५५ ॥
 ह्यणौनि तमाचिये लोथे । बांधौनियां संकल्पातें ।
 देह जाये मागुतें । तमाचें होये ॥ ५६ ॥
 आतां काइ येणें बहुवें । तो तमोवृद्धी मृत्यु लाहे ।
 तो पशु कां पक्षा होये । झाड क्रिमि ॥ ५७ ॥

यदा सत्त्वे प्रवृद्धे तु प्रलयं याति देहभृत् ॥
 तदोत्तमविदालोकानमलान्प्रतिपद्यते ॥ १४ ॥

येणें चि कारणें । जें निफजे सत्वगुणें ।
 तें सुकृत ऐसें ह्यणे । श्रौतसमो ॥ ५८ ॥ शास्त्रसमो
 ह्यणौनि तेया निर्मळ । सुखज्ञानीं सरल ।
 अपूर्व एक फल । सात्विक तें ॥ ५९ ॥

रजसि प्रलयं गत्वा कर्मसंगिषु जायते ॥
 तथा प्रलीनस्तमसि मूढयोनिषु जायते ॥ १५ ॥

मग राजसा क्रिया । तिया इंद्रावणी सांसिनलिया ।
 जें सुखें चितारुनियां । फलति दुःखें ॥ ६० ॥
 कां निबोलियेचें पीक । वरि गोड आंतु विष ।
 तैसें राजस देख । क्रियाफल ॥ ६१ ॥
 तामस कर्म तेतुकें । अज्ञानफलें चि पीके ।
 विषांकुर विषें । जिया परीं ॥ ६२ ॥

कर्मणः सुकृतस्याहुः सात्विकं निर्मलं फलं ॥

रजसस्तु फलं दुःखमज्ञानं तमसः फलं ॥ १६ ॥

ह्यणौनि बां रे अर्जुनां । एथ सत्त्व चि हेतु ज्ञाना ।
 जैसा कां दिना । सूर्य हा ॥ ६३ ॥
 आणि तैसें चि हें जाण । लोभासि रज कारण ।
 आपुलें विस्मरण । द्वैता जेवि ॥ ६४ ॥

मोहो अज्ञाना प्रमादा । एयां मिललेयां दोषवृंदां ।
 पुडुतीं पुडुतीं प्रबुद्धा । तम चि मूल ॥ ६५ ॥
 ऐसें विचाराचां डोलां । तीन्हीं गुण हे वेलेवेलां ।
 पाहिजे जैसा आवला । तलहातिचा ॥ ६६ ॥

सत्वात्संजायते ज्ञानं रजसो लोभ एव च ॥
 प्रमादमोहौ तमसो भवतो ज्ञानमेव च ॥ १७ ॥

तवं रजतमें दोन्हीं । देखिलीं प्रौढें पतनीं ।
 आणि सत्व वांचूनि नेनीं । ज्ञानाकडे ॥ ६७ ॥
 हणौनि सात्विकी चि वृत्तीं । एक जाले जन्मव्रती ।
 सर्वत्यागें चतुर्थीं । भागवत जैसे ॥ ६८ ॥ ^{भागवत}
 तैसे सत्वाचेनि नडनाचें । असणें जाणें तेयांचें ।
 ते तनूत्यागीं स्वर्गिचे । राये होंति ॥ ६९ ॥
 इया चि परी पै रजें । जिहिं कां जीजे मरिजे ।
 तिहिं मनुष्यां होइजे । मृत्युलोकिं ॥ ७० ॥
 तेथ सुखदुःखाचें खिचटें । जेविजे येकें चि ताटें ।
 जेथ इये मरणवटे । पडिलें नूठी ॥ ७१ ॥
 आणि तिया चि स्थिती तमीं । जे वाढौनि मोडौनि क्षमीं ।
 ते घेंति नरकभूमी । मूलपत्र ॥ ७२ ॥
 एवं वस्तुचिया सत्ता । त्रिगुणासि पांडुसुता ।
 दाविली साकार्यता । आघवी चि हे ॥ ७३ ॥

ऊर्ध्वं गच्छति सत्वस्था मध्ये तिष्ठति राजसाः ॥
 अधो गच्छति तामसाः ॥ १८ ॥

पै वस्तु वस्तुत्वे असिकें । तें आपण चि गुणां सारिखें ।
 देखौनि कार्यविशेषें । अनुकरे गा ॥ ७४ ॥
 जैसें कां स्वामीं पारिवाजे । जें राउमीं हें देखिजे ।
 तें हारि जैत होइजे । आपण चि ॥ ७५ ॥

तैसें मध्य ऊर्ध्व अध । हे जे गुणत्रिमेद ।
 ते वृत्ती वांचूनि शुद्ध । वस्तु चि असे ॥ ७६ ॥
 परि हे वाहणी असो । तन्हीं तुज आन न दीसो ।
 परियसैं ते सांघतसों । मागिलि गोठि ॥ ७७ ॥

नान्यं गुणेभ्यः कर्त्तारं यदा द्रष्टानुपश्यति ॥

गुणेभ्यश्च परं वेत्ति मद्भावं सोधिगच्छति ॥ १९ ॥

तारि ऐसैं निजनिजें । सामर्थ्ये तीन्हीं सहजें ।
 होंति देहन्याजें । गुण चि हे गा ॥ ७८ ॥
 इंधनाचेनि आकारें । अग्नि जैसा अवतरे ।
 कां आवगे तरुवरें । भूमिरसु ॥ ७९ ॥
 नाना दहियांचेनि मीसैं । परिणामे दूध जैसैं ।
 कां मूर्त्त होये ऊंसैं । गोडी जेवि ॥ ८० ॥
 तैसें हें सांतष्करण । देह चि होंति गुण ।
 ह्यणौनि बंधा कारण । घडे किर ॥ ८१ ॥
 परि चोज हें धनुर्द्धरा । जें येवडां इये गुंफिरां ।
 मोक्षाचा संवसारा । गुणा न्हवे ॥ ८२ ॥
 गुण आपुलालेनि धर्में । देहिचें माघुतसाउमें । अग
 चालितां न खोमे । गुणातीतता ॥ ८३ ॥
 ऐसी मुक्ति असे सहज । आतां परियसों तुज ।
 तें तूं ज्ञाना बुद्ध । द्विरेफु किं ॥ ८४ ॥
 आणि गुणीं गुणां जोगें । चैतन्य नोहे हें मार्गें ।
 बोलिलें तें खार्गें । तेवि चि हें ॥ ८५ ॥
 तारि पार्थातें ऐसैं । बोधलेनि जीवें दीसे ।
 स्वप्न कां जैसैं । चेइलेनि ॥ ८६ ॥
 नातरि आपणपें जलीं । बिंबलें तीरींहुनि कली ।
 चलन होंत कल्लोलीं । अनेकधा ॥ ८७ ॥

कां नटलेनि लाघवें । नटु जैसा न झंकवे ।
 तैसे गुणजात देखवे । न्हवौनियां ॥ ८८ ॥
 रितुत्रय आकाशें । धरुनियां जैसे ।
 नैदिजे चि येअ वोंसे । वेगलेपणें ॥ ८९ ॥
 तैसे गुणि गुणां परौतें । जें आपणपें असे आइतें ।
 तिये अहं बैसे अहंते । मूलिके चि जें ॥ २९० ॥
 पाथी तैं तेथौनि मग पांतां । ह्मणे साक्षी मी अकर्ता ।
 हे गुण चि क्रियाजाता । नियोगी ना ॥ ९१ ॥
 सत्वरजतमाचां । भेदीं पसरु कर्माचा ।
 होतसे तो गुणाचा । विकारु हा ॥ ९२ ॥
 एया माझि मीं ऐसा । वनीं कां वसंतु जैसा ।
 वनलक्ष्मीविलासा । हेतुभूत ॥ ९३ ॥
 कां तारागणीं लोपावें । सूर्यकांतें उद्दीपावें ।
 कमलीं विकाशावें । जावें तमें ॥ ९४ ॥
 इयें कोणहाचीं काजें कहीं । सविता जैसीं नाहीं ।
 तैसा अकर्ता मीं देहीं । सत्तारूप ॥ ९५ ॥
 मी दाउनि गुण देखें । गुणता हे मियां पोखे ।
 एयाचेनि निःशेषें । उरे तें मीं ॥ ९६ ॥
 ऐसेनि विवेकें जेया । उदौ होये धनंजया ।
 ये गुणातीतत्व तेया । ऊर्ध्वपथें ॥ ९७ ॥
 आतां निर्गुण असे आणिक । तें तो जाणे हें अचूक ।
 जें ज्ञान केलें ठीक । तेया चि वरि ॥ ९८ ॥
 किंबहुना पांडुसुता । ऐसा तो माझिया सत्ता ।
 पावे जैसी सरिता । सिंधुत्व गा ॥ ९९ ॥
 नलिके वरौतु उठिला । जैसा शुकु शाखे बैसला ।
 तैसा मूलअहंते ठेला । तो ह्मणौनि ॥ ३०० ॥

आगा अज्ञानांचिया नीदा । घोरतु होंता तत्वधा ।
 तो सस्वरूपिं प्रबोधा । चेइला किं ॥ १ ॥
 पै बुद्धिभेदाचा आरिसा । तेया हातूनि पडिला वीरेशा ।
 हाणौनि प्रतिमुखाभासा । मूकला तो ॥ २ ॥
 देहाभिमानाचा वारा । आतां वाजो ठेला वीरा ।
 तै एक्यवीचिसागरा । जीवेशा होये ॥ ३ ॥
 हाणौनि मद्गावेंसिं । पाविजे तेणें सारिसिं ।
 वरिषांतिं आकाशीं । घनें जेवि ॥ ४ ॥
 तेवि मी होउनि निरुता । मग देहीं चि ह्ये असतां ।
 नांगवे देहसंभूतां । गुणासि तो ॥ ५ ॥
 जैसा भिंगाचेनि घरे । दीपप्रकाशु नावरे ।
 कां न विझे चि सागरे । वडवानल ॥ ६ ॥
 तैसा आलां गेलां गुणांचा । बोधु न मैले तेयाचा ।
 तो देहीं जैसा व्योमिचा । चंद्र जलीं ॥ ७ ॥

गुणानेतानतीत्य त्रीन्देही देहसमुद्भवान् ॥

जन्ममृत्युजरादुःखैर्विमुक्तोमृतमश्नुते ॥ २० ॥

तीन्ही आपुलिया प्रौढी । देह नाचवीति बागडी ।
 तो पाहों न घडी । अहंतेतें ॥ ८ ॥
 हा ठाऊ वेन्हीं । निहटौनि गेला अंतरीं ।
 आतां काइ वर्ते शरीरीं । कांहीं नेणे ॥ ९ ॥
 सांडूनि आंगिची खोली । सर्पु रिगालेयां पातालीं ।
 ते त्वचा कोण सांभाली । तैसें जालें ॥ १० ॥
 कां सोरभ्यजीर्ण जैसा । आमोदु मीलौनियां आकाशा ।
 माघारा कमलकोशा । ऐ चि ना ॥ ११ ॥
 पै सस्वरूपसमरसें । तेया ही गा जालें तैसें ।
 तेथ किंघर्म हें ऐसें । नेणे देह ॥ १२ ॥

हणौनि जन्मजरामरण । इत्यादि साईं गुण ।
 ते देहीं चि ठेले कारण । नाहीं तेया ॥ १३ ॥
 घटाचिया खापरिया । घटाचां भारीं फोडिलेयां ।
 मा आकाश आपैसेया । जालें चि असे ॥ १४ ॥
 तैसी देहबुद्धि जाये । जें आपणपें आठौ होये ।
 तैं आन काहिं आहे । तें वांचूनि ॥ १५ ॥
 येणें थोरें बोधलेपणें । तेया गा देहीं असणें ।
 हणौनि तो मी हणें । गुणातीतु ॥ १६ ॥
 येया देवाचेया बोला । पार्थु अति सुखावला ।
 मेघें संबोविला । मयूरु जैसा ॥ १७ ॥

अर्जुन उवाच ॥

कैलिंगैस्त्रीगुणानेतानतीतो भवति प्रभो ॥

किमाचारः कथं चैतांस्त्रीगुणानतिवर्त्तते ॥ २१ ॥

तेणें तोषें वीरु पूसे । जी कोणी चिन्हि तो दीसे ।
 जेया माझि वसे । ऐसा बोधु ॥ १८ ॥
 तो निर्गुण काइ आचरे । कैसेनि गुण निस्तरे ।
 सांघिजो हें माहोरें । कृपेचेनि ॥ १९ ॥

श्रीभगवानुवाच ॥

प्रकाशं च प्रवृत्तिं च मोहमेव च पांडव ॥

न द्वेष्टि संप्रवृत्तानि न निवृत्तानि कांक्षति ॥ २२ ॥

येया अर्जुनाचेया प्रश्ना । तो षड्गुणाचा राणा ।
 परिहार आकर्णा । बोलतु असे ॥ २२० ॥
 हणें हे पार्था तूही नवाई । येतुलें चि पूससी काई ।
 तें नावें चि तेया पाई । साचळ ठुके ॥ २१ ॥

गुणातीतु जेया नावं । तो गुणाधीनु तरि न्हवे ।
 ना मा होये तरि नांगवे । गुणा येयां ॥ २२ ॥
 परि आधीनु कां नांगवे । हें चि कैसेनि जाणावें ।
 गुणाचिये उरवरेवे । माझि असतां ॥ २३ ॥ उरवरेवे उरवरेवे
 हा संदेहो जरि वाहांसी । तरि सुखें प्रसों लाहासि ।
 परियस आतां तेयासि । रूप करुं ॥ २४ ॥
 तरि रजाचेनि माजें । देहिं कर्माचें आणोजें । आपण ओसें
 प्रवृत्ती जें घेइजे । वेंटाळनि ॥ २५ ॥
 तें मीं चि ना कर्मठु । ऐसा नैये श्रीमाठु । मठु
 कां दरिद्रबुद्धी वीठु । तो ही नाहिं ॥ २६ ॥
 अथवा सत्वे चि अधिकें । जें सर्वेद्रीं ज्ञान फांके ।
 पो तें सुविद्यता न तोखे । उभजे ही ना ॥ २७ ॥
 कां वाढिनलेनि तमें । गीलेजे मोहभ्रमें ।
 न तें अज्ञानत्वे श्रमे । घेणें हिं नाहिं ॥ २८ ॥
 पै मोहाचां अवसरीं । ज्ञानाची चाड न धरी ।
 ज्ञानीं कमें नादरीं । होंतां ना दुःखी ॥ २९ ॥
 सायंप्रातमध्यान्हा । येयां तीहीं कालांची गणना ।
 नाहिं जेवि तपना । तैसा असे ॥ ३० ॥
 तेया वेगळें चि काइ प्रकाशे । ज्ञानित्व येयावें असे ।
 काइ जळार्णउ पाउसें । साजा होए ॥ ३१ ॥
 नां प्रवर्तलेनि कमें । कर्मित्व तेया कां गमे ।
 साचें हिमवंतु हीमें । कांपे काइ ॥ ३२ ॥
 नातरि मोहो आलेयां । काइ पां रुसिजेल तेया ।
 हांगा आगितें उन्हालिया । जालवतसे ॥ ३३ ॥
 तैसें गुणकार्य हें । आघवें आपण चि आहे ।
 झणौनि येकेंकें नेहे । ताडातोडि ॥ ३४ ॥

येवढिया गा प्रतीती । जो देहा आला असे वस्ती ।
वाटे जातां गुंती । माझि जैसा ॥ ३५ ॥

उदासीनवदासीने प्रेयेणें न विचाल्यते ॥
गुणा वर्तून हलेसं थोरसिद्धति नेंगते ॥ ३६ ॥

तो जीणता ना हारवी । तैसा गुण न्हवे ना करवी ।
जैसी कां सोणवी । तेंतणीं तैसा ॥ ३६ ॥

आणि गुणाचां थावावा । टले चले ना पांडवा ।
गृगजलाचा हेलावा । तैसा जैसा ॥ ३७ ॥

हें बहू काडू गोळिजे । जेणेनं बरोनि न बचिजे ।
कां सूर्यु न गिळिजे । लंघकारें ॥ ३८ ॥

स्वप्न गा जेया परी । जागतेवस्तें न सितरी ।
गुणिं तैसा अवधारीं । न चलिजे तो ॥ ३९ ॥ व

गुणा किर नातुळे । पाहू दूरीने पाहे जें कोडें ।
तैं गुण देखे सांगुडे । जणु जैसा ॥ ४० ॥

सत्त्वधर्म सात्विकीं । एत तें अविशेषीं ।
तम मोहादिकीं । वर्तत असे ॥ ४१ ॥

परि माझिया सत्ता । एत गुणक्रिया समस्ता ।
हें फुडें जाणे सविता । जैसा जेवि ॥ ४२ ॥

समुद्र चि भरति । तो कांता चि झवति ।
कुमुदें पसरति । जणु तो उता ॥ ४३ ॥

कां वारा चि वाजे वी । जणु निश्चलां असिजे ।
तैसा गुणाचिये गजकारें । लीले ना जो ॥ ४४ ॥

समदुःखमुक्तः सत्त्वः समलोद्यमकांचनः ॥

तुल्यविद्यदिवी । तिरहुत्यनिवात्मसंस्तुतिः ॥ ४५ ॥

अर्जुना येणें लक्षणें । जो वा पत्नीतु गग जाणणें ।

परिस आतां आचरणें । तैसा तैथें ॥ ४५ ॥

तरि वच्चासि पाठीपोठी । नाहि पुत्र दांढूनि किरीटी ।
 तैसेनि सुये दीठी । चराचरा ॥ ४९ ॥
 झणौनि मुखदुःखा सरिस । कांटे आचरे ऐसे ।
 रिपुभक्तां जैसे । हरीचें देणें ॥ ५० ॥
 यन्हविं तन्हीं साहाजे । सुखदुःख तें चि व्यजे ।
 देहजलीं होइजे । मासली जेनी ॥ ५१ ॥
 आतां तें तव तेणें सांडिणें । आस सस्रभें चि मांडिणें ।
 सस्यांतीं निवडिणें । बीज जैसे ॥ ५२ ॥
 कां उभु सांडूनि गंगा । रिवाली समुद्रावेया आंगा ।
 ते निस्तरे लगवया । खळाळांवी ॥ ५३ ॥
 तेवि आपणपें चि जेया । पुरित जाली मा धनंजया ।
 तेया देहीं आपैसेया । सुख जेते दुःख ॥ ५४ ॥
 रात्रि तैसें पाहालें । हें वारया जेणे एक जालें ।
 आत्मारामा देहा आलें । हें तें ॥ ५५ ॥
 पै निद्रिताचेनि आंगेंसि । तें तें ॥ ५६ ॥
 तेवि स्वरूपस्था सरिसीं । तें तें ॥ ५७ ॥
 झणौनि तेयाचां ठांड । तेयां तें तें निघेड नाहि ।
 रत्ना गुंडेया काहि । नेमिरे तें ॥ ५८ ॥
 घरा येउ पां स्वर्गु । कां परिपत्र बाधु ।
 परि आत्मबुद्धिसंभोगु । तें तें ॥ ५९ ॥
 निवटलें नुपहुडे । जलिनलें तें तें ॥ ६० ॥
 साम्यबुद्धि न मोडे । तें तें ॥ ६१ ॥
 हा ब्रह्मा ऐसेनि स्तुतिजो । कां तें तें झणौनि निदिजो ।
 परि नेणे जलों विज्ञों । तें तें ॥ ६२ ॥
 तैसा निंदा आणि स्तुती । नेणे दोघेही चि व्यक्ती ।
 नाहि आंधारेया वाती । तें तें ॥ ६३ ॥

मानापमानयोस्तुल्यस्तुल्यो मित्रारिपक्षयोः ॥

सर्वारंभपरित्यागी गुणातीतः स उच्यते ॥ २५ ॥

ईश्वरबुद्धी पूजिला । चोर हणौनि गाजिला ।

वृषगर्जी वेशिला । केला राउ ॥ ५९ ॥

सुन्दद पासि आले । अथवा वैरी वर जाले ।

परि नेणे रात्रि पाहलें ॥ तेज जेवि ॥ ३६० ॥

षडरितू येतां आकाशें । लिपिजे चि ना जैसैं ।

तेवि वैषम्य मानसैं । जाणिजे चि नां ॥ ६१ ॥

आणिकु ही येकु पाहीं । आचार तेयाचां ठाई ।

तारि व्यापारां नाहीं । जालें दीसे ॥ ६२ ॥

सर्वारंभा उटकलें । प्रवृत्तिचें तेथ मावले ।

जलति कां कर्मफलें । तें तें चि योजी ॥ ६३ ॥

दृष्टदृष्टाचेनि नावें । भाउ चि जीविं तुंगवे ।

सेविजे स्वभावें । पै तें होये ॥ ६४ ॥

सुखा ना सीणु नेणे । पाखाणु जेणें मानें ।

तैसी सांडिमांडि मनें । वर्जिली असे ॥ ६५ ॥

आतां केती हा चि विस्तार । जाणे ऐसा आचार ।

तेयातें तो चि साचार । गुणातीतु ॥ ६६ ॥

गुणातें अतिक्रमणें । घडे उपायें जेणें ।

तो आतां आइक हणो । कृष्णनाथु ॥ ६७ ॥

मां च योव्यभिचारेण भक्तियोगेन सेवते ॥

स गुणान्समतीत्यैतान्ब्रह्मभूयाय कल्पते ॥ २६ ॥

तारि व्यभिचाररहितें । भक्तियोगें मातें ।

सेवी तो गुणातें । जाकलूं सके ॥ ६८ ॥

परि कोणु मी कैसी भक्ति । व्यभिचारा काइ व्यक्ति ।

हे आववी चि निरुति । होआवी लागे ॥ ६९ ॥

तरि पार्था परियसां । मीं तवं एथ ऐसा ।
 रत्नीं कीलाउं जैसा । रत्न चि तो ॥ ३७० ॥
 कां द्रवपण चि नीर । अवकाशू चि अंबर ।
 गोडी ते चि साकर । दोनि नाहिं ॥ ३७१ ॥
 वन्हि ते चि जाल । दला चि नावं कमल ।
 रूखु ते चि डाहाळ- । फलादिक ॥ ३७२ ॥
 आगा हीं आलिखलें । तें हिमवंतु जेवि जालें ।
 नाना दूध मुरालें । दध्याकारें ॥ ३७३ ॥
 तैसें विश्व एणें नावें । हें मिं चि पैं आघवें ।
 आतां चंद्रबिंब सोलावें । न लगे जेवि ॥ ३७४ ॥
 घृताचें धिनलेपण । न मोडितां घृत चि जाण ।
 कां नाटितां कांकण । सोनें चि तें ॥ ३७५ ॥
 मुकलितं पटु । तंतू चि आहे स्पष्ट ।
 नवा विरचता घटु । पृथ्वी न्हवे ॥ ३७६ ॥
 झणौनि विश्वपण जावें । मग मातें घेयावें ।
 तैसा न्हवे आघवें । सकट चि मीं ॥ ३७७ ॥
 ऐसेनि मातें जाणिजे । तें जाणीवभक्ति हाणिजे ।
 एथ भेटु काहिं देखिजे । व्यभिचार तो ॥ ३७८ ॥
 येया कारणें भेदातें । सांडूनि अखंडें चित्तें ।
 आपणेयां सकट मातें । जाणावें गम ॥ ३७९ ॥
 पार्था सोनेयां टीक । सोनां चि लागली देख ।
 तैसें आपणपें आणिक । मानावें ना ॥ ३८० ॥
 तेजाचा तेजौनि निगाला । परि तेजीं असे लागला ।
 तेया रस्मी ऐसा भला । बोधु होआवा ॥ ३८१ ॥
 पैं परिमाणु भूतलीं । हिमकणु हिमाचलीं ।
 मज माझि निहालीं । आहे तैसें ॥ ३८२ ॥

हो कां तरंगु लाहानु । परि सिंधुसिं नाहिं भिनु ।
 तैसा ईश्वरीं मीं आनु । नोहें चि नां ॥ ८३ ॥
 ऐसेनि गा समरसें । दृष्टि जै उल्हासे । जे
 ते पै भक्ति ऐसें । आहिं ह्मणों ॥ ८४ ॥
 आणि ज्ञानाचें चांगारें । इये चि दृष्टी नारें ।
 योगाचें हिं आघवें । सर्वस्व हें ॥ ८५ ॥
 सिंधू आणि जलधरा । माझि लागलिया जेवि धारा ।
 तैसी वृत्ति वीरा । प्रवर्त्ते ते ॥ ८६ ॥ तें
 कां कुहेसिं आकाशा । तोडिं सांदा नाहिं जैसा ।

भा०भ० तो परमरसु तैसा । एकवटे ॥ ८७ ॥
 पै प्रतिबिंबौनि बिंब वेरीं । प्रभेची जैसी उजिरी ।
 ते सोहंवृत्ति अवधारीं । तैसी होये ॥ ८८ ॥
 ऐसेनि मग परस्परें । ते सोहंदृष्टि जै अवतरे ।
 तें तिये ही सकट सरे । आपैसेया ॥ ८९ ॥
 जैसा सैधवाचा रवा । सिंधू माझि पांडवा ।
 विरालेयां विरावा । हें इं ठाके ॥ ९० ॥
 नातरि जाद्वनि तृण । वन्हि वीझे आपण ।
 तैसें भेदु नासूनि जाण । ज्ञान घडे ॥ ९१ ॥
 माझे पैलपण जाये । भक्तु हें अइळ ठाए ॥
 अनादि ऐक्य जें आहे । तें चि निवडे ॥ ९२ ॥
 आतां गुणातीतु तें किरीटी । जाण इया न्हवति गोठी ।
 जें एकपणा ही मीठी । पडों सरळी ॥ ९३ ॥
 किंबहुना ऐसी दशा । तें ब्रह्मत्व गा सुदंसा ।
 हें तो पावे जो ऐसा । मातें मजे ॥ ९४ ॥
 पुढुतीं इहीं लिगीं । भक्तु जो माझा जर्गी ।
 हे ब्रह्मता तेया लागि । पतिव्रता ॥ ९५ ॥

जैसे गंगेचेनि उधें । ढलमलीत जें निगे ।
 सिंधुपद तेया जोगें । आन नाही ॥ ९६ ॥
 तैसा ज्ञानाचिये दीठी । जो मातें सेवी किरीटी ।
 इये ब्रह्मतेचां मुगुटीं । चूडारत्न तो ॥ ९७ ॥
 येया ब्रह्मत्वासी चि पार्था । सायुज्य ऐसी व्यवस्था ।
 येया चि नावं चौथा । पुरुषार्थु गा ॥ ९८ ॥
 परि माझें आराधन । ब्रह्मत्वीं होये सोपान ।
 येथ मीं हान साधन । गमेल हें ॥ ९९ ॥

ब्रह्मणो हि प्रतिष्ठाहममृतस्याव्ययस्य च ॥

शाश्वतस्य च धर्मस्य सुखस्यैकांतिकस्य च ॥ १०० ॥

तरि ज्ञनें ऐसें । तूझां चित्तीं प्रवेशे ।
 पै ब्रह्म आन असे । मीं वांचूनि ॥ १०० ॥
 पै मंडल आणि चंद्रमा । दोनि न्हवति सुवर्मा ।
 तैसा मज आणि ब्रह्मा । भेदु नाही ॥ १ ॥
 आगा नित्य जें निष्कंप । अनव्रत धर्मरूप ।
 सुख जें उमप । अद्वैत जें ॥ २ ॥
 विवेकु आपुलें काम । सांडूनि ठाकिजे धाम ।
 तें निकर्षाचें निःसीम । किंबहुना मीं ॥ ३ ॥
 ऐसेंऐसें हें अवधारं । अनन्याचा तो सोयरा ।
 सांघतसे धनुर्द्धरा । पार्थासि ॥ ४ ॥
 तेथ धृतराष्ट्र हाणे । संजया हें तूतें कवणें ।
 प्रसिलें पै वायाणें । कां गा बोलिलासि ॥ ५ ॥
 माझी अवसरचिंता फेडीं । साधें विजयाची गुढी ।
 तव येरु हाणे सांडीं । हे गोठि आतां ॥ ६ ॥
 संजया विस्मयो मानसीं । मग आहा करुनि स्वशरीरेंसि ।
 हाणे कैसा पै देवेंसि । द्रष्टु एया ॥ ७ ॥

तन्हीं कृपालु तो तुष्टो । विवैकु यया घोंटो ।

मोहाचा फीटो । माहारोगु ॥ ८ ॥

संजया ऐसैं चिंतितां । संवादु तो चि भावितां ।

हर्षाचा येतु चित्ता । महापूरु ॥ ९ ॥

अंतर्करणे

ह्यणौनि आतां तेणें । उत्साहाचेनि अवतरणें ।

श्रीकृष्णाचें बोलणें । सांघिजैल तेया ॥ ४१० ॥

तेयां अक्षरां आंतूलु भाऊ । पाववीन मी तुमचा ठाऊ ।

आइकां ह्यणे ज्ञानदेऊ । निवृत्तिचा ॥ ४११ ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां

योगशास्त्रे श्रीकृष्णार्जुनसंवादे गुणत्रयविभाग-

योगो नाम चतुर्दशोऽध्यायः ।

श्रीकृष्णे सर्वात्मनीश्वरेर्पणमस्तु ॥



ज्ञानेश्वरी

अध्याय पंधरावा

श्रीगणेशायनमः ॥

आतां हृदय हें आपुलें । चौफलौनि भलें ।
वारि बैसउं पाउलें । श्रीगुरुचीं ॥ १ ॥
एक/या ऐक्यभावाची आंजुलि । सर्वेद्रियकुड्मलि ।
वारि भरीनि पुण्यांजलि । अर्घ्य देउं ॥ २ ॥
अनन्योदकधुवट । वासना जे तन्निष्ठ ।
नि ते लागलेसे अबोट । चंदनाचें ॥ ३ ॥
प्रेमाचेनि भांगारें । निर्वाळनि नेपुरें ।
लेवउं सुकुमारें । पदें तियें ॥ ४ ॥
घनावलि आवडी । अव्यभिचारें चोखडी ।
तियें घाळूं जोडी । आंगुलिया ॥ ५ ॥
आनंदमोदबहल । सात्विकाचें मुकुल ।
तु ते उमललें अष्टदल । ठेउं वरि ॥ ६ ॥
तेथ अहंघूपु जालूं । सोहंतेजें उम्वालूं ।
सामरस्य पोटाळूं । निरंतर ॥ ७ ॥
माक्षि तनु आणि प्राण । इया दोन्ही पाउवां लेवउं श्रीचरण ।
क्ष/ करूं भोगमोक्षी निबलोण । पायां तेयां ॥ ८ ॥

- इया गुरुचरणसेवा । हों पात्र तेया दैवा ।
 जें सकलार्थाचा मेलावा । पाटु बांधों ॥ ९ ॥
 अक्षिचें विसवणें वेऱ्हीं । उन्मेखु लाहे उजरि ।
 जें वाचेतें इयें करि । सुघासिंधु ॥ १० ॥
 पूर्णचंद्राचां कोडि । वक्तृत्वा घापे कुरौंडी ।
 तैसी आणी गोडी । अक्षरांतें ॥ ११ ॥
 सूर्ये अधिष्ठिली प्राची । जगा राणिवं दे प्रकाशाची ।
 तैसी वाचा श्रोतेयां ज्ञानाची । दिवालि करी ॥ १२ ॥
 नादब्रह्म खुजें । कैवल्य हिं तैसें न सजे ।
 ऐसा बोलु देखिजे । जेणें दैवें ॥ १३ ॥
 श्रवणसुखाचां मांडविं । विश्व भोगवी माधवी ।
 तैसी सांसिनली बरवी । वाचावेली ॥ १४ ॥
 ठाऊ न पवेतां जेयाचा । मनेसिं मुरडली वाचा ।
 तो देऊ होये शब्दाचा । चमत्कार ॥ १५ ॥
 जें ज्ञानासि न चोजवें । ध्यानासि हिं नागवे ।
 तें अगोचर फांवे । बोवी माझि ॥ १६ ॥
 एव्हडें एक सौभाग । बलघे वाचेचें आंग ।
 गुरुपदपद्मपराग । लाहे जें कां ॥ १७ ॥
 तरि बहू बोलों काइ । आजि तें अना ठाई ।
 मातें वांचूनि नाहिं । ज्ञानदेऊ हाणे ॥ १८ ॥
 जें तान्हेनि मियां अपलें । आणि माझें गुरु एकलौतें ।
 हणौनि कृपेसिं एकहातें । जालें तिये ॥ १९ ॥
 पाहा पां भरोवरी आधवी । मेहु चातकासि रिचवी ।
 मज लागि गोसांवी । तैसें केलें ॥ २० ॥
 हणौनि रिकामें तोंड । करुं गेलें बडबड ।
 किं गीता ऐसें गोड । आंतुडलें ॥ २१ ॥

होए अदृष्ट आपैतें । तैं वाढ् चि रत्नें परौतें ।
 उजू आउख तैं मारितें । लोमु करी ॥ २२ ॥ ^{तां}
^{मोक्ष} मोक्षणी आघणिं घातले हरल । होति अमृताचे तांदुल ।
 जरि मुकेची राखे वेल । जगन्नाथ ॥ २३ ॥
^आ तिया परी गुरु । करिति जैं अंगीकार ।
 तैं होउनि ठाके सवसांर । मोक्षमय ॥ २४ ॥ ^{सात}
 पाहा पां काइ नारायणें । तेयां पांडवांचें ऊणें ।
 कीजे चि ना पुराणें । विश्ववंदें ॥ २५ ॥
 तैसें श्रीनिवृत्तिराजें । अज्ञानपण हें माझें ।
 आणिलें वोजे । ज्ञानाचिये ॥ २६ ॥
 पारि असो हें आतां । प्रेम रुळतसे बोलतां । ^{२१}
 कें गुरुगौरवु वर्णितां । उन्मेखु आथि ॥ २७ ॥
 आतां तेणें चि पसायें । तुझां संताचे पाये ।
 बोलगैन मीं अभिप्रायें । गीतेचेनि ॥ २८ ॥
^{आतां} तारि तो चि प्रस्तुतिं । चौदावेया अध्यायाचां अंतीं ।
 निर्णयो कैवल्यपती । ऐसा केला ॥ २९ ॥
 जें ज्ञान जेयाचां हातिं । तो चि समर्थु मुक्ती ।
 जैसा शतमुखु संपत्ती । स्वर्गीचिये ॥ ३० ॥
^{ना} कां शत एक जन्मां । जो जन्मौनि बाह्यकर्मा । ^{जन्म}
^त कूरी तो चि ब्रह्मा । आनु नोहे ॥ ३१ ॥
 नाना सूर्याचा प्रकाशु । लाहे जेविं डोलसु ।
^त तैं ज्ञानें चि सौरसु । मोक्षाचा तो ॥ ३२ ॥
^त तारि यया चि ज्ञाना लागि । ^{को} कळणी पां योग्यता आंगिं । ^{सही}
 हें पांतां जगिं । देखिला एकु ॥ ३३ ॥ ^{चित}
^ज जेविं पातालिचें धन । दावी किर अंजन । ^{नि}
 पारि होआवे लोचन । पायलाचे ॥ ३४ ॥

तैसें मोक्षु देईल ज्ञान । एथ किर नाहिं आन ।
 परी तें चि थारे ऐसें मन । शुद्ध होआवें ॥ ३५ ॥
 तारि विरक्तु वांचूनि कें हीं । ज्ञानासि तगणें नाहिं ।
 कळे हें विचारुनि ठांड । ठेविलें देवें ॥ ३६ ॥
 आतां विरक्तिची कन्हणी परी । जे एउनि मनातें बरी ।
 हें इं सर्वज्ञें श्रीहरी । देखिलें असे ॥ ३७ ॥
 जे विषें रांधिली रसोये । जेवणारा ठाउवें होए । ने । न ।
 तें ताट सांडुनि जाए । जिया परी ॥ ३८ ॥
 तैसी संसारा एया समस्ता । जाणवे जें अनित्यता ।
 तें वैराग्य दवडितां । पाठी लागे ॥ ३९ ॥
 आतां अनित्यत्व कैसें । तें चि रुखाकारें मिसें । न
 साधिजत असे विश्वेशें । पंचदर्शी ॥ ४० ॥

श्रीभगवानुवाच ॥

ऊर्ध्वमूलमधः शाखमश्वत्थं प्राहुरव्ययं ॥

छन्दांसि यस्य पर्णानि यस्तं वेद स सर्ववित् ॥ १ ॥

उपडिलें कवृत्तिकें । झाड येरी मोहरा ठाके ।
 तें वेगें जैसें सूके । तैसें हें न्हवे ॥ ४१ ॥ जाण
 इया एकी परी । रूपकाचिया कुसरी ।
 सारितसे वारी । संसाराची ॥ ४२ ॥
 करुनु संसार वाउ । स्वरूपि अहंते ठाउ । श्री श्री
 होआवेआ अध्यायो । पंधरावा हा ॥ ४३ ॥
 आतां हें चि आघवें । ग्रंथगर्भिचें सांघावें ।
 उपलविलें जीवें । आकर्णजो ॥ ४४ ॥ आदर्श मंत्र
 तन्नि महानंदसमुद्र । जो पूर्ण पूर्णसांचु । प्रेमा ।
 तो द्वारकेचा नरेंद्र । ऐसें झणे ॥ ४५ ॥

- आगा पै पांडुकुंवरा । एतां स्वरूपाचैआ घरा ।
 करीतुसे आडवारा । विश्वाभासु जो ॥ ४६ ॥
 तो हा जगडंबर । न्हवे एथ संवसार ।
 हा जाणें महातर । थांवला असे ॥ ४७ ॥
- ८/८ परि एरां सुखां सारिखा । तळिं मूळें वरि शाखा ।
 तैसा न्हवे हणौनु लेखा । नैए कन्ह्या ॥ ४८ ॥
 आगी कां कुन्हाडी । होए रिगावा जरि बुडि ।
 तारि हो कां भले तेन्हाडी । वरिचिली वाडि ॥ ४९ ॥
- १ जें तूटलेया मूला पासि । उलंडैलू शाकांसि । किं
 १ तारि तैसी गोठि काइसी । हा सोहपा नोहे ॥ ५० ॥ रा
 अर्जुना हें कवतिक । सांघतां असे अलौलिक ।
 १ जें वाडि अधोमुख । रुखा एया ॥ ५१ ॥
 जैसा भानु उंची नेणों कें । रश्मिजाल तळिं फांके ।
 संवसारु हें कावरुखें । झाड तैसें ॥ ५२ ॥
- १ आणि आथिनाथि तेतुकें । रुंधलें एणें चि एके । अ
 कल्पान्तिचेन उदकें । व्योमं जैसें ॥ ५३ ॥
 कां रविचां अस्तमानां । अंधारेन कोदें रजनी ।
 तैसा हा चि गगनी । मांडला असे ॥ ५४ ॥
 एया फल ना चुंबितां । फुल ना तुरुंबितां ।
 जें काहिं पांडुसुता । तें रुख चि हा ॥ ५५ ॥ १
 हा ऊर्ध्वमूल आहे । परि उन्मलला नोहे । मूळ ! आहे
 एणें चि हा होये । शाडुलु गा ॥ ५६ ॥ १
 १ आणि ऊर्ध्वमूल ऐसें । निगदिलें कीर असे ।
 (परि अधि हीं असोसें । मूल यया ॥ ५७ ॥
 * पै बल्लचेन महामारी । पिपलावडाचिया परी । विंबळेला पोमरी
 १ जेवि पारंबियां माझारि । डाहालिया ॥ ५८ ॥ बहनी/असनी

- तेवि गा धनंजया । संसारतरु येया ।
 अर्धी चि आधि खांदिया । हें इ नाहिं ॥ ५९ ॥
 तरि ऊर्धा हि कडे । शाखांचे मांदोडे ।
 दीसताति अपाडें । सांसिनले ॥ ६० ॥
 जालें गगन चि पां वेलिये । कां वारा मांडला रुखाचेनि आयें ।
 नाना अवस्थे त्राये । उदैली असे ॥ ६१ ॥
 ऐसा हा एकु । विश्वाकार विटंकु ।
 उदैला जाणें रुखु । उर्धमूल ॥ ६२ ॥
 आतां उर्ध येया कोण । तेथ मूल तें किलक्षण ।
 कां अधोमुखपर्णन । शाखा कैसिया ॥ ६३ ॥
 अथवा हुमा एया । अर्ध जिया मूलिया ।
 तिया कोणही कैसिया । उर्ध शाखा ॥ ६४ ॥
 आणि अश्वत्थु ऐसी । प्रसिद्धि काइसी ।
 आत्मविद्विलासी । निर्णो केला ॥ ६५ ॥ बोलली आहे ।
 हें आघवे चि बरवें । तूझिये प्रतीती फावें ।
 तैसेनि सांघों सोलिवें । विन्यासें गा ॥ ६६ ॥
 परि आइकैं सुभगा । हा प्रसंगु तुज चि जोगा ।
 कान चि करीं सर्वौगां । हियें आधिलेयां ॥ ६७ ॥
 ऐसें प्रेमरसें सुरफुरें । बोलिलें जवं यादवेश्वरें ।
 तवं अवधान अर्जुनाकारें । मूर्त जालें ॥ ६८ ॥
 देउ निरोपीति तें थेकुलें । येसणें श्रोतेपण फांकलें ।
 जैसें आकाशें खंय पसरिलें । दाहिं दिशि ॥ ६९ ॥
 श्रीकृष्णसूक्तिसागरा । तो अगस्ति चि पां दूसरा ।
 ह्यणौनि घोटु भरु पाहे एकसरा । आववेयाचा ॥ ७० ॥
 ऐसी सोये संडौनु खवलली । आवडि अर्जुनि देवें देखिली ।
 तेथ जालेन सुखें केली । कुरौडि तेया ॥ ७१ ॥

- मग हाणे धनंजया । ते उर्ध गा तरु येया । या रुखा
 चि० येणें रुखें चि कां जेया । ऊर्ध्वत्व गमे ॥ ७२ ॥
 यन्हवि मध्योर्ध्वअध । हे नाहिं जेथ भेद ।
 या अद्वयेंसि एकवद । जिये ठाई ॥ ७३ ॥
 जो नाइकिजतां नादु । जो असौरभ्यमकरंदु ।
 जो आंगाथिला आनंदु । सुरतें विण ॥ ७४ ॥
 जेया जें अन्हां परौतें । जेया जें पुढां माघौतें ।
 दृश्यें दिसतेन विण दिसतें । अदृश्य जें ॥ ७५ ॥
 उपाधिचा दूसरा । घालितां उपासिरा । ओ पसारा
 नावां रूपां संवसारा । नां होए जेया ॥ ७६ ॥ होए जेया
 ज्ञातृज्ञेयविहीन । नसुधें चि जें ज्ञान ।
 सुखा भरलें गगन । गांलिव जें ॥ ७७ ॥ *—
 ऐसी वस्तु जे साचे । ते उर्ध गा एयां तरुचें ।
 तेथें आर घेणें मूलचें । तें ऐसें असे ॥ ७८ ॥
 तन्हीं माया ऐसी ख्याति । नसती च यया आधि ।
 कां वांझेची संतती । वानों ए जैसी ॥ ७९ ॥
 तैसी संत ना असंत होए । जे विचाराचें नांव न साहे ।
 ऐसिया परी आहे । अनादि हणति ॥ ८० ॥
 जे भवद्रुमबीजिका । प्रपंचाची भूमिका ।
 विपरीतज्ञानदीपिका । सांचली जे ॥ ८१ ॥
 जे नानार्शशक्तिची मांदुस । जे जगद्ध्रमाचें आकाश ।
 जे आकारजाताचें दुस । घडी केली ॥ ८२ ॥
 ते माया वस्तुचां ठाई । असे जैसेनि नाहिं ।
 मग वस्तुप्रभा चि पाहिं । प्रकट होए ॥ ८३ ॥
 जेव्हालि आपणयां आली नंद । की आपणें जेविं मुख ।
 कां काजलि आणि नंद । प्रभा दिवें ॥ ८४ ॥

- स्वप्नि प्रिया पुढां तरुणांगी । निदेली चैवउनि बेगि ।
 ८ आलंगितेन विण अलंगी । सकाम करी ॥ ८५ ॥
 तेसी स्वरूपिं जाली माया । आणि स्वरूप^{आपडे} नणणें धनंजया ।
 ९ ते चि तरु यया । मूल पहिलें ॥ ८६ ॥ ८
 १० वस्तूसि आपुला जो अबोधु । तो उर्धि आठुलैजे कंदु ।
 वेदांति हिं हा प्रसिद्ध । बीजभाउ ॥ ८७ ॥
 तेयागे धन अज्ञान सुषुति । तो बीजांकुरभाउ^{बीजभाउ} ह्मणति ।
 एर स्वप्न हान जागृति । फलभावो तेयाचा ॥ ८८ ॥ ते
 ऐसिया इया वेदांति । निरूपणभाषाप्रतीति । अनंती
 परि ते असो प्रस्तुति । अज्ञान मूल ॥ ८९ ॥
 ११ तें ऊर्द्ध आत्मा निर्मलें । अधोर्द्ध सूचीति मूलें । एके वळे
 बलिया बांधौनि आलें । मायायोगाचे ॥ ९० ॥
 माधवी मग अधमूलासि देहांतरें । उठति जिये अपारें ।
 १२ तें चौपासिं घेउनु अगारें । खोलाविति ॥ ९१ ॥ आरें न
 ऐसें भवद्रुमाचें मूल । हें ऊर्द्ध करी बल ।
 १३ मग अणियांचे बेंबल । अधीं चि दावी ॥ ९२ ॥
 १४ तेथीं चिद्धति पहिलें । महातत्व उमल्लें । १५
 १६ तें मान वाहेंदुल्लें । एक निगे ॥ ९३ ॥
 मग सत्वरजतमात्मकु । त्रिविधु अहंकार जो एकु ।
 तो तिवना अधोमुखु । डिरु फुटे ॥ ९४ ॥
 वाटि तो बुद्धिची घेउनि आगारी । भेदाची वृत्ति करी ।
 तेथ मनाची डाल धरी । साजेपणें ॥ ९५ ॥
 ऐसा मूलाचिया गाढिका । विकल्परस कोंवलिका ।
 १६ १७ चित्तचतुष्टय डाहालिका । कोंभैजे तो ॥ ९६ ॥
 १८ १९ उदक तेज मग आकाश वायु द्योतक । अप पृथ्वी हे पांचे फोंक ।
 महाभूतांचें सारांक । सरळ होंति ॥ ९७ ॥

- तैसीं चि श्रोत्रादितन्मात्रें । तियें आंगवसा गर्भपत्रें । आंगवसाची
 ७४३ भावे छुलछुलितें विचित्रें । उमलती गा ॥ ९८ ॥
 तेथ शङ्खांकुर वरिपडी । श्रोत्रां वाढि देव्हडि । आंकांकुराची
 ७४४ होत करिती कांडी । आकांक्षेची ॥ ९९ ॥
 ७४५ आंगवचेचे वेलपालव । स्पर्शांकुरि घेंति घांव ।
 तेथ बांबल पडे अभिनव । विकाराचें ॥ १०० ॥
 ७४६ फुगेवळी पाठि रूपपत्रपेलोवेलें । चक्षु लांब तें कांडें बुद्धि घाली ।
 ७४७ तेव्हलें व्यामोहता भली । पाळेहली जाए ॥ १ ॥ पाहायची
 आणि रसाचे आंगवसे । वाढतां वेगें बहुवसे । आंगोमे
 जिन्हे आर्तिचीं असोसे । निगति बेचें ॥ २ ॥
 ७४८ तैसिं चि कोंभैलेन गंधें । प्राणाची डिरि थांउं बांधे ।
 ७४९ तेथ तळु घे सानदें । प्रलोभाचा ॥ ३ ॥
 एवं महदहंबुद्धि । मनें महाभूतसमृद्धि ।
 इया संसाराचिया अवधी । सासन जें ॥ ४ ॥ शा
 ७५० किंबहुना इहिं आठें । आंगि अधिक हा फांटे । आधीं
 परि सिंपी चि एव्हडें उमटे । रूपें जेवि ॥ ५ ॥
 कां समुद्राचेनि पैसारें । वरि तरंगता आसारे । परि ७५१ ते
 तैसें ब्रह्म चि होये वृक्षाकारें । अज्ञानमूल ॥ ६ ॥
 आतां ययाचा हा विस्तार । हा चि यया पैसार ।
 ७५२ तैसा आपणपें स्वप्नि परिवार । एकाकिया ॥ ७ ॥
 पारि तें असो हें ऐसें । कावरें झाड उससे । कां व के
 ७५३ यया महदादि हे आरवसे । अधोशाखा ॥ ८ ॥
 आणि अश्वत्थु ऐसें ययातें । ह्मणति जे जाणते ।
 ७५४ तें हिं परिस हो येथें । सांघिजेल ॥ ९ ॥
 तरि अश्वत्थु ह्मणिजे उखा । तंव वरि एकसारखा । वे। हे। ते। हे।
 नाहिं निर्वाहो यया रुखा । प्रपंचरूपासि ॥ १० ॥ आ। ५
 ६६

- जैसा न छोटतां क्षणु । मेघु होए नानावर्णु ।
 कां विजु नसे संपूर्णु । निमेषु भरि ॥ ११ ॥
- ना कांपतेया पद्मदला । वरिला बैसका नाहिं जला । सि/३
 कां चित्त जैसैं व्याकुला । माणुसाचें ॥ १२ ॥ मनुष्याचें हे
- तैसी ययाची स्थिती । नासत जाये क्षणा प्रति ।
 हणौनि ययातें हणति । अश्वत्थु गा ॥ १३ ॥
- कोर बुझत असावे आणि अश्वत्थु एणें नावें । पिंपलु हणति स्वभावें ।
 पारि तो अभिप्राउ नोहे । श्रीहरिचा ॥ १४ ॥
- पढता यन्हविं पिंपलु घडतां विखि । मियां गति देखिली नीकी ।
 पारि तें असो काइ लौकिकि । हेतु काज ॥ १५ ॥
- हणौनु हा प्रस्तुतु । अलौकिकु परियसां ग्रंथु ।
 प तारि क्षणिकत्वे चि अश्वत्थु । बोलिजे हा ॥ १६ ॥
- आणिक हिं एकु थोरु । यया अव्ययत्वाचा डगरु ।
 आथि पारि तो भीतरु । ऐसा असे ॥ १७ ॥
- जैसा मेघांचेनिं तोंडें । सिंधु एकें आंगें घुढे ॥ काढे
 आणि नदी एरी कडे । भरती चि असती ॥ १८ ॥
- एथ वोहटे ना चढे । ऐसा परिपूर्णु चि आवडे ।
 पारि तें फुली जवं नुघडे । मेघानदीचि ॥ १९ ॥
- न/३ तैसैं यया रुखाचें होणें जाणें । तर्कें होंतेनि वहिलेपणें ।
 हणौनि लोकु ययातें हणने । अव्ययो हा ॥ २० ॥
- यन्हविं दानसीलु पुरुषु । वेचकपणें संचकु । ॥ २१ ॥
 तैसा व्ययें चि हा रुखु । अव्ययो हा ॥ २१ ॥ गमे
- आ जातां वेगें बहुवसें । न वचे कां मुहं रुतलें असे । ॥ २२ ॥
 जैसैं तें रथाचें चक्र दीसे । जिया परी ॥ २२ ॥
- जे तैसैं कालातिक्रमीं जेवाले । ते भूनशाखा जेथ गले ।
 उठले असती तेथ कोडि वार उमाले । उठिति आणिक ॥ २३ ॥

परि एकि केधवां गेली । शाखाकोडि केधवां जाली ।
 हें नेणवे जेविं उमललीं । आखाडअर्भें ॥ २४ ॥
 महाकल्पाचां सेवटिं । प्रकटिया उमलती सृष्टि । ^{टाळे}
 तैसें चि आणिकिचें दांग उठि । सांसीनलें ॥ २५ ॥
 संहारवातें प्रचंडें । पडति प्रलयांतिचिं सालडें । ^{ची}
 तवं कल्पादिचिं जुंबाडें । पाल्हेजति ॥ २६ ॥
 रिगे मन्वंतर मनू पुढें । वंशा वारि वंशाचे मांडें ।
 जैसी इक्षुवृद्धि कांडेनकांडें । जीके जेवि ॥ २७ ॥
 कलियुगांतीं कोरडीं । चहुं युगांचीं डालें सांडी ।
 तवं कृतयुगाची पेळी देव्हडी । पडे पुढुतीं ॥ २८ ॥
 वर्त्ततें वारिष जाए । तें पुढिलां मुल्हारि होए ।
 जैसा दिवसु जांतु किं एतु आहे । हें चोजवे नां ॥ २९ ॥
 जैसिया वारियाचिया झुलुका । सांदा ठाउवा नव्हे देखां ।
 तैसिया उठिति पडति शाखा । नेणों केति ॥ ३० ॥ ^{नेणवातीचे}
 एकी देहाची डिरी तुढे । तवं देहांकुरिं बडुविं फुटे ।
 ऐसेन भवतरु हा वाटे । अव्ययो ऐसा ॥ ३१ ॥ ^{जा}
 जैसें वाहातें पाणीं जाए वेगें । तैसें चि आणिक मिले मार्गे ।
 तेविं असंत चि असिजे जगें । मानिजे ते ॥ ३२ ॥
 कां लागौनि डोला उघडे । तवं कोडि वारि घडे मोडे ।
 तें नेणतियां तरंग आवडे । नित्य ऐसा ॥ ३३ ॥
 वायसा एके बुबुळें दोहिं कडे । डोला चालितां अपाडें । ^{असंत}
 दोन्ही आधि ऐसा पडे । अमु जेवि ॥ ३४ ॥
 परि भिंगोरि निधिये पडिली । गमे भूमीसि जडली । ^{जैसा}
 ऐसा वेगातिसो भुली । हेतु होए ॥ ३५ ॥
 हें बहू असो झडती । आंधारिं भवंडितां कोलित्ती ।
 ते दीसे जैसी आइती । रेख सैंभ ॥ ३६ ॥ ^{स्व अंभ}

- हा संसारवृक्ष तैसा । मोडतु मांडतु सहसा । १
 नेदखौनि लोकु पीसा । अव्ययो मानी ॥ ३७ ॥
- अथा परि एयाचा वेगु देखे । जो हा क्षणिकु ऐसा वोळखे ।
 जाणे कोडि वेल निमिखें । होतु जातु ॥ ३८ ॥
- सासिजो नहिं अज्ञान वांचूनि मूल । एयाचें असिलेपण हें टवाल ।
 ऐसें झाड चि सीनसाल । देखिले जेणें ॥ ३९ ॥
- तेयातें गा पांडुसुता । मी सर्वहु हिं ह्याणे जाणता । १
 पै वाग्रहासिद्धांता । वेद्य तो चि ॥ ४० ॥
- योगजाताचें जोडलें । तेया एकासि चि उपेगा गेलें ।
 किंवहुना जिआलें । ज्ञान हिं तेणें ॥ ४१ ॥
- असो हें बहू बोलणें । वानिजैल तो कवणें ।
 जें भवरंखु हा जाणे । उशि ऐसी ॥ ४२ ॥

अधश्चोर्ध्वं प्रसृतास्तस्य शाखाः । गुणप्रवृद्धा विषयप्रवालाः ॥
 अधश्च मूलान्यनुसंततानि । कर्मानुबंधीनि मनुष्यलोके ॥ २ ॥

- अधोमुख मग यया चि प्रपंचरूपा । अधःशाखिया पादपा ।
 डाहालिया जाती उमपा । ऊर्ध्व हिं उजू ॥ ४३ ॥
- आणि अधि फांकलीं डाले । ऊर्धि हिं तिष्ठति मूलें ।
 तेया तलिं पघले । वेलु पालें ॥ ४४ ॥
- ऐसें जें आलीं । ह्याणितलें उपक्रमीं ।
 तें परियसैं सुगमीं । बोलिं सांघों ॥ ४५ ॥
- तरि बद्धमूलें अज्ञानें । महादादिकिं सासनें । १
 वेदाचि थोरवणें । घेउनियां ॥ ४६ ॥
- परि अधि तवं स्वेदज । जारजें उद्भिज मणिज । १
 हे बुद्धौनि महाभुज । उठिति च्यान्हि ॥ ४७ ॥

एया एकएकांचेन अनगटें । चोरासी लक्ष धाकुटे ।
 तेन्हलिं जीवशाखीं फांटे । सैंध चि होंति ॥ ४८ ॥ हे
 प्रसवतु शाखा सरलिया । नानासृष्टि डाहालिया । काका
 ५ आडफांटति मालिया । जातींचिया ॥ ४९ ॥ का
 स्त्रीपुरुषनपुंसकें । हे व्यक्तिभेदांचे टकें ।
 आंदोलति आंगिकें । विकारभारें ॥ ५० ॥
 जैसा वर्षाकालु गगनीं । पल्लवजे नवधानिं ।
 तैसें आकारजात अज्ञानिं । वेलिं जाए ॥ ५१ ॥
 मग शाखांचेन आंगभरें । लवौनि गुंपति परस्परें । ५२ ॥ ५२ ॥
 गुणक्षोभाचें वारें । उदैजति ॥ ५२ ॥
 तेथ तेणें अचाटें । तिहिं ठांडं हा फांटे ।
 गुणांचेन झडझडाटें । ऊर्ध्वमूर्छ ॥ ५३ ॥
 ऐसा रजाचिया झुलुका । झडाडितां आगलिका ।
 मनुष्यजातिशाखा । थोरावति ॥ ५४ ॥ ५४ ॥
 तिया ऊर्ध्व ना अधि । माझारि चि कोंदाकोंदि । ५५ ॥ ५५ ॥
 ५५ ॥ आडफांटति खांदिं । चतुर्वर्णांचां ॥ ५५ ॥ ५५ ॥
 तेथ विधिनिषेधीं सपल्व । वेदवाक्यांचे अभिनव । ५६ ॥ ५६ ॥
 ५६ ॥ पालव डोलति बरव । आणिति तियां ॥ ५६ ॥ ५६ ॥
 अर्थकामपसरें । अग्रवर्णें घेंति थोरें । ५७ ॥ ५७ ॥
 ५७ ॥ तेथ क्षणिकें पदांतरें । इहभोगाची ॥ ५७ ॥ ५७ ॥
 तेथ प्रवृत्तिचेनि वृद्धिलीमें । खांखरैजति शुभाशुभें । ५८ ॥ ५८ ॥
 नाना कर्मांचे खांबे । नेणों केती ॥ ५८ ॥
 ५८ ॥ तेवि चि क्षणे भोग मागिलें । पडति देहांची बुडसलें । ५९ ॥ ५९ ॥
 तव पुढां वाडु पेले । नवेयां देहांचा ॥ ५९ ॥
 आणि शब्दादिक सुहावे । साहाजें रंगें हवावें । ६० ॥ ६० ॥
 ६० ॥ विषयपल्लव नवे । नीच होंति ॥ ६० ॥ ६० ॥

- ऐसे रजोवासेप्रचंडे । मनुष्यशाखांचे मांदिडे । ७
- मांडति तेथ वाढति तो एथ रूढे । मनुष्यलोक ॥ ६१ ॥
- चि तैसा रजाचा तो वारा । नावेक घरी वोसरा । ए/अ
- मग वाजो लागे घोरा । तमाचा जो ॥ ६२ ॥ अर्वा
- तेथ तैधवां इया चि मनुष्यशाखा । नीच वासना अधि देखां ।
- पाल्हेजति डालुका । कुकर्माचिया ॥ ६३ ॥ चा
- अप्रवृत्तिचें खनुवाले । फोंक निगति सरले ।
- दाचे घेत पान पालव डालें । प्रमादिचीं ॥ ६४ ॥
- बोलति निषेध नियमें । जिया रुग्यजुःसामे । रुपा
- तो पाला तेयां धुमे । टकेयां वरि ॥ ६५ ॥
- पादेत प्रतिप्रादिति अधिचार । आगम जे परमार ।
- ते हिं पानिं घेंति पसर । वासनावेलि ॥ ६६ ॥ अ
- तवं तवं होंति थोरानें । अकर्माची तळबुडें । अ
- आणि जन्मशाखां पुढपुढें । घेंति धांवां ॥ ६७ ॥ ७
- तेथ चांडालादि निकृष्टां । दोषजातींचा थोर फांटा । ७
- ओलागे जाय अज्जाल पडों लागे कर्मभ्रष्टां । मुलौनियां ॥ ६८ ॥ अ
- पशु पक्षी शंकर । व्याघ्र वृश्चिक विखार । अ
- हे आडशाखानिकर । थोरावती ॥ ६९ ॥
- एथा परि ऐसिया शाखा पांडवा । सर्वांगि हिं नीच नवा । अ/७
- ७ नरकभोगु यावा । फलाचा तो ॥ १७० ॥
- आणि हिंसाविषय पुढारि । कुकर्मसंगें धुरं धरी ।
- आग/७ जन्म वेर अगारीं । वाढती चि असे ॥ ७१ ॥
- आत्म ऐसी होंति तरु तृणें । लोह लोष्ट पाखाणें । अ
- ७ इया खांदिया तेविं जाणें । फलें हें चि ॥ ७२ ॥ ७
- अर्जुना गा इया परीं । मनुष्यां लागौनि अवधारीं ।
- २४/७ वृद्धि स्थावरान्त वेन्हीं । अधोशाखांची ॥ ७३ ॥

- १) ह्यणौनु जें माणुसें डालें । इयें चि जाणें अर्घीं मूळें । ये जाणाचीं अर्थणीं
- जे एथौनि मग पघले । संसारतरू ॥ ७४ ॥
- यन्हविं उर्ध्वे चै पार्था । मुदल मूल पांतां । मूळ-डाक
- आधिचिया मध्यस्था । शाखा इया ॥ ७५ ॥
- परि तामसीसात्विकीं । सुकृतदुष्कृतात्मकिं ।
- विरूढति इया शाखिं । अधोर्धांचां ॥ ७६ ॥
- आणि वेदत्रयीचेया पाना । नैए अन्यत्र लागीं अर्जुना ।
- जे मनुष्ये बांचौनु विधाना । विषो नाहिं ॥ ७७ ॥
- ह्यणौनि तनुमानुषां । इया उर्ध्वमूलौनि शाखा । म-ही
- तन्हि कर्मवृद्धिसि देखां । इया चि मूळें ॥ ७८ ॥
- म-ही आणि आणिकां हिं झाडिं । शाखा वाढतां मूळें गाडिं ।
- म-ही मूळें गाडें तवं वाडि । पैसु आधि ॥ ७९ ॥
- तैसें चि यया शरीरा । कर्म देहसंसारा । त-वें 'र'
- आणि देह तनं व्यापारा । नां ह्यणों नैए ॥ ८० ॥
- ह्यणौनि देहें मानुषे । इयें मूळें होंति न चुके ।
- ऐसें जगज्जनके । बोलिलें तेणें ॥ ८१ ॥
- मग तमाचें तें दारुण । थिरावलेयां वाड्याणें ।
- सत्वाचीं सूटे सत्राण । वाहुटली ॥ ८२ ॥
- सि तें इया मनुष्याकारा । मूळें सुवासना निगति आरा । म-धेती
- फु धेउनि सूटति कोंभारा । सुकृतांकुरीं ॥ ८३ ॥
- उकलतेन उन्मेखें । प्रज्ञाकुशलतेचां तिखें । केतक-याचे
- फ-रि डिरिया रिगति निमिखें । बांबलैजौनि ॥ ८४ ॥
- तेथ मेधारसें सगर्भ । आस्थापत्रिं सवांब ।
- सरले निगति कोंभ । सद्वृत्तिचे ॥ ८५ ॥
- सदाचारांचिया सहसा । टके उठिती बहुवसा । म-भा
- सुमधुमिति घोसां । वेदपक्षांचां ॥ ८६ ॥

- शिष्टागमनविधाने । विविधयागविताने ।
 तिये पाना वरि पाने । पांजरति ॥ ८७ ॥
- म ऐसी यमदमि घोंसालियां । उठिति तपाचिया डाहालिया ।
 कनभि देति वैराग्यशाखा कोंवलिया । वेल्हालपणे ॥ ८८ ॥
- मपाणिनीअनीदेस विशिष्टां व्रतांचे फोंक । धीराचां अणगटिं तीख ।
 जन्मवेगें उर्धमुख । उंचावती ॥ ८९ ॥
- माजि वेदांचा पाला दाट । तो करी विद्यांचा झडझडाट । ये/वा/म/उ
 जवं वाजे अचाट । सत्त्वानिलु तो ॥ ९० ॥ १
- तेथ धर्मडाहालेबाहालिं । दीसति जन्मशाखा पालवी । सनडी
 ३१३५५ तिया आंडफुटती फलीं । स्वर्गादिकिं ॥ ९१ ॥
- स्तन पालवी पुढां उपरतिरागें लोहिबिं । धर्ममोक्षाची शाखा सरली ।
 १ लाहातलाहाती नीच नवी । वाढती चि असे ॥ ९२ ॥ १
- पै रविचंद्रादि ग्रहवर । पितृ ऋषि विद्याधर ।
 का हे आडशाखाप्रसूर । पैसु घेंति ॥ ९३ ॥
- पाशोनि/न एया हि हूनि उंचपडे । गूढले फलाचेनि बुडें । उअडे
 १ ईद्रादिक ते मांदीडे । थोर शाखांचे ॥ ९४ ॥
- मग तेया हिं उपरि डाहालिया । तपोज्ञानिं उंचावलिया ।
 १ मरीचिकश्यपादिया । उपरिशाखा ॥ ९५ ॥
- ०५००००० एवं पालोवालिं उत्तरोत्तर । उर्धुशाखांचा हा पैसार । थो/१
 बुडिं साना अग्रिं थोर । फलाढ्यपणें ॥ ९६ ॥
- उपारी वरि उपरिशाखा हिं पाठीं । एंति फलभारे जे किरीटी । १
 २११११११ ते ब्रह्मेशान्तअणगटिं । कोंम निगति ॥ ९७ ॥
- ओसे फलाचेनि अशीलपणें । ऊर्ध्वी अंधांडेल दूणें । अ
 जवं माघौतें बैसणें । मूलिं चि होए ॥ ९८ ॥
- प्राकृतां तन्हीं रुखां । जे फलें दाटिलीं होये शाखां १
 ते अंधांडिलीं देखां । बूढासि ए ॥ ९९ ॥

- १५१ तरि जेथौनि हा आघवा । संसारतरुचा उठावा ।
 तियें मूलिं टेंकति पांडवा । वाढतीं ज्ञानें ॥ २०० ॥
- १ ह्यणौनि ब्रह्मेशाना परौतें । वाढणें नाहिं जीवातें ।
 तेथौनि भग वरौतें । ब्रह्म चि किं ॥ १ ॥
 परि हें असो ऐसें । ब्रह्मादिक तें आंगवसें । १ आंगवसें
 उर्धमूला सरिसे । न तूकति गा ॥ २ ॥
- १५२ आणिक हिं शाखा उपरता । जिया सनकादि नामें विख्याता ।
 १ तिया फालिं मूलिं नाडलतां । भरलिया ब्रह्मि ॥ ३ ॥
- ३५१ ऐसीं मनुष्या लागौनि जाणावी । उर्ध्व ब्रह्मादि शेष पालवी । १
 शाखांची वाढि बरवी । उंचावे पै ॥ ४ ॥
 पार्था उर्धचेया ब्रह्मादि ! मनुष्यत्व चि होए आदि । ३
 ह्यणौनि इयें अधि । ह्यणितलीं मूलें ॥ ५ ॥
- न रूपमस्येह तथोपलभ्यते । नान्तो न चादि न च संप्रविष्टः ॥
 अभ्रत्यमेनं सुचिरुदमूलं । असंगशस्त्रेण दृढेन छित्वा ॥ ३ ॥
- * एवं तुज अलौलिकु । हा अधोर्धशाखु ।
 सांघितला भवरुंखु । उर्धमूल ॥ ६ ॥
- १ आणि अधिचीं हीं मूलें । उपरतिं दाविळीं सविवलें । १ फारसानेळीं
 १५३ आतां परियसैं उन्मूले । कैसेनि हा ॥ ७ ॥ १ ५ जेजे
 परि तूझा हान पोटी । ऐसें गमैल किरीटी ।
 जे एषडें झाड उपाटी । ऐसें काइ असे ॥ ८ ॥ १५४
 १५४ कें ब्रह्माचूआ सेवट वेन्हीं । उर्ध शाखांची थोरी ।
 आणि मूलें तव निराकारि । उर्ध असे ॥ ९ ॥ १
 हा स्थावरां हिं तलि । फांकतसे अधिचा डालि ।
 १५५ भाजि धांवतसे दूजां मूलि । मनुष्यरूपि ॥ २१० ॥
 ऐसा गाढा आणि अफाटु । कोण करी यया सेवटु । १
 तरि झनें हा हलवटु । धरिती भाऊ ॥ ११ ॥

चौ दि आही भिरापिले गैसे । याने अबाळ मूळ तेने । ते माये जारे हा असे । सा नोका जारे
 सी कोपायेने संताने । निमजति उन्मूलने । काइ कुंकिळ्या मागेने । जाइ जेळ गा ॥
 ५२८ भावार्थदीपिका २२४

ते पै हा उन्मलावेया दोखें । सायास चि काइसे । १२ ॥

बागुलु बाळ्या हासे काइ बाला बागुलु देशें । देव्हडा वाहे ॥ १२ ॥ मानावा आहे
 २ गंधर्वदुर्ग कां न पाडावे । काइ शशविषाण मोडावें ।

होआवें मग तोडावें । खपुष्प किं ॥ १३ ॥

तैसा संसार हा वीरा । रंखु नाहिं साचोकारा । १४ ॥

मा उन्मूलनि दरारा । काइसा तन्हीं ॥ १४ ॥ तो

आह्मीं सांधितली जे परी । मूलडाहालांची उजिरी । १५ ॥

ते वांझेचें घर भारें । लेंकुरुचें जैसीं ॥ १५ ॥ ना। मे

कां कीजति चेइलेपणीं । स्वमिचिं तियें बोलणीं । १६ ॥

जैसी जाणें ते काहाणी । दुबलेयाची ॥ १६ ॥

हणौनु पै धनंजया । आह्मीं वानिली ते रूपमाया ।

कासविएचेनि तूणें राया । उगारिलें ॥ १७ ॥

मूल अज्ञान ते चि लटिकें । मा तयाचें काज केतुकें ।

हणौनु संसाररंखु सतिकें । वाउ चि पै ॥ १८ ॥

आणि अंतु यया नाहिं । ऐसें वाखाणिजे जें काहिं ।

ते हिं साचे चि पाहिं । परी एकी ॥ १९ ॥

तरि प्रबोध जवं नोहे । तवं नीदे काइ अंतु आहे ।

किं राति सरैल पाहे । तेया आरोतें ॥ २० ॥

तेविं जवं पार्था । विवेकु नुधवी माथा ।

तवं अंतु नाहिं अश्वत्था । भवरूपा एया ॥ २१ ॥

तैसें चि हा अनादि । ऐसी आहे शाब्दी ।

ते आलुकी नोहे नुरोधिं । बोलातें एया ॥ २२ ॥

जन्मे ना होए । ऐसेयां सांघीं कव्हणी माए ।

एया लागि नाहिंपणें आहे । अनादि हा ॥ २३ ॥

आदि ना अंतु स्थिति । ना रूप ययासि आधि ।

काइसी कुंथकुंथी । उन्मूलनीं गा ॥ २४ ॥

मृगजन्मची गो तशी । तिचे दिगी दूरीचे निराशी । वचोने तणे पालेद शाकी ।
 ॥ २४ ॥

- आपुलैया अज्ञाना साठि । नन्हतां थांवला किरीटी ।
 तारि आत्मज्ञानाचेनि लोटि । खाडिनि गा ॥ २५ ॥ *नन्हतां १७*
- १) वांचौनि ज्ञानेन विण एकें । उपाये कारिसि तेतुके । जे
 तिहि गुंपसि आविकें । रुखि इयें ॥ २६ ॥
- १) मग केतिकां खांदोखांदि । येया हिंडावें उधिं अधिं । या
 हणौनि मूल चि अज्ञान छेदीं । सम्यग्ज्ञानें ॥ २७ ॥ *जे*
 यन्हविं दोरिपचेया उरगा । डांगां मेलवितां पै गा । का
 तो वाउं चि फारु गा । केला होए ॥ २८ ॥
- या तरावेया मृगजलाची गंगा । डोणी लागि धांवतां दांगा । *रुखा फावती गा*
 १) माजि बाहलें बुडिजे पै गा । साचें जेविं ॥ २९ ॥
 तेविं नाथिलेयां संसारा । उपाइ जाचतेया बीरा । *ए/जे*
 आपणपें लोपें वारा । विकोपि जाए ॥ ३० ॥
- हणौनि स्वप्निचेया घाया । उखदें चेउ धनंजया । *चओने मोक्ष*
 तेविं अज्ञानमूला यया । ज्ञान चि खड्ग ॥ ३१ ॥
- १) परि तें चि लीला परजवें । तैसें वैराग्याचें नीच नवें । *त/जे/नाथ*
 अभंग बळ होआवें । बुद्धीसि गा ॥ ३२ ॥
- १) उडिलेनि वैराग्यें एणें । त्रिवर्गु हा कैसा संडणें । *एकत/जे*
 जैसें वमौनियां सुणें । आतां चि गेलें ॥ ३३ ॥
 हा ठाउं पांडवा । पदार्थजातीं आववा ।
- १) विटंबी तो होआवा । वैराग्यलोढ ॥ ३४ ॥ *नाथ*
 मग देहअहंतेचें दलें । सांडुनि एकें वेलें । *नाथ*
- १) प्रसंगबुद्धिकरवालें । हातवसावें ॥ ३५ ॥
 निसले विवेकुसाहाणें । जें ब्रह्मास्मिबोधें सणाणें ।
- १) मग पुरतेन बोधें उठणें । एकलें चि ॥ ३६ ॥
 परि निश्चयाचिये मुठी बळ । होआवेया एकि दोनि बेल ।
- १) मग तुलावै अतिचोखाल । मनन वेन्हीं ॥ ३७ ॥ *वारी*

पाठि हातियरां आपणेयां । निदिध्यासें एक जालेयां ।
 पुढां नुरैल घाया । पुरते गा ॥ ३८ ॥
 या ते आत्मज्ञानाचें खांडें । अद्वैतप्रभेचेनि वाडें ।
 वृक्षा नेंदील उरों कव्हणी कडे । भवसंखासि ॥ ३९ ॥
 अध तेव्हळि उर्ध कां उर्धि मूल । ना अधिचें हान शाखाजाल ।
 जेम्हे तें कहीं चि न दीसे मृगजल । चांदिणां जेवि ॥ ४० ॥
 ऐसेन गा वीरनाथा । आत्मज्ञानाचिया खड्गलता ।
 छेदौनियां भवाश्वत्था । उर्धमूलते ॥ ४१ ॥
 जे शिखरकडे मग इदंतेसि वाललें । मीपणें विण डहारलें । आदे तोनी
 ते रूप पाहिजे आपुलें । आपण चि ॥ ४२ ॥ जे आदे एव्हाने
 रिखे पारि दर्पणाचेनि आधारें । एक चि करुनि दूसरें ।
 मुख पांति गावारें । तैसें नको हो ॥ ४३ ॥
 आपण चि आपणेयातें । पाहिजे जें अद्वैतें । अद्वैतानें
 तें ऐसें होए निरुतें । बोलिजतु असे ॥ ४४ ॥
 ततः पदं तत्परिमार्गितव्यं । यस्मिन्गता न निवर्त्तन्ति भूयः ॥
 तमेवचाद्यं पुरुषं प्रपद्ये । यतः प्रवृत्तिः प्रसृता पुराणी ॥ ४५ ॥
 जे पाहिजेतेन विण पाहिजे । कांहि नेणतां चि जाणिजे ।
 आद्यपुरुषु ह्यणिजे । जेया ठायतें ॥ ४६ ॥
 रि। अशोभना तेथ उपाधिचा बोधंबा । घेउनि श्रुती धांवति जीभा । अशोभना
 मग नावारूपाचां बडंबा । करिती वायां ॥ ४७ ॥
 पै भवस्वर्गा उबगळे । मुमुक्षु योगज्ञान वळघळे । ना
 पुडुती नैयो इया निगाले । पैजा जेथ ॥ ४८ ॥
 म संसाराचेयां पायां पुढां । पलती वीतराग होडां ।
 जेम्हे १७२५ उलंडौनि ब्रह्मपदाचा कर्मकडा । घालति मार्गा ॥ ४९ ॥
 अहंतादिभावां आपुलेयां । झाडा देउनि आषवेयां ।
 पत्र घेंति ज्ञानिये जेया । मूलघरासि ॥ ५० ॥

- १ (को) भ्रिये कां वस्तुचें नेणणें । आणिलें जगा थोर जाणणें । आढे/या
 १ नाहिं तें चि नांदविलें जेणें । मी तूं जगिं ॥ २५० ॥
 १ पै जेथौनि हे एव्हडी । विश्वपरंपरेची वेळीडी ।
 त/१ वाढती आस जैसी कोरडी । निदवाची ॥ ५१ ॥
 ५ पार्था तें वस्तु पहिलें । आपणपें पै आपुलें ।
 ५१ पाहिजे जैसैं हिवलें । हिवं हिवें ॥ ५२ ॥
 आणिक हिं एक तेया । उल्लखणें असे धनंजया । १
 तारि जेया कां भेटलेयां । एणें चि नाहिं ॥ ५३ ॥
 पारि तेया भेटति ऐसें । जें ज्ञानें सर्वत्र सरिसें ।
 १ महाप्रल्यांबुचें जैसैं । भरलेपण ॥ ५४ ॥ ॥

निर्मानमोहाजितसंगदोषा अध्यात्मनित्या विनिवृत्तकामाः ॥

ब्रह्मै विमुक्ताः सुखदुःखसंगै र्गच्छन्त्यमूढाः पदमव्ययं तत् ॥ ५ ॥

- १ तें जेयां पुरुषांचें मन । संडौनि गेलें मोहमान ।
 वरिखा अंतिं जैसे घन । आकाशातें ॥ ५५ ॥ ॥ १ ॥
 निकवडेया निष्ठुरा । उबगिजे जेविं सोइरा ।
 १०२ तैसे नांगवति विकारां । वेढालों जे ॥ ५६ ॥ ॥ १ ॥
 फळती केलि उन्मले । तैसी आत्मलाभें प्रबलें ।
 तेयांची क्रिया ढालें ढालें । गलती आहे ॥ ५७ ॥ ॥ १ ॥
 १०३ आगि लागलेयां रुंखिं । देखौनि सैरा पलति पक्षी ।
 १०४ तैसैं सांडिलें असेखिं । विकल्पि जे ॥ ५८ ॥
 आइकैं सकलदोषतृणीं । अंकुरैजति मेदिनी ।
 तिये भेदबुद्धिची काहाणी । नाहिं जेयातें ॥ ५९ ॥
 सूर्योदया सरिसी । राति पलौनि जाए आपैसी ।
 गेली देहाहंता तैसी । अविद्ये सर्वें ॥ ६० ॥ ॥ १ ॥
 १०५ आयुष्यहीना जीवातें । देह संडी जेविं अवचितें । शेष शरीर
 तेवि निदसुरें दैतें । सुडिले जे ॥ ६१ ॥ ॥ १ ॥

- लोहाचें सांकडें परिसा । न जोडे आंधारु रवि जैसा ।
 दुकड दुकड दुकड दुकड ॥ ६२ ॥ कदा ॥ १
 आगा सुखदुःखाकारें । दंडें देहिया जियें गोचरें । १
 तियें जेयां समोहरें । होति चि ना ॥ ६३ ॥
- १ स्वमिचेया राज्य कां मरण । नोहे हर्षशोकासि कारण ।
 प्रबोधलेयां जाण । जिया परी ॥ ६४ ॥
 तैसें सुखदुःखरूपि । दंडिं जे पुण्यपापि । १
 नेघपिजि नेघपिजि ॥ ६५ ॥
- आणि अनात्मवर्गु नीर । संझनि आत्मरसाचें क्षीर ।
 जोने सार चरताति जे सविचार । राजहंस ॥ ६६ ॥
 जैसा वरिखौनु भूतलिं । आपुला रसु अंशुमाली ।
 माधुता आणी रश्मिजालिं । बिबासि चि ॥ ६७ ॥
- तैसें आत्मभ्रांति साटिं । वस्तु विखुरली बारें वाटिं ।
 ते एकवटिति आत्मदृष्टि । अखंड जे ॥ ६८ ॥ १
 किंबहुना आत्मेयाचां निर्द्वारिं । जेयां विवेकु शुद्ध अंतरिं ।
 गंगेचा उब्ब सागारिं । बुडाला जैसा ॥ ६९ ॥
- पैं आघवें चि जालेपणें । नुरे चि जेयां अभिलाखणें ।
 जैसें एथौनि पन्हां जाणें । नाहिं आकाशासि ॥ ७० ॥ १
 नुरे जैसा आगिचा डोंगर । नेघे कोण्हीं बीजें अंकुर ॥ ७१ ॥ १
 तैसा मनिं जेयां विकारु । उदैजे नां ॥ ७२ ॥
- १ तेने जोला सवळे हें केती बोलों असंघडें । जेविं परमाणु नुरे वायू पडें । १
 तैसें विषयांचें नावडे । नावं जेयां ॥ ७३ ॥ १
 १ एवं जे जे कोण्हीं ऐसे । केले ज्ञानहुताशें । १
 ते ते तेथ मिलति ते तैसे । हेमिं हेम ॥ ७४ ॥ १
 तेथे १०० * तेथे ह्याणिजे कोण्हीं ठांड । ऐसें पूसशील जन्हिं काहिं । १
 १ तान्हें तें तें पद नाहिं । वेचु जेया ॥ ७५ ॥

- दृश्यपणें देखिजे । कां ज्ञेयत्वं जाणिजे ।
 अमुकें ऐसें ह्याणिजे । तें जें नोहे ॥ ७५ ॥
 पै दीवैयांचेयां बंबालिं । कां चांदु हान उजली । चंद्र/जे
 ५४ हें काहू बोलें अंशुमाली । प्रकाशी जें ॥ ७६ ॥
 तें आघवें चि दीसणें । जेयातें कां नेदखणें ।
 १) विश्व आभासतसे जेणें । लपालेनि ॥ ७७ ॥
 जैसें सिंपीपण हारपे । तव तव खरें होए रूपें ।
 कां दोरी लोपतां सांपे । फारां होइजे ॥ ७८ ॥
 न तद्भासयते सूर्यो न शशांको न च पावकः ॥
 यद्गत्वा न निवर्त्तते तद्भाम परमं मम ॥ ६ ॥
 ५५ तैसिं चंद्रसूर्यादि थोरें । इयें तेजें जियें फारें ।
 तियें जेयाचेनि आधारें । प्रकाशति ॥ ७९ ॥
 ते वस्तु किं तेजोराशि । सर्वभूतात्मक सरिसी ।
 चंद्रसूर्याचां मानसीं । प्रकाशे जे ॥ ८० ॥
 ह्याणौनि चंद्रसूर्य कडवसां । पडाति वस्तुचेया प्रकाशा ।
 यया लागि तेज जें तेजसां । तें वस्तुचें आंग ॥ ८१ ॥
 ५६ आणि जेयाचेयां प्रकाशिं । जग हारपे चंद्राकेंसिं ।
 चांदिं ऋत्वे जैसिं । दिनोदइं ॥ ८२ ॥ सप्त/नक्षत्र/जैसा
 नातारि प्रबोधलिए वेले । स्वमंडिंब मालवे । श्री
 कां नुरे चि सांजोले । मृगतृष्णिका ॥ ८३ ॥
 तैसा जेया वस्तुचां ठां । कोणही चि कां आभासु नाहिं ।
 ५७ तें माझें निजधाम पाई । पाटाचें गा ॥ ८४ ॥
 पुढतीं पुढतीं जेथ गेले । नेघति चि कां माघौतीं वाउलें ।
 महोदधी मीनले । स्रोत जैसे ॥ ८५ ॥ श्री
 कां लवणाची कुंजरी । सूदली साती सागरीं । नेक/या/उदधाकरी
 होए ना माघारी । परतौनु गा ॥ ८६ ॥ वि/शे/जेका

- नाना गेलिया अंतरालां । न एति चि वहिज्वाला ।
 नाहिं तसलोहौनि जला । निगणें जैसैं ॥ ८७ ॥
 तेविं मजसि एकवट । जालेन ज्ञानें चोखट ।
 तेयां पुनरावृत्तिची वाट । मोडोनु ठेली ॥ ८८ ॥
 * एथ प्रज्ञापृथिविवेचा राउं । पार्थु ह्याणे जी जी पसाउं ।
 पारि विनतिए एकिए देउं । चित्त देतु ॥ ८९ ॥
 १ तरि देवोंसिं स्वयें एक होंति । माघौतें जे नैयंति ।
 असलीं ते देवोंसिं भिन्न आथि । अभिन्न वा ॥ ९० ॥
 जन्हीं भिन्न चि अनादिसिद्ध । तन्हि नैयंति हें असंबद्ध ।
 १ १ जे फुलीं लागेले षड्पद । काडु फुलें चि होंतु ॥ ९१ ॥
 पै लक्ष्याहूनि अनारिसे । बाण लक्ष्य सिवौनि जैसे ।
 माघौतें पडति तैसे । एति चि ते पै ॥ ९२ ॥
 १ ना तरि तूं चि ते स्वभावे । तरि कन्हणें कन्हणासिं मिलावें ।
 आपणेयांसिं चि रूपावें । शस्त्रें केविं ॥ ९३ ॥
 १ हणौनि तुजसिं अभिजां जीवां । तूझा संयोगु वियोगु देवा ।
 नैए बोलों अवेवां । शरीरोंसिं ॥ ९४ ॥
 १ आणि जे सदा वेगले तुजसिं । तेयां मिलणें नाहिं कोणें देशि ।
 मा येति नयेति हे कायिसी । वाया बुद्धि ॥ ९५ ॥
 १ तरि कोण गा ते तूतें । पावौनि नैएति माघौतें ।
 हें विश्वतोमुखा मातें । बुझाविं जी ॥ ९६ ॥
 एयां आक्षेपीं अर्जुनाचां । तो शिरोमणि सर्वज्ञांचा ।
 तोखला बोधु शिष्याचा । देखौनियां ॥ ९७ ॥
 १ मग ह्याणे गा महामती । मातें पावौनि नैयंति पुढुतीं ।
 १ ते भिन्न अभिन्न पै रीती । दोनी आहाति ॥ ९८ ॥
 १ जें विवेकें खोलें पाहिजे । तरि मीं चि ते साहाजें ।
 १ ना आहाचवाहाच दूजे ॥ ऐसे गमति ॥ ९९ ॥

- १ जैसे पाणियां हि वेगले । आपजतां दीसति कल्लोले । आपां न
 १ यन्हविं तारि निखलें । पाणीं चि तें ॥ ३०० ॥
 कां सुवर्णा होउनि आनें । लेणीं गमति मित्रें । ^{हस्त-पातां मानये}
 मग पाहिजे तव सोनें । आघवें चि तें ॥ १ ॥
 या तैसें ज्ञानाचिये दीठी-। माझि अभिन्न चि ते किरीटी ।
 एर भिन्नपणें ते उठी । अज्ञाना तव ॥ २ ॥ स्त
 आश साचोकारेनि वस्तुविचारें । कैचें एकासिं मज दूसरें । ^{१ मज एका}
 १ जें भिन्नाभिन्नव्यवहारें । उमसिजैल ॥ ३ ॥ १
 १ आघवें चि आकाश सूनि पोटी । बिंब चि जें आते खोटी । ^{सुनि मही}
 १ तें प्रतिबिंब कै उठी । कै रश्मि सिरें ॥ ४ ॥ ५
 कां कल्पांतिचेया पाणियां । काइ उस्त भरताति धनंजया । १
 हणौनि कैचे अंश अविक्रिया । एका मज ॥ ५ ॥
 जोडे परि उग्धाचेनि मेलें । पाणीं उजू परि बांकुडें जालें ।
 रवी खी दूजेपण आलें । तोयबगें ॥ ६ ॥
 व्योम किं चौफल वाटौलें । हें ऐसें काइसेया हिं मिले ।
 परि घटमठिं वेढाललें । तैसें हिं आधि ॥ ७ ॥ ^{ते ऐसें}
 नंदे हांगा नीदेचेनि आधारें । काइ एकलेनि जग न भरे । १
 स्वप्निचेनि जें अवतरे । रायेपणें ॥ ८ ॥
 कां मीनलेनि कीडालें । वानिभेदासि ए सोलें ।
 तैसा स्वमाया वेढालें । शुद्ध जें मीं ॥ ९ ॥
 ते एक तें अज्ञान हें रुढे । तेणें कोहंभिकल्पाचें मांडे ।
 मग विवरौनि कीजे फुडें । देहो मीं ऐसें ॥ ३१० ॥ ^{देहो}
 ममैवांशो जीवलोके जीवभूतः सनातनः ॥
 मनःषष्ठान्द्रियाणि प्रकृतिस्थानि कर्षति ॥ ७ ॥
 ऐसें शरीरा चि एवडें । आत्मज्ञान वेगलें पडे । १
 ते तो माझा अंशु ऐसें आवडे । ओडेपणें ॥ ११ ॥
 ६८

- ३११ समुद्र का वायुवसे । तरंगाकार उल्हासे ।
 तो समुद्रांशु ऐसा दीसे । सानिवां जेविं ॥ १२ ॥
 तेविं जडाते जीवविता । देहअहंता उपजविता ।
 भी जीउ गमे पांडुसुता । जीवलोकिं ॥ १३ ॥
 पै जीवाचेया बोधा । गोचर हा धांधा ।
 तो जीवलोकशब्दा । अभिप्राउ ॥ १४ ॥
 आगा उपजणें निमणें । हें साच काड् मानणें ।
 तो जीवलोकु मीं हणें । संसार हान ॥ १५ ॥ रा
 ३१२ एवविधि जीवलोकिं । तूं मातें ऐसेयां अवलोकिं ।
 ३१३ जैसा चांदु कां उदाकिं । उदकातीतु ॥ १६ ॥
 पै काश्मिरीचा रवा । कुंकुमा वारि पांडवा ।
 आणिकां गमे लोहिवां । तो तरि नव्हे ॥ १७ ॥ २५ भु
 ३१४ तैसें अनादिपणें नोमोडे । माजि अक्रियत्व न खांडे । शे । शे ।
 ३१५ पारि कारिता भोक्ता आवडे । ते जाण गा भ्रांत ॥ १८ ॥ जाणावे पो ।
 किंबहुना आत्मा चोखटु । होउनि प्रकृतिसिं एकवटु ।
 बांधे प्रकृतिधर्माचा पाटु । आपणपेयां ॥ १९ ॥ सि
 पै मनादि साहीं इंद्रियें । श्रोत्रादि प्रकृतिकार्यें ।
 ३१६ तियें माझीं हणौनि होए । व्यापारिं रूढ ॥ २० ॥
 जैसें स्वप्निं परित्राजें । आपणपेयां कुटुंब होइजे । गा । आपण
 मग तेयाचेनि धांविजे । मोहें सैरा ॥ २१ ॥ के
 तैसें आपुलिया विस्मृती । आत्मा आपण चि प्रकृती ।
 ३१७ सरिसा गमौनि पुंडुती । तिसिं चि भुजे ॥ २२ ॥ ये
 ३१८ मनाचां रंधिं धलघे । श्रवणाचेनि द्वारे निगे ।
 मग शब्दाचेया रिगे । राना माजि ॥ २३ ॥
 ३१९ तो प्रकृतिचा वागीरा । करी त्वचेचिया मोहरा ।
 आणि स्पर्शाचेया घोरा । वना जाए ॥ २४ ॥ रा

कोण्ह एकिं अवसरिं । निगौनि नेत्रांचां द्वारिं ।
 रूपाचां डोंगरिं । हिंडतु असे ॥ २५ ॥ १
 कां रसनेचिया वाटा । निगौनि गा सूभटा ।
 रसांचा दारकुटा । भरौनि ठाके ॥ २६ ॥
 नातरि एणें चि घ्राणें । हा मदंशु करी निगवणें । २ रे मंडरीं निगवणें ।
 मग गंधार्चिं दारुणें । आडवें लंघी ॥ २७ ॥
 ऐसें देहेंद्रियनायकें । धरुनु मन जावलिके । ३
 भोगिजति शब्दादिकें । विखाभरणें ॥ २८ ॥

शरीरं यदवाप्नोति यच्चाप्युत्कामतीश्वरः ॥

गृहीत्वैतानि संयाति वायु र्गंधानिवाशयात् ॥ ८ ॥

परि करिता भोक्ता ऐसें । हें जीवाचें तें चि दीसे । ४
 कां जें शरीरि पैसें । एकाधिए ॥ २९ ॥
 जैसा आथिला आणि विलासिया । तें चि अलखों ए धनंजया । ५
 जें राज्यसेव्या ठाया । वस्तिर्सि ए ॥ ३० ॥
 अरे कृती रुद्र तैसा अहंकर्तृत्वाचा वाडु । विषयेंद्रियांचा धुमाडु । ६
 हा जाणिजे तें निवाडु । जें देहो पावे ॥ ३१ ॥ ७
 अथवा शरीरातें संडी । तन्हीं चित्तइंद्रियांची तांडी । ८
 हे आपणेपेया सवें काढि । घेउनि जाए ॥ ३२ ॥ ९
 जैसा अपमानिला अतिथि । ने सुकृताची संपति ।
 कां साएखेडेयाची गति । सूत्रतंतु ॥ ३३ ॥
 आनंदसेवि करु नाना मालवतेनि तपनें । नेइजति लोकांचि दर्शनें ।
 हें असो द्रुति पवनें । नेइजे जैसी ॥ ३४ ॥ १०
 श्रोत्रं चक्षुः स्पर्शनं च रसनं घ्राणमेव च ॥
 अधिष्ठाय मनश्चायं विषयाननुसेवते ॥ ९ ॥

१ तेवि मनःषष्ठां एयां । इंद्रियांतें धनंजया ।
 २ मादंजु देहराजु ने देहा । पासौनु घाला ॥ ३५ ॥ ११

मग एथ अथवा स्वर्गि । जेथ देह अपंगी ।
 तेथ तैसिं चि पुढुतीं पांगी । मनादिके ॥ ३६ ॥
 जैसा माल्हवलेयां दिवा । प्रभेसिं जाए पांडवा ।
 मग उजलिजे तेथ तेव्हां । तैसा चि फांके ॥ ३७ ॥
 १ परि ऐसिया झ्या राहाटी । अविवेकियाचिये दीठी ।
 एतुलें हें किरीटी । गमे चि गा ॥ ३८ ॥
 २ जें आत्मा देहा आला । आणि विखो एणें चि भोगिला ।
 अथवा देहानु गेला । हें साच चि नां ॥ ३९ ॥
 यन्हविं एणें जाणें । करणें हान भोगणें । कां
 हें प्रकृतिचें तेणें । मानियलें ॥ ४० ॥
 परि देहाचें मोटकें उभें । चेतना तेथ उपलभे ।
 तिये चलवलेचेनि मोहें । आला ह्मणति ॥ ४१ ॥

उत्क्रामंतं स्थितं वापि भुंजानं वा गुणान्वितं ॥

विमूढा नानुपश्यन्ति पश्यन्ति ज्ञानचक्षुषा ॥ १० ॥

तैसीं चि तिया संगति । इंद्रियें आपुलालां अर्थि ।
 २५ वर्तति तेया नांव सुभद्रापति । भोगणें जेया ॥ ४२ ॥
 २६ पाठिं भोगक्षई आपैसैं । देह गेल्यां तें न दीसे ।
 २७ एथ तव गेला ऐसैं । बोभाति गा ॥ ४३ ॥
 पैं रंखु डोलतु देखावा । तरि वारा वाजतु मानावा ।
 रंखु नसे तेथ पांडवा । नाहिं चि काडू ॥ ४४ ॥
 १ कां आरिसा संमोहूर ठेविजे । आणि आपणपें तेथ देखिजे ।
 २ तरि तेव्हां चि जाला मानिजे । काडू आदिं नाहिं ॥ ४५ ॥
 ३ कां तो परौता केला आरिसा । लोपु जाला तेया आभासा ।
 तरि आपणपें नाहिं ऐसा । निश्चो करावा ॥ ४६ ॥
 ४ साडु तरि आकाशाचा । परि कपालिं पीटे मवांचा ।
 ५ कां चादिं वेगु अभ्राचा । आरोपिजे ॥ ४७ ॥

तैसें होइजे जाइजे देहें । तें आत्मसत्ते अविक्रिये । -

॥ निष्ठकिति मोहें । आंधले ते गा ॥ ४८ ॥ ॐ

ॐ एथ आत्मा आत्मेयांचे ठांड । देखिजे देहाचा धर्म देहिं । ॥ ४९ ॥ ॐ

ऐसें देखणे ते पाहिं । आन आहाति ॥ ४९ ॥ ॐ

ज्ञाने कां जेयाचे डोले । देखौनि नव्हांति देहिचे खोले । कां

सूर्यरश्मि आणियालें । ग्रीष्मि जैसें ॥ ५० ॥

तैसें धिवेकाचेनि पैसें । जेयाची स्फूर्ति स्वरूपि बैसे ।

ते ज्ञानिये देखति ऐसें । आत्मेयातें ॥ ५१ ॥

जैसें तारांगण भरलें । गगनसमुद्रिं बिंबलें ।

परि हें तूटौनि नाहिं पडिलें । ऐसें निवडे ॥ ५२ ॥ ना

गगन गगन चिं आहे । हें आभासतसे तें वारें ॥ ५३ ॥

तैसा आत्मा देखति देहें । गंवसिला हिं ॥ ५३ ॥

खलालांचेयां लगबगिं । फेडौनि खलालांचेयां भागिं । ॥ ५४ ॥

ॐ देखिजे चंद्रिका ते उगी । चंद्रिं जेविं ॥ ५४ ॥

ॐ कां थिलर सोखे जैसें । सूर्यो जैसा तैसा असे । ॥ ५५ ॥

देह होता जाता तैसें । देखति मातें ॥ ५५ ॥

घटमठें घडले । ते चि पाठिं मोडले ।

ॐ परि आकाश तें संचलें । असत चि असे ॥ ५६ ॥ ॐ

तैसीं अखंडे आत्मसत्ते । अज्ञानदृष्टिकल्पितें ।

ॐ इयें देहें चि होतें जातें । जाणति फुडें ॥ ५७ ॥

यतंतो योगिनश्चैनं पश्यंत्यात्मन्यवस्थिते ॥

यतंतोप्यकृतात्मानो नैनं पश्यंत्यचेतसः ॥ ११ ॥

चैतन्य चढे ना उहटे । चेष्टवी ना चेष्टे ।

ॐ ऐसेनि आत्मज्ञानें चोखटें । जाणति ते ॥ ५८ ॥

ॐ आणि ज्ञान हिं आपैतें होइल । प्रज्ञा परिमाणु हिं उगाणा घेइल ।

ॐ सकल शाखां एइल । सर्वस्व हातां ॥ ५९ ॥

परि ते व्युत्पत्ति ऐसी । विरक्ति न रिगे मानसी ।

भास्ति तारि सर्वात्मका मजसिं । नोहे भेटि ॥ ३६० ॥ न० १६७

७ आगामि पै तौंड भरो कां विचारा । आणि अंतष्करण विषयांसि धारा ।

तारि नातुडे धनुर्दरा । त्रिशुद्धि मीं ॥ ६१ ॥ गा

व/ ७ हांगा अस्मणातियांचां ग्रंथि । काइ तूटति संसारगुंति । ज० ३/ ७

किं परिवसिलियां पोथि । वाचिली होए ॥ ६२ ॥

७ नाना बांधौनियां डोले । घ्राणि लाविजति मुक्ताफलें । आ० ४/ ७

७/ ७ तारि तेयांचें काइ किलें । मोलमान ॥ ६३ ॥ व० १/ ७

७ तैसा चित्तिं अहंते ठाऊ । आणि जीमे सकलशास्त्रांचा सराऊ ।

ऐसा ऐसेनि कोडी एकी जन्म जाऊ । परि न पविजे मातें ॥ ६४ ॥ मी

७/ ७ १२ जो एकु मीं कां समस्ति । व्यापकु असे भूतजाति ।

क आइकें तिये व्यक्ती । रूप करं ॥ ६५ ॥

यदादित्यगतं तेजो जगद्भासयतेखिलं ॥

यश्चंद्रमसि यश्चाग्नौ तत्तेजो विद्धि मामकं ॥ १२ ॥

तारि सूर्या सकट आघवी । हे विश्वरचना जे दावी ।

ते ते दीप्ति माझी जाणावी । आद्यंन्ति हे ॥ ६६ ॥ आ० १/ ७

जल सोखुनु गेलेयां सविता । उल्हासु पुरवितसे माघौता । जो

७/ ७ ते चांदि पांडुसुता । ज्योत्स्ना माझी ॥ ६७ ॥

७/ ७ आणि दहन पचन सिद्धि । करितसे जे निरवधि । ती

७/ ७ ते हुताशि तेजोवृद्धि । माझी चि गा ॥ ६८ ॥ ते १/ ७

गामाविश्य च भूतानि धारयाभ्यहमोजसा ॥

पुष्णामि चोषधीः सर्वाः सोमो भूत्वा रसात्मकः ॥ १३ ॥

मी रिगाला असे भूतलिं । ह्यगौनि समुद्रमहाजलिं । न० १७

ई पांसूची ठेंपुली । वीरे चि नां ॥ ६९ ॥

आणि भूतें हिं चराचरें । हे धरीतसे अपारें । अ/ ७

७/ ७ ते मीं चि धरिं धरें । रिगौनियां ॥ ७० ॥

गगनिं मीं पांडुसुता । चंद्राचेन मीसैं अमृता ।

भरला जालां चालता । सरोवर ॥ ७१ ॥

तेथौनि फांकति रश्मिकर । ते पाट पेलौनि अपार ।
सर्वोषधींचे आगर । भरीतुसैं मीं ॥ ७२ ॥

ऐसेनि सस्यादि सकला । करीं धान्यजाति रसाला ।

दें अन्नद्वारां जिव्हाला । भूतजातां ॥ ७३ ॥

अहं वैश्वानरो भूत्वा प्राणिनां देहमाश्रितः ॥

प्राणापानसमायुक्तः पचाम्यन्नं चतुर्विधं ॥ १४ ॥

आणि निफजविलेयां अन्न । तरि तैसैं कैचें पां दीपन ।

जेणें जिरौनि समाधान । भोगिति जीव ॥ ७४ ॥

हणौनि प्राणिजाताचां घाटें । करुनि कंदा वरि आगिठी ।

दीप्ति जठरिं किरीटी । मीं चि जालां ॥ ७५ ॥

प्राणापानाचां जोडभार्ती । फुंकफुंकौनियां अहोराती ।

आटितसे नेणों केती । उदरा माजि ॥ ७६ ॥

शुष्कें अथवा स्निग्धें । सुपकें कां विदग्धें ।

परि मीं चि गा चतुर्विधें । अन्नें पचीं ॥ ७७ ॥

एवं मीं चि आघवें जन । जना मीं चि जीवन ।
जीवनीं मुख्य साधन । वह्नि मीं चि ॥ ७८ ॥

आतां ऐसेया वरि काड । सांघों व्यासिची नवाई ।

एथ दूजें नाहिं चि घेइ । सर्वत्र मीं ॥ ७९ ॥

तरि कैसेन पां वेखें । सदा सुखियें मानुषें ।

एक आक्रांत दुःखें । भूतजात ॥ ८० ॥

जैसैं सगलिए पाटणी । एकें चि दीपें दिवेलवणी ।

जालियां का नैदेखणीं । उरलीं एकें ॥ ८१ ॥

ऐसी हान उखिविखि । करितु आहासि मानसिकी ।

तरि ते हिं परियस नीकी । शंका फेडूं ॥ ८२ ॥

- पैं आघवा चि मीं असें । एथ नाहिं किं अनारिसें । करि
 १५९ परि प्राणियांचां ठांडं उल्लहसे । बुद्धि ऐसी ॥ ८३ ॥ १
 २० जैसें एकी चि आकाशध्वनि । वाघेविशेषि अनानी । २०
 ५४८ बाजावे पडे भिनि । नादांतरि ॥ ८४ ॥
 २० कां लोकचेष्टि वेगलाला । जो हा एकु चि भातु उदैला ।
 २० तो अज्ञाना परि गेला । उपेगासि ॥ ८५ ॥
 १ नाना बीजधर्मा अनुरूप । झाडि उमविलें आप । पत्रावळे
 २० तैसें परिणमलें रूप । माझे जीवां ॥ ८६ ॥
 २० आगां नेणा आणि चउरा । पुढां निलेयाचा दूसरा ।
 २० नेणा सर्पत्वे जाला एरा । सुखा लागि ॥ ८७ ॥
 २० हें असो स्वातिचें उदक । शुक्ति मोतिएं विआलीं विख । गोळा
 २० तैसें सज्ञानासि मीं सुख । दुःख तें अज्ञानासि ॥ ८८ ॥ ६
 सर्वस्यचाहं हृदि सन्निविष्टो मत्तः स्मृति ज्ञानमपोहनं च ॥
 वेदैश्च सर्वे रहमेव वेद्यो वेदांतकृद्वेदविदेव चाहं ॥ १५ ॥
 पार्था सर्वाचां हृदयदेशि । अमुका हे स्फूर्ति ऐसी । १५
 १५५ स्फुरत अहिर्निशि । ते वस्तु गा मीं ॥ ८९ ॥ १
 १५५ परि संतां सर्वे वसतां । योगज्ञानि पैसतां । आगा
 १५५ गुरुचरण उपासितां । वैराग्येसि ॥ ९० ॥
 १५५ एणें चि सत्कर्म । अशेष हिं अज्ञान विरमे । १
 १५५ जेयाचें अहं विश्रमे । आत्मरूपि ॥ ९१ ॥ २
 १५५ तें आपें आपु देखौनि देखि । मियां आत्मेन सदा सुखी । शेत
 १५५ एथ मीं वांचौनि अवलोकि । आन हेतु असे ॥ ९२ ॥
 १५५ आगा सूर्योदयो जालेयां । सूर्यो सूर्ये चि पाहावा धनंजया । १५५
 १५५ तेवि मातें मीं जाणावेया । मीं चि हेतु ॥ ९३ ॥
 १५५ ना शरीरप्रियातें सेवितां । संसारगौरव आइकतां ।
 १५५ देहिं जेयाची अहंता । बुडौनि ठेली ॥ ९४ ॥

ते स्वर्गसंसारा लागि । धांवता कर्माचेयां मार्गि । धावत कर्ममार्ग
 # दुःखाचां सेलमार्गि । मार्गिन होंति ॥ ९५ ॥
 अर्जुना परि हें इं होणें अज्ञानां । मज चि तव तेया अर्जुना ।
 जैसा जाणता जैसी जागृती चि हेतु स्वप्ना । निद्रिता होए ॥ ९६ ॥ निद्रित व होए ।
 अर्जुना पै अत्रे दिवसु हारतला । तो हिं तेणें चि जाणों आला । अर्जुना
 विषयो तेविं मीं नेणौनि विखो देखिला । मज चि तव भूति ॥ ९७ ॥
 अर्जुना एवं नोंदे कां जागणेया । प्रबोधु हेतु धनंजया । बाधाची
 शान तेविं ज्ञानाज्ञानां जीवाचेया । मीं चि मूल ॥ ९८ ॥
 हाणौनु जैसा असें तैसेया । मातें नेणौनि धनंजया ।
 खे वेदु जाणों गेला तवं तेया । जालिया शाखा ॥ ९९ ॥
 इति तहिं तिन्ही शाखाभेदिं । मीं चि जाणिजे त्रिशुद्धि ।
 से/परी जैसा पूर्वापरां नदीं । समुद्रु चि ठी ॥ १०० ॥ त्रि/५
 आणि महासिद्धांतापासिं । श्रुती हारपती शब्देंसिं ।
 जैसिया सगंधा आकाशें । वातलहरिया ॥ १ ॥
 तैसैं समग्र हिं श्रुतिजात । ठाके लाजिलें ऐसैं निवांत । निजैले
 तें मीं चि करीं यथावत । प्रकटौनियां ॥ २ ॥
 प पाठिं श्रुतिसहित अशेखु । जग हारपे जेथ निशेख । निःशेष
 ते निजज्ञान हिं चोख । जाणता मीं ॥ ३ ॥
 जैसैं निदोलेयां जागिजे । तेव्हलें स्वप्निचें किर नाहिं दूजे ।
 परि एकत्व हिं देखों पाविजे । आपुलें चि ॥ ४ ॥
 तैसैं आपुलें अद्वयपण । मीं जाणतु असें दूजेन विण । जाणता
 तेया हिं बोधा कारण । जाणतो मीं चि ॥ ५ ॥
 तारि आगि लागलेया कापुरा । काजली ना वैश्वानरा ।
 आगि उरणें नाहिं वीरा । जिया परी ॥ ६ ॥
 आभवापरी तेविं समूल अविद्या खाए । तें ज्ञान हिं जें बुडौनि जाए ।
 तै जें नाहिं किर नोहे । आणि असे हिं नां ॥ ७ ॥
 ६९

पै विश्व घेउनि गेला मागेंसि । तेया चोरातें कन्हण गिवंसी ।
 जे कोणही एकी दशा ऐसी । शुद्धा ते मीं ॥ ८ ॥ तुम्हें वस्तु मी
 ऐसी जडाजडें व्यासि । रूप करितां कैवल्यपती ।
 ठी केली निरुपहिती । आपुलां रूपि ॥ ९ ॥ स्वस्विति
 तो आघवा चि बोधु सहसा । अर्जुनि उमटला कैसा ।
 व्योमिचा चंद्रोदयो जैसा । क्षीरार्णवि ॥ १० ॥
 कां प्रतिभीती चोखटे । समोरिला चित्र उमटे ।
 तैसा अर्जुने आणि वैकुण्ठें । नांदतुसे बोधु ॥ ११ ॥
 तन्हि बापु वस्तुस्वभाउ । फावे तव तव गोडिये थाउ ॥ १२ ॥ १३
 हणौनि अनुभवियांचा राउ । अर्जुनु हणो ॥ १२ ॥
 जी व्यापकपण बोलतां । निरुपाधिक जें अनंता । आतां
 स्वरूप प्रसंगता । बोलिले देउ ॥ १३ ॥
 तें एकु वेळु अवेंगवाणें । कीजो कां मज सांघणें ।
 एथ द्वारकानाथु हणो । मलें केलें ॥ १४ ॥
 पै आह्वासि हें कोडें । अखंड बोलें आवडे ।
 परि काइ किजे न जोडे । पूसतें तैसें ॥ १५ ॥ कृ
 आजि मनोरथासि फल । जोडलासि तूं केवल ।
 जें तोंड भरुनि निखल । आलासि पूसों ॥ १६ ॥
 जें अद्वैता वरि भोगिजे । तिये अनुभविचें तूं विरजें ।
 पूसौनि मज माझें । देंतासि सुख ॥ १७ ॥
 जैसा आरिसा आलेयां जवलां । दीसे आपणपेयां आपुला डोला । आपण
 तैसा संवादियां तूं निर्मला । शिरोमणि ॥ १८ ॥
 तुवां नेणौनि पुसावें । मग आहिं परिसौनि वैसावें । कां
 तो पाहु एथ न मिरवे । सोडरेया ॥ १९ ॥ तुम्हें या अवकाशा माने ।
मग सांघावे मांडरेआ
 ऐसें हणौनि आलंगिलें । कृपादृष्टी अवलोकिलें । बोलेनी शुभाक्षिण
दिधले ।
 मग माघौतें आदीरलें । बोलों अर्जुनेसि ॥ २० ॥ ४
 काइ बागिले

१०५८ * दो होंटि एक बोलणें । दोहिं चरणि एक चालणें ।
 तैसें पूसणें सांघणें । तूजें माझे ॥ २१ ॥ आमचे
 { एवं आहिं तुहिं वो एथें । देखावे एकार्थार्थें ॥
 सांघतें पूसतें तेथें । दोन्हीं एक ॥ २२ ॥ }
 * ऐसा भूलला मोहें । देऊ आलंगिला न्हाण ठायें । देवो । पार्थिव आलंगीना
 हे मग बिहाला ह्याने नोहे । आवडी अजुनीसि ॥ २३ ॥
 जालें इक्षुरसाचें डाल । तन्हि लवण देणें किडाल । पा । हे
 दैतसुनीयें ट्याळें जें संवादसुषाचें रसाल । नासैल थितें ॥ २४ ॥
 आदिं चि आहां यया काहिं । नरनारायणा सीनें नाहिं ।
 परि आतां जिरों माझां ठांड । वेगु माझा ॥ २५ ॥ हा
 ४ इया बुद्धी सहसा । श्रीकृष्ण ह्याने वीरेशा ।
 पै गा तो तुवां कैसा । प्रणु केला ॥ २६ ॥
 { जो अर्जुनु कृष्णि विरत होता । तो परतौनियां माघौता ॥
 प्रश्नावलिची कथा । आइको धांवला ॥ २७ ॥ }
 एसे * एथं सगद्गदें बोलें । अर्जुनें जी हाणितलें ।
 निरुपाधिक आपुलें । स्वरूप सांघां ॥ २८ ॥
 ४३५१८१ * एया वोला तो शांङ्गि । तें चि सांघावेया लागि ।
 उपाधि दोहिं भागि । निरूपितु असे ॥ २९ ॥
 ता पूसलेयां निरूपहित । उपाधि कां सांघे प्रस्तुत । एथ
 ३५३१११ हें कोणहां हिं एथ । गमे जरि ॥ ३० ॥
 तरि ताकाचे अंश फेडणें । यया चि नावं लोणीं काढणें । ते
 ४ चोखाचिये शुद्धि तोडणें । कीड चि जेविं ॥ ३१ ॥ जन्हे
 १४ बाबुलि साराजी हातें । परि पाणीं असे आइतें । १ त्वें
 ३३३३३३ अत्र गेलेयां गगन तें । सिद्ध चि किं ॥ ३२ ॥
 वारिलु कोंडेयाचा गुंडाला । संडुनु केलेयां वेगला । झाडूनि
 जो कणु घेंतां विरंगुला । असे काहिं ॥ ३३ ॥ अरे

- तैसा उपाधि उपहिता । सेवदु जेथ विचारितां । ^{असे}
 तें कोण्हां हिं न पूसतां । निरुपाधिक ॥ ३४ ॥
 जैसैं न संघणें वरि । बाला पतिसि रूप करी ।
^{अतिशय पातळीने} बोलु निमालेपणें, विवरी । अचर्च्यातें ॥ ३५ ॥
 पां सांघणेया जोगें नव्हे । तेथिचें सांघणें ऐसैं आहे ।
 ह्मणौनि उपाधि लक्ष्मीनाहें । बोलिजे आदिं ॥ ३६ ॥
 पाडिवेयाची चंद्ररेखा । निरुता दावावेया शाखा । ^{येथीं दोषा}
 दाविजे तेवि औपाधिका । बोली इया ॥ ३७ ॥ या
 मग ह्मणे गा सव्यसाची । पै इयें संसारपाटणिची ।
 वस्ति सवियां टांची । दुपुरुखीं ॥ ३८ ॥ ^{असे}
 द्वाविमौ पुरुषौ लोके क्षरश्चाक्षर एव च ॥
 क्षरः सर्वाणि भूतानि कूटस्थोक्षर उच्यते ॥ ३९ ॥
 जैसिं आघवां चि गगनिं । नांदतें दिवोराती दोनी ।
 तैसे संसारराजधानिं । दोन्ही चि हे ॥ ४० ॥
^{तेथीं} आणीकु (हिं तीज) पुरुखु आहे । परि एयां दोहिंचें नावं न साहे ।
 जो उदैला गांवेंसि खाए । दोन्हितें युयां ॥ ४१ ॥
 परि ते तवं गोठि असो । आदिं दोनी चि हे परियसों ।
 जे संसारग्रामु वसों । आले असति ॥ ४२ ॥ ^{आरंभ}
 एकु आंधला वेडा पंगु । एकु सर्वांगि पुरता चांगु ।
 परि ग्रामगुणें संगु । घडला दोघां ॥ ४३ ॥
^१ तेयां माजि एका नावं क्षरु । एरातें ह्मणिजे अक्षरु ।
 इहिं दोहिं चि पारि संसारु । कोंदला असे ॥ ४४ ॥ ^त
 आतां क्षरु तो कवणु । अक्षरु किलक्षणु । ^{ना}
 हा अभिप्राउ संपूर्णु । विवंचू गा ॥ ४५ ॥
 तरि महदहंकारा । लागौनि धनुर्दरा ।
 तूणांतिचा पांगोरा । वेन्हि पै गा ॥ ४६ ॥

- जें काहिं साने थोर । चालतें अथवा थिर ।
 किबहुना गोचर । मनहुदिसि ॥ ४६ ॥ ^{मि}
- के जेतुलें पांचमौतिक घडतें । जें जें नावरूपा सांपडतें । ^{जे/ने}
 गुणत्रयाचां पडतें । कामठां जें ॥ ४७ ॥ ^{जे/कामवटे}
- भूताकृतिके नाणें । घडतु भांगारें जेणें । ^{जे}
 कालासि जुं खेलणें । जिहिं कवडा ॥ ४८ ॥
- जाणणेनि चि विपरीतें । जें जें काहिं जाणिजतें ।
 तें प्रतिक्षणिं निमतें । होउनियां ॥ ४९ ॥
- जे/१ आगा काढौनि आतिचे दांग । उभवी सिष्टिचे आंग ।
 हें असो बहूजग । जेया नावं ॥ ४५० ॥
- पैं अष्टधा भिन्न ऐसें । जें दाविलें प्रकृतिमीसें ।
 जें क्षेत्रद्वारें सतिसें । मार्गिं केलें ॥ ५१ ॥
- हें मागिलें साघों केती । आगा आतां चि जें प्रस्तुति ।
 रुखाकाररूपकरीती । निरूपिलें ॥ ५२ ॥ ^{सुभति}
- तें आवचें चि साकारें । कल्पौनि आपणापेयां पुरें । ^{१ उभर}
- का जालें असे तदनुसरि । चैतन्य चि ॥ ५३ ॥
- १ जैसा कुहां आपण चि बिंबे । सींहु प्रतिबिंब पांतां खोमे । ^{१ को}
- का खोमला समारंभे । घळी तेथ ॥ ५४ ॥
- कां सलिलिं असत चि असे । व्योमा वारि व्योम बिंबे जैसें । ^{१ वंगरी}
- चैतन्यदेन अद्वैत होउनि तैसें । द्वैत घेपें ॥ ५५ ॥
- अर्जुना गा यया परी । साकार कल्पौनि पुरी । ^म
- आत्मा विस्मृतिची करी । नीद तेथ ॥ ५६ ॥ ^{१ नीद}
- पैं स्वप्निं सेजारु देखिजे । मग पड्डणें जैसें कीजे । ^{१ पू/सा/तथ}
- तैसें पूरि शयन जाणिजे । आत्मेयासि ॥ ५७ ॥
- १ नीदेनीपाठि तिये नीदेचेनि भरें । मिं सुखी दुःखी ह्यणतु घोरें । ^{१ न}
- अहंमयाधिचेन थोरें । उभसणाए सादु ॥ ५८ ॥ ^{१ उफाडे गा}

- हा जनकुहे माता । हा मीं गौर हीनु पुरता ।
पुत्र वित्त कांता । माझी हिनां ॥ ५९ ॥
- ऐसेया वेंवौनि स्वप्ना । वांवतु भवस्वर्गाचिया राना ।
तेया चैतन्या नावं अर्जुना । क्षर पुरुखु गा ॥ ४६० ॥
- आतां क्षेत्रब्रु नावें एणें । जेयातें बोलणें ।
जार्गि जीउ हणणें । जिये दशेतें ॥ ६१ ॥
- जो आपुलेन विसरें । सर्व भूतत्वे अनुकरे ।
तो आत्मा बोलिजे क्षरें । पुरुखु नावें ॥ ६२ ॥
- जो वस्तुस्थिती पुरता । हणौनि आली पुरुषता ।
वरि देहपुरीं निदैजता । पुरुषु नावें ॥ ६३ ॥
- आणि क्षरपणाचा नाथिला । आलु यया ऐसेनि आला ।
तिये उपाधी आतला । हणौनियां ॥ ६४ ॥
- जैसी खलालिचेया उदका । सरिसी उदले चंद्रिका ।
तैसा विकारां औपाधिकां । ऐसा चि गमे ॥ ६५ ॥
- कां खलाल मोटका सोसे । आणि चंद्रिका तैसी चि भंशे ।
तैसा उपाधिनाशि न दीसे । औपाधिकु फुरे ॥ ६६ ॥
- ऐसें उपाधिचेनि पाडें । क्षणिकत्व यया जोडे ।
तेणें खोंकरणें वडे । क्षर नावें ॥ ६७ ॥
- एवं जीवचैतन्य आवें । हें क्षर पुरुखु जाणावें ।
आतां रूप करुं वरवें । अक्षरासि ॥ ६८ ॥
- तरि अक्षर जो दूसरा । पुरुषु पै धनंजया ।
तो मध्यस्थु गा गिरिवरा । मेरु जैसा ॥ ६९ ॥
- जें तो पृथ्विपातालस्वर्ग । इहिं न भेदे तिहिं भागि ।
तैसा ज्ञानाज्ञानांगि । पडे ना जो ॥ ७० ॥
- नां यथार्थज्ञानें एक होणें । ना अन्यार्थत्वे दूजें घेणें ।
ऐसें देहिं निखल जें नेणणें । तें तें चि रूप ॥ ७१ ॥

- पांसुता निःशेष जाए । नां घट्टेमांडादिकिं होए । ७१ ॥
- तेया मृत्पिंडा ऐसैं आहे । मध्यस्थु जो ॥ ७२ ॥
- पै आटौनि गेलेयां सागर । मग तरंग ना नीर ।
- तया ऐसिया अनाकार । जे कां दशा ॥ ७३ ॥
- पार्था जागणें तरि बुडे । परि स्वप्नाचें कांहि न मांडे ।
- तैसीये नींदे सांकडें । निहालिजे ॥ ७४ ॥
- विश्व आघवें मावळें । आणि आत्मबोधु नुजले ।
- तिये अज्ञानदशे केवले । अक्षर नावं ॥ ७५ ॥
- सर्वी कांलिं सडिलें जैसैं । चांदपण उरलें अबसे ।
- रूप जाणें तैसैं असे । अक्षराचें ॥ ७६ ॥
- पै सर्वोपाधिविनासैं । हे जीवदशा जेथ पैसे ।
- फलपाकिं तैसैं । झाड बीजि ॥ ७७ ॥
- तैसैं उपाधिसिं उपहित । थोकौनि ठाके जेथ ।
- तेयातें अव्यक्त । बोलति गा ॥ ७८ ॥
- जेयासि गा बीजभाऊ । वेदान्ति केला ऐसा आहे ।
- तो तेया पुरुषा ठाऊ । अक्षराचा ॥ ७९ ॥
- जेथौनि अन्यथा ज्ञान । फांकौनि जागृति स्वप्न ।
- मानाबुद्धिचें रान । रिगलें असे ॥ ८० ॥
- जीवत्व जेथौनि किरीटी । विश्व उठवित चि उठी ।
- तै उभयबुद्धिची मीठी । अक्षर पुरुष ॥ ८१ ॥
- एरु क्षर पुरुष कां जनिं । जिहिं खेले जागृतिस्वप्नि ॥
- तिया अवस्था जिया दोहिं । वियाला गा ॥ ८२ ॥
- पै अज्ञान घनसुषुप्ति ॥ ऐसैसी जे ख्याति ।
- इया उणिवे प्राप्ति । ब्रह्माची जे ॥ ८३ ॥
- साच चि पुढुतीं वीरा । जरि नैयंता स्वप्नजागरा ।
- तरि ब्रह्माऊ । साचोकारा । ह्याणें येता ॥ ८४ ॥

परि प्रकृतिपुरुषं दोन्ह । अत्रे जाळि जिये गगनि ।
क्षेत्रक्षेत्रज्ञ स्वमि । देखिली जिये ॥ ८५ ॥ या
हे असो अधोशाखा । यया संसाररूपा रुंखा । १

मूल ते पुरुखा । अक्षराचें ॥ ८६ ॥

हा पुरुषा कां हाणिजे । जें पूर्णपणें चि निजें । १/१
पै मायापुरि पड्डिजे । तेणें हिं बोलें ॥ ८७ ॥

आणि विकारांची जे वारी । ते विपरीतज्ञानाची परी ।
नेणिजे तिये माझारि । ते सुषुप्ति हा ॥ ८८ ॥ चि
हाणोनियां आपैसैं । क्षरणें यया नसे ।

आणि कहीं चि हा न नसे । ज्ञाना उणें ॥ ८९ ॥

यया लागि हा अक्षर । ऐसा वेदांति डोर । गजरु
केला देश थोर । सिद्धांतांचां ॥ ९० ॥

ऐसैं जीवकार्यकारणें । जेया मायासंगु चि लक्षणें । वि

अक्षर पुरुष जाणें । चैतन्य तें ॥ ९१ ॥

आतां अन्यथाज्ञानि । दोनी अवस्था जिया जनि ।

तिया हारपति बनि । अज्ञानतत्वि ॥ ९२ ॥

तें अज्ञान ज्ञानि बुडालेयां । ज्ञानें कीर्त्तिमुखत्व केलेयां ।

जैसा वन्हि काष्ठ जालोनियां । स्वयें जळें ॥ ९३ ॥

तैसैं अज्ञान ज्ञानें नेलें । आपण वस्तु होउनु ठेलें । १/१

ऐसैं जाणणेन विण उरलें । जाणतें जें ॥ ९४ ॥

उत्तमः पुरुषस्त्वम्यः परमात्मेत्युदाहृतः ॥

सो लोकत्रयमाविश्य बिभर्त्यव्ययमीश्वरः ॥ ९७ ॥

आगा तो उत्तमु पुरुषु । जो तृतीयु कां निष्कर्षु ।

दोहीं इं हुनु आणिकु । आदिलां जो ॥ ९५ ॥

सुषुप्ती आणि स्वप्ना । पासौनु बहू अर्जुना । १/१

जागणें जैसैं आना । बोधाचें चि ॥ ९६ ॥

- कां रश्मि हान भृगजला । पासौनि अर्कमंडला ।
 तं अफाटु तैसा वेगला । उत्तमु गा ॥ ९७ ॥
 शंका/ल नातरी काष्टिचा काष्टीहूनि । अनारिसा जैसा वन्हि ।
 तैसा क्षराक्षरा पासौनि । आनु चि तो ॥ ९८ ॥
 पै असौनि आपुलिया मर्यादा । एक करीतु नदीनदां । नदीनी
 ७१ उठिला कल्पातिचा उदावादा । एकार्णवाचा ॥ ९९ ॥
 तैसें स्वप्न ना सुषुप्ति । जागराची गोठि चि नाथि । ना / १०० ॥
 १०० जैसी गलिली दिवोराती । प्रलयतेजें ॥ १०० ॥
 एक मग आपण ना दुजें । असे नसे हें नेणिजे । नारी
 अनुभौ निर्बुजें । बुडाला जेथ ॥ १ ॥
 जे ऐसैसुं आथि काहिं । तें तो उत्तमु पुरुष पाहिं । १
 ते/न जें परमात्मा इहिं । बोलिजे नामीं ॥ २ ॥
 १०१ ते हिं एथ न मिसलतां । बोलिलें जीवतें पांडुसुता । १०१
 जैसी बुडणेयाची वार्ता । थडिए किजे ॥ ३ ॥
 शान्ता तैसें विवेकाचिये कांठि । उमें केल्यां किरीटी । ३
 पारावाराचिया गोठि । करणें वेदां ॥ ४ ॥
 * यस्मात्क्षरमतीतोहमक्षरादपि चोत्तमः ॥
 अतोस्मि लोके वेदे च प्रथितः पुरुषोत्तमः ॥ १८ ॥
 हाणौनि पुरुष क्षराक्षर । दोन्हि देखौनि अनावर । अवतार
 प ययातें ह्यणति पर- । आत्मरूप ॥ ५ ॥
 वा अर्जुना ऐसिये परी । परमात्माशब्द वेन्हि । ५
 सूचिजे गा अवधारिं । पुरुषोत्तमु ॥ ६ ॥
 १०२ नतकर्मयन्हवि नबोलणेन बोलणें । जेथिचें सर्व नेणिवां जाणणें । ते/न जें ते
 काहिं चि नहोउनि होणें । जें वस्तु गा ॥ ७ ॥
 सोहं तें हिं अस्तवळें । जेथ सांघणें चि मुकावळें । ते/न सांघणे आळे
 दृष्ट्येसिं विराळें । दृश्य जेथे ॥ ८ ॥ १०३ ॥ १०४ ॥

- ॐ आतां बिंबा आणिं प्रतिबिंबा । माजि कैची हीं हणों नैए प्रभा ।
जहिं कैसेन हिं लामा । जाए चि ना ॥ ९ ॥
- दुति कां घ्राणा आणि फुला दोहिं । वृत्ति असे माझारिळां ठांइ ।
न दीसे तहिं नाहिं । बोलों नैए ॥ ५१० ॥ ऐसे म्हणे नभे
तैसें द्रष्टा दृश्य हें जाए । मग कोणु हणें काइ आहे ।
- चि ते हें अनुभवे चि पाहे । रूप जेया ॥ ११ ॥ ते
- २० जो प्रकाश्ये विण प्रकाशु । जो ईशितव्ये विण ईशु । सेव्ये
ॐ आपणीन चि अवकाशु । वसवितु असे ॥ १२ ॥ नभसने जो
- जो नादें आइकिजता नादु । स्वादें चाखविजता स्वादु । स्वादिजे जो
- ॐ जो भोगिजतु असे आनंदु । आनंदें चि ॥ १३ ॥
- सुखासि सुख जोडलें । जें तेज तेजासि सांपडलें । ॐ
भून्य हिं बुडालें । शून्य जियें ॥ १४ ॥ शून्येसीं
तो पूर्णतेचा पारिणामु । पुरुषु गा सर्वोत्तमु ।
- हे विश्रांतिचा विश्रामु । विराला जेथ ॥ १५ ॥
- वि जो आकाशा हि वरि उरता । ग्रासार्ते हिं ग्रस्तुनि पुरता । ॐ
जो बहुते पाडें बहुता । पासौनि बहू ॥ १६ ॥
- पैं नेणतेया प्रती । रूपेपणाची प्रतीती ।
रूपें नोहौनि शुक्ति । दावी जेविं ॥ १७ ॥
- नालाळे कां नाना अलंकारदसे । सोनें न लपतां आलें असे ।
- आ विश्व नोहौनि तैसें । विश्व जो घरी ॥ १८ ॥
- ११ हें असो जलतरंगा । नाहिं सिनानेपण जेविं गा । १११२
तेविं सत्ताप्रकाशु जगा । आपण चि जो ॥ १९ ॥
- आपुलेयां संकोचविकासा । आपण चि रूप वीरेशा ।
- ॐ चंद्र हा जलिं चांदु हान जैसा । समूठ गा ॥ ५२० ॥
- तेसा विश्वपणें काहिं होए । नां विश्वलापि कें हि जाए ।
जैसा रातीदिहो नेहे । दिघा रवि ॥ २१ ॥

तैसा काहिं चि कोणही कडे । काइसेन हि वेचि न पडे ।

जेयाचें सांकडें । जेयासि चि ॥ २२ ॥

जो आपणपें चि आपणेयां । प्रकाशितुसे धनंजया ।

काइ बहु बोलों जेया । नाहिं दूजें ॥ २३ ॥

तो गा मीं निरुपाधिकु । क्षराक्षरोत्तमु एकु ।

हणौनु हणें वेदलोकु । पुरुषोत्तमु ॥ २४ ॥

यो मामेवमसंमूढो जानाति पुरुषोत्तमं ॥

स सर्वविद्भजति मां सर्वभावेन भारत ॥ १९ ॥

हे परि असो ऐसेया । मज पुरुषोत्तमातें धनंजया ।

जाणें जो पाहालेयां । ज्ञानमित्रें ॥ २५ ॥ मंत्रे

चेइलेयां आपुलें ज्ञान । जैसें नाहिं चि होए स्वप्न ।

तैसें फुरतें जेया त्रिभुवन । वाउं जालें ॥ २६ ॥

कां हाति घेतली माला । फीटे सर्पाभासाचा कांठाला । ३

तैसें माझेन बोधें टवाला । नांगवे जो ॥ २७ ॥

लेणें सोनें चि जो जाणे । तो लेणेपण तें वाउं हणें । ३

मीं तेवि जाणौनि जेणें । वालिला भेदु ॥ २८ ॥

मग सर्वत्र सच्चिदानंदु । मीं चि एकु स्वतःसिद्धु ।

जो आपणेनसि भेदु । नेणौनि जाणे ॥ २९ ॥

तैसें चि सर्व जाणितलें । हें इ हणणें थेकलें ।

जे तेया सर्व उरलें । द्वैत नाहिं ॥ ५३० ॥

हणौनि माझेया भजना । उचित तो चि अर्जुना ।

गगन जैसें आलंगना । गगनाचेया ॥ ३१ ॥

क्षीरसागरा परगुणें । किजे क्षीरसागरपणें ।

कां अमृत चि होउनि मिलणें । अमृति जेविं ॥ ३२ ॥

साडेपन्हरां मिसलावें । तारे पन्हरे चि जेविं होआवें ।

तेविं मीं जालेयां संभवे । भक्ति माझी ॥ ३३ ॥

आ हांगा सिंधुसि आनी होंति । तारि गंगा कैसेन ^{मिळती} फिरे माघौती ।
 अनि नारीं हणौनि मीं नोहतां भक्ति । अन्वयो आहे ॥ ३४ ॥
 १/२३ ऐसेया लागि सर्वि प्रकारिं । जैसा कळोळु अनन्यु सागारिं । ते/१
 जो तैसा मातें अवधारिं । भजिनला तो ॥ ३५ ॥
 सूर्या आणि प्रभे । एकवंकै जेणें लोभें ।
 १/१५२० * तो पाडु मानुं लाभे । भजना तेया ॥ ३६ ॥
 एवं कथिलेयादारम्य । जें हें सर्वशास्त्रैकलम्य ।
 उपनिषदां सोरम्य । दशदलांचें ॥ ३७ ॥
 १/३६ हे जें ब्रह्माचेनि नवनीतें । व्यासुप्रज्ञेचेनि हातें । १
 मथुनि काढिलें आइतें । सार आर्क्षि ॥ ३८ ॥
 * इति गुह्यतमं शास्त्रमिदमुक्तं मयानघ ॥
 एतद्बुद्धिमान्स्यात्कृतकृत्यश्च भारत ॥ २० ॥

१ जे ज्ञानामृताची ज्ञानहवी । जे आनंदचंद्रिची सतरावी ।
 १/३६ विचारक्षीराणां विची नवी । लक्ष्मी जे हे ॥ ३९ ॥
 हणौनि आपुलेनि पदें वर्णे । अर्थाचेनि जीर्णि प्राणें ।
 १/३६ मीं वांचौनि होउं नेणें । आन काहिं ॥ ४० ॥
 १ क्षराक्षरलें संगोहर जालें । तें पुरुषत्वे वालिलें । १/३६
 मग मज सर्वस्व दीधलें । पुरुषोत्तमिं ॥ ४१ ॥ म
 १/३६ हणौनि जार्णि गीता । मियां आत्मेन पतिव्रता ।
 जे हे प्रस्तुतिं आतां । तुत्रां आकर्णिली ॥ ४२ ॥ ते
 १ साच चि बोलाचें नोहे शास्त्र । पै संसार जीणतें हें शस्त्र ।
 आत्मा अवतरवितें मंत्र । अक्षरें इयें ॥ ४३ ॥
 पारि तुज पुढां सांधितलें । तें अर्जुना ऐसें जालें ।
 गोप्य धन काढिलें । माझे आजि ॥ ४४ ॥
 मज चैतन्यशंभुचां माथां । जो निक्षेपु होता पार्था । १/३६
 तेया गौतमु जालासि आस्था । निधि तुं गा ॥ ४५ ॥

चोखटिवां आपुलिया । पुढेला उगाणा घेयावेया ।
 या तेया दर्पणाची परी धनंजया । केली आह्वां ॥ ४६ ॥ तुवा के ले अह
 नि कां भरलें चंद्रतारांगणि । नम सिंधु आपणेयां आणी । जपे
 ता/१ तैसा गीतेसि मीं अंतष्कारणि । सूदळां तुवां ॥ ४७ ॥ मीं
 जें त्रिविधमलकटां । संडिलासि सूभटा । आ/अंत
 १ ह्यणौनि गीतेसि मज वसैठा । जालासि गा ॥ ४८ ॥
 परि हें काइ बोर्लें गीता । जे हे माझी उन्मेखलता । १
 जो जाणे तो समस्तां । मोहां मूके ॥ ४९ ॥
 सेविली अमृतसरिता । रोयु दवडुनि पांडुसुता । रागा-राहू भिया
 हाता अमरपण उचिता । देउनि घली ॥ ५० ॥
 तैसी गीता हे जाणितलियां । काइ विस्मो मोहो जावेया ।
 १ परि आत्मज्ञानें आपणेपेयां । मीलजे एथ ॥ ५१ ॥
 जेया आत्मज्ञानाचां ठांड । कर्म आपुलेया जीविता पाई । री
 होउनियां उतराई । लया जाए ॥ ५२ ॥
 त हारपलें दाउनि जैसा । मागु सरे वीरविलासा । दीष्ट
 ज्ञानें कलसु वलचे तैसा । कर्मप्रासादा ॥ ५३ ॥ १
 या ह्यणौनि ज्ञानियां पुरुखां । कृप करं सरलें देखां ।
 मे ऐसा अनाथाचा सखा । बोलिला तो ॥ ५४ ॥
 १ तें श्रीकृष्णवदनामृत । पार्थु भरुनि असे असंडत । च/।
 मग तवं व्यासकृपा एत । संजयासि ॥ ५५ ॥
 तो धृतराष्ट्र राया । सूत असे पान करावेया । सूतसे
 ह्यणौनि जीवितांतु तेयां । नव्हे चि भारी ॥ ५६ ॥ १
 जीं यन्हर्वि गीताश्रवणअवसरि । आवडों लागतां अनधिकारी । ७
 १ शिष्यि पारि सेखि ते चि उजिरी । पांति लाभली ॥ ५७ ॥ यातकाभकी
 सी जेधवां द्राक्षि दूध घातलें । तेधवां वायां गेलें गमलें । तेवढे गमे/१
 पारि फलपाकि दूणावलें । देखिलें जेविं ॥ ५८ ॥

- अक्षरे तैसि हरिवक्त्रिचीं आखरें । संजयें साधितलिं आदरें ।
 हि तिहिं अंधु तो अवसरें । सुखिया जाला ॥ ५९ ॥
 तें चि मन्हाटेनि विन्यासें । मियां उन्मेळें ठसें ठोमसें ।
 जी/जे/जे जाणों नेणों तैसें । निरोपिलें ॥ ५६० ॥
 आरोग्यपारो सेवति ए अरसिकां हिं । आंग पांतां विशेषु नाहिं ।
 परि सौरम्य नेलें तिहिं । भ्रमरिं जाणिजे ॥ ६१ ॥
 तैसें घड तें प्रमेय घेइजे । न्यून तें तें मज देइजे । उणें
 नि जें नेणणें हें साहाजें । रूप किं बाळा ॥ ६२ ॥
 परि नेणतें जन्हि होए । तन्हि देखौनि बापु किं माए ।
 ६ हरिखु कें हिं नु माए । चोज करिति ॥ ६३ ॥
 तैसें संत माहिं एर माझे । तुझि मीनलेयां मीं लाडैजे ।
 तें चि ग्रंथाचेनि व्याजें । जाणिजो जी ॥ ६४ ॥
 हा आतां विश्वात्मकु माझा । स्वामी श्रीनिवृत्तिराजा ।
 तो अवधारु वाक्यपूजा । ज्ञानदेव हाणे ॥ ६५ ॥

इति श्रीमद्भगवद्गीतासूपनिषत्सु ब्रह्मविद्यायां योगशास्त्रे

श्रीकृष्णार्जुनसंवादे पुरुषोत्तमयोगो

नाम पंचदशोऽध्यायः ।

॥ श्रीकृष्णार्पणमस्तु ॥



ज्ञानेश्वरी

अध्याय सोळावा

श्रीकृष्णाय नमः ॥

सावलवितु विश्वाभासु । उवल उदैजेला चंडांशु ।
अद्वयाब्जिनीविकाशु । वंदूं आतां ॥ १ ॥
जो अविद्ये राती रुसौनियां । गिळी ज्ञानअज्ञानाचिया चांदणियां ।
जो सुदीनु करी ज्ञानियां । स्वबोधाचा ॥ २ ॥
जेणें विवळतिये सवले । लाहूनि आत्मज्ञानाचे डोले ।
सांडीति देहअहंतेचें आविसालें । जीवपक्षी ॥ ३ ॥
लिंगदेहकमलाचा । पोटीं वेचतेया चिद्रमराचा । वि० क०
बांदिं मोक्षु जेयाचा । उदैला होये ॥ ४ ॥
शब्दाचिया अशंकडी । भेदनदिचां दोहीं थडीं ।
अरडांतें विरहवेडी । बुद्धि बोधी ॥ ५ ॥
तें याचकाचें मिथुन । संमरस्याचें समाधान । चकीचे
भोगवि जो चिद्रगन । भवनदिवा ॥ ६ ॥
जेणें पहालेनि पाहाटे । भेदाची चोखेल फाटे । चोखेब
रीगति आत्मानुभववाटे । पंधिक योगी ॥ ७ ॥
जेयाचेनि विवेकाकरणसंगें । उन्मेखसूर्यकांत—स्फुलिंगें ।
दीपळे जालीति दांगें । संसारार्ची ॥ ८ ॥

जेयाचा रश्मिपुंजु निबरु । होतां स्वस्वरूपउबारीं स्थीरु ।

ये महासिद्धिचा पूरु । मृगजलांचा ॥ ९ ॥

जो प्रत्यग्बोधोचेया माथेया । सोहंतेचां मध्यान्हीं आलेयां ।

लपे आत्मभ्रांतिछाया । आपणपां चि ॥ १० ॥

तेव्हलिं विश्वस्वप्ने सहितें । कोण अन्यथामतिनिदेतें ।

सांभालिं नुरे चि जेथें । मायाराति ॥ ११ ॥

हणौनि अद्वयबोधपाटणीं । महानंदाचिया दाटणीं ।

मग सुखानुभौ तिहिं धेणीं । मंदवों लागे ॥ १२ ॥

किंबहुना ऐसैसैं । मुक्तातें कैवल्यमुदिसैं ।

सदा लालिजे कां प्रकारें । जेयाचेनि ॥ १३ ॥

जो निजधामव्योमिचा राउ । उदैला चि उदैजतखे ॥

फेडीं पूर्वादिदिशांचा ठावो । उदोअस्तूंचा ॥ १४ ॥

न दिसणें दीसणेनसिं मावळवी । दोहों झांकलें सैध पचळवी ।

काइ बोलें आघवी । उखा चि ते आनी ॥ १५ ॥

तो अहोरात्राचा पैलकडु । कोणें देखावा ज्ञानमार्तडु ।

प्रकास्यें विण सुरवाडु । प्रकाशाचा ॥ १६ ॥

तेया चित्सूर्या श्रीनिवृत्ती । आतां नमो चि हणें पुढुतीं ।

जो बाधकां येइजताहे स्तुती । बोलाचिया ॥ १७ ॥

वेदांचें माम पाउनियां । स्तुती तरि एइजे आंगावेया ।

जरि स्तव्यबुद्धिसिं लया । जायिजे कां ॥ १८ ॥

जो सर्व भेणिकां आणिजे । मौनाचिया मिठिया वर्णिजे ।

काहिं चि नोहुनि आणिजे । आपणेयां जो ॥ १९ ॥

जेया तुझेया उद्देशा साठिं । पश्यंती मध्यमापोटीं ।

सूनु परेसीं हीं पाठीं । वैखरी विरे ॥ २० ॥

तेया तूतें मीं सेवकपणें । लेवधिं बोलिकेयां स्तोत्रांचें लेणें ।

हें उपसाहायें हीं हणतां उणें । अद्वयानंदा ॥ २१ ॥

परै रंकें अमृतसागर । देखिलेयां पडे उचिताचा विसर ।
 मग करुं धावे पाहुणेरु । शाकांचा तेया ॥ २२ ॥
 तेथ शाकु किरु बहुतु हगवा । तेयाचा हर्षवेगू चि तो घेयावा ।
 उज्ज्वल दिव्यतेजा हाथैवा । ते भक्ति पावी ॥ २३ ॥
 बाला उचित जाणणें होये । तरि बालपण चि कें आहे ।
 परि साच चि एरि माए । हणौनि तोषे ॥ २४ ॥
 हां गा गावरसेया भरलें । पाणी पाये देत वरि आलें ।
 तें गंगा काड देखिलें । आनी दीठी ॥ २५ ॥
 जी चांगु कैसा अपकार । किं तो मानूनि प्रियउपकार ।
 तोषे चि ना सारंगधर । पूतनेसि ॥ २६ ॥
 कां आंधारेनि खतैलें अंबर । जालेयां दिवसनाथा समोर ।
 तेणें तें परतें सर । हणितलें कायी ॥ २७ ॥
 तेथि भेदबुद्धिचिये तुलें । घालूनि सूर्यश्लेषाचें कांटालें ।
 तूकिलासि तें अल्लें । पुरें करीं जी ॥ २८ ॥
 जिहीं ध्यानाचां डोलां पाहिलासि । वेदादिवाचा वानिलासि ।
 जें उपसाहिलें तेयांसि । तें आह्वां करीं ॥ २९ ॥
 परि आजि मीं तूझा गुणी । लांचवलां अपराधु न गणीं ।
 भलेतें करीं आधधणी । नूठिं कदा ॥ ३० ॥
 मियां गीता येणें नावें । तूझें यश हें अमृत सुहावें ।
 धानुं लाधलेति तें दूणेनि थावें । दैवलदैवं ॥ ३१ ॥
 माक्षिया सत्यवाचा तप । केलें बहुत कल्प ।
 तेया फलाचें हें महाद्वीप । पातली प्रभू ॥ ३२ ॥
 पुण्यें पोसिलिं असाधारणें । तियें तुझे गुण वानणें ।
 देउनि मज उरिणें । जालिं आजि ॥ ३३ ॥
 जी जीविताचां आडिचीं । आंतुडलेयां मरणगावीं ।
 ते अवदशा चि आघवी । फीटली हे ॥ ३४ ॥

जे गीतापणें नावणिगी । जे अविद्या जीणौनि दाटुगी ।
 ते कीर्ति तूझी आत्मां जोगी । वानावेया जाली ॥ ३५ ॥
 पै निर्धनां घरीं वानवसें । महालक्ष्मी एउनि बैसे ।
 तेया ही वरतें निर्द्धन ऐसें । ह्मणों ए कायि ॥ ३६ ॥
 अंधकाराचेया ठाया । दैवें सूर्यो आलेयां ।
 तें आंधारु चि जगा येया । प्रकाशु नोहे ॥ ३७ ॥
 जेया देवाची पाहातां थोरी । विश्व परमाणु हिं दशा न धरी ।
 तो भक्ताचेया सरोभरी । नव्हे चि कायि ॥ ३८ ॥
 तैसें मीं गीता वाखाणीं । ये खपुष्पाची किर तुरंबणी ।
 परि समर्थे तुवां सिरियाणीं । फेडिली ते ॥ ३९ ॥
 हाणौनि तूझेनि प्रसादें । मी गीता पयें अगाधें ।
 निरोपीन जी विशदें । ज्ञानदेउ ह्मणे ॥ ४० ॥
 तरि अध्यायिं पन्हारावां । श्रीकृष्णें तेया पांडवा ।
 शास्त्रसिद्धांतु आधवा । उगाणिला ॥ ४१ ॥
 जें वृक्षरूप परिभाषा । केलें उपाधिरूप अशेषा ।
 सदैवें जैसें दोषां । आंगलीनां ॥ ४२ ॥
 आणि कूटस्थु जो अक्षर । दाविला पुरुषाकार ।
 तेणें उपहिता ही आकार । चैतन्या केल ॥ ४३ ॥
 पाठिं उत्तमु पुरुषु । शब्दाचें करुनि मीष ।
 दाविलें चोख । आत्मतत्त्वी ॥ ४४ ॥
 आत्मविषयीं आंतुनट । साधन गा आंगदट ।
 ज्ञान होये हें इं स्पष्ट । चावललां ॥ ४५ ॥
 हाणौनि ये अध्याइं । निरूप्य नुरे चि काहीं ।
 आतां गुरुशिष्यां दोहीं । स्नेहो लाहाणां ॥ ४६ ॥
 एवं ये विशिं किर । तेयातें बुझाविलें अपार ।
 परम सुसुख इतर । साकांक्ष जाले ॥ ४७ ॥

जे मज पुरुषोत्तमा । ज्ञानें भेटे सुवर्मा ।
 तो सर्वज्ञ ते चि सीमा । भक्तिची ही ॥ ४८ ॥
 ऐसैं जें त्रैलोक्यनायकें । बोलिलें अध्यायांतल्लोकें ।
 तेथ ज्ञान चि बहू येकें । तोषें वानिलें ॥ ४९ ॥
 भरुनु प्रपंचा घोंटु । कीजे देखतां चि देखतेया द्रष्टु ।
 आनंदसाम्राज्यां पाटु । बांधिजे जीवा ॥ ५० ॥
 एवढेया लाभाला उपावो । आनु नार्हि चि ह्मणे देउ ॥
 सम्यग्ज्ञाना हो राउ ॥ उपाया पुढुतीं ॥ ५१ ॥
 ऐसे आत्मजिज्ञास जे होंते । तोखलेनि चित्तें ।
 आदर्श तेया ज्ञानातें । बोवाळिलें जीवें ॥ ५२ ॥
 आतां आवडि जेथ पडे । तेयाची अवसरी पुढें पुढें ।
 रिगो लागे हें घडे । प्रेम ऐसैं ॥ ५३ ॥
 हाणौनि जिज्ञासुचां पैकीं । ज्ञानीं प्रीति होये नां जवं नीली ।
 तवं योगक्षेमु ज्ञानविधिं । स्फुरला चि ॥ ५४ ॥
 हाणौनि तें चि सम्यग्ज्ञान । कैसेनि होये स्वाधीन ।
 जालेयां वाडजतन । केवि निफजे ॥ ५५ ॥
 कां उपजों चि जेणें न लाहे । जें उत्पन्न हीं अव्हांटा सुये ।
 तें ज्ञान काइ बोखटें आहे । हें जाणावें ॥ ५६ ॥
 मग जाणों तेयाचें वीरं । तेया ही वाटवाहाणी विचारं ।
 ज्ञाना हित तें चि करूं । सर्वभावं ॥ ५७ ॥
 ऐसा जिज्ञासु तुझीं समस्तीं । भावो जो धरिला असे चित्तीं ।
 तो पुरवावेया लक्ष्मीपती । बोलिजेल ॥ ५८ ॥
 ज्ञानासि पुनर्जन्म जाडे । आपुली विश्रान्ति ही वारि वाडे ।
 जिया संपत्ती तें पवाडे । सांचेल दैवी ॥ ५९ ॥
 साहाजें इष्टानिष्ठकरणीं । दोघी चि या कवतिकिणी ।
 हे नवमाध्यायीं उद्याणीं । केली होती ॥ ६० ॥

श्रीभगवानुवाच ॥

अभयं सत्त्वसंशुद्धिर्ज्ञानयोगव्यवस्थितिः॥

दानं दमश्च यज्ञश्च स्वाध्यायस्तप आर्जवम् ॥ १ ॥

तेथ साउमा घेआवा उवावो । तवं मांडला आनु प्रस्ताउ० ।
 तरि त्या प्रसंगें देवो । निरोपितसे ॥ ६१ ॥
 तेया निरोपणाचेनि नावें । अध्यायपद सोलावें ।
 छावणीं पाहातां जाणावें । मागिला वरि ॥ ६२ ॥
 तरि हें असो प्रस्तुती । ज्ञानाचां हिताहिती ।
 समर्था या संपत्ती । दोन्ही गा ॥ ६३ ॥
 जे जे मुमुक्षां मार्ग बोलावी । मोहोरात्रिची धर्मदिवी ।
 ते आदि तवं दैवी । संपत्ति आइक ॥ ६४ ॥
 एथ एकु एकातें पोखी । ऐसे बहुत पदार्थ एकिं ।
 संपजति ते लोकीं । संपत्ति ह्मणिये ॥ ६५ ॥
 दैव-सुखसंभवी । येथ दैवगुण-येकोपजीवी ।
 जाली ह्मणौनि जाण दैवी । संपत्ति हे ॥ ६६ ॥
 आतां तेया चि दैवगुणां । माक्षि धूरेचा बैसणां ।
 बैसे तो आकर्णा । अभय ऐसे ॥ ६७ ॥
 तरि न घळुनि महापुरीं । नेघपे बुडणेयांची सियारी ।
 रोगु न गणिजे धारें । पथ्याचिया ॥ ६८ ॥
 तैसा कर्माअकर्माचेया मोहरा । उठूं नेंदूनि अहंकारां ।
 संसाराचा दरारा । सांडणें कां ॥ ६९ ॥
 अथवा अव्ययभावनेचेनि पैसें । दूजें मानुनु आत्मा ऐसें ।
 भववार्त्ता देशें दिसें । दवडणें जें ॥ ७० ॥
 पाणी बुडळं ये मीठातें । तवं मीठ चि पाणी आते ।
 तेवि आपण जालेनि द्वैतें । नासे भय ॥ ७१ ॥

आगा अभय येणें नावें । बोलिजे तें हें जाणावें ।
 सम्यग्ज्ञानाचें आवणें । भावणें हें ॥ ७२ ॥
 आतां सत्वशुद्धि हाणिजे । ते पै ऐसी जाणिजे ।
 तरि जेजे ना विज्ञे । वन्हि जैसा ॥ ७३ ॥
 कां पाडिवां वाढि न मगे । अवसा तूटि सांडूनि मागे ।
 माझि हरिणु चंद्र आंगें । जैसा राहे ॥ ७४ ॥
 ना तरि वार्षिया सांडिली । ग्रीष्में नाहिं मांडिली ।
 ते नदी जैसी निवडली । निजरूपें ॥ ७५ ॥
 तैसी संकल्पविकल्पाची वोढी । सांडूनि रजतमाची कावडी ।
 भोगीति निजधामाची आवडि । बुद्धि उरे ॥ ७६ ॥
 इंद्रियवर्गे दाखविलेयां । विरुद्धा अथवा भलेया ।
 विस्मो काहिं केलेयां । तुठी चित्तीं ॥ ७७ ॥
 गावां गेलेयां वल्लभु । पतिव्रतेचा विरहक्षोभु ।
 भलेतैसा हानिल्लभु । न मनी जेवि ॥ ७८ ॥
 तेवि स्वरूप रुचलेपणें । बुद्धि जे ऐसें होणें ।
 ते सत्वशुद्धि हाणे । कंसहंता ॥ ७९ ॥ ^{हानि}
 आतां आत्मलाभविधि । ज्ञानयोगा माझि येकीं ।
 जे आपुलिया टाकी । हांवे मरे ॥ ८० ॥
 तेथ सगलिये चित्तवृत्ती । त्यागु करणें या रीती ।
 निष्कामीं कां पूर्णाहुति । हुतार्शी जैसी ॥ ८१ ॥
 कां सकुलिनें आपुली । आत्मजा कुलिची दीधली ।
 हे असो लक्ष्मी राहिली । मुकुंदि जेवि ॥ ८२ ॥
 तैसे नविकलेपणें । संयमाग्नीचा वृत्तिकां होणें ।
 तो तीजा गुण हाणे । कृष्णनाथु ॥ ८३ ॥
 आतां देहें वाचा चित्तें । यथासंपन्नं वित्तें ।
 परि जालेयां आर्त्तातें । न वंचणें जें कां ॥ ८४ ॥

फूलीं फलीं छाया । मूलीं पत्रीं हीं धनंजया ।
 नाटेचा न वंचे आलेयां । रुखु जैसा ॥ ८५ ॥
 तैसें मानौनि धन वेन्हीं । विद्यमानें आपुलां अवसरीं ।
 श्रान्ताचेया मनोहारी । उपेगा जाए ॥ ८६ ॥
 तेया नावें जाण दान । जें मोक्षनिधानिचें अंजन ।
 हें असो आइक चिन्ह । दमाचें जें ॥ ८७ ॥
 तरि विषयां इंद्रियांचे मिलणीं । जो उदैजत सुये विमुटणी ।
 तोडिजे खड्डपाणी । पारकेयां ॥ ८८ ॥
 तैसा विषयजाताचा वारा । वाजों नेंदीं इंद्रियां द्वारां । हा
 यमें बांधौनि प्रत्याहारा । बोपिजति ॥ ८९ ॥
 आंतुला चित्ताचें आंग वेन्हीं । प्रवृत्ति पलौनि माधारी ।
 आगि सुइजे दाहें द्वारीं । वैराग्याची ॥ ९० ॥
 श्वासोश्वासा होउनि बहुवसें । कृच्छ्रदि त्रते खरपुसें ।
 उसंतितां रातिदित्रसें । नाराणुक जें ॥ ९१ ॥
 पै दमु ऐसें हाणिपे । तो हा जाण स्वरूपें ।
 यज्ञार्थ ही संक्षेपें । सांघों आतां ॥ ९२ ॥
 तरि ब्राह्मण करुनि धूरे । स्त्रियादिक पैली भेरे ।
 माझारि अधिकारें । आपुलालेनि ॥ ९३ ॥
 जेया जें सर्वोत्तम । भजनीय देवताधाम ।
 तें तेणें यथागम— । विधी यजिजे ॥ ९४ ॥
 जैसे द्विजु षट्कर्म करी । शूद्र तेयातें नमस्कारी ।
 किं दोषां सरोभरी । निफजे यागु ॥ ९५ ॥
 तैसें अधिकारपर्यालोचें । हें यज्ञकरणें सर्वांचें ।
 विषयकल आशेचें । नेघपे माजि ॥ ९६ ॥
 आणि मी करिता हा भावो । नेंदिजे देहाचेनि द्वारें जाओं ।
 नां वेदाज्ञेसि तरि ठावो । होइजे स्वयं ॥ ९७ ॥

अर्जुना एवंसंज्ञ । सर्वत्र जाण यज्ञ ।
 कैवल्यमार्गिचा अभियज्ञ । सांघति हा ॥ ९८ ॥
 आतां चेंडुवें भुइं हाणिजे । हें नोहे तो हाता अणिजे ।
 कां सेतीं बां विखुरिजे । परि पीकीं लक्ष ॥ ९९ ॥
 ना तरि ठेविलें देखावेया । आदरु कीजे दीवेया ।
 कां शाखा फळावेया । सिंपिजे मूल ॥ १०० ॥
 हें असो बहू आरिसा । आपणपेयां दिसावेया जैसा ।
 पुडुतीं पुडुतीं बहुयसा । प्रीती पाहिजे ॥ १ ॥
 तैसा प्रतिपाद्यु जो ईश्वर । तो होआवेया लागि गौचर ।
 श्रुतींचा निरंतर । अभ्यासु करणें ॥ २ ॥
 तेवि द्विजांसि ब्रह्मसूत्र । येरां स्तोत्र कां नाममंत्र ।
 आवर्त्तवणें पवित्र । पावेया तत्त्व ॥ ३ ॥
 पार्था गा स्वाध्यायो । बोलिजे तो हा हणें देवो ।
 तपशद्वा अभिप्रावो । आइक सांघो ॥ ४ ॥
 ज्ञानें सर्वस्व जाणे । परि रक्षणें मरणा येणें ।
 कां फलौनि शुष्कां होणें । ओषधींचे ॥ ५ ॥
 नाना धूपाचा अग्निप्रवेशु । कनका तूका तूकाचा नाशु ।
 पितृपक्षु पोखतां भ्रंशु । चंद्रा जैसा ॥ ६ ॥
 तैसे सर्वधर्माचेया प्रसरा । लागि प्राणें हीं या शरीरा ।
 आटणी करणें जें वीरा । तें चि तप ॥ ७ ॥
 अथवा अनारिसें । तपाचें रूप असे ।
 तरि सूदली दुधीं हंसें । चांचु जैसी ॥ ८ ॥
 तैसे देहजीवाचिये मिलणीं । जो उदैजत सुवे पाणीं ।
 तो विवेकु अंतःकरणों । जागविजे ॥ ९ ॥
 पांतां आत्मेया कडे । परबुद्धिचा पैसु सांकडे ।
 सनिद्रा स्वप्न बुडे । जागणां जैसें ॥ १० ॥

तैसां आत्मपर्यालोचु । प्रवर्त्ते तो साचु ।
 तपाचा निर्वचु । धनुर्द्धरा ॥ ११ ॥
 आतां बालाचां हिं चित्तिं स्तन्य । जैसे नाना दृष्टिचां चैतन्य ।
 तैसे प्राणिमात्रां सौजन्य । आर्जव तें ॥ १२ ॥

अहिंसा सत्यमक्रोधस्त्यागः शान्तिरपेक्षुनम् ॥
 दया भूतेष्वलोलुप्त्वं मार्हवं न्हीरचापलम् ॥ २ ॥

आणि जगाचेया सुखा चि दोसें । शरीरें वाचा मानसें ।
 राहाटणें तें अहिंसे । रूप जाण ॥ १३ ॥
 आतां चोख होउनि मौबाल । जैसे जातिचें मुकुल ।
 कां तेज परि शीतल । शशांकाचें ॥ १४ ॥
 शके दाविलें चि रोगु फेडूं । आणि जीभे तरि नव्हे कडू ।
 तें बोषध नाहिं पाडु । उपमां केवि ॥ १५ ॥

तन्हीं मौपणें बुबुलें । झगटितां हीं परि नाडले ।
 येन्हविं फोडी करालें । पाणी जैसें ॥ १६ ॥
 तैसें तोडावेया संदेह । तीख जैसें काल लोह ।
 स्नाव्यत्वे तरि माधुर्य । पाहिं घाली ॥ १७ ॥
 आयिकों ठांतां कवतिकें । कानातें करी मूकें ।
 ना साचारैवें मीखें । ब्रह्मा हीं भेदी ॥ १८ ॥
 किंबहुना प्रियपणें । कोणहातें हिं झांकउं नेणे ।
 यथार्थु तन्हीं खुपणें । नाहिं कव्हणां ॥ १९ ॥
 येन्हविं गोरी किर गायन गोड । परि साचाचां पाखालीं कीड ।
 आगिचें करणें उघड । परि जलो तें साच ॥ २० ॥
 कां जीभे लगतां मडुर । अर्थे विभांडी जिव्हार ।
 ते वाचा नव्हंति सुंदर । लावां चि कां तिया ॥ २१ ॥
 परि अहिंति कोपौनि सोफ । लालनीं मौ जैसें पुष्प ।
 तिये मातेचें स्वरूप । जैसें होये ॥ २२ ॥

जैसे श्रवणसुख चतुर । परिणामौनि साचार ।
 बोलणें अविचार । सत्य यथे ॥ २३ ॥
 आतां लाविलेयां हिं पाणीं । जैसा पाखाणु नेघे आणी ।
 कां मथिलेयां हिं लोणीं । कांजी नेंदी ॥ २४ ॥
 त्वचा पाये चीरी । आलेयां हिं फडे न करी ।
 सेवते हीयारी । नोहंति फुलें ॥ २५ ॥
 नाना रंभेचेनि हिं रूपें । शुकिं नुठिजे चि कंदर्पें ।
 कां भस्मीं वन्हि नाटोपे । घृते हिं जेवि ॥ २६ ॥
 तेवि कुमार क्रोधु भरे । तैसेयां मंत्रांचि बीजाक्षरें ।
 तियें निमित्त्यें हीं अपारें । मीनलेयां ॥ २७ ॥
 परि घाता ही पायां पडतां । नूठी गतायु पांडुसुता ।
 तैसा नुपजे उपजवितां । क्रोधोर्मि तो ॥ २८ ॥
 अक्रोधत्व ऐसें । नावं तिये दशे ।
 ऐसें श्रीनिवासें । ह्यणितलें तेथ ॥ २९ ॥
 आतां मृत्तिकात्यागें घट्ट । तंतुत्यागें पट्ट ।
 ल्यजिजे जेवि वट्ट । बीजत्यागें ॥ ३० ॥
 कां ल्यजूनि भीतिमात्र । ल्यजिजे आघर्वें चित्र ।
 निजत्यागें विचित्र । स्वप्नजाल तें ॥ ३१ ॥
 नाना जलत्यागें तरंग । वरिषात्यागें मेघ ।
 ल्यजिजति जेवि भोग । दानत्यागें ॥ ३२ ॥
 तेवि बुद्धिमंतीं देहीं । अहंता सांडौनि पाहीं ।
 सांडिजे अशेष ही । संसारजात ॥ ३३ ॥
 तेया नावं त्यागु । ह्यणे तो यज्ञांगु ।
 हें मानुनि सुभगु । पार्श्व पूसे ॥ ३४ ॥
 आतां शांतिचें जी लिंग । व्यक्त मज सांघ ।
 देवो ह्यणति चांग । अवधान दे ॥ ३५ ॥

तरि गीलूनि ज्ञेयातें । ज्ञान ज्ञाता चि माघौतें ।
 हारपे तें निरुतें । शांति पै गा ॥ ३६ ॥
 जैसा प्रलयांबुचा उमडु । बुडलूनि विश्वाचा पवाडु ।
 हें आपणपां निवाडु । आपणपां चि ॥ ३७ ॥
 मग उगलं घोष सिंधू । हा नुरे व्यवहारभेदु ।
 परि जलवाच्यबोधु । तो ही कैचा ॥ ३८ ॥
 तैसी ज्ञेया देतां मीठी । ज्ञातृत्व पडे पुटी ।
 मग उरे तें चि किरीटी । शांति पुडुती ॥ ३९ ॥
 आतां क्रंदर्थत व्याधी । बलीकरणेयांचिया आधी ।
 आपु पर न शोधी । सदैद्यु जैसा ॥ ४० ॥
 कां चिखलीं रुपली गाए । धड भाखड न पाहे ।
 जो तियोचिया ग्लानीं होये । कालाबुला ॥ ४१ ॥
 नाना बुडतेयातें सकरुणु । न पुसे उत्तमहीनु ।
 काढी राखे प्राणु । हें चि जाणे ॥ ४२ ॥
 पै माहेवणी निदैवें । उघडी केली विपायें ।
 ते सलज्जु न पाहे । न पांघुरवितां ॥ ४३ ॥
 तैसैं अज्ञानप्रमदादिकिं । कां प्राक्तनीं हीं सदोषीं ।
 निंदित्वाचा साविखिं । देखिलें जें ॥ ४४ ॥
 तेया अंगिक आपुलें । देउनियां भलें ।
 विसरविजति सलें । सलतीं तियें ॥ ४५ ॥
 आगा पुढिलाचा दोखु । करुनि आपुलिया दीठी चोखु ।
 मग घेपे अवलोकु । तेया वरि ॥ ४६ ॥
 जैसा पुजुनि देउ पाहिजे । पेरुनि सेता जाइजे ।
 तोखौनि आशिर्वादु घेइजे । अतिथिचा ॥ ४७ ॥
 तैसैं आपुलेनि गुणें । पुढिलाचें उणें ।
 फेडूनियां पाहाणें । तेया कडे ॥ ४८ ॥

वांचूनि न विधिजे वमीं । नांतुडविजे कमीं ।
 न बोलाविजे नामी । सदोषिं तिहिं ॥ ४९ ॥
 वरि कोण्हें येकें उपायें । पडिलें उभें होये ।
 तें चि कीजे वाये । न घलावें वमीं ॥ १५० ॥
 पै उत्तमाचिया साठीं । पावलेयां तें किरीटी ।
 देतां जाइ दीटी । दोषु न घेपे ॥ ५१ ॥
 आगा अपैशून्याचें लक्षण । अर्जुना हें फुडें जाण ।
 मोक्षा थेंतें सोखासन । मुख्य हें गा ॥ ५२ ॥
 आतां तेया शशी । अर्जुना जाण आपैसी ।
 निवडितां न कडसी । सानेंथोरें ॥ ५३ ॥
 तैसें दुःखिताचें सीणणें । हिरतां सकणवपणें ।
 उत्तमाधम नेणें । विवंचूं गा ॥ ५४ ॥
 पै सर्व जीवना सारिखें । वस्तु आंगें वर उपखे ।
 परि जातें जीवित राखे । तृणाचें हिं ॥ ५५ ॥
 तैसें पुढिलाचेनि तापें । कलवलैलिये कृपे ।
 दीधलें हिं आपणपें । थोडें चि गमे ॥ ५६ ॥
 निम्न भरलेयां उणें । तें पाणीं ढळें चि नेणे ।
 तेवि अनतोखौनि जाणे । सामोरे यां ॥ ५७ ॥
 पै पाइ कांटा निहटे । तव व्यथा जीविं उमटे ।
 तैसा पोळे संकष्टें । पुढिलाचेनि ॥ ५८ ॥
 कां पावो सीतल लाहे । किं तें डोलेयां चि लागि होये ।
 तैसा परसुखें जाये । सुखावतु ॥ ५९ ॥
 किंबहुना आर्त्ता चि लागि । पाणीं आराइलें असे जगीं ।
 तैसें दुःखिताचां भागीं । जीणें जेयाचें ॥ १६० ॥
 तो पुरुषु वीरराया । मूर्त्त जाण दया ।
 मीं उदैजत तेया । रिणियां कीजे ॥ ६१ ॥

आतां सूर्यासि जीवें । अनुसरलीं राजिवें ।
 परि तो लें न सिवे । सौरभ्य जैसें ॥ ६२ ॥
 कां वसंताचिया वाहाणी । आलेयां वना अक्षौणी ।
 न करीतु घेणीं । निगाला तो ॥ ६३ ॥
 हें असो महासिद्धिसिं । लक्ष्मी आलेयां पासि ।
 परि महाविष्णु जैसी । गणी चि ना ॥ ६४ ॥
 तैसें इहिक कां स्वर्गिचे । भोग पाइक आलेयां इछेचे ।
 परि भोगावें हें न रुचे । मना माजि ॥ ६५ ॥
 बहुवे काइ कवतिर्कि । जीउ नोहे विषयविर्षि ।
 अलौल्य सदा ठाउकी । जाण ते हे ॥ ६६ ॥
 आतां जैसें कां मौवाळ । जळचरांसि जळ ।
 कां पक्षांसि अंतराल । मोकलें हें ॥ ६७ ॥
 नातरि बालका दोसें । मातेचें स्नेह जैसें ।
 कां वसंतिचा स्पर्श । मारुतु मौ ॥ ६८ ॥
 डोलेयां प्रियाचिये भेटी । पीलेयां कूर्माची दीठी ।
 तैसी भूतमात्रि राहाटी । मौवाळ ते ॥ ६९ ॥
 स्परिसें अतिमृदु । मुखि घातलेयां स्वादु ।
 घ्राणासि सुगंधु । उजळ आंगें ॥ १७० ॥
 तो आवडे तथं घेतां । विरुद्ध जूरि नव्हंता ।
 तरि उपमे येता । कापुरु किर ॥ ७१ ॥
 ५ परि मुहाभूतें पोटीं वाहे । आणि परमाणू माजि माए ।
 तेया विश्वानुसार होये । गगना ऐसा ॥ ७२ ॥
 कायि सांघों ऐसें जीणें । जें जगाचें चि जीवें प्राणें ।
 तेया नावं हणें । मार्व मी ॥ ७३ ॥
 आतां पराजयें राजा । जैसा कदर्थिजे लाजा ।
 कां मानिया निस्तेजा । निक्कष्टा तव ॥ ७४ ॥

नाना चांडाल स्त्रीमदिरोसिं । आलेयां संन्यास्या पासि ।
 मग लाज जैसी । उत्तमां तेया ॥ ७५ ॥
 क्षत्रिया पलौनि जीणें । तें कोण साहे लाजीरवाणें ।
 कां वैधव्यें वेलु नेणे । महासती जैसी ॥ ७६ ॥
 रूपसा उदैलें कुष्ठ । संभाविता कूटिचें बोट ।
 तेया लाजा प्राणसंकट । होये जैसें ॥ ७७ ॥
 तैसें आउठहातेपणें । हें शव होउनि जीणें ।
 उपजों उपजों मरणें । नावां नावां ॥ ७८ ॥
 तिये गर्भमेदमूसे । रक्तमूत्रसे ।
 वोतिवां होउनि तैसें । लाजणें जें ॥ ७९ ॥
 बहू असो देहपणें । नावां रूपासि येणें ।
 नाहिं लाजीरवाणें । या ही हुनु ॥ १८० ॥
 ऐसीया इया अवकला । धेपे शरीराचा कांडाला ।
 ते लाज पै गा निर्मला । निसुगै एरि ॥ ८१ ॥
 आतां सूत्रतंतु तूटलेयां । चळ चि ठाके साइखेडेया ।
 कां प्राणु गेलेया कर्मइंद्रियां । खुंटे गति ॥ ८२ ॥
 किं मावललेयां दिनकर । सरे किरणाचा पसर ।
 तैसा मनोजयें प्रचार । बुद्धिइंद्रियां ॥ ८३ ॥
 एवं मनपवननियमें । होंति दाही इंद्रियें अक्षमें ।
 तें अचापत्यधमें । येणें जाणें ॥ ८४ ॥

तेजः क्षमा धृतिः शौचमद्रोहो नातिमानिता ॥

* भवन्ति संपदं दैवीमभिजातस्य भारत ॥ ३ ॥

बोखटें मरणाऐसें । तें हिं आलें अग्निप्रवेशें ।
 परि प्राणेश्वरा दोसें । न गणी सती ॥ ८५ ॥
 तैसी आत्मनाथाचिया आधी । लालुनि विषयविषाचां बांधि ।
 धावों आवडे पाणधी । शून्याचिया ॥ ८६ ॥

न टके निषेधु आड । न पडे विधिची भीड ।
 नुपजे जिवि कोड । महासिद्धिचें ॥ ८७ ॥
 ऐसैं ईश्वरा कडे निज । धावे आपैसेया साहाज ।
 तेया नावं गा तेज । आध्यात्मिक तें ॥ ८८ ॥
 आतां सर्वें साहांतिया गरिमा । गर्वा नैये चि ते क्षमा ।
 जैसैं देह वाहूनि रोमा । वाहणें नेणे ॥ ८९ ॥
 आणि मातलेयां इंद्रियांचे वेग । कां प्राचीर्नि खवलले रोग ।^१
 अथवा योगवियोग । प्रियाअप्रियाचे ॥ ९० ॥
 यां आघवेयांचा चि थोर । एकें वेलें आलेयां पूर ।
 अगस्ति होउनि कां धीर । उभा ठके ॥ ९१ ॥
 आकासीं धूमाची रेखा । उठिली बहुवा आगलिका ।
 ते गीली जेवि झुलुका । वारेयाचिया ॥ ९२ ॥
 तैसैं अधिभूतां आधिदैवां । अध्यात्मकीं उपद्रवां ।
 पातलेयां ते पांडवा । पीउनि घाली ॥ ९३ ॥
 आतां निर्वाळुनि कनकें । भरिला गंगापीयूखें ।
 तेया कळशाचें सारिखें । शौचासि गा ॥ ९४ ॥
 जें आंगें निष्कासु आचार । जीवि विवेकु साचार ।
 सबाह्य जाण आचार । शुचित्वाचा ॥ ९५ ॥
 जैसैं चित्तक्षोभाचां अवसरीं । उचळुनि धैर्या चांगावें करी ।
 धृति ह्मणिपे अवधारीं । तेयार्ते गा ॥ ९६ ॥
 फेडीति पापें ताप । पोसीति क्षितीचे पादप ।
 समुद्रा जाये आप । गांगेय जैसैं ॥ ९७ ॥
 जगाचें आंध्य फेडितु । श्रियेचि राउलें उघडितु ।
 निगे जैसा भास्वतु । प्रदक्षिणे ॥ ९८ ॥
 तैसैं बांधलि सोडितां । बुडालीं कढितां ।
 सांकडी फेडितां । आर्त्ताचिया ॥ ९९ ॥

किंबहुना दिवसें राती । पुढिलाचें चि सुख उन्नती ।
 आणितआणितां स्वार्थी । प्रवेसिजे ॥ २०० ॥
 वांचौनि आपुलेया काजा लागि । प्राणिजाताचां हितमार्गी ।
 संकल्पाची ही आडवंगी । न करणें जें ॥ १ ॥
 पै अद्रोहत्व ऐसिया गोठी । आइकसि जिया किरीटी ।
 तें सांधितलें हें दीठी । पाहों ए तैसें ॥ २ ॥
 आणि गंगा-शंभूचां माथां । संकोचली जेवि पार्थी ।
 तेवि मान्यपदें सर्वथा । लाजणें जें ॥ ३ ॥
 हें पुढतपुढतीं । अमानित्व जाण सुमती ।
 मागां सांधितलेसे केती । तें चि बोलों ॥ ४ ॥
 एवं ये हिं सविसें । ब्रह्मगुणि हे वसतसे । पंच
 मोक्षचक्रवर्त्तिचें तैसें । अग्राहार ॥ ५ ॥
 नाना हे संपत्ति दैवी । या गुणतीर्थांची नवी ।
 निर्भिषसागरिची दैवी । गंगा आली ॥ ६ ॥
 किं गुणकुसुमाची माला । हे घेउनि मुगुतीबाला ।
 वैराग्यभाग्या गला । गिवसीतसे ॥ ७ ॥
 पंच किं सुविसें गुणज्योतीं । इहीं उजळनि हे आरती ।
 गीता अग्नेयां निजपती । नीराजना आली ॥ ८ ॥
 ग उगळिती निर्मलें । गुणमय मुक्ताफलें ।
 दैवी सुति कले । गीतार्णविची ॥ ९ ॥ मुक्ति
 काइ बहू वानूं ऐसी । अभिव्यक्त ये पैसेंसी ।
 गु केली दैवी गुणराशी । शांतिरूप ॥ २१० ॥
 दंभो दर्पोऽभिमानश्च क्रोधः पाशव्यमेव च ॥
 अहानं चाभिजातस्य पार्थ संपदमासुरीम् ॥ ४ ॥
 आतां दुःखाची अतूट वेळी । देखां काललोहाची भाली ।
 तन्हीं निजावधानी घाली । आसुरी ते ॥ ११ ॥

ते पै लाज्य लजवेया लागी । जाणावें जन्हीं अनुपयोगी ।
 ह्यणोनि आइक तें चांगीं । श्रोत्रशक्ती ॥ १२ ॥
 तारि नरकव्यथा थोरी । आणावेया दोखीं अघोरी । आसुरी
 मेलु केला ते आसुरी । संपत्ति हे ॥ १३ ॥
 विषवर्गु एकवटु । तेया नावं जैसा बासटु ।
 आसुर संपत्ति हा खोटु । दोखांचा तैसा ॥ १४ ॥
 तारि तेयां चि आसुरां । दोखां माजि जेयां वीरा ।
 वाढपणाचा गारा । तो दंभु ऐसा ॥ १५ ॥
 जैसी आपुली जननी । नम्र दाविलेयां जनीं ।
 तारि तीर्थ परि पतनीं । कारण होए ॥ १६ ॥
 कां विद्या गुरुपदिष्टा । बोबाइलेयां चौहटां ।
 तारि इष्टदा चि अनिष्टा । हेतु होंति ॥ १७ ॥
 पै आंगें दाटली पुरी । जे तारी पैल तीरीं ।
 ते नाव चि बांधल्यां सिरीं । बुडली जैसी ॥ १८ ॥
 कारण जें जीविता । तें वानिलें जरि सेवितां ।
 तारि अन्न चि पांडुसुता । होये विष ॥ १९ ॥
 तैसा दृष्टाअदृष्टाचा सखा । धर्मु जाला फोकरिजे देखां ।
 तारि तारिता तो चि दोखां । लागि होये ॥ २० ॥
 ह्यणोनि वाचेचां चौबारां । घातलेयां धर्माचा पसारा
 धर्मु अधर्मु होये तो वीरा । दंभु जाण ॥ २१ ॥
 आतां मूर्खांचिये जीभे । आखरांचे आबुखे शुभे ।
 आणि तों ब्रह्मसभे । न रिझे जैसा ॥ २२ ॥
 कां मांदुरी लोकाचां घोडां । गजपति महिमे थोडा ।
 कां कांटिये वारिला सरडा । व्योम नीच ॥ २३ ॥
 तृणांचेनि इंधनें । आगि धावे गगनें ।
 थिलशबलें मीनें । न गणिजे सिंधु ॥ २४ ॥

तैसा माजे स्त्रिया घने । विद्या स्तुति बहूमानै ।
 एकी दीचेनि पराने । अल्पकु जैसा ॥ २५ ॥
 घनछायेचिया जोडी । निदैवुं घर मोडी ।
 मृगांभ देखौनि फोडी । पाणियड मूर्ख ॥ २६ ॥
 किंबहुना ऐसैसे । माजणें जें संपत्तिमीसे ।
 तो दर्पु गा अनारिसे । न बोलों घेई ॥ २७ ॥
 आणि जगा वेदी विश्वासु । जगा पूज्यु ईशु ।
 जगीं एकु तेजसु । सूर्यो हा ॥ २८ ॥
 जगस्पृहे आस्पद । एक सार्वभौमपद ।
 न मरणें निर्विवाद । जगा पढिये ॥ २९ ॥
 ह्मणौनि जरि उत्साहे । यातें वानूं जाये ।
 किं आइकौनि मत्सरु वाहे । एयां लागि ॥ ३० ॥
 ह्मणे ईश्वरातें खाए । तेया वेदा कायि विष सुए ।
 गोखा माजि त्राये । भंगितसे ॥ ३१ ॥
 पतंगा नावडे वाति । खद्योता भानुची खंति ।
 टिटिभें अपांपती । वैरी केला ॥ ३२ ॥
 तैसा अहंमानाचेनि मोहें । ईश्वराचें हिं नावं न साहे ।
 वेदातें हिं ह्मणे मज हे । सवति जाली ॥ ३३ ॥
 ऐसा मानितेचा गंडु । तो अभिमानु जाणें कुडु ।
 रौरवाचा रुडु । मारु हा ॥ ३४ ॥
 आणि पुढिलाचें सुख । देखणेयांचें होये मीख ।
 चढे क्रोधाग्निचें विष । मनोवृत्ती ॥ ३५ ॥
 सितलाचिये भेटी । तातलां तेलिं आगि उठी ।
 चंद्र देखौनि पोटी । जले कोल्हा जैसा ॥ ३६ ॥
 विश्वाचें आयुष्य सगलें । सूर्य उदैला देखौनि सवले ।
 पापियां फूटति डोलें । डुडुलांचे ॥ ३७ ॥

जगाची सुखपाहाट । चोरां मरणांडुनु कष्ट ।
 दूधाचें कालकूट । होये व्यालां ॥ ३८ ॥
 अगार्धे समुद्रजलें । पीतां अधिकु जलें ।
 वडवानल न मिले । शांति कहीं ॥ ३९ ॥
 तैसा विद्याविनोदविभवे । देखे पुढिलाची दैवे ।
 तवं तवं रोखु दुणावे । क्रोधु तो जाण ॥ ४० ॥
 आणि मनसर्पाची सृष्टी । डोले नाराजांची सूटी ।
 बोले ते वृष्टि । इंगलांची ॥ ४१ ॥
 येर जें क्रियाजात । तें तिखेयाचें करवत । ३
 अरामात ऐसें सबाह्य घसासित । तेयाचें गा ॥ ४२ ॥
 तो मनुष्य अधमु जाण । पारुष्य अवतरण ।
 आतां आईकें खुण । अज्ञानाची ॥ ४३ ॥
 तरि शीतोष्णस्पर्शा । निवाडु नेणे पाखाणु जैसा ।
 कां रात्रि आणि दिवसा । जायंधु तो ॥ ४४ ॥
 आगि उठिला आरोगणे । जैसा खाद्याखाद्य नेणे ।
 कां परिसु पाडु न ह्याने । सोनेयां लोहाचा ॥ ४५ ॥
 नातरि नानारसी । रिघौनि दवीं जैसी ।
 अभिज्ञ मीठासि । नव्हे चि तिथे ॥ ४६ ॥
 कां वारा जैसा पारखी । नव्हे चि गा मार्गामार्गविशेषी ।
 तैसें कृत्याकृत्यविवेकीं । अधमपण जें ॥ ४७ ॥
 हें चोख हें मैल । ऐसें नेणौनि बाल ।
 देखिलें तें केवल । मुखीं चि घाली ॥ ४८ ॥
 तैसें पापपुण्याचें खिचटें । करुनि खातां बुद्धिचेष्टे ।
 कडू मधुर न वटे । ऐसी जे दशा ॥ ४९ ॥
 तिथे नांव अज्ञान । या बोला नाहिं आन ।
 एवं साई दोषांचें चिन्ह । सांगितलें ॥ २५० ॥

इहिं साई दोषांगिं । हे आसुरी संपत्ति दाटुगी ।
 जैसैं थोर विष भूवंगीं । आंग सानें ॥ ५१ ॥
 कां तीचां वन्हि पांती । पांतां धाकुटी चि मीति ।
 परि विश्वाची ही आहुती । करुं न पुरे ॥ ५२ ॥
 धात्रेया ही गेलेयां शरण । त्रिदोषिं न चुके मरण ।
 तेया तिहींची हे दूण । लागली आहे ॥ ५३ ॥
 जें साहिं दोषिं संपूर्णी । जाली इहिं चि उभारणी ।
 ह्यणौनि आसुरी उणी । संपदा नोहे ॥ ५४ ॥
 क्रूरग्रहांची जैसी । मांदी मिले येकी राशी ।
 कां येति निंदका पार्सि । अशेषें पापें ॥ ५५ ॥
 मरुणारुवाचें आंग । पडिवांति आघवे रोग ।
 कां कुमुहूर्ति दुयोंग । एकवटति ॥ ५६ ॥
 कां आयुष्य जांतिये वेले । सेलिए सातवेउली मिले । तेदेउति
 तैसे साई दोष सगले । जोडति तेथें ॥ ५७ ॥
 आंतुडलेया चोरा । सीणला सुइजे पुरां ।
 तैसें दोषिं इहिं नरां । कीजे तेयां ॥ ५८ ॥
 जेया मोक्षमार्गा कडे । यावेया आबुरवा पडे । खा
 न निगे ह्यणौनि बुडे । सवंसारिं जो ॥ ५९ ॥
 अधमा योनिचा पाउटी । उतरतु जो किरीटी ।
 स्थावरां हिं तलवटीं । बैसणें घे ॥ ६० ॥
 हें असो तेयाचां ठांड । मिलौनि साई दोषिं इहीं ।
 आसुरी संपत्ति पाहीं । वाटवीजे ॥ ६१ ॥ द
 दैवी संपद्धिमोक्षाय निबंधायासुरी मता ॥
 मा शुचः संपद् दैवीमभिजातोऽसि पांडव ॥ ५ ॥
 ऐसिया दोन्हीं । संपत्ती प्रसिद्धा जनिं ।
 सांधितलिया चिन्हीं । वेगलालां ॥ ६२ ॥

यां दोहिं माजि पहिली । दैवी जे हाणितली ।
 ते मोक्षसुखा पाहाली । उखा जाण ॥ ६३ ॥
 एरि जे दुसरी । संपत्ति कां आसुरी ।
 लोभमोहाची खरी । सांखल जीवां ॥ ६४ ॥
 परि हें आइकौनि झनें । कदरसी हो मनें ।
 कायि रात्रि चांदिणें । घाकु घरिजे ॥ ६५ ॥
 हे आसुरी संपत्ति तेया । बंधा लागि धनंजया ।
 जो साहिं दोषां ययां । आश्रो होए ॥ ६६ ॥
 तूं तवं पांडवा । सांधितलेयां दैवां ।
 गुणाचा वोलावा । जन्मलासि ॥ ६७ ॥
 हाणौनि पार्था तुवां । दैवसंपत्तिस्वामियां ।
 होउनि यावें उवाया । कैवल्याचा ॥ ६८ ॥

द्वौ भूतसर्गौ लोकेस्मिन् दैवआसुर एव च ॥

दैवो विस्तरशः प्रोक्त आसुरं पार्थ मे शृणु ॥ ६ ॥

आणि दैवां आसुरां । संपत्तिवंतां नरां ।
 अनादिसिद्ध उजरा । राहाटिचा आहे ॥ ६९ ॥
 जैसैं रात्रिचां अवसरीं । व्योम व्यापिजे निशाचरीं ।
 दिसां सुव्यापारीं । मनुष्यादिकिं ॥ ७० ॥
 तैसिया आपुलिया राहाटी । वर्तति दोन्हीं सृष्टी ।
 दैवी आणि किरीटी । आसुरी एथ ॥ ७१ ॥
 तेथिं चि विस्तारुनि दैवी । ज्ञानकथनादिप्रस्ताविं ।
 मागिलें ग्रंथें बरवी । सांधितली ॥ ७२ ॥
 आतां आसुरी सृष्टी । तेथिची उपलब्ध गोठी ।
 अवधानाची दीठी । दे पां नीकी ॥ ७३ ॥

प्रवृत्तिं च निवृत्तिं च जना न विदुरासुरा ॥

न शौचं नापि चाचारो न सत्त्वं तेषु विद्यते ॥ ७ ॥

तरि वारें विण नाहु । दूजेन विण शब्द ।
 कां अपुष्प मकरंदु । न लभे जैसा ॥ ७४ ॥
 तैसी प्रकृति हे आसुर । येकली नव्हे गोचर ।
 जवं येकावें शरीर । लाहे ना ॥ ७५ ॥
 मग आविष्कारला लाकुडें । पावकु जैसा जोडे ।
 तैसी प्राणिदेहीं सांपडे । आटोपली हे ॥ ७६ ॥
 तेधवां वाढि जे उंसा । ते चि आंतुला रसा ।
 देहाकारु होये तैसा । प्राण्यांचा ॥ ७७ ॥
 आतां तेयां चि प्राण्यां । रूप करुं धनंजया ।
 घडिलें जें जें आसुरिया । दोष रिद्धी ॥ ७८ ॥
 तरि पुण्या लागि प्रवृत्ति । पापा लागि निवृत्ति ।
 या जाणण्यांची राति । तेयाचां मनीं ॥ ७९ ॥
 निगण्यां आणि प्रवेशा । चित्त नेंदितु आविसा ।
 कोशकारु जैसा । जाचिनला ॥ ८० ॥
 कां दीधलें माघौतें येइल । किं न ये हें पुढिल ।
 न पांतां दे भांडवल । मूर्खु चोरा ॥ ८१ ॥
 तैसिया प्रवृत्ति निवृत्ति दोन्हीं । नेणिजति आसुरीं जनीं ।
 आणि शौच तें स्वप्नीं । नेदखाति ते ॥ ८२ ॥
 कालिमा सांडील कोलिसा । वर चोखि होईल वायसा ।
 राक्षसु ही मांसा । धिटों सके ॥ ८३ ॥
 परि आसुरा प्राण्यां । शूचि नाहिं धनंजया ।
 पवित्रत्व जेवि भांडेया । मद्याचआ ॥ ८४ ॥
 आणि वाढवितां विधिची आश । कां पाहांतां वडिलांची वास ।
 आचरिजे हे भास । नेणति ते ॥ ८५ ॥
 जैसैं चरणें सेलियेचें । कां धावणें वारेयाचें ।
 जळणें आगिचें । भळे तेडतें ॥ ८६ ॥

तैसें पुढां सूनि शरीर । आचरति ते आसुर ।
 सल्लेसि कीर वैर । सदा चि तेयां ॥ ८७ ॥
 नांगिया आपुलिया । विंचू करी गुतकुलिया ।
 तरि साच बोलिया । बोलति ते ॥ ८८ ॥
 अपानाचेनि तोंडें । जरि सुगंधा येणें घडे ।
 तरि सत्य तेयां जोडे । आसुरांतें ॥ ८९ ॥

असत्यमप्रतिष्ठंते जगदाहुरनीश्वरम् ॥

अपरस्परसंभूतं किमन्यत्कामहैतुकम् ॥ ८ ॥

ऐसें ते न करितां काहिं । आंगिं चि वोखटें पाहिं ।
 आतां बोलती ते नवाई । सांधिजैल ॥ २९० ॥
 यन्हविं कन्हैयाचा खांदु चांग । मग येर काइ आंग ।
 परिस जो प्रसंग । प्राप्ती कीं ॥ ९१ ॥
 उधविचें तोंड । उगलीत धूमाचे उभड ।
 हें जाणिजे तन्हीं उघड । सांधों ते बोल ॥ ९२ ॥
 तरि विश्व हा अनादि ठावो । एथ नियंता ईश्वर राओ ।
 चाउडिये न्यायान्याओ । निवडी वेदु ॥ ९३ ॥
 वेदें अन्यायीं पडे । तें निरयभोगें दंडे ।
 सन्यायी तो सुरवाडे । स्वर्गीं जिये ॥ ९४ ॥
 ऐसी विश्ववेवस्था । अनादि जे पार्था ।
 ते ह्मणति तें वृथा । आघवें हें ॥ ९५ ॥
 यज्ञमूढ मुसिले यागीं । देवर्षिसे प्रतिमे लागि ।
 नागविले भगवे योगी । समाधिभ्रमें ॥ ९६ ॥
 एथ आपुलेनि बलें । भोगिजे जें वेगलें ।
 हें वांचौनि नीकें आगलें । शून्य आहे ॥ ९७ ॥
 ना असक्तपणें अंगिकें । वेगल वेढाली न टके ।
 ऐसा गादिजे दुःखें । तें चि पाप ॥ ९८ ॥

प्राण घँति संपन्नाचे । तें पाप जरि सार्चें ।
 तारि सर्वस्व तेयार्चें । हें पुण्यफल किं ॥ ९९ ॥
 बली अबलातें खाये । हें चि बाधितें होये ।
 तारि मासेया कां नोहे । निसंतान ॥ ३०० ॥
 कुलें शोधूनि दोन्हि । कुमारें चि सुलग्रीं ।
 मेलविलीं प्रजासाधनीं । हेतु जरि ॥ १ ॥
 तारि पशुपक्षादि जाती । तेयां मीति नाहिं संतती ।
 तेयां कोणीं प्रतिपत्ती । विवाह केले ॥ २ ॥
 चोरियेचें धन आलें । तें कोणासि विष जालें ।
 वालभाचिये रती जालें । कोढी कोण ॥ ३ ॥
 ह्यणौनि देवो गोसांविं । तो धर्माधर्म भोगवी ।
 आणि परत्राचां गाविं । करि तो भोगी ॥ ४ ॥
 तारि परत्र ना देवो । न दिसति ह्यणौनि वावो ।
 आणि करितां निमे ठावो । मा भोगी कोणु ॥ ५ ॥
 येथ उर्वसिया इंद्र सुखी । जैसा कां स्वर्गलोकीं ।
 तैसा क्रिमि नरकीं । लोलतु श्लाघ्यें ॥ ६ ॥
 ह्यणौनि नरकु स्वर्गु । नोहे पुण्यपापभागु ।
 जें दों ठांइ भोगु । कामा चि तव ॥ ७ ॥
 या कारणें कामें । स्त्रीपुरुषयुग्में ।
 मिलति तेथ जन्मे । आधर्वें जग ॥ ८ ॥
 आणि निजें अभिलाखें । स्वार्था लागलें हें पोखे ।
 पाठिं परस्परद्वेषें । कामु चि नाशी ॥ ९ ॥
 एवं कामु वांचूनि काहीं । जगा मूल चि आन नाहिं ।
 ऐसें बोलति ते पाहीं । आसुर गा ॥ ३१० ॥
 आतां असो हें कीडाळ । बोलिं न करुं पघळ ।
 सांघतां चि सपोळ । होतसे वाचा ॥ ३१ ॥

आणि ईश्वराचिया खंती । नसुदिया करिति चांथी ।
 हें इं नाहिं चित्ती । हा चि निश्चयो ॥ १२ ॥
 किंबहुना उघड । आंगिं भरुनि पाखांड ।
 नास्तिपणाचें हाड । रोविलें जीभे ॥ १३ ॥
 तेधवां स्वर्गा लागि आदरु । कां नरकाचा अडदरु ।
 ये वासनेचा अंकुरु । जलौनि गेला ॥ १४ ॥

एतां दृष्टिमवष्टभ्य नष्टात्मानोत्पबुद्धयः ॥

प्रभवंत्युग्रकर्माणाः क्षयाय जगतोहिताः ॥ ९ ॥

२६ मग केवल ये खोडां । अमेध्योदकाचा बुडडा ।
 विषइं चि सुहाडा । बुडाले गा ॥ १५ ॥
 जें आटावे जलचर । तें डोहिं मिलति ढिवर ।
 कां पडावें शरीर । तें रोगां उदयो ॥ १६ ॥
 ३६ जे उदैलें केतुचें जैसें । विश्वा अनिष्टा चि दोसें ।
 ते जन्मति ते तैसे । लोकां आटु ॥ १७ ॥
 विरूढलेयां अशुभ । फूटति ते चि कोभ ।
 पापाचे कीर्तिस्तंभ । चालते ते ॥ १८ ॥
 आणि मागां पुढां जालणें । बांचूनि आगि आन नेणे ।
 तैसें विरुं चि करणें । आथि तेयां ॥ १९ ॥
 पारि तें चि गा करणें । आदरीति संभ्रमें जेणें ।
 तो आइक पार्था ह्मणे । श्रीनिवासु ॥ ३२० ॥
 तरि जाल पाणियें न भरे । इंधनीं आगि न पुरे ।
 तेया दुर्भर चि धूरे । मुख जालें ॥ २१ ॥

काममाश्रित्य दुष्पूरं दंभमानमदान्विताः ॥

मोहाद्रुहीत्वासद्ग्राहान्प्रवर्त्तते शुचिव्रताः ॥ १० ॥

तैं या कामाचा उल्लावा । जीविं धरुनि पांडवा ।
 दंभमानाचा मेल्लावा । मेलवीति ॥ २२ ॥

मातलेया कुंजरा । आगली जाली मदिरा ।
 तैसा मदाचा तुवूं जरा । चढत आंगीं ॥ २३ ॥
 आणि आग्रया तो चि ठाउं । वरि मौढ्य ऐसा सावाउं ।
 मग काइ वानूं निर्वाहो । निश्चयाचा ॥ २४ ॥
 जिहिं परोपतापु घडे । परावा जीउ रगडे ।
 तिहिं कर्मि होउनि गाढे । जन्मव्रती ॥ २५ ॥
 आपुलें केलें फोकरिति । जगातें धिकरिति ।
 दाहें दिशीं पसरिति । स्पृहाजाल ॥ २६ ॥
 ऐसेनि गा आटोपें । थोरिये आणिति पापें ।
 धर्मधेनुं खुरपें । सूटलें जैसें ॥ २७ ॥

चिंतामपरिमेयां च प्रलयांतामुपाश्रिताः ॥

कामोपभोगपरमा एतावदिति निश्चिताः ॥ ११ ॥

इया एकी आइती । तेयाचिया कर्मप्रवृत्ती ।
 आणि जीणेयां परोती । वाहाति चिंता ॥ २८ ॥
 पाताल होंनि निम्न । जिये उंचिये सानें गगन ।
 जें पाहांतां त्रिभुवन । अणु हीं नोहे ॥ २९ ॥
 ते योगपटाची मवणी । जीविं अनियम चिंतवणी ।
 जें सांडूं नेणे मरणीं । बलुभा जैसी ॥ ३० ॥
 तैसी चिंता अपार । वाढवीति निरंतर ।
 दीठि सूनि असार । विषयादिक ॥ ३१ ॥
 स्त्रिया गाइलें आइकावें । स्त्रीरूप डोलां देखावें ।
 सर्वइंद्रियें हिं आश्लेषावें । स्त्रियातें चि ॥ ३२ ॥
 कुरवंडी कीजे अमृतें । ऐसें सुख स्त्रिये परोतें ।
 नाहिं चि ह्मणौनि चित्तें । निश्चित जालें ॥ ३३ ॥
 मग तेया चि स्त्रीभोगा । लागि पातालस्वर्गा ।
 धावति दिग्विभागा । परोतें हीं ॥ ३४ ॥

आशापाशशतैर्बद्धाः कामक्रोधपरायणाः ॥

इह ते कामभोगार्थमन्यायेनार्थसंचयान् ॥ १२ ॥

एक कवलु बहुतीं मासां । तोडुनु नेयिजे जैसा ।

तैसें चि कीजे विषयाशा । तेयासि चि गा ॥ ३५ ॥

वांछित तवं न पवति । मा रोकडी चि आशसंतति ।

वाढौ वाढौ होंति । कोशकीट ॥ ३६ ॥

आणि पसरला अभिलाखु । अपूर्ण तो चि होये देखु ।

एवं कामक्रोधांचा अधिकु । पुरुषार्थु नाही ॥ ३७ ॥

दिहा खोलणें रात्रीं जागोवा । ठाणांतरिया जैसा पांडवा ।

अहोरात्रिं विसांवां । भेटे चि ना ॥ ३८ ॥

जोगीनि तैसें उंचौनि लोटिलें कामें । नेहटित क्रोधाचिये द्रुमे ।

तेथ रागद्वेष प्रेमें । न माति केहीं ॥ ३९ ॥

तेवि चि जीविचेया हांवां । विषयवासनांचा भेलावा ।

केला परि तो भोगावा । अर्थें किं ना ॥ ४० ॥

क्षणौनि भोगावेया जोगा । पूर्त्ता अर्थु पै गा ।

आणावेया जगा । झोंबति सैरा ॥ ४१ ॥

एकांतें सावधा मारीति । एकांचीं सर्वस्वें हरीति ।

एकां लागि उभारिति । अपाययंत्रें ॥ ४२ ॥

पाशिकें पोतीं वायुरा । सूणे ससाणे काठी सोंचारा ।

घेडनि निगति डोंगरा । पारधी जैसे ॥ ४३ ॥

तें पोसावेया हें पोड । मारुनि प्राणियांचे संघाट ।

आणिति ऐसें निरुद्ध । तें हिं करिति ॥ ४४ ॥

परप्राणघातें । भेलवीति वित्तें ।

मिललेयां चित्तें । तोखणें कैसें ॥ ४५ ॥

इदमद्य मया लब्धमिमं प्राप्स्ये मनोरथम् ॥

इदमस्तीदमपि मे भविष्यति पुनर्द्वयं ॥ १३ ॥

हणो आजि मियां । संपत्ति बहुतां एकाचिया ।
 हान्ती आपुलिया होंतिया केलिया । धन्यु ना मीं ॥ ४६ ॥
 ऐसा श्लाघो जवं जाये । तवं मन आणिका हिं वाहे ।
 सर्वे चि हणो पाहे । बहू चि आणू ॥ ४७ ॥
 हें जेतुलें असे जोडलें । तेयाचेनि भांडवलें ।
 लाभा घेईन उरलें । चराचर ॥ ४८ ॥
 ऐसेनि धने विश्वाचेयां । मीं चि होईन स्वामियां ।
 मग दीठि पडे तेयां । उरों नेंदी ॥ ४९ ॥

असौ मया हतः शत्रुर्हनिष्ये चापरानपि ।

ईश्वरोहमहं भोगी सिद्धोहम् बलवान्सुखी ॥ १४ ॥

हे मारिले ते थोडे । आणिक ही साधीन गाढे ।
 मग नांदैन पवारें । एकला चि ॥ ३५० ॥
 माझीं होंति कामारीं । तिये वांचौनि येरें मारीं ।
 किंबहुना चराचरीं । ईश्वर मीं ॥ ५१ ॥
 मीं भोगभूमीचा राऊ । आजि सर्व सुखांसि ठाऊ ।
 हणौनि इंद्र वावो । मातें पाउनि ॥ ५२ ॥
 मीं मने वाचा देहें । करि तें कें नोहे ।
 मज वांचूनि आहे । आनु आज्ञासिद्ध ॥ ५३ ॥
 तवं चि बलिया कालु । न दिसें जवं मीं अतुलु ।
 सुखाचा किर निखलु । राशी चि मीं ॥ ५४ ॥
 आढ्योभिजनवानस्मि कोन्योस्ति सदृशो मया ॥
 यक्ष्ये दास्यामि मोदिष्य इत्यज्ञानविमोहिताः ॥ १५ ॥
 कुबेर आथिला होए । परि तो नेणे चि माझी सोये ।
 ह्मी संपत्ति मासीं नोहे । श्रीनिवासु ॥ ५५ ॥
 माझेया कुलाचा उजालु । कां ज्ञातिगोत्राचा मेलु ।
 पाहांतां ब्रह्मा हिं अल्ल । उणा चि दीसे ॥ ५६ ॥

ह्यणौनि मिरवति नारें । नार्हि मजसिं सरि पावे ।
 वायां ईश्वरादिकें सारें । तैसें कोणहीं ॥ ५७ ॥
 आतां लोपला अभिचार । तेया करीन जीर्णोद्धार ।
 ५ प्रतिष्ठीन मरमार । याग वारि ॥ ५८ ॥
 मार्ते गांती वानिती । नार्चे नटे रिझविती ।
 तेयां देईन मागती । ते ते वस्तु ॥ ५९ ॥
 माजिरां अन्नपाणीं । प्रमदाचां आलिंगनीं ।
 होईन मीं त्रिभुवनीं । आनंदकर ॥ ६० ॥
 कायि बहू सांघों ऐसे । ते आसुर प्रकृतिपीसे ।
 तुरंबित असौसे । गगनौलियां ॥ ६१ ॥

अनेकचित्तविभ्रांता मोहजालसमावृताः ॥

प्रसक्ताः कामभोगेषु पतन्ति नरकेशुचौ ॥ ६२ ॥

अवोदित

अज्ञानें आंतलें धूलि । ह्यणौनि आशा बाहुंढली ।
 भवंडित अंतरालीं । मनोरथाचां ॥ ६२ ॥
 जराचेनि आटोपें । रोगी भलेतैसें जल्पे ।
 चंचलित संकल्पें । जाण तैसें ॥ ६३ ॥
 अनिम आखाडमेव । कां समुद्रोर्मि अभंग ।
 तैसे कामीति अनेग । अखंड हे ॥ ६४ ॥
 मग पै कामना तिया । जिवीं जाले वेलरिया ।
 बोरपिलीं कांटिया । कमलें जैसीं ॥ ६५ ॥
 कां पाखाणाचां माथां । हांडी फूटली पार्था ।
 जीविं तैसे सर्वथा । कूट जाले ॥ ६६ ॥
 तेव्हां चढतिये रयणीं । तमाची होये पुरवणी ।
 तैसा मोहो अंतष्करणीं । वाढों लागे ॥ ६७ ॥
 आणि वाढे जवं मोहो । तवं तवं विषई रोहो ।
 विषय तेथ ठावो । पातकांसि ॥ ६८ ॥

पापें आपुलेन थावें । करिति जन्ममेलावे ।
 तबं जितां चि आघवे । यंति नरका ॥ ६९ ॥
 झणौनि गा सुमती । हे कुमनोरथ पालिति ।
 ते आसुर जांति । तेया ठाया ॥ ७० ॥ मेति नरक
 जेथ असीपत्र तरुवर । खदिरांगाराचे डोंगर ।
 तातलां तेलीं सागर । उतताति ॥ ७१ ॥
 जेथ यातनेची श्रेणी । ये तरि जांत वैतरणी ।
 पडति तिये दारुणी । नरकलोकीं ॥ ७२ ॥
 ऐसे नरकाचिये सेले । मागीन जे जन्मले ।
 ते ही देखों भूलले । जैत यागीं ॥ ७३ ॥

आत्मसंभाविता स्तब्धा धनमानमदान्विताः ॥

यजंते नाम यज्ञैस्ते दंभेनाविधिपूर्वकम् ॥ १७ ॥

यन्हवि यागादिकीं क्रिया । आहाण ते चि धनंजया ।
 ५ परि विपुलांति आचरौनियां । नाटकी जैसे ॥ ७४ ॥
 वालभाचिया उजरिया । आपणेयां प्रति कुस्त्रिया ।
 जोडूनि तोखविति जैसिया । ऐहेवपणे ॥ ७५ ॥
 तैसे आपणेयां आपण । मानितां महंतपण ।
 फुगे असाधारण । गर्वे तेणें ॥ ७६ ॥
 मग लवों नेणति कैसे । आटिवं लोहखांब जैसे ।
 कां उधवली आकाशें । शिलाराशि ॥ ७७ ॥
 तैसे आपुलिये बरवे । आपण चि रिझति जीवें । जि
 तृणाहूनि आघवें । मानिति नीच ॥ ७८ ॥
 वरि धनाचिया मदिरा । माजौनि धनुर्दरा ।
 कृत्याकृत्यविसरा । सबते केले ॥ ७९ ॥
 जें आंगि आइति ऐसी । तेथ यज्ञाची गोठि कायिसी ।
 तन्हीं काइ काइ पीसीं । न करिति गा ॥ ८० ॥

हणौनि कोणें येकें वेलें । मौढ्यमदाचेनि बलें ।
 यागाचें हिं टवालें । आदरीति ॥ ८१ ॥
 ना कुंडें मंडप वेली । कां उचितसाधनसमृद्धी ।
 आणि तेयांसी चि तवं विधि । दंद चि फिर ॥ ८२ ॥
 देवांब्राह्मणाचेनि नावें । तेउते वारेन हीं नोहावे ।
 ऐसें तेथ देयावें । लागेल कवणां ॥ ८३ ॥
 पै वांसुरुवांचा भोकसा । गायी पुढां ठेउनि जैसा ।
 उगाणा घेंति क्षीररसा । बुद्धिमंत ॥ ८४ ॥
 तैसें यागाचेनि नावें । जगा वाउनि हांवे ।
 नागवीति आघवें । ऐहेरा वाऱ्हीं ॥ ८५ ॥
 ऐसा काहिं आपुलिया । होमीति जे उजरिया ।
 तेणें कामिति प्राणियां । सर्वनाशु ॥ ८६ ॥

अहंकारं बलं दर्पं कामं क्रोधं च संश्रिताः ॥

मामात्म परदेहेषु प्रद्विषतोभ्यसूयकाः ॥ १८ ॥

मग पुढां भेरी निसाण । लाउनि तें दीक्षितपण ।
 जर्गी फोकरीति आग । वार्यो वार्यो ॥ ८७ ॥
 तेधवां महत्वे तेणें अधमां । तेयां सगरवां हिं चढे महिमा ।
 जैसे लेवे दोधले तमा । काजलाचे ॥ ८८ ॥
 तैसे मौढ्य घणावे । अहंकार दुणावे ।
 औद्धत्य उंचावे । अहंभाउ ॥ ८९ ॥
 मग दुजेयाची भाक । नुरावेया निःशेष ।
 बलियेपणें आणिक । होये बल ॥ ९० ॥
 ऐसा अहंकारा बला । जालियां एकवला ।
 दर्पसागर वला । सांडुनि उते ॥ ९१ ॥
 मग बोसंडलेनि दर्पें । कामां हिं पीत कुरुपे ।
 तेया धगी सैव पल्लिपे । क्रोधाग्निची ॥ ९२ ॥

तेथ उन्हाळा आगे पुरा । तेलतूपाचेया घळारा । १
 लागला आणि वारा । सूटला जैसा ॥ ९३ ॥
 तैसा अहंकार आलाबला । दर्पु कामक्रोधो रूढला ।
 एयां दोहींचा मेला । जेयाचां ठांड ॥ ९४ ॥
 तो आपुलिया स्वैला । मग कोणी कोणीं ठांड हिंसा ।
 यां प्राणियांतें वीरेषा । न सवीति गा ॥ ९५ ॥
 पहिलें तव धनुर्दरा । आपुलिया मांसा रुधिरा ।
 वेचु करिति अभिचारा । लागौनियां ॥ ९६ ॥
 तेथ जालितु तियें देहें । तेयां माझी मीं आहे ।
 तेया आत्मेयां मज घाए । वाजति ते ॥ ९७ ॥
 आणि अभिचारिकें तिहीं । उपद्रवीति जेतुलें काहीं ।
 चैतन्य मीं चि पाहिं । सीणु पावें ॥ ९८ ॥
 ऐसें अभिचारा वेगलें । विपायें जें अवगले ।
 ते टाकीति एटालें । पैशून्याचि ॥ ९९ ॥
 सतिया संतपुरुष । दानशील याज्ञिक ।
 तपस्वी अलौलिक । सन्यासी जे ॥ ४०० ॥
 कां भक्त हान महात्म्ये । तियें माझीं निजधामें ।
 निर्वाळलीं होम धर्में । श्रौतादिकीं ॥ १ ॥ ४०१ ॥
 तेया द्वेषाचेनि कालकूटें । बासटूनि तीखटें ।
 कुबोलाचि सदटें । सिथिति काडें ॥ २ ॥

तानहं द्विषतः क्रूरान्संसारेषु नराधमान् ॥

क्षिपाम्यजलमशुभानासुरीष्वेवयोनिषु ॥ १९ ॥

ऐसें आघवेया चि परीं । प्रवर्तले माझां वैरीं ।

तेयां पापियां मीं करी । तें आइक पां ॥ ३ ॥

तरि मनुष्यदेहाचा तागा । घेउनि रुसति जगा ।

ते पदवी हिरीनि पै गा । ऐसे ठेवीं ॥ ४ ॥

क्लेशगाविंचां उकरडां । भवपुरिचां पाणवाडां ।
 ते तमोयोनि तेयां कुडां । वृत्ति मीं दें ॥ ५ ॥
 मग आहाराचेनि नावें । तृण हीं जेथ नुगवे ।
 ते व्याघ्र वृक अडवे । तैसियां करिं ॥ ६ ॥
 मुखे तेथ क्षुधादुःखें बहुतें । तोडुनि खातां आपणपेयातें ।
 मरों मरों माघौते । होतें चि असति ॥ ७ ॥
 जळीं कां आपुलां गरलज्वालीं । जालीं तेयां आंगाचि पेंदलीं ।
 ते सर्प चि करीं बिलीं । निरुंधलां ॥ ८ ॥
 परि घेउनि श्वासु घापे । येतुलेन हिं मापें ।
 १२५ विसांवां तेयां लिपे । अर्जुना गा ॥ ९ ॥ दुर्जनांगा
 ऐसेनि कल्पांचिया कोडी । गणितां हीं संख्या थोडी ।
 तेतुला वेलु न कढीं । क्लेशौनि तेयां ॥ १० ॥
 तन्हीं तेयां जेथ जाणें । तेथिचें हें पहिलें पेणें ।
 ते पाहुनु ये दारुणें । नन्हति दुःखें ॥ ११ ॥

आसुरीं योनिमापन्ना मूढा जन्मनि जन्मनि ॥

मामप्राप्यैव कौंतेय ततो यांलघमां गतिम् ॥ २० ॥

हा ठाऊ वेन्हीं घरीं । संपत्ति ते आसुरी ।
 अधोगति अवधारिं । जोडिली तिहीं ॥ १२ ॥
 पाठिं व्याघ्रादि तामसा । योनि तो अलुमालु ऐसा ।
 देहाधाराचा उसासा । आथि जो हा ॥ १३ ॥
 तो हीं मीं बोलावा हिरे । मग तम चि होति यकसरें ।
 तेथ गेलें आंधारें । कालवडिजे ॥ १४ ॥
 जेयाचिया चिलसी । नरक घेंति विवसी ।
 सीणु जाये मूसीं । साणे जेणें ॥ १५ ॥ १५
 मल्लु जेणें मैले । तापु जेणें पोले ।
 जेयाचेनि नावें सले । महाभय ॥ १६ ॥

ऐसे विश्वाचेया खटेया । अधम जे धनंजया ।
 ते ते होंति भोगावेया । तामसा योनी ॥ १७ ॥
 आहा सांघतां वाचा रडे । आटवितां मन खिरडे ।
 कट रे मूर्ख केवडे । जोडिले होणे ॥ १८ ॥
 काइसैया ते आसुर । संपत्ति जोडावी वाउर ।
 जिया दीधले थोर । पतन ऐसे ॥ १९ ॥
 हाणौनि तुवां धनुर्द्धरा । न व्हावे गा तिया मोहरा ।
 जेउता वासु असुरा । संपत्तिवंतां ॥ २० ॥

त्रिविधं नरकस्येदं द्वारं नाशनमात्मनः ॥

कामः क्रोधस्तथा लोभस्तस्मादेतत्त्रयं त्यजेत् ॥ २१ ॥

आणि दंभादि दोष साई । हे संपूर्ण जेयाचां ठाई ।
 ते त्यजावे हें चि काई । हाणों फिर ॥ २१ ॥
 परि काम क्रोध लोभ । येयां तिहींचें बिंब ।
 थावे तेथ अशुभ । प्रकाशले जाण ॥ २२ ॥

सर्वदुःखा आपुलेया । दर्शन धनंजया ।
 पाढाउ भलेया । दिधले आधि ॥ २३ ॥
 कां पापिया नरकभोगी । सुखावेया लागि जगी ।
 पातकांची दादुगी । सभा चि हे ॥ २४ ॥
 ते रौरव गा तव वेरि । आइकिजति गा अपटांतरी ।
 जव तीन्हीं अंतरी । उठीति नां हे ॥ २५ ॥

अपार्ये येणें आसलग । यातना इहिं सर्वध ।
 हाणि हाणि नोहे तीव । हे चि हाणी ॥ २६ ॥
 काइ बहू बोलों सुभटा । साधितलेयां निकृष्टां ।
 नरकाचा दारवठा । त्रिसांकु हा ॥ २७ ॥
 ययां कामक्रोधां लोभां । माजि जीवें जो होये उभा ।
 तो निरयपुरिची सभा । पातला जाण ॥ २८ ॥

हणौनि पुढुतीं किरीटी । हे कामादिदोषत्रिपुटी ।

त्यजावी गा वोखटी । आघवां विखीं ॥ २९ ॥

एतैर्विमुक्तः कौतेय तमोद्वारैस्त्रिभिर्नरः ॥

आचरत्यात्मानः श्रेयस्ततो याति परां गतिम् ॥ २२ ॥

धर्मादिक चहुं आतु । पुरुषार्थाची तैं चि मातु ।

करावी जैं सांघातु । सांडील हा ॥ ४३० ॥

हे तौन्ही जिवीं जागती । आणि निकेयाचि प्राप्ति ।

हे माझे कान नाइकती । देवो हाणे ॥ ३१ ॥

जें आपणपें पाढिये । आत्मनाशा जो भिये ।

तें तेंणें न धरावी सोये । निश्चयेंसीं ॥ ३२ ॥

पोटीं बांधौनि पाखाण । समुद्रिं बाहिं आंगवण ।

कां जियावेया जेवण । कालकूटाचें ॥ ३३ ॥

इहीं कामक्रोधलोभेंसीं । कार्यें सिद्धति तैसीं ।

हणौनि ठावो चि पूसीं । येयांचा गा ॥ ३४ ॥

जें काहीं अवचटें । हे तिकडी सांखल फीटे ।

तैं सुखें आपुलिये वाटे । चालों लाभे ॥ ३५ ॥

त्रिदोषीं सांडिलें शरीर । त्रिकुटी फीटलेयां नगर ।

त्रिदोष निमालेयां अंतर । जैसें होए ॥ ३६ ॥

तैसा कामादिकिं तिघीं । सांडिला सुखा पावे जर्गी ।

संगु लाहे मोक्षमार्गी । सज्जनाचां ॥ ३७ ॥

मग सत्संगें प्रबलें । सत्शास्त्राचेनि बलें ।

जन्ममृत्युचि निमालें । निस्तरे रानें ॥ ३८ ॥

तेव्हां आत्मानंदें आघवे । जे सदा वसतें बरवें ।

तें तैसें चि पाटण पावे । गुरुकृपेचें ॥ ३९ ॥

तेथ प्रियाची पैली सीमा । ते भेटे माउली आत्मा ।

क्षेत्रीं लिये क्षेत्रीं आटे छिडिमा । संसारिक हे ॥ ४४० ॥

जो कामक्रोधलोभां । झाडि करुनि ठके उभा ।
तो एवढेया येया लामा । गोसांवि होए ॥ ४१ ॥

यः शास्त्रविधिमुत्सृज्य वर्तते कामकारतः ॥

न स सिद्धिमवाप्नोति न सुखं न परां गतिम् ॥ २३ ॥

ना हें नावडौनि काहीं । कामादिकाचां ठांड ।
दाटिलें जेणें डोई । आत्मचोरें ॥ ४२ ॥
जो जगीं समान सकुपु । हिताहितु दाविता दीपु ।
तो अमान्यु केला बापु । वेदु जेणें ॥ ४३ ॥
न धरी चि विधिची भीड । न करि चि आपुली चाड ।
वाढवीतु गेला कोड । इंद्रियांचें ॥ ४४ ॥
कामक्रोधलोभाची कास । न सोडी चि पालिली भास ।
स्वैराचाराचें असोस । रान रिगाला ॥ ४५ ॥
संसारवंधु जाये । हें किर तेयाचें कें आहे ।
परि तो इहिकीं न लाहे । विषय भोगूं ॥ ४६ ॥
ते सूटिकेचिया वाहाणी । मग पियो न लाहे पाणी ।
स्वप्नीं हीं ते काहाणीं । दूरी चि तेया ॥ ४७ ॥
तारि मांसा लागि भूलला । ब्राह्मणु पाणवाडां रिगाला ।
किं तेन्हां चि तेथ लागला । आगि जैसा ॥ ४८ ॥
तैसें विषयांचेनि कोडें । जेणें परत्रा केलें उबडें ।
तव तो चि आनी कडे । मरणें नेला ॥ ४९ ॥
एवं परत्र ना स्वर्गु । इहिक ना विषयभोगु ।
तेथ केउता प्रसंगु । मोक्षाचा तो ॥ ४५० ॥
ह्मणौनि कामाचेनि बलें । विषयो चरो पाहे ढालें ।
तेया विषयो ना स्वर्गु मिले । ना उदरे तो ॥ ५१ ॥

तस्मात् शास्त्रं प्रमाणं ते कार्याकार्यव्यवस्थितौ ॥

ज्ञात्वा शास्त्रं विधानोक्तं कर्म कर्तुमिहार्हसि ॥ २४ ॥

या कारणें पै बाधा । जेया आपुली आधि कृपा ।
तेणें वेदांचेया निरोपा । आन न कीजे ॥ ५२ ॥
पतिचेया व्रता । अनुसरे पतिव्रता ।

॥ ५३ ॥ अनायासे आत्महिता । भेटे जेवि ॥ ५३ ॥

नातारि श्रीगुरुवचना । दीठि देंतु जतना ।

शिष्यु आत्मभवना । माझि पैसे ॥ ५४ ॥

हें असो आपुला ठेवा । जरि हाता आधि यावा ।

तारि आदरें जेवि दीवा । पुढां कीजे ॥ ५५ ॥

तैसा अशेषां पुरुषार्थी । जो गोसांवि हों हणने पार्थी ।

तेणें श्रुती स्मृती माथा । बैसों घापे ॥ ५६ ॥

शास्त्र हणैल सांडावें । तें राज्य ही तृण मानावें ।

जें घेववि तें न मनावें । विष ही वीरुं ॥ ५७ ॥

ऐसी वेदैक निष्ठा । जालेयां सूमटा ।

तारि कें आहे अनिष्टां । भेटणें गा ॥ ५८ ॥

पै अहिता पासौनि काढिती । हित देउनि वाढविती ।

नाहिं श्रुती परोती । मारली जर्गी ॥ ५९ ॥

हणौनि ब्रह्मसिं मेलवी । तव हे कोणहीं न संडावी ।

अगा तुहां ऐसां भजावीं । विशेषेसीं ॥ ६० ॥

जें आजि तूं अर्जुना एथें । करावेया शास्त्रें सार्थें ।

जन्मलासि ब्रलार्थें । धर्माचेनि ॥ ६१ ॥

अनुजिणु आणि धर्मा अनुजि हि ऐसें । हें बोधें चि आलें पैसें ।

हणौनि अन्तारिसें । करुं न ये ॥ ६२ ॥

कार्याकार्यविवेकीं । शास्त्रें चि करावी पारखी ।

अकृत्यत्व तें कुडें लोकीं । वालवें गा ॥ ६३ ॥

मग कृत्यपणें खरें निगे । ते तुवां आपुलेनि आगें ।

॥ ६४ ॥ आचरौनि आदरें चागें । सारावें चि ॥ ६४ ॥

जे विश्वप्रमाणिची मुदी । आजि तूझां हातीं सुबुद्धी ।
 लोकसंग्रहाची त्रिशुद्धी । योग्यु होंसी ॥ ६५ ॥
 एवं आसुरवर्गु आघवा । सांघौनि तेथिचा निगावां ।
 तो ही देवें पांढवा । निरोपिला ॥ ६६ ॥
 या वरि तो पांढुचा । कुमरु भाऊ जीवाचा ।
 पूसैल तें चैतन्याचां । कानीं आइकां ॥ ६७ ॥
 संजयें व्यासाचेया निरोपा । तो वेलु फेडिला तेया नृपा ।
 तैसा मी हीं निवृत्तिकृपा । सांघेन तुहां ॥ ६८ ॥
 तुहीं संत माझिया कडा । दीठिचा कराल बहु वाडा ।
 तरि तुहां मानें येवढा । होईन मीं ॥ ६९ ॥
 ह्मणौनि निज अवधान । मज उल्लगे पसायदान ।
 दीजो जी क्षमीं होईन । ज्ञानदेऊ ह्मणे ॥ ७० ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे दैवासुरविभागयोगो

नाम षोडशाध्यायः ।

श्रीकृष्णार्पणमस्तु ॥ छ ॥



ज्ञानेश्वरी

अध्याय सतरावा^८

श्रीगणनाथायनमः ॥

विश्वविकासिनी मुद्रा । जेया सांडे तूझी निद्रा ।
तेया नमो जी गणेंद्रा । गुरु तुज ॥ १ ॥
त्रिगुणत्रिपुरी वेढिला । जीवत्वदुर्गे अडिला ।
तो आत्माशंभु सोडिला । तूझिया स्मृती ॥ २ ॥
हणौनि शिवेंसि कांडाला । गुरुत्वे तूं चि आगला ।
तन्हीं हळू मायाजाला । माजि तारिता ॥ ३ ॥
जे तूझां विषीं मूढ । तेयां लागि तुं वक्रतुंडु ।
ज्ञानियां तारि अखंडु । उजु चि अससि ॥ ४ ॥
दैविकी दीटि पांतां सानीं । तन्हीं निमिलोन्मीलनीं ।
जगा आदि प्रलयो दोन्हीं । लीला चि करिसी ॥ ५ ॥
प्रवृत्तिकरणाचां चाली । उठिलीं मदाचां गंधानीलीं ।
पूजिजसि नीलोत्पलीं । जीवभृंगाचां ॥ ६ ॥
पाठि निवृत्तिकर्णतालें । अहलि तें पूजा विधुलें ।
तेन्हलें मिगविसि भोकलें । आंगाचें लेणें ॥ ७ ॥
वामांगिचा लास्यविलासु । जो हा जगद्रूप आभासु ।
तो तांडवमीषें कलसु । दावीसी तूं ॥ ८ ॥

हैं असो विस्मो दातारा । तूं होंसि जेयांचा सोयरा ।
 सोइरिकेचिया वेव्हारा । मूके चि तो ॥ ९ ॥
 फेडितां बंधनाचा ठाऊ । तूं जगद्वंधु ऐसा आहो ।
 धरूं वोल्गे उवाऊ । तूझां चि आंगीं ॥ १० ॥
 दूजेयाचेनि नावें तेया । देह ही नूरे चि राया ।
 जाणों आपणपेयां । केलासि दूजा ॥ ११ ॥
 तूतें करुनि पुढें । जे उपायें घेति दवडे ।
 तेयां ठाकासि बहुवें पाडें । मागां चि तूं ॥ १२ ॥
 जो ध्यानें सुये मानसीं । तेया लागि तूं नाहिं देशीं ।
 ध्यानें चि सरे तेणेंसीं । वालभ तुज ॥ १३ ॥
 तूतें सावध चि जो नेणे । तो नांदे सर्वज्ञपणें ।
 वेदां हिं येवडें बोलणें । नेघसि कार्नी ॥ १४ ॥
 भौन गा तूझें राशिनावं । आतां स्तोत्रिं के भांजे हांव ।
 दाससि तेतुली माव । भजों कायि ॥ १५ ॥
 दैविकें सेवक हों पाहों । तरि भेदितां द्रोहो लाहों ।
 ह्यणौनि आतां काहिं चि नोहों । तुज लागि जी ॥ १६ ॥
 जें सर्वथा सर्व ही नोहिजे । तें अद्वया तूतें लागिजे ।
 हें जाणें मीं वर्म तूझें । आराध्यलिंगा ॥ १७ ॥
 तारि नूरौनि वेगलेपण । रसिं भजिनलें लवण ।
 तैसे नमन माझें जाण । बहू कायि बोलों ॥ १८ ॥
 आतां रीता समुद्रीं रिगे । तो उचंबलतु कुंभु निगे ।
 कां दसी दीपा संगें । दीपू चि होए ॥ १९ ॥
 तैसा तूझेया परिणती । मीं पूर्णु जालां श्रीनिवृत्ती ।
 आतां आणीन व्यक्ती । गीतार्थु तो ॥ २० ॥
 तरि षोडशाध्याइं शेखीं । तिये समाप्तिचां श्लोकीं ।
 जो ऐसा निर्णयो निष्ठकीं । केला देवें ॥ २१ ॥

जें कृत्याकृत्यव्यवस्था । अनुष्ठवेया पार्था । ग
 शास्त्र चि एक सर्वथा । प्रमाण तुज ॥ २२ ॥
 तेथ अर्जुनु ह्मणे मानसें । हें ऐसें कैसें ।
 जें शास्त्रें विण नसे । सूटिका मां ॥ २३ ॥
 तारि तक्षकाची फडे । टाकूनि कै तें माणिक काढे ।
 कै नाकिचा केंसु जोडे । सिंहाचिये ॥ २४ ॥
 मग तेणें तो वोविजे । तरी चि लेणें पाविजे ।
 यन्हाविं काइ असिजे । रिक्तकंठां ॥ २५ ॥
 तैसि या शास्त्रां मोकली । इया कै वेंटाली ।
 जे येकवाक्यतेचां फलीं । पैसिजे कै ॥ २६ ॥
 जालेयां हिं येकवाक्यता । कां लाभे वेलु अनुष्ठितां ।
 कैचा पैसार जीविता । एतुलालेया ॥ २७ ॥
 आर्थी आणि शास्त्रें अर्थे देशें कालें । इंहिं चौहिं एक जें फले ।
 तें वावो किं कामिलें । आघवें चि ॥ २८ ॥
 ह्मणौनि शास्त्राचें बडतें । नोहे प्रकारें बहुतें ।
 तारि मूर्खां मुमुक्षां एथें । काइ गति ॥ २९ ॥
 हा प्रसावेया अभिप्राउ ॥ अर्जुनु करील प्रस्ताउ ॥
 तो सतरावेया ठाउ ॥ अध्याया येथ ॥ ३० ॥

अर्जुनु उवाच ॥

ये शास्त्रविधिसुत्सृज्य यजंते श्रद्धयान्विताः ॥
 तेषां निष्ठा तु का कृष्ण सत्वमाहो रजस्तमः ॥ १ ॥
 तारि सर्वविषयिं वितृष्णु । जो सकलकालें सनुष्णु । का
 कृष्णा हिं नवल कृष्णु । अर्जुनत्वे जो ॥ ३१ ॥
 शौर्यें जोडिला आधार । जो सोमवंसिचा शृंगार ।
 सुखादिउपचार । जेयार्ची लीला ॥ ३२ ॥

जो प्रज्ञेसि प्रियोत्तमु । विद्यांचा विश्रामु ।
 सहचरु मनोधर्मु । देवांचा जो ॥ ३३ ॥
 तो ह्मणे गा तमालश्यामा । इंद्रियां फावलेयां ब्रह्मा ।
 तूझा बोलु येकु आह्मां । साकांक्षु पै जी ॥ ३४ ॥
 जे शास्त्रें वांचौनि आणिकें । प्राण्यां स्वमोक्षु न देखे ।
 ऐसें जें कैपक्षें । बोलिलें देवें ॥ ३५ ॥
 तरि न मिले चि तो देशु । नोहे चि काला अवकाशु ।
 जो करवि शास्त्राभ्यासु । तो ही दूरि ॥ ३६ ॥
 अभ्यासीं विरजिया । होंति जिया सामग्रिया ।
 तेया ही नाहिं आपैतिया । तेणें वेलें ॥ ३७ ॥
 उजू नोहे चि प्राचीन । नेंदी चि प्रज्ञा संवाहन ।
 ऐसें ठेलें आपादान । शास्त्रांचें जेया ॥ ३८ ॥
 किंबहुना शास्त्रविखि । एकि ही न लाहांती चि नाखी ।
 ह्मणौनि उखीविखी । सांडिली जिहिं ॥ ३९ ॥
 परि निर्द्वारुनि शास्त्रें । अर्थानुष्ठानें पवित्रें ।
 च विज्ञे नांदताति पुरत्रें । आचारें जे ॥ ४० ॥
 तेयां ऐसें आहिं होआवें । ऐसी चाड बांधौनि जीवें ।
 घेंति तेयाचे मागावे । आचरावेया ॥ ४१ ॥
 घडेयांचेयां आखरा । तलिं बाल लिहे दातारा ।
 कां पुढां सूनि काठिकारा । अक्षमु चाले ॥ ४२ ॥
 तैसें सर्वशास्त्रनिपुण । तेयांचें जें आचरण ।
 तें चि करीति प्रमाण । आपुलिये श्रद्धे ॥ ४३ ॥
 मग शिवादिकें पूजनें । भूम्यादिकें महादानें ।
 अग्निहोत्रादि यजनें । करीति जे श्रद्धा ॥ ४४ ॥
 तरि तिया सत्वरजतमां । माजि कोणि पुरुषोत्तमा ।
 गति होये ते आह्मां । सांडिजो जी ॥ ४५ ॥

श्रीभगवानुवाच ॥

त्रिविधा भवति श्रद्धा देहिनां सा स्वभावजा ॥

सात्विकी राजसी चैव तामसी चेति तां शृणु ॥ २ ॥

जो निगमपद्माचें पराग । जो वैकुण्ठपीठिचें लिंग ।

जिये जेयाचिया जग । अंगछाया ॥ ४६ ॥

काल सवियां चि वाडु । लोकोत्तर प्रौढ ।

अद्वितीय गूढ । आनंदघनु ॥ ४७ ॥

इयें श्लाघ्यजती जेणें बीकें । जेयाचेनि आकाशअंग असिकें ।

तो श्रीकृष्ण स्वमुखें । बोलतुसे ॥ ४८ ॥

हाणे पार्था तूझा अतिसो । घेइं गा आर्क्षि जाणतसों ।

शास्त्रअभ्यासाचा आडसो । मानितोसि किं ॥ ४९ ॥

नसुदिया चि श्रद्धा । झोंबों पाहांसि परमपदा ।

तारि तैसें हें प्रबुद्धा । सोहपें नोहे ॥ ५० ॥

श्रद्धा हाणितलेया चि साठीं । पातिजों न ये किरीटी ।

कायि दिजु अंलजुवृष्टी । अंलजु नोहे ॥ ५१ ॥

गंगोदक जन्हीं जालें । तन्हीं मद्यभांडां आलें ।

घेऊं ये काहिं केलें । विचारि पां ॥ ५२ ॥

चंदनु होये शीतल । पारि अग्निसि पावे मेल ।

तो हार्ति धरिलेयां जालं । न शके काई ॥ ५३ ॥

कां कीडाचिचे पुटीं । पडिलें सोने किरीटी ।

घेतलेयां सोलें साठिं । नागवी नां ॥ ५४ ॥

तैसें श्रद्धेचें दलवाडे । आंगें किर चोखडें ।

परि प्राणियां चांपडे । बिभागें जें ॥ ५५ ॥

आणि प्राणिये तबं स्वभावं । अनादिमायाप्रभवं ।

गुणाचे चि आवळे । वलिले स्थायि ॥ ५६ ॥

तेथ ही दोनि गुण खंचति । मग एकु धरी उन्नती ।
 तें तैसी चि होति वृत्ति । जीवांचिया ॥ ५७ ॥
 वृत्ती ऐसें मनीं धरिति । मना ये ऐसी क्रिया करिति ।
 केलेयां ऐसें वरीति । मरौनि देह ॥ ५८ ॥
 बीज मोडे झाड होये । झाड सुकळें बिजि माये ।
 ऐसेनि कल्पकोडी जाये । जाति न नशे ॥ ५९ ॥
 तिया परिं इयें अपारें । होत जांत जन्मांतरें ।
 त्रिगुणत्व न व्यभिचरे । प्राण्यांचें ॥ ६० ॥
 ह्यणौनि प्राण्यांचां पैकीं । पडिली श्रद्धा अवलोकिं ।
 होये गुणा सारिखी । तिहिं येयां ॥ ६१ ॥
 विपायें वाढे सत्व शुद्ध । जेधवां ज्ञान चि करी सांध । २
 परि येका दोनि बोखद । येर आहाति ॥ ६२ ॥
 सत्वाचेनि आंगलगे । ते श्रद्धा मोक्षफला रिगे ।
 तव रजतम उगे । कां पां राहाति ॥ ६३ ॥
 मोडूनि सत्वाची त्राये । रजोगुण आकाशें जाये ।
 तेव्हां ते चि श्रद्धा होये । कर्माची सुणी ॥ ६४ ॥ ३
 मग तमाची उठी आगि । तेधवां ते चि श्रद्धाभंगी ।
 हों लागे भोगा लागि । भलेतेया ॥ ६५ ॥
 एवं सत्वरजतमां । वेगळाली श्रद्धा सुवर्मा ।
 नाहिं भूतग्रामां । माजि येयां ॥ ६६ ॥
 ह्यणौनि श्रद्धा स्वाभाविक । असे गुणत्रयात्मक ।
 रज तम सात्विक । मेदिं इहिं ॥ ६७ ॥
 जैसें जीवन चि उदक । परि विशिं होये मारक ।
 कां मिरियां माजि तीख । उंसिं गोड ॥ ६८ ॥
 { तैसा बहुवसें तमें । जो सदा होये निमै ।
 तेथ श्रद्धा परिणमे । तें चि होउनि ॥ ६९ ॥

३१ आनंते *मग काजला आणि मसि । न दिसे विवंचना जैसी ।
 ते चि श्रद्धा तामसी । सिनानी नाहि ॥ ७० ॥
 तैसी चि राजसी जीवि । रजोमय जाणावी ।
 सात्विकिं आघवी । सत्वाचि चि ॥ ७१ ॥
 ऐसेनि हा सकल । जगडंकर निखल ।
 श्रद्धेचा चि केवल । बोतिला असे ॥ ७२ ॥
 परि गुणत्रयवसे । त्रिविधपणांचें लसें ।
 श्रद्धे जें उठिलें असे । तें चि बोलख ॥ ७३ ॥
 तरि जाणिजे झाड फूलें । मानस जाणिजे बोलें ।
 भोगें जाणिजे केलें । पूर्वजन्मिचें ॥ ७४ ॥
 तैसिं जिहिं जिहिं चिन्हि । श्रद्धेचीं रूपें तिन्ही ।
 देखति ते वानी । अवधारि पां ॥ ७५ ॥
 सत्त्वानुरूपा सर्वस्य श्रद्धा भवति भारत ॥
 श्रद्धामयो यं पुरुषे यो यच्छ्रद्धः स एव सः ॥ ३ ॥
 तरि सात्विकी श्रद्धा । जेयांचा होये बांधा ।
 तेया बडू करुनु मेधा । स्वर्गिची आधि ॥ ७६ ॥
 यजंते सात्विका देवान्यक्षरक्षांसि राजसाः ॥
 प्रेतान्भूतगणां श्रान्ते यजंते तामसा जनाः ॥ ४ ॥
 ते विद्याजात पढति । यज्ञक्रिया निवडिति ।
 किंबहुना पढति । देवपैकिं ते ॥ ७७ ॥
 आणि श्रद्धा राजसां । बडिजे वीरेशा ।
 ते भजति राक्षसां । खेचरां हान ॥ ७८ ॥
 जीववधें साधूनि बलि । भूतप्रेतकुलें मौली ।
 स्मशानीं संध्याकालीं । पूजिति जे ॥ ७९ ॥
 ते तमोगुणाचें सार । काढूनि निर्मिले नर ।
 ज्ञाण तामसियेचें घर । श्रद्धेचें तिये ॥ ८० ॥

ऐसां इहिं तिहिं लिंगिं । त्रिविध श्रद्धा जगिं ।
 पै हैं इं यया लागि । सांघतसें ॥ ८१ ॥
 जे हे सात्विक श्रद्धा । जतना धरावी प्रबुद्धा ।
 येरी दोन्हीं विरुद्धा । सांडाविया ॥ ८२ ॥
 हे सात्विकी श्रद्धा जेया । निर्वाहाती होये धनंजया ।
 बागुल्ल नाहिं तेया । कैवल्य तें ॥ ८३ ॥
 तो न पढो कां ब्रह्मसूत्र । नाळोडू सर्वशास्त्र ।
 सिद्धांतु नव्हंतु सतंत । तेयाचां हातीं ॥ ८४ ॥
 परि श्रुतिस्मृतिचे अर्थ । जे आपण होउनि मूर्च्छ ।
 अनुष्ठानें जगा देंत । बडिल जे गा ॥ ८५ ॥
 तेयांचि आंचरतिं पाउलें । पाहुनि सात्विक श्रद्धा चाले ।
 तो तें चि फल ठेविलें । ऐसें पावे ॥ ८६ ॥
 पै येकुं दीपुं लावी सायासें । आणिकु फांकावेया तेथ बैसे ।
 तरि काइ प्रकारें । बंचिजे गा ॥ ८७ ॥
 कां येकें मोल अपार । वेचुनु बांधलें ढवलार ।
 तो सुरवाडु वस्तिकर । न भोगि काइ ॥ ८८ ॥ होय
 हें असो जो तलें करी । तेयाची चि तृषा हरी ।
 तें सर्वां आन करी । हें विचारि पां ॥ ८९ ॥
 हें बडू काइ बोलें पै गा । एका गौतमासी चि गंगा ।
 एरां समस्तां काइ गा । वोहल जाली ॥ ९० ॥
 ह्मणौनि आपुलिया परी । शास्त्र अनुष्ठिति कुसरी ।
 तेयातें श्रद्धालु जो वरी । तो मूर्खु ही तरे ॥ ९१ ॥
 अशास्त्रविहितं घोरं तप्यंते ये तपो जनाः ॥
 दंभार्हकारसंयुक्ताः कामरागबलान्विताः ॥ ५ ॥
 ना शास्त्राचेन किर नावें । खांकलं हिं न ये थावें ।
 परि शास्त्रा हिं सीवे । टेंकों नेंदी ॥ ९२ ॥

वडिलांचिया क्रिया । छांदसत्वे वांकुलिया ।
 दावीति डाकुलिया । वाजवीति ॥ ९३ ॥
 आपुलेनी चि आटोपें । वनत्वाचेनि दर्पें ।
 साचाचि खंडित तपें । आदरिलीं ॥ ९४ ॥
 आपुलिया पुढिलाचेया । आंगा घाल्नि कातिया ।
 रक्ता मांसा प्राणितिया । भरूं भरूं देती ॥ ९५ ॥
 रिचवीति जलतां कुंडीं । लावीति चेडेयाचां तोंडीं ।
 नवसिये देंत उंडीं । बालकांची ॥ ९६ ॥
 आग्रहाचिया उजिरिया । क्षुद्रदेवतां वन्हीयां ।
 अन्नत्यागें सातरिया । टाकिति एक ॥ ९७ ॥
 आगा आत्मपरपीडा । बीज तमश्चेत्रीं सुहाडा ।
 पेरीति मग पुढां । तें चि पीके ॥ ९८ ॥
 बाहिं नाहिं जोडि आपुलेया । आंगें न्हवती चि धनंजया ।
 मग चिति तें तेयां । होये कां ऐसे ॥ ९९ ॥
 वैशातें करीति साला । रसु घाली पांउखला ।
 तो रोगिया विव्हला । सोवता होये ॥ १०० ॥
 नाना पढिकराचेनि सलें । काढी आपुले डोले ।
 ते घोणवां चाले आंधलें । जैसें ठाके ॥ १ ॥
 तैसें तेयां तामसां होये । जें निंदूनि शास्त्रांची सोये ।
 सैव धांवति मोहें । आडाइले ॥ २ ॥
 कामु करवी तें करिति । क्रोधु मारवी तें मारीति ।
 किंवहुना मार्ते दुखविति । दुःखाचां गुंडां ॥ ३ ॥
 कर्षयंतः शरीरस्थं भूतग्राममचेतसः ॥
 मां चैवांतःशरीरस्थं तान्विध्यासुरनिश्चयान् ॥ ६ ॥
 आपुलां परावां देहीं । जें वीरं करिति काहिं ।
 तें मज आत्मेयां पाहिं । होये सीणु ॥ ४ ॥

पै वाचेचेनि पालवें । पापिया तैयां नातलवें ।
 परि पडिलें सांघावें । त्र्यजावेया ॥ ५ ॥
 प्रेत बाहिरें घालिजे । कां अंत्यु जैसा भखलिजे ।
 हें असो हातें क्षालिजे । कष्मलातें ॥ ६ ॥
 तेथ शुद्धिचेया आशा । तो लेपु न मनावे जैसा ।
 तेयातें सांडावेया तैसा । अनुवादु हा ॥ ७ ॥
 परि अर्जुना तूं तेयातें । देखसी तैं स्मर हो मातें ।
 जें आन प्रायश्चित्त येथें । मानैल ना ॥ ८ ॥

आहारस्त्वपि सर्वस्य त्रिविधो भवति प्रियः ॥

यन्नस्तपस्तथा दानं तेषां भेदमिमं शृणु ॥ ७ ॥

क्षणौनि श्रद्धा जे सात्विकी । पुढुतिं तिये चि पैं एकी ।
 जतन करावी नीकी । सर्वा परीं ॥ ९ ॥
 धरावा तैसा संगु । जेणें पोखे सात्विक लागु ।
 सत्ववृद्धिचा भागु । आहार घेपे ॥ ११० ॥
 यज्ञविं तज्हीं पाहिं । स्वभावो वृद्धिचां ठाई ।
 आहार वांचौनि नाहिं । बलि हेतु ॥ ११ ॥
 प्रत्यक्ष पाहे पां वीरा । जो सावधु घे मदिरा ।
 तो होउनि ठाके माजिरा । तिये चि क्षणीं ॥ १२ ॥
 कां जो सर्वान्नरस सेवी । तो व्यापिजे वायुस्वभाविं ।
 दाहक जाली निववी । पथ्यादिक ॥ १३ ॥
 नातारि अमृत जेया परीं । घेतलें अमरां करी ।
 कां आपुलेया ऐसें करी । सेविलें विष ॥ १४ ॥
 तैवि घेपे जैसा आहार । धातू तैसा चि होये आकार ।
 धातू ऐसा अंतर । भावो पोखे ॥ १५ ॥
 जैसें भाड्याचेनि तापें । आंतुल उदक तापे ।
 तैसी धातुवसें आटोपे । चित्तवृत्ती ॥ १६ ॥

हणौनि सात्विकु रसु सेविजे । तैं सत्वाची वाढि पाविजे ।
 राजसां तामसां होइजे । येरिं रसिं ॥ १७ ॥
 तरि सात्विकु कोणु आहार । राजसा तामसा काइ आकार ।
 हें सांघों करीं आदर । आकर्णनीं ॥ १८ ॥
 आणि येकसरेया आहारा । कैसेनि तिनि मोहरा ।
 जालिया तें हिं वीरा । रोकडें दाउं ॥ १९ ॥
 तरि जेव्हणाराचिया रुची । निष्पत्ति कीं बोनेयांची ।
 आणि जेवितां तवं गुणाची । दासि होये ॥ १२० ॥
 जो जीउ कर्ता भोक्ता । तो गुणा तव स्वभावता ।
 पावोनियां त्रिविधता । चेष्टे त्रिधा ॥ २१ ॥
 हणौनि त्रिविध आहार । यज्ञ हिं किर त्रिप्रकार ।
 देणें हान व्यापार । त्रिविध चि तें ॥ २२ ॥

आयुःसत्त्वबलारोग्यसुखप्रीतिविवर्धनाः ॥

रस्याः स्निग्धाः स्थिरा हृद्या आहाराः सात्विकप्रियाः ॥ ८ ॥

परि आहारलक्षण पहिलें । सांघों जें हणितलें ।
 तें आइक भलें । रूप करुं ॥ २३ ॥
 तरि सत्त्वगुणा कडे । जें दैवें भोक्ता पडे ।
 तें मधुरिं रसिं वडे । मेचु तेया ॥ २४ ॥
 आंगें चि द्रव्यें सुरसें । जें आंगें चि पदार्थ गोडिसे ।
 आंगें चि स्नेह बहुवसें । सुपक्वें जियें ॥ २५ ॥
 आकारें नव्हंति डगलें । स्पर्शि अति मौवालें ।
 जीभे लागलीं स्नेहालें । स्वादीं जियें ॥ २६ ॥
 रसें गाढिं वरिं ढिलीं । द्रव भावें आथिलीं ।
 ठायें ठाउं सांडिलीं । अग्नितापें ॥ २७ ॥
 आंगां सानें परिणामें थोर । जैसें गुरुमुखिचें अक्षर ।
 तेमे अल्पें जन्हीं आहार । तृप्ति राहे ॥ २८ ॥

आणि मुखें जैसैं गोडें । तैसीं देहा आंतुली कडे ।
 तिहिं अन्नीं प्रीति वाढे । सात्विकाची ॥ २९ ॥
 एवंगुणलक्षण । सात्विक भोग्य जाण ।
 आयुष्याचें त्राण । नीच नवें ॥ ३० ॥
 येणें सात्विकें रसें । जवें देहिं मेहो वरिसे ।
 तवें आयुष्यनदी उससे । देहाची देहा ॥ ३१ ॥
 सत्वाची किर पालती । करणें हें चि सुमती ।
 दिवसाचिये उन्नती । भानु जैसा ॥ ३२ ॥
 कां शरीरा आणि मानसा । बलाचा पैकु वांसा ।
 हा आहार तें दशा । कैची रोगां ॥ ३३ ॥
 हा सात्विकु होये भोग्य । तें भोगावें आरोग्य ।
 शरीरा भाग्य । उदैलें जाणों ॥ ३४ ॥
 आणि सुखाचें घेणेंदेणें । नीकें उवायाये येणें ।
 हें असो वाढे साजणें । आनंदेंसीं ॥ ३५ ॥
 ऐसा सात्विकु आहार । परिणमला थोर ।
 करी उपकार । सबाह्यासि ॥ ३६ ॥

कट्वम्ललवणात्युष्ण तीक्ष्णरूक्षविदाहिनः ॥

आहारा राजसस्येष्टा दुःखशोकामयप्रदाः ॥ ९ ॥

आतां राजसासि प्रीति । जिहिं रसिं आथि ।
 करुं तेया ही व्यक्ती । प्रसंगें गा ॥ ३७ ॥
 तारि मारें उणें कालकूट । तेणें मानें कडुवट ।
 कां चूनेयांहुनु दासट । अम्लीं हान ॥ ३८ ॥
 कणिकेतें जैसैं पाणी । तैसैं मीठ बांधेयातें आणीं ।
 तेतुली चि मेलवणी । रसांतराची ॥ ३९ ॥
 ऐसैं खार अपाडें । राजसा तेया आवडे ।
 उन्हाचेन मीखें तोंडें । अग्नी चि रिगो पां ॥ ४० ॥
 ७७

बाफेचिये सींगे । वाति ही लागे ।
 तैसें उन्ह मागे । राजसु तो ॥ ४१ ॥
 बावंदर्णे पाडुनु पाए । सबल डाहारला ठाये ।
 तैसें तिखट खाये । जें घायें विण लागे ॥ ४२ ॥
 आणि राखेहूनु कोरडे । आंतु बाहिर पांकि जे पोपडे ।
 तो जिन्हाडंसु आवडे । बहू तेया ॥ ४३ ॥
 परस्परें दांतां । आडलु होये खातां ।
 तो गा तोंडिं घेतां । तोखों लागे ॥ ४४ ॥
 आधि चि द्रव्यें चुरुमुरीं । वरि परिवंडिलीं मडुरीं ।
 जिये घेतां होये धुवारी । नाकतोंडाची ॥ ४५ ॥
 हें असौ उगे आगितें । हणें तैसें राइतें ।
 पढिये प्राणा परौतें । राजसासि गा ॥ ४६ ॥
 ऐसा न पुरौनि तोंडा । जीभा केला वेडा ।
 अन्नमीखें भडभडां । आगी चि खाए ॥ ४७ ॥
 तैसा चि लवंगा सूटे । मग भुयिं ना सेजे सांटे ।
 पाणियांचें न फिटे । तोंडूनि पात्र ॥ ४८ ॥
 ते आहार नव्हंति घेतले । व्याधिव्याल सुतले ।
 ते चेववावेया घातले । पोटा माझि ॥ ४९ ॥
 तैसें येकमेकां सलें । रोग उठिति एके वेलें ।
 ऐसा राजसु फले । केवल दुःखें ॥ ५० ॥
 एवं राजसा आहारा । रूप केलें धनुर्द्वरा ।
 परिणामाचा ही विसुरा । सांगितला ॥ ५१ ॥

यातयामं गतरसं पूतिपर्युषितं च यत् ॥

उच्छिष्टमपि चामेध्यं भोजनं तामसप्रियम् ॥ १० ॥

आतां तेया तामसा । आवडि आहारिं पारियसां ।

तें हिं सांचों चिलसा । ज्ञानें तुलीं ॥ ५२ ॥

तारि कुहिलें उसितें खातां । न मनी काहिं अनहिता ।
 कां साजुका नासका । हौंसि जैसी ॥ ५३ ॥
 निफजलें अन्न तैसें । दुपाहारी कां दिवसें ।
 अतिकरें तैं तामसें । घेइजे तें ॥ ५४ ॥
 ५ नातरि अधोऊढीं ठेलें । कां निन्हां करपौनि गेलें ।
 तैसिं हिं खाये चूकलें । रसा जें येवों ॥ ५५ ॥
 जेया कां आधि निष्पत्ति । जेथ रसु घरी व्यक्ती ।
 तें अन्न ऐसें प्रतीती । तामसा नाहिं ॥ ५६ ॥
 ऐसेन काहिं विपायें । सदन्ना वरिपडा होये ।
 तारि घाणि सूटे तवं राहे । व्याघ्रु जैसा ॥ ५७ ॥
 किं बौद्धविं दिसिं वोळांडिलें । सुरसपणें सांडिलें ।
 शुष्क अथवा सडिलें । गाभिणें हिं हो ॥ ५८ ॥
 तें हिं बालांचे हात वेन्हीं । चिवडिली जैसी घारी ।
 कां सर्वे बैसौनि नारी । आघैलें करी ॥ ५९ ॥
 ऐसेनि कश्मलें जें खाए । तैं तेया जेविलें ऐसें होये ।
 परि एणें हिं न घाए । पापिया तो ॥ ६० ॥
 मग चमतिकारु देखां । निषेधाचा आबुखा ।
 जेया कां सदोषा । कुद्रव्यांसि ॥ ६१ ॥
 तेयां अपेयाचां पानीं । अखाद्याचां भोजनीं ।
 वाढविजे उत्तान्ही । तामसें तेणें ॥ ६२ ॥
 एवं तामसा जेव्हणारा । ऐसी चि मेचु वीरा ।
 याचें फल दुसरां । क्षणि नाहिं ॥ ६३ ॥
 जें जेव्हां चि अपवित्र । सेवी तेयाचें वक्त्र ।
 तेव्हां चि पापां पात्र । जाला किं तो ॥ ६४ ॥
 एया परौतें जेवी । ते जेविती वोज न ह्याणावी ।
 पोटी भरती जाणावी । यातना ते ॥ ६५ ॥

शिरछेदें काइ होये । कां आगी रिघतां कैसैं आहे ।
 हें जाणावें काइ पाहे । वरि साहातु असे जो ॥ ६६ ॥
 हणौनि तामसा अन्ना । परिणामु गा सिना ।
 न संघों चि गा अर्जुना । देवो हणो ॥ ६७ ॥

अफलाकांक्षिभिर्यज्ञो विधिदृष्टो य इज्यते ॥

यष्टव्यमेवेति मनः समाधाय स सात्विकः ॥ ११ ॥

आतां एया वरि । आहाराचिया परी ।
 यज्ञु हिं अवधारिं । त्रिधा असे ॥ ६८ ॥
 परि तिं माजि प्रथम । सात्विक यज्ञाचें वर्म ।
 आइक पां सुवर्म । शिरोमणी ॥ ६९ ॥
 तरि येकु प्रियोत्तमु । वांचुनु वाढों नेंदी कामु ।
 जैसा कां मनोधर्मु । पतिव्रतेचा ॥ १७० ॥
 ना सिंधुतें टाकुनि गंगा । पुढां न करी चि निगा ।
 कां आत्मा देखौनि उगा । वेदु ठेला ॥ ७१ ॥
 तैसैं जें आपुला विहिति । वेचौनियां चित्तवृत्ती ।
 नुरती चि अहंकृती । फला लागि ॥ ७२ ॥
 पांतलेयां झांडांचें मूल । माघौतें सरो नेणिजे चि जल ।
 जिरालें चि कां केवल । तेयाचां आंगीं ॥ ७३ ॥
 तैसैं देह मनें दोहीं । निश्चयाचां ठाई ।
 हारपौनि जें काहिं । इछीति ना ॥ ७४ ॥
 तें हिं फलवांछाल्यागीं । स्वधर्मु वांचौनि विरागीं ।
 कीजे जो यज्ञु सर्वांगीं । अलंकृतु ॥ ७५ ॥
 परि आरिसा आपणपें । डोलां जें धेपे ।
 कां तलहातिचेनि दीपें । रत्न पाहिजे ॥ ७६ ॥
 नाना उदितें दिवाकरें । गमावा मार्गु दीठी भरें ।
 तैसा वेदनिर्द्धरें । देखौनियां ॥ ७७ ॥

तिये कुंडमंडपवेदी । आणिक ही संभारसमृद्धी ।
 ते मेलवणी जैसी विधी । आपण केली ॥ ७८ ॥
 सकलअवयवउचितें । लेणि पातळि जैसी आंगातें ।
 तैसे पदार्थ जेथिचा तेथें । विनियोगुनि ॥ ७९ ॥
 काइ वानूं बहुतिं बोलि । जैसी सर्वाभरणीं भरली ।
 यज्ञविद्या चि रूपा आली । यजनमीसें ॥ १८० ॥
 ऐसा सांगोपांगु । निफजे जो यागु ।
 नुरौनियां लागु । महत्वाचा ॥ ८१ ॥
 प्रतिपालु तरि याचा । चौपाटी कीजे तुलसिचा । ^{राजगी}
 परि फलफूलछायेचा । आश्रयो नाहिं ॥ ८२ ॥
 किंबहुना फलाशें विण । एसिया निगुतिया निर्माण । ^{यज्ञकर्म्मणि}
 होये तो यज्ञ जाण । सात्विकु गा ॥ ८३ ॥

अभिसंधाय तु फलं द्भार्थमपि चैव यत् ॥

इज्यते भरतश्रेष्ठ तं यज्ञं विद्धि राजसम् ॥ १२ ॥

आतां यज्ञ कीर वीरेशा । करी या चि ऐसा ।
 ५ परि श्राद्धा लागि जैसा । आवंतिला राउ ॥ ८४ ॥
 जें राजा जरि घरासि ए । तरि बहुतु उपेगु होये ।
 आणि कीर्ति ही होए । श्रद्धा न ठके ॥ ८५ ॥
 तैसा धरुनि आवांका । हाणे स्वर्गु जोडेल असिका ।
 दीक्षितु होईन नीका । घडेल यागु ॥ ८६ ॥
 ७ ऐसी केवल फला लागि । महत्त्व फोकरावेया जर्गी ।
 पार्थ निफज चि जे यागी । राजस पै ते ॥ ८७ ॥ ^{अर्था}

विधिहीनमसृष्टान्नं मंत्रहीनमदक्षिणं ॥

श्रद्धाविरहितं यज्ञं तामसं परिचक्षते ॥ १३ ॥

आणि पशुपक्षीं विवाहीं । जोईस कामा परौता नाहिं ।
 तैसा तामसा यज्ञा पाहिं । आग्रहो चि गूळ ॥ ८८ ॥

वारेया ऐसा अवाटु होये । कां मरणा मुहूर्त पाहे ।
 कां निषिद्धासि न भिये । आगि जैसी ॥ ८९ ॥
 तरि तामसाचेया आचारा । विधिचा आधि घोढा वारा ।
 हणौनि तो धनुर्द्धरा । उत्संकु खलु ॥ ९० ॥
 नाहिं वेदाची चाडा । नैये मंत्रादिक तेया कडा ।
 अन्न तें न सुटे तोंडा । मासियेचेया ॥ ९१ ॥
 वैराचा बोधु ब्राह्मणां । तेथ कें रिघेल दक्षिणा ।
 संतु जाला वाउघणा । वरिपडा जैसा ॥ ९२ ॥
 तैसें वायां चि सर्व ही वेचे । मुख नेदखतां श्रद्धेचें ।
 नागविलें निपुत्रिकाचें । जैसें घर ॥ ९३ ॥
 ऐसा जो यज्ञभासु । जेया नावं यागु तामसु ।
 आइकें हणो निवासु । श्रियेचा तो ॥ ९४ ॥

देवद्विजगुरुप्राज्ञपूजनं शौचमार्जवं ॥

ब्रह्मचर्यमहिंसा च शारीरं तप उच्यते ॥ १४ ॥

आतां गंगेचे एक पाणीं । परि नेलें आनानीं वर्णीं ।
 एक मैली एक आणी । शुद्धत्व जैसें ॥ ९५ ॥
 तैसें तिहिं गुणिं तप । तेथ जालें असे त्रिरूप ।
 तें एक दे पाप । उद्धरी एक ॥ ९६ ॥
 तरि तें चि तिहिं भेदीं । कैसेनि पां हणो सुबुद्धी ।
 जाणों पाहांसि तरि आदीं । तप चि जाण ॥ ९७ ॥
 एथ तप हणिपे तें काइ । तें स्वरूप दाउं पाहीं ।
 मग भेदिलें गुणिं तिहिं । तें पाठि बोलों ॥ ९८ ॥
 तरि तप जें कां समैक । तें हिं त्रिविध आइक ।
 शारीर मानसीक । शास्त्रीक गा ॥ ९९ ॥
 आतां यां तिहिं माझारि । शारीर तवं अवधारिं ।
 तरि शंभु कां श्रीहरी । पढियतें होए ॥ १०० ॥

तैया प्रिया-देवताल्या । यात्रादिकें करावेया ।
 आठ पाहारिं एयां पायां । उल्लिग घापे ॥ १ ॥
 प्रांगण मिरवणियां । आंगोपचार पुरवणियां ।
 करावेया ह्मणियां । शोभति हात ॥ २ ॥
 लिंग कां प्रतिमा दीठी । देखत खेऊ आंगपुष्टी ।
 लुंठवीत काठी । पडेली जैसी ॥ ३ ॥
 आणि विद्याविनयादिकिं । गुणिं जे वडिल लोकिं ।
 तेयां ब्रह्मणांची नीकी । पाइके कीजे ॥ ४ ॥
 अथवा प्रघासें कां पीडां । सीणलें जें सांकडां ।
 ते जीव सुरवाडा । आणजति ॥ ५ ॥
 सकलां तीर्थांचिये धूरे । जिये कां मातापितरें ।
 तिये सेवे किर शरीरें । लोण कीजे ॥ ६ ॥
 आणि संसारा ऐसा दाहणु । जो भेटलेयां हरे सीणु ।
 तो ज्ञानदानिं सकरुणु । भजिजे गुरु ॥ ७ ॥
 आणि स्वधर्माचां आगिठां । देह जाड्याचिया कीटा ।
 आवृत्तिपुटीं सुभटा । झाडि कीजे ॥ ८ ॥
 देह भूतमात्रीं नमिजे । प्ररोपकारिं व्यामिजे ।
 स्त्रीविषिं नेमिजे । नावां नावां ॥ ९ ॥
 जाततेन प्रसंगें । स्त्रीदेह सिवणें आंगें ।
 तेथौनि देह आवघें । अबोटी कीजे ॥ १० ॥
 भूतमात्राचेनि नावें । तृण हिं नासुडावें ।
 किंबहुना सांडावे । छेदभेद ॥ ११ ॥
 ऐसीसी जे शरीरी । राहाटिची पडे उजिरी ।
 तें शारीरतप धुमरी । आलें जाण ॥ १२ ॥
 पार्था समस्त ही हें करणें । देहाचेनि प्रधानपणें ।
 ह्मणौनि मीं एयातें लणें । शारीर तप ॥ १३ ॥

अनुद्वैगकरं वाक्यं सत्यं प्रियहितं च यत् ॥

स्वाध्यायाभ्यासनं चैव वाङ्मयं तप उच्यते ॥ १५ ॥

येवं शरीर जे तप । तेयाचें दाविलें रूप ।

आतां आइक निष्पाप । वाङ्मय तें ॥ १४ ॥

तारि लोहें आंगतुंक । न तोडितां चि कनक ।

केलें जैसें देख । परिसें तेणें ॥ १५ ॥

तैसें न दुखवितें जें । जवलिलां सुख निफजे ।

ऐसें साधुत्व देखिजे । बोलणां जिये ॥ १६ ॥

पाणी मुदला झाडा जाए । तृण तें प्रसंगें जीहि ।

तैसें येकां बोलिलें होये । सर्वां हीं हित ॥ १७ ॥

जोडे अमृताची सुसरी । ते प्राणातें अमरां करी ।

स्नानें पापताप निवारी । गोडी ही दे ॥ १८ ॥

तैसा अविवेकु ही फीटे । आपुलें अनादित्व भेटे ।

परि आइकतां रुचि न विटे । पीयूषि जैसी ॥ १९ ॥

जारि कौण्हीं करी पूसणें । तारि ऐसें होआवें बोलणें ।

परि आनर्तवणें नातरि आवर्तणें । निगमाचलीं ॥ २२० ॥

रुग्वेदादि तीन्हीं । प्रतिष्ठिजति वाग्भुवनीं ।

केली जैसी वदनीं । ब्रह्मशाला ॥ २१ ॥

नातरि येकार्थें नाव । तें चि शैव कां वैष्णव ।

वाचे वसतें वाग्भव । तप जाणावें ॥ २२ ॥

मनः प्रसादःसौम्यत्वं मौनमात्मविनिग्रहः ।

भावसंशुद्धिरित्येतत्तपो मानसमुच्यते ॥ १६ ॥

आतां तप जे मानसीक । तें हीं सांघों आइक ।

हाणे लोकनायक—। नायकु तो ॥ २३ ॥

तारि सरोवर तरंगीं । सांडिलें आकाश मेघीं ।

कां चंदनार्थें उरगीं । उद्यान जैसें ॥ २२४ ॥

नाना कलवैषम्ये चंद्र । कां सांडिला आधी नरेंद्र ।
 नातरि क्षीरसमुद्र । मंदराचलें ॥ २५ ॥
 ऐसें नानाविकल्पजाल । सांडूनु गेलेयां सकल ।
 मन राहे केवल । स्वरूपीं जें ॥ २६ ॥
 तपनें विण प्रकाशु । जाड्यें विण रसु ।
 पोकली विण आशाश । होये जैसें ॥ २७ ॥ का
 तैसी आपुली सोये देखे । आणि आपुलेया स्वभावा मूके ।
 हींवली जैसी अंगिके । हिंवीं नेंदी ॥ २८ ॥
 मग नवल तें कलंकें विण । शशिबिंब जैसें पार्वण ।
 तैसें चोखिसि थारपण । मनाचें जें ॥ २९ ॥
 झुडालें वैराग्याचें तप । जिराली मनाचीं धाप ।
 तेथ कां होईल वाप । येरीं वृत्तीं ॥ ३० ॥
 ह्मणौनि विचारावेया शास्त्र । राहाटवावें जें वक्त्र ।
 तें वाचेचें हीं सूत्र । हातीं न धरी ॥ ३१ ॥
 तें स्वभावे लोभलेपणें । मनपण हिं वरुं नेणें ।
 सीतलें जैसें लवणें । आपुलें निज ॥ ३२ ॥
 तेथ कें उठिति ते भाव । जिहिं इंद्रियमार्गि धावं ।
 घेउनि टाकावेया गावं । विषयांचें गा ॥ ३३ ॥
 ह्मणौनि तिये मानसि । भावशुद्धी चि असे आपैसी ।
 रोमशुद्धि जैसी । तलहातासि ॥ ३४ ॥
 काइ बहू बोलें अर्जुना । जें हे दशा ये मना । देइ एते
 तें मनो तपाभिधाना । पात्र होए ॥ ३५ ॥
 परि तें असो हें जाण । मानसतपाचें लक्षण ।
 देवो हाणे संपूर्ण । सांगितलें ॥ ३६ ॥
 एवं देहें वाचा चित्तें । जें पातले त्रिविधत्वातें ।
 तें साम्यतप तूतें । परिसविलें गा ॥ ३७ ॥

श्रद्धया परया तप्तं तपस्तत्रिविधैर्नरैः ॥

अफलाकांक्षिभिर्युक्तैः सात्त्विकं परिचक्षते ॥ १७ ॥

आतां गुणत्रयसंगे । हें चि विशेष त्रिविध्य रिगे ।

तें हीं आइक चांगें । प्रज्ञाबलें ॥ ३८ ॥

तरि हें चि तप पै त्रिविध । जें दाविलें तुज विषद ।

तें चि करीं प्रसिद्ध । सांझनि फलीं ॥ ३९ ॥

जें पुरतिया सत्वशुद्धी । आचरिजे आस्तिकबुद्धी ।

तेयातें चि गा प्रबुद्धीं । सात्त्विक ह्यणिपे ॥ २४० ॥

नां तपियेपणां लागि । दूजी त्राये जोडुनु जर्गी ।

महत्वादिकिचां शृंगीं । बैसावेया ॥ ४१ ॥

सत्कारमानपूजार्थं तपो दंभेन चैव यत् ॥

क्रियते तदिह प्रोक्तं राजसं चलमधुवम् ॥ १८ ॥

त्रिभुवनिचेया सन्माना । न वचावेया ठाया आनां ।

धूरेचिया आसनां । भोजना लागि ॥ ४२ ॥

विश्विचेया स्तोत्रा । आपण होआवें पात्रां ।

विश्व आपुलिया यात्रा । करावेया ॥ ४३ ॥

लोकाचिया विविधा पूजा । आश्रयो धरावेया दूजा ।

भोग भोगावेया बोजा । महत्वाचिया ॥ ४४ ॥

आंगा बोल माखुनु तपें । विकावेया आपणपें ।

अंगना हीन पडपें । जिया परीं ॥ ४५ ॥

हें असो घनमानीं आश । बांधौनि तपें कीजे सायास ।

तैं तें चि तप राजस । बोलिजे गा ॥ ४६ ॥

परि पडुरणीं जें दुहिले । तें गोरं न दुभे वियालें ।

कां उभें सेत चारिलें । पीकावेया नुरे ॥ ४७ ॥

तैसें फोंकरितां तप । कीजे जें साक्षेप ।

तें फालिं तव सोफ । निन्हां जाये ॥ ४८ ॥

ऐसें निष्फल देखौनि करितां । माझारि सांडी पांडुमुता ।
 ह्यणौनि नाहिं स्थिरता । तपा तेया ॥ ४९ ॥
 यन्हविं तर्हि आकाशमांडि । जो गाजौनि ब्रह्मांड फोडी ।
 तो अकालमेघु काइ घडी । राहांतु असे ॥ २५० ॥
 तैसें राजस तप जें होए । तें फलीं किर वांझ जाये ।
 परि आचरणीं हीं नोहे । निर्वाहो तेया ॥ ५१ ॥

मूढग्राहेणात्मनो यत्पीडया क्रियते तपः ॥
 परस्योत्सादनार्थं वा तत्तामासमुदाहृतम् ॥ १९ ॥

आतां तें चि तप पुडुतीं । तामसैयेचिया रीती ।
 तें परत्रा आणि कीर्ती । रुसौनि कीजे ॥ ५२ ॥
 केवल मूर्खपणाचा वारा । जीविं घेउन घनुर्दरा ।
 नाब ठेविजे शरीरा । वैरियांचें ॥ ५३ ॥
 पंचाग्निचिं हडगीं । खोलविजति शरीरा लागि ।
 किं इंधन कीजे आगि । आंतुल चि ॥ ५४ ॥
 माथां जालिति गुगुल । आंगीं घालिजति गलु ।
 बांधि लांविजति जालु । आपणपां चि ॥ ५५ ॥
 दयडौनि श्वसोश्वास । कीजति वायां चि उपवास ।
 कां घेइजति धूमाचे वांस । अधोमुखें ॥ ५६ ॥
 हिमोदकें आकठें । खडकिलां सेविजति तटें ।
 जितिया मासाचे चिमुटे । तोडिति जेथ ॥ ५७ ॥
 ऐसे नाना परीं हे काया । घाये सूति घनंजया ।
 तप कीजे नाशवेया । पुढैलांतें ॥ ५८ ॥
 आंगभारें सूटला ढोंडा । आपा नूकौनियां खांडा ।
 वरिपडिलेयां रगडा । करी जैसा ॥ ५९ ॥
 किंबहुना हे बोखटी । घेउन क्लेशाची हातवटी ।
 तप निफजे किरीटी । तामस होए ॥ २६० ॥

तेवि आपुलिया आटणियां । सुखें असतिया प्राणियां ।
 जियाविया ही सिराणियां । करिति गा ॥ ६१ ॥
 एवं सत्वादिकाचां आंगीं । पडिलें तपभागीं ।
 जालें तें तुज चांगीं । दाविले व्यक्ती ॥ ६२ ॥
 दातव्यमिति यद्दानं दीयते उपकारिणे ॥
 देशे काले च पात्रे च तद्दानं सात्त्विकं स्मृतं ॥ २० ॥
 आतां बोलतां प्रसंगा । आलें हणौनि पै गा ।
 करुं रूप दानलिंगा । त्रिविधा तेया ॥ ६३ ॥
 तेथ गुणाचेनि बोलें । दान हिं त्रिविध असे जालें ।
 तें चि आइक पहिलें । सात्त्विक ऐसें ॥ ६४ ॥
 तारि स्वधर्मा आंतौतें । जें मीले आपणपेयांतें ।
 तें देइजे बहुतें । संमानयोगें ॥
 जालेयां सुबीजप्रसंगु । पडे क्षेत्रा वापेचा पांगु ।
 तैसा चि दानाचा हा लागु । देखतसों ॥ ६५ ॥
 अनर्घ्य रत्न हातु चढे । तें भांगाराची बोढि पडे ।
 दोन्हीं जालीं तारि न जोडे । लेतें आंग ॥ ६६ ॥
 परि सणु सुद्धु संपति । यें तिन्हि येकें मिलति ।
 जें भाग्य धरी उन्नती । आपुलां विधिं ॥ ६७ ॥
 तैसें निफजवावेया दान । जें सत्व सुये संवाहन ।
 तें देशु काल भाजन । द्रव्य ही मिले ॥ ६८ ॥
 तिन्हि आधि तवं प्रयत्नेसि । होआवें कुरुक्षेत्र कां कासी ।
 नातरि तूके जो इहिंसि । तो ही देशु हो ॥ २७० ॥
 तेथ रवि-चंद्रा राहु-मेलु । होता पाहावा पुण्यकालु ।
 कां तेया सारिखा निर्मलु । आणिकु ही हो ॥ ७१ ॥
 तैसां कालिं तिये दिसि । होआवी पात्रसंपति ऐसी ।
 मूर्ति धरिली आहे जैसी । शुचित्वें चि कां ॥ ७२ ॥

आचाराचें मूलपीठ । वेदाची उत्तरवेंठ ।
 तैसें द्विजरत्न चोखट । पाहुनियां ॥ ७३ ॥
 मा तेयाचां ठांडं चिंता । निवर्तावी स्वसत्ता ।
 परि प्रिया पुढें कांता । रिगे तैसेनि ॥ ७४ ॥
 कां जेयाचें ठेविलें तेया । देउनि होइजे उत्तरायियां ।
 नाना हडपें विडा राया । दीधला जैसा ॥ ७५ ॥
 तैसेनि निष्कामें जीवें । भृत्यादिभावें ।
 किंवहुना हावे । नेंदावें उठूं ॥ ७६ ॥
 आणि दान जेया देयावें । तेयातें ऐसेयां पावें ।
 जें घेतलेयां नुमचवे । काइसेन हीं ॥ ७७ ॥
 साहु घातलेयां आकाशा । देंदी प्रतिशुद्ध जैसा ।
 कां पाहिला आरिसा । येरीकडे ॥ ७८ ॥
 उदकाचिये भूमिके । आफलिलेन कुंदुकें ।
 उफलौनि माघौतें । नैयैजे हाता ॥ ७९ ॥
 नाना वसोवा घातला चारु । माथां तुरंबिला बूरु ।
 न करी प्रत्योपकारु । जेया परी ॥ ८० ॥
 तैसें दीधलें दान तेयाचें । जें कोण्ही आंगें नुमुचे ।
 अर्धिलेयां श्लाघ्य तेयाचें । कीजे पै गा ॥ ८१ ॥
 ऐसिया सामप्रिया । दान निफजे वीरराया ।
 तें सात्विक दानवरिया । सर्वां हि जाण ॥ ८२ ॥ आहे

यत्तु प्रत्युपकारार्थं फलमुद्दिश्य वा पुनः ॥
 दीयते च परिक्लिष्टं तद्राजसमुदाहृतम् ॥ २१ ॥
 आणि तो चि देशु कालु । घडे तैसा चि पात्रमेळु ।
 दानभागु ही निर्मलु । न्यायगतु ॥ ८३ ॥
 परि मनीं धरुनि दुभतें । चारीजे जेवि गाइतें ।
 कां पेंव करुनि आइतें । पेरुं जाइजे ॥ ८४ ॥

नाना दीठि घाल्नि ऐहेरा । आवंतुं जाइजे सोइरा ।
 वाण घाडिजे घरा । वोउसेयाचेया ॥ ८५ ॥
 पै कलांतरा गांठि बांधिजे । मग पुढिलाचें काज कीजे ।
 पूजा घेउनि रसु दीजे । पीडितासि ॥ ८६ ॥
 तेसैं जेया जें दान देणें । तो तेणें चि गा जीवणें ।
 मुजावा भावें येणें । दीजे जें गा ॥ ८७ ॥
 अथवा कोण्हीं एकु वाटे जाता । घेतलें लमचों न सकतां ।
 मीले जारि पांडुसुता । द्विजोत्तमु ॥ ८८ ॥
 तारि कवडेया एका साठि । अशेष गोत्राचें किरीटी ।
 सर्व प्रायश्चित्त सुचे मुठी । तेयाचिये ॥ ८९ ॥
 तेविं चि पारलौकिकें । फलें वांछिजति अनेकें ।
 नांदिजे तें भूके । एक ही नोहे ॥ ९० ॥
 तें हिं ब्राह्मण नेवों सरे । शेशीं हाणिचेनि सीणे झांसुरे ।
 सर्वस्व जैसैं चोरें । नागवुनि नेलें ॥ ९१ ॥
 कायि बहू सांघों सुमती । जें दीजे या मनोवृत्ती ।
 तें दान गा त्रिजगती । राजस पै ॥ ९२ ॥

अदेशकाले यद्दानमपात्रेभ्यश्च दीयते ॥

असत्कृतमवज्ञातं तत्तामसमुदाहृतम् ॥ ९२ ॥

मग म्हेछांचें वसैठे । दांगाणें हान कैकटें । कां
 कां सिंहवीरें चौहटे । नगरिचें तें ॥ ९३ ॥
 तिहीं तिहिं ठाईं मीलनीं । समो सांजवेळ कां रजनी ।
 तेव्हलिं उदारां होणें घनीं । चोरियेचां ॥ ९४ ॥
 पात्रें भाट नागारी । सामान्या स्त्रिया जुवारी ।
 जियें मूर्तिवतें भुरगीं । भूलावेया ॥ ९५ ॥
 रूपनृत्याची पुरवणी । तेयां पुढें डोळेभारणीं ।
 गीत भाटीवं श्रवणीं । कर्णजपु ॥ ९६ ॥

तेया ही वरि अलुमालु । घे फूलागंधाचा परिमलु ।
 १ त्वं भ्रमांचा तो वेत्तालु । अवतरे चि ॥ ९७ ॥
 * येयां ऐसेन जें जें देणें । तें तामस दान मीं हणें ।
 आणि घडे दैवगुणें । आणिक ही एक ॥ ९८ ॥
 विपार्यें घुणाक्षर उमडे । टालिये काउला सांपडे ।
 तैसें तामसा पर्व पडे । पुण्यदेशां ॥ ९९ ॥
 तेथ देखौनि तो आथिला । योग्यु मार्गो हीं आला ।
 तो ही द्रव्या चाडैला । भाले जरि ॥ ३०० ॥
 तरि श्रद्धा न करी जीवि । तेया माथा न खलवी ।
 स्वयं न करी ना करवी । अर्ध्यादीक ॥ १ ॥ अर्ध्यादान
 आलेयां न घली बैसो । तेथ गंधाक्षतांचा अतिसो ।
 हा प्रसंगु किर असो । तामसिये नरीं ॥ २ ॥
 पै बोलाविजे रिणायितु । तैसा झांकवी तेयाचा हातु । श
 तूंकरणेयांचा बहुतु । प्रयोगु तेथ ॥ ३ ॥
 आणि जेया जें दे किरीटी । तेयातें उमाणीं तेया साठि ।
 मग कुबोलें कां लोटी । अवज्ञेचां ॥ ४ ॥
 हें असो ह्या परीं । मोल वेचणें जें अवधारिं ।
 तेया नावें चराचारिं । तामस दान ॥ ५ ॥
 एथ मिं जाणतसे । विपार्यें तूं गा ऐसें ।
 न कल्पीसि मानसें । विचक्षणां ॥ ६ ॥
 ऐसिं आपुलां चिन्हीं । अलंकृतें तीन्हीं ।
 दानें दाविलिं अवधानिं । राजतनया ॥ ७ ॥
 जें भवबंधमोचक । एकलें कर्म सात्विक ।
 ते तरि कां वेखासें सदोष । येर बोलें ॥ ८ ॥
 परि नुसंतितां त्रिवसी । भेटि नाहिं निविसिं ।
 कां धूं न सांतां जैसी । घाति न लगे ॥ ९ ॥

तैसैं सुधा सत्वा आड । आहे रजतमाचें कवाड ।
 त्रिमुवनीं तें कीड । क्षणाचें गा ॥ ३१० ॥
 आह्मी श्रद्धादिदानांत । जें समस्त ही क्रियाजात ।
 साधितलें गा व्यक्त । तिहिं गुणीं ॥ ११ ॥
 तेथ भरवसेन तीन्हीं । न संघों चि ऐसें मानीं ।
 सत्व दावावेया दोन्हीं । बोलिलों येरें ॥ १२ ॥
 जें दोहिं माजि तीजें असे । तें दोन्हिं सांडितां चि दीसे ।
 अहोरात्रयागें जैसैं । संध्यारूप ॥ १३ ॥
 तैसैं रजतमविनाशें । तीजें जें उरत दीसे ।
 तें सत्व हें आपैसैं । फावासि ये ॥ १४ ॥
 एवं दावावेया सत्व तुज । निरोपिलें तमरज ।
 तें सांडूनि सत्वे काज । साधीं आपुलें ॥ १५ ॥
 सत्वे चि येणें चोखालें । करिं यज्ञादिकें सकलें ।
 पावसी तें करतलें । आपुलें निज ॥ १६ ॥
 सूर्ये दाखविलें सातें । काइ एक न दिसे एथें ।
 तेवि सत्वे केलें फलातें । काइ नेंदी ॥ १७ ॥

ॐ तत्सदितिनिर्देशो ब्रह्मणस्त्रिविधः स्मृतः ॥

ब्राह्मणास्तेन वेदाश्च यज्ञाश्च विहिताः पुरा ॥ २३ ॥

हें किर आवडतां विधिं । रीति सत्वीं आधि नीकी ।
 पारि मोक्षेंसीं एकीं । आधि मिलणें ॥ १८ ॥
 तें येक अगाध चि आहे । तेयाचा सावा३० जें लाहे ।
 तें मोक्षाचां ही होये । गावीं सरतां ॥ १९ ॥
 पै भांगार जन्हीं पन्हरें । तन्हीं राजवलिचि आखरें ।
 लाहे तें सरे । जिया परीं ॥ ३२० ॥
 स्वळें शीतलें सुगंधें । जळें होति सुखपदें ।
 पारि पवित्र तें संबधें । तीर्थांचनि ॥ २१ ॥

न थों कां भलेतैसी थोरी । परि गंगा जैसी तैसी तिये सागरी ।
विश्वार्ते उद्धरी । दर्शनमात्रे ॥ २२ ॥
तैसें सात्विका कर्मा किरीटी । यंतां मोक्षाचिये भेटी ।
न पडे आडकाठी । त्रिशुद्धी गा ॥ २३ ॥
हा बोलु आयिकत खेवीं । अर्जुना आधी न माये जीविं ।
ह्मणे देवें कृपा करावी । सांघावें तें ॥ २४ ॥
तेथ कृपालु चक्रवर्त्ती । ह्मणे आयिक तेयांची व्यक्ति ।
जे सात्विक शुक्ति । रत्नीं पवले ॥ २५ ॥
तरि अनादि परब्रह्म । जें जगदादिकदाचें धाम ।
तेयाचें एक नाम । त्रिधा पै असे ॥ २६ ॥
तें किर अनाम अजाति । परि अविद्यागर्वाचिये राती ।
माजि बोलखावेया श्रुती । खुण केली ॥ २७ ॥
वि कटले संसारसीणें । जें देवों एंति गान्धारणें ।
तेयां वो दे नामें जेणें । तो संकेतु हा ॥ २८ ॥
ब्रह्माचा अबोला फीटावा । अद्वैतु द्वैतत्वे भेटावा ।
ऐसा मंत्र देखिला कणवा । वेदें बापें ॥ २९ ॥
मग दाविलेनि जेणें एकें । ब्रह्म आलविलें कवतिकें ।
मागां असतां ठाकें । पुढां उभें ॥ ३० ॥
परि निगमाचलशिखरीं । उपनिषदार्थनगरीं ।
आहाति ब्रह्माचां जे एकहारीं । तेयांसी चि ॥ ३१ ॥ न के हे
हें इ असो प्रजापति । शक्ति जे सृष्टि करिति ।
तें जेया एका आवृत्ती । नावांचिया ॥ ३२ ॥
पै सृष्टिचेया उपक्रमा । पूर्वे गा धीरोत्तमा ।
वेडा ऐसा ब्रह्मा । एकला होता ॥ ३३ ॥
मग ईश्वरातें नेदखे । ना सृष्टि करु न शके ।
तो एकु थोरु केला एकें । नावें जेणें ॥ ३४ ॥

जेयाच्चा अर्थु जीविं ध्यातां । जें वर्णत्रय जपतां ।
 विश्वसृजना योग्यता । आली तेयां ॥ ३५ ॥
 तेधवां रचिले ब्रह्मजन । तेयां वेद दीधले सासान ।
 यज्ञा ऐसें वर्तन । जीवें केलें ॥ ३६ ॥
 पाठिं नेणों केती एर । मीनले लोक अपार ।
 जालें ब्रह्मदत्त अप्रार । त्रिमुवन ॥ ३७ ॥
 ऐसें नाममात्रें जेणें । धात्रेया अढंच करणें ।
 तेयाचें रूप आधिक हणें । श्रीकांतु तो ॥ ३८ ॥
 तरि सर्व मंत्रांचा राजा । तो प्रणउ आदिवर्णु बुद्धा ।
 तत्कारु दूजा । तीजा सत्कारु ॥ ३९ ॥
 एवं उँत्सदाकार । ब्रह्मनाम तें त्रिप्रकार ।
 हें फूल तुरंबी सुंदर । उपनिषदातें ॥ ४० ॥
 येणोंसिं होउनि येक । जें निर्वाललें कर्म सात्विक ।
 तें कैवल्यातें पाइक । घरिचें करी ॥ ४१ ॥
 यन्हविं कापुराचें थलिवं । आणुनि दइजैल दैवं ।
 घेउं जाणणें चि अडवं । तेथ असे बाण ॥ ४२ ॥ पा
 तैसें आदरिजैल सत्कर्म । उच्चरिजैल हिं ब्रह्म नाम ।
 परि नेणिजे जरि वर्म । विनियोगाचें ॥ ४३ ॥
 तरि महंतांचिया कोडी । घरा आणिलेयां हिं वोढी ।
 मानु नेणती परिवडी । मुदल तूटे ॥ ४४ ॥
 कां लेयावेया चोखट । टीक मांगार एकवट ।
 घाल्लु बांधली मोट । गलां जेवि ॥ ४५ ॥
 तैसें तोंडिं ब्रह्मनाम । हातिं तें सात्विक कर्म ।
 विनियोगें विण काम । निष्फल होए ॥ ४६ ॥
 आगा अन्न आणि भूख । पासिं असे पारि देख ।
 जेउं नेणतां बालक । लंवे चि तें ॥ ४७ ॥

कीं स्नेहा सूत्रा वैश्वानरा । जालेयां जन्हीं सवंसारा ।
 हातवटी नेणतां वीरा । प्रकाशु नोहे ॥ ४८ ॥
 तैसें वेले कृत्य पावे । तेथिचा मंत्रु ही आठवे ।
 परि वेर्थ तें आघवें । विनियोगें विण ॥ ४९ ॥
 ह्यणौनि वर्णत्रयात्मक । जें हें ब्रह्मनाम एक ।
 विनियोगु तूं आधिक । येयाचा आतां ॥ ५० ॥

तस्मादोमित्युदाहृत्य यज्ञदानतपःक्रियाः ॥

प्रवर्त्तते विधानोक्ताः सततं ब्रह्मवादिनां ॥ २४ ॥

तरि नाभिं चि आखरें तीन्हीं । कर्मा आदि मध्यें निदानीं ।
 प्रयुंजाविं पै स्थानीं । इहिं तीन्हीं ॥ ५१ ॥
 हे चि एकी हातवटी । घडिली लोकिं किरीटी ।
 आले ब्रह्मविद भेटी । ब्रह्माचिये ॥ ५२ ॥
 ब्रह्मासिं होआवेया येकिं । ते वेचति यज्ञादिकिं ।
 जे चावलले बोलखी । शास्त्रांचिया ॥ ५३ ॥
 तें आदि तवं अंकारु । ध्यानें करिति गोचरु ।
 पाठि आणिति उच्चरु । वाचे ही तो ॥ ५४ ॥
 तेणें ध्यानें प्रकटें । प्रणवोच्चारें स्पष्टें ।
 लागति मग वाटे । क्रियांचिये ॥ ५५ ॥
 आंधारिं अभंगु दिवा । अडविं समर्थु बोलावा ।
 तैसा प्रणवु जाणावा । कर्मारंभी ॥ ५६ ॥
 उचितदेवउद्देशें । सुद्रव्यें धर्म्यें बहुवसें ।
 द्विजद्वारा हवन हुताशें । त्याजिति पै ते ॥ ५७ ॥
 आहवनीयआदि वन्ही । निक्षेपरूपहवनिं ।
 वेचिति पै निधानीं । फुडे होउनि ॥ ५८ ॥
 किंबहुना नाना याग । निष्पत्तिचें घेउनि आंग ।
 करिति नावडतेयां साग । उपाधिचे ॥ ५९ ॥

कां न्याये जोडला पवित्रिं । भूमादिकिं स्वतंत्रीं ।
 देशकालशुद्धपार्ति । देति दाने ॥ ६० ॥
 अथवा एकांतरा कृच्छ्रीं । चांद्रायणे मासोपवासिं ।
 शोखुनु गा धातुराशी । करीति तपे ॥ ६१ ॥
 येवं यज्ञदानतपे । जिये गाजंति बंधरूपे । वा
 ते ते चि होये सोहणे । मोक्षाचे तेयां ॥ ६२ ॥
 स्थलिं नावा जिया दाटिजे । जलिं तिया चि जेविं तरिजे ।
 तेवि बंधकिं कर्मीं सूटिजे । नावे येणे ॥ ६३ ॥
 परि हें असो ऐसिया । यज्ञदानादिक्रिया ।
 अंकारें सावाडलिया । प्रवर्त्तती ॥ ६४ ॥

तदित्यनभिसंधाय फलं यज्ञतपःक्रियाः ॥

दानक्रियाश्च विविधाः क्रियन्ते मोक्षकांक्षिभिः ॥ २५ ॥

तिया मोटक्रिया जेथ फलिं । रिगों पांति जिये कालिं ।
 प्रयुंजीति तिये कालीं । तच्छुद्ध हा ॥ ६५ ॥
 जें सर्व ही जगा परौतें । जें एक सर्व ही देखतें ।
 जें तच्छुद्धें बोलिजे तें । पैल वस्तु ॥ ६६ ॥
 तें सर्वादिकवे चिचीं । तद्रूप ध्याउनि सुमती ।
 उच्चारें हिं व्यक्ती । आणीति पुढुतीं ॥ ६७ ॥
 ह्मणति तद्रूप ब्रह्मा तिया । फलिं येति क्रिया ।
 होतु आत्मा भोगावेया । काहिं चि नुरो ॥ ६८ ॥ १
 ऐसें तदात्मक ब्रह्म । तेथ उगाणूनु कर्म ।
 आंग झाडीति न मम । एणे बोलें ॥ ६९ ॥
 आतां अंकारें आदरिलें । तत्कारें समर्पिले ।
 इया रीतिं जेया आलें । ब्रह्मत्व कर्मीं ॥ ७० ॥
 तें कर्म किर ब्रह्माकारें । जालें तेणें हिं न सरे ।
 जें करितेनासिं दुसरें । आहे ह्मणौनि ॥ ७१ ॥

मौठ आंगें जलिं विरे । परि क्षारता वेगली उरे ।
 तैसें कर्म ब्रह्माकारें । जाण तें द्वैत ॥ ७२ ॥
 आणि दुजें जवं घडे । तवं संसारभय जोडे ।
 हें देउं आपुलेन तोंडें । बोलति वेदें ॥ ७३ ॥
 ह्मणौनि परतत्वे ब्रह्म असे । तें आत्मत्वे परिवसे ।
 सच्छब्द रिणा दोसें । ठेविला देवें ॥ ७४ ॥
 तरि उंकारु तत्कारिं । जें जालें ब्रह्मकर्म शरीरीं ।
 जें प्रशस्तादि बोल वरी । वाखाणिले ॥ ७५ ॥

सद्भावे साधुभावे च सदित्येतत्प्रयुज्यते ॥

प्रशस्ते कर्मणि तथा सच्छब्दः पार्थ युज्यते ॥ २६ ॥

प्रशस्ते कर्मिं तिये । सच्छब्द विनियोगु आहे ।
 तो चि आइकां होये । तैसा सांघों ॥ ७६ ॥
 तरि सच्छब्द एणें । आटूनि असंताचें नाणें ।
 दाविजे अव्यंगवाणें । सत्तेचें रूप ॥ ७७ ॥
 जें सत्तेचें कालें देशें । हों नेणे चि अनारिसें ।
 आपणपां आपणं असे । अखंडीत ॥ ७८ ॥
 हें दीसत जेतुलें आहे । तें असंतपणें जें नोहे ।
 देखतां रूपिं सोये । लाभे जेयाची ॥ ७९ ॥
 तेणेंसिं प्रशस्त तें कर्म । जें जालें सर्वात्मक ब्रह्म ।
 देखिजे करुनि सम । ऐक्यबोधें ॥ ८० ॥
 तेथ उंकारु तत्कारें । जें कर्म दाविलें ब्रह्माकारें ।
 तें गीळतु होइजे एकसरें । चिन्मात्र चि ॥ ८१ ॥
 ऐसा हा अंतरंगु । सच्छब्दाचा विनियोगु ।
 जाण ह्मणे श्रीरंगु । मी न ह्मणें हो ॥ ८२ ॥
 ना मी चि जरि ह्मणें । तरि श्रीरंगिं दूजें हें उणें ।
 ह्मणौनि हें बोलणें । देवाचें चि ॥ ८३ ॥

यश्चे तपसि दाने च स्थितिः सदिति चोच्यते ॥
कर्म चैव तदर्थीयं सदित्येवाभिधीयते ॥ २७ ॥

आतां आणिकी ही परी । सछद्दु हा अवघारीं ।
सात्विका कर्मा करी । उपकार जो ॥ ८४ ॥
तरि संतें चि कर्में चांगें । चालिल्लें अधिकारबर्गें ।
परि एकाघेनि अंगें । हीणावति जें ॥ ८५ ॥
तैं उणें एक अवेवें । शरीर ठाके आघवें ।
कां अनेग हान भावे । राभस्याची गती ॥ ८६ ॥
तैसें एके चि गुणें विण । संत चि परि असंतपण ।
कर्म करि गा जाण । जिये वेळे ॥ ८७ ॥
तेधवां अंकार तत्कारीं । सावायिला चांगी परी ।
सछद्दु कर्मा करी । जीर्णोद्धार ॥ ८८ ॥
तैं असंतपण फेडी । आणि सद्वाचाचिये खूढी ।
निज सत्वाचिया प्रौढी । सछद्दु हा ॥ ८९ ॥
वोषध जैसैं रोगिया । कां सावाअ ये भंगलेया ।
सछद्दु कर्मा वेगलेयां । तैसा जाण ॥ ९० ॥
अथवा काहिं प्रमादें । कर्म आपुलिये मर्यादे ।
चूकौनि पडे निषिद्धे । वाटे हान ॥ ९१ ॥
चालतेया मार्गु सांडे । पारखियासि अखरें पडे ।
राहाटी माजि न घडे । काइ काइ ॥ ९२ ॥
हाणौनि तैसी कर्मा । राभस्यें सांडे सीमा ।
असाधुत्वाचेया दुर्नामा । येवों पाहे जें ॥ ९३ ॥
तेथ हा गा सछद्दु । येरिं दो प्रबुद्ध ।
प्रयुंजिला करी साधु । कर्मातें तेया ॥ ९४ ॥
लोहापरिसाची घृष्टि । वोहलागंगेची भेटि ।
मूला जैसी वृष्टि । पीयुषाची ॥ ९५ ॥

पै असाधु कर्मा तैसा । सछद्द वीरणा ।
 हें असो गौरवु चि ऐसा । नामाचा येया ॥ ९६ ॥
 घेउनि येथिचें वर्म । जें विचारीसि हें नाम ।
 तें केवल हें चि ब्रह्म । जाणसी तूं ॥ ९७ ॥
 पाहे पां अंतत्सत् ऐसें । हें बोलणें तेथ नेत असे ।
 जेथौनि कां प्रकाशे । दृश्यजात ॥ ९८ ॥
 तें तवं निर्विशिष्ट । परब्रह्म चोखट ।
 तेयाचें हें आंतुवट । व्यंजक नाम ॥ ९९ ॥
 परि तो आश्रयो आकाश । आकाश चि कां जैसा ।
 येया नामा नामियां तैसा । अभेदु असे ॥ १०० ॥
 उदैला आकाशी । रवी चि रवीतें प्रकाशी ।
 हे नामव्यक्ति तैसी । ब्रह्मा करी ॥ १ ॥
 ह्यणौनि व्यक्षर हें नाम । नव्हे जाण केवल ब्रह्म ।
 या ही लागि कर्म । जें जें कीजे ॥ २ ॥
 ते याग अथवा दानें । तपादिकें हिं गहनें ।
 तियें निफजति कां न्यूनें । होउनि ठांतु ॥ ३ ॥
 परिसाचां वोरकलीं । नाहिं चोखाकीडाची बोली ।
 तैसिं ब्रह्मि अर्पितां केलीं । ब्रह्म चि होति ॥ ४ ॥
 उणेयापुरेयांचिया परी । नुरती चि तेथ अवधारिं ।
 निवडूं न यंति सागरीं । जैसिया नदी ॥ ५ ॥
 एवं पार्था तुज प्रति । ब्रह्मनामाची हे शक्ति । शान्ती
 सांघितली उपपत्ती । डोलसा गा ॥ ६ ॥
 आणि एका एका ही आखरा । वेगळेवेगळे वीरा ।
 विनियोगु नागरा । बोलिलों रीती ॥ ७ ॥
 आतां एवं सुमहिम । ह्यणौनि हें ब्रह्मनाम ।
 जाणितलें किं सुवर्म । राया तुवां ॥ ८ ॥

तारि येथौनि याची श्रद्धा । उपलविली हो सर्वदा ।

जेयाचें जालें बंधा । उरों नेंदी ॥ ९ ॥

जिये कर्मि हा प्रयोगु । अनुष्ठिजे सविनियोगु ।

तेथ अनुष्ठिला होये सांगु । वेदु चि तो ॥ ४१० ॥

अश्रद्धया हुतं दत्तं तपस्तप्तं कृतं च यत् ॥

असदित्युच्यते पार्थ न च तत्प्रेत्य नो इह ॥ २८ ॥

सांडूनि हे सोए । मोडूनि श्रद्धेची बाहे ।

दुराग्रहाची चि त्राये । वाढउनियां ॥ ११ ॥

मग अश्वमेधां कोडी कीजे । रत्ना भरुनि पृथिवी दीजे ।

एकांगुष्ठि हीं तपिजे । तपसहस्रीं ॥ १२ ॥

जलाशयाचेन नावें । समुद्र ही कीजतु नवे ।

पारि किंबहुना आघवे । वृथा चि तें ॥ १३ ॥

पाषाणा वरि वर्षलें । जैसैं भस्मीं हवन केलें ।

कां खेवं दीधलें । साउलिये ॥ १४ ॥

नातारि जैसैं चडकणां । गगन हाणितलें अर्जुना ।

४ तैसा सामारंसु सुना । गेला चि तो ॥ १५ ॥

घाणा गालिले खडे । तेल ना पेंडि जोडे ।

तैसैं दलिद्र तेवडें । ठेलें चि आंगि ॥ १६ ॥

गांठि बांधली खापरी । एथ अथवा पैली तीरी ।

न सरौनि जैसी मारी । उपवासिं गा ॥ १७ ॥

तैसैं कर्मजातें तेणें । नाहिं इहिकिचें भोगणें ।

तेथ परत्र कें कवणें । आक्षेपावें ॥ १८ ॥

क्षणौनि ब्रह्मनामश्रद्धा । सांडूनि कीजे तो धांधा ।

हें असो सीनु नसुदा । दृष्टादृष्टीं ॥ १९ ॥

ऐसैं कलुषकरीकिसरी । त्रितापतिमिरतमोरी ।

श्रीवीखरनरहरी । बोलिलें तेणें ॥ ४२० ॥

तैथ निजानंद—बहुवसा । माजि अर्जुनु तो सहसा ।
 हारतला चंद्रु जैसा । चांदिणेन ॥ २१ ॥
 आहो संग्रामु हा वाणियां । मापें नाराजांचिया अणियां ।
 सूनि मांस घे मवणियां । जीवितेंसि ॥ २२ ॥
 ऐसेयांचां हिं घरिं कर्कसें । भोगिजत स्वानंदराज्य कैसें ।
 आजि भाग्यउदो हान असे । आनी ठाई ॥ २३ ॥
 संजयो ह्मणे कौरवराया । गुणा रिझों ये रिपुचेया ।
 आणि गुरु ही हा आमचेया । सुखाचा स्वामि ॥ २४ ॥
 हा न पुसता हे गोठि । तरि देवो सोडिते कां गांठि ।
 तरि कैसेनि आह्मां भेटि । परमार्थेंसि ॥ २५ ॥
 होतों अज्ञानाचा आंधारां । वोसंतीत जन्म वारा ॥ २६ ॥
 ते अत्मप्रकाशमंदिरा । आंतु आणिलों ॥ २६ ॥
 येवडा आह्मां तुह्मां थोर । केला एणें उपकार ।
 ह्मणौनि हा व्याससुहोदर । गुरुत्वे होए ॥ २७ ॥
 तेविं चि संजयो ह्मणे चिर्त्ती । हा अतिसो या नृपती ।
 खुपैल ह्मणौनि केती । बोलें असो ॥ २८ ॥
 ऐसी बोली सांडिली । मग येरीची गोठि आदारिली ।
 जे पार्थे कां पूसिली । श्रीकृष्णातें ॥ २९ ॥
 तें चि जैसें जाणणें । तैसें मीं हीं करीन बोलणें ।
 आइकिजो ज्ञानदेउ ह्मणे । निवृत्तिचा ॥ ३० ॥
 ॐ तत्सदिति श्रीमद्भगवद्गीतासूपनिषत्सु ब्रह्मविद्यायां
 योगशास्त्रे श्रीकृष्णार्जुनसंवादे श्रद्धात्रयविभागयोगो
 नाम सप्तदशोऽध्यायः ।



ज्ञानेश्वरी

अध्याय अठरावा

श्रीगणेशायनमः ॥

जय जय देव निर्मला । निजजनाखिलमंगला ।

जन्मजराजलदजाला । प्रभंजना ॥ १ ॥

जय जय देव प्रबला । विदलितामंगलकुला ।

निगमागमद्रुमफला । फलप्रदा ॥ २ ॥

जय जय देव सकला । विगतविषयवत्सला ।

कलितकालकौतूहला । कलातीता ॥ ३ ॥

जय जय देव निश्चला । चलचित्तपानतुंडिला ।

जगदुन्मीलनाविरला । केलिप्रिया ॥ ४ ॥

जय जय देव निष्कला । स्फुरदमंदानंदबहुला ।

निरस्ताखिलामंगला । मूलभूता ॥ ५ ॥

जय जय देव स्वप्रभ । जगदंबुदगर्भनभ ।

भवनोद्भवारंभस्तंभ । भवध्वंस ॥ ६ ॥

जय जय देव शुद्ध । विदुदयोद्यानद्विरद ।

शमदममदनमदभेद । दयार्णव ॥ ७ ॥

जय जय देवैकरूप । अतिकृतकंदर्पसर्पदर्प ।

भक्तभावभुवनदीप । तापापह ॥ ८ ॥

जय जय देव अद्वितीय । परिणतोपरमैकप्रिय ।
 निजजयजितमजनीय । मायागम्य ॥ ९ ॥ तथाप्रा-
 जय जय देव श्रीगुरो । अकल्पनाप्यकल्पतरो । १० ॥
 स्वसंविद्गुमबीजप्ररो— । हणावनी ॥ १० ॥
 हैं एकैक ऐसैं । नाना परि भाषावसैं । ११ ॥
 स्तोत्र करुनि तुज दोसैं । निर्विशेषा ॥ ११ ॥
 जिहि विशेषणीं विशेषिजे । तें दृश्य नव्हे रूप तूजें ।
 हैं जाणें हणौनि मी लाजें । वानणां इहीं ॥ १२ ॥
 परि मर्यादेचा सागर । हा तव तेया डगर ।
 जव नेदखे सुधाकर । उदया आला ॥ १३ ॥
 सोमकांतु निज निर्झरीं । चंद्रा अर्घ्यादीक न करी ।
 तें तो चि अवधारीं । करवी कीं जी ॥ १४ ॥
 नेणों कैसैं वसंतसंगें । अवचितिं झाडांचि आंगें ।
 फूटति तें तेया ही जोगें । धरणें नोहे ॥ १५ ॥
 पद्मिनी रविकिरण । लाहे मग लाजे कवण ।
 कां जलें सीतलें लवण । आंग भूले ॥ १६ ॥
 तैसा तूतें मीं जेथ स्मरें । तेथ मालातिलें जें विसरें । मर्यादा मी-
 मग जाकलिला ठेंकरें । तृप्तु जैसा ॥ १७ ॥
 मज तुवां जी केलें तैसैं । माझें मीपण दवडूनि देशें ।
 स्तुतिमीसैं पांचपीसैं । बांधलें वाचे ॥ १८ ॥
 ना यन्हविं तन्हि आठवीं । राहुनि स्तुति जें करावी ।
 तैं गुणां गुणियां धरावी । सरोभरी ॥ १९ ॥
 तरि एकरसाचें जी तूं लिंग । केवि करुं गुणागुणि भाग ।
 मोति फोडुनु सांधितां चांग । किं तैसैं चि भलें ॥ २० ॥
 जी जालेनि पाइकें आलें । तें गोसाविपण केवि बोलें ।
 ऐसा उपाधि उसिटिलें । काइ वानूं ॥ २१ ॥

आणि बापु तूं माए । इहिं बोलिं ना स्तुति होये ।
 तरि डिंभोपाधिकु आहे । विडालु तेथ ॥ २२ ॥
 तरि आत्मा तूं यकसरा । हें इं हणों जांतां दातारा ।
 आंतौनि बाहिरां । घापतासि ॥ २३ ॥
 हणौनि साच तुज लागि । स्तुति नेदखें जर्गी ।
 मौन वांचौनि लेणें आंगिं । सुंसि नामा ॥ २४ ॥
 स्तुति काहिं न बोलणें । पूजा काहिं न करणें ।
 संनिधि केहीं न होणें । तूझां ठांड ॥ २५ ॥
 तन्हीं जीतलें जैसैं भूली । पिसे आलव घाली ।
 तैसैं वानूं तें मालली । उपसाहे तूं ॥ २६ ॥
 आतां गीतार्थाची मुदी । लावीं माक्षिये वागूरिद्धी ।
 जियां माने सभासदिं । सज्जनांसि ॥ २७ ॥
 तव हणितलें श्रीनिवृत्ती । नको हें पुढुतीं पुढुतीं ।
 परिसिं लोहघृष्टी केती । वेला कीजे गा ॥ २८ ॥
 तव विनर्वातु ज्ञानदेउ ॥ हणो हो कां जी पसावो ।
 तरि अवधान देंतु देउ ॥ ग्रंथा आतां २९ ॥
 जी गीतारत्नप्रासादाचा । कलशु अर्थार्चितामणिचा ।
 सर्वगीतादर्शनाचा । पाढावो जो ॥ ३० ॥
 लोकिं तन्हीं आथि ऐसैं । जें दूरौनि कलशु दीसे ।
 भेटी चि हातवसे । देवतेचिये ॥ ३१ ॥
 तैसैं चि एथ आहे । जें एकें चि एणें अध्यायें ।
 आघवा चि दृष्टु होए । गीतागमु हा ॥ ३२ ॥
 मी कलशु या कारणें । अठरावां अध्याउ ॥ हणें ।
 वाइला बादरायणें । गीताप्रसादासि ॥ ३३ ॥
 नाहिं कलशा परौतें काहिं । प्रासादिं काम नाहिं । प्र
 ते सांघतसे गीता ही । संपलेपणें ॥ ३४ ॥

व्यासु साहाजें सूत्रीं बली । तेणें निगमरत्नाचलिं ।
 उपनिषदाची माली । माजि खांडिली ॥ ३५ ॥
 तेथ त्रिवर्गाचा अणुआरु । आड निगाला जो अपारु ।
 तें महाभारतप्राकारु । भवंता केला ॥ ३६ ॥
 माजि आत्मज्ञानाचें एकवट । दलवाडें झाडून चोखट ।
 घडिलें पार्थवैकुण्ठ- । संवादकुसरी ॥ ३७ ॥
 निवृत्तिसूत्रसोडवणियां । सर्वशास्त्रपुरवणियां ।
 आवो सांधिला मांडणियां । मोक्षरेखेचा ॥ ३८ ॥
 ऐसेन करितां उभारा । पन्हरा अध्याय ते पन्हरा ।
 भूमि निर्वाळलेया पुरा । प्रासादु जाला ॥ ३९ ॥
 उपरि सोलावां अध्या३० । तो ग्रीवेघंटेचा आ३० ।
 सप्तदशु तो ठा३० । पडिघाणिये ॥ ४० ॥
 तेया ही वरि अष्टादशु । तो आपैसेया मांडला कलशु ।
 उपरि गीतादिर्किं व्यासु । ध्वजे लागला ॥ ४१ ॥
 ह्यणौनि मागील अध्याये । जे चढतेयां भूमीचे आये ।
 तेयांचें पुरें दावितु आहे । आपुलां आंगीं ॥ ४२ ॥
 जालेया कामा नाहिं चोरी । ते कलशें होये उजिरी ।
 तेवि अष्टादशु विवरीं । साद्यंत गीता ॥ ४३ ॥
 ऐसा व्यासें विंदाणियें । गीताप्रासादु सोडवणिये ।
 आणूनि रक्षिले प्राणिये । नाना परीं ॥ ४४ ॥
 एक प्रदक्षिणा जपाचिया । बाहिरौनि करिति एया ।
 एक श्रवणमीसें छाया । सेविति येयाची ॥ ४५ ॥
 एक अवधानाचा पुरा । विडा पाउड भितरां ।
 देउनि रिगति गामारां । अर्थज्ञानाचां ॥ ४६ ॥
 ते निजबोधें उराउरी । भेटति आत्मेयां श्रीहरी ।
 परि मोक्षप्रासादिं सरी । सर्वां हीं आथि ॥ ४७ ॥

ऐसा गीतावैष्णवप्रासादु । अठरावां कलशु विशदु ।
 मियां ह्यणितला हा भेदु । जाणौनियां ॥ ४८ ॥
 आतां सप्तदशा पाठि । अध्या३० कैसेनि उठी ।
 तो संबधु सांघों दीठी । दीसे तैसा ॥ ४९ ॥
 न मोडतां दोन्हीं आकार । घडलें एक शरीर ।
 हैं अर्धनारीनटेश्वर । पूरें दीसे ॥ ५० ॥
 कां गंगायमुनाउदक । बोधबलें वेगलीक ।
 दावी होउनि एक । पाणीपणें ॥ ५१ ॥
 नाना बांटली दिवसें । कला बिंबि बैसे ।
 परि वेगलें जैसें । चंद्रि नाहिं ॥ ५२ ॥
 तैसीं सिनानीं च्यान्ही पदे । श्लोकु श्लोकावबोधें ।
 अध्यायो अध्यायभेदें । गमे किर ॥ ५३ ॥
 परि प्रमेयाची उजिरी । आनान रूप न धरी ।
 नाना रत्नें मणी दोरी । एकी चि जैसी ॥ ५४ ॥
 मोतियें मेलउनि बहुवें । एकावलिचा पाडु आहे ।
 परि शोभे रूप होये । एक चि जेथि ॥ ५५ ॥
 फूलां फुलसरा लेख चढे । द्रुति दूजी आंगुली न पडे ।
 श्लोक अध्याय तेणें पाडे । जाणावे हे ॥ ५६ ॥
 सातें शतें श्लोक । अध्यायां अठरांचें लेख ।
 परि दे३० बोलिले एक । जें दुजें नाहिं ॥ ५७ ॥
 मिया हिं न संझुनि ते सोए । ग्रंथा व्यक्ति केली आहे ।
 प्रस्तुत ही तेणें निर्वाहे । निरूपण आइकां ॥ ५८ ॥
 तरि सतरावां अध्या३० । पावतां पुरता ठा३० ।
 संपतां श्लोकिं दे३० । ऐसें बोलिले ॥ ५९ ॥
 अर्जुना ब्रह्मनामाचां विषि । बुद्धि सांडुनि आस्तिकी ।
 कर्म कीजति जेतुकिं । असंतें होंति ॥ ६० ॥

हा आइकौनि देवाचा बोलु । अर्जुना आला डोलु ।
 ह्मणे कर्मनिष्ठा मूलु । ठेला देखों ॥ ६१ ॥
 अर्जुन तो अज्ञानांधु बापुडा । ईश्वरू चि नेदखे एवडा ।
 तेथ नावं एक पुढां । कां सुझे तेया ॥ ६२ ॥
 आणि रजतमें दोन्हीं । गेलेयां सात्वीक श्रद्धा सानीं ।
 ते कां लागे अभिघानीं । ब्रह्माचिये ॥ ६३ ॥
 मग कौतां खेवं देणें । वार्त्ते वारिल धावणें ।
 संडों फडे खेलवणें । नागिणिएची ॥ ६४ ॥
 तैसिं कर्में हुवाडें । तेयां हिं जन्मांतराचि कडे ।
 दुर्मैलावे यव्हडे । कर्मा माझि ॥ ६५ ॥
 ना विपायें उजू होए । तरि ज्ञानाची योग्यता लाहे ।
 यव्हविं येणें चि जाये । निरयासि ॥ ६६ ॥
 कर्मिं हा ठावो वेन्हीं । आहाति बहुवा अवसरी ।
 आतां कर्मठा कैची वारी । मोक्षाची एथ ॥ ६७ ॥
 तरि फीटो कर्माचा पांगु । कां जो आघवा चि त्यागु । कीर्ति
 आदरिजो अव्यंगु । संन्यासु तो ॥ ६८ ॥
 कर्मबाधाची काहिं । जेथ भयाची गोठि नाहिं ।
 तें आत्मज्ञान जिहीं । स्वाधीन केलें ॥ ६९ ॥
 ज्ञानाचे आव्हान मंत्र । जें ज्ञान पीकतें सुक्षेत्र ।
 ज्ञान आकर्षिते सूत्र । तंतु जे कां ॥ ७० ॥
 दोन्हीं संन्यास त्याग । अनुष्ठूनि सूटो जग ।
 तरि आतां हे चि चांग । व्यक्ति प्रसों ॥ ७१ ॥
 ऐसें ह्मणौनि पार्थे । त्यागसंन्यासव्यवस्थे ।
 रूप होअवेया जेथें । प्रश्रु केला ॥ ७२ ॥
 तेथ प्रत्युत्तरें बोलि । श्रीकृष्णें जे सांघितली ।
 तेया व्यक्ति जाली । अष्टादशे ॥ ७३ ॥

एवं जन्यजनकभावे । अध्यावो अध्यायार्ते प्रसवे ।
 आतां आइकां बरवे । प्रसिले ते ॥ ७४ ॥
 तारि पांडुकुमरे तेणे । देवाचे सरते बोलणे ।
 जाणौनि अंतष्करणे । काणि घेतली ॥ ७५ ॥
 यन्हवि तत्वविधि भला । तो निश्चित किर आहे जाला ।
 पारि देऊ राहे उगला । हे साहावे ना ॥ ७६ ॥
 वत्स घालेयां हिं वारि । धेनु न वचावी दूरि ।
 अनन्य प्रीतिची पारि । ऐसी चि असे ॥ ७७ ॥
 तेणे काजे विण बोलवे । ते देखिले तन्हीं पाहावे ।
 भोगितां चाड दूणावे । पढियंतां ठांड ॥ ७८ ॥
 ऐसी प्रेमाची जाति । पार्थु तव ते चि मूर्ति ।
 ह्यणौनि करुं लाहे खंति । उगेपणाची ॥ ७९ ॥
 आणि संवादाचेनि मीसे । जें अव्यवहारी वस्तु असे ।
 ते चि भोगिजे जैसे । आरिसां रूप ॥ ८० ॥
 मग संवादु तो चि पारुखे । तारि भोगणे भोगीं थोके ।
 हे कां साहावेल सुखे । लांचावलेयां ॥ ८१ ॥
 या लागि त्याग संन्यास । पुसावेयाचे वेडनि मीस ।
 उपरतविले दूस । गीतेचे ते ॥ ८२ ॥
 अठरावा अध्याऊ हा नोहे । हे एकाध्याई गीता चि आहे ।
 जें वांसुरं चि गाये दुहे । ते वेळ काइसी ॥ ८३ ॥
 तैसे संपतां हिं अवसरि । गीता आदरविली माधारी ।
 स्वामिभृत्याचा न करी । संवादु काई ॥ ८४ ॥

अर्जुन उवाच ॥

संन्यासस्य महाबाहो तत्त्वमिच्छामि वेदितुं ॥
 त्यागस्य च हृषीकेश पृथक्केशिनिष्ठदन ॥ १ ॥

परि हैं असो ऐसैं । अर्जुनै प्रसिजत असे ।
 हणो विनती विश्वेशैं । अवधारिजो ॥ ८५ ॥
 हां जी संन्यासु आणि त्यागु । यां दोहिं एकिं अर्थि लागु ।
 जैसा सांघातु आणि संगु । संगतें बोलिजे ॥ ८६ ॥
 तैसें त्यागें आणि संन्यासें । त्यागू चि बोलिजत असे ।
 अमचेनि तवं मानसें । ऐसें जाणिजे ॥ ८७ ॥
 ना काहिं आथि अर्थभेदु । तो देवो करीतु विशदु ।
 एथ हणो मुकुंदु । भिन्न चि पै ॥ ८८ ॥

श्रीभगवानुवाच ॥

काम्यानां कर्मणां न्यासं संन्यासं कवयो विदुः ॥
 सर्वकर्मफलत्यागं प्राहुस्त्यागं विचक्षणाः ॥ १ ॥
 यन्हविः अर्जुना तूष्नां मनि । त्याग संन्यास दोन्हीं ।
 एकार्थ गमले हैं मानी । भी ही साच ॥ ८९ ॥
 किर दोहिं इहिं शद्धि । त्यागु चि बोलिजे त्रिशुद्धी ।
 परि कारण एथ भेदी । एतुलें चि ॥ ९० ॥
 जें निपटौनि कर्म सांडिजे । तें सांडणें संन्यासु हणिजे ।
 आणि फलमात्र कां तेजिजे । त्याग तो गा ॥ ९१ ॥
 परि कोणा कर्माचें फल । सांडिजे कोण वर्म केवल ।
 हैं इं सांघों विमल । चित्त दे पां ॥ ९२ ॥
 तारि आपैसेया दागें डोंगर । झाडलीं वीति असार ।
 तैसे लांबे राजागर । नुठिति ते ॥ ९३ ॥
 न पेरितां सैद्य तृणें । उठिति तैसें सालिचें होणें ।
 माहिं गा राबाउणें । जेया परीं ॥ ९४ ॥
 कां आंग जालें साहाजे । परि लेणें उद्यमें कीजे ।
 नई आपैसी आपादिजे । विहिर जेवि ॥ ९५ ॥

तैसैं नित्यनैमित्तिक । कर्म होये स्वाभाविक ।
 परि न कामितां कामिक । न निफजे जें ॥ ९६ ॥
 कामनेचें दलवाडें । जें उभावेया घडे ।
 अश्वमेधादिक फुडे । याग जेथ ॥ ९७ ॥
 वापी कूप आराम । अग्रहारें हान ग्राम ।
 आणिक ही संभ्रम । व्रतांचे जे ॥ ९८ ॥
 ऐसैं इष्टापूर्त सकल । जेया कामना एकि मूल ।
 जें केलें भोगवी फल । बांधौनियां ॥ ९९ ॥
 देहाचेया गावां आलेयां । जन्ममृत्युचेया सोहलेया ।
 ना ह्यणों नैए धनंजया । जेया परीं ॥ १०० ॥
 कां लल्हाटिचें लिहिलें । न मोडे काहिं केलें ।
 काले—गोरेपण धूतलें । फीटों नेणे ॥ १ ॥
 केलें काम्य कर्म तैसैं । फलभोगाचें धरणें बैसैं ।
 न फेडिता रिण जैसैं । वोसंडी ना ॥ २ ॥
 कां कामना हिं न करितां । अवसांत घडे पांडुसुता ।
 परि वायकांड न जुझतां । लागे जैसैं ॥ ३ ॥
 गुल नेणतां तोंडीं । घातला दे चि गोडी ।
 अग्नि नेणोनि राखौंडी । चेंपिलें पोली ॥ ४ ॥
 काम्य कर्माचें हें एक । सामर्थ्य असे स्वभाविक ।
 हाणोनि नको कवतिक । मुमुक्षुं एथ ॥ ५ ॥
 किंबहुना पार्था ऐसैं । जें काम्य कर्म गा असे ।
 तें तेजिजें विष जैसैं । वोकुनियां ॥ ६ ॥
 मग तेया त्यागातें जर्गी । सन्यासु ऐसेया भंगी ।
 बोलिजे अंतरंगी । सर्वद्रष्टां ॥ ७ ॥
 हें काम्य कर्म सांडणें । तें कामनेतें चि उपडणें ।
 धनत्यागें दवडणें । जैसैं मय ॥ ८ ॥

सोमसूर्यग्रहणें । एउनि करिति पार्वणें ।
 कां मातापितरमरणें । अंकितें जें दीस ॥ ९ ॥
 अथवा अतिथी हान पावे । ऐसां पडें जें करावें ।
 तें तें कर्म जाणावें । नैमित्तिक गा ॥ ११० ॥
 वारिषिया क्षोभे गगन । वसंत दुणावे वन ।
 देहशृंगारीं यौवन । दशा जैसी ॥ ११ ॥
 कां सोमकांतु सोमें पाव्हाले । सूर्ये फाकति कमलें ।
 एथ असे तें चि पवळें । आन नैए ॥ १२ ॥ ~~वेपेन~~
 तैसें नित्य जें कां कर्म । तें नैमित्तिकाचें लाहे नियम ।
 एथ उंचावें तेणें नाम । नैमित्तिक होए ॥ १३ ॥
 आणि सायंप्रातर्मध्यानीं । जें करणीय प्रतिदिन्हीं ।
 परि दृष्टि जैसी लोचनीं । अधिक नोहे ॥ १४ ॥
 कां नापादितां गति । चरणीं जैसी आशि ।
 नातरि दीप्ति । दीपबिंबि ॥ १५ ॥
 वासु नैदितां जैसैं । चंदनीं सुगंधत्व असे ।
 अधिकाराचे तैसें । रूप चि जें ॥ १६ ॥
 नित्य कर्म ऐसें जनीं । पार्था बोलिजे तें हें मानीं ।
 एवं नित्यनैमित्तिकें दोन्हीं । दाविलिं तुज ॥ १७ ॥
 हें नित्यनैमित्तिक । अनुष्ठितां आवश्यक ।
 ह्यणौनि ह्यणों पांति एक । वांझ यंयार्ते ॥ १८ ॥
 परि भोजनीं जैसैं होए । तृप्तिलामें भूक जाए ।
 तैसें नित्यनैमित्तिक आहे । सर्वांगिं फल ॥ १९ ॥
 कीड आगिठां पडे । मल तूटे वानीं चढे । ~~समूह~~
 या कर्मा तेया सांगडें । फल जाणावें ॥ १२० ॥
 जें प्रलयवावो तवें गले । स्वाधिकार बहुवें उजले ।
 तेथ हातोफलिया मिले । सद्गतीसि ॥ २१ ॥

एवढें वेरि दिसाल । नित्यनैमित्तिकिं आहे फल ।
 परि त्यजिजे मूल । नक्षत्रीं जैसैं ॥ २२ ॥
 लता पीके आधवी । तवं चूतु बांधे पालवी ।
 मग हातु न लवी माधवी । सांडुनि घाली ॥ २३ ॥
 तैसी नोलांडितां रेखा । चित्त दीजे नित्यनैमित्तिका ।
 पाठि फला कीजे अशेषा । वांतिची वानी ॥ २४ ॥
 एया कर्मफलत्यागातें । त्यागु पै ह्मणति जाणते ।
 एवं संन्यास त्याग तूतें । परिसविले ॥ २५ ॥
 हा संन्यासु जै संभवे । तें काम्यन्नाधु न पवे ।
 निषिद्ध तवं स्वभावें । निषिद्धें गेलें ॥ २६ ॥
 आणि नित्यादिक असे । तें एणें फलत्यागें नासे ।
 शिर लोटिलेयां जैसैं । एर आंग ॥ २७ ॥
 मग सस्य फलपाकांत । तैसैं निमालेयां कर्मजात ।
 आत्मज्ञान गिवसीत । आपैसैं ए ॥ २८ ॥
 एसिया निगुती दोन्हीं । त्यागसंन्यासअनुष्ठानिं ।
 पडिले गा आत्मज्ञानीं । बांधति पाटु ॥ २९ ॥

त्याज्यं दोषवदित्येके कर्म प्राहुर्मनीषिणः ॥

यज्ञदानतपःकर्म न त्याज्यमिति चापरे ॥ ३ ॥

नातारि हे निगुति चूके । मग त्यागु कीजे हाततूकें ।
 तें काहिं न त्यजें अधिकें । गोवी चि पडे ॥ ३० ॥
 जें अखद व्याधी अनोलख । तें वेतलेयां परते चि विष ।
 कां जें अन्न न मनीं भूक । तें मारी ना काई ॥ ३१ ॥
 ह्मणौनि त्याज्य जें नोहे । तेथ त्यागातें न सुआवें ।
 त्याज्या लागि नोहावें । लोभापरां ॥ ३२ ॥
 चूकलेयां त्यागाचें बेझें । केला सर्वत्यागु हो वोझें ।
 निषिद्धोंसिं सर्वत्र जूझें । वीतरागां ॥ ३३ ॥

एकां फलत्यागु न टके । ते कर्माते ह्यणति बंधके ।
 जैसे आपण नग्न भांडुके । जगाते ह्यणे ॥ ३४ ॥
 कां जिन्हाळंपटु रोगिया । अने दुखी धनंजया ।
 नातरि आंगें नर कुष्ठिया । मासियां कोपे ॥ ३५ ॥
 तैसें फलकार्मिं दुर्बल । ह्यणति कर्म कीडाल ।
 मग निर्णयो देति केवल । त्यजावे ऐसा ॥ ३६ ॥
 एक ह्यणति यागादिक । करावे आवश्यक ।
 हे वांचौनि शोधक । आन नाहिं ॥ ३७ ॥
 मनशुद्धिचां मार्गि । जें विजैयां होआवे जर्गी ।
 तें कर्मसंबंधा लागि । आलसु न कीजे ॥ ३८ ॥
 भांगार आथि शोधावे । तरि आगी जेवि नुभगावे ।
 कां आरिसेया लागि सांचावे । अधिकें रजे ॥ ३९ ॥
 ना लुगडीं चोखें होआविं । ऐसें जरि आथि जीविं ।
 तरि सवंदणि न मनावी । मलीन ऐसी ॥ ४० ॥
 तैसिं कर्म केशाकारें । ह्यणौनि ने नाविं अन्हरे ।
 कां अन्न लामे अरुवारें । रांधितिए उणे ॥ ४१ ॥
 तरि इहिं गा शर्द्रीं । एक कर्म बांधति बुद्धी ।
 ऐसा त्यागु विसंवादीं । पडौनि ठेला ॥ ४२ ॥
 परि आतां विसंवादु तो फीटे । हा त्यागाचा निश्चयो भेटे ।
 तैसें बोलों गोमटे । अवधान देइ ॥ ४३ ॥

निश्चयं श्रुणु मे तत्र त्यागे भरतसत्तम ॥
 त्यागो हि पुरुषव्याघ्र त्रिविधः संप्रकीर्तितः ॥ ४ ॥

तरि त्यागु एथ पांडवा । त्रिविधु पै जाणावा ।
 तेया ही त्रिविधा बरवा । निवादु सांगों ॥ ४४ ॥
 त्यागिचे तीन्ही प्रकार । कीजति जन्हीं गोचर ।
 तन्हीं इत्यर्थाचें सार । एतुलें एथ ॥ ४५ ॥

मज सर्वज्ञाचिये बोधी । जें अलोट माने त्रिशुद्धी ।
तें निश्चित तव आधी । विचारि पां ॥ ४६ ॥

यज्ञदानतपःकर्म न त्याज्यं कार्यमेव तत् ॥
यज्ञो दानं तपश्चैव पावनानि मनीषिणां ॥ ५ ॥

तरि आपुलिये सोडवणे । जो मुमुक्षु जागों हणने ।
तेया सर्वस्वें करणें । हें चि एक ॥ ४७ ॥
जियें यज्ञदानतपादिकें । यें कर्म आवश्यकें ।
तियें न संडाविं पांथिकें । पाउलें जैसीं ॥ ४८ ॥
हारतलें न देखिजे । तव मागु न संडिजे ।
कां न धांतां न लोटिजे । भाणें जेवि ॥ ४९ ॥
नाव थडी न पवतां । न सुंदिजे केलि न फलतां । स्वं
कां ठेविलें न दिसतां । दीपु जैसा ॥ १५० ॥
तैसी आत्मज्ञानविधि । जवं निश्चिती नाहिं नीकी ।
तव न व्हावें यागादिकि । उदासीनां ॥ ५१ ॥
पैं स्वाधिकारानुरूपें । तियें दानयागतपें ।
अनुष्ठाविं आक्षेपें । अधिकें वर ॥ ५२ ॥
जें चालणें वेगावत जाए । तो वेगु बैसावेया चि होये ।
तैसा कर्मा अतिसो आहे । निष्कर्मा लागि ॥ ५३ ॥
अधिकें जवं जवं अखदी । सेवनेची मांडे बांधी ।
तव तव मूंकिजे व्याधी । तेयाचिया ॥ ५४ ॥
तैसिं कर्म हातोपातीं । पैं कीजति यथानिगुती ।
तैं रजतमें झडती । दोन्ही एथ ॥ ५५ ॥
मग पाठिचां वाटीं पुटें । भांगारा देणें घटे ।
तैं कीड झडकारि तूटे । निर्व्याज होए ॥ ५६ ॥
तैसैं निष्ठा केलें कर्म । सांडुनि रजतम ।
सत्वशुद्धिचें धाम । डोलां दावी ॥ ५७ ॥

हाणौनि गा धनंजया । सत्वशुद्धि गिवसी तेया ।
 तीर्थे ये सावाया । आलिं कर्म ॥ ५८ ॥
 तृषार्त्ता मरुत देसी । झले अमृते वोळली जैसी ।
 कां अंधा लागि डोलांसि । सूर्यो आला ॥ ५९ ॥
 बुडतेया नइ चि धांविनली । पडतेया पृथ्वी कळवलली ।
 मरतेया मृत्यू दीधली । आंयुष्यरिद्धी ॥ १६० ॥
 तैसें कर्म बांधतां । मुमुक्षू सूटले पांडुसुता ।
 जैसा रसरीती मरता । राखिला विखें ॥ ६१ ॥
 तैसिं येकी हातवटिया । कर्म केलीं धनंजया ।
 बंधकें चि सोडावेया । मुख्य होंति ॥ ६२ ॥
 एतान्यपि तु कर्माणि संगं त्यक्त्वा फलानि च ॥
 कर्तव्यानीति मे पार्थ निश्चितं मतमुत्तमं ॥ ६ ॥
 आतां ते चि हातवटी । तुज ही सांघों गोमटी ।
 जेया कर्मासि किरीटी । कर्म चि रुसे ॥ ६३ ॥
 तरि महायागप्रमुखें । कर्म निफजति अचुकें ।
 कर्तेपणाचें न टके । कुंजणें आंगीं ॥ ६४ ॥
 जो मोले तीर्था जाये । तेयासि यात्रा करीतु आहें ॥
 ऐसिया श्लाघ्यता नोहे । तोखु जिवीं ॥ ६५ ॥
 कां मुद्रा समर्थाचिया । एकटु झोंबे राया ।
 तो मीं जीणतसें येया । न ये जेवि गर्वा ॥ ६६ ॥
 जो कासे लागौनि तरे । तेया पव्हती उर्मि नुरे ।
 पुरोहितु नाविष्करे । दातेपणें ॥ ६७ ॥
 तैसें कर्तुत्व अहंकारें । नेघौनि यथावसरें ।
 कृत्यजाताचें मोहिरें । सारिजति ॥ ६८ ॥
 आणि केलें कर्म पांडवा । जो आधि फलाचा यावा ।
 तेया मोहरा न व्हावा । अनोरथु ॥ ६९ ॥

आदिं चि फलिं आसतूटिया । कर्म आरंभावीं धनंजया ।
 परावें बाल धाया । पाहिजे जैसैं ॥ १७० ॥
 पिंपरुवांचेया आशा । न सिंपिजे पिंपळु जैसा ।
 तैसिया फलनिराशा । कीजति कर्म ॥ ७१ ॥
 सांडूनि दूधाची टकुली । गोवारी गावंधणें वेंटाली ।
 किंबहुना कर्मफलीं । तैसैं कीजे ॥ ७२ ॥
 ऐसी हे हातवटी । घेउनि क्रिया जे उठी ।
 आपुलिया आपण गांठी । लाहे चि तो ॥ ७३ ॥
 झणौनि फलिं लागु । सांडौनि देहिं संगु ।
 कर्म कराविं हा चांगु । निरोपु माझा ॥ ७४ ॥
 जो जीवबंधें सीणला । सूरुटिकिं जचे आपुलां ।
 तणें पुढुर्ती या बोला । आन न कीजे ॥ ७५ ॥

नियतस्य तु संन्यासः कर्मणो नोपपद्यते ॥

मोहात्तस्य परित्यागस्तामसः परिकीर्तितः ॥ ७ ॥

मा आंधाराचेनि रोखें । जैसीं डोलां रोविजति नाखें ।
 तैसैं कर्मद्वेखें असिकें । कर्म चि सांडी ॥ ७६ ॥
 तेयाचें कर्म सांडणें । तें तामस पै मीं झणें ।
 सिसाराचां रागीं लागें । सीस चि जैसैं ॥ ७७ ॥
 हांगा मार्गु दोवाडु होए । तन्हीं निस्तरतील पाए ।
 किं ते चि खांडणें आहे । मार्गापरावें ॥ ७८ ॥
 भूकैलेया पुढील अन्न । हो कां भलेतैसैं उन्ह ।
 तन्हीं बुद्धी नेघतां लंघन । कां निवारे गा ॥ ७९ ॥
 तैसा कर्माचा बाधु कर्म । नितरिजेल करितेन बर्म ।
 हें तामसु नेणे भ्रम । माजविला ॥ १८० ॥
 किं स्वभावे आलें विभागा । तें कर्म चि वोसंडी पै गा ।
 परि झनें आतळा त्यागा । तामसा तेया ॥ ८१ ॥

दुःखमित्येव यत्कर्म कायक्लेशभयात्त्यजेत् ॥

स कृत्वा राजसं त्यागं नैव त्यागफलं लभेत् ॥ ८ ॥

अथवा स्वाधिकार बूझे । आपुलें विहित ही सूझे ।

परि करितेया उभजे । निबरपणां ॥ ८२ ॥

जें कर्म आरंभाची कड । नावं एक होये दुवाड ।

वाहांतिये वेले जड । सिदोरी जैसी ॥ ८३ ॥

निंबु जिन्हे कडुवटु । हिरडा पहिलें तूरटु ।

तैसा कर्मा सेवटु । खणुवाला होए ॥ ८४ ॥

गाई दोवाड सिंग । सेवंतिये अडव आंग ।

भोजनसुख महाग । रांभितां ठांइ ॥ ८५ ॥

तैसैं पुडुतिं पुडुतिं कर्म । आरंभीं चि अतिविषम ।

क्षणौनि ते ते श्रम । करितां मानीं ॥ ८६ ॥

एन्हविं विहितत्वे मांडी । परि घालितां असुरवाडी ।

एथ पोललें ऐसैं सांडी । आदारिलें ही ॥ ८७ ॥

हाणे वस्तु देहा सारिखी । आली बहुविं भाग्यविशेषि ।

मा जाचुकां कर्मादिकिं । पापिया जैसा ॥ ८८ ॥

केलां कर्मिं जें देयावें । तें झनं मज होआवें ।

आजि भोगूं ना बरवें । हातिचे भोग ॥ ८९ ॥

ऐसा शरीराचेया क्लेशा । भेण कर्म वीरेशा ।

सांडी तो परियसां । राजस त्यागी ॥ ९० ॥

यन्हविं तेथ ही कर्म सांडे । परि त्यागफल न जोडे ।

जैसैं उतलें आगी पडे । परि होमीं न लगे ॥ ९१ ॥

कां बुडौनि प्राण गेले । ते अधोदकीं निमाले ।

हैं क्षणों न ए जालें । दुर्मरण चि ॥ ९२ ॥

तैसैं देहाचेनि लोभें । जेणें कर्मा पाणी सुभे ।

साच तेंणें न लभे । त्यागाचें फल ॥ ९३ ॥

किंबहुना आपुलें । जें ज्ञान होये उदया आलें ।
 ४ तें नक्षत्रांतें पाहलें । गिली जैसें ॥ ९४ ॥
 तैसिया सकारणा क्रिया । हारपती धनंजया ।
 तो कर्मत्याग ये जेया । मोक्षफलासि ॥ ९५ ॥
 तें मोक्षफल अज्ञाना । त्यागिया नाहिं अर्जुना ।
 हाणौनि तो त्यागु न मना । राजसै ते ॥ ९६ ॥

कार्यमित्येव यत्कर्म नियतं क्रियतेऽर्जुन ॥

संगं त्यक्त्वा फलं चैव स त्यागः सात्त्विको मतः ॥ ९७ ॥

तरि कोणें पां एथ त्यागें । मोक्षफल घर रिगे ।
 तें हिं आइक प्रसंगें । बोलिजेल ॥ ९७ ॥
 तरि स्वाधिकाराचेनि नावें । जें वांटे आलें स्वभावें ।
 तें आचरिजे गौरवें । शृंगारुनि ॥ ९८ ॥
 परि हें मिं करीतु असें । ऐसा आठौ लज्जी मानसें ।
 तैसें चि पाणी दे आसे । फलाचिंये ॥ ९९ ॥
 २४५ भाषा पैं अवज्ञा आणि कामना । मातेचां ठाईं अर्जुना ।
 केलीं दोन्ही पतना । हेतु होंति ॥ २०० ॥
 तरि दोन्ही इयें त्यजाविं । मग माता चि भजावी ।
 २५ यांचौनि मुखा लागि वालावी । गाये चि सलगी ॥ १ ॥ ॥
 आवडतिये ही फलीं । असारें सालि आठोली ।
 तेया साठिं अवगाली । फलातें कोण्ही ॥ २ ॥
 तैसा कर्तृत्वाचा महु । आणि कर्मफलिचा आस्वादु ।
 ययां दोहिं चि नावं बंधु । कर्माचा किं ॥ ३ ॥
 तरि यां दोहींचां विखीं । जैसा बापु नातले लेकी ।
 तैसा होये ना दुःखी । विहितक्रिया ॥ ४ ॥
 हा तो त्याग तरुवरु । जो मोक्षफलीं ए थोरु ।
 सात्त्विक ऐसा डगरु । एयासी चि जगीं ॥ ५ ॥

बिं जाल्लनि चि जैसैं । झाड कीजे निर्वसैं ।

फल त्यज्जनि कर्म तैसैं । त्यजिलें जेणें ॥ ६ ॥

न द्वेष्ट्यकुशलं कर्म कुशले नानुषज्जते ॥

त्यागी सत्वसमाविष्टो भेधावी छिन्नसंशयः ॥ १० ॥

तेया लागत खेउ परिर्सि । धातुची गंधिकालिमा जैसी ।

जाये रजतमें तैसी । तूटलीं दोन्हीं ॥ ७ ॥

मग सत्वे तेणें चोखालें । उघडति आत्मबोधाचे डोले ।

तेथ मृगांभ सांजवेले । होये जैसैं ॥ ८ ॥

तैसा बुध्यादिकां पुढां । असतु विश्वाभासु एवडा ।

तो नेदखे कन्हणी कडां । आकाश जैसैं ॥ ९ ॥

हणौनि प्राचीनाचेनि बलें । आलिं कृत्ये कुशलाकुशलें ।

तियें व्योमाचां आंगिं अभालें । जिराली जैसीं ॥ २१० ॥

तैसीं तेयाचिया दृष्टी । कर्में दिष्टी चि जाली किरीटी ।

हणौनि सुखदुःखीं नुठी । पडे ना जो ॥ ११ ॥

तेणें शुभ कर्म जाणावें । मग तें हर्षे करावें ।

कां अशुभा लागि होआवें । द्वेषिया नां ॥ १२ ॥

तारि ये विषिचा काहिं । तेया एकु ही संदेहो नाहिं ।

जैसा स्वप्नाचा कां ठांड । जागिनलेयां ॥ १३ ॥

हणौनि कर्म आणि करिता । यां द्वैतभावांची वार्ता ।

नेणे तो पांडुसुता । सात्विक त्यागीं ॥ १४ ॥

न हि देहभृता शक्यं त्यक्तुं कर्माण्यशेषतः ॥

यस्तु कर्मफलत्यागी स त्यागीत्यभिधीयते ॥ ११ ॥

ऐसेनि कर्में पार्था । त्यजिलीं त्यजीति सर्वथा ।

अधिकें बांधिजति अन्यथा । सांडिलीं तारि ॥ १५ ॥

हां गा सव्यसाची । मूर्ति होउनि देहाची ।

खंति करीति कर्माची । गावंदीं नां ॥ १६ ॥

मातिएचा वीटु । घेउनि काइ करी घटु ।
 केउते तांथू पटु । सांडितील ते ॥ १७ ॥
 तेविं चि वन्हित्व आंगीं । आणि ऊबे उबगणें आगी ।
 तो दीपु प्रभे लागि । द्वेषु करी काई ॥ १८ ॥
 हींगु त्रासला पां घाणीं । तरि सुगंधत्व कैचें आणी ।
 द्रवण सांडुनि पाणीं । कै राहे तें ॥ १९ ॥
 तैसा शरीराचेनि आभासें । नांदतु जवं असे ।
 तवं कर्मत्यागाचें पीसें । काइसें तन्हीं ॥ २० ॥
 आपण लाविजे टीला । हणौनि पुसूं ये अवलीला ।
 मा घालि फेडि तिडला । कां करं ए गा ॥ २१ ॥
 तैसें विहित स्वयें आदरिलें । हणौनि त्यजूं ये त्यजिलें ।
 पारि कर्म चि देह आतलें । तें कां गा सांडे ॥ २२ ॥
 जें श्वासोश्वास बेरि । होत निदलेया ही वारि ।
 कांहि न करणें चि पारि । होति जेयाची ॥ २३ ॥
 एया शरीराचेनि मीखें । कर्म चि लागले असिके ।
 जीतां मेलेयां न टके । इया रीती ॥ २४ ॥
 एयातें सांडिती एथ परी । एकी चि ते अवधारीं ।
 करितां जाइजे हारि । फलासेचि ॥ २५ ॥
 कर्मफल ईश्वरीं अपें । तत्प्रसादें बोधु उद्दीपे ।
 तेथ रज्जुज्ञानें लोपे । व्यालशंका ॥ २६ ॥
 मातमोभात तेणें आत्मबोधें तैसें । अविद्यासिं कर्म नासे ॥ २७ ॥
 पार्था त्यजिजे जें ऐसें । त्यजिलें होए ॥ २८ ॥
 हणौनि इया परीं जगीं । कर्म त्यजी तो महात्यागी । मातु
 एरु मूर्खने नावं रोगीं । विसांवां जैसा ॥ २९ ॥
 तैसा सीणे कर्मी एकीं । विसांवां पाहे आणिकिं ।
 दा खांडियांचे घाये बुकिं । घाडणें जैसें ॥ ३० ॥

परि हैं असो पुहुती । तो चि त्यागी त्रिजगती ।

जेणें फलत्यागें निष्कृती । नेलें कर्म ॥ २३० ॥ निष्पत्ति

अनिष्टमिष्टं मिश्रं च त्रिविधं कर्मणः फलं ।

भवत्यत्यागिनां प्रेत्य न तु संन्यासिनां कचित् ॥ १२ ॥

यन्हविं तन्हीं धनंजया । त्रिविधा फल गा इया । कर्म ॥ १५

समर्थ तें किं भोगावेया ॥ जें सांडी चि नां ३१ ॥ आता

आपण चि बीउनि दुहिता । न मम हाणे पिता ।

किं तो सुटे येरु घेंता । जावाई सिरके ॥ ३२ ॥

विखाचे ही आगर बाहांती । ते वीकितां तूटले जीति ।

परि निमाले जे घेंति । वणिजूनि मोलें ॥ ३३ ॥

तैसें करितां कर्म करू । अकर्त्ता फलआशे न धरू ।

तेथ न शके आवरू । दोघां तें हिं कर्म ॥ ३४ ॥

वाटे पीकलेया रुखाचें । फल आपेक्षी तेयाचें ।

तेवि साधारण कर्माचें । फल घे तेया ॥ ३५ ॥

परि करुनि फल नेचे । तो जगाचां कर्मि न रिचे ।

जें त्रिविध जग आवर्चे । कर्मफल हें ३६ ॥

देव मनुष्य स्थावर । या नावं किं जगडंबर ।

तरि हें तवं त्रिप्रकार । कर्मफल पै ॥ ३७ ॥

तें चि एक गा अनिष्ट । एक तें केवल इष्ट ।

आणि एक इष्टानिष्ट । त्रिविध ऐसें ॥ ३८ ॥

परि विषमता बुद्धी । आर्गिं सूनि अविधी । ३९

प्रवर्त्तिजे निषेधी । कुव्यापारि ॥ ३९ ॥

तेथ क्रिमि कीटक लोष्ट । हे देहलाम होंति निष्कृष्ट ।

तेया नावं तें अनिष्ट । क्रियाफल ॥ २४० ॥

कां स्वधर्मा मानु देतां । स्वाधिकार पुढें सुतां ।

सुकृत कीजे प्रसतां । आम्नायातें ॥ ४१ ॥

तैं इंद्रादिकां देवांचीं । देहें लाहिजति सव्यसाची ।
 तेया कर्मफलइष्टाची । प्रसिद्धि गा ॥ ४२ ॥
 आणि गोड आंबड मिळे । तेथ रसांतर फरसालें । फळें रसादें
 उठी दोहिं वेगलें । दोहीं जीणतें ॥ ४३ ॥
 रेचक चि योगवसें । होये स्तंभावेया दोसें ।
 तेवि सत्यासत्यसमरसें । असत्य जिणिजे ॥ ४४ ॥
 ह्यणौनि सममार्गे शुभाशुभें । मिलौनि अनुष्ठानाचें उभे ।
 तेणें मनुष्यत्व लाभे । तैं मिश्र फल ॥ ४५ ॥
 को एवं त्रिविध या भंगीं । फल मांडले असे जगीं ।
 हें न संडे तेया भोगीं । सूदळें आशा ॥ ४६ ॥
 एथ जीमेचा हातु फांटे । तव जेवितां गमे गोमटें ।
 परिणामिं सेवटें । विपायें मरण ॥ ४७ ॥
 सवंचोरां मैत्री चांग । जव न पविजे तें दांग ।
 सामान्या भली जव आंग । न सिवे तव ॥ ४८ ॥
 तैसीं कर्म करितां शरीरीं । लाहांति महत्वाची फरारी ।
 पाठि निधनीं एकसरीं । पावति फलें ॥ ४९ ॥
 समर्थुं कां रिणियां । मार्गो आला बाइणियां ।
 न लोटे तैसा प्राणियां । पडे तो भोगु ॥ ५० ॥
 मग कणिसौनि कणु झडे । तो विखडला कणिसा चडे ।
 पुडुतीं शुई पडे । पुडुतीं उठी ॥ ५१ ॥
 तैसें भोगिं जें फल होए । तें फलांतरें वीत जाये ।
 चालतां पावो पायें । जीणिजे जैसा ॥ ५२ ॥
 उताराचिये सांगडी । ठाके ते ऐली चि थडी ।
 तेवि न मुकति वोढी । भोग्याचिये ॥ ५३ ॥
 पै साध्यसाधनप्रकारें । फलभोगु तो गा पसरे ।
 एवं गोविले सवंसारें । अत्यागि ते ॥ ५४ ॥

॥ यन्हीं जाईचेया फुला फांकणें । तेया चि नावं सूकणें ।
 तैसें कर्ममीखें न करणें । केलें जिहीं ॥ ५५ ॥
 जें बीं चि वरोसी वेचे । तें वाढती कुलवाडि खांचे ।
 तेवि फलत्यागिं कर्माचें । सारिलें काम ॥ ५६ ॥
 तेया सत्वशुद्धिसहकारें । गुरुकृपाभृततुषारें ।
 सांसिनलेनि बोधें अश्वरे । द्वैतदैन्य ॥ ५७ ॥
 तेधवां जगदाभासमीषें । स्फुरतें त्रिविध फल नासे ।
 तेथ भोक्ताभोग्य आपैसें । निमालें होए ॥ ५८ ॥
 घडे ज्ञानप्रधानु ऐसा । संन्यासु जेयां वीरेशा ।
 ते चि फलभोग ही सोसा । मूकले गा ॥ ५९ ॥
 आणि एणें किर संन्यासें । जें आत्मरूपिं दीठि पैसे ।
 तें कर्म एक ऐसें । देखणें आहे ॥ ६० ॥
 पडौनि ठेल्यां भोंति । चित्राची कीजतसे चांथी ।
 पाहालेयां राती । आंधारें उरें ॥ ६१ ॥
 जें रूप चि नाहिं उमें । तें साउली काढ्याची शोभे ।
 आरिसेन विण बिंबे । वदन कें पां ॥ ६२ ॥
 फीटलेयां निद्रेचा ठाऊ । कैचा स्वप्नासि प्रस्थाऊ ।
 मग तें साच कां वावो । हें कोण हणो ॥ ६३ ॥
 तैसें गा संन्यासें एणें । तव अविद्येसी चि नाहीं जीणें ।
 मां तियेचें कार्य कोणे । घेपे दीजे कर्म ॥ ६४ ॥
 हणौनि संन्यासिं इए पाई । कर्माची मातु कीजेल काइ ।
 परि अविद्या आपुलां देहीं । आहे जैसी कां ॥ ६५ ॥
 जें कर्तेपणाचेनि थावें । आत्मा शुभाशुभीं धावे ।
 द्रिष्टि भेदाचिये राणिवे । बैसली जैसी ॥ ६६ ॥
 तें तन्हीं गा सुवर्मा । वेगली आत्मेया कर्मा ।
 अपाडें जैसी पश्चिमा । पूर्वेंसिं कां ॥ ६७ ॥

नातरि आकाशा आणि अभाला । सूर्या आणि मृगजला ।
 वेगलीक भूतला । वायुसीं जैसी ॥ ६८ ॥
 पांगुरौनि नैचें उदक । असे नै चि माजि खडक ।
 परि जाणसि किं वेगलीक । कोडिची तेया ॥ ६९ ॥
 हो कां पाण्यां जवली । परि सिनीं चि ते बाबुली ।
 काइ संगी तव काजली । दीपुं हणों ए ॥ ७० ॥
 जन्हीं चंद्रीं जाला कलंकु । तन्हीं चंद्रेंसि न्हवे किं एकु ।
 आहे द्विष्टी डोलेयां विशेषु । अपाडु जैसा ॥ ७१ ॥
 नाना वाटे वाटे जांतिया । बोधा बोधीं वाहंतिया ।
 आरिसा आरिसेया पाहंतिया । अपाडु जेतुला ॥ ७२ ॥
 पार्था गा तेतुलेनि मानें । आत्मेनसिं कर्म सीनें ।
 परि घेवविजे अज्ञानें । तें किर असो ॥ ७३ ॥
 पंचैतानि महाबाहो कारणानि निबोध मे ॥
 सांख्ये कृतांते प्रोक्तानि सिद्धये सर्वकर्मणां ॥ १३ ॥
 विकासें रवितें उपजवी । द्रुति अलीं करवि भोगवी ।
 ते सरोवरीं कां बरवी । अब्जिनी जैसी ॥ ७४ ॥
 पुढुतीं आत्मक्रिया । अन्यकारणका चि तैसिया ।
 करूं पांचां हिं तेया । कारणा रूप ॥ ७५ ॥
 आणि पांचै कारणें तियें । तूं हीं जाणसील विपायें ।
 जें शास्त्रें उभूनि बाहे । बोलती तेयातें ॥ ७६ ॥
 वेदरायाचिये राजधानीं । सांख्यवेदांताचां भुवनीं ।
 निरूपणाचां निसाणध्वनीं । गाजति तियें ॥ ७७ ॥
 जें सर्वकर्मसिद्धी लागि । इयें चि मुदलें हो जगीं ।
 एथ न सुखावा अभंगीं । आत्मराजु ॥ ७८ ॥
 एया बोलाचिया डांगुरुटी । तियें प्रसिद्धि आलीं किरीटी ।
 हणौनि तूझा कर्णपुटी । वसों काज ॥ ७९ ॥

आनी मुखांतारिं आइकिजे । ऐसैं काइसैं हें वोडें ।
 मीं चिंतारत्न तूडें । असतां हातीं ॥ २८० ॥
 आरिसा पुढां मांडिलेयां । लोकाचेया डोलेयां ।
 मानु देयावा पावेया । आपुलें नीकें ॥ ८१ ॥
 भक्तु जेथ जैसेनि पाहे । तेथ तें तें चि होंत जाए ।
 तो मीं तूडें जालां आहे । खेलणें आजि ॥ ८२ ॥
 ऐसेनि प्रीतिचेनि वेगें । देवो बोलतां से नेघे ।
 तव आनंदा माझि आंगें । विरत एरु ॥ ८३ ॥
 चांदिणेयांचा पडिभर । जालेयां सोमकांताचा डोंगर ।
 विघरौनि सरोवर । हों पाहे जैसा ॥ ८४ ॥
 ऐसैं सुख आणि अनुभूती । या भावाची मोडौनि भीती ।
 आतैल अर्जुना कृती । सुख चि जेथ ॥ ८५ ॥
 तेथ समर्थु हणौनि देवा । अवकाशु जाला आठवा ।
 मग बुडतेया धावा । जीवें केला ॥ ८६ ॥
 अर्जुना एसणें ढेंढें । प्रज्ञा पसरोंसिं बुडे ।
 आलें मरितें एवढें । तें काडुनि पुडुती ॥ ८७ ॥
 देवो हणो हां गा पार्था । तूं आपणपें देख सर्वथा । निपुण
 तव श्वासौनि एरें माथा । तुकविला ॥ ८८ ॥
 हणो तूं हीं जाणसि दातारा । मीं तुसीं व्यक्तिसेजारा ।
 उभगलां आदी चि एकाहारा । एउं पाहें ॥ ८९ ॥
 तेया ही हा ऐसैसा । लोमें देया जारि लालसा ।
 तरि कां हो घालितसा । आडाड जिवा ॥ ९० ॥
 एथ श्रीकृष्ण हणो मीकें । आझुइं नव्हे मा ठाउकें ।
 वेडेया चंद्रा चंद्रिके । निमलणें आहे ॥ ९१ ॥
 आणि हा इ बोलैनि भाऊ । तुज दाउनि आहीं बेहों ।
 जें रुसतां बांधे ठांवों । तें प्रेम गा हें ॥ ९२ ॥

एथ एकमेकाचिये खूणे । विसंवादु तवं जीणे ।
 ह्यणौनि असो हें बोलणें । इये विषिचें ॥ ९३ ॥
 मग कैसी कैसी ते आतां । बोलत होंतों पांडुसुता ।
 सर्वकर्मभिन्नता । आत्मेनसीं ॥ ९४ ॥
 तवं अर्जुनु ह्यणे देवें । माझिये मनिचें चि स्वभावें ।
 प्रस्ताविलें बरवें । प्रमेय तें चि ॥ ९५ ॥
 जें सकल कर्माचें बीज । कारणपंचक तुज ।
 सांघेन ऐसी पैज । घेतली कां ॥ ९६ ॥
 आणि आत्मेयां एथ काहिं । सर्वथा लागु नाहिं ।
 हें पुढारलासि तें देइ । लाहाणें माझें ॥ ९७ ॥
 ऐया बोला विश्वेशें । ह्यणितलें तोखें बडुवसें ।
 इये विषीं धरणें बैसे । ऐसें कें जोडे ॥ ९८ ॥
 तारि अर्जुना निरूपिजैल । तें किर भाषे चि आंतुल ।
 परि मेचु इये होइजैल । रिणियां तुज ॥ ९९ ॥
 तवं अर्जुनु ह्यणे देउ । काइ विसरलेति मागील भाउ ।
 हे गोठी कीं राखत आहों । मीतूंपणांचि ॥ ३०० ॥ १ ॥
 एथ श्रीकृष्ण ह्यणति हो कां । आतां अवधाना पसरु नीका ।
 करुनि तुहीं आइकां । पुढारलों तें ॥ १ ॥
 तारि साच चि धनुर्द्धरा । सर्व कर्माचा उभारा ।
 होये बाहिरिवाहिरा । कारणीं पांचें ॥ २ ॥
 आणि पंचकारणदलवाडें । जेहीं कर्माकार मांडे ।
 ते हेतु ही सवंगडे । पांच आधि ॥ ३ ॥
 येर आत्मतत्व उदासीन । तें हेतु ना उपादान । ना
 ना आंगें करी संवाहन । कर्मसिद्धीचें ॥ ४ ॥
 तेथ शुभाशुभीं अंशीं । निफजतां कर्म ऐसीं ।
 रात्रिदिउ कां आकाशीं । जिया परीं ॥ ५ ॥

कां तोय तेज धूम । एयां वायुसिं समागमु ।
 जालेयां होये अभ्रागमु । व्योम ते नेणे ॥ ६ ॥
 नाना कांष्टि नाव मिले । ते नावीडिनि चले ।
 चालिजे अनिलें । उदक साक्षी ॥ ७ ॥
 कां कोणहें एके पिंडें । वेचतां अवतरे भांडें ।
 ते भवंडिजे दंडें । भमे चक्र ॥ ८ ॥
 आणि कर्तुत्व कुलालाचें । तेथ काइ पृथ्वियेचें ।
 आधार वांचौनि वेचे । विचारि पां ॥ ९ ॥
 इयें असो लोकाचिया । राहाटी होंतु आघविया ।
 कोण काम सवितेया । आंगा आलें ॥ १० ॥
 तैसी पंचहेतुमिलणीं । पांचें चि इहिं करणि ।
 कीजे कर्मलतांची लावणी । आत्मा सिनां ॥ ११ ॥
 आतां इयें चि वेगलालीं । पांचै विवंचूं गा भलीं ।
 तूकूनि घेतलीं । मोतियें जैसीं ॥ १२ ॥

अधिष्ठानं तथा कर्त्ता करणं च पृथग्विधं ॥

विविधाश्च पृथक्चेष्टा दैवं चैवान्न पंचमं ॥ १४ ॥

तैसि यथालक्षणें । आइका पां कर्मकारणें ।
 तारि देह हें मीं हणें । पहिलें एथ ॥ १३ ॥
 ययातें अधिष्ठान ऐसें । हाणिजे तें यया दोसें ।
 जें स्वभोग्येसीं वसे । भोक्ता एथ ॥ १४ ॥
 इंद्रियांचा दाहिं हाति । जचौनि दिवसें राती ।
 सुखदुःखें प्रकृती । जोडिजति जियें ॥ १५ ॥
 तियें भोगावेया पुरुषा । आनु ठावो नाहिं चि देखां ।
 हाणौनि अनुष्ठानभाषा । बोलिजे देह ॥ १६ ॥
 हें चोवीसां हिं तत्वांचें । कुटुंबघर वसतिचें ।
 तूटे बंधमोक्षाचें । गूतलें एथ ॥ १७ ॥

किंबहुना अवस्थात्रया । अधिष्ठान धनंजया ।
 ह्यणौनि देहा एया । हे चि नावं ॥ १८ ॥
 आणि कर्त्ता जें दूजें । कर्माचें कारण जाणिजे ।
 प्रतिबिंब ह्यणिजे । चैतन्याचें जें ॥ १९ ॥
 आकाश चि वरिखे नीर । तेथ तलहाटीं बांधे नाडर ।
 मग बिंबौनि तदाकार । होये जेवि ॥ २० ॥
 कां निद्राभरें बडुवें । राया आपणपें ठाउवें नव्हे ।
 मग स्वप्निचां माये । रंकपणीं कां ॥ २१ ॥
 तैसें आपुलेनि विसरें । चैतन्य चि देहाकारें ।
 आमासौनि आविष्करे । देहपणें जें ॥ २२ ॥
 जेया विचाराचां देशीं । प्रसिद्धी गा जीउ ऐसी ।
 जेणें भाक केली देहेंसीं । आघवां विषीं ॥ २३ ॥
 पै प्रकृति करी कर्में । तो मियां केलीं ह्याने भ्रमें ।
 एथ कर्त्ता एणें नामें । बोलिजे जीउ ॥ २४ ॥
 मग पातेयाचां केंसीं । एकी चि उठी दीठि जैसी ।
 मोकली चवरी ऐसी । चिरिवं गमे ॥ २५ ॥
 कां घरा आंतु एकु । दीपाचा अवलोकु ।
 गवाक्षी भेदें अनेकु । आवडे जेवि ॥ २६ ॥
 तेवि बुद्धिचें एक जाणणें । श्रोत्रादिभेदें एणें ।
 बाहिरि इंद्रियपणें । फांके जें कां ॥ २७ ॥
 तें पृथग्विध करण । कर्माचें यया कारण ।
 तिसरें गा जाण । नृपनंदना ॥ २८ ॥
 आणि पूर्वपश्चिमवाहाणी । निगालेयां बोधांचिया मिलणीं ।
 होये नदीनदपाणी । एक चि जेवि ॥ २९ ॥
 कां एकाएकू चि पुरुषु जैसा । अनुव्रत नवां रसां ।
 नवविधु ऐसा । आवडों लागे ३३० ॥

तैसी चि क्रियाशक्ति पवनी । असे जे अनुपायनी ।
 ते पडिली नाना स्थानी । नाना होए ॥ ३१ ॥
 जें वाचे करी एणें । तें तें चि होये बोलणें ।
 हाता आली घेणें । देणें होए ॥ ३२ ॥
 आगा चरणाचां ठांड । तरि गति ते चि पाड ।
 अधोद्वारीं दोहीं । क्षरण ते चि ॥ ३३ ॥ २५८
 कंदौनि कां हृदय वेन्हीं । प्राणायामाचीं उजिरी ।
 करितां ते चि शरीरीं । प्राणु ह्मणिपे ॥ ३४ ॥
 मग ऊर्ध्वचिया रिगिनिगा । पुडुतीं ते चि शक्ति पै गा । २५९
 उदानु ऐसिया लिंगा । पात्र जाली ॥ ३५ ॥
 अधोरंध्राचेनि वाहें । अपानु हें नावं लाहे ।
 व्यापकपणें होये । व्यानु ते चि ॥ ३६ ॥
 आरोगिलेन रसें । शरीर भरी सरिसें ।
 नाभि न संडितां असे । सर्वसंधी ॥ ३७ ॥
 ऐसिया इया राहाटी । मग ते चि क्रिया पाठीं ।
 समानु ऐसें किरीटीं । बोलिजे गा ॥ ३८ ॥
 आणि जांभे सीक ठेंकरु । ऐसैसा होत व्यापारु ।
 नाग कूर्मु कृकरु । इत्यादि होए ॥ ३९ ॥
 एवं वायुची हे चेष्टा । एकी चि परीं सूभटा ।
 वर्त्ततां पालटा । एतसे जे ॥ ४० ॥
 ते भेदली वृत्तिपंधें । वायुक्रिया गा एथें ।
 कर्मकारण चौथें । ऐसें जाण ॥ ४१ ॥
 आणि रुतु बरवा शारदु । शारदि पुडुतीं चंद्रु । २६०
 चंद्रि जैसा संबंधु । पूर्णिमेचा तो ॥ ४२ ॥
 कां वसंति बरवा आरामु । आरामिं प्रियसंगमु ।
 संगमिं आगमु । उपचारांचा ॥ ४३ ॥ २६१

नाना कमलीं पांडवा । विकाशु जैसा बरवा ।
 विकाशीं यावा । परागांचा ॥ ४४ ॥
 वाचे बरवें कवित्व । कविर्त्वीं बरवें रसिकत्व ।
 रसिकर्त्वीं हि परतत्व । स्पर्श जैसा ॥ ४५ ॥
 तैसी सर्ववृत्तिवैभविं । बुद्धी चि येकली बरवी ।
 बुद्धि ही बरव नवी । इंद्रियप्रौढी ॥ ४६ ॥
 इंद्रियप्रौढीमंडला । शृंगार एकु चि लीला ।
 जें अधिष्ठात्रियांचा मेला । देवांचा जो ॥ ४७ ॥
 ह्यणौनि चक्षुरादिकिं दाहें । इंद्रियपीठीं सानुग्रहें ।
 सूर्यादिकां कां आहे । सुरांचे वृंद ॥ ४८ ॥
 तें देववृंद बरवें । कर्मकारण पांचवें ।
 अर्जुना एथ जाणावें । देवो ह्यणति ॥ ४९ ॥
 एवं माने तूझी आयणि । तैसी कर्मजातांचि हे खाणी ।
 पंचविध आकरणीं । निरोपिली ॥ ५० ॥

शरीरवाङ्मनोभिर्यत्कर्म प्रारभते नरः ॥

न्याय्यं वा विपरीतं वा पंचैते तस्य हेतवः ॥ ५१ ॥

आतां हे चि खाणि वाढे । मग कर्माची सृष्टि घडे ।
 जिहिं ते हेतु उघडे । दाउं पांचें ॥ ५१ ॥
 तरि अवसांत आली माधवी । हेतु होये नवी पालवीं ।
 पालवीं पुष्पपुंजु दावी । पुष्प फलार्ते ॥ ५२ ॥ कर्मा
 कां वारिषिया आणिजे मेघु । मेघीं वृष्टिप्रसंगु ।
 वृष्टी तव भोगु । सस्यसुखाचा ॥ ५३ ॥
 नाना प्राची अरुणातें विये । अरुणें सूर्योदयो होये ।
 सूर्यें सकल पाहे । दिवो जैसा ॥ ५४ ॥
 तैसें मन हेतु पांडवा । होये कर्मसंकल्पभावा । फळा
 तो संकल्प लावी दीवा । वाचेचा गा ॥ ५५ ॥

भग वाचेचा तो दिवटा । दावी कृत्यजाताचिया वाटा ।
 तेव्हां कर्त्ता रिगे कामठां । कर्तृत्वाचां ॥ ५६ ॥
 तेथ शरीरादिदलवाडें । शरीरादिहेतु घडे ।
 जैसैं लोहकर्म लोखडें । निर्वालिजे ॥ ५७ ॥
 कां तांथुवाचा ताणा । तांथु घालितां वोडरणा ।
 तंतुमय चि विचक्षणा । होये पट्ट ॥ ५८ ॥
 तैसैं मनावाचे देहाचें । कर्म मनादि हेतु रचे ।
 रत्नीं घडे रत्नाचें । दलवाडें जेवि ॥ ५९ ॥
 एथ शरीरादिकें कारणें । तें चि हेतु केवि हें कोणें ।
 आक्षेपिजे तरि तेणें । अवघारिजो ॥ ६० ॥
 आइकैं सूर्याचेया प्रकाशा । हेतुकारण सूर्यो चि जैसा ।
 कां ऊंसाचें काडें ऊंसा । वाढी हेतू ॥ ६१ ॥
 नाना वाग्देवता वानावी । तें वाचा चि लागे कामवावी ।
 कां वेदा वेदें चि बोलावी । प्रतिष्ठा जे ॥ ६२ ॥
 तैसिं कर्मा शरीरादिकें । कारण हें किर ठाउकें ।
 परि हें चि हेतु न चुके । हें इं एथ ॥ ६३ ॥
 आणि देहादिकिं कारणिं । देहादिहेतु मिलणीं ।
 होये जेयां उभारणीं । कर्मजातां ॥ ६४ ॥
 तें शास्त्रार्थें मानिलेयां । मार्गानुसारें धनंजया ।
 तरि न्याऊ तो न्याया । हेतु होए ॥ ६५ ॥
 जैसा पर्जन्योदकाचा लोटु । विषायें धरी सालिचा पाटु ।
 जमिंह जिरे परि अचाटु । उपेगु आथि ॥ ६६ ॥
 कां रोसैं निगालें अवचटें । पडिलें द्वारकेचिये वाटे ।
 तें सीणे तज्हीं सुनाटें । न वचती पदें ॥ ६७ ॥
 तैसैं हेतुकारण मेळें । उठी कर्म आंधळें ।
 तें शास्त्रांचे लाहे डोले । तें न्याय हाणिपे ॥ ६८ ॥

ना दूध वाढिता ठाऊ न पवे । तव उलंडौनि जाये स्वभावे ।
तोही वेचु पारि नोहे । वेचलें तें ॥ ६९ ॥

तैसें शास्त्रसाहे विण । केलें नोहे अकारण ।

तरि लागो पां नागवण । दानलेखि ॥ ७० ॥

आगा बावना वर्णा परौता । कोण्हीं मंत्रु आहे पांडुसुता ।

कां बावना हिं नुचारितां । जीउ आथि ॥ ७१ ॥

परि मंत्राची कडसणी । जवं नेणिजे कोदंडपाणी ।

तवं उच्चारफल वाणी । न पवे जेवि ॥ ७२ ॥

(च) तेवि कारणहेतुयोगें । जें बीसाट कर्म निगे ।

तें शास्त्रांचिये न लगे । कसे जवं ॥ ७३ ॥

कर्म होतसे तेन्हां इ । परि होणे नव्हे पाहिं ।

तो अन्याऊ गा अन्याइं । हेतु जाणावा ॥ ७४ ॥

एवं पंचकारणका कर्मा । पांच ही हेतु हे सुवर्मा ।

आतां पाहे पां आत्मा । सांपडला असे ॥ ७५ ॥

तत्रैवं सति कर्तारमात्मानं केवलं तु यः ॥

पश्यत्यकृतबुद्धित्वात् स पश्यति दुर्मतिः ॥ १६ ॥

भानु नोहुनि रूपें जैसीं । चक्षुरूपातें कां प्रकाशी ।

आत्मा नोहूनि कर्म तैसीं । प्रकटित असे ॥ ७६ ॥

पैं प्रतिबिंब आरिसा । दोन्हीं नोहुनि वीरेषा ।

दोहीतें प्रकाशी जैसा । निहालिता तो ॥ ७७ ॥

कां अहोरात्र हें साविता । नोहुनि करी पांडुसुता ।

तैसा आत्मा कर्मकर्ता । नोहोतु दीवी ॥ ७८ ॥

तरि देहाअहंमानभूली । जेयाची बुद्धि देह आतली ।

जेया आत्मविषीं जाली । मध्यमरात्रि ॥ ७९ ॥

जेणें चैतन्या ईश्वरा ब्रह्मा । देह चि केलें परम सीमा ।

तेया आत्मा कर्ता हे प्रेमा । आलोट उपजे ॥ ८० ॥

जें आत्मा मी कर्मातीतु । सर्वकर्मा साक्षिभूतु ।
 हे आपुली कहीं मातु । नाइके चि ॥ ८१ ॥
 ह्यणौनि उमपा आत्मेयांतें । देह वरि मवी येथें ।
 विचित्र काइ रात्रि देहातें । डुडुल करी ॥ ८२ ॥ न
 पै जेणें आकाशाचा कहिं । साच सूर्यो देखिला नाहिं ।
 तो थिलरिचें बिंब काई । मानूं न ल्हाए ॥ ८३ ॥
 थिलराचेनि जालेपणें । सूर्यासि आणी होणें ।
 तेयाचां नासिं नासणें । कपें कंपु ॥ ८४ ॥
 आगा निद्रिता चेउ न ये । तवं स्वप्न साच हों ल्हाए । न
 दोरी नेणतां सपें बिहे । विस्मो कवणु ॥ ८५ ॥
 जवं कवलु आथि डोलां । तवं चंदु देखावा पीवला ।
 काइ मृगीं हीं मृगजला । भावावें ना ॥ ८६ ॥
 तैसें शास्त्रागुरुचेनि नावें । जो वारा ही ठेंको नेंदी सीवे ।
 केवल मौढ्याचेनि जीवें । जियाला जो ॥ ८७ ॥
 तेणें देहात्मदृष्टिभूलें । आत्मेयां घापे देहाचें जालें ।
 जैसा अभिचा वेगु कोल्हें । चंद्रीं मानी ॥ ८८ ॥
 मग तेया मानणेयां साठिं । देहबंदिसाले किरीटी ।
 कर्माचां वज्रगांठीं । कालासे तो ॥ ८९ ॥
 पाहे पां बंधभावना दृढा । नलिये वरि तो बापुडा ।
 काइ मोकलां हिं चवडां । न ठके चि पूंसा ॥ ९० ॥
 ह्यणौनि निर्मले आत्मरूपीं । जो प्रकृतिचें केलें आरोपी ।
 तो कल्पकोडिचां मापीं । मवी कर्म ॥ ९१ ॥

यस्य नाहंकृतो भावो बुद्धिर्यस्य न लिप्यते ॥

हत्वापि स इमां लोकान्नहंति न निबध्यते ॥ १७ ॥

आतां कर्मा माक्षि असे । परि तेयातें कर्म न स्पर्शें ।

वडवानलातें जैसें । समुद्रादक ॥ ९२ ॥

तैसें वेगलेपणें । जेयाचें कर्म असणें ।
 तो किर जाणावा कवणें । तर्हीं काहिं सांघों ॥ ९३ ॥
 जें मुक्तातें निर्द्धारितां । लाभे आपुली चि मुक्तता ।
 जैसैं दीसे दीपु पांतां । आपुली वस्तु ॥ ९४ ॥
 नाना आरिसा जवं उटिजे । तवं आपणेयां आपण भेटिजे ।
 कां पाणी पांतां पाणीं होइजे । लवणें जेवि ॥ ९५ ॥
 हें असो परतौनि माघौतें । प्रतिबिंब पाहे बिंबातें ।
 तवं पाहाणें जाउनि आइतें । बिंब चि उरें ॥ ९६ ॥
 तैसें हारतलें आपण पावें । तैं संतातें पांतां गिवसावें ।
 ह्मणौनि वानावे आइकावे । ते चि सदा ॥ ९७ ॥ संत चि
 तारि कर्म असौनि कर्म । जो नावरे समविषमें ।
 चर्मचक्षूचेनि चर्म । दीठि जैसी ॥ ९८ ॥
 तैसा सोडिला जो आहे । तेयाचें रूप आतां पाहे ।
 उपपत्तिची बाहे । उभूनि सांघों ॥ ९९ ॥
 तारि अविद्येचिया नीदा । विश्वस्वप्नाचा हा धांधा ।
 भोगित होता प्रबुद्धा । अनादि जो ॥ १०० ॥
 तो महावाक्याचेनि नावें । गुरुकृपेचेनि धावें ।
 माथां हातु ठेवणें नोहे । थापटिला जैसा ॥ १ ॥
 तैसी विश्वस्वप्नेसि माया । नीद सांडौनि धनंजया ।
 सहसा चेइला अद्वया— । नंदपणें जो ॥ २ ॥
 तेधवां मृगजलाचे पूर । दीसति एक निरंतर ।
 हारपति कां चंद्रकर । फांकतां जैसे ॥ ३ ॥
 कां बालकत्व निगौनि जाए । तैं बागुला नाहिं त्राए ।
 पै जलालेयां इंधन नोहे । इंधन जेवि ॥ ४ ॥
 नाना चै३० आलेयां पाठीं । तें स्वप्न न दिसे दीठी । आ
 हें तैसें अहंम गा किरिटी । बुरे चि तेया ॥ ५ ॥

मग सूर्य आंधारा लागि । रिगो पां भलेतिये सुरंगीं ।
 परि तो तेयाचां भागीं । नाहीं चि जैसा ॥ ६ ॥
 तैसा आत्मतत्वे बैठला होए । तो जेया जेया दृश्यातें पाहे ।
 तें दृश्य दृष्टेसि होत जाये । तेयाचें चि रूप ॥ ७ ॥ ~~दृष्टेपणेसि~~
 जैसा वन्हि जेया लागे । तें वन्हि चि जालें आंगें ।
 दाहदाहकविभागें । सांडिजे तें ॥ ८ ॥
 तैसा कर्माकारा दूजेया । तो करितेपणांचा आत्मेया ।
 अवह्वां ये तो गेलेयां । काहिं उरे ॥ ९ ॥ ~~अशी~~
 तिये आत्मस्थितिचा जो राव् । तो मग जाणे देहिं इये ठावो ।
 काइ प्रलयांबुचा उमाहो । बोधु मानी ॥ १० ॥
 तैसी ते पूर्णा अहंता । कां देहपणें पांडुसुता ।
 आवरे काइ सविता । विवें धरिला ॥ ११ ॥
 पै मथूनि लोणीं घेपे । तें माघौतें ताकीं घापे ।
 तरि तेयाचें पण सिंघे । तेणें चि काइ ॥ १२ ॥
 नाना काष्ठौनि वीरेषा । वेगळविलेयां हुताशा ।
 राहे काष्ठाचेया मांडुसा । कोंडलेपणें ॥ १३ ॥
 कां रात्रिचेया पोटा आंतु । रिगाला जो कां भास्वतु ।
 तो रात्रि ऐसी मातु । आइके काइ ॥ १४ ॥
 तैसें वेद्यवेदकपणेंसि । पडिलें जेयाचां ग्रासि ।
 तेया देह मीं हे ऐसी । अहंता कैची ॥ १५ ॥
 आणि आकाशें जेथजेथौनि । जावें तेथ असे भरौनि ।
 ह्याणौनि ठेलें कां अडौनि । आपें आप ॥ १६ ॥
 तैसें जें तेणें करावें । तें तो चि आहे स्वभावें ।
 मा कोणहीं कर्मिं वेठावें । कर्तेपणें ॥ १७ ॥ ~~ठेवावे~~
 नूरे चि गगनाचा ठाव् । नव्हे चि समुद्रीं वाहो ।
 नूठी चि ध्रुवा जावों । तैसें जालें ॥ १८ ॥

ऐसेनि अहंकृतीभावो । जेयाचां बोधिं जाला वा७० ।
 तन्हीं देहा जवं निर्वाहो । तवं आथि कर्म ॥ १९ ॥
 आगा वारा जन्हीं वाजों सरे । तन्हीं तो डोलु खूंखीं उरे ।
 कां सेंदे दुति राहे कापुरें । वेचलेनि हीं ॥ ४२० ॥
 सरलेयां गीताचा समारंभु । न वचे राहलेपणाचा सोभु ।
 मुइं छोलौनि गेलें अंभु । बोल थारे ॥ २१ ॥
 आगा मावळलें हीं अकें । संध्येचिये भूमिके ।
 जातो ज्योति दीप्ति कवतिकें । दीसे जेवि ॥ २२ ॥
 पै लक्ष भेदिल्यां हिं वरि । सरु धांवे चि तवं वेन्हीं ।
 जव्वा आहे उजिरी । बलाची ते ॥ २३ ॥
 नाना चांकिं भाडें जालें । तें कुंभारें परौतें नेलें ।
 तन्हीं भवे चि तें मागिलें । भवंडिलेपणें ॥ २४ ॥
 तैसा देहाभिमानु गेलेयां । देह जेणें स्वभावे धनंजया ।
 जालें तो आपैसेया । चेष्टवी चि तें ॥ २५ ॥
 संकल्पें विण स्वप्न । न लवितां दांगिचें वन ।
 न रचितां गंधर्वभुवन । उठी जैसें ॥ २६ ॥
 आत्मेयांचेन उद्यमें विण । तैसें देहादिपंचकारण ।
 होये आपणेयां आपण । क्रियाजात ॥ २७ ॥
 पै प्राचीनसंस्कारशेषें । पांचै कारणें सहेतुकें ।
 कामविजति गा अनेकें । कर्माकारें ॥ २८ ॥
 तेया कर्मा माझि मग । संहारो आववें जग । शेंदरे होये
 अथवा नवें चांग । आन करवो ॥ २९ ॥ रवे
 परि कुमुद कैसें सूके । कैसें तें कमल फांके ।
 ये दोन्हीं रवी न देखे । जिया परीं ॥ ४३० ॥
 कां वीजु वरिखौनि अमाल । ठिकारिया आंतौनि भुतल ।
 अथवा करू साडुल । प्रसन्ना वृष्टी ॥ ३१ ॥ प्रसन्न वृष्टि

परि तेयां दोहीतें जैसैं । नेणिजे कां आकाशें ।
 तैसा चि देहीं जो असे । विदेहदृष्टी ॥ ३२ ॥
 तो देहादिकिं चेष्टीं । घडतां मोडतां हिं सृष्टी ।
 न देखे स्वप्न किरीटी । चेइला जैसा ॥ ३३ ॥
 यन्हविं चामाचे डोले बेन्हीं । जे देखति देहधारी ।
 तें किर तो व्यापारीं । ऐसैं चि मानीति ॥ ३४ ॥
 काइ तणाचा बाउला । जो आगरा मेरे ठेविला ।
 तो साचू चि राखता कोल्हां । मानिजे नां ॥ ३५ ॥
 पिंसेया नेसलें नागिवें । हें लोकिं येउनि जाणावें ।
 ठाणौरियाचे मवावे । आणिकिं घाये ॥ ३६ ॥
 कां महासतीयेचे भोग । देखे किर आघवें जग । *आंगोनी*
 परि ते आगि ना आंग । ना लोकु देखे ॥ ३७ ॥
 तैसा स्वस्वरूपें उठिला । जो दृश्येसिं द्रष्टा आटला ।
 तो नेणे काइ राहाटला । इंद्रियग्रासु ॥ ३८ ॥
 आगा थोरीं कळोलीं साने । लेपतां तिरिचेनि जनें ।
 एकिं एक गीलिलें हें मनें । मानिजे जन्हीं ॥ ३९ ॥
 तन्हीं पाणियां कडे पाहिं । कोण्हीं गीलितसे काइ ।
 तैसैं पूर्णा दूजे नाहिं । जें तो मारी ॥ ४० ॥
 सोनेयांची कां चंद्रिका । सुवर्णसूळें चि देखां ।
 सोनेयांचिया महिषा । नाशु केला ॥ ४१ ॥
 तो देवलविसेंया कडां । व्यवहार गमला फुडा ।
 वांचौनि सूळ महिषु चामुंडा । सोनें चि असे ॥ ४२ ॥ *स्तोत्रा*
 पै चित्रिचें पाणी हुताशु । तो दीठी चि भागु आभासु ।
 पटिं आगि ना बोल्हासु । दोन्ही नाहिं ॥ ४३ ॥
 मुक्ताचें देह तैसैं । हालत संस्कारवसैं ।
 देखौनि लोक पीसे । कर्त्ता ह्यणती ॥ ४४ ॥

आणि तेया करणेयां आंतु । घडे तिहिं लोकां घातु ।
 परि तेणें केला हे मातु । दोलों नैए ॥ ४५ ॥
 तवं आंधारु चि देखावा तेजें । गा तें फोडि हें केवि बोलिजे ।
 तैसें ज्ञानियां नाहिं दूजें । करील काई ॥ ४६ ॥
 ह्यणौनि तेयाची बुद्धि । नेणे पापपुण्याची गंधि ।
 गंगा मीनलेयां नदी । विटालु जैसा ॥ ४७ ॥
 आगी आगि लागलेयां । काहिं पोले धनंजया ।
 किं शस्त्र रूपें आपणेयां । आपणचि काइ ॥ ४८ ॥
 तैसें आपणपेयां परौतें । जो नेणे क्रियाजातातें ।
 तेथ काइ लिपवी बुद्धितें । तेयाचिये ॥ ४९ ॥
 ह्यणौनि कार्यकर्ताक्रिया । हें स्वरूप चि जालें जेया ।
 नाहिं शरीरादिकि तेया । कर्मबंधु ॥ ४५० ॥
 जें कर्ता जीउ विंदाणों । काढौनि पांचै खाणी ।
 घडीत आहे करणों । आउतीं दाहें ॥ ५१ ॥
 तेथ न्याउ आणि अन्याउ । हा द्विविधु साधूनि आवो ।
 उभितां न लवी ठेउ । कर्ममुदनें ॥ ५२ ॥
 या थोराडा किर कामां । विरजा नोहे का आत्मां ।
 परि ह्यणसी हान उपक्रमां । हातु लावी ॥ ५३ ॥
 तो साक्षी चिद्रूप । कर्मप्रवृत्तिचा संकल्प ।
 उठी तो कां निरोपु । आपण चि दे ॥ ५४ ॥
 तरि कर्मप्रवृत्ती ही लागि । तेया आयासु नाहिं आर्गी ।
 जे प्रवृत्तिचे उलगीं । लोक चि आथि ॥ ५५ ॥
 ह्यणौनि आत्मेयाचें केवल । जो रूप चि जाला निर्मल ।
 तेया नाहिं बंदिसाल । कर्माची हे ॥ ५६ ॥

ज्ञानं ज्ञेयं परिहृता जिविधा कर्मचोदना ॥

करणं कर्म कर्तेति जिविधः कर्मसंग्रहः ॥ १८ ॥

परि अज्ञानाचां पटीं । अन्यथाज्ञानाचें चित्र उठी ।
 तेथ चि तारणी हे त्रिपुटी । प्रसिद्ध जे ॥ ५७ ॥
 तें चि ज्ञाताज्ञानज्ञेय । हें जें जगाचें बीजत्रय ।
 तें कर्मा चि निसंदेह । प्रवृत्ति जाण ॥ ५८ ॥
 आतां या चि गा त्रया । व्यक्ती वेगलालिया ।
 आइकें धनंजया । करूं रूप ॥ ५९ ॥
 तरि जीवसूर्याबिंबिचे । जे रश्मि श्रोत्रादिकि पांचें ।
 धावौनि विषयपद्माचे । फोडिति मढ ॥ ६० ॥
 कां जीवमृपाचे उपलाणे । घेउनि इंद्रियाचि केंकाणें ।
 विषयदेशिचिये नागवणे । आणिती जे ॥ ६१ ॥
 हें असो इंद्रिय राहाटे । जें सुखदुःखासीं जीवा भेटे ।
 ते सुश्रुप्तिकालीं वावाटे । जेय ज्ञान ॥ ६२ ॥
 तेया जीवा नावं ज्ञाता । आणि हें जें सांगितलें आतां ।
 तें चि एथ पांडुसुता । ज्ञान जाण ॥ ६३ ॥
 जें अविद्येचिये पोटीं । उपजत खेउं किरीटी ।
 आपणेयांतें वांटी । तिहिं ठां ॥ ६४ ॥
 आपुलिये धावे पुढां । घालनि ज्ञेयाचा गुढा ।
 उभारी मागिला कडां । ज्ञातृत्वातें ॥ ६५ ॥
 ज्ञातेया ज्ञेया दोषां । तो नांदुणुकेचा बना ।
 माजि जालेनि पै गा । वाहे जेणें ॥ ६६ ॥
 टाकूनि ज्ञेयाची सीवं । पुरे जेयाची धावं ।
 सकलपदार्थां नावं । सूतसे जें ॥ ६७ ॥
 तें गा सामान्यज्ञान । एथ नाहिं आन ।
 ज्ञेयाचें हिं भिन्ह । आइक आतां ॥ ६८ ॥
 तरि शब्दस्पर्श । रूपगंधरस ।
 हा पंचविध आस्वाद । ज्ञेयाचा जो ॥ ६९ ॥

जैसें एके चि चुतफले । इंद्रियां वेगलवेगलें ।
 रसें वणे परिमलें । भेटिजे स्पर्शें ॥ ४७० ॥
 तैसें ज्ञेय तरि एकसरें । परि ज्ञान इंद्रियद्वारे ।
 घे ह्यणौनि प्रकारें । पांचें जालें ॥ ७१ ॥
 आणि समुद्रीं वोवांचें जाणें । सुरे लाणी पासिं धावणें ।
 कां फलें सुरे वाढणें । सस्याचें जेवि ॥ ७२ ॥
 तेवि इंद्रियांचां वाटीं । धावं तेया ज्ञानासि जेथ ठी ।
 होये तें गा किरीटी । विषयज्ञेय ॥ ७३ ॥
 एवं ज्ञातेया ज्ञाना ज्ञेया । तिहिं रूप केलें धनंजया ।
 ते हे त्रिविध सर्वक्रिया— । प्रवृत्ति जाण ॥ ७४ ॥
 जें शब्दादिविषय । हें पंचविध ज्ञेय ।
 तें चि प्रिय कां अप्रिय । एकी परिचें ॥ ७५ ॥
 ज्ञान मोटकें ज्ञातेया । डावी ना जवं धनंजया ।
 तवं स्वीकारा कां लजावेया । प्रवर्ते चि तो ॥ ७६ ॥
 परि मीनातें देखौनि बकु । जैसा निधानातें रंकु ।
 कां स्त्री देखौनि कामिकु । प्रवृत्ति धरी ॥ ७७ ॥
 जैसें खोलां धांवे प्राणी । भवंरु फुलाचिये वाहाणी ।
 नाना सूटला सांजवणी । वत्सू चि पां ॥ ७८ ॥
 आगा स्वर्गिची उर्वशी । आइकौनि जेवि माणुसिं ।
 वरता लागति आकाशीं । यागाचिया ॥ ७९ ॥
 पै पारिवा जैसा किरीटी । चडला नभाचिये पोटीं ।
 पारिवी देखौनि लोटी । आंग सगलें ॥ ४८० ॥
 हें ना घनगर्जिता सरिसा । मोरु वोवांढे आकाशा ।
 ज्ञाता ज्ञेय देखौनि तैसा । धावं चि घे ॥ ८१ ॥
 ह्यणौनि ज्ञानज्ञेयज्ञाता । हें त्रिविध गा पांडुमुता ।
 होये चि कर्मा समस्तां । प्रवृत्ति एथ ॥ ८२ ॥

तारि तें चि ज्ञेय विपायें । जरि ज्ञातेयाचें प्रिय होयै ।
 तरि भोगावेया न साहे । क्षणु हिं भरि ॥ ८३ ॥ ^{वेळेवु}
 नातरि अवचटे । तें वीरू होउनि भेटे ।
 तरि युगांत वाटे । सोडावेया ॥ ८४ ॥
 व्याला कां हारा । वरिपडा जालेयां नरा ।
 हरिखु आणि दरारा । सरिसा चि उठी ॥ ८५ ॥
 तेसैं ज्ञेयें प्रियाप्रियें । देखौनि ज्ञातेया होये ।
 मग त्याग स्वीकारीं वाहे । व्यापारतें ॥ ८६ ॥
 तेथ रागीं प्रतिमळाचां । गोसांविं सर्वदलाचा ।
 रथु सांडूनि पायांचा । होये जैसा ॥ ८७ ॥
 तेसैं ज्ञातेपण जें असे । तें ए कर्त्ता ऐसिये दशे ।
 जेवितें बैठलें जैसैं । रंधन करु ॥ ८८ ॥
 कां भवरें चि केला मला । वोरकलू चि जाला आंकसाला ।
 नाना देअ रिगाला देउला— । चेया कामां ॥ ८९ ॥
 तैसा ज्ञेयाचिया हावां । ज्ञाता इंद्रियांचा मेलावा ।
 राहाटवी तेथ पांडवा । कर्त्ता होए ॥ ९० ॥
 आणि आपण चि होउनि कर्त्ता । ज्ञाना आणी करणता । ^{ज्ञानि}का
^{ज्ञेयाने} तेथ ज्ञेय चि स्वभावता । कार्य होये ॥ ९१ ॥
 ऐसा ज्ञानाचिया युगुती । पालटु पडे गा सुमती ।
 डोलेयांची शोभा राती । पालटे जैसी ॥ ९२ ॥
 कां अदृष्ट जालेयां उदासु । पालटे श्रीमंतांचा उल्हासु ।
 पुनिवे पाठीं शीतांशु । पालटे जैसा ॥ ९३ ॥
 तेसैं चालितां करणें । ज्ञाता वेंठिजे कर्त्तेपणें ।
 तेथिचीं हीं लक्षणें । आइक आतां ॥ ९४ ॥
 तरि बुद्धि आणि मन । चित्त अहंकार हान ।
 हें चतुर्विध चिन्ह । अंतष्करणाचें ॥ ९५ ॥
 ८५

बाहीरि त्वचा श्रवण । चक्षु रसना घ्राण ।
 हैं पंचविध जाण । ज्ञानेन्द्रिय गा ॥ ९६ ॥
 तेथ आंतुलें तव करणें । कर्त्ता कर्त्तव्या घे उमाणें ।
 मग तें चि जरि जाणे । सुखा येतां ॥ ९७ ॥
 तारि बाहिरिलें तियें हीं । चक्षुरादिकें दाही ।
 उठूनियां लवलाहीं । व्यापारा सुए ॥ ९८ ॥
 मग तो इन्द्रियकदंबु । करविजे तव राबु ।
 जव कर्त्तव्याचा लामु । हातासि ए ॥ ९९ ॥
 नातारि कर्त्तव्य जरि दुःखें । फलैल हान ऐसें देखे ।
 तारि लावी त्यागमुखें । तियें चि दाही ॥ ५०० ॥
 मग फांटे-दुःखाचा ठाऊ । तव राहाटवी रातिदिऊ ।
 विकणु आतें राऊ । जिया परीं ॥ १ ॥
 तैसेनि त्यागस्वीकारी । बाहातां इन्द्रियाचां धुरीं ।
 ज्ञातेयातें अवधारीं । कर्त्ता ह्यणिपे ॥ २ ॥
 आणि कर्त्तेयाचां सर्वकर्मी । आउतांचिया परी क्षमी ।
 ह्यणौनि इन्द्रियांतें आहीं । करणें ह्यणों ॥ ३ ॥
 अगणि हैं चि करण वेरी । कर्त्ता क्रिया जे उभारी ।
 तिया व्यापे तें अवधारीं । कर्म एथ ॥ ४ ॥
 सोनाराचिया बुद्धी लेणें । व्यापे चंद्रकरीं चांदिणें ।
 कां वेल्हालपणें । वेलि जैसी ॥ ५ ॥
 नाना प्रभा व्यापे प्रकाशु । गोडिया इक्षुरसु ।
 हैं असो अवकाशु । आकाशें जैसा ॥ ६ ॥
 तैसें कर्त्तेयाचिया क्रिया । व्यापलें जें धनंजया ।
 तें कर्म गा बोलवेया । नाहीं आन ॥ ७ ॥
 एवं कर्त्ताकर्मकरण । इयां तिहिंचें हैं लक्षण ।
 दाविलें तुज विचक्षण— । शिरोमणी ॥ ८ ॥

ज्ञानं कर्म च कर्त्ता च त्रिधैव गुणभेदतः ॥
प्रोच्यते गुणसंस्थाने यथावच्छृणु तान्यपि ॥

एथ ज्ञाताज्ञानज्ञेय । हे कर्माचें प्रवृत्तित्रय ।
तैसें चि कर्त्ताकरणकार्य । हा कर्मसंचयो ॥ ९ ॥
* विहिं वेठला ऐसा धर्म । आथि बीजि जेवि दुमु । असे
कां मनीं जोडे कामु । सदा जैसा ॥ ५१० ॥
तैसें कर्त्ताक्रियाकरणीं । कर्माचें असे जितवणी ।
सोनें जैसें खाणी । सोनेयांचिये ॥ ११ ॥
हणौनि हे कार्य मीं कर्त्ता । ऐसें आथि जेथ पांडुसुता ।
तेथ आत्मा दूरिं समस्तां । क्रियां पासीं ॥ १२ ॥
या लागि पुढुतीं । आत्मा वेगला चि सुमती ।
आणि असो हे केती । जाणतासि तूं ॥ १३ ॥
१२५१५५ परि सांधितलें जें ज्ञान । कर्म हे कर्त्ता हान ।
तें तिहिं ठांइ भिन्न । गुणीं आथि ॥ १४ ॥
हणौनि ज्ञानकर्मकर्त्तेया । पांती एउ न ये धनंजया ।
जें दोनि बांधति सोडावेया । एक चि प्रौढ ॥ १५ ॥
तें सात्विक होआवें ठाउवें । गुणभेदु सांघों पाहे ।
जो सांख्यशास्त्रि आहे । उवाइला ॥ १६ ॥
जें विचारा क्षीरसमुद्र । स्वबोधकुमुदिनीचंद्र ।
ज्ञानडोलसां नरेंद्रु । शास्त्रांचें जें ॥ १७ ॥
किं प्रकृतिपुरुषं दोन्ही । मिसलीं दिवोरजनी ।
तियें निवडितां त्रिभुवनीं । मार्तंड जें ॥ १८ ॥
जेथ अपारमोहरासी । तत्वाचां मापी चौविसीं ।
उमाणें घेउनि परेसीं । सुरवाडिजे ॥ १९ ॥
अर्जुना तें सांख्यशास्त्र । पढे जेयाचें स्तोत्र ।
तें गुणभेदविचित्र । ऐसें आहे ॥ ५२० ॥

जें आपुलेनि अंगिकें । त्रिविधपणाचेनि अंकें
 दृश्यजात तेतुकें । अंकित केलें ॥ २१ ॥
 एयां सत्वरजतमां । तिहिं एवढी असे महिमा ।
 जें त्रिविध आदिग्रहा । अतिक्रमीं ॥ २२ ॥
 पारि विधिची आघवी मांदी । जेणें भेदलेनि गुणभेदीं ।
 पडिली तें तव आदीं । ज्ञान सांघों ॥ २३ ॥
 जें दीठी जर चोख कीजे । तरि भलेतें चोख चि सुझे ।
 तैसें ज्ञानें शुद्धें लाहिजे । सर्वें शुद्ध ॥ २४ ॥
 ह्यणौनि तें सात्त्विकज्ञान । आतां सांघों दे अवधान ।
 कैवल्यगुणनिधान । श्रीकृष्ण ह्यणे ॥ २५ ॥

सर्वभूतेषु येनैक भावमव्ययमीक्षते ॥

अविभक्तं विभक्तेषु तज्ज्ञानं विद्धि सात्त्विकं ॥ २० ॥

तरि अर्जुना गा तें फुडें । सात्त्विकज्ञान चोखडें ।

जेयाचां उदईं ज्ञेय बुडे । ज्ञातेनसिं ॥ २६ ॥

जैसा सूर्यो नेदखे आंधारें । सरिता नेणिजति सागरें ।

कां कवलियां न धरे । आत्मछाया ॥ २७ ॥

तिया परीं जिया ज्ञाना । शिवादि तृणावसाना । स्वदि किर्णो वासना

इया भूतव्यक्ती भिन्ना । नाडलति ॥ २८ ॥

जैसें हातें चित्र पांतां । होये पाणियें मीठ धूतां ।

कां चेउनि स्वप्ना येतां । जैसें होये ॥ २९ ॥

तैसें ज्ञानें एणें । करितां ज्ञातव्याचें पाहाणें ।

न जाणतां न जाणणें । जाणावें उरे ॥ ५३० ॥

पै सोनें आटौनि लेणीं । न कढीति आपुलेया आणी ।

कां तरंग न घेपति पाणीं । गाढनि जैसें ॥ ३१ ॥

अथा तैसी ज्ञेयाज्ञानाचेया हाता । न लगे हे दृश्यपथा ।

तें ज्ञान जाण सर्वथा । सात्त्विक गा ॥ ३२ ॥

आरिसा पा७० जांतां कोढें । जैसैं पातें चि रिघे पुढें ।
 तैसैं ज्ञेय लोट्टनि पडे । ज्ञाता चि जें ॥ ३३ ॥ ज्ञान
 पुढुतीं तें चि सात्विकज्ञान । जें मोक्षलक्ष्मीचें भुवन ।
 हें असो आइकें चिन्ह । राजसाचें ॥ ३४ ॥

पृथक्त्वेन तु यदज्ञानं नानाभावान्पृथग्विधान् ॥
 वेत्ति सर्वेषु भूतेषु तदज्ञानं विद्धि राजसं ॥ २१ ॥

पारि पार्था परियस । तें ज्ञान राजस ।

जें मेदाची कास । धरुनि चाले ॥ ३५ ॥

विचित्रता भूतांचिया । आपण आंतूनि ठीकरीया ।

बहुचकै ज्ञातेया । आणिली जेणें ॥ ३६ ॥

५५ जैसैं सांचा रूपा आड । वाळनि विसराचें कवाड ।

मग स्वप्निचें काबाड । वोडरी निद्रा ॥ ३७ ॥ आइरी

तैसैं स्वज्ञानाचिये पौली । बाहिरि मिथ्याचां महाखेळीं ।

तिहिं अवस्थांचिया बाहाली । दावी जें जीवा ॥ ३८ ॥

अलंकारपणें झांकलें । बोला सोनें कां वायां गेलें ।

तैसैं नामरूपिं दुराविलें । अद्वैत जेया ॥ ३९ ॥

अवतरली गाडुवां घडां । पृथ्वी अनोलख जाली मूढां ।

वन्हि होउनि ठेला कानवडा । दीपा सार्ति ॥ ५४० ॥

कां वस्त्रपणाचेनि आटोपें । मूर्खां प्रति तंतु हारपे ।

नाना मुग्धां पटु लपे । दाउनि चित्र ॥ ४१ ॥

तैसी जेया ज्ञाना । जाणौ भूतव्यक्ती भिन्ना । नि

ऐक्यबोधाची वासना । निमौनि गेली ॥ ४२ ॥

मग इंधनीं भेदला अनल । फुला वरि परिमल ।

कां जलभेदें सकल । चंद्रु जैसा ॥ ४३ ॥

तैसे पदार्थभेद बहुवस । जाणों लाहान वेस ।

आंतलें तें राजस । ज्ञान एथ ॥ ४४ ॥

पदत्कृत्स्नवदेकस्मिन्कार्ये सकमहैतुकं ॥

अतत्त्वार्थवदल्पं च तत्तामसमुदाहृतम् ॥ २२ ॥

आतां तामसाचें लिंग । साधैन उल्लख चांग ।

डावलावेया मातंग- । सदनु जैसे ॥ ४५ ॥

तरि किरीटी जें ज्ञान । हिंडे विधीचेनि वखें हीन ।

श्रुति पाठिमोरी नग्न । हणौनि तेया ॥ ४६ ॥

येरें ही शास्त्रबहिकरीं । जें निंदेचे इटाल वेन्हीं ।

बोलविलेंसे डोंगरीं । म्लेंछधर्माचां ॥ ४७ ॥

जें गा ज्ञान ऐसें । गुणाग्रहे तामसें ।

घेतलें भवे पीसें । होउनियां ४८ ॥

जें सोशरीके बंधु नेणे । पदार्थी निषेध न हणने ।

निरोविलें जैसें सुणें । सुना गावीं ॥ ४९ ॥

तेया तोंडि जें नाडले । कां खातां जेणें पोले ।

तें चि एक वाले । एर घे चि ॥ ५० ॥

पैं सोनें चोरितां उंदिरु । न हणने थरविथरु ।

नेणे मांसखाइरु । कालें गोरें ॥ ५१ ॥

नाना वना माक्षि बोहिरी । कडसणी जेवि न करी ।

कां जीत मेळें न विचारी । बैसतां मासी ॥ ५२ ॥

नात आगा वांती वाढलेया । साजुकां कां सुडिलेयां । प

विवेकु काडलेया । नाहिं जैसा ॥ ५३ ॥

तैसें निषिद्ध सांडूनि जावें । कां विहित आदरें घेयावें ।

हें विषयांचेनि नावें । नेणे चि जें ॥ ५४ ॥

जेतुलें आड पडे दीठी । तेतुलें घे विषयां साठीं ।

मग स्त्री द्रव्य वांटी । सिण्णोदरीं ॥ ५५ ॥

तीर्थ अतीर्थ हे भाषा । उदकिं ना सनोळख । नाहिं

ताहान बोले तें सुख । वांचूनियां ॥ ५६ ॥

तेया चिं परीं खाद्याखाद्य । ना न ह्यणे निंदानिंद । अनन्ध-
 तोंडा आवडे तें मेध्य । ऐसा बोधु ॥ ५७ ॥
 आणि स्त्रीजात जेतुके । त्वर्गिन्द्रिय चि उल्लखे । तन्ना शोक्ष्य-
 तिये विखिं सोइरिके । एकु चि बंधु ॥ ५८ ॥ नाचु-
 पै स्वार्था जें उपकरे । तेया चि नावं सोयरे ।
 देहसंबंधु न सरे । जिये ज्ञानिं ॥ ५९ ॥
 मृत्युचें आघवें चिन्ह । आघवें चि आगी इंधन ।
 तैसें जग चि आपुलें धन । तामसाज्ञानां ॥ ५६० ॥
 ऐसेनि विश्व सकल । जें विखा आंतुलें केवल ।
 तेया एक जाणे फल । देहभरण ॥ ६१ ॥
 आकाशपतिता नीरा । जैसा सिंधू चि एकु धारा ।
 तैसें कृत्यजाता उदरा । लागि चि बुझे ६२ ॥
 वांचूनि स्वर्ग नरक आथि । तेया हेतू प्रवृत्तिनिवृत्ति ।
 इये अघविये चि राती । जाणीवेचि ते ॥ ६३ ॥
 देहखंडा नावं आत्मा । ईश्वर पाखाणप्रतिमां ।
 इया परौता प्रेमा । वाढों नेणे ॥ ६४ ॥ टळो
 हाणौनि पडिलेनि शरीरें । केलेनसिं आत्मा चि सरे ।
 मा भोगावेया उरे । कोणें वेखें ॥ ६५ ॥
 ना ईश्वर पांतां आहे । तो भोगवी हें जरि होए ।
 तरि देव चि खाए । विकूनियां ॥ ६६ ॥
 गार्विचे देउलेश्वर । न्यामक चि होति जर ।
 तरि देशिचे डोंगर । उगे असति ॥ ६७ ॥
 ऐसा विपायें देऊं मानिजे । तरि पाखाणमात्र चि जाणिजे ।
 आणि आत्मा तवं ह्यणिजे । देहासी चि ॥ ६८ ॥
 एरें पापपुण्यादिकें । तें आघवें चि करुनि लटिकें ।
 हित मानी अग्निमुखें । आचरण जें कां ॥ ६९ ॥

दावेती जें चामळ डोले वानिती । जें इद्रियें गोडी लाविती ।

तें चि साच हे प्रतीती । फुडी जेथ ॥ ५७० ॥

किंबहुना ऐसी पार्था । वाढती देखसी आस्था ।

धूवांचि वेलि वृथा । आकाशीं जैसी ॥ ७१ ॥

कोरडा ना वोला । उपेगा आधि गेला ।

तो वाढौनि मोडला । भेंडु जैसा ॥ ७२ ॥

नाना कां उंसाचीं कणिसें । कां नपुंसकें माणसें ।

वन लागलें जैसें । सावेरीचे ॥ ७३ ॥

नातारि बालकाचें मन । कां चोराघरिचें धन ।

अथवा गलां स्तन । सेलियेचे ॥ ७४ ॥

तैसें जें वायाणें । बोंसल दीसे जाणणें ।

तेयातें मीं हणें । तामसज्ञान ॥ ७५ ॥

तें हिं ज्ञान इया भासा । बोलिजे तो भा३० ऐसा ।

जालंधाचा कां जैसा । डोला वाडु ॥ ७६ ॥

कां बधिराचे नीट कान । अपेया नावं पान ।

तैसें अडिनावं ज्ञान । तमासि तेया ॥ ७७ ॥

हें असो केती बोलवें । तन्हीं हें ऐसें देखावें ।

ते ज्ञान नव्हे जाणावें । डोलस तम ॥ ७८ ॥

एवं तीन्हीं गुणीं । भेदिलें यथालक्षणीं ।

ज्ञान श्रोतेशिरोमणी । दाविलें तुज ॥ ७९ ॥

नियतं संगरहितमरागद्वेषतः कृतं ॥

अफलप्रेप्सुना कर्म यत्तत्सात्त्विकमुच्यते ॥ २३ ॥

आतां या चि त्रिप्रकारा । ज्ञानाचेनि धनुर्द्धरा ।

प्राकाशें होति गोचरा । कर्त्तेया क्रिया ॥ ९८० ॥

हणौनि कर्म पै गा । अनुसरे तिभागा ।

मोहोरे जालेयां वोघा । पाणी जैसें ॥ ८१ ॥

तैं चि ज्ञानत्रयवशें । त्रिविध कर्म जें असे ।
 तेथ सात्विक तवं ऐसें । परियस आदिं ॥ ८२ ॥
 तरि स्वाधिकाऱाचेनि मार्गे । आलें जें मानिलें आर्गे ।
 पतिव्रतेचेनि परिष्वंगें । प्रियातें जैसें ॥ ८३ ॥ १९२
 सावलेया आंगा चंदन । प्रमदालोचनीं अंजन ।
 तैसें अधिकाऱासि मंडन । नित्यपणें जें ॥ ८४ ॥
 तें नित्यकर्म भलें । होये निमित्तिकें सावाइलें
 सोनेयांसि जोडलें । सौरभ्य जैसें ॥ ८५ ॥
 आणि आंगा जीवाची संपत्ति । वेचूनि बालाची करी पालति । १९३
 परि जीवनाची खंति । न पाहे माए ॥ ८६ ॥
 तैसें सर्वस्वें कर्म अनुष्ठी । परि फल न सूर दृष्टी ।
 उखिती क्रिया पैठी । ब्रह्मी करी ॥ ८७ ॥
 आणि प्रिया आलेयां धावें । संबंदा उरों ठाकों जावें ।
 तैसें संतप्रसंगें करावें । पारुखे जरि ॥ ८८ ॥
 तरि अकरणाचेनि खेदें । द्वेषातें जीविं न बंधें ।
 जालेयाचेनि आनंदें । फुंज नैए ॥ ८९ ॥
 ऐसिया हातवटिया । कर्म निफजे जें घनंजया ।
 जाण सात्विक तेया । गुण नाम गा ॥ ५९० ॥
 या वरि राजसाचें । लक्षण सांघिजैल साचें ।
 न करि अवधानाचें । वाणेपण गा ॥ ९१ ॥

यत्तु कामेप्सुना कर्म साहंकारेण वा पुनः ॥
 क्रियते बहुलायासं तद्राजसमुदाहृतं ॥ २४ ॥
 तरि घरि मातापितरां । धडा बोला नाहिं सवंसारा ।
 एर विश्व भरी आदरां । मूर्खु जैसा ॥ ९२ ॥
 कां तुलसीचेया झाडा । दूरौनि घाली सीतोडा ।
 द्राक्षीचेया तरि बुढा । दूध चि लाविजे ॥ ९३ ॥
 ८६

तैसैं नित्यनैमित्तिकें । कर्म जियें आवश्यकें ।
 तेयांचां विखि न शके । बैसला उठूं ॥ ९४ ॥
 येरां काम्याचेनि नावें । देहसर्वस्व आघवें ।
 जेनीं अर्जवितां हिं न मनवे । बहू ऐसैं ॥ ९५ ॥
 आगा देव्हडी वाढिया लाहिजे । तेथ मोल देतां न धाडजे ।
 पेरितां पुरे न ह्मणिजे । बियां जेवि ॥ ९६ ॥
 कां परिसु जालेयां हातिं । लोहा लागि सर्व संपत्ति ।
 वेचु करितां उन्नती । साधकु जैसा ॥ ९७ ॥
 तैसीं फलें देखौनि पुढें । काम्य कर्म दुआडें ।
 करी परि तें थोडें । केलें मानीं ॥ ९८ ॥
 तेणें फलकामुकें । यथाविधि नेटकें ।
 काम्य कीजे जेतुकें । क्रियाजात ॥ ९९ ॥
 आणि तेया ही केलेयाचें । तोंडीं लावी डोंडिचें ।
 कर्मि या नावें पाटाचें । आंक जैसैं ॥ ६०० ॥
 तैसा भरे कर्मा अहंकार । मग पिता अथवा गुरु ।
 तें न मनी कालज्वर । उषध जैसैं ॥ १ ॥
 तैसेनि साहंकारें । फल अभिलाखियें नरें ।
 कीजे गा आदरें । जें जें काहिं ॥ २ ॥
 पारि तें करणें बहुवसा । बलघौनि करी आयासा ।
 जीवनउपाउ कां जैसा । कोल्हांटियाचा ॥ ३ ॥
 एका कणा लागि उंदिरु । असिका उसपे डोंगरु ।
 कां सेवाला दोसैं दर्दुरु । समुद्रु डहुली ॥ ४ ॥
 पै भीके परौतें न लाए । तन्हीं गारुडी सर्प वाहे ।
 काइ कीजे सीणु होये । गोडु ये कां ॥ ५ ॥
 ते हें असो परिमाणुचेनि लाभें । पाताल लंघीति उल्लिखे ।
 तैसैं स्वर्गमुखलोभें । विचंरणें जें ॥ ६ ॥

तें काम्य कर्म सक्केश । जाणवें एथ राजस ।

आतां चिन्ह परियस । तामसाचें ॥ ७ ॥

अनुबंध क्षयं हिंसासनपेक्ष्य च पौरुषं ॥

मोहादारभ्यते कर्म यत्तत्तामसमुच्यते ॥ २५ ॥

तारि तें गा तामस कर्म । जें निंदेचें कालें घाम ।

निषेधाचें जन्म । साचें जेणें ॥ ८ ॥

जें निफजविलेया पाठि । काहिं चि फल न दिसे दीठी ।

रेघ काढिलेयां पोटी । तोयाचां जेवि ॥ ९ ॥

कां कांजी गुसल्लेयां । सारकतु फुंकिलेयां । २५३

काहिं न दिसे गालिलेयां । बालुवेचा घाणा ॥ ६१० ॥

नाना उपणिलेयां भूस । विंघलेयां आकाश ।

मांडिलेयां पाश । वोरयासि ॥ ११ ॥

हें आघवें चि जैसें । बांझे होउनि नाशे ।

जें केलेयां पाठि तैसें । वायां चि जाए ॥ १२ ॥

यन्हविं नरदेहा एवढें । धन आटाणिये पडे । ४

जें निफजवितां मोडे । जगाचें सुख ॥ १३ ॥

जैसा कमलवनीं फांसु । काढिलेयां कांटसु । कांटसु

ना आपण क्षिजे नाशु । कमलां करी ॥ १४ ॥

कां आपण आंगें जले । आणि नागवी जगाचे डोले ।

पतंगु जैसा सलें । दीपाचेनि ॥ १५ ॥

तैसें सर्वस्व वायां जाऊ । वरि देहासि हो घाऊ ।

परि पुढिला अपाऊ । निफजे जेणें ॥ १६ ॥

मासी आपणेयातें गिलवी । परि पुढिलातें वांती सीणवी ।

तें कश्मल आठवी । आचरण जें ॥ १७ ॥

तें हिं करावेया दोसें । मज सामर्थ्य असे ।

किं नाहिं हें ऐसें । न पांत करी ॥ १८ ॥

केवढा माझा उपाऊ । करितां कोणु प्रस्ताऊ ।
 केलेयां आऊ । काइ एथ ॥ १९ ॥
 इये जाणिवेची सोए । अविवेकाचेनि पाएं ।
 प्रसूनियां होए । साटोपु कर्मी ॥ ६२० ॥
 आपुला वसैठा जालुनि । बिसाटे जैसा वन्हि ।
 कां स्वमर्यादा गोलुनि । सिंधु उठी ॥ २१ ॥
 मग नेणे बहू थोडें । न पाहे मार्गे पुढें ।
 मार्गामार्ग एकीवडे । करीतु चाले ॥ २२ ॥
 तैसें कृत्याकृत्ये सरकटित । आपु पर न विचारित ।
 कर्म होये तें निश्चित । तामस जाण ॥ २३ ॥
 ऐसें गुणत्रये भिन्ना । कर्मासि गा अर्जुना ।
 हे केली विवंचना । उपपत्तिसे ॥ २४ ॥

मुक्तसंगोऽनहं वादी धृत्युत्साहसमन्वितः ॥

सिध्यसिध्योर्निर्विकारः कर्त्ता सात्त्विक उच्यते ॥ २६ ॥

आतां या चि कर्मा भजतां । कर्माभिमानीयां कर्त्ता ।
 तो जीउ ही त्रिविधता । पातला असे ॥ २५ ॥
 चतुराश्रमवशें । पुरुष चतुर्द्धा दीसे ।
 कर्त्तेया त्रिविध तैसें । कर्मभेदें ॥ २६ ॥
 पारि तेयां तिहि आंतु । सात्त्विक तवं प्रस्तूतु ।
 साध्वैन दत्तचित्तु । आकर्णि तूं ॥ २७ ॥ ✓
 तरि फलउद्देशें सांडिलिया । वाढति जेवि सरलिया ।
 शाखा कां चंदनाचेया । बावनेयां ॥ २८ ॥
 कां न फलतां हि सार्थका । जैसिया नागवाहिका ।
 तैसिया करी नित्यादिका । क्रिया जो गा ॥ २९ ॥
 पारि फलशून्यता । नाहिं तेया विफलता ।
 पै फलासी चि पांडुसुता । फल काइसें ॥ ६३० ॥

आणि कृत्यादिकें करी बहुवसें । परि कर्ता मी हें नुमसे ।
 वर्षाकालिचे जैसे । मेघवृंद ॥ ३१ ॥
 तेर्वि चि परमात्मलिंगा । समर्पावेया जोगा ।
 कर्मकलापु पै गा । निफजावेया ॥ ३२ ॥
 तेया कालातें न लंघणें । देशशुद्धि हान साजणें ।
 कां शास्त्राचां वार्ति पाहाणें । क्रियानिर्णयो ॥ ३३ ॥
 वृत्ती काणें येकवला । चित्त जावों नेंदणें फला ।
 नियमाचिया साखला । वाहाणें हान ॥ ३४ ॥
 हा निरोधु साहावेया लागि । धैर्याचिया चांगाचांगी ।
 चित्तवणी जितिया आंगी । वाहे जो कां ॥ ३५ ॥
 आणि आत्मेयांचिया आवडी । कर्म करितां सुरवाडीं ।
 देहसुखाचिये परिवडी । येवों न ल्हाये ॥ ३६ ॥
 ऐसां निद्रा दुरावें । क्षुधा न बणवे ।
 सुरवाडु न पवे । आंगाचा ठाऊ ॥ ३७ ॥
 तवें अधिकाअधिक । उत्साहो घरी आगलिक ।
 सोनें जैसें पुटीं तूंक । तूटलेयां ॥ ३८ ॥
 जरि आवडिं आधि साच । तरि जीवित्व ही सलंछ ।
 आगि घालितां रोमांच । देखिजति ॥ ३९ ॥
 मा आत्मेयां एवढिया प्रिया । बालभैला जो धनंजया ।
 देहाची सिद्धता तेया । खेदु होइल ॥ ४० ॥
 झणौनि सुरवाडू तूटे । जवें हें देह आटे ।
 तवें आनंदु दुणावटे । कर्मि जेया ॥ ४१ ॥
 ऐसेन जो कर्म करी । आणि कोण्हीं एकिं अवसरीं ।
 आलें तें कर्म ठाके ऐसी सरी । वाहे जरि ॥ ४२ ॥
 तरि कडाडिं मोडे जो गाडा । तो आपणपेयां न मनी अवघडा ।
 तैसा ठाकलेनि थोडा । न्हवे चि जो कां ॥ ४३ ॥

नातारि आदरिलें । अव्यंग सिद्धी गेलें ।

तरि तें हिं जीतलें । मिरौं नेणे ॥ ४४ ॥

१ इया खुणा कर्म कारितां । देखिजे जो पांडुसुता ।

तेयारें ह्यणिजे तत्वता । सात्विकु कर्ता ॥ ४५ ॥

रागी कर्मफलप्रेप्सुर्लुब्धो हिंसात्मको शुचिः ॥

हर्षशोकान्वितः कर्त्ता राजसः परिकीर्त्तितः ॥ २७ ॥

आतां राजसा कर्तेया । बोलखण हे धनंजया ।

जें अभिलाखा जगिचेया । वसैठा तो ॥ ४६ ॥

जैसा गाविंचेया कश्मला । उकरडां एकवला ।

कां श्मसानीं अमंगला । आवघेयांसि ॥ ४७ ॥

तिया परीं जो अशेषां । विश्विचेयां अभिलाखां ।

पाये पाखालणियां दोषां । घरटा जाला ॥ ४८ ॥

ह्यणौनि फलाचा लागु । देखे जो आसलगु ।

तिये कर्मिं चांगु । रोहो मांडी ॥ ४९ ॥

७ आणि आपूजलिये जोडी । उपखों नेंदी काडी ।

आणि क्षणीं क्षणीं कुरवंडी । जीवाची करी ॥ ६५० ॥

कृपणु ठेवां आपुला । तैसा दक्षु परावेया मोला ।

बकु जैसा खुतला । मासेयांसि ॥ ५१ ॥

आणि गोवि केलेयां जबलि ! झगटलियां आंग फाली ।

फलें आंतु पोली । बोरंटी जैसी ॥ ५२ ॥

तैसा मनें वाचा कार्ये । भलेतेया दुःख जाये ।

स्वार्थु साधितां न पाहे । परावें हित ॥ ५३ ॥

तेविं चि आंगें कर्मी । आचरणें न्हवे क्षमी ।

निगे मनोधर्मि । अरोचक ॥ ५४ ॥

कनकाचेया फला । आंतु माजु बाहिरी मैला ।

तैसा सबाहों दुबला । शुचित्वें जो ॥ ५५ ॥

आणि कर्मजात केलेयां । फल लाहे जरि धनंजया ।
 तरि हरिखें जगा येया । वांकुलिया वाए ॥ ५६ ॥
 अथवा तें आदरिलें । हीन फल जरि गेलें ।
 तरि शोकें तेणें जियालें । धिक्करं लागे ॥ ५७ ॥
 कर्मि राहाटि ऐसी । जेयातें गा देखसी ।
 तो जाण त्रिशुद्धिर्सी । राजसु कर्त्ता ॥ ५८ ॥

अयुक्तः प्राकृतः स्तब्धः शठो नैष्कृतिकोलसः ।

विषादी दीर्घसूत्री च कर्त्ता तामस उच्यते ॥ २८ ॥

आतां येया पाठिं येरु । कुकर्माचा आगरु ।
 तो ही करु गोचरु । तामसु कर्त्ता ५९ ॥
 तरि मीं लागलेयां कैसैं । पुढील जलत असे ।
 हें नेणिजे हुताशें । जिया परीं ॥ ६० ॥
 पैं शस्त्रें मियां तीखटें । नेणे कैसैं निवटें ।
 कां नेणिजे कालकूटें । आपुलें केलें ॥ ६१ ॥
 तैसा पुढिला आपणपेया । घाये करीतु धनंजया ।
 आदरी उभ्रटिया । क्रिया जिया कां ॥ ६२ ॥
 तिया करितां वेलीं । काड जालें हें न संभाली ।
 चलला वायु वाहुटली । चेष्टे जैसा ॥ ६३ ॥
 पैं करणेयां आणि जेया । मेळु नाहिं धनंजया ।
 तो पाहुनि पिसेया । कैची त्राये ॥ ६४ ॥
 आणि इंद्रियांचें वोझिलें । चरौनि राखे जो जियालें ।
 बैला तल्लिं वर्तलें । पोसणें जैसैं ॥ ६५ ॥
 कां हांसेया रुदना वेल । नेणतां आदरी बाल ।
 राहाटे उछंखल । तिया परी ॥ ६६ ॥
 जो प्रकृति आतलेपणें । कृत्याकृत्यसवादु नेणे ।
 फुगे केरें धालेपणें । उकरवें जैसैं ॥ ६७ ॥

हणौनि मान्याचैनि नावें । ईश्वरा हि परि न लवें ।
 स्तब्धपणें न मनवे । डोंगरासि ॥ ६८ ॥
 आणि मन जेयाचे काललि । राहाटि फुडी चोरिली ।
 दीठि ते किर वोली । पण्यांगनांची ॥ ६९ ॥
 किंबहुना कपटिचें । देह चि बलिलें तेयाचें ।
 तें जीणें कीं जुवाराचें । टिटघर ॥ ७० ॥
 न्हवे तेयाचा प्रादुर्भावो । तो साभिलाख भिलांचा गावों ।
 हणौनि न ये येवों जावों । तिया वाटा ॥ ७१ ॥
 आणि आणिकाचें नीकें केलें । तें वीरुं होये जेया आलें ।
 जैसें पय मीनलें । लवण करी ॥ ७२ ॥
 कांहि विरुढे ऐसा पदार्थु । वातला आगी आंतु ।
 तिये चि क्षणीं धडाडितु । आगि होए ॥ ७३ ॥
 नाना सुद्रव्यें गोमटीं । जालेयां शरीरा पैठीं ।
 होउनि ठाकति किरीटी । मलु चि जेवि ॥ ७४ ॥
 तैसें पुढिलाचें ब्रवें । जेयाचा भितरु पावे ।
 आणि विरुद्ध चि आघवें । होये चि गा ॥ ७५ ॥
 जो गुण घे दे दोष । अमृताचें करी विख ।
 दूध पाजिला देख । व्यालु जैसा ॥ ७६ ॥
 आणि इहिकीं जियावें । जेणें परत्रां साचा होआवें ।
 तें उचित कृत्य पावे । अवसरीं जिये ॥ ७७ ॥
 तेधवां जेया आपैसी । नीद ये ठेविली ऐसी ।
 दुहवेवारी जैसी । विटाले लोटे ॥ ७८ ॥
 पै द्राक्षरस कां उसा । वेले तोंड सडे वायसा ।
 कां डोले फूटति दिवसा । डुडुलांचें ॥ ७९ ॥
 तैसा कल्याणु कालु पाहे । तें तेया आलसु खाए ।
 ना प्रमादीं तरि होए । तो हाणे तें ॥ ८० ॥

तेविं चि सागराचां पोटीं । जले अखंड आगिठी ।
 तैसा विषादु वाहे पोटीं । जिवाचिये ॥ ८१ ॥ जो
 आगी धूवां एकावधी । कां अपाना आणि दुर्गंधि ।
 तैसा जो जीविता अवधी । विषादे केल ॥ ८२ ॥
 आणि कल्पांताचिया पारा । वेगलेया ही जो वीरा ।
 सूत्र घरी व्यापारा । साभिलाखें ॥ ८३ ॥
 अगा जगा ही परीती । सुचावा हे पै चित्तीं ।
 करितां विषि हाति । तृण हि न लगे ॥ ८४ ॥
 ऐसा जो लोका आंतु । पापपुंजु मूर्तु ।
 देखिजे तो अव्याहतु । तामसु कर्ता ॥ ८५ ॥
 एवं कर्म कर्ता ज्ञान । यां तिहिंचें त्रिधा चिन्ह ।
 दाविलें तुज सुजन— । चक्रवर्ती ॥ ८६ ॥

बुद्धेर्भेदं धृतेश्चैव गुणतस्त्रिविधं शृणु ॥

प्रोच्यमानमशेषेण । पृथक्त्वेन धनंजय ॥ २९ ॥

आतां अविद्येचां गावीं । मोहाची वेदूनि मदवी ।
 संदेहाचिं आघवीं । लेउनि लेणीं ॥ ८७ ॥
 आत्मनिश्चयाची बरव । जिये आरिसां पाहे सावेव ।
 तिये बुद्धिची ही धांव । त्रिधा चि असे ॥ ८८ ॥ ✓ हव
 अगा सत्वादिगुणिं इहिं । काई एक तिहिं ठाई ।
 न कीजे चि एथ पाई । जगा माशि ॥ ८९ ॥
 आगि नसतां पोटीं । कोठें काष्ट असे सृष्टी ।
 तैसें तें कैचें दृश्य किरीटी । त्रिधा जें नोहे ॥ ९० ॥
 हाणौनि तिहिं गुणिं । बुद्धि केली त्रिगुणीं ।
 धृतिसि ही वाटणी । तैसी चि असे ॥ ९१ ॥ ट
 तें चि एकैक वेगलालें । एथ चिन्ह अलंकारलें ।
 सांघिजैल उपाइलें । भेदलेपणें ॥ ९२ ॥

परि बुद्धिधृति एयां । दोहिं भागां माक्षि धनंजया ।
 आदि रूप बुद्धिचेया । भेदासि करूं ॥ ९३ ॥
 तारि उत्तममध्यमनिष्ठ । संसारासि गा सूमटा ।
 प्राणियां यंतिया वाटा । तीनि आथि ॥ ९४ ॥
 जे सात्विकराजसतामसनिबद्ध । हे ते मार्ग प्रसिद्ध ।
 संसारभयसंबंध । जीवां येयां ॥ ९५ ॥

* प्रवर्त्ति च निवृत्तीं च कार्याकार्ये भयाभये ॥
 बंधमोक्षं च या वेत्ति बुद्धिः सा पार्थ सात्विकी ॥ ३० ॥
 ह्यणौनि अधिकारें मानलें । जें विधिचेनि अर्थ आलें ।
 तें एथ चि एक भलें । नित्यकर्म ॥ ९६ ॥
 तें चि आत्मप्राप्तिफल । दीठि सूनि केवल ।
 कीजे जैसैं कां जल । सेविजत ताहाने ॥ ९७ ॥
 येतुलेनि तें कर्म । सांडी भयजन्म विषम ।
 करुनि दे सुगम । मोक्षसिद्धी ॥ ९८ ॥
 तें कर्म करी तो भला । संसारभयें सांडिला ।
 करणीयत्वे आला । मुमुक्षुभागा ॥ ९९ ॥
 तेथं जो बुद्धी ऐसा । बली बांधे भरवसा ।
 मोक्ष ठेविला ऐसा । जोडेल एथ ॥ १०० ॥
 ह्यणौनि निवृत्तिची मांडली । सूनि प्रवृत्ती तळि ।
 ए कर्मि बुडकली । यावी किं नां ॥ १ ॥ चि
 तृषार्त्ता पाणियें जीणें । कां पुरीं पडिलेयां प्रवाहणें ।
 अंध कूर्पि गति किरणें । सूर्याचेनि ॥ २ ॥
 नाना पथ्येंसि अखद लाहे । तरि रोगें दाटिला ही जिये ।
 कां मीना जीवाला होए । जलाचा जारि ॥ ३ ॥
 तरि तेया जीविता । नाहिं जैसैं अन्यथा ।
 तैसैं कर्मा येया प्रवर्त्ततां । जोडे चि मोक्ष ॥ ४ ॥

हें किर जेयाचिये कडे । जें ज्ञान आथि चोखडें ।
 आणि करणीं फुडें । ऐसें जाणे ॥ ५ ॥
 जियें तिहिं काम्यादिकें । संसारभयदायकें ।
 अकृत्यपणाचे आबुखे । पडिले जेयां ॥ ६ ॥
 तिये कर्मिं अकार्यीं । जन्ममरणसभयीं । अकर्मियां ।
 प्रवृत्तिफलें विपायीं । मागिलीं चि ॥ ७ ॥
 पै गा आगी माझि न रिगवे । अथाविं न घळवे ।
 घगधगीत नांगवे । शूल जेवि ॥ ८ ॥
 कां कालियाणा धुधुवांतु । देखौनि न पसरवे हातु ।
 न वचवे खोंपे आंतु । वाघाचिये ॥ ९ ॥
 तैसें कर्म अकरणिय । देखौनि महामय ।
 उपजे निःसंदेह । बुद्धि जेया ॥ १० ॥
 वाढिलें रांधौनि निखें । तेथ जाणिजे मृत्यु न चुके ।
 तेवि निषेधिं कें देखे । बंधातें जो ॥ ११ ॥
 मग बंधुभयभरिति । तिये निषेधीं प्राप्ति ।
 विनियोगु जाणे निवृत्ती । कर्माचिये ॥ १२ ॥ कर्मनिष्ठा
 ऐसें कार्याकार्यविवेकी । जे प्रवृत्तिनिवृत्तिमापकीं ।
 खराकुडापारखी । जिया परीं ॥ १३ ॥
 तैसी कृत्याकृत्यशुद्धी । बुद्धे जें निरवधी ।
 सात्विक ह्मणिपे बुद्धी । ते गा जाण ॥ १४ ॥
 यया धर्ममधर्म च कार्य चाकार्यमेव च ॥
 अयथावत्प्रजानाति बुद्धिः सा पार्थ राजसी ॥ १५ ॥
 आणि बकाचां गावीं । घेपे क्षीरनीर सकलवी ।
 कां अहोरात्राची गोवी । आंधलें नेणे ॥ १५ ॥
 जेया फुलाचें गोमटें फावे । तो किं काष्टें कोरूं धावे ।
 परिः श्रमरण नव्हे । अन्हा जेवि ॥ १६ ॥

तैसें इयें कार्याकार्यें । धर्माधर्मरूपें इयें ।
 तियें न सुहतां जियें । जाणती जे कां ॥ १७ ॥
 आगा डोळां विण मोतियें । घेंतां पाडु मिले विपायें ।
 न मिलणें तें आहे । ठेविलें तेथ ॥ १८ ॥
 तैसें अकरणीय अवचटें । नोडवे तरी चि लोटे ।
 यन्हर्वि जाणे एकवटें । दोन्हीं जे कां ॥ १९ ॥
 ते गा बुद्धि ऐसी । जाण एथ राजसी ।
 आखत टाकिली जैसी । मांदिऐसी ॥ ७२० ॥

अधर्म धर्ममिति या मन्यते तमसावृता ॥

सर्वार्थान्विपरीतांश्च बुद्धिः सा पार्थ तामसी ॥ ३२ ॥

अ आणि राजा जिया वाटा जाए । तें चोरांसि अडवतावो होये ।
 कां राक्षसांसि दिवो पाहे । राति होउनि ॥ २१ ॥
 नाना निधान चि निदवां । होये कोलसेयाचा उडवा ।
 पै असतां आपणपें जीवा । नाहिं जालें ॥ २२ ॥
 तैसें धर्मजात जेतुकें । जिये बुद्धीसि पातकें ।
 साच तें लटकें । ऐसें बुझे ॥ २३ ॥
 हे आघवे चि अर्थ । ते करुनि घाली अनर्थ ।
 गुणातें व्यवस्थित । दोष मानी ॥ २४ ॥
 किंवहुना श्रुतिजातें । प्रतिष्ठौनि केलें सरतें ।
 तेतुलें हिं उपरतें । जाणे जे बुद्धी ॥ २५ ॥
 ते कोणहातें हिं न पुसतां । तामसी जाणावी पांडुसुता ।
 रात्रि काइ धर्मार्थी । साच करावी ॥ २६ ॥ तरि
 एवं बुद्धीचे भेद । तीन्ही तुज विशद ।
 सांगितले स्वयंबोध । कुमुदचंद्रा ॥ २७ ॥

धृत्या यया धारयते मनःप्राणेंद्रियक्रियाः ॥

योगेनाव्यभिचारिण्या धृतिः सा पार्थ सात्त्विकी ॥ ३३ ॥

आतां इया चि बुद्धिवृत्ति । निष्ठंकिली कर्मजाती ।
 बोधु मांडिजे धृती । त्रिविधा जिया ॥ २८ ॥
 तियेचे ही विभाग । तीनि यथालिंग ।
 सांघिजती चांग । अवधान दे ॥ २९ ॥
 तरि उदैला दिनकर । चोरीसि थोंके अंधकार ।
 कां राजाज्ञा अव्यवहार । कुठवी जेवि ॥ ७३० ॥
 नाना पवनाचा साटु । उचललेयां नीटु ।
 आंगेंलिं बोभाटु । सांडिती मेघ ॥ ३१ ॥
 कां अगस्तिचेनि दर्शनें । सिंधु घेउनि ठांति मौन ।
 चंद्रोदइ कमलवर्ने । मीठी देती ॥ ३२ ॥
 हें असो पां उचलिला । मदमुखु न ठेवी चि खालां ।
 गाजौनि पुढां जाला । सिंहुं जरि ॥ ३३ ॥
 तैसा जो धीर । उठिलेयां अंतर ।
 मनादिकें व्यापार । सांडिति उर्गी ॥ ३४ ॥
 इंद्रियां विषयांची गांठि । आपैसेया गलति किरीटी ।
 मना मायेचां पोटी । रिगति दाही ॥ ३५ ॥
 अधऊर्ध्व गुढें काढी । प्राणु नवां पेंढी ।
 बांधौनि घाली उंडी । मध्यमे माझि ॥ ३६ ॥
 संकल्पविकल्पाचें लुगडें । सांडूनि मन उघडें ।
 बुद्धि ही मागिली कडे । उर्गे बैसे ॥ ३७ ॥
 ऐसें धैर्यराजें जेणें । मनप्राणकरणें ।
 स्वचेष्टा संभाषणें । सांडिवीजती ॥ ३८ ॥
 मग आघवीं चि सुंडी । ध्यानाचां आंतुलीं मढीं ।
 कोंडिजति निरवढी । योगाचिया ॥ ३९ ॥
 परि परमात्मेयां चक्रवर्ती । उगाणीति जवं हातीं ।
 तवं लांचु नेघतां धृती । धरिजति जिया ॥ ७४० ॥

ते गा धृति एथें । सात्विक हें निरुतें ।
 आइक अर्जुनातें । श्रीकांतु हाणे ॥ ४१ ॥
 आणि होउनियां शरीरी । स्वर्गसंसाराचां दोहीं घरीं ।
 नांदे जो पोटभरी । त्रिवर्गोपायें ॥ ४२ ॥

यया तु धर्मकामार्थान् धृत्या धारयतेऽर्जुन ॥
 प्रसंगेन फलाकांक्षी धृतिः सा पार्थ राजसी ॥ ३४ ॥
 तो मनोरथाचां सागरीं । धर्मार्थकामार्थें तारुं भरी ।
 जेणें धैर्यबलें करी । क्रियावणिज ॥ ४३ ॥
 जें कर्मभांडवला सुए । तेयाची चौगुणां येती पाहे ।
 एवढें सायासें हें साहे । जेया धृति ॥ ४४ ॥
 ते गा धृति राजस । पार्था एथ परियस ।
 आतां आइकें तामस । तिसरी जे ॥ ४५ ॥

यया स्वप्नं भयं शोकं विषादं मदमेव च ॥
 न विमुंचति दुर्मेधा धृतिः सा पार्थ तामसी ॥ ३५ ॥

तरि सर्व अधर्मे गुणें । जेयाचें कां रूपा एणें ।
 कोलिसा कालेपणें । घडिला जैसा ॥ ४६ ॥
 आहो प्राकृतु आणि हीनु । तेया ही किं गुणसत्वाचा मानु ।
 पारि न हाणिजे पुण्यजनु । राक्षसु काइ ॥ ४७ ॥
 कां ग्रहां माझि इंगलु । तेयातें हाणिजे मंगलु ।
 तैसा तमिं धसालु । गुणसंबंधु हा ॥ ४८ ॥
 तैसा सर्वदोषांचा वसैठा । तम चि कामौनि सूभटा ।
 उमारिला आंगवटा । जेया नराचा ॥ ४९ ॥
 तो आलसु सूनि असे काखे । हाणौनि निद्रे कहीं न मूके ।
 पापें पोसितां दुःखें । न संडिजे जेवि ॥ ५० ॥
 आणि देहाधनाचिया आवडी । सदा भयातें न संडी ।
 विसंभों न शके दोंदी । काठिन्य जैसें ॥ ५१ ॥

आणि पदार्थजाती स्नेहो । बांधे हणौनि तो शोका ठाऊ ।
 केला न पाप जाऊ । कृतघ्नू जैसा ॥ ५२ ॥ २२/मी
 आणि असंतोखु जीवेंसी । धरुनि ठेला अहर्निशी ।
 हणौनि मैत्र तेणेंसी । विशादे केलें ॥ ५३ ॥
 लसणातें न संडी गंधि । कां अपथ्यशीलातें व्याधि ।
 तैसी केली मरणा अवधी । विशादे तेया ॥ ५४ ॥
 आणि वयसा वित्तकामु । येयांचा वाढवी संभ्रमु ।
 हणौनि मदें आश्रमु । बंधला तेथ ॥ ५५ ॥ ना
 आगितें न संडी तापु । सलाते जातिचा सापु ।
 कां जगाचा वैरी वासिपु । अखंड जैसा ॥ ५६ ॥
 मातरि शरीरातें कालु । न विसंभे कवणही वेळु ।
 तैसा आधि अढळु । तामसिं मदु ॥ ५७ ॥
 एवं पांचै हे निद्रादिक । तामसाचां ठाईं दोष ।
 जिया धृती देख । धरिले असति ॥ ५८ ॥
 तिये धृती नावें । तामसी एथ हें जाणावें ।
 हणितले तेणें देवें । जगाचेनि ॥ ५९ ॥
 एवं त्रिविधा जो बुद्धी । कीजे कर्मनिश्चयो आदीं ।
 तो धृती इया सिद्धी । नेइजे एथ ॥ ७६० ॥
 सूर्ये मार्गु गोचरु होए । आणि तो चालति किर पाए ।
 परि चालणें तें आहे । धैर्यें जेवि ॥ ६१ ॥
 तैसी बुद्धि कर्मातें दावी । तें करणसामग्र निफजवी ।
 परि निफजावेया होआवी । धीरता जे ॥ ६२ ॥
 ते हे गा तुज प्रति । सांघितली त्रिविध धृति ।
 धेया कर्मत्रया निष्पत्ति । जालेयां मग ॥ ६३ ॥

सुखं त्विदानीं त्रिविधं शृणु मे भरतर्षभ ॥

अभ्यास्ताद्रमते यत्र दुःखांतं च निगच्छति ॥ ३६ ॥

येथ फल येक जें निफजे । सुख जेयातें हाणिजे ।
 तें हिं त्रिविध जाणिजे । कर्मवशें ॥ ६४ ॥
 तरि फलरूप तें सुख । त्रिगुणिं भेदलें देख ।
 विवंचूं आतां चोख । चोखीं बोलीं ॥ ६५ ॥
 चोखी ते कैसी सांघें । पै घेऊं जांतां बोलबगे ।
 कानिचिये ही लागे । हातिचा मळ ॥ ६६ ॥
 हाणौनि जेयाचेनि अवेहरे । अवधान होये बाहिरें ।
 तें आइक हो अंतरें । जिवाचेनि जीवें ॥ ६७ ॥
 ऐसें हाणौनि देऊं । त्रिविधा सुखाचा प्रस्ताऊं ।
 मांडिला तो निर्वाहो । निरोपित असे ॥ ६८ ॥
 हाणें सुखत्रया संज्ञा । सांघों हाणौनि प्रतिज्ञा । हाणौनि
 बोलिजे तें प्राज्ञा । आइक आतां ॥ ६९ ॥
 तरि सुख तें गा किरीटी । दाविजैल तुज दीठी ।
 जेणे आत्मेनसीं भेटि । जीवासि होए ॥ ७० ॥
 परि मात्रेचेनि मापें । दिव्योषध जैसें घेपे ।
 कां कथिलाचें कीजे रूपें । रसभावनीं ॥ ७१ ॥
 माना लवणाचे जळ । होआवेया दोनि च्यारि वेल ।
 देउनि सांडिजति ढाल । तोयाचे चि जेवि ॥ ७२ ॥
 तेवि जालेनि सुखलेशें । जीउ भाविळेयां अम्यासें ।
 जीवपणाचें नाशे । दुःख जेथ ॥ ७३ ॥
 तें येथ आत्मसुख । जालें असे त्रिगुणात्मक ।
 तें हिं सांघों येकैक । रूप आतां ॥ ७४ ॥

यत्तदग्रे विषमिव परिणामे मृतोपमम् ॥

तत्सुखं सात्त्विकं प्रोक्तमात्मबुद्धिप्रसादजम् ॥ ३७ ॥

तरि चंदनाचें बुड । सर्पिं जैसें दुवाड ।

कां निधानाचें तोंड । विवंचीतें ही ॥ ७५ ॥

आगा स्वर्गिचें गोमटे । अडव यागसंकटे ।
 कां बापपण दासटें । त्रासकालें ॥ ७६ ॥
 हे असो दीपाचिये सिद्धी । अवघड धूं आर्घि ।
 नातारि तो वोषधी । जीमेचा ठाऊ ॥ ७७ ॥
 तिया परीं पांडवा । जेया सुखाचा रिगावां ।
 विषमु तेया मेलवा । यमदमाचा ॥ ७८ ॥
 देत सर्वस्नेहा मीठी । आंगीं ऐसें वैराग्य उठी ।
 स्वर्गसंसारकांटी । काढित चि ॥ ७९ ॥
 विवेकश्रवणें खरपुसें । जेथ व्रताचरणें कर्कसें ।
 करितां जांति भोकसे । बुद्ध्यादिकांचे ॥ ८० ॥
 सुषुम्नेचेनि तोंडें । गील्लिजे प्राणापानाचे लोंढे ।
 बोहणीए चि एवढें । भारी जेथ ॥ ८१ ॥
 तें सारसां हिं विघडतां । वोहांहूनि वत्स काढितां ।
 नव्हे भणग दवडितां । भाणेया वरौनि ॥ ८२ ॥
 पै गा माये पुढौनि बालक । कालें नेतां जें एक ।
 होये कां उदक । तूटतां मीनां ॥ ८३ ॥
 तैसें विषयांचें घर । इंद्रियां सांडितां थोर ।
 युगांत होये तें वीर । वीतराग साहांति ॥ ८४ ॥
 ऐसा जेया सुखिचा आरंभु । दावी काठिण्याचा क्षोभु ।
 मग क्षीराब्धिलामु । अमृताचा जैसा ॥ ८५ ॥
 पहिलेया वैराग्यगरला । धैर्यशंभु वोडविला गला ।
 तरि ज्ञानांमृते सोहला । पाहे जेथ ॥ ८६ ॥
 पै कोळिता ही हूनु बहुवसें । द्राक्षाचें हिरवेपण असे ।
 तें परिपाकीं कां जैसें । माधुर्य होए ॥ ८७ ॥
 तें वैराग्यादिक तैसें । पीकलें आत्मप्रकाशें ।
 मग वैराग्येसीं हीं नासे । अविद्याजात ॥ ८८ ॥

तेधवां सागरीं गंगा जैसी । आत्मा मीनलेयां बुद्धि तैसी ।
 अद्वयआनंदाची आपैसी । खाणि उघडे ॥ ८९ ॥
 ऐसें स्वानुभवविश्रामें । वैराग्यमूल जें परिणामे । १४
 तें सात्विक एणें नावें । बोलिजे सुख ॥ ७९० ॥

विषयेंद्रियसंयोगाद्यत्तदग्रेऽमृतोपमम् ॥

परिणामे विषमिव तत्सुखं राजसं स्मृतं ॥ ३८ ॥

आणि विषयइंद्रियां । मेलु होंतां धनंजया ।

तें सुख जाये थडिया । सांडौनि दोन्हीं ॥ ९१ ॥

अधिकारिया रिगतां गावों । जाला जैसा उत्सावो ।

कां रिणावरि विवाहो । विस्तारिला ॥ ९२ ॥

नाना रोगीं जीभे पासिं । केलें गोडें होंति साखोरीं ।

कां वत्सनागा जैसी । महुललै ते ॥ ९३ ॥ मरुता परिते

पहिले संवचोरां मैत्र । भेटिहाटिचें कलत्र । हाट भेरीजे

कां लाघविचे विचित्र । विनोद ते ॥ ९४ ॥

तैसें विषयेंद्रियदोखीं । जें सुख जीवातें पोखी ।

मग उपटला खडकीं । राजहंसु जैसा ॥ ९५ ॥

तैसी जोडि आघवी आटे । जीविताचा ठाऊ घाटे ।

सुकृताचेया ही सुटे । धनाची गांठि ॥ ९६ ॥

आणि भोगिलें जें काहिं । स्वप्न जैसें होये नाहिं ।

मग हाणिचां चि घाई । लोलावें उरे ॥ ९७ ॥ ना

ऐसें पाहांति जें सुख । इहिकिं परिणामे देख ।

परत्रीं किर विष । होउनि परते ॥ ९८ ॥

जें इंद्रियजाता लला । दीधलेयां धर्माचा मला ।

जाल्लनि भोगिजे सोहला । विषयांचा जेथ ॥ ९९ ॥

तेथ पातकें मांघति थाऊ । तियें नरकीं देंति ठाऊ ।

जेणें सुखें अपाऊ । परत्रीं ऐसा ॥ ८०० ॥

पैं नावें विष मद्धरें । परि मारुनि अँतिखरें । १
 तैसैं आदि जें गोडिरें । अंतीं कइ ॥ १ ॥
 पार्था तें सुख साचें । बलिलें आहे रजाचें ।
 ह्यणौनि न सीव तेयाचें । आंग कहीं ॥ २ ॥

यदग्रे चानुबन्धे च सुखं मोहनमात्मनः ॥

निद्रालस्यप्रमदोत्थं तत्तामसमुदाहृतं ॥ ३९ ॥

आणि अपेयाचेनि पानें । अखाद्याचेनि भोजनें ।
 स्वैरस्त्रीसंनिधानें । होये जें सुख ॥ ३ ॥
 कां पुढिलाचेनि मारें । नातरि पशुप्रहारें ।
 जें सुख अवतरे । भांडाचां बोलीं ॥ ४ ॥
 जें आलस वारि पोखिजे । निद्रे माझि देखिजे ।
 जेयाचां आदीं अंतीं भूलिजे । आपुली वाट ॥ ५ ॥
 तें गा सुख पार्था । तामस जाण सर्वथा ।
 हें न संगों चि जें कथा । असंभाव्य हे ॥ ६ ॥

न तदस्ति पृथिव्यां वा दिवि देवेषु वा पुनः ॥

सत्त्वं प्रकृतिजैर्मुक्तं यदेभिः स्यात्त्रिभिर्गुणैः ॥ ४० ॥

ऐसें कर्मभेदें मुदलें । फलसुख ही त्रिधा जालें ।
 तें हें एथ मियां केलें । गोचर तुज ॥ ७ ॥
 तें कर्ता कर्म फल । हे त्रिकुटी एकी केवल ।
 बांचूनि कहीं चि असे स्थूल । सूक्ष्मादि ॥ ८ ॥ सूक्ष्म इये
 आणि हे तव त्रिकुटी । तिहिं गुणिं किरीटी ।
 गुंथिली आहे पटीं । तांथुवीं जैसी ॥ ९ ॥
 ह्यणौनि प्रकृतिचां लोकीं । न बंधिजे सत्वादिकीं ।
 तैसी स्वर्गीं नां मृत्युलोकीं । आथि वस्तु ॥ ८१० ॥
 कैचा लोंबे विण कांबला । मातिये विण मोदला ।
 कां जलें विण कळोलां । होणें आहे ॥ ११ ॥

मोडुने ५५५५५ तैसैं नोहोनि गुणागुणाचे । सिष्टिचां रचलां रचे ।
 ऐसैं नाहिं गा साचें । प्राणिजातां ॥ १२ ॥
 या लागि हें सकल । तिहिं गुणाचें केवल ।
 घडिलें आहे निखल । ऐसैं जाण ॥ १३ ॥

ब्राह्मणक्षत्रियविशां शूद्राणां च परंतप ॥

कर्माणि प्रविभक्तानि स्वभावप्रभवैर्गुणैः ॥ ४१ ॥

गुणीं देवत्रईं मेलविली । लोकिं त्रिकुटी पाडिली ।
 चतुर्वर्णां घातली । सिनानिं उल्लिगे ॥ १४ ॥ ६
 ते चि च्यान्ही वर्ण । जरि पूससी कोण ।
 तारि ब्राह्मण । मुख्य जे कां ॥ १५ ॥
 एर क्षत्री वैश्य दोन्ही । ते ही ब्राह्मणाचां चि मानीं । मानीं
 जें ते वैदिके विधानीं । योग्य क्षणौनि ॥ १६ ॥
 चौथा शूद्र जो धनंजया । वेदीं लागु किर नाहीं तेया ।
 तन्हीं वृत्ति वर्णत्रया । आधीन तेयाची ॥ १७ ॥
 तिये वृत्तिचिया जवळिका । वर्णा ब्राह्मणादिकां ।
 आहो शूद्र ही देखां । चौथा जाला ॥ १८ ॥
 जैसा फुलाचेनि सांघातें । तांथू तुरंबिजे श्रीमंतें ।
 तैसैं द्विजसंगें शूद्रातें । स्वीकारीति श्रुती ॥ १९ ॥
 ऐसीसी गा पार्था । चतुर्वर्णव्यवस्था ।
 करूं आतां कर्मपंथा । ययाचेया रूप ॥ ८२० ॥
 जे हीं ते वर्ण च्यान्ही । ये जन्ममृत्युची कातरी ।
 तूकौनियां ईश्वरी । पैठे होति ॥ २१ ॥
 ६, जिये आत्मप्रवृत्तिचां इहीं । गुणिं सत्वादिकीं तिहीं ।
 कर्म चौघां चौ ठांड । वाटिलीं वर्णां ॥ २२ ॥
 जैसैं बापें जोडिलें लेंका । वांटे सूर्य मार्ग पथिकां ।
 नाना व्यापार सेवकां । स्वामि जैसा ॥ २३ ॥

तैसें प्रकृतिचां गुणीं । जेया कर्माची वेव्हाणी ।
 केली आहे वर्णीं । चौ हीं इहीं ॥ २४ ॥
 ते सत्वे आपुलां आंगीं । समुनिनिमुनि भागीं । साधनीं भेजनीं ।
 दोघे केले नियोगी । ब्राह्मणक्षत्री ॥ २५ ॥
 आणि रज परि सात्विक । तेया ठेविले वैश्य लोक । तरे
 रज चि तमें भेसक । तेथ शूद्रु जाला ॥ २६ ॥
 ऐसा एका चि प्राणिवृंदा । भेदु वर्णा चतुर्धा ।
 गुणीं चि इहीं प्रबुधा । केला जाण ॥ २७ ॥
 मग आपुलें ठेविलें जैसें । आइतें चि दीपें दीसे ।
 गुणभिन्न कर्म तैसें । शास्त्र दावी ॥ २८ ॥
 ते चि आतां कोण कोण । वर्णविहिताचें लक्षण ।
 हें सांगों आइक श्रवण । सौभाग्यनिधी ॥ २९ ॥

शमो दमस्तपः शौचं क्षांतिरार्जवमेव च ॥

ज्ञानं विज्ञानमास्तित्वं ब्रह्मकर्म स्वभावजम् ॥ ४२ ॥

तरि सर्व इंद्रियांची वृत्ति । घेउनि आपुलां हातीं ।
 बुद्धि आत्मेयां मिले एकांति । प्रिया जैसी ॥ ८३० ॥
 ऐसा बुद्धिचा उपरमु । तेया नावं ह्यणिपे शमु ।
 तो गुणु गा उपक्रमु । जेया कर्माचा ॥ ३१ ॥
 आणि बाह्यइंद्रियांचें धाडें । पीटुनि विधिचेनि दंडें ।
 नेंदिजे अधर्मा कडे । कहीं चि जाउं ॥ ३२ ॥
 तो पै गा शमा विरजा । दमगुणु जेथ दूजा ।
 आणी स्वधर्माचिया वोजा । जीणें जें कां ॥ ३३ ॥ जाणे
 तेवि चि सटिवियेचिये राती । न विसंभिजे जेवि वाती ।
 तैसा ईश्वरनिर्णयो चित्ती । वाहाणे जें गा ॥ ३४ ॥ सदा
 जेया नावं तप । हें तीजेया गुणाचे रूप ।
 आणि शौच ही निष्पाप । द्विविध जेथ ॥ ३५ ॥

मन भावशुद्धी भरलें । आंग क्रिया आलंकरलें ।
 ऐसें सबाह्य जियालें । साजिरें जें कां ॥ ३६ ॥
 तेया नात्रं शौच पार्था । तो कर्मि गुणु चौथा ।
 आणि पृथ्वीचेया परी सर्वथा । सर्व जें साहाणें ॥ ३७ ॥
 ते गा क्षमा पांडवा । गुणु जेथ पांचवां ।
 स्वरां माक्षि सोहावा । पंचमु जैसा ॥ ३८ ॥
 आणि वांकुडेनि वोघेंसि । गंगा हे उजू चि जैसी ।
 कां पुटीं बललां उंसीं । गोडी जेवि ॥ ३९ ॥
 तैसा विषमा हिं जीत्रां । लागि उजुकारु होआवा ।
 तें आर्जव गा सावां । तेथिचा गुणु ॥ ८४० ॥
 आणि पाणियें प्रयत्नें माली । अखंड जचे झाडां मुलीं ।
 परि तें आववें चि फलीं । जाणे जेवि ॥ ४१ ॥
 तैसें शास्त्राधारे तें । ईश्वरु चि एकु पावणें ।
 हें फुडें जें कां जाणणें । तें एथ ज्ञान ॥ ४२ ॥
 ते गा कर्मि जिये । सातवां गुणु होये ।
 आणि विज्ञान हें पाहे । एवरूप ॥ ४३ ॥
 तारि सत्वशुद्धिचिये वेळे । शास्त्रें कां ध्यानबलें ।
 ईश्वरतत्त्वीं चि मिले । निष्ठंकबुद्धी ॥ ४४ ॥
 हें विज्ञान बरवें । तें गुणें जें आठवें ।
 आणि आस्तिक्य जाणावें । नववा गुणु ॥ ४५ ॥
 पै राजमुद्रा आथिलेया । प्रजा भजे भलेतेया ।
 तेवि शास्त्रें स्वीकारिलेयां । मार्गमात्रातें ॥ ४६ ॥
 आदरें कां वर्तणें । तें आस्तिकत्व मी ह्मणें ।
 तो नववा गुणु जेणें । कर्म साच ॥ ४७ ॥
 एवं नवै शमादिक । गुण जेथ निर्दोख ।
 तें कर्म जाण स्वाभाविक । ब्राह्मणाचें ॥ ४८ ॥

तो नवगुणरत्नाकर । यथा नवां रत्नांचा हार ।
 न फेडित ले दिनकर । प्रकाशु जैसा ॥ ४९ ॥
 नाना चांपाचां पौलीं पूजिला । चंद्रु चंद्रिका धवलिला ।
 कां चंदनु निजें चर्चिला । सौरभ्यें जेवि ॥ ८५० ॥
 तेवि नव गुण टिकलग । लेणें ब्राह्मणाचें हें अव्यंग ।
 कहीं चि न संडी आंग । ब्राह्मणाचें ॥ ५१ ॥

शौर्य तेजो धृतिर्दाक्ष्यं गुह्ये चाप्यपलायनं ॥

दानमीश्वरभावश्च क्षात्रं कर्म स्वभावजं ॥ ४३ ॥

आतां उचित जें क्षत्रियां । तें हिं कर्म धनंजया ।
 सांघों आइक प्रज्ञेचिया । भरोवरी ॥ ५२ ॥
 तरि हा भानु तेजें । नापेक्षी जेवि विरजें ।
 कां सिंहें न पाहिजे । जावलिया ॥ ५३ ॥
 ऐसा स्वयंभु जो जीव लाटु । सावायें विण उद्धटु ।
 तो शौर्य गा श्रेष्ठ । पहिला गुण ॥ ५४ ॥
 आणि सूर्याचेनि प्रतापें । कोडि हीं नक्षत्रें हारपे ।
 ना तो तन्हीं न लोपे । सचंद्रीं तिहीं ॥ ५५ ॥
 तैसा आपुलेनि प्रौढ गुणें । जगासि विस्मयो देणें ।
 आपण तरि न क्षोभणें । काइसेनि हीं ॥ ५६ ॥
 तें प्रागल्भ्य रूप तेजा । जिये कर्म गुण दूजा ।
 आणि धीरु तो तीजा । तेथिचा गुण ॥ ५७ ॥
 वरिपडिलेयां आकाश । बुद्धिचे डोले मानस ।
 झांकी ना तें साहस । धैर्य जेथ ॥ ५८ ॥ चरित
 आणि पाणी होये भलेंतेतुकें । पारि तें जीणौनि पक्क फांके ।
 कां आकाश ऊंचिया जीके । आवडेत्या ॥ ५९ ॥
 तेवि विविधा अवस्था । पातलिया जीणौनि पार्था । जा
 प्रज्ञाफलतेया अर्धा । वेद देणें जें ॥ ८६० ॥ जे

तें दक्षत्व गा चोख । जेथ चौथा गुण देख ।
 आणि जूझ अलौकीक । पांचवां गुण ॥ ६१ ॥
 आदित्याचिं झाडें । ठाकति रविबिंबा कडे । मंदर सन्मुख मूर्धाकडे
 तेवि समोर शत्रूं पुढें । होणें जें कां ॥ ६२ ॥
 माहेवणी प्रयत्नेसिं । चुकविजे सेजे जैसी ।
 रिपू पाठि नेंदिजे तैसी । रणांगणीं ॥ ६३ ॥
 हा क्षत्रियांचां आचारीं । पांचवां गुणेंद्रु अवधारीं ।
 चौं हीं पुरुषार्था शिरीं । भगति जैसी ॥ ६४ ॥
 आणि जालेनि फुलें फलें । शाखिये जैसे मोकळे ।
 कां उदार परिमलें । पद्मकर ॥ ६५ ॥
 नाना आवडिचेनि मापें । चांदिणें भलेतेणें घेपे ।
 पुढिलाचेनि संकल्पें । तैसें जें देणें ॥ ६६ ॥
 तें उमप गा दान । जेथ सावें गुणरत्न ।
 आणि आज्ञे एकायतन । होये जेणें कां ॥ ६७ ॥
 पोखुनि अवेव आपुले । करविजति मानविलें ।
 तेवि पालणें लोमविलें । जग जें भोगी ॥ ६८ ॥
 तेया नावं ईश्वरभावो । जो सर्व सामग्रियेचा ठावो ।
 तो गुणा माझि राउ ॥ सातवां जेथ ॥ ६९ ॥
 ऐसे जे शौर्यादिकीं । इहिं सातवां गुणिं विशेधिं ।
 अलंकृत सप्तरुषीं । आकाश जैसें ॥ ८७० ॥
 तैसें सप्तगुणिं विचित्र । कर्म जें जर्गी पवित्र ।
 तें साहाजें जाण क्षात्र । क्षत्रियांचें ॥ ७१ ॥
 नाना क्षत्री नव्हे नर । तो सत्वसोनेयांचा चि मेरु ।
 ह्यगौनि गुणस्वर्गा आधार । सातां इयां ॥ ७२ ॥
 नाना सप्तगुणार्णविं । परिवारली बरवी ।
 हे क्रिया नव्हे पृथिवी । भोगीतसे तो ॥ ७३ ॥

कां गुणां सातें वोर्षी । हे क्रिया ते गंगा जर्गी ।
 तेया महोदधीचां आंगी । विलसत जैसी ॥ ७४ ॥
 हे परी बडुवस देख । शौर्यादिगुणात्मक ।
 कर्म गा नैसर्गिक । क्षत्रियजातीसि ॥ ७५ ॥

कृषिगोरक्ष्यवाणिज्यं वैश्यकर्म स्वभावजं ॥

परिचर्यात्मकं कर्म शूद्रस्यापि स्वभावजं ॥ ७४ ॥

आतां वैश्याचिये जाती । उचित जें महामती ।
 तें आइक निरुती । क्रिया सांघों ॥ ७६ ॥
 तरि भूमि बीज नांगर । या भांडवलाचा आधार ।
 घेउनि लाभु अपार । मेलवणें जें ॥ ७७ ॥
 किंबहुना कृषि जीणें । गोधनें राखौनि वर्तणें ।
 कां सवंगाची वीकर्णें । महर्गि वस्तु ॥ ७८ ॥
 आणि वैश्यक्षत्रियब्राह्मण । हे द्विजन्मे तीन्ही वर्ण ।
 यांचें जें सुश्रूषण । तें शूद्रकर्म ॥ ७९ ॥
 पै द्विजसेवे परौतें । धावणें नाहिं शूद्रातें ।
 एवं चतुर्वर्णांचि उचितें । दाविलें कर्म ॥ ८० ॥

स्वे स्वे कर्मण्यभिरतः संसिद्धिं लभते नरः ॥

स्वकर्मानिरतः सिद्धिं यथा विंदति तच्छुणु ॥ ४५ ॥

आतां ये चि गा विचक्षणा । वेगललेया वर्णा ।
 उचित जैसैं करणां । शहादिक ॥ ८१ ॥
 नातरि जलदच्युता । पाणियां उचित सरिता ।
 सरितेसि पांडुसुता । सिंधु उचितु ॥ ८२ ॥
 तैसैं वर्णाश्रमवर्णें । जें करणें आलें असे ।
 गोरेया आंगा जैसैं । गोरेपण ॥ ८३ ॥
 तेया स्वभावविहिता कर्मा । शास्त्राचेनि मुखें वीरोत्तमां ।
 प्रवर्त्तावेया लागि भेमा । अढळ कीजे ॥ ८४ ॥

पै आपुलें चि रत्न थीतें । घेपे. पारखियाचेनि हातें ।
 तैसें स्वकर्म आपैतें । शाखें करावें ॥ ८५ ॥
 जैसी दीठि असे आपुलां ठाई । परि दीपें विण भोगु नाहिं ।
 मार्गु न व्हांतां काहिं पाई । असतां होए ॥ ८६ ॥
 ह्मणौनि जातिवशें साचारु । सहजु असे जो अधिकारु ।
 तो आपुलां शास्त्रि गोचरु । आपणपेयां कीजे ॥ ८७ ॥
 मग घरिचा चि ठेवा । आणि डोलां दावी दीवा ।
 तारि काइ घेंतां पांडवा । आलसु असे ॥ ८८ ॥
 तैसें स्वभावें भागा आलें । वरि शास्त्रें खरें केलें ।
 तें विहित जो आपुलें । आचरे गा ॥ ८९ ॥
 परि आलसु सांडौनि । फलकामु दवडौनि ।
 आंगें जीवें मोडौनि । तेथ चि भरु ॥ ९० ॥
 बोधीं पडिलेयां पाणीं । नेगें आनानीं वाहाणीं ।
 तैसा जिये आचरणीं । व्यवस्थौनि ॥ ९१ ॥
 अर्जुना जें इया परीं । तें विहित कर्म करी ।
 तो मोक्षाचां ऐली द्वारीं । पैठा होए ॥ ९२ ॥
 जें अकरणां आणि निषिद्धा । न वचे चि काहीं संबंदा ।
 ह्मणौनि भावा विरुद्धा । मूकला तो ॥ ९३ ॥
 आणि काम्यकर्मा कडे । न परते चि तेकडे ।
 तेथ चंदनाचे खोडे । न ले चि तो ॥ ९४ ॥
 येर नित्य कर्म तवं । फळ्यागें वेचलें सर्व ।
 ह्मणौनि मोक्षाची सीव । टाकूं लाहे ॥ ९५ ॥
 ऐसेनि शुभाशुभी संसारीं । सांडिल तो अववारीं ।
 वैराग्यमोक्षद्वारीं । उभा ठाके ॥ ९६ ॥
 जे सकलभाग्याची सीमां । मोक्षलाभाची प्रमां । प्रभा
 नाना कर्ममार्गश्रमा । सेवटु जेथ ॥ ९७ ॥

मोक्षफलें दीधली बोल । जें सुकृततरूचें फूल ।
 तिये वैरागीं ठेवी पाउल । भवरु जैसा ॥ ९८ ॥
 पै आत्मज्ञानसुदिनांचा । वाधावा सांघेतिया अरुणाचा ।
 उदो तेया वैराग्याचा । ठावो पावे ॥ ९९ ॥
 किंबहुना आत्मज्ञान । जेणें हाता ए निधान ।
 तें वैराग्य दिव्यांजन । जीवें ले तो ॥ १०० ॥
 ऐसी मोक्षाची योग्यता । सिद्धी जाये पांडुमुता ।
 अनुसरौनि विहिता । कर्मा येया ॥ १ ॥

१३०८* विहित कर्म पांडवा । आपुला अनन्यु बोलवावा । स्वा
 आणि हे चि प्रेमसेवा । सर्वात्मकाची ॥ २ ॥
 पै आघवां चि भोगेंसि । पतिव्रता क्रीडे प्रियेंसि ।
 किं तेया चि नावं जैसीं । तपें तिया केळीं ॥ ३ ॥
 कां बालका एकि माए । वांचौनि जीणें काइ आहे ।
 ह्मणौनि सेवा कीं तो होए । पाटाचा धर्मु ॥ ४ ॥
 नाना पाणी ह्मणौनि मासा । गंगा न संडीतु जैसा ।
 सर्वतीर्थसेवासा । वरिपडा जाला ॥ ५ ॥
 तैसा आपुलिया विहिता । उपा३० असे न विसंबता ।
 ऐसा कीजे किं जगन्नाथा । आभार पडे ॥ ६ ॥
 आगा जेया जें विहित । तें ईश्वराचें मनोगत ।
 ह्मणौनि केळ्या निश्चांत । परितोखु पावे ॥ ७ ॥
 पै जीवाचां कसीं उतरली । ते दासि किं गोसांविणि जाली ।
 तैसी सेवेची तेषां माउली । विहित जेवि ॥ ८ ॥
 तैसैं ते स्वामिचेया मनोभावा । न चूकिजे हे चि सेवा ।
 ऐरिं ते पांडवा । वणिज करणें ॥ ९ ॥

यतः प्रवृत्तिर्भूतानां येन सर्वमिदं ततं ॥

स्त्रकर्मणा तमभ्यर्च्य सिद्धिं विंदति मानवः ॥ ४६ ॥

ह्यणौनि विहितक्रिया केली । नव्हे तेयाची खूण पालिली ।
 जेया पासौनि कां आलीं । आकार भूतें ॥ ९१० ॥
 जो अविद्येचिया चिधिया । गुंडाळनि जीव बाडलिया ।
 खेलवीतसे गुणियां । अहंकाररज्जु ॥ ९११ ॥
 जेणें जग हें समस्त । आंतु बाहिरि भरित । पूर्ण
 जालें आहे दीपचात । तेजें जैसें ॥ ९१२ ॥
 तेया सर्वात्मका ईश्वरा । स्वकर्मकुसुमाची वीरा ।
 पूजा केली होये अपारा । तोखा लागि ॥ ९१३ ॥
 ह्यणौनि तिये पूजे । रिशलेनि आत्मराजें ।
 वैराग्यसिद्धि दीजे । पसाया तेया ॥ ९१४ ॥
 जें वैराग्यदशे । ईश्वराचेनि वेधवसें ।
 हें सर्व ही नावडे जैसें । वांत होणें ॥ ९१५ ॥
 प्राणनाथाचिये आधी । विरहिणीतें जीणें बाधी । जिवि
 बांधी तैसें सुखजात त्रिशुद्धी । दुःखा चि लागि ॥ ९१६ ॥
 सम्यग्ज्ञाना उदैजतां । वेधें चि तन्मयता ।
 उपजे ऐसी योग्यता । बोधाची लाहे ॥ ९१७ ॥
 ह्यणौनि मोक्षलाभा लागि । जो व्रतें वांहांतसे आंगीं ।
 तेणें स्वधर्मु चांगीं । अधिष्ठावा ॥ ९१८ ॥
 श्रेयान्स्वधर्मो विगुणः परधर्मात्स्वनिष्ठितात् ॥
 स्वभावानियतं कर्म कुर्वन्नाप्नोति किल्बिषं ॥ ४७ ॥
 आगा आपुला हा स्वधर्मु । आचरणें जन्हीं विषमु ।
 तन्हीं पाहावा तो परिणामु । फलैल जेणें ॥ ९१९ ॥
 जें सुखा लागि आपणपेयां । निंब चि आधि धनंजया ।
 तें कडुवटपण तेया । भोगिजे ना ॥ ९२० ॥
 फलणेयां ऐली कडे । केलि तें पाहांतां आशा मोडे ।
 ऐसें स्याजिलें तरि जोडे । तैसें कें गोमटें ॥ ९२१ ॥

तेवि स्वधर्मु सांकडु । देखौनि केला जरि कीडु ।
 तरि मोक्षसुरवाडु । अंतरला ॥ २२ ॥
 आणि आपुढी माए । कुब्ज जन्ही आहे ।
 तन्हीं जीणें जीजे तें नोहे । स्नेह कुन्हें कीं ॥ २३ ॥
 एरी जिया पराविया । रंभेहुनि बरविया ।
 तिया काइ कराविया । बालकें तेणें ॥ २४ ॥
 आगा पाणियांहुनि बौहें । तूपीं गुणु कीरु आहे ।
 पारि मीनां काइ होए । असणें तेथ ॥ २५ ॥
 पै आघवियां जगीं जें विष । तें कीडेयाचें पीयूष ।
 आणि जगा गूल देख । तेथ मगण तेया ॥ २६ ॥
 ह्मणौनि विहित जें जेया जीणें । फीटे संसाराचें धरणें ।
 क्रिया कठोर तन्हीं तेणें । तें चि करावें ॥ २७ ॥
 परि एरा पराचारा बरविया । ऐसें होईल टेंकलेयां ।
 पायांचें चालणें होया । केलें जैसें ॥ २८ ॥ जेभ
 यया लागि कर्म आपुलें । जें जातिस्वभावेंसि आलें ।
 तें करी तेणें जीतलें । कर्मबंधातें ॥ २९ ॥

सहजं कर्म कौंतेय सदोषमपि न त्यजेत् ॥

स्वार्चभा हि दोषेण धूमेनाग्निरिवावृताः ॥ ४८ ॥

आणि स्वधर्मु चि पालावा । परधर्मु तो मालावा ।
 हा नियमु हीं पांडवा । न कीजे चि पां ॥ ३० ॥
 तन्हीं आत्मा दृष्ट नोहे । तवं कर्म करणें कां ठाए ।
 आणि करणें तेथ आहे । आयासु आधीं ॥ ३१ ॥
 ह्मणौनि भलेतिये कर्मां । आयासु जरि उपक्रमां ।
 तरि काइ स्वधर्मी । दोषु साधें ॥ ३२ ॥
 अगा उजू वाटा चालावें । तन्हीं पाये चि सीणवावे ।
 ना आडरानें धावावें । तन्हीं तें चि ॥ ३३ ॥

पै शिला कां सिधौरिया । दाटणें एक धनंजया ।
 १) परि जें वाहांतां विसावेया । मिलैल तें वेपे ॥ ३४ ॥
 यन्हवि कणा भूसा । कांडितां हिं सोसु सरिसा ।
 जें चि रांधणें माणुसा । तें चि हवि ॥ ३५ ॥
 परि धर्मपत्नी कां धांगडि । पोसितां जरि एकि वोढि ।
 तरि कां अपखडि । आणावी आंगां ॥ ३६ ॥
 दधिजलाचेया गुसलणां । व्यापार सारिखा विचक्षणां ।
 बालुवे तिलां घाणा । गालणें एक ॥ ३७ ॥
 आगा पाठीं लागतां घाई । मरण न चुके चि पाहीं ।
 तरि समोरिलां काई । आगलें कीजे ॥ ३८ ॥
 कुलस्त्री दांडेयांचे घाए । निगाली हीं जरि साहे ।
 तरि स्वपतितें वार्ये । सीडिलें कीं ॥ ३९ ॥
 तैसें आवडतें हिं करणें । न निफजे सीणलेयां हिं उणें ।
 तरि विहित वा कोणें । बोलें भारी ॥ ९४० ॥
 वरि थोडें चि अमृत घेंतां । सर्वस्व वेचो कां पांडुसुता ।
 जेणें जोडे जीविता । अक्षयत्व ॥ ४१ ॥
 एर काह्या मोलें पुरुनु । विष पियावें घेउनु ।
 आत्महत्यासीं निमौनु । जाइजे जेणें ॥ ४२ ॥
 तौसिं जाचूनियां इंद्रियें । वेचौनियां आयुष्याचेनि दियें ।
 सांचिलीं पापियें आन आहे । दुःख वांचौनि ॥ ४३ ॥
 हाणौनि करावा चि स्वधर्म । जो करितां हीरौनि श्रमु ।
 उचित देईल परमु । पुरुषार्थराजु ॥ ४४ ॥
 या कारणें किरीटी । स्वधर्माची राहाटी ।
 न विसंभिजे संकटी । सिद्धमंत्रु जैसा ॥ ४५ ॥
 कां नावेसि जैसैं उदधी । महारोगीं दिव्योषधी ।
 न विसंभिजे तेया बुद्धी । स्वकर्म पथ ॥ ४६ ॥

असक्तबुद्धिः सर्वत्र जितात्मा विगतस्पृहः ।

नैष्कर्म्यसिद्धिं परमां संन्यासेनाधिगच्छति ॥ ४९ ॥

मग इया चि गा कपिध्वजा । स्वकर्माचिया महापूजा ।

तोखला ईशु तमरजां । झाडि करुनि ॥ ४७ ॥

सुधासत्त्वाचिया बाटा । आणि आपुली उत्कंठा ।

भवस्वर्गा कालकूटा । ऐसें दावी ॥ ४८ ॥

जियें वैराग्य एणें बोलें । मागां संसिद्धी रूप केलें ।

किंबहुना तें आपुलें । मेलवी खागें ॥ ४९ ॥

मग जीतलेयां हें भोए । पुरुषु सर्वत्र जैसा आहे ।

कां जाला ही जें लाहे । तें आतां सांघों ॥ ५० ॥

तर दाहीक हें संसारें । सर्वें मांडिलें जे गुंपिरें ।

तेथ नांतुडे वागुरे । वारा जैसा ॥ ५१ ॥

पै परिपाकाचिये वेले । फल देंटें ना देटु फलें ।

तैसें स्नेह खुलें । सर्वत्र होए ॥ ५२ ॥

पुत्रवित्तकलत्र । हें जालेयां हिं स्वतंत्र ।

माझें न हाणे पात्र । विष चि जैसें ॥ ५३ ॥

ऐसा हे विषयजातीं । बुद्धि पोलिली जैसी माधुती ।

पाउलें घेंति एकांतीं । हृदइं चि रिगे ॥ ५४ ॥

ऐसेया अंतष्करण । बाहियें येतां तेयाची आण ।

न मोडी समर्था भेण । दासि जैसी ॥ ५५ ॥

तैसी ऐक्याचिये मुठी । माशिवडें चित्त किरीटी ।

करुनि वेधी निहटी । आत्मेयाचां ॥ ५६ ॥

तेधवां दृष्टादृष्टपृहे । निमातें जालें चि आहे ।

आगि दडपिलेयां धूर्वे । न्हाइजे काइ ॥ ५७ ॥

हणौनि निर्मले मानासिं । स्पृहा नाशौनि जाये आपैसी ।

किंबहुना तो ऐसी । भूमिका पावे ॥ ५८ ॥

पै अन्यथाबोधु आववा । मावलौनि तेया पांडवा ।
 बोधमात्रीं चि जीवा । ठावो होए ॥ ५९ ॥
 धारवणी वेचें सरे । तैसें भोगें प्राचीन पुरे ।
 नवे तवं नुपकरे । काहिं चि करं ॥ ६० ॥
 तैसी कर्मसाम्यदशा । होये तेथ वीरेशा ।
 श्रीगुरु आपैसा । भेटे चि गा ॥ ६१ ॥
 रातिची चौपाहारी । वेचलेयां अवधारीं ।
 डोलेयां तमोरी । मिळे जैसा ॥ ६२ ॥
 कां एउनु फलाचा घड्डु । पारुखत्री केलिचा वाड्डु
 गुरु भेटौनि करी पाड्डु । मुमुक्षा तैसा ॥ ६३ ॥
 मग आलंगिला पूर्णिमां । उणीव सांडी चंद्रमा ।
 तैसें होये वीरोत्तमा । गुरुकृपा तेया ॥ ६४ ॥
 तेधवां अबोध मात्र असे । तें तवं तेया कृपा नासे ।
 तेथ रात्रीसर्वे जाये आपैसें । आंधारें जैसें ॥ ६५ ॥
 तैसें अबोधनासा सर्वे । नासे क्रियाजात आघवे ।
 ऐसा समूलु संभवे । संन्यासु हा ॥ ६६ ॥
 एणें समूलज्ञानसंन्यासें । दृश्याचा ठाऊ जेथ पूसे ।
 तेथ बुझावें तें आपैसें । तो चि आहे ॥ ६७ ॥
 चेडलेयां वरि पाहिं । स्वप्निचां तिये डोहीं ।
 आपणेयांतें काई । काढूं जाइजे ॥ ६८ ॥
 तें मीं नेगें आतां जाणैन । हें सरलें तेया स्वप्न ।
 जाला ज्ञातृज्ञेया विहीन । चिदाकाश जो ॥ ६९ ॥
 मुखाभासें आरिसा । परौता नेलेयां वीरेषा ।
 पांतेपणें विण जैसा । पांत ठाके ॥ ७० ॥
 तैसें नेणणें जें गेलें । तेणें जाणणें हीं नेलें ।
 मग निष्क्रिय उरलें । चिन्मात्र चि ॥ ७१ ॥

तेथ स्वभावें धनंजया । नाहिं कोणहीं चि क्रिया । स्वप्न
 ह्यणौनि प्रवादु तेया । निष्कर्म्य ऐसा ॥ ७२ ॥
 तें आपुलें आपणपें । असतू चि होउनि आरोपे ।
 तरंगु कां वायुलोपें । समुद्रु जैसा ॥ ७३ ॥
 तैसें न होणें निफजे । नैष्कर्म्यसिद्धि ह्यणिजे ।
 सर्वा हीं सिद्धी साहाजें । प्रेम हें चि ॥ ७४ ॥
 देउलिचिया कामा कलशु । परमु गंगे सिंधुप्रवेशु ।
 कां सुवर्णशुद्धी कसु । सोळांवां जैसा ॥ ७५ ॥
 तैसें आपुलें नेणणें । फेडिजे कां जाणणें ।
 तें हिं गीळनि जें असणें । ऐसी जे दशा ॥ ७६ ॥
 तिये परौतें काहिं । निफजणें एथ नाहिं ।
 ह्यणौनि ह्यणिपे पाहीं । परमसिद्धि ते ॥ ७७ ॥

सिद्धि प्राप्तो यथा ब्रह्म तथाप्नोति निबोध मे ॥
 समासेनैव कौंतेय निष्ठा ज्ञानस्य या परा ॥ ५० ॥

परि हे चि आत्मसिद्धि । जो कोणु भाग्यनिधि ।
 श्रीगुरुकृपालब्धी । कालि पावे ॥ ७८ ॥
 उदैजतां दिनकरु । प्रकाशु आते आंधारु ।
 कां दीपा संगें दीपाकारु । होये तंतु ॥ ७९ ॥
 ते लवणांची कणिका । मिलत खेळु उदका ।
 उदक चि होउनि देखां । ठाके जेथि ॥ ८० ॥
 कां निद्रितु चैवविलेयां । स्वप्नेसीं नींदे वायां ।
 जाउनि आपणपेयां । मिले जैसा ॥ ८१ ॥
 तैसिं जियां कोणहाचीं दैवें । गुरुवाक्यश्रवणां चि सर्वे ।
 द्वैत गीळनि विसंवे । आपणपेयां वृत्ति ॥ ८२ ॥
 तेयासि मग करणें । हें बोलिजेल चि कवणें ॥
 आकाशा एणें जाणें । होये काइ ॥ ८३ ॥

हणौनि तेयासि काहिं । त्रिशुद्धी करणें नाहि ।
 पारि ऐसैं हें जरि काहिं । नोहे जेया ॥ ८४ ॥
 कानावचनाचिये भेटी । सरिसा चि पैं किरिटी ।
 वस्तु होउनि उठी । कव्हणी एकु जो ॥ ८५ ॥
 यन्हविं स्वकर्माचिया वन्ही । काम्यनिषेधाचां इंधनीं ।
 रजतमें किर दोन्हीं । जालिळीं आधीं ॥ ८६ ॥
 पुत्र वित्त परलोकु । ययां तिहींचा अभिलाखु ।
 धरिं होये पाइकु । हें इं जालें ॥ ८७ ॥
 इंद्रियें सदा पदार्थी । रिगतां विटालळीं होंतीं ।
 तियें प्रत्याहारतीर्थी । नाहाणिळिं कीर ॥ ८८ ॥
 आणि स्वधर्माचें फल । ईश्वरीं अपौनि केवल ।
 घेउनि केलें अढल । वैराग्यपद ॥ ८९ ॥
 ऐसी आत्मसाक्षात्कारी । लाभे ज्ञानाची उजिरी ।
 ते सामग्री किर पुरी । मेलविली ॥ ९० ॥
 आणि तिये चि समई । सद्गुरु भेटले पाहीं ।
 तेविं चि तिहीं । राहिजे ना ॥ ९१ ॥
 पारि औषध घेंत खेउ । काइ लाभे आपुला थाउ ।
 किं उदैजतां चि दीउ । मध्यान होए ॥ ९२ ॥
 सुक्षेत्रिं आणि वोलटें । बिं पेरिलें गोमटें ।
 पारि अलोट फल भेटे । पारि वेळे पैं गा ॥ ९३ ॥
 जोडला मार्गु प्रांजळ । मीनला सुसंगाचा मेलु ।
 तारि पाविजे वांचौनि वेळु । लागे चि किं ॥ ९४ ॥
 तैसा वैराग्यलाभु जाला । वरि सद्गुरु भेटला ।
 जीवा अंकुरु फूटला । विवेकाचा ॥ ९५ ॥
 तेणें ब्रह्म एक आथि । एर आघवी चि भ्रांति ।
 हे हीं किर प्रतीति । गळी केली ॥ ९६ ॥

परि तें चि जें परब्रह्म । सर्वात्म सर्वोत्तम ॥
 मोक्षाचें हीं काम । सरे जेथ ॥ ९७ ॥
 इया तीन्हीं अवस्था पोटी । जिरविजें कां किरीटी ।
 तेया ज्ञानासि ही मीठी । दे जे वस्तु ॥ ९८ ॥
 ऐक्याचें ऐक्यपण सरे । जेथ अद्वयकणु हीं विरे ।
 काहिं चि नुरौनि उरे । जें कां हिं गा ॥ ९९ ॥
 तिये ब्रह्मां एकपणें । ब्रह्म चि होउनि असणें ।
 तें काम चि वारुनि तेणें । पाविजे पै ॥ १००० ॥
 भूकैलेया पासी । उगारिलें षडूसी ।
 तो तृप्ति प्रासी । लाहे जेवि ॥ १ ॥
 तैसा वैराग्याचा उल्लास । विचाराचा तो दिवा ।
 आंबुथितां आत्मठेवा । काढी चि तो ॥ २ ॥
 तारि भोगिजे आत्मरिद्धि । यवडी योग्यतेची सिद्धि ।
 जेया आंगिं निरवधी । लेणें जाली ॥ ३ ॥
 तो जेणें क्रमें ब्रह्म । होणें करी कां सुगम ।
 तेया क्रमाचें आतां वर्म । आइक सांघों ॥ ४ ॥

बुद्ध्या विशुद्धया युक्तो धृत्यात्मानं नियम्य च ।

शब्दादीन्विषयांस्त्यक्त्वा रागद्वेषौ व्युदस्य च ॥ ५१ ॥

तारि गुरु दाविलेया वाटा । एउनि विवेकतीर्थतटा ।

धूनियां मलकटा । बुद्धिचा तेणें ॥ ५ ॥

मग राहूनि उगलिली । प्रभा चंद्रें आलंगिली ।

तैसी शुद्धी ते जडली । आपणपां बुद्धि ॥ ६ ॥

सांडौनि कुलें दोन्हीं । क्रिया अनुसरे कामिनी ।

द्वंद्व्यागें स्वर्चितनीं । पडिली तैसी ॥ ७ ॥

आणि ज्ञान ऐसें जिह्वार । नेवों नेति निरंतर ।

इंद्रियि पीकिलें धोर । शब्दादिक जें ॥ ८ ॥

तें रश्मिजाल काढिलेयां । मृगजल जाये लया ।
 तैसें धृतिरोखें तेया । पांचां हिं केलें ॥ ९ ॥
 नेणतां अवमाचें अन्न । खादलेयां कीजे वमन ।
 तैसीं वोकविलीं सवासन । इंद्रियें विषयीं ॥ १०१० ॥
 मग प्रत्यक्प्रवृत्ति चोखटे । गंगेचेनि लाविलीं तटें ।
 चरितें ऐसी प्रायश्चित्तें धोवटें । केलीं एणें ॥ ११ ॥
 पाठिं सात्विकें धीरें तेणें । शोधारिलीं तियें करणें ।
 मनसिं योगधारणें । मेळविलीं ॥ १२ ॥
 तेविं चि प्राचीन इष्टानिष्ठें । भोगेंसिं येउनि भेटे ।
 तेथ देखिलेयां हिं चोखटें । द्वेषु न करी ॥ १३ ॥
 ना गोमटें चि विपायें । तें आणूनि पुढां सुवे ।
 तारि तेया लागि नोहे । साभिलाखु ॥ १४ ॥

चिचिक्सेची लब्धाशी यतवाक्कायमानसः ॥

ध्यानयोगपरो नित्यं बैराग्यं समुपाश्रितः ॥ ५२ ॥

इया परीं इष्टानिष्टीं । रागद्वेष किरीटी ।
 लज्जुनि गिरिकपाटीं । निकुंजीं वसे ॥ १५ ॥
 गजवज सांडिलिया । वसत्री वनस्थलिया ।
 आंगाचिया मांदिया । एकलिया ॥ १६ ॥
 शमदमादिकिं खेले । न बोलणनि चावले ।
 गुरुवाक्याचेनि मेळें । नेणे वेळु ॥ १७ ॥
 आणि आंगा बल यावें । नातारि क्षुधा जावें ।
 कां जीमेचे पुरवावे । मनोरथ ॥ १८ ॥
 भोजन करितां विषीं । यां तिहींतें हीं न लेखी ।
 आहारिं मीति संतोषीं । माप सुये ॥ १९ ॥
 आसनाचेनि पावकें । हुरपतां प्राणु पोखे ।
 येया चि लागि मोटकें । अशन करी ॥ १०२० ॥

आणि परपुरुषें कामिली । कुलवधू आंग न घली ।
 निद्रालस्य न मेकली । आसन तैसें ॥ २१ ॥
 दंडवताचेनि प्रसंगें । मुई हान आंग लागे ।
 वांचौनि एर नेवे । रामस्य जेथें ॥ २२ ॥
 देहनिर्वाहा पुरतें । राहाटवी हातपायांतें ।
 किंबहुना आपैतें । सबाह्य कोलें ॥ २३ ॥
 आणि मनाचा उंबरा । वृत्तीसि देखों नेदी वीरा ।
 तेथ कें वाग्व्यापारा । अवकाशु असे ॥ २४ ॥
 ऐसेन देहवाचामानस । हें जीणौनि बाह्य प्रदेश । जा
 आकोलिलें आकाश । ध्यानाचें तेणें ॥ २५ ॥
 गुरुवाक्यें उटिला । बोधाचा निश्चयो आपुला ।
 नेहालीं हातीं घेतला । आरिसा जैसा ॥ २६ ॥
 पै ध्याता आपणपें चि परी । ध्यानरूपें वृत्तीं माझारि ।
 ध्येयत्वे हे अवधारि । ध्यानरूढि गा ॥ २७ ॥
 तेथ ध्यानध्येयध्याता । यां तिहिं एकरूपता ।
 होये तब पांडुसुता । कीजे तें गा ॥ २८ ॥
 हाणौनि तो मुमुक्षु । आत्मज्ञानीं जाला दक्षु ॥
 परि पुढां सृनि पक्षु । योगाम्यासाचा ॥ २९ ॥
 अपानरंध्रद्वया । माझारि धनंजया ।
 पारणी पीडूनियां । काविरूमूला ॥ १०३० ॥ ॥
 आकुंचूनु अध । देउनि तीन्हीं बंध ।
 करूनि एकवद शुद्ध । वायुभेद ॥ ३१ ॥
 कुंडलिणी जागौनि । मध्यमां विकासौनि ।
 आधारादि भेदुनि । आज्ञा वेन्हीं ॥ ३२ ॥
 सहस्रदलाचा मेधु । पीयूषु वरिखौनि चांगु ।
 तो मूल वेन्हीं उधु । आणूनियां ॥ ३३ ॥

नाचतेया पुण्यगिरि । चिह्नैरवाचां खापरीं ।
 मनपवनाचां खीचु करी । वाढूनियां ॥ ३४ ॥
 जालेयां योगाचा गाढा । मेलावा सूनि हा पुढां ।
 ध्याना मागिली कडां । स्वयंभ केले ॥ ३५ ॥
 आणि ध्यानयोग दोन्ही । इयें आत्मतत्त्वज्ञानीं ।
 पैठिं होआवेया निर्विघ्नीं । आदीं चि तेणें ॥ ३६ ॥
 वीतराग तेया सारिखा । जोड्ढनि ठेविला सखा ।
 तो आघविया चि भूमिका । सर्वें चाले ॥ ३७ ॥
 पावें तें दीसे तवं वेन्हीं । दीठितें न संडी दीपु जारि ।
 तारि कें असे अवसरी । देखावेया ॥ ३८ ॥
 तैसें मोक्षीं प्रवर्तलेयां । वृत्ति ब्रह्मी जाये लया ।
 तवं वैराग्य आधि तेया । भंगु कैचा ॥ ३९ ॥
 ह्यगौनि सवैराग्यु । ज्ञानाम्यासु तो सभाग्यु ।
 करुनि जाला योग्यु । आत्मलाभा ॥ १०४० ॥
 ऐसी वैराग्याची आंगीं । बाणूनियां वज्रांगी ।
 राजयोगुतुरंगीं । आरूढला ॥ ४१ ॥
 वरिपडिलें दीठी । सानें थोर ही निवटी ।
 ते बली विवेकमूठी । ध्यानांचे खांडे ॥ ४२ ॥
 ऐसेनि संसाररणा आंतु । आंधरीं सूर्यु तैसा असे जांतु ।
 मोक्षविजयश्रिये वरैतु । होआवेया ॥ ४३ ॥

अहंकारं बलं दर्पं कामं क्रोधं परिग्रहं ॥

विमुच्य निर्ममः शान्तो ब्रह्मभूयाय कल्पते ॥ ५३ ॥

तेथ आडवैरें चि आले । दोषवैरी जे धोपूटिले ।
 तेयां माक्षि पहिलें । देहीं अहंकार ॥ ४४ ॥
 जो न मोकली मारुनि । जिवों नेंदी उपजैनि ।
 विचंबी खोडां घालुनि । हाडाचां इये ॥ ४५ ॥

तेयाचा देह हा थारा । मोहूनि घेतला वीरा ।
 आणि बल हा दुसरा । मारिला वैरी ॥ ४६ ॥
 जें विषयांचेनि नावें । चौगुणें हीं परि ठावें ।
 जीणें मृतावस्था घांवे । सर्वत्र जगा ॥ ४७ ॥
 तो विषयविषिचा थावो । आववेयां दोषांचा रावो ।
 ध्यानखड्गाचा घाओ । साहील कैचा ॥ ४८ ॥
 आणि प्रियप्राप्ती । करी जेया सुखाची व्यक्ती ।
 तेयाची घालूनि बूधि । आंगीं जो वाजे ॥ ४९ ॥
 जो सन्मार्ग भुलवी । मग अधर्माचां अडवी ।
 सूनि वाघां सांपडवी । नरकादिकां ॥ १०५० ॥
 तो विश्वासें मारितां रिपु । निवटूनि घातला दर्पु ।
 आणि जेयाचा आहा कंपु । तापसांसिं ॥ ५१ ॥
 क्रोधा ऐसा हा महादोखु । देख पां जेयाचा परिपाकु ।
 भरिजे तवं अधिकु । रिता होये जो ॥ ५२ ॥
 तो कामु कोणहीं चि ठाई । नसे ऐसें केलें पाहीं ।
 किं तें चि क्रोधा ही । साहाजें जालें ॥ ५३ ॥
 मूलाचें तोडणें जैसें । होये कां शाखा दोसें ।
 कामें नासिलेनि नासे । तैसा क्रोधु ॥ ५४ ॥
 हणौनि कामु वैरी । जाला जेथ ठाणौरी ।
 तेथ सरली वारी । क्रोधाची ही ॥ ५५ ॥
 समर्थु आपुला खोडा । सीसें वाहावी जैसा होडा ।
 तसा मुंजौनि गाढा । परिग्रहो ॥ ५६ ॥
 जो माथा चि पालाणवी । आंगा आवगु घालवी ।
 ममत्वाची घेववी । जिये दांडी ॥ ५७ ॥
 शिष्यशास्त्रादिविलामें । मठामुद्राचेनि भीसें ।
 घातले आहाति पांसें । निसंगां जेणें ॥ ५८ ॥

वारि कुटंबपणें सरे । तरि वनीं वनत्वे अवतरे ।
 नागिवेया ही शरीरें । लागला आहे ॥ ५९ ॥
 ऐसा दुर्जयो परिग्रहो । तेयाचा फेडूनि ठाऊ ।
 भवविजयाचा उत्साहो । भोगीतु असे तो ॥ १०६० ॥
 तेथ अमानित्वादि आघवे । ज्ञानगुणाचे जे मेलवे ।
 ते कैवल्यदेशिचे आघवे । राय जैसे आले ॥ ६१ ॥
 नव्हे सम्यग्ज्ञानाचिया । राणिवा उगाणूनि तेया ।
 परिवारु होउनियां । राहांति आपण ॥ ६२ ॥
 प्रवृत्तीचिये राजबीदी । अवस्थाभेदप्रमदीं ।
 कीजताये प्रतिपदीं । सुखाचें लोण ॥ ६३ ॥
 पुढां बोधाचिये कांबि वेव्हो । विवेकु दृश्याची मांदी सारी ।
 योगभूमि आरतीकरी । यंति जैसिया ॥ ६४ ॥
 तेथ रिद्धीसिद्धीचीं अनेकें । वृद्धें मिलतें प्रसंगें ।
 तिये पुष्पवर्षी आंगें । नाहांतसे तो ॥ ६५ ॥
 ऐसें ब्रह्मक्या सारिखें । स्वराज्य यंतां जवलिके ।
 क्षलंबित आहे हरिखें । तीन्ही लोक ॥ ६६ ॥
 तेधवां वैरी कां मैत्रिया । तेयासि माझे क्षणावेया ।
 सन्माना धनंजया । उरे चि ना ॥ ६७ ॥
 हें ना भलेतेणें व्याजें । जो जेयातें क्षणे माझे ।
 तें नोडवे चि मां दूजें । अद्वितीयु जाला ॥ ६८ ॥
 पै आपुलिया ऐकी सत्ता । सर्वें कवळनि पांडुसुता ।
 कहिं न लगती ममता । घाडिली तेणें ॥ ६९ ॥
 ऐसा जीतलेयां रिपुवर्गु । आपु मानलेयां हा जगु ।
 आपैसेया योगतुरंगु । थीरु जाला ॥ १०७० ॥
 वैराग्याचें गाढलें । आंगीं त्राण होतें उभलें ।
 तें हिं नावेक दिलें । केलें तेधवां ॥ ७१ ॥

आणि लोटी ध्यानाचें खाडें । तें दूजें नाहिं फुडें ।
 ह्मणौनि हातु आखुडे । वृत्तिचा ही ॥ ७२ ॥
 जैसैं रसोषध खरें । आपुल काज करुनि पुरें ।
 आपण हिं उतरे । तैसें होतें ॥ ७३ ॥
 देखौनि टाकिता ठावो । वांदितां थिरावे पाउं ।
 तैसा ब्रह्मसामीप्यें थांवो । अभ्यासु सांडी ॥ ७४ ॥
 वडतां महोदधीसीं । गंगा वेगें सांडिजे जैसी ।
 कां कामिनी कंथा पार्सी । मंथर होए ॥ ७५ ॥
 नाना फलतिए वेळे । केलिची वाढि मांडुळे ।
 कां गावां पुढें वाले । मार्गु जैसा ॥ ७६ ॥
 तैसा आत्मसाक्षात्कार । होइल देखो गोचर ।
 ऐसा साधनहातिथेर । खलु चि ठेवी ॥ ७७ ॥
 ह्मणौनि ब्रह्मसिं तेया । ऐक्याचा समयो धनंजया ।
 होतसे तैं उपाया । उल्लटु पडिला ॥ ७८ ॥
 मग वैराग्याची गोष्टुळक । जें ज्ञानअभ्यासाचें वार्द्धक ।
 योगफलाची ही परीपाक । दशा जे कां ॥ ७९ ॥
 ते शांति पें मा सुभगा । संपूर्ण जे तेयाचिया आंगा ।
 तैं ब्रह्म होव्यावेया जोगा । होये तो पुरुष ॥ १०८० ॥
 पुनिवेहूनि चाउदसीं । जेदुलें उणेपण शशी ।
 कां सोलें पाहूनि लेंसी । पन्हरावी वानी ॥ ८१ ॥
 सागरी हीं पाणि वेगें । लंचर तें रूप गंगे ।
 येर निश्चल जें उगें । तें सलुडु जैसा ॥ ८२ ॥
 ब्रह्म आणि ब्रह्मजेंते । योगसे तैसा पाडु आहे ।
 तें चि शांतिजेनि काडें । होतें तो मा ॥ ८३ ॥
 पै तें चि होयेन विज । प्रतीती आलें ब्रह्मपण ।
 ते ब्रह्म होती जाण । योग्यता एथ ॥ ८४ ॥

ब्रह्मभूतः प्रसन्नात्मा न शोचति न कांक्षति ॥
समः सर्वेषु भूतेषु मद्भक्तिं लभते परां ॥ ५४ ॥

ते ब्रह्मभावयोग्यता । पुरुष मग तो पांडुसुता ।

आत्मबोधप्रसन्नता—। पदीं बैसे ॥ ८५ ॥

जेणें निफजे रससोए । तो तापु ही जैं जाए ।

तैं ते कां होए । प्रसन्न जैसी ॥ ८६ ॥

नाना भरतिया लगबगा । शरत्कालिं सांडिजे गंगा ।

कां गीत राहातां उपांगा । अहटु पडे ॥ ८७ ॥

तैसा आत्मबोधीं उद्यमु । करितां होये जो श्रमु ।

तो ही जेथ समु । होउनि जाए ॥ ८८ ॥

आत्मबोधप्रशस्ती । हे तिये दशेची क्षिति ।

ते भोगितसे महामती । योग्यु तो गा ॥ ८९ ॥

तेधवां अप्राप्तें शोचावें । काहिं कामावेया कामावें ।

हैं सरलें समभावें । भरतेया तेया ॥ १०९० ॥

उदया यंतां गभस्ती । नानानक्षत्रव्यक्ती ।

हारविजति दीप्ती । आंगिका जेवि ॥ ९१ ॥

तेवि उठितिया आत्मप्रथा । हे भूतभेदव्यवस्था ।

मोडितमोडितां पार्था । वास पाए तो ॥ ९२ ॥

पाटेया वरिलें आखरें । जैसिं पूसतें यंति करें ।

तैसीं हरपति भेदांतरें । तेयाचिया दीठी ॥ ९३ ॥

ऐसेनि अन्यथाज्ञानें । जियें घेपति जागरस्वप्नें ।

तियें दोन्हीं केलीं लीनें । अव्यक्ता माझि ॥ ९४ ॥

मग तैं हिं अव्यक्त । बोधु वाढतां क्षिजत ।

पूर्णबोधीं समस्त । बुडौनि जाए ॥ ९५ ॥

नाना चालिचिया वाढी । वाट होत थोडी ।

पातलां ठाईं बुडी । देउनि रिगे ॥ ९६ ॥

जैसी भोजनव्यापारी । क्षुधा जिरत अवधारी ।
 तृप्तिचां अवसरी । नाहिं होए ॥ ९७ ॥
 कां जागृति जवं उद्दीपे । तवं तवं नीद हारपे ।
 मग जागिनलेयां स्वरूपे । नसे चि गा ॥ ९८ ॥
 हें ना आपुलें पूर्णत्व भेटे । जेथ चंद्रासि वाढि कुंठे ।
 तेथ शुक्लपक्षु आटे । निशेषु जैसा ॥ ९९ ॥
 तैसें बोध्यजात गीलितु । बोध बोधें ये मज आंतु ।
 मिसलला तेथ सांघातु । अबोधु गेला ॥ १०० ॥
 तेधवां कल्पांतिचिये वेले । नदी सिंधुचे पेंडवले ।
 मोडौनि भरे जलें । आब्रह्म जैसें ॥ १ ॥
 नाना गेलेयां घटमठ । आकाश ठाके एकवट ।
 कां जलौनि काष्ठे काष्ठ । वन्ही चि होए ॥ २ ॥
 नातारि लेणेयांचे ठसे । आटौनि गेलेयां मूसे ।
 नामरूपभेदे तैसें । सांडिलें सोनें ॥ ३ ॥
 हें हीं असो चेडलेयां । तें स्वप्न नाहिं जालेयां ।
 आपण चि कां आपणेयां । उरिजे जैसें ॥ ४ ॥
 तैसा मी एकु वांचौनि काहिं । तेया तेया ही सकट नाहिं ।
 हे चौथी भक्ति पाहीं । माझी तो लाहे ॥ ५ ॥

भक्त्या मामभिजानाति यावान्यश्चास्मि तत्त्वतः ॥
 ततो मां तत्त्वतो ज्ञात्वा विशते तदनंतरं ॥ ५५ ॥

येर आर्त जिज्ञासु अर्थी । हे भक्ति जिहीं पंथी ।
 ते तीन्ही पावौनि चौथी । ह्मणत आहों ॥ ६ ॥
 यन्हविं तीजीं नां चौथी । हे पहिली नां सरती ।
 पै माझी सहजस्थिति । भक्ति नावं ॥ ७ ॥
 जें नेणतें माझे प्रकाशुनि । अन्यथात्वे मातें दाउनि ।
 सर्व ही सर्वीं भजौनि । बुझावितसे ॥ ८ ॥

जो जेथ जैसैं पाउं वैसे । तिया तेथ तैसैं चि असे ।
 हें उजिवडें कां दीसे । अखंडें जेणें ॥ १० ॥
 स्वमिचें दोसणें न दिसणें । जैसैं आपुढेनि असिलेपणें ।
 विश्वाचें आहे नाही जेणें । प्रकाशे जैसैं ॥ १११० ॥
 ऐसा सहजु माझा । प्रकाशु जो कथिळजा ।
 तो भक्ति या उज्जा । बोळिजे गा ॥ ११ ॥
 हाणौनि आर्त्ताचां ठाई । हे आर्त्ति होरनि पाहीं ।
 अपेक्षणीय जें कांहि । तें मीं केलां ॥ १२ ॥
 जिज्ञासु पुढां वीरेषा । हे चि होरनि जिज्ञासा ।
 मी जिज्ञासु ऐसा । दाखविला ॥ १३ ॥
 हे चि होरनि अर्थना । मी चि माझां अर्थी अर्जुना ।
 करुनि अर्थाभिधाना । आणी मातें ॥ १४ ॥
 अथवा घेरनि अज्ञानातें । नाक्षिया भक्ती जै हें वर्त्ते ।
 तें दावी मज द्रष्ट्यातें । दृश्य करुनि ॥ १५ ॥
 एथ मुख चि दीसे मुखें । या बोला कांहि न चुके ।
 परि दूजेपण हें लटकें । आरिसा करी ॥ १६ ॥
 दीठी चंद्रू चि घे साचें । परि घेतुलें हें तिमिराचें ।
 जें एक चि असे तेयाचें । दोनि दावी ॥ १७ ॥
 तैसैं सर्वत्र मीं चि मिवां । देखतसैं भक्ती इया ।
 परि दृश्यत्व हें बायां । अज्ञानवें ॥ १८ ॥
 तें अज्ञान आतां फीटें । माझें दृश्यत्व मज भेटलें ।
 निजविनि एकवडलें । प्रतिनिव जैसैं ॥ १९ ॥
 पै जेधवां इ असे कीं गळ । तेधवां इ सोनें चि अढळ ।
 परि तें गेलेयां कंवल । उरे जेलें ॥ ११२० ॥
 हो कां पुनिवें आदिं कांहि । चंद्रिं सांधा चि नाहि ।
 हीं परि तिये दीं भेटे पाहीं । पूर्णता तेया ॥ २१ ॥

तैसा मी चि अज्ञानद्वारे । दीर्घे परि हस्तांतरे ।
 मग दृश्य तें सरे । मियां चि मीं लांभें ॥ २२ ॥
 ह्यणौनि दृश्य पंथा । अतीतु माझा पार्था ।
 भक्तियोगु चौथा । ह्यणितला गा ॥ २३ ॥
 येया ज्ञानभक्ती सहज । भक्तु एकवटला मज ।
 तो मी चि केवल तुज । श्रुत ही आहे ॥ २४ ॥
 जें उभूनियां भुजा । ज्ञानियां आत्मा माझा ।
 हें बोलिलें कपिध्वजा । सतमाध्याई ॥ २५ ॥
 ते हे करपादिभक्ति मियां । भागवतमीषे ब्रह्मेयां ।
 उत्तम ह्यणौनियां । उपदेशिली ॥ २६ ॥
 ज्ञानिये इयेतें स्वसंविद्धि । ह्यणति शैव शक्ति ।
 आहीं परमभक्ति । आपुली ह्यणों गा ॥ २७ ॥
 हे मज मिलतिये वेळे । तेयां क्रमयोगियां फळे ।
 मग समस्त ही निखलें । मियां चि भरे ॥ २८ ॥
 तेथ वैराग्य विवेकेंसी । आटे बंधु मोक्षेंसी ।
 वृत्ति तिया आवृत्तिसीं । बुडौनि जाए ॥ २९ ॥
 घेउनि ऐलपणातें । परत्व हरपे जेथें ।
 गीळनि च्यान्ही भूतें । आकाश जैसें ॥ ११३० ॥
 तेया परीं साध्य— । साधनातीत शुद्ध ।
 तें मीं होउनि एकवद । भोगी तो माझें ॥ ३१ ॥
 घडौनि सिंधुचेया आंगा । सिंधु वरि तळपे गंगा ।
 तैसा पाडु तेया भोगा । अवधारिजो ॥ ३२ ॥
 कां आरिसेयासि आरिसा । उट्टनि दाविला जैसा ।
 देखणां अतिसो तैसा । भोगणां तिये ॥ ३३ ॥
 चेडलेयां स्वप्न नासे । आपुलें ऐक्य चि दीसे ।
 तें दूजेन विण जैसें । भोगिजे कां ॥ ३४ ॥

हें असो दर्पण नेलेयां । तो मुखबोध ही गेलेयां ।
 देखिलेपण एकलेयां । आस्वादजे जेवि ॥ ३९ ॥
 तो चि जालेयां भोगु तेयाचा । न घडे हा भावो जेयांचा ।
 तें हि बोलें किर बोलाचा । उच्चार कीजे ॥ ३६ ॥
 तेयाचां नेणों गावीं । रवि प्रकाशे हान दिवी ।
 किं व्योमा लागि पडवी । उभिली तिहिं ॥ ३७ ॥
 हांगा रात्रत्व नव्हतां आंगिं । रावो आपण काइ भोगी ।
 किं आंधार हान आलंगी । दिनकरातें ॥ ३८ ॥
 आणि आकाश जें नव्हे । तें आकाश काइ जाणावें ।
 रत्नाचां रूपिं मिरवे । गुंजांचें लेणें ॥ ३९ ॥
 ह्यणौनि मी होणें नाहिं । तेया मीं आहे कें हीं ।
 मग भजेल हें काइ । बोलों किर ॥ ११४० ॥
 यया लागि तो क्रमयोगी । मी जाला चि मातें भोगी ।
 तारुण्य कां तरुणांगी । जिया परीं ॥ ४१ ॥
 तरंगु सर्वांगिं तोय चुंबी । प्रभा सर्वत्र विलसे बिंबिं ।
 नाना अवकाशु नभीं । छंठतु जैसा ॥ ४२ ॥
 तैसा रूप होउनि माझें । मातें क्रिया विण तो भजे ।
 घनाकार कां साहाजें । सोनेयांतें जेवि ॥ ४३ ॥
 चंदनाची द्रुति जैसी । चंदनीं असे आपैसी ।
 कां एकत्र गर्भशशी । चंद्रिका ते ॥ ४४ ॥
 तैसी क्रिया किर न साहे । तन्हीं अद्वैतीं भक्ति आहे ।
 हें अनुभवा जोगें नोहे । बोला ऐसें ॥ ४५ ॥
 तेधवां पूर्वसंस्कारसंदें । जें काहिं तो अनुवादे ।
 तेणें आलविलेनि वो दें । बोलता मीं चि ॥ ४६ ॥
 बोलतेया बोलता चि भेटे । तेथ बोलिलें हें न घटे ।
 तें मौन तवं गोमटें । स्तवन माझें ॥ ४७ ॥

हाणौनि तेया बोलता । बोलीं बोलता मीं भेटतां ।
 मौन होये तेणें तत्वता । स्तवी तो मातें ॥ ४८ ॥
 तैसें चि बुद्धी कां दीठी । जें देखों जाये तो किरीटी ।
 तें देखणेयां दृश्य लोटी । देखतें चि दावी ॥ ४९ ॥
 आरिसेया आदी जैसैं । देखतें चि मुख दीसे ।
 तेया तें देखणें तैसें । मेलवीं द्रष्टें ॥ ११५० ॥
 दृश्य जाउनियां दृष्टें । द्रष्टेयासी चि जें भेटे ।
 तें एकलेपण न घटे । द्रष्टेपण हि ॥ ५१ ॥
 तेथ स्वप्निचिया प्रिया । चेउनि झोंबों गेलेयां ।
 ठाडजे दोन्हीं होउनियां । आपण चि जैसैं ॥ ५२ ॥
 कां दोन्ही काष्टांचिया घृष्टी । माझि वन्हि जो एकु उठी ।
 तो दोनि हे भाष आटी । आपण चि होए ॥ ५३ ॥
 नाना प्रतिबिंब हाति । घेउं गेलेयां गभस्ती ।
 बिंबता ही थिती । जाये जैसी ॥ ५४ ॥
 तैसा मी होउनि देखतें । तो घेउं जाये दृश्यातें ।
 तेथ दृश्य नेथिलें तें । दृष्टत्व ही ॥ ५५ ॥
 रवी आंधार प्रकाशितां । नुरे चि जेवि प्रकाश्यता ।
 तेवि दृश्या नाहिं दृष्टता । मी जालेयां ॥ ५६ ॥
 मग देखिजे कां नेदखिजे । ऐसी जे दशा निफजे ।
 तें तें दर्शन माझें । साचोकारें ॥ ५७ ॥
 तें भलेतेया किरीटी । पदार्थांचिया भेटी ।
 दृश्यादृश्यातीता दृष्टी । भोगी तो सदा ॥ ५८ ॥
 आणि आकाश हें आकाशें । दाटलें न ढले जैसैं ।
 मियां आपणपेनि तैसें । जालें तेया ॥ ५९ ॥
 कल्पांतिं उदक उदकें । रुंधलेयां वाहो ठाके ।
 तैसें आत्मेनि मियां एकें । कोंदळा तो ॥ ११६० ॥

पाउ० आपणपेयां वळघे । केवि वन्हि आपणपेयां लागे ।
 आपणपेयां पाणी रिगे । मंगे स्नाना केवि ॥ ६१ ॥
 ह्मणौनि सर्व मी जालेपणें । ठेलें तेया एणें जाणें ।
 हें चि गा यात्रा करणें । अद्वया भज ॥ ६२ ॥
 पै जळा वरिल्ल तरंगु । जन्हीं बांधिनला सवेगु ।
 तन्हीं नाहिं भूमीभागु । क्रमिला जैसा ॥ ६३ ॥
 जें सांडावें कां ठेवावें । चा०णें जें चालावें ।
 तें तो चि एक आघवें । ह्मणौनियां ॥ ६४ ॥
 गेल्यां भलेतेउता । उदकपणें पांडुसुता ।
 तरंगाची कां निश्चळता । न मोडे चि जेवि ॥ ६५ ॥
 तैसा मीपणें हालें ठेला । तो आघवेया चि भज आला ।
 इया यात्रा होये भला । काडी माझा ॥ ६६ ॥
 आणि शरीरस्वभाववसें । काहिं एक करूं बैसे ।
 तरि मीं चि तेवि तेजें मीसें । नटें तेया ॥ ६७ ॥
 तेथ कर्म आणि कर्ता । हें जाउनियां पांडुसुता ।
 मी आत्मेनि मातें पातां । मीं चि होयें ॥ ६८ ॥
 पै दर्पणातें दर्पणें । पाहिल्यां होये न पाणें ।
 सोनें झांकिल्यां सुवर्णें । न झोके जेवि ॥ ६९ ॥
 दीपातें दीपें प्रकाशिजे । तें न प्रकाशणें चि निफजे ।
 तैसें कर्म मियां कीजे । तें करणें कैचें ॥ ११७० ॥
 तें होत चि आहे । जें करावें भाष आए ।
 ऐसें न करणें चि होए । तेयाचें केलें ॥ ७१ ॥
 क्रियाजात मियां जालेपणें । घडे काहिं चि न करणें ।
 तेया चि नावें पूजणें । लुकेचें माहें ॥ ७२ ॥
 ह्मणौनि कारेतिया वोजा । न करणें कपिध्वजा ।
 निफजे तेया महापूजा । पूजि तो मातें ॥ ७३ ॥

येवं तो बोले तें स्तवन । तो देखे तें दर्शन ।
 अद्वया मज गमन । तो चाले तें चि ॥ ७४ ॥
 तो करी तेतुली पूजा । तो कल्पी तो जपु माझा ।
 तो असे ते चि कपिध्वजा । समाधि माझी ॥ ७५ ॥
 जैसें कनकोंसिं कांकणें । आसेजे अनन्यपणें ।
 तो भक्तियोगें एणें । मासि तैसा ॥ ७६ ॥
 किंबहुना तंतुसिं पट्ट । कां मृत्तिकेसीं घट्ट ।
 तैसा तो एकवट्ट । मजसिं माझा ॥ ७७ ॥
 उदकिं कळोल्ल । कापुरिं परिमल्ल ।
 रत्निं उजाल्ल । अनन्यु जैसा ॥ ७८ ॥
 इया अनन्यभक्ती । इयें आघवीं चि दृश्य जातीं ।
 मज आपणपेयां सुमती । द्रष्टेयातें जाणें ॥ ७९ ॥
 तिहिं अवस्थांचेनि द्वारे । उपाधि उपहिताकारें ।
 भावाभावरूप स्फुरे । दृश्य जें हें ॥ ११८० ॥
 तें हें आघवें चि द्रष्टा । ऐसां बोधाचां माजिवठां ।
 अनुभवाचा सुभटा । ढेंढा तो नाचे ॥ ८१ ॥
 रज्जु जालेयां गोचर । आभासता तो व्यालाकार ।
 रज्जू चि ऐसा निर्धार । होये जेवि ॥ ८२ ॥
 भांगारा परीतें काहीं । लेणें गुंज भार ही नाहि ।
 हें आट्टनि पाइ । कीजे जैसें ॥ ८३ ॥
 उदका एका परीतें । तरंग नाहि चि हें निरुतें ।
 जाणौनि तेया आकारातें । नेघपे जेवि ॥ ८४ ॥
 कां स्वप्रविस्तारा समस्तां । चेउनियां उमणें घेंतां ।
 आपणपेयां परीता । न दिसे जैसा ॥ ८५ ॥
 तैसी जे काहिं आधिनाथि— । पणें जे होये स्फूर्ति ।
 ते ज्ञाता चि मीं हे प्रतीति । होउनि तो भोगी ॥ ८६ ॥

जाणे अजु मीं अजर । अक्षय मीं अक्षर ।
 अपूरु मीं अपारु । अनंदु मीं ॥ ८७ ॥
 अचलु मीं अच्युतु । अनंतु मीं अद्वैतु ।
 आद्यु मीं अव्यक्तु । ० क्तु ही मीं ॥ ८८ ॥
 ईशु मीं ईश्वरु । अनादि मीं अमरु ।
 अभय मीं आधारु । आवेय मीं ॥ ८९ ॥
 स्वामि मीं सदोदितु । सहजु मीं सतंतु ।
 सर्व मीं सर्वगतु । सर्वातीतु मीं ॥ ११९० ॥
 नवा मीं पुराणु । शून्य मीं संपूर्णु ।
 अस्थूलु मीं अणणु । जें काहिं तें मीं ॥ ९१ ॥
 अक्रियु मीं एकु । असंगु मीं अशोकु ।
 व्याप्य मीं व्यापकु । पुरुषोत्तमु मीं ॥ ९२ ॥
 अशद्दु मीं अश्रोतु । अरूपु मीं अगोत्रु ।
 समु मीं स्वतंत्रु । ब्रह्म मीं पर ॥ ९३ ॥
 ऐसें आत्मत्वे एका मातें । इया भक्ती जाणे विरुतें ।
 आणि इया बोधा जाणणें तें । तें ही मीं चि जाणें ॥ ९४ ॥
 पैं चेइलेया नंतरें । आपलें एकपण उरें ।
 तें हीं तें वारि स्फुरे । तेयासि जैसें ॥ ९५ ॥
 कां प्रकाशतां अर्कु । तो चि होये प्रकाशकु ।
 तेया ही अभेदा द्योतकु । तो चि जैसा ॥ ९६ ॥
 तेसा वेद्याचां विलइं । केवल वेदकु उरें पाहीं ।
 तेणें जाणिवे तेया तो ही । हें इ जें जाणे ॥ ९७ ॥
 तेणें अद्वय आपणां आपलेया । जाणतिं ज्ञप्ति जे धनंजया ।
 ते ईश्वरु चि मीं तेया । बोधासि एं ॥ ९८ ॥
 मग अद्वैतातीत । मी चि आत्मा एकु निभ्रांत ।
 हें जाणौनि जाणणें जेथ । अनुभविं रिगे ॥ ९९ ॥

तेथ चेडलेयां एकपण । दीसे जें आपणेयां आपण ।
 तें हिं जांतां नेणों कोण । होइज जेवि ॥ १२०० ॥
 कां डोला देतिये क्षणीं । सरूपपण सुवर्णी ।
 आटौनि होये आटणी । घनाकाराची ही ॥ १ ॥
 नाना लवण तोय होए । मग क्षारता तोयत्वे राहे ।
 तें किं जिरतां जें जाए । जालेपण तें ॥ २ ॥
 तैसा मीं तो हें जें असें । ते स्वानंदानुभवरसें ।
 कालवौनि प्रवेशे । मज चि माझि ॥ ३ ॥
 आणि तो हे भाष तेथ जाए । तेथ मीं कोणासिं आहे ।
 ऐसा मीं नां तो तिये सामाए । माझां चि रूपीं ॥ ४ ॥
 जेधवां कापुरु जलों सरे । तेया चि नावं आगि पुरे ।
 मग उभयातीत उरे । आकाश जेवि ॥ ५ ॥
 कां गेलेयां एकाएकु । वाढे तो शून्यविशेषु ।
 तैसा आहेनाहींचा शोखु । मीं चि मग आधि ॥ ६ ॥
 तेथ ब्रह्म आत्मा ईशु । या बोला मोडे सौरसु ।
 न बोलणेयां हिं पैसु । नाहिं जेथ ॥ ७ ॥
 न बोलणें हिं न बोलौनि । तें बोलिजे तोंड भरुनि ।
 जाणिवे नेणिव नेणौनि । जाणिजे तो ॥ ८ ॥
 तेथ बोधिजे बोधु बोधें । आनंदु धेपे आनंदें ।
 सुख वरि नसुदें । सुख मोगिजे ॥ ९ ॥
 तेथ लामु जोडला लाभ । प्रभा आलिंगिली प्रभा ।
 विस्मयो बुडाला उभा । विस्मया माझि ॥ १२१० ॥
 समु तो सामाविला । विश्रामु विश्रांती आला ।
 अनुभवु ही वेडावला । अनुभूतीपणें ॥ ११ ॥
 किंबहुना ऐसें निखल । मीपणें जोडे तेया एक फल ।
 सेउनि वेल्हाल । क्रमयोगाची ते ॥ १२ ॥

पै क्रमयोगा किरीटी । चक्रवर्त्तिचां मुगुटी ।
 मी चिद्रत्न ते साटोवाटी । होये तो माझा ॥ १३ ॥
 किं क्रमयोगप्रसादाचा । कलशु जो हा मोक्षाचा ।
 तेया वरिला आकाशाचा । उवाउ जाला तो ॥ १४ ॥
 नाना संसारअडवीं । क्रमयोग वाट बरवी ।
 जोडलियां मदैक्यगाविं । पैठा जाला ॥ १५ ॥
 ऐसा क्रमयोग उधें । तेणें भक्तिचित्तगंगें ।
 मी स्वानंदोदधि वेगें । टाकिलां गा ॥ १६ ॥
 हा ठाउ वेरीं सुवर्मा । क्रमयोगी आहे महिमा ।
 ह्मणौनि वेलोवेलीं तुझां । सांगों तें आझीं ॥ १७ ॥
 पै देशे काले पदार्थे । साधुनि घेइं मातें ।
 तैसा नव्हे मी आइतें । सर्वांचें सर्व ॥ १८ ॥
 एकु शिष्यु एकु गुरु । हा रूढला सांचु वेव्हार ।
 तो मत्प्राप्तिप्रकार । जाणावेया ॥ १९ ॥
 ह्मणौनि माझां ठाईं । जचावें न लगे काहिं ।
 मी लाभें ये उपाईं । जचिजे चि गा ॥ २० ॥
 अगा वसुधेचां पोटीं । निधान सिद्ध किरीटी ।
 वन्हि सिद्धु काष्टीं । वोहां दूध ॥ २१ ॥
 परि लाभे तें असतें । तेया कीजे उपायातें ।
 एर सिद्ध तैसा येथें । उपायें मीं ॥ २२ ॥
 हा फल ही वरि उपाउ । कां प्रस्तावितसे देवो ।
 हें पूसा तरि अभिप्राउ । एधिचा ऐसा ॥ २३ ॥
 जें गीतार्थाचें चांगवें । मोक्षउपाय परि आववें ।
 आणि शास्त्रउपाय किं न्हवे । प्रमाणसिद्धी ॥ २४ ॥
 वारा अमाल चि फेडी । वांचौनि सूर्यातें न घडी ।
 कां हातु बाबुली घाडी । तोय न करी ॥ २५ ॥

तैसा आत्मदर्शनीं आडलु । असे जो अविद्येचा मलु ।
 तो शास्त्र नासी एरु निर्मलु । प्रकाशें स्वयें ॥ २६ ॥
 ह्यणौनि आघवीं चि शास्त्रें । अविद्याविनाशिचीं पात्रें ।
 वांचौनि नव्हति स्वतंत्रें । आत्मबोधीं ॥ २७ ॥
 तेया आत्मबोधा शास्त्रांसि । जें साचपणांचीये वृत्ति ।
 तें एइजे जेया ठायासि । ते हे गीता ॥ २८ ॥
 भानुभूषिता प्राचिया । येरी सतेजा दिशा आघविया ।
 तैसी असे सर्वा गीता येया । सनाथें शास्त्रें ॥ २९ ॥
 हें असो एणें शास्त्रेश्वरें । मागां उपावो बहुवें विस्तारें ।
 सांधितला असे जो निकरें । वेळं ये आत्मा ॥ १२३० ॥
 पारि प्रथमा श्रवणां सवें । अर्जुना विषायें फावे ।
 हा भाऊ सकणवे । धरुनि श्रीहरी ॥ ३१ ॥
 तें चि प्रमेय येकोल । शिष्यें होआवें अढल ।
 सांधिजतसे मुकुल—। मुद्रा आतां ॥ ३२ ॥
 आणि प्रसंगें गीता । हा ठावो ही संपता ।
 ह्यणौनि दावी आद्यंता । एकार्थत्वे ॥ ३३ ॥
 जें ग्रंथाचां मध्यभागीं । नाना अधिकारप्रसंगीं ।
 निरूपण अनेगीं । सिद्धांतीं केलें ॥ ३४ ॥
 तारि तेतुले ही सिद्धांत । इये शास्त्रीं प्रस्तुत ।
 हें पूर्वापर नेणत । कोण्ही जें मानीनां ॥ ३५ ॥
 तें महासिद्धांचा एवाका । सिद्धांतकक्षा अनेका ।
 भिद्वनि आरंभें देखां । संपवितसें ॥ ३६ ॥
 एथ अविद्यानाशु हें स्थल । तेणें मोक्षोपादान फल ।
 येयां दोहीं केवल । साधन ज्ञान ॥ ३७ ॥
 हें एतुलें चि नाना परीं । निरोपिलें ग्रंथविस्तारीं ।
 तें आतां दो आखरीं । अनुवादावें ॥ ३८ ॥

हणौनि उपेय ही हार्ती । जालेयां उपायस्थिति ।
देउं प्रवर्त्तले पुडुर्ती । एणें चि भावें ॥ ३९ ॥

सर्वकर्माण्यपि सदा कुर्वाणो मध्यपाश्र्वयः
मत्प्रसादादवाप्नोति शाश्वतं पदमव्ययं ॥ ५६ ॥

मग हणै गा सूभटा । तो क्रमयोगि इया निष्ठा ।
मी होउनि होये पैठा । माझां रूपीं ॥ १२४० ॥
स्वकर्माचां लाखौलीं । मज पूजा करुनि भली ।
तेणें प्रसादें आकली । ज्ञाननिष्ठेतें ॥ ४१ ॥
ते निष्ठा जेथ हातवसे । तेथ भक्ति माझी उल्हासे ।
तेया मजसीं समरसें । सुखिया होए ॥ ४२ ॥
आणि विश्वप्रकाशितेया । आत्मेयां मज आपुळेया ।
अनुसरे जो मज करुनिया । सर्वत्रताहं ॥ ४३ ॥
सांडूनि आपुला आडलु । लवण आश्राये जलु ।
कां हींडौं राहे निश्चलु । वायु व्योमीं ॥ ४४ ॥
तैसा बुद्धी वाचा कायें । जो मातें आश्राउनि ठाए ।
तो निषिद्धें हीं विपायें । कर्म करू ॥ ४५ ॥
पारि गंगेचां संबंधीं । बीदी आणि महानदी ।
ऐक्य तेवि माझां बोधीं । शुभाशुभांसि ॥ ४६ ॥
कां बावनेयां आणि घूरें । हा निवाडु तवं चि सरे ।
जवं नेघपति वैश्वानरें । कवलूनि दोन्हीं ॥ ४७ ॥
नाना पांचिकें आणि सोलें । हें सोनेयां तवं चि आलें ।
जवं परिसु आंगमेलें । एकवटी नां ॥ ४८ ॥
तेवि शुभाशुभें ऐसें । हें तवं चि वेन्हीं आभासे ।
जवं एकु न प्रकाशे । सर्वत्र मी ॥ ४९ ॥
आगा रात्रि आणि दीवो । हा तवं चि द्वैतभाउं ।
जवं न रिगिजे गाउं । गभस्तीचा ॥ ५० ॥

हाणौनि माझिया भेटी । तेयाचीं सर्व कर्मे किरीटी ।
 जाउनि बैसे तो पाटी । सायुज्याचां ॥ ५१ ॥
 देशें कालें स्वभावें । वेचु जेया न संभवे ।
 तें पद माझें पावे । अविनाश तें ॥ ५२ ॥

चेतसा सर्वकर्माणि भयि संन्यस्य मत्परः ॥

बुद्धियोगमुपाश्रित्य मच्चित्तः सततं भव ॥ ५३ ॥

किंबहुना पांडुसुता । मज आत्मेयाची प्रसन्नता ।
 लाहे तेणें न पविजता । लाभु कवणु असे ॥ ५३ ॥
 या कारणें गा तुयां । सर्वकर्मी आपुलेयां । (तूं आ.)
 माझां रूपिं धनंजया । संन्यासु कीजे ॥ ५४ ॥
 परि तो चि संन्यासु वीरा । करणीयेचा क्षणें करा ।
 आत्मविवेकीं धरा । चित्तवृत्ति हे ॥ ५५ ॥
 मग तेणें विवेकवळें । आपणपें कर्मा वेगळें ।
 माझां स्वरूपां निर्मले । देखिजैल ॥ ५६ ॥
 आणि कर्माची जन्म भोए । ये प्रकृती जे काहीं आहे ।
 ते आपणेयांहूनि बहुवें । देखसी दुरि ॥ ५७ ॥
 तेथ प्रकृति आपणेयां । वेगळी नुरे धनंजया ।
 रूपें विण छाया । जिया परीं ॥ ५८ ॥
 ऐसेनि प्रकृतीनाशु । जालेयां कर्मसंन्यासु ।
 निफजैल अनायासु । सकारणु ॥ ५९ ॥
 मग कर्मजात गेलेयां । आत्मा मी उरें आपणपेयां ।
 बुद्धि घापे करूनियां । पतिव्रता ॥ ६० ॥
 बुद्धी अनन्य एणें योगें । मज माझि जें रिगे ।
 तें चित्त चैत्य्यागें । मातें चि मजे ॥ ६१ ॥
 ऐसें चइत्य जातें सांडिलें । चित्त माझां ठाई जडलें ।
 ठाके तैसें वहिलें । सर्वदा करी ॥ ६२ ॥

मच्चित्तः सर्वकर्मणि मत्प्रसादात्तरिष्यसि ।
अथ चेत्त्वमहंकारान्न श्रोष्यसि विनश्यसि ॥ ५८ ॥

मग अभिन्ना इया सेवा । चित्त मियां चि भरे जेधवां ।
माझा प्रसादु जाण तेधवां । संपूर्ण जाला ॥ ६३ ॥
तेथ सकलदुःखधामे । भुंजिजति जियें मृत्युजन्में ।
तियें दुर्गमें चि सुगमें । होंती तुज ॥ ६४ ॥
सूर्याचेनि सावायें । डोला सावाइला होए ।
तैं आंधाराचा आहे । पाडु तेया ६५ ॥
तैसा माझेनि प्रसादें । जीवकणु जेयाचा मर्हे ।
तो संसाराचेनि बंधें । बांधला केवि ॥ ६६ ॥
हणौनि धनंजया । संसारदुर्गती इया ।
तरसील माझिया । प्रसादा तव ॥ ६७ ॥
अथवा हान अहंभावे । माझे बोलणें हें आघवें ।
कानामनाचिये सीवे । नेंदासि टेंकों ॥ ६८ ॥
जेया देहसंबंधा आंतु । प्रतिपदीं आत्मघातु ।
भुंजतां उसंतु । कहीं चि नाहिं ॥ ६९ ॥

यदहंकारमाश्रित्य न योत्स्य इति मन्यसे ॥

मिथ्यैव व्यवसायस्ते प्रकृतिस्त्वां नियोक्ष्यति ॥ ५९ ॥

येथडेनि दारुणें । निमणें न निमणें ।
पडैल जारि बोलणें । न घेसी माझे ॥ १२७० ॥
पथ्यद्वेषिया पोसी ज्वर । कां दीपद्वेषिया आंधार ।
विवेकद्वेषे अहंकार । पोसुनि तैसा ॥ ७१ ॥
स्वदेहा नावं अर्जुनु । परदेहा नावं स्वजनु ।
संग्रामा नावं मलिनु । पापाचार ॥ ७२ ॥
ये मती आपुळेया । तीघां तीनि नावें इयां ।
ठेउनि धनंजया । न जुझे हणसी ॥ ७३ ॥

जीवा मोक्ष निष्ठकु । करीसि जो अलंतिकु ।
 तो वायां घाडी वेलु नैसर्गिकु । स्वभा० तूझा ॥ ७४ ॥
 आंणि मी अर्जुनु हें आत्मक । इयां वधु करणें हें पातक ।
 हें माया वांचौनि तात्विक । कांदि आहे ॥ ७५ ॥
 आदिं तूतें जूझ होआवें । मग जूझा शस्त्र घेयावें ।
 कां न जुझावेया करावें । देवांगण ॥ ७६ ॥
 हणौनि न जूझणें । हणसो तें वायागें ।
 ना मानूं लोकपणें । लोक दृष्टिसि इहिं ॥ ७७ ॥
 तन्हि न जुझें ऐसें । निष्ठकीसि जें मानसें ।
 ते प्रकृति अनारिसें । करिल चि ॥ ७८ ॥
 पै पूर्वे वाहांत पाणी । पविहजे पश्चिमिली वाहाणी ।
 तारि आग्रहो चि उरे तें आणी । आपुलिया लेखा ॥ ७९ ॥
 कां सालिचा कणु हणो । मीं नुगवें सालिणें ।
 तन्हीं आन न करणें । स्वभावासि ॥ १२८० ॥
 तैसा क्षत्रिया संस्कारसिद्धा । प्रकृती घडिलासि प्रबुद्धा ।
 आतां नुठिं हणसि हा धांधा । उटिवि मसी चि ॥ ८१ ॥
 शौर्य तेज दक्ष्यता । एवमादिक पांडुसुता ।
 गुण दीघले नियता । प्रकृति तुज ॥ ८२ ॥

स्वभाजेन कौंतेय निबद्धः स्वेन कर्मणा ॥

कर्तुं नेछसि यन्मोहात्करिष्यस्यवशोपि तत् ॥ ६० ॥

तारि तेधाचेया समवाया । आन रूप घनंजया ।
 न करितां उगलेयां । न येईल ऐसें ॥ ८३ ॥
 हणौनि तिहिं गुणिं । बांधलासि तूं कोदंडपाणी ।
 त्रिशुद्धी निगसी वाहाणी । क्षात्राचिया ॥ ८४ ॥
 नां हें आपुलें जन्ममूल । न विचारीसि तूं केवल ।
 न जुझें ऐसें अढल । व्रत जारि घेंसी ॥ ८५ ॥

तारि बांधौनि हातपाए । जो रथीं घातला आये ।
 तो न चले तन्हीं जाये । दिगंता जेवि ॥ ८६ ॥
 तेसा तूं आपुलेया कडौनि । मीं काहिं चि न करिं हणौनि ।
 ठांसी परि भरवसेनि । तें चि करीसी ॥ ८७ ॥

ईश्वरः सर्वभूतानां हृद्देशेऽर्जुन तिष्ठति ॥
 भ्रामयन्सर्वभूतानि यंत्रारूढानि मायया ॥ ६१ ॥

हांगा रोगु काइ रोगिया । आवडे दरिद्र दरिद्रिया ।
 परि भोगविजे बलिया । अदृष्टे जेणें ॥ ८८ ॥
 तें अदृष्ट अनारिसें । न करील ईश्वरवसें ।
 तो ईश्वर ही असे । जवळिके चि ॥ ८९ ॥
 सर्वभूतांचां अंतरीं । हृदयमहाअंबरीं ।

॥ त्रिदृष्टिचां सहस्रकरीं । उदैला असे जो ॥ १२९० ॥

अवस्थात्रया तीन्हीं लोक । नव्हे प्रकाशनि अशेष ।

अन्यथादृष्टी पथीक । चेवविले ॥ ९१ ॥

वेद्योदकाचां सरोवरीं । फांकति विषयकल्हारीं ।

॥ इंद्रियषट्पदाचारी । जीवभवंरातें ॥ ९२ ॥

असो रूपक हें तो ईश्वर । सकल भूतांचा अहंकार ।

पांगुरौनि निरंतर । उल्हासतसे ॥ ९३ ॥

स्वमायेचें आडवस्त्र । लेउनि एकला खेलवी सूत्र ।

॥ आहिरि नटि छायाचित्र । चौरासी लक्ष ॥ ९४ ॥

तेया ब्रह्मादिकीटांतां । अशेषां हि भूतजातां ।

देहाकारें योग्यता । पाउनि दावी ॥ ९५ ॥

तेथ हें देह तेयां पुढें । अनुरूपपणें मांडे ।

तें भूत तिये आरूढे । हें मीं हणौनि ॥ ९६ ॥

सूत सूतें गुंतलें । तृण तृणें बांधलें ।

कां आत्मविब घाल्लें । बाळकें जळीं ॥ ९७ ॥

तेया परीं देहाकारें । आपणपें चि दुसरें ।
 देखौनि जीउ आविष्कारे । आत्मबुद्धी ॥ ९८ ॥
 ऐसें शरीराकारिं । यंत्रां भूतें अवधारों ।
 वाउनि हालवी दोरी । प्राचीनांची ॥ ९९ ॥
 तेथ जेया जें कर्मसूत्र । मांडूनि ठेविलें स्वतंत्र ।
 तें तिये गती पात्र । हों चि लागे ॥ १३०० ॥
 किंबहुना धनुर्द्धरा । भूतांतें स्वर्गसंसारा ।
 माजि भवंडी तूणें वारा । आकाशीं जैसा ॥ १ ॥
 भ्रामकाचेनि संगें । जैसें लोह चि वेढां रिगे ।
 तैसीं ईश्वरसत्तायोगें । चेष्टतीं भूतें ॥ २ ॥
 जैसें चष्टे आपुलालिया । समुद्रादिक धनंजया ।
 चेष्टति चंद्राचिया । संनिधी एकी ॥ ३ ॥
 तेयां सिंधू भरितें दाटे । सोमकांता पाझर फूटे ।
 कुमुदचकोरां फीटे । संकोचु तो ॥ ४ ॥
 तैसीं बीजप्रकृतिवसें । अनेकें भूतें एकें ईसें ।
 चेष्टविजे तो असे । तूझां ह्दइ ॥ ५ ॥
 अर्जुनपण नेघतां । मी ऐसें पांडुसुता ।
 उठितसे तें तत्वता । तेयाचें रूप ॥ ६ ॥
 यया लागिं तो प्रकृतितें । प्रवर्तवील हें निश्चें ।
 आणि तें जूझवील तूतें । न जुझसि तन्हीं ॥ ७ ॥

तमेव शरणं गच्छ सर्वभावेन भारत ।

तत्प्रसादात्परां शान्तिं स्थानं प्राप्स्यसि शाश्वतं ॥ ६३ ॥

हाणौनि ईश्वर गोसांविं । तेणें प्रकृति हे नियमावी ।
 तिया सुखें राहाटवात्रिं । इंद्रियें आपुलीं ॥ ८ ॥
 तू करणें न करणें दोन्हीं । लाउनि प्रकृतिचां मानीं ।
 प्रकृति ही कां आधीनि । ह्दयस्था जेया ॥ ९ ॥

तेया अहं वाचा आंग । देउनि शरण रीग ।
 महोदधी कां गांग । रिगालें जैसैं ॥ १३१० ॥
 मग तेयाचेनि प्रसादें । सर्वोपशांतिप्रमदे ।
 कांतु होउनि स्वानंदें । स्वरूपिं रमसी ॥ ११ ॥
 संभूति जेणें संभवे । विश्रांति जंथ विसंवे ।
 अनुभूतीं अनुभवे । अनुभउ जेया ॥ १२ ॥
 तिये निजात्मदिचा राउ ॥ होउनि ठांसी अव्ययो ।
 ह्मणे लक्ष्मीयेचा नाहो । पार्था तूं गा ॥ १३ ॥

इति ते ज्ञानमाख्यातं गुह्याद्गुह्यतरं मया ।
 विमृश्यैतदशेषेण यथेच्छांसे तथा कुरु ॥ ६३ ॥

हे गीता नावं निख्यात । सर्ववाज्याचें मयित ।
 आत्मा जेणें हस्तगत । रत्न होए ॥ १४ ॥
 ज्ञानी ऐसिया खूढी । वेदांतिं जेयाची प्रौढि ।
 वानितां कीर्त्ति चोखडी । पातली जर्गी ॥ १५ ॥
 बुध्यादिकें डोलसैं । हे जेयाचे कां कडवसे ।
 मी सर्वद्रिष्टी ही दीसैं । पाहों जिया ॥ १६ ॥
 तें हें गा आत्मज्ञान । मज गोप्याचें हि गुपित धन ।
 परि तूं ह्मणौनि आन । केवि करूं ॥ १७ ॥
 येया कारणें गा पांडवा । आक्षिं आपुला हा ठेवा ।
 तुज दीधळा कणवा । जाकलिलेपणें ॥ १८ ॥
 परि भूल्ली बोरसैं । माये बोले बालका दोसैं ।
 प्रीति ही परि तैसैं । न करूं चि हो ॥ १९ ॥
 एथ आकाश आणि गालिजे । अमृता ही झारि फेडिजे ।
 कां दिव्या करविजे । दिव्य जैसैं ॥ १३२० ॥
 जेयाचेनि अंगप्रकाशें । पातालिचा परिमाणु दीसे ।
 तेया सूर्या ही कां जैसैं । अंजन सूदलें ॥ २१ ॥

तैसें सर्वज्ञ ही मियां । सर्व ही निर्द्वारुनियां ।
नीकें होये तें धनंजया । सांवितलें तुज ॥ २२ ॥
आतां तूं यया वरी । नीकें हें निर्द्वारिं ।
मग निर्द्वारुनि करीं । आवडे जैसें ॥ २३ ॥
येया देवाचेया बोला । अर्जुनु उगा चि ठेला ।
तेथ देऊ हणें भला । अवंचकु होंसी ॥ २४ ॥
वाढितेया पुढां भूकैला । उपरोधें हणें घालां ।
तैं तो चि पीडे आपुला । दोखु ही तेया ॥ २५ ॥
तैसा सर्वज्ञ श्रीगुरु । भेटलेयां आत्मनिर्द्वारु ।
न पुसे जैसा भार । धरुनियां ॥ २६ ॥
तैं आपण चि वंचे । आणि पाप ही तेया वंचनाचें ।
आपणेयां चि तें साचें । चुकविलें तुवां ॥ २७ ॥
पैं उगेपणां तूझेया । अभिप्राऊ हा चि धनंजया ।
जें एकोल एक वंकौनियां । सांघावें ज्ञान ॥ २८ ॥
एथ पार्थु हणें दातारा । भलें जाणसि माझेया अंतरा ।
हें हणों तरि दुसरा । जाणता असे काइ ॥ २९ ॥
परि ज्ञेय जी हें आघवें । तूं ज्ञाता एकू चि स्वभावें ।
मा सूर्यो हणौनि वानावें । सूर्यातें काइ ॥ १३३० ॥
यया बोला श्रीकृष्णें । हणितलें काइ एणें ।
हें चि थोडें गा वानणें । जें बुझतासि तूं ॥ ३१ ॥

सर्वगुह्यतमं भूयः शृणु मे परमं वचः ।

इष्टोऽसि मे दृढमिति ततो वक्ष्यामि ते हितं ॥ ६४ ॥

तारि अवधान प्रबल । करुनि एकोल ।
वाक्य माझे निर्मल । अवधारि पां ॥ ३२ ॥
हें वाक्य हणौनि बोलिजे । कां अवागमें आइकिजे ।
तैसें नव्हे परि तूजें । भाग्य वरवें ॥ ३३ ॥

कूर्मिचेया पीलिया । दृष्टि पान्हा ये धनंजया ।
 आकाश वाहे बापैया । घरिचें पाणी ॥ ३४ ॥
 जो व्यवहार ही जेथें न बडे । तेयातें फल चि तेथ जोडे ।
 काइ दैव न संपडे । सानुकूलें ॥ ३५ ॥
 यन्हविं द्वैताची वारि । सारूनि ऐक्याचां परिवरीं ।
 भोगिजे तें अवधारीं । रहस्य हें ॥ ३६ ॥
 आणिं निरूपचारा प्रेमा । विषो होये जें वीरोत्तमा ।
 तें दूजें नोहे किं आत्मा । ऐसें चि जाणावें ॥ ३७ ॥
 आरिसेयाचें देखिलेयां । गोमटें कीजे धनंजया ।
 तें तेया नव्हे आपणेयां । लागि जैसें ॥ ३८ ॥
 तैसें पार्था तूझेनि मिसें । मी बोलें आपणपेया चि दोसैं ।
 माझां तूझां ठाईं असे । मीतूपण गा ॥ ३९ ॥
 ह्मणौनि जिन्हारिचें गुज । सांघतसें जीवितासी चि तुज ।
 अनन्यगतिचें मज । आथि व्यसन ॥ ४० ॥
 पै जला आपणपेया देतां । लवण भूललें पांडुसुता ।
 किं आघवें तेयाचें होतां । न लजे चि तें ॥ ४१ ॥
 तैसा तूं माझां ठाईं । राखों नेणसी चि काहिं ।
 तारि आतां तुज मी काई । गोप्य करीं ॥ ४२ ॥
 ह्मणौनि आघवीं चि गुढें । जें पाउनि अति उघडें ।
 तें गोप्य माझे चोखडें । वाक्य आइक ॥ ४३ ॥

मन्मना भव मद्भक्तो मद्याजी मां नमस्कुरु ॥

मामेवैव्यसि सत्यं ते प्रतिजाने प्रियोसि मे ॥ ६५ ॥

तरि बाह्यांतरा । आपुलेया सर्वव्यापारां ।
 मज व्यापकार्ते वीरा । विषो करीं ॥ ४४ ॥
 आघवां आंगिं जैसा । वायु मिलौनि आकाशा ।
 तूं सर्वकार्मि तैसा । मासीं चि अस ॥ ४५ ॥

किंबहुना आपुलें मन । करीं माझें एकायतन ।
 माझेनि श्रवणें कान । भरुनि घालीं ॥ ४६ ॥
 आत्मज्ञानें चोखडीं । संत जे माझिं रूपडीं ।
 तेथ दृष्टि पडो आवडी । कामिनी जैसी ॥ ४७ ॥
 मज सर्ववसतिचें वसैठें । माझिं नामें जियें चोखटें ।
 तें जिह्वा येयावेया वाटे । वाचेचिये लावीं ॥ ४८ ॥
 हातांचें करणें । पायांचें चालणें ।
 तें होये मज कारणें । ऐसें करीं ॥ ४९ ॥
 १) आपुलां अथवीं परावां । ठाईं उपकारिसि पांडवा ।
 तेणें यज्ञें होये बरवा । याज्ञिकु माझा ॥ १३५० ॥
 हें येकैक सिकउं काई । पै सेवकै आपुलां ठाईं ।
 उरौनि एर सर्व ही । मी सेव्यु चि करीं ॥ ५१ ॥
 तेथ जाउनि भूतद्वेषु । सर्वत्र नमवीन मीं चि एकु ।
 ऐसेनि आश्रयो अत्यंतिकु । लहांसील तूं माझा ॥ ५२ ॥
 मग भरलेया जगा आंतु । जाउनि तिजेयाची मातु ।
 होउनि टाईल एकांतु । आह्मां तुह्मां ॥ ५३ ॥
 तेधवां भलेतिये अवस्थे । मी तूतें तूं मातें ।
 भोगीसि ऐसें ऐक्य तें । वाढैल सुख ॥ ५४ ॥
 आणि तीजें आडलु करितें । निमालें अर्जुना जेथें ।
 तें मीं तूं चि हणौनि मातें । पावसि सेखीं ॥ ५५ ॥
 जळिची प्रतिभा । जलनाशीं बिंबा ।
 यंतां गाभागोभा । कांहीं असो ॥ ५६ ॥
 पै पवनु अंबरा । कां कळोलु सागरा ।
 भीलतां आडवारा । कोणाचा गा ॥ ५७ ॥
 हणौनि तूं आणि आह्मी । त्रें दीसतसे देहधर्मी ।
 मग याचां विशमीं । मी चि होईमी ॥ ५८ ॥

एया बोला माझारि । होये नव्हे हें ज्ञनें करीं ।
 एथ आन आथि तारि । तूझी आण ॥ ५९ ॥
 पै तूझी आण वाणें । हें आत्मलिंगातें सिवणें ।
 प्रीतिची जाति लाजणें । आठवों नेदीं ॥ १३६० ॥
 यन्हविं वेढुनि प्रपंचु । जेणें विश्वाभासु हा साचु ।
 आज्ञेचा नडनाचु । कालातें जिणें ॥ ६१ ॥
 तो देऊ मी सत्यसंकल्पु । आणि जगाचा ही बापु ।
 मी आणेचा आक्षेपु । कां करावा ॥ ६२ ॥
 पै अर्जुना तूझेनि वेधें । मियां देवपणाचि बिरदें ।
 सांडिलीं गा मी हें आधें । सगळें तुवां ॥ ६३ ॥
 पै काजा आपुलिया । रावो आपुली आपणेयां ।
 आण वाये धनंजया । तैसें हें चिं ॥ ६४ ॥
 येथ अर्जुनु हाणे देवें । अचाट हें न बोलावें ।
 जी आमचें काज नावें । तूझेनि होये ॥ ६५ ॥
 यया वारि सांघों बैससी । कां सांघतां भाष हीं देसी ।
 यया तूझेया विनोदासि । पार असे जी ॥ ६६ ॥
 कमलवनिं विकाशु । करी रवीचा एकु अंशु ।
 किं तेथ आघवा चि प्रकाशु । नीच देतो ॥ ६७ ॥
 पृथिवी निवौनि सागर । भारजति एवडे थोर ।
 वरिषे तेथ मिषांतर । चातकु कीजे ॥ ६८ ॥
 ह्मणौनि औदार्या तूझेया । मज निमित्त ना ह्मणावैया ।
 प्राप्ति असे दानिराया । कृपानिधी ॥ ६९ ॥
 तव देऊ हाणति शहें । यया बोलाचा प्रस्ताऊ नोहे ।
 पै मातें पावसी उपायें । साच चि एणें ॥ १३७० ॥
 सैधव सिंधू पडिलेयां । जो क्षणु एकु धनंजया ।
 तेणें विरे चि किं उरावेया । कारण कवण ॥ ७१ ॥

तैसें सर्वत्र मातें भजतां । सर्व मी होतां जातां ।
 शेष जाउनि तत्वता । मी चि होंसि ॥ ७२ ॥
 एवं माझी प्राप्ति वेन्हीं । कर्मा लागौनि अवधारिं ।
 दाविली तुज उजिरी । उपायाची ॥ ७३ ॥
 जें आधि तवं पांडुसुता । सर्व कर्म मज अर्पितां ।
 सर्वत्र प्रसन्नता । लाहिजे माझी ॥ ७४ ॥
 पाठिं माझां तिये प्रसादीं । माझे ज्ञान जाये सिद्धी ।
 तेणें मिसलिजे त्रिशुद्धी । स्वरूपिं माझां ॥ ७५ ॥
 मग पार्था तिये ठाई । साध्यसाधना होये नाहिं ।
 किंबहुना तुज काहिं । उरे चि ना ॥ ७६ ॥
 तरि सर्व कर्म आपुलीं । तुवां मज अर्पिलीं ।
 तेणें प्रसन्नता लाधली । आजि हे माझी ॥ ७७ ॥
 क्षणौनि एणें प्रसादलें । नोहे जूझाचेनि आडलें ।
 न ठकें चि एके वेलें । भाललां तुज ॥ ७८ ॥
 जें सप्रपंच अज्ञान जाये । जेणें एकु मी गोचर होयें ।
 तें उपपत्तिचेनि उवायें । गीतारूप हें ॥ ७९ ॥
 मियां ज्ञान तुज आपुलें । नाना परि उपदेशिलें ।
 एणें अज्ञान सांडी विआलें । धर्माधर्म जें ॥ १३८० ॥

सर्वधर्मान्परित्यज्य मामेकं शरणं ब्रज ॥

अहं त्वां सर्वपापेभ्यो मोक्षयिष्यामि मा शुच ॥ ६९ ॥

आशा जैसी दुःखातें । व्याली निंदा दुरितें ।
 हें असो जैसें दैन्यातें । दुर्भरत्व ॥ ८१ ॥
 तैसें स्वर्गनरकसूचक । अज्ञान वियालें धर्मादिक ।
 तें सांडुनि घालीं अशेख । ज्ञानें एणें ॥ ८२ ॥
 हातिं घेउनि तो दोर । सांडिजे जैसा सर्पाकार ।
 कां निद्राल्यागें घराचार । स्वप्तिचा जैसा ॥ ८३ ॥

नाना सांडिलेनि कवलें । चंद्राचें लोपे पीवलें ।
 व्याधिल्यागें कडुवाले— । पण मुखाचें ॥ ८४ ॥
 आगा दिवसा पाठि देउनि । मृगजल घापे ल्यजूनि ।
 कां काष्ठल्यागें वनिह । त्याजिजे जैसा ॥ ८५ ॥
 तैसें धर्माअधर्माचें टवाल । दावी अज्ञाना कां जें मूल ।
 तें ल्यजूनि ल्यजीं सकल । धर्मजात ॥ ८६ ॥
 मग अज्ञान निमालेयां । मी चि एकु असें आपैसेया ।
 सनिद्र स्वप्न गेलेयां । आपणपें जैसें ॥ ८७ ॥
 तैसा एकु मी वांचौनि काहिं । मग भिन्नाभिन्न आन नाहिं ।
 स्वयंबोधें तेयाचा ठाई । अनन्यु होयें ॥ ८८ ॥
 पै आपुलेनि भेदें विण । माझें जाणिजे एकपण ।
 त्या चि नावें शरण । मज एणें गा ॥ ८९ ॥
 ह्मणौनि घटाचेनि नासें । गगन चि गगनीं असे ।
 मज शरण एणें तैसें । ऐक्यें करीं ॥ ९० ॥
 सुवर्णमाणि सोनेयां । ए कळोळु जैसा पाणियां ।
 तैसा मज धनंजया । ए शरण तूं ॥ ९१ ॥
 वांचौनि सागराचां पोटीं । वडवानल शरण किरीटी ।
 जालों न ठाके तिया गोठी । जाली देख पां ॥ ९२ ॥
 मज शरण रिगिजे । आणि जीवत्वे असिजे ।
 धिगी बोलिया या न लजे । प्रज्ञा केवि ॥ ९३ ॥
 आगा प्राकृतां ही राया । आंगि पडे जें धनंजया ।
 तें दाशिरुं हिं किं तेया । मान्य होये ॥ ९४ ॥
 मा मीं विश्वेश्वर भेटें । आणि जीवग्रंथि न सुटे ।
 हे बोल नकीं उखटे । कानीं लाट ॥ ९५ ॥
 ह्मणौनि मी होउनि मातें । सेवणें असे आइतें ।
 तरि करिं हाताइतें । ज्ञानें एणें ॥ ९६ ॥

मग ताकौनियां काढिं ॥ लोणिं तार्किं माघौतें घातलें ।
 परि नेघपे चि काहिं केलें । तार्के जेवि ॥ ९७ ॥
 लोह उभें खाये माती । तें परिसाचेया संगती ।
 सोनें जालेयां पुडुतीं । न लिपिजे मलीं ॥ ९८ ॥
 हें असो काष्टा पासौनि । मथूनि घेतलेयां वन्दि ।
 मग काष्टें हिं कौडौनि । न ठके जैसा ॥ ९९ ॥
 तैसें अद्वैतत्वे मज । शरण रिगालेयां तुज ।
 धर्माधर्म हे साहाज । लागतील नां ॥ १०० ॥
 अर्जुना काइ दिनकर । देखतसे अंधकार ।
 किं प्रबोधां होये गोचर । स्वप्नसंभ्रमु ॥ १ ॥
 तैसें मजसिं एकवटलेयां । मी सर्व रूप वांचौनियां ।
 आन काहिं उरावेया । कारण असे गा ॥ २ ॥
 ह्मणौनि तेयाचें काहिं । न चितीं आपुलां ठाई ।
 तूजें पापपुण्य पाहिं । मी चि होइन ॥ ३ ॥
 जळिं पडिलेयां लवण । सर्वें जळ चि होये विचक्षण ।
 तुज मी अनन्यशरण । होईन तैसा ॥ ४ ॥
 तेथ सर्वबंधलक्षणें । पापें उरावें दूजेपणें ।
 तें माझे बोधि वायाणें । होउनि जाइल ॥ ५ ॥
 एतुलेनि आपैसेया । सूटला चि अससि धनंजया ।
 घेइं मी प्रकाशूनियां । सोडवीन तूतें ॥ ६ ॥
 यया कारणें पुडुतीं । हें आधीं न व्हाये चितीं ।
 मज एकासि ए सुमती । जाणौनि शरण ॥ ७ ॥
 ऐसें सर्वरूपें रूपसें । सर्वदृष्टी डोलसें ।
 सर्वदेवनिवासें । बोलिलें कृष्णें ॥ ८ ॥
 मग सावला सकंकणु । बाहु पसरुनि दक्षणु ।
 आलंगिला स्वशरणु । भगतराजु तो ॥ ९ ॥

तन्मयता जेयातें । काखे सून बुद्धितें ।
 बोलणें माघौतें । उ०सरलें ॥ १४१० ॥
 ऐसें जें काहिं एक । बोला बुद्धी ही अटक ।
 तें देयावेया मीख । क्षेमाचें केलें ॥ ११ ॥
 दीपें दीपु लाविला । तैसा परिससंगु तो जाला ।
 द्वैत न मोडितां केला । आपणपें पार्थु ॥ १२ ॥
 तेधवां सुखाचा मग तेया । पुरु आला जो धनंजया ।
 तेथ वाडु तन्हीं बुडौनियां । ठेला देऊ ॥ १३ ॥
 सिंधु सिंधुतें पाऊं जाए । तें पाहणें ठाकणें दूण होए ।
 वरि रिगे पुरवणिये । आकाश ही ॥ १४ ॥
 तैसें दोहिचें तेयां मीळणें । दोघां नावरे जाणावें कवणें ।
 किंबहुना नारायणें । विश्व कोंदलें ॥ १५ ॥
 एवं वेदाचें मूलसूत्र । सर्वाधिकारैकपवित्र ।
 श्रीकृष्णें गीताशास्त्र । प्रकट केलें ॥ १६ ॥
 एथ गीता मूल वेदां । ऐसें केवि आलें पां बोधा ।
 हें ह्मणा तारि प्रसिद्धा । उपपत्ती सांघों ॥ १७ ॥
 तारि जेयाचेनि श्वासीं । जन्म जालें शङ्कराशी ।
 तो सत्यप्रभु पैजेसीं । बोलिला हे ॥ १८ ॥
 ह्मणौनि वेदा मूलभूत । गीता ह्मणों हें होये उचित ।
 आणि कि ही एकि एथ । उपपत्ति असे ॥ १९ ॥
 जें न नसत स्वरूपें । जेयाचा विस्तार जेथ लपे ।
 तें तेयाचें ह्मणिपे । बीज जर्गी ॥ १४२० ॥
 तारि कांडत्रयात्मकु । शङ्कराशि अशेखु ।
 गीते माक्षि असे रूखु । बीजीं जैसा ॥ २१ ॥
 ह्मणौनि वेदांचें बीज । श्रीगीता होये हें मज ।
 गमे आणि साहाज । दीसत ही असे ॥ २२ ॥

जें वेदांचे तीन्ही भाग । गीते उमटले असति चांग ।
 भूषणरत्नि सर्वांग । आपुलें जैसे ॥ २३ ॥
 तियें चि कर्मादिकें तीन्हीं । काडें कोणी कोणी स्थानी ।
 गीते असति तियें नयनी । दाखउं आइकां ॥ २४ ॥
 तारि पहिला जो अध्या३० । तो शास्त्रप्रवृत्तिप्रस्ता३० ।
 द्वितीये सांख्यसद्भा३० । प्रकाशिला ॥ २५ ॥
 मोक्षदानिं स्वतंत्र । ज्ञानप्रधान हें शास्त्र ।
 येतुलालें दूजां सूत्र । उभारिलें ॥ २६ ॥
 मग अज्ञानें बांधलेयां । मोक्षपदि बैसावेया ।
 साधनां आरंभु तो तृतीया । अध्याइं बोलिला ॥ २७ ॥
 जें देहाभिमानबंधें । सांझुनि काम्यें निषिद्धें ।
 विहित परि अप्रमादें । अनुष्ठानें ॥ २८ ॥
 ऐसेनि कर्म करावें । हा तीजां अध्याइं जो देवें ।
 निर्णयो केला तो जाणावें । कर्मकांड एथ । २९ ॥
 आणि तें चि नित्यादिक । अज्ञानाचें आवश्यक ।
 आचरतां मोचक । केवि होये पां ॥ १४३० ॥
 ऐसी अपेक्षा जालेयां । ऋद्धु मुमुक्षते आलेयां ।
 देवें ब्रह्मार्पणक्रिया । सांघीतली ॥ ३१ ॥
 जें देहवाचामानसें । विहित निफजे जैसे ।
 तें एका चि ईश्वरोद्देशें । कीजें हाणतलें ॥ ३२ ॥
 हें चि ईश्वरी कर्मयोगें । मजनकथनाचेनि खागें ।
 आदरिलें शेषभागें । चतुर्थाचेनि ॥ ३३ ॥
 तें विश्वरूप अकरावा । अध्या३० संपे जेथ आघवा ।
 तव कर्मी ईशु भजावा । हें जें बोलिलें ॥ ३४ ॥
 तें अष्टाध्याइं उघड । जाणा एथ देवताकांड ।
 शास्त्र सांघतसे आड । मोडुनि बोलें ॥ ३५ ॥

आणि तेणें चि ईशप्रसादें । श्रीगुरुसंप्रदायलब्धें ।
 साच ज्ञान उद्धोधें । कोवळें जें ॥ ३६ ॥
 तें अद्वैष्टादिप्रभृतिवी । अथवा अमानित्वादिकि ।
 वाढविजे हाणौनि लेखी । बारावां गुण ॥ ३७ ॥
 तो बारावां अध्या३० आधी । आणि पन्हरावा अवधि ।
 ज्ञानफलसिद्धी । निरूपणांसी ॥ ३८ ॥
 हाणौनि चहुं इहीं । ऊर्ध्वमूलांती अध्यायि ।
 ज्ञानकांड इये ठांइ । निरूपिजे ॥ ३९ ॥
 एवं कांडत्रयनिरूपणी । श्रुति हे कोडीसवाणी ।
 गीतापदरत्नाचि लेणि । लेइली असे ॥ ४० ॥
 हें असो कांडत्रयात्मक । श्रुति मोक्षरूप फल एक ।
 बोवाये जें आवश्यक । टाकात्रेया हाणौनि ॥ ४१ ॥
 तेयाचेनि साधनें ज्ञानेंसि । वैर कारि जो प्रतिदिवसी ।
 तो अज्ञान बर्गु बोडशी । प्रतिपादिजे ॥ ४२ ॥
 तो चि शास्त्र३०लावा । घेउनि वैरी जीणावा ।
 हा निर्णयो तो सतरावां । अध्या३० एथ ॥ ४३ ॥
 ऐसा प्रथमा लागौनि । सतरावां लाणि करुनि ।
 आत्मनिश्वास विवरुनि । दाविला देवें ॥ ४४ ॥
 तेयां अर्थजातां अशेषां । केला तात्पर्याचा एवांका ।
 तो अठरावां देखां । कलशाध्या३० ॥ ४५ ॥
 एवं सकलसांख्यसिंधु । श्रीभगवद्गीता प्रबंधु ।
 हा औदार्ये आगला वेदु । मूर्तु जाणा ॥ ४६ ॥
 वेदु संपन्न होयें ठांइ । पारि कृपणु आन नाहीं ।
 जें कानि लागला तिहिं । वर्णाचां चि ॥ ४७ ॥
 एरां भवव्यथा ठेलेयां । स्त्रीशूद्रादिकां प्राणियां ।
 अनवसर मांडुनियां । असे नव्हे ॥ ४८ ॥

तरि मजः पांतां तें उणें । फेडावेया गीतापणें ।
 वेदु वेठला भलेतेणें । सेव्यु होआवेया ॥ ४९ ॥ ^{वेधेवता}
 नव्हे अर्थे रिगौनि मनि । श्रवणें लागौनि कार्नी ।
 जपमीखें वदनी । वसौनियां ॥ १४९० ॥
 गीतेचा पाठु जाणे । तेयाचेनि सांघातीपणें ।
 गीता लीडुनु वाहाणें । पुस्तकमीखें ॥ ५१ ॥
 ऐसैसां मीसकटां । संसाराचां चौहटां ।
 गवांदि घातली चोखटा । मोक्षसुखाची ॥ ५२ ॥
 पारि आकाशिं वसावेया । पृथ्वी वरि बैसावेया ।
 रविदीप्ति राहाटावेया । आचारं जैसें ॥ ५३ ॥
 तेवि उत्तम अधम ऐसें । सेवितां कण्हणातें हिं न पुसे ।
 कैवल्यदानें जैसें । निववी जग ॥ ५४ ॥
 इया लागि मागिली कूटी । बिहाला वेदु गीतेचां पोटी ।
 रिगाला आतां गोमटी । कीर्ति पातला ॥ ५५ ॥
 ह्यणौनि वेदांची सुसेव्यता । ते हे मूर्खें जाणा गीता ।
 श्रीकृष्णें पांडुसुता । उपदेशिली ॥ ५६ ॥
 परि वळाचेनि वोरसें । दुभर्ते होये घरा दोसें ।
 जालें पांडवाचेनि मीसें । तैसें विश्वा ॥ ५७ ॥
 चातकाचिये कणवे । मेघु पाणियेंसिं घावे ।
 तेथ चराचर आघवें । निवालें जेवि ॥ ५८ ॥
 कां अनन्यगती कमलां । लागि सूर्यु ए वेलोवेलां ।
 किं सुखिया होइजे डोलां । त्रिभुवनाचेया ॥ ५९ ॥
 तैसें अर्जुनाचेनि व्याजें । गीता प्रकाशुनि श्रीराजें ।
 संसारा एसणें थोर बोझें । फेडिलें जगाचें ॥ १४६० ॥
 सर्वशास्त्रा रत्नदीप्ती । उजळिता हा त्रीजगती ।
 सूर्यु नव्हे लक्ष्मीपती । वक्त्राकाशिचा ॥ ६१ ॥

बापु कुल तें पवित्र । जेथिचा पार्थु येया पात्र ।
जेणें गीता केलें शास्त्र । आवारं जगा ॥ ६२ ॥

इदं ते नातपस्काय नामक्ताय कदाचन ॥

न चाशुश्रूषवे वाच्यं न च मां योऽभ्यसूयति ॥ ६७ ॥

हैं असो मग तेणें । सदुरुश्रीकृष्णों ।

पार्थाचें मिसलणें । आणिलें द्वैता ॥ ६३ ॥

पाठिं ह्यणतसे पांडवा । शास्त्र हें मानलें कीं जीवा ।

तेथ येरु ह्यणे देवा । आपुलीया कृपा ॥ ६४ ॥

तारि निधान जोडावेया । भाग्य घडे गा धनंजया ।

परि जोडलें भोगावेया । विपायें होये ॥ ६५ ॥

पैं क्षीरसागरा एवढें । अविरजीं दूधाचें भाडें ।

सुरां असुरां केवडें । मथितां जालें ॥ ६६ ॥

ते सायास ही फला आले । जें अमृत डोळां देखिलें ।

परि वरिचिली चूकले । जतनें तिणें ॥ ६७ ॥

जेथ अमरत्वा उगारिलें । तें मरणा चि लागि जालें ।

भोगु नेणतां जोडलें । ऐसें असे ॥ ६८ ॥

नहुषु स्वर्गप्राप्ति जाला । परि राहाटी मांभावला ।

तो भुजंगत्व पातला । नेणसि काई ॥ ६९ ॥

ह्यणौनि बहू पुण्य तुआं । केलें धनंजया ।

आजि शास्त्रराजा येया । जालासि विषो ॥ १४७० ॥

तारि येया चि शास्त्रचेनि । संप्रदायें पांगुरौनि ।

शास्त्रार्थ हा नीकेनि । अनुष्ठी हो ॥ ७१ ॥

यन्हर्वि अमृतमथनां । सारिखें होईल अर्जुनां ।

जारी रिगसी अनुष्ठाना । संप्रदायें विण ॥ ७२ ॥

गाये धड जोडे गोमटी । ते तैं चि पियो ये किरीटी ।

जें जाणिजे हातवटी । सांजवणिची ॥ ७३ ॥

तैसा गुरु प्रसन्न होए । शिष्यु विद्या ही किर लहे ।
 परि ते फले संप्रदायें । उपासिली ॥ ७४ ॥
 ह्यणौनि शास्त्रिं जो इये । उचित संप्रदाउ आहे ।
 तो तो आइक बहुवें । आदरेंसीं ॥ ७५ ॥
 तरि जें हें तुवां पार्था । गीताशास्त्र लाघलें आस्था ।
 तें तपोहीना सर्वथा । सांघावें ना ॥ ७६ ॥
 अथवा तापसु ही जाला । परि गुरुभक्ती जो भीला ।
 तो वेदुं अंत्यु वालिला । तैसा वाली हो ॥ ७७ ॥
 नातरि पुरोडासु जैसा । नेघेपे वृद्ध तन्हीं वायंसा ।
 गीता नेंदीं तैसी तापसा । गुरुभक्ती हीनां ॥ ७८ ॥
 कां तप ही जोडे देहीं । भजे गुरुदेवाचां ठांड ।
 परि आकर्णनिं नाहिं । चाड जरि ॥ ७९ ॥
 तरि तो मागिलीं दोहिं आंगिं । उत्तमु होये किर जगिं ।
 परि येया श्रवणा लागि । योग्यु नोहे ॥ १४८० ॥
 मुक्ताफल भलेतैसैं । होये परि मुख नसे ।
 तव गुण प्रवेशे । तेथ काइ ॥ ८१ ॥
 सागरु गंभीरु होए । हें कोण ना ह्यणत आहे ।
 परि वृष्टि वायां जाए । जाली तेथ ॥ ८२ ॥
 धालेया दिव्यान्न सोआवें । मग जें वायां धाडावें ।
 तें आर्त्ती कां न करावें । उदारपण ॥ ८३ ॥
 ह्यणौनि योग्या भलेतैसैं । होतु परि चाड नसे ।
 तरि ह्यनें वानवसैं । देंसी हें तेया ॥ ८४ ॥
 रूपाचा सुजाणु डोला । वोडौं ये काइ परिमला ।
 जेथ जें मानें तें फला । तेथ चि ये गा ॥ ८५ ॥
 ह्यणौनि तपीं भक्ती । पाहा ते सुभद्रापती ।
 शास्त्रश्रवणिं अनाकृती । वालवे चि ते ॥ ८६ ॥

नातारि तप भक्ति । होउनि श्रवणीं आर्त्ति ।
 आधि ऐसी आइती । देखसी जन्हीं ॥ ८७ ॥
 तन्हीं गीताशास्त्रनिर्मिता । जो मीं सकललोकु शास्ता ।
 तेया मातें सामान्यता । बोलैल जो ॥ ८८ ॥
 माझा सज्जनीं मातें । पैशून्याचेनि अन्हातें ।
 एकाहाथी तेयातें । योग्यु न ह्यण ॥ ८९ ॥
 तेयाची परि आघवी । सामग्री ऐसी जाणावी ।
 दीपें विण ठाणवी । रात्रिची जैसी ॥ ९० ॥
 आगा गोरें आणि तरुणें । वरि लेइलें असे भूषणें ।
 परि एकलेनि प्राणें । सांडिलें जेवि ॥ ९१ ॥
 सोनेयाचें सुंदर । निर्वाळलें होये घर ।
 परि सर्पांगना द्वार । रुंधलें असे ॥ ९२ ॥
 निफजे दिव्यान्न चोखट । परि माझि असे कालकूट ।
 हें असो मैत्रो कपट— । गुर्विगी जैसी ॥ ९३ ॥
 तैसिं तनमक्तिमेवा । तेयाचि जाण प्रबुद्धा ।
 जो माझेयाची कां निंदा । माझी चि करी ॥ ९४ ॥
 येया कारणें धनंजया । तो भक्त मंघावी तपिया ।
 तन्हीं नको बापा शास्त्रा इया । आतर्जे देवों ॥ ९५ ॥
 काइ बोलों निंदा । योग्या स्रष्टेया ही एका ।
 गीता हे कवतिका । लागि ही नेदां ॥ ९६ ॥
 हागौनि तपाचा धनुर्द्धरा । तयीं दाटौनि गाडौरा ।
 वरि गुरुभक्तिचा पुरा । प्रासादु जो जाला ॥ ९७ ॥
 आणि श्रवणचा पुढां । दारवठा सदा उघडा ।
 वरि कलसु चोखडा । अनिंदरत्नाचा ॥ ९८ ॥
 ऐसां भक्तालइ चोखटी । गीतारत्नेश्वर हा प्रतिष्ठी ।
 मग माझिया सर्वसाठीं । तूकसी जगीं ॥ ९९ ॥

य इमं परमं गुह्यं मद्भक्तैश्चमिधास्यति ॥

भक्तिं मयि परां कृत्वा मामेवैष्यत्यसंशय ॥ ६८ ॥

कां जें एकाक्षरपणोंसि । त्रिमातृकेचिये कूंसी ।

प्रणवु होता गर्भवासी । सांकडला जो ॥ १९०० ॥

तो गीतेचिया बाहली । वेदबीज गेलें पाहलीं ।

किं गायत्री फुलीं फलीं । श्लोकाचां आली ॥ १ ॥

तें हें मंत्ररहस्य गीता । मेलवी माझेयां जो भक्तां ।

अनन्यजीविता माता । बालका जैसी ॥ २ ॥

तैसी भक्तां गीतेसि । भेटि करी जो आदरेंसी ।

तो देहा पाठि मजसी । एक चि होए ॥ ३ ॥

न च तस्मान्मनुष्येषु कश्चिन्मे प्रियकृत्तमः ॥

भविता न च मे तस्मादन्यः प्रियतरो भुवि ॥ ६९ ॥

आणि देहाचें हिं लेणें । लेउनि वेगलेपणें ।

असे तव जीवें प्राणें । तो चि पढियें ॥ ४ ॥

ज्ञानियां कर्मठां तापसां । इयां खूणेचियां माणुसां ।

माझि तो एकु ऐसा । पढियें मज ॥ ५ ॥

तैसा भूतलिं अघवा । आनु नेदखें पांडवा ।

जो गीता सांघे मेलवा । भक्तजनाचां ॥ ६ ॥

अभ्येक्ष्यते च य इमं धर्म्यं संवादमावयोः ॥

ज्ञानयज्ञेन तेनाहमिष्टः स्यामिति मे मतिः ॥ ७० ॥

मज ईश्वराचेनि लोभें । हें गीता पढतां अखोभें ।

जो मंडण होये सभे । संतांचिये ॥ ७ ॥

नवां पल्लविं रोमांचितु । मंदानीलें कंपवितु ।

आनंदजलें उल्लंबवितु । फलाचि डोले ॥ ८ ॥

कोकिलां कलरवाचेनि मीसें । सद्गद बोलवित जैसें ।

वसंतु कां प्रवेशे । आरामा माझि ॥ ९ ॥

कां जन्माचें फल चकोरां । होतु चंद्रु ये अंबरा ।
 नाना नवा मेघु मयूरां । वो देतु पावे ॥ १५१० ॥
 तैसा सज्जनाचां मेलार्पि । गीतापद्यरत्नीं उमर्पी ।
 वर्षे जो माझां रूपीं । हेतु ठेउनि ॥ ११ ॥
 मग तेयाचेनि पाडें । पढियतें मज फुडें ।
 नाहिं चि मार्गे पुढें । निहालित्तां ॥ १२ ॥
 अर्जुना हा ठावो वेन्हीं । मीं तेयांतें सुवें जिन्हारीं ।
 जो गीतार्थाचें करी । परगुणें संतां ॥ १३ ॥
 पै माझिया तूझिया मिलणी । वाढिनली जे हें काहाणी ।
 मोक्षधर्मु कां जीणी । आला असे जेय ॥ १४ ॥
 तो हा सकलार्थप्रसादु । आह्मां दोघांचा संवादु ।
 न करितां पदभेदु । पाठें जो पढे ॥ १५ ॥
 तेणें ज्ञानानलिं प्रदीप्तीं । मूल अविद्येच्या आहुती ।
 तोखविला होये सुमती । परमात्मा मीं ॥ १६ ॥
 धेउनि गीतार्था उगाणा । ज्ञानिये जेवि विचक्षणां ।
 टाकिति तें गाणांवाणां । गीतेचां तो लाहे ॥ १७ ॥
 गीतापाठकासि एसें । फल अर्थज्ञाना चि सरिसें ।
 गीतामाउलीसि नसे । जानेंतानें ॥ १८ ॥ #

श्रद्धावानरुसूयंश्च शृणुयादपि यो नरः ॥

सोपि मुक्तः शुभांल्लोकान्प्राप्नुयात्पुण्यकर्मणां ॥ ७१ ॥

आणि सर्वमार्गी निंदा । सांडूनि आस्था शुद्धा ।
 गीताश्रवणीं श्रद्धा । उभारी जो ॥ १९ ॥
 तेयाचां श्रवणसंपुटीं । गीतेचि अक्षरें पैठीं ।
 होति ना तव उठाउठी । पळे चि पाप ॥ १५१० ॥
 अटविये माझि जैसा । बन्दि रिगतां सहसा ।
 लंघीति कां दिशा । वनौकें तिये ॥ २१ ॥

कां उदयाचला कुली । झलकतां अंशुमाली ।
 तिमिरें अंतराली । हारपती ॥ २२ ॥
 तैसा कानाचा महाद्वारी । गीता जपु जेथ करी ।
 तेथ श्रिष्टि आदि वेरी । जले चि कलुष ॥ २३ ॥
 ऐसी जन्मवेळि धोवट । होये पुण्यरूप चोखट ।
 यया ही वारि अचाट । फल लोहे ॥ २४ ॥
 जो इये गीतोचि अक्षरें । जेतुलीं कर्णद्वारें ।
 घे तेतुलीं होती पुरे । अश्वमेध किं ॥ २५ ॥
 द्वाणौनि श्रवणें पापें जाती । आणि धर्मु धरी उन्नती ।
 तेणें स्वर्गराज्यसंपती । लोहे चि शेषी ॥ २६ ॥
 तो पै मज येयावेया लागि । पहिलें पेणें करि स्वर्गी ।
 मग आवडे तव भोगी । पाठीं ए चि तो ॥ २७ ॥
 ऐसी गीता धनंजया । आइकतेया पढतेया ।
 फले महानंदें मियां । बहुत काइ बोलों ॥ २८ ॥

कश्चिदेतच्छृतं पार्थ त्वयैकाग्र्येण चेतसा ।

काचिदज्ञानसंमोहः प्रनष्टस्ते धनंजय ॥ ७२ ॥

एया कारणें असो । जेया लागि शास्त्रातिसो ।
 केला तें तव तूतें प्रसो । काज तूजें ॥ २९ ॥
 तारि सांघ पां पांडवा । हा शास्त्रसिद्धांतु आघवा ।
 तुज एकचित्तें फावा । गेला आहे ॥ १५३० ॥
 आहि जैसैं हें जिया रीती । उगाणिलें कानाचां हातीं ।
 इहिं तैसैं तूझां चिचीं । पैठें केलें किं ॥ ३१ ॥
 हांगा स्वज्ञानजनितें । मागिलें मोहें तूतें ।
 भुलविलें तो एथें । असे कीं ना ॥ ३२ ॥
 हें बहू प्रसो काइ । सावें तूं आपुलां ठाई ।
 कर्मकर्म काहीं । देखतु आहासि ॥ ३३ ॥

पार्थु स्वानंदैकरसें । विरैल ऐसा भेददशे ।
 आणिला एणें मीसें । प्रश्नाचेनि ॥ ३४ ॥
 यन्हवि आपुलें करणें । सर्वज्ञ काइ तो नेणें ।
 परि केले पूसणें । या चि लागि ॥ ३५ ॥

अर्जुन उवाच ॥

नेष्टो मोहः स्मृतिर्लब्धा त्वत्प्रासादान्मयाच्युत ।
 स्थितोऽस्मि गतसंदेहः करिष्ये वचनं तव ॥ ७३ ॥

मग क्षीराब्धितें सांडितु । गगनीं पूंजा मंडितु ।
 निवडे जैसा न निवडितू । पूर्णचंद्र ॥ ३६ ॥
 तैसा ब्रह्म हें मी विसरें । तेथ जग चि ब्रह्म भरे ।
 हें इं सांडे तारि विरे । ब्रह्मपण हीं ॥ ३७ ॥
 दुःखें देहाचिये सीमे । मी अर्जुनु एणें नामें ।
 मोडतु मांडतु ब्रह्म । उभा ठेला ॥ ३८ ॥
 मग कांपतां करतलीं । दडपौनि रोमावली ।
 पुलकस्वेदजलीं । विरोनियां ॥ ३९ ॥
 प्राणुक्षोभें डोलतेया । आंगा आंग ठेंकतेया ।
 सुनि स्तंभुचालेया । मुलौनियां ॥ १९४० ॥
 नेत्रयुगुलिचेनि उल्लेखें । आनंदामृताचें भरितें ।
 उल्लेखत तें माघौतें । काढौनियां ॥ ४१ ॥
 विविधा औत्सुक्याची दाटि । चीप आतलि होंती कंठि ।
 ते करूनियां पैठी । हृदया माझि ॥ ४२ ॥
 वाचेचें वितुलणें । सांवरौनि प्राणें ।
 अक्रमाचें स्वसणें । ठेउन ठां ॥ ४३ ॥
 मग हाणे काइ देऊ । पूसताते आवडे मोहो ।
 तो सकु गेला जी ठाऊ । घेउन आपुला ॥ ४४ ॥

पासि एउनि दिनकरें । डोलेयातें अंधरें ।
 प्रसिजे हें काइ सरे । कोणी ठां ॥ ४५ ॥
 तैसा तूं श्रीकृष्णा राया । आमचेयां इयां डोलेयां ।
 गोचरु हें चि काइसेया । न पुरे तवं ॥ ४६ ॥
 वारि लोभें माए पासौनि । तें सांघसि तोंड भरुनि ।
 जें काइसेनि हिं करुनि । जाणों नैए ॥ ४७ ॥
 आतां मोहो असे किं नाहिं । हें ऐसें प्रससी काई ।
 कृतकृत्य जालां पाहीं । तूझेपणें ॥ ४८ ॥
 मी तूझेनि प्रसादें । लाघलेनि आत्मबोधें ।
 मोहाचे तेया कांदे । नेंदिसी चि उरों ॥ ४९ ॥
 आतां करणें न करणें । हें उठी जेणें दूजेपणें ।
 तें तूं वांचौनि नेणें । सर्वत्र गा ॥ १५५० ॥
 इये विखिं माझां ठां । संदेहाचें मूरे चि काहिं ।
 त्रिशुद्धी कर्म जेथ नाहिं । तें मिं जालां ॥ ५१ ॥
 ह्मणौनि मी एक पाहुनि । क्य गेलें निपटौनि ।
 परि आज्ञा हे वांचौनि । तूझी प्रभू ॥ ५२ ॥
 कां जें दृश्यातें नासी । जें दूजें दूजेयातें ग्रासी ।
 जें एक परि सर्वदेशीं । वसवी सदा ॥ ५३ ॥
 जेयाचेनि संबधें बंधु फोटे । जेयाचिया आशा आश तूटे ।
 जें भेटलेयां सर्व भेटे । आपणगं चि ॥ ५४ ॥
 तें तूं गुरुलिंग जी माझे । एकलेपणिचें विरजे ।
 जेया लागि उल्लाडिजे । अद्वैतबोधु ॥ ५५ ॥
 आपण चि होउनि ब्रह्म । सारिजे कृत्याकृत्याचें काम ।
 मग कीजे कां निःसीम । सेवा जेयाची ॥ ५६ ॥
 तें मां तूं निरुपचार । सेव्य सकलां दातार ।
 मीं ब्रह्मतेचा उपकार । हा चि मानीं ॥ ५७ ॥

जें मज तुहां आड । होतें भेदाचें कवाड ।
 तें फेड्ढनि केलें सुआड । तुवां जी देवा ॥ ५८ ॥
 तरि आतां तूही आज्ञा । सकलदेवराज्ञा ।
 करीन देई अनुज्ञा । भलेतिये विषी ॥ ५९ ॥
 येया अर्जुनाचेया बोला । दे० डोळों लागला ।
 हाणे विश्वफला जाला । लासु हा मज ॥ १५६० ॥
 उणेनि उमचला सुधाकर । देखौनि आपुला कुमर ।
 मर्यादा क्षीरसागर । विसरे चि ना ॥ ६१ ॥
 ऐसें संवादाचा बाउलां । लग्न दोघांचेयां आंतुलां ।
 लागलें देखौनि जाला । निर्भर संजयो ॥ ६२ ॥

संजय उवाच ॥

इत्यहं वासुदेवस्य पार्थस्य च महात्मनः ॥
 संवादमिममश्रौषमद्भुतं रोमहर्षणं ॥ ७४ ॥

तेणें उचंबललेपणें । मग धृतराष्ट्रें हाणे ।
 जी कैसें बादरायणें । रक्षिलें दोघे ॥ ६३ ॥
 आजि तुमतें अवधारां । चर्मचक्षु ही संवसारा ।
 किं ज्ञानदृष्टी व्यवहारा । आणिलेति ॥ ६४ ॥
 आंणि रथिचिये राहाटी । घेइजे घोडेयां साठीं ।
 तेया आज्ञां इया गोटी । गोचरा होति ॥ ६५ ॥
 वरि जूझाचें निर्वाण । मांडलें असें दारुण ।
 दोघीसि हारि आपण । हारविजे ऐसें ॥ ६६ ॥
 एवढां इये सांकडां । कैसा अनुग्रहो पै गाढा ।
 जें ब्रह्मानंदु उघडा । भोगवीतसे ॥ ६७ ॥
 ऐसें संजयो बोलिला । पारि न द्रव एर उगला ।
 चंद्रकिरणीं सीतला । पाखाणु जैसा ॥ ६८ ॥

हे देखौनि तेयाची दशा । मग करि चि ना वारिषा ।
 परि मुखें जाला पीसा । बोलतु असे ॥ ६९ ॥
 मुलविला हर्षवेगें । हणौनि घृतराष्ट्र सांघे ।
 यन्हुवि नोहे तेया जोगें । हें किर जाणे ॥ १५७० ॥
 मग हणो पै कुरुराजा । ऐसें भ्रातृपुत्र तो तूझा ।
 बोलिला तें अधोक्षजा । गोड जालें ॥ ७१ ॥
 आगा पूर्वापरसागर । इया नावांचा सिनार ।
 येर आघवें चि नीर । एक जैसें ॥ ७२ ॥
 तैसा श्रीकृष्ण पार्थु ऐसें । हें आंगा चि पासीं दीसे ।
 मग संवादी जी नसे । काहीं चि भेदू ॥ ७३ ॥
 दर्पणा हिं हूनि चोखें । दोन्ही होंति संमुखें ।
 तेथ एरीं एर देखे । आपणपें जैसें ॥ ७४ ॥
 तैसा देवेंसि पांडुसुतु । आपणपें देखि देखतु ।
 पांडवेंसि देखे अनंतु । आपणपें पार्थी ॥ ७५ ॥
 दे० देवा भक्ता लागि । जिये विवरु नेदखे आंगि ।
 येरु ही तिण चि भागी । दोन्ही देखे ॥ ७६ ॥
 आणिक काहिं चि नाहिं । हणोनि करिती काई ।
 दोघे एकपणें पाहीं । नांदत आहाति ॥ ७७ ॥
 आतां भेदु जरि मोडे । तरि प्रश्नोत्तर कां घडे ।
 ना भेदु चि तरि जोडे । संवादसुख कां ॥ ७८ ॥
 ऐसें बोलतां दूजेपणें । संवादें द्वैत जें गीलणें ।
 तें आइकिलें बोलणें । दोघांचें मियां ॥ ७९ ॥
 उटूनि दोन्ही आरिसे । बोडविलेयां सरिसे ।
 कोण कोणां पाहांतसे । जाणवे ना ॥ १५८० ॥
 कां दीपा सदमुखु । ठेविलेयां दीपकु ।
 कोणु कोणा अर्धकु । कोणु जाणे ॥ ८१ ॥

हे निद्राखिं जातां फुडें । निद्रारासि ठक पडे ।
 ते दोघे जाले एवडे । संवादें सारिसे ॥ ८२ ॥
 तैसे श्रीकृष्ण ते दोन्हीं । संवादले तें मनीं ।
 धरितां मज ही वानीं । ते चि हों पांतसे ॥ ८३ ॥
 ऐसें ह्याने ना मोटकें । तव्हीरौनि सात्विकें ।
 आठौ नेला नेणों कें । संजयपणांचा ॥ ८४ ॥
 रोमांच जव् फरकें । तव् तव् आंग सुरकें ।
 स्तंभस्वेदातें जीके । एकला कंपु ॥ ८५ ॥
 अद्वयानंदपरिसें । दृष्टि रसमय जाली असे ।
 ते अश्रु नव्हंति जैसे । द्रवत्व चि ॥ ८६ ॥
 नेणों काइ न माये पोटीं । काइ नेणों गुंफे कंठिं ।
 व्यग्रता पडे मिठी । उससाचिया ॥ ८७ ॥
 किंबहुना सात्विकां आठां । चाचरु मांडतां उमेठा ।
 संजय जाला असे चौहटा । भावभवनिचा ॥ ८८ ॥
 तेया सुखाची ऐसी जाति । जें आपणपां चि धरी शांति ।
 मग पुढुतीं देहस्मृति । लायली तेणें ॥ ८९ ॥

व्यासप्रसादाकृतवानेतद्ब्रह्ममहं परं ॥

योगं योगेश्वरात्कृष्णात्साक्षात्कथयतः स्वयं ॥ ७५ ॥

तैधर्वा बैसतेन आनंदें । ह्याने जी जें उपनिषदें ।
 नेणति तें व्यासप्रसादें । आइकिलें मियां ॥ १५९० ॥
 हे आषवे चि योग । जेया ठाया यंति मार्ग ।
 तेयाचें वाक्य समर्घ । केलें व्यासें ॥ ९१ ॥
 आहो अर्जुनाचेनि मीसैं । आपणपें चि दूजें ऐसैं ।
 नटूनि आपणेयां दोसैं । बोलिले जें देवो ॥ ९२ ॥
 तेथ किं माझे श्रोत्र । पाठाचें जालें पात्र ।
 काइ वानूं स्वतंत्र । सामर्थ्य गुरूचें ॥ ९३ ॥

राजन्संस्मृत्य संस्मृत्य संवादमिममद्भुतं ॥

केशवार्जुनयोः पुण्यं दृश्यामि च मुहुर्मुहुः ॥ ७६ ॥

हैं बोलतां कां राउ० होए । तेणें चि मोडवला ठाए ।

रत्न कां रत्नकीला ए । झांकोलें जैसें ॥ ९४ ॥

हिमवन्तिचि सरोवरें । चंद्रोदइं होंति कारिमरें ।

मग सूर्यागमीं मावारें । द्रवत्व ए ॥ ९५ ॥

तेसा शरीराचेया स्मृती । तो संवाद संजयो चित्ती ।

घरुनि आणि पुढुती । तें चि होए ॥ ९६ ॥

तच्च संस्मृत्य संस्मृत्य रूपमत्यद्भुतं हरेः ॥

विस्मयो मे महान्राजन्दृश्यामि च पुनः पुनः ॥ ७७ ॥

मग उठूनि हाणे नृपा । श्रीहरिचेया विश्वरूपा ।

भेटलेयां उगा पां । काइ असिजे ॥ ९७ ॥

नेदखणेन जें दीसे । नाहिंपण चि जें असे ।

विसरें आठवे तें कैसें । चुकौं आतां ॥ ९८ ॥

देखौनि चमत्कार । कीजे तो नाहिं पैसार ।

मजै सकट हा पूर । नेत असे ॥ ९९ ॥

ऐसा श्रीकृष्णार्जुन— । संवादसंगमि स्नान ।

करुनि देतसें दान । अहंतेचें ॥ १०० ॥

तेथ असंवरें आनदें । अलौकिक ही स्पंदें । (१)

श्रीकृष्ण हाणे सद्रदें । वेलवेलं ॥ १ ॥

इया अवरथांची काहीं । कौरवांतें परि नाहिं ।

हाणौनि राया तें काहिं । कल्पावें जवं ॥ २ ॥

तवं जाला सुखलाभु । आपणपां करुनि स्वयंभु ।

बुझविला अवष्टंभु । संजयें तेणें ॥ ३ ॥

एथ कोण्हीं एकि अवसरि । होवावी ते करुनि दूरि ।

रावो हाणे संजया परि । कैसी तूझी गा ॥ ४ ॥

तेणें तूतें एथ व्यासें । बैसविलें काइसेया दोसें ।
 अप्रसंगा माजि ऐसें । बोलसी काइ ॥ ५ ॥
 रानिचें राउला नेलेयां । दाही दिशा मानी सुनियां ।
 कां रात्रि होये पाहलेयां । निशाचरां ॥ ६ ॥
 जो जेथिचें गौरव नेणे । तेयातें भिंगुलवाणें ।
 हणौनि अप्रसंगु तेणें । ह्यागावा किं तो ॥ ७ ॥
 मग हणो सांघें प्रस्तुत । उदैलें असे जें हें उत्कलित ।
 तें कोणासि रे ना जैत । देईल शेषीं ॥ ८ ॥
 यज्जिवि विश्वे बहुत एक । आमचें ऐसें मानसिक ।
 जें दुर्योधनाचे अधिक । प्रताप सदा ॥ ९ ॥
 आणि एरांचेनि पाडें । दल ही तें देवडें ।
 हणौनि जैत फुडें । आणील तो तें ॥ १० ॥
 आह्या तव गमे ऐसें । मां तूजें जोईस कैसें ।
 तें नेणों संजया असे । तैसें सांघ पां ॥ ११ ॥

यत्र योगीश्वरः कृष्णो यत्र पार्थो धनुर्धरः ॥

तत्र श्रीर्चिजयो भूतिर्भुवा नीतिर्मतिर्मम ॥ ७८ ॥

यया बोला संजयो हणो । जी येरायेरांचें मीं नेणें ।
 परि आयुष्य तेथ जीणें । हें फुडें गा ॥ १२ ॥
 चंद्र तेथ चंद्रिका । शंभु तेथ अंबिका ।
 संत तेथ विवेका । असणें कीं जी ॥ १३ ॥
 रावो तेथ कटक । सौजन्य तेथ सोडरिक ।
 बन्दि तेथ दाहक । सामर्थ्यता ॥ १४ ॥
 दया तेथ धर्म । धर्म तेथ सुखागमु ।
 सुखीं पुरुषोत्तमु । असे जैसा ॥ १५ ॥
 वसंतु तेथ वने । बने तेथ सुमने ।
 सुमनिं पाळेगने । सारंगांचि ॥ १६ ॥

गुरु तेथ ज्ञान । ज्ञानि आत्मदर्शन ।
 दर्शनी समाधान । आथि जैसे ॥ १७ ॥
 माग्य तेथ विलासु । मुख तेथ उल्हासु ।
 हे असो तेथ प्रकाशु । सूर्यो जेथें ॥ १८ ॥
 तैसे सकल पुरुषार्थ । जेणें स्वामी कां सनाथ ।
 तो श्रीकृष्णराउ^{३०} जेथ । तेथ लक्ष्मी ॥ १९ ॥
 आणि आपुलेनि कांतोसि । ते जगदंबा जया पारि ।
 अणिमादिकी दासी । नो होतु तेयातें ॥ १६२० ॥
 तेयांचिये देशिचां झाडिं । कल्पतरुतें होडी ।
 न जीणावें काइ थोडीं । मायबापें ॥ २१ ॥
 ते पाषाण हिं आघवे । चितारत्नीं कां नोहावें ।
 तिये भूमी कां नैयावें । सुवर्णत्व ॥ २२ ॥
 तेयांचिये गाविंचिया । नदी अमृते वाहाविया ।
 नवल काइ राया । विचारि पां ॥ २३ ॥
 तेयांचे विसाट शब्द । सुखां ह्मणों यंति वेद ।
 सदेह सच्चिदानंद । कां न व्हावे ते ॥ २४ ॥
 पै स्वर्गापवर्ग दोन्हीं । इयें पदें तियां आविनि ।
 श्रीकृष्णु बापु जननी । कमला जेयां ॥ २५ ॥
 ह्मणौनि जिये बाहे उभा । तो लक्ष्मीयेचा वालभा ।
 तेथ सर्वसिद्धी स्वयंभा । एर नेणों ॥ २६ ॥
 आणि समुद्रा मेघु । उपेगें तेया हीं हुनि चांगु ।
 तैसा पार्थी आजि लागु । असे तिये ॥ २७ ॥
 कनकत्वदीक्षागुरु । लोहा परिसु होये कीर ।
 परि जगा पोसिता व्यवहार । तें चि जाणे ॥ २८ ॥
 एथ गुरु यंतसे उणें । ऐसें ज्ञानें हें कोण्ही ह्मणे ।
 बन्दि प्रकाशु दीपणें । प्रकाशी आपुलां ॥ २९ ॥

तैसा देवाचिया शक्ती । पार्थु देवासी चि बहुती ।
 परी माने इये स्तुती । गौरव असे ॥ १६३० ॥
 आणि पुत्रे मी सर्वगुणि । जीणांवा हे बापु श्रियाणी ।
 करी तैसा सारंगपाणी । फला आला ॥ ३१ ॥
 किंबहुना ऐसा नृपा । पार्थु जाला असे कृष्णकृपा ।
 तो जिया कडे साक्षेपा । रिती पाहे ॥ ३२ ॥
 तो चि गा विजयासि ठावो । एथ कोणु तुज संदेहो ।
 तेथ न ए तरि बावो । विजयो चि होये ॥ ३३ ॥
 ह्मणौनि जेथ श्रीमंतु । आणि जेथ पांडुचा सुतु ।
 तेथ विजयो समस्तु । अम्युदयो तेथ ॥ ३४ ॥
 जरि व्यासाचेनि साचें । मानी मन तुमचें ।
 तरि या बोलाचें । ध्रुव चि माना ॥ ३५ ॥
 जेथ तो श्रीवल्लभु । जेथ तो भक्तकंदंबु ।
 जेथ सुखें तेथ लामु । मंगलांचा ॥ ३६ ॥
 या बोला आन होये । तरि व्यासाचा अंकु न व्हाए ।
 ऐसें गाजौनि बाहे । उमिली तेणें ॥ ३७ ॥
 एवं भारताचा एवांका । आणूनि अक्षरा एका ।
 संजयें कुरुनायका । दीघला हार्ति ॥ ३८ ॥
 जैसा नेणों केवडा वन्हि । कां पारि गुणाग्रि ठेउनि ।
 आणिजे सूर्याची हाणी । निस्तरावेया ॥ ३९ ॥
 तैसें शङ्खब्रह्म अनंत । जालें सवा लक्षु भारत ।
 भारताचें सतें सात । सर्वस्व गीता ॥ १६४० ॥
 तेयां हिं सातां शतांचा । इत्यर्थु हा श्लोकु शेषिचा ।
 व्यासशिष्यसंजयाचा । पूर्णोद्धार हा ॥ ४१ ॥
 एणें एकें चि श्लोकें । राहे तेणें असिकें ।
 अभिजाताचें नीकें । जीतलें होए ॥ ४२ ॥

ऐसेयां श्लोकां से सात । गीतेचिं पदे आंगें वाहात ।
 पदे हणों किं अमृत । गीताकाशिचें ॥ ४३ ॥
 किं आत्मराजाचिये सभे । गीते उम्ढविले खांबे ।
 मज श्लोक प्रतिभे । ऐसे एंती ॥ ४४ ॥
 किं गीता हे सप्तशती — । मंत्रप्रतिपाद्य भगवती ।
 मोहमहिषमुक्ती । आनंदली असे ॥ ४५ ॥
 हणौनि मनें कानें वाचा । जो सेवकु होईल इयेचा ।
 तो स्वानंदसाम्राज्यांचा । चक्रवर्ति करी ॥ ४६ ॥
 किं अविद्यातिमिररोखें । श्लोक सूर्याचें सावाइकें ।
 खेलविलें गीतामीखें । रायें श्रीकृष्णें ॥ ४७ ॥
 किं श्लोकाक्षरद्राक्षलता । मांडौ जाली आहे गीता ।
 संसारपथश्रंता । विसावावेया ॥ ४८ ॥
 किं सभाग्यसंतीं भ्रमरीं । केले ते श्लोक कट्टारिं ।
 श्रीकृष्णास्यसरोवरीं । सांसिनली हे ॥ ४९ ॥
 किं श्लोक नव्हंति आन । गमे गीतेचें महिमान ।
 वाखाणिते बंदिजन । उदंड जैसे ॥ १६५० ॥
 किं श्लोकांचिया आवरां । सात से करुनि सौंदरा ।
 सर्वागम गीतापुरा । वसों आले ॥ ५१ ॥
 कां निजकांता आत्मेयां । आवडि गीता मिलावेया ।
 श्लोक नव्हंति बाह्या । पसहं कां जो ॥ ५२ ॥
 किं गीता कमलिचे मृग । किं गीतासागरतरंग ।
 किं हरिचे हे तुरंग । गीतारथिचे ॥ ५३ ॥
 किं श्लोक—सर्वतीर्थांतु । आली गीता गंगा अद्भुत ।
 जें अर्जुनु जाला सिंहस्थु । हणौनियां ॥ ५४ ॥
 किं नव्हे हे श्लोकश्रेणी । सतंत जाली चिंतामणी ।
 किं निर्विकल्पलावणी । कल्पतरूची हे ॥ ५५ ॥

ऐसेयां सैं सात श्लोकां । परि आगला एकु एका ।
 आतां कोणु वेगलिका । वानावा पां ॥ ५६ ॥
 दीपा आदीलु मागीलु । सूर्यासि धाकुटा वढीलु ।
 अमृतसिंधु खोलु । उतलु काइसा ॥ ५७ ॥
 तानी आणि पारिठी । इया कामधेनूतें दीठी ।
 सूनि जैसिया गोठी । कीजति नां ॥ ५८ ॥
 तैसे पाहिले आणि सरते । श्लोक न ह्मणावे गीते ।
 जूनि नवि पारिजातें । असति काइ ॥ ५९ ॥
 आणि श्लोकां पाडु नाहिं । हें किर समर्थु काइ ।
 एथ वाच्यवाचक हिं । भागु न घरी ॥ १६६० ॥
 जे इये शास्त्रि एकु । श्रीकृष्णु चि वाच्यवाचकु ।
 हें प्रसिद्धी जाणे लोकु । मलेतो ही ॥ ६१ ॥
 एथ अर्थें तें चि पाठें । जोडे एवढेनि घटें ।
 वाच्यवाचकें एकवटें । साधीति शास्त्रें ॥ ६२ ॥
 ह्मणौनि मज काहिं । समर्थनीं आतां विषो नाहिं ।
 गीता जाणा हे वाच्यार्थ । श्रीमूर्ति प्रभूची ॥ ६३ ॥
 शास्त्र वाच्यें अर्थें फले । मग आपण मावले ।
 तैसें हें नव्हे समूर्ते । परमतत्व चि ॥ ६४ ॥
 कैसा विश्वाचिया कृपा । करुनि महाआनंदु सोहपा ।
 अर्जुना व्याजें रूपा । आणिला देवें ॥ ६५ ॥
 चकोरांचेनि निमित्तें । तीन्हीं भुवनें संतप्तें ।
 निवविलिं कलावतें । जिया परीं ॥ ६६ ॥
 तैसें हें गीतेचें दुभतें । वत्स करुनि पार्थीतें ।
 दुभिनली पुरतें । श्रीकृष्णु गाए ॥ ६७ ॥
 कां गौतमाचेनि मीसें । कलिकालुज्वरितादोसें ।
 पाणिढालु गिरीशें । गंगेचा केला ॥ ६८ ॥

एथ जीवें जारि नाहाल । तारि हें चि कीरु होआल ।
 ना पाठमीखें तीमाळ । जीम पै जारि ॥ ६९ ॥
 तन्हीं लोह हें एकें अशें । झगटिले होये परिसें ।
 तारि एकी कडे आपैसें । सुवर्ण होए ॥ १६७० ॥
 तैसी पाठाची ते वाटी । लाविजे ना जवं वोठों ।
 तवं ब्रह्मतेची पुष्टी । एईल आंगा ॥ ७१ ॥
 नां येणेंसि तोंड वांकुडें । करुनु ठाकाल कानवडें ।
 तारि कानें हिं घेंति पडे । तें चि लेख ॥ ७२ ॥
 कां जें श्रवणें पाठें अथें । गीता नेंदी मोक्षा आरौतें ।
 स्थूल दाता किं कोण्हातें । नास्ति न ह्यणैल ॥ ७३ ॥
 ह्यणौनि जिया तिया सवा । गीता चि येकि सेवा ।
 काइ कराल आघवां । शास्त्रि एरि ॥ ७४ ॥
 आणि कृष्णार्जुनिं मोकली । गोठि केली निराळीं ।
 ते व्यासें दाविली करतलीं । घेअं ये ऐसी ॥ ७५ ॥
 बालकांतें बोरसें । माये जेवजं बैसे ।
 तेव्हलिं तेया ठाकति तैसें । घांस करी ॥ ७६ ॥
 कां अफांटा समीरणा । आपैतेपणेंसि आणा ।
 केलें जैसें बीजणा । निर्मूनिदां ॥ ७७ ॥
 तैसें शब्दें जें न रभे । तें घडूनु अनुष्ठुभें ।
 स्त्रीशूद्रादिप्रतिभे । सामविलें ॥ ७८ ॥
 स्वातीचेनि पाणिये । न्हवतिं जारि मोतियें ।
 तारि आंगीं सौंदरांचिये । कां शोभती तियें ॥ ७९ ॥
 नादु वाद्या नैयंता । तारि कां गोचरु होता ।
 फुलें नव्हतां घेपता । आमोदु कंथि ॥ १६८० ॥
 गोडें नव्हतिं पक्कालें । तारि कां फावती रसने ।
 दर्पणें विण नयनें । नयनु कां दीसे ॥ ८१ ॥

द्रष्टा श्रीगुरुमूर्ति । न रिगतां दृश्यपंथी ।
 तरि काह्या उपास्ती । आकलता तो ॥ ८२ ॥
 तैसें वस्तु जें असंख्यात । तेया संख्या इयें शतें सात ।
 नव्हंति तरि कोण एथ । लागों ये तें ॥ ८३ ॥
 मेघु सिंधुचें पाणी वाहे । तन्हीं जग तेयातें चि पाहे ।
 कां जें उमप तें नोहे । टाकतें कोणहां ॥ ८४ ॥
 आणि वाचा जें न पवे । तें श्लोक न्हवलि बरवें ।
 तरि कानें मुखें फावे । ऐसें कां होंतें ॥ ८५ ॥
 ह्यणौनि व्यासाचा हा थोर । विश्वा जाला उपकार ।
 श्रीकृष्णउक्ति आकार । ग्रंथाचा केला ॥ ८६ ॥
 आणि तो मियां हा आतां । व्यासाचिं पदें पाहातपाहातां ।
 आणिला श्रवणपथा । मन्हाटिया ॥ ८७ ॥
 व्यासादिकांचे उन्मेष । राहाटति जेथ साशंक ।
 तेथ मी रंक एक । वाचालै करीं ॥ ८८ ॥
 पारि गीता ईश्वर भोला । ले व्यासोक्तिकुसुममाला ।
 पारि माझेया दूर्वादला । ना न ह्यणे ॥ ८९ ॥
 आणि जेया सिंधुतटा । पाणियां येति गजघंटा ।
 तरि काइ मुरकुटां । वारिजतसे ॥ १६९० ॥
 पांखिकुटें पांखिरं । गगनीं नुडे तरि काइ करं ।
 नभ क्रमूनि थोर । गरुडु देखें ॥ ९१ ॥
 राजहंसाचें चालणें । भूतलिं चालवें कवणें ।
 तरि आणिकिं ही कुंटेपणें । चालवें लागे ॥ ९२ ॥
 जी आपुलेनि अवकाशें । अगाध घेपे कलशें ।
 चूळ चूळ पाणी ऐसें । घेउनि निगे ॥ ९३ ॥
 दिविचेचां आंगि थोरी । तरि ते बहुतां तेजातें करी ।
 वाति आपुलिया परी । आणीकीं ना ॥ ९४ ॥

जी समुद्राचेनि पैसे । समुद्रीं आकाशें आभासे ।
 थिलरीं थिलरा ऐसे । बिबें चि पै ॥ ९५ ॥
 तेवि व्यासादिमहामती । वावरों ये इये ग्रंथीं ।
 मां आक्षी ठाकों हें युगुति । निमळे चि कीर ॥ ९६ ॥
 जिये सागरीं जलचरें । संचरति मंदराकारें ।
 तेथ काइ सफरें । पन्हों न ल्हांति ॥ ९७ ॥
 अरुणु आंगा जवलिके । ह्मणौनि सूर्यातें तो देखे ।
 मा भूतलिं चि नेदखे । मुंगी काई ॥ ९८ ॥
 इया लागि आक्षां प्राकृतां । देशिकारें बांधों गीता ।
 ह्मणणें हें अनुचिता । कारण नव्हे ॥ ९९ ॥
 आणि बापु पुढां जाये । देखां उचलता पायें ।
 आणि बालक हल्ल हल्ल ये । तरि तें न पवों काइ ॥ १०० ॥
 तैसा व्यासाचा मागोवा घेंतू । भाष्यकारातें पूसतु ।
 अयोम्यु ही मी न पवतु । कै जाइन ॥ १ ॥
 आणि पृथ्वी जेया क्षेमा । नुभगे स्थावरजंगमा ।
 जेयाचेनि अमृते चंद्रमा । निववी जग ॥ २ ॥
 जेयाचें आंगें असिकें । तेज लाहूनि अकें ।
 आंधाराचें सावाइकें । लोटिजतसे ॥ ३ ॥
 समुद्रा जेयाचें तोए । तोया जेयाचें माधुर्य ।
 माधूर्या सौंदर्य । जेयाचे होतें ॥ ४ ॥
 पवना जेयाचें बल । आकाश जेणें पवल ।
 ह्मण जेणें उजल । चक्रवर्ती ॥ ५ ॥
 वेद जेणें सुभास । सुख जेणें सोह्दास ।
 हें असो रूपस । विश्व जेणें ॥ ६ ॥
 तो सर्वोपकारी समर्थ । सद्गुरु श्रीनिवृत्तिनाथ ।
 राहाटतसे मज आंवु । रिगौनियां ॥ ७ ॥

आतां आइती गीता जगीं । मीं सांघें मन्हाटिया भंगीं ।
 एथ कैचा विस्मया लागि । ठाऊं असे ॥ ८ ॥
 श्रीगुरुचेनि नावें मार्ता । डोंगरीं जेया पासिं होती ।
 तेणें कोलियें त्रिजगती । एकावद केली ॥ ९ ॥
 चंदनें वेधिलीं झाडें । जालिं चंदनाचेनि पाडें ।
 वसिष्ठें मानिली कीं भांडे । भानुसीं ग्राठी ॥ १० ॥
 मा मी तवं चित्ताथिला । आणि श्रीगुरु ऐसा दादुला ।
 जो दीठिवेनि आपुलां । बैसवी पदीं ॥ ११ ॥
 आधीं चि देखणी दीठि । वरि सूर्य पुरवी पाठि ।
 तैं न दिसे ऐसी गोठि । कोठें असे ॥ १२ ॥
 हणौनि माझे नीच नवे । श्वास ही प्रबंध होआवे ।
 गुरुकृपा काइ न्हवे । ज्ञानदेऊं ह्याने ॥ १३ ॥
 या कारणें भियां । गीतार्थु मन्हाटिया ।
 केला लोका लागिआ । दीठिचा विखो ॥ १४ ॥
 परि मन्हाटे बोल रंगें । कत्रलितां जैं गीतांगें ।
 तैं गा तेयाचेनि पांगें । एकावट जाले ॥ १५ ॥
 हणौनि गातां गाऊं ह्याने । तैं गाणिवे होये नेणें ।
 ना मोलें तारि उणें । गीता ही न आणित्ती ॥ १६ ॥
 सुंदर आंगिं लेणें न सूर । तैं तो मोकला श्रिंगार होये ।
 ना लेइलें तारि आहे । तैसैं कें उचित ॥ १७ ॥
 कां मोतियांची जैसी जाति । सोनेयां हिं मानु देंति ।
 ना यन्हविं तन्हीं मानवति । आंगें चि गुणु ॥ १८ ॥
 नाना गुंफिलीं कां मोकलीं । उणीं न्हवेंति परिमलीं ।
 वसंतागमिचि वाटौलीं । मोगारिं जौसैं ॥ १९ ॥
 तैसी गाणीव तें मिरवी । गीतें त्रिण रंगु दावी ।
 ते लोभाचां बंधु उन्वी । केली भियां ॥ २० ॥

तेणें आबालसुबोधें । उभियेचेनि बंधें ।
 ब्रह्मरसुस्वादें । आखरें गुंफिलीं ॥ २१ ॥
 आतां चंदनाचां सेजारीं । परिमला लागि निमिष भरी ।
 पारुखणें जिया परीं । न लगे तेथ ॥ २२ ॥
 तैसा प्रबंधु हा श्रवणीं । लागत खेळ समाधी आणी ।
 आइकिल्यां वाखाणी । व्यसन न लवी ॥ २३ ॥
 पाकु करिति व्याजें । पांडिलें एथ वेखजें ।
 तें अमृतातें नेणिजे । पातलेयां ॥ २४ ॥
 तैसेनि आइतेपणें । कवित्व जालें उभणें ।
 मनननिदिध्यासश्रवणें । जीतलें आतां ॥ २५ ॥
 हें स्वआनंदभोगाची सेल । भलेतेयासी चि देइल ।
 सर्वोद्रेयें पोसवील । श्रवणा करवीं ॥ २६ ॥
 चंद्रातें आंगवणें । भोगुनि चकोर सिहाणे ।
 तन्हीं फावे जैसें चांदिणें । भलंतेया ॥ २७ ॥
 तैसें आध्यात्मशास्त्रीं इये । एक अंतरंग चि अधिकारिये ।
 येरि लोक वाकचातुर्यें । होईल सुखिया ॥ २८ ॥
 ऐसें श्रीनिवृत्तिनाथाचें । गौरव असें जी साचें ।
 ग्रंथु नव्हे सुकृपेचें । बैभव तिथे ॥ २९ ॥
 क्षीरसिंधुपरिसरीं । शक्तिचां कर्णकुहरीं ।
 तेणें कै श्रीत्रिपुरारी । सांचितलें जें ॥ १७३० ॥
 तें क्षीरकल्लोला आंतु । मकरोदरिं गुपितु ।
 होता तेयाचा हातु । पैठें जालें ॥ ३१ ॥
 तो मछप्रसवसुंगी । भग्नावयव चौरंगी ।
 भेटला तो सर्वांगी । संपूर्यु जाला ॥ ३२ ॥
 मग समाधि अव्यया इया । भोगाचा वास नां इया ।
 ते मुद्रा श्रीगोरखराया । दिधली मीनीं ॥ ३३ ॥

तेणें योगाब्जिनीसरोवरू । विषयविध्वंसैकदौर ।
 तिये पर्दी कां सर्वेश्वर । अभिषेकिला ॥ ३४ ॥
 मग तेहीं तें शांभव । अद्वयानंदवैभव ।
 संपादिलें सप्रभाव । श्रीगायणिनार्थी ॥ ३५ ॥
 तेणें कलिकलितभूतां । आला देखौनि निरुता ।
 आज्ञा श्रीनिवृत्तिनाथा । दीवली ऐसी ॥ ३६ ॥
 अनादिगुरुशंकरा । पासौनि शिष्यपरंपरा ।
 बोधाचा हा सर्वसारा । जाला आमतें ॥ ३७ ॥
 तो हा घेउनि आघवा । कळिगीलितेयां जीवां ।
 सर्वप्रकारिं घावा । करि पां वेगां ॥ ३८ ॥
 आधि तो तवं कृपालु । वरि गुरुआज्ञेचा बोलु ।
 जाला जैसा वरिषाकालु । खवणलें मेघां ॥ ३९ ॥
 मग आर्त्ताचेन उभरसें । गीतार्थग्रथनमिसें ।
 वारिखळा शांतरसें । तो हा ग्रंथू ॥ १७४० ॥
 तेथ पुढां मी बापिया । मांडलां आर्त्तां आपुलेया ।
 कीं यया सार्ति यवडेया । आणिलां यशा ॥ ४१ ॥
 एवं गुरुक्रमें लाधलें । समाधिधन जें आपुलें ।
 तें ग्रंथि बांधौनि दीधलें । गोसांविं मज ॥ ४२ ॥
 बांचौनि पढें ना वार्ची । ना सेवा ही जाणें स्वामिची ।
 ऐसेया मज ग्रंथाची । योग्यता कें असे ॥ ४३ ॥
 परि साच चि गुरुनाथें । निमित्त करुनि मातें ।
 प्रब्रंभव्याजें जगातें । रक्षिलें जाणा ॥ ४४ ॥
 तर्हि पुरोहितगुणें । मी बोलिलां पुरें उणें ।
 तें तुझीं माउलीपणें । उपसाहिजो जी ॥ ४५ ॥
 शत्रु कैसा घडिजे । प्रमेय कैसेयां चढिजे ।
 अलंकारु क्षणिजे । काइ तें नेंणें ॥ ४६ ॥

साएखेडाचें बाउलें । चालवीतिया सूत्राचेनि चालें ।
 तैसा मातें दावीति बोलें । स्वामि तो माझा ॥ ४७ ॥
 या लागि मी गुणदोष । विषों क्षमावि ना विशेष ।
 जें संजात मी ग्रंथिळें देख । आचार्ये कीं जी ॥ ४८ ॥
 आणि तुह्मां संतांचिये सभे । जें उणीवांसि ठाके उभें ।
 तें पूर्ण नोहे तें लाभे । तुह्मा कोपों ॥ ४९ ॥
 सितलेयां हिं परिसें । लोहत्वाचिए अवदशे ।
 न मूकिये चि आयसें । तो कोणां बोलु ॥ १७५० ॥
 वोहलें हें चि करावें । जें गंगेचें आंग टाकावें ।
 मग ही गंगा नोहे । तें तो काड करी ॥ ५१ ॥
 ह्मणौनि भाग्ययोगें बहुवें । तुह्मां संतांचे मी पाए ।
 पातलां आतां कें आहे । उणें जर्गी ॥ ५२ ॥
 आहो जी माझेनि स्वामी । मज संत जोडुनु तुह्मीं ।
 दीधलेति सर्वकामी । संपूर्ण जालां ॥ ५३ ॥
 पाहे पां मातें तुह्मां सांगडें । माहेर तेणें सुरवाडें ।
 ग्रंथाचें हें आलियाडें । सिद्धी गेलें ॥ ५४ ॥
 जी कनकाचें निखल । उभूं येईल भूतल ।
 चितारलीं कुलाचल । निर्मू एंती ॥ ५५ ॥
 सातां हिं सागरातें । सोहपें भरितां अमृतें ।
 दुवाड नोहे तारातें । चंद्रु करितां ॥ ५६ ॥
 कल्पतरूंचे आराम । लावितां नाहिं विषम ।
 पारि गीतार्थाचें वर्म । निवडी नैए ॥ ५७ ॥
 तें मीं एकु सर्व मूका । बोलौनि मन्हाटिया चोखा ।
 करिं डोळे वरि लोकां । घेऊं ए ऐसें ॥ ५८ ॥
 हा ग्रंथसागर एवडा । उतरौनि पैलीकडा ।
 कीर्तिविजयाचा ढेंढा । नाचे जे कां ॥ ५९ ॥

गीतार्थिचा अरुवार । कलशेंसिं महामेरु ।
 रचूनि माझी श्रीगुरु— । लिंग जें पूजी ॥ १७६० ॥
 गीता निष्कपट माए । चूकौनि होंडिजे वाएं ।
 ते मांथे प्रतां भेटि होए । हा धर्म तुमचा ॥ ६१ ॥
 तुम्हा सज्जनाचें केलें । आकल्लुनि जी मीं बोलें ।
 ज्ञानदेउ० ह्याने ठेंकुलें । तैसें हें नोहे ॥ ६२ ॥
 काइ बहू बोलों सकलां । मेलविलां जन्मफला ।
 ग्रंथसिद्धिचा सोहला । दाविला जो हा ॥ ६३ ॥
 मियां जैसीजैसिया आशा । केला तुमचा भरवसा ।
 तो पुरौनि जी बहुवसा । आणिलां सुखा ॥ ६४ ॥
 जी मज लागि ग्रंथाची स्वामी । दूजी सृष्टि केली तुम्हीं ।
 तें पाहूनि हांसों आक्षि । विश्वामित्रातें ॥ ६५ ॥
 जें असौनि त्रिशंकुदोसें । धात्रेया ही आणावें वोसें ।
 तें नासतें कीजे किं ऐसें । निर्मवें ना हों ॥ ६६ ॥
 शंभु उपमन्युचेनि मोहें । क्षीरसागर केला आहे ।
 एथ तो ही उपमो नोहे । जें विषगर्भ किं ॥ ६७ ॥
 अंधकारा निशाचरा । गीलितां सूर्ये चराचरा ।
 धावा केला तन्हीं खरा । ताउनि तो ॥ ६८ ॥
 तातलेया जगा कारणें । चंद्रें हिं वेचिलें चादिणें ।
 तेया सदोषा केंवि ह्याणें । सारखें हें ॥ ६९ ॥
 ह्याणौनि तुम्हीं मज संती । ग्रंथरूप जो हा त्रीजगती ।
 उपेगु केला तो हा पुढुती । निरूपमु जी ॥ १७७० ॥
 किंबहुना तुमचें केलें । धर्मकीर्तन सिद्धी गेलें ।
 एथ माझें जी उरलें । पाइकपण ॥ ७१ ॥
 आतां विश्वात्मकें देवें । एणें वाग्यज्ञें तोषावें ।
 तोखौनि मज देवावें । पसायदान हें ॥ ७२ ॥

जें खलांची वांकुडै मोडे । तेयां सत्संगीं रति वाढे ।
 भूतां परस्परे पडे । मैत्र जीवाचें ॥ ७३ ॥
 दुरिताचें तिमिर जाऊ । विश्वा स्वधर्मसूर्यो पाहो ।
 वांछिल तें तें लाहो । प्राणिजात ॥ ७४ ॥
 वर्षतें सर्वमंगलीं । इश्वरनिष्ठांची मांदियली ।
 अनन्यत भूतलीं । भेटोतु भूतां ॥ ७५ ॥
 चलां कल्पतरूचे आरव । चेतवांचितामणिचे गाव ।
 बोलते पां अर्णव । पीयूखांचे ॥ ७६ ॥
 चंद्रमे जे आलंछन । मार्तंड जे तपहीन ।
 ते सर्वा हीं सदा सज्जन । सोयरे होतु ॥ ७७ ॥
 किंबहुना सर्वसुखीं । पूर्णा होउनि तिहिं लोकिं ।
 भजिजो आदिपुरुषीं । अखंडित ॥ ७८ ॥
 आणि ग्रंथोपजीविये । विशेषें लोकीं इये ।
 दृष्टादृष्टविजयें । होआवें जी ॥ ७९ ॥
 एथ ह्मणे विश्वेसर राऊ । हा होईल दाओ पसाऊ ।
 ऐणें वचनें ज्ञानदेऊ । सुखिया जाला ॥ १७८० ॥
 ऐसें युगीं वरि कली । आणि महाराष्ट्रमंडलीं ।
 श्री गोदावरिचां कुलीं । दक्षिणीलीं ॥ ८१ ॥
 तेथ भुवनैकपवित्र । अनादिपंचक्रोशक्षेत्र ।
 जगाचें जीवनसूत्र । जेथ श्रीमहालसा ॥ ८२ ॥
 तेथ इंद्रवंशविलासु । जो सकलकलां निवासु ।
 न्यायातें पोखीत क्षितीशु । श्रीरामचंद्रु ॥ ८३ ॥
 तें माहेषान्वयसंभूतें । श्रीनिवृत्तिनाथसुतें ।
 केलें ज्ञानदेवें गीते । देशीकार लेणें ॥ ८४ ॥
 एवं भारताचां गावीं । भीष्मनामीं प्रसिद्धपर्वीं ।
 श्रीकृष्णार्जुनीं बरवी । जे गोष्टि केली ॥ ८५ ॥

जें उपनिषदाचें सार । सर्वशास्त्राचें माहिणें ।
 परमहंसीं सरोवर । सेविजे जें ॥ ८६ ॥
 तिये गीतेचा कलशु । संपूर्ण हा अष्टादशु ।
 हाणे निवृत्तिदासु । ज्ञानदेवो ॥ ८७ ॥
 पुढुर्ती पुढुर्ती पुढुर्ती । इया ग्रंथा पुण्यसंपत्ती ।
 सर्वसुखीं सर्वभूतीं । संपूर्ण होइजो ॥ ८८ ॥

ॐ तत्सदिति श्रीमद्भगवद्गीतासूपनिषत्सु ब्रह्मविद्यायां योगशास्त्रे
 श्रीकृष्णार्जुनसंवादे मोक्षयोगो नाम अष्टादशोऽध्यायः ॥
 हिरण्य । श्रीकृष्णार्पणमस्तु ॥ १८ ॥
 लेखनं श्रीकृष्णार्पणमस्तु ॥

श्री + + + + साम्राज्यलक्ष्मीस्वरूपीश्वरा
 गुरुकृपालुनारायण पातु मां ॥

शके बारा शतें बारोत्तरें । तें टीका केली ज्ञानेश्वरें ।
 सच्चिदानंदबाबा आदरें । लेखक जाला ॥ ९२ ॥

हें पुस्तक विश्वनाथ कोनेर धोलरदेवनुरकर

श्रीसद्गुरुमुकुंदेन दत्ता ज्ञानेश्वरी शुभा ॥
 विद्याधराय शिष्याय स्वीण स्वत्वं न शोभते ॥ १ ॥



प्राचीन शब्दकोश

प्रस्तुत लहान कोशांत कांहीं ठळक ठळक प्राचीन शब्दांचे अर्थ दिले आहेत. दुसऱ्या खंडांत ज्ञानेश्वरींतील एकोनएक शब्दांची बृहत्सूचि द्यावयाची आहे, त्यांत अठराहि अध्यायांतील शब्दांचे अर्थ स्पष्ट होतील.

अ

अगत्या—निरुपायानें.
अगाधपण—अमेयत्व, गूढत्व.
अव—पाप, दुःख.
अचल—स्थिर, पर्वत.
अचुंबित—अस्पृष्ट, अतर्कित.
अष्टांवरि—अद्यापपर्यंत.
अडदर—भय.
अडव—रान.
अडिनांव—अयथार्थनाम.
अडे—सांठवे.
अढं चें—वरचें.
अणुसुट—अनुच्छिष्ट.
अतिसो—अतिशय.
अथव, अथाव,—ठव, ठाव नाही
असा जलसंचय.
अध्वर—यज्ञ, याग.
अनकलित—समग्र.
अनव्रत—निरंतर, नियत, व्रतबद्ध.
अनस्यूत—अखंड ओंवलेले.

अनारिसें—भिन्न, भलतें.
अनीवर—आवरण्यास अशक्य.
अनुकार—अनुकरण.
अनुघाड—उघाड नाही तें, गुप्तपणा,
कोंडणी.
अनुपरोध—रूपोपरोधरहित, यथार्थ.
अनुभौ—अनुभव.
अनुसंग—संगति, संबध, विश्वास.
अनेग—एकाहून अधिक.
अपभ्रंश—नाश, अपशब्द.
अपाड—साम्यरहित, अशक्य, सत्वर.
अपार—अपारिमित.
अपावृत—उघडले, प्रकटले.
अपांपरि—दुर्दशा, भिन्न रीति.
अभोल—भोळा नव्हे तो, प्रबुद्ध.
अर्चिरामार्ग—सूर्यकिरणमार्ग.
अरौतें—अलिकडचें.
अलिउलें—भुंग्यांचे थवे.
अलुकी—व्यसन, क्षुधा, आसक्ति.
अलौकिकां—अलौकिकवान्, लोकांना
सोडून वागणारा.

अवगाळ-गाळ.

अवष्टंभ-अहंकार, आश्रय, धैर्य.

अवसरी-मोहें, समयीं.

अवसात-अकस्मात्.

अव्हाटां-आडवाट.

अविद्या-माया.

अविट, अवीट-अलित, शुद्ध, सरळ,

अविनाभाव-व्याप्तिमत्त्व, अविलगपणां

असकरणें-धिकारणें.

असका-अवघा, समग्र.

अस्तोव्यस्त-अस्ताव्यस्त

असमसाहस-ज्याचे साहसास साम्य
नाहीं असा, अमर्याद.

असमाई-न समावणारी, न राहणारी

असंघडे-विघडे.

अक्षौहिणी-रथ व हत्ती २१८७०,

घोडे ६५६१०, पदाति

१०९३५०

अंगस्तिगौवण-अंग आच्छादणारी
पिशवी

आ

आउठाविये-साडेतिसऱ्या.

आंकण-बंदी, प्रातिरोध.

आंकला-अंकित.

आंकूनि-मुद्रा ठोकून.

आखलिचे-दुष्टपणाचे.

आखर-अक्षर.

आगरीं-खाण, शेत, मळा.

आंगलगें-समागमें.

आगलिक-आधिक्य.

आगलें-अन्य, भिन्न.

आंगवटा-अंतरंग, जातिस्वभाव.

आंगवणें-मानवणें.

आंगवखां-अंगप्रदेशांत.

आगसे-डाहाळ्याचे शेंडे.

आगा-अरे, रे, अहो.

आगियल-आगीचा डोंब.

आचरणें-करणें, अनुष्ठिणें.

आचरतेनि-आचरणान्यांनीं.

आशुंइ-अद्यापि.

आझूं-अद्यापि.

आटलिजों-आळावयास.

आंटी-गांठ, मिठी.

आटोपे-डौल, महत्व, व्यापकता.

आठमुठी-अज्ञपणानें व सुगंधपणानें

आंठूं-अमून.

आठौ-स्मृति.

आडकंठ-अलीकडला कांठ.

आडदरु-प्रतिभय.

आडलिजे-अडखळावें.

आडवंकी-खीळ.

आंढें-आणि, अथवा, कां.

आणी-आणतो.

आणि, णी-अग्र, महत्व.

आंतर-अंतःकरण.

आत्राटणें-थापटणें.

आंतुवटपणा-बलिष्ठता.

आते-पावे.

आंतौतें-फार आंत.
 आथि-आहे.
 आथिला-संपन्न.
 आधुधुरे-सदसत्पणें.
 आदिल-प्रारंभीचें.
 आधपलिपिं-तप्तझालेली.
 आधव-आसक्ति.
 आधाडा-मध्यभाग, आधाकडा, उद
 काचा उगम अथवा मध्य.
 आधिका-बलवत्तर.
 आधिली-अर्धी.
 आनौति-अन्य.
 आपणपें-आत्मत्व.
 आपादिलें-प्रतिपादिलें.
 आपु-प्राप्त.
 आपेसिं-अपयशें.
 आबुथिलीं-अभ्युत्थान झालीं, उठलीं.
 आम्नाय-वेद.
 आय-वश, लाभ, आकार, ठिकाण.
 आयणी-सामर्थ्य, इच्छा, प्रसर, रीति,
 तत्त्वनिर्णय.
 आयतन-विश्रांतिस्थान.
 आजें-मिलें.
 आडिं-दरड, खोल विवरें.
 आर्त-इच्छा.
 आरणीं-रक्षणकर्म, सेना.
 आरंभरंभा-कदली, अप्सरोविशेष.
 आराहले-चोपिले, अनुसरले.
 आराणुक-विभ्रांति.

आराय-मुख, समाधान, हर्ष.
 आरौत-अलिकडील, अपकृष्ट.
 आलवणें-बोलणें.
 आलविलें-बोललें.
 आलुकैलें-भुकेले.
 आलोडावें-घुसळणें.
 अवगाणिचें-अलिकडचें.
 आवगे-स्त्रीकारी, पावे.
 आवडतें-हवें तें, इष्ट.
 आवडे-वाटे. [अवच्छिन्न होणें.
 आवरणें-पसरणें, विस्तरणें, आकाराणें
 आवसिक-अल्प वसती आहे जेथें.
 आन्हासु-आभासु.
 आवाळुवें-ओष्ठ प्रांत.
 आविस-अमिष.
 आवेंगवाणें-व्यंगरहित.
 आशतूटि-निराश होऊन.
 आसलगपणा-सोपेपणा, गोडी.
 आसंसीति-वर्णन करतात.
 आहाच-उथळ, सामान्य.
 आहाचवाहाच-वरवर.
 आहाणा-दृष्टान्त.
 आहाति, ती-आहेत.
 आहो-प्रतिष्ठा, आकार.
 आक्षादिजे-आच्छादिजे.

इ, ई

इतुले वे-ही-इतक्यापर्यंत इतकें.
 इयेतव-इच्याकारणें.

इ-देखील.
ईम-इत्ती.

उ, ऊ

उक्ता-सांगितल्या.
उकलिया-समविषमता.
उखितें-एकसरें, आगंतुक.
उगाणां, उगाणे-झाडा, उपदेश,
सांगण, समर्पण.
उगेयां-स्वस्थ.
उगंडू-सुटका, बेहिगमन.
उजगरा-जाग्रति.
उजरी, उजिरी-ऋजुता, रीति, स्वच्छता
सरिसेपण, विस्तार.
उजलाचें-चकाकणारें.
उजीवडें-प्रकाश.
उजू-नीट.
उजुकारें-नीट प्रकारें.
उतत-बाहेर पडत.
उत्पवन-उडणें.
उते-बाहेर सांडणें,
उदका-उदकानीं.
उदंडी-अत्युत्सुक होतात्यांनीं.
उदाणें-बाग, वर येणें, प्रादुर्भाव.
उदिपे-उदीपन होई.
उदो-उदय, प्रादुर्भाव.
उधवला-उसळला. [नेत्र ज्याचा.
उन्मेखु सूक्ष्मेक्षण-अवधान हाच सूक्ष्म
उनदिदा-जाग्रत.

उपसा, खे-उपसा, व्यर्थत्व, वेच.
उपणितां-सुपानें झडपलें असतां.
उपरोधी-भीड, अडचण.
उपलवला-दृढ धरिला.
उपहतु-हानि पावलेला, येळिल.
उपादेय-ग्राह्य.
उपायिलें-प्राप्त झालें, विस्तारलें, प्रसिद्ध
उपास्ति-भक्ति.
उपासन-भक्ति.
उपेग-उपयोग.
उभगला-कंठाळा धरिला.
उभडा, डें-लोंढा, भडका.
उमपें-मोजण्यास अशक्य, अमूप,
उमाणितें-मोजितें.
उमेडें-मेळावा.
उराउरी-झडकर.
उरुयें-श्रेष्ठ.
उरोधु-प्रतिबंध, भीड.
उल्ब-गर्माची पिशवी.
उल्हाटे-हटून पळें.
उलिगे-चोकऱ्या नोकऱ्या, विगार,
वेठ.
उवाउं-उत्साह.
उवाधिला-बोधिला.
उवेढा-वेढा दूर करणें.
उसिटा-उच्छिष्ट.
उहरविलीं-उद्धरिलीं.
उहीपुही-भवति नभवति.
ऊठि-बाकी.

ए, ऐ.

ए-येतें, येई.

एकतुकें-एकमापाचें.

एकनिष्ठ-दृढश्रद्ध.

एकवकैयेचा-सारखेपणाचा.

एकाधें-एखादें.

एकोल-एकवेळ.

एषा-इर्षा, बरोबरी.

एसणें-असलें.

एंति-येतात.

ऐसां-असा.

ओ.

ओइचिलें-अत्यंत अल्प.

ओगरा-वाढणें.

ओडवला-पातला.

ओतपली-दीप्ति.

ओथिजलें-पातळ केलें.

ओभाणें-पूर, वेग.

ओलांतरला-उशीर झाल्यामुळे फ-
सला,

ओलावणी-शांति.

ओलिवटा-येण्याजाण्याचा मार्ग.

ओवंडति-घडघडतात.

ओवरां-खोलीत, बोवरीत.

ओसंडनि-सोडून, टाकून.

ओसणतां-बरळतां.

ओसाणें-केर, कसपट.

ओहिरी-खोली.

क.

ककारांत-सुषुम्ना.

कटारे-शस्त्रविशेष.

कडवसा-कांहीं आधार, प्रडसावली.

कडसणी-कड, संथन, कसणें, सावध
करणें, विचार करणें, यथा-
क्रम उच्चारणें.

कडसावें-परीक्षावें.

कडेलग-शेवटाजवळ

कडौनि-कडून.

कणव-दया.

कपोलें-गालांन.

कन्हें-उंट.

करांडी-कुरतुडी.

कल्पित-माथारूप, मानीव.

कलिया-बळ.

कव्हणी-कोणी.

कव्हाल-कवच.

कविलासु-कैलास.

कस-परीक्षा.

कसु-सामर्थ्य, बळ, परीक्षा.

कलभा-क्षगडा.

काचें-कचें.

काचेयां-कचा लोकांस.

काज-काय ?

कांटालें-तराजू, रोमांच.

काढ-वेगानें वहाणारे.
 काढत-धावत, लावित.
 कांतले-जुंपिले.
 कांबि-तिरकामट्याची कांब.
 काभिजे-इच्छावें.
 कालवखें-काळोख, अप्रकाश, आ-
 लस्य.
 कालासला, कळासति=बांधिला, न्या-
 हाळिला.
 कालौनियां-विचारणा करून.
 कासी-वाराणसी.
 काह्या-कसा.
 क्रान्तदर्शी-ज्ञानी.
 कीजतासि-केला जात आहेस.
 कीड-हीण, वाईट.
 कीडरु-सर्प.
 कीडाल-खोटें, फटकळ.
 कीरु-खरें पाहिलें तर.
 कुडें-खोटें, लटकें, फटकाळ.
 कुरुठा-शहाणा, गांढ्याळ, खजाना.
 कुरौडीं-ओवाळणी.
 कुलकेणी-कुशलता.
 कुलवाडी-संतति, रयतावा.
 कुलैवा-कुलदीपक.
 कुवाड-दुर्घट.
 कुवांसा-आश्रय, साहाय्य.
 कुहां-कूप, विहीर.
 कूटि-निंदा, अपवाद.
 कृदांतु-यमधर्म, मृत्यु.

कें-कोठें.
 केणी-प्रकार वस्तु.
 केणें-वस्त्राच्या घडीभोंवती बांधलेली
 दोरी.
 केती-किती.
 केरु-नाश.
 केव्हाले-कोणत्या वेळीं ही.
 कोठली-कुजकी घाण.
 कोंडा-भूस.
 कोंडणी-कोंडून टाकणें.
 कोडें-सहज, कौतुक, प्रीति, संकट.
 कोढ-गावकुसूं.
 कोंघाटें-व्यापे, भरे.
 कोळु-हटी.
 कोल्हेरी-शाला, मंडप.
 कोवलिक-कोंवळेंपणा.

ख

खडुलें-गढळ पाणी, गाळ.
 खरपें-रक्षपणा, कठिणपणा; नीरस-
 पणा.
 खराटे-फांका, अप्राप्ति.
 खलन-स्खलन.
 खवलें-खपली.
 खषणेंयाचां-नम्र, नागा, चौद्ध.
 खांखांते-कर्कश.
 खांचे-दमैं, श्रम पावे.
 खाजें-खाद्य.
 खाल-कातडी, साल,

खालातिले-खालच्या, अधोभागीच्या.
 खिरडला-मार्गे सरला; हटला.
 खीचु-खिचडी,
 खेओ-बरोबर; समवेत.
 खेलतां-लीलेने.
 खेवणिलें-कोंदिलें.
 खेवणें-कोंदण.
 खेवां-बरोबर, समवेत.
 खोंकरें-फुटकें
 खोटि-गोळा, आंटीव सोनें.
 खोले-वस्त्राची खोल.

ग

गगनखालिचें-आकाशाच्या क्षेत्रांत वा-
 वरणारें.
 गजघंटा-गजसमुदाय.
 गडदे-अंधकार, निबिड.
 गंधिकालिक-काला मळ.
 गमिजे-मिळविलें जातें.
 ग्रंथुगरुवतिचा-ग्रंथपौरवाचा.
 गमसणि-पिशवी.
 गधे-सांपडे
 गहीर-गंभीर.
 गाज्याबज्य-गजबज.
 गाढिका-दृढता.
 गावाई-विनोद.
 गिधसाधा-शोधावा, आच्छादावा.
 गुतकुलिया-गुदगुल्या.
 गुंपौनि-गुंतून.

गैसासै-नेणतेपणें.
 गोखां-मध्यवर्ती लोकांस.
 गोरि-व्याध, पारधी.
 गोसांविं-धन्यानीं.
 गोसांवीं-धनी.
 गौल्य-माधुर्य.
 गर्हिसासा-निवांत असा.

घ

घणवट-परिपूर्ण, भारी.
 घरडहुली-घरझाडा.
 घराणीं-घिरटीं.
 घली-काढी.
 घसणी-घसट.
 घाउस-ग्रहण करण्यास उत्सुक.
 घांघवसितां-शोधितां (frequen-
 tative of गवसणें.)
 घातेचिये-संकटाचे.
 घापत-सांपडत.
 घरले-प्याले, खारट, व्यापिले.
 घेतें-अंतःकरण.
 घेपे-घेतलें जातें, घेइजे.
 घोकरि-चटकन.
 घोषे-घोषी करीत जाणारे पाण्याचे
 लोट, जलद जाणारें.

च

चटवंच-चटका व फसगत.
 चडत-चढत.

चढावा—उत्कर्ष.
 चलिया—क्षोभ, चांचल्य.
 चवक—वचक, भय.
 चवरें—शेवट, चामर, अंगण.
 चांग—चांगले.
 चांचोड—चांच.
 चाडे—बीं पेंरावयाचें यंत्र.
 चीरा पडे—नाश होई.
 चुभलूनि—चुचकळून.
 चुलकिं—मस्तकीं.
 चेहरें—जायति.
 चेउनिया—जायत होऊन.
 चेंति—जागे होत.
 चेंपणें—पुट घालणें.
 चोजें—कौतुक, आवड, नवल.
 चोंडा—गर्ता, विवर.
 चोपि—घडी.
 चोबोरा—चवाठा.
 चोहट, चौहटां—चवाठा.
 चौपाहारी—चार प्रहर.
 चौहोरि—चोहों बाजूलें.

ज

जन्मौनि—जन्मापासून.
 जमावारी—यमावर.
 जरंगा—जालें.
 जलसेन—जलशयन, महाविष्णु.
 जवनीक—प्रडदा.
 जवला—संनिध.

जवलिक—सान्निध्य.
 जाकलूनि—व्यापून, ग्रासून.
 जागेश्वरा—यागेश्वर, यज्ञेश्वर.
 जाड—पचंग, बळ, योर.
 जाणतेन—ज्ञानी जो त्याणें.
 जांपाणि जांपाणीं—लपतछपत.
 जालीलीया—जाळल्या.
 जियालें—जिणें.
 जिन्हार—जीवनकला, मर्म.
 जीणिजे—जिकावें.
 जीताणें—वाचणें, कुरवंडी.
 जींति, जींथि—जीवन.
 जीपे—जिकवे.
 जुतीस्वरूप—उक्तिरूप.
 जूतलेयां—जुंपलेल्यांना.
 जें—यत्, यस्मात्, ज्या अर्थी.
 जेउति—जितकी.
 जेहाचें—ज्याचें.
 जें—जेव्हां.
 जेत—जय.
 जोगे—पोषक, समर्थक.
 जोजारु—दुःख, कष्ट, संकट.
 जौहर—अभि, विवर.

झ

झकवलपणें—फसवणुकीमें.
 झनें—नकारार्थी, निश्चयार्थी, कादा-
 चित्कत्वार्थी.
 झांक—उडी.

झाकरी—झटकर.

झांकवति—फसवितात, ठकवितात.

झांकोले—आछादितहोई.

झांटी—गर्दी, फळी, समुदाय, झाडी,

झावळें—अस्पष्ट, ना उजेड ना अंधार.

झांपकणे—फसलें जाणें, फसणें.

झुलुआ—झोके.

झोलु—पदर, मिथ्या, असार.

ट

टकति—मुटतात.

टाकी—पावें, येई, प्रात होई.

टांक—ठसे.

टांचें—लहान.

टिटियांतु—पायांच्या तिकटांत.

टीविला—चर्मवाद्यविशेष.

ठ

ठक—तटस्थ, ति-हाईत.

ठाडानि—आसनावरून, स्थानावरून.

ठाणा दिवी—दिवली ठेवण्याची बैठक.

ठावावे-हीं—हा काळपर्यंत.

ठी—स्थिति.

ड

डंसु—दंश.

डहुलतें—धुसळतें.

२

डाखले—दंश करण्याचे दांत.

डालें—फुलेंफळें घालावयाची पाटी.

डावली—दूर करी, परिहरी.

डावा—दूर.

डोंड—मोठे चिरे.

डौंडी—दवंडी, डांगोरा.

डौरां—गोंधळ्याचें वाद्य, उपहास

डौले—डोहाळे.

ड

ढवललें—शुभ्र झालें.

ढाली—हालवी, घाली.

दिसाल—थोर.

ढेंढें—सूप.

ढोंढी—वाटोळा आकार, फुगारा

ढंकु—कोटाची भित.

त

तंडों—भांडों.

तण्हारे—गवताची झोपडी.

त्राय—सत्ता, रक्षण, ठाव.

त्राये—रक्षण, आश्रय, बळ, सत्ता, ठाव.

त्रिमालिकें—तीन मजली.

त्रैधातुक—वातपित्तकफत्व.

तळगे—पिली.

तळहातिचेनि—तळहातच्या.

तव—मुळें, कारणें.

तवकें—धैर्य.

ताउवा—उघड, प्रकाशित.

तागा—नाव ढकलावयाचा वेळू,
आधार.

तातलें—तांपलें.

तास—नांगराची रेघ.

तीमे—भिजे.

तुगुटी—त्रिकुटी, हातृशानशेयादि—
प्रपंचरचना.

तुलिगासवें—प्रतिध्वनीशरोबर.

तुषान्न—कोंड्याचें अन्न.

तुहतें—तुला.

तूक, तूक—महत्त्व, वजन, हीण.

तूकलें—वजन केलें, सारखें झालें,
डोललें, हालविलें.

तेउती—तितकी.

तेया—त्या.

तेसणा—त्याप्रकारचा.

तैसा—तसा.

तोंडागलें—मुखर.

थ

थाउं—ठिकाण, तळ.

थाटी—झाडी.

थाया—मोह.

थोर—स्थिर होई.

थावली—स्थिर झाली, बळावली.

थावें—बळ, उथळ, आश्रय, प्रांत.

थिनलें—छिन्न होणें.

थीतें—स्थित, सुस्थित, स्थिर.

थीलरातें—डबक्यास, पल्ल्यास.

थेंकुलें—थोडें.

थोकडें—थोडकें.

द

दटिजे—श्रमावें, दमावें, संकोच-
पावावें.

दरकुटें—पर्वत तट.

दलवाडें—समुदाय, घनवट, मोठा
दगड, आकार.

दलवैपणाचा—सेनापतित्वाचा.

दांग—वन.

दाधु—दाह.

दांडेवारि—काठीनें.

दादुला—पति, धनी, थोर पुरुष.

दायाद—दाईज.

दारवठेकारु—उंबरठा शिक्षाविणारा.

दासट—दाहक, नाशक, पीडक.

दियां—दिवसां.

दिहवलें—उजेडाच्या साहाय्यानें.

दिहा, हें—दिवसां.

दिहेंदीसैं—दिवसेंदिवस.

दी—दिवस.

दीठे—दृष्ट, अनुभूत.

दुपाउली—दोन पावलांत.

दुबला—दुर्बल.

दुर्भर-भरण्यास कठिण.

दुरासे-दुराशेनें.

दुरिकें-लांब.

दुवाडपण-दुस्तरत्व.

दूण-दुपटी.

देखी-रीति, दीक्षा, दंडक.

देवदे-तिदे, वक्र.

ध

धटे-निश्चयाने.

धडसा-धड असा, अव्यंग असा.

धडेयावारि-हातोळ्यावर (हातोळा=ह-
स्तावलि)

धडौता-सांग.

धणि-पूर्ति, इच्छा.

धवड-मोठा दगड (धावड=कठिण
लोखंडाच्या दगडावर काम
करणारा.)

ध्वनित-व्यंगोक्ति, सूचना.

ध्वनिते-व्यंगोक्तीनें, सूचनेनें.

धसाल-स्थूलदृष्टीचा, अविचाराचा.

धाकडांसि-बलकट, धीट.

धायेपण-दायीचें काम, संगोपन.

धारणीं-इच्छा, खांब.

धारसे-मध्यप्रवाह.

धावेया-हाकेंसरसें.

धीटीवं-धीटपणा.

धूरे-अग्रमार्गी.

धोंधा, दा-वर्षाव.

धोरण-धोपटमार्ग.

न

नडनाचें-नटाच्या नाचण्यानें.

नवानिसिति-नव्यानें पाजळलेल्या
तीक्ष्ण.

नव्हाली-तकतकी, नवाई.

न्यसावी-ठेवावी, घालावी.

नां-नकारार्थी अथवा, नाथवा.

नाइकें-कान न देई.

नाखि-टांकी.

नागर-राजस, चतुर, नगरवासी,
लिपिविशेष.

नागरपणें-संभावितपणें, चातुर्यानें.

नांगवे-न सांपडे.

नाडले-आढलेना.

नाथिलि-नसली.

नादिचे-श्रवण सुखाचे.

नाना-अथवा.

नापूवे-न बुडे.

नांभरि-क्षणभर.

नाराणुक-असामाधान.

नाव, वं-क्षण (?)

नावांनावां-क्षणक्षणां.

नावेक-क्षणैक.

नाशिली-नष्ट.

निगदु-शपथ.

निचाड-निष्काम, चाड नाही असा.

निजाचा-मनाचा, आत्मस्वरूपाचा.
 निडलीं-कपाळीं.
 निडार-पकदशा, समता.
 निफनालिं-निष्पन्न झालीं.
 निमथा-माथा.
 नियता-नियमनशील पुरुषांनीं.
 निर्गुडु-जेथें उच्चनीच दगडबोंडे
 नाहीत असा.
 निरतां-निरतिवान्, मग.
 निर्लाग-निराश्रय, लाग नाही जेथें.
 निरविडी-निश्चयानें अनुरूप.
 निरालीं-अंतरालीं.
 निराश-आशारहित पुरुष.
 निरोल्लें-व्यवस्थित रचना केले गेले,
 निर्मळ केले गेले.
 निरोल्लिल्ये-निर्मळ केले गेलेल्या.
 निरुता-निश्चयानें, खरा.
 निलेयाचा-इंद्रनीळरत्नाचा.
 निवाडु-निर्णय, भेद.
 निशाण-नगारा.
 निष्ठा-स्थिती, श्रद्धा.
 निषण्ण-शांत बसलेले, निवांत, निश्चल
 स्थिर.
 निस्तरैल-तरून जाईल.
 निसिं-तीक्ष्म.
 निसुगै-निर्लज्जपणा.
 निहिटिला-दडपिला, जडला.
 नीक, का, केनी-चांगलें, खरें, बरें,
 हिताचें.

नीकें-खरें, चांगलें.
 नीणिलें-नेले, मेळविले.
 नीरु ताउनि-पाणी स्पष्ट तपासून.
 नुमगिजे-दमूंभागूं नयें, वासूं नये.
 नेदखति-पाहत नाहीत.
 नेवाणें-तिरस्काराचें पात्र.
 नैए-थेत नाहीं.
 नैयंतां-न येतां.
 नैयेइल-न येईल.
 नोंकिलीं-निंदिलीं, चुकविलीं, लप-
 विलीं
 नोडवेचि-पुढें न करणें, पुढें न येणें,
 प्राप्त न होणें, न ओढवे.

प

पडप-प्रतिष्ठा, महत्त्व, श्रृंगार.
 पडिभरें-आधिक्य, भर, अतिशय.
 पडिसादा-प्रतिध्वनि.
 पडिहासे-भासे, प्रतिभासे.
 पडियंता-आवडता.
 पडियें-प्रीतिपात्र.
 पतिकरु-रचिलें ! संजोगिलें, अंगीकार
 पन्नासिलें-रचिलें, संजोगिलें.
 पन्हूरें-पुतळीचें सोनें.
 परउतें-पलीकडे, वेगळें.
 परगुणें-पक्कान्न.
 परमार्थ-महत्त्व.
 परवाली-प्रक्षाळलेले, धुतलेले, स्वच्छ
 पन्हौतीं, पन्हौतें-पलीकडें.

परावा-परकी.
 परि-प्रकार, रीति.
 परिसावेया-ऐकण्यास.
 परिहसैं, परिहसैं, परियसैं-लीलेनैं,
 विनोदानें.
 परिहसैं-विनोदानें किंवा लिलेनैं बोल
 शील तर,
 परौता-दुसरा, वेगळा, पलीकडे.
 पलति-दूर जातात, पळतात.
 पल्हातां-विस्तारानें विवेचन करतां.
 पलिपे-पेटे.
 पलिपलीं-पेटलीं.
 पवडला-प्रवेशला.
 पवळे-प्रकर्षाने वळतो, जातो.
 पव्हणा-पोहण्याजोग्या पाण्याचा डोह.
 प्रतिपदी-विवेचन करी.
 प्रतिफलें-उलट फलद्रूप होते, परत
 उत्पन्न होतें.
 प्रभवे-सामर्थ्य असतें.
 प्रव-ताप, नौका.
 पाइ-पाही, अवलोकी.
 पाइकु, पाइक-सेवक, पदाति.
 पाउखौनिया-फिरवून.
 पाउटीं-पायरीनें.
 पाउडु-दक्षणा, पैसासुपारी.
 पाउसीं-प्रावट्कालीं.
 पाएं-पायानें.
 पाएरवें-बरदलीनें.
 पाखर-आश्रय.

पांगु-गरज, अपेक्षा, ओशाळगत,
 हीनत्व, पराधीनत्व, एकदेशित्व,
 दुर्लभत्व, राबणें.
 पांगुतलीसे-आछादिली असे.
 पांगूळ-पंगु, व्यंगावयव.
 पांचवनेया-पंचवर्नीच्या समुदायाच्या.
 पांचाखरी-पंचाक्षरी, मांत्रिक.
 पांजरा-प्रतिबंध.
 पांजला-व्यापला.
 पाक्षडीं-दाट झुडुपें.
 पाटा-आडपडदा.
 पाटाऊ-वस्त्र.
 पाडु-पट्टा.
 पाड, पाडु-साम्य, योग्यता, वेगळे-
 पण, मान, किंमत.
 पाडि-डोंगर, टेंकाड.
 पाणिवलें-पाण्यातील केरकचरा.
 पांत-पावत.
 पातलें-प्राप्त झालें.
 पांतां-पाहतां.
 पानियेडें-तळें, जळपात्र.
 पांपरा-लाथ.
 पावली-तुच्छ, नश्वर.
 पायलू-पायाकडून उपजलेला, पायाळु
 पारुखति-न राहती, न घडती, बंद
 होती, रुसती.
 पालवे-पदर.
 पाव्हाळ-विस्तार, गावाळ, पाझर.
 पालिंगणें-पंक्ति.

पालूविला-परजिला.

पावी-पाहावी, अवलोकावी.

पासवणें-फांस, बंधन.

पासिक-फांस.

पाहला-पातला, आला.

पाहांती-प्रकाश पावणारी,

पाहार-प्रहर.

पाहाले-उजाडलें, प्रातःकाल.

पाहिचा-उदयिकचा.

पाहूती-पायरी.

प्राकृती-अनधिक-यांनी.

प्रांजल-सुगम, सोपें.

पांशि-पितात.

पुडुति-पुनः.

पुढिल, पुढेल-जवळचा, दुसरा.

पुण-पुनः, पण, परंतु.

पुरुता-पुर्ता, पूर्ण.

पूंसा-पक्षी, पोपट.

पेंठा-आडरस्ता.

पेणा-मुकाम, टप्पा, मजल.

पेलावा-ढकलावा, प्रेरावा.

पेलिला, पेलुनि-ढकलिला, ढकलून.

पैकु-समुदाय.

पैज-प्रतिज्ञा (पडजा.)

पैयारें-पाहिरी.

पैसार-मार्ग, (पादसार.)

पैसु, सें-मार्ग.

पोखलें-पोषलें.

पोटलूनियां-पोटाशीं धरून.

पोतासाची-भीमसेनी कापूर.

पौलि-प्रकार, समोवतालील भित.

फ

फटिकु-स्फटिक.

फली-समुदाय, रांग, पक्ष.

फाडेवारि-वेगळे करीपर्यंत

फावले-प्राप्त झालें.

फावा-प्राप्ती, लाभ.

फुडें-खरें, बरें, स्पष्ट.

फूटति-स्पष्ट, धड.

फूटावें-दूर व्हावें.

फूटी-विकास, प्रकटता.

फेडणें-घालवणें, नाहीसा करणें, पुसणें,
सोडणें.

ब

बग-मार्ग, योग, देखावा, संबंध.

बनकर-माळी.

बरटेनि-चिखलानें.

बरडी-माळजमीन.

बरल-भ्रांत, अस्वस्थ, एकांचें एक
बोलणार, दुर्मार्गप्रवृत्त.

बरवते-चांगलें.

बरवा-चांगला.

बलियावीलें-बळकट केले.

बहुते (येकु)-फार, पुष्कळ.

बांधे-आकार.

बापु-बडिल, मान्य, संमान्य.

बापिकें-बडिलार्जित.

बाबुली-शेवाळ, गोंडाळ.

बाहाकांतें-फाकणारी.

बाहुडे, बहुडे-जाई, पाठवी, निरोप देई.

बाहिरसवडिआ-बहिरोष्टानें, स्पष्टपणानें.

बिस्दिंचे-बाणेदार, प्रतिज्ञावंत, थोर.

बिंबडू-बीजपोषक जमीन.

बीक-आधिक्य, आवड, शोभा, ब-
डिवार.

बुडडा-बुडबुडा.

बूथि, बुंथी-बुरखा, आछादन.

बेगें-खिडकी.

बेठा-बसलेला

बेंथु-दांडगा.

बैसणें-आसत.

बोधला-ज्ञानसंपन्न, कळला.

बोंबलें-लिंपले, सारवले.

बोबांतां-हाक मारतां, पुकारतां.

बोलावें-वक्तव्य.

बोलती-बोलणारी, अभिप्राय स्पष्ट
करणारी

बोलिजत-बोलिलें जात.

बोहिलीं-भस्म केलीं.

बौहसपणें, बौहस-फार, अत्यंत.

बौहे-फार, पुष्कळ.

भ

भडसे-पूर, महत्त्व, लोट, आधिक्य.

भंगी-रीति, प्रकार.

भरवसेनि-भरवस्थानें.

भरितु-पूर्ण, भरलेला.

भरें-पूर्ण, अशयित.

भले-हवेतसे, चांगले.

भ्रमातुकातें-गरगर फिरणारे.

भांगार-सोने.

भाजे-भय होई, तुटे.

भाडिचा-बीभत्स व्यवहार व भाषण
करणान्या स्त्रीशीं व्यवहार
ठेवणारा.

भाणें-ताट, पात्र.

भातें-मजूरी, पोटगी.

भांभ, भा-भ्रांति, शोभा, सौंदर्य.

भारणी-वशीकरण.

भांसललें-भ्रंशलेलें.

भितिल-भितील.

भुरुहिं-वनस्पति.

भूतला-हालेला, अनुभवलेला.

भूतषिचां-भूतरूप खिचडी.

भूवंग-सर्प.

भोंकसा-सगळें चर्म; मृत जनावराचें
गवत वगैरे मरून ठेवलेलें
संबंद कातडे.

भोंज-संतोष, महत्त्व, सोंग, स्वेच्छा,
कौतुक,

म

मगावासि-शोध केला जावास.

मन्हाटा-उघडा, प्राकृत, सुगम, मरा-
ठी भाषेंतील, भाषेन.

मवलां-मोजक्या.	मुगातु-मुक्त.
मवावा-मोजावा.	मुगुतें-सायुज्य.
महाकाव्यारा३०-महाकाव्यांचा राजा.	मुलीं-तळवटीं.
महारिखीचें-महर्षीचें.	मेकली-घड बांधलेलीं.
महुर-मधुर.	मेघौडें-लहान मेघ.
हाणिपती-हाटले जातात, हाणवितात.	मेरे-मर्यादेस.
हाणियागत-आज्ञाधारक.	मेल्हावणें-संयोग.
मांगल-मंगळ, पवित्र.	मेहुडें-लहान मेघ.
मागीलकी-पूर्वीची.	मैले-योगानें, प्राप्तीनें.
माजवण-कैफाचे पदार्थ.	मोगर-निवडक लोक.
मांजिठे-तांबडें वस्त्र.	मोटका-थोडकें, इवलेसें.
माजिवटा-मध्ये.	मोडौनियेणें-भरानें येणें, मोडून येणें.
माझारि-मध्ये.	मोहरे-सन्मार्गी.
माझिवडे-मध्ये, मध्यवाटेत.	मोहलले-भ्रांत झाले.
मांट-किर, निविड.	मोहोर-सन्मार्ग, दिशा, अभिमुखता.
माथुला-लहान रवि.	मोआलें-मवाळ, नरम.
मांदल-वाद्यविशेष.	
मांदोडा-फळांचा घड, बाहुल्य.	य
माधवी-वसंत.	यकवंकी-एकाकार.
मानेयाचे-अहंतावान पुरुषाचे.	यज्ञभावितीं-यज्ञानें पूजिलेल्या.
मालें-राब, काकवी.	यंत्रवराचि मार-गोलंदाज.
माल्हेवे-विज्ञे.	येकोळ-येकवेळ.
मासिं-मजशीं.	येतुलां इतका, एवढा.
माहोर-मायघर.	योगानिक-योगाभि ज्यानें ठेवला तो.
भिरवणियां-भिरविलेलीं रूपें.	
मिलणीसमें-संयोगाबरोबर, प्राप्तिबरो-	र
बर.	रंगाथिलें-रंगविलेलें.
मीति-गणनां.	रमानाहें-रमानाथानें.
मीनले-मिळाला, भेटले, एकत्र झाले.	

रली-विनोदानें.

रसवृत्ति-शृंगारादिरसांची प्रकटता.

रसोयें-पाक.

रहवर-रथश्रेष्ठ.

राउवें-पोपट.

राउनि-निश्चल करून, स्थिर करून,
स्तब्ध करून, एकान्त करून.

राउली-राजवाड्यांत, महालांत.

राजवंटा-राजमार्ग.

राणिव-राजपण.

राभस्य-त्वरा, सामर्थ्य, बलात्कार.

राल-आसक्ति.

रावित-रंगवीत, रांपवीत.

रासौभा-पखलण.

राहांत-स्तब्धता, लोप.

राहांतें-स्तब्धता.

न्हाय-राही.

रितु-ऋतूच्या.

रितुपति-वसंत.

रुढ-प्रसिद्ध, लोकमान्य.

रेखा-काव्य रचना, अक्षरपंक्ति.

रेवले-बुजालें, सांचलें, रुतलें.

रेवा-रुतण्याजोगी मऊ वाळू.

रोसैं-राग, क्रोध.

ल

लंहीदवडी-लगवग, गडबड.

लाग-संबंध.

लागण्यां-लागट करणारा जो तो

लागणा, त्याला.

३

लागु-संबंध.

लाटी-वीचि.

लाउपण-बलिष्ठता.

लाणि-प्राप्ति, गोळा करणें, मर्यादा.

लादु-लभ्य.

लांबा-पर्जन्य पडून भातगोट्याचें
दुसऱ्यांदा उगवणारें रोप.

लाहा-अतिशयित इच्छा.

लिंगभेदु-शिष्यत्वादिचिन्हनाश.

लिंगु-चिन्ह, दैवत, लक्षण, मर्या-
दाचिन्ह.

लसिली-खुडली, मोडली.

लेख-गणना, आकार.

लेप-दोष, मळ, चित्र, वर्णलेप.

लेसां-बरे रीतीन.

लो-लय.

व

वंगु-कलंक, डाग.

वचिजे-जावें.

वज्रयोगें-हठयोग.

वडपें-वृष्टि.

वणवला-वणव्यानें व्यापिला.

वणिजे-उदिमास.

वणेसाठीं-व्यापाराकरतां, उदिमा-
करितां.

वरगण-वांटणी.

वरचिल्लि, वरिचील्ल-वरकड, वरील.

वरपडा, वरिपडा-स्वाधीन, पडता.

वारिवं—शोभा, उत्कृष्टपर्णा.

वरिवावें—वर जावें, उलट जावें,
चढून जावें.

वर्षु—पाऊस, वृष्टि.

वलघलेयां—उल्लंघल्यास.

वसें—वशें.

वसैठ—वासस्थिति, वासस्थान.

वसैठा—वासस्थानक.

वहिला—सत्वर.

वहिवटीं—जेतें वाहणाऱ्यां लोकांच्या
नावाचा पट्ट ह्मणजे याद.

वाइलें—वाहिलें, पेरिलें.

वाउनि—वाहून.

वाउर—वाईट.

वाउलीं—व्यर्थपणें, रिकामा.

वाखारी—वखार.

वाखोरां—हृदयरूप कपाटांत, छाती-
च्या कपाटांत.

वागारे—घोड्याचे दोर.

वागुर, वागूर—जालें.

वांझीलें—वांझ फुलें.

वाटधंधें—वाटमार.

वाटवधेया—वाट मारणारातें.

वांठिवांविण—पुरुषार्थाविण.

वाणि—कमताई, वाचा.

वाणिये—प्रकारें, तऱ्हेनें.

वांत—वाहत.

वानिया—प्रकार, इयत्ता.

वानिवस—स्वेच्छा, कौतुक, दैवगती,
मध्यगृह.

वानी—पर्ण, कस, सारखें.

वापसा—बीं पेरवयाचा समय.

वायकांडें—व्यर्थ बाण.

वायाणें, णीं—व्यर्थ, निष्फळ.

वारिक—घोडे.

वारुक—घोडे.

वारुनि—सांगून, बजावून, निवडून,
घालवून.

वालभाचें—प्रेम, आवड.

वालीप—गंवसणी.

वावटे—विश्रांति पावें.

वावटेले—विश्रांत.

वावडी—दुर्घट, कठिण, घातक.

वाविं—चार हातांनीं.

वास—वाट.

वासिपे, पु—भय पावे, नाश पावे.

वाहर—पीडा, बोहे, कास.

वाहातवणां—मार्गस्थ.

वाहो—कृषिकर्म.

व्याजें—निमित्त, रूप.

विकडी—चातुर्य.

विकरविला—विकार पावविला.

विकरे—क्षोभे.

विलें—विषयीं.

विखोंचे—भोंसकलें जाई.

विचवे—श्रमे, कष्टे, उपहसे.

विणावाणि—विणकर.

विंदाणें—निग्रह, कौतुक, दगाबाजी,
घेणें.

विनट—रंग, चिन्ह, खेळगडी.

विपाइलेया—एखादा, विरळा.

विपायें—कदाचित्, प्रसंगें.

विरगतां—विरक्तां.

विरजा—सहाय, व्यापक, दुसरा.

विरजेयाचेनि—सहायकर्त्याच्यानें.

विरुं—विरोध.

विरुढि—अंकुर, पालवी.

विलग—उपद्रव.

विवललें—प्रभात जालें, प्रकाशित
झालें.

विवसी—पिशाची, डांकीण, त्रास.

विशेषिति—विशेष वर्णन करतात.

विश्वे—सर्वतोपरी.

विषें—विषयीं.

विस—असंभाव्य गोष्ट, विषम गोष्ट.

विसकुसे—विषमत्वे, वैषम्यानें, दुः-
खानें, गोंधळून.

विसणैले—घोसणैले, विषाद पावलेले.

विसंभति—सोडिती, मोकळिती.

विसंवादु—विरोध, भिन्नपणा.

विसुरा, रें—विस्मय, भ्रम, स्वरूप,
चित्र.

विहिला—नियमिला, सांगितला.

वीकेति—विकसित.

वीजे—उत्पन्न होतो, निष्पन्न होतो.

वीपे—जाय.

वेखासें—भ्रम, वाईट. व्यर्थ.

वेधवतियें—पृथ्वीला.

वेव्हीं, रि, व्ही—पर्यंत.

वेल—काळ, विलंब, समय.

वेल्हाल—विलासी, विस्तृत.

वेल्हावणें—भोग घेणें, विस्तरणें.

वेसजें—कर्म

वेसन—जनावराच्या नाकांत घालतात
दोरी ती, श्रोतृव्याख्यातृ-
संबंध, आसक्ति.

वैल्हे—सत्वर

वोज, वौजें—चांगलें, प्रकार.

वोडण—ढाल

वोतपली—कोंवळे ऊन, दीप्ति.

वोळिंबा—उधय, बाळवी

वोंवरा—खोर्लीत

वोहटावाहिला—मौन्य धरिलें

श

शयानु—निजलेला.

श्रद्धासं—श्रद्धावंतांनीं.

शास्ति—नियमन, शास्त्र.

श्रावली—संतुल.

शिखराभिलेयां—सानुमंत, पर्वत.

श्रिष्टि—सृष्टि.

श्वेया—शंभरास.

ष

षडा—खडा.

षडाडितां—खडाडिता.
पूणे—खुणें.

स

सकतीसर्वे—शक्तीबरोबर.
संकुल—व्याप्त, गर्द.
सकें—डाकलग.
संधे—जोडी, लावी.
संचकाची—चिक्कु, कुपण.
संजात—सार्थक.
सडिया आड्ती—केवळ देहमात्र सा-
मग्रीनें.
सडेआ—एकट्याला, केवळ.
सणाणे—तीक्ष्ण.
सदमुखपण—सन्मुखता.
सडु—छंद.
सधर—बळकट, समर्थ.
सपिलें—समग्र दूध पिणारी वत्सं.
सपुर—संपूर्ण, भरपूर.
सम—अविषम.
समस्या—शंका.
समात—समावत.
संयती—इंद्रिय नियमन.
सर—शर, बाण.
सरतें—ग्राह्य, मान्य, संपत्ता.
सरली—मोकळीक.
सरलें—संपलें.
सरिपाडु—सोंगट्या.
सरिसे—सारखे, व्यापक.

सरौनि—संपून.
सली—छळी, क्षोभी.
संवचोर, संवियां—संगतीचा चोर,
सोवतीचा चोर.
सवडी—ओठ.
संवतारेनि—स्थिर आश्रयानें, ध्रुव
जाग्याच्या आश्रयानें.
संवरे—सांवरतां येई, आटोपे.
संवसारा—पसारा, विस्तार, अनुसरणें,
लाभ, दर्शनयोग्य.
सबा—बरोबर, समवेत, सह.
संवादियें—प्रश्नोत्तर करणारा.
सवियां—स्वतः
संहारवाहारे—संहाररूप उत्पात.
स्वसुखिचेनि—आत्मसुखाच्या ठायीं
असणाऱ्या.
साइ—साहीं.
साइखेडेनि—सुत्रबाहुलीनें.
साउनि—सहन करून.
सांकडा—कठिण, संकटमय.
साकडु—कठिण.
साकें—डाकलग.
सांघडे—आचरण्यास सारखे.
सांचळु—चाहूल, जाग.
साचोकारें—यथार्थत्वे.
साजणें—सख्य, सज होणें.
सांटपा—साठवण, ब्रह्मा.
सांटोवा—संग्रह.
सांटोवाटी—अदलाबदल.
सांडले—सुटले.

सांता-अस् धातुचें वर्तमानकालचा-

कच पुल्लिङ्गी एकवचन.

सांते-अस् धातुचें वर्तमानकालचा-

चक धातुसाधित अनेकवचन

संतः, त्याचें मराठी सांते

(पु. अ.)

साद-शब्द.

सांदुकला-पेटला.

साधिति-भारिति, सिद्धीस नेणें, अ-

नुकूल करणें.

सांधुक्षणें-पेटणें.

साना-लहान.

सान्हाउ-कवच, चिलखत.

सानीव-लहानपण.

सांपडे-संपात होतो, गोंधळ होतो.

सांपें, पु-सांप्रत.

सांपेचा-सांप्रतचा.

सावरें-अंगण.

सावेरी-सावरीचें झाड.

सामघेनिआ-समधातपणें.

सामान्यत्वे-नीचपणानें.

सारिखे-योग्य.

सावाइ-मदतीच्याकामी, स्वेच्छेनें.

सावाजं, ओ-सहाय, वृद्धि.

सान्हाउ-सहाय, उत्तेजक.

सांहीआं, सावियां-बरोबर, समवेत,
तत्काळ.

सावेसा--स्वेच्छा, अभिलाष.

सांसिनले-विस्तारले, भरले, साजे, जा-
हाले.

साहाजें-लिहीनें.

स्वाराज्य-स्वराज्याचा भाव.

सिकिलेयां-भिजविण्यांत, सिंचण्यांत

सिध, सीध-शेंडा, अग्रभाग.

सिठी-सृष्टि.

सिंपे-लिप्त होई.

सिरे, रें-क्षरे, खरें, कमी होई.

सिंविजे-स्पर्शजे.

सिद्धानें-शिक्षाज्ञ, शहाणें, सुज्ञ.

सियाणी-प्राप्ति, लब्धि.

सीग-शेंडा.

सीतले-शिवला.

सीलं-उद्युक्त.

सुअणी-मजली, टप्पे.

सुकतेया-सुकणाऱ्या.

सुखाडले-सुख जाले.

सुखाडें-आनंदलेल्या.

सुडसु-मर्मज्ञ.

सुडावणी-एकाकारता.

सुंदु-सुवासिक.

सुभति-पडत्ये, घातली जाते.

सुमथितु-चांगला घुसळलेला.

सुयाण-सुकाळ, घालणें.

सुये-घाली.

सुरसाहें-देवांच्या साहाय्याच्या
कामी.

सुवट-सुरूप, छानदार, बेश.

सुवण-जन्म.

सुवर्णवाइ-सोनपण.

सुवर्म-मार्मिक.

सुसडा—चांगलें सडीक.

सुहडा—चांगला योडा, राजा.

सुहाडा—आनंदयुक्त, मनोरम.

सूची—चिंती.

सूटिका—पडणें, सर.

सूतला—निजला.

सूती—वास करणें.

सुनु—घालून.

सूनि—घालून.

सूषाचें—सुखाचें.

से—स्मृति

सेखामृत—शेषामृत

सेयारी—डाकीण, भय, पिशाची.

सेल—उत्तम वांटा

सेलत—हातानें पाणी तोडीत

सेलवांटा—उत्तम सेलक्या वाटा

सेवडी—चर्म

सेविती—भजणाऱ्यांत

सेस—नवरानवरीस सोयऱ्यांनीं अक्षतां
ठेवणें, उरलें.

सैव—समूह, केवळ

स्थैर्यताअनुजिनी—स्थैर्याची धाकटी
बहीण.

सोआंगें—सोंगें

सोंके—दुःख, असंतुष्ट होई.

सोय—स्वरूप, ओळख, मार्ग.

सोरसें—प्रसाद, गोडी, अभिप्राय.

सेसु—शोष, तुष्णा.

ह

हकरे—टकरा.

हरैला—हरविला, घालविला.

हलुवट—हलकें.

हलुवारणें—हलकें केले, झाले.

हलुवारपण—मार्दव.

हल्लर—एकप्रकारचें गाणें, पाळणा

हालवितांना गावयाचें गाणें.

हवाव—शोभा, सुखी होणें.

हांगा—अंग, अरे.

हाततुकें—तर्क, अदमास.

हातबोने—हातांतले भक्ष्य.

हातासनें—भिषे.

हाथिवेनि—काडवातीनें.

हान—मग, कीं, जें, काहीं, हा, ही,

कदाचित्, का, पा, मा.

हारतला—हरविला.

हालासि—हाणिला गेलास, मारिला
गेलास.

हातिआतें—राहाणाऱ्यास.

हियें—हृदय.

हीतलें—दूर नेणें, हिरून नेणें.

हींव—हिम.

हुडा—समय, उत्सव, सुकाळ.

हुडे—बुरज.

हेंकाडु—अडाणी.

हेंट—येथें, खाली.

हेय—निषिद्ध.

हेला—वेळा.

होडा—पैज.

होनि—होजून.

क्ष

क्षपिलें—काढून टाकले.

क्षीरारें—खिलार.

क्षेत्रीं—क्षेतांत,

प्राचीन शब्दकोश

ह्या खंडांत ज्ञानेश्वरींतील एकोनएक शब्दांची बृहत्सूचि चावयाचा विचार होता. पण ती फारच व्यापक होत असल्यामुळे तो विचार तूर्त तहकूब केला आहे. या ठिकाणीं अध्याय १३ ते १८ यांतील ठळक शब्दांचे अर्थ दिले आहेत. पहिल्या बारा अध्यायांतील शब्द पहिल्या खंडांत दिलेच आहेत.

अ.

अगारीं-अग्नी, अंकुरी.
अगारे-अग्राच्या अग्रा, शेंडे, अंकुर.
अडवंतावो-अडथळा.
अडी-रोधी.
अणगटीं-मुळांचे ठायीं, शरीरीं.
अणुआरु-बारीक तुरा.
अतिकरे-उशीरानें.
अतूट-संबंद, बलकट.
अदलपण-शेंपण्याचें असामर्थ्य.
अधिचार-मंत्रप्रयोग.
अनावरातें-जें आवरण्यास कठिण त्यास
अनुबहु-उघाड नसलेला.
अनुपायनी-सहज.
अनुभौ-अनुभव.
अपखडी-निंदा.
अपटांतरी-पडद्याच्या आंत, परोक्ष.
अपवाहु-उमट नसलेला.
अपाहु-अप्रतिबंध.
अबोट-अखंडित लेप.
अभियज्ञ-जवळ नेणारा प्रयत्न.
अरडांते-आरडणाऱ्याला,

अरुवारें-सुकुमार, मृदु.
अल्हें-लवकर, एकदम.
अल्ल-लघू, लहान.
अवगलला-ढासळलेला, गाळानें
भरलेला.
अवर-अपर, खालचे, कनिष्ठ.
अवल्हाअं-अपलाभ, अनिष्ट लाभ.
अवष्टंभ-ऊर्मि.
अवागमें-अशास्त्रानें.
अवाहु-वाटेची गरज नसलेला, आ-
डमार्गानें जाणारा.
अव्हातें-दुष्ट पक्षानें.
अव्हांनिक-भलत्याच्या मालकीचें.
अविनाभावें-व्याप्तीनें.
अवेंगवाणें-अव्यंग.
अशंकडी-विसंगतपणा.
असंधाडि-असंधटित.
असंभड-असंबद्ध.
असंवरे-सांवरण्यास कठिण.
असिकें-अशेष, समग्र, सर्व.
अहलि-जमली.
अक्षौणी-सैन्य.

आ.

आइती-विस्तार, ऐट.
 आउख-आयुष्य.
 आउति-बैलांच्या मेळवांत, नांग-
 राच्या जुवांत.
 आकर्णा-ऐका.
 आकसाला-पारख.
 आखरु-अक्षर.
 आखें-अंकानें.
 आंगझील-वरची चकाकी, आंगची
 साल.
 आंगदट-आंगानें दट, बळकट.
 आगरा-क्षेत्रास.
 आगलिक-आधिक्य.
 आगलें-अन्य, भिन्न.
 आंगवसें-स्वरूपतः.
 आगारी-डिरी.
 आगिठां-शेगडीवर.
 आंगोपचार-अवयवांचे उपचार.
 आग्रया-आग्रहास.
 आघाट-भाग.
 आटण्यां-क्लेश.
 आंटी-टु-मिठी, भ्रम.
 आटुलेंजे-घट्ट होइजे, बांधिजे, निबर
 होइजे.
 आडमोडी-प्रतिबंधाचा नाश.
 आडवंगी-खील.
 आडवारा-अटकाव.

आडसो-अडथळा.

आडें-दादरा, अडसर, प्रतिबंध.
 आढंच-वर.

आणी-अग्र, टोंक आयणी.

आणोजें-अंकुर.

आते-पावे, होई, प्राप्त होई.

आंतौते-आंतील.

आघवणी-अर्धवट तृत, अर्धपोटी.

आंघ्य-आंघलेपणा.

आघाडलें-भ्यालें.

आघेलें-अर्घ्या ताटांत जेवणें.

आनाभूती-नाना भूतांच्या रूपानें.

आनु-दुसरा.

आपजलिये-उत्पन्न झालेल्या.

आपैतिया-स्वाधीन.

आंबुखे-शितोडे.

आबुथे-विपरीत होय.

आबुली-प्रिय पत्नी, स्त्री.

आमुला-प्रिय पती, नवरा.

आयें-आकार, प्रमाण, लाभ.

आर-अंकुर.

आरवसें-अंकुराच्या योगानें.

आरा-अंकुर.

आरौतें-अलीकडील.

आलव-आलाप.

आलावला-बळास आला.

आलिखलें-गोंठलें, घट्ट झालें.

आलोचु-विचार.

आवगु-घोरुआच्या काहाडण्या.

आवगे-स्वीकारला जाई.
 आवांके-धैर्य धरी.
 आवासु-स्थान.
 आविष्कारें-प्राकट्यें, बलें.
 आंविसा-आमिषास.
 आंविसाले-आमिषाचें स्थान.
 आंवु-ऊर्मि, वाचेची निष्ठुरता, प्रतिष्ठा.
 आंवुट-साडे तीन.
 आवैल-येईल, उगवेल.
 आशसेया-आशारूपी डांकीण.
 आसतूटिया-निरपेक्षेनें.
 आसलंग-सोपा, गोड.
 आसललें-मंद गतीनें वाहणारें.
 आहाच वाहाच-वरवर.
 आहाड नाहाड-विस्तारविस्तार.
 आहाण-सर्व.
 आहावसुवारे-अद्भुत राजवाडे.

इ.

इदंतेसि-हैं हाणून बुद्धि तीस.
 इटाल-धोंडमार.
 इसालु-ईश्यालु, कामुक.

उ.

उखरा-वालुकामय अरण्य.
 उखरेवे-जमलेल्या रेतीच्या ढिगांत.
 उखि-ऊहा, अनित्यत्व.
 उखिता-एकसरा, आंगतुक.
 उखिविखी-उहापोह, होयनव्हे.

उगाणा-शाडा, उपदेश.
 उजगरा-जागृती.
 उजरि-ऊजुता, विस्तार इ. इ.
 उजिरिया-उदय, महत्त्व, उत्कर्ष.
 उजिवडे-प्रकाश.
 उटकलें-वेगळें झालें.
 उठविजसी-उठवितोस.
 उडवा-रचिलेली राशि.
 उंडी-प्रास, बली.
 उणखुण-कमी अवीक, कामना.
 उणेनि-उण्यानें.
 उतान्ही-थान सोडलेलीं बालें, तुष्णा.
 उदले-उधळे, वर येई.
 उद्याणी-मांडणी, सांगण, उद्घाटण.
 उदावादा-परिपूर्णत्व.
 उधि-निर्गम.
 उपखे-कमी होई, खर्च होई, नाश पावे
 उपखो-कमी होऊं देणें, खर्च करणें.
 उपरतविलें-उफराटें फिरविलें.
 उपलवणी-दृढीकरण.
 उपलाणें-जिनावेगळें चोडें.
 उपेगु-उपयोग.
 उफकेन-उपेक्षेनें.
 उबडे-पालथें, कललेलें.
 उभगु-कंटाळा.
 उभजे-त्रासे, कंटाळा करी.
 उभडु-लोट, झरा.
 उभणें-उभारणें, रचना.
 उभलिचा-खोकल्याची दास.

उभाट-उझट, विद्याल, मोठे.

उमचला-सुटला.

उमचावेया-उगविण्यास.

उमडे-उमटे.

उमप-अमूप, पुष्कळ.

उमसिजेल-सांगितलें जाईल.

उमरुड्ढनि-मुरड्ढन.

उमार्णी-मोजी.

उमाणें-माप.

उमाहो-पूर.

उमेठा-मेळावा.

उरिणें-ऋणमुक्तता.

उरोधु-अवरोध, प्रतिबंध, आग्रह, भीड.

उलिंग-चाकऱ्या नोकऱ्या, बिगार, वेठ

उलिंगें-वेठ, काम, बिगार.

उवलें-प्रसन्न, शुद्ध.

उवाय-सुख, आनंद.

उवावो-उत्साह, अवकाश.

उवीळु-अतिक्रान्त वेळ, सायंकाल.

उसटिलें-उच्छिष्ट झालेलें.

उससे-प्रकट होय.

ए.

एकलौते-एक्या लेंकराऱ्या मायेस.

एकवके-सारखेपणा.

एकवकौनिया-समग्र व सरळ करून.

एकावट-एक झालेले.

एकावदी-एक्य.

एकाहागी-एक आहेत.

एकोधिये-एखादे.

एटालें-विटाळी.

ऐ.

ऐहेरा-अहेर.

ऐहेव-सुवासिनी.

उँ.

उँशीलपणें-भार, वजन.

उँपासिरा-संबंध.

उँलगणें-आश्रय, सेवा, रक्षण.

उँवांडेल-लवेल.

क.

कटा रे-हाय रे.

कटले-भमी झाले.

कडा-बाजूनें.

कणवा-दयेनें.

कंथा-झोळी.

कदर्थत-कष्टी करीत.

कदरसि-भय वेसि.

कऱ्हेयाचा-उंटाचा.

कलासी-कौशल्य.

कल्हातां-कलत असतां.

कव-कवटाळणें.

कश्मळु-मळ, दोष.

कांटसु-कांटेरी.

कांटियडे-कांट्याची जाळी.

कांडें-भाग, टिपरें.
 काणि-सूचना.
 कांदे-कंद.
 कामठां-कारखाना, टांकसाळ.
 कालली-पायरवानें काळी झालेली.
 कालाबुला-कासावीस.
 कालासे-बांधिला जाई.
 कालियाणा-कृष्णसर्प.
 कालुग-काळा.
 कावडी-कावड.
 कावरुखें-क्षणभंगुर, अदृष्टपूर्व.
 कांवरूमूल-वायुनिरोधनस्थानविशेष.
 कावरें-भ्रांत.
 काशि-माजबंधी, कमरेस.
 कुटि-स्थान, कपट, निंदा.
 कुडल-कळी.
 कुडुजे-कुवडे.
 कुबोल-अपशब्द.
 कुरां डी-वोवाळणें.
 कुसल-गवताच्या अणकुच्या.
 कुंसि-कुक्षित.
 कुहा-विहीर.
 कुहिलें-कुजलेलें.
 कुटिचें-निंदेचें.
 कैकाणें-खोगीर.
 केलवलि-ग्राँट झाली.
 कैकटे-कैकाळ्यांचा देश.
 कोडी-कौतुक, आवड.

कोडी-कुष्ठरोगी.
 कोंता-शस्त्रविशेष.
 कोंपट-झोंपडी.
 कोंपटि-लहान झोंपडी, कोंप.
 कोंभारा-कोंब.
 कोलें-तिलादिकांचीं काष्ठें.
 क्रांतमति-व्यापकबुद्धि.

ख.

खटेया-वाईटाला.
 खडकिलां-खडकाचे कपरे असलेले.
 खडाणें-अदृष्ट गाईस.
 खडुपाणी-खडुपाणि.
 खणुवाला-गोड, सरळ.
 खतैलें-लिस
 खनुवाले-सरळ
 खवणलें-कंडू, उत्कंठा.
 खांकरूं-फलोन्मुख होऊं, उत्तम होऊं,
 गळा साफ करतां.
 खांखरैजति-गळा साफ करतात, उत्तम
 होतात, फलोन्मुख होतात.
 खागें-अंत्यस्थल, विषय.
 खांची-दमे, कमी होई.
 खांडेहूनि-खड्गाहून.
 खाताडें-खरकटें.
 खिरडें-मागें सरें.
 खुडुके-अडके.
 खुरखोडी-लाथाळ गुरं.

खुरथोडी-दुष्ट गाई.
 खुरपें-शस्त्रविशेष.
 खुरीं-खुराच्या ठाई.
 खेटली-गर्दीनें जमली.
 खेवणें-कोंदणें.
 खैवंगी-अंश.
 खोंकरपणें-विनाशिता.
 खोंचणी-भोसकणें.
 खोटी-गोळा.
 खोडां-लाकडाचें अडकण.
 खोदें-नाशबुद्धीनें.
 खोमणें-लवणें, वक्र होणें, हानि.
 खोमे-लवे, वक्र होई.
 खोलणें-पुढें चालणें, फिरणें.
 खोलविजति-सापडविती.

ग.

गंडू-दर्प, गर्व.
 गंडी-दगडविशेष.
 गदलपणें-केरपणानें.
 गरुवा-मोठा.
 गव्हरीं-गुहेंत.
 गवांदि-अन्नसत्र.
 गाडारा-पाया.
 गाणांवाणां-गाण्यावाण्यानें.
 गादे-पीडा पावे.
 गाभागोभा-प्रतिबंध.
 गाली-टाकी, सांडी.
 गावधणें-गांवचीं गुरें.

गांवरसेया-गांवांतल्या मोरीचें पाणी.
 गावारु-गव्हार, अडाणी.
 गुडगा-अवयव विशेष.
 गुंडे-दगड.
 गुढा-गुंडा, दगड.
 गोख-मध्यवर्ति लोक.
 गोंदली-पिशाची, कैकाडी.
 गोधुलुक-गाईच्या पायाची धूळ. सूर्य.
 अस्तमानसमय.

गोरी-पारधी.
 गोरुवें-गुरें.
 गोवारी-गुराखी, गुरुसखि.
 गोवी-गुंतागुंत.
 गोसी-परस्पर आकर्षण, भांडवल.
 ग्रामकोल-गावांतील कोल लोक.

घ.

घनावलि-घट्ट झालेली, मेघपंक्ति.
 घाई-घावाचे ठाई.
 घामेजे-श्रमी होई.
 घुमरी-भरास.
 घुमे-घुम् शब्द करणें, हाले.
 घुरें-खोटें सोनें.
 घेणी-स्वीकार, मान.

च.

चउर-चतुर.
 चवलित-बडबडत.

चक्रमण-सातलानें गमन.
 चांगावेया-चांगुलपणास.
 चाडा-इच्छा, आवड.
 चाडैला-आसक्त.
 चांथी-बडबड.
 चांपडे-फासे.
 चिरीव-चिरलेली.
 चूकी-चूक, प्रमाद.
 चोखटिवां-चांगुलपणास.
 चोखेल-उत्तम, स्पष्ट, सस्ता.
 चोज-कौतुक.
 चौंढि-गर्ता.
 चौखुरी-बाज.
 चौबारा-चवाळ्यावर.

छ.

छांदसलें-छडिवाळपणें.

ज.

जचे-पीडे.
 जाकलिजत-व्याप्त होत असे.
 जाततेन-जन्मल्या.
 जानेतानें-तान्हें वासरूं.
 जारु-जालें.
 जाली-दहन करी.
 जालेन-झालेल्या.
 जावलि-सामिन्ध्य, सादृश्य.
 जीणि-वांचणें, जिकणें.

९९

जीवितांतु-जीवितांतून.
 जुझं-युद्ध.
 जुंबाडे-समुदाय.
 जुवारुं-धूत.
 जेविति-जेवण्याची.
 जोईस-ज्योतिषी.
 जोगावणें-निर्वाह करणें, पोसणें, प्रग-
 टणें, समजावणें.

झ.

झारि-झार.
 झांसुरे-आळस येई, बोसणे, धोका
 घरी.
 झोति-विक्षेप.

ट.

टकुली-आशा, उत्कट इच्छा, हपाप.
 टकें-सुटलेलें, सत्यापासून सुटलेलें.
 टंवच-दुःख, दुख.
 टांची-अल्प, लहान.
 टालिये-टालाला, हातान्या टालीला.
 टिकलग-शोभिवंत, जडित.
 टिटंघर-तिट्यावरचें घर.
 टेकें-टेकतो.
 टेहणी-निर्बंध.
 टोपु-फुगवटा, फुगारा, सज.

ठ.

ठके-कमी पडे, बंद होई.

ठसेंठोमसें-मोठें घाटें.
 ठाणें-स्वरूप, आकार.
 ठाणौरियाचें-ठार पडलेल्याचे.
 ठांसी-स्वस्थ बससी.
 ठिकरिया-टुकडे.
 ठी-स्थिति.
 ठीक-जड, मोत्यांचा झुबका.
 ठीकरणें-निश्चय करणें, स्थैर्य करणें.

ड.

डगरू-प्रसिद्धि.
 डगलें-स्थूल.
 डाउ-प्रसंग.
 डाकुलिया-चुटक्या.
 डांगुरुटी-डांगोरा.
 डाल-शाखा, डाहाळी.
 डाली-कुल्लेफळें घालावयाची पाटी.
 डालुका-लहान डाहाळी.
 डावी-दूर करी, परिहार करी.
 डाहारिजे-भागिजे, प्रकाशिजे, प्रसिद्ध करिजे.
 डिंडिमा-वाद्य विशेष, गजर.
 डुडुल-बोखिटें पाखरूं, घुबड.
 डेंगिड-डांगोरा.
 डौर-थट्टा करी, उपहास करी.

ढ

ढाल-स्वभाव, घर्षण.

ढिवांचे-मुलाम्याचे.
 ढूमे-डगर, डोंगर, टेकडी.
 ढेंढें-सूप, घेंड, प्रस्थ.
 ढेंपुली-ढेंकूळ.
 ढोंडी-घोंड, डगर, दगड, आकार.

त.

तडवा-छत, तलवा.
 तणाचें-गवताचें, पेंढ्याचें.
 तलबुडे-खालचा बुंधा, बुड.
 तलहाटी-अधोभागी.
 तलौटेपण-सपाटपण, नीचपण, नम्रता.
 तांडी-कळप.
 तांतला-तापलेल्या.
 ताला-तळ, खाल, जमिनीची सपाटी.
 तिखें-तीक्ष्ण, तिखट, अणकुचीदार.
 तीघ-तीन.
 तीमाल-मिजवाल.
 तुंडिल-दोंद आलेला.
 तुलई-गादी.
 तुलिये-गादीवर, कापसाच्या गादीवर.
 तोंडौता-वाचाळ.
 तोयबगें-पाण्याच्या उपाधीनं,
 देखाव्यानं.

त्राय-रक्षण.
 त्राये-सत्ता, रक्षण, ठाव.

थ.

[लपि] थपि-लपंडाव.
 थरविथर-चोखटबिखट.

यलिवं-स्वर्णकारनिर्मित वस्तुविशेष.
थाउं, अ. थाऊं-बळ, उथळ,
आश्रय, प्रांत.

थाथबूनि-थांवबून, निरसून.
थावें-तळ, ठिकाण.
थेंकुले-ठेंगणें.
थोरांडें-मोठें.

द.

दंदिया-वैरी, द्वंद्व करणारा.
दलवाडें-समुदाय, स्वरूप.
दवडा-पळ, घांव.
दाखठां-उंबरठा.
दाटणी-गदीं, भरताड.
दाटुगा-दांडगा.
दांग-वन, अरण्य.
दाशिरुं-बटिक.
दासट-दाहक, पीडक.
दिये-दिवस.
दीपले-मशाली.
दुकळु-मोडकळलेली स्थिति.
दुमेलवे-दुःखसमुदाय.
दुवालि-क्लेश.
दुहवेवारी-वाईट कर्माची.
दुहिलें-दूध काढलें.
दूण-दुष्पट.
दूस-वज्र, तंबू, प्रमेय.
देवपैकीं-देवसमुदायांत.
देवलविसें-पुजाऱ्याचे आंगांत येणें.

देवांगण-निश्चय.

दैवलदैवं-पुजाऱ्याचें ऊर्फ गुरवाचें दैव
ध.

धडीं-दवडीन, घालवीन.
धाडी-हळा, अभिक्रम.
धाडे-हळे, अभिक्रम.
धानी-धान्याची रास किंवा ढीग,
धान्य ठेवण्याचा ठोकळा, गृह.
धांधा-व्यापार.
धाप-धग, ताप.
धुमाडु-धामधूम, गडबड, आधिक्य,
योग.
धारें-धाकटें.
धिटे-स्वरिणी स्त्रीस.
धुवारी-धूमाची आकुलता.

न

नई-नदी.
नडनाचु-नटाचा नाच.
नाखी-टाकी, प्राप्ति, समुपगम.
नागारी-नाग धरणारे गारुडी.
नागोवा-नागवण.
नाडर-थिल्लर, डवकें.
नावणिगी-यथार्थकथनीं.
निगलें-धुरानें, झांपडेनें.
निगावों-सुटका.
निगुतिया-युत्तया.
निजगडे-स्वतःचे ठायीं बळकट,
आत्मनिष्ठ.
निघनिं-अंतकाळ, मृत्यु.

निधिये-सम तोलांत, भ्रमणांत.
 निमांते-लय पावणारे.
 निरुते-खरे, निश्चित.
 निरुपहिति-निरुपाधिक.
 निर्बुजें-गोंघळानें.
 निर्वचु-निराकरण.
 निर्वाळलेनि-शुद्ध, धूत, निष्कलंक.
 निव्हां-अगदीं, केवळ.
 निळागु-निराश्रित.
 निलेयाचा-इंद्रनीळाचा.
 निष्ठकी-निश्चित.
 निष्ठकिति-निश्चयानें चिकटवितात.
 निसले-पाजलें जाई.
 निसुगु-निर्लज्ज, ओंगळ.
 निस्तरे-तरून जाई.
 नुधवी-वर काढीत नाहीं.
 नुमचवे-प्रत्युपकार न करवे.
 नुरोधी-प्रातिबंध करू नकोस.
 नुसंतितां-उत्सादन केल्यावांचून.
 नूकौनियां-पराभव करून, दुःख देऊन.
 नेना-नेत नाहीं, जाणत नाहीं.
 न्यामक-नियामक.

प.

पडप-प्रतिष्ठा, महत्व.
 पडिघांति-मारती, आदळती.
 पडिगाइलें-मोजून पाहिलें, घरलें.
 पडिबे-अति प्रिय.
 पडिकर-रोग बरा करणारा वैद्य,
 साहाय्यक.

परगुणे-पक्वान्न.
 परमार-शत्रूंचा उच्छेद करणारे.
 परवडि-रीती, प्रकार.
 परिव्राण-भाषा, शब्द, बोलणें.
 परिवरिचें-घरचें, गुप्तस्थानचें.
 पन्हिवे-मोरीस.
 पलिपे-पेटे.
 पवली-महामार्ग, राजमार्ग.
 पसाव-प्रसाद, उपकार.
 पडुरणीं-ओढाळ, भटकणारी.
 पक्षु-आरोप.
 पांउखला-लाथेनं.
 पाउटी-पाहिरी.
 पाउड-पैसासुपारी, दक्षणा.
 पाउवा-पाडुका.
 पांकी-पातळ पदार्थ, पक्क अन्न.
 पाखाणी-प्रक्षाली, धुवून टाकी.
 पाखालणियां-धुण्यानं.
 पाखाली-प्रक्षाली, धुई.
 पांगुतले-अडकलेले, आच्छादिलेले.
 पांगे-अधीनत्वानें.
 पांगोरा-सूक्ष्म भाग, अंत.
 पांचवेउली-पांच नांग्यांची इंगळी.
 पांचिका-हीण सोन्यास.
 पांजरा-पंजर, पिंजरा.
 पाट-पदवी, आसन, अधिकार.
 पाटाचें-अधिकार, आसन, पदवी.
 पाटाउ-पदविणारा, मार्गदर्शक, साधक.
 पाणधी-दोन कुंपणामधील वाट.
 पाणवाडा-मोरी.

पाणियड-तळें, जळपात्र.
 पाण्यांचा-पाण्याचा.
 पांति-पावतात.
 पातिजों-विश्वास ठेवों.
 पापता-पापत्व.
 पारकेयां-शत्रूस.
 पालति-रक्षण.
 पालव-इंद्रियवृत्ति.
 पाल्हालें-विस्तारें, गाबाळानें.
 पालें-कटकें.
 पालों-विस्तारून.
 पावे-पोहोंचे.
 पासाव-पासून.
 पासि-जवळ.
 पासिवणें-पायमाधार.
 पाहिचे-उद्यांचे.
 पाहेचा-उद्यांचा.
 पिचडीं-युक्तीनें.
 पिडि-पाया.
 पिंडु-अहंपदविशिष्ट जीव.
 पिशित-मांस.
 पीसा-वेडा, पिच्छ.
 पीसेया-वेळ्यास, वेडास.
 पुटीं-मूस, पुडा, सुवर्णशोधन.
 पुढारलों-पुढें झालों, कबूल झालों,
 बोलिलों.
 पुरवाणिया-सिद्धि.
 पूंस-राधूं, पारव्याचा भेद.
 पेटी-जोडी.
 पेंडवला-बांध,

पेंढी-जुडी.
 पेणा-मजल, टप्पा, मुक्काम.
 पेंदलीं-वेंटाळें.
 पेंधा-गोळा.
 पेले-लोटणें, संभाळून धरणें.
 पेलेवेलीं-प्रतिदिन वृद्धि.
 पैठी-प्रविष्ट.
 पैसार-मार्ग, पसारा, विस्तार.
 पैसिजे-प्रवेश करी.
 पैसं-योगानें, मार्गानें.
 पोटलवे-पोटाशीं धरवे, आलिंगवे.
 पोटाळूं-पोटाशीं धरूं.
 पोफल-प्रतिज्ञा, पैज.
 पोतीं-तागाचीं पोतीं.
 पोली-आवार, भोंवतालची भित.
 पौली-महामार्ग, राजमार्ग.
 प्रतिमळ-शत्रू, सामनेवाला.
 प्रतिलपसि-अनुलक्षण बोलतोस.
 प्रत्यवावो-दोष.
 प्रांगण-ताशे, नगारे.
 प्राची-उदय.
 प्रायेचा-पूर्वीचा, पूर्ववयाचा.

फ.

फरसालें-भिन्न स्वादें.
 फरारी-ध्वज, निशाणें.
 फाउरी-आभास.
 फाडोवाडा-वेगळें करून.
 फारां-पुष्कळ.
 फारु-पुष्कळ.

फाली-फाडी, चिरी.
 फुजे-गवानें.
 फुडी-स्पष्ट, खरी.
 फुलि-फुलांनीं.
 फूटौनि-दमून.
 फोकरिजे-वाचेनें उच्चारिजे.
 फोकिलियां-वाच्यानें ओढून नेलेल्या,
 वाच्यानें फुकून नेलेल्या.
 फोडसें-फुरसें.

च

चगें-देखावा, आकार, मार्ग, संबंध.
 चणवे-प्रतीतीस येई.
 चडबा-गडबड, कोलाहल.
 चल्बचेन-सैराट उगवणारे गवताच्या.
 चहिकरि-चहिष्कार घालून.
 चहुचकै-अनेकता.
 चहुवसा-फार, पुष्कळ.
 चागडी-मर्कटादि नाचविणार.
 चागीबल-कंप.
 बाधकां-दोषांस.
 बांधी-बंधन, नियम, समुदित आकार,
 दोहीकडील कूप.

चायणी-चायदा.
 चायिण्यां-चायदे.
 चासट्ट-बहुविष.
 चाहाली-विस्तार, वेडा.
 चाहिरिवाहिरा-परभारें.
 चीक-बळ, तेज.

बीजे कीजे-गमन केलें पाहिजे, आलें
 पाहिजे.

बुकी-मुष्टि, मूठ.
 बुडकली-बुडी.
 बुडलं-बुडवूं.
 बुडसले-शुष्क काष्ठ.
 बुबुलें-अवयव विशेष.
 बुरी-कूज, रोग विशेष.
 बूरु-वेडा.
 बेचें-कोंम.
 बेशें-युक्ति.
 बेंबल-विव्हल.
 बेलें-कुंपणाचा आडा, डेळकें.
 बैसणां-बैठक, आसन.
 बोकौटी-झोळी.
 बोबाणें-हाक मारी.
 बोबांत-हाक मारीत.
 बोंबे-आरोळीच्या.
 बोल-भाषण, शब्द.
 बोहणीए-मोलापैकीं प्रथम, आरंभ,
 सुरुवात.
 बोहिरि-चणवा.

भ.

भंगी-रीति, प्रकार.
 भराडा-पूजक.
 भरोवरी-साधनातिशय.
 भवैचिं-भिवयांची, भुकुटीची.
 भ्रमक-लोहचुंबक.

भाऊंर-भ्रमणारें.
 भाखे-भाषेस.
 भांगारें-सोनें.
 भांजे-भग्न होई.
 भाटि-निकृष्ट जमीनीत, स्तुतिपाठक.
 भाटिव-स्तुति, पराक्रम.
 भांडुके-भांडखोर.
 भाणें-ताड, पात्र.
 भादि-भली गाय.
 भाली-शस्त्र विशेष.
 भिंगारा-भिंगाचें घर, कंदील.
 भिंगोरि-भोंवरा.
 भाला-पराडमुख.
 भुरे-वेड, पिसें.
 भुरी-वेड, पिसें.
 भूवर्गी-सर्पाचे ठाई.
 भोकसा-सगळें चर्म.
 भोजे-संतोष, आवड, सोंग, महत्त्व.

म.

मगे-शोधी.
 मटंगणे-स्तोत्र, उपहास.
 मढ-मठ.
 मणिजु-अंडज.
 मदवी-वस्त्र विशेष.
 मरमारु-प्राणान्त करणारे.
 मरुणारुवाचें-मरणान्याचें.
 मवणें-भोजणें.
 माघुतसाउमे-मागलेंपुढलें.

मांच-आश्रय, अंतराळीं केलेला मार्ग.
 माजिरां-मत्त.
 माजिवडा-शिवडा-मध्यें.
 मांदिएसी-समुदायास, मंडळीस.
 मांदुरी-चाबुकस्वार.
 मांदोडा-फळांचा घड, बाहुल्य.
 मांघति-रजतात, काढतात.
 मालातिलें-अंगीकारिलें, आश्रयिलें.
 माल्हांत-अंगीकारीत.
 माहेवणी-कुलीन, गर्भार.
 मिणधी-कपटी.
 मिरवणियां-मिरवणुकी, शोभा.
 मीकें-संशयानें.
 मीतलें-मिळालें.
 मुगुतकीं-मोती.
 मुगुतिबाला-मुक्ति हीच कोणी मुलगी.
 मुदी-मुद्रा.
 मुल्हारी-मूळ ऊर्फ आमंत्रण घेऊन जाणारे.
 मुसिं-ओट्यांत, पदरांत.
 मुसिले-फसले.
 मूके-मुगवायाचें.
 मूग-मौन.
 मेचवे-आटोपे, मृदु करवे.
 मेचु-प्रीति, आवड.
 मेलापकिं-विषयग्राहक, समुदाय.
 मेले-लें-योग, संयोग, संयोगानें.
 मेलीसी-योगास, संयोगास, एकवटतेस.
 मेर-रे-मर्यादा, अवधि (संस्कृत मीर=मर्यादा).

मेहो-मेघ.
मोहर-मार्ग, दिशा.

य.

यते-येणार्हे.
यावा-आगमन, प्राप्ति.
युगावृत्ति-कृतयुगादौची आवृत्ति.
येकोल-एक वेळ.

र.

रंधन-पाक.
रयणीं-रात्रीं.
राजवल्लि-राजाचें हस्ताक्षर, राजमुद्रा.
राजागर-राजांच्या बागा.
रांधवण-स्वयंपाकांतलें पाणी,
अन्नचारीण.
राबाउणें-राबाच्या विना.
राविले-रंगविले.
रिगिनिगि-प्रवेशनिर्गम.
रोहो-अंकुर, आरंभ, वाढ.

ल.

लंघे-ओलांडणें, उपवास करणें.
लचकणें-तरळणें, चळणें.
लवंग-लवंग.
लवलवां-अति त्वरेनें.
लाइलें-हकालिलें.
लांकण-बंधन.
लागां-संबंधीं.

लागु-संबंध.
लाटु-बळकट.
लाठी-दांडगी, मोठी.
लाणें-अवधि, शेवट, प्राप्ति,
गोळा करणें.
लांब-भातगोट्याचें रोप.
लांबिजे-लांब उभे टांगणें.
लावणी-गणना, नेमावणी.
लांवा-व्याघ्रस्त्री.
लांसे-चिन्ह.

लाहाणा-प्राप्त होणारा.
लाहालाहात-अत्युत्कंठित.
लुंचिति-वपन करिती, काढिती.
लुंति-त्वग्रोग.
लेखे-गणनेस.
लेंडिये-अमंगळ ओहळास.
लेप-चित्र, दोष.
लेवे-लेप.
लेसां-बऱ्या बोलानें.
लेहें-चाटी.
लोटी-ढकलणें, दूर करणें, मारणें.
लोथ-मोट.
लोलौनि-लोलून.
लौवे-लौकरी.

व.

वंगु-कलंक.
वचवे-जावे.
वठाउ-न्यूनत्व.

वडप—वृष्टि.
 वत्सनाग—वचनाग.
 वह्निया—इष्ट.
 वरिष्ठा—पाऊसाळा.
 वरैतु—भर्ता, नवरा, पति.
 वरोसी—नित्यकृत्याची सामग्री.
 वलसा—वळण, फेरा, भोवरा.
 वलित—छेदनायोग्यता.
 वसो—बैल, वसू.
 वसोवा—बैलास.
 वाउधाण—वादळ.
 वाउर—वाईट.
 वाउली—पाउली.
 वाकडिया—पावसाची झड. कडाक्या-
 वाखाण—व्याख्यान. [ची थंडी.
 वाखाणा—व्याख्यानां.
 वागतृता—वक्तृत्व.
 वागौरा—वाखदोर.
 वाजटा—व्यर्थ.
 वाटबंधा—वाटमाऱ्या.
 वाटवीजे—मार्ग काढते.
 वाडजतन—फार तत्परता.
 वाडु—फार.
 वाडुवळु—महा भयंकर.
 वाणसिये—वेष्टेचे.
 वाणि—तोटा, कमीपणा, वाचा.
 वाति—दिवा.
 वाधावा—येतें चिन्ह, पूर्वसूचना, वार्ता.
 वानी—कस, मासला.
 वायप्रसंगें—अनुदिष्ट प्रसंगानें.
 वायें—वाहणें, दाखवणें.
 वार्तेवरिल—दोरावरील.
 वालभ—वात्सल्य.
 वाला—वजन विशेष.

वाली—त्यागी, टाकी.
 वालें—कृष होई.
 वाल्हें दुल्हें—अति प्रीतीचें, अपूर्व.
 वावंदणे—दगड, खडक.
 वावाटें—ओहोटे.
 वासिपैल—वचकेल.
 वासिपो—वचकूं, मिऊं.
 वास्ति—रहाण्याचें ठिकाण.
 वाहाणघर—जोडे उचलणार.
 वाहाती—मळलेली.
 विकणु—फोल.
 विकिरा—विक्री.
 विखाभरणें—विषयांचे अलंकार.
 विटंकु—मोठे, घनदाट, निबिड.
 विटालें—दोष.
 विडा—तांबुल.
 विडालु—दोष.
 विदल—द्विजातीय, डांक.
 विंदाण—कौशल्य, कळसूत्र.
 विंदाणिये—कुशल.
 विधुले—विसकटे, नाश पावे.
 विन्यासाते—प्रतिपादनास, निरूपणास.
 विपाड—कादाचित्कत्व.
 विभांडी—पराभवी, फोडी,
 विभुटणी—वियोग.
 विरगति—विरक्ति.
 विरंगुला—अडथळा.
 विवलयित्ये—प्रकाशणाऱ्या.
 विवसी—डाकीण, भूत.
 विशेषु—ज्ञान.
 विसंवरणें—विश्रांति पावणें.
 विधिं—विधीत.
 वीति—उत्पन्न करतात, प्रसवतात.
 वृत्तिकां—वतनदार.

वेख-वेष.
 वेखजें-व्यवहार.
 वेखासें-विरुद्ध.
 वेगल-भिन्न, निरनिराळे.
 वेगु-त्तरा.
 वेचि-खर्चात, क्षयांत.
 वेक्ष-सुईचा डोळा, भोंक.
 वेक्षिला-वेढिला.
 वेंटालु-गोळा.
 वेटालों-गळा करतां.
 वेंठ-पेठ.
 वेठला-वेष्टला.
 वेंठावें-वेष्टावें, आळादावें.
 वेलरिया-वेली.
 वेलाउल-लतामंडप, धूर.
 वेलांडी-विस्तार.
 वेलाभेड-समुद्राच्या लाटांना भिणारा.
 वेव्हार-व्यवहार.
 वेव्हारे-व्यापारी.
 वोहरणा-आडवेपण.
 वोहरिलें-आडवें झालें.
 वोइरी-आडवी.
 वोउसेयाचेया-व्रत करणाऱ्याच्या.
 वोखती-चिंता.
 वोज-रीति, चांगुलपण, प्रभा.
 वोजावी-रीति दाखवी, शिकवी.
 वोडण-ढाल.
 वोडौ-आदर.
 वोढालाचा-उनाडाचा.
 वोढालिवा-चोरी करणाऱ्या.
 वोथंबा-गवंड्यांचा लंबक, आश्रयस्तंभ.
 वोरकली-सोनें कसायाचा पाषाण.
 वोरकलू-सोनें कसायाचा पाषाण.
 वोरसें-पान्हा, प्रीति.

वोलाटे-ओल्या जमिनी.
 वोली-गहाण.
 वोवाडे-उलटे, ओलांडे, पडे.
 वोवी-बंध.
 वोसें-मिथ्यात्व, न्यूनता.
 वोह-कांस, आंचळ.
 वोसें-व्रत.
 व्यंजे-व्यक्त होतें.
 व्यामिजे-उद्योगीं लावणें.

श.

शराव-परळ.
 शाडुलु-हिरवेंगार.
 शालिका-स्थान, भूमि.
 शिवमुष्टिगंडु-आभिमानाचा पण, पैज.
 शोच्यते-दैन्यास.
 शोधारिलीं-शुद्ध केलीं.
 श्रीमाडु-संपत्तीचा मद.

स.

सकलव-मिश्रित.
 सकु-सत्ता.
 सकूडि-सशरीर.
 संचकु-संग्रही.
 सणाणें-तीक्ष्ण.
 सत्राण-बळकट.
 सदटे-सदढ, बळकट.
 संदु-छंद.
 संदे-छंदानें.
 संपजति-संप्रद्यमान होतात.
 सपाई-संपूर्ण.
 सपोल-व्यर्थ, निष्फल.
 सबडबुडी-गुडुप.
 समूठ-संपूर्ण.

समैक-समयिक.
 समोरिला-पुढील.
 समोहरे-प्रत्यक्ष.
 सर्वज्ञ-सर्व ज्ञाणणारा.
 सराडेल-लिडविडेल.
 सरोभरी-तुलना, साम्य.
 सव-शिरकाव.
 सवंदणी-परटाचें तादण.
 सवळे-उद्यां, प्रातःकाली.
 सवांब-सुशोभित.
 सविया-स्वतः.
 सविवळें-सविस्तर.
 साइलेयां-शेजारच्या.
 साउमा-प्रत्यक्ष, पुढलें, समोरचें,
 तेव्हांच.
 साचल-चाहूल, जागें.
 साजणे-सख्य.
 साजवणी-धार.
 साजा-तयार.
 साजीव-ताजें, तीक्ष्ण, जिवंत.
 सादु-चाबूक, प्रतोद.
 साडूल-हिरवें गवत.
 साणें-सहन करणें.
 सात-सोशीत.
 सातरिया-सप्ताह, सप्तक.
 सातवेउली-सात नांग्यांची इंगळी.
 सांते-बाजारी.
 सादु-शब्द.
 साध-इच्छा.
 सांपु-सर्प.
 साबलाहुनु-शस्त्राहून, पहारेहून.
 सामाये-समावे.
 सारकतु-विशालेला कोळसा.
 सारिसि-सारखी.

सारोक-चांगलें.
 साल-कातडें.
 सालडें-कातडें.
 सालिये-संपन्न.
 सावगणी-कापणी.
 सांवरे-भरे.
 सावाउ-साहाय्य, साम्य.
 सावाय-साहाय्यानें.
 सावें-अवधें.
 सासन-शासन.
 सासान-अंदण.
 सासिनलिया-विस्तारल्यास, धरल्यास.
 साहांतिया-सोसणाऱ्या.
 सिचडी-कडू.
 सितरी-फसवी.
 सिथिति-फेकती, निपजविती, वाहेर
 काढती.
 सिनानी-निराळी, भिन्न.
 सिनार-निराळें, भिन्न.
 सिनी-वेगळी, निराळी.
 सियारी-डाक्रीण.
 सिरके-प्रवेश करी.
 सिरालें-उसें.
 सिरीयाणी-आवड, इच्छा.
 सिसार-शिरोरोगी.
 सिहवीरें-छावणी.
 सींग-अग्रभाग.
 सीनसाल-छिन्न साल आहे ज्याची,
 क्षणभंगुर.
 सीने-वेगळें, निराळें.
 सुआरु-पाककर्ता.
 सुइजे-घालिजे.
 सुजे-सूजे-सुचे.
 सुशे-सुचे.

सुणी-झाडणारी, घालवणारी.
 सुयाणें-सुकाळ.
 सुरंगी-वाट, सुयार.
 सुरफुरे-पातळ.
 सुरवाडें-सुख, अनुकूल, मर्जी, सुकाळ
 सुवर्मा-अत्यंत मार्मिकास.
 सुवाण-चंगळ.
 सुवायें-चांगल्या वाऱ्यानें.
 सुवालली-चांगली, सुखाची.
 सुवे-घाली.
 सुहाडा-मनोरमा.
 सुहावें-सेवावें.
 सुहावेया-प्रापक.
 सुटिका-मुक्ति, सोडवण.
 सुंति-निघतात.
 सुंतील-घालतील, काढतील.
 सुसि-घालिसी.
 सेजेयां-शेजारच्या.
 सेदे-करंड्याचे ठाई.
 सेलिला-तरंगला.
 सेलिए-उत्तम वाटा.
 सेस-नवरानवरीस अक्षता, शेण.
 सेघ-अनेक, सर्व.
 सोआवें-घालावें, वाढावें.
 सोए-निजे.
 सोंकरी-पांखरे हाकीं.
 सोंचरा-शास्त्रविशेष.
 सोणवी-पृथ्वी.
 सोफ-लटकें, फोल.
 सोमु-कर्म तरंग.

सोये-आधार, आश्रय.
 सोलें-उत्तम सोनें.
 सोवता-वरपडा.
 सोवतें-सार्थक.
 सोहलेया-सुख, चैन, सोहळा.
 सौंदणी-परटाचें तादण.
 स्फीति-प्रतिष्ठा, मोठेपणा.
 स्फीतीचेया-कीर्तीच्या, प्रतिष्ठेच्या.
 स्वसणें-श्वास टाकणें.

ह.

हडगीं-हटसाधनें.
 हडपु-डबा.
 हवावे-शोभा.
 हाडाकाइर-हाडें खाणार.
 हाणि-तोटा.
 हातधरणियां-हात धरण्यानें.
 हातवसावें-हातीं धरावें.
 हातोफलिया-हां हां झणतां.
 हाथि-गज, हस्ती.
 हाथैवा-काडवात.
 हालाफुळीं-तत्काळ, हां हां झणतां.
 हियें-हृदय
 हिरतां-हिरोन घेतां.
 हिरें-हिरोन घेई.
 हीयारी-थंडीच्या दिवसांत.
 हुस्पतां-घग लागतां, होस्पळतां.
 हेलासति-तुच्छ मानिती.
 होणां-होण्यानें.

मारे धनोपु लव नारे । तव निमि अहो अहो अहो ।
 राजते वारे लवत । नररागो लवत ।
 तव नरराग अहो । मृगव । ॥ २२४५५ ॥
 मृगव । मृगव । हा हा हा । तव मृगव ।
 को मृगव । मृगव । ॥ २२४५६ ॥
 तव मृगव । तव । तव । तव ।
 तव । तव । तव । ॥ २२४५७ ॥

मृगव । मृगव । मृगव । मृगव ।
 मृगव । मृगव । मृगव । मृगव ।
 मृगव । मृगव । मृगव । मृगव ।
 मृगव । मृगव । मृगव । मृगव ।

मृगव । मृगव । मृगव । मृगव ।
 मृगव । मृगव । मृगव । मृगव ।

मृगव । मृगव । मृगव । मृगव ।
 मृगव । मृगव । मृगव । मृगव ।

मृगव । मृगव । मृगव । मृगव ।
 मृगव । मृगव । मृगव । मृगव ।

मृगव । मृगव । मृगव । मृगव ।

मृगव । मृगव । मृगव । मृगव ।

मृगव । मृगव । मृगव । मृगव ।

मृगव । मृगव । मृगव । मृगव ।

मृगव । मृगव । मृगव । मृगव ।

मृगव । मृगव । मृगव । मृगव ।

मृगव । मृगव । मृगव । मृगव ।

मृगव । मृगव । मृगव । मृगव ।

હોયો સ્થિતિનયે વડે । ઝૂલવો અજાણ્યે હાંડે ।
 ડાઘવો હારમેલકે । બાંકે નૈસે ॥
 નાહો નોખે રથામકા તબ્બોમાં દિસે તેમો દિસાએ જા ।
 દિમળે દિ સપા એકામીમાં જીવાણ
 સ્વમીદિ માળે છે બરકે । ફરિ નિમિલે કા-એક સારરેયે ।
 તેવીખયા આમરુ કાળે । રીતો ખાગા ।
 દેખતા આરે આવડે । પેલો ખાળે નવે ન સંપડે ।
 નેસા હીલુ જીજે માકડે । બચામી ॥
 તરંગુ અંગુ સીપડે । નોખુ કુપકરે હાંડે ।
 આસાસાઈ સંખે વસ્તે તેમ પાડે । રાખે જાળે જા ॥
 પૈસા ઓળખાઈના વારા । નોખે ને સમોર કી પાઈમોરત
 તેમો સ્થિતિ નાહે નરુવરા । ફરે યથા

રારદાગમોના વારા । જોસા કરુ ક્રેડી અસારા
 જા ઉદ્યોગારાએ ઓધારા । બાંકુ મરો
 નાના ઉપોદુ યોગ રમેવો । જુરે સ્વમરોએ માના યોગો
 લેખોતીતિધારેના વારો । તરોતે તેમ

હો પાણે હોયો અસો નરિ । જોસા ને કોઈલયા લીહિરા ।
 અપુષા ડગલેલ કસરા । અરોબયા ।
 નાતરો અટલેય અંગે । નિજાએએ જાતેલેલે ।
 નિહરે જા નમીંગમ । ઘટામાલી ॥
 નાના રૂધન કરોઆ વાહે પરતે અપખાપેયા
 તેસે આપુ ધનંજય । નિરુદ્ધા
 નિમે આપુમાં આપી ખરખે । અરુ નિજાએ કુકુકુદેરખે ।
 અહે તેયા હોમરેરખે । અકુલે પે ।
 જા નતેસી જમા મિલે । ગાન ગાનવિદિ હોયે ।
 ગાન ગાળી અરતે રવોલે । વાલિયા મિલે ।

૩૦૧-આપુરું રાજગણે ૨૫૭૫૬

જો સાં જાણેલાં મેરજાંજુ । રહે રાજગણે । ને જાણે
તે સાં જાણે જાણે સજુ । આજાંજાણે ॥

મંદ્રગાંજાંજાં જાણે । ને દિસે જાણે અંગે આજાંજાણે
તે સાં અજાણે આજાંજાણે જાણે ॥

૨૨૬ આજાંજાણે રાજગણે ૩૨૮

જો સાં સર્જાંજાંજાં રાજગણે । રાજગણે જાણે જાણે
તે સાં જાણે આજાંજાણે સર્જાંજાંજાં । જાણે જાણે ॥

